

70/2 No. 12798

Ex libris

Jorgisii Sedemajr Cancell. Lib.

5 J.

BIBLIOTHECA

MONASTERII STI MICHAELIS ARCH.

ET OMN. S.S. ANGELORUM,

APUD BELMONT

PROPE HEREFORDIAM.

12798

CONCILIA
GERMANIÆ,

QUÆ

CELSISSIMI PRINCIPIS
JOANNIS MAURITII,
ARCHI-EPISCOPI PRAGENSIS

SUMPTU

CL. JOANNES FRIDERICUS SCHANNAT

MAGNA EX PARTE PRIMUM COLLEGIT,

ad Canon. DEIN *Neustift*

P. JOSEPHUS HARTZHEIM S. J.

EJUSDEM CELSISSIMI IMPENSIS

PLURIMUM AUXIT, CONTINUAVIT,

NOTIS, DIGRESSIONIBUS CRITICIS, CHARTA,
ET PRÆFATIONE CHOROGRAPHICIS

Josephus ILLUSTRAVIT.

Abbas
TOMUS II.

AB ANNO DCCCXVI. AD M. ÆRÆ CHRISTIANÆ.



COLONIÆ AUGUSTÆ AGRIPPINENSIIUM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.

ANNO MDCCLX.

CUM PERMISSU SUPERIORUM.

CONCILIA

GERMANICA

QUE

CESSANT PRINCIPIS

JOANNIS MAURITII

ABCHIEPISCOPI BRAGENSIS

EDICTUM

CL. JOANNIS FRIDERICI SCHULTZII

MAJNA ET PASTE PRINCIPIS

et Canon. *Jo. Schultze*

P. JOSEPHUS HARTHEIM

PRINCIPIS BRAGENSIS

PLURIMUM HONORIS

NOTIS DISCRETIONIBUS

ET PASTORALIS

Jo. Schultze *Jo. Hartheim*

AT ANNO DOMINI 1717



COLONIE MUSEUM AGRI-PHYSICUM
TYP. JOH. WILHELM. DE GRAM. ET NIPHO
CHRISTIAN. KRONIS, THEOLOGUS
ANNO MDCCCLX
CUM PERMISSU SUPERIORUM

REVERENDISSIMO. CELSISSIMO,
DOMINO. DOMINO.

JOANNI.
MAURITIO.
GUSTAVO.

DEI. GRATIA. ARCHI-
EPISCOPO. PRAGENSI.

SEDIS. APOSTOLICÆ. LEGATO. NATO.

S. ROMANI IMPERII PRINCIPI.

COMITI. DE. MANDERSCHIED-
BLANCKENHEIM.

E T.

GEROLDSTEIN.

LIBERO. BARONI. IN. JUNCKERATH.

DOMINO. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ.

HUNGARIÆ. ET. BOHEMIÆ. REGIÆ. MAJESTATIS.

CONSILIARIO. INTIMO. ACTUALI.

INCLYTI. REGNI. BOHEMIÆ. PRIMATI.

ECCLESiarUM. METROPOLITANÆ. COLONIENSIS. ET.

CATHEDRALIS. ARGENTINENSIS. RESPECTIVE.

PRÆPOSITO. SENIORI. AC. THESAURARIO.

ILLUSTRIS. ECCLESIAE. COLLEGIATÆ. AD. S. GEREONEM.

PARITER. PRÆPOSITO.


NEC. NON. UNIVERSITATUM. COLONIENSIS. ET. CAROLO-FERDINANDÆ. PRAGENSIS.

CANCELLARIO. PERPETUO. ET. PROTECTORI. &c. &c.

TOMUM SECUNDUM D. D. C.

Servus deditissimus

JOSEPHUS HARTZHEIM S. J.




FACULTAS REV. P. PROVINCIALIS
CUM PRIVILEGIO CÆSAREO.



Um VIDUA JOANNIS WILHELMI KRAKAMP , & Hæredes
CHRISTIANI SIMONIS , Bibliopolæ Colonienſes , typis
vulgare deſiderent Tomum ſecundum *CONCI-
LIORUM GERMANIÆ*, à P. *Joſepho Hartz-
heim*, *Societatis noſtræ Sacerdote*, elucubratum :

Ego inſcriptus, ejusdem Societatis in Provincia Rheni Inferioris Præpoſitus
Provincialis , poteſtate ad id mihi facta ab Adm. Rev. P. N. LAURENTIO
RICCI , univerſæ Societatis JESU Præpoſito Generali , liſdem ad primam
hanc duntaxat prædicti Tomi editionem facultatem impertio ; ſimulque com-
munico Privilegium Cæſareum , quo aliis Bibliopolis atque Typographis pro-
hibetur , ne dictum Librum citra conſenſum Superiorum recudere , aut intra
fines S. R. Imperii inferre præſumant. In cujus rei fidem has iis manu pro-
pria ſubſcriptas , ac conſueto officii Sigillo munitas dedi. Colonia 7. Januarii
1760.



HIERONYMUS DE WYMAR S. J.

INDEX CHRONOLOGICUS PRIMI MILLENARII CONCILIORUM GERMANIÆ, CUM NUMERO CANONUM, ET EPITOME ACTORUM IN CONCILIIS.

CONCILIA TOMI I.

Anno
Christi

SÆCULUM IV.

Pagina

358. IN GERMANIA LOCO INCERTO *Concilium I.* Episcoporum Germaniæ primæ & secundæ, & aliorum, ad quos confessio Arianorum Sirmienfis Concilii missa fuit anno 357, quam illi Patres damnarunt, & de hac sua damnatione scripserunt S. Hilario Pictaviensi Episcopo in Phrygia exulanti, & Arianis Episcopis.
386. TREVERENSE Concilium I. Episcoporum, qui Ithacium accusatorem Priscilliani ad communionem admiserunt.
386. TREVERENSE Concilium II. in quo Felix Episcopus ordinatus fuit, præsentē S. Martino.

I

5

5

Digressio de Synodis, quibus Germaniæ Episcopi extra Germaniam Sæculo IV. intervenerunt.

7

Cur Sæculo V. nulla in Germania Synodus celebrata fuerit?

9

SÆCULUM VI.

517. Concilium EPAONENSE in Vallis in regno Burgundiæ: XXV. episc. Canones XL. Tom. II.
520. Synodus TORNACENSIS sub Eleuthero episcopo. Dogma de Trinitate instauratum.
550. TULLENSE Concilium I. præside Nicetio Metropolitæ Treverico. Excommunicantur Franci ob incestas nuptias.
- Excusatoria Epistola Mappinii Remensis ob absentiam.
550. METENSIS Synodus I. in causâ eligendi episcopi Arvernensis.
566. TREVERENSE III. Concilium. S. Goaris accusatio. Rustici episcopi & Judicis, publica suffusio.
590. METENSE Concilium II. Ægidii Remensis episc. depositio: Monialium Pictaviensium antea excommunicatarum restitutio.
593. GREGORII I. Papæ Epistola ad Theodericum & Theodebertum Reges Franciæ & Austrasiæ: 1. Contra ordinationes Simoniacas. 2. Tributa a prædiis ecclesiæ non exigenda. 3. Ne ex laicis repente fiant episcopi. 4. Synodi ad hæc emendanda celebrentur. 5. Judæi ne habeant Christiana mancipia.

679

9

13

13

14

15

17

19

Digressio de Conciliis Sæculi VI. extra Germaniam, quibus nostrates Episcopi interfuerunt.

21

SÆCULUM VII.

616. CONSTANTIENSE I. Concilium, in quo S. Gallus eligitur Episcopus, sed excusat se, & Joannem Diaconum eligendum designat.
626. Conventus Episcoporum & Procerum MOGUNTIÆ I. in quo Dago-
bertus Rex dat Amando Wurceburgensi episcopo Laudenburgum,

24

25

Tomus II. Concil. German.

A

644.

644. In LOCO INCERTO Conventus Sigeberti III. Regis Austrasie, & episcoporum, in quo Rex fundat & dotat Monasterium Casaeconguedinense in Dicecesi Trevir. 26
649. MARTINI Pp. I. Epistola ad Amandum Trajectensem episcopum, cui mittit acta Synodi Romanæ anno 649. contra Monothelitas, cum encyclica, petens, ut in Synodo congreganda legantur, & Synodus hæc Romam mittatur. Rogat, ne abdicet episcopatum ob duritiam populi. 28
664. TREVERENSE IV. Concilium sub Numeriano, cum variis episcopis confirmante ea, quæ donata sunt Monasterio S. Deodati. T. II. p. 686

Digressio de Legibus Ecclesiasticis Seculi VII.

30

SÆCULUM VIII.

708. TUNGRENSIS Synodus I. sub Sancto Huberto Episcopo, consultante de transferendo corpore S. Lamberti Trajecto Leodium. 31
709. TUNGRENSIS II. Synodus, de Cathedra Episcopali Tungris transferenda Leodium. 32
710. LEODIENSIS I. sub S. Huberto. Canones X. 32
726. LEODIENSIS II. contra impugnatores Imaginum. 33
726. GREGORII II. Pp. Capitulare ad varias quæstiones canonicas a S. Bonifacio propositas. Continet cap. XII. 33
726. *Vel prius*, ejusdem GREGORII II. capitulare, datum Martiniano Archiepiscopo, & Georgio Presbytero, in Bavariam ablegatis, capitula XIII. habet. 35
731. GREGORII III. responsoria canonica ad Bonifacium Episcopum Regionarium. 38
- §. 1. Mittit ei Pallium Archiepiscopale. §. 2. Potestatem dat, novos Episcopatus instituendi. §. 3. De Presbyteris corrigendis, qui se Romæ absoluturos esse narrabant. Demum interrogationibus respondet IX. capitulis.
740. Ejusdem hortatoria ad varios Germanicæ Episcopos, ut ad Synodum a Bonifacio indictam accedant. 39
740. Ejusdem ad eundem, collaudat institutos Episcopatus in Bajovaria: hortatur ad prosequendam doctrinam, & ad Synodos celebrandas. 40
740. In Bavaria LOCO INCERTO Concilium sub S. Bonifacio. Coordinatio novorum Episcopatum. 42
741. BONIFACII Epistola ad Zachariam Pp. cui gratulatur aditam Petri sedem. 2. Petit prorogari sibi Apostolicam legationem. 3. Confirmari tres in Francia, I. in Thuringia, institutos Episcopatus, & Synodos celebrandas: 4. Cupit varia doceri. 42
742. ZACHARIÆ Pp. Epist. ad Bonifacium, responsoria ad præcedentem. 45
742. Concilium Germanicum LOCI INCERTI nationale, sub Carolomanno Duce Francorum. Canones VII. statuti. 48
743. LIPTINENSE in Dicecesi Cameracensi Concilium nationale. Canones quatuor. 50
- Abrenuntiatio Diaboli, & Indiculus superstitionum. 51
- Allocutio triplex Sacerdotum ad plebem de conjugii illicitis, & sabbato. 52
744. Capitulare in LOCO INCERTO Germaniæ, sub Bonifacio Legato Papæ. capp. XXV. 54
744. SUESSIONENSE I. Concilium a Bonifacio, & episcopis Franciæ & Germaniæ celebratum. Canones X. Anno II. Childerici II. Regis, sub Duce Francorum Pippino. 57
744. ZACHARIÆ Pp. Epist. ad Bonifacium, de non iterando Baptismo ob formam imperite pronuntiatam. 59

CONCILIOR. GERMAN. TOMO I.

III

Anno Christi

745. Concilium ROMANUM, confirmans acta Synodica Bonifacii.	Pag. 60
Deneardus Legatus Bonifacii recipitur, auditur.	61
Epistola Bonifacii ad Papam recitatur in Concilio.	
Adelberti hæretici epistola legitur.	63
Oratio Adelberti legitur: facta ejus enarrantur: omnia damnantur.	64
Subscriptiones Papæ & episcoporum.	65
Gemmuli, Diaconi Romani, Epistola ad Bonifacium, mittentis Acta Romanæ Synodi.	66
745. Synodalis Conventus LOCI INCERTI in Germania, in qua professio fidei, & VII. canones de disciplina.	67
745. ZACHARIÆ Pp. Epistola ad Francos & Gallos, collaudantis statuta in Synodis.	68
745. ZACHARIÆ canonica ad Bonifacium, tria statuta.	69
745. Synodus in Francorum Provincia, LOCO INCERTO.	72
I. Adelbertus & Clemens hæretici denuo damnati.	
II. Gewilliebus Moguntinus Archiep. deponitur.	
745. Statuta XXXIII. BONIFACII, in hujus, aut alterius anni Synodo promulgata.	73
747. ZACHARIÆ ad Bonifacium epistola, de Capitulis, ad Pippinum missis, in Synodo recitandis, & de Hæreticis denuo discutiendis.	75
747. ZACHARIÆ Pp. Capitula XXVII. Pippino Duci Francorum missa.	76
748. ZACHARIÆ Pp. Epistola, ad Bonifacii varias literas per Burchardum Legatum Romam missas, responsoria canonica.	83
§. 1. De forma & Ministro Baptismi. 2. De variis episcopis & clericis vitandis. 3. De Sampsonis Scoti hæresi circa Baptismum. 4. Volumen Bonifacii de unitate fidei laudatur. 5. Concilii ipse præfideat. 6. De errore Virgilii circa alium mundum. 7. De Metropoli non Colonia, sed Moguntia figenda. 8. Permittit Bonifacio electionem Successoris.	
751. ZACHARIÆ Papæ Canonica Epistola ad Bonifacium. Ad ejus XVII. quaestiones totidem responsa mittit.	87
748. In VILLA DURIA I. Conventus sub Pippino & Proceribus, de Ecclesiarum restauratione & causis pauperum corrigendis.	90
752. In AUSTRASIA loco incerto Synodus. Dispensatum cum monachis Fulda super usu vini propter ægros.	90
752. BONIFACII Archiepisc. Epistola ad Stephanum II. Pp. Petit prorogari sibi Legationem sedis Apostolicæ.	91
752. BONIFACII Epist. ad Stephanum II., qua Ultrajectinam ecclesiam petit subjici immediate sedi Apostolicæ.	92
752. MOGUNTINUM Concilium II. Ordinatio Lulli, successoris S. Bonifacii. Confirmatio aliorum Episcoporum, & Abbatum a S. Bonifacio constitutorum.	93
753. METENSE Concilium III. capitul. VIII.	94
759. CONSTANTIENSE Concilium II. in qua S. Othmarus Abbas calumniis obrutus, incarceratur.	95
762. CHRODEGANI Metensis Episcopi, regula Canonicorum. capp. LXXXVI.	96
764. WORMATIENSIS Conventus I. Legati Papæ ad Tassilonem retardati.	123
§. 2. Disputatio inter Legatos Papæ, & Legatos Constantini Imperatoris de observatione fidei Orthodoxæ.	
§. 3. Pippini Legati ad Papam de gesti negotii serie.	
§. 4. Cella S. Goaris assuero Prumiensi Abbati commendatur.	
768. In CELLAS. GOARIS conventus ob dedicationem novæ Basilicæ ibidem.	124

<i>Anno Christi</i>		<i>Pag.</i>
769.	RATISBONÆ I. Concilium. Chorepiscopis interdicitur functionibus Episcopalibus.	125
769.	In GERMANIA loco incerto Caroli Magni Capitulare primum. capp. XVIII.	125
772.	WORMATIÆ II. Conventus de rebus Ecclesiasticis. De Saxonibus ad fidem convertendis consultatio.	128
772.	Apud DINGOLVINGAM I. in Bavaria Concilium. canones IX. Collaudatio Episcoporum de suffragiis pro defunctis fratribus.	128 130
772.	Codex canonum Ecclesiæ antiquissimus, ab Hadriano I. Regi Carolo pro Ecclesiis regni sui datus, collatus cum tribus cœvis codicibus Ecclesiæ Metropolitane Colonienfis: notatis variantibus lectionibus.	131
	Canones Apostolorum L.	131
	Anni 318. Canones XX. Nicæni I. Concilii, cum professione fidei, & subscriptionibus episcoporum.	136
	Anni 314. Canones XXIV. Ancyрани Concilii, cum subscriptis Episcopis.	146
	Anni 314. Canones XIV. neocæsariensis Concilii, cum subscriptionibus episc.	149
	Anni 324. Canones XX. Gangrensis Concilii, cum præfatione & subscriptionibus episc.	152
	Anni 341. canones XXV. Antiocheni Concilii, cum XXX. subscriptis episcopis.	155
	Anni 363. canones LIX. Concilii apud Laodiceam Phrygiæ.	161
	Anni 381. Constantinopolitani I. œcumenici Concilii canones III. Expositio fidei CL. Ss. Patrum ibi congregatorum.	166 167
	Nomina subscriptorum Patrum.	168
	Anni 467. Ephefina I. Concilii CC. Episcoporum, præfide Cyrillo, professio. Statuta XII. contra hæresin Nestorii.	170
	Anni 451. Chalcedonenfis IV. œcumenici Concilii canones XXVII. Constitutio & Fides ejusdem Concilii.	175 180
	Subscriptiones Episcoporum DCXXX. quæ supersunt.	182
	Anni 347. Sardicense Concilium magno Nicæno confectarium. Canones XXI. Subscriptiones Episcoporum, quæ supersunt ex CXXI. præsentibus.	188
	Anni 419. Concilium VI. apud Carthaginem, ex hoc & antegressis supersunt Canones XXXII. in codice Dionysiano cum præfatione & professione fidei præviis.	195
	Africanæ Provinciæ canones CV. collecti ex variis Conciliis ab anno 393. ad 419. in codice Dionysiano, donato Carolo Magno.	205
774.	In VILLA DURIA II. conventus. Gemina donatio facta Fulrado, Abbati S. Dionysii.	235
775.	In VILLA DURIA III. Synodus, in qua judicio crucis Placitium Monasterium adversus Herchenradum parisiinum episc., Monasterio San-Dionysiano adjudicatur.	236
776.	WORMATIÆ III. Synodus. Decretum de Saxonibus rebellibus, celebritate armorum obruendis.	237
777.	Concilium I. PADERBORNENSE, ubi Saxones baptizati Regi se dedunt. Fulrado Abbati privilegium Salonæ confirmat Carolus Rex, contra episcopum Metensem.	238
779.	DURIENSIS IV. Synodus. Habet cap. XXIV. de personis & bonis ecclesiæ. Decretæ preces ab episcopis pro Rege & exercitu. Donatio Regia facta Fulrado Abbati S. Dionysii.	239 241 242

CONCILIOR. GERMAN. TOMI I.

V

Anno Christi.

Pag.

780. PADERBORNENSE II. Concilium.
§. 1. Controversia de cella S. Goaris inter Archiep. Treverensem, & Abbatem Prumiensem, definita pro Abbate.
§. 2. Wigtrudis, nobilissima Saxo, cum filio Meinulpho fuscipitur in Regiam tutelam.
§. 3. Ecclesiarum loca designata in Saxonia.
§. 4. Willibaldus in Wigmodiam mittitur præco Evangelii.
781. WORMATIÆ IV. Conventus. Tassilo Dux Carolo regi reconciliatur. Episcopis concessa missio a militia. 243
782. COLONIENSIS I. Synodus, in qua Saxones, excepto Wido chindo, & alii populi, & Nuntii ad Regem venerunt. 244
782. PADERBORNENSIS III. seu ad fontes Lippiæ, ubi egit Carolus cum Episcopis de episcopatibus per Saxoniam instituendis, dividendis, dotandis. 245
785. PADERBORNENSIS IV. Synodus ad fontem Paderæ: ejurata ibi omnis societas belli cum Witechindo, & rebellium capitibus. Westfali & Angarii, novo fidei Sacramento dicto, transferunt in Imperium Francorum. 245
785. ATTINJACENSIS I. Conventus, in quo Witechindus Saxonum, & Albio Transalbinorum Duces baptizati fuere, uti & Geva, Sigefridi Danorum Regis filia, patris rege & regina Francorum. 246
785. HADRIANI Papæ Epistola ad Carolum, de Saxonibus victis & baptizatis: orationes eo fine factæ & faciendæ.
Ejusdem ad CAROLUM regem, de modo Saxones, ad paganismum relapsos, reconciliandi Deo & Ecclesiæ. 247
785. HADRIANI Papæ Capitula LXXX. Angilramo Metensi data. 248
786. WORMATIÆ V. Synodus. Decretus exercitus, mittendus in Brittones rebelles, & alius contra Orientales Francos, & pænæ dictatæ. 249
787. WORMATIENSIS VI. Conventus.
Carolus constituit Willehadum Episcopum Wigmodiæ, & confinium populorum.
Legatio ad Tassilonem Baviaræ Ducem missa, hujus exercitus cæditur. Tassilo se dedit Carolo victori. 258
788. Diploma Caroli Magni in palatio Nemetensi, pro BREMENSI Ecclesia dotanda, Willehado consecrando. 259
788. Encyclica CAROLI MAGNI ad Baugulfum Abbatem Fuldensensem pro Scholis per singula episcopia & monasteria instituendis. 759
788. In INGELHEIM I. Synodus. Decretoria Caroli sententia in Tassilonem. 261
789. AQUISGRANENSE I. Capitulare Caroli M. capitul. LXXXII. De personis & rebus ecclesiasticis.
Ibidem capitula, quæ ad Monachos pertinent, XVI. Item alia capitula, de diversis partim ecclesiasticis, partim politicis, XXI. 262
790. WORMATIÆ VI. Conventus. Legatio Hunnorum audita & expedita. Dispositio utilium in regno. 263
792. RATISBONENSE II. Concilium, de hæresi Felicis Orgellitani. 285
794. Concilium FRANCOFORDIENSE I. nationale. 287
1. HADRIANI Pp. epistola ad episcopos Hispaniæ, contra Elipandum Toleranum episcopum. 288
2. Libellus episcoporum Italiæ, decreto hujus Concilii missus ad episcopos Hispaniæ. 295
3. Synodica Concilii, scripta ab episcopis Galliæ & Germaniæ ad Præsules Hispaniæ. 304

Anno Christi.

	<i>Pag.</i>
4. CAROLI MAGNI epistola ad Elipandum, in qua trium superiorum fit mentio.	316
5. Admonitio Surii & Sirmondi ad canonem II. hujus Concilii.	322
6. Canones LVI. hujus Concilii.	323
7. Epistola PAULINI aquilegiensis, in hoc Concilio scripta.	329
8. CAROLI Regis donatio, facta Monasterio Caunensi in ead. Synodo.	331
797. AQUISGRANI in generali Conventu episcoporum & Optimatum II. Capitulare Saxonum, constat capitibus XI.	332
798. RATISBONENSE III. Concilium, de fundata cathedra hujus ecclesiæ.	335
799. AQUISGRANENSE III. Concilium, contra Felicem Urgellitanum. Hujus demum professio fidei.	
799. In RISBACH I. Bavariz Synodus. Canones II. ex reginone superstites.	692
	<i>In Supplemento Tomo II.</i>
799. Capitulare CAROLI de Presbyteris criminosis.	341
Fragmentum epistolæ Carolinæ ad Leonem.	341
Capitula data post reditum legatorum Caroli a Sede apostolica. De Chorepiscopis canones V.	341

Digressio ad Sæculum VIII.

§. 1. Synodi extra Germaniam celebratæ in causa Ecclesiarum nostratum.	342
§. 2. De numero Synodorum S. Bonifacii.	343
§. 3. 4. 5. Sententia nostra diversa a Pagi & Mansi.	
§. 6. Concilium supposititium anni 748. contra Cl. Eckhartum.	346
§. 7. De progressu scientiæ Canonice domi nostræ.	347
§. 8. De Codice veteris Juris Canonici, dati Carolo Magn. ab Hadriano Papa.	349
§. 9. De Capitulis Angilramni.	349
§. 10. De Synodo Lateranensi anno 774.	350
§. 11. De auctoritate Principum in Conciliis? quo sensu ea convocaverint?	
<i>An jus in sacra sibi attribuerint?</i>	<i>ibid.</i>
<i>An omnia Capitularia Francorum facta fuerint in Conciliis?</i>	
<i>Quanta sit singulorum auctoritas?</i>	354
§. 12. De dissidio inter PP. Concilii secundi Nicæni anno 787., & PP. Concilii Francofordiensis anno 794.	353
§. 13. Numerus Conciliorum contra hæresin Felicis Urgellitani.	355

SÆCULUM IX.

800. Edictum CAROLI Regis de honore & adjutorio, episcopis præstando a Comitibus & aliis Judicibus.	355
800. Concilium MOGUNTINUM III. cujus acta perierunt.	356
800. Capitulum CAROLI magn. de honoranda Sede Apostolica.	356
801. CAROLI magn. indictum jejunium pro publica necessitate.	357
801. Epistola CAROLI Imp. ad Ghaerbaldum Episc. Leodiensem, de cura docendi populi, antequam ad baptismum admittantur.	358
801. GHAERBALDI leodiensis episcopi epistola ad Presbyteros suæ Dioceseos.	359
801. GHAERBALDI Episcop. Instructio pastoralis ad gregem suum.	360
802. Antiquum Capitulare CAROLI m. per Missos promulgatum. capp. VII.	362
802. Apud AQUIS IV. Synodus, pro justitia pauperibus administranda. Statuit Carolus judicibus a rege missis adjungere Episcopos & Abbates, judiciis interfuturos.	363
802. Capitula XLI. Missis Dominicis data, anno II. Imperii.	365
803. WORMATIÆ VII. Synodus. de immunitate Sacerdotum a bello, capp. v.	372
De purgatione Sacerdotum capp. IV.	375

CONCILIOR. GERMAN. TOMI I.

VII

Anno Christi.

Pag.

803. AQUISGRANENSIS v. Synodus, selectio canonum pro episcopis, & Presbyteris. Regulæ S. Benedicti inculcatio. Psalmodiæ romanæ commendatio pro omnibus in regno Caroli. Scholæ cantorum constituendæ in omnibus monasteriis. 377
803. RATISBONENSIS iv. Synodus de Chorepiscopis. *In Suppl. Tom. II.* 692
803. Regularia decreta a Synodo in Francia incerto loco sub Carolo celebrata, per Simperthum episcopum augustanum patefacta. capp. xxii. 378
804. Conventus I. in SALTZ. Canones VIII. 383
Admonitio ad presbyteros, capitula xii. 384
804. Concilium TEGERNSEENSE in dicecesi Frisingensi. 384
De lite monasterii Tegenstæ cum suo episcopo. 384
804. Conventus in SALTZ. Pax perfecta Carolum inter & Saxones domitos. Decimæ sacerdotibus pendendæ. 386
804. AQUISGRANI, præceptum Caroli de scholis græcis & latinis Osnabrugæ. 387
805. Ad THEODONIS VILLAM I. Capitulare Dominicum capp. xvi. 388
Ibid. de honore episcoporum, & reliquorum sacerdotum.
807. SALISBURGENSE Provinciale Concilium, de distributione bonorum ecclesiasticorum. 389
807. In INGELHEIM II. Conventus. Carolus mandat episcopis, & Comitibus, ut iustitias faciant in regno suo. 390
Cambium bonorum inter Agilwardum Wurceburgi episcopum, & Audulfum Comitem, ab imp. confirmatum.
809. AQUISGRANI VI. Concilium, de processione Spiritus S. a Patre, Filioque. 309
Epistola Caroli magn. ex Concilio hoc scripta ad Leonem III. Pp. Ratio habita de Symbolo fidei inter Papam & Legatos Caroli. 394
809. FRISINGENSIS Synodus IV. sub Attone episc. acceptante traditionem Engilperti Clerici ad ecclesiam Cathedralē. *In Suppl. Tom. II.* 694
811. CAROLI imp. capitulare interrogandorum pro communi utilitate. 397
Brevis Capitulorum XIII. quibus fideles episcopos & Abbates alloqui, & commonere vult Carolus. 398
Epistola Generalis CAROLI imp. ad arciepiscopos Regni Francorum. 399
810. RATISBONÆ V. Synodus sub Arnone Archiep. Salisburgi. Hroculfi donatio semel revocata nunc restituitur. *In Suppl. Tom. II.* 694
811. CAROLUS imp. controversiam finium regundorum inter Aquilegiensem & Salisburgensem ecclesiam dirimit. 400
812. AQUISGRANENSIS VII. Synodus. monasterii Fuldenfis pax restauratur. 401
Libellus monachorum Fuldensium imp. oblatus postulatorum, XX. 402
813. MOGUNTINUM IV. Conc. sub Carolo magn. & omnibus germaniæ archi-episcopis & episcopis. 404
Habet Præfationem luculentam. Canones LV. 405
813. Post quatuor Concilia in toto imperio celebrata, Carolus capitula xxviii. excerpta, ubique servanda præscripsit. 413
Item adhuc capitula IV. & V.
813. Capitulare incertum Caroli imp. constat capitulis xiv. 418
813. Capitulare xxviii. Caroli, anni & loci incerti, ex divinis scripturis, quæ electi Sacerdotes custodienda, atque implenda censuerunt. 420
813. Capitula xx. sub Carolo M. anni & loci incerti. 422
813. Capitula xiii. sub Carolo M. anni & loci incerti. 424
Capitulare xxxiv. capitulum sub Carolo M. Rege. 425
814. Ad Concilium TREVERENSE offert se Frotharius, Tullensis episc. suo Metropolitæ Herti Treverorum Archi-episcopo. 429

- Anno Christi.* *Pag.*
 815. Concilium PADERBORNENSE V. Fundatio Corbejæ Saxonica. 430
 815. FRISINGENSIS Synodus. Cundharti Comitis donatio per viduam ratificata acceptatur. *In Suppl. Tom. II.* 695
 816. AQUISGRANENSE VIII. Concilium : in quo conditur regula Canonico-
 rum. Capitibus 145. constans, Liber I. Præfatio prolixa in laudem
 Caroli Imp. Episcopi & Abbates cccclxiii. interfuisse scribuntur. 430
 Ejusdem Synodi Liber II. De institutione sanctimonialium: capp. xxviii. 514
 HLUDOVICI Imp. Epistola ad Arnorem Saltzburgi Archi-episcopum.
 De confirmata in Synodo regula Canonico- & Sanctimonialium.
 917. LUDOVICI Imp. Capitulare Aquisgranense ix. in conventu Episcoporum,
 Abbatum, & Comitum, complectens Capitula xxix. proprie ad Epi-
 scopos & Ordines quoque Ecclesiasticos pertinentia. 542

Finis Tomi I. editi 1758. mense Novembri.

CONCILIA TOMI II.

- 815 Synodus FRISINGENSIS V, qua Hitto episcopus acceptat donationem
 Cundharti Comitis. *In Suppl. pag.* 695
 817. Concilium AQUISGRANENSE XI. sub Ludovico Pio episcopis & Ab-
 batibus. Conduntur capitula 80. pro regula monachorum. I
 817. Synodus FRISINGENSIS VI. publica sub Hittone, acceptante donationes
 duas, factas ecclesiæ Cathedrali : Item restitutionem ablaturum eidem
 ecclesiæ. *pag. 7.* Alia VII. ejusdem anni. *In Suppl.* 696
 818. FRISINGENSIS VIII. Synodus sub Hittone episcopo, acceptante oblatio-
 nes factas ecclesiæ. 8
 818 AQUISGRANENSE Concilium XII. Puniuntur rebelles Clerici & Laici
 judicio imp. & episcoporum. 10
 818. ULMÆ Concilium , in quo monachis S. Galli, contra Wolfleon episc.
 Constantiæ, Ludovicus imp. confirmat privilegia. 10
 819. Conventus publicus AQUISGRANI. Coram Ludovico ad honorem
 sanctæ Dei ecclesiæ cap. 29. conduntur, danda episcopis, Abbatibus, Co-
 mitibus, & omnibus missis Dominicis. II
 Hetti Treverensis archiep. epistola ad Frotharium Tullensem episcopum,
 de obtemperacione mandatis regis debita. 15
 819. Synodus FRISINGENSIS IX. magna & universalis , in qua Hitto epi-
 scopus acceptat Parmoini donationes factas ecclesiæ S. Mariæ. 16
 820. AHYTONIS, Basileensis episcopi capitulare capitulum xxv. 17
 820. FRISINGENSIS X. Synodus. Alhoarti Presbyteri donationem olim fa-
 ctam, nunc restitutam acceptat Hitto episcopus. 21
 821. FRISINGENSIS XI. Synodus. Hartpaldi donationes factas, acceptat
 Hitto episc. 21
 821. In THEODONIS VILLA III. Conventus. Ludovicus Imp. restituit re-
 belles Clericos & Laicos. 22
 822. TRIBURIENSE Capitulare. Petitio episcoporum xxxii. contra calum-
 niatores & persecutores episcoporum, & Presbyterorum. Decretum imp.
 ad hanc petitionem. 23
 822. FRISINGENSIS XII. Synodus. Oadalpaldi & Minigonis Presbyterorum
 dona olim facta, reiterata confirmat Synodos. 25
 822. Conventus ATTINIACENSIS III. imp. & episcoporum. Pœnitentia
 publica imp. ob pœnas in nepotes & fratres : reconciliatio ejusdem cum
 Agnatis : horum restitutio. 26

CONCILIOR. GERMAN. TOMI II.

IX

Anno Christi.

Page

823. Capitulare 28. capitum, ad Missos Dominicos, episcopos, & Comites. 27
825. AQUISGRANENSE Concilium, de transferendo corpore S. Huberti Leodio Andainum, sub Hadebaldo metropolita Colonienſi, Walcando Leodii episcopo. 34
826. In INGELHEIM Conventus Ludovici imp. duorum Legatorum Papæ, Leonis & Theophylacti. §. 1. Herioldi Daniæ regis & familiæ baptiſmus. §. 2. Miſſio prima S. Anſgarii in Daniam. §. 3. Capitula vii. pro Eccleſia & Sacerdotibus. 35
826. In WALACRIA Synodus S. Friderici Episcopi Ultrajectini. Illicitarum nuptiarum damnatio. 38
827. FRISINGENSIS Synodus in Ehingen. §. 1. Hitto Episcopus acceptat traditionem Wicharii presbyteri. §. 2. Fritilonis presbyteri censum ablatum. 40
828. Ibidem Synodus. Hitto in ea confirmat traditiones Ellanpurgæ & Engilpurgæ. §. 2. Hereditatem Denchilonis acceptat. §. 3. Traditionem Tutonis pro Ecclesia Cathedrali. §. 4. Traditionem hereditatis in Crazzun. 42
828. Capitulare AQUISGRANENSE Ludovici imp. Capitum 27. 42
- Epistola Ludovici commonitoria ad omnes Fideles sanctæ Dei Ecclesiæ. 44
- Ludovici, & Hlotharii Epistola encyclica de Conciliis Episcoporum, in quatuor imperii partibus celebrandis. 52
829. Synodus MOGUNTINA sub Otgario archiep. Vota parentum pueros offerentium quatenus ratificanda? 54
829. Conventus RATISBONENSIS. Ludovicus fines Laureacensis, & Salisburgensis Dioceseon dividit. 56
829. WORMATIENSIS Synodus, in qua Ludovicus Imp. & Legati Apostolici legunt ea, quæ in quatuor Synodis, in quatuor locis Imperii statuta sunt. 55
830. FRISINGENSIS Synodus, in qua Hitto Episcopus acceptat traditionem Innichonis. 56
830. NOVIOMAGI Conventus, in quo decernitur reducenda Imperatrix ad Imp. Ludovicum. 56
831. AQUISGRANI Placitum. Judithæ imperatricis purgatio & absolutio canonica ab Episcopis. 57
- Ansgarii consecratio in Episcopum Hammaburgensem. 57
831. FRISINGENSIS Synodus. Hereditatis Sigefunſi traditio. 58
- Traditio Jacobi proprietatis acceptatur. 59
834. AQUISGRANI Conventus, in quo Ludovicus Imp. Diploma dat de paganis convertendis, & institutio ac dotatio Hammaburgensis Ecclesiæ firmatur. 59
834. Narratio historica factorum in depositione Ludovici Basileæ, Compendii &c. 62
835. In THEODONIS VILLA Synodus a 2. Februarii ad 1. Martii. 63
- Restitutio Ludovici in Imperium. 63
- Ebonis Remensis confessio, & dimissio Episcopatus. 64
- Fulconis Abbatis surrogatio in eam Cathedram. 65
- Flori Diaconi Lugdunensis accusatio Amalarii apud Patres in Theodonis Villa congregatos. 66
836. Conventus AQUISGRANENSIS. Commonitoria ad Pippinum Aquitanix Regem de restituendis rebus, Ecclesiæ ablatis. 73
- Canonum Libri III. 73
- Caput I. De vita Episcoporum. Canones XII. 76
- Cap. II. De doctrina Episcoporum. Canones XII. 78
- De vita & doctrina inferior. ordinum. Canones XV. 80
- Cap. III. De persona Regis, & Filiorum, & Ministrorum ejus. Canones XXV. 83

- Ex eadem Synodo Libri III. ad Pippinum Regem, contra raptore,
aut derentores bonorum Ecclesiasticorum ex Divinis Scripturis com-
monitiones. Lib. I. 94
Lib. II. 106
Lib. III. 118
837. Concilium AQUISGRANENSE, de subjectione Anisolenfis Abbatis,
erga Aldricum Cenomanensem episcopum. 126
Confirmatoria Synodalis sententiæ per Ludovicum Imp. 133
838. NEOMAGENSIS Conventus. Ludovicus Imp. restituit Fuldenfi Mo-
nasterio ablata. Donum facit Monasterio Herivordienfi. 134
838. Synodus in FRISIA, sub Friderico Episc. Ultrajectino. Doctrina vera
de Ss. Trinitate traditur & promulgatur. 135
838. Synodus TULLENSIS. Frotharius episc. confirmat Abbatie S. Apri
Parochiam S. Maximini. 136
839. MORINENSIS Synodus, in qua cœnobium S. Audomari, Bertini Ab-
bati subijcitur. 138
840. In INGELHEIM Concilium. Lotharius Imp. Ebonem restituit Re-
menfi sedi cum consensu multorum Episcoporum. 139
841. In confinio GERMANIÆ & FRANCIÆ Synodus, in qua victoria ad
Fontanetum contra Carolum Calvum obtenta, deciditur esse iudicium
Dei, pro causa Ludovici Germanici, & Caroli Aquitani: Victoribus a
persecutione desistendum. Orandum, & jejunandum pro mortuis ex
utraque parte. 141
842. In loco incerto, ut supra, decernunt Episcopi, Regnum Franciæ inter
Ludovicum Germanicum, & Carolum Calvum heriscundum, excluso
Lothario Imp. 142
843. Synodus FRISINGENSIS, in qua Erchanbertus Episc. acceptat dona-
tionem Baldrici. 143
843. ULMÆ Conventus, in quo Episcopus Constantiensis, & Abbas S. Galli
compromittunt in Regem arbitrum. *In Suppl.* 697
844. SERGII II. P. Epistola ad Episcopos Transalpinos, quæ Drogonem
constituit Vicarium Sedis Apostolicæ: 1. Dat ei potestatem congregandi
Concilia in Germania & Gallia: 2. De Provincialium Synodorum re-
latione Papæ facienda: 3. Potestatem appellantes ad Papam audiendi:
4. Potestatem examinandi Episcopos & Abbates. 144
844. THEODONIS VILLANUM Concilium. Capp. vi. 146
845. Conventus in PATERBRUNNEN, de statu ecclesiarum in Saxonia fir-
mando. 150
Donationes tres regiæ Corbeienfi cœnobio, factæ in hoc Concilio.
843. Concilium TREVERIS indictum, sed Parisios translatum. 151
847. Concilium MOGUNTINUM Provinciale sub rabano Archiep. 151
Præfatio ad Ludovicum Germaniæ regem. 151
Canones XXXI. conditi. 154
Castigatio Thiotæ Pseudo-prophetissæ. 160
Conjunctio episcopatus Hammaburgensis cum Bremenfi ansgario de-
stinata. 161
848. Concilium MOGUNTINUM nationale. Sub rabano III^m
Gotescalci monachi prædestinariani auditio, damnatio, relegatio. 162
Epistola Synodica rabani moguntini ad hincmarum remensem.
Restitutio decimarum Osnabruggenfi ecclesiæ ablatarum. 164
852. Concilium MOGUNTINUM. Sub rabano III^m
Confirmat abbatem cohbertum: dat ei potestatem eligendi advocati.
monasterium sub banno regio constituit. 165
Ludovicus rex donat novæ Corbeie meppiam, & Eresburg, Herifordie
bugimthi, & Hreni. Desinit mansionaticam visitatione episcopo. 167

Anno Christi

Pag.

853. Concilium FRANCOFORDIÆ. 169
857. Concilium MOGUNTINUM sub Carolo. 169
Epitome Ventilatorem de jure ecclesiastico.
Lecta epistola Guntharii Archiepisc. Colonienfis.
857. WORMATIENSE Concilium. Consensus guntharii Colonienfis in conjunctionem Hammaburgi & Bremæ, si Papa consentiat. Legatio Salomonis episc. ad Papam a Rege & Synodo. 169
858. Nicolai I. Papæ Confirmatoria Synodi WORMATIENSIS. Ansgarii & Bremenfis Ecclesiæ exemptio a metropoli Colonienfi. 170
859. Concilium TULLENSE ad Saponarias XII. Provinciarum sub Carolo Calvo. 173
§. 1. Canones XIII.
§. 2. Libellus proclamationis Caroli regis adversus Wenilonem.
§. 3. Epistola Synodalis ad Wenilonem Senonensem Archiepisc.
§. 4. Epistola Synodalis ad episcopos Britonum, qui à metropolitano Turonenfi desciverant.
§. 5. Epistola Synodi ad Brittones excommunicatos.
859. METENSE Concilium contra Ludovicum germaniæ regem, ad quem episcopi cum commonitorio ablegantur. 185
Commonitorium Synodale. 186
859. WORMATIENSIS Synodus, in qua Ludovicus, germaniæ rex, Legatos episcopos excipit, responsum differt: ad Papam causam deferret per Thiotonem abbatem Fuldensem, & absolvitur. 189
859. RABANI, Archiepiscopi moguntini, epistola canonica ad Heribaldum episcopum Antifiodorensem. Continet capp. xxxiv. 190
Ejusdem ad reginoldum episcopum moguntinum responsoria canonica ad V. quæstiones. 212
Ejusdem ad reginbaldum Chorepiscopum responsoria & definitoria. 214
Ejusdem de Chorepiscoporum potestate ad Drogonem metensem episcop. 219
Ejusdem ad Humbertum Wurceburgensem episc. quotâ generatione liceat nubere? 226
895. RABANI Tractatus de consanguineorum nuptiis, & de magorum præstigiis. 228
860. Concilium MOGUNTINUM sub Carolo Archiepisc. 243
Cujus variis quæstionibus romam missis, respondet Nicolaus Papa, epistola XIII. capitibus constante.
860. Concilium AQUISGRANENSE, in quo Teutberga regina accusatur incestus V. Idus Januarii, & ad poenitentiam damnatur. 246
860. Medio Februario Concilium AQUISGRANENSE, in quo iterato examine Teutberga publica poenitentia subjicitur, & a Rege separatur. 247
860. CONFLUENTINÆ Synodus, mense Junio, in quâ arbitrio Episcoporum regna dividuntur, & fœdera jurantur. 249
Capitula ab omnibus servanda XII. 251
860. FRISINGENSIS Synodus. Manonis donatio pro colendis Sanctis in monte S. Stephani. 254
860. Concilium TULLENSE apud Tusiaceum. Canones V. 255
Epistola synodica ad rerum sacrarum pervasores. 258
862. Concilium AQUISGRANENSE, in quo permittitur Lothario divortium a Theutberga, & connubium cum Waldrada. 265
Contestatio Lotharii de sua incontinentia. 268
Episcoporum assensus. 269
862. NICOLAI Pr. a Theutberga provocati literæ ad Radoaldum, & Joannem episcopos, Legatos in Lotharingiam, cognoscendi divortii causâ, commonitorium iisdem Legatis datum. 278

Anno Christi.

	Pag.
862. Ejusdem Epistola ad Lotharium regem, ut Legatos ad Synodum cogendam mittat.	279
Ejusdem ad Carolum Calvum, ut regni sui Episcopos mittat Metas.	280
Ejusdem ad Ludovicum II. Imperatorem. Commendat ei Legatos, ad Synodum in Franciam missos.	281
Ejusdem ad omnes Archi-episcopos per Galliam & Germaniam, ut ad Synodum Metensem accedant, causam Lotharii inquirent.	281
Ejusdem ad omnes reverendissimos Archi-Episcopos Confratres in Concilio Metensi residentes.	862
863. Concilium METENSE, de divortio Lotharii & Theutbergæ, præsentibus Legatis Apostolicis, & solis Episcopis Lotharingæ, mense Junio.	283
863. ADVENTII, Metensis Episcopi, Libellus apologeticus pro Conciliis Aquisgranensibus & Metensi.	284
863. Synodica Episcoporum ex Concilio METENSI ad Papam.	286
863. Synodus ROMANA sub Nicolao I. circa Kalend. Novembris.	287
In qua I. damnatur Conciliabulum Metense anni hujus:	
Theutgaudus & Guntharius ab officio episcopali deponuntur:	
In complices Episcopos comminatio similis, ni resipiscant:	
Ingeltrudis, uxor Bosonis Comitis vaga, iterum excommunicatur.	
Anathema in violatores Apostolicorum Decretorum.	
864. THEUTGAUDI & GUNTII Epistola apologetica, & appellatio.	289
864. Eorundem & aliorum intercessoria pro Rothado Sueffionensi, injuste ab Hincmaro deposito.	291
864. Synodus CONSTANTIENSIS sub Salomone episcopo, elevante corpus S. Othmari.	293
864. Synodus ROMANA II. Excommunicantur Theutgaudus & Guntharius archiepiscopi.	294
864. Narratio summaria gestorum ab arsenio Ortenfi episcopo, legato Papæ, Francofurti, in gundulfi villa, Attiniaci, pro executione Concilii romani anni 863. & pro tollendo divortio Lotharii & Theutbergæ.	295
864. NICOLAI Pp. epistola ad Ludovicum germaniæ, & Carolum Calvum Galliæ reges, episcopos in urbem mittendos fuisse: Lotharium a divortio removendum: Colonia & Cameraci consecrandos episcopos.	296
865. FRANCONI Tungrensi, penitenti, veniam dat Nicolaus Papa.	299
865. ADVENTII metensis, epistola ad Papam, purgatoria & deprecatoria.	233
865. CAROLI CALVI regis, intercessoria pro adventio ad Papam.	303
NICOLAI Papæ absolutoria, adventio missa.	304
867. NICOLAI Papæ ad Hincmarum, & Epp. galliæ epistola narratoria de criminationibus Græcorum contra Occidentales ecclesias, & excitatoria ad omnes episcopos occidentis contra omnes Græcorum.	305
868. Concilium WORMATIENSE. Professio fidei contra primum errorem Græcorum.	307
Canones LXXX. circa disciplinam & penitentiam.	311
Confirmatio monasterii Herifensis.	321
868. LOTHARII regis epistola ad Nicolaum Papam. rogat, ne æmulis credat: paratum se, coram Papa, ad calumnias æmulatorum confutandas.	322
868. NICOLAI Pp. ad Carolum Calvum, Patrum Lotharii, de novis attentatis hujus regis: ut Theutbergam in regnum suum recipiat interim, dum epistolas Pontificias Lothario, & episcopis dirigat.	324
868. TREVERICO in conventu conatur Lotharius, Theutbergam iterum inducere, ut falsi criminis se ream fateatur, & velum sumat.	327
868. Synodus TICINENSIS, hic primum edita, ab Episcopis Ludovici II. Imp. celebrata pro depositis Theutgaudo, & Gunthario archiepisc. restituendis.	327
Epistola Synodica PP. Ticinensium ad Nicolaum I.	331
Epistola Guntharii ad Hincmarum.	332

CONCILIOR. GERMAN. TOMI II.

XIII

Anno Christi.

Pag.

866. NICOLAI Pp. Responsorialia ad Ludovicum Regem Germaniæ, ut desinat intercedere pro depositis. 333
 NICOLAI Pp. Responsorialia ad PP. Synodi Ticinensis. 334
 Eadem est apologetica omnium Actorum a Nicolao in hac divortii causa.
868. NICOLAI Pp. ad Archi-episcopos, & Episcopos in regno Lotharii: 343
 Waldradam jam tertio excommunicatam esse; doceri vult, an & quomodo Lotharius cum Theutberga vivat.
868. ejusdem ad Lotharium Regem, cui refert, quod Theutberga contra se ipsam scripserit. Matrimonium solvi non posse, nisi & ipse cœlebs deinceps vivat. 346
868. Ejusdem ad Theutbergam. Reprehendit ejus impatientiam: conjugium non posse dissolvi, nisi maritus cœlebs dein velit manere. 349
868. Ejusdem ad Ludovicum II. Regem, ut Lotharium ad Theutbergam, Ingeltrudem ad Bosonem redire compellat. 351
868. Ejusdem ad Ludovicum Regem. Reprehendit ejus in præstandis promissis moram. Lotharium Romam non vult venire, nisi Waldradâ dimissâ, Theutbergâ receptâ: Colonia & Treveris legitimos Episcopos ordinandos esse. 352
869. Synodus Diœcesana COLONIENSIS. Electio & consecratio Williberti Archiep. Coloniae. 355
873. Synodus nationalis COLONIÆ. 356
 §. 1. Licentia proprietatis Canonicis a Gunthario indulta, confirmatur.
 §. 2. Electio Prælatorum iisdem conceditur.
 §. 3. Potestas Præpositi in gubernandis personis, & rebus temporalibus.
 §. 4. Licentia testandi.
 §. 5. Dedicatio Ecclesiæ Metropolitane.
 §. 6. Fundatio Essendienfis Cœnobii.
 §. 7. Fundatio & dotatio Gerresheimensis Cœnobii.
873. Conventus Regis & Episcoporum in FRANCONOFURT & MOGUNTIA. Caroli filii obsessi liberatio. 362
873. JOANNES VIII. Pp. Pallium donat Waloni episcopo Metensi. 363
876. Concilium TREVERENSE. De causa & usu Pallii, Suffraganeo donati a Papa. 364
876. JOANNES VIII. invitat Episcopos Germaniæ ad Synodum Trecentensem. 365
880. Synodus GERMANICA loci incerti, in qua Adalgarius Coadjutor Hammaburgi constituitur. In Suppl. 699
887. Concilium COLONIENSE Provinciale, contra raptos rerum Ecclesiæ. Canones VI. 365
888. Concilium MOGUNTINUM sub Arnulpho & Archiepp. Capitula xxv. cum Prælocutione ad Patres Concilii. 368
 Confirmantur a Synodo privilegia Corbeie & Herivordie.
 De subtractis Ecclesiæ Osaabrugensi decimis consultatio. 379
888. Concilium METENSE, de reformandis moribus. Capita IX. 380
890. FORCHEMENSIS Synodus. Confirmat fundationem Herisfensis Cœnobii, & donationes Wicherti Episcopi factas variis Ecclesiis. 383
890. Concilium WORMATIENSE, indictum in causa conjungendæ Bremæ & Hamburgi. 385
892. FRANCOFORDIENSE Concilium, in quo decernitur subjectio aliqua Bremensis Episcopi erga Coloniensem Metropolitam.
 Epistola Formosi Papæ confirmatoria Synodi. 385
 Confirmantur dona facta Herisfordienfi Cœnobio. 387
895. TRIBURIENSE Concilium sub Arnulfo Rege, a XXIII. Episcopis celebratum. Canones LVIII. Epistola præloquatoria Capitulum. 388

Capitula ex Burchardo servata præter priora LVIII.	Pag. 408
898. TREVERENSIS Synodus. Elevatio corporis S. Maximini Archiep.	411
898. AQUISGRANI Synodus, in qua Trajectensis Abbatia Treverico Archiepiscopo restituitur.	412
899. SALTZBURGENSIS Synodus. Wichingi Patavienfis Episc. & Richardi furrogatio.	413
REMEDII, Curienfis Episcopi, Canones XLIX. sæculo nono scripti.	414

Digressio ad Sæculum Nonum.

§. 1. De defectu Conciliorum. tum a Comitibus, tum nobiliorum, à conditis Canonibus.	426
§. 2. Synodi extra Germaniam habitæ, spectantes tamen ad Germaniæ Ecclesias.	427
§. 3. De exitu Synodi Aquisgranensis anni 809.	Ibid.
§. 4. Cur Canonizatio S. Sriberti anno 803. prætermisssa sit?	428
§. 5. Canonistæ Sæculi noni in Germania præcipui.	Ibid.
§. 6. Quot Synodi in causa conjungende Bremæ cum Hamburgo celebratæ, quibus annis? contra Cl. Mansi in Supplementi Conciliorum Tomo I.	430
§. 7. De Gotescalci damnatione in Synodo Moguntina anno 848.	433
§. 8. De Synodis in causa divorcii Lotbarii & Thutbergæ: dissentiente Cl. Mansi.	435

SÆCULUM X.

904. Libellus REGINONIS, de Ecclesiasticis disciplinis, & religione Christiana.	
Inquisitio de his, quæ Episcopus, vel Ministri ejus visitaturi Diocesim inquirant.	à pag. 438. ad 582
Primus Libellus colligit Canones ccccxliii.	438
Secundus continet Canones ccccxlvi.	
903. Synodus FORCHEMENSIS, in qua Adelbertus Comes ob vastatam Wurceburgensem Diocesim multatur a Ludovico III. Imperatore, & Episcopis suis bonis: donantur eidem Ecclesiæ nova bona.	583
903. OTTINGENSIS in Bavaria conventus Ludovici, & Episcoporum. Donatur Monasterio S. Emmerani curtis.	584
906. In HOLTZKIRCHA Baviaræ Conventus. Ludovicus, & Episcopi renovant Ecclesiæ Frisingensi libertatem, eligendi inter se Episcopi.	585
908. FRISINGENSIS Synodus. Dracholfi, Frisingensis Episcopi, & Cuononis Chorepiscopi, mutua complacitatio & traditio.	585
912. HALBERSTADENSIS Synodus, in qua Hatheburg, nupta Henrico Aucupi, quia ante nuptias monasterium ingressa fuerat, & velata, excommunicatur.	586
916. TULLENSIS Synodus, in qua decima Ecclesiæ S. Aprî restituenda deceditur.	587
916. Synodus in ALTHEIM, sub Conrado Reg. Germaniæ, Canones X. ex Burchardo servati, & huc transcripti, ex xxxviii. canonibus factis, superstites.	588
919. Aut post 512. CONSTANTIÆ Synodus una & altera, de Wendelgarta, Henrici Regis filia, ob absentiam mariti velata, sed reduci marito restituta, certis pactis.	591
920. LEODIENSIS Synodus. Eugenii Martyris & Episcopi reliquiæ advectæ & cultæ sub Stephano Tungrensi Episc.	591
920. CAROLI III. Simplicis Epistola ad Episcopos Regni sui contra Hilduinum electum Tungrensem.	593
920. HERMANNI Archiep. Colonienfis Epistola ad Richarium electum Tungrensem.	595
920. JOANNIS PP. Epistola ad Hermannum Colon., qua jubetur Hermannus cum candidatis Tungrenfis Ecclesiæ Romam venire.	596

CONCILIOR. GERMAN. TOMI II.

XV

Anno Christi.

Pag.

921. Conventus Bonnæ, in quo Episcopi utriusque Regis arbitros & sponsores agunt de regno Francorum inter Carolum Simplicem Franciæ Occidentalis, & Henricum Aucupem Franciæ Orientalis & Germaniæ Regem. 597
922. Synodus CONFLUENTINA eorundem Regum, ut supra, Conventus cum VII. Episcopis, Canones V. servati ex octo conditis. 599
927. TREVERENSIS Synodus, in qua liber Sanctionum Ecclesiasticarum a Ruotgero Archiep. Treverensi scriptus, promulgatur & acceptatur. 600
929. Concilium DUISBURGENSE, in causâ Bennonis episc. Metensis excæcati. 600
932. ERFORDIENSE Concilium nationale. Capitula v. servata ex xxviii. 601
932. RATISBONENSIS Synodus. Admonitio mutua episcoporum de omnibus rebus & iustitiis, ad veram & orthodoxam religionem Catholicæ Fidei pertinentibus. Indiæ & condicæ Missæ, Plalteria, elemosinæ pro defunctis episcopis. 602
932. DINGOLVINGENSIS Synodus. Restitutio facta Ecclesiis ab Arnulpho malo, Duce Bajoariæ. 603
937. LEONIS VII. Papæ epistola ad gallos & germanos episcopos, circa disciplinam Cleri. 604
939. LEO VII. scribit gerardo, Laureacensi episcopo, eique Pallium mittit, certis diebus gerendum, speciatim Synodum celebranti. 607
942. BUNNÆ Synodus xxii. episcoporum. Acta perierunt: at memoria superest. 608
944. DUISBURGI Synodus, ubi ruotbertus Treviror., & richardus tungro- rum Episcopi, se purgant apud Ottonem I. contra accusatorem Conradum Lotharingum. 608
Corpus S. Servatii Duisburgum Traiecto advehitur, quo rex flectatur ad vindictam inferendam Immoni Comiti, Ecclesias persequenti.
947. VIRDUNENSE Concilium coram duobus regibus ludovico & Ottone, & plurimis Episcopis. 609
Artaldo sedes remensis adjudicatur contra Hugonem competitorem.
948. MOSOMENSE Concilium. Artaldo iterum addicitur cathedra Remensis. 610
Hugo à Communionem suspenditur usque ad generalem Synodum.
948. INGELHEIMENSE Concilium nationale, mense Januario. In eo Artaldi remensis electio confirmatur, Hugo excommunicatur, præsentem rege, Legato Apostolico marino, & plurimis Episcop. Canones X. sanciuntur. 610
948. ARTALDI Remensis Archiepiscopi Epistola ad Marinum Legatum apostolicum apologetica. 614
948. TREVERENSE Concilium, in quo Hugo denuo excommunicatur, præside marino Legato apostolico. 618
948. AGAPITTI II. Papæ Epistola ad adalgarium Hamburgensem Archiep. in qua conjunctionem cum Bremenfi confirmat. 619
948. COLONIENSIS Synodus, in qua Wicfridus Archiep. ampliat bona Ecclesiæ S. Severini. 621
952. FRANCOFURTENSIS Synodus. Capitula duo, Ottonis regis, & Episcoporum consensu decreta. 621
952. AUGUSTANA Synodus nationalis sub Ottone I. capitula xi. 622
954. In ARNSTADT Thuringiæ oppido conventus. Pax post cladem Hungarorum stabilita. Wilhelmus, Filius Ottonis, moguntinus Archiep. à clero & populo electus. 624
956. FRISINGÆ Synodus. Concambium Lantperti episcopi & Engilscaletti nobilis viri. 624

957. In QUIDLINBURG conventus regis, Episcoporum, & Abbatum. monasterium Alanesburg transfertur Lutram: præficitur Abbas, cujus electio libera datur cum variis prædiis ab Ottone Rege. 625
958. In INGELHEIM conventus XII. Episcoporum & Regis: Heroldo Salisburgenfi excolato subrogatur Fridericus. 626
961. RATTISBONÆ conventus nationalis præsentibus duobus Legatis Apostolicis. Decernitur translatio reliquiarum S. Mauriti ad magdeburgum. 626
962. JOANNIS XII. Bulla prima pro erectione magdeburgi Archiepisc. & Merseburgi Episc. Canones vi. statuti. 627
964. COLONIE Concilium sub Brunone Archiepisc. pro disciplina cleri. Synodica Brunonis Papæ missa a Rutgero dicitur, sed periit. 629
965. COLONIE Concilium, in quo fundatio collegiatae S. Martini Leodii confirmatur. 629
966. In QUEDLINBURG conventus Ottonis, & cunctorum regni Archiepp. & Epp. Mathildis, filia unica regis, Abbatissa benedicitur non ab uno Episcopo, ut moris est, sed a multis ibi collectis Episcopis. 630
967. VIRDUNENSIS Synodus, sub Wicfrido Episcopo. Decimam Capellæ S. Martini subjectam esse, & fuisse, sancti Syri Ecclesiæ, VII. Presbyteri jurant, ratificante Episcopo suo banno & Synodo. 631
967. Concilium RAVENNATENSE: in quo Heroldus Salisburgi Archiep. excæcatus, ob attentata varia contra canones, excommunicatur. 632
- Synodica I. Joannis XIII. Pp. de institutione magdeburgi metropolis, & suffraganeorum. 633
968. INGELHEIMI Synodus, in qua Fridericus Salzburgi Heroldo surrogate. *In Suppl.* 701
968. Synodus ROMANA, in qua Burchardus, primus misnensis Episcopus, Sanctæ Sedi immediate subicitur: Termini diocesis misnensis finiuntur: Donata misnensis Ecclesiæ ab Augusto, Papa, & Synodo confirmantur. 634
- Synodica altera Joannis XIII. qua gerbertæ abbatissæ Gandersheimensi conceditur protectio Sedis Apostolicæ, libera electio Abbatissæ, & bona omnia confirmantur. 637
- Synodica III. Joannis XIII. ad Theotfridum Abbatem S. Maximini, qua electio libera conceditur ejus monasterio: 2. Ab omni vi & jurisdictione eximitur: 3. Omnis alienatio vel cambiatio bonorum interdicatur. 638
968. RAVENNATENSIS Synodus, in qua perficitur institutio Archidieccesis magdeburg. 639
- Synodica IV. Joannis XIII. ad Adelbertum primum magdeburgi Archiep. cui conceditur Primatus instar moguntini in germania prima, Treverensis in Belgica, Colonienfis in germania 2da. Canonicorum Metropolitanæ numerus, qualitas, potestas definitur. 641
968. JOANNIS XIII. Synodica ex Synodo Ravennatenfi, qua Adalberto Archiepiscopo Magdeburgi mittit Pallium certis diebus gestandum. 642
968. In Cenobio S. GALLI CONSTANTIENSIS Diocesis, conventus Episcoporum & Abbatum. Accusationes intentatæ enervantur. Ruodmannus, Augiensis Abbas, accusator rejicitur. Fraternitas omnibus datur. 644
968. LEODIENSIS Synodus sub Eberkaro. Prædium ad Lauresham spectans, & decimæ inde provenientes eidem restituntur. 648
969. ROMANUM Concilium, in quo Joannes XIII. Primatum Treverensi Archiep. confirmat, & Vicariatum Sedis Apostolicæ. 648
969. In hac, vel post Synodum RAVENNATENSEM, Hatto Moguntinus Archiepiscopus consentit, & Hildewardus, Magdeburgensi Archiepiscopatu erecto, & subtractioni Brandeburgensis & Haveiburgensis Ecclesiarum, subjiciendarum Magdeburgensi. 649

Anno Christi.

Page.

970. METENSIS Synodus, sub Theodorico Episcopo, decimas hactenus deputatas personis laicalibus, Ecclesiarum officialibus restituit. 651
970. MAGDEBURGENSIS Synodus I. Inthronizatio primi Archi-Episcopi Adelberti, & suffraganeorum Hierarchia ordinata. 651
971. TULLENSIS Synodus, sub Gerardo Episcopo, bona quædam Ecclesiæ S. Michaelis donante. 652
972. Concilium INGELHEIMENSE, quo Adalbero, nepos S. Udalrici, vetatur, uti insignibus episcopalibus, vivente episcopo S. Udalrico. 654
- Corbeienfis Abbas, & Herfordensis Abbatissa, coguntur decimas restituere Ecclesiæ Osnabrugensi. 655
975. TULNENSIS in Bavaria Synodus, in qua bona Batavensi Ecclesiæ ablata, restituntur. *In Suppl.* 701
975. Synodus ROMANA, in qua Benedictus VII. donat Theodorico Archi-episc. Treverensi cellam quatuor Coronatorum in urbe Roma. 656
976. Synodus LAUREACENSIS, sub Pilgrimo Archiep. de decimis Ecclesiæ huic debitis. 558
977. In TRUTMANNIA Synodus. Henricus, Augustæ Episcopus, exilio liberatur. 658
979. INGELHEIMII Synodus. elevatio S. Celsi episcopi Trevir. decreta episcoporum consensu. 659
- Conjunctio Monasteriorum Stabulensis & Malmundariensis sub unico Abbate, libere eligendo, a monachis utriusque cœnobii. 660
980. LEODIENSIS Synodus, in qua miracula S. Landoaldi lecta, approbantur, & Gandavum mittenda decernuntur, Notkero episcopo præfide. 662
981. TREVERENSIS Synodus, sub Egberto Archiepiscopo. S. Paulini Monasterium dotatur, & fundis augetur. 663
982. TULLENSIS Synodus, sub S. Gerardo Ep. Præfide, confirmante testamentum Goderanini primicerii, & omnia bona Abbatissæ S. Mansueti. 665
985. Apud TULNAM in Bavaria Conventus, sub Pilgrimo Episc. Patavienfi, obtinente ab Ottone III. immunitatem pro colonis Ecclesiastici patrimonii, in Austriam deductis. 667
985. Synodus LAUREACENSIS I. de decimis, Ecclesiæ Laureacenfi competentibus, sub Pilgrimo episcopo Patavienfi: altera in mautoren, tertia in Mistelpach, de eodem argumento, eodem anno. 668
987. Synodus ANDERNACENSIS, in qua Otto III. auget privilegia Vilicentis Cœnobii. 668
988. TULLENSIS Synodus, sub S. Gerardo episc. præfide, dante cellam, in Ingolini curte sitam, S. Michaeli, manu sua, testante Clero, & anathematis adjectis. 669
991. HALBERSTADENSIS Synodus, sub Hildewardo, consecrante suam Cathedralē, cujus singula altaria a diversis Archiepisc. & episcopis consecrantur, & reliquiis ditantur. 669
992. Synodus AQUISGRANENSIS. IV. hebdomadis ante Nativitatem Domini, a Septuagesima ad Pascha, XIV. diebus ante festum S. Joannis Baptiste, interdicuntur sæcularia placita, & nuptiarum celebratio. 771
993. ROMANA Synodus, in qua S. Udalricus Augustæ Episcopus canonizatur. 671
- Synodica JOANNIS XIV. ad omnes episcopos & Abbates Galliæ, & germaniæ. ibid.
993. TREMONIENSIS Conventus, in quo deciditur controversia inter Dudonem episc. Monasteriensem, & Monasterium metelense. 673
995. GANDERSHEIMENSIS Synodus, de controversia Jurisdictionis in Cœnobium Gandersheimense inter Willigisum Moguntinum Archiepiscopum, & Bernwardum Hildesinum. Confirmatio privilegiorum Corbeie ab Ottone III. 674

Anno Christi.

	<i>Pag.</i>
996. ROMANUM Concilium de causa vastatae Cameracensis Ecclesiae ad favorem Hilduini.	675
Epistola Synodica Gregorii V. ad Hilduinum Cameraensem.	676
998. ROMANUM Concilium, ex quo pauca excerpuntur.	
Canon. III. de restituendo merseburgensi episcopatu.	
Canon. IV. De Gisilario Magdeburgensi Archiepiscopo, examinando, qua via a minori ad maiorem sedem migraverit.	677
999. MAGDEBURGENSIS Synodus. Luitgarda rapta a Werinhario ad tempus separatur.	678
Sigefridi apostatae ab ordine monastico purgatio.	
Machildis monialis a peccato absolutio.	
1000. AQUISGRANI Conc. XXV. de causa Gisilarii Merseburgo removendi.	677
1000. QUEDLINBURGI Syn. II. de Gisilario appellante ad Concilium generale, contra Legatum Papae.	677

Digressio ad Sæculum X.

§. 1. De autoritate Ecclesiae Romanae, & Episcoporum, apud Reges, & omnem Clerum, & populum, primo Millenario aerae Christianae, ac praesertim hoc Sæculo X.	702
§. 2. De Canonistis Germanis hoc sæculo X.	705
§. 3. De Canonizationibus Sanctorum, & Reliquiarum elevatione hoc sæculo.	705
§. IV. De Conciliis Germaniae sæculo X. nobilioribus.	708
§. V. De mutationibus Hierarchiae Episcopalis fundatae, ampliatae.	706



INDEX ALPHABETICUS CONCILIORUM GERMANIÆ

T O M O II.

Item eorum extra Germaniam, quæ pro, aut de Ecclesiis, aut Presbyteris Germaniæ coacta fuerunt.



A

- Altheimense in Rætia
Concilium - CMXVI. pag. 288
- Andernacensis Conven-
tus - CMXXCVII. p. 668.
- Aquisgranense Concili-
um undecimum DCCCXVI. p. 1.
Duodecimum DCCCXVIII. p. 10.
Decimum tertium DCCCXIX. p. 11.
Decimum quartum DCCCXXV. p. 34.
Decimum quintum DCCCXXVIII. p. 42.
Decimum sextum DCCCXXXI. p. 57.
Decimum septimum DCCCXXXVI. p. 73.
Decimum octavum DCCCXXXVII. p. 126.
Decimum nonum DCCCXLII. p. 142.
Vigesimum - DCCCLX. p. 246.
Vigesimum primum DCCCLXI. p. 247.
Vigesimum secundum DCCCLXII. p. 205.
Vigesimum tertium DCCCLXXIII. p. 412.
Vigesimum quartum CMXCH. p. 671.
Vigesimum quintum M. - p. 677.
- Arnstadt Conventus CMLIV. p. 624.
Attiniacensis Conv. III. DCCCXXXII. p. 26.
Augustana Synodus CMLII. p. 622.

B

- Bajoriæ in Ottinga Con-
ventus - CMIV. - p. 584.
in Holtzkircha CMVI. - p. 585.
in Ehinga - DCCCXXVIII. p. 40.
in Uffhain DCCCLXX. p. 689.
- Basilensis Episcopi Hay-
tonis Canones - p. 17.
- Bonnæ Conventus Epp. CMXXI. p. 597.

C

- Colonæ Concilium se-
cundum - DCCCLXIX. p. 355.
Tertium - DCCCLXXIII. p. 356.
Quartum - DCCCLXXVII. p. 365.
Quintum - CMXX. - p. 595.
Sextum - CMLVIII. p. 621.
Septimum - CMLXV. p. 630.
- Confluentiæ Synodus
Prima - DCCCLX. p. 249.
Secunda - CMXXII. p. 599.

Constantiensis Synodus

- Tertia - DCCCLXIV. p. 293.
Quarta - DCCCLX.
- Curienfis Episc. Remedii Canones p. 414.

D

- Dingolzingæ secundum
Concilium - CMXXXII. p. 603.
Duisburgi Synodus CMXXXIX. p. 600.
Altera - CMXLIV. p. 603.

E

- Erfurtiense Concilium CMXXXII. p. 601.
Epaonense in Vallis d. VII. - p. 679.

F

- Forchemii Synodus I. DCCCXC. p. 383.
Secunda - CMIII. - p. 583.
Franckfurt. Synodus DCCCXCII. p. 385.
Altera - DCCCLXXXIII. p. 362.
Tertia - CMLII. - p. 621.

Frisingenfis Synodus

- Prima - DCCLXV. p. 688.
Tertia - DCCLXXXIII. p. 690.
Quarta - DCCCIX. p. 694.
Quinta - DCCCXV. p. 695.
Sexta - DCCCXVII. p. 696.
Septima - DCCCXVII. p. 7.
Octava - DCCCXVIII. p. 9.
Nona - DCCCXIX. p. 16.
Decima - DCCCXX. p. 17.
Undecima - DCCCXXI. p. 21.
Duodecima - DCCCXXII. p. 15.
Decima tertia - DCCCXXVII. p. 39.
Decima quarta - DCCCXXVIII. p. 40.
Decima quinta - DCCCXXXI. p. 56.
Decima sexta - DCCCXLII. p. 143.
Decima septima - DCCCLX. p. 254.

G

- In S. Galli cœnobio Sy-
nodus - CMLXVIII. p. 644.
In Gandersheimii Cœnob. DCCCLIV. p. 624.
Synodus II. VM. - p. 673.
- Germaniæ loco incer-
to Synodus VI. - DCCCXLI. p. 141.
Synodus VII. DCCCXC. p. 699.

H

H

Halberstadii Synodus I. CMXII. p. 586.
Secunda - CMXCI. p. 669.

I

In Ingelheim Syn. III. DCCCXXVI. p. 35.
Quarta - DCCCXL. p. 139.
Quinta - CMXLVIII. p. 614.
Sexta - CMLVIII. p. 626.
Septima - CMLXVIII. p. 699.
Octava - CMLXXII. p. 654.
Nona - CMLXXIX. p. 659.

L

Laureacensis Synodus CMLXXVI. p. 658.
Secunda - CMLXXXV. p. 668.
Leodiensis Synodus
Quarta - CMXX. p. 591.
Quinta - CMLXVIII. p. 647.
Sexta - CMXXC. p. 662.

M

Moguntia Synodus
Sexta - DCCCXLVII. p. 54.
Septima - DCCCXLVII. p. 151.
Octava - DCCCXLVIII. p. 162.
Nona - DCCCLII. p. 165.
Decima - DCCCLVII. p. 169.
Undecima - DCCCLX. p. 248.
Duodecima - DCCCLXXXIII. p. 362.
Decima tertia - DCCCLXXXVIII. p. 368.
Decima quarta - CMLXIX. p. 694.
Moguntini Archiepisc. Rabani varia collectiones Canonum - p. 190.
Magdeburgi Synodus
Prima - CMLXX. p. 651.
Secunda - IM. p. 678.
Metensis Synodus IV. DCCCLIX. p. 158.
Quinta - DCCCLXIII. p. 281.
Sexta - DCCCLXXVIII. p. 380.
Septima - CMLXX. p. 651.
Metensis Episc. Adventii synodica, & varia litera DCCCLXIII. & seq. p. 284.
Morinensis Synodus DCCCLXXIX. p. 138.
Mosomense Concilium CMXLVIII. p. 610.

N

Neomagi Conventus DCCCLXXXVIII. p. 134.

P

Paterbornæ Synodus DCCCLV. p. 150.

Q

In Quedlinburg Conventus CMLIX. p. 625.
Alter - CMLXVI. p. 630.
Tertius anno M. p. 677.

R

Ratisbonæ Concilium IV. DCCCLIII. p. 693.
Quintum - DCCCLX. p. 694.
Sextum - DCCCLXXIX. p. 696.

Septimum - CMXXII. p. 602.

Octavum - CMLXI. p. 626.

Ravennatenſe Concilium CMLXVII. p. 532.

Ravennatenſe secundum CMLXVIII. p. 639.

In Risbach Bajoariae

Concilium DCCXCIX. p. 691.

Romana Synodus DCCCLXIII. p. 287.

Romana Synodus DCCCLXIV. p. 294.

Romana Synodus CMXLIX. p. 613.

Romana Synodus CMXCV. p. 671.

Romana Synodus CMXCVI. p. 675.

Romana Synodus CMXCVII. p. 677.

Romanorum Pontificum litteræ de ecclesiis, Episcopis, & Conciliis Germaniæ suo loco inferuntur; alia, etſi ad Germanos scriptæ, ſi de jure Canonum nil tractent, prætermittuntur.

S

Salzburgi Concilium II. DCCXCIX. p. 414.

T

In Theodonis Villa Sy-

nodus tertia - DCCXXV. p. 53.

Quarta - DCCCLIV. p. 146.

Ticinenſis Synodus DCCCLXVIII. p. 327.

Treverenſe Concilium

Sextum - DCLXIV. p. 687.

Septimum - DCCCLXVIII. p. 327.

Octavum - DCCCLM. p. 411.

Nonum - CMXXIII. p. 600.

Decimum - CMXLVIII. p. 618.

Undecimum - CMLXXXI. p. 663.

Treverenſis Canonista, Reginonis

Monachi Prumiensis Lib. II. Can. p. 438.

Tremonienſis Synodus CMXXIII. p. 673.

Triburæ Capitulare I. DCCCLIX. p. 173.

Secundum - DCCXCIV. p. 388.

Tullenſis Synodus II. DCCCLXXVIII. p. 136.

Ad Saponarias III. DCCCLIX. p. 173.

apud Tusiacum IV. DCCCLX. p. 255.

Quinta - CMXVI. p. 587.

Sexta - CMLXXI. p. 652.

Septima - CMLXXXII. p. 663.

Octava - CMXXCXIII. p. 669.

Tulnenſis I. - CMLXXV. p. 700.

Tulnenſis II. - CMXXCV. p. 667.

V

Verduni Concilium I. CMXLVII. p. 609.

Secundum - CMLXVII. p. 621.

Ulmæ Concilium - CMXVIII. p. 10.

Ulmæ Concilium - DCCCLXIII. p. 697.

Ultrajeſti in Friſia Syn. DCCCLXXVIII. p. 135.

In Walacria Concilium DCCCLXXVI. p. 39.

Wormatienſis Syn. nona DCCCLXXIX. p. 55.

Decima - DCCCLVII. p. 169.

Undecima - DCCCLIX. p. 189.

Duodecima - DCCCLXVIII. p. 307.

Decima tertia - DCCCLX. p. 385.

CATA-

CATALOGUS ROMANORUM PONTIFICUM

A SÆCULI IX. ANNO XVI. AD MILLESIMUM ÆRÆ
CHRISTIANÆ,

Quorum anni in hoc II. Tomo Germaniæ Conciliis præfiguntur.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Paschalis I. <i>Romanus.</i>	Papa C.	Anno Christi DCCCXVII. 25 Jan. Ind. 10.	Annos VII. Dies 17.	Anno Christi DCCCXXIV. 10. Feb. Ind. 2.
Eugenius II. <i>Romanus.</i>	CI.	DCCCXXIV. 14. Februar. Indict. 2.	Annos III.	DCCCXXVII. Mense August. Indict. 5.
Valentinus <i>Romanus.</i>	CII.	DCCCXXVII.	Mensem I. Dies 10.	DCCCXXVII.
Gregorius IV. <i>Romanus.</i>	CIII.	DCCCXXVII. extremo anno.	Annos XVII.	DCCCXLIV. 25. Januar. Indict. 7.
Sergius II. <i>Romanus.</i>	CIV.	DCCCXLIV. 10. Februar. Indict. 7.	Annos III. minus 18. diebus.	DCCCXLVII. 27. Januar. Indict. 10.
Leo IV. <i>Romanus.</i>	CV.	DCCCXLVII. 11. Aprilis. Indict. 10.	Annos VIII. Menses III. Dies 6.	DCCCLV. 17. Julii. Indict. 3.
Benedictus III. <i>Romanus.</i>	CVI.	DCCCLV.	Annos II. Menses VI. Dies 10.	DCCCLVIII. 8. Aprilis. Indict. 6.
Anastasius <i>Pseudo-Pontifex.</i>				
Nicolaus I. <i>Romanus , Magnus dictus.</i>	CVII.	DCCCLVIII. 24. Aprilis. indict. 6.	Annos IX. Menses VI. Dies 2.	DCCCLXVII. 13. Novembr. Indict. 15.

Tomus II. Concil. German.

❁

Hadria.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Hadrianus II. <i>Romanus.</i>	Papa CVIII.	Anno Christi DCCCLXVII. 14 Dec. Ind. 15	Annos V.	Anno Christi DCCCLXXII. Indict. 5.
Joannes VIII. <i>Romanus.</i>	CIX.	DCCCLXXII. 14. Decembr. Indict. 5.	Annos X. Dies 2.	DCCCLXXXII. 15. Decembr. Indict. 15.
Marinus I. <i>Hetruscus.</i>	CX.	DCCCLXXXII. extremo Dec. Indict. 15.	Annum I. Menses V.	DCCCLXXXIV. in Majo. Indict. 2.
Hadrianus III. <i>Romanus.</i>	CXI.	DCCCLXXXIV. extremo Majo Indict. 2.	Annum I. menses IV.	DCCCLXXXV. mense Sept. Indict. 3.
Stephanus V. <i>Romanus.</i>	CXII.	DCCCLXXXV. extremo Septembri.	Annos VI.	DCCCXCI. extremo Septembri.
Formosus <i>Romanus.</i>	CXIII.	DCCCXCI. post Septem- brem Ind. 9.	Annos IV. menses VI.	DCCCXCVI. 4. Aprilis. Indict. 14.
Bonifacius VI. <i>Romanus.</i>	CXIV.	DCCCXCVI.	Dies 15.	DCCCXCVI.
Stephanus VI. <i>vulgo VII. Romanus.</i>	CXV.	DCCCXCVI. ante 20. Au- gusti Indict. 14.	Annum I. mensem I.	DCCCXCVII.
Romanus <i>Gallestinus.</i>	CXVI.	DCCCXCVII. ante 15. Octo- bris.	Menses III. dies 22.	DCCCXCVIII. extremo Jan. Indict. 1.
Theodorus II. <i>Romanus.</i>	CXVII.	DCCCXCVIII. Indict. 1.	Dies 20.	DCCCXCVIII. medio Martio. Indict. 1.
Joannes IX. <i>Tiburtinus.</i>	CXVIII.	DCCCXCVIII. medio Junio. Indict. 1.	Annos II. dies 15.	CM. ineunte Aug. Indict. 3.
Benedictus IV. <i>Romanus.</i>	CXIX.	CM. pridie kal. Sep- tembr. Ind. 3.	Annos III. menses II.	CMIII. initio Octobr.
Leo V. <i>Ardeatinus.</i>	CXX.	CMIII. initio Octob.	Mensem I. dies 26.	CMIII. ante medium Nov. Indict. 6.

Christo-

ROMANORUM PONTIFICUM.

XXIII

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit.</i>	<i>Obiit.</i>
Christophorus <i>Romanus.</i>	CXXI.	Anno Christi CMIII. 13. Novembr.	menſes vi.	Anno Christi CMIV. dejeſtus & in- carceratus.
Sergius III. <i>Sabinus.</i>	CXXII.	CMIV. 18. Maji. Indict. 7.	Annos VII. menſeſtres.	CMXI. 23. Auguſti. indict. 14.
Anaſtaſius III. <i>Romanus.</i>	CXXIII.	CMXI. 25. Auguſti. Indict. 14.	Annos II. menſes II.	CMXIII. medio Octob. indict. 1.
Landus <i>Sabinus.</i>	CXXIV.	CMXIII. 16. Octobris. Indict. 1.	menſes vi. dies 10.	CMXIV. ante vi. Kal. Majas. ind. 2.
Joannes X. <i>Romanus.</i>	CXXV.	CMXIV. extremo Apr. indict. 2.	Annos XIV. menſes II. dies 3.	CMXXVIII. 29. Junii deſe- ctus.
Leo VI.	CXXVI.	CMXXVIII. indict. 1.	Menſes VII. Dies 5.	CMXXIX. 3. Februarii. indict. 2.
Stephanus VII. <i>Romanus.</i>	CXXVII.	CMXXIX. initio Februar. indict. 2.	Annos II. menſem I. Dies 12.	CMXXXI. 15. Martii.
Joannes XI.	CXXVIII.	CMXXXI. indict. 4.	Annos IV. menſes X.	CMXXXVI. initio Januarii. indict. 9.
Leo VII. <i>Romanus.</i>	CXXIX.	CMXXXVI. ante 9. Januar.	Annos III. menſes vi. Dies 10.	CMXXXIX. 18. Julii. indict. 12.
Stephanus VIII. <i>Germanus.</i> <i>Vulgo IX.</i>	CXXX.	CMXXXIX. indict. 12.	Annos III. menſes iv. Dies 15.	CMXLII. initio Decem- bris.
Marinus II. <i>Romanus.</i>	CXXXI.	CMXLII. indict. 1.	Annos III. menſes vi. Dies 13.	CMXLVI. menſe Junio. indict. 4.
Agapitus II. <i>Romanus.</i>	CXXXII.	CMXLVI. ante 15. Junii.	Annos X. menſes II.	CMXLI. poſt 20. Au- guſti.
Joannes XII. <i>Romanus.</i>	CXXXIII.	CMXVI. indict. 14.	Annos VII. menſes IX.	CMXIV. pridie nonas Majas.

<i>Nomen & Natio.</i>	<i>Ordo Successio- nis à S. Petro.</i>	<i>Adit Pontificatum.</i>	<i>Sedit.</i>	<i>Obiit.</i>
Leo VII. <i>intrusus Antipapa.</i>		Anno Christi CMLXIV. in Majo.	Annum I.	Anno Christi CMLXV. Depulsus Hamburgum.
Benedictus V. <i>Romanus.</i>	CXXXIV.			
Joannes XIII. <i>Romanus.</i>	CXXXV.	CMLXV. kal. Octobr. indict. 9.	ANNOS VI. mensēs II. dies 5.	CMLXXII. VIII. idus Sep- tembri.
Benedictus VI. <i>Romanus.</i>	CXXXVI.	CMLXXII. post 28. Nov. indict. I.		CMLXXIV. dejectus & ju- gulatus.
Bonifacius VII. <i>Antipapa.</i>				
Donus II. <i>Romanus.</i>	CXXXVII.	CMLXXIV.		CMLXXV.
Benedictus VII. <i>Romanus.</i>	CXXXVIII.	CMLXXV. ante 25. Mar- tii.	ANNOS IX.	CMXXCIV. vi. idus Julii.
Joannes XIV.	CXXXIX.	CMXXCIV.	Mensēs VIII.	CMLXXXV. incarceratus.
Joannes XV. <i>Romanus.</i>	CXL.	CMXXCV. Mense decem- bri.	ANNOS XI.	CMXCVI. indict. 9.
Gregorius V. <i>Germanus.</i>	CXLI.	CMXCVI. ante 30. Maji.	ANNOS II. mensēs VIII.	CMXCIX. xii. kal. Mart.
Sylvester II. <i>Aquitanus.</i>	CXLII.	IM. iv. non. April.	ANNOS IV. mens. I. dies 9.	MIII. v. idus Majas.



SERIES CHRONOLOGICA REGUM GERMANIÆ

AB ANNO DCCCXVI. AD ANNUM M.



I.

LUDOVICUS Caroli Magni Filius tertio genitus ex Hildegarda, anno 806. (quando Pater regna filiis suis distribuit in Theodonis Villa, & Testamentum Papæ Leoni subscribendum per Eginhardum misit) Rex Aquitaniz constitutus fuit. Anno 813. in Comitibus Aquisgrani, duobus fratribus Carolo & Pippino præmortuis, regni & Imperii collega adsciscitur, ac Imperiali diademate aureo de altari sumpto coronatur : omnibus Episcopis, Abbatibus, Ducibus, Comitibus, & exercitu acclamantibus. Hinc jam exordium Imperii nonnulla diplomata ducunt.

Anno 814. V. Kalend. Februarii, Patre Carolo sancte mortuo, ex Aquitania ad Aquisgranum advolat, & Imperium regundum suscipit : Hinc secunda, & ordinaria Epocha annorum Imperii Ludovici fuit.

Anno 817. tribus filiis, ex Ermengarda conjuge natis, Aquisgrani hæreditatem olim possidendam hoc pacto divisit.

Lotharium primogenitum Imperatorem esse & appellari voluit, corona aurea ei tradita : Pippinum Aquitaniz, Ludovicum Bajoariz Regem constituit, primoribus & populo acclamantibus. Hujus præcociæ & præmaturæ divisionis ipse primus pœnam luit non semel.

Cum enim Ludovicus defuncta prima uxore Ermengarda, anno 818. secundam duxisset, Juditham, & ex ea filium Carolum, dictum *Calvum*, genuisset ; voluit & huic portionem ex divisa jam hæreditate attribuere. Lotharius non tantum Italiæ Rex, sed a Papa jam Imperator coronatus, ardens odio novercæ, & Caroli Calvi, utcumque visus est novam divisionem, rogatu patris, ratam habere ; at reapse solus Monarchiam ambiebat, & rebellionem contra patrem meditabatur. Anno 830. adjunctis Pippino, & aliis rebellibus, Compendium venit. Juditha Augusta capitur, & velum ei imponitur, & Pictavis Monasterio retruditur. Patrem suum custodia detinet Lotharius. Mense Autumno Ludovicus Noviomagi, diffidens Francis, indicit conventum inter Germanos ; aliquot rebelles punit exilio : uxor Juditha ad eum redit : Lotharius filius jurat patri, nunquam se deinceps rebellaturum.

Anno 833. nova rebellio a Lothario instruitur : apud Basileam, in campo

Tomus II. Concil. Germ.

G

men-

mendacii, populi & milites, variis prætexitibus, a Patre Imperatore ad filium Lotharium transeunt. Pater ab omnibus desertus in custodiam Lothario datur secundò. Juditha noverca Dertonam in Italiam relegatur, Carolus Calvus ad Monasterium Prumiense. Inde Ludovicum Pium, Compendium abductum, penitentiam agere cogunt, vestibus Regiis depositis; & Lotharius veluti Monarcham se gerit in Occidente.

Primo furentium rebellium æstu præterito, duo alii fratres, Pippinus, & Ludovicus, de patre liberando, vel restituendo serio cogitant, & Episcopi adherentes sanæ parti, Ludovicum Imper. ad reassumendum Imperium excitant. Anno 834. Aquisgrani Pascha celebrat, & iis, qui coacti eum reliquerant, veniam offert. Lotharius Patri se submittit secundò: ac demum anno 835. in Comitibus Theodonis Villanis plene restitutus imperio, iterum coronatur: pœnitentia, injuste imposita iudicio Episcoporum, rescinditur. Ebbo Remensis Episcopus, crimen confessus, episcopatu se abdicat: Abogardus, & Jesse episcopi puniuntur: demum nova divisio regnorum inter filios instituitur, Lothario neglecto. . . Anno 837. Carolum Calvum Neustriæ seu Franciæ occidentalis regem constituit. Anno 838. Lotharius Patri Wormatiæ reconciliatus scribitur, & nova fit divisio regnorum inter Lotharium, Ludovicum & Carolum filios. Nam Pippinus Aquitaniæ Rex hoc anno obiit.

Demum anno 840. XII. Kal. Julii in Insula Rheni prope Ingelheimium obiit piissimus Imperator, & Metis sepultus, assistente Drogone Metensi episcopo fratre suo. PIUS non fuit nominatus, dum viveret, uti nec Carolus dictus MAGNUS: utrique post mortem posteri hos titulos: *Pio*, *Magno*, dederunt.

Vides hinc, a quot annis, quam variæ Epochæ Regnorum Ludovici ductæ fuere in diplomatibus & in Conciliis - - similis epocharum varietas in regnis Lotharii, & Ludovici, & nepotum omnium Caroli Magni.

REGES GERMANIÆ

Secretæ a Gallia, seu Francia occidentali, & ab Italia.

LUDOVICUS, Ludovici PII dicti, Imperatoris filius, Caroli Magni nepos, jam a patre vivente anno 817. constitutus fuit Bajoariæ Dux: anno 825. in Bajoariam missus, novæ Epochæ ansam dedit. Anno 835. amplioribus provinciis intra Germaniam auctus fuit, quia contra Lotharii fratris natu majoris impiam perduellionem, patrem Imperio restituere allaboravit. Anno 840. patre defuncto cum Lotharius frater Imperator, solus monarchiam supra fratres & nepotes ambiret, prælio ad Fontanetum devictus, sæpe cum duobus fratribus pacisci de regnis dividendis, coactus fuit: sed ita, ut relictis Ludovico Alamannia, Bajoaria, Saxonia, Thuringia, Frisia Cisirhenana, & Belgio pænetoto, tranquille regundis Ludovicus vacaret. Anno 860. facta iterata divisione regnorum

in procaspide super Mosam novis Provinciis auctum fuit Ludovici nostri regnum, quas *Pitboeus & Baluzius* ac demum *Eckhartus*. Tom. II. *Francia Orientalis Historiæ* pag. 556. recensent : obiit demum Rex vere Christianissimus, uti in pluribus Conciliis vocatur, anno 876. V. Kal. Septembris: sepultus in Monasterio Laureshamensi. Ex Hemma Regina uxore tres liberos suscepit : Carolomannum, Ludovicum, & Carolum, post dictum *Crassum*.

LUDOVICUS II. hoc nomine, Rex Germaniæ, aliàs inter Caroli Magni nepotes tertius, a morte patris adiit regnum : quem Patruus, Carolus Calvus, eo deturbare voluit. Sed (quia hic victus apud Andernacum mense Octobri anni 876. Ludovici, & fratris exercitu fuit :) mansit quietus possessor Germanici regni. Obiit anno 882. XIII. Kal. Februarii Francofurti.

CAROLUS, dictus *Crassus*, Ludovici II. prædecessoris frater, fuerat a Patre missus in Italiam, ut obfisteret ambitioni Caroli Calvi, quod felici Marte præstitit : Hic anno 881. in Epiphania Domini a Joanne VIII. Pp. consecratur Imperator : post mortem fratris (qui non reliquerat, nisi filium unicum, Ratisbonæ casu e fenestra deciduum & mortuum) a proceribus Germaniæ Wormatiæ mense Majo adunatis, advocatur ex Italia, & eligitur ut heres & Rex Bajoariæ, Alemanniæ, Franconiæ, Saxonæ, Thuringiæ. Anno 887. æger corpore, & mente, ab optimatibus deponitur in Comitibus Triburiæ, mense Novembri, & initio anni 888. moritur, desertus ab omnibus.

ARNULFUS, Filius naturalis Carolomanni, Rhætiæ, Baviaræ, & Italiæ Regis, anno 880. defuncti, a proceribus Germaniæ Francofurti congressis, accersitur, & eligitur Rex. Anno 896. a Formoso Pp. Romæ coronatur Imperator. Obiit Ratisbonæ 899. 29. Novembris.

LUDOVICUS III. Germanicus (aliis IV. dictus) Arnulfi prædecessoris filius ex legitimo thoro natus, ut hereditarius Rex eligitur in Comitibus Forchemensibus. Obiit anno 911. Ratisbonæ X. Kal. Januarii, cælebs sine prole. Hic ultimus Carolingici sanguinis in Germania Rex fuit.

CONRADUS, Dux Franconiæ (recusante Ottone Duce Saxonæ ob senium, & Conradum proceribus commendante) eligitur Rex Germaniæ anno 911. post diem IX. Junii. Obiit 918. 23. Decembris, Fuldæ sepultus.

HENRICUS Auceps, filius Ottonis Saxonæ Ducis, ab optimatibus Germaniæ eligitur in Comitibus Fritzlaræ, anno 919. ante Novembrem. Obiit 936. mense Julio memlebii, Thuringiæ palatio Regio. Rexit Germaniam annis 16. & 8. mensibus.

OTTO I. *Magnus* dictus, filius Henrici Aucupis & Mathildis, inter tres Mathildis filios primus, eligitur anno 936. Rexit Germaniam annis 37. Obiit Memlebii 973. 7. Maji, Magdeburgi in Metropolitana sua sepultus.

OTTO II. Filius antecessoris, qua heres, sexennis eligitur, coronatur Aquisgrani 961. patre vivente. Obiit Romæ anno 983. 7. Decembris. Rexit Germaniam a morte patris annos undecim.

OTTO III. Filius antecessoris & Theophaniæ Augustæ. Anno 984. eligitur a patre, heres commendatur proceribus, & Aquisgrani in Natali Domini coronatur a Joanne Ravennatenſi legato Apostolico annos natus undecim sub Warino Archiepiscopo Colonienſi tutore dato. Obiit 1003. 23. Januarii in Italia, Aquisgrani sepultus.

MONITIO.

Baronius, Bzovius, Pagius, & quotquot Annales universæ Catholicæ Ecclesiæ scribunt, post annos Pontificum Romanorum, præmiserunt annos Imperatoris, veluti secularis capitis Ecclesiæ, ut loquitur *Carolus IV. in bulla aurea*, post vero quam Imperium Romanum in Orientis & Occidentis Imperatoras partitum fuit, adscripserunt annos Imperatorum Orientis & Occidentis. Quum subinde Carolus Magnus anno 800. Occidentis Imperator renuntiaretur, non obstante Imperio Nicephori in Oriente; adscripserunt denuo annos utriusque Imperatoris.

Verum, cum nos sola Ecclesiarum Germaniæ Concilia ad annos singulos retulerimus, adscripsimus annos Caroli & Carolingorum, utpote in Germania Imperantium ab anno 800. ad 911. Tertio, postquam anno 835. vel 840. Germania cepit suum Regem, secerum a Regibus Franciæ occidentalis, habere; hujus Regis annos potissimum supputamus usque ad annum 911. Quo Carolingicus sanguis in Germania defecit, & soli Germani sanguinis Principes usque ad annum 1000. gubernandam patriam, & Ecclesias tutati sunt: scio Baronium, & universæ Ecclesiasticæ scriptores annos Imperatorum post mortem Caroli Crassi anno 888. a pontificibus coronatorum WIDONIS, LAMBERTI, BERENGARII interposuisse; iidem autem nihil in Germania, vel Germanicis Ecclesiis juris habuerunt unquam aut prætenderunt. Hinc eorum anni a nobis prætereuntur.

Principes Germanicos ex morte Arnulfi siue ab anno 899. ad coronationem Ottonis I. Anno 962. vocamus Reges, licet multi & valde antiqui scriptores eosdem Imperatores & Cæsares dixerint, & scripserint.

Series Imperatorum Occidentis.

I. Anno 800. CAROLUS Francorum Rex renuntiatur Romæ die Nativitatis Christi Imperator a Papa Leone Tertio ab omnibus principibus Germaniæ & Italiæ, & toto populo præſente. Anno 814. V. Kal. Februarii moritur.

II. Anno 813. LUDOVICUS PIUS a Patre Carolo Aquisgrani declaratur consors Imperii, & corona aurea Imperiali redimitur. Anno 840. 20. Junii obit.

III. Anno 817. LOTHARIUS Patris voluntate Aquisgrani Imperii consors declaratur, acclamantibus omnibus proceribus. Anno 820. Rex Longobardiæ a Patre renunciatur. Anno 821. in Italiam missus, Romæ die Paschatis anno 823.
à Pa-

a Paschali Papa Imperator proclamatur, & coronatur. Anno 834 impia perduellione patrem Imperio exuere attentat, sed brevi post utrunque reconciliatur. Patre mortuo anno 840. monarchiam Occidentis attentat, sed victoria ad Fontanetum coactus, varias partitiones variis annis ab 841. ad annum 857. inivit: contentus demum Italiæ regno, titulo Imperii, & Provincia, & subin aliquot laciniis provinciarum fratribus ereptis, obiit anno 855. primo monachi habitu indutus, tumulatus Prumiæ.

III. LUDOVICUS II. Lotharii filius, & hoc nomine secundus Imp. Occidentis, a patre Lothario deligitur consors Imperii anno a 849. coronatus à Papa anno 844. 25. Junii. Patre mortuo 855. contentus fuit titulo Imperii & Italia. Obiit 875. Mediolani sepultus.

IV. CAROLUS CALVUS, Franciæ Occidentalis Rex, Ludovici Pii Imperat. filius quartus ex Juditha, anno 875. die Nativitatis Domini a Joanne VIII. Pp. coronatur Imperator. Anno 876. Papæ in Comitibus Rex Longobardiæ agnoscitur: anno 877. electio ejus in Imperatorem confirmatur in Romano Concilio. Obiit II. Nonas Octobris anno 877.

V. LUDOVICUS III. Caroli Calvi filius: fuit Imperator vix anno uno, nam anno 879. medio moritur.

VI. CAROLUS CRASSUS Ludovici I. Germanici Regis filius tertio genitus ex Hemma. Anno 881. die Epiphaniæ a Joanne VIII. Papa coronatur Imperator. Post mortem fratris Ludovici Germaniæ Regis anno 882. advocatur in Germaniam & ab omnibus proceribus Rex eligitur: deponitur a proceribus Imperii anno 887. Novembri mense, anno 888. ineunte decessit.

VII. ARNULFUS filius naturalis Carolomanni Bajoariæ & Italiæ Regis 880. defuncti, in Comitibus Triburiensibus eligitur & advocatur Rex Germaniæ. Anno 896. romæ a Formoso Papa coronatur Imp. Obiit anno 899. Ratisbonæ.

VIII. LUDOVICUS IV. Arnulphi Imperat. ex legitima Uxore filius, patre mortuo 899. initio anni 900. Nonis Februarii in Comitibus Forchemensibus Rex Germaniæ, & hereditario jure, & procerum consensu, constituitur. Obiit Ratisbonæ 911. celebs & *apud* X. Kalend. Januarii, Zuentiboldus rebellionem adornat, sed Idibus Augusti ad Mosam a Gerardo & Matfrido Comitibus interficitur. *Hic cessat in Germania stirps Carolingica.*

IX. CONRADUS Dux Franciæ Orientalis, recusante Ottone Saxone obsequium, quem proceres eligere volebant; ejusdem Ottonis hortatu & indicio anno 911. eligitur post diem IX. Junii, Rex Franciæ, Bajoariæ, Alemanniæ, Saxoniæ, Frisiæ cisrhenanæ. Anno 918. X. Kal. Januarii obiit, sepultus Fuldæ.

X. HENRICUS auceps in Comitibus Fritzlarieusibus a proceribus electus anno 919. ante Novembrem, oblatam unctionem recusat ex modestia. Anno 936. 2. Julii Memlebii vitam clausit.

Ab anno 899. ad 962. nullus Rex Germaniæ a Papa Coronam Imperialem suscepit, sed RR. Pontifices WIDONEM, LAMBERTUM, BERENGARIUM, Duces Italos, Co-

rona Imperiali donarunt, quos omitimus, quia nullum in Germania dominatum prætenderunt, aut usurparunt.

XI. OTTO. I. Rex Germaniæ electus anno 936. Henrici aucupis & Mathildis Reginae filius. Rogatus a Joanne XII. suppetias & tuitionem contra Berengarium, hostem Sedis Apostolicæ, & Ecclesiarum prædonem, in Italiam cum exercitu anno 961. tetendit. Mediolani Coronam ferream regni Longobardici imponi sibi voluit. Romæ demum anno 962., a Joanne XII. mense Februario in Vaticano S. Petri templo Corona Imperiali redimitus fuit, quem honorem Pontifici fidelitatem spondenti, amplissimis & largissimis privilegiis remuneratus est. Ab eo die Otto Augustus annos regni & Imperii in diplomatibus, & Synodicis donationibus distinxit, ita ut annus 962. esset regni 26. Imperii primus. Obiit anno 973. 7. Maji. Memlebii in Thuringia ad Unstrutam fluvium regni anno 37. Imperii XI.

XII. OTTO II. Sexennis, a patre rex Germaniæ designatus, & electus a proceribus, coronatur Aquisgrani anno 961. Anno 967. a Joanne XIII. in natali Domini Imperator coronatur & acclamatur. Hic iterum distinxit annos regni & Imperii. Obiit Otto II. anno 983. 7. Decembris, Magdeburgi sepultus.

XIII. OTTO III. Filius Ottonis secundi anno 983. festo nati Domini, Aquisgrani a Joanne Ravennatenfi Archi-Episcopo legato Papæ coronatur Imperator. Vita functus est Paterni in Italia anno 1002. 25. Januarii, regni 19.

In his Eckbartum, Historiæ Franciæ Orientalis scriptorem, potissimum secuti fuimus.





CONCILIA GERMANIÆ.

SÆCULUM NONUM.

CONVENTUS AQUISGRANENSIS.

Anno Christi DCCCXVII. VI. Idus Julius.

Paschalis PP. I. Ludovici Pii Augusti IV.

Indictione X.

ACTIO I. Regulæ S. Benedicti Instauratio, & Explicatio.

*Uniformis observantia per omnia Germaniæ & Franciæ
Monasteria Præcepta. (a)*

*Visitatores & Executores Regulæ in omnibus Monasteriis
instituti, imperiali auctoritate muniti.*

*ACTIO II. In eodem placito Ludovicus Pius filium suum primogeni-
tum Lotharium Imperatorem appellari & esse voluit.*

TITULI CAPITULORUM. (b)

1. *De Abbatibus, mox ut ad Monasteria sua
revenierint, ut regulam discutiant, &* *efficaciter legant, & quod legerint, & in-
tellexerint, cum suis observent Monachis.*

A

2. *De*

- (a) Primus hæc Capitula edidit *Pithæus* in additionibus ad Capitularia Ansegisi. *Antonius Tæpez* Benedictinus, *Chronici Benedictini Tomo III.* *Severin. Binius Tomo III. Conciliorum.* *Sirmondus Tomo II. Concilior. Gallæ.* *Harduinus Tomo IV. Conciliorum.* *Baluzius Tom. I. Capitular. p. 579.* qui contulit cum quinque Codicibus antiquis MSS. *Hefstius in Disquisitionibus Monasticis pag. 1092.* denuo edidit, & notis eruditis explanavit: adde *Hugonis Menardi* notas ad Concordiam Regularum. *Mabillonii in Annalib. Benedictinorum Tomo II. de* hac Synodo notæ extant.

Interfuere Ludovicus Imp. & Hlotarius Filius, consors Imperii adlectus hoc anno: Episcopi & nobilissimus Ecclesiæ Clerus, teste *Aimono L. V. de Gestis Francor. Cap. IX.* Abbates, Benedictus Anianæ primùm, deinde ad Indam. Arnulphus. Josue S. Vincentii prope Vulturum, in Provincia Capuana. Apollinarius Flaviniacensis. Agiulfus Abb. Solemniacensis. Ando Stabulensis Abbates.

- (b) Capitula XXC. plerique Codices MSS. repræsentant. Leo Ostensis LXII. Capita: quæ diversitas Librariorum negligentia facile intervenit.

Tomo II. Concil. Germaniæ.

2. De Monachis, ut Regulam S. Benedicti, qui valuerint, memoriter discant.
3. De regulari officio, ut juxta præceptum Sancti Benedicti celebretur inter alia.
4. Ut tam in coquina, quamque & in cunctis Monasterii officinis, Monachi operentur, & ut ipsi vestimenta sua lavent.
5. De Monachis, ut post matutinalem expletionem, nisi ante constitutam surrexerint horam, denuo ad lectos suos non præsumant causa dormiendi redire.
6. Ut Monachi, nisi in Sabbato Sancto Paschæ, per totam Quadragesimam non radantur: alio tempore post finitos XV. dies licito radantur, tam in Sabbatis, quam & in octavis Paschæ.
7. De balnearum usu.
8. De non edendis volatilibus à Monachis intus forisve, nisi infirmitatis causa.
9. Ne Episcopi Monachis volatilia comedere præcipiant.
10. Ne à Monachis poma, & lactucæ, nisi quando alius cibus sumitur, manducentur.
11. De certo tempore plebotomandi non observando: & ut Monachis tunc ibi cibus, potusque magis in supplementum largiatur.
12. Ut si necessitas postulaverit, Monachis post vespertinum cibum, ante lectionem completorum potus tribuatur: similiter Quadragesimali tempore, vel quando mortuorum officium egerint.
13. De Monacho à Priore suo increpato.
14. Ne nudi coram aliis vapulent Monachi.
15. Ne soli in itinere dirigantur Monachi.
16. Ne sibi compadres vel commatres Monachi faciant.
17. Ne murmurent Monachi tempore legendi, & meridiano occupati ad colligendas fruges.
18. De Monachis quarta & sexta feria jejunantibus.
19. Ut in quadragesimali tempore Monachi libros accipiant.
20. De vestimento Monachis nec satis pretioso, nec satis vili dando.
21. De cucullæ mensura.
22. De potestate Abbatis, si extra mensuram infra positam aliquid addendum decreverit.
23. De pedibus Fratrum vicissim lavandis.
24. De Mandato post cenam faciendo.
25. De mensura Monachorum, ut ea Abbates illorum sint contenti.
26. De villis Fratrum, ut eas non circumciant Monachi.
27. De Abbate, vel quolibet Monacho, ne ad portam Monasterii cum quocunque hospite manducare præsumat.
28. Ne servitores Fratrum post refectorem eorum ad unam mensam, sed in propriis sedeant locis.
29. De Lectore, ut nihil nisi quod regula decernit, accipiat.
30. De Alleluja in Septuagesima dimittendo.
31. De Præposito, ut majorem, quam ceteri, habeat potestatem.
32. De Præposito Monachis non constituendo, nisi & ipse Monachus sit.
33. De senioribus Fratribus Monasterium circumeuntibus.
34. De novitio Fratre, ut non facilis ei in Monasterium tribuatur ingressus.
35. De Monacho, quam professionem faciat.
36. De puero, ut Pater & Mater cum ad Altare offerant.
37. De infantibus oblati, ut carnem non comedant.
38. De Fratribus post sextam dormientibus.
39. De Fratribus, ut usque nonam in Quadragesima operentur.
40. De his Fratribus, qui quolibet modo, tamen graviter delinquant.
41. De eo, qui in refectorio negligenter coram Fratribus aliquid excesserit.
42. De plebeio non recipiendo in Monasterio, nisi prius Monachus fieri voluerit.
43. Ne Monachus jurando sermonem proferat, nisi sicut Sancti Patres constituerunt loqui.
44. De Abbatibus cellulas Monachorum vel Canonicorum habentibus.
45. De Schola in Monasterio non habenda, nisi de his, qui oblato fuerint.
46. De præcipuis solemnitatibus Sanctorum, ut plenarium in eis officium fiat, & bis Monachi edant.
47. De jejunio Parasceves.
48. De Benedictione post Completorium dicenda.
49. De decimis dandis tam Ecclesiæ, quam pauperibus.
50. De specialiter Psalmis pro elemosynariis & defunctis cantandis.
51. De Pentecoste, ut per hebdomadam non flectantur genua, neque jejunetur, nisi dies jejunii exstiterint.
52. De Laicis in refectorium Monachorum manducandi vel bibendi causa non ducendis.
53. De vestimentis & calciamentis, ut fratribus, quoties expedit, dentur.
54. De his, qui præponuntur, ut Nonni vocentur.

55. De seniore Decano.
 56. De Præposito Decano, & Cellario.
 57. De libra panis, ut triginta solidos penset, antequam coquantur.
 58. De dormitorio hospitum.
 59. De Abbatibus, ut secum Monachos in itinere, nonnisi ad Synodum ducant.
 60. De duobus signis ad Tertiam, Sextam & Nonam pulsandis.
 61. De Monachis, ut disconfutas cappas non habeant, nisi tantum villosas.
 62. De Abbatibus, & Præpositis, atque Decanis, ut Benedictionem Lectoribus tribuant, licet Presbyteri non sint.
 63. Ut è Fratribus docti eligantur, qui supervenientibus Monachis loquantur.
 64. De incerto furto, ut oratio, & excommunicatio fiat, quousque qui culpabilis existit, manifestetur.
 65. De Monacho, qui adversus alium Monachum testimonium protulerit.
 66. De Psalmo invitatorio, & Gloria pro defunctis non cantandis.
 67. De Lectore, ut stans Benedictionem petat.
 68. De eulogiis in refectorio Fratribus à Presbyteris dandis.
 69. Quod ad Capitulum Primò Martyrologium legendum sit, & versas postea dicendus, inde Regula.
 70. De Lectione in Capitulo exponenda.
 71. De jejuniis Fratrum æstivo tempore.
 72. De eo, qui culpæ noxa tenetur, ut die Dominico remissus habeat.
 73. De anniversaria die pro defuncto Abbate celebranda.
 74. De eo, ut ad Missam inclinati Sanctus dicant, & ad Pater noster genu flectant.
 75. Non debet aliquis pro munere in Monasterio recipi.
 76. De mensura cibi ac potus, quæ Monachis separatim debet tribui.
 77. De Fratrum pinguedine, quam accipere debeant in victu quotidiano.
 78. In Domini Natali, & festivitate Paschæ Monachis volatilia sumere quatuor diebus concessum est.
 79. De mussulis Monachis dandis.
 80. De discipline modo.

P R Æ F A T I O.



Nno Incarnationis Domini nostri Jesu Christi DCCCXVII. Imperii verò Gloriosissimi Principis Ludovici IV, VI. Idus Julias, cum in domo Aquisgrani Palatii, quæ Lateranis dicitur, Abbates complures una cum suis resedissent Monachis, quæ subsequuntur Capitula, communi consilio ac pari voluntate inviolabiliter à Regularibus conservari decreverunt.

C A P I T U L A.

I.
UT Abbates, mox ut ad Monasteria sua remeaverint, Regulam per singula verba discutientes pleniter legant, & intelligentes Domino opitulante efficaciter cum Monachis suis implere studeant.

II.
 Ut Monachi omnes, qui possunt, regulam memoriter discant.

III.
 Ut officium, juxta quod in regula Sancti Benedicti continetur, celebrent Monachi.

IV.
 Ut in coquina, pistrino, & in cæ-
Tomus II. Concil. German.

teris officinis propriis operentur manibus, & vestimenta sua opportuno tempore lavent.

V.
 Ut nullo umquam tempore post vigiliis causâ dormiendi, nisi contigerit eos ante horam constitutam surgere, ad lectos redeant suos.

VI.
 Ut in Quadragesima, nisi in Sabbato Sancto, non radantur, in alio autem tempore, semel per quindecim dies radantur, & in octavis Paschæ.

VII.
 Ut balnearum usus in arbitrio Prioris consistat.

VIII.

Ut volatilia intus forisve, nisi pro infirmitate, nullo tempore comedant.

IX.

Ut nullus Episcoporum Monachis volatilia comedere præcipiat.

X.

Ut poma & lactucæ, nisi quando alius sumitur cibus, non comedantur.

XI.

Ut certum phlebotomiæ tempus non observent, sed unicuique, secundum quod necessitas expostulat, concedatur; & specialis in cibo, & potu tunc consolatio præbeatur.

XII.

Ut si necessitas poposcerit ob operis laborem, post refectionem vespertinam, etiam in Quadragesima pari modo, & quando officium mortuorum celebratur, priusquam lectio completorii legatur, bibant.

XIII.

Ut cum à quocumque Priore suo increpatus quis eorum fuerit, *mea culpa* primò dicat: dehinc prosternens se illius pedibus cum cappa, si habuerit, veniam petat, & tunc iubente Priore surgat, & unde interrogatus fuerit, rationem humiliter reddat.

XIV.

Ut nudi pro qualibet culpa coram fratrum obtutibus non flagellentur.

XV.

Ut soli sine alio fratre in via non dirigantur.

XVI.

Ut sibi compadres, commatresve non faciant, neque osculentur feminas.

XVII.

Ut si necessitas fuerit eos occupari in fruges colligendo, constitutum legendi, & meridie pausandi tempus præmittatur, & operantes non murmurent.

XVIII.

Ut quarta & sexta feria jejunantes ante Nonam, & post Nonam, si necessitas fuerit, juxta Prioris arbitrium, leviter opera exerceant.

XIX.

Ut in Quadragesima libris de Bibliotheca secundum Prioris dispositionem

acceptis, alios, nisi Prior decreverit expedire, non accipiant.

XX.

Ut eis vestimenta nec multum vilia, nec multum pretiosa, sed mediocria dentur.

XXI.

Ut mensura cucullæ duobus constet cubitis.

XXII.

Ut si infra positæ mensuræ quantitatem decreverit Abbas causa necessitatis quidpiam augeri, in illius maneat potestate. Alioquin hoc omnino provideat, ut camisas duas, & tunicas duas, & cucullas duas, & cappas duas unusquisque Monachorum habeat. Quibus verò necesse est, addatur & tertia: & pedules quatuor paria, & femoralia duo paria, roccum unum, pellicia usque ad talos duo: fasciolas duas. Quibus autem necesse est itineris causâ, alias duas: Wantos in æstate, mussulas in hieme vervecinas: calciamenta diurna paria duo: subulares per noctem in æstate duas, in hieme vero foccos, saponem, & uncturam sufficienter: pinguedinem ad esum excepto sexta feria, & viginti diebus ante Nativitatem Domini, & septimana illa, quæ ante Quadragesimam vocatur Quinquagesima. Ubi autem vinum non est, unde emina detur, duplicem mensuram de cervisia bona. Et quæcumque præter hæc regula jubet, singuli, cum necessitas postulaverit, absque dilatione accipiant.

XXIII.

Ut in Quadragesima, sicut & in alio tempore, vicissim sibi pedes lavent, & Antiphonas huic officio congruentes decantent. In cæna verò Domini pedes fratrum, si valeat, Abbas lavet, & osculetur, & demum propria manu poculum eis porrigat.

XXIV.

Ut mandatum, si tempus cæna est, tam fratrum, quam peregrinorum post cænam fiat.

XXV.

Ut ea, quam Monachi sui habent, mensura sint Abbates contenti in manducando, in bibendo, in dormiendo, in vestiendo, in operando, si in aliis utilitatibus non sint occupati.

XXVI.

XXVI.

Ut villas frequenter, & nisi necessitas coegerit, non circumeant, neque suis illas Monachis custodiendas committant, & (c) eos ire ad eas necessitas fuerit, expleto necessitatis negotio ad sua mox Monasteria redeant.

XXVII.

Ut Abbas, vel quispiam fratrum, ad portam Monasterii cum hospitibus non reficiantur. In refectorio autem omnem eis humanitatem manducandi ac bibendi exhibeat. Ipse tamen ea cibi potusque mensura contentus sit, quam reliqui fratres accipiunt. Si verò propter hospitem voluerit ad solitam mensuram fratribus sibi que augere aliquid, in sua maneat potestate.

XXVIII.

Ut servitores non ad unam mensuram, sed in propriis locis, post refectio- nem fratrum reficiantur, quibus eadem lectio, quæ fratribus, recitetur.

XXIX.

Ut Lectori nihil nisi, quod Regula jubet, detur.

XXX.

Ut *Alleluja* in septuagesima dimittatur.

XXXI.

Ut Præpositus intra, & extra Monasterium post Abbatem majorem reliquis Abbati subditis habeat potestatem.

XXXII.

Ut Monachis non nisi Monachus constituatur Præpositus.

XXXIII.

Ut de Senioribus Monasterium circumeuntibus quidam cum fratribus in obedientiam exeant, quidam in Monasterio propter custodiam remaneant.

XXXIV.

Ut Novitio non facilis in Monasterium tribuatur ingressus, & ut in cella hospitem probationis causa hospitibus serviat paucis diebus; res verò, quas habet, Parentibus commendat. Exple-

A 3

to autem probationis suæ anno, secundum quod Regula præcipit, inde faciet. Ipse verò nec tondeatur, nec vestimenta pristina immutet, priusquam obedientiam promittat.

XXXV.

Ut Monachus Professione facta tribus diebus cuculla coopertum habeat caput.

XXXVI.

Ut puerum Pater aut Mater tempore oblationis offerant altari, & petitionem pro eo coram laicis testibus faciant, quam (d) tempore intelligibili ipse puer confirmet.

XXXVII.

Ut infantes oblato carnem non nisi causa infirmitatis manducent.

XXXVIII.

Ut quando fratres post sextam dormiunt, si quis eorum voluerit legere, in Ecclesia, aut in lecto suo legat.

XXXIX.

Ut in Quadragesima usque ad nonam operentur fratres, quatenus Missa celebrata congruo tempore reficiantur.

XL.

Ut domus semota his qui fugere, aut pugnis baculisve inter se voluerint configere, aut quibus ex integro factæ sunt regulares disciplinæ, habeatur huiusmodi, qua in hieme possit ignis accendi, & atrium juxta sit, in quo valeant, quod eis injungitur, operari.

XLI.

Ut si quis negligenter sonitum fecerit, aut aliud quid exceßerit in refectorio, mox à priore veniam petat.

XLII.

Ut nullus plebeius, seu clericus sæcularis, in Monasterio ad habitandum recipiatur, nisi voluerit fieri Monachus.

XLIII.

Ut nemini liceat sermonem juramenti, aut affirmationis proferre, nisi sicut Sancti Patres soliti fuerunt loqui.

XLIV.

(c) si. *Harduinus addit.*

(d) Hæc Regula moderatior est, & nostro Sæculo prorsus tenetur, à Parentum votis pueros oblatos ad Monasteria non tenet, nisi post annos pubertatis ratum habeant votum Parentum. Sed varia fuit hujus à Parentibus factæ oblationis variis Sæculis & locis observatio. *Vide Concilium Moguntinum hoc Tomo anno 879. & Canonem 22. Concilii Wormatiensis anni 866. Vide Tomi I, pag. 34. Capitulare Gregorii II. ad Bonifacium, Can. VII. Ejusdem nostri Tom. I. pag. 546. Can. XX.*

XLIV.

Ut Abbatibus liceat habere cellas, in quibus aut Monachi sint, aut Canonici: & Abbas provideat, ne minus de Monachis ibi habitare permittat, quam sex.

XLV.

Ut Schola in Monasterio non habeatur, nisi eorum, qui oblati sunt.

XLVI.

Ut in præcipuis Solemnitatibus, id est, in Natale, & in Octavis Domini, in Epiphania, in Pascha quoque, & Ascensione Domini, in Pentecoste, & in Sanctorum Festivitatibus, id est, Sancti Stephani, & Beati Joannis Evangelistæ, & in Natale Infantium, in Purificatione, & Assumptione Sanctæ Mariæ, similiter & in Beatorum Apostolorum Festis, & in Sancti Joannis Baptiste Nativitate, Sancti quoque Laurentii, atque Martini, seu in natalitiis cujuslibet Sancti, cujus honor in quacumque Parochia specialiter celebratur, plenarium officium agatur, & bis reficiatur.

XLVII.

Ut in Parasceve non aliud, nisi panis & aqua sumatur.

XLVIII.

Ut Benedictio post Completorium à Sacerdote dicatur.

XLIX.

Ut de omnibus in eleemosynam datis, tam Ecclesiæ quam fratribus, decimæ pauperibus dentur.

L.

Ut prætermisiss partitionibus Psalterii, Psalmi speciales pro eleemosynariis & defunctis cantentur.

LI.

Ut in hebdomada Pentecostes non flectantur genua, & non jejunetur, nisi statuti fuerint dies jejunii.

LII.

Ut Laicus causâ manducandi ac bibendi in refectorium non ducatur.

LIII.

Ut quoties exposcit necessitas, vestimenta & calciamenta, & omnia necessaria fratribus dentur.

LIV.

Ut qui præponunt, Nonni vocentur.

(e) Cellarius Hardinns.

LV.

Ut senior Decanus reliquis Decanis præponatur, & Abbate vel Præposito præsentem locum proprium teneat.

LVI.

Ut Præpositus, Decanus, Cellarius, (e) de eorum ministerio, nisi causâ utilitatis aut necessitatis, non removeantur.

LVII.

Ut libra panis triginta solidis per duodecim denarios metiatur.

LVIII.

Ut dormitorium juxta oratorium constituatur, ubi supervenientes Monachi dormiant.

LIX.

Ut Abbates monachos secum in itinere, nisi ad generalem Synodum, non ducant.

LX.

Ut duo tantum signa ad Tertiam, Sextam, Nonamque pulsantur.

LXI.

Ut Monachi cappas disconsultas præter villosas non habeant.

LXII.

Ut Abbas, Præpositus vel Decanus, quamvis Presbyteri non sint, lectoribus benedictionem tribuant.

LXIII.

Ut docti fratres eligantur, qui cum supervenientibus Monachis loquantur.

LXIV.

Ut de furto incerto oratio, & excommunicatio à corpore & sanguine Christi fiat, quousque culpabilis confiteatur.

LXV.

Ut si frater adversus fratrem pro qualibet culpa testimonium protulerit, fratri perfectiori credatur.

LXVI.

Ut Psalmus invitatorius, & Gloria pro defunctis non cantetur.

LXVII.

Ut Lector stando Benedictionem postulet.

LXVIII.

Ut eulogiæ fratribus à Presbyteris in refectorio dentur.

LXIX.

LXIX.

Ut ad Capitulum primitus Martyrologium legatur, & dicatur versus: deinde Regula, aut homilia quælibet legatur; deinde: *Tu autem Domine* dicatur.

LXX.

Ut ad Capitulum lectio tradatur, similiter ad consolationem, si tempus fuerit opportunum.

LXXI.

Ut quando fratres æstivo tempore jejunant, post sextam dormiant.

LXXII.

Ut is, qui noxæ culpa tenetur, die Dominico remissius habeat, & veniam non petat.

LXXIII.

Ut pro Abbate defuncto anniversarium fiat officium.

LXXIV.

Ut ad Missam *Sanctus* stantes, & *Pater noster* genu flectentes dicant.

LXXV.

Ut nullus pro munere recipiatur in Monasterio, nisi quem bona voluntas, & merita commendant.

LXXVI.

Ut unicuique fratri in cibo & in potu sua mensura separatim detur, & de ipsa mensura sibi data alicui nihil tribuat.

LXXVII.

Ut fratres aliquid pinguedinis in victu quotidiano habeant, excepto sexta feria, & diebus octo ante Natale Domini; & à Quinquagesima usque ad Pascha.

LXXVIII.

Ut volatilia in Natale Domini, & in Pascha, tantum quatuor diebus, si est unde, comedant; si vero non fuerit unde, non requiratur per debitum. Si autem Abbas & Monachi abstinere se voluerint, in eorum sit arbitrio.

LXXIX.

Ut mullulæ vervecinæ Mopachis dentur.

XXX.

In doctrina sua Abbas Apostolicam debet illam semper formulam servare, in qua dicit: *Argue, obsecra, increpa*. Id est, indisciplinatos & inquietos debet arguere; obedientes, & mites; & patientes, ut in melius proficiant, obsecrare. Negligentes & contemnentes ut increpet, & corripiat admonemus, neque dissimulet peccata delinquentium; sed mox ut cæperint oriri, radicitus, ut ea prævalet, ampuet, memor periculi Eli Sacerdotis de Silo. Improbos autem, & duos, ac superbos, vel inobedientes, verberum vel corporis castigatione in ipso initio peccati coerceat, sciens scriptum: *Stultus verbis non corrigitur, & iterum: Percute (f) filium tuum virga, & liberabis animam ejus à morte*. In omnibus igitur omnes magistrum sequantur regulam, neque ab ea temere declinetur à quoquam. Nullus in Monasterio proprii cordis sequatur voluntatem, neque præsumat quisquam cum Abbate suo proterve intra monasterium, aut foris contendere. Quodsi præsumpserit, regulari disciplinæ subiaceat. Si quis frequenter correptus pro qualibet culpa, si etiam excommunicatus non emendaverit, acrior ei accedat correctio, id est, verberum vindictæ in eum procedant. Similiter & qui præsumpserit claustra Monasterii egredi, vel quocunque ire, vel quidpiam quamvis parum sine jussione Abbatis facere, vindictæ regulari subiaceat. Peccantes autem coram omnibus arguantur, ut ceteri metum habeant.

Baluz. loc. citato.

(f) Proverbiorum XXIII.

Synodus publica congregata ad Frisinga,

SUB HITONE EPISCOPO FRISINGENSI SEXTO.

Anno Christi DCCCXVII. Paschalis Papæ I.

Ludovici Pii IV.

ACTIO. Donationem suæ hæreditatis in Adalhelmesbusir, factam à Reginbarto Diacono, acceptat Episcopus in publica Synodo.

Notum est cunctis in Episcopio Sanctæ Mariæ conversantibus, qualiter vir Venerabilis Hitto Episcopus, in beneficium præstabit Reginbarto Diacono

cono rebus propriis Sanctæ Mariæ semper Virginis in loco Echinaha, quas Oadalpald Presbyter jam olim domui Sanctæ Mariæ traditum, & firmiter condonatum habuit; nunc autem convenientiam inter se fecerunt jam dictus Oadalpald Presbyter, & Reginhart Diaconus, ut ipse Reginhart propriam hæreditatem suam, quam habet in loco nuncupato (a) Adalhelmeshufir, domui Sanctæ Mariæ tradidisset. Hoc conditum inter se congregatis parentibus & propinquis pervenerunt ad Pium Pontificem Hittonem in publico Synodo congregato ad Frigisinga, ibique coram cunctis in S. Synodo congregatis ipse Reginhart Diaconus accessit ad altare S. Mariæ, & tradidit, quicquid jam dicto loco Adalhelmeshufir propriæ hæreditatis legibus habere videbatur, eo modo, ut

post obitum illius nullus potestatem haberet, ullo modo domui S. Mariæ contradicere. Accepta traditione ab Episcopo Hittone statim in beneficium concessit ambas res Reginharto Diacono, eo modo si se ipse Reginhart contra domum S. Mariæ fideliter custodisset, & omni anno ad censum sex denarios inde persolvisset. Hi sunt testes per aures tracti: Swarzolz, Heriperht, Ampricho, Toro, Sigur, Willihelm, Luitprant, Adalger, Putilo, Hartmoat, Wichart, Wigant, Wicco, Emicho, Sigideo, Tato, Ellanheri, Suto, Meginrat, Lantrih, Huno, Deotrih, Reginperht. Actum est, die Consule, quod facit XII. Kalendas Novembris, anno Gloriosi Imperatoris Hludowici IV. Indictione XI. Ego Tagibertus indigenus Presbyter scripti iussione Hittonis Episcopi.

EJUSDEM SYNODI ACTIO II.

Similis acceptatio HITTONIS Episcopi.

Notum est cunctis in Episcopio Sanctæ Mariæ conversantibus qualiter Sindperht Presbyter tradidit propriam hæreditatem suam in loco (b) Hohinreini ad Domum Sanctæ Mariæ semper Virginis, seu ad Corpus Beati Corbiniani Confessoris Christi, hoc est, Ecclesiam cum domo, vel quicquid, ad ipsam Ecclesiam Legibus pertinere videbatur, ipsèque jam dictus Sindperht Presbyter eo modo hanc traditionem peregit. Surrexit in publico Synodo ad Frigisinga congregato in præsentia Viri Venerabilis Hittonis Episcopi, pariterque in præsentia cunctorum, qui in eodem Concilio congregati esse vi-

debantur; & tradidit, quicquid justè & legitime in jam dicto loco Hohinreini propriæ hæreditatis vel acquisitionis habuit; nihil enim ex cunctis prætermisit, sed totum ex integro Domui Sanctæ Mariæ tradidit, & firmiter condonavit. Hæc sunt testes per aures tracti; Swarzolz, Heriperht, Ampricho, Toro, Sigur, Willihelm, Luitprant, Adalger, Putilo, Hartmoat, Wichart, Wigant, Wicco, Sigideo, Tato, Ellanheri. Actum est hoc in XII. Kal. Novembris, anno Gloriosi Imperatoris Hludowici IV. Indictione X. (c) Ego quidem Tagibertus indigenus Presbyter hanc traditionem scripti iussione Episcopi.

Meichelbeck Historie Frisingensis Libro I. Parte II. Instrumento CCCLIV. pag. 187. & CCCLX. pag. 190.

(a) Adalhelmeshufir, Almanshausen, Wolfratshufiani districtus.

(b) Hohinreine. Fortè Hehenrein, aut vicus Wolfratshufiani, aut arx Hiblingensis districtus.

(c) Anno 817. currebat Indictio X. usque ad Septembrem: licet nonnulli minus accuratè ea utantur usque ad Decembrem: cæterum post Septembrem anni 817. Stilo Romano Indictio XI. currebat, quam & charta præcedens adnotavit.

SYNODUS IN FRIGISINGA SUB HITTONE EPISCOPO.

Anno Christi DCCCXVIII. Paschalis Papæ II.
Ludovici Imperat. V.

*Traditiones variorum factas Ecclesiæ Frisingensi acceptat Episcopus in
Synodo coram testibus.*

FUlciti Divinâ videlicet compunctio-
ne instincti quidam laici nobili ho-
mines nomine Cotescalch, & frater ejus
Deotpald ceperunt cogitare, quomodo
apud pium Dominum delictorum suo-
rum indulgentiam adipiscere, & trami-
tem rectum ad regna cœlorum intrandi
mereantur. Ob hoc venerunt ad Frigi-
singas, ubi Dominus pretiosus *Corbima-
nus* in corpore requiescit, vel ibidem
præest Venerabilis *Hitto* Episcopus cum
norma plurima Monachorum ad Lau-
des Christi canendas, & tradiderunt ad
Domum Beatæ, & inviolabilis Mariæ,
& pro remedium animarum suarum in
loco nominato Mezinga, quicquid ibi-
dem jure dominationis habere noscun-
tur, quod contra fratrem suum sibi
propriæ alodis usurparent, hoc ipsum
cum omni integritate seu stabilitate ad
præfatam domum deligaverunt, nec
non perpetuiter firmaverunt, ut dein-
ceps prædictus Episcopus, quicquid
placuisse, & potestatem haberet exhi-
bendi; Hoc actum coram publico Sy-
nodo sub die consule, quod est in VIII.
Idus Novembris, Indiæ. XI. anno Cla-
rissimi, atque Piissimi Hludowici Au-
gusti Principatum tenentis IV. Testibus
illis: Luitpald Comes, Hato, Drudolt,
Isker, Heriperht, Walgo, Eparheri,
Rihpald, Tuato, Ampricho, Engilrih,
Meginhart, Irminperht, Ellant.

Eodem quoque die Toato, & fra-
tres sui Rihheri, & Aserch eorum ad-
quisitionem contra placitabant, quam
habuerunt pro Ecclesiâ in loco nomi-
nato Tân, in honore Sancti Pancratii
dedicata ad Hittone Episcopum, &
femeripfos, & successores eorum adsci-
tos fecerunt coram multis, & coram
ipsis superscriptis testibus hoc firmiter
confirmaverunt.

Sacrum & memorabile Concilium
Divino nutu in Frigifensē congregatum
tam Presbyterorum vel cunctorum scilicet
Ecclesiasticorum sub ditione Hittonis
Episcopi commorantium, præveniente,
& subsequente Christi gratiâ tractare,
atque instituere, quæ Deo placita sunt,
& hominibus salubria. Contigit nam-
que, Otkerum Presbyterum ibi inter-
fuisse, tunc tamen surrexit sonando, &
suggerendo omnibus ab hoc Synodo ve-
nientibus, qualiter suam hæreditatem,
vel acquisitionem temporibus Tassiloni
Ducis ad domum Beatæ & inviolabilis
Mariæ tradidit, atque donavit, & coram
his memoratis renovavit, nec non ob-
nixè rursum tradidit, seu firmavit ad
præfatam domum, ut nulla depravatio,
aut fraudatio exinde non evenisset,
postquam ipse, & frater ejus Willipald
vitam finissent, sed tamen præfatam
alodem jacentem prope fluvio semita in
loco, qui dicitur Hohinprugka cum
omnibus ibidem commorantibus post
obitum suum firmiter ad potestatem Bea-
tæ Mariæ, & illorum, qui præessent
illo domo, funditus haberent. Actum
est hoc in præsentia, quorum nomina
hic inferuntur: (a) Meginhart Abbas,
(b) Sigimot, (c) Warmunt Abbas,
Johann Archi-Presbyter, Heriperht
Archi-Presbyter, Seacco Presbyter, Re-
ginperht Presbyter, Altman, Hunolt
Presbyter, Isaac, Ekkihart, Reginolf,
& alii Presbyteri innumerales, testes:
Heriperht Comes, Rumolt, Kaganhart,
Sigideo, Emicho, Regino, Diudolf,
Lanfrid, Wichart, Emicho, Asolt, He-
ricco. Anno Gloriosissimi Hludowici
IV. & in Bajowaria, Hlodhario filio suo
regnante anno II. Indiçione XI.

Meichelbeck Historia Frisingensis Lib. I. Part.

II. Instrum. CCCLXV. CCCLXVII.

pag. 192. 193.

B

CON.

(a) Meginhart Abbas Tegernseensis.

(c) Warmunt Abbas Schlierseensis.

(b) Sigimot Abbas Mospurgenfis.

CONCILIIUM AQUISGRANENSE.

Anno Christi DCCCXVIII. Paschalis Papæ II.
Ludovici Imp. V.

ACTIO. Punitio decreta varia Rebellionum anno superiore contra Ludovicum Imperatorem, Bernharti Regis Italiae, Eggidei & Reginharti complicum, Episcoporum Anselmi Mediolanensis, Wolfoldi Cremonensis, Theodolphi Aurelianensis, (a) Depositorum & Monasterio mancipatorum.

DEfecta fraude, & conjuratione patefacta, ac seditiosis omnibus in potestatem suam Imperialem redactis, Imperator Aquisgranum (b) revertitur, transactoque quadragesimali jejunio, paucis post Pascha diebus conjurationis auctores, qui superius nuncupati sunt, & Bernhartum Regem, Judicio Fran-

corum capitali sententiâ condemnatos, luminibus tantum jussit orbari: Episcopos *Synodali* Decreto depositos Monasteriis mancipari; ceteros, prout quisque nocentior, vel innocentior apparebat, vel exilio præsentî, vel detondi, atque in Monasteriis conversari (jussit.)

(a) Theodulfus Aurelianensis in suis Carminibus non semel protestatur se infontem, nec potuisse ab Episcopis judicari, sed à solo Summo Pontifice, à quo Pallium acceperat. *Labbe pag. 1866.*

(b) *Author vita Ludovici Pii apud Pithoeum & Duchesne Tomo II. Scriptor, Franc. Annales Neuenariani & Reuberiani & Bertiniani ad h. a. Eginhardus in Chronico ad annum 817. 118. Adelmus Benedictinus, & Strabo Fuldenfis sed ad annum 819.*

CONCILIIUM ULMÆ.

Anno Christi DCCCXVIII. Paschalis Papæ II.
Ludovici Pii V.

ACTIO. Monachis Sancti Galli confirmatur facultas eligendi Abbatis & Immunitates quædam contra Wolfoleon Constantiensem Episcopum.

Tanta causa necessitatis Hludovicum piissimum Imperatorem Fratres de Monasterio S. Galli adierunt, ejusque Clementiam suæ miseriæ solamen esse poscebant. Episcopus quoque eodem tempore præsens aderat, *Coepiscoporum consensu solatio*, aliorumque familiarium Regis, quos omnes suæ partis sciebat esse administratores, Monachorumque adversarios. Maximam tamen suæ pertinaciæ fiduciam habuit in quadam carta, quæ diabolicis machinationibus à quodam diaboli ministro conscripta, non solum idem Monasterium, sed & alia loca non pauca falsissimè cavebat ad Episcopi partes, quasi hæreditario jure pertinere. Monachi vero econtra nullam eo tempore suæ securitatis cartam ha-

buerunt, una ut prædiximus concremata, alia vero, sicut etiam præfati sumus, quam suscipere ob aliquam causam Monachi noluerunt, ab Episcopo detenta.

Cum vero altercatio inter Episcopum & Monachum oriretur coram Principe; Episcopus petiit, ut sua carta coram Imperatore legeretur, & secundum eam res judicaretur. Ipsam autem, quam supra memoravimus, mendis plenissimam præferre cogitavit: sed Divina pietas suis, quibus humana deerant solatia, superna dignata est, intercedente S. Gallo, conferre subsidia.

Denique Episcopus, cum de manibus proprii ministri suæ voluntatis se putaret accipere cartam, imo (ad) S. Galli famulos destruendos invidiosam deci-

decipulam; non eam, quam voluit, sed proficuo nobis errore aliam cartam Imperatori, cunctisque Principibus, causæ penitus ignarus coram designavit, quam ab Imperatore Carolo *sub Johanne Episcopo* nobis factam, sed à nostris antecessoribus ob alicujus infandæ additionis maculam non receptam, supra memoravimus, quam cum piissimus Imperator suscepisset, sigillumque sui Patris recognoscendo intuitus esset, venerando deosculatus est, circumque astantibus similiter honoris causâ deosculandum contradidit: deinde traditur carta legenda. Cum vero audisset Episcopus, contra suum decretum cartæ procedere textum, protinus recusavit, istam afferens perverfam, aliâque cupiens suæ

perverfitatis in præsentiam asserre scripturam. Quod benivolus Imperator non consensit, sed tantæ auctoritatis firmitatem Monachis restituendo contradidit, ut liberi ad suâ redeundi potestatem deinceps eligendi sibi Abbates haberent, nullamque potestatem Episcopi absque Magisterii causâ spiritualis super eos deinceps haberent: excepto quodam censu, quem de Monasterio ad Episcopatum perfolvi debere singulis annis, hoc est, unum equum, & unam unciam auri supra memorata adulterata à *Johanne* carta assererat. Insuper etiam præfatus Princeps ad augmentum securitatis eorum cartam emunitatis suâ auctoritate illis contradidit.

Ratpertus de casibus Monasterii S. Galli Cap. VI. Goldastus rerum Alemannicarum Tomo I. Parte I. pag. 5.

Wolfeleon fuit Episcopus Constantiensis annis XVIII. ab anno nimirum DCCCXV. ad DCCCXXXII. fuerat ante Monachus S. Galli; sed ingratus, post obtentam mitram S. Galli Abbatiam suæ Cathedralis incorporare ardebat, jussus quiescere ab iniquo postulato Imperio Ludovici Pii Augusti, circa annum DCCCXVII. *Præfizus in Suevia & Wirtembergia Sacra Coepiscoporum auditis sententiis & Augusti edicto circa 1717. editis post Stumphium Chronologia Helvetia Lib. IX. Cap. 31.*

CONVENTUS PUBLICUS AQUISGRANI.

Anno Christi DCCCXIX. Ludovici Pii VI.
Paschalis Papæ III. post Natale Domini.

ACTIO I. *Auditio & Confirmatio Missorum Domini coram, id est; Episcoporum & Comitum Missorum (a) per omnes Germaniæ & Franciæ Comitatus.*

ACTIO II. *Capitula nova 29. ad Legationem Missorum Regionum memoriæ causa pertinentia, de quibus videlicet causis agere debeant. (b)*

ACTIO III. *Epistola Hetti Treverensis Archi-Episcopi, ad Frotharium Tullensem Episcopum, de observantia Capitulorum Regionum pro Ecclesia & Regno.*

Hieme anni DCCCXIX. Imperator Ludovicus in Palatio Aquisgrani Conventum publicum populi sui celebravit, & renuntiantes sibi Missos de omni suo regno, quos pro statu Sanctæ Ecclesiæ restaurando dejecto vel confir-

mando stante miserat, audivit, & quidquid utile judicavit, sancta impellente devotione superaddidit, nihilque intactum reliquit, quidquid ad honorem Sanctæ Dei Ecclesiæ proficere posse visum fuit.

Interea quædam Capita legibus superaddidit, in quibus causæ forenses claudicare videbantur, quæ hæcenus veluti pernecessaria servantur.

Author vitæ Ludovici Pii.

In Conventu Aquisgranensi anni hujus multa de statu Ecclesiarum & Monasteriorum tractata atque ordinata sunt.

Annal. Francor. Nemenariani & Reuberiani.

(a) Missi à Ludovico Pio per Episcopos & Comitatus Regni sui Germanici, hi leguntur *Lib. II. Capitularium* Ansegisi, apud Baluzium Tomo I. pag. 743. Cap. XXV.

Missi Regii in Germania.

In *Vesontio*, quæ est Diœcesis Bernoini Archi-Episcopi, Haiminus Episcopus, & Monogoldus Comes.

In *Mogontia*, quæ est Diœcesis Heistulphi Archi-Episcopi, idem Heistulphus Episcopus, & Rhuebertus Comes.

In *Treviris* Hetti Archi-Episcopus, & Adalbertus Comes.

In *Colonia* Hadaboldus Archi-Episcopus, & Etmundus Comes.

(b) Capitula quinque ad hunc annum scripta refert Baluz. *Lib. I. Capitular.* pag. 597. & seqq. quatuor prima utpote potissimam partem ad forum civile spectantia prætermittimus. Solum quintum inferimus.

CAPITULA DE INSTRUCTIONE MISSORUM. (*)

INCIPIUNT.

1. De Legatione omnium Missorum Dominicorum.
2. De illis libertatibus, & rebus reddendis, quæ in Dominica Vestitura sunt, qualiter inquirantur.
3. De oppressione pauperum, viduarum, & pupillarum.
4. De injustis consuetudinibus noviter institutis.
5. De honore Ecclesiarum.
6. De nonis & decimis.
7. De locis dandis ad claustra Canonicorum faciendâ.
8. De observatione Præceptorum Dominicorum.
9. De his, qui per occasionem immunitatis justitiam facere renuunt.
10. De locis jam dudum sacris, & nunc spurticia sedatis.
11. De Beneficiis Dominicis destructis.
12. De falsa moneta, & de aliis diversis causis prohibendis.
13. De Missorum Dominicorum observatione.
14. De placitis à liberis hominibus observandis.
15. De debitis ad opus dominicum reuadiato.
16. De his, qui ad Palatium vel in hostem pergunt, & inde redeunt.
17. De pontibus publicis.
18. De Clericis, Monachis, & servis fugitivis.
19. De Advocatis Episcoporum, Abbatum, Comitum, & Abbatissarum.
20. De Vicariis vel Centenariis, si latrones celaverint.
21. De Comitibus & Vicariis admonendis de constitutione legis.
22. De forestibus dominicis.
23. De Missis dominicis, & de his, qui justitiam facere renuunt.
24. De Missis dominicis, ubi diutius non debeant immorari.
25. De Missis dominicis, & de Comite in aliquod Missaticam directo.
26. De Missis dominicis, qualiter conjectum accipere debeant.
27. De Vassis Dominicis, & Episcoporum, vel reliquorum, qui in hoste non fuerunt.
28. De Episcopis, Abbatibus, & Comitibus, & de placito Missorum dominicorum.
29. De dispensa Missorum dominicorum.

INCIPIUNT SUPRASCRIPTA CAPITULA ET EORUM TEXTUS.

De Legatione omnium Missorum dominicorum.

I. (a) Legatio omnium Missorum nostrorum hæc est: primò, ut sicut jam

aliis Missis injunctum fuit, justitiam faciant de rebus & libertatibus injustè ablati, & si Episcopus, aut Abbas, aut Vicarius, aut Advocatus, aut quislibet de

(*) Baluz. Tomo I. *Capitularium* à pag. 613. ex tribus Codicibus MSS, uno Bibliothecæ Regiæ, altero Bigotianæ, tertio Remensis S. Remigii.

(a) *Capitularium* Ansegisi Libro IV, 44.

de plebe hoc fecisse inventus fuerit, statim restituantur. Si vero vel Comes, vel Actor dominicus, vel alter Missus Palatii nostri hoc perpetraverit, & in nostram potestatem redegerit, res diligenter investigata & descripta, ad nostrum iudicium referretur.

De illis libertatibus & rebus reddendis, quæ in dominica vestitura sunt, qualiter inquirantur.

II. (b) Volumus autem, ut de his libertatibus & rebus reddendis, quæ in nostra vestitura sunt, primò per optimos quosque inquiratur. Et si per illos inveniri non possit, tunc per eos, qui post illos in illa vicinia meliores sunt. Et si nec per illos rei veritas inveniri potest, tunc liceat litigantibus ex utraque parte testes adhibere. Et si discordaverint, secundum institutionem, à nobis promulgatam examinentur.

De oppressione pauperum, viduarum, & pupillorum.

III. (c) De pauperibus, viduis, & pupillis injustè oppressis, ut adjuventur, & releventur.

De injustis consuetudinibus noviter institutis.

IV. (d) De injustis occasionibus, & consuetudinibus noviter institutis, sicut sunt tributa, & telonei in media via, ubi nec aqua, nec palus, nec pons, nec aliquid tale fuerit, unde iuste census exigi possit, vel ubi naves subitus pontes transire solent, sive in medio flumine, ubi nullum obstaculum est, ut auferantur. Antiquæ autem ad nostram notitiam deferantur.

De honore Ecclesiarum.

V. (e) De honore Ecclesiarum, ut per omnia eis exhibeatur, sicut nuper à nobis cum consensu omnium fidelium nostrorum constitutum est. Et ut hoc Missi nostri omnibus in sua legatione constitutis notum efficiant.

De nonis, & decimis.

VI. (f) De nonis & decimis, ut secundum iussionem nostram dentur.

De locis dandis ad claustra Canonorum facienda.

VII. (g) De locis dandis ad clau-

B 3

stra Canonorum facienda, si terra de ejusdem Ecclesiæ rebus fuerit, reddatur ibi. Si de alterius Ecclesiæ vel liberorum hominum, commutetur. Si autem de Fisco nostro fuerit, nostra libertate concedatur.

De observatione Præceptorum dominicorum

VIII. (b) De observatione Præceptorum nostrorum & immunitatum, ut ita observentur, sicut à nobis & ab antecessoribus nostris constitutum est.

De his, qui per occasionem immunitatis justitiam facere renuunt.

IX. (i) De his, qui per occasionem immunitatis justitiam facere renuunt, ut hoc observetur, quod à nobis constitutum est.

De locis jam dudum sacris & nunc spurcitiæ fedatis.

X. (k) De locis jam dudum sacris, & nunc spurcitiæ fedatis, ut juxta possibilitatem in antiquum statum reformentur.

De Beneficiis dominicis destructis.

XI. (l) De beneficiis nostris, quæ destructa inveniuntur, hoc impleatur, quod nuper à nobis constitutum est.

De falsa moneta, & de aliis diversis causis prohibendis.

XII. (m) De nova moneta, & de falsa moneta, & de dispectu literarum nostrarum, & de latronibus coercendis, vel puniendis, & de falsis pacandis, de homicidiis prohibendis, de perjuriis & falsis testibus compescendis, de his omnibus, vel cæteris his similibus hoc, quod modo constituimus, omnibus annuntietur, & in futurum observetur.

De Missorum dominicorum observatione.

XIII. (n) Hoc volumus, ut Missi nostri observent, ut quidquid de his causis vel simul, vel singillatim emendare potuerint, emendent; & ea, quæ emendaverint, diligenter scriptis notent. Et hoc si peragere curent, quatenus justè reprehendi à quopiam nullatenus possint. Et quæ facere debent, aut possunt, nullatenus prætermittant; immo caveant, ne, quod abest, aut gratia alijus,

(b) Capitularium Ansegisi Libro IV, 45.

(e) Ibid. 48.

(i) Ibid. 52.

(n) Ibid. 56.

(f) Ibid. 49.

(k) Ibid. 53.

(c) Ibid. 46.

(g) Ibid. 50.

(l) Ibid. 54.

(d) Ibid. 47.

(h) Ibid. 51.

(m) Ibid. 55.

cujus, aut honoris, aut timoris, sive odii causa illud, quod agere debent, omittant. Et summo opere studeant, ut hoc, quod per se efficere non possunt, nobis notum faciant. Et omnimodis prævideant, ut per singula Capitula tam verbis, quam scriptis, de omnibus, quæ illic peregerint, nobis rationem reddere valeant.

De placitis à liberis hominibus observandis.

XIV. (o) De placitis, si quidem quos liberi homines observare debent constitutio genitoris nostri penitus observanda, atque tenenda est, ut videlicet in anno tria solummodo generalia placita observent, & nullus eos amplius placita observare compellat, nisi forte quilibet, aut accusatus fuerit, aut alium accusaverit, aut ad testimonium perhibendum vocatus fuerit. Ad cætera vero, quæ centenarii tenent, non alius venire jubeatur, nisi, qui aut litigat, aut judicat, aut testificatur.

De debito ad opus dominicum reuadiato.

XV. (p) Ut de debito, quod ad opus nostrum fuerit reuadiatum, talis consideratio fiat, ut is, qui ignoranter peccavit, non totum secundum legem componere cogatur, sed juxta quod possibile visum fuerit. Is verò, qui tantum mala voluntate peccavit, totam legis compositionem cogatur exsolvere.

De his, qui ad Palatium, vel in hostem pergunt, vel inde redeunt.

XVI. (q) Ut nullus ad Palatium, vel in hostem pergens, vel de Palatio, vel de hoste rediens, tributum, quod trasturas vocant,olvere cogatur.

De pontibus publicis.

XVII. (r) Ut pontes publici, qui per bannum fieri solebant, anno præfente in omni loco restaurentur.

De Clericis, Monachis, & Servis fugitivis.

XVIII. (s) Ut Clerici, Monachi, & servi fugitivi ad sua loca redire cogantur.

(o) Capitularium Ansegisi Libro IV, 57.
(p) Ibid. 60. (q) Ibid. 61.
(r) Ibid. 64. (s) Ibid. 65.
(t) Ibid. 68.

De Advocatis Episcoporum, Abbatum, Comitum, & Abbatissarum.

XIX. (t) Ut nullus Episcopus, nec Abbas, nec Comes, nec Abbatissa Centenarium Comitum Advocatum habeat.

De Vicariis vel Centenariis, si latrones celaverint.

XX. (u) Ut Vicarii vel Centenarii, qui fures & latrones vel celaverint, vel defenderint, secundum sibi datam sententiam dijudicentur.

De Comitibus & Vicariis admonendis de constitutione legis.

XXI. (w) Ut Comites, & Vicarii, & Centenarii de constitutione legis admonerentur, qua jubetur, ut propter justitiam pervertendam munera non accipiant.

De forestibus dominicis.

XXII. (x) De forestibus nostris, ut ubicunque fuerint diligentissime inquirent, quomodo salvæ sint & defensæ, & ut Comitibus denuntient, ne ullam forestem noviter instituant; & ubi noviter institutas, sine nostra jussione invenerint, dimittere præcipiant.

De Missis dominicis, & de his, qui justitiam facere veniunt.

XXIII. (y) Ut ubicunque ipsi Missi, aut Episcopus, aut Abbatem, aut alium quemlibet quocunque honore præditum invenerint, qui justitiam facere vel noluit, vel prohibuit, de ipsius rebus vivant, quamdiu in eo loco justitias facere debent.

De Missis dominicis, ubi diutius non debeant immorari.

XXIV. (z) Ut in illius Comitum ministerio, qui bene justitias factas habet, iidem missi diutius non morentur, neque illuc multitudinem convenire faciant, sed ibi moras faciant, ubi justitia vel minus, vel negligenter facta est.

De Missis dominicis, & de Comite in aliquod Missaticum directo.

XXV. (a) Ut in illius Comitum ministerio iidem Missi nostri placitum non teneant,

(p) Ibid. 58. (q) Ibid. 59.
(r) Ibid. 62. (s) Ibid. 63.
(t) Ibid. 66. (u) Ibid. 67.

teneant, qui in aliquod Missaticum directus est: donec ipse reversus fuerit, ut causa, quæ adhuc coram Comite non fuit, & is, qui se reclamat propter suam stulticiam, aut contumaciam comitem inde appellare noluit, iterum comiti commendetur.

De Missis dominicis, qualiter conjectum accipere debeant.

XXVI. (b) Ut Missi nostri, qui vel Episcopi, vel Abbates, vel Comitibus sunt, quamdiu prope suum beneficium fuerint, nihil de aliorum conjecto accipiant. Postquam verò inde longè recesserint, tunc accipiant secundum quod in sua tractoria continetur. Vassi verò nostri & ministeriales, qui missi sunt, ubicunque venerint, conjectum accipiant.

De Vassis dominicis, & Episcoporum vel reliquorum, qui in hoste non fuerunt.

XXVII. (c) Ut Vassi nostri, & Vassi Episcoporum, Abbatum, Abbatissarum, & Comitum, qui anno præfente in hoste non fuerunt, heribannum reuadient, exceptis his, qui propter necessarias causas & à Domino ac Genitore nostro Carolo constitutas domi dimissi fuerunt, id est, qui à Comite propter pacem conservandam, & propter conjugem ac domum ejus custodiendam, & ab Episcopo, vel Abbate,

vel Abbatissa similiter propter pacem conservandam, & propter fruges colligendas, & familiam constringendam, & Missos recipiendos dimissi fuerunt.

De Episcopis, Abbatibus, & Comitibus, & de placito Missorum dominicorum.

XXVIII. (d) Ut omnis Episcopus, Abbas, & Comes excepta infirmitate, vel nostra jussione nullam excusationem habeant, quin ad placitum Missorum nostrorum veniat, aut talem Vicarium suum mittat, qui in omni causa pro illo reddere rationem possit.

De dispensa Missorum dominicorum.

XXIX. (e) De dispensa Missorum nostrorum, qualiter unicuique juxta suam qualitatem dandum vel accipiendum sit, videlicet Episcopo panes quadraginta, frisingæ tres, de potu modii tres, porcellus unus, pulli tres, ova quindecim, annona ad caballos modii quatuor. Abbati, Comiti, atque ministeriali nostro unicuique dentur cotidie panes triginta, frisingæ duæ, de potu modii duo, porcellus unus, pulli tres, ova quindecim, annona ad caballos modii tres. Vassallo nostro panes decem & septem, frisinga una, porcellus unus, de potu modius unus, pulli duo, ova decem, annona ad caballos modii duo.

(b) Capitularium Ansegisi Libro IV, 69.

(c) Ibid. 73.

(c) Ibid. 70.

(d) Ibid. 71.

EPISTOLA HETTI (a) ARCHIEPISCOPI.

*Hetti gratia Dei Archi-Episcopus Venerabili in Christo, & cum summa reverentia nominando Frothario Episcopo Tullensi saluberri-
mam implorat in Domino Salutem.*

Meminisse volumus sagacitatem vestram, monitionis, quam instanti anno simillimis opicibus suscepistis ex-

pressam. Non nescitis enim, cum qua cautela hoc mandatum (b) suscepimus, Domni Imperatoris, nos in Dicecesi nostra,

(a) Hetti Archi-Episcopus Treverensis electus fuit anno 814. intervenit Conciliis Aquisgranensi anno 819. Theodonis Villano 821. Moguntino 834. Obiit anno 847. *Ilmus Honibemus Tomo I. Historia Diplomatica Treverica pag. 64. & pag. 171.*

(b) Mandatum hoc intelligo exemplar ab Archi-Episcopi Hetti ad Frotharium Tullensem Episcopum Saffraganeum suum de exequenda Regula Canonicorum in Concilio Aquisgranensi anno 816. promulgata. *Tomo I. pag. 430.* Ubi & similis formæ Epistola Caroli Magni pag. 540. Scripta ad Arnouem Salisburgensem pro executione mandati seu Regulæ Canonicorum.

stra, & Episcopi singuli in Parochiis suis, id est de regula augendæ Religionis, & de ministratoriis Canonicorum officinis: ut si quibus in locis bene comptæ essent, deinceps cum summa diligentia ornarentur. Nunc autem in proximo est placitum, (c) quo sine dubio sciscitabitur de obtemperatione mandati sui, Dominus mandati; quapropter scrutemini diligenter in Parochia vestra, in vestris aliorumque Monasteriis, si præfata regula digne per omnia conservetur. Et

si officinæ juxta ipsius decreta, constructæ atque innovatæ contineantur: ut cum imperiali solertia præsentabimur, dejecta procul molimenta aliorum una nobiscum ex omnibus illi à nobis veritas nuntietur, (d) per Triennium enim hæc monitio facta est. Idcirco nulla potest inveniri occasio. Ideoque quanto cuique fuerit imperfectior, tanto & fragilior. Valete in Domino, & parvitas nostræ nolite oblivisci. Deus Pacis & Dilectionis sit nobiscum, Amen. (e)

(c) Placitum hoc esse Aquisgranense anni 819. autumat *Illmus Hombemius*.

(d) Nam ab 816. ad 819. triennium intercurrit, quo durante hæc monitio per Legatos seu Missos Regios in toto regno facta fuit, & hoc anno 819. novis instructionibus aucta. Testis *Author vita Ludovici Pii* pag. mihi 368. " Quem librum [Regularum] per omnes Civitates & Monasteria Canonici Ordinis sui Imperii misit (*Ludovicus Pius Augustus*) per manus " Missorum prudentium, qui illum in omnibus supradictis locis transcribi facerent.

[e] Epistolam hanc primus edidit *Duchefne Tomo II. Scriptor. Francia* ex antiquis membranis Carotenensibus inter Epistolas Frotharii N. XXVIII.

MAGNA ET UNIVERSALIS
SYNODUS AD FRIGISINGA,
SUB HITONE EPISCOPO.

Anno Christi DCCCXIX. Paschalis Papæ III.
Ludovici Imperat. VI.

Pernwini Presbyteri Donationes factas Domui Sanctæ Mariæ in Frisingen, acceptat & ratificat Hitto Episcopus in magna & universalis suæ Diœceseos Synodo.

Fideles namque Fidei ardore, & Christi amore succensi ob animarum suarum remedium, & cælestis Patriæ desiderium suis propriis facultatibus sanctam locupletem fecerunt Ecclesiam. Quapropter quidem Presbyter nomine Pernwin, vir bonus, quam etiam & in sua conversatione honestus: die, siquidem contigit, eum, congregatione Presbyterorum, Diaconorum, cæterorumque Clericorum interesse ad Frigisinga, ubi magnus & universalis Synodus habebatur, ibique pro arbitrio, & spontanea voluntate in medio erupit, & omnibus consentientibus publicâ voce indicavit, quodd tunc votum vovit, quando Atto Episcopus Ecclesiam dedicavit suam, ad domum deligare Sanctæ Mariæ propriam rem, nam etiam statimque coram supra

memorata multitudo jam fatus Presbyter pro (a) manice beverino in altarem Beatæ Mariæ, ubi electus, & gloriosus Dominus *Corbinianus* in corpore requiescit, tradidit, nec non jure perpetuo firmiter stabilivit, quantumcunque hæreditatis, seu acquisitionis in pago (b) Uparacha in loco, nuncupante Pere, habere visus fuerat, hoc totum, penitus omnia ex omnibus tam de alode, quam & de comparato, seu per qualibet artem ad eum pervenisse dinoscitur, donavit, atque transfundavit ad prædicto Domo Mariæ Genitricis Dei in castro posito Figisinga cum domibus, ædificiis curtiferis, wadris, capis, terris, sylvis, campis, pratis, pascuis, farinariis, aquis, aquarumque decursibus, cultis, & incultis, greges cum pecoribus tradidit, atque

(a) Manice beverino. *Fortè*: Manica fibrina seu castorina.

(b) In Pago Uparacha: Ubracker ad fluv. Maifacham Dachaviensis Territorii.

atque funditus ad memòratum domum perpetualiter munivit, ut in evum inconvulsū omnino firmum, & stabulis permaneret, eo utique tenore factum fuisse constat, ut ille ipse tam diu in hac fragili, & misera vita degeretur, ad suum usum & utilitatem frueret, & pro hoc annis singulis dimidium solidum ad tributum persolveret. Deinde omnino humiliter postulavit, si suæ scilicet neptis necessitas evenisset, & si eum superstitis fuisset, quatenus annonam ad præbenda ibi teneret, cum tali censu, sicut illi imponere decrevissent. Post illorum quoque discessum ad supra notatum Domum cum omni integritate, vel soliditate uteretur, stipulatione interpositâ, quorum nomina hic recitantur in præsentia *Hyttonis* Episcopi, Sigimot, Hahart, Sabulo Abbas, Heriperht Archi-Presbyter,

Oadalpald Presbyter & Monachus, Hiltoif, Alprat, Hèriolt, Rubo, Undeo, Sigihart, Uuldarih, Erchanperht. Testibus illis: Sigur, testes, Situli, Corcperht, Oadalhart, Cundhart, Alctrid, Ellanhart, Heipo, Willihelm, Reginpald, Eparheri, Emicho, Kerperht, Weriant, Sigideo, Kaganhart, Engilhart, Adalperht, alius Kerperht, Leidrat, Arbeo, Reginhelm, Ratkis, Taro, Reginperht, Engilhart, Wichart, Walho, cæterique innumerabiles aderant. Hoc actum sub die Consule, quod est in XIV. Kal. Novembris, Anno Incarnationis Domini DCCCXVIII. Indictione XII. Regnum gubernante Hludovico Imperatore V. (c)

Meichelbeck Historiæ Frisingensis Libro I. Parte II. Instrumento CCCXC. pag. 207.

(c) Reapfe VI.

AHYTONIS EPISCOPI BASILEENSIS CAPITULARE.

Hæc Capitula, quæ sequuntur, Ahyto (a) Basileensis Ecclesiæ Antistes, & Abbas Cænobii, (b) quod Augia dicitur, Presbyteris suæ Diœcesis ordinavit: quibus monstrantur, qualiter se ipsos, ac plebem sibi commissam caste & juste regere, atque in Religione confirmare debeant.

I.

Primò omnium discutienda est fides Sacerdotum, qualiter credant, & alios credere doceant; ubi & exempla proponenda sunt, quatenus à creatura Creator, quantulumcunque possit intelligi.

II.

Secundò jubendum, ut Oratio Dominica, in qua omnia necessaria humanæ vitæ comprehenduntur, & Symbolum Apostolorum, in quo fides Catholica ex integro comprehenditur, ab omnibus discatur tam latine, quam barbaricè:

C

(c) ut quod ore profitentur, corde credatur & intelligatur.

III.

Tertiò, intimandum est, ut ad salutationes Sacerdotales congruæ responsiones discantur, ubi non solum Clerici, & Deo dicatæ, Sacerdotali responsionem offerant, sed omnis plebs devota consona voce respondere debet.

IV.

Quartò, ut fides Athanasii à Sacerdotibus discatur; & ex corde (d) die Dominico ad horam recitetur.

V.

(a) Ahyto, seu Hatto. Vide *Prefationem Tomi I. §. VIII.* Obiit anno 836. 17. Martii.

(b) Augia dives, Cænobium est Ord. S. Benedicti ad Rhenum in Diœcesi Constantiensis.

(c) Id est, Germanicè, quâ lingua loquebantur Franci, & ideo Latinis barbari dicti.

(d) pro memoriter.

V.

Quintò, ut sciant, quid sit Sacramentum Baptismatis, & Confirmationis, & quale sit mysterium Corporis & Sanguinis Domini: quomodo in eisdem mysteriis visibilis creatura videtur, & tamen invisibilis salus ad æternitatem animæ subministratur, quæ in sola fide continetur.

VI.

Sextò, quæ ipsis Sacerdotibus necessaria sunt ad discendum, id est Sacramentarium, Lectionarium, Antiphonarium, Baptisterium, computus, Canon penitentialis, Plalterium, Homiliæ per circulum anni Dominicis diebus, & singulis Festivitatibus aptæ. Ex quibus omnibus si unum defuerit, Sacerdotis nomen vix in eo constabit: quia valde periculosa sunt Evangelicæ minæ, quibus dicitur: *Si cæcus (e) cæco ducatum præstet, ambo in foveam cadunt.*

VII.

Septimò, ut sciant tempora legitima ad baptizandum in anno; id est Sabbato Sancto Paschæ: ut illa trinamersio in Baptismate imitetur triduanam mortem Domini, clarificatam resurrectione. Et idcirco usque ad octavum diem ipsa regeneratio sacra ab omni Populo Christiano celebrabitur. Aliud verò tempus Baptismatis Sabbato Sancto Pentecostes celebrandum est. Si verò necessitas contigerit, omni tempore subveniendum est, quia necessitas vix habet legem: & ut vas ad fontem Baptismatis, quod ad reliquos usus nullatenus, assumatur.

VIII.

Octavò, Pronuntiandum est, ut sciant tempora feriandi per annum; id est, omnem Dominicam à mane usque ad vespæram, ne iudaismo capiantur. Feriandi verò per annum isti sunt dies, ut supra orsi sumus: Natalis Domini, Sancti Stephani, Sancti Joannis Evangelistæ, Innocentium, Octava Domini, Theophania, Purificatio Sanctæ Mariæ, Sanctum Pascha, sicut superiori Capitulo comprehensum est: Rogationes tribus diebus, Ascensio Domini, Sabba-

tum Sanctum Pentecostes, Sancti Joannis Baptistæ, Duodecim Apostolorum, maximè tamen Sanctorum Petri & Pauli, qui Europam suâ prædicatione illuminaverunt: Assumptio Sanctæ Mariæ, Dedicatio Basilicæ Sancti Michaëlis Archangeli, Dedicatio cujuscunque Oratorii, seu cujuslibet Sancti, in cujus honore eadem Ecclesia fundata est, quod vicinis tantum circummorantibus indicendum est, non generaliter omnibus. Indictum verò jejunium, quando à Palatio, (f) vel à domo fuerit denuntiatur, ab omnibus generaliter observetur. Reliquæ verò festivitates per annum, Sancti Remedii, (g) Sancti Mauricii, Sancti Martini, non sunt cogendæ ad feriandum, nec tamen prohibendum, si plebes hoc caste & zelo Dei cupiunt exercere.

IX.

Nonò jubendum est iisdem Sacerdotibus, ut non permittant secum mulieres habitare extraneas juxta Nicænum Concilium (b) nisi eas tantum, in quibus suspicio nulla malæ famæ, oboriri potest.

X.

Decimò, ut tabernas non ingrediuntur, nec sedendo domi, nec in itinere occupati. Si verò necesse habent ibidem aliquid emendi, missos suos dirigant, & oblata in aliam domum conferant, & cum gratiarum actione fideliter percipiant.

XI.

Undecimò, ut placita sæcularia non observent, nec fidei jussos existant: nec canes ad venandum, nec accipitres, vel falcones, nec sparvarios, nec ullius ludii, aut spectaculi licentiam habeant: sufficit enim eis, quod in Psalmo legitur: *In lege (i) Domini esse eorum voluntatem, & in lege ejus meditari die ac nocte*; & quod in Apostolo præcipitur: *Nemo (k) militans Deo, implicet se negotiis secularibus, ut ei placeat, cui se probavit.*

XII.

Duodecimò ut sciant, quia nemo per pecunias ordinandus est, nec per munera Ecclesiam debet occupare: quia
si fa-

(e) Matth. XV.

(f) à Regibus Francorum indicta fuisse subditis jejunia, leges apud Gregor. Turonensem I. XIX. Cap. 2.

(g) Fortè S. Remigii.

(i) Psalmo I.

(b) Nicænum Concil. Canon. III. Tomo I. pag. 137.

(k) II. Timoth. II. 4.

si factum fuerit, & ipse, & ordinator ejus deponendi sunt; quia manifestum est, eos, qui talia agunt, Simoniaca hærese ægrotare: Et talem non per ostium in ovile ovium juxta Evangelii verba, sed ascendentem aliunde furem esse & latronem. Et non solum ipsi, qui hoc faciunt, sed &, qui consentiunt facientibus, excommunicandi sunt.

XIII.

Tertio decimo, ut nullus vagantem ex alia parochia audeat recipere, aut secum commorandi, aut Missam celebrandi, nisi permissione nostra: nec nullius Ecclesiæ aut plebis gubernacula suscipiendi, nisi præveniente conscientia nostra, (1) qui secus fecerit, excommunicabitur.

XIV.

Quarto decimo, ut in tugurijs, Ecclesijs non consecratis, vel in domibus, nisi fortè visitandi gratia in infirmitate detentis, Missarum mysteria non celebrent. Quod si fecerint, propter inobedientiam degradandos se fiant.

XV.

Quinto decimo, quod decima, quæ à fidelibus datur, Dei censo (m) nuncupanda est, & Deo ex integro reddenda. Cujus tertia pars secundum Canonem Toletanum, (n) Episcoporum debet esse. Nos verò hac potestate uti nolumus, sed tantum quartam partem, juxta constituta Romanorum Pontificum, & observantiam sanctæ Romanæ Ecclesiæ, de eadem habere volumus; quod si quis contentiosus inde repertus fuerit, sive ille Clericus, sive Diaconus sit, communione privabitur, & synodali censura judicabitur.

XVI.

Sexto decimo, ut unusquisque hoc provideat, ut mulieres ad altare non accedant, nec ipsæ Deo dicatæ in nullo ministerio Altaris intermisceantur. Quod si pallæ Altaris lavandæ sunt, à Clericis abstrahantur, (o) & ad cancellos feminis tradantur, & ibidem rependantur. Similiter & (p) presbyteri, cum

C 2

oblata ab eisdem mulieribus offeruntur, ibidem accipiantur, & ad Altare deferantur.

XVII.

Septimo decimo, ut ipsi Sacerdotes verbo & exemplo prædicent, ut nullus ufuras accipiat, nec fesculpa, nec speciem pro specie. Quia valde infidelis & rebellis Dei jussionibus est, qui hoc agit: quod omnibus Christianis æquè interdictum esse dignoscitur, maxime tamen Sacerdotibus, qui forma & exemplum fidei omnibus esse debent.

XVIII.

Decimo octavo, ut nullus ordinatus, sive ordinandus migret de sua parochia ad aliam, (*) nec ad limina Apostolorum causa orationis, Ecclesiæ suæ cura delicta, (q) nec ad palatium causâ interpellandi: nec à communione suspensus ab alio communionem recipiendi, sine permissione & præscientia Episcopi sui: quod si fecerit, nihil valet hujusmodi communicio, aut ordinatio, aut demigratio. Et hoc omnibus fidelibus denuntiandum: ut, qui causa orationis ad limina beatorum Apostolorum peregre cupiunt, domi confiteantur peccata sua & sic proficiscantur: quia à proprio Episcopo suo, aut Sacerdote ligandi aut exsolvendi sunt, non ab extraneo.

XIX.

Nono decimo, ut aliud in Ecclesiâ non legatur (r) aut canteretur, nisi ea, quæ authoritatis Divinæ sunt, & Patrum orthodoxorum sanxit auctoritas. Nec falsâ (s) Angelorum nomina colant, sed ea tantum, quæ Prophetica, & Evangelica docet Scriptura: id est, Michaël, Raphaël.

Nec diversa sentiant in judicijs penitentium, cum unus minus, alter verò majus, alteri adulando, alteri detrahendo placere velit: sed considerata qualitate personæ juxta modum culpæ agatur censura vindictæ.

XX.

Vigesimo admonendi sunt, ut perpendant, quidquid à fidelibus datur, redemp-

(1) Defunt alia verba: nempe *det facultatem*, vel *faciat potestatem*.

(m) Censuræ fortè legendum.

(n) Concilium Toletanum nonum.

(o) ab Altari nempe.

(p) pro à Presbyteris.

(q) pro delictis.

(r) Burchardus Lib. V. Cap. 198.

(s) Vide Tomi I. Concilii Romani decreta de Angelorum nominibus pag. 65.

Tomus II. Concil. German.

(*) Vide Tomi I. pag. 174.

redemptio peccatorum est : ideo non glorientur talibus sumptibus uti , sed magis emineant , quod in veteri testamento Sacerdotibus dictum est ; (†) *Iniquitatem populi eos debere portare.* Et ideo cum magno timore solliciti sint , quorum donis participantur : quia magnum periculum est fieri vitæ alienæ , qui nescit tenere moderamina vitæ suæ.

XXI.

Vigesimò primo , ut sciant & intelligant , quid sit incesti crimen : & hoc unusquisque in sua Parochia provideat , ne fiat ; & si factum fuerit , quantum celerimè potuerit , emendetur ; id est , nullus sibi accipiat de propinquitatē usque in quinto genu. (u) Quod si igno-
ranter factum fuerit , non facile credatur , sed iudicio Dei examinetur : & non separentur in quarto genu , sed in pœnitentia cunctis diebus conjunctionis suæ perseverent. Similiter & vir duas uxores inter se simili ratione conjunctas , aut uxor duos viros inter se eodem modo conjunctos , aut cumpater , aut commater , filiulus , aut filiola spiritalis de fonte , aut de confirmatione , aut Deo dicata , aut alterius uxor vivente marito , aut alterius maritus vivente uxore. His talibus nulla ratione in matrimonium licitum est conjungi. In primo verò genu , vel secundo , si inventi fuerint scelus perpetrasse fornicationis , matrimonii jura ulterius se sciant funditus perdidisse. In tertio verò genu si inventi fuerint tali crimine pollutos esse , digna pœnitentia eos subsequatur , & tamen matrimonii jura eis non vicissim , (x) sed ad alios non negentur. Ubi verò mancipia non unius , sed diversæ potestatis juncta fuerint , nisi consentientibus utrisque Dominis , hujusmodi copulatio rata non erit. Quidquid verò negligendo sentitur , & virtute , qua potuerit , non emendetur ; nam hujus copulæ auctor erit , qui huic negligendo consensit. Plura sunt , quæ ad incesti crimen scribi poterant , sicut in matre & filia , & noverca , & pœne innumera , quæ menti ad scribendum non oc-

currunt. Hujusmodi tamen & his similibus personis copula maritalis in sempiternum subtrahitur.

XXII.

Vigesimò secundo ammonendi sunt , ut sciant populis denuntiare , quæ sint opera misericordiæ cum fructibus suis , quæ Evangelica & Apostolica pagina complectitur , quibus pervenitur ad vitam : quæve opera iniquitatis cum fructibus suis multiplicibus , quibus calle sinistro ad æternum tenditur interitum. Et ut perjurii crimen omnimodo devitent : quia non solum in Evangelio vel reliquiis Sanctorum crimen perjurii , sed in veritate , quæ Deus est (si mentitur) perpetrare dignoscitur.

XXIII.

Vigesimò tertio ammonendi sunt , ut sciant , quia in Ecclesiis , quibus præsumunt , Sponsi facti sunt : & ideo omni vigilantia qualiter eas decorent , & eis incessanter deserviant , totius vitæ suæ vigilantiam impendant.

XXIV.

Vigesimò quarto , ut horas canonicas tam nocturnas , quam diurnas nullatenus prætermittant. Quia sicut Romana Ecclesia psallit , ita omnibus ejusdem propositi viam tendentibus (y) faciendum est. Et non solum novi Testamenti documenta sunt eandem formulam observandi , sed etiam veteris testamenti , patet ratio : quia Propheta Spiritu Sancto instinctus profert : *Septies in die (z) laudem dixi tibi : &c. , media nocte surgebam ad confitendum tibi.*

XXV.

Vigesimò quinto , ut plebibus denuntient , qui filios , & filias spirituales quos in Baptismate suscipiunt , & eis fidejussores , & sponsores existunt , & pro eis diabolo , cui antea mancipari fuerant , abrenuntiant , & ideo , usque cum adulti fuerint , & eis fidei suæ sponsonem , & abrenuntiationis exposuerint , & reddiderint , in sua providentia habeant. Et quod illi pro eis sponponderant , ab eis eadem responsa ex integro exigant.

Finiunt Canones Abytonis Episcopi Basileensis.

Ex Tomo VI. Specilegiū D'acheriani. Harduin. Concilior. Tomo IV. p. 1241. à 1244.

CON-

[†] Numeror. XVIII, 1, 23.

[x] pro, non inter se in eodem gradu conjungantur.

[y] Fortè tenentibus.

[u] pro gradu vel generatione quinta.

[z] Psalmo CXVIII, 164, 62.

CONGREGATIO PRESBYTERO- RUM ET ECCLESIASTICORUM.

SUB HITONE EPISCOPO FRISIGENSI
AD LOCUM EHINGA DICTUM.

Anno Christi DCCCXX. Paschalis Papæ IV.
Ludovici Imp. VII.

*Altwart Presbyter Ecclesiam olim Sanctæ Mariæ Frisinga donatam
postea alienatam restituit coram Episcopo in Sancta Synodo
Ebingæ coacta.*

CONvenit itaque Sancta Synodus in loco, qui vulgò dicitur Ehinga, in quo sederunt *Hitto* Episcopus, *Meginhart*, *Sigimot*, *Sindhho* Abbates, ibique quidam laicus nomine *Wergant*, in præsentia processit, & reclamavit se ad hanc congregationem, dicens: quod *Altwart* Presbyter injustè suam igitur partem in Ecclesiastica causa, quæ est constructa in loco nominato ^(a) *Luttinwanc* de Episcopatu Sanctæ Mariæ tradidisset, quam traditionem prædictus Presbyter minimè potuit denegare. Tunc suprà memoratus Episcopus iussit ipsum Presbyterum referre, sicut circa illam causam rectissimè meminisset; Ille verò ait, quod *Josèp* Episcopus hanc Ecclesiam dedicasset, & postea ipsam Ecclesiam sibi in proprium ab Episcopo datam usque ad obitum vitæ suæ. Interea igitur surrexit *Keidrih* Presbyter, referens, quod ipse *Altwart*, temporibus *Attonis* Episcopi eandem Ecclesiam cum omnibus ad eam pertinentibus sibi reddidisset ad Episcopatum, & potestatem Sanctæ Mariæ, quod ibi in præsentem ve-

rum esse repertum est, quam ob causam quæsit prædictus Episcopus vestituram ipsius Ecclesiæ, quæ ab antiquis temporibus tradita, ac deligata fuerat ad Domum Beatæ, & iterum in beneficiarium eam sibi inde accepit. Tunc videbat, quod nequaquam contradicere, vel defendere poterat, sed suis licet sermonibus convictus nullam potestatem tradere habendi, & reddidit ipsam Ecclesiam cum omni vestitura ad prædictum domum in manus *Hittonis* Episcopi. Fidei iussu: *Keidrih*, *Alprih*. Præsentibus istis: *Samuel*, *Sigiperht*, *Situli*, *Spulit*, *Luitpald*, *Wergant*, *Haholf*, *Cozolf*, *Eparachar*, *Wichart*, insuper autem cuncta congregatio Presbyterorum, cæterorumque Ecclesiasticorum. Actum sub die consule, quod est VIII. Kalendas *Julias*, anno siquidem *Hloduwico* Serenissimo Imperatore Augusto VII. Indictione XIII. Ego ac si indignus Subdiaconus *Pirthilo* iussu *Hittonis* Episcopi scripsi, & subscripsi.

*Meichelbeck Histor. Frisingens. Lib. I.
Part. II. Instrumento CDXIII.*

^(a) *Luttinwanc, hoc, Lutewang, in districtu Landspergens, ac Diacesi Frisingensi.*

PUBLICA SYNODUS FRIGISINGA

Anno Christi DCCCXXI. Paschalis Papæ V.
Ludovici Imp. VIII.

*Traditionem Hartpaldi Presbyteri, & Majoli Clerici nepotis, ad Domum Sanctæ Mariæ acceptat Episcopus HITTO in publica
Synodo Frisingensi.*

DUm & omnibus non habetur incognitum, sed multis est in Episcopio Sanctæ Mariæ bene notum, qualiter vir Venerabilis *Hartpald* Presbyter pro-

propriam hæreditatem suam in loco Fifula Sanctæ Mariæ Domui Sanctæ Mariæ traditum jam olim habebat cum omnibus, quod propriam habere in loco eodem videbatur. Defuncto verò jam dicto Hartpaldo caput Mejol nepus ejus ipsam rem in beneficium à *Hittone* Dei Sacerdote magnopere deprecare. Tunc congregatâ multitudine propinquorum, seu amicorum suorum, venerunt ad virum Venerabilem *Hittonem* Episcopum, & narraverunt ei omnia, qualem consilium jam dictus Mejol Clericus cum Parentibus suis habuit, & quia omnem hæreditatem suam *Domui Sanctæ Mariæ* tradere dispositum habuit in hoc, quod jam dictam rem Hartpaldi Presbyteri, in beneficium habere mereretur. Conplacuit hoc Episcopo, & omnibus simul audientibus in publico Synodo *Frigisinga* congregato, ibique coram cuncta congregatione accesserunt ad altare Sanctæ Mariæ ipse Mejol cum Parentibus suis, & tradidit domui Sanctæ Mariæ omnia,

quæ de propriâ hæreditate habere videbatur, ita, ut sit stabilis in perpetuum domui Sanctæ Mariæ. Hæc sunt testes: Sigiperht, Einhart, qui hanc causam magis apud Dominum Episcopum intraverunt, atque fieri petierunt; deinde Alpolf, Haholf, Heipo, Reginperht, Walho, Hartnid, Emihho, Durinc, Eparheri, Crimuni, Suto, Adalunc, Crimheri, Reginperht, Hunolt, Cundhart, Erchanfrid, Marcheo, Rihperht, Helmuni, Sigihart, Alprich, Nothart. Actum est hæc anno Gloriosi Imperatoris Hluduwici VI. (a) die Consule, quod facit VI. Idus Majas, indictione XIII. Ego quidem Tagopertus indignus Presbyter conscripsit. Fidejussores: Sigiperht, Alpolf, Cozolt, ad vestituram, seu firmitatem hujus traditionis perficiendam.

*Meiſſelbeck Historiæ Frisingensis Libro I.
Parte II. Instrumento CCCXCV.
pag. 210.*

(a) Corrige VIII.

IN THEODONIS VILLA CONVENTUS.

Anno Christi DCCCXXI. medio Octobri. Paschalis
Papæ V. Ludovici Imp. VIII. Indict. XIV.

ACTIO. Restitutio perduellium.

Medio mense Octobri Conventus generalis apud Theodonis villam magnâ populi Francorum frequentia celebratur. Illuc Legati Romani Pontificis Theodorus Primicerius ac Florus cum magnis venere muneribus.

Eminuit in hoc placito Piissimi Imperatoris misericordia singularis, quam ostendit super eos, qui cum Bernharto nepote suo in Italia contra caput ac regnum suum conjuraverunt; quibus sibi in præsentiam venire jussis, non solum vitam & membra concessit, verumetiam possessiones Judicio legis in fiscum re-

dictas, magnâ liberalitate restituit. Adelhardum quoque (*Abbatem Corbeiensem*) de Aquitania, ubi exulabat, evocatum Corbeiz Monasterio, ut prius fuerat, Abbatem ac Rectorem esse jussit, & Bernarium fratrem ejus reconciliatum, eidem Monasterio reddidit.

Annales rerum Franciæ Newenariani & Reuberiani ad h. a.

Autor vitæ Ludovici Pii apud Duchesne Tomo II. Scriptor. Franc.

Eginhardus in Chronica ad annum 821.

CAPITULARE TRIBURIENSE

DATUM ANNO CHRISTI DCCCXXII. AD PETITIONEM EPISCOPO-
RUM IN THEODONIS VILLA (a) CONGREGATORUM
ANNO SUPERIORE.

Anno Christi DCCCXXII. Paschalis Papæ VI.
Ludovici Imp. IX. Indictione XV.

PETITIO EPISCOPORUM.

IN Concilio apud *Theodonis Villam*, (b)
ubi interfuerunt XXXII. Episcopi
Aistolius Magontienſis Archi-Epiſcopus
cum ſuis ſuffraganeis, Hadabaldus Co-
lonienſis Archi-Epiſcopus cum ſuis ſuf-
fraganeis, Hetto Trevirenſis Archi-Epiſ-
copus cum ſuis ſuffraganeis, Ebbo Re-
menſis Archi-Epiſcopus cum ſuis ſuffra-
ganeis, cum nuntiis reliquorum Epiſco-
porum Galliæ & Germaniæ, ob nimiam
præſumptionem quorundam tyranno-
rum in Sacerdotes Domini bacchanti-
um, & propter factum, quod in Waſ-
conia noviter acciderat de Epiſcopo Jo-
hanne inhoneſtè & inauditè mordridato,
decretum eſt, ut communi conſenſu &
humili devotione ſupplicaretur auribus
Principis, ſi ſuæ pietati complaceret, ut
calumnia in Chriſti Sacerdotes peracta
juxta ſynodica determinaretur pleniter
Statuta, hoc idem Epiſcoporum judicio
placeret, ſi ex toto ſecundum poteſtatem
ipſorum poſſet definiri, id eſt, ut cano-
nica ferirentur ſententia, hi videlicet,
qui timorem Domini poſtponentes, in
miniſtros ſuos graſſare præſumerent.
Quodſi verò pietati illius complaceret,
juxta capitula (c) Regum præceden-
tium, ubi eorum præviſio miſericordi-
ter in offenſis pecuniæ quantitatem inter-
poſuit, pro conſolatione Sanctæ Ecce-
ſiæ, ut præſatæ res per pecuniam ab Im-
peratoribus Sacerdotibus ad deſenſionem
conceſſam, & per pœnitentiam determi-
narentur Epiſcoporum judicio, ſi pietas
illius conlaudare voluerit, ſic definiri eis
complaceret.

CAP. I.

Si quis Subdiaconum calumniatus
fuerit, vulneraverit, vel debilitaverit,
& convaluerit, quinque quadrageſimas
ſine ſubditis annis pœniteat, & trecen-
tos ſolidos cum ſua compoſitione &
Epiſcopalibus bannis Epiſcopo compo-
nat. Si autem mortuus fuerit, ſingul-
as ſupradictas quadrageſimas cum ſe-
quentibus annis pœniteat, & quadrin-
gentos ſolidos cum tripla ſua compoſi-
tione, & Epiſcopalibus bannis triplicibus
Epiſcopo componat.

II.

Si Diaconum calumniatus fuerit,
& convaluerit, ſex quadrageſimas ſine
ſubditis annis pœniteat, & qua-
dringentos ſolidos cum compoſitione
ſua, & Epiſcopalibus bannis Epiſcopo
componat. Si autem mortuus fuerit,
ſingulas ſupradictas ſex quadrageſimas
cum ſequentibus annis pœniteat, & ſex-
centos ſolidos, cum tripla ſua compo-
ſitione, & Epiſcopalibus bannis triplici-
bus Epiſcopo componat.

III.

Si quis preſbyterum calumniaverit
& ſpaſſaverit, ſex quadrageſimas ſine
ſubditis annis pœniteat, & ſexcentos
ſolidos cum triplici ſua compoſitione &
Epiſcopalibus bannis triplicibus Epiſco-
po componat. Si autem mortuus fue-
rit, duodecim annorum pœnitentia ſe-
cundum canones ei imponatur, nongen-
tos ſolidos cum triplici compoſitione ſua
&

(a) *Burchardus L. VI. Cap. 5: Ivo. Parte X. C. 134.*

(b) *Hoc Concilium Theodonis Villanum anno ſuperiore 821. celebratum fuiſſe judicamus cum
Pagio in Crit. ad h. annum, Eckhart Tomo II. Francia Orient. Lib. XXVIII. N. CLXXI.*

(c) *Capitulare ſecundum anni 803. Capite I. Baluz, pag. 626. Tomo I.*

& Episcopalis bannis triplicibus Episcopo componat.

VI.

Si quis Episcopo insidias posuerit, comprehenderit, vel in aliquo dehonefaverit, decem quadagesimas cum subditis annis pœniteat, & presbyteri occisi triplicem compositionem componat. Si autem casu & non sponte occiditur, cum comprovincialium Episcoporum consilio homicida pœniteat. Si quis autem sponte eum occiderit, carnem non co-

medat, vinum non bibat omnibus diebus vitæ suæ, cingulum militare deponat, absque spe conjugii in perpetuo maneat.

Aistolphus Magontienfis Archiepiscopus dixit: si Principibus placuerit aliisque suis fidelibus, rogemus ut conlaudetur & subscribatur. Et conlaudatum est & subscriptum est tam à Principe, quam à cæteris omnibus.

Baluz. Tomo I. Capitularium pag. 625.

DECRETUM IMPERATORIIUM. (a)

POST PETITIONEM EPISCOPORUM IN SYNODO
TRIBURIENSI ANNI DCCCXXII.

Placuit nobis & Fidelibus nostris, ut sicut ab Episcopis & reliquis Sacerdotibus ac Dei Servis alio anno apud Theodonis villam admoniti fuimus & rogati, ut Episcopi & eorum ministri, quos Deus suo, non humano iudicio reservavit, juxta Sanctorum Canonum Sanctorumque Patrum, ac Capitularium præcedentium Regum coram positorem statuta, & Dei Sacerdotes, eorumque cooperatores, quorum intercessionibus supplicationibus Sancta Dei Ecclesia constare videtur, intacti permaneat.

I. Constituimus ut si quis subdiacolum calumniatus fuerit, & convaluerit, pœnitentia canonica pœniteat, & trecentos solidos Episcopo componat. Et si mortuus fuerit, juxta id, quod canones præcipiunt, pœniteat, & quadringentos solidos Episcopo componat.

II. Si Diaconum quis calumniatus, & convaluerit, pœniteat secundum canones, & quadringentos solidos Episcopo componat. Si non convaluerit juxta præcepta synodalia pœniteat, & sexcentos solidos Episcopo componat.

III. Si presbyterum quis malè traxerit & spassaverit, secundum ejus Episcopi sententiam pœniteat, & nonngentos solidos Episcopo componat. Si autem mortuus fuerit, ut Synodus judicaverit, pœniteat, & mille ducentos solidos Episcopo componat.

IV. Et si quis Episcopo insidias posuerit, comprehenderit vel in aliquo dehonefaverit, pœniteat secundum canonum statuta, & presbyteri occisi triplicem compositionem cum justitiis, quæ in superiori Capitulo scriptæ & confirmatæ esse videntur, componat.

V. Si quis per industriam Episcopum occiderit, juxta id, quod apud (b) Theodonis Villam à xxxii. Episcopis decretum est, & quod ibi à nobis & à primatibus totius Galliæ & Germaniæ benigna conlaudatione conlaudatum est, & subscriptum, pœniteat, & pecuniam à nobis concessam Ecclesiæ viduatæ persolvat.

VI. Et hoc de nostro adjecimus, ut, si quis in his supradictis Sanctorum Canonum nostrig; decreti Sanctionibus Episcopis inobediens & contumax extiterit, primum Canonica sententia feriat, deinde in nostro regno beneficium non habeat, & alodis ejus in bannum mittatur, & si annum & diem in nostro banno permanferit, ad fisci nostrum redigatur, & captus in exilium (c) relegatur, & ibi tamdiu custodiatur, & constringatur, donec coactus Deo & Sanctæ Ecclesiæ satisfaciatur, quod prius gratis facere noluerat.

(A) Et si omnibus vobis ista (d) complauerint, dicite. Et tertio ab omnibus (e) conclamatum est: placet. (B) Et Im-

(a) Burchardus L. VI. Cap. VI. lvo Parte X. Cap. 135.

(b) Apud Triburiam. Legit Goldastus Tomo II. Constitutionum Imperialium.

(c) relegatur. Goldastus.

(d) placuerint, idem.

(e) acclamatum est, idem Goldastus, Modus (A. B. C. D.) claudendi & ratificandi Synodos completitur quatuor Actiones finales.

Imperatores & penes omnes Galliæ, & Germaniæ Principes subscripserunt, (C) singuli singulas facientes cruces (D) & Ecclesiasticus ordo Deo & Principibus

laudes referentes hymnum: *Te Deum laudamus.* decantabant, & sic soluta est Synodus.

Baluz. Tomo I. Capitularium pag. 627.

P U B L I C A

SYNODUS AD FRIGISINGA

SUB HITONE EPISCOPO.

Oadalpald & Minigo Presbyteri, Ecclesias olim traditas Domui Sanctæ Mariæ denuo offerunt, tradunt, & Domum S. Mariæ vestiunt.

Dum & omnibus non habetur incognitum, sed multis est in Episcopo beatissimæ Virginis Mariæ bene notum, qualiter Viri Venerabiles Oadalpald Presbyter, & Minigo Presbyter in illorum hæreditate in loco Echinhaha uterque suam construit Ecclesiam, & propter familiarem fraternitatem, quam cum Attonem Episcopo semper habuerunt, cum licentia *Sindberti Episcopi* Attonem Episcopum conduxerunt, ut ipse illorum consecrasset Ecclesias. Ita & actum est cum consensu illorum Episcopi, & omnium convicinarum in eodem loco bonorum virorum ibidem commanentium, ita convenit omnes, ut unâ die ambas illas consecrasset Ecclesias, ipsique jam dicti viri Deo devoti Oadalpald Presbyter, & Minigo Presbyter devotâ voluntate eodem die utrasque illas Ecclesias Domui Sanctæ Mariæ in manus Attonis Episcopi firmiter condonaverunt, & tradiderunt in præsentia omnium, tam Ecclesiasticorum quàm sæcularium immensa multitudo ad dedicationem harum Ecclesiarum convenientium, ibique coram cunctis utraque Ecclesia Domui Sanctæ Mariæ firmiter tradita, & condonata omnibus in hac Provincia notum esse dinoscitur. Nunc verò senescente Minigone Presbytero, veniens ad Virum Venerabilem Hittonem Episcopum in publica Synodo ad Frigisinga renovare, & confirmare olim actam traditionem suam,

quem ipsius Pontifex blandè suscepit, & omnia, quod ipse suggessit, libenter accepit; suppliciter enim Domnum Episcopum coram cuncta Congregatione Synodali petiit, ut nepoti suo, suo vocabulo nomen dato Minigo, in beneficium ipsam Ecclesiam de manu Dei Sacerdotis accipere ad suam vitam in servitio prædicti Episcopi meruisset cum tale censu, quale Domno Episcopo & omnibus bene suis placuisset. Et sic valde confirmatum est inter eos, ita ut nullus hoc contradicere vel evertere valeat, sed firmam habeat stabilitatem in perpetuum. In his sermonibus confirmatis ipse Minigo Presbyter in præsentia Synodali congregatione accessit ad altare Sanctæ Mariæ, ipsam Ecclesiam cum omnibus ad eam pertinentibus reddidit, panterque & tradidit, nihil enim prætermisit, sed cum omni integritate tradidit, & domum Sanctæ Mariæ vestivit. Hæc sunt testes per aures tracti: Hrodolt, Heriperht, Kerhart, Memmo, Wichart, Reginhoh, Wigant, Crimuni, Hiltiprant, Cozolt. Actum est hæc in XVI. Kal. Octobris, anno Gloriosi Hluduwici Imperatoris VIII. Indictione XIII. (a) Ego Tagibertus indignus Presbyter scripsi iussione Domni Hittonis Episcopi.

Meichelbeck Historia Frisingensis Libro I.

Parte II. Instrumento CDXXIX.

D

CON-

(a) Anno 822, currebat Indictio XV. : imò ab Septembri Indictio I. Hæc autem Synodus Mense Septembri habita fuit. Noluimus tamen corrigere instrumentum, nisi fuerit error Librum describentis,

Tomus II. Concil. German.

CONVENTUS ATTINIACENSIS.

Anno Christi DCCCXXII. Mense Augusto. (a)
Paschalis Papæ VI. Ludov. Imp. IX. Indict. XV.

ACTIO I. *Pœnitentia publica Ludovici Imp. ex consilio Episcoporum præsentium: Ob mortem Bernardi filii fratris sui Pippini: Ob Drogonem, Hugonem & Theodoricum fratres suos invitatos attonfos, & in Monasterium detrusos: Ob Uualam virum innocentem relegatum in exilium: Ob Uualæ fratres Adelbardum Abbatem, Bernarium Monachum, & Gundradam horum sororem sanctam Fœminam exilii simili calamitate affectos.*

ACTIO II. *Reconciliatio Imperatoris cum Agnatis; & restitutio eorum tum hoc, tum anno sequenti. Interfuit Ludovicus Imp. Episcopi Germaniæ & Franciæ: Legati (b) Romanæ Sedis, Episcopi & Optimates, Adalbardus Corbeiensis Abb. & Wala, Helisachar, Abb. S. Maximini. Teste AGO-BARDO L. de Dispensatione.*

ACTIO III. *Northildis & Agamberti conjugum lis coram Concilio.*

Imperator Ludovicus consilio cum Episcopis & Optimatibus suis habito, fratribus suis, quos invitatos tonderi iussit, reconciliatus est & tam de hoc facto, quam & de iis, quæ erga Bernhartum filium fratris sui (*Pippini*) nec non & iis, quæ circa Adelhartem Abbatem (*Corbeiensem*) & fratrem ejus Walachum gesta sunt, publicam confessionem fecit & pœnitentiam egit, quod tamen in Conventu, quem eodem anno mense Augusto Attiniaci habuit, in præsentia totius populi sui peregit: in quo quidquid similium rerum vel à se, vel à Patre factum invenire potuit, summa devotione emendare curavit.

Annales Nemenacroni & Reuberiani ad b. a. & Eckhart. T. II. L. 28. N. 178. ad b. a. refert.

Biographus Ludovici Pii. In Conventu generali in loco, cujus vocabulum est Attiniacus, convocatis ad Concilium Episcopis, Abbatibus, Spiritualibusque

Viris, nec non & regni sui Proceribus, primò quidem fratribus reconciliari studuit, quos invitatos attonderi fecerat, deinde omnibus, quibus aliquid læsura intulisse videbatur. Post hæc autem palàm se errasse confessus, & imitatus Theodosii Imperatoris exemplum pœnitentiam spontaneam suscepit, tam de his, quam quæ in Bernardum nepotem proprium gesserat, & corrigens si quid talium vel à se, vel à Patre suo gestum reperire alicubi potuit, etiam plurimarum eleemosynarum elargitione, sed & servorum Christi orationum instantiâ, nec non propriâ satisfactione à Deo divinitatem sibi placare curabat, quasi hæc, quæ legaliter super unumquemque decurrerant, suâ gesta fuerint crudelitate.

Biographus ex editione Pitheci pag. 377. mibi.

Fœmina non ignobilis genere, nomine Northildis de quibusdam inhonestis inter se & virum suum vocabulo Agembertum

(a) *Eginbartus in Chronico.*

(b) *Hincmarus L. de Divortio Lotharii & Theutbergæ. Theganus addit Drogoni Episcopatum Merensem à Ludovico Pio datum fuisse, (sed anno 823.) Hugoni Cænobialia Monasteria; Theodoricus tertius frater obiisse videtur, cum ejus reconciliati nulla mentio fiat. Coniunctura est.*

bertum ad Imperatorem publicè proclamavit: quam Imperator ad Synodum destinavit, ut inde Episcopalis autoritas, quid agendum esset, decerneret. Sed Episcoporum generalitas ad laicorum & conjuratorum eam remisit iudicium, ut illi inter illam & suum conjugem judicarent, qui de talibus negotiis erant cogniti, & legibus sæculi sufficientissimè præditi, eorúmque legalibus iudiciis eadem fœmina se subjiceret, & quod de quæstione sua decrevisset, sine repetitione teneret. Si vero crimen aliquod esset, inde penitentiae modum post illorum iudicium

ab Apostolica autoritate deposceret, secundum quod sacri Canones præfixerunt, & imponere non negarent.

Nobilibus autem laicis sacerdotalis discretio placuit, quia de suis conjugibus eis non tollebatur iudicium, nec à sacerdotali ordine legibus civilibus inferebatur præiudicium, & legem proclamationi fœminæ protulerunt, ac legali iudicio quæstioni terminum contulerunt.

*Hincmarus L. de Divortio Regis Lotharii
& Theutbergæ, qui hanc Synodum
magnam & universalem totius Imperii
vocat.*

CAPITULARE

ANNI DCCCXXIII.

*Admonitionem generalem continens ad utriusque ordinis homines cum
instructione Missorum Dominicorum, quos Imperator in diversas
Regni Provincias destinabat.*

Anno Christi DCCCXXIII. Paschalis Papæ VII.
Ludovici Imperat. X.

INCIPIUNT CAPITULA.

1. Præfatio.
2. De Divina Providentia in constitutione Domini Imperatoris, & de conservatione trium Capitulorum.
3. De hoc, quod Admonitor fidelium Dominus Imperator sit, & omnes fideles adutores ipsius.
4. De sacro ministerio Episcoporum, & de admonitione Domini Imperatoris ad Episcopos.
5. De admonitione Domini Imperatoris ad Episcopos, de Sacerdotibus ad eorum curam pertinentibus, & de Scholis.
6. De admonitione ad Comites pro utilitate Sanctæ Dei Ecclesiæ.
7. De admonitione ad Laicos pro honore Ecclesiastico conservando.
8. De admonitione ad Abbates & Laicos pro Monasteriis ex regali largitate sibi commissis.
9. De admonitione ad Episcopos, Abbates, & ad omnes fideles pro Comitum adiutoris.
10. De admonitione ad Episcopos, vel omnes pro concordia ad invicem, & cum ceteris fidelibus.
11. De admonitione ad omnes generaliter pro caritate & pace ad invicem.
12. De hoc, quod unusquisque Episcoporum, vel Comitum partem ministerii regalis habeat, & de testimonio ipsorum ad invicem.
13. De causa orta ad inhonorationem Regni pertinente.
14. De pace in itinere exercitali custodienda.
15. De denuntiatione, ut qui in hostem pergunt, suos, qui in suo obsequio sunt, unusquisque cognoscat.
16. De inhonoratione Regis propter negligentiam eorum, qui legationes male recipiunt.
17. De locis, in quibus Legationes recipiendæ sunt.
18. De admonitione unius monetæ.
19. De injustis teloneis.
20. De pontibus, ubi antiquitus fuerunt renovandis.
21. De nonis & decimis.
22. De operibus in restaurationem Ecclesiarum adimplendis.

Tonus II. Concilior. German.

D 2

23. De

23. *De Comitibus, ut Ministris Ecclesiæ in suis ministeriis adiutores sint.*

24. *De Capitulis à Cancellario Palatii ab Archi-Episcopis & Comitibus accipiendis.*

25. *De nominibus locorum, in quibus Missi Dominici legatione funguntur.*

26. *De commemoratione ad legationem prædictorum Missorum pertinente.*

27. *De hoc, quod per Missos Dominicos ea, quæ per Capitula statuta sunt, omnibus nota fieri debeant.*

28. *Admonitio ad eos, qui legatione funguntur.*

INCIPIUNT SUPRASCRIPTA CAPITULA ET EORUM
TEXTUS.

P R Æ F A T I O.

I.

OMnibus vobis aut visu aut auditu notum esse non dubitamus, quia genitor noster & progenitores, postquam à Deo ad hoc electi sunt, in hoc præcipuè studuerunt, ut honor sanctæ Dei Ecclesiæ, & status regni decens maneret. Nos autem juxta modum nostrum eorum sequentes exemplum, sæpe vestram devotionem de his admonere curavimus; & Deo miserente multa jam & emendata & correctâ videmus, unde & Deo justas laudes persolvere, & vestræ bonæ intentioni multimodas debemus gratias referre.

De Divina providentia in constitutione Domini Imperatoris, & de conservatione trium Capitulorum.

II. Sed quoniam complacuit Divinæ providentiæ nostram mediocritatem ad hoc constituere, ut Sanctæ suæ Ecclesiæ & regni curam gereremus, ad hoc certare & nos & filios ac socios nostros diebus vitæ nostræ optamus, ut tria specialiter Capitula & à nobis & à vobis, Deo opem ferente, in hujus regni administratione specialiter conserventur, id est, ut defensio & exaltatio, vel honor Sanctæ Dei Ecclesiæ & servorum illius congruus maneat, & pax, & justitia in omni generalitate populi nostri conservetur. In his quippe maximè studere, & de his in omnibus placitis, quæ vobiscum, Deo auxiliante, habituri sumus, vos admonere optamus, sicut debiores sumus.

De hoc, quod admonitor fidelium Dominus Imperator sit, & omnes fideles adiutores ipsius.

III. Sed quamquam summa hujus ministerii in nostra persona consistere vi-

deatur, tamen & Divina autoritate, & humana ordinatione ita per partes divinum esse, cognoscitur, ut unusquisque vestrum in suo loco & ordine partem nostri ministerii habere cognoscatur. Unde apparet, quod ego omnium vestrum admonitor esse debeo, & omnes vos nostri esse debetis. Nec enim ignoramus, quid unicuique vestrum in sibi commissâ portione conveniat. Et ideo prætermittere non possumus, quin unumquemque juxta suum ordinem admoneamus.

De Sacro Ministerio Episcoporum, & de admonitione Domini Imperatoris ad Episcopos.

IV. Sed quoniam scimus, quod specialiter pertineat ad Episcopos ut primum ad Sacrum Ministerium suscipiendum justè accedant, & in eodem ministerio religiosè vivant, & tam bene vivendo quam rectè prædicando populis sibi commissis iter vitæ præbeant, & ut in Monasteriis in suis parochiis constitutis sancta religio observata fiat, & ut unusquisque juxta suam professionem veraciter vivat, curam impendant, omnes vos in hoc sacro ordine constitutos & officio pastoralis functionis moneamus atque rogamus, ut in hoc maximè elaborare studeatis, & per vosmetipsos, & per vobis subiectos; quantum ad vestrum ministerium pertinet, nobis veri adiutores in administratione ministerii nobis commissi existatis, ut in judicio non condemnari pro nostra & vestra negligentia, sed potius pro utroque bono studio remunerari mereamur, & ubicunque per negligentiam Abbatum aut Abbatissarum vel Comitum sive vassalorum, aut alicujus cujuslibet personæ aliquid vobis difficultatis in hoc apparuerit

rit obstaculum , nostræ dinoscētiæ id ad tempus insinuare non differatis ; ut nostro auxilio suffulti , quod vestra auctoritas exposcit , famulante , ut decet , potestate nostra perficere valeatis.

De admonitione Domini Imperatoris ad Episcopos , de Sacerdotibus ad eorum curam pertinentibus , & de scholis.

V. De Sacerdotibus verò ad vestram curam pertinentibus magnum adhibete studium , ut qualiter vivere debeant , & quomodo populis ad suam portionis curam pertinentibus exemplo & verbo profint , à vobis cum magna curâ edoceantur , & admoveantur , & id ut facere studeant , vestra pontificali auctoritate constringantur. Quidquid autem in illis à populis iustè reprehenditur in exemplo propriæ conversationis , vestra providentia corrigere non negligat. Ne verò Ecclesiæ illis commissæ in restauratione , aut in luminaribus juxta possibilitatem rerum ab illis negligantur , vestra nihilominus invigilare debet solertia. Et sicut alios prohibetis , ne de mansis ad Ecclesiæ luminaria datis aliquid accipiant , sic vel vos & vestri Archi-Diaconi de eisdem mansis nihil accipiendo aliis exemplum præbeatis ; sed potius ad id , ad quod data sunt , servare concedantur ; ut totum , sicut dictum est , in restauratione Ecclesiarum & luminaribus vestra auctoritate & studio cedere possit. Scholæ sanè ad filios & ministros Ecclesiæ instruendos vel edocendos , sicut nobis præterito tempore ad Attiniacum promissistis , & vobis injunximus , in congruis locis , ubi necdum perfectum est , ad multorum utilitatem & profectum à vobis ordinari non negligantur.

De admonitione ad Comites pro utilitate Sanctæ Dei Ecclesiæ.

VI. Vobis vero Comitibus dicimus , vosque commonemus , quia ad vestrum ministerium maximè pertinet , ut reverentiam & honorem Sanctæ Dei Ecclesiæ exhibeatis , & cum Episcopis vestris concorditer vivatis , & eis adiutorium ad suum ministerium peragendum præbeatis , & ut vos ipsi in ministeriis vestris pacem & iustitiam faciatis , & quæ nostra auctoritas publicè fieri decernit , ut in vestris ministeriis studiosè perficiantur , studeatis. Proinde

D 3

monemus vestram fidelitatem , ut memores sitis fidei nobis promissæ , & in parte ministerii nostri vobis commissi , in pace scilicet & iusticia faciendâ , vosmet ipsos coram Deo , & coram hominibus tales exhibeatis ut & nostri veri adjutores , & populi conservatores iustè dici & vocari possitis ; & nulla quælibet causa , aut munerum acceptio , aut amicitia cujuslibet , vel odium aut timor , vel gratia ab statu rectitudinis vos deviare compellat , quin inter proximum & proximum semper iustè iudicetis. Pupillorum verò & viduarum & ceterorum pauperum adjutores & defensores & Sanctæ Ecclesiæ vel servorum illius honoratores juxta vestram possibilitatem sitis. Illos quoque , qui temeritate & violentia in furtis & latrociniiis five rapinis communem pacem populi perturbare moliantur , vestro studio & correctione , sicut decet , compescite. Et si aliqua persona in aliquo vobis impedimento fuerit , quin ea , quæ dicimus facere non valeatis , nobis ad tempus illud notum fiat , ut nostra auctoritate adjuti ministerium vestrum dignè adimplere possitis.

De admonitione ad laicos pro honore Ecclesiastico conservando.

VII. Omnes verò laicos monemus , ut honorem Ecclesiasticum conservent , & dignam venerationem Episcopis , & Dei Sacerdotibus exhibeant , & ad eorum prædicationem cum suis devotè occurrant , & jejunia ab illis communiter indicta reverenter observent , & suos observare doceant , & compellant. Et ut etiam dies Dominicus , sicut decet , & honoretur & colatur , omnes studeant. Et ut liberius fieri possit , mercata & placita à Comitibus , sicut sæpe admonitum fuit , illo die prohibeantur.

De admonitione ad Abbates & laicos pro Monasteriis ex regali largitate sibi commissis.

VIII. Abbatibus quoque & laicis specialiter jubemus , ut in Monasteriis quæ ex nostra largitate habent , Episcoporum consilio & documento ea , quæ ad religionem canonicorum , monachorum , sanctimonialium pertinent , peragant , & eorum salubrem admonitionem in hoc libenter audiant & obediant.

Dt

De admonitione ad Episcopos, Abbates, & ad omnes fideles pro Comitum adiutorijs.

IX. Episcopis iterum, Abbatibus, & vassis nostris & omnibus fidelibus laicis dicimus, ut Comitibus ad iustitias faciendas adiutores sitis.

De admonitione ad Episcopos, vel omnes pro concordia ad invicem, & cum ceteris fidelibus.

X. Episcopi verò vel Comites & ad invicem, & cum ceteris fidelibus concorditer vivant, & ad sua ministeria peragenda vicissim sibi adiutorium ferant.

De admonitione ad omnes generaliter pro caritate & pace ad invicem.

XI. Omnibus etiam generaliter dicimus, ut caritatem & pacem ad invicem habeatis, & generalem iussionem nostram observare decertetis, & Missis nostris pro qualicunque scilicet aut Ecclesiastica, aut publica utilitate, vel opportunitate à nobis directis nostri honoris causa honorem exhibeatis, & nostræ propter auctoritatis venerationem ea, quæ per illos injungimus, agere non negligatis.

De hoc, quod unusquisque Episcoporum, vel Comitum partem ministerii regalis habeat, & de testimonio ipsorum ad invicem.

XII. Et quoniam sicut diximus, unusquisque vestrum partem ministerii nostri per partem habere dignoscitur, volumus studere, & per clamatores, & per alia quælibet certa indicia, & per Missos nostros, quos ad hoc ordinaverimus, qualiter unusquisque ad hoc certare studuerit, & per commune testimonium, id est, Episcoporum de Comitibus, Comitum de Episcopis, comperire, qualiter scilicet Comites iustitiam diligant & faciant, & quam religiosè Episcopi converfentur, & prædicent, & amborum relatu de aliorum fidelium in suis ministeriis consistentium æquitate & pace atque concordia cognoscere. Similiter etiam volumus ut omnes illis & illi omnibus de communi societate & statu à nobis interrogati verum testimonium sibi mutuo perhibere possint.

De causa orta ad inhonorationem regni pertinente.

XIII. Et si talis causa in qualibet Provincia aut in aliquo Comitatu orta fuerit, quæ aut ad inhonorationem regni aut ad commune damnum pertineat, quæ etiam sine nostra potestate corrigi non possit, nos diu latere non permitatis; qui omnia corrigere debemus: quia quidquid hætenus in his, quæ ad pacem & iustitiam totius populi pertinent, & ad honorem regni & communem utilitatem aut à nobis, aut à vobis neglectum est, debemus, Deo auxiliante, certare, qualiter ab hinc nostro & vestro studio emendatum fiat.

De pace in itinere exercitali custodienda.

XIV. De pace vero in exercitali itinere servanda usque ad marcham hoc omnibus notum fieri volumus, quod quicunque auctorem damni sibi præterito anno inlati nominatim cognoscit, ut iustitiam de illo quærat, & accipiat.

De denuntiatione, ut qui in hostem pergunt, suos, qui in suo obsequio sunt, unusquisque cognoscat.

XV. Deinceps tamen omnibus denuntiare volumus, ut cognoscat unusquisque omnes, qui in suo obsequio in tali itinere pergunt, sive sui sint, sive alieni, ut ille de eorum factis rationem se sciat redditurum; & quidquid ipsi in pace violanda deliquerint, ad ipsius debet periculum pertinere; ea scilicet conditione, ut pacis violator primum juxta facinoris qualitatem sive coram nobis, sive coram Misso nostro, dignas pœnas persolvat; & senior, qui secum talem duxerit, quem aut constringere noluit aut non potuit, ut nostram iussionem servaret, & insuper in nostro regno prædas facere non timeret, pro illius negligentia, si antè eum de his non admonuerit, & postquam negligentia contemptoris ad ejus notitiam pervenerit, eum corrigere, sicut decet, neglexerit, honore suo privetur; ut scilicet neuter eorum sine justa vindicta remaneat.

De inhonoratione Regis propter negligentiam eorum, qui legationes male recipiunt.

XVI. De inhonoratione quoque Regis & Regni, & mala fama in exteris nationibus.

nationes dispersa, propter negligentiam eorum, qui legationes ad nos directas in suis mansionibus aut malè recipiunt, aut constitutam à nobis expensam non tribuunt, aut paravera dare nolunt, aut furto aliquid eis subripiunt, aut, quod perperissimum est, apertas violentias eos cædendo, & res eorum diripiendo, in ipsis exercere non pertimescunt, hoc omnibus notum esse volumus, quod quicumque ex his, qui honores nostros habent, abhinc negligentiam hanc emendare non certaverit, & suos homines, qui ejus vice hoc agere debent, ut id bene perficiant, non instruxerit aut constrinxerit, ut ulterius illud negligere non præsumant, & honorem nostrum, & regnum nobis commissum custodire contempserit, nec nostrum, nec regni nostri honorem ulterius volumus ut habeat; sed volumus, ut unusquisque fidelium nostrorum procuratores rerum suarum de his specialiter instruat, ut quandocunque & undecunque legatio advenerit, & aut literas, aut Missum viderint, honorificè illam in omni loco Imperii nostri, propter nostrum & totius regni honorem, omnes suscipere valeant.

De locis, in quibus legationes recipiendæ sunt.

XVII. In illis verò locis, ubi modo via, & mansionatici à genitore nostro, & à nobis per Capitulare ordinati sunt, Missos ad hoc specialiter constitutos, qui hoc jugiter prævideant, habeant, ut omnia, quæ ad eandem legationes suscipiendas pertinent, fideles nostri ad hoc constituti, ad tempus præparare studeant, ut non tunc sit necesse de longe quærere, vel adducere, quando tempus est illa dare, vel persolvere. In cæteris verò locis per totum Imperium nostrum unusquisque fidelium nostrorum, & per se, & per ministros suos, sicut diximus, sedulam vigilantiam adhibeat.

De admonitione unius monetæ.

XVIII. De moneta verò, unde jam per tres annos, & admonitionem fecimus, & tempus quando una teneretur, & aliæ omnes cessarent, constituimus, hoc omnibus notum esse volumus, quoniam, ut absque ulla excusatione cito possit emendari, spatium usque ad Mis-

sam Sancti Martini dare decrevimus, ut unusquisque Comitum in suis ministeriis de hoc jussionem nostram tunc possit habere adimpletam; quatenus ab illa die non alia, sed illa sola per totum regnum nostrum ab omnibus habeatur, juxta illam constitutionem, sicut in Capitulis, quæ de hac re illis Comitibus dedimus, in quorum ministeriis moneta percutitur, constitutum est. Quia tunc volumus Missos nostros regni hujus rei gratia dirigere per singulos comitatus, qui diligenter inquirent, qualiter Comites in hoc nostram jussionem adimplere certaverint. Et quicumque negligens inde inventus fuerit, volumus, ut ante nostram præsentiam quantocius venire jubeatur, & rationem reddat, utrum hoc, quod jussimus, facere noluerit, aut non potuerit; aut si aliqua re præpediente id facere non potuit, cur nobis ipsam impossibilitatem ad tempus non adnuntiavit. Quia si ipse aut non voluit, aut suæ negligentiae causa non potuit, nos talem invenire volumus, qui hoc, quod jubemus, servare velit & possit. Ut autem jussio nostra in hac re citius impleatur, volumus, ut quicumque ab illa die alium denarium negotiandi causa protulerit, à Comite & Ministris ejus auferatur ab eo.

De injustis teloneis.

XIX. Similiter quoque de injustis teloneis, de quibus qualiter ab omnibus observandum esset, & capitulis constituimus, & creberrimas admonitiones fecimus, prædicti Missi nostri volumus, ut inquisitionem faciant, à quibus nostra jussio in hoc adimpleta, à quibus quoque sit neglecta, & eum, qui implere neglexit aut distulit, ad nostram volumus ut veniat jussus præsentiam, ut cito rationem de his, sicut superius diximus, reddat, & si culpabilis inventus fuerit, dignam correctionem accipiat, ut ceteris negligentibus exemplum terrores præbeat.

De pontibus, ubi antiquitus fuerunt, renovandis.

XX. Ut ubi pontes antiquitus fuerunt, & in his locis, ubi tempore genitoris nostri ipso jubente diversarum necessitatum causa facti sunt, omnino absque ulla dilatione ab his, qui eos

tunc fecerunt, restituantur & renoventur, ita ut ad missam sancti Andreæ restaurati fiant; nisi fortè aut ipsa operis magnitudo aut aquarum in quolibet mundatio hoc prohibeat. Aliter verò nullus qualibet occasione hoc negligere aut differre præsumat, quin ad prædictum tempus completum fiat. Et Missi nostri, quorum superius mentionem fecimus, volumus ut renuntient, in quibus locis nostra iussio impleta, in quibus neglecta est, aut aliqua impossibilitate vel certa ratione delata.

De nonis & decimis.

XXI. De nonis quidem & decimis, unde & genitor noster & nos frequenter, & in diversis placitis admonitionem fecimus, & per capitularia nostra, qualiter hæc observentur, ordinavimus, volumus atque iubemus ut de omni conlaborato & de vino & feno fideliter & pleniter ab omnibus nona & decima persolvatur. De nutrimine vero prodecima, sicut hætenus consuetudo fuit, ab omnibus observetur. Si quis tamen Episcoporum fuerit, qui argentum pro hoc accipere velit, in sua maneat potestate, juxta quod ei & illi, qui hoc persolvere debet, convenerit.

De operibus in restaurationem Ecclesiarum adimplendis

XXII. Similiter quidem de operibus in restaurationem Ecclesiarum, sive in faciendo, sive in redimendo Episcopalis potius sequatur voluntas. Nullatenus tamen remaneat, quin, sicut à nobis sæpè iussum est, hoc aut illud partibus Ecclesiarum persolvatur. Et hoc omnibus notum sit, quia quicumque negligenter exinde egerit, & coram nobis exinde negligens repertus fuerit, illud volumus omnino, ut subeat, quod in nostro capitulari de hac re communi consulti fidelium nostro- rum ordinavimus.

De Comitibus ut Ministris Ecclesiæ in suis ministeriis adjutores sint.

XXIII. Comites vero ministris Ec-

clesiæ in eorum ministeriis, ut hoc plenius & de nostris, & de se, & de suis hominibus obtinere possint, adjutores in omnibus fiant. Et quicumque prima & secunda vice de his à Comite admonitus non se se correxit, volumus, ut per eundem Comitem ejus negligentia ad nostram notitiam perferatur, ut nostra auctoritate, quod in nostro capitulari continetur, subire cogatur.

De Capitulis à Concenario palatii ab Archiepiscopis & Comitibus accipiendis.

XXIV. Volumus etiam, ut Capitula, quæ nunc & alio tempore consultu nostrorum fidelium à nobis constituta sunt à Cancellario nostro Archiepiscopi (a) & Comites eorum de propriis civitatibus modo aut per se aut per suos Missos accipiant, & unusquisque per suam diocesim ceteris Episcopis, Abbatibus, Comitibus, & aliis fidelibus nostris ea transcribi faciant, & in suis Comitibus coram omnibus relegant; ut cunctis nostra ordinatio & voluntas nota fieri possit. Cancellarius tamen noster nomina Episcoporum & Comitum, qui ea accipere curaverint, notet, & ea ad nostram notitiam perferat, ut nullus hoc prætermittere præsumat. Vassif quoque & vassalli nostri nobis famulantes volumus, ut condignum apud omnes habeant honorem, sicut à genitore nostro & à nobis sæpe admonitum est.

De nominibus locorum, in quibus Missi Domini legatione funguntur.

XXV. In Vefontio, quæ est Diocesis Bernoini Archiepiscopi, Heiminius Episcopus & Monogoldus Comes. In Mogontina, quæ est diocesis Heistulfi Archiepiscopi, idem Heistulfus Episcopus & Ruotbertus Comes. In Trevis Hetti Archiepiscopus & Adalbertus Comes. In Colonia Hadaboldus Archiepiscopus & Eemundus Comes. In Remis Ebbo Archiepiscopus, quando potuerit; & quando ei non licuerit, Ruotadus Episcopus (b) ejus vice & Ruotfridus Comes sint super sex videlicet

(a) Vide laudatissimam vigilantiam Ludovici Augusti tam pro Executione Capitularum Regionum, quam Canonum Ecclesiasticorum, aliorumque, quorum custodia apud Cancellarium, qui ordinariè Archi-Capellanus Regis erat, sanctissima fuit: ab his per Archi-Episcopos ad Episcopos, ab Episcopis ad omnes Clericos & populum notitia Capitularium Regionum & Ecclesiasticorum derivabatur, conservabatur, & perpetuabatur.

(b) Suesionensis, quia Ebba eo anno Conversione Danorum occupabatur,

cet Comitatus, id est, Remos, Catalaunem, Sueffionem, Silvaneſtem, Belvacum, & Laudunum. Super quatuor vero Episcopatus, qui ad eandem Dioceſim pertinent, id est, Noviomaſenſem, Ambianenſem, Tarvanenſem, & Camaracenſem, Ragenarius Episcopus, (c) & Berengarius Comes. Senones Hieremias Archi-Episcopus & Donatus Comes. Rotomagum Willebertus Archi-Episcopus & Ingobertus Comes. Turonem Landrannus Archi-Episcopus & Ruotbertus Comes. Lugdunum, Tarentasia, & Vienna Albericus Episcopus (d) & Richardus Comes.

De commemoratione ad legationem prædictorum Miſſorum pertinente.

XXVI. Commemoratio quid ad prædictorum Miſſorum legationem pertineat: Primò, ut conventum in duobus aut tribus locis congregent, ubi omnes ad eorum legationem pertinentes convenire poſſint; & omnia generaliter notum faciant; qualis ſit eorum legatio; ſcilicet ad hoc ſe eſſe à nobis Miſſos conſtitutos, ut ſi quilibet Episcopus aut Comes miniſterium ſuum propter quodlibet impedimentum implere non poſſit, ad eos recurrat, & cum eorum adjutorio miniſterium ſuum adimpleat. Et ſi talis cauſa fuerit, quæ per eorum admonitionem emendari non poſſit, per eos ad noſtram notiſiam deferatur. Et ſi forſè Episcopus aut Comes aliquid negligentius in ſuo miniſterio egerit, per iſtorum admonitionem corrigatur. Et omnis populus ſciat ad hoc eos eſſe conſtitutos, ut quicumque per negligentiam, aut incuriam, vel impoſſibilitatem Comitiſ juſtitiam ſuam acquirere non poterit, ad eos primum querelam ſuam poſſit deferre, & per eorum auxilium juſtitiam acquirere, & quando aliquis ad nos neceſſitatis cauſa reclamaverit, ad eos poſſimus relatorum querelas ad definiendum remittere. Ipi verò Miſſi non ſine certiſſima cauſa vel neceſſitate huc illicque diſcurrant; niſi forſè quando tale aliquid in cujuſlibet miniſterio ad legationem ſuam pertinente ortum eſſe cognoverint, quod eorum præſentia indigeat, & ſine illorum conſilio vel adjutorio emendari non poſ-

ſit. Inde tamen debent eſſe ſolliciti, ut propter illorum negligentiam nihil in ſua legatione incorrectum remaneat, ſed ubi certam & veram neceſſitatem cognoverint, noſtram juſſionem adimplere non negligent.

De hoc, quod per Miſſos Dominicos ea, quæ per Capitula ſtatuta ſunt, omnibus nota fieri debeant.

XXVII. Volumus etiam, ut omnibus notum ſit, quia ad hoc conſtituti ſunt, ut ea, quæ per capitula noſtra generaliter de quibuſcunque cauſis ſtatuiſimus, per Miſſos nota fiant omnibus, & in eorum procuracione conſiſtant, ut ab omnibus adimpleantur. Et ubi forſè aliquo tali impedimento, quod per eos emendari non poſſit, aliquid de hiſ, quæ conſtituiſimus ac juſſimus, remaneſſet imperfectum, eorum relatu nobis ad tempus indicetur, ut per nos corrigatur, quod per eos corrigi non potuit.

Admonitio ad eos, qui legatione funguntur.

XXVIII. Noſſe vos credimus, quanti ſit ponderis legatio, quam vobis commiſimus, & quam ſit periculoſum tantæ rei curam negligere, quantam vos pro noſtra omnium communi ſalute ex noſtra obligatione ſuſcepſiſſe non ignoratis. De qua re, cum vos interrogaviſſemus, non ſic nobis reſponſum eſt, ut in eo reſponſo ſufficere potuiſſet ad eam diſpoſitionem, quam rerum neceſſitas ad communem utilitatem pernentium poſcere videbatur, vel quæ nobis aliquod ſecuritatis ſolacium afferre potuiſſet. Et hoc ideo veniſſe perſpeximus, quia anno præterito, quando Capitula legationis veſtræ vobis dedimus, cautè vos obſervare juſſimus, ne ſine cauſa hiſ, quos honoratos eſſe volumus, aliqua fieret injuria. Quapropter volumus vobis notum facere, qualiter nunc Domino adjuvante eandem juſſionem noſtram debeatis adimplere. Volumus, ut Miſſi noſtri, quos ad hoc conſtitutos habemus, ut curam & ſollicitudinem habeant, quatenus unusquisque, qui rector à nobis populi noſtri conſtitutus eſt, in ſuo ordine officium ſibi commiſſum juſtè ac Deo placitè ad honorem noſtrum, ac populi noſtri

(c) Ambianenſis.

(d) Lingonenſis.

stri utilitatem administret, in hunc modum cognoscendi diligentiam adhibeant, si ea, quæ Capitulari nostro, quod eis anno præterito dedimus, continentur, secundum voluntatem Dei ac iussionem nostram fiant adimpleta. Itaque volumus, ut medio mense Majo conveniant idem Missi unusquisque in sua legatione, cum omnibus Episcopis, Abbatibus, Comitibus, ac Vassis nostris, Advocatis nostris ac Vicedominis Abbatissarum, nec non & eorum, qui propter aliquam inevitabilem necessitatem ipsi venire non possunt ad locum unum. Et si necesse fuerit, propter opportunitatem conveniendi, in duobus vel tribus locis, vel maximè propter pauperes populi, idem conventus habeatur, qui omnibus congruat. Et habeat unusquisque Comes Vicarios, & centenarios suos, nec non & de primis Scabineis suis tres aut quatuor. Et in eo con-

ventu primum Christianæ religionis & Ecclesiastici ordinis collatio fiat. Deinde inquirent Missi nostri ab universis, qualiter unusquisque illorum, qui ad hoc à nobis constituti sunt, officium sibi commissum secundum Dei voluntatem ac iussionem nostram administret in populo, & quam concordēs atque unanimēs ad hoc sint, vel qualiter vicissim sibi auxilium ferant ad ministeria sua peragenda. Et tam diligenter ac studiosè hanc investigationem faciant, ut omnem rei veritatem per eos cognoscere valeamus. Et si aliqua talis causa ad eorum notitiam perlata fuerit, quæ illorum auxilio indigeat, secundum qualitates causarum, quæ in nostro Capitulari continentur, tunc volumus, ut illuc pergant, & ex nostra auctoritate illud corrigere studeant.

Baluz. Tomo I. Capitular. pag. 631. & seqq.

Aquisgrani hoc Capitulare editum censet *Eckhartus Hister. rerum Franc. L. XXVIII. §. 222.* Non Attiniaci, ut Sirmondus putabat. Rationem dat eam, quæ Cap. V. hujus Capitularis dicitur: "Scholæ sane ad filios & ministros Ecclesiæ instruendos & edocendos, sicut nobis in præterito tempore ad Attiniacum promissis, & vobis injunximus . . . non negligantur." Annus ergo saltem ab Attiniacensi Synodo effluerat, antequam hoc Capitulare conderetur. Idem Coitius judicat.

CONCILIIUM EPISCOPORUM AQUISGRANI.

Anno Christi DCCCXXV. Eugenii II. Papæ II.
Ludovici Imp. XII.

*ACTIO. Decretum de transferendo Corpore S. Huberti
Leodio Andainum.*

Postquam WALCANDUS Leodiensis Episcopus Andagium restituisset, & Canonicis sublatis Monachos instituisset, & vitam regularem in eo in tantum promovisset; ut plures etiam ex suo Lamberti collegio illuc convolarent ad meliorem vitam: à quibus requisitus, ut corpus S. Huberti illis ad devotionem & cultum concederet, "tribus annis eorum petitionem distulit. Sed cum ab ipsis Venerandis Viris

" magnopere, ut id eis concederet, exigeretur; prudenti consilio cuncta peragens, ADEBALDUM (a) Venerabilem Virum Metropolitam suum super hac re consuluit, qui & ipse in tanta re consilium suum, ut decebat summæ humilitatis virum, reputans minimum, ratum duxit, ut una Christianissimum atque orthodoxum Principem Ludovicum Imperatorem adirent, & quæ eos pulsaret fratrum

(a) Hadabaldum, Metropolitam Coloniensem, interfuisse & præfuisse huic Concilio Provinciali Auctores testantur *Jonas Ep. Aurelianensis de Translatione S. Huberti. Duchesne Tomo II. Scriptor. Francia pag. 394.*

" peticio, pariter edicerent. Qui &
 " ipse gloriosus atque invictus Augustus
 " considerans rem pergrandem, atque
 " paucorum vires magnitudine sui tran-
 " scendentem, ad *Concilium* Venerabile
 " Episcoporum, quod tunc temporis
 " apud Aquasgrani congregatum erat,
 " statuit conferendum, & quid de his
 " esset agendum, à sententia Sancti
 " Conventus magnopere flagitandum.
 " Isdem autem venerabilis, ac prorsus
 " Deo amabilis Conventus, considera-
 " tis undique partibus, scilicet, qui, &
 " quam rem peterent, sed & reverentia
 " Domini Confessoris, sanxerunt, tot
 " religiosorum virorum voto, sancti viri
 " ossa committi, & in Monasterio su-
 " pradieto, ubi religiosius honorarentur,
 " collocari.

" Quorum sententiæ sæpeditus
 " Pontifex obedientiam præbuit, confi-

lio assensit, & petentibus jam dictis
 " Viris Venerandis, Sanctissimi Viri
 " Huberti corpus attribuit. Nam anno
 " Ordinationis ipsius XVI: qui est In-
 " carnationis Dominicæ DCCCXXV.
 " XI. Kalend. Octobris ad beatissimi
 " Confessoris ventum est urnam, atque
 " à Sacerdotibus cum maxima reveren-
 " tia à loco sepulturæ ejus effossa, indi-
 " demque cum religioso populi, gra-
 " dūque Ecclesiastici frequentia in B.
 " Lamberti Ecclesiam Sancti Viri ossa
 " sunt transvecta, ubi triduo orationi-
 " bus & vigiliis profecuta, pridie Ka-
 " lendas Octobris ad memoratum Mo-
 " nasterium cum loculo suo sunt perlata,
 " ibidemque Christo annuente, ut tanto
 " Confessori competeat, sunt decenter
 " condita.

*Duchesne Tomo III. Scriptorum Francie.
 pag. 394.*

Sanctus Hubertus post S. Lambertum Episcopus anno 709., ad superos migravit anno 728, & in
 Sancti Petri tumulus. Corpus ejus levatur à Karlomanno Rege anno 744, multisque ho-
 noribus afficitur. Tum Walcandus Episcopus de consensu Regis Ludovici, & Metropoli-
 tani, & SYNODI, corpus idem in Andaginenſe Monasterium tranſtulit, unde illi nomen
 remanſit. *ſonas Aurelianenſis Episcopus, Autor coarvus de Translatione S. Huberti Tun-*
grenſis.

PUBLICUS CONVENTUS OPTIMA- TUM ET SACERDOTUM CORAM AU-

GUSTO LUDOVICO PIO IN INGELHEIM
 CIRCA KAL. JUNII.

Anno Christi DCCCXXVI. Eugenii II. Papæ III.
 Ludovici Pii XIII.

*Leo Centumcellensis Episcopus, & Theophylactus Nomenclator ab Eu-
 genio Papa directi ad Imperatorem, Ingelheimii excepti fuerunt.*

ACTIO I. Baptismus Herioldi, Daniæ Regis & Familiæ.

*II. Missio prima S. Ansgarii in Daniam ad prædicandum
 Evangelium.*

III. Varia Capitularia de & pro Ecclesiâ.

Herioldus quidam Rex, qui partem
 Danorum tenebat, ab aliis ipsius
 Provinciæ Regibus, odio & inimiciâ
 conventus, Regno suo expulsus est.
 Qui Serenissimum adiit Imperatorem
 LHudovicum (circa Calendas Junii in
 Ingelheim) postulans, ut ejus auxilio uti
 mereretur, quo Regnum suum denuo
 Tomus II. Concil. German.

evindicare valeret. Qui eum secum de-
 tentum, tam per se, quàm per alios ad
 suscipiendam Christianitatem cohorta-
 tus, quod scilicet inter eos ita major fa-
 miliaritas esse posset, Populusque Chri-
 stianus ipsi ac suis promptiori voluntate
 in adjutorium sic veniret, si uterque
 unum Dominum coleret: tandem gratia
 E 2 Divi

Divina tribuente ad fidem convertit, & sacro Baptismate perfusum ipse de sacro fonte suscepit, (a) sibi que in filium adoptavit. Quem cum iterum ad sua remittere vellet, ut ejus auxilio munitus Regni sui fines repeteret; cepit diligentius querere, si quem invenerit sanctæ devotionis virum, qui cum eo ire posset, eique continuè adhaereret, fieretque illi & suis ad corroborandam, suscipiendamque fidem Domini Magister doctrinæ salutaris. De hoc itaque prædictus Augustus in publico Conventu (*in Saltz vel Ingelheim*) Optimatum suorum cum Sacerdotibus, cæterisque fidelibus suis tractare cepit, & ut sibi aliquem ad tale opus & voluntarium & condignum invenirent, sollicitius omnes rogare. Quod cum universi abnuerent, nullatenus se quemquam scire dicentes tantæ devotionis virum, qui peregrinationem tam periculosam pro Christi nomine suscipere vellet. Exstitit tunc temporis Venerabilis Abbas Monasterii vestri Wa-

lo, (b) qui memorato Imperatori dixit: unum se scire Monachum in Monasterio suo, qui multo ardore circa Divinam Religionem ferveret, ac pro Dei nomine multa pati desideraret, cuius quoque pariter institutionem ac mores laudavit, & quod ad hoc opus esset satis idoneus, indicavit. Sed tamen se nescire testatus est, utrum ad hanc peregrinationem tolerandam voluntarius esset. Quid plura? jubente Rege evocatur ad Palatium: cui Abbas cuncta, quæ acta & dicta sunt, reulit, &, ad quid vocaretur, aperuit. Qui se ad servitium Dei in omnibus, quæ ei causâ obedientiæ injungerentur, paratum esse respondit. Deductus itaque ad præsentiam Augusti, cum ab ipso interrogaretur, utrum pro Dei nomine ad prædicandum in gentibus Danorum comes fieri vellet Herioldi? omnino se velle constanter respondit.

Philippus Caesar in Triapostolatu Septentrionis, in vita S. Angarii pag. 57. 58.

(a) *Biographus Ludovici Pii ad hunc annum.* Juditha Matrinx Reginx Danorum. Carolus Puer Regius, Patrinus Filii Herioldi Regis Danorum: Palatini Cæsarei Patrini Palatinorum Regis Danix. *Theganus de gestis Ludovici Pii, & Eginhardus in Annalibus.* *Ermoldus Nigellus* fusissimè & accuratissimè hoc factum exponit.

Ingelheimii baptizatum Herioldum, & quidem ab Episcopo Wurceburgenſi Wolfgario, credidit *Eckhartus Tomo II. Hystor. Franc. L. 28. §. 23.* etſi *Annales Laurehamenses, & Biographus Ludovici Pii Moguntix ad S. Albanum baptizatum Herioldum cum suis narrant: sed Ermoldus Nigellus, & Theganus præferendi videntur, qui Ingelheimii factum indicant.*

(b) Wala scribunt alii, Gallicæ Corbeix Abbas, & Autgarius Monachus ejusdem Comes.

Comitia in Ingelheim alia mense Octobri habuit Imperator, seu Conventum populi generalem hoc anno 826, diversum ab eo, quem mensibus Majo & Junio in eodem Palatio Ingelheimenſi celebravit.

CAPITULA DOMINI HLUDOVICI IN INGILENHEIM

APOSTOLICA AUCTORITATE ET SYNODALI SANCTIONE,
OMNIUM CLERICORUM AC LAICORUM GENERALITER
SENSU ATQUE HORTATU DECRETA.

De his, qui rapinas infra regnum faciunt.

I.

SI quis infra regnum rapinam fecerit, aut cuiquam nostro fideli ejusque homini aliquid vi abstulerit, in triplo cui aliquid abstulerit legibus componat, & insuper bannum nostrum, id est, sexa-

ginta solidos nobis persolvat. Postmodum vero ante nos à Comite adducatur; ut in bastonico retrusus, usque dum nobis placuerit, pœnas luat. Nam si publicè actum fuerit, publicam inde agat pœnitentiam juxta Sanctorum Canonum Sanctionem. Si vero occultè, Sacerdotum consilio ex hoc agat pœnitentiam:

tiam : quoniam raptores : ut ait Apostolus , nisi veram egerint penitentiam , regnum Dei non possidebunt . Qui verò de rebus Ecclesiarum aliquid abstulerit , gravius iudicetur : quia Sacrarum rerum ablatio sacrilegium est , & sacrilegus vocatur , qui ex eis aliquid abstulerit , aut rapuerit . Infames quoque tales personæ usque ad satisfactionem Ecclesiæ , quam læserunt , sunt habendæ .

De Sacerdotibus & Levitis, atque Monachis interfectis, vel debilitatis.

II. Si quis Sacerdotem vel Levitam aut Monachum interfecit vel debilitaverit , juxta statuta priorum Capitulorum , quæ legi Salicæ sunt addita , componat , & insuper bannum nostrum , id est , sexaginta solidos nobis persolvat , & arma relinquat , atque in Monasterio diebus vitæ suæ sub ardua penitentia Deo serviat , nusquam postmodum sæculo vel sæcularibus militaturus neque uxori copulaturus .

De his , qui Episcopo aliquam injuriam vel dehonorationem fecerint.

III. Si quis Episcopo aliquam injuriam aut injustam dehonorationem fecerit , de vita componat , & omnia , quæ habere visus fuerit , Ecclesiæ , cui præfesse dinoscitur , integerrimè societur , & nobis in triplo bannus noster , id est , sexaginta solidi persolvantur , aut ipse in servitio fisco nostro serviturus semper societur usque se redimere in triplo juxta Wirigildum suum potuerit . Sancta vero Ecclesia in Sacerdotibus constat . Idcirco magna pœna plectendi sunt , qui Episcopis vel reliquis Sacerdotibus injuriam vel contumeliam fecerint . Nam detractatio Sacerdotum ad Christum pertinet , cujus vice legatione in Ecclesia funguntur .

Baluz. Tomo I. Capitularium pag. 647. & Lib. VI. Capitularium Benedicti Levitis Cap. XCVII.

Kalendis Junii Mensis ad Ingelheim venit , ibidemque illi Conventus populi sui , secundum quod præceperat , occurrit in eodem Placito secundum morem suum , multa , quæ Ecclesiæ essent , utilia admonuit , statuit ac definivit , Legationesque tam à Sancta Sede Romana , quam à monte Oliveti per Dominicam Abbatem perlatas suscepit , audit , absolvit Hludovicus Pius Imp. *Biographus Ludovici Pii, unde Sirmondus ad hunc annum refert.*

De religiosa muliere decepta , id est , veste mutata , vel religionem professâ.

IV. Si quis rapuerit , aut sollicitaverit , vel corruerit religiosam feminam , bona amborum Ecclesiæ vindicet , in qua talis mulier habitavit . Ipsi tamen capitali periculo subjiciantur . Quod si hoc mulier non consensit , cum suis rebus Monasterii ditionibus tradatur . Si vero Comes ipsius pagi , unâ cum consilio sui Episcopi , in cujus parochia tale scelus commissum est , hoc vindicare neglexerit , honore careat , & cingulum amittat , atque publica penitentia multetur , & insuper Wirgildum suum fisci viribus dare compellatur .

De blasphemia in Deum.

V. Si quis quolibet modo blasphemiam in Deum jactaverit , ab Episcopo vel Comite pagi ipsius carceri usque ad satisfactionem tradatur , ut publica penitentia multetur , donec precibus proprii Episcopi publicè reconcilietur , Ecclesiæque gremio Canonicè reddatur .

De his , qui in domo sua oratorium fecerint.

VI. Qui in domo sua oratorium habuerit , orare ibidem potest . Missas tamen in eo celebrare non audeat , nec agere cuiquam permittat , sinè permisso , vel dedicatione Episcopi loci illius . Quod si fecerit , domus illius fisci viribus addicatur . Comes vero , qui hoc cognovit , & non prohibuit , publica penitentia multetur .

De privilegiis Ecclesiarum , & Clericorum non corrumpendis.

VII. Ut privilegia , quæ Ecclesiis , & Clericis ab antecessoribus nostris , vel nobis concessa sunt , semper maneant incorrupta .

SYNODUS IN WALACRIA (a)

SUB S. FRIDERICO EPISCOPO ULTRAJECTINO. (b)

SUMMARIUM. *S. Fridericus ipse navigat in Walachriam, evangelizat Christianæ Legis conjugium, damnat illicitas nuptias, mittit præcones per Insulam: Convertuntur Walachri; abjiciunt perperam nuptas; agunt impositam ab Episcopo penitentiam.*

N. 22. **F**ridericus, Ultrajectensis Episcopus, salutatis ex ordine fratribus Domus Ultrajectinæ, navem conscendit & vento prospero, ut libuit, Walachram applicuit, ingrediensque Insulam perrexit ad Ecclesiam, & interim vir dictus in pratis suum iussit figi tentorium, quem, dum incolæ illius viderent adesse Patriæ, multi, quibus sana fuerat mens, undeque confluerunt ad eum, & cum honore condigno susceperunt: plurimique vero supradictis *incestorum conjugiorum* polluti criminibus adversus eum jam arma parabant velut ad prælium, dicentes illum interimi, si ipsis aliquid faceret incommodi. Hoc dum ad Præsulis pervenisset auditum, sanctam cunctis iussit annuntiari Synodum, & quicumque non veniret, se sciret excommunicandum, & post vitæ transitum, æternum supplicium minabatur. At illi, cum ista pro nihilo ducerent, & in perveritate sua permanerent, soli Seniores ad sanctam venerunt Synodum, & in omnibus, ut iustum fuerat, exiterunt obediētes.

N. 23. Beatus autem Pontifex, ut vidit indurata corda eorum, & se frustra in acquisitione eorum laborare, flendo omnes, qui aderant, suppliciter rogabat fenes, ut in destruendis tam invisis conjugiiis, quam melius possent, adjutores existerent, & Domino talentum duplicatum offerrent. Quod illi complentes ubique perrexerunt, supradictos admonentes & postulantes, ut ita non facerent, sed veniam Episcopi, cui ad regendum erant commendati, quærent, & culpabiles se in omnibus redderent, ne,

si forte hæc negligerent, Dominus plagis aut in barbaris, aut aliis in pestibus, vel in fame totam illam consumeret terram, eo quod illum superpositum illis despicerent Pastorem. Ipse enim cum Clericis in Sancta remansit Ecclesia, gemitibus inenarrabilibus orans & deprecans Dominum, ut aperiret corda illorum, & daret eis sensum agendi penitentiam, ac bono in opere permanendi constantiam, ne post emendationem scelerum, veluti canes, redirent ad vomitum.

N. 24. Tunc ejus oratio exaudita est pro certo: nam die sequenti illo cum Clericis de Divinis fermocinanti Scriptura, ex Villis per gyrum fit ad eum populi concursio maxima, quærens ex eodem veniam, & promittit dignam de omnibus agere penitentiam. Præsul de talibus continuo mirum in modum lætus effectus, Sanctam intravit Synodum, & dixit eis, nullam posse agere dignam penitentiam nisi prius relinquerent, & execrarent conjugia, & juramine firmarent, ne ea post hæc repeterent. Quod dum cuncti devotè peregrissent, & jam penitentiam (*nempe ab Episcopo impositam*) susceperent secundum consilium, Vir Dei per aliquos inibi mansit dies, docens eos illa, quæ sunt Dei. Ut autem inde abiit, magnæ sanctitatis ad custodiendam plebem illic reliquit Presbyteros, valedicensque omnibus ordinatim, suos in redeundo lustravit Parochias, cunctisque bene dispositis Trajectum venit.

Ex Codice MS. triplici ediderunt Hagiographi Antwerpiani banc vitam S. Friderici ad diem 18. Julii pag. 464. Tomo IV. Julii.

SYNO-

(a) Walacia Walkeren, Insula est Zeelandiæ Provinciæ, cujus urbs præcipua Middelburgum, distat Ultrajecto minimum viginti quatuor milliaribus Gallicis communibus.

(b) Fridericus Ultrajectinus circa annum 826. fuit donatus Episcopatu Ultrajectino à Ludovico Pio Augusto, & circa annum 838. martyrium subiisse creditur ab Hagiographis Antwerpianis ad diem 18. Julii in actis Sanctorum pag. 463.

SYNODUS IN EHINGEN.

Anno Christi DCCCXXVII. Gregorii IV. Papæ I.
Ludovici Pii Imp. XIV.

Hitto, Frisingensis Antistes, Synodum publicam celebravit in loco Ebingas nuncupato, & traditionem ad Ecclesiam Sanctæ Mariæ Cathedralē factam per Wicharium Presbyterum nomine Epuchonis acceptat X. Kal. Junias, Indiēt. V.

Dum venisset Hitto venerabilis Antistes ad illo loco, nominato Ebingas, Synodum habere, cum suis Parochianis, eisque viam vitæ salutis æternæ ostendere, ut duces esse possint earum ovium, qui regimine illorum subiecti consistunt, ibique quidam homo veniens nomine Epucho, in præsentia Hittonis Episcopi, & Ellanti judicis, seu Oadalschalhi Comitis, & tradidit in illo loco, qui dicitur Alhmuntingas, pro Wicharium Venerabilem Presbyterum, quod illi Pater ejus, & sui Antecessores dimiserunt in proprium, seu quidquid ibi habere videretur in ipso Vico, in Capsa Sanctæ Mariæ ad Frigifensē ad illo Sede, ut statim de isto die præsentē ibidem firmiter permaneret in potestate, & in servitio Sanctæ Mariæ, ut nulla persona post ista traditione potestati Sanctæ Mariæ, & ipse Epucho contraplacitabat cum suo Wadio omnem questionem, quam habuit ad illo Vico contra Irminfridum Advocatum Hittonis Episcopi; ut deinceps alius nullus homo prælocutionem habe-

ret de illa causa ad ipsa Casa Dei. Isti sunt testes illius placiti per aures tracti: Ellanperht Judex, Oadalschalhi Comis, Irminfrid, Odolt, Eigil, Kepahoh, Heriperht, Adalker, Tuto, Willihelm, Corafrid, Regino, Einheri, Heipo, Kerhart, Reginpald, Cozolt, Sigiwart, Tetti, Maho, Oadalker, Managolt, Isaac, Trefo, Wolfperht, Wicco, Fridarich, Wichelm, Frumolt, Rihperht, Liuto, alius Rihperht, Adalpert, Reginolt, Rihdeo, Mootheri, Rarolf, Coradeo, Manno, Ampricho, Liuthart, Chuniperht, Paldachar, Tozi, Isanpert, Isancrim, Erchanolf, Sulman, Cundpald, Alawih, Cundhart, Eginno, Adalcrim, Sigilo, Tetti, Engilrih. Actum hoc ad Ebingas in X. Kal. Junias, anno Ludowici Imperatoris sui XIV. Indiēt. V. Ego quidem Undeo indignus Diaconus scripsi hanc Cartulam ex jussu Hittonis Episcopi. Illius traditionis Fidejussor fuit Coraperht.

Meichelbeck Histov. Frising. Tom. I. Part. II. Instrum. DIII. pag. 265.

ACTIO II.

SYNODI FRISINGENSIS AD EHINGAS.

Hitto, Episcopus Frisingensis, in Synodo publica acceptat censum sibi solutum ex hæreditate donata ab Fritilone Presbytero. III. Idus Majas.

Notitia de traditione, quam jam olim Fritilo Presbyter fecit, quicquid habuit ad Prisingas propriæ hereditatis, vel adquisitis jam præcis temporibus firmiter tradidit ad Frigifingas, & annis singulis censum persolvit ad

domum Sanctæ Mariæ, hoc sunt denarios XX. & isti sunt, qui viderunt, quod ad Chingas in publico Synodo in manus Hittonis Episcopi ipsum censum persolvit. Anzo Comes, Rumolt, Reginperht, Willipato, Pilligrim, Paldachar,

dachar, Willihelm, Einheri, Hitto, Liutperht, Hrodperht, Kepahoh, Eigil, Wicco, Rihperht, Pezi, Sigilo, Waltheri, Tozi, Sigimot, Lantperht, Heimo, Reginhart, Friduperht, Irminfrid, Oadalker, Aroa-

dilo, Rotescalc, Wichelm, Otperht, Choanrat. Hoc factum est in IV. Idus Majas.

Meiſelbeck Hiſtoriæ Friſingens. Tom. I. Part. II. Inſtrum. DLXVI. p. 296.

SYNODUS FRISINGENSIS AD EHINGAS.

Anno Chriſti DCCCXXVIII. Gregorii IV. Papæ II.
Ludovici Imp. XV. Indiſt. V.

*Ellanpurc & Engilpurc, Sanctimoniales fœminæ, traditionem hæreditatis ſuæ ad Friſingas coram advocato Epiſcopi confirman-
in Congregatione publica Synodi.*

IN nomine Domini. Notum ſit omnibus fidelibus, quia congregatio publico Synodo ad Ehingas, ibique in præſentiam venit quædam Sanctimonialis femina nomine Engilbur ſe reclamans dicendo pro traditionem, quam Mater ejus Ellanpurc, & ipſa Engilpurc de propria hereditate ad Friſingas fecerunt, in loco, quæ dicitur ad Laupah, quia nepos eorum nomine Wichheri Presbyter eas abicere voluiſſet, ſed benignus Pontifex Hitto perdonabat illis, quamdiu vixiſſent. Et contra dicebat Wichario Presbytero, ut nec in ipſa Eccleſia non orâſſet niſi per licentiam eorum. Et ipſa Engilpurc mox cenſum

reddidit in manus Advocati Epiſcopi cui nomen Spulit, tres denarios, & ita annis ſingulis ſpopondit reddere. Iſti ſunt, qui viderunt, & audierunt: Paldachar Chuniperht, Oadalſcalch, Irminfrid, Engilperht Liutperht, Oadalperht, Hegilo, Coteſſid, Heriperht, Oadalrih, Ambrico, Kernod, Hroadleoz, Cozolt, Sigiprant, Otperht, Deotrih, Sigilo, Hunperht, Mahho, Liutprant. Actum eſt hoc in XIV. Kal. Junias indiſtione V. (a) anno Hludowici Imperatoris XV. Et ego Cozroh indignus Presbyter conſcripſi.

Meiſelbeck Hiſtoriæ Friſingens. Tom. I. Part. II. Inſtrum. DXXXVI. p. 281.

(a) Anno 828. & Ludovici Imp. XV. currebat Indiſtio VI. uſque ad Septembrem, quo inchoabatur Indiſtio VII: ſed noluimus Inſtrumentum corrigere: idem obſerva in duabus aliis chartis anni Impetii Ludovici XV.

ACTIO II. EJUDEM SYNODI FRISINGENSIS AD EHINGAS.

*Hitto, Friſingensis Epiſcopus, hæreditatem Denchilonis, quæ eſt in loco
Dornakindorf, domui Cathedræ Sanctæ Mariæ donatam acceptat
VI. Kalendas Julias.*

PAteat cunctis agminibus Chriſtianis in Provincia Bajowarie, fidelibusque viris in ea manentibus, quod ego quidem Denchilo jam olim tradidi propriam hereditatem meam cum omni conqueſtu meo in loco, quæ dicitur Dornakindorf, ad Domino Sanctæ Ma-

riæ Friſingensis, ut ibidem ſinmiter permaneat. Nunc quoque ego ipſe talem proprium, quod ibi habere videor, die præſente illud dimitto in manus Hittoni venerabilis Epiſcopi, ad ipſa cauſa Dei, ut deinceps ibidem in ſervitio, & in poteſtate Sanctæ Mariæ permaneat.

Actum

Actum est hoc ad Ehingas, quando Sancta Synodus ibi fuerat congregatus, in XVI. Kalendas Julias anno Hludowici Imperatoris XV. Indictione V. Isti sunt, qui hoc viderunt, & traditionem istam testimonio confirmare debent: Reginperht, Pilgrim, Hercwart, Alawih, Uro, Wicco, Marcho, Mahtuni,

Heriperht, Rihperht, Hatto, Cundhart, Adalhart, Heimperht, Raganhart, alius Adalhart, Altrih, Altolf, Oadalker, Wicperht, Isker, Urolf, alius Reginperht.

*Meichelbeck Historia Frisingens. Tom. I.
Part. II. Instrum. DXXVIII. p. 273.*

ACTIO III.

SYNODI FRISINGENSIS AD EHINGAS.

Hitto, Episcopus Frisingensis, Synodo congregata in loco Ebingas, acceptat traditionem factam à Tutone pro Ecclesia sua Frisingensi Cathedrali, quæ est Domus Sanctæ Mariæ, XVI. Kal. Julias. Indict. VI.

DUm & omnibus non habetur incognitum, sed multis in hac Provincia nobilibus viris commorantibus bene cognitum est, quod Tuto tradidit curtiferam unam, & talem proprium, quicquid ibidem habuit in eo loco, quæ dicitur Heriperhteshufir in capla Sanctæ Mariæ ad Frigisingas Hitone Venerabili Episcopo presente, & statim dimisit ad servitio Sanctæ Mariæ, quod ibidem habere videretur. Hæc sunt testes: Reginperht, Pilgrim, He-

riwart, Alawih, Uro, Wicco, Marcho, Hatto, Mahtuni, Heriperht, Cundhart, Adalhart, Heimperht, Kaganhart, alius Adalhart, Altrih, Altolf, Oadalker, Wicperht, Isker, Urolf, alius Reginperht. Actum est hoc ad Ehingas, quando Sancta Synodus ibidem congregata fuerat; in XVI. Kalendas Julias anno Hludowici Imperatoris XV. Indictione V.

*Meichelbeck Historia Frisingens. Tomo I.
Part. II. Instrum. DXIX. pag. 273.*

ACTIO IV.

SYNODI FRISINGENSIS.

Hitto ratam habet traditionem hereditatis in locis Crazzun & Erlapach, factam à Ribpaldo Presbytero XII. Kal. Octobris, anno quo filius ejus Hludovicus, Germaniæ & Baviaræ Rex, cum conjuge in Bajowaria rediit. Indict. VII. à 1. 7bris inchoata.

COgitans enim cogitavi pro remedium animæ meæ ego Rihpald Presbyter firmiter tradidi ad domum Sanctæ Mariæ, quicquid propriæ hereditatis, vel acquisitionis habui in duobus locis nominatis ad Crazzun, & ad Erlapach, hoc totum & integrum cum mancipiis & pecoribus, & cum omnibus ad ipsos locos pertinentibus, preter mancipium I. condonavi, & firmiter tradidi. Hoc factum est in publico Synodo ad Frigisingas, anno Incarnationis Domini DCCCXXVIII. Hludowici Imperatoris anno XV. anno, quo Filius ejus Hludovicus Rex cum conjuge (a) in Bajowaria rediit, Indictione VI.

Et isti testes per aurestrahti: Jusip, Eginolf, Deothart, Pilgrim, Reginperht, Reginpald, Hahkis, alius Reginpald, Mahho, Reginperht, Karuheri, Juto, Reginolf, Amalrih, Reginhart, Williheri, Amalo, Lanto, Hroadperht, Arbeo, Sigiwart, Engilrih, Heriwic, Sigilo, Snelhart, Mejol, Kerhart, Cundheri, Starcholf, Pezzi, Wogo, die mensis factum XII. Kal. Octobris, Et ego Cozroh indignus Presbyter jussione Hittonis Episcopi conscripsi.

*Meichelbeck Historia Frisingens. Tom. I.
Parte. II. Instrumento DXXIX.
pag. 277.*

(a) Hemma.

LUDOVICI PII

IMPERATORIS

CAPITULARE. (a)

Anno Christi DCCCXXVIII. Gregorii IV. Papæ II.
Ludovici Pii XV.

*De iis, quæ Aquisgrani privato in placito
sub finem anni DCCCXXVIII. constituit, quando & Concilia Episco-
porum quatuor in locis fieri iussit, & Missos Dominicos
per universum Regnum delegavit.*

INDEX CAPITULI.

- I. Qualiter Conventus Episcoporum fieri debeat.
- II. Capitula ab Episcopis in eisdem Conciliis tractanda.
- III. Epistola, quæ generaliter populo est legenda.
- IV. Capitula ad instructionem Missorum.
- V. Capitula, quæ volumus, ut diligenter inquirent.
- VI. Capitula propter interrogationem Missorum constituta, &
sub tribus distinctionibus ordinata.

- | | |
|--|---|
| I. De eo, qui sine consensu Episcopi Presbyterum de Ecclesia ejecerit, vel constituerit. | III. De melioribus & veracioribus eligendis. |
| II. De Ecclesiis inter hæredes divisis. | IV. De Scabinis, qui propter munera & amicitiam injustè judicant. |
| III. De destructione Ecclesiarum. | V. De legitimis & rationabilibus commutationibus Ecclesiarum Dei. |
| IV. Ne de manso Ecclesiæ dato contra sancita servitium exigatur. | VI. De eo, qui probatus fuerit testes in perjurium scienter induxisse. |
| V. De nonis, ac decimis, quas quidam dare negligunt. | VII. De discordibus hominibus. |
| VI. De eo, qui decimam dare neglexerit Ecclesiæ, cujus esse debet, alterique Ecclesiæ eam dederit. | VIII. Ut nummos bonos nullus respuat. |
| VII. De decimis à populo dandis. | IX. De malis, quæ à fiscalibus fiunt. |
| VIII. De vestitura XXX. annorum, siue de rebus Ecclesiæ, quæ per triginta annos possesse sunt. | X. De collectis malis omnimodis prohibendis. |
| IX. De his, qui Ecclesias restaurare negligunt, de rebus, quas in beneficium habent. | XI. Ut pontes publici, qui destructi fuerint, iterum exstruantur. |
| X. De his, qui agros Dominicos excolere negligunt, ne nonas ex eis persolvant. | XII. De examine aquæ frigide. |
| VII. Item alia Capitula. | XIII. De reversione Comitum & pagensium, de hostili expeditione, ut eo die super XL. dies sit harnus recusus. |
| I. De eo, qui beneficium desertum fecerit. | XIV. De audientia Regis: & ut Comites & Missi Domini maximam curam habeant pauperum. |
| II. De malis Scabinis ejiciendis. | XV. De inferenda à Vicariis, vel aliis Missis Comitum exigenda. |

VIII. Ca-

(a) Civilia seu politica negotia multa & gravia in Conciliis Aquisgranensibus actitata fuisse non ignoramus; uti punitos perduelles, vitâ condonatâ, nimîâ & post noxiâ indulgentiâ: Missos Legatos Constantinopolim Halitgarium Cameracensem Episc., & Ansfridem Abbatem Nonantulanum novimus: nos sola Ecclesiastica Synodos & Clerum spectantia edimus. Di-
ci potest idem Conventus Comitialis & Conciliaris.

VIII. Capitula, quæ pro lege habenda sunt.

- I. De honore Ecclesiarum, de homicidiis in Ecclesiis, vel in earum atriiis commissis.
- II. De eo, qui propter cupiditatem rerum quemcunque propinquorum suorum interfecerit.
- III. De cuiuslibet propria uxore dimissa, vel suæ culpa interfecta.
- IV. De eo, qui res alienas, cuiuslibet homini vendiderit.
- V. De placitis à liberis hominibus observandis.

VI. De liberis hominibus ad testimonium recipiendis.

VII. Ut inquiratur de iis, qui in exercitalem ire possunt expeditionem, vel qui fidelitatem necdum promiserunt.

VIII. De fideis coercendis.

IX. Capitula ad generalia Capitula reservata.

X. Alia Capitula ad instructionem Missorum.

I.

Qualiter Conventus Episcoporum fieri debeat.

ANno sexto decimo (a) regnante Domino nostro Hludovico, Conventus Episcoporum debet fieri in quatuor locis, id est, in *Mogontiaco*, in quo isti Archi-Episcopi cum eorum Suffraganeis convenire debent, *Autgarius*, (b) *Hadebaldus*, *Hetti*, *Bernuinus*. In *Parisi* *Ebbo*, *Ragnoardus*, *Latramnus*, Archi-Episcopus *Senonis* qui fuerit, cum eorum Suffraganeis. In *Lugduno* *Agobardus*, *Bernardus*, *Andreas*, *Benedictus*, *Agericus* cum eorum Suffraganeis. In *Tolosa* *Notho*, *Bartholomæus*, *Adalelmus*, *Aiulfus*, cum eorum Suffraganeis. In quibus Conventibus tractare, querere, & cum Dei adjutorio invenire debent, de causis ad Religionem Christianam, & eorum curam pertinentibus: & quid à Principibus & reliquo populo,

vel ita, ut Divina auctoritas docet, aut aliter teneatur, vel quid inde ex parte, vel ex toto dimissum sit, ut non teneatur. Deinde quid in ipsorum, qui pastores populi constituti sunt moribus, conversatione, & actibus, inveniri possit, quod Divinæ Regulæ atque auctoritati non concordet: simulque invenire, quæ occasiones in utroque ordine id effecerint, ut à recto tramite deviascent. Et quidquid ab eis de his causis inventum fuerit, tam solerti cura custodiatur, ut nullatenus ad aliorum notitiam pervenire permittant ante tempus constitutum. Et ideo unus Notarius inter omnes eligatur, qui quod ipsi invenerint, subtiliter describat, & sub juramento restrictus fideliter conservet. (c)

II.

Hæc Capitula ab Episcopis in eisdem Conciliis tractanda sunt.

I. DE decimis, quæ ad Capellas Dominicæ dantur, & hominibus, qui eas habent, & in suos usus convertunt.

II. De fœminis, quæ in quibusdam locis irrationabiliter velamen sanctum sibi imponunt.

III. Similiter de monasteriis puellarum in Legatione *Autgarii*, in quibus nullus ordo bonæ conversationis tenetur.

IV. De monasteriis etiam diversis in *Mislatico* *Alberici*.

V. De iudicio aquæ frigidæ.

VI. De his, qui usuris interserviunt.

VII. Volumus, atque iubemus, ut *Missi* nostri diligenter inquireant, quanti homines liberi in singulis Comitatibus maneant, qui per se possunt expeditionem facere, vel quanti de his, quibus unus alium adjuvet: quanti etiam de his, qui à duobus tertius adjuvetur, & præpa-

F 2

(a) Annus XVI. Ludovici est Christi XXIX, & Indict. VII, igitur anno 828. est statutum, ut anno 829. fiant Concilia.

(b) *Autgarius*, *Moguntinus*. *Hadebaldus*, *Colonienfis*. *Hetti*, *Treverenfis*. *Bernuinus*, *Vesontionis* Archi-Episcopi.

(c) In Codice Sancti Remigii adduntur hæc: Volumus etiam ipsorum Conventum fieri octabas *Pentecostes*; *Missi* vero nostri suam incipiant Legationem peragere octabas *Pasche*.

Tomus II. Concil. German.

præparetur : nec non de his , qui à tribus quartus adjuvetur & præparetur , sive de his , qui à quatuor quintus adjuvetur & præparetur : ut eandem expe-

ditionem exercitalem facere possint : & eorum summam ad nostram notitiam deferant.

III.

EPISTOLA

QUÆ GENERALITER POPULO EST LEGENDA.

In nomine Domini Dei & Salvatoris nostri Jesu Christi , Hludowicus & Hlotharius Divina ordinante providentia Imperatores Augusti , omnibus Fidelibus Sanctæ Dei Ecclesiæ & nostris.

Recordari vos credimus , qualiter *hoc anno* consilio Sacerdotum & aliorum fidelium nostrorum generale jejunium per totum Regnum nostrum celebrare jussimus , Deumque tota devotione deprecari , ut nobis propitiaret , in quibus illum maxime offensum haberemus , nobis manifestare , & ut ad correctionem nostram necessariam tranquillum tempus nobis tribuere dignaretur. Volueramus siquidem tempore congruo placitum nostrum generale habere , & in eodem de communi correctione agere : & ita Deo miserante fieret , nisi commotio inimicorum , sicut nostis , præpedisset. Sed quia tunc fieri non potuit juxta voluntatem nostram , visum nobis fuit præsens placitum cum aliquibus ex fidelibus nostris habere ; & in eo de his , quæ propter prædictum impedimentum remanserunt , qualiter ad effectum pervenirent , Domino adjuvante considerare. Quapropter nosse volumus solertiam vestram , quod in isto præsentis placito cum fidelibus nostris consideravimus , ut primò omnium Archi-Episcopi cum suis Suffraganeis in locis congruis tempore opportuno convenirent , & ibi tam de sua , quàm de omnium nostrum correctione & emendatione secundum Divinam auctoritatem quærendo invenirent , & nobis atque fidelibus nostris secundum ministerium sibi commissum annuntiarent. Item consideravimus , ut Missos nostros per universum Regnum nostrum mitteremus , qui de omnibus causis , quæ ad correctionem pertinere

viderentur , quanto potuissent studio , decertarent ; & quidquid possibile invenirent , per semetipsos nostra auctoritate corrigerent , & si aliqua difficultas in aliqua re eis obsisteret , ad nostram notitiam deferre curarent. Quapropter volumus , ut vos omnes propter communem salutem & regni honorem , ac populi utilitatem , obedientes & adjuutores Missis nostris in omnibus pro viribus esse non negligatis , simulque sciat ob hanc causam nos velle per singulas hebdomadas uno die in Palatio nostro ad causas audiendas sedere : ut per hunc aut illum Comitem , & providentia Missorum , & obedientia populi manifestius appareat. Et ut hæc omnia successum habeant , volumus , ut generale triduanum jejunium secunda feria post Octabas Pentecostes celebrandum indicetur , & generaliter ab omnibus cum summâ devotione observetur ; Et quia undique inimicos Sanctæ Dei Ecclesiæ commoveri , & Regnum à Deo nobis commissum infestare velle cognoscimus ; præcipimus , atque jubemus , ut omnes homines per totum Regnum nostrum , qui exercitales itineris debitores sunt , benè sint præparati cum equis , armis , instrumentis , carris , & victualibus , ut quocunque tempore eis à nobis denuntiatum fuerit , sine ulla mora exire , & in quamcunque partem necessitas postulaverit , pergere possint , & tamdiu ibi esse , quamdiu necessitas postulaverit.

IV.

Hæc sunt Capitula ad instructionem Missorum.

Dicendum est illis , quia necesse est , ut intelligamus omnes communi-

ter , quale periculum nobis imminet , in eo maxime , quod in nostra negligencia

ria tanta & talia , per quæ Deus offendi potuit , & honor & honestas regni decrefcere , adhuc autem etiam aliam intellectam habemus negligentiam ex priori occasione natam : id est , quod ipsa legatio non ita peracta fuit , sicut ipsa necessitas deposcebat ; quanquam ex parte vos dicatis nos materiam in eo dedisse , quod non per omnia ad hanc necessitatem inquirendam plenam vobis dedissemus iussionem. Ideo summo opere tractandum est , quomodo Domino adjuvante , & in præfenti de his , quæ per negligentiam & incuriam depravata sunt , corrigantur , & ne ultra talia fiant , sollicitè caveatur : posthæc socii denominandi sunt , & tunc , qualis debeat esse legatio , injungenda est.

I. Primo injungendum est Missis , ut hoc omnimodis caveant , ne populo in eorum protectione oneri sint , ne forte , quibus subvenire debuerint , afflictionem inferant.

II. Ut primo nostram populo voluntatem & studium , & qua intentione à nobis sint directi , per nostrum scriptum nuntient ; instruendi sunt etiam , quid inquireant.

V.

Hæc sunt Capitula , quæ volumus , ut diligenter inquireant.

Primò de Episcopis , quomodo suum ministerium expleant , & qualis sit illorum conversatio , vel quomodo Ecclesias , & Clerum sibi commissum ordinatum habeant , atque dispositum ; vel quibus rebus maximè studeant ; in spiritualibus videlicet , aut sæcularibus negotiis ? Deinde quales sint adiutores ministerii eorum , id est , Chorepiscopi , Archi-Presbyteri , & Vicedomini , & Presbyteri per Parochias eorum : quale scilicet studium habeant in doctrina , vel qualem famam habeant secundum veritatem in populo. Similiter de omnibus Monasteriis inquirent juxta uniuscujusque qualitatem & professionem. Similiter & de cæteris Ecclesiis nostra auctoritate in beneficio datis. Utrum Episcopi in circumeundo Parochias suas cæteras Ecclesias minores gravent , aut populo oneri sint , & si ab ipsis , aut à ministris eorum indebita exenia à Presbyteris exigantur. Simili modo de Comitibus inquirent , quale studium de

III. In primis hoc maximè inquirent , quomodo hi , qui populum regere debent , unusquisque in suo ministerio se custoditum habeat , ut qui bene faciendo gratiarum actione digni sunt , cognoscamus : qui verò correctionem pro eorum negligentis merentur , omnimodis nobis manifesti fiant. Inquisitio autem hoc modo fiat. Eligantur per singulos Comitatus , qui meliores & veraciores sunt : & si aliquis inventus fuerit de ipsis , qui fidelitatem promissam adhuc nobis non habeat , promittat. Et tunc instruendi sunt , qualiter ipsam fidem erga nos salvare debeant. Id est , ut quicumque ex his talem causam scit in illis rectoribus & diversis ministris , qui populum regere & salvare debent , de quibus interrogati fuerint , quæ ad populi damnum & detrimentum pertinent , & propter hoc nobis periculum animæ evenire possit , & inhonoratio ; omnino si salvam voluerit suam fidem & promissionem habere , manifestum faciat : & si post talem admonitionem , & contestationem , aliter quam se veritas habeat , dixisse aliquis deprehensus fuerit , sciat se inter infideles esse reputandum.

suo habeant ministerio , ut , qui bene exinde facit , cognoscamus. Si aliter facit , & hoc nosse omnino volumus. Id est , si populus per suam negligentiam & desidiam justitia & pace careat , aut si ipse sciens , aliquid injuste factum habeat. Deinde ergo quales ministros habeat ad regendum populum missos : utrum justè an injustè in ipsis ministeriis agant , aut consentiente vel negligente Comite à veritate & justitia declinent. Quæ personæ vel de quibus , causis culpabiles ad præsentiam nostram venire debeant , discernendum est. Exceptis Episcopis Abbatibus , Comitibus , qui ad placita nostra semper venire debent , isti venient , si in talibus culpis & criminibus deprehensi fuerint , quales inferius annotatæ sunt.

Hactenus Baluzius Tomo I. Capitularium à pag. 653. ad 658. Sequentia rejicit Baluzius ad annum 829. ad Wormatiense placitum,

VI.

Hæc sunt Capitula, quæ propter interrogationem aliquorum Missorum considerata & scripta, vel ordinata sunt, sive de Ecclesiasticis causis, sive de cæteris, quæ ad correctionem majorum hominum, & quæ ad publicum honorem pertinent, quæ sub tribus distinctionibus ordinata sunt.

I.

DE his, qui sine consensu Episcopi Presbyteros in Ecclesiis suis constituunt, vel de Ecclesiis ejiciunt, & ab Episcopo, vel à quolibet Misso admoniti obedire noluerint, ut bannum nostrum rewadiare cogantur, & per fidejussores ad palatium nostrum venire jubeantur: & tunc nos decernemus utrum nobis placeat, ut aut illum bannum persolvant, aut aliam harmiscaram sustineant.

II.

De Ecclesiis, quæ inter cohæredes divisæ sunt, consideratum est, quatenus si secundum providentiam & admonitionem Episcopi sui cohæredes eas voluerint tenere & honorare, faciant. Sin autem hoc contradixerint, ut in Episcopi maneat potestate, utrum eas ita consistere permittat, aut reliquias exinde auferat. Et ubi ad beneficium nostrum Ecclesiæ pertinentes ita inventæ divisæ fuerint, ut describantur, & nobis renuntietur.

III.

De Ecclesiis destructis, ut Episcopi & Missi inquisitionem faciant, utrum per negligentiam aut impossibilitatem destructæ sint: & ubi negligentia inventa fuerit, Episcopali autoritate emendare cogantur hi, qui eas restaurare debuerant. Si verò per impossibilitatem contigit, ut aut plures sint, quam necesse sit, aut majoris magnitudinis, quam ut ex rebus ad eas pertinentibus restaurari possint, Episcopus modum inveniat, qualiter congruè emendari & consistere possint.

IV.

De uno manso ad Ecclesiam dato, de quo aliqui homines contra statuta sibi servitium exigunt, quicumque pro

hac causâ accusatus fuerit, Comes vel Missi hoc, quod inde subtractum est, Presbyteris cum sua lege restituere faciant.

V.

De his, qui nonas & decimas jam per multos annos, aut ex parte, aut ex toto dare neglexerunt, volumus, ut per Missos nostros constringantur, ut secundum capitularem priorem solvant unius anni nonam & decimam cum sua Lege, & insuper bannum nostrum. Et hoc eis denuntietur, quod quicumque hanc negligentiam iteraverit, beneficium, unde hæc nona & decimâ persolvi debuit, amissurum se sciat. Itâ enim continetur in Capitulare bonæ memoriæ genitoris nostri in libro I. capite CLVII. (a) "Ut qui Ecclesiarum beneficia habent, nonam & decimam ex eis Ecclesiæ, cujus res sunt, donent, & qui tale beneficium habent, ut ad medietatem laborent, ut de eorum portione proprio Presbytero decimas donent. Item in Capitulare nostro, libro secundo, cap. XXI. de eadem re: "De nonis quidem, & decimis, unde & genitor noster, & nos frequenter in diversis placitis admonitionem fecimus, & per Capitularia nostra, qualiter hæc observentur, ordinavimus; volumus atque jubemus, ut de omni conlaborato, & de vino, & de sceno, fideliter & pleniter ab omnibus nona & decima persolvatur. De nutrimine verò pro decima, sicut hætenus consuetudo fuit ab omnibus observetur. Si quis tamen Episcoporum fuerit, qui argentum pro hoc accipere velit, in sua maneat potestate, juxta quod ei, & illi, qui hoc persolvere debet, convenerit."

VI.

Quicumque decimam abstrahit de Ecclesia, ad quam per justitiam dari

(a) Vide Tomi primi nostri pag. 239. & 240. & ibidem Capitulare Carolinum anni 779. Capitulum VII. & XIII. eodem anno pag. 424. Capitulum IX. pag. 427. Cap. XXIV. pag. 428. Cap. XXXI.

ri debet; & eam præsumptiosè, vel propter munera, aut amicitiam, vel aliam quamlibet occasionem ad alteram Ecclesiam dederit; à Comite vel à missō nostro distringatur, ut ejusdem decimæ quantitatem cum sua lege restituat.

VII.

De decimis, quas populus dare non vult, nisi quolibet modo ab eo redimantur, ab Episcopis prohibendum est, ne fiat. Et si quis contemptor fuerit inventus, & nec Episcopum nec Comitē audire velit, si noster homo fuerit, ad præsentiam nostram venire compellatur: ceteri verò distringantur: ut inviti Ecclesiæ restituant, quæ voluntariè dare neglexerunt.

VIII.

Ut de rebus Ecclesiarum, quæ ab eis per triginta annorum spatium sine ulla interpellatione possessæ sunt, testimonia non recipiantur; sed eo modo contineantur, sicut res ad fiscum Domini cum pertinentes contineri solent.

IX.

Quicumque de rebus Ecclesiarum, quas in beneficium habent, restaurationes earum facere neglexerint, juxta capitularem anteriorem, in quo de operibus ac nonis & decimis constitutum, sic de illis adimpleatur. Id est, in libro IV. cap. XXXVIII. (b) de opere & restauratione Ecclesiarum consideratum est, ut de frugibus terra & animalium nutrimentum persolvantur. "De opere verò & re-

"stauratione Ecclesiarum, Episcopus & "Abba, atque Comes una cum Missō nostro, quem ipsi sibi ad hoc elegerint considerationem faciant, ut unusquisque eorum tantum inde accipiant ad operandum & restaurandum, quantum ipse de rebus Ecclesiarum habere cognoscitur. Similiter & Vassi nostri, aut in commune tantum operis accipiant, quantum rerum Ecclesiarum habent; vel unusquisque per se juxta quantitatem, quam ipse tenet: aut si inter eos convenit, ut pro opere faciendum argentum donent, juxta æstimationem operis in argento persolvant. Cum quo pretiorator Ecclesiæ ad prædictam restaurationem operarios conducere, & materiam emere possit. Et qui nonas & decimas dare neglexerit, primum quidem illas cum lege sua restituat, insuper & bannum nostrum solvat: ut ita castigatus caveat, ne sæpius iterando beneficium amittat."

X.

De illo, qui agros dominicos propterea neglexit excolere, ut nonas & decimas exinde non persolvat, & alienas terras ad excolendum propter hoc accipit, volumus, ut de tribus annis ipsam nonam cum sua lege persolvat. Et si quis contemptor aut Comitē, aut Missorum nostrorum propter hoc exstiterit, per fidejussores ad palatium venire compellatur.

Hæc X. Capitula Baluzius refert ad annum 829. & Wormatiensē Placitum ejusque Partem primam.

VII.

Item alia Capitula.

I.

DE beneficiis destructis hoc observetur, quod in capitulare priori continetur, id est libro IV. cap. XXXVI. "Quicumque beneficium suum occasione proprii desertum habuerit, & intra annum postquam ei à Comite vel Missō nostro notum factum fuerit, illud emendatum non habuerit, ipsum beneficium amittat."

II.

Ut missi nostri ubicunque malos scabinos inveniunt, ejiciant; & totius populi consensu in loco eorum bonos eligant: & cum electi fuerint jurare faciant, ut scienter injustè judicare non debeant.

III.

Ut in omni comitatu hi qui meliores & veraciores inveniri possunt, eligantur

(b) Synodorum editores rectè adnotarunt hoc Caput XXXVIII. Libri IV. Capitularium eo numero non extare, neque apud Lindenbrogium nec apud Baluzium, sed numero 40. unde hæc diversitas numerandorum Capitulorum oritur, nescimus. Verum illud anno Christi 829. inter Capitularia sua Ludovici Pii N. IX. Titulo primo legi: igitur hoc Capitulare post 829. scriptum fuit vel instauratum potius.

gantur à missis nostris ad inquisitionem faciendam, & rei veritatem dicendam: & ut adjutores Comitum sint ad justitias faciendas.

IV.

Volumus ut quicumque de scabinis deprehensus fuerit propter munera, aut propter amicitiam injustè judicasse, ut per fidejussores missus ad præsentiam nostram veniat. De cætero omnibus scabinis denuntietur, nequis deinceps etiam justum judicium vendere præsumat.

V.

Ubiunque commutationes tam tempore nostro, quàm genitoris nostri, legitimæ & rationales, atque utiles, Ecclesiis Dei factæ sunt, permaneant: ubicumque verò inutiles & incommodæ, atque irrationabiles factæ sunt, dissolvantur, & recipiat unusquisque, quod dedit. Ubi verò mortua manus interjacet, aut alia quælibet causâ, quæ rationabilis esse videatur, inventa fuerit, diligenter describatur, & ad nostram notitiam perferatur.

VI.

Quicumque comprobatus fuerit de eo, quod scienter testes in perjurium induxisset, sub fidejussione ad palatium nostrum venire compellatur, ut ibi cum fidelibus nostris consideremus, quid de tali homine faciendum sit.

VII.

De his, qui discordiis & contentionibus studere solent, & in pace vivere nolunt, & inde convicti fuerint, similiter volumus, ut sub fidejussoribus ad nostrum placitum veniant, ut ibi cum fidelibus nostris consideremus, quid de talibus faciendum sit.

VIII.

De bonis denariis, quos populus recipere non vult, volumus, ut hoc observetur & teneatur, quod in priorum capitulare nostro constitutum est, id est in libro IV. cap. XXX. "Quicumque liber homo vel in emptione, vel in debiti solutione, denarium merum & benè pensantem recipere noluerit, bannum nostrum, id est, sexaginta solidos componat. Si verò servi Ecclesiastici aut fiscali nostri, aut Comitum aut Vassallo-

"rum nostrorum, hoc facere præsumpserint, sexaginta ictibus vapulent. Et si actores nostri aut aliorum vel advocati, eos Missis nostris & Comitibus jussi præsentare noluerint, prædictum bannum, id est sexaginta solidos componant." Et ad hanc constitutionem nostram adimplendam Episcopi & Abbates, sive reliqui, qui beneficia nostra habent, adjuvent Comites in suis hominibus distringendis. Et si Comites hanc nostram constitutionem neglexerint hoc per missos nostros ad nostram notitiam perferatur.

IX.

De homicidiis vel aliis injustitiis, quæ à fiscalibus nostris fiunt, quia impune se ea committere posse existimant, nos actoribus nostris præcipiendum esse decernimus, ne ultra impune fiant, ita ut ubicumque facta fuerint, solvere cum disciplina præcipiemus.

X.

Collectæ ad maleficiendum fieri omnimodis prohibeantur: & ubicumque hujusmodi præsumptiones factæ fuerint, digna emendatione corrigantur. Et si per negligentiam Comitum vel factæ sunt vel inemendatæ remanserunt, hoc ad nostram notitiam perferatur. Auctor verò facti si fuerit præpositus, vel advocatus, sive Centenarius vel qualibet alia dignitate prædita libera persona, post legalem emendationem in loco factam sub fidejussoribus ad nostram præsentiam veniat. Multitudo verò sive de servis, sive de libris sit, legitima emendatione multetur.

XI.

De pontibus publicis destructis placuit nobis, ut hi, qui jussionem nostram in reparandis pontibus contempserunt, volumus ac jubemus, ut omnes homines nostri in nostram veniant præsentiam, rationes reddere, cur nostram jussionem ausi sunt contemnere. Comites autem reddant rationem de eorum pagensibus, cur eos, non constrinxerint, ut hoc facerent, aut nobis nuntiare neglexerint. Similiter & de injustis teloneis, ubicumque accipiuntur, sciant se exinde nobis rationem reddituros.

XII.

XII.

Ut examen (c) aquæ frigidæ, quod hæcenus faciebant, à Missis nostris omnibus interdicaretur, ne ulterius fiat.

XIII.

Postquam Comes & pagenses de qualibet expeditione hostili reuerſi fuerint, ex eo die super quadraginta noctes sit bannus recisus, quod lingua Theodisca scaſtlegi (d), id est, armorum depositio vocatur.

XIV.

Hoc Missi nostri notum faciant Comitibus, quod nos in omni hebdomada unum diem ad causas audiendas & iudicandas sedere volumus. Comites autem & missi nostri magnum studium habeant, ne fortè propter eorum negligentiam pauperes crucientur, & nos tædium propter eorum clamores patiamur,

ſi noſtram gratiam habere velint. Populo autem dicatur, ut caveat de aliis cauſis ſe ad nos reclamare, niſi de quibus aut Miſſi noſtri, aut Comites eis juſtitias facere noluerint.

XV.

Quicumque Vicarii vel alii Miniſtri Comitum, tributum quod inferenda vocatur majoris pretii à populo exigere præſumpſit, quàm à miſſis bonæ memoriæ Genitoris noſtri conſtitutum fuit, hoc eſt, duos ſolidos pro una vacca, hoc, quod injuſtè ſuperpoſuit, atque abſtulit, ſibiſque retinuit, hiſ quibus hoc tulit, cum ſua lege reſtituat, & inſuper fredum noſtrum componat, & miniſterium amittat.

Baluzio ſunt Pars tertia Capitularis Wormatienſis anno 829. Tomi I. Capitularium.

VIII.

Hæc ſunt Capitula, quæ pro Lege habenda ſunt.

I.

DE homicidiis in Eccleſiis vel in atriis eorum commiſſis hoc obſervetur & teneatur, quod in capitulare priori conſtitutum eſt, id eſt, in libro IV. cap. XVII. Si quis ex levi cauſa, aut ſine cauſa, hominem in Eccleſia interfecerit, de vita componat. Si vero foris rixati fuerint, & unus alterum in Eccleſia fugerit, & ibi ſe defendendo eum interfecerit, eſſi hujus facti teſtes non habuerit, cum duodecim conjuratoribus legitimis per Sacramentum affirmet ſe defendendo eum interfeciſſe: & ſi ipſe Author commotæ inter eos rixæ exſtiterit, Leudem interfecti, & inſuper bannum noſtrum ſolvere cogatur, & publicam agat pœnitentiam. Sin autem non ille, qui alterum interfecit, ſed is, qui interfectus eſt eamdem rixam commovit, abſque compoſitione jaceat: & is, qui eum interfecit ſecundum judicium canonicum publicam habeat pœnitentiam. Si cujuſlibet proprius ſervus hoc commiſerit, iudicio aquæ ferventis examinetur, utrum hoc ſponte, an ſe defendendo, feciſſet: & ſi manus ejus exuſta fuerit; interficiatur: ſin autem

G

non fuerit, publica pœnitentia multetur, niſi forte & ipſe Author commotæ inter eos rixæ fuerit inventus. Tunc Dominus ejus, juxta quod Widrigildus illius eſt ad Eccleſiam perſolvat; aut eum ſi voluerit eidem Eccleſiæ tradat. De Eccleſiaſtico & Fiſcalino, & beneficiario ſervo, volumus ut pro unâ vice Widrigildus ejus pro eo componatur: alterâ vice ipſe ſervus ad ſupplicium tradatur: hæreditas tamen liberi hominis, qui propter tale facinus ad mortem fuit judicatus, ad legitimos hæredes illius perveniat. Si in atrio Eccleſiæ, cujus porta reliquiis Sanctorum conſecrata eſt, hujusmodi homicidium perpetratum, fuerit, ſimili modo emendetur & componatur. Si verò porta Eccleſiæ non eſt conſecrata, eo modo componatur, quod in atrio committitur, ſicut compoſi debet, quod immunitate violata committitur.

II.

Quicumque propter cupiditatem rerum patrem aut matrem, aut fratrem, aut ſororem, vel nepotem, vel alium propinquum ſuum interfecerit, hæreditas interfecti ad alios ſuos legitimos hæredes

(c) Examen Sagarum per aquam frigidam Sæculo XVI. in noſtra Archi-Dieceſi defendit Jacobus Ryckius & Oſtermannus J. Cuius Coloniae, utrumque impugnavit Jordanæus Canonicus Bonnenſis.

(d) pro ſcaſtlegi Eckhartus legendum putat ſcaſtlegi, id eſt haſta depositio Tomo II. Franc. p. 242.

redes perveniat : interfectoris verò hæreditas in fiscum redigatur. Ipse verò ordinante Episcopo publicæ penitentia subdatur.

III.

Quicumque propria uxore derelicta, vel sine culpa interfecta, aliam duxerit uxorem, armis depositis publicam agat penitentiam ; & si contumax fuerit, comprehendatur à Comite, & ferro vinciatur, & in custodia mittatur, donec res ad nostram notitiam deducatur.

IV.

Quicumque res alienas cuilibet homini vendiderit, & ipse homo easdem res alicui alteri dederit, sive vendiderit, & ipse, qui tunc easdem res comparatas habet, per malum ingenium proprio filio aut alteri cuilibet necdum legitimos annos habenti iustitiæ tollendæ causa tradiderit, volumus, atque firmiter præcipimus, ut si pater ejusdem parvuli vixerit, ipse intret in causam rationem reddendi pro filio suo. Si autem ipse Pater mortuus est, tunc legitimus ejus propinquus, qui iustè ei tutor ac defensor esse videtur, pro ipso rationem reddere compellatur. Similiter de aliis omnibus iustitiis ad eum pertinentibus, excepta sua legitima hæreditate, quæ ei per successione parentum suorum legitime venire debuit. Quod si quis hanc nostram iussionem contempserit vel neglexerit, sicut de cæteris contemptoribus, ita de eo agatur. Is verò, qui easdem res primus invasit & injustè vendidit, nec non & emptores, excepta sola persona parvuli hoc, quod fraudulenter admiserunt, infra patriam emendare cogantur : & postea sicut contemptores iussionis nostræ sub fidejussoribus ad nostram præsentiam venire compellantur.

V.

De Vicariis, & Centenariis, qui magis propter cupiditatem quam propter iustitiam faciendam, sæpissimè placita tenent, & exinde populum nimis affligunt, ita teneatur, sicut in Capitulare Domni Caroli Imperatoris continetur in Libro III. capite XL ut nullus ad placitum manniatur, nisi qui causam suam quærit : ut si alter ei conquerere debet, exceptis scabinis septem, qui ad omnia placita esse debent. Item de eadem re

in Capitulare nostro Libro IV. cap. LV. De placitis siquidem, quæ liberi homines observare debent, constitutio Genitoris nostri penitus observanda atque tenenda est : ut videlicet in anno tria solummodò generalia placita observent, & nullus eos amplius placita observare compellat : nisi fortè quilibet aut accusatus fuerit, aut alium accusaverit, aut ad testimonium perhibendum vocatus fuerit. Ad cætera verò, quæ Centenarii tenent, non alius venire jubeatur, nisi qui litigat aut judicat, aut testificatur. Et quicumque hujus constitutionis transgressor à Missis nostris inventus fuerit, bannum nostrum perfolvat.

VI.

De liberis hominibus, qui proprium non habent, sed in terra dominica resident, ut propter res alterius ad testimonium non recipiantur. Conjuratores tamen aliorum liberorum hominum ideo esse possunt, quia liberi sunt. Illi verò, qui proprium habent, & tamen in terra dominica resident, propter hoc non abjiciantur, quia in terra dominica resident, sed propter hoc ad testimonium recipiantur, quia proprium habent.

VII.

Volumus atque jubemus, ut Missi nostri diligenter inquirent, quanti liberi homines in singulis Comitatibus maneant. Hinc verò ea diligentia, & hæc ratio examinetur per singulas centenas, ut veraciter sciant illos, atque describant, qui in exercitalem ire possunt expeditionem : ac deinde videlicet secundus ordo, de his, qui per se ire non possunt, ut duo tertio adjutorium præparent. Et qui necdum fidelitatem nobis promiserunt, cum Sacramento nobis fidelitatem promittere faciat.

VIII.

De fâidis coërcendis hoc observe-
tur & teneatur, quod in Capitulare nostro in Libro IV. capite XXV. continetur. Si quis aliqua necessitate cogente homicidium commisit, Comes, in cuius ministerio res perpetrata est, & compositionem solvere, & fâidam per Sacramentum pacificare faciat. Quod si una pars ei ad hoc consentire noluerit, id est, aut ille, qui homicidium commisit, aut is, qui compositionem recipere debet,

bet, faciat illum, qui ei contumax fuerit, ad præsentiam nostram venire : ut eum ad tempus, quod nobis placuerit in exilio mittamus, donec ibi castigetur :

ut Comiti suo inobediens esse ulterius non audeat, & majus damnum inde non arescat.

IX.

Hæc sunt Capitula, quæ ad plurimorum notitiam ad generalia placita sunt reservata. (d)

I.

DE Sacerdotibus à Laicis victis & flagellatis.

II. De homine, qui ad servitium quæsitus & ereptus est ab uno hærede,

& cæteri hæredes eum interpellare, & acquirere conantur.

III. De Comitibus & Vicariis eorum, qui in aliquibus locis tantum accipiunt de conjectu populi ad minorem legationem, quantum ad majorem.

X.

Item alia Capitula.

I.

Volumus, ut talem conjectum Missi nostri accipiant, quando per Missaticum suum perrexerint : hoc est, unusquisque accipiat panes quadraginta, friskingas duas, porcellum, aut agnum unum, pullos quatuor, ova viginti, de vino sextarios novem, de cervisa modios duos, de annona modios duos. Et quando prope sunt de illorum domibus, nullum accipiant conjectum.

II. Volumus etiam, ut octavas Paschæ accipiant suam agere legationem : Episcopi verò suum habere debent Conventum octavas Pentecostes.

III. Volumus, atque jubemus, ut Missi nostri diligenter inquirent, quanti liberi homines in singulis comitatibus maneant, qui possint expeditionem exercitalem facere, nobisque perbreve eorum summam deferant : & qui nondum fidelitatem nobis promiserunt, cum Sacramento nobis fidelitatem promittere faciant.

IV. Volumus, ut Missi nostri per totam legationem suam primò omnium inquirent, qui sint de liberis hominibus, qui fidelitatem nobis nondum promissam habeant, & faciant illos eam promittere,

sicut consuetudo semper fuit : & postea incipiant legationem suam per cætera Capitula peragere.

V. Volumus, ut omnes res Ecclesiasticæ eo modo contineantur, sicut res ad fiscum nostrum contineri solent, usque dum nos ad generale placitum nostrum cum fidelibus nostris invenerimus, & constituerimus, qualiter in futurum de his fieri debeat.

VI. Volumus, ut omnis inquisitio, quæ de rebus ad jus fisci nostri pertinentibus facienda est, non per testes, qui producti fuerint, sed per illos, qui in eo comitatu meliores, & veraciores esse cognoscuntur, per illorum testimonium inquisitio fiat : & juxta quod illi testificati fuerint, vel contineantur vel redantur.

VII. Volumus, ut de rebus, quas Matfredus per diversa loca, & per diversos homines acquisivit, ipsi, qui easdem res ei dederunt, interrogentur, si aliquis eorum eas repetere velit, & quicumque hoc se velle pronuntiaverit, ad generale placitum nostrum venire jubeatur, ut inde cum eodem Matfredo rationem habere possit.

G 2

EX

(d) Baluzius ea refert ad Capitulare Wormatiense anni 829. quia in suo codice MS. ea subjuncta erant Capitulari Wormatiensi anni 829. Tom. I. *Capitularium* pag. 671. 674.

Ex variis MS. sed potissimum ex Schedis Pithoeanis P. Jacobus Sirmondus edidit.

Harduinus Conciliorum Tomo IV. à pag. 1277. ad 1288. eadem descripsit : sed Harduinus ea ad diversos Conventus refert, uti jam adnotavimus ; nempe priora ad Aquisgranensem Conventum anni 829. : posteriora ad Wormatiensem anni 829. mense Augusto celebratum.

Tomus II. Concilior. German.

EX PLACITO AQUISGRANENSI

HLUDOVICI PII ET HLOTHARII FILII AUGUSTORUM
Epistola Encyclica, missa de Conciliis Episcoporum
in quatuor Imperii partibus congregandis.

*Incipit Epistola Casarea, quæ generaliter
Populo Dei est legenda.*

IN nomine Domini Dei, & Salvatoris nostri Jesu Christi Hludovicus & Hlotharius Divina ordinante providentia Imperatores Augusti omnibus fidelibus Sanctæ Ecclesiæ Dei & nostris. Recordari vos credimus qualiter hoc anno consilio sacerdotum & aliorum fidelium nostrorum generale jejuniū per totum regnum nostrum celebrare iussimus, Deumque tota devotione deprecari, ut nobis propitiari, & in quibus illum maximè offenderimus, nobis manifestare, & ad correctionem nostram necessariam tranquillum tempus nobis tribuere dignaretur. Volveramus siquidem tempore congruo placitum nostrum generale habere, & in eo de communi correctione agere, & ita Deo miserante fieret, nisi commotio inimicorum, sicut nobis prædixisset, sed quia tunc fieri non potuit, juxta voluntatem nostram visum nobis fuit præsens placitum cum aliquibus ex fidelibus nostris habere, & in eo die his, quæ propter prædictum impedimentum remanserunt, qualiter ad effectum pervenirent, Domino adjuvante considerare. Quapropter nosse volumus sollicitiam vestram, quod in isto præsentī placito cum fidelibus nostris consideravimus, ut primo omnium Archi-Episcopi cum suis suffraganeis in locis congruis tempore opportuno convenirent, & ibi tam de sua quam de omnium nostrum correctione, & emendatione secundum Divinam auctoritatem querendo invenirent, & nobis atque fidelibus nostris secundum misterium sibi commissum adnuntiarent. Quis enim non sentiat Deum nostris praviſſimis actibus esse offensus & ad iram provocatum, cum videat tot annis multi-

fariis flagellis iram illius in regno nobis ab eo commissio defavere? Videlicet in fame continua, in mortalitate animalium, in pestilentia hominum, in sterilitate pene omnium frugum, & ut ita dixerim, diversissimis morborum cladibus, atque ingentibus penuriis populum istius regni miserabiliter vexatum & afflictum, atque omni abundantia rerum quodam modo exinanitum. Nec illud etiam dubitamus ex justa vindicta illius evenire, quod sæpe scandala per tyrannos in hoc regno exsurgunt, qui pacem populi Christiani & unitatem imperii sua pravitate nituntur scindere. Nam & illud nihilominus peccatis nostris deputandum est, quod inimici Christi nominis præterito anno in hoc regnum ingressi deprædationes, incendia Ecclesiarum, & captivationes Christianorum, & interfectiones fervorum Dei audenter & impune immo crudeliter fecerunt. Agitur siquidem iusto iudicio Dei, ut quia in cunctis delinquimus, interius simul & exterius flagellemur. Beneficii quippe Dei evidenter existimus ingrati, quoniam his non ad voluntatem Dei sed ad libitum nostrum carnalem uti invenimur, & idcirco merito creaturæ Dei nobis divinitus concessæ, pro Deo contra nos ingratos pugnant, juxta illud: *pugnabis pro eo orbis terrarum contra insensatos*. Verum quia tot modis vexamur atque percutimur, ad eum, à quo percutimur, toto corde dignum necessariumque est, ut revertamur, quatenus illud propheticum in nobis impleatur, quo dicitur: *sola vexatio intellectum dabit auditui*. Sed quia Pius & Clemens Dominus, sic ipsum flagellum moderatur, ut non ad inter-

tum, sed potius ad correctionem nostram inferre videatur, debemus in conspectu ejus veraciter humiliari, & faciem illius in confessione prævenire, ejusque pietatem pronis mentibus exorare, ut qui fecit nos iustissima dispensatione flagella sentire, faciat nobis peccata nostra, pro quibus iustè ab eo flagellamur cognoscere, & in quibus maxime illum offendimus, & iram illius provocavimus, manifestius intelligere, ut post eo commiserante, prava defendendo & corrigendo, bona etiam sectando & tota cum devotione exsequendo, valeamus per Spiritum humilitatis, & animam contritam, sacrificium Deo debitum offerre, iramque illius indignationis evadere, & per dignam congruamque correctionem, & honorum operum exhibitionem, gratiam ejus propitiationis, licet indigni, promereri. At, quia nos magis in hoc peccasse cognoscimus, qui forma salutis omnibus esse debuimus, & omnium curam gerere, & per auctoritatem imperialem pravorum acta, ne tantum accrescerent, corrigere cupimus, Domino nobis propitio, in conspectu pietatis illius per dignam satisfactionem veniam adipisci, & per saluberrimam correctionem, vel per bonum studium, quod nostra desidia & ignorantia hactenus neglectum est, consultu fidelium tempore opportuno, quantum in nobis est studiosissimè emendare, & nostram in hoc voluntatem omnibus manifestam facere. Quapropter statuimus & decrevimus, cum consultu Sacerdotum ceterorumque fidelium nostrorum, hujus rei gratia ob placandum scilicet contra nos nobisque subiectos Domini furorem, conventus eorundem Episcoporum in quatuor im-

perii nostri locis congruentissimè fieri. primo scilicet in Mogunciacensi urbe, ubi conveniant Archi-Episcopi Autgarius, Hadabaldus, Hethi, Bernuinus cum suffraganeis suis. Secundo quoque Parisiorum urbe, ubi futurus Antistes Senonicus, & Ebbo, Ragnoardus, & Landramnus cum suffraganeis suis conveniant. Tertio vero apud Lugdunum, ubi Agobardus, Bernardus, Andreas, Benedictus, Agericus cum suffraganeis suis similiter conveniant. Quarto etiam apud Tolosam urbem, quo simul conveniant, Notho, Bartholomæus, Adalelmus, Agiulfus cum suffraganeis suis. In quibus conventibus tractare, quærere & cum Dei adjutorio invenire debent de causis ad religionem Christianam & eorum curam pertinentibus quid à Principibus & reliquo populo vel ita, ut Divina auctoritas docet, aut aliter teneatur, vel quid inde ex parte vel ex toto dimissum sit, ut non teneatur. Deinde quid in ipsorum qui pastores populi constituti sunt, moribus, conversatione, & actibus invenire possit, quod Divinæ regulæ atque auctoritati non concorder simulque inveniant, quæ occasionem in utroque ordine id effecerint, ut à recto tramite deviatum sit. Et quicquid de his causis inventum fuerit, tam solerti cura custodiatur, ut nullatenus ad aliorum notitiam pervenire permittant ante tempus constitutum. Et ideo unus *Notarius* inter omnes eligatur, qui, quod ipsi invenerint, describat, & ipse sub juramento constrictus ea quæ inventa & digesta fuerint, diligenter fideliterque conservet.

*Baluz. Tomo I. Capitularium pag. 657.
662.*

G 3

SYNO-

Ex his quatuor Synodis solius Parisinæ Acta & Canones supersunt apud Synodographos Bnium & Sirmondum.

Moguntinæ Synodi anno 829. celebratæ Canones XXXII. in membrana MSS. vidit & habuit Grothausius Bibliothecarius Collegii Colonienfis circa 1640: sed quo ii devenerint, nescitur.

SYNODUS MOGUNTINA.

Anno Christi DCCCXXIX. Gregorii IV. Papæ III.
Ludovici Imperat. XVI.

*Summarium Actionis uniûs, Vota Parentum offerentium Pueros
Monasteriis an ab his ratificanda?*

Interpellavit Rabanum, Abbatem Fuldenfem Gottescalcus ejusdem Monasterii (oblatus & devotus à Parentibus Monachus, filius Berni Comitis Saxonis ab Eigile, Abbate Fuldenfi I. prædeceffore Rabani) acceptatus & tonsus, affeferens, fe invitum fuiſſe attonſum, & violenter ab eodem monaſtica vitæ mancipatum. Habitâ ratione, cùm in Conventu Sacerdotum ſecundum divina humanaque jura diligenti ſtudio cauſa diſcuteretur, inventus eſt Gottescalcus interpellans auctoritate canonica eſſe ſol-

vendus; ac per hoc eorum judicio paternæ reſtitutus eſt libertati: eâ tamen ratione, ut, ſi Abbati placeret, contraverſiæ eorum finis inter eos iſtius ac propinquorum fuorum eſſet juramentum. Quod quidem, ſi Abbas ſuſcipere vellet, omnem ei injuriam, quam perpetrâſſus eſt, ſecundum legem componeret. Si autem ille juramentum nollret exigere, iſte compoſitionem ſuæ quæreret injuriæ, ſed tantum legitima frueretur libertate.

Epiftola Rabani & Epiftola Hattonis ad Otgarium, ſed Rabanus cum Otgarii licentia appellavit ad Synodum, in qua præſto eſſet Imperator.

Hadenus Centuriatores Magdeburgenſes.

Eckhartus Francia L. 28. Tomo II. §. 273. aliter paulo factum refert, ac ſi Gottescalcus immediate ad Concilium Moguntinum provocarit, & ab Otgario à voto abſolutus fuerit. Deinde Rabanus à ſententia Otgarii & Concilii provocarit ad Ludovicum Pium, eidemque obtulit libellum *de oblatione puerorum* à ſe ſcriptum: Quid Ludovicus ſtatuert, nos latet, inquit *Eckhartus*. Suſpiceris tamen ejus mandato Otgarium ſententiam permutaſſe, & Gottescalco monaſticum habitum ut retineret, ſed Fulda in Orbacenſe Monaſterium Diœceſis Remenſis commigraret, imperâſſe.

Serarius rerum Moguntiacarum L. IV. de Otgarii Synodis agens ne verbo quidem hujus meminit. *Schmidius in Diſſert. de Conc. Mogunt.* narrat in Labbeana collectione hoc Concilium legi: utrum autem Moguntinum idem ſit Wormatienſi hoc anno coacto, ſe nescire anno 1710, ſcribit idem *Schmidius* anno 1718. in *Tomo II. introductionis Sagittarii ad Hiſtoriam Eccleſiaſticam* omnino Synodum hoc anno *Moguntie habitam*, ſed acta non ſuperſeſſe, jam quoad Schmidii cauſam, hæc admitti nequit, quia Conventus Moguntinus Menſe Junio, Wormatienſis poſt menſem Julium medio menſe Auguſto anni 829. habitus fuerunt.

*Nomina Episcoporum, qui Concilio Moguntino anni 829. juxta
Centuriatores Centuria IX. Cap. IX. pag. 228.*

Otgarius Moguntiacenſis.
Hatto Archiep. Trevir.
Hadubaldus Archiep. Colonienſis.
Bernwinus Archiep. Veſontionis.
Adalramnus Archiep. Salisburgenſis.
Crogo Ep. *Corrigo* Drogo Metenſis.
Bernoldus Ep. Strasburgenſis.
Benedictus Ep.
Nidgarius Ep.
Folcuinus Ep.
Wolfleoz Ep. Conſtantiennſis.
Adalgingus Ep.

Baduratus Ep. Paderborn.
Wolffgarius Ep.
Harud Ep. Ferdenſis *fortè* Haruch.
Theutgrinus Ep.
Hildi Ep. Virdunenſis.
Frotharius Ep. Tullenſis.
Waldgoz Ep.
Willericus Ep. Bremenſis.
Fridericus Ep.
Gerfridus Ep. Monaſterienſis.
Geboinus Ep.
David Ep.

Udal.

Udalricus Ep.
 Hitto Ep. Frisingensis.
 Baturicus Ep.
 Reginher Ep. *fori* Ragunarius.
 Episcopus Ammonensis.
 Erbeo Ep.
 Hubertus Chorep.
 Ebvraccar Chorep.

Wolfgrinius Chorep.
 Manno Chorep.
 Rabanus Abbas Fuldenfis.
 Sigimarus Abbas.
 Winibertus Abbas.
 Sindoltus Abbas.
 Albuinus Abbas.
 Theotgerus Abbas.

Ex quo libro autem Centuriatores ista nomina Episcoporum & aliorum hausierint, non indicant. Sanè Gottescalci causa discutienda tantæ molis opus non erat. Et ex Epistola Ludovici anni 828, publicata noti sunt fines Conciliorum in quatuor Imperii locis indictorum: nempe, Placatio offensis numinis per seriam emendationem delictorum, officia Christianæ justitiæ à Principibus & populo implenda: sed, ut jam supra dixi, hæc acta circa mores & disciplinam in hoc Concilio Moguntino ad nos non pervenerunt.

CONVENTUS WORMATIENSIS.

Anno Christi DCCCXXIX. Gregorii IV. Papæ III.
 Ludovici Imp. XVI. medio Mense Augusto.

SUMMARIUM.

Apostolicæ Sedis & Papæ Gregorii Legato præsentē, ea, quæ Episcopi in Synodis per quatuor loca Imperii traditis, necessariò & utiliter nuper invenerunt, lecta fuere.

Nostri etiam ævi Augustus piæ memoriæ HLudovicus in Synodo ac Placito generali apud Wormatiam, Apostolicæ Sedis & Papæ Gregorii comitante Legato cum aliis plurimis, de his, quæ Episcopi in Synodis per quatuor loca sui Imperii habitis, necessario & utiliter nuper invenerunt, de hac unde agatur causa, omnium tam Epif-

coporum, quam fidelium laicorum votis convenientibus ita discernens: Quicumque propria uxore derelicta, vel sine culpa interfecta aliam duxerit uxorem, armis depositis publicam agat pœnitentiam, & si contumax fuerit, comprehendatur à Comite, & ferro vinciatur, & in custodiam mittatur, donec res ad nostram notitiam deducatur.

Hincmarus L. de Divortio Hlotbarii & Theutbergæ.

Baluz. Tomo I. Capitularium: sed Harduinus ea ad annum 828. restitit.

Annales Reuberiani ad h. a. 829. ADDUNT JUDITHÆ REGINÆ AFFICTUM CRIMEN. Priores quidam Pippinum Aquitanix Regem adeunt; Bernardum (Septimanie Ducem & Lannum Hispanicæ maris Comitem, quem hoc anno Ludovicus Camera sua præfecerat) thori paterni incestatorem fuisse queruntur. Iidem hostes Bernardi, & reginæ Judithæ per Werinum & Lambertum Reginam ex civitate Lauduno & Monasterii S. Mariæ Basilica educatam compendium usque perducere fecerunt, quam post diversi generis pœnas morte proposita adegerunt, ut promitteret, se, si copia sibi daretur cum Imperatore (Ludovico Pio conjuge) loquendi, persuasuram, ut abjectis armis comisque recisus Monasterio sese inferret, se etiam imposito velo capiti idem facturam.

SYNODUS FRISINGENSIS,

IN DOMO SANCTÆ MARLÆ SEU CATHEDRALI.

Anno Christi DCCCXXX. Gregorii IV. Papæ IV.
Ludovici Imp. XVII.

*Hitto Episcopus acceptat Traditionem de Zornkeltinga factam ab
Imichone Presbytero, VII. Idus Decembris.*

Indict. VI.

IN nomine Domini. Notum sit cunctis fidelibus, veracisque Viris, quia ego Imicho indignus Presbyter renovavi pristinam traditionem de Zornkeltinga, quicquid ibidem habui, iterum totum, & integrum tradidi, & adjunxi, quod ante promisi, curtem in domo, & cum omnibus ædificiis, & cum omni acquisitione, quod in antea acquirere, vel elaborare potuissem, mancipiis, terris cultis, & incultis, mobilibus, & immobilibus, pratis, pascuis, filvis, aquis, aquarumque decursibus, omnia in omnibus firmiter tradidi ad domum Sanctæ Mariæ. Hoc factum est, ad Frigisingas in domo Sanctæ Mariæ in publico Synodo, in VII. Idus Decembris, anno Incarnationis Domini DCCCXXVIII. indictione VI. Hludo-

wici Imperatoris XVII. Et isti testes, qui hoc viderunt & audierunt more Bajorum per aures tracti: Spulit, Pilgrim, Odolt, Hroadperht, Willihelm, Adalker, Adalhart, Waltheri, Frumolt, Liutpald, Tetti, Wichelm, Otilo, Snelhart, Kaganhart, Engilrich, Altolf, Toato, Snelhart, & omni familia presente: Rubo Archipresbyter, Sigihart Archipresbyter, Altman Presbyter, Adalmunt Presbyter, Eliuni Presbyter, Oadalpald Presbyter, & alii quamplurimi ipsius familiæ. Et ego indignus Presbyter Cozroh hoc videns, jubente Domino Hittone Episcopo conscripsi.

*Meichelbeck Historiæ Frisingens. Tom. I.
Parte II. Instrumento DXLII.
pag. 285.*

CONVENTUS NOVIOMAGI.

Anno Christi DCCCXXX. Gregorii IV. Papæ IV.
Ludovici Imp. XVII.

*Decretum de reducenda Imperatrice ad Imperatorem.
Depositio Ambianensis Episcopi.*

IN eo ab omnibus Episcopis, Abbatibus, Comitibus, ac cæteris Franciscis judicatum est, ut conjux Imperatoris Juditha, quæ injustè & sine lege & judicio ei ablata fuerat, ad memoratum conditum Aquisgrani Placitum reduceretur: etsi quislibet aliquod crimen illi obijcere vellet, aut se legibus defenderet, aut judicium Francorum subiret.

*Annal. Bertiniani. Biographus Ludovici
ad annum 829. impositam stropham
Reginæ referunt, quam Pagi in Critica
ad hunc annum refert.*

In eodem Noviomagensi Placito per auctoritatem Apostolicam, & per consensum Episcoporum consideratum, & canonicè definitum est, ut Imperator suam reciperet conjugem. Qui statim per eam (*fortè post eam*) Optimates Regni sui misit, qui eam honorificè ad eum adducerent. Postea vero Karolum filium suum, & Drogonem Episcopum, fratrem videlicet suum cum aliis Optimatibus obviam ei misit, qui eam ad Aquisgrani Palatium cum magno honore deducerent.

Hactenus Annales Metensis.

Ibi (Noviomagi) Jesse iusto iudicio Episcoporum depositus est à Cathedrali Ambianensi.

Theganus de his Comitibus agens pag. mibi 312.

Hæ Actiones Ecclesiasticæ in Conventu Noviomagenſi : cæteræ politicæ de Filiis, Ducibusve ſe ſictè aut verè ſubmittentibus HLudovico Patri, & de cuſtodia arcæ conſpirationis Principum omittuntur.

GENERALE PLACITUM AQUISGRANI.

Anno Chriſti DCCCXXXI. Gregorii IV. Papæ V.
Ludovici Auguſti XVIII.

Judithe Imperatricis Purgatio & Abſolutio canonica.

JUDITHAM Reginam licet nullo Canonico Judio damnatam ad pœnitentiam, ſed ſola vi coactam Imperator non ante in thalamum reduxit, quàm ſe Judio Francorum & Episcoporum imo & Papæ purgaffet ab impaſta calumnia inceſtus cum Bernardo, filio ſpirituali Ludovici ejus Patrini.

Annales Bertiniani ſcripſerant Juditham ſine lege ac Judio ablatam fuiſſe Imperatori & velatam. Si cauſa vera fuiſſet, Judio mundano inquirenda fuiſſet, & veritate pateſcanta pœna canonica ſeu divortii per Episcopos ferenda fuiſſet, & pœnitentia determinanda: ſed nec audita, nec conſeſſa velum ſumere coacta fuit, & bis in Monafterium Lauduni & Pictavis retruſa fuerat.

Imperator nihilominus recuſabat pœnitentiæ addictam recipere in thorum, niſi Judio Eccleſiaſtico abſoluta eſſet.

Cùm Auguſta parata eſſet ad objeſta conſutanda, nemo autem ex calumniatoribus compareret, qui crimen imputatum probaret: purificavit ſe Regina ſecundum Jodium Francorum de omnibus, quibus accuſata fuerat, hoc eſt, juramentum præſtitit, & habuit, qui una cum ea jurarent, fallà eſſe, quæ inimici contra ejus honorem & pudicitiam ſparſerant. Hæc Judio Episcoporum Franciæ juncta ſufficiebant. Sed addebatur Pontificis auctoritas, Imperatoris, & Auguſtæ reſpectu, quorum eminens dignitas cauſam iſtam majorem faciebat, de majoribus autem cauſis Sedem Apoſtolicam conſulendam Innocentius I. olim docuit.

*Eckbartus Tom. II. Hiſtor. Franc. Orient.
Lib. XXVIII. pag. 252. §. 293. ex
Annalibus Francorum Bertiniani.*

CONVENTUS APUD AQUISGRANUM,

ACTIO II. (a)

Anſgarii Conſecratio in Archi-Epiſcopum Hammaburgenſem.

HABITO generali Sacerdotum Conſilio Pius Cæſar Ludovicus votum Parentis Caroli Magni cupiens implere Hammaburg, Tranſalbianorum civitatem

H

tem

- (a) Anno 831. Hamburgenſem Archi-Epiſcopum ordinatum fuiſſe, & conſecratum S. Anſgarium, Corbeiz novæ ad Viſurgim Monachum, qui anno 826. jam fuerat in Daniam miſſus ab Ludovico Pio, uti diximus, eo anno judicat *Baluzius*: probat autem hanc Epocham *Pagius* ex anno obitus, nempe 865. ab inſtituto Epiſcopatu anno XXXIV. III. Nonas Februarii, Indiſt. XIII. Igitur initium Archi-Epiſcopatus ad 831. ſpectat: quo anno tres Conventus Imperator celebravit, unum Aquigrani, alterum Ingelheimii, tertium in Theodonis Villa. *Pagi in Critica Annal. Baron. ad annum 832.* Falſcitur Dupinius Tom. VII. *Bibliotheca nova Autorum Eccleſ. pag. 197.* dum ait S. Anſgarium anno 836. incepſiſſe Miſſionem Danicam, & anno 842. creatum Epiſcopum Hamnaburgenſem. Certum enim oſtendimus anno 826. p̄tmo miſſum fuiſſe in Daniam, anno 831. conſecratum fuiſſe.

Tomus II. Concil. German.

tem in Metropolim omnibus barbaris statuit nationibus Danorum, Sueonum, itemque Slavorum, & aliis conjacentibus in circuitu populis, eique Cathedræ primum Archi-Episcopum ordinari fecit Ansgarium. Hoc factum est anno Domini DCCCXXXIII, qui est Luthewici Imperatoris XVIII. (b) Willerici Bremensis Episcopi XLIII. Consecratus est autem à Dregone Metensi episcopo, (c) Cæsaris fratre germano, assistantibus atque faventibus Otgario Moguntienfi,

Ebone Remensi, Hetti Treverensi, & aliis: Consentientibus etiam Willerico Bremensi, & Helingaudo Ferdensi episcopis, (d) quibus antea Diœcesis illa commendata est: roborante à Papa Gregorio IV. Apostolica auctoritate & Pallii donatione.

Adamus Bremensis Historiæ Eccles. Cap. XVII.

Philippus Cæsar in vita S. Ansgarii Cap. XI.

(b) Ex anno Imperii Ludovici XVIII, colligitur error in antecedente anno Christi anno 833. cum enim annus Imperii Ludovici Pii primus sit annus Christi 814, sequitur annum Imperii 18. coincidere in annum Christi 831. & annum XXI. Ludovici, quo datum fuit Diploma confirmatorium erecti Episcopatus Hamburgensis, triennio posteriorem esse, adeoque referendum ad annum Christi 834, ubi nos id referemus, cum Clarissimis Viris *Lambecio* & *Schannato* Adamum Bremensem, aut ejus Librarium corrigentibus.

(c) Summæ Sanctæ Palatinæ dignitatis Præfule, seu Archi-Capellano, & ideo præcedente reliquos Archi- & Episcopos Regnorum Germaniæ & Franciæ: Idem Drogo anno 844. à Gregorio IV. Papa fuit creatus Vicarius Sedis Apostolicæ Transalpes cum potestate cogendi Concilia, dijudicandi causas appellantium ad Sedem Apostolicam, & instruendi causas Episcoporum & Abbatum. *Leg. Epistolam Gregorii IV. ad omnes Episcopos Transalpinos.*

(d) Ex horum territoriis decerpta est nova Diœcesis Hammaburgensis, hinc illorum consensu necessarius erat, & Papæ pro erectione novæ Diœceseos.

SYNODUS FRISINGENSIS.

Anno Christi DCCCXXXI. Gregorii IV. Papæ V. Hludowici Imp. XVIII. Hludovici Reg. Bavariæ V.

Sigifuns Presbyter hæreditatem suam in loco Puppininga donat ad Domum Sanctæ Mariæ ad Frigisingas.

IN nomine Domini nostri Jhesu Christi. Notum sit cunctis fidelibus: quia quidam Presbyter, nomine Sigifuns, cogitans pro remedio animæ suæ quicquid habuit propriæ hereditatis, vel acquisitionis in loco Puppininga præter unum mancipium, quod ei animo conplacuisse, aliud, quicquid habuit in mancipiis, pecoribus, pecuniis, terris cultis, & incultis nihil prætermisit, sed omnia in omnibus firmiter tradidit ad domum Sanctæ Mariæ ad Frigisingas. Hoc factum est in publico Synodo ad Frigisingas in V. Idus Octobris, Indictione VIII. Anno Incarnationis Domini DCCCXXXI. Hludowici Im-

peratoris sui XVII. Hludowici Regis nostri V. Isti sunt, qui hoc viderunt & testes extiterunt: Timo Palatii Comes, Luitpald Comes, Heipo, Einheri, Wico, Mahtuni, Arabad, Wilihelm, Erchanolt, Ambricho, Arhart, Sigihart, Tutti, Cundheri, Rihperht, Heriperht, Hiltipald, Isanhart, Pili-grim, Einhart, Friduperht, Ato, alius Friduperht, Pezzi, Willahelm, Luithart, Jacob, Ato, Poapo, Adaluni, et ego Cozroh hoc videns, & audiens conscribfi.

Meichelbeck Historiæ Frisingens. Tomo I. Part. II. Instrum. DLIX. pag. 293.

SYNODI EJUSDEM

ACTIO II.

Hitto, Episcopus Frisingæ, Traditionem Jacobi suæ proprietatis in loco Alpicha ad Domum Cathedralē Sanctæ Mariæ ratam habet.

IN nomine Domini nostri Jhesu Christi. Ego itaque Jacob cogitans pro remedium animæ meæ tradidi ad domum Sanctæ Mariæ, quicquid proprietatis, vel acquisitionis habui in loco Alpicha, hoc totum, & integrum firmiter tradidi in altarem Sanctæ Mariæ ad Frisingas, ut in perpetuum ibidem cum omni integritate firmiter permaneat. Hoc factum est ad Frigisingas in publico Synodo in VI. Idus Octo-

bris. Indictione VIII. Anno Incarnationis Domini DCCCXXXI. Hludowici Imperatoris sui XVII. Hludowici Regis nostri V. Isti testes Herilant Comes, Liuthart, Nidhart, Jacob, Perto, Heito, Sigiwin, Oadalrih, Irminfrid, Arahad, Kejo, Tuti, Ato, Cundheri. Et ego Cozroh Presbyter hoc videns conscripsi.

Meichelbeck Historia Frisingens. Tom. I. Part. II. Instrum. DLX. p. 293.

LUDOVICI PII

PRÆCEPTUM

De Paganis ad Christianitatem invitandis, & de Institutione Episcopatus Hammaburgensis, & Ansgario Archi-Episcopo in Conventu generali totius Imperii, & Archi- & Episcoporum consensu consecrato.

Anno Christi DCCCXXXIV. Gregorii IV. PP. VIII. Ludovici Imp. XXI. Indict. XII.

IN nomine Domini, & Salvatoris nostri Jesu Christi. Hludovicus Divina propitiante Clementia Imperator Augustus. Si specialibus cujusque fidelium nostrorum necessitatibus perspectis subveniendum esse imperialis auctoritas monstrat, quantò magis ad debitam generalitatis providentiam æquum dignumque pertinet, ut Ecclesiæ Catholice atque Apostolicæ, quam Christus suo pretioso sanguine redemit, eamque nobis regendam, tuendamque commisit, piam ac sollicitam in cunctis oportet gerere curam, & ut in ejus provectu vel exaltatione congruam exhibeamus diligentiam, novis ad ejus necessitatem vel utilitatem atque dignitatem pertinentibus rebus nova imo necessaria & utilia provideamus constituta. Id-

circo Sanctæ Dei Ecclesiæ filiis presentibus scilicet & futuris certum esse volumus, qualiter Divina ordinante gratia nostris in diebus Aquilonaribus in partibus ingentibus scilicet Danorum sive (a) Sveonum magnum celestis gratiæ prædicationis sive acquisitionis patefecit ostium, ita ut multitudo hinc inde ad Christi fidem conversa mysteria Ecclesiasticaque subsidia desiderabiliter expecteret. Unde Domino Deo nostro laudes immensas persolventes exsolvimus, qui nostris temporibus & studiis Sanctam Ecclesiam Sponsam videlicet suam in locis ignotis sinit dilatari atque proficere. Quamobrem unâ cum Sacerdotibus, cæterisque imperii nostri fidelibus hanc Deo dignam cernentes causam valde necessariam, atque futuræ Ecclesiæ digni-

H 2

(a) Sueonum: Philipp. Cesar.

Tomus II. Concil. Germaniæ.

tati proficuum dignum duximus, ut locum aptum nostris in finibus evidentius eligeremus, ubi sedem Episcopalem per hoc nostræ Authoritatis præceptum statueremus, unde omnes illæ barbaræ nationes æternæ vitæ pabulum facilius uberiusque capere valerent, sitientes salutis gratiam præ manibus vel oculis haberent, insuper & magnorum progenitorum nostrorum sacra lucrandi studia nostris in diebus nunquam deficerent. Genitor etenim noster gloriosæ memoriæ Carolus omnem Saxoniam Ecclesiasticæ religioni subdidit, jugumque Christi adusque terminos Danorum atque Slavorum, corda ferocia ferro perdomans, docuit: ubi inter has utrasque gentes, Danorum videlicet sive Winedorum, ultimam Saxoniam partem sitam, & diversis periculis, temporalibus videlicet & spiritualibus interjacentem prospiciens, pontificalem ibidem Sedem fieri decrevit trans Albiam. Unde postquam terram Nordalbingorum laxata captivitate, quam ob multam perfidiam in ipsis Christianitatis initis patratam per septennium passus sunt, ne locus ille à barbaris invaderetur, (b) Ekeberto, Comiti restituere præceperat, non jam vicinis Episcopis locum illum committere voluit, sed ne quisquam eorum hanc sibi deinceps parochiam vindicaret, ex remotis Galliarum partibus quandam Episcopum (c) Amalarium nomine direxit, qui primitivam Ecclesiam ibidem consecraret. Sed & eidem Ecclesiæ Sacras Reliquias ac plura Ecclesiastica munera pia largitate specialiter destinare curavit. Postmodum vero captivis optatam ad patriam undique confluentibus, eandem parochiam cuidam (d) Heridac nomine specialiter commendavit, quem universæ Nordalbingorum Ecclesiæ, ne ad ritum relaberentur gentilium, vel quia lucrandis adhuc gentibus locus ille videbatur aptissimus, disposuerat consecrari Archi-Episcopum, ut ipsa occasione vel autoritate summa in ipsis termi-

nis gentium sedulitate prædicandi Sancta multiplicaretur Ecclesia, dum Vicinorum ipsius novitatis Episcoporum multa latitudinis cura sufficiebat discurre per omnia. Delegavit etiam eidem Presbytero quandam cellam (e) Hrodnae vocatam, quatenus eidem loco undique periculis circumdato fieret supplementum. Sed quia consecrationem jam dicti viri velox ex hac luce transitus pii Genitoris nostri in diebus ejus fieri prohibuit; ego autem, quem Divina Clementia in sedem regni ejus asceverat, cum in multis regni disponendis negotiis insisterem, hoc quoque prædicti patris mei studium, velut regni in finibus peractum, minus cautè adtenderem, suadentibus quibusdam jam dictam cellam: Ad Indam Monasterium contuli, prædictam verò parochiam vicinis Episcopis interim commendavi. Nunc autem tam propter suprascripta Ecclesiastica lucra in gentibus demonstrata, quam & propter votum pii Genitoris nostri, ne quid ejus studii imperfectum remaneat, statuimus una cum consensu Ecclesiastico præfata ultima in regione Saxonica trans Albiam in loco nuncupato Hammaburg, cum universa Nordalbingorum Provincia Ecclesiæ proprii vigoris constituere sedem, cui & primum præesse atque solemniter consecrari per manus Drogonis Metensis, & summæ Sanctæ Palatine dignitatis præsulis Ansgarium fecimus Archi-Episcopum adstantibus Archi-Episcopis Ebbone Remensi, Hetti Treverensi, & Otgaro Moguntiacensi, cum plurimis aliis generali in Conventu totius Imperii nostri præsulibus congregatis assistentibus quoque specialiter consentientibus, atque consecrantibus Helingaudo (f) sive Willerico Episcopis (g) à quibus jam dictæ parochiæ partes à nobis sibi olim commendatas recepimus. Cui videlicet Ansgario, quia præfatis in gentibus hæc nostris in diebus dignissima in convocatione gentilium vel redemptione captivorum monstrata sunt lucra, tam nostræ, quam Sanctæ Romanæ Ecclesiæ authori-

(b) Egbertus Comes, Elsesfelt ad fluvium sturiam occupatum munivit Anno 809. Caroli inter Carolum Magnum & Hemmingum Regem Danorum anno 811. sancitæ interfuit.

(c) Amalarium alius ab Amalario Treverensi anno 813. à Carolo M. Constantinopolim missus.

(d) Heridac, Carolo Magno Nordalbingis convertendis Presbyter datus Episcopus fuisset ordinatus, nisi mors intervenisset.

(e) Rodnacum Villa est in Brabantia.

(f) Helingaudus, Ferdensis Episcopus.

(g) Willericus, Bremensis Episcopus, Successor Willebaldi primi Bremensium Apostoli, obiit Willericus DCCCXXXVIII. Sufficitur Leudericus in Bremensi Cathedra.

thoritate hanc Deo dignam in præfatis gentibus commisimus legationem, ac proprii vigoris ascribere decrevimus dignitatem. Et quia casus præteritorum cautos nos facit futurum, ne quisquam Episcoporum aliquam sibi trans Albiam vel alicubi in prædictâ parrochiâ vindicet potestatem, certo limite circumscriptum esse volumus, *videlicet ab Albia flumine deorsum usque ad mare Oceanum & rursus pro omnem Slavorum Provinciam usque ad mare, quod Orientale vocant, & per omnes prædictas nationes septentrionis.* Omnes quoque paludes infra, sive juxta Albiam positas, cultas & incultas, infra terminos ejusdem parrochiæ ponimus, ut Transalbiani se & sua ab incursum paganorum, qui sæpe timendus est, securius in locis occultare queant. Et ut hæc nova constructio periculosis in his locis cepta subsistere valeat, quandam *Cellam Thurolt* (h) vocatam tam huic novæ constructioni, quam Archi-Episcopi successorumque suorum in gentibus legationi subsistere servitutam ad nostram nostræque sobolis perpetuam mercedem Divinæ offerimus Majestati. Homines quoque, qui ejusdem cellæ beneficia habere videntur, ab omni expeditione vel militia sive qualibet occupatione absolvimus, ut idem venerabilis Episcopus ad hanc Deo dignam peragendam in provisis temporibus legationem nullum in hoc patiatur impedimentum. Dona verò, quæ ex eadem cella nostris partibus dare solebant, & nobis, successoribusque nostris similiter dari volumus. His exceptis majus minusve in convocatione paganorum

vel redemptione captivorum, sive ejusdem sedis supplemento multimodis periculis circumdata, vel ibidem Deo militantium solatio, ob amorem Dei & beati Sixti (i) confessoris ejus perpetuo delegamus. Res itaque præfate sedis & jam dicti Monasterii sub plenissima defensione & immunitatis tuitione volumus ut consistant ac tueantur, ita ut nullus iudex publicus aut alia quælibet potestate publica prædita persona de eorum rebus freda, tributa, mansionaticos vel paratas, aut teloneum, vel fidejussores tollere, aut homines ipsorum tam litos, quam & ingenuos super terram eorum manentes distringere, nec ulla publicas functiones aut redibitiones vel illicitas occasiones requirere, vel exigere præsumat. Sed liceat prædicto venerabili Episcopo, suisque successoribus ac omni Clero sub eorundem regimine constituto quietè in Dei servitio degere, & pro nobis proleque nostra atque statu totius imperii divinam misericordiam exorare. Et ut hæc autoritas sui vigoris perpetuam obtineat firmitatem, manu propria subter eam firmavimus, & anuli nostri impressione signare iussimus.

SIGNUM HLODEUVICI PISSIMI
IMPERATORIS.

*Hirminmarus Notarius, ad vicem
Theodoni recognovit.*

Data Idus Maji, anno Christi propitio,
XXI. Imperii Domni HLODEUVICI
Piissimi Augusti, Indictione duodecima.

Actum Aquisgrani Palatio Regio in Dei
nomine feliciter. Amen.

Baluz. Tomo I. Capitularium Regum Francorum pag. 681. & seqq.

*Philippus Cæsar in Triapostolatu Septentrionis anno 1642. Colonia pag. 175.
minus plenè & correctè editus.*

*Henschenius Tomo III. in Actis Sanctorum ad diem 3. Februarii idem refert
cum Notis.*

H 3

NAR-

[h] Tornholtum, Comitatus Flandriæ contiguus, in quo Monasterium Sæculo VII. sub Dagoberto creditur fundatum: nunc à Ludovico Pio donatur S. Anshario, id eripuit S. Anshario Reginarius Comes pag. 396. *Acta SS. Februarii Tomo I.*

(i) Sixtus, Remensis Archi-Episcopus, etiam in antiquis Martyrologiis Confessor dicitur: in Martyrologiis quibusdam Martyr.

NARRATIO HISTORICA
FACTORUM,
CIRCA DEPOSITIONEM LUDOVICI PII AUGUSTI,
PROPE BASILEAM, COMPENDII, ET SUESSIONE
ANNIS 833. 834. 835.

Anno 833. Wormatiâ digressus Ludovicus Pius venit in Festivitate S. Joannis Baptistæ VIII. Kalendas Julii ad locum Basileæ urbi vicinam, qui post hunc diem *Campus mentitus*, vel *mendacii* (a) appellatus fuit, eo quod ii, qui fidem Imperatori promittebant (*Milites, Duces, Abbates*) mentiti sunt, & ad Lotharium filium transferunt. Stabant hinc acies Ludovici Patris Augusti Pii, inde Lotharii Regis Italiæ, & Ludovici filiorum, Regis Germaniæ, & Pippini Regis Aquitanix. Gregorius IV. Papa Romæ eo venerat, quasi mediator conciliaturus Patrem Filii; ad Ludovicum accessit: Interea milites, & populus ex castris Patris ad filios transeunt. Juditha Augusta in Ludovici filii tabernaculum introducit, in Italiam, Dertonam usque transvehenda. Sic Imperator penè solus cum filiolo Carolo relatus ab omnibus ducitur à Lothario, jam veluti solo supremo Domino COMPENDIUM usque, ubi Episcopi Lothario adulescentes Ebo Remensis; (b) Agobardus Lugdunensis, Bernardus Viennensis, Bartholomæus Narbonensis, Jesse Ambianensis, Helias Tricassinus, Goswinus Osnabrugensis, Hereboldus Antisiodorensis, Wala Abbas Corbeix veteres accusationes jam anno 822. productas reproduxerunt: *Libellum delictorum* Ludovico Pio imputatorum porrigunt, & suadere nituntur, ut de præteritis delictis iterum publicam pœnitentiam agat, armis depositis irrevocabiliter, & hoc modo Ecclesie satisfaciat.

Sic adjudicatum absentem à conventiculo, & inauditum, nec consentientem, neque convictum *Compendio* Suectionem ducunt, & ante corpus S. Medardi Confessoris, & S. Stephani Martyris arma deponere, balneum, & gladium ante altare ponere cogunt, pullaque indurum vestire, adhibita magna custodia, sub tectum quoddam in Monasterio S. Medardi retrudunt.

Hoc ipso autem, quod publicæ pœnitentiæ

subjectus esset, opinio Vulgi erat, quod Imperium administrare non posset: Filius Carolus ad Monasterium Prumiense custodiendus deducitur, sed non tondetur.

In eo statu pœnitentiæ publicæ permansit Imperator Ludovicus Pius usque ad Kalendas Octobris anni hujus 833. Indiæ XII. Dum interea Ludovicus Bavarix Rex, ac Germaniæ Comes, & nonnulli Franci indignè ferentes nefariam, & contra omnes leges attentatam exactionem Lothario Imperatori denunciant, & postulant, reddi sibi Ludovicum Imperatorem custodiæ vinculis absolutum: Ipsummet verò hortantur ad recipiendas Infulas Imperatorias. Lotharius postulanti, & arma minantibus respondit, "Se paterna calamitati compari, nec sibi imputandam culpam, sed suamet accusationi; & Episcopali judicio impunit, Imperator verò Ludovicus Pius nequaquam voluit præproperæ suorum fidelium acquiescere sententiæ, sed in Ecclesiâ S. Dionysii prope Parisios Dominica die Quinquagesimæ anni 834. Episcopali Ministerio voluit reconciliari.

Lotharium Filium, Regem Italiæ, per Burgundiam Viennam fugientem, licet multis hortantibus, persequi noluit, post venientes ad se filios, & ferius omnium Hlotharium ad se venientem benignè accepit, culpam condonavit.

Demum hoc anno festum S. Martini Atriniaci celebravit, receptâ jam Judithâ Augusta ex Italiâ reductâ, & filio Carolo Prumiâ egresso. Incunte anno 835. Natalem Domini Metis: inde Theodonis Villam cum Drogone suo Archi-Capellano ad Palatium processit, ubi quæ Acta sunt, circa *Purificationem B. Mariæ* verbis Flodoardi referemus.

Hac in coevis vel supparibus Annalistis Francorum.

ACTIONS CONVENTUS GENERALIS
à DIE PURIFICATE VIRGINIS 835.

I. Inter cætera Ecclesiasticæ instituta Disciplinæ ventilata est Depositio Imperatoris Compendii facta anno 834. Eadem rescissa, nulla,

(a) Colmarium hodiernam vel Rothfeld fuisse eum locum, qui Campus Mendacii dictus fuit, conjicit Eckhartus Histor. Franc. Tomo II. pag. 264.

(b) Ebo Remensis Episcopus à Thegano Chorepiscopo Treverensi vocatur impudicus & crudelissimus ex originali servorum stirpe, Lothariæ perduellionis præcipuus Dux.

& nefaria declarata libellis, scriptis, & subsignatis à XLII. Archi- & Episcopis.

II. è Palatio Theodonis Villæ ad proximam Cathedralē Metensem Ecclesiam processum, & hæc rescissio Actorum Conventiculi Compendiensis, & nova instauratio Imperii, restitutio insignium publicè in Ecclesiâ Cathedrali facta.

III. Reditum dein ad Theodonis Villam.

IV. Ebbonis, Agobardi, & Hildemanni, qui rebellionī à Lotbario excitatæ contra Patrem faverant, causa dijudicata. Primi duo depositi. Ebbo etiam sua confessione, Agobardus absens depositus. Hildemannus (c) regulariter satisfacit accusationibus suis, Goswinus (d) Ep. Osnabrugæ se Corbeie novæ inclusit.

Iterum reditum fuit Metas ad Cathedralē Ecclesiam, & gaudium instauratum. Dimissi Episcopi, & Proceres.

SYNODUS IN THEODONIS VILLA

A DIE PURIFICATÆ VIRGINIS AD DOMINICAM PRIMAM
QUADRAGESIMÆ H. A. KAL. MARTII.

Anno Christi DCCCXXXV. Gregorii IV. Papæ IX.

Ludovici Imp. XXII.

DCCCXXXV. **L**udovicus Imperator ab æquivo-
co filio suo Ludovico Bavariz, & Ger-
maniz Rege restitutus in regnum, & ho-
norem suum in Ecclesiâ S. Dionisii anno
834. Dominicâ quinquagesimæ, Ebo-
nem Remensem Episcopum in Norman-
niam, seu Daniam fugam parantem per
Episcopos, Rothadum Sueffionensem, &
Fichenradum Parisiorum revocari fecit,
& in Monasterio Sancti Bonifacii (*Ful-
dæ*) ei, Clericis ac Laicis, qui cum eo
erant, necessaria ministrari, & Syno-
dum expectare præcepit. Ad quem an-
no incarnationis Dominicæ 835. ineunte
venientes omnes Episcopi, qui conve-
nerant, sigillatim libellos de restitutio-
ne Imperatoris communi consilio, atque
consensu ediderunt, & propriis mani-
bus subscripserunt. Cum quibus &
Ebo, ut revera in statu suo adhuc ma-
nens, libellum manu suâ cum addita-
mento *Archi-Episcopi* scriptum edidit: in
libello professus est, quidquid in ipsius

Imperatoris dehonoratione gestum fue-
rat, injustè factum fuisse.

Item post pauca.

Et post datos libellos venientes
Episcopi cum Imperatore, & quàm
plurimis ejus fidelibus, & regni primo-
ribus in urbem Metensem, in Basilica
Sancti Stephani, publicè à Drogone
Episcopo relecta sunt, quæ de restituo-
tione Imperatoris omnium unanimitate
inventæ fuere.

Posthanc annuntiationem Ebo Re-
morum Episcopus, qui ejusdem factio-
nis veluti signifer fuerat (*in conventu
Compendiensi anni 834.*) conscendens
eundem locum, ubi Drogo steterat,
coram omnibus professus est, eundem
Augustum injustè depositum, & om-
nia, quæ adversus eum patrata fuerant,
iniquè & contra totius auctoritatis tra-
nittem fuisse machinata: merito, ju-
stèque proprio Imperii folio reforma-
tum, & sic omnibus laudes Deo can-
nenti-

(c) Episcopus Belvacensis.

(d) Ob perjurium ab Episcoporum consortio semotus fuit.

nentibus, & quæ tunc ibidem agenda fuerant, peractis, ad Theodonis villæ Palatium regressi sunt.

Ibique Hildemannus in Synodo præsens se à calumniâ illi impactâ regulariter exuens satisfecit Synodo & per eam Imperatori.

Ebo verò in eadem Synodo præsens ab Imperatore præsentem est accusatus, quod eum falso fuerat criminatus, & iisdem falsis criminibus appetitum à regno dejecerat, armisque ab eo ablatiis nec confessum, nec invictum *contra Regulas Ecclesiasticas* ab Ecclesiæ aditu, ac Christianorum societate eliminaverat: sicut & idem scripto, subscriptione suâ roborato, & verbis coram omnibus professus fuerat.

Et cum essent alia etiam crimina, de quibus post hanc accusationem accusandus erat, & de quibus apud Imperatorem jam antea fuerat accusatus, & non Canonicè (e) purgatus, sicut & *Epistola Episcoporum ad Sergium Papam* demonstrat, & pro quibusdam eorum extiterat à consilio Imperatoris ejectus, quæ paterfacta veritate negare non valebat, petiit secessum, ut sine præsentia Imperatoris liceret ei in Synodo Episcoporum (*solorum*) suam agere causam.

Quod obtinens convocavit ad se quosdam Episcopos, (f) & nullo cogente, sed propriâ sponte secundum eorum consilium, sequentium Concilium *Africanum*, ut parceretur ipsius verecundia, ac propter Ecclesiæ obprobrium, ac insolentem insultationem sæcularium, ne dignitas Sacerdotalis pollueretur, si publicè de his, de quibus impetratus, & adhuc impetendus erat, confessus, aut convictus foret, libellum suæ depositionis dictavit, & scribi coram se fecit, & propriâ manu subscripsit *secundum traditionem Ecclesiasticam*, eundemque libellum propriâ, ac vivæ vocis confessione attestatum in abdicationem sui, nullo ab eo quærente vel exigente, Synodo ultro porrexerat, & sicut videri

tunc ab his, qui interfuerunt, potuit, Sacerdotio se sponte submovit, quærens remedium præitendi, sicut in eodem professionis, ac subscriptionis suæ libello continetur, hoc modo:

" Ego Ebo indignus Episcopus rec-
" cognoscens fragilitatem meam, & pec-
" catorum meorum testes confessores
" meos Ajulfum (g) videlicet Archi-
" Episcopum, & Badaradum Episco-
" pum, (h) nec non & Modoinum Epif-
" copum (i) constitui mihi iudices de-
" lictorum meorum, & puram ipsius con-
" fessionem dedi, quærens remedium
" poenitendi, & salutem animæ meæ,
" ut recederem ab officio, & ministe-
" rio Pontificali, quo me recognosco
" indignum, & alienum me reddens
" pro reatibus meis, in quibus peccâ-
" se secreto ipsis confessus sum, eo sci-
" licet modo, ut ipsi sint testes alii suc-
" cedendi, & consecrandi in loco meo,
" qui dignè præesse, & prodesse pos-
" sit Ecclesiæ, cui hæctenus indignè præ-
" fui. Et ut inde ultra nullam repetitio-
" nem aut interpellationem autoritate
" canonica facere valeam, manu propriâ
" meâ subscribens firmavi. Ebo quon-
" dam Episcopus subscripsi.

Et ut omnia secundum leges, quibus moderatur Ecclesia, in Synodo legaliter adimpleret, simul cum eis, quos secundum *Africae Provinciae Canonis* elegerat sibi Iudices, dicente Apostolo: *Adversus (k) Presbyterum accusationem non recipere, nisi sub duobus, aut tribus testibus: ut (l) in ore duorum vel trium testium constaret etiam suæ accusationis*, & ut alius, se Sacerdotio defuncto, ei succederet, testificationis verbum, ascevit & alios tres Episcopos veritatis de suâ accusatione, & testificatione conscios in testimonium suæ professionis: Theodoricum scilicet Episcopum Cameracensem, & Acharadum Episcopum Noviomensem Diocesanos suæ, & Nothoneum Archiepiscopum (*Arelatensem*) & sic ipse professus, & sex Episcopis suæ professioni attestantibus, ut prædiximus, Libellum Synodo por-

(e) Canonica purgatio delicti Clericorum fiebat per iuramenta & testes: Laicorum vero Ducum & militum purgatio fiebat per oblatum accusatori duellum.

(f) Ab Iudicibus, quos Episcopus accusatus sibi purgando elegerat, provocare non licebat: juxta Canonem LXIII. Concilii Africani, quem lege sis *Tomo I. nostro pag. 223*. Alii sunt Iudices à Synodo, vel ab Imperatore constituti criminis examinandi & disjudicandi causa.

(g) Agiulfum, Bituricensem Archiep.

(h) Paderbornensem.

(i) Augustodunensem.

(k) Primæ ad Timotheum V, 19.

(l) Matth. XVII, 16.

porrexit: cunctique Episcopi, qui Synodo interfuerunt, sigillatim, ac viritum dixerunt illi: *Secundum tuam professionem, & subscriptionem cessa à Ministerio.* Et coram omnibus hanc notitiam cum præscripto libello futuris temporibus consecrandam, Jonas Episcopus Heliae Notario tradidit, qui libellum Ebonis scripserat, cui idem Ebo subscripsit secundum LIX. (m) *Capitulum*, & idem secundum *Capitulum LXXIV. (n) Concilii* Africani pro omnibus dictavit, & idem Helias, (o) hæc, quæ sequuntur, subscripsit.

Acta est hæc Ebonis Professio, ejusque propriæ manus subscriptione roborata in Conventu Synodali, generaliter habito apud Theodonis Villam, Anno Incarnationis Domini nostri JESU Christi octingentesimo tricesimo quinto, anno etiam Imperii Gloriosi Caesaris Ludovici XXIII.

Item post aliquanta. . . Libellum uti ab Ebone porrectum post damnationem ejus Synodus Fulconi (p) Presbytero, qui eidem Eboni in episcopatus Remensis susceptione successerat, cum synodali notitiâ dedit; quique in Remensi eccle-

sia conservatur: cujus exemplar Sanctæ memoriæ Papæ Leoni directum didicimus.

Flodoardus Historiæ Ecclesiæ Remensis Libro II. Cap. XX.

Acta post Synodum Theodonis Villæ.

Dominica proximâ post Synodum, quæ fuit forte prima Quadagesimæ Dominica, Imperator Theodonis Villa in Metas civitatem redux, ubi Drogo Metensis frater Ludovici Pii ante mensam prælegit actum restitutionis Augusti Ludovici; septem Archi-episcopi, septem reconciliationis ecclesiasticæ Orationes super eum cecinerunt, & coronam ex altari sumptam capiti Ludovici imposuerunt. Ebo ex Ambone consensu prælegit Acta Synodi Theodonis Villæ: & omnes populi hoc viso pro plenariâ restitutione Imperatoris multas Deo gratias reddiderunt.

Biographus Ludovici Pii à Pirheo editus pag. mibi 408. & Calmetus Historiæ Lotharingiæ Tom. I. Lib. XIII.

Interfuerunt Synodo Theodonis Villanæ ex Eckharti mente.

Drogo, Archi-Episcopus Metensis.
Hetti, Archi-episc. Treverensis.
Ragnoardus, Archi-episc. Rotomagensis.
Landranus, Archi-episc. Turonensis.
Aldricus, Archi-ep. Senonensis.
Notho, Archi-ep. Arelatenfis.
Ajulfus, Archi-ep. Bituricensis.
Rotoldus, Episcopus Sueffionensis.
Jonas, episc. Aurelianensis.
Frotarius, ep. Tullenfis.
Erchanradus, ep. Parisiensis.
Raganarius, ep. Venetensis.
Vulfinus, ep. Pictaviensis.
Theodoricus, ep. Camaracensis.
Achardus, five Eccardus, ep. Noviomensis.
Rothaidus, ep. Veronensis, qui Juditham ex Italia reduxerat, alias Rothadus dictus.

Badaradus, ep. Paderbornensis.
Modoinus, ep. Aeduenfis.
Theodoricus, ep. loc. incerti.
Walocharius, ep.
Goldoricus, ep.
Godofridus, ep. Senlitenfis.
Teutmundus, ep.
Ermbertus, seu Halenbertus, ep. Bajocensis.
Hubertus, seu Humbertus, ep. Wirceburgensis.
Erardus, vel Heiradus, ep. Tungrenfis.
Albericus, ep.
Freculphus, ep. Lexovienfis.
Joannes, ep.
Hildemannus, ep. Bellovacensis.
Hildi, ep. Virdunenfis.
Christianus, ep. Autisiodorensis.

I

Sisa-

(m) Editionis Dionysianæ mæe Cap. XXVI. pag. 213. Tomo I. sed apud Harduinum Cap. LIX. Conciliorum Tomo I. pag. 898. in codice Canonum Ecclesiæ Africanæ.

(n) Vide Tomum I. nostrum pag. 225.

(o) Helias post Carnotensis Episcopus fuit.

(p) Fulco, Abbas S. Remigii Remis, jam ab anno 834. erat Administrator Ecclesiæ Remensis nominatus à Ludovico Pio, & à Synodo successus Eboni.

Sisagutus, ep. fortè Sisabutus. Sisebotus
enim ep. Urgellitanus fuit.

Raganarius, ep. Ambianensis.

Ipio, loci ignoti ep.

Teutgandus, fortè Teganus, Chorep.

Treverenſis.

Bonus, ep.

Flavo, ep. Cabillonensis.

Ado, ep.

Teutbertus, ep.

Wiladus, ep.

Morbertus, fortè pro Gozberto, Suco-
num ep.

*Haftenus Eckbartus verum Francica-
rum Tomo IV. Lib. XXIX.*

FLORI,

DIACONI ECCLESIAE LUGDUNENSIS, (a)

*De Libris AMALARII (b) Chor-Episcopi Lugdunensis, ad Theodonis
Villæ Concilium, Epistola.*

Sancto & Venerabili Concilio apud Theodonis Villam habito.

Audite Patres Beatissimi, & Reve-
rendissimi; à Deo convocati, &
in Deum uniti, propter Deum, auxi-
liante ipso, laborantes & laboraturi,
atque in illo, & cum illo post beatum
laborem requieturi; audite ita, ut au-
diat vos Deus, ac mementote Aposto-
li, rectores Ecclesiæ exhortantis, &
dicentis: *Attendite (c) vobis, & universo*
gregi, in quo vos Spiritus Sanctus posuit,
Episcopos regere Ecclesiam Domini, quam
acquirit sanguine suo. Sermo de fide agi-
tur, & Catholica veritate, quam Præ-
latus Ecclesiæ Lugdunensis, deprava-
re, & subvertere lingua & calamo non
desiit, erroris ac mendaciorum
suorum vos ipsos, venerabiles Ecclesiæ
Christi oculos, in tantum socios, &
complices esse confirmat, ut in publico
Ecclesiæ nostræ conventu jactare ausus
sit, ad hoc vos suis persuasionibus in
generali Synodo fuisse perductos, ut
omnes manu propria suis ineptissimis li-
bris subscribere, & sic unanimiter sen-
tire & observare velleris. Cui ego per
maiores natu respondi, non solum me
de tantis viris id credere nullatenus pos-

se; sed etiam mihi indigno, qui sum
canis mortuus, & pulex exiguus, tres
prius digitos, quibus scribimus, radicitus
amputari vellem, quam errores hujus-
modi manus propriæ subscriptione fir-
marem. Addidi etiam, quod, si libri
illi in bono Concilio fuerint discussi, &
dijudicati, erunt procul dubio anathe-
matizati: quos etiam Corepiscopo Ec-
clesiæ nostræ velut valde utiles omnibus,
jussit transcribere: quos, cum ego ex
parte aliqua relegissem, & mendaciis
plenos deliramentisque vidissem, dehori-
tatus sum, ne hoc penitus fieret, libros-
que suo quantocius auctori restituendos
admonui, metuens videlicet, ne oves
Christi, id est simplices quosque, ex
eorum lectione quædam vanissima cu-
riositatis scabies aspergeret, & arden-
tes papulæ diri erroris exurerent. Col-
legi autem ipsæ ac digessi in ordinem,
propriisque sermonibus explicavi non-
nulla, quæ in generali Presbyterorum
Concilio proposuit, disseruit, commen-
davit, ex quibus ejus vanitas contemp-
tui, immo execrationi pateat; sed ne
quis me falsa putet asserere, veniat li-

ber

(a) Ejusdem Flori scriptoris permulta opera recenset *Dupinius Bibliotheca nova Autorum Eccle-
siasticorum Tomo VII.* paginis 17. 177. 200: at harum duarum Epistolarum scripturarum ad
PP. Concilii Theodonis Villani anni 835. vel ad PP. Concilii Carisiaci anno 838. non me-
minit: in hoc ultima censura Librorum Amalarii Delatorum prodiit.

(b) Amalarium hunc Chorepiscopum Lugdunensem eundem esse cum Amalario Diacono Metensi
inspicatur & opinatur Cl. Mansi *Tomo I. Supplementi Conciliorum pag. 866.* quia uterque
scripsit *de Officiis Ecclesiæ*; sed Autores, qui de Amalario, Lugdunensi Diacono, memine-
runt, statuunt eum sub Carolo Calvo vitam egisse: fortè quia plurima scripta sub eo Rege
edidit: quod non obstat, quin & sub Ludovico Pio aarea fuerit Diaconus Ecclesiæ Me-
tensis.

(c) Actuum XX, 28.

ber illius in medium, & foeditatem sui publicè legentibus, atque audientibus denudabit; ex quo & ista, quæ fincerissimo examini vestro dijudicanda offero, verissima ab illo prolata probabitur, cum illic multa infaniora legeretis: testes sunt horum Corepiscopi, testes Archi-Diaconi, testes omnes, qui aderant presbyteri Lugdunenses, à quibus hæc continuò irrita, ac repudiata, immò plancta & plorata cognovi; cum Divinis afflueret fluentis, de lacuna lutulenta bibere cogerentur, murmurantes in nequissimo pane doctrinæ, de quo Ecclesiasticus loquitur liber: *In (d) nequissimo pane murmurabit civitas.* Et testimonium nequitiae illius verum est; nec vero ille Divina docet, sed sua concinnat, & fabricat, & juxta Salomonem: *In (e) similitudinem arioli, & conjectoris estimat, quod ignorat.* Succurrite igitur Patres piissimi, succurrite animabus nostris. *Modicum (f) enim fermentum totam massam corrumpit,* & juxta quendam patrem antiquum, si quid in fide falsi admittitur, intrat putredo, de veneno serpentis nascuntur vermes corruptionis,

& nihil remanebit integrum. Testis est mihi omnipotens Deus, quia hæc non impulsu iracundiae tanquam læsus exag-gero, quæ ab ipso statim exordio, dum adhuc se mihi utcumque blandulum exhiberet; dolere, & detestari cœpi, nec Divinae ordinationi seu imperiali piæ provisioni, quod ille forsitan jactitat, velut rebellis existens; cum id mea exiguitas, nec cogitare unquam poterit; sed erroris odio, & amore veritatis, Ecclesiae quoque matris meæ vulneribus condolens, cujus uberibus ab infantia alitus sum, in qua, & administrationis locum & doctrinæ, ac prædicationis officium indignus exercui. Certè vivam ego egenissimus, vel etiam moriar, si placet, tantum pateat vulnus putridum, pateat sanies putrida; & omnes, qui hoc tabescunt contagio, vobis, opitulante Christo, medicantibus, gravi vetereno depulso, optata gaudeant sanitate.

Martene veterum Monumentorum Collectionis. Tom. IX. pag. 666.

Ex eo Mansi Tomo I. Supplementor. Concilior. pag. 867.

INCIPIT EPISTOLA FLORI,

TOTIUS VERITATIS PLENA, CONTRA FALSILOQUAS ADINVENTIONES AMALARII, QUONDAM LUGDUNENSIS COREPISCOPI, DE CORPORE DOMINI TRIPARTITO.

Dominis Beatissimis, Reverentissimis & Piissimis Pastoribus, gregis Christi, Rectoribus Ecclesiae Dei, Prædicatoribus, ac Propugnatoribus Catholicae Fidei, Drogoni Sacri Consilii Magistro, & Pontifici Clarissimo, Heti Trevirorum Antistiti, Aldrico Reverentissimo Cennamorum Episcopo, Rabban Abbati Venerabili, & ex Provincia Lugdunensi prima, Albarico Lingonum Reverentissimis Episcopis, Ecclesiae Catholicae indignus Filius, & Pietatis ac Paternitatis vestrae exiguus servus, Florus.

Obscuro, mansuetissimi, & benignissimi Servi Christi, ut extremitatem meam periculis Ecclesiae Dei condolentem, ac compatiensem, & pro hoc necessitates ejus humiliter, & fidenter ad vos referentem, in ipsius Christi, & Dei Ecclesiae, piæ Matris

amore, pio ac benigno suscipiatis affectu. Exigua quidem, & indigna est persona, quæ loquitur, sed Domini est res, Domini est causa, quam loquitur, digna certe, quæ à melioribus suggereretur, & idonea, quæ ad vestrum jam olim judicium examinanda per-

I 2

(d) Eccles. XXXI, 29.

(e) Proverb. XXIII, 7.

(f) I. Corinth. V, 6.

perferretur : sed quoniam fortius clamare solent , qui atrocius vapulant , & qui maxima cogente indigentia importunius postulant , miseratione potius , quam indignatione digni habentur : sit & mihi minimo sub vestra pietate tutum ac liberum inter flagella vapulantis Ecclesiæ tristius vociferari , de cladibus ejus ac miseriis conqueri & à vobis paternæ opis auxilium deprecari.

Idcirco enim ad vos , Domini , & Patres Beatissimi , qui & dignitatis culmine , & fidei sinceritate , & Dei timore & scientiæ probitate præcellitis , & Lugdunensi Ecclesiæ quidem familiaris obstricti estis , querelam hanc potissimum credidi deferendam : ut quanto plures Divini muneris largitate præitis , tanto instantius , & religiosius pro Divinæ fidei & veritatis tuitione certetis ; memores Spiritus Sancti per Salomonem talibus , quales Christi estis gratia , proclamantis : *Erue (a) eos , qui ducuntur ad mortem , & qui trahuntur ad interitum , liberare necesse est*. Si dixeris , vires non superpetunt ; qui inspector est cordis , ipse intelligit , & servatorem animæ tuæ nihil fallit , reddetque homini juxta opera sua. Præcessit enim in præfata nuper Ecclesia per Prælatum ejus Amalarium error insanus & vanus , fidei , & veritatis inimicus , religioni & salutis contrarius , quem primum quidem aggregata Presbyterorum Synodo , circumfidentibus omnibus , & velut præceptorem audientibus , viva voce conatus est ferere , imo tota intentione , & studio per totum triduum proponendo , & exponendo , exigendo , omnibus inculcavit , & tradidit , quasi novi testamenti minister , tabulis cordis carnalibus cuncta , quæ afferebat , indelebiter vellet imprimere. Deinde etiam magnum quendam codicem quatuor voluminibus diffusum , à se compositum atque digestum legendum , transcribendumque tradidit ; asserens eum *Officialem* nuncupari , tanquam de Sacris officiis prudentissime & sufficientissime disputantem. Qui tantis velaniis , & erroribus confectus , ut quibuslibet etiam imperitis , palam ridendus conspuendusque videatur. Protulit quoque *Antiphonarium* , (b) velut à se digestum atque correptum : cui talia ex

suo sensu inseruit , ut pro ejus impudenti audacia frons legentis pudore ac rubore feriat. Novissime vero novum digessit volumen , & apud Lugdunum ornate indui , ac vittis sericeis distingui fecit : quod ad palatium ferens vel principi , vel Magistro consilii dicitur oblaturus. In quo vere tam inepto eloquio , tam absurdis sensibus , tam exquisitis , & inauditis fantasiis involvitur , ut putes eum limphatico more bacchari. Vocat hujus insulsiſſimæ garrulitatis librum , *Embolim opusculorum suorum*. Et rectissime omnino. Est enim multiplicum errorum ejus , velut Cameli gibbus , procrelscens ac redundans argumentum.

De singulis autem pauca proponere & vestræ gravitati fastidiosum , & meæ supplicationis sermoni videtur incongruum , quem metuo rebus frivolis facere prolixior , ne in seriis , ac necessariis onerosior videatur. Cerrè libri ipsi fere ubique dispersi , ferè omnibus noti sunt , neque ullaatenus ambigo , quin gravium ac prudentium virorum judicio severius reprehendantur , quam exiguitatis meæ comprehendi ingenio , aut exaggerari possit eloquio. Attamen ne frustra opem sanitatis videar implorare , si dissimulo , aut formido vulnus detegere ; nonnulla vel breviter replicabo. Vos ut cœlestis cooperatores medici , sive antidoto fidei , sive scapello , aut cauterio sincerissimæ veritatis curate languida , resocate putrida , urite vitiosa , & salutis Corporis Christi in commune prospicite. Absit , absit à vestra gravitatis censura , ut in ejusmodi erroribus , & ineptiis confutandis , aut personæ respectu , aut adulationis fūco , aut humanæ offensionis seu discriminis metu cujusquam pii & fidelis animus retardeatur : cum res fidei , cum causa Ecclesiæ , cum negotium Christi agitur , sola fides , sola mater Ecclesia , solus amator veritatis , immo veritas Christus præ oculis habeatur.

Docet Præceptor ipse Amalarium egregius ita corpus Christi esse triforme , & tripartitum , ut tria Christi corpora : primum quod ipse suscepit ; secundum in nobis , qui super terram ambulamus ; tertium in illis , qui sepulti jacent. Afferit in mysterio sacrificii hac de causa tres debere fieri partes ; unam calicis

pro

(a) Proverb. XXIV, 11.

(b) Antiphonarium Agobardus Lugdun. Archiep. confutavit.

pro Christo; alteram in patena pro vivis, tertiam in altari pro mortuis. Dicit panem illum esse carnem Christi, sanguinem animam, ut sit totus Christus. Hæsitandum dicit, utrum corpus Christi de altari sumtum in corpore nostro maneat usque in diem sepulturæ, an recipiatur invisibiliter in cælum, an quando venam incidimus, cum sanguine profluat, an cum cæteris, quæ in os intrant, in secessum labatur. Epistola ejus est in suo officiali libro, ad juvenem nescio quem Episcopum, scripta, quæ hoc continet. Ubi etiam de sputis & flegmatibus spurcissimè disputat, & cum sit tam fœditiæ mentis, putidæque doctrinæ, se spiritalem jactat, qui omnia judicet, & alios carnales & animales vocat. Calicem Domini vocat sepulcrum, Presbyterum Joseph ab Arimathia, Archi-Diaconum Nicodemum, tamquam sepultores Christi; Diaconos retro acclines Apostolos, se in Passione Domini velut contrahentes, & occultare volentes; Subdiaconos ad faciem erectos, mulieres libere adstantes. Aliam partem mysticæ orationis, qua Corpus Domini consecratur, Christo tribuit oranti in monte Oliveri; aliam in cruce pendenti, & post nescio quas fatuas divisiones, aliam morienti. Cum vero Presbyter inclinatur, hoc esse: *Et inclinato (b) capite tradidit spiritum.*

In anno legitima jejunia ad quatuor humores refert; quibus corpus vegetatur humanum, & pro his fieri asserit in eisdem jejuniis. Duas lectiones quarta feria ad Missam legi, propter duo sydera ipso die condita, ut paganis ejus verbis utar, Phœbum, & sororem ejus Phœbam. Nam & sanctum David semper in Domino fortem, & bellicosum, morè ethnico arfisse dicit in marte, quem dæmonem esse pessimum, inventorem tumultuum atque bellorum proclamatur etiam Poëta gentilis dicens: *Sevit toto Mars impius orbe.* In Evangelio majoris litanie, per panem intelligit fruges terræ: in pisce genita ex aquis: in ovo animalia, quæ ex utroque sexu gignuntur in terris: talemque fantasiam sensus sui, Evangelico præferens sensui, asserit, pro talium rerum conservatione tunc à fidelibus celebrari litanias. Nam & messes tunc in profectum sunt, inquit,

& pisces tunc veniunt, & pulli campos tundunt. Addit insuper & quasdam significationes monstruosas, & instar Antipodarum capite deorsum, pedibus sursum versis, ita ut in his præcedat res ipsa, & sequatur figura: cum è contrario umbræ legis, juxta Apostolum, res designent futurorum bonorum. Cum ab altari sumitur Evangelium, ipsum altare significat Jerusalem, unde Evangelium processit. Locus altaris, locum illum significat, ubi Jacob dormiens Angelos vidit. Romanus Pontifex, cum sabbato ante Palmas eleemosynam dat, mulierem significat, quæ Dominum unxit.

Jam de Sacerdotum & Ministrorum sacris vestibus, de vasis Divini ministerii, de cantorum tabulis, de signis æreis, de ipsis etiam indumentorum & calceamentorum fimbriis; coloribus & speciebus, de officiis quoque sacris, & psalmorum distributionibus, quam inepta & fatua, & omni risu digna confingit? quasi ei soli licuerit post Legem & Prophetas, post Evangelia & Apostolos, res typicas & mysticas in Ecclesia statuere, ita ut mysteriorum ejus prævaricator habeatur, qui usu & consuetudine simplici aliud quid celebrare præsumpserit. Dicit se in talium fantasiarum adinventionibus S. Augustini auctoritatem sequi, eo quod obscura quæque & ambigua tamdiu ille tractari jubeat atque versari, donec ad dilectionem Dei vel proximi intelligentia perducat: in quibus duobus mandatis tota lex pendet & Prophetæ. Nec considerat nimia novitatum cupiditate cæcatus, hæc illum de Sacrarum Scripturarum indagandis sensibus tradidisse, nempe libri, in quibus hæc loquitur, *de doctrina Christiana* titulantur, de sola in his Scripturæ Sacræ intelligentia regulæ traduntur; multa ibi de rebus, multa de signis differuntur; & tamen de hujusmodi significationibus, quas iste perquirat, nihil penitus dicitur: immo in libris ad Januarium, omnem Ecclesiasticarum observationum varietatem triplici genere distinguit; universas videlicet aut ex Scripturæ Sacræ auctoritate, aut ex generali Ecclesiæ traditione, aut ex diversorum locorum multiformi consuetudine eas asserens propagatas. Et

primas

primas quidem ostendit numero esse paucissimas, sed observatione facillimas, significatione præstantissimas: secundas quoque pari religione asserit venerandas: in tertiis vero nullam omnino significationem, nullum requirens mysterium, sincerissimam atque gravissimam beati Ambrosii sententiam sequitur, ac velut cæleste oraculum sequendam proponit, quam eidem respondit de talibus consulenti: *Ad quamcunque*, inquit, *Ecclesiam devenis, ejus morem serva, si non vis alteri esse scandalum, nec quemquam tibi.* In eisdem ad Januarium libris: quidquid humana auctoritate statuitur, ac veluti Sacramentum & mysterium tenetur, nullatenus approbandum, immò & indubiè asserit refecandum.

Quid igitur novellus iste præceptor de mysteriis suis faciet; qua ratione tot vanitatum suarum commenta defendet; Scripturæ Sanctæ auctoritas deest, Ecclesiæ in talibus generalis traditio & regula nulla est, doctrina Patrum repugnat, libellum *Romani ordinis* tantæ auctoritatis habet, ut eum pene ad verbum nitatur exponere; & tamen, statim sibi contrarius, asserit, hunc Romano Archidiacono, cujus traditionibus gloriatur, ignotum. Quod si scripturarum sensus ad suas fabulas trahit, & commenta erroris sui ex his fulcire conatur; quis hanc nesciat hæreticorum propriam esse insaniam, ut sua semper mendacia veritatis specie pallient, verentes juxta Isaiam, argentum in scoriā, & cælestis vigorem vini terrenæ fatuitatis aquæ miscentes? ignoscat mihi indigno & exiguo vestra paternitas, si rem necessariam fidei & salubrem Ecclesiæ devota supplicatione suggerero. Claudendus est plane juxta legis præceptum bos cornipeta, & os ejus sempiterni fræno silentii constringendum; imo quia jam aut virum aut mulierem fortassis invasit, id est, vel qui sibi fortis videretur, vel qui verè infirmus in fide est, scandalizavit, Divinarum sententiarum lapidibus obruendus, nec carnes ejus, id est, doctrina & sensus, ullatenus comedendæ. Nam quoties de his arguitur vel monetur, nequaquam, ut piorum moris est, libenter, & humiliter adquiescit; sed tunc jac-

tantius & insolentius cornua erigens multiplicat velaniam suam sic sentire clamans omnem Germaniam, sic totam Italianam, sic ipsam Romam: se fuisse Constantinopoli, se apud Histriam sive Lucaniam, & idcirco in talibus singularis auctoritatis existere. Nec ei sat est, quod ipse tantis implicatur erroribus atque fantasiis, nisi & totum pene orbem sui complicem infamet. Persistit namque sub multorum Pontificum ficta auctoritate, suum de Sacro-Sanctæ Eucharistiæ divisione ineptissimum, immò blasphemum confirmare sensum. Neque enim nos cujusquam morem Ecclesiæ reprehendimus, nec alteram alteri superbe præferimus, quas omnes in Christo constat vinculo pacis unitas, & Sancti Spiritus distributione distinctas; sed sensum profanum redarguimus; quem manifestissimè, & Scripturæ Sanctæ, & fidei Catholicæ, & unitati Ecclesiæ inimicissimum constat. Verè nulli unquam licuit corpus Christi dicere triforme vel tripartitum, quod Apostolus unum semper & unicum proclamat dicens: *Unus (c) panis, unum corpus, multi sumus.* Et iterum: *Multi unum (d) corpus sumus in Christo.* Et alibi: *Unum corpus (e) & unus Spiritus, sicut vocati estis in una spe vocationis vestræ.* Verè unus capitis Christi unum est omnium electorum corpus; uno Spiritu vegetatum, suo capiti inseparabiliter unitum, suorum membrorum indissolubili connexionione solidatum, atque compactum, sola gratiarum varietate distinctum nec mortalitate divisum, nec ipsa morte solvendum. Neque enim, quia talium figmentorum Doctor cum adhuc mortaliter vivit, pater autem forsitan mortuus, & pulveri redditus est, idcirco vel à Christo, si ejus membra meruerunt, vel à se invicem, quantum ad gratiam unitatis corporis Christi attinet, mortalitatis aut mortis obstaculo divisi sunt, quoniam conditio mortalitatis & mortis ad poenam pertinet prævaricationis antiquæ, non ad Spiritualis invocationis inestimabilem unitatem. Unitatem istam sola caritas compaginat, sola iniquitas dissecat, testante Apostolo: *Qui adhaeret (f) Domino, unus Spiritus est;* & Propheta è contrario inclamante: *Iniquitates*

(c) I. Corinth. X, 17.

(f) I. Corinth. VI, 17.

(d) Roman. XII, 5.

(e) Philipp. IV, 14.

tates (g) vestra dividerunt inter vos, & Deum vestrum.

Reprehendit Sanctus Augustinus Tichonium quod in libro regularum, unam de septem de corpore Domini bipartito nominaverit, mutatoque nomine inreligioso potius eam de corpore Domini vero atque simulato, vel de corpore Domini permixto asserit nuncupandam, ita Sanctus Pater edocuit esse nunc propter unam bonorum & malorum piscium captionem in Christi corpore permixtionem.

Divisionem vero repudiavit, quoniam indissolubilis Sacramenti unitas nullam penitus recipit sectionem. Quam misera autem anxietate ventilatur, & coarctatur, cum corpus Christi humanæ corruptionis sordibus inquinari formidat; & idcirco vel in cœlum recipi invisibiliter, vel in corporis nostri velut conditorio reponi mira vanitate delirat: addit quoque usque in diem sepulturæ, metuens videlicet, ne vel tunc, nisi nescio quo invisibili modo, à nobis discretum fuerit corporis Christi, nostri corporis conditione in pulverem dissolvatur. Quid autem honoris ei confert, si ex venæ incisione, mirum cur non, & narium fluxu simul fluere opinatur; an non videmus quibus & quam sordidis animalibus, sive locis fuscis pateat sanguis humanus? absint ab animo fideli de mysterio salutari, atque cœlesti tam inceptæ & sordidæ cogitationes. Prorsus panis ille Sacrosanctæ oblationis corpus est Christi, non materie vel specie visibili, sed virtute & potentia spirituali. Neque enim in agro nobis corpus Christi gignitur, aut in vinea sanguis ejus exoritur, vel torculari exprimitur. Simplex è frugibus panis conficitur, simplex è botris vinum liquatur, accedit ad hæc offerentis Ecclesiæ fides, accedit mysticæ precis consecratio, accedit Divinæ virtutis infusio, sicque miro & ineffabili modo, quod est naturaliter ex germine terreno panis, & vinum efficitur spiritualiter corpus Christi, id est, vitæ & salutis nostræ mysterium, in quo aliud oculis corporis, aliud fidei videmus obtentu, nec id tantum, quod ore percipimus, sed quod mente credimus, libamus. Unde & fideliter petimus, ut quod ore contingimus, pura mente

capiamus. Mentis ergo est cibus iste, non ventris; non corrumpitur, sed permanet in vitam æternam, quoniam pie sumentibus confert vitam æternam, pie autem sumit, qui Spiritu fidei illuminatus, in illo cibo & potu visibili, virtutem intelligibilis gratiæ esurit ac sitit: & minus indulgentiæ, & salutis spiritualiter percipit. ... nullatenus cogitanda vel metuenda est in hoc mysterio ulla pollutio. Christus enim Dei virtus, & Dei sapientia in eo sumitur; quæ sapientia ut scriptura testatur, candorem (b) lucis æternæ, & emendatio (i) quædam claritatis Dei sincera, & ideo nihil inquinatum in illam incurrit: attingit autem ubique suam munditiam. Corpus igitur Christi, ut prædictum est, non est in specie visibili, sed in virtute spirituali, nec inquinari potest fece corporea, quod & animarum, & corporum vitia mundare consuevit.

Obsecro Patres beatissimi, ut reminiscantur piissima corda vestra, & cum omni timore ac tremore cogitent, quanta exstiterit in antiquis Patribus cautela fidei, & cura veritatis, & quanto zelo perfidiæ semina & impietatis scandala extirpaverint, quatenus Ecclesia Christi Sponsa, Agni Sponsi ac Domini sui sanguine redempta & ornata sine macula inveniretur & ruga. Taceo Sabelium & Arium, qui in summæ ac individuae & coeternæ Trinitatis fide peccaverunt. Prætermitto Nestorium, & Euticem, quos in fide Incarnationis Unigeniti impia sensisse vulgatum est. Nec illos contingo, qui licet eandem fidem Trinitatis tenentes, schismate obstinationis spiritu ab Ecclesia recesserunt. Ad eos venio, quos in cultu, & celebratione Sacrorum Sanctorum, seu in superstitiosis quibusdam observantiis evanescentes, antiqua sinceritas foras misit. Sunt Catafriges funesta, & Manichæi spurca celebrantes mysteria, jure damnati. Habeantur etiam Adamitæ ob impudentiam jure ab Ecclesia pulsi; nudi enim viri, & feminae ad imitationem Adæ, mysteria exercebant, Ecclesiamque suam Paradisum vocabant, & tamen à superstitiosi cultus observantia, quantum differt superstitio nuditatis. Artonitæ, qui græco eloquio ex pane nuncupantur & caseo, merito judicentur

extra-

(g) Isaïæ LIX, 2.

(b) corrigo candor est

(i) corrigo emanatio

extranei, quoniam pro pane & vino Evangelico in mysteriis suis, velut Cain & Abel imitatores, panem & caseum offerebant. Aquarii quoque similiter, utpote aquam solum contra præceptum Evangelicum offerebant; & tamen pie considerandum, quod & hi, & illi ob hoc solummodo abjecti sunt, quia in mysterio Sacrificii contra Evangelicum, & Apostolicum constitutum, vel mutare quippiam vel addere, aut subtrahere præsumserunt. Hæc igitur in sacris rite improbata jure videntur esse punita, utpote quibus tantum mysterium impiè violatur. Oro, quid commeruerunt Euchitzæ græco vocabulo ab orando nuncupati? Quid Daëtilici à digito; quid Aschitzæ ab utre vocitati deliquerunt, ut Ecclesia excluderentur? Bona est oratio, & tamen primi ob nimium orationis excessum repulsi; bonum est & silentium, sed ob nimiam silentii superstitionem, ita ut digitum labiis opponerent, secundi abjecti sunt. Jam vero Askitzæ quid agebant, quam leve nunc, quam non curandum, quam etiam ludicrum putaretur? utrem inflatum, & opertum ebrii circumvenientes (i) se utres novos Evangelico vino repletos dicebant. Cavendum ergo Patres Beatissimi! & paterna vigilantia providendum, ne forte & nunc hostis antiquus, qui tamquam leo rugiens circuit, quærens quem devoret, qui magnum de modico sæpe malum excitat, & de scintillis constat incendia nova, per has novas fantasias in simplicium & ignorantium cordibus errorum semina nutriat. Curandum etiam, ne per earum imperitissimum actorem divina volumina violentur: confert enim ea assidue cum Hebræis; & quia nullam linguæ eorum, nullam litterarum familiaritatem habet, frequenter, ut audio, quæ sunt recta, pervertit. Nam & in hac parte tantam Patres adhibuere cautelam, ut Evangelia, quæ Beatus Hieronymus ab Esiuo, sive Luciano falsata esse commemorat, inter libros non recipiendos abjecerunt. Quanto enim magis istius emendatio debet esse suspecta, qui in tantis, ut res ipsæ demonstrant, præceptum calcat Scripturæ dicentis: *Ne transgrediaris (k) terminos antiquos, quos posuerunt Patres tui.*

Hæc sunt, ô Sanctissimi Patres, quæ pro timore Dei, pro honore Fidei, pro amore vestro, immò totius Ecclesiæ, mansuetudini vestræ credidi intimanda. Nunc precor indignus, & obsecro per Dominum nostrum JESUM Christum, qui dilexit Ecclesiam suam, & se ipsum credidit (l) pro ea, mundans eam lavacro aquæ in verbo, ut exhiberet ipse sibi gloriosam Ecclesiam non habentem maculam aut rugam, aut aliquid hujusmodi, ut inflammemini veritatis zelo, & una cum Sancto Concilio expugnetis errorem insulsißimum, neque de hac solum nostra, quæ prædæ & direptioni, & conculationi patet, sed & ex aliis Christi Ecclesiis hujus superstitionis pestilentiam exterminetis. Credite enim, Domini omni mihi veneratione dignissimi, quia nihil ita hæc misera & miserabilis plangit Ecclesia, sicut veritatis, quam non audit, dispendium & multiplicium errorum, quos tolerare compellitur, incrementum. Videtis, Sanctissimi, pro qua & adversus quem supplicem pro Ecclesia videlicet Christi, cui fidem & caritatem usque ad mortem debeo, adversus fabricatorem mendacii, & cultorem perverforum dogmatum, qui temporibus prudentissimorum Antistitum, temporibus religiosissimi Principis, contra veritatem Scripturarum, contra auctoritatem Ecclesiasticorum Patrum, contra omnem rationis ordinem, Ecclesiæ Dei vivi, quæ est columna, & firmamentum veritatis, ausu temerario, atque sacrilego, tanta errorum & superstitionum scandala inferre conatus est; quæ procul dubio habent initium truncum, & medium putridum, & finem ruinosum. Nam aut humiliter confitebitur errorem, ut possit dignam præbere satisfactionem, aut si insaniarum suarum commenta pertinaciter atque impudenter asserere maluerit, quod ei non expedit, nec optamus, habet præcedentium in talibus rebus, ut supra ostendimus, exempla, quorum exitus pertimescat.

Martene Tom. IX. veterum Monumentorum Collectionis. pag. 641.

Ex quo Mansi Supplement. Tom. I. p. 869. Et seqq. Et verosimiliter refert ad Concilii Patres in Theodoni Villa hoc anno congregatos.

CON-

(i) alijs circumcunctes

(k) Proverb. XXIX, 28.

(l) alijs tradidit.

CONVENTUS AQUISGRANENSIS.

Anno Christi DCCCXXXVI. Gregorii IV. Papæ X.
Ludovici Pii Imp. XXIII.

Summarium Actorum in hoc Concilio.

IN ipsis diebus, in quibus Purificatio Beatissimæ semper Virginis Mariæ celebratur, Conventus quidam magnus sed præcipuè Episcoporum Aquisgrani convenit, in quo quum de aliis utilitatibus Ecclesiæ necessariis, tum præcipuè de rebus quæstum est, quas Pippinus, & sui multis Ecclesiis abstulerunt. Ob quam rem Imperialis auctoritatis & communis consilii commonitorium ordinatur: quibus commoneretur Pippinus & sui, cum quanto periculo res Ecclesiasticas pervaserint. Quæ res prosperum

suscepit exitum. Nam Pippinus monita pii Patris, Sanctorumque virorum libenter suscipiens omnia in vas etiam per annuli sui impressionem obedenter restituit.

Vita Ludovici Pii ab Anonimo scripta, edente Pitheo pag. mibi 415.

Annales Regum Francorum referunt hunc Conventum ad annum 837. breviori Phras. & addunt:

Et omnia in vas etiam per annuli sui impressionem restitui jussit Pippinus Aquitaniæ Rex.

Quod Annales Bertiniani & Reuberiani referunt hunc Conventum ad annum 837. perperam faciunt, refelluntur enim ex Præfationibus, quas jam una cum actis expansis referemus.

Eckhartus Tomo II. rerum Francicarum Lib. 29. §. 46.

S. Agobardus prima vice citatus fuit ad Conventum in Theodonis Villa anno superiori 835. Secundò in Conventu Stremiacensi anni ejusdem, tertium hoc anno in Concilio Aquisgranensi, cum esset citatus, ab Ecclesiæ præfatu semotus est: ita Annales Fuldenfes à du Chesniq descripti; at mox restitutus.

Eckhartus ibidem.

CONCILIIUM AQUISGRANENSE

II. (a)

LUDOVICI PII AUGUSTI JUSSU,

ET EVOCATIONE,

AQUISGRANI IN SECRETARIO BASILICÆ SANCTÆ Mariæ,

QUOD LATERANIS DICITUR, CELEBRATUM VIII. IDUS

FEBRUARIAS, INDICTIONE XIV. ANNO CHRISTI

DCCCXXXVI. LUDOVICI EJUSDEM IMPE-

RATORIS XXIII.

TITULI CANONUM.

CAPUT I.

De Vita Episcoporum.

I. Ut Episcopatum nemo ambiat muneribus: & quales esse oporteat eos, qui ad Episcopatum assumuntur.

K

II. De

(a) Cur Harduinus hoc Concilium Aquisgranense secundum inscribat: nescio, non enim est secundum respectu civitatis Aquisgranensis, in qua multa Concilia celebrata fuere & sub Ludovico Pio, & sub Carolo Magno: nec est secundum respectu hujus anni 836., in quo bis fuit in hac civitate, nempe mensibus Februario & Decembri; nam Februario mense hoc Concilium actitatum fuit, non Decembri.

Tomus II. Concil. German.

- II. Ut Episcopus ministerio suo juxta Regulam Apostoli fungatur.
- III. Quod hospitalitas ubique sectanda sit Episcopo.
- IV. Ut Episcopus litigiosis non se immisceat contentionibus, nec irreligiosis locutionibus indulgeat.
- V. Ut nullus Episcoporum, Ministrorumque ipsorum, pro sacris Ministeriis quidquam exigere presumat.
- VI. Ut Episcopus ebrietati deditus, nisi se correxerit, deponatur.
- VII. Quod in Vita Sacerdotum pensandum sit qualiter quisque doceat.
- VIII. Quod cum doctrina Sacerdotis convenire ipsius vita debeat.
- IX. Quod actio Episcopi populi actionem transcendere debeat.
- X. Quod cavendum sit Episcopo, ne hominibus placere cupiat.
- XI. Ut Episcopi Congregationes Canoniconum Monachorumque sibi subiectas diligentius gubernent.
- XII. Ut Episcopi extra necessitatem remotiora loca relictis sedibus non frequentent.

CAPUT II.

De Doctrina Episcoporum.

- I. Quod Episcopus ante omnia rectam fidem scire, ac docere debeat.
- II. Quod veteris, novique Testamenti scripta nosse debeat.
- III. Quod spiritualem animarum medicinam ignorare non debeat.
- IV. Quod Evangelicam & Apostolicam Doctrinam, Canonisque cum Pastoralis Sancti Gregorii scire debeat.
- V. Quod Episcopum Sacra Legis meditationi intentum esse oporteat:
- VI. Quod nosse, qua personarum discretionem prædicandum sit.
- VII. Quomodo res Ecclesiasticas dispensare debeat.
- VIII. Ut semel in anno in cæna Domini Sancti Olei unctionem non negligat.
- IX. De Vespertinalibus in Vigilia Paschæ celebrandis.
- X. Ut Litania major more Romano celebretur.
- XI. Ut singuli Episcopi Ministros suos rectè instruant.
- XII. Ut, qui deinceps ab Imperatore defecerit, aut fidelitatem violaverit, si Clericus est, gradum amittat, si Laicus, anathematizetur.

De Vita, & Doctrina inferiorum Ordinum.

- I. De Abbatibus Canoniconum, ut Congregationes suas verbo atque exemplo regant, & Episcopis subditi sint.
- II. De Abbatibus Monachorum, ut gregis sibi commissi curam gerant, & de Monachis, ut secularibus negotiis non implicentur.
- III. Ut Monachi Episcopos, in quorum sunt Parochia, non parvipendant.
- IV. De Ministris Episcoporum, Chorepiscopis, Archi-Presbyteris, & Archi-Diacomis, ne avari constituentur.
- V. De officio Presbyterorum erga eos, qui ad ipsorum Ecclesias pertinent.
- VI. De quadruplici negligentia Presbyterorum, & ut, quæ Ecclesiis concessa sunt, à Presbyteris, vel ab Episcopi Ministris non diripiantur.
- VII. Ut Presbyteri, qui feminas domi vetitas habent, ab Episcopo corrigantur.
- VIII. Ut ab Episcopis coercantur Presbyteri, qui contra Canones aliquid indecenter agunt.
- IX. Ut Clerici ad majorem disciplinam revo-
- centur, stipendiisque amplioribus foveantur.
- X. De Clericis, qui ridiculo habentur, ut ad debitum statum reducantur, & laici congruum illis honorem impendant.
- XI. Ut cum Presbyteris nulla cohabitaret femina: qui contra fecit, gradum amittat.
- XII. Ut monasteria puellarum, in quibus disciplina est collapsa, per religiosos viros emendentur.
- XIII. Ut Prælatæ Monasteriorum sibi subditas probis moribus præcedant, & necessarium illis victum vestitumque suppedient.
- XIV. Ut Prælatæ provideant, ne in Monasteriis suis sint loca, in quibus Deus offendi possit.
- XV. Ut in omnibus congregationibus claustra & congrua habitacula fiant, atque ut singule secundum præscriptam sibi regulam vitam constituent.
- XVI. Ut unicuique Ecclesiæ, si fieri potest, suus imponatur Presbyter.

CAPUT III.

De Persona Regis, Filiorumque ejus, & Ministrorum.

- I. Quod Regis nomen ei, qui rectè Regis conveniat.
- II. Quod Imperator tuenda Ecclesiæ causæ sit constitutus.
- III. Quod Regale Ministerium sit populum Dei cum iustitia & pace regere.
- IV. Quibus verbis Regis officium à Job, & Salomone describatur.
- V. Ut Imperator filiis suis, & proceribus, dignitatem sacerdotalem notam faciat.
- VI. Ut moneat fideles suos, ne de Ecclesiasticis sinistras opiniones sine causa sumant.
- VII. Ut accusationes Episcoporum sine causa non admittantur, & ut secundum veritatem examinentur.
- VIII. De facultatibus Ecclesiæ per laicos non distrabendis, sed ab Episcopo dispensandis.
- IX. X. Ut in constituendis Pastoribus Ecclesiarum, & Rectioribus Monasteriorum curam adhibeat.
- XI. De Reipublicæ Ministris, & Adjutoribus Regis, quales eligendi sint.
- XII. Ut Regis Confessarii & Ministri pacem & concordiam inter se habeant.
- XIII. Ut filios suos in Dei timore diligenter erudiat.
- XIV. Quod in his Capitulis multa, quæ corrigi debent, contineantur.
- XV. Quod contra divinam auctoritatem Principes in causas Ecclesiasticas proficiant, & Sacerdotes secularibus negotiis se occuparent.
- XVI. De Episcopali libertate concedenda.
- XVII. Ut Ecclesiasticis Quadragesimæ tempus sub quiete agere liceat.
- XVIII. Ut placita, & nuptiæ diebus Dominicis non fiant.
- XIX. De Monasteriis, quæ propter Reipublicæ necessitatem secularibus dantur.
- XX. Ut laici Sacerdotes contemptui non habeant.
- XXI. Ut familiæ Ecclesiasticæ iniuste non graventur.
- XXII. Ut communicatio Corporis Domini omni die Dominicâ celebretur.
- XXIII. Ut Presbyteri aliarum Parochiarum sine Episcopi sui consensu in Palatio non recipiantur.
- XXIV. Ut Monachi in publicis locis sine causa discurrere prohibeantur.
- XXV. Ut raptos Viduarum aut Virginum investigentur, & Imperiali auctoritate castigentur.

P R Æ F A T I O.

IN Nomine Sanctæ Trinitatis. Cum conveniissimus Episcopi, quorum nomina subter adnectentur, Synodali evocatione convocante Gloriosissimo, & Orthodoxo Imperatore Ludovico, invictissimo Augusto, gratia inspirante Divinâ, Aquisgrani Palatii in Secretario (a) Basilicæ Sanctæ Genitricis Dei Mariæ, quod dicitur Lateranis, anno Incarnationis Domini nostri Jesu Christi DCCCXXXVI. Indictione XIV. anno verò Imperii prædicti Cæsaris XXIII. octavo scilicet Iduum Mensis Februarii, & ibi de statu Sanctæ Dei Ecclesiæ, admonente Serenissimo, atque totius Re-

K 2

ligionis devotissimo præfato Imperatore, tractare cæpiimus pari consensu: Primò visum est, normam universæ Religionis atque Ecclesiasticæ disciplinæ in duabus consistere personis, Pontificali videlicet, atque Imperiali: de qua re Gelasius (*) Romanæ Sedis Venerabilis Episcopus ad Anastasium scripserit ita Imperatorem: " Duo sunt, inquit, " Imperator Auguste, quibus principaliter " ter mundus hic regitur, auctoritas " scilicet sacrata Pontificum, & Regalis potestas. In quibus tanto gravius " est pondus Sacerdotum, quanto " etiam pro ipsis Regibus hominum in " Di-

(a) Secretarium & vestiarium loca sunt contigua Ecclesiis primi millenarii; vestiarium, vel Diaconia erat locus vestibus & vasis ad Sacrificium & Officium Divinum necessariis asservandis. Secretaria est locus pro libris necessariis ad liturgiam & pro consultationibus Episcopi cum Presbyteris, unde Synodi in Secretario habitæ leguntur. Vide Catalogum nostrum Bibliothecæ Metropolitanae pag. 117.

(*) Epistola 10. Famuli vestra.

" Divino reddituri sunt examine ratio-
nem." Unde etiam Fulgentius in Li-
bro (b) de Veritate Prædestinationis,
& gratiæ ita scribit: " Quantum perti-
net, inquit, ad hujus temporis vi-
tam, in Ecclesia nemo Pontifice po-
tior, & in Sæculo Christiano Impe-
ratore nemo celsior invenitur." Cum
hæc quippe ita se habeant. Primo, ô
Venerande Cæsar, omnipotenti Domi-
no, vestraque Benignissimæ Excellen-
tiæ exultantibus præcordiis immensas
referimus gratias, qui nos instinctu Di-
vino per devotissimum à se electum, at-
que constitutum admonitorem tam mi-
sericorditer, atque clementer admo-
nere dignatus est, juxta consuetudinem
Beatissimæ Memoræ Genitoris Vestri;
ut memores Ministerii nostri, divinitus
nobis, licet indignis collati, pro mo-
dulo possibilitatis, officio Sacerdotali
secundum omnipotentis Dei voluntatem
operam dare studeremus. Revolutis
igitur à vestra nobis benignissima devo-
tione collatis tribus Capitulis, id est,
ut ventilentur, sine quo Episcopi Epif-
copale Ministerium absque offensione
Divina ullo modo perficere non possunt;
aut quid unumquemque Episcoporum
scire oporteat, atque implere; nec
omnino ignorare absque periculo liceat;
vel etiam quid ad ornatum Sanctæ Dei
Ecclesiæ, & Ministerium Sacerdotale
pertineat, sine quo nec Sacerdotis vita
probabilis esse potest, nec competens
honor illi à ceteris devotè impendi;
quidque hoc, sine quo communis om-
nium salus ac salvatio esse non potest,
Sacerdotum videlicet, totiusque popu-
li, quibus persicilè succinctim ac debite
per singula respondere non possumus.
Sed quia juxta assertionem vestram pri-
mo reperimus temporum varietate, &
ordinum confusione perplura, quæ ad
Sanctæ Dei Ecclesiæ ornatum erigi de-

beant, quoquomodo neglectu elapsa:
quæcumque in nobis nostrisque in his
neglecta videntur officiis, omni devo-
tione, omnique exortatione, prout
omnipotens posse annuerit, erigenda,
atque, ut in perfectiorem statum ver-
tantur, omnino Divinâ suffragante gra-
tiâ operam dare desideramus. Vestram
siquidem nihilo minus supplici admoni-
tione, & affectu caritatis Eccellentiam
admonentes, si quæ sunt Ecclesiastici
juris vestra piissima gubernatione eri-
genda, ut per vos, vestrosque Chri-
stianæ religionis commilitones subleventur.
De cetero noverit Serenitas vestra,
(c) jam ut prædictum est, quæ in Ec-
clesiastico ordine confusæ videntur, ea
nos pro modulo uniuscujusque capaci-
tatis perquirere, & inspecta, quan-
tum ad nos pertinet, Domini opitulante
gratia restaurare cupimus, & ut fiat,
magno desiderio optamus. Perpicien-
tes ergo devotionem vestram Sanctam
& Deo, ut credimus, amabilem, non
mediocri laude magnificentiam Dei no-
stri magnificandam, eandemque devo-
tionem valde necessariam Sanctæ Dei
Ecclesiæ duximus. Atque benigno af-
fectu commissa consideranda suscepimus,
non aliquid novum quærentes, nec
contra veritatis Religionem quid statuen-
tes, sed statuta antiquorum Patrum in-
novantes, quæ per desidiam quorum-
dam labefactata visæ sunt in quocumque
ordine, ac propter inusitatum vel inve-
teratum usum oblivioni tradita, ut ad
pristinum, Domino adjuvante, gra-
dum relevantur, Capitulis strictim an-
nectendum censuimus. De duabus si-
quidem personis, quas principales in
hoc mundo esse non dubium est, (d)
Sacerdotalem, prout sub tanto temporis
spatio posse non denegat, nonnulla,
quæ ad hoc pertinere visæ sunt, sub bre-
vitate annexuimus.

CANONES.

CAPUT I.

DE VITA EPISCOPORUM.

L

INitium enim Episcopalis culminis videtur, quomodo quisque ad culmen
post Divinam Prædestinationem esse hujus honoris pervenerit. Ideoque Pla-
citum

(b) Lib. II.

(c) ut, fortè transpositum videtur.

(d) fortè Regalem & Sacerdotalem.

citum Conventui humilitatis nostræ, ut sicut sæpe auctoritate Divinarum Scripturarum, scilicet Beati Petri Apostoli in Simonem magum damnatione, nec non & Canonum Sanctiōne, sed & Beati Gregorii adhortatione sancitum, nullus Episcopale Ministerium per ambitionem munerum attentare præsumat, sed is ad Episcopale officium perveniat, si secundum Apostolum vivat, id est, (e) *Irreprehensibiliter, sobriè, prudenter, pudicè, ornate, cum hospitalitate, cum doctrina*, non vinolenter, non injuriosè, modestè, non litigiosè, non cupidè. Oportet etiam Pontificem propriæ domui esse bene præpositum, & testimonium habere bonum, ab his, qui foris sunt, ut doctrina Dei nostri exornetur in omnibus. Nos autem etiam adjuvantes, & ab his, qui intus sunt conversantes cum Episcopo, habere testimonium omnem Episcopum oportere.

II.

Post verò, ut Episcopus juxta Regulam à Beato Paulo Apostolo decretam Ministerium peragat Episcopale, & qui secus gesserit, canonum coerceatur auctoritate.

III.

Decernit etiam Apostolus hospitalitatem (f) esse sectandam ab Episcopo, quam in pluribus reperimus locis neglectam. Ideoque placet, ut deinceps in singulis civitatibus & Monasteriis, juxta modum rerum, hospitalitas ordinetur advenientium. Et placuit omnibus Episcopis, ut quocumque sit loco Episcopus, coram se aggreget pauperes semper ad refectiōnem.

IV.

Interdicit præterea Apostolica auctoritas litigium (g) omni Episcopo; quam & nos auctoritatem benigno amplectentes animo constituimus, ut nullus Episcoporum se litigiosis immisceat contentiōibus; sed neque irreligiosis vel indisciplinatis locutionibus tam in domibus, quam in forissecis conventiculis, omnino indulgeat.

V.

Cupiditatem porro, tamquam radicem omnium malorum (h) & Apo-

K 3

stolica damnat sententia, & ab omni ordine Ecclesiastico Canonica prorubatur interdictio, ita ut statuerit nullum Clericorum de qualibet re fenus accipere. Quorum (i) auctoritatem, & nos secuti decrevimus, immò illorum auctoritati assensum præbuimus: ut nullus Episcoporum, vel Ministrorum ipsorum, deinceps pro distributione Sacrorum Ordinum, pro dedicatione Sanctæ Ecclesiæ, seu pro acceptione Sacri Chrismatis, vel pro immutatione titulorum aliquid exigere præsumat, & qui fecerit, convictus Canonice subiaceat disciplinæ.

VI.

Sobrietatem verò, quam Apostolus Episcopo habendam docet, adeo nos eam nobis sectandam statuimus, ut nullus Sacerdotum ebrietatis depravatione se, aut ministerium suum vilescere faciat. Quo merito reprehensibilis videatur, quia legimus ebrietatem dedecus esse cuique Christiano sectari, quanto magis Sacerdotibus? Unde Apostolus inquit: nolite inebriari vino, (k) in quo est luxuria. Legitur & alibi, sic oportere Episcopum bibere, ut quasi non bibisse videatur. Quapropter deinceps quicumque hujus ordinis huic noxio vitio inferviens ebrietas fuerit, censuimus, ut secundum statutum Canonicum, quicumque ebrietati deservit, aut desinat, aut deponatur.

VII.

In ipsa autem vita Sacerdotum, pensandum est, qualiter quisque doceat, sicut ait egregius Doctor Beatus Gregorius: (l) ut rectè docens infirmitatem suam quotidie omni consideratione cognoscat; ne aut humilitas accessum fugiat, aut perventioni vita contradicat, aut vitam doctrina destituat, aut doctrinam præsumptio extollat. Prius ergo appetitum timor temperet, post autem Magisterium, quod suscipitur (m) vitam commendet; ac deinde necesse est, ut pastoralis vitæ bonum, quod vivendo ostenditur, etiam loquendo propagetur.

VIII.

Doctrina autem Sacerdotalis secundum cujusque qualitatem omnibus sufficiens

(e) I. Timoth. III. Ad Titum I.

(f) I. Timoth. VI.

(g) Ephes. V.

(f) I. Timoth. III.

(g) Ibidem.

(h) Concilium Nicænum Can. 17. Tomo I. nostro pag. 140.

(i) In Præfatione Lib. I. Pastoralis.

(m) fortè vita.

ficiens esse debet, modesta, prudens, discreta, honesta, atque utilis: nec minus Exemplum boni operis doctrinæ conveniens in Sacerdotibus esse debet, ut quod ore doctrina profert, vitæ meritum justæ operationis, verba Sacerdotis omnibus delectabilia faciat exequenda, vitamque probabilem commendet.

IX.

In libro pastoralis (n) Beatus Gregorius inquit: "Tantum debet actio-
nem populi transcendere actio præsu-
sulis, quantum distare solet à grege
vita pastoris. Oportet namque, ut
metiri se sollicitè studeat, quantâ
tenendæ rectitudinis necessitate con-
stringitur, sub ejus æstimatione po-
pulus grex vocatur. Sit ergo, ne-
cessè est, cogitatione mundus, ac-
tione præcipuus, discretus in silentio,
utilis in verbo, singulis compositio-
ne proximus, præ cunctis contempla-
tione suspensus, bene agentibus per
humilitatem socius, contra delin-
quentium vitia per zelum justitiæ ere-
ctus: interiorum curam in exteriorum
occupatione non minuens, ex-
teriorum providentiam interiorum so-
licitudine non relinquens.

X.

Ejusdem Papæ ex eodem libro: (o)
"Inter hæc necesse est, ut rector soler-
ter invigilet, ne hunc cupido placenti
hominibus pulset, ne cum studio
se interiora penetrat, cum providè
exteriora subministrat, se magis à
subditis diligi, quam veritatem quæ-

"rat: cum bonis actibus fultus à mun-
do videtur alienus, hunc auctori red-
dat extraneum amor suus.

XI.

Didicimus sane (p) nonnullos
Episcopos in gubernandis congregatio-
nibus sibi subiectis, canonicis videlicet,
& Monachis & Sanctimonialibus, hac-
tenus valde negligentes existisse, & ob
id multos in sui detractionem, & con-
temptum provocasse, ita ut nonnulli alii
Prælati in eorum Parochiis constituti eo-
rum prava Exempla secuti, suas simili-
ter congregationes neglexerint. Quos
& fraterno, & Synodali conventu ad-
monendos esse necessario duximus, ut
ab hac negligentia, deinceps se cohibe-
ant, & ceteris se imitabiles præbeant;
ne forte propter illorum incuriam, &
Divinæ servitutis contemptus, & peri-
cula promoveantur animarum, & au-
ribus Excellentiæ vestræ molestia inge-
ratur, & nostræ mediocritati in sacris
conventibus tædium & opprobrium in-
feratur.

XII.

Comperimus etiam (q) quosdam
focios ordinis nostri, non causâ neces-
sitaris aut utilitatis, sed potius avaritiæ,
& propriæ delectationis, sapissimè pro-
pria Civitatis suæ sede relicta, Clero-
que neglecto remotiora loca frequentare,
de qua re, & destitutio Divini cultus,
& prædicatio in plebibus, & cura sub-
jectorum postponitur, & hospitalitas
negligitur. Quod ne ulterius à quo-
quam sine inevitabili necessitate, & certâ
utilitate fiat, pari consensu inhibuimus.

CAPUT II.

DE DOCTRINA EPISCOPORUM.

Consultum etiam est in propositione
secundi Capituli, commissumque
ventilandum, quid unumquemque Epi-
scoporum scire oporteret, atque imple-
re, nec omnino ignorare absque periculo
liceret.

I.

Primò visum est in omnibus, unum-
quemque Pontificum scire oportere fi-
dem sinceram, ut à principio sumamus
exordium, omnium bonorum ponentes

fundamentum, id est, qualiter illum fi-
dem ac credulitatem Sanctæ Trinitatis in
unitate Deitatis sibi tenere, atque cre-
dere conveniat, ac ceteros perfectè in-
struere, qualiter & ipsi credendo salvi
fieri possint.

II.

Summos itaque Sacerdotes inexcusa-
biliter nosse oportet, ut ex veteris, no-
vique testamenti scriptis, quæ vera sunt,
salutique omnium proficua proferre do-
ceat.

(n) Lib. II. Cap. I.

(o) Ibidem,

(p) Lib. V. Cap. 176.

(q) Lib. V. Cap. 177.

et sciant, videlicet, quantum Divina gratia cœlitus aspirare cuique dignatur, quia neminem in hac incertitudine positum assequi omnia posse certum est, quousque illo perveniatur, ubi erit Deus omnia in omnibus.

III.

Nec minus medicinam spirituales, consiliūque salubre animarum Pastores populi scire oportet, uti Medicos spirituales, asserente Sanctissimo Pontifice Gregorio, atque dicente: Quia (r) artium ars est regimen animarum. Quis autem interiora vulnera occultiora esse nesciat vulneribus viscerum, & ideo metuendum est cordis se esse medicos profiteri Sacerdotes ministerii sui ignaros.

IV.

Convenit insuper Sacerdotali Ministerio scire formam Evangelicam, documenta Apostolica, Canonum instituta, normam Regulæ Pastoralis à Sanctissimo Pontifice Gregorio editæ: ne juxta eundem Sanctissimum virum ab imperitis, quod absit, pastorale Magisterium aliqua temeritate usurpetur, aut vilescat.

V.

Secd & hoc scire convenit, quantum Rector Sacræ Legis meditationibus esse debeat intentus, juxta quod in Libro (*) Pastoralis habetur; id est, quod omne bonum ritè à Rectore agitur, si supernæ formidinis & dilectionis spiritu afflatus, studiosè quotidie sacri eloquii præcepta meditetur; ut in eo vim solitudinis, & erga cœlestem vitam providæ circumspeditionis, quam humanæ conversationis usus indefinenter destruit, divinæ admonitionis verba restaurent; & qui ad vestustatem vitæ per societatem sæcularium ducitur, ad amorem semper spiritualis patriæ compunctionis aspiratione renovetur.

VI.

Sic denique ignorari non licet, quanta debet esse diversitas, atque discretio in arte prædicationis, prout in Libro pastoralis digestum habetur, ita inquit Sancto Gregorio; (s) " Ut enim ante nos longè reverendæ memoriæ Gregorius Nazianzenus edocuit, non una eadēque cunctis exhortatio congruit,

" quia nec cunctos par morum qualitas adstringit. Sæpè namque aliis officium, quæ aliis profunt. Ideoque rector scire debet discretionem personarum, quæ in eodem Libro à melius scire volentibus inveniri possunt.

VII.

Similiter scire convenit Præsulibus res Ecclesiasticas non ut proprias, sed à Domino sibi pro aliorum necessitatibus commissas, atque juxta Prosperi documentum, (t) nihil aliud esse res Ecclesiæ, quam vota fidelium, pretia peccatorum, & patrimonia pauperum. Idcirco summo opere est decertandum, ne aliquis Pontificum ea, quæ Ecclesiasticis tradita sunt ministeriis pro remissione peccatorum, aut aliis aptanda officiis, ut pauperibus eroganda, ne aliquis ea propria cupiditate, aut potentum terrore, parentumque procuratore ad alios usus retorqueat: ne fortè, quod aliis exstat remissio peccatorum, ipsis sit damnationis augmentum, sed potius solerti meditatione indigentibus eas, & Ecclesiasticis Ministeriis distribuatur, ne exinde à Domino velut inutilis dispensator damnetur; verum, quod beatius est, desiderabili voce laudetur juxta Evangelicæ Parabolæ exemplum: *Euge (u) serve bone, & fidelis, intra in gaudium Domini Dei tui.*

VIII.

Statutum etiam est, ut vel semel in anno, id est, in quinta feria, quæ est in Cœna Domini, unctio Sancti Olei, in quo Salvatio infirmorum creditur, per omnes civitates ab Episcopis non negligatur, sicut nunc usque neglecta est, sed omni devotione juxta traditionem Apostolicam, ac Statuta decretalium, in quo de eadem re præcipitur, peragatur.

IX.

Vespertinales quoque in vigilia Paschæ melius celebrandæ sunt propter lætitiā Resurrectionis Domini, quam dimittendæ.

X.

De Litanis quoque majore, (*) atque de rogationibus ventilatum est; sed communi consensu ab omnibus electum atque decretum juxta morem Romanum

(r) Lib. I. Pastor. Cap. II.

(*) Lib. II. Cap. XI.

(s) De vita contempl. Lib. I. Cap. III.

(t) Lib. VI. Cap. LXXIV.

(s) In Prologo Lib. III. Pastor.

(*) Matth. 25. 21.

manum VII. Kalendas Maji illam celebrationem, secundum consuetudinem nostræ Ecclesiæ, non omittendam.

XI.

Dignum etiam duximus, ut unusquisque Episcoporum studeat Ministros suos pro modulo possibilitatis bene instruere, ut si fortè contigerit, aliquem Episcoporum tardiloquentem esse, aut infirmitate aliqua impeditum, habeat tamen Ministrum doctum, qui ejus vice pabula Verbi Divini populo administrare possit; vel etiam si Episcopus de hac mortalitatis luce transierit, ut Ecclesia, si à Domino factum fuerit, doctore futuro non indigeat.

DE VITA & DOCTRINA INFERIORUM ORDINUM.

Quia verò de vita atque doctrina Episcoporum, quæ in posterum servanda, nec non tenenda, de pluribus perpauca Divinæ auctoritatis documentis prædiximus, necesse est etiam, ut de sequentibus ordinibus aliqua adjungamus.

I.

UT Abbates Canonici gregibus sibi commissis instanter invigilent, & geminam eis passionem impendant, id est, cibi & verbi, quatenus absque murmurationis vitio Domino servire valeant: simul etiam ut prædicti Abbates Ecclesiastica jure intemerata custodiant, videlicet ut cognoscant, cujus prænomine notentur in eo, quod Abbates vocati sunt, quod & intelligitur in typo Christi, nomen Spiritualis Patris. Ideoque semetipsos nomini quod accipiant, conforment, ut subditis, & Spiritualibus Filiis exemplum præeundo, & informando religiose exhibeant. Ideoque non convenit ministerio ipsorum aliqua turpia aut sæcularia vel etiam inania quæque sectari, quæ contra religionem esse noscuntur: sed potius Canonicè Religiosè, castè, sobriè atque piè & justè vita eorum omnibus sibi commissis æternæ felicitatis ducatum præbeat: & in quantum ipsi Abbates, Abbatumque subjeeti, Episcopis propriis pro se suisque omnibus rationem

XII.

Constat igitur, quia quicumque (x) potestati à Domino datæ resistit, juxta Apostoli documentum, Dei ordinationi resistit. Et ideo in commune statuimus, ut si quisquam Episcoporum, aut quilibet sequentis ordinis Ecclesiastici, deinceps timore, aut cupiditate, aut qualibet suasionè à Domino & orthodoxo Ludovico Imperatore defecerit, aut etiam Sacramentum fidelitatis illi promissum violaverit, & ejus contrariis malevolâ intentione quolibet modo se copulaverit, gradum proprium Canonicè, atque Synodali sententia amittat. Quod si quisquam laicus superius comprehensa facere tentaverit, sciat se ab universo gradu anathematizandum.

II.

Abbates verò Monachorum oportet pervigili studio gregis sibi commissi curam gerere, videlicet ut sine quibus esse non possunt, temporalia subsidia administrent, tantòque id studiosius decertent agere, quanto sciunt extèrius nihil contingere licere. Simul etiam Divinæ lectionis studio jugiter eos informant, ne aut temporali auxilio Divinum opus explere nequeant, aut torpentes otio in laqueum tentationis incidunt. Ipsos etiam Monachos passim, & quasi absque canonice auctoritatis jugo effrenatos per sæcularia negotia minime oportet discurrere, & villicis, atque sæcularibus curis inservire: sed secundum institutionem Canonicam, in quibus renuntiaverunt, contentos esse; & neque sæcularibus, neque Ecclesiasticis neque negotiis, nisi in causâ necessitatis, acceptâ tamen propriæ civitatis Episcopi licentia, interesse.

III.

Monachi interea non debent parvipendere pastores suos, in cujusque parochia consistentes, sicut aliqui faciunt.

IV.

(x) Rom. 13.

IV.

Episcopi ministros non sectantes avaritiam per parochias suas constituent. Comperimus, quorundam Episcoporum ministros, id est, Chorepiscopos, Archipresbyteros, & Archidiaconos, non solum in Presbyteris sed etiam in plebibus parochiæ suæ avaritiam potius exercere, quam utilitati Ecclesiasticæ dignitatis inservire, populique salutem consulere. Quam negligentiam, immo eorum execrabile ac damnable cupiditatis vitium omnes in commune deinceps vitandum statuimus. Permissenda porrò, & vigilanter cavenda est sacerdotibus Domini Heli (y) Sacerdotis ruina, qui filios suos indignè agentes, Deumque pravis suis actibus ad iracundiam provocantes, sacrificiòque Domini injuriam irrogantes, quia verbis tantum, & non verberibus corripuit, eis Divina justaque ultione ruentibus ruit. At si forte, quod absit, ullus Episcoporum deinceps sectatores avaritiæ ministros in parochia sua constituerit, & eorum cognitam pravitatem auctoritate pastoralis acriter ferire detestaverit; exemplum negligentis Heli Sacerdotis imitari se cognoscat, & Synodali correptioni modis omnibus subijciendum. Nam & in consensu communi statuimus, ut unusquisque Episcoporum super Archidiaconos suos deinceps vigilantiorum curam adhibeat, quoniam propter eorum avaritiam, & morum improbitatem multi scandalizantur, ministerium Sacerdotale vituperatur, & in Ecclesiis à sacerdotibus multa propter eos negliguntur.

V.

Presbyterorum verò, qui præsunt Ecclesiæ Christi, & in confessione Divini corporis, & sanguinis consortes cum Episcopis sunt, ministerium esse videtur, ut in doctrina præsint populis, & in officio prædicandi, nec in aliquo desides inventi appareant. Item ut de omnibus hominibus, qui ad eorum Ecclesiam pertinent, per omnia curam gerant, scientes se pro certo reddituros rationem pro ipsis in die iudicii, quia co-operatores oneris nostri esse procul dubio noscuntur. Quapropter ab ortu na-

L

tivitatis cujusque ad se pertinentis prædictam curam habeat, ne aliquis eorum absque renatione Sacri Baptismatis moriatur. Post acceptum autem Sacrum Baptisma, sine manus impositione Episcopi non remaneat, ac deinde imbuetur scire orationem Dominicam, atque symbolum. Postea verò, qualiter vivere debeat, doceatur; si forte vitiosus vel criminosus apparuerit, qualiter corrigatur, provideat; si autem infirmitate depressus fuerit, ne confessione atque oratione sacerdotali, nec non unctione Sacrificati olei per ejus negligentiam careat. Denique si finem urgentem perspexerit, commendet animam Christianam Domino Deo suo sacerdotali cum acceptione Sacræ Communionis, corpusque sepulturæ, non ut mos est gentium, sed sicut Christianorum.

VI.

De Presbyteris, (z) & eorum Ecclesiis, unde multa negliguntur, & scandala generantur, in nostra discussione quatuor nobis pericula apparuerunt. Primò, quia nonnulli eorum, ab ipsis sacerdotibus quadam securitate accepta, nec ea, quæ ad cultum divinum pertinent, faciunt, neque in restauratione & luminaribus Ecclesiæ studium habent, nec etiam senioribus suis debitam reverentiam exhibent, & insuper Ecclesias suas exspoliant, & in prædola sua propria transferunt. Quæ omnia ad negligentiam eorum pertinere deprehendimus. Ob id verò quadam occasione accepta seniores eorum permoti in tantam audaciam prorumpunt, ut eos, etiam illicitè, & inhonestè, atque irreverenter tractare præsumant. Unde summopere omnibus modis ab hinc providendum judicavimus, ut ea, quæ à Domino Imperatore, consensu Episcoporum, ob honorem & amorem Dei Ecclesiis concessa sunt, non in avaritiam presbyterorum, aut in rapacitatem Episcopaliū Ministrorum, sed in utilitatem Ecclesiæ, & in usus Clericorum, & pauperum deveniant.

VII.

Illud (a) quoque non minùs periculofum esse didicimus, quod in quorundam

[y] I. Reg. II.

[z] Lib. V. Cap. 171.

[a] Lib. V. Cap. 172.

rumdam Episcoporum Parochiis quosdam Presbyteros contra interdicta Sanctorum Canonum, feminas in domibus suis non solum habitare, sed etiam ministrare sibi faciunt, quas & laqueum Sacerdotibus persape existisse, & multos hac occasione in scandalum, & in detractiōnem corruisse, cognovimus. Quæ transgressio & tempore Genitoris vestri, & vestro, in Conventibus Episcoporum secundum auctoritatem Canonicam prohibita, sed necdum ad correctionem plenè est perducta. Unde in commune censuimus, ut hi, qui tantæ transgressionis incorrectores hactenus extiterint, si ab hinc hujus rei correctores esse neglexerint, juxta Apostoli sententiam, quasi (b) consentientes malorum coerceantur.

VIII.

Similiter (c) de illis Presbyteris, qui contra Statuta Canonum villici fiunt, tabernas ingrediuntur, turpia lucra sectantur; & diversissimis modis usuris interviunt. Et aliorum domus inhonestè & impudicè frequentant, & comestationibus, & ebrietatibus deservire non erubescunt, & per diversos mercatus indiscrètè discunt, observandum judicavimus, ut ab hinc districtè, severitèrque coerceantur, ne per eorum illicitam, & indecentem actionem, & ministerium sacerdotale vituperetur, & quibus debuerant esse in eorum exemplum, deveniant in scandalum.

IX.

Necessarium etiam in quibusdam reperimus Ecclesiis, ut Clericorum ordo majori adstringatur disciplina & custodia, ampliorique foveatur stipendiorum copia, ut occasione temporalium subsidiorum sanctarum non depereat restitutio rerum.

X.

De eorundem Presbyterorum vita, quæ ut vos verè fatemini, ridicula habetur, quantum nobis posse est, curabimus, ut minus perfecti eorum actus ad debitum revocentur statum. Vestrum autem erit præcipere laicis, ut ipsi congruum eis, & debitum impendant honorem, & in eos, qui contra eos peperam gesserunt, congrua procedat castigatio, quatenus & illi corrigantur, & reliqui terreantur.

(b) Rom. I.

(c) Lib. V, Cap. 173.

XI.

Decernimus etiam, ut Presbyteris nulla omnino cohabitaret feminarum, continentem autem hanc constitutionem periculum proprii sustinere gradus.

XII.

Illud namque necessarium visum est de Monasteriis puellarum, quæ in quibusdam locis lupanaria potius videntur esse, quàm Monasteria propter negligentiam stipendiorum, aut certe insolentiam Prælatorum, unde postulandum est, ut religiosi viri ad hoc dirigantur, ut talia inquirent, & secundum religionem Deo placabilem emendare studeant, sicut superius de Clericis decrevimus.

XIII.

Admonendæ etiam sunt Prælatæ Monasteriorum, ut subditas moribus probis atque exemplis præcedant, & de necessariis subditarum victualibus ad proprios usus subditis subtrahere non præsumant, ne & illæ inde, occasione videlicet minorationis victus, atque vestimentorum in laqueum incidunt diaboli. Sed deinceps illæ ovibus Christi præferendæ sunt, quas contagio vitiorum non coinquinet, sed religionis devotio commendet. Nam illud perspicuum est, quæ necdum noverant esse filiarum in disciplina religionis, nec in se se religionis normam habentes, matres religiosarum fieri non posse.

XIV.

Admonendæ Prælatæ sunt, ut prævideant, ne in ipsis Monasteriis multimodi sint anguli, vel talia loca, quæ sint tenebrosa, aut certè visui Prælatorum occulta, in quibus Deus pro sceleribus inibi commissis ad iracundiam provocetur.

XV.

In custodiis vero congregationum tam Canonicorum, quamque Monachorum nec non Sanctimonialium summo pere studendum censuimus, ut in omnibus locis claustra eis prævideantur religioni eorum congruentia, sed & habitacula domorum, in quibus religio Deum sequi volentibus perfici, atque augeri possit potius, quàm vitia nutriri. Hoc tamen, ut non negligatur, à Prælatibus congregationum Missis Dominicis committatur,

tur. Modus autem erga ipsarum congregationum disciplinam hic esse debet, id est, ut Canonici, secundum id, quod continetur in libro, qui de eorum vita (d) collectus, religiosè converſentur. Monachi verò secundum traditam (e) à Beato Benedicto regulam unanimiter, quantumcumque posse est, cujusque religionis regularem vitam in omnibus ſequentur. Sanctimonialia denique secundum id, quod earumdem sexûs fragilitati convenit, religioni cum omni diligentia subdantur.

Hæc nos fideles, & devotissimi famuli & oratores vestri, juxta parvitatem ſensus nostri, prout brevitatis temporis permittit, secundum sanctam ordinationem vestram, de his, quæ ad nostram, & Conſacerdotum, ſubjectorûmque noſtrorum correptionem & emendationem pertinere perſpeximus, pauca de multis Sanctarum Scripturarum excerptes exempla, licet perplura inibi ad hæc pertinentia non ignorentur: quæ si per ſingula adnotarentur, nec etiam anni volutionem ad hoc poſſe credimus ſufficere, ideoque, ut diximus, pauca ſuccinctè, ordinatimque, ut videtur, adnotavimus.

C A P U T III.

DE PERSONA REGIS, FILIORUMQUE EJUS, ET MINISTRORUM.

Tertium quoque Capitulum duobus ſuperioribus Capitulis ex parte convenire videtur, in vita ſcilicet, atque doctrina Sacerdotum; in quibusdam verò, pariter cum Sacerdotibus Principes, & omnem populum Chriſtianorum tangere non dubitatur, ſed & in utroque ordine partim deſeciſſe. In Sacerdotibus enim deſecit. Auctoritate ſacerdotalis ordinis labente, quantum in ipſorum ſtudio aliquid minus fuit, quam conveniret; In principibus, ſcilicet in illis, quos vos benevola intentione enutrire ſtudiſtis, atque ſublimâſtis, non permanente dilectione, ſed abundante iniquitate, & reſreſcente multorum caritate. Sed nunc quia de his, quæ præmiſſa ſunt, vestro ardentissimo deſiderio prius

L 2

XVI.

Communi conſenſu inſuper cenſuimus, ubicumque poſſibile fuerit, unicuique Eccleſiæ ſuus provideatur ab Episcopis Presbyter, ut per ſe eam tenere poſſit, aut etiam priori Presbytero ſubjugatus Miniſterium Sacerdotale perficere poſſit. Quia in multis locis pericula Presbyterorum imminetia perſpeximus. Videlicet in officiis Divinis, quamquam Miſſarum celebrationes per omnes Eccleſias ſibi commiſſas agere poſſent, cetera officia, quæ ad Divinum cultum pertinent, propter impoſſibilitatem & multitudinem Eccleſiarum, quodammodo neglecta elapſa, ſimiliter & providentiæ in baptiſmate inſirmorum, & in confeſſione quærentium, atque in communione periclitantium, perplura remanſiſſe. Ideoque congruentius, ut ſupradictum eſt, omnibus videtur, cuique congruere Eccleſiæ proprium habere Presbyterum.

His itaque ſic ſe habentibus, nunc quia communium ſalutem perſpiciendam atque conſiderandam dignum duximus, petimus inſuper jam, quia labor ad ea, quæ propoſita ſunt inquirenda, additus eſt, ut non in tædium auditui vertatur, ſed potiùs ad audiendum aures accommodentur, ſupplici devotione rogamus.

ſatiſfacere ſtudiſmus; illud tamen, quod ad vestrâ ſpecialiter perſonam, miniſteriumque pertinere cognoviſmus, nullatenus oblivioni tradidimus, ſed potiùs vestræ ſaluti proſpicientes, nonnulla Capitula neceſſaria fideliter collegimus, & vobis familiariter admonitionis gratiâ, devotèque porrigenda devovimus. Similiter quædam ad filios vestrâs pertinentia, quædam vero ad commilitones vestrâs non minus pertinentia. Nec prætereundum dignum judicaviſmus, ut apertè, atque diſtinctè inſpiciendo, legendo, & audiendo, vestrâ cognoscere poſſit ſolertia, filiorumque vestrârum, ac ceterorum omnium induſtria, de quibus, & pro quibus convenienter humilitati noſtræ ſecundum virium poſſibilitatem noſtrârum

(d) Anno 816. Tomo I. noſtro pag. 430.

Tomo II. Concil. German.

(e) Anno 817. Tomo hoc noſtro pag. 1. & ſeqq.

strarum fideliter tractavimus pro comuni omnium perpetua salute.

I.

UT quid Rex dictus sit, Isidorus (f) in libro Sententiarum scribit: Rex enim, inquit, à Regendo vocatur. " Si enim piè, & iustè, & misericorditer regit, merito Rex appellatur: " Si his caruerit, non Rex, sed tyrannus est. Antiqui autem, ut idem Isidorus libro *etymologiarum* scribit: omnes Reges tyrannos vocabant, sed postea piè, & iustè, & misericorditer regentes Regis nomen sunt adepti, impiè verò, injustè, crudeliterque principantibus non Regis, sed tyrannicum aptatum est nomen. Unde & Beatus Gregorius ait in *Moralibus*: " Viros namque Sanctos proinde vocari Reges in Sacris eloquiis didicimus, eo, quod rectè agant, sensusque proprios bene regant, & motus resistentes sibi rationabili discretione componant. Rectè igitur illi vocantur Reges, qui tam semetipsos, quamque subiectos benè regendo, pacificare noverunt.

II.

Ad quid etiam constitutus sit Imperator, Fulgentius in libro de veritate Prædestinationis, & Gratiae scribit: " Clementissimus quoque Imperator non ideo est misericordiae vas præparatum in gloriam, quia apicem terreni principatus accepit. Sed si in imperiali culmine rectà fide vivat, & vera cordis humilitate præditus culmen Regiae dignitatis Sanctae Religioni subiciat, si magis in timore servire Deo, quam in tumore dominari populo delectetur; si in eo lenitas iracundiam mitigat; ornet benignitas potestatem; si se magis diligendum, quam metuendum cunctis exhibeat: si subiectis salubriter consulat, si iustitiam sic teneat, ut misericordiam non relinquat: si præ omnibus ita se Sanctae Matris Ecclesiae Catholicae meminerit filium, ut ejus paci, atque tranquillitati per universum mundum prodesse suum faciat principatum. Magis enim Christianum regitur, ac propagatur imperium, dum Ecclesiastico statui per omnem terram consulitur, quam cum in parte quacumque terrarum

pro temporali securitate pugnatur. " Unde & Isidorus dicit: Principes namque saeculi nonnunquam intra Ecclesiam potestatis adeptæ culmina teneant, ut per eandem potestatem disciplinam Ecclesiasticam muniant. Ceterum intra Ecclesiam potestates necessariae non essent, nisi ut quod non praevaleret sacerdos efficere per doctrinae sermonem; potestas hoc imperet per disciplinae terrorem. Sæpe per regnum terrenum coeleste regnum proficit: ut qui intra Ecclesiam positi contra fidem & disciplinam Ecclesiae agunt, rigore Principum conterantur: ipsamque disciplinam, quam Ecclesiae utilitas exercere non praevaleret, cervicibus superborum potestas principalis imponat. Salomon in proverbiiis: *Misericordia* (g) & *veritas custodiunt Regem*, & *roborat clementia thronum ejus*.

III.

Regale namque ministerium specialiter est, populum Dei gubernare, & regere cum æquitate, & iustitia, & ut pacem & concordiam habeant, studere. Ipse enim debet primo esse defensor Ecclesiarum, & fervorum Dei, viduarum; orphanorum, ceterorumque pauperum, nec non & omnium indigentium. Ipsi enim debet terror, & studium hujusmodi, in quantum possibile est, esse debet. Primò ut nulla injustitia fiat, deinde si evenerit, ut nullo modo eam subsistere permittat; nec spem delitescendi, siue audaciam male agendi cuiquam relinquat: sed sciant omnes, quoniam, si ad ipsius notitiam pervenerit quidpiam mali, quod admiserint, nequaquam incorrectum aut inultum remanebit, sed juxta facti qualitatem erit & modus iustae correctionis. Unde oportet, ut ipse, qui iudex est, iudicium causamque pauperum ad se ingredi faciat, & diligenter inquireat, ne fortè illi, qui ab eo constituti sunt, & vicem ejus agere debent in populo, injustè, aut negligenter pauperes oppressiones pati permittant. Scire autem unumquemque, cujuslibet sit ordinis, oportet, quia si de otioso sermone Deo rationem redditurus est, multò magis de ministerio divinitus sibi commissio.

IV.

(f) Isidorus Lib. III, Sentent. Cap. 48.

(g) Prov. 20:

IV.

De Ministerio autem Regis ita Job (b) loquitur : Cumque sederem quasi Rex, circumstante exercitu, eram tamen mentium consolator. Auris audiens beatificabat me, & oculus videns testimonium reddebat mihi, quod liberalissem pauperem vociferantem, & pupillum, cui non esset adiutor. Benedictio perituri super me veniebat, & cor viduæ consolatus sum; iustitia indutus sum, & vestivi me sicut vestimento & diademate iudicio meo, oculus fui ceco, & pes claudō. Pater eram pauperum, & causam, quam nesciebam, diligentissime investigabam. Conterebam molas iniqui, & de dentibus illius aufereram prædam. Salomon: Rex, (i) qui sedet in solio iudicii, dissipat omne malum intuitu suo. Item ibi in libro Sapientiæ: Diligite (k) iustitiam, qui iudicatis terram, sentite de Domino in bonitate, & in simplicitate cordis quaerite illum. Item ibi: Audite (l) ergo Reges, & intelligite, discite iudices, finium terræ: præbete aures vos, qui continetis multitudines, & placetis vobis in turbis nationum, quoniam data est vobis à Domino potestas, & virtus ab Altissimo, qui interrogabit opera vestra, & cogitationes scrutabitur: quoniam cum essetis Ministri ejus, non rectè iudicastis, neque custodistis legem iustitiæ, neque secundum voluntatem Dei ambulastis. Horrende, & cito apparet vobis, quoniam iudicium durissimum in his, qui præsumunt, fiet. Exiguo enim conceditur misericordia; Potentes autem potenter tormenta patientur. Non enim subtrahit personam cuiusquam Dominus, nec reverebitur cuiusquam magnitudinem, quoniam pusillum & magnum ipse fecit, & æqualiter pro omnibus cura est illi.

Exstant & alia innumera Sacrarum Scripturarum testimonia Regio nomini, & officio convenientia; super quibus colligendis vestra sancta devotio idcirco magnum nobis ademit laborem, eo quod Divina gratia adeo tot virtutum prærogativis vestrum repleverit animum, & exornaverit dignitatem, ut non sit necesse Sacerdotibus Domini, copiosioribus exemplis qualibet exaggeratione vestrum animum onerare. Quare Deo omnipotenti gratias uberrimas ac multiplices referimus, qui ita vos religione, sancta devotione, benigna humilitate,

L 3

amore iustitiæ, operibus misericordiæ, ceterarumque sanctarum virtutum perfectione sua gratuita pietate ditavit, ut merito ab omnibus amandi & imitandi sitis.

V.

Petimus humiliter (m) vestram Excellentiam, ut per vos filii, & proceres vestri, nomen, potestatem, vigorem, & diligentiam sacerdotalem cognoscant, quod ex verbis Domini facile intelligere possunt, quibus beato Petro, cuius vicem indigni gerimus, ait: Quaecumque (n) ligaveris super terram, erunt ligata in celo. Et alibi discipulis generaliter dicit: Accipite (o) Spiritum Sanctum; quorum remiseritis peccata, remittuntur eis, & quorum retinueritis, retenta sunt. Illud etiam ad exemplum reducendum est, quod in Ecclesiastica historia Constantinus Imperator (p) Episcopis ait: "Deus, inquit, constituit vos sacerdotes, & potestatem vobis dedit de nobis quoque iudicandi; & idem nos rectè à vobis iudicamur; vos autem non potestis ab hominibus iudicari. Propter quod Dei solius inter vos expectate iudicium: & vestra iurgia, quaecumque sunt, ad illud Divinum reserventur examen. Vos enim nobis à Deo dati estis Dii, & convenientis non est, ut homo iudicet Deos; sed solus, de quo scriptum est; Deus stetit (q) in Synagoga Deorum, in medio autem Deos discernit. Sed & hoc illis ad memoriam reducendum est, qualiter beatus Prosper, in libro, quem de contemplativa, (r) & actuali vita scripsit; laudem sacerdotum comprehenderit: Ipsis enim, inquit, Sacerdotibus propriè animarum curandarum sollicitudo commissa est, qui pondus populi sibi commissi viriliter sustinentes, pro peccatis omnium, veluti pro suis, infatigabiliter supplicant Deo, ac velut quidem Aaron incensum contriti cordis, & humiliati Spiritus offerentes, quo placatur Deus, & avertunt iram futuræ animadversionis à populo, qui per Dei gratiam fiunt Divinæ voluntatis indices, Ecclesiarum Christi post Apostolos fundatores, fideles populi Duces,

(b) Job. 29.

(l) Sap. 6. & seqq.

(o) Joannis 20.

(r) Lib. 2. Cap. 2.

(i) Prov. 20.

(m) Lib. 3. Concil. Paris. Cap. 8. & 9.

(p) Rufin. Lib. 10. Cap. 2.

(k) Sap. 1.

(n) Matth. 16.

(q) Psalm. 81.

"Duces, veritatis assertores, pravæ doctrinæ hostes, omnibus bonis amabiles, & male sibi confcis etiam ipso visu terribiles, vindices oppressorum, Patres in fide Catholica regeneratorum, prædicatores cælestium præmiorum, exempla bonorum operum, documenta virtutum, & forma fidelium." Ipsi sunt Ecclesiæ decus, quibus amplius fulget Ecclesia. Ipsi columnæ firmissimæ, quibus in Christo fundatis innititur omnis multitudo credentium. Ipsi januæ Civitatis æternæ, per quas omnes, qui credunt, ingrediuntur ad Christum. Ipsi janitores, quibus claves datæ sunt regni Cælorum. Ipsi etiam dispensatores Regiæ domûs, quorum arbitrio in aula Regis æterni dividuntur gradus & officia singulorum. Licet enim Sanctis præcedentibus Sacerdotibus vita, & meritis longè inferiores simus, idem tamen Sacrum Ministerium, quod indigni suscepimus, non minoris auctoritatis & dignitatis existit. Et quamquam Ministerio tanto indigni sumus, propter illum tamen, cujus Ministerium gerimus, in nobis non est contemnendum.

VI.

Illud etiam specialiter necessarium (r) vestræ suggerere pietati duximus, ut fideles vestri per vos admoneantur, & instruantur, quatenus, quando aliquid nobis vestra Celsitudo de nostrâ correctione, vel vestra, nec non illorum salutem tractandum committit, ut non per inanem & falsam suspensionem contra nos scandalum sumant, & sine causâ in nos detrahendo Deum offendant, unde sibi salutem sperare, & acquirere debuerant, culpam incurrant. Quia nos nihil aliud querere, aut tractare desideramus, nec nostri officii est, ut faciamus, nisi, quod ad nostrum debitum Ministerium, & ad illorum salutem pertinet. Et ideo non debemus ante tempus per suspensionem judicari, sed patienter expectari, donec ipsa veritas manifestum faciat, utrum magis audiendi, an improbandi simus: nos enim, si forte evenerit, ut aliquid finistræ opinionis de nobis fama sparserit, Deo nobis opem ferente, æquanimiter tolerare & possumus & debemus. Ipsi verò culpa immunes esse non possunt, dum patrum & fratrum

intentionem sine causâ reprehendere non metunt. Quoniam hoc summo opere laborandum est nobis, & vobis, ut semper inter pastores Ecclesiarum, & gregem Christi pax & concordia unitasque servetur. Nisi enim caritatem, & concordiam invicem habuerint, Deum sicut oportet, propitium habere non merentur. Quapropter sicut præmissum est, cum Deo inspirante vestra pietas de Ecclesiasticâ & communi utilitate aliquid nobis tractare præcipit, non est nobis fas mentiri; quia aliquando veritatem sine gravi periculo ad tempus retinere, numquam tamen interrogati de ipsâ veritate sine gravi discrimine possumus mentiri. Sed quia veritas sæpe odium generat, & sermo Dei adversarius à Domino nostris carnalibus voluptatibus describitur: tamen ei in via, id est, in præsentī vita consentiendum est. Sic etiam erga nos agendum est, ut quotiescunque interrogati veritatem proferimus, quamquam nonnulli infirmi sine causâ scandalizentur, nobis tamen consentiendum est propter ipsam veritatem. Nam sæpe, quando vobis suggerimus, ut fideles quique res Ecclesiarum piè, & cum reverentia & timore Dei tractent, & cognoscant, illas Deo esse dicatas; quatenus sic habeant de illis temporalem profectum, ut non propter ignorantiam, & negligentiam æternum patiantur detrimentum: suspicantur nonnulli, quod nos causâ cupiditatis potiùs hoc admoneamus, quam causâ salutis: cum nos veraciter nullis rebus sibi collatis optemus eos exspoliari, sed magis eorum communi salutem consilium præbere: quia non rerum, ut multi arbitrantur, ambitione, sed animarum potiùs delectamur salvatione.

VII.

Didicimus sane nonnullos Episcoporum à quibusdam personis clam temeraria detractione accusatos atque detractos; sine approbatione tamen, in causis reprehensibilibus, quæ Pontificatus ordini non congruere visæ sunt, si approbatæ fuerint. Idcirco obnixè precamur, ut, si aliquis deinceps accusator annisus fuerit aliquem excessum in Episcopali ordine ritè reprehendere, & ad aures Imperiales perducere, ut non facile per cujuscumque personam officium

tanti

tanti ministerii in aliquo vilescere videatur. Accusator itaque, uti, sicut hactenus, delitescendo se subtrahere locum non habeat, sed neque accusatus: hujus rei veritas Synodali Conventui pateat: ibidemque omni occasione remota utrumque examinatio secundum veritatem examinetur: ut quod quisque meretur, accusatus videlicet, sive accusator pro merito canonicae disciplinae subjaceat, ne forte quisquam Sacerdotum se reprehensibilem exhibere audeat, aut etiam quisque leviter, inaniterque propriae intemperantiae assensum praebens, tanti ordinis viros sine causa atque probatione vituperare praesumat. Licet enim Sacerdotes moderno tempore, propter imminentes perturbationes in multis sint negligentes, non sunt tamen vituperandi, nec despiciendi; sed propter illum, cujus ministerium gerunt, audiendi & congruo honore venerandi. Post Apostolos enim ad ipsos haec Domini sententia dirigitur: *Qui (r) vos audit, me audit; qui vos spernit, me spernit.* Quapropter attendendum est, quod Sacerdotum Christi sperio ad injuriam Christi pertinet, cujus vicem & ministerium gerunt.

VIII.

De conservandis rebus, quae à fidelibus conferuntur, in Canonibus Nicæni Concilii ita roboratum esse constat. *Quae (u) sunt Ecclesiae sub omni solitudine & conscientia bona, & fide, quae in Deum est, qui euncta confiderat, judicaturque, servantur, quae etiam dispensanda sunt iudicio, & potestate Pontificis, cui commissus est populus, & animae, quae intra Ecclesiam congregantur. Item in Decretalibus Patrum SIMMACHI: (x) Synodali igitur Conventu provida sententia modis omnibus enervari placuit, & in irritum deduci, ne in exemplum remaneret praesumendi quibuslibet laicis, quamvis religiosis vel potentibus in quacumque civitate quolibet modo de Ecclesiasticis facultatibus, aliquid distrahendo decernere, quarum solis Sacerdotibus disponendi indiscussa à Deo cura commissa docetur.* Quoniam, ut beatus (y) Prosper ait: "Res

" Ecclesiae non sunt propriae, sed communes; vota videlicet fidelium, praeterea peccatorum & patrimoniorum pauperum." Ergo quae à religiosis viris ad substantiam pauperum ac servorum Dei, & sustentationem ac reparationem Ecclesiarum sunt derelicta, nulli contrafas sine aliqua pietatis consideratione licet dispergi. Item unde supra in Concilio Toletano: (z) "Quia Ecclesiarum omnium dotes ad Episcoporum ordinationem & potestatem pertineant, nec à quoquam aliquam praesumptione distrahantur." Item post pauca: "Omnia itaque rei Ecclesiasticae quantitas, sicut remedium veniæ tribuit conferenti, ita damnum rite praeparat abstrahenti.

IX.

Iterum monendo Magnitudini Vestrae suppliciter suggerimus, ut deinceps in bonis Pastoribus, Rectoribusque in Ecclesiis Dei constituendis magnum studium atque solertissimam adhibeatis curam; quia si aliter factum fuerit, & ordo Ecclesiasticus suam non habebit dignitatem, & Religio Christiana in multis labefactando damna detrimenti sui patietur, & animae vestrae, quod non optamus, periculum generabitur.

X.

Similiter poscimus ut in Abbatissis constituendis, & Rectoribus Monasteriorum vestrum specialiter periculum, sicut vobis saepe est dictum, & per Divinam auctoritatem crebrius manifestatum.

XI.

Sed & hoc obsecramus, ut in eligendis adjutoribus vestris, & Reipublicae ministris, qui vice vestra populum Dei regere & gubernare atque judicare debent, solertissimam providentiam habeatis, semper illud attendentes, quod in libro Exodi ad Moysen dicitur: *Provide, (a) inquit, de omni populo viros prudentes, & timentes Deum, in quibus sit veritas, & qui oderint avaritiam, & constitue ex eis tribunos, & centuriones, & quinquagenarios qui judicent populum omni tempore; quicquid autem majus fuerit, referant ad te, & ipsi*

mino-

[r] Luc. 10.

[u] Syn. Antioch. Can. 24. Tomo I. nostro pag. 160.

[x] Sub Symmacho Syn. III. Romana Can. 4. Anno 501.

[y] De vita Contempl. Lib. 2. Cap. 4.

(z) Concil. Toletan. III. Cap. 19,

(a) Exod. 18,

minora tantummodo iudicent, leviusque tibi sit partito in alios onere. Si hoc feceris implebis imperium Domini, & præcepta ejus poteris sustentare. Unde & in libro Deuteronomii: Iudices, (b) inquit, & Magistros constitues in omnibus portis tuis, quas Dominus Deus tuus dederit tibi per singulas tribus tuas, ut iudicent populum iusto iudicio, nec in alteram partem declinent. Item ibi: Dixique (c) vobis in illo tempore: Non possum solus sustinere vos, quia Dominus Deus vester multiplicavit vos, & estis hodie, sicut stelle cæli, plurimi. Dominus Deus Patrum vestrorum addat ad hunc numerum multa millia, & faciat vobis, sicut locutus est. Non valeo solus sustinere vestra negotia, & pondus, & jurgia. Date ex vobis viros sapientes, & gnaros, & quorum conversatio sit probata in tribubus vestris. Sed & in libro Paralipomenon ita legitur: Constitutque (d) Rex Josaphat iudices terræ in cunctis civitatibus Juda munitis per singula loca: & præcipiens iudicibus, videte, ait, quid faciatis. Non enim hominis exercertis iudicium, sed Dei, & quodcumque iudicaveritis, in vos redundabit. Sit timor Domini vobiscum, & cum diligentia cuncta facite. Non enim est apud Dominum Deum vestrum iniquitas, nec personarum acceptio, nec cupido munerum.

XII.

Rogamus etiam vestram (e) pietatem propter Divinam misericordiam, vestramque salutem, ac totius populi utilitatem nec non & regni honorem, atque stabilitatem, ut vestra pietas solertissimam vigilantiam adhibeat, quatenus consilarii, & dignitatis vestræ ministri, custodésque animæ vestræ & corporis, qui debent esse intra regnum aliis decus & bonitatis exemplum, & in ceteris nationibus bonæ opinionis condimentum, caritatem, pacem, atque concordiam, omni simulatione, & calliditate postposita, adinvicem habeant, ut secundum Dei voluntatem, & vestram honestatem, atque totius populi profectum, communiter decerent, & veri vobis adjuutores in omnibus concorditer existant. Tunc etenim veri consilarii, verique adjuutores vestri, & totius regni salubriter esse poterunt, si unanimes exstiterint, & in-

vicem dilectionem habuerint. Decet quippe, ut sacra domus vestra cunctis spectabilis appareat, & imitabilis existat, & fama suæ bonæ opinionis, sive alios imperii vestri subiectos, sive exteras nationes abundantissime perfundat. Ubi igitur omnes dissensiones & discordiæ dirimendæ, & omnis malicia imperiali auctoritate est comprimenda, necesse est, ut, quod in aliis corrigi decernit, in ea minime reperiatur.

XIII.

Nam & hoc humiliter admonemus, ut liberos vestros, quos vobis Divina pietas largiri voluit, in timore Dei iugiter diligentérque erudiatis, sicut & facitis. Et ut in mutua dilectionis caritate & fraternitatis amore, atque unanimi concordia vicissim constant, sedulâ paternâque admonitione insistatis. Et ne illicitis actibus creatoris sui offensam incurrant, provida, solertique circumspectione nihilominus invigiletis; attendentes beatum Job, cujus studium ut beatus Gregorius in Moralibus libris scripsit, circa filios erudiendos tale exstitit, ut non solum eos exterius perfectos opere & sermone perficeret, verum etiam eorum corda sacrificii oblatione mundaret. Attendite etiam David instruentem Salomonem filium suum, de quo in primo libro Malachim legitur. Ego (f) inquit, ingredior viam universæ terræ: confortare, & esto vir fortis, & observa custodias Domini Dei tui, ut ambules in viis ejus, & custodas caeremonias ejus & præcepta. Fili mi (g) cognoscito Deum Patris tui, & servias ei corde perfecto, & animo voluntario. Attendite etiam Tobiam, de quo legitur quod cum factus esset vir, (b) accepit uxorem Annam de tribu suâ, & genuit ex ea filium, nomen suum imponens ei, quem ab infanzia timere Deum docuit, & abstinere ab omni peccato. Item idem alloquens eundem filium suum. Omnibus (i) inquit, diebus vitæ tuæ in mente habeto Deum, & cave ne aliquando peccato consentias, & prætermittas præcepta Domini Dei nostri. Ex substantia tua fac eleemosynam, & noli avertere faciem tuam ab ullo paupere. Itâ enim fiet, ut nec â te avertatur facies Domini. Quomodo potueris, itâ esto misericors. &c.

Item

(b) Deut. 16.

(c) Lib. 3. Concil. Paris. Cap. 24.

(d) Tob. 1.

(e) Deut. 1.

(f) 3. Reg. 2.

(g) Tob. 4.

(d) II. Paralip. 19.

(g) I. Paral. 58.

Item paulo post : *Attende tibi* , (k) *fili mi* , *ab omni fornicatione* , & *præter uxorem tuam nequaquam patieris crimen scire* . *Superbiam numquam in tuo sensu* , *aut in corde dominari permittas* : *ex ipsa enim initium sumpsit omnis perditio* . Et idem non post multa : *Consilium semper à sapiente perquire* . *Omni tempore benedic Deum* , & *pete ab eo* , *ut vias tuas dirigat* , & *omnia consilia tua in ipso permaneant* . Item idem : *Audite* (l) *ergo filii mei* , *servite Domino in veritate* , & *inquirete* , *ut faciatis* , *quæ sunt placita illi* : & *filii vestri mandate* , *ut faciant iustitias* , & *elemosynas* , *ut sint memores Dei* , & *benedicant eum in omni tempore in veritate* , & *in tota virtute sua* . His omnibus prælibatis , innotescimus vobis , (m) quod ea , quæ in Capitulis vestris nobis tractanda commisitis , scilicet quid à principibus , & reliquo populo vel ita , ut Divina auctoritas doceat , aut aliter teneatur , vel quid inde ex parte , aut ex toto dimissum sit , ut non teneatur ; nec non & in his , quæ præfenti anno conscribi , & per Missos vestros ob vitia comprimenda per imperium vestrum direxistis ; fatemur , quod in his Capitulis , quæ superius continentur , multa demonstrata sunt , quæ à pastoribus Ecclesiarum , & à principibus , & reliquo populo , hætenus neglecta exstiterunt : & aliter , quam Divina auctoritas se habeat in his , eos egisse , & agere novimus . Sed si hæc nostra sacerdotalis admonitio effectum , Deo operante , per vestrum bonum studium abhinc obtinuerit , credimus quod multa quæ à multis aliter , quam Divina auctoritas se habeat , dimissa sunt ; quæ non tenebantur , corrigentur .

XV.

Nam & illud , quod in eisdem (n) capitulis continetur , ut manifestum fiet , quæ causæ id fecerint , ut sacerdotes & principes à recto tramite deviasent , exceptis præmissis capitulis , quibus , sicut diximus , multa negligebantur : specialiter tamen unum obstaculum ex multo tempore jam inolevisse cognovimus , id est , quia & principalis potestas , diversis occasionibus intervenientibus , secus , quam auctoritas Divina se habeat , in causas Ecclesiasticas

M

(k) Ibidem.

(l) Tobia 14.

(n) Ibidem.

(o) Ibid. Cap. 27.

profilierit , & sacerdotales partim negligentia , partim ignorantia , partim cupiditate , in sæcularibus negotiis , & solitudinibus ultra , quam debuerant , se occupaverint . Et hac occasione aliter , quam Divina auctoritas doceat in utraque parte actum exstisse dubium non est . Sed quia , Deo miserante , à progenitoribus , & Genitore vestro , & à vobis multa correctæ gratulamur , si ea , quæ admonemus , prosperum successum habuerint , credimus , quod ad perfectionis statum vestra intentio nostræque devotio , Deo cooperante pervenire possit . Verumtamen quia novimus statum hujus regni sub tali conditione , & tenore crevisse , atque dilatatum esse & à prudentissimis , sanctisque prædecessoribus nostris , sive scilicet ab Episcopis sive à Principibus , hanc causam ex toto correctam non fuisse , propter hæc quæ suo tempore dici possunt , & pondus tantæ considerationis , parvitatæ nostræ vires excessit , quoniam nec otium , nec spatium temporis , nec plenitudinem confacerdotum nostrorum , sicut ipsa necessitas exposcebat , habuimus .

XVI.

Porro de Episcopali (o) libertate , quam Deo annuente , vestrosque adminiculo suffragante , adipisci ad Dei servitium peragendum cupimus , suo in tempore vobis dicenda , atque vobiscum conferenda reservavimus . Quatenus ita sit , ut & nosmetipsos salvare , populoque nobis subiecto utiliter prodesse , atque pro vobis , & stabilitate imperii vestri liberius valeamus exorare , & de vestris obsequiis , & regni adjutorio , solatium debitum minimè subtrahatur , sed , si possibile fuerit , potius augeatur .

XVII.

Vestram interea , Deo amabilis Auguste ! petimus Clementiam , uti absque inevitabili necessitate sanctum tempus Quadragesimæ liceat Ecclesiasticis viris sub quiete agere : quatenus tempus illud , quod purificatio esse debet aliorum temporum , non inquinetur inquietudine perturbationum .

XVIII.

XVIII.

Jejunium diebus Dominicis tenere & canonica interdicit auctoritas, & resurrectionis Dominicæ tanta solemnitas. Et ideo placita illis diebus, neque nuptias, pro reverentia tantæ solemnitatis celebrari visum est. (p)

XIX.

Monasteria Divinis solummodo cultibus dicata non debere sæcularibus dari, & canonica prodit auctoritas & ipsorum destructio locorum. Sed quia id exigit reipublicæ necessitas, saltem collapsa loca erigi debent, & Clerici locis, in quibus fuerant, restitui, quousque opportunitas id permittat, emendari plenius.

XX.

Laici sane monendi sunt, ne Sacerdotes contemptui habeant, nè eorum monita despiciant, & tam turpiter tractent, uti hætenus: ne superveniat, quod dicit Propheta: *Populus (q) tuus, sicut hi, qui contradicunt Sacerdoti: & corrues hodie: & corruet etiam Propheta tecum.*

XXI.

Meminisse etiam debent, qui res Ecclesiæ atque familiam sub manu sua habent, non eos debere severè, & crudeliter cum eis agere, sed cogitare, quia utroque Dominus est in cælis: & consuetum atque antiquum ab eis servitium exigant, nihil superaddentes.

XXII.

Sane communicatio Corporis Domini omni die dominica debuit celebrari. Ideoque necesse est, quantum ratio permittit, ut moderna corrigatur consuetudo: ne fortè, qui longe est à Sacramentis, quibus est redemptus, longe sit à salute, quam fuerat consecuturus.

XXIII.

Similiter est postulandum de Presbyteris, qui hinc inde de diversis Parochiis veniunt, & in Palatio morantur, ut sine proprii Episcopi consensu ibi locum consistendi non habeant, nec recipiantur: quia fieri potest, ut intra parochiam metu perpetrati criminis, ne id palam juxta Canonum sanctiones

ulciscatur, palatinas ædes frequentent: aut cerè licet non sit ordinatus, ipse tamen absque litteris ordinatum se attestetur.

XXIV.

Nec minus de Monachis postulandum est, ut & ipsi in publicis locis sine ratione decenti discurrere prohibeantur, quia hoc à proposito ipsorum procul abest. Fieri etiam potest, ut quidam illorum, sicut superius dictum est de Presbyteris, perpetrato scelere in Monasterio, causam vagandi potiùs eligant, quam regularibus disciplinis subjacere.

XXV.

De raptoribus etenim viduarum ac virginum dignum duximus, ut ab universis Comitibus omni nisu investigentur, & inventi condigna investigatione ex auctoritate imperiali castigentur, ut à tam illicita præsumptionis audacia ipsi coerceantur, & ceteri hoc admittere volentes terreantur.

Si hæc omnia debito, dignoque ordine impleantur, opitulante superna gratia honestatem ornatumque Ecclesiæ adimplere credimus. Qui enim Ecclesiæ in una, atque indiscreta Christi fide ac dilectione concorditer ad cœlestia tendens populus dicitur, necesse est, ut prædicatorum bene vivendi ac docendi instantia, & auditorum obediendi, atque existendi insistentia perornetur. Hic verò ornatus fieri ullatenus nequit, nisi uniuscujusque officium propriè conservetur, immò peragatur. Constat autem eam peregrinantem duabus, ut dictum est, præsentialiter personis gubernari, Sacerdotali scilicet, ac regali, quatenus auctoritate Episcopali, atque Imperiali censura intrinsicus, & extrinsecus circumspècta, (r) liberius modum proprium valeat conservare. Proinde cum liqueat nos plurimum ac multifariè exorbitasse, in hoc summopere integritatem, sinceritatèque cernimus esse concussam, quod filiorum vestrorum defectio, atque improbitas, sed & quorundam procerum perversitas atque infidelitas in inaudium à sæculis facinus excrevisse cognoscitur. Quæ omnia nullo modo integra, & ad necessarium dignumque finem perducì posse nobis videntur, nisi miserante Domino, imperia-

(p) Canon. XVIII. Concilii Gangrensis Tomo I. nostro pag. 154. Eodem Tom. I. p. 414. Cap. XV;
(q) Osee 4.
(r) fortè circumspècta,

periali potestate, paterna hæreditate, immo vigore sinceriter restituta, honor Sanctæ Dei Ecclesiæ integerrimè reparatur; & Episcopalis auctoritas proprio, immo à Christo Domino sibi commissò officio denuo solvatur. Meminimus enim, in præteritis Conventibus nonnulla Capitula ab Episcopis, vestra admonitione fuisse tractata atque statuta pro necessitate & communi salute utrorumque ordinum, Ecclesiasticorum videlicet, atque sæcularium; sed nescimus, quibus impediendis obstaculis, quasi oblivioni tradita. Ideoque affectu devoto, supplici admonitione admonemus, & admonendo precamur, ne ista, quæ nunc licet perpauca prælibavimus, ad statum Sanctæ Dei Ecclesiæ simili modo oblivioni tradantur, sed pro speculo ab omnibus inconcussa habeantur, atque conserventur. Verum quod nos, si hæc vobis cœlestis attributa non fuil-

sent, cum temporali periculo, propter auctoritatem Ministerii nostri, vos ad ea peragenda admonere, immo admonendo exigere à vobis, quoquo modo debueramus; Vos econtra propter divinum amorem & honorem, & admonendo nos ad potiora provocatis, & piam opportunamque (s) nobis ferre devotissimè curatis. Proinde humilibus precibus specialiter pietati vestræ suggerimus, ut bonum, quod cœpistis Deo opitulante, inædificanter perficere ne gravemini, & in adimplendis operibus justitiæ, ac pietatis, & misericordiæ nullatenus deficiatis; quoniam non inchoantibus, sed perseverantibus præmium æternæ vitæ datur: & juxta Veritatis vocem: *Qui (t) perseveraverit usque in finem, hic salvus erit.*

*Binius Tomo III. Concil. Part. I. pag. 313.
unde Harduinus Concilior. Tomo IV.*

(s) *opem*, deesse videtur.

(t) Matth. 10.

SYNODI EJUSDEM AQUIS- GRANENSIS (a)

A D

PIPPINUM REGEM AQUITANIÆ LIBRI III.

In quibus ea, quæ per commonitorium Regi antea suggererant, manifestis Sacræ Scripturæ auctoritatibus confirmantur.

TITULI CANONUM LIBRI I.

- | | |
|---|--|
| <p>I. Quod Deus nullum peccatum inultum dimittit.</p> <p>II. Cur Deus quædam peccata in hoc sæculo judicat? Quædam in futuro judicanda reservat?</p> <p>III. Contra eos, qui dicunt, nullum esse delictum, si rebus Deo oblati in suis utantur necessitatibus.</p> <p>IV. Quod omnia terrarum regna, & omnia bona terræ Domini sint, & ex suis sibi sua offerantur.</p> | <p>V. Qualiter David Rex de edificanda domo Domini Salomonem filium suum instruxerit?</p> <p>VI. De impensis, quas David ad domum Domini construendam præparavit.</p> <p>VII. De diversis donariis, quæ in templo Domini consecravit.</p> <p>VIII. Quod juxta Verbum David peregrinatus, & adveniens in hac peregrinatione.</p> <p>IX. Quod nemo Deo quidquam offerre valeat; nisi quod de manu Dei accepit.</p> |
|---|--|

M 2

X.

- (a) Centuriatores Magdeburgenses referunt hanc Synodum Aquisgranensem ad annum 830. 2dò Volunt eam sub Pippino Rege celebratam fuisse. 3tiò. Ad confirmanda Sacrificia: triplex error est in anno, Rege, & fine, annus enim 836. evidenter est: Rex Ludovicus Pius ipse interfuit & convocavit. Finis solus conservatio bonorum Ecclesiæ pro Ecclesiâ contra raptores laicos.

Tomus II. Concil. German.

- X. Quod nemo de iniuste acquisitis Deo gratum quid offerre valeat.
- XI. Qualiter origo, & religio Deo offerendarum rerum inchoaverit.
- XII. Qualiter Apostoli post resurrectionem Christi tam in Oriente, quam in Occidente Ecclesias fundaverint.
- XIII. Quod memorata origo, & religio primum sine altari ab Abel cepit justo.
- XIV. Quod Noe & altare Domino edificaverit & holocausta super illud obtulerit.
- XV. Quid benedictionis Noe pro eo, quod altare Domino edificavit, & desuper holocausta obtulit, consecutus sit.
- XVI. Quid promissionis, quidve benedictionis Abraham pro eo, quod Deo credidit, eique diversa altaria erexit, (b) consequi meruerit.
- XVII. Quod facta Abraham non imitantur hi, qui ea, unde Deo in altaribus suis famulandum est, auferunt.
- XVIII. Quod Abraham Propbeta Melchisedec Sacerdoti Dei altissimi decimas dederit ex omnibus.
- XIX. Quod fides & devotio Abraham circa Divinum cultum in tantum excrevit, ut ad filium suum Domino immolandum paratus fuerit.
- XX. Quod imitatores Abraham, id est, amatores & exaltatores, & ditatores, sive etiam veneratores Divini cultus, à Domino, & in presenti sæculo tueri, & exaltari, & etiam (c) in futuro mercede eterna mereantur donari.
- XXI. Qualiter Isaac altare Deo edificaverit, tabernaculumque exenderit.
- XXII. Quod in Jacob cultus Sanctæ Religionis amplius augmentatus sit.
- XXIII. Quod Jacob non solum altaria erexit, oleum desuper fuderit, victimasque obtulerit: sed & de omnibus, quæ Deus illi dedisset, decimas & hostias (d) se daturum promiserit.
- XXIV. Quod Christiana Religio adinstar Jacob domos in honorem Dei ædificat, (e) & altaria erigit, eisque oleum superfundit, ac Sacrosancto Chrismate (f) perungit.
- XXV. Quod post intercessionem Amalec Moyses altare Domino edificaverit.
- XXVI. Quod post altaria à Moysè Domino edificata & cetera, quæ ei à Domino injecta sunt, peracta, religio Divini cultus excreverit.
- XXVII. De diversis donariis, quæ Dominus ad construendum Sanctuarium & tabernaculum suum dari præcepit.
- XXVIII. Quam expiationem Princeps in lege pro reatu suo Domino offerre præcipitur?
- XXIX. Qualiter ignis in altari (g) nutririjubetur?
- XXX. Quid ad Sanctuarium Domini paventibus promittatur?
- XXXI. Quid autem ad Sanctuarium Domini non paventibus Dominus comminetur?
- XXXII. De domibus, & agris, & hominibus Domino sanctificatis, (h) & quod ea, quæ Domino sanctificantur, ad jus pertineant Sacerdotum.
- XXXIII. Quid conclusio Libri Levitici innuat? ABHINC EX LIBRO NUMERORUM ET DEUTERONOMII.
- XXXIV. De omnibus Primitiis, & de his, quæ ad Sanctuarium Domini offeruntur, quod ad jus pertineant Sacerdotum: nec non & de erectione & dedicatione tabernaculi & altaris: & de his, quæ in eadem dedicatione à Principibus Domino oblata sunt.
- XXXV. Quod non sit Dominus in Ministris suis detrahendus.
- XXXVI. De partibus prædæ, quam filii Israël ceperant, Sacerdotibus, & Levitis, & tabernaculo Domini exhibitis, & quod Dominus in tabernaculo suo proprium ararium habere voluerit.
- XXXVII. Quod urbes Dominus, & suburbana earum Levitis dare præceperit.
- XXXVIII. De votis Deo reddendis.

EXPLICIUNT (i) CAPITULA LIBRI I.

PRÆ-

(b) à Deo. Sic habet Codex Metropolitani MS. Numero CXXI. coævus, ex quo variantes adnotavimus, & lacunas supplevimus.

(c) etiam omittitur.

(f) ea. cod. MS. addit.

(g) Cod. MS. Met. addit.

(d) ei. cod. MS. Metrop.

(g) Domini. cod. MS. addit.

(e) ac dedicat.

(h) sanctificandis. cod. M.

P R Æ F A T I O,
S I V E
E P I S T O L A S Y N O D I
A D P I P P I N U M.

Inclito, Cælestique gratia, Regio munere insigniter sublimato, Domino Pippino Regi nobilissimo, & per immensum à Deo conservando, cætus venerabilium Præfulum, & sequentis ordinis religiosorum Sacerdotum apud Aquisgrani (k) iussu salutifero, & ordine providentissimo piissimi, & orthodoxi Genitoris vestri Domini nostri Ludovici Cæsaris Eximii, ob honorem & decorem Sanctæ Dei Ecclesiæ procurandum, & quasdam dignitates Ecclesiasticas, magnâ ex parte collapsas, atque fuscatas, ad pristinum statum nitoremque, Domino opem ferente revocandas, synodaliter congregatus, æternæ beatitudinis optat (l) felicitatem.

Nos igitur fidelissimi oratores vestri salutisque vestræ amatores devotissimi, miseramus (m) nuper Celsitudini vestræ per venerabiles fratres, Aldricum videlicet Cenomanicæ urbis, & Herchinradum Parisiorum nostros, quamdam schedulam, quædam ex auctoritate Ministerii nostri salutaria monita continentem. Cui, quia de negotiis, unde vestram magnitudinem admonuimus, testimonia Sanctarum Scripturarum, vitantes illius prolixitatem, annectere nequivimus, utile necessariumque judicavimus, ut in hoc opusculo ea breviter annotaremus, vestræque prudentissimæ solertiæ legenda mittereremus; ut si fortè quispiam objicere voluerit hæc, quæ vobis scripsimus non ex auctoritate Divina constare, sed potius arbitrio cordis nostri, immò & cupiditate, & quadam adinventione commentata esse, his lectis, atque perpenſis evidenter agnoscat, nos, quæ Dei sunt, & ad vestram saluationem hic, & in æternum, & ad regni vobis commissi stabilimentum; se autem ea, quæ mundi sunt, ejusque amatores diligunt, & Dei voluntati usquequaque contraria existunt, & ad ani-

M 3

marum interitum pertinent, absque dubio loqui.

CAPUT I.

Sunt enim nonnulli, qui propterea hæc tam temere loquuntur, & in barathrum cupiditatum suarum miserabiliter labuntur, eò quod Divinorum præceptorum transgressores, Sanctæque Dei Ecclesiæ (n) inhonoratores, atque expoliatores non continuo puniuntur: non animadvertentes, neque animadvertere volentes, quod Deus nullum peccatum inultum dimissurus sit. Tribus itaque modis peccata mortaliū vindicantur, duobus in hac vita, tertio verò in futura vita. De duobus ità Apostolus (o) inquit: *Si nosmet ipsos judicaverimus, à Domino non judicabimur.* Hæc est vindicta, quam inspirante Deo omnis peccator pro suis admissis poenitendo in se ipso vindicat. Quod autem prosecutus idem Apostolus infert. (p) *Cum judicamur autem, à Domino corripi-mur: ut non cum hoc mundo damnemur.* Hæc est vindicta, quam omnipotens Deus misericorditer peccatori irrogat, juxta illud: (q) *Deus, quem amat, corrigit.* Tertia autem existat valde pertimescenda atque terribilis, quæ non in hoc, sed in futuro, justissimo Dei judicio, fiet sæculo. Quando justus judex dicturus est. (r) *Discedite à me maledicti in ignem æternum, qui paratus est diabolo & angelis ejus.*

CAPUT II.

Si enim, ut verbis beati Augustini utamur, omnipotens Deus omnia mala mortalium in hoc Sæculo judicasset, nequaquam homines malè agentes diem futuri judicii pertimescerent. Rursus si nulla mortalium mala in hoc sæculo judicasset, non putaretur res curare humanas. Idcirco quædam judicat in hoc sæculo, ut videatur ejus piissima provi-

dencia,

(k) Aquisgrani cod. MS. Metr. siac apud.

(n) dehonotatores.

(g) Prov. 3.

(l) optans idem codex.

(o) 1. Corinth. 11.

(r) Matth. 15.

(m) misimus.

(p) Hebr. 12.

dentia , & misericordia gratuita rebus consulere humanis : idcirco quædam non iudicat , sed futuro reservat iudicio , ut homines de futuro terreantur examine.

CAPUT III.

Sunt etiam quidam dignitatem Ecclesiasticam non curantes , immo suam cupiditatem explere volentes , sibi que in Deo oblati , sacratisque rebus auferendis impunitatem inaniter promittentes : qui contra salutem suam hæc temerario , immo perniciosissimo solent dicere ausu : (s) Quid mali , quidve discriminis est , si rebus Ecclesiasticis in nostris pro libitu nostro utimur necessitatibus ? quid curæ est inde Deo , Sanctisque ejus , ob quorum amorem Deo dicantur oblatæ , cum usque in eorumdem Sanctorum usus nihil ex his cedat ? Et ubi Deus hæc , quæ Ecclesiarum rectores opponunt , iussit sibi offerri ; præsertim cum omnia , quæ in terris sunt , sua sint , & ille ea ad usus hominum creaverit ? Quorum argumentationi infanissimæ , divinæque injuriæ plenissimæ , prout Dominus annuerit ex utriusque testamenti paginis , & Sanctorum Patrum dictis eximius tentabimus respondere.

IV.

Primum quidem , quodd omnia terrarum regna , & omnia bona terræ , Domini sint , & ex suis sua sibi offerantur , ex verbis David Regum Sanctissimi , & Prophetarum eximii : post autem , quod Deus sua , sive ante legem , sive in lege , & ad Sanctorum , & ad templum Sanctum suum iusserit offerri , conabimur demonstrare.

V.

Legimus itaque in libro Paralipomenon : (t) Dixit quoque David Salomoni filio suo : veriliter age , & confortare , & fac : ne timeas , neque paveas . Dominus enim Deus meus erit tecum , & non dimittet te , neque delevinet , donec perficias omne opus Ministerii domus Domini . Ecce divisiones Sacerdotum & Levitarum (u) assistunt tibi , & parati sunt , tam principes , quam populus , facere omnia præcepta tua . Locutusque est David

Rex ad omnem Ecclesiam : Salomonem filium meum unum elegit Deus , adhuc puerum & tenellum : *Opus autem grande est , neque enim homini præparatur habitatio , sed Deo.*

VI.

(x) "Ego autem totis viribus meis præparavi impensas domûs Domini Dei mei . Aurum in vasa aurea , & argentum in argentea , æs in anea , ferrum in ferrea , lignum in lignea , & lapides onychinos , & quasi stibinos , & diversorum colorum , omnem pretiosum lapidem , & marmor parium abundantissimè .

VII.

"Et super hæc quæ obtuli in domum Dei mei , de periculo meo aurum , & argentum , do in templum Dei mei , exceptis his , quæ paravi in ædem (y) Sanctam tria millia talenta auri de auro Ophir : & septem millia talentorum argenti probatissimi , ad deaurandos parietes templi . Et ubicumque opus est aurum de auro , & argentum de argento , opera fiant per manus artificum . Et si quis sponte offert , impleat manum suam hodie , & offerat , quod voluerit , Domino . Polliciti sunt itaque principes familiarium , & proceres tribuum Israël , tribuni quoque , & centuriones , & principes possessionum Regis . Dederuntque in operibus domus Domini auri talenta quinque millia , (z) solidos decem millia , argenti talenta decem millia , & aris talenta decem , & octo millia , ferri quoque centum millia talentorum . Et apud quemcumque inventi sunt lapides , dederunt in thesauros domus nomini per manum Jahiel Gerfonitis . Lætatusque est populus , cum vota sponte promitterent , quia cor de toto ea offerebant Domino . Sed & David Rex lætatus est gaudio magno , & benedixit Domino coram universa multitudine , & ait : Benedictus es Domine Deus Israël Patris nostri ab æterno in æternum . Tua est Domine magnificentia & potentia , & gloria , atque victoria : & tibi laus : cuncta enim , quæ in cælo sunt , & quæ in terra , tua sunt . Tuum Domine regnum , & tu es super omnes Prin-

(s) Hic incipit Cap. III. in cod. MS.

(t) 1. Paral. 28.

(u) In omne opus ministerii domus Domini adstant tibi . *scilicet ex MS.*

[x] 1. Paral. 29.

[y] Sanctorum.

[z] & addit C.M.

Principes, tuæ divitiæ, & tua est gloria, tu dominavis omnium, in manu tua virtus & potentia, in manu tua magnitudo, & imperium omnium. Nunc igitur Deus noster, constitemur tibi, & laudamus nomen tuum inchoatum. Quis ego, & quis populus meus, ut possimus hæc tibi universa promittere? Tua sunt omnia; & quæ de manu tua accepimus, reddimus tibi.

VIII.

Peregrini enim sumus coram te, & advenæ, sicut omnes Patres nostri. Dies nostri, quasi umbra super terram, & nulla est mora. Domine Deus noster, omnis hæc copia, quam paravimus, ut edificaretur domus nomini tuo Sancto, de manu tua est, & tua sunt omnia. Scio, Deus meus, quod probes corda, & simplicitatem diligas. Unde & ego in simplicitate cordis mei letus obtuli universa hæc, & populum tuum, qui hic repertus est, vili cum ingenti gaudio tibi offerre donaria. Domine Deus Abraham, & Isaac, & Israël Patrum nostrorum, custodi in æternum hanc voluntatem, cordis eorum & semper in venerationem tui mens ista permaneat. Ecce, quibus documentis tanti Regis, Deo videlicet pleni, de quo Dominus ait: (a) Inveni, David virum secundum cor meum, oleo Sancto meo unxi eum. liquido demonstratur, quod omnia quæ in cœlis, & in terris sunt, Domini sunt.

IX.

Et quod Deo nemo quidquam offere valeat, nisi ea, quæ de manu ipsius accepit, & quod Dominus de his, quæ dedit, sibi pretiosa quæque, suæque nomini Sancto sacratis locis offerri non abnuat; immò oblati delectatur, & oblata auferri non patitur. Nam his & aliis Divinarum Scripturarum testimoniis luce clarius exstat manifestum, quod ea, quæ Dominus sibi offerri iussit ad cultum sanctuarii, templique sui, & ad usum Sacerdotum, Levitarumque omnino cedere voluit. Et sicut in votis spontè offerentium lætatur, ita in non offerentium, vel etiam quouomodo auferre tentantium transgressionibus (b) periculum interminatur mortis, sicut in sequentibus demonstrabitur.

X.

Nemo porro putet, ea, quæ injustè acquisivit, de manu Dei se accepisse, aut quidquam ex his Deo gratum offerre posse, cum scriptum sit; (c) *Qui offert Deo ex rapina pauperum, quasi qui victimat filium in conspectu Patris sui.* Qui ergo ordinate vult aliquid Deo offerre, primum se ipsum offerat, videlicet juxta Apostolum. (d) *Hostiam vivam, sanctam, Deo placentem*: Deinde ex his, quæ juste acquisivit, id est, quæ de manu Domini Dei accepit, sibi profuturum feliciter fenus Domino accommodet.

XI.

Aggrediamur igitur tandem seriem veteris testamenti, & rimando inspiciamus, & inspiciendo rimemur, qualiter origo, & religio Deo offerendarum rerum inchoaverit, & qualiter usque in sæculum nostrum per mediatorem Dei, & hominum, Dominum videlicet Jesum Christum, redemptorem nostrum, & per ejus Apostolos, nominis Sancti sui strenuos prædicatores, suæque fidei rudimenta in omnem terram propagantes (e) eorumque successores, dilatata & incrementata fuerit.

XII.

Per beatum videlicet Petrum Apostolorum Principem in Occidentis, (f) per beatum verò Joannem Apostolum, & Evangelistam in Orientis, id est, in Asiæ partibus, per beatum etiam Paulum in tota generaliter mundi latitudine fundata, & ex oblationibus fidelium constat ditata, atque honorata. Qualiter autem ceteri Coapostoli illorum in regionibus sibi à Christo Domino ad prædicandum commissis, Ecclesiam Christi fundaverint, & fidelium donis constare fecerint, gesta illorum, quæ in promptu habentur, evidenter testantur; quæ hic ponere magnæ esset prolixitatis.

XIII.

Memorata igitur origo & religio primum cepit sine altari ab Abel justo, de quo in libro Geneseos ita legitur: (g) *Abel quoque obtulit de primogenitis gregis sui,*

(a) Psalm. 83.

(d) Philipp. 4.

(g) Gencl. 4.

(b) transgressoribus Cod. M.

(e) propagatores Cod. M.

(c) Eccli. 34.

(f) in occidentis C. M.

sui, & de adipibus eorum. Et respexit Dominus ad Abel, & ad munera ejus; ad Cain verò, & ad munera ejus non respexit. Quibus verbis non inconvenienter accipi possunt in persona Abel hi, qui sua sponte, id est, ea, quæ de manu Dei acceperunt, Deo creatori suo gratanter offerunt; in persona vero Cain hi, qui malevolo & invidio animo ex male acquisitis quidquam Deo offerre gratum putant; quapropter necesse est, ut factum Abel imitetur, & factum Cain prorsus detestetur.

XIV.

Noë quoque ingentis cataclysmi periculo Domino se protegente liberatus, eoque jubente de arca egressus, non extra altare, sed jam supra altare, ob liberationem sui holocausta Deo obtulit, sicut in eodem libro Geneseos (b) legitur: *Ædificavit autem Noë altare Domino, & tollens de cunctis pecudibus & volucribus mundis, obtulit holocausta super altare, odoratusque est Dominus odorem suavitatis.*

XV.

Perpendenda sunt hæc verba, quibus dicitur: *Odoratusque est Dominus odorem suavitatis.* Manifestum quippe est, & offerentis animum & eadem holocausta Deo usquequaque grata exstitisse: quoniam nec in his, quæ oblata sunt, quidquam Deo odibile, ac detestabile creditur exstitisse: & propter donum suæ oblationis, continuo benedictionem à Domino eundem Noë percepisse. (i) *Benedixit, inquit, Deus Noë, & filius ejus, & dixit ad eos: Crescite & multiplicamini, & replete terram: & terror vester, ac tremor sit super cuncta animalia terræ: & cetera, quæ sequuntur.* Si enim oblationem Noë Dominus in odorem suavitatis odoratus est; procul dubio oblationem sibi oblatarum rerum & detestatur, & detestatus est, & si pro sua oblatione benedictionem à Deo idem Noë promeruerit: patet profecto, quod qui Deo oblata sibi subripit, aut aliis distribuit, pro benedictione maledictionem incurrit.

XVI.

Abraham autem, cujus non natura, sed gratia filii sumus, & in cujus se-

mine, id est, in Christo benedicimur, qui credidit Deo, & reputatum est ei ad justitiam, & qui Domino imperante egressus est de terra sua, & de cognatione sua, & de domo Patris sui, & venit in terram, quam Deus ei demonstravit, cui & Dominus dixit: (k) *Ficiam te in gentem magnam, & magnificabo nomen tuum, erisque benedictus: Benedicam benedicientibus tibi, & maledicam maledicentibus tibi, atque in te benedicentur universæ cognationes terræ.* Cui etiam rursus apparens dixit: (l) *Semini tuo dabo terram banc.* Qui ædificavit altare Domino, qui apparuit ei. Et ipse, ut in libro Geneseos legitur, idem transgrediens ad montem, qui erat contra Orientem Bethel, tetendit ibi tabernaculum suum ab Occidente habens Bethel, & ab Oriente Hai. *Ædificavit quoque ibi altare Domino, & invocavit nomen ejus.* Item post pauca in eodem libro: (m) *Dixit Dominus ad Abraham, postquam divisus est Loth ab eo: Leva oculos tuos, & vide à loco, in quo nunc es, ad Aquilonem & Meridiem, ad Orientem, & Occidentem; omnem terram, quam vides, tibi dabo, & semini tuo in sempiternum, faciámque semen tuum sicut pulverem terræ.* Si quis potest hominum numerare pulverem, & semen quoque tuum numerare poterit. Surge, & perambula terram in longitudine, & latitudine suâ, quia tibi daturus sum eam, *Movens igitur Abraham tabernaculum suum, venit, & habitavit juxta convallem mambre, quæ est in Hebron: ædificavit quoque ibi altare Domino.* Perpendendum itaque est, quantæ fidei, quantæ devotionis vir iste Sanctus fuerit, qui pro eo, quod Deo credidit, eique altaria erexit, cultumque ejus venerando dilexit, & à Deo benedici, seménque suum propagari, ac multiplicari, eique amplissima regna terræ dari, & de hostibus suis triumphum sibi præberi, nec non & in suo semine, quod est Christus, Gentes, quæ nos sumus, benedici, & alia, quæ enumerare longum est, beneficia promeruit nancisci.

XVII.

Quod si Abraham pro eo, quod Deo altaria erexit, cultumque ejus veneratus est, tot à Deo meritorum prærogativis donatur, dubium non est, quin

(b) Genes. 8.

(i) Ibidem.

(k) Genes. 9.

(m) Genes. 13.

(k) Genes. 12.

quin Altarium Sanctorum everfores , & Sacrarum rerum , quibus in eisdem altaribus Deo famulandum est , subreptores damnentur. Reverso igitur eodem Abraham à cæde Regum , quos , Deo secum pugnante , superaverat , & egresso sibi obviam Rege Sodomorum , ita de illo in eodem sequitur libro (n) *At vero Melchisedech Rex Salem proferens panem & vinum (erat enim Sacerdos Dei Altissimi) benedixit ei , & ait : Benedictus Abram Deo Excelso , qui creavit caelum & terram , & benedictus Deus excelsus , quo protegente hostes in manibus tuis sunt. Et dedit ei decimas ex omnibus.*

XVIII.

Quod Melchisedech Sacerdos Dei Altissimi typum gesserit Christi , Catholica sentit Ecclesia. Quod ei Abraham decimas ex omnibus dedit , ipsius Abraham ingentia commendantur præconia. Quem imitantur , qui Sacerdotibus Christi ob illius amorem , & honorem decimas dant , & ab illius merito sequestrantur , qui Deo oblatas decimas auferunt.

XIX.

Videamus itaque frequentia , quibus fides , & devotio Abrahamæ quodam admirabili modo incrementatur , qui adeo erga divinum cultum timorémque Dei flagrando excrevit , & excrecendo flagravat , ut jubente Domino non solum jam altare in honorem Dei construxerit , sed etiam in eo unigenitum filium suum immolare paratus fuerit. Et quod ne filium immolaret , Angelus ei inhibuit , arietem tamen in holocaustum Deo pro filio obtulit , & propterea audire meruit , sicut in saepe fato libro legitur : (o) *Vocavit autem Angelus Domini Abraham secundo de celo dicens : Per memetipsum iuravi dicit Dominus , quia fecisti rem hanc , & non pepercisti unigenito filio tuo propter me , benedicam tibi , & multiplicabo semen tuum sicut stellas cæli , & cætera , quæ sequuntur. Perpicuum quippe est , & valde mirandum , quia , quanto ferventior circa Dei cultum mens Abraham fuit , tanto amplius , uberiusque divina beneficia , & præsentia , & futura sibi polliceri adivit.*

N

(n) Genes. 14.

(o) Genes. 22.

(g) Genes. 26.

(r) Genes. 28.

XX.

Unde datur intelligi , quod amatores , & exaltatores , & ditatores , sive etiam venatores divini cultus , à Domino , & in præsentī sæculo defendi (p) & exaltari , & in futura mercede æterna merentur donari , & qui secus agunt , aut egerint , infernalibus claustris mancipari. Deus itaque , sicut jam supra dictum est , si ea , quæ dedit sibi , suisque sacratis locis jubet offerri , & ea quidam auferre non timeſcunt , quid facerent , rogo , si Deus illis aut semetipsos , aut filios eorum sibi in holocaustum juberet offerri ? Certè credendum est , quod , sicut in auferendis sacratis rebus deo inobedientes existunt , ita nihilo minus in semetipsis offerendis , aut filiis , inobedientes existerent.

XXI.

Audiamus etiam quid Isaac Patriarcha fecerit , de quo ita in memorato habetur libro. (q) *Ascendit autem ex illo loco in Bersabee ubi apparuit ei Deus in ipsa nocte dicens : Ego sum Deus Abraham Patris tui. Noli metuere , quia tecum sum , & benedicam tibi , & multiplicabo semen tuum propter servum meum Abraham. Itaque edificavit altare , & invocato nomine domini extendit tabernaculum. Attende , quod Isaac deus apparere , & , ne metuere debeat , admonere eique benedicere , ac semen suum se multiplicaturum polliceri dignatus sit ; eique Isaac altare edificaverit , tabernaculumque extenderit. Et perpende , quod pro dei beneficiis quibus largiente ejus clementia , immeriti , & ingrati ubertim in hac mortalitate utimur , potius debeamus divinum cultum ad instar Isaac , & ceterorum Sanctorum Patriarcharum in altaribus erigendis , & , oblationibus aliisque muneribus offerendis honorare , quam his abstractis , nostrisque libitu utentes quodammodo dehonore.*

XXII.

Videamus præterea , quomodo religio , de qua agitur , in Jacob Patriarcha amplius exuberaverit , de quo ita in eodem libro legitur : (r) *Igitur egressus Jacob de Bersabee pergebat Havan. Cumque*

venisset

(p) tueri C. M.

venisset ad quemdam locum, & vellet in eo requiescere post Solis occubitum, tulit de lapidibus, qui jacebant, & supponens capiti suo, dormivit in eodem loco. Viditque in somnis scalam, stantem super terram, & cacumen illius tangens celum; Angelos quoque Dei ascendentes & descendentes per eam, & Dominum inmixtum scalæ dicentem sibi: Ego sum Dominus Deus Abraham Patris tui, & Deus Isaac; terram, in qua dormis, tibi dabo, & semini tuo; eritque semen tuum quasi pulvis terræ. Dilataberis ad Occidentem, & Orientem, & Septentrionem, & Meridiem, & benedicentur in te, & in semine tuo cunctæ tribus terræ: & ero Custos tuus, quocumque perrexeris: & reducam te in terram hanc, nec dimittam, nisi complevero universum, quæ dixi. Cumque evigilasset Jacob de somno ait: Verè Dominus est in loco isto, & ego nesciebam. Pavensque, quàm terribilis, inquit, est locus iste! Non est hic aliud, nisi domus Dei, & porta Cæli. Surgens verò manè tulit lapidem, quem supposuerat capiti suo, & erexit in titulum, fundens oleum desuper. Appellavitque nomen urbis Bethel, quæ prius Luza vocabatur; vovit etiam votum, dicens: Si fuerit Deus mecum, & custodierit me in via, per quam ambulo, & dederit mihi panem ad vescendum, & vestimentum ad induendum, reversusque fuero prosperè ad domum Patris mei, erit mihi Dominus in Deum, & lapis iste, quem erexi in titulum, vocabitur domus Dei, cunctorumque, quæ dederis mihi, decimas offeram tibi." Item post pauca: (s) Transivitque in Salem urbem Sichimorum, quæ est in terra Chanaan, postquam egressus est Jacob de Mesopotamia Syriæ, & habitavit juxta oppidum, emittens partem agri, in qua fixerat tabernacula, à filiis Emor patris Sichem, centum agnis: & erecto ibi altari, invocavit super illud fortissimum Deum Israël. Imo paulo post; (z) Interea locutus est Deus ad Jacob: surge & ascende Bethel, & habita ibi, facque altare Deo, qui apparuit tibi, quando fugiebas Esau fratrem tuum. Jacob verò convocata omni domo sua ait: Abjicite Deos alienos, qui in medio vestri sunt, & mundamini, ac mutate vestimenta vestra. Surgite,

& ascendamus in Bethel, ut faciamus ibi altare Deo, qui exaudivit me in die tribulationis meæ, & fuit socius itineris mei, Et infra: (u) Venit Jacob Luzam quæ est in terra Chanaan, cognomento Bethel, ipse, & omnis populus cum eo. Ædificavitque ibi altare, & appellavit nomen loci illius: Domus Dei, ibi enim apparuit ei Deus, cum fugeret fratrem suum. Item infra: (x) Apparuit autem iterum Deus Jacob, postquam reversus est de Mesopotamia Syriæ, benedixitque ei dicens: Non vocaberis ultra Jacob, sed Israël erit nomen tuum, & appellavit eum Israël; dixitque ei: Ego Deus omnipotens, cresce, & multiplicare: gentes, & populi nationum erunt ex te, Reges de lumbis tuis egredientur. Terramque, quam dedi Abraham & Isaac, dabo tibi & semini tuo: & recessit ab eo. Ille verò erexit titulum lapideum in loco, quo locutus ei fuerat Deus, libans super eum libamina, & effundens oleum, vocansque nomen loci illius Bethel. Item post multa: (y) Profectus est Israël cum omnibus, quæ habebat, & venit ad Puteum juramenti. Et mactatis ibi victimis Deo Patris sui Isaac, audivit eum per visionem noctis, vocantem se ac dicentem sibi: Jacob, Jacob. Cui respondit: Ecce, adsum. Ait illi Deus: Ego sum fortissimus Deus Patris tui, noli timere, descende in Ægyptum, quia in gentem magnam faciam te tibi. Ego descendam tecum illuc, & ego adducam te inde revertentem.

XXIII.

Ecce, quomodo (z) major jam in Jacob Divini cultus amplificatio facta est, qui non solum altaria erexit, oleum desuper fudit, victimas obtulit, & Deo, si prosperè ad propria illum redire fecisset, de omnibus, quæ illi dedisset, decimas & hostias [a] illi daturum promissit, locumque, ubi in somnis scalam, pertingentem usque ad cælos, Angelosque per eam descendentes & ascendentes, & Dominum inmixtum scalæ vidit terribilem, & verè domum Dei ac Portam Cæli esse dixit.

XXIV.

Unde hodie quoque Christiana Religio

(s) Genes. 33.
[x] Ibidem.
[a] sc C. M.

(z) Genes. 35.
[y] Genes. 46.

(u) Genes. 35.
[z] quo C. M.

ligio, exemplum sumens ex antiqua Patrum traditione, domos in honorem Dei ædificat, ac dedicat, & altaria erigit, eisque oleum superfundit, ac Sacrosancto chrismate perungit ea, & de factis, dictisque ejusdem Jacob melodiam Christo canit; & à fidelibus oblationes & vota, & pretiosarum, diversarumque rerum, ad decorem & honorem Divini cultus, Sacerdotum, ceterorumque Ministrorum Christi usus, pauperumque receptionem, ac recreationem, suscipit donaria. Qui autem hujuscemodi donaria ad injuriam Dei omnipotentis, templorumque Sanctorum suorum dehonorationem, & humiliationem, Sacerdotumque Dei vituperationem auferre præsumit, cujus sit discriminis & damnationis, ut perpendat, salubriter admoneamus. Quoniam sicut vobis ejusdem Patriarchæ Jacob aperte demonstratur, cuncta Deo dicata templa & terribilia sunt & Dei habitacula, & verè domus Dei sunt, & portæ cæli. Paveat ergo adinstar Jacob humana præsumptio, ne quomodo de tam terribilibus, & sacratis locis violandis sibi proveniat damnatio.

XXV.

Liberato quoque populo Israëlítico de Egyptia servitute, quid Dominus per famulum suum Moysen, sicut in libro Exodi legitur, (b) præcepit, videamus: (c) *Locutus est Dominus ad Moysen, dicens: Sanctifica mihi omne primogenitum, quod aperit vulvam in filiis Israël, tam de hominibus, quam de jumentis; mea sunt enim omnia.* Si quarat aliquis, quid sit sanctificare, & ex hoc loco, & ex aliis Divinarum Scripturarum locis diligenter animadvertat, quod nomen Sanctificationis, Dominicæ sit oblationis, atque consecrationis. Sequitur in eodem libro: (d) *Cumque introduxerit te Dominus in terram Chanaan, sicut juravit tibi, & Patribus tuis, & dederit eam tibi, separabis omne, quod aperit vulvam Domino, & quod primitivum est in pecoribus tuis, quidquid habueris masculini sexus, consecrabis Domino.* Notandum, quia quod supradixit, Sanctificare Domino, hic modo dicit: con-

N 2

secrare Domino. Sequitur in eodem libro: (e) *Dixit autem Dominus ad Moysen: Scribe hoc ob monumentum in libro, & trade auribus Josue. Delebo enim memoriam Amalec sub cælo. Ædificavit (f) Moyses altare, & vocavit nomen ejus; Dominus exaltatio mea, dicens: Quia manus solii Domini, & bellum Dei erit contra Amalec à generatione in generationem.* Perpende quod famulus Dei Moyses ob gratiarum actionem, sui que ac populi Dei liberationem, hostiumque suorum internecionem, altare Domino erexit. Et si Moyses propter hæc, quæ præmissa sunt, Domino altare erexit, cavendum illis est, qui altaria Domini obruendo dehonorent, & dehonorando obruunt, ne si quando (g) se adversus hostes suos proripiunt, se ipsos eisdem (h) triumphum exhibeant. Sequitur in eodem: (i) *Dixit præterea Dominus ad Moysen: Hæc dices Filiis Israël: Altare de terra facietis mihi, & offeretis super illud holocausta, & pacifica vestra, oves vestras & boves, in omni loco, in quo fuerit memoria nominis mei, veniam ad te, & benedicam tibi.*

Nota, quod altare Domino erigentibus, & holocausta immolantibus, adventus Dei & benedictio promittatur. Potest & huic loco aptari illud Evangelicum, (k) quo dicitur: *Siquis diligit me, sermonem meum servabit, & Pater meus diligit eum, & ad eum veniemus, & mansionem apud eum faciemus.* Felix porro, & valde felix illa mens est, quæ tanto habitatore lætatur. Quapropter noverint his, quæ paulo supra memorata sunt, contraria agentes, & adventu, & benedictione Dei se indignos usquequaque fore: sequitur in eodem post multa: (l) *Primitias frugum terræ tuæ deferres in domum Domini Dei: Et infra: Quod si audieris vocem Domini Dei tui, & feceris ea, quæ loquor inimicus ero inimicis tuis, & affligam affligentes te, præcedetque te Angelus meus: Item infra: (m) Si servieritis Domino Deo vestro, benedicam panibus tuis & aquis, & auferam infirmitatem de medio tui.* Vide quæso, quot, quantæ pro primitiis frugum terræ Deo oblati, & aliis, quæ cominus junguntur, beneficia offerentibus promittantur, & quanta non deferentibus pœna, & maledictio

(b) Exod. 13.

(c) Ibidem.

(d) præcipiat C. M.

(e) Exod. 17.

(f) Hic incipit in C. M.

(g) se omisum est in C. M. & deinde legitur: *illic arma corripimus.*

(h) hostibus suis triumphum C. M.

[i] Exod. 20.

[k] Joannis 14.

(l) Exod. 23.

(m) Ibidem.

dictio interminetur, sicut in subsequentibus multis in locis persicilè inveniri potest. Sequitur in eodem: (n) *Scriptit autem Moyses universos sermones Domini: & mane confurgens edificavit altare ad radices montis, & duodecim titulos per duodecim tribus Israël. Misitque juvenes de filiis Israël, & obtulerunt holocausta, immolaveruntque victimas pacificas Domino: assumensque volumen fœderis legit audiente populo, qui dixerunt, omnia, quæ locutus est Dominus, faciemus, & erimus obediētes.* Quod si querit aliquis, quid mercedis, quidve remunerationis pro altari ædificato, & oblati holocaustis, & victimis filii Israël nacti sunt, audiat frequentia: (o) *Ascenderunt Moyses & Aaron, Nadab, & Abiu, & septuaginta de Senioribus Israël, & viderunt Deum Israël.* Quæ merces, quæ remuneratio cultuum Dei venerantibus potest esse major, quam Deum suum videre, (p) qua se videri voluit, & loqui concedit, (q) & esse cum Deo suo.

XXVI.

Hactenus de altaribus Deo (r) erectis, & ædificatis, & quibusdam oleo perunctis, de holocaustis, & victimis, & hostiis pacificis Deo oblatiis, & primitiis frugum terræ offerendis, & ceteris, quæ enumerare longum est, paucis collectum est: [r] nunc autem subtiliter perpendendum est, qualiter religio Divini cultûs ad majora & eminentiora Domino jubente succrescat. Sequitur enim in eodem libro: [r] *Dixit autem Dominus ad Moysen: Ascende ad me in montem, & esto ibi: daboque tibi tabulas lapideas, [u] & mandata, quæ scripsi, ut docens filios Israël.* Et infra: Ingressusque Moyses medium nebulae ascendit in montem, & fuit ibi quadraginta diebus, & quadraginta noctibus.

XXVII.

[x] Locutusque est Dominus ad Moysen, dicens: *Loquere filiis Israël, ut tollant tibi primitias: ab omni homine, qui offeret ultroque, accipietis eas. Hæc sunt autem, quæ accipere debetis; aurum, argentum, & æs, hyacinthum & purpuram, coc-*

cumque bis tinctum, & hyssum, pilos caprarum (y) & ligna Setim: oleum ad luminaria concinnanda, aromata in unguentum, & thymiamata boni odoris: lapides onychios, & gemmas ad ornandum Ephod, & rationale: facientque mihi Sanctuarium, & habitabo in medio eorum, juxta omnem similitudinem tabernaculi, quod ostendam tibi, & omnium vasorum in cultum ejus. Qualiter verò ejusdem Sanctuarii & tabernaculi, omniumque ad cultum & honorem ejus pertinentium constructio Domino præcipiente celebrata sit, quæve sanctificata pretiosa Sacerdotum indumenta, nec non & Levitarum, & cetera ad usus eorum pertinentia, & diversarum rerum, non aliarum nisi pretiosarum, ingentia, ac multiplicia dona Domino oblata, & sanctificata seu sacrata sint, quia hic longum est commemorare, siquis plenius ea nosse vult, sequentia legat; & inquirendo inveniet, quod ea, quæ Deo offeruntur, & sanctificantur, in jus Sacerdotum cedere jubeantur; & non sit externorum officii ad ea accedere, aut quemquam ex his aliquid contingere, aut offerre: (z) & qui hoc facere tentaverint, mors ei à Domino comminetur, sicut habes in libro Levitici: (a) *Si quis externorum accesserit, morte moriatur.* Plenum sane Sacramenti est, quod non alibi, nisi in Monte & Lex datur, & Sanctuarium Domini fieri præcipitur. Quid autem & Lex, & Sanctuarium, & Arca, & Tabulæ, & cetera, quæ ibi fieri jubentur, significant, Sanctorum Patrum explanationibus legere & nosse volentibus copiosissimè panditur.

XXVIII.

Sequitur in libro Levitico: (b) *Si peccaverit Princeps, & fecerit unum de pluribus per ignorantiam, quod Domini lege prohibetur, & postea intellexerit peccatum suum offeret hostiam Domino.* Et infra: (c) *Rogabitque pro eo Sacerdos, & pro peccato ejus, & dimittetur ei.* Observa, quod quilibet reatus Principis non nisi oblatione domino facta, & oratione salvatur Sacerdotis. Item in eodem: *Anima si prævaricans caerimonias per errorem in his, quæ, Domi-*

(n) Exod. 24.

(q) omittitur concedit in C. M.

(r) Exod. 24.

(y) & pelles arietum rubricatos & pelles hyacinthinas C. M.

(z) auferre C. M.

(e) Levit. 5.

(o) Ibidem.

(r) Domino C. M.

(u) & legem ac mand. C. M.

(a) Levit. 4.

(p) specie videlicet C. M.

(r) sit Cod. M.

(x) Exod. 25.

(b) Ibidem.

Domino sunt sanctificata, peccaverit offert pro delicto suo hostiam. Et infra: (d) Ipsaque, quod intulit damni restituet, & quintam partem addet supra, tradens sacerdoti, qui rogabit pro eo, & dimittetur ei. Si anima caeremonias domini prævaricans per errorem in his, quæ domino sanctificata sunt, peccaverit, expiatione holocausti, & oratione indiget sacerdotis: quid putas de anima illa, quæ non per errorem, sed scienter, & per cupiditatem, & perniciosam præsumptionem in his, quæ Domino sanctificata sunt, peccat, promittitque sibi impunitatem, & jactanter dicit, si ea, quæ sunt Domino Sanctificata abstulerit, hisque ad suum libitum usâ fuerit, se nullo modo peccare.

XXIX.

Item in eodem. (e) Ignis autem in altari semper ardebit; quem nutrit Sacerdos subjiciens ligna manè per singulos dies, & imposito holocausto desuper adolebit adipem pacificorum. Ignis est iste perpetuus, qui nunquam deficiet de altari. Multum igitur hæc verba legis ponderanda & pertimescenda sunt his, qui unde ignis perpetuus, id est, luminaria in basilicis deo dicatis concinnari ex fidelium oblationibus debent, auferre præsumunt. Quoniam si (f) filii Aaron, Nadab, & Abiu, qui pro eo, quod per suam negligentiam ignis, qui jubebatur in altari esse perpetuus, extinctus est, & propterea ignem alienum coram domino offerre præsumpserunt, ob id igne egresso à domino devorati sunt: merito, quod non sine magno animi mærore prosequimur, horribili morte devorandi sunt hi, qui ignem Domini in basilicis sibi dicatis, & consecratis audacter extinguunt. Et si quæritur, quando illum extinguant, manifestum est, quod, quando illud auferunt, unde idem ignis domino nutrirî debet, tunc illum extinguunt,

XXX.

Quod verò basilicæ Deo dicatæ, & consecratæ loca sint divina, sint etiam dei habitacula & omnibus in Christiana religione consistentibus pavenda, & veneranda: & in superioribus jam dictum est, & hic non abs re repetendum est, quia sequitur in eodem libro: (g) Ego enim sum Dominus Deus vester, custo-

dite Sabbata mea, & pavete ad Sanctuarium meum: Ego Dominus. His verbis aperte demonstratur, quod ad Sanctuarium domini potius sit pavendum, quam illud dehonorandum sit, & exprobandum. Quid autem paventibus ad Sanctuarium domini, & præcepta ejus servantibus Dominus promittat, sequens sermo demonstrat, ita inquit: (h) Si in præceptis meis ambulaveritis, & mandata mea custodieritis, & feceritis ea, dabo vobis pluvias temporibus suis, & terra gignet germen suum, & pomis arbores replebuntur. Apprehendet messum tritura vindemiam, & vindemia occupabit sementem; & comedetis panem vestrum in saturitate, & absque pavore habitabitis in terra vestra. Dabo pacem in finibus vestris; dormietis, & non erit, qui exterreat. Auferam malas bestias, & gladius non transibit terminos vestros. Persequemini inimicos vestros, & corruent coram vobis. Persequentur quinque de vestris centum alienos, & centum ex vobis decem millia. Cadent inimici vestri in conspectu vestro gladio. Respiciam vos, & crescere faciam. Multiplicabimini, & firmabo pactum meum vobiscum, & comedetis vetustissima veterum: vetera, novis supervenientibus, projicietis. Ponam tabernaculum meum in medio vestri, & non abjiciet vos anima mea. Et ambulabo inter vos, & ero vester Deus, vósque eritis populus meus. Ego Dominus Deus vester; qui eduxi vos de terra Ægyptiorum, ne serviretis eis: & qui confregi catenas cervicium vestrarum, ut incederetis erecti.

XXXI.

Quid autem Sanctuarium domini non paventibus, sed potius illud contemnentibus, & dehonorantibus, & non facientibus, quæ ab illo constituta sunt, dominus commineur. Sequentia manifestant, quæ ita se habent: (i) Quod si non audieritis me, nec feceritis omnia præcepta mea, si spreveritis leges meas, & judicia mea contempseritis, ut non faciatis ea quæ à me constituta sunt, ut ad irritum perducatis pactum meum, ego quoque hæc faciam vobis. Visitabo vos quoque velociter in egestate & ardore, qui conficiat oculos vestros, & consumat animas vestras. Frustra seretis sementem, quæ ab hostibus devorabitur. Ponam faciem meam contra vos, & corruetis coram hostibus vestris, & subiaceremini his, qui oderunt vos, fugietis nemine persequente, &

ce.

(d) Ibidem.

[e] Levit. 6.

[f] Levit. 19.

(g) Levit. 26.

(h) Ibidem.

(i) Levit. 26.

cetera, quæ latius stylus legalis exsequitur. Evidens namque est, quod ille populus carnalis, pro eo, quod legem domini non custodivit; & legis auctorem, dominum videlicet nostrum Jesum Christum, sibi à Patriarchis & Prophetis promissum, non solum non recepit, quin immo crucis addixit, hæc quæ à domino sibi comminata sunt, perpeffus fuit. (k) Licet enim eidem populo carnalia & terrena, si ea, quæ à domino constituta sunt, observaverint, promittantur, & si ea observare contempserint, auferri comminetur; tu tamen, ô Christiane! jam per Christi gratiam Spiritualis affectus, cui non terrena & caduca, sed cælestia, & perpetuo mansura promittuntur, nisi, ad Sanctuarium dei pavidus fueris, illudque venerationi, & honori habueris, & sua offerre non omiseris; quoniam ea, quæ (l) idem populus carnalis in temporibus perpeffus est, corpore temporaliter, anima vero in æternis cruciatibus æternaliter te passurum, nullo modo dubites.

XXXII.

Item in eodem: (m) *Homo si voverit domum suam, & sanctificaverit Domino, considerabit eam Sacerdos, utrum bona, an mala sit, & juxta pretium, quod ab eo fuerit constitutum, venundabitur. Sin autem ille, qui voverat, voluerit redimere eam, dabit quintam partem æstimationis supra, & habebit domum. Quod si agrum possessionis sue voverit, & consecravit Domino, juxta mensuram sementis æstimabitur pretium. Et infra: (n) Si voluerit redimere agrum ille, qui voverat, addet quintam partem æstimate pecunie, & possidebit eum. Sin autem noluerit redimere, sed alteri cuilibet fuerit venundatus, ultra eum, qui voverat redimere, non poterit: quia cum jubilei venerit dies, sanctificatus erit Domino, & possessio consecrata ad jus pertinet Sacerdotum. Considera prudens auditor, & diligens lector, qualiter augeatur cultus divinus. Superius namque pretiosa quæque in pecudibus, in auro & argento, & gemmis & serico, & ceteris diversis speciebus sibi (o) dominus suoque Sancto Tabernaculo iusserat offerri: hic autem jam inchoantur, & domus, & agri domino consecrari, & ea, quæ domino consecrantur, ad jus*

pertinent sacerdotum. Item in eodem: omne quod domino consecratur, sive homo, fuerit, sive animal sive ager, non vaniet, nec redimi poterit. Quidquid semel fuerit consecratum, Sanctum Sanctorum erit domino. Vide etiam in hoc loco, quid de homine sibi consecrato dominus præcipiat, & perpende, quod homines consecrari præcipiantur domino. Item paulo post in eodem: *Omnes decimæ terræ, sive de frugibus, sive de pomis arborum, Domini sunt, & illi sanctificantur. Et infra: Bovis, & ovis, & capræ, quæ sub Pastoris Virga transeunt, quidquid ad decimam venerit, Sanctificabitur Domino. Non eligetur nec bonum, nec malum; nec altero commutabitur. Si quis mutaverit, & quod mutat, & quod mutatum est, & pro quo mutatum est, sanctificabitur Domino, & non redimetur.*

XXXIII.

Hæc sunt præcepta, quæ mandavit Dominus Moysi ad filios Israël in monte Sinai. Observa, quod & paulo superius de omnibus decimis terra, tam de frugibus, quam de pomis arborum; hic autem de decimis pecorum domino offerendis præcepta dentur. Sed & hoc nihilo minus vigilanter observa, quid conclusio libri Levitici contineat, quæ ita se habet: Hæc sunt, inquit, præcepta, quæ mandavit Dominus Moysi ad filios Israël in monte Sinai. Videtur itaque parvitati nostræ eadem conclusio, præcedentium divinatorum præceptorum quasi quoddam firmitatis esse signaculum. Et si parva magni comparari possint, sicut quidam aut Regum, aut Imperatorum, ut sua statuta vigorem perpetuum obtineant, suo sigillo ea subter firmant; ita & dominus sua præcepta à se constituta, & promulgata vera, & minime violanda esse demonstrat.

XXXIV.

Sequitur in libro Numerorum: (p) *Locutus est Dominus ad Moysen, dicens: Loquere filiis Israël, omnes primitiæ, quas offerunt filii Israël, ad Sacerdotem pertinent, & quidquid in Sanctuarium offertur à singulis, & traditur manibus Sacerdotis, ipsius erit. Attende diligenter, Lector, quod & omnes primitiæ & quidquid ad Sanctuarium Domini à singulis aut offertur, aut oblatum*

(k) sic C. M.
[n] Ibidem.

(l) quin C. M.
[o] sibi Dominus omittit C. M.

(m) Levit. 27.
[p] Numer. 3.

latum est, Sacerdotis sint, & ad jus ejus pertineant. Item in eodem: (q) *Factum est autem in die, quâ complevit Moses tabernaculum, & erexit illud, unxitque & sanctificavit cum omnibus vasis suis altare, similiter & vasa ejus, obtulerunt Principes Israël & capita familiarum, qui erant per singulas tribus Præfecti eorum, qui numerati fuerant, munera coram Domino.* Quid autem in dedicatione altaris præcipiente Domino Principes obtulerint, sequentia ipsius libri demonstrant. Item in eodem: (r) *Locutus est Dominus ad Moysen, dicens: mea sunt omnia primogenita filiorum Israël, tam ex hominibus, quàm ex jumentis: ex die, quo percussi omne primogenitum in terra Ægypti, sanctificavi eos mihi, & tuli Levitas pro cunctis primogenitis filiorum Israël, tradidique eos dono Aaron, & filiis ejus; de medio populi, ut serviant mihi pro Israël in tabernaculo faderis, & orent pro eis, ne sit in populo plaga, si ausi sint accedere ad Sanctuarium.* In his Domini verbis duo nobis videntur præcipuè, necessariòque consideranda. Unum, quod idcirco Dominus jubet Levitas sibi in tabernaculo pro Israel servire, ut orent pro eis; ad quorum exemplum constituti esse videntur Sacerdotes Christi in Ecclesia, ut contenti oblationibus fidelium orent ad Dominum pro eis. Alterum quo dicitur: *Ne sit in populo plaga, si ausi fuerint accedere ad Sanctuarium.* Dat, non inconvenienter posse intelligi eandem accessiorem, aliquam circa Sanctuarium temerariam præsumptionem, aut quamlibet subreptionem.

XXXV.

Item in eodem: (s) *Et dixit Dominus ad Moysen: Usquequo mihi detrabet populus iste? Quousque non credet mihi in omnibus signis, quæ feci coram eis? Feriam igitur eos pestilentia, atque consumam.* Et post pauca: (t) *Vt ego, dicit Dominus, implebitur gloria Domini universa terra: attamen omnes homines, qui viderunt Majestatem meam, & signa, quæ feci in Ægypto & in solitudine, & tentaverunt me jam per decem vices, nec obediunt voci meæ, non videbunt terram, pro qua juravi Patribus eorum.* Hæc verba congruunt his, qui in ministris Domini Domino detrahunt, juxta illud, quod Dominus discipulis suis ait: (u)

Qui vos audit, me audit, & qui vos spernit, me spernit: Congruunt etiam & ea, quæ sequuntur his, Qui errata sua corrigere promittunt, & quod promittunt, adimplere negligunt. Unde verendum est, ne sicut ille populus carnalis propter detractiones & tentationes ac murmuraciones, & pro eo quod Imperio Domini inobediens existit, in terram repromissionis minimè intravit, sed potius in eremi vastitate occubuit; ita populus Christi nomine insignitus, Imperiis Domini inobediens factus, à terra viventium sit secretus. Item in eodem ait Moyses ad populum Israel: (x) *Cur transgredimini verbum Domini, quod vobis non cedit in prosperum? Nolite ascendere. Non enim est Dominus vobiscum, ne corruatis coram inimicis vestris.* His verbis deterrendi sunt hi, qui cum Dominum secum non habeant, jure adversus inimicos suos se arma convertere posse putant. Prius enim enitendum, & (y) diligenter procurandum est, ut Christiani Dominum secum habeant, quatenus postea securiùs, fidentiùsque, imo fortius hostes suos superare prævaleant. Item in eodem: (z) *Dixitque Dominus ad Moysen & Aaron: Recedite de medio hujus multitudinis & jam nunc delebo eos, cùmque jacerent in terra dixit Moyses ad Aaron: Tolle turibulum & hausto igne de altari mitte incensum desuper, pergens citò ad populum, ut ores pro eis; jam enim egressa est ira à Domino & plaga deservit. Quod cum fecisset Aaron & cucurrisset ad mediam multitudinem, quam jam vastabat incendium, obtulit Thymiamam; & stans inter mortuos ac viventes pro populo deprecatus est, & plaga cessavit.* His verbis declaratur, quantum Dei Sacerdotum deprecatio valeat apud Altissimum. Patet quippe, quod hi, per quorum orationem furor Domini placari, & à populo plaga Dei potest cessare, nequaquam sunt vituperandi & detrahendi, sed potius propter eum, ejus ministerium gerunt, honorandi & venerandi. Item in eodem: (a) *Locutus est Dominus ad Aaron; omnia, quæ sanctificantur à filiis Israël, tradiidi tibi, & filiis tuis, pro officio sacerdotali legitima sempiterna.* Et infra: (b) *Omnis oblatio & sacrificium, & quidquid pro peccato atque delicto redditur mihi, & cedit*

in

(q) Numer. 7.

(r) Ibidem.

(y) vigilanter C. M.

(b) Ibidem.

(r) Numer. 8.

(u) Luc. 10.

(z) Num. 16.

(r) Numer. 14.

(x) Numer. 15.

(a) Num. 18.

in Sancta Sanctorum, tuum erit, & filiorum tuorum. Item infra: Primitias autem, quas voverint & obtulerint filii Israël, tibi dedi, & filiis ac filiabus tuis jure perpetuo. Item infra: Omnem medullam olei & vini ac frumenti, (c) quidquid offerunt Primitiarum Domino, tibi dedi. Universa (d) frugum initia, quæ genuit humus, & deportantur Domino, cedent in usus tuos. Item infra: Omne, quod ex voto reddiderint filii Israël, tuum erit: quidquid primum erumpet de vulva cunctæ carnis, quam offerunt Domino, sive ex hominibus, sive de pecoribus fuerit, tui juris erit. Item non post multa: Omnes Primitias Sanctuarii, quas offerunt filii Israël Domino, tibi dedi ac filiis & filiabus tuis. Pactum salis est sempiternum coram Domino, tibi, ac filiis tuis. Hæc verba Domini contra illos agunt, qui ea, quæ Domino aut offeruntur, aut oblata sunt, ad Sacerdotes Christi [e] pertinere contendunt. Verum, si ea diligenter consideraverint, se non mediocriter errare, immò contra Deum agere reperient.

XXXVI.

In præcedentibus satis abundèque dictum est de diversis Sacrificiis, & diversorum munerum speciebus: de his quæ Dominus sibi offerri jussit, sive de his, quæ populus sponte obtulit, ad tabernaculum Domini, quod typum gerebat futuræ Ecclesiæ Christi. Nunc autem quia jubente Domino populus Israëliticus contemptum Dei in Madianitis ultus est, ita, ut ne unus quidem ex his in bello occubuerit, quid pro gratiarum actione, suæque liberatione deo pro se pugnanti, & vincenti, suoque Sacerdoti donariorum ad suum sanctum contulerint tabernaculum, videamus. (f) Dixit, (g) inquit, Dominus ad Moysen; Tollite (h) summam eorum, quæ capta sunt ab homine, usque ad pecus, tu, & Eleazar sacerdos, & omnes principes vulgi, divideſque (i) ex æquo prædam inter eos, qui pugnaverunt, & egressi sunt ad bellum, & inter omnem reliquam multitudinem, & separabis partem Domino ab his, qui pugnaverunt, & fuerunt in bello unam animam de quingentis, tam ex hominibus,

quam ex bobus, & asinis, & ovibus, & dabis eam Eleazar sacerdoti, quia primitiæ Domini sunt. Quod ita ad jussum domini Moyses fecerit, sequentia demonstrant. Ecce pars, quæ Domino ad usus sacerdotum de his, quæ capta sunt, oblata est. Videamus etiam, quid in partem Levitarum de eadem præda, jubente domino cesserit. Sequitur autem: (k) De media verò parte, quæ contigerat, reliquæ multitudini, id est de ovibus trecentis triginta septem millibus quingentis & duobus (l) triginta sex millibus, & de asinis triginta millibus quingentis, & de hominibus sedecim millibus, tulit Moyses quinquagesimum caput, & dedit Levitis, qui excubabant in tabernaculo Domini, sicut præceperat Dominus. Ecce pars Levitarum. Videamus etiam partem domini, quam populus ob suam liberationem de præda, quam ceperat, ei sponte obtulit: perpendamus, quod dominus in tabernaculo sancto suo thesaurum five ararium (utrumque legimus) habere voluerit: & opponamus eis, qui aurum & argentum, ceteras species pretiosas domino sacratas in Thesauris sanctæ dei Ecclesiæ reprehendendo asserunt frustra inesse. Hi ergo videant, quid sequatur. (m) Quoniam accessissent Principes, exercitus ad Moysen, tribuni & centuriones dixerunt. Nos servi tui recensuimus numerum pugnantium, quos habuimus sub manu nostrâ, & ne unus quidem defuit. Ob hanc causam offerimus in donariis domus Domini singuli, quod in præda auri potuimus invenire, perisclides, & armillas, annulos, & dextralia, ac muræmulas, ut depreceris pro nobis Dominum. Susceperuntque Moyses, & Eleazar sacerdos omne aurum in diversis speciebus pondus sanctuarii sedecim millia, septingentos, quinquaginta siclos à tribunis, & centurionibus. Unusquisque enim, quod in præda rapuerat, suum erat. Et susceptum intulerunt in tabernaculum testimonii, in monumentum filiorum Israël coram Domino. Si populus carnalis de præda hostium suorum, quam cepit, donaria grata deo obtulit, & his datis, ut pro se oraretur, postulavit, deumque sibi placabilem fecit, cavendum omnino, immò expavescendum illis est, qui pretioso Christi sanguine

(c) omittit C. M. Primitiarum, & sic legit: quidquid offerunt filii Israël Domino.

(d) universas frugum primitias. C. M.

(f) Numer. 31.

(g) tolle C. M.

(h) & de bobus C. M.

(e) non addit C. M.

(f) Dixit, inquit, Dominus. Incipit Caput XXXVI. C. M.

(g) ea C. M. addit.

(m) Loco citato.

(k) Loco citato.

guine sunt redempti, & (n) aliis fidelibus Deo oblata & consecrata, immo sanctificata contra fas auferunt, & in suos illicitos usus retorquent, ne fortè, sicut memoratus populus de donariis, quæ Deo contulit, eum(o) sibi propitium fecit; ita è contrario, quod absit, illi de aliorum Deo, Ecclesiæque Sanctæ suæ oblaris rebus cum sibi iratum faciant, suumque immensum furorem in se provocent: & quod plurimum pertimescendum est, ejus justo judicio in prædam hostium suorum non solum visibilibus, verum etiam invisibilibus incurant.

XXXVII.

Quod ergo Dominus ad sanctuarium suum inter ceteras species, quas dinumerare longum est, domos, & agros, & servos sibi offerri præceperit, in superioribus jam dictum est; nunc majora & copiosiora, quæ in tabernaculo sancto suo famulantibus Dominus dari jubet, intueamur. (p) Hæc (q) quoque locutus est Dominus ad Moysen in campatribus Moab super Jordanem contra Jericho: *Præcipe filiis Israël, ut dent Levitis de possessionibus suis urbes ad habitandum, & suburbana earum per circuitum, ut ipsi in oppidis maneant, & suburbana sint pecoribus ac jumentis.* Et infra: (r) *Ipsæ autem urbes, quæ dabuntur ex possessionibus filiorum Israël, ab his, qui minus, pauciores, singuli juxta mensuram hereditatis suæ dabunt oppida Levitis.* Quod ita Josue in terra repromissionis fecerit, textus libri illius liquido depromit. Perspicuum sane satis est, & nosse volentibus apertissimum, quod Deus idcirco populo suo de hereditate possessionum suarum domos, & agros, & mancipia, insuper etiam, quod majus est, civitates & suburbana sanctuario suo famulantibus dari præceperit, ut Ministri Sanctuarii sui instantius, honestiusque, atque inexcusabilis sacrum suum cultum exercere, suumque famulatum potuissent liberius explere. Quibus verbis liquidò colligi potest, quod quisquis, (s) quæ alii fideles de hereditate possessionum suarum, ob remedium animarum suarum, Deo ad honorem, & decorem

Ecclesiæ suæ, ejusque ministrorum usus contulerunt, aut abstulerit, aut auferre præsumit, procul dubio aliorum data in suarum animarum convertit pericula. Sequitur enim in eodem: (t) *Hæc sunt mandata, atque judicia, quæ præcepit Dominus per manum Moysi ad filios Israël in Campatribus Moab super Jordanem contra Jericho.* Non est prætereundum, nec negligenter considerandum, quid clausula, vel conclusio libri hujus, id est, Numerorum contineat. Innuit autem, quod ea, quæ præcepta sunt, Dominus præceperit, & facienda decreverit, & ea adimplentibus præmia, non autem adimplentibus diversa supplicia interminatus sit. Sequitur in libro Deuteronomii, in quo, inter cetera multa mandata, quæ Moyses locutus est ad filios Israël, ita legitur: (u) *En, inquit, propono in conspectu vestro hodie benedictionem, & maledictionem: benedictionem, si obedieritis mandatis Domini Dei vestri, quæ ego hodie præcipio vobis; maledictionem, si non obedieritis mandatis Dei vestri, sed recesseritis* (x) *à via, quam ego nunc ostendo vobis.* Notandum diligenter est, quod obedientes divinis præceptis benedictionem; inobedientes verò maledictionem mereantur. Luce enim clariùs constat, quod subreptores Ecclesiasticarum rerum injuriam, & inobedientiam Deo irrogent, suorumque præceptorum transgressores existant. Unde providendum est, ne hujuscemodi maledictionem, quam legifer proponit, pro benedictione subeant. Qui autem nosse vult, quæ sit eadem maledictio, scrupulosissimè, diligentèrque præcedentia, & subsequenta divinæ legis legat eloquia, & pro certo inveniet, quantum sit terribilis & horribilis, atque pertimescenda sit eadem maledictio. Porro, quod ad locum, quem Dominus elegit, veniendum sit, & quæ offerenda, & ibi offerri decernantur, paulo post sublequentia innuunt: (y) *Ad locum, inquit, Moyses, quem elegerit Dominus Deus vester de cunctis tribubus vestris, ut ponat nomen suum ibi, & habitet in eo, convenietis, & offeretis in illo holocausta, & victimas vestras,* deci.

(n) ne ab C. M.

(o) que annexit C. M.

(p) Num. 35.

(q) Hæc quoque incipit Cap. XXXVII. C. M.

(r) Ibidem.

(s) ea addit C. M.

(t) Num. 36.

(u) Deuter. 11.

(x) de via C. M.

[y] Deut. 12.

decimas, & primitias manuum vestrarum, & vota, atque decuria. Et infra: (z.) Transibitis Jordanum. Et habitabitis in terra, quam Dominus Deus vester daturus est vobis, ut requiescatis à cunctis hostibus per circuitum, & absque ullo timore, habitetis in loco, quem elegerit Dominus Deus vester, ut sit nomen ejus in eo. Illuc omnia, quæ præcipio, offeretis, holocausta, & hostias, ac decimas, & primitias manuum vestrarum, & quidquid præcipuum est in muneribus, quæ ovistis Domino. Et post pauca: (a) Cave, ne offeras holocausta tua in omni loco, quem videris, sed in eo, quem elegerit Dominus. His verbis patenter intelligi datur, quod omnia, quæ ex muneribus præcipua, & pretiosa sunt, sibi Dominus voluerit offerri; & quod si ea, sive, quæ Dominus præcepit, sive ea, quæ ejus populus sua sponte offerre voluisset, non alibi, nisi in loco, quem dominus elegisset, ut esset nomen ejus in eo, offerri jubeantur, procul dubio ea, quæ Ecclesiæ sunt collata, non alienis, sed ejusdem Ecclesiæ sunt usibus applicanda.

XXXVIII.

Item in eodem; (b) Cum voveris votum Domino Deo tuo, non tardaveris reddere, quia requirit illud Dominus Deus tuus; & si moratus fueris, reputabitur tibi in peccatum. Si nolueris polliceri, absque peccato eris! (c) Quod autem semel egressum est

de labiis tuis, observabis, & facies sicut promissisti Domino Deo tuo, & propriâ voluntate, & ore locutus es. Si illi, qui propriâ voluntate deo votum vovit, & non reddidit, dominus in peccatum reputabat, quod putas peccatum domino sibi imputante incurrit, qui aliorum vota voluntariè domino exhibitâ auferre præsumit, & tantæ comminationis poenam non formidat? quia ergo, qui votum vovit, & non reddidit, dominus sibi in peccatum reputat, & quisquis ea, quæ Domino vovit, reddidit ei, nullo modo postea auferre licet; multò minùs ea, quæ alii voverunt, & reddiderunt ei, fas est auferre: (d) Quoniam si illi, qui vovit, & non reddidit, in peccatum reputatur, multò magis ille, qui aliorum vota tollit, majus sibi peccatum acquirit. Hæc de quinque libris Moysi congestisse sufficiat. Ceterùm, quicumque plenius latiusque de his, quæ dominus sibi, suoque tabernaculo, sacerdotibus, & ministris suis offerri, & dari præcipit, scire voluerit, Pentateuchum ejusdem Moysi enuclearim legat, & de his, quæ in hoc opusculo non continentur, quæ utique plena sunt autoritate, ad negotium de quo agitur, adstruendum, & ad stipulandum, patenter reperire valet, quæ huic opusculo ob sui prolixitatem vitandam non inferuntur.

EXPLICIT LIBER I.

[z] Ibidem.

[a] Deut. 12.

(b) Deut. 23.

(c) eris C. M.

(d) Quoniam si illi, qui vovit & non reddidit, in peccatum reputatur, multò magis ille, qui aliorum vota tollit, magis sibi peccatum acquirit. Hæc omnia omittit C. M.

SYNODI AQUISGRANENSIS

A D

PIPPINUM, REGEM AQUITANIÆ

LIBER II.

TITULI CAPITUM LIBRI II.

I. De Jerichuntinæ urbis subversione & populi Dei propter furtum Achab peremptione, & ipsius Achab, justo Dei judicio, horribili internecione.

II. Quod punito, justo Dei judicio, Achab, populus Israeliticus de hostibus suis triumphare meruerit, & pro eodem triumpho

Josue altare Domino Deo Israël edificaverit.

III. De Gabaonitis, quos Josue tabernaculo Domini mancipavit.

IV. Quod tempore Judicum cultus divinus propter peccata populi neglectus, & à quibusdam judicibus Deo placentibus erectus,

Etus, & ob id persæpe de hostium dominio populus Dei sit liberatus.

V. Quid benedictionis Anna, pro eo, quod filium suum Domino obtulit, promeruit.

VI. Quomodo peccatum, quo in Deum peccatur, sit accipiendum.

VII. Quod ruina Heli Sacerdotis, filiorumque ejus, non solum Sacerdotibus, (a) verum etiam Patribus & filiis debitam sibi reverentiam non exhibentibus, sit pertimescenda.

VIII. Quod sæpe culpa Sacerdotum populi, & populi culpa ruina exstiterit Sacerdotum.

IX. Quid (b) raptoribus arca Dei, Deique populi caesoribus provenierit.

X. Quomodo tempore Samuelis cultus divinus per negligentiam Ministrorum collapsus, & per ejus studium, Domino se adjuvante, fuerit erectus, & populus ab Idololorum cultura ad divinum cultum revocatus.

XI. Quod obedientia, secundum verba ejusdem Samuelis, præferatur victimis, & holocaustis.

XII. De reprobatione Saül Regis, & electione atque unctione David Regis.

XIII. Quanta in veneratione idem David arcam Dei habuerit, & cum quanto honore eam in medio tabernaculo posuerit, ibique coram Domino holocausta & pacifica obtulerit.

XIV. Quod in numeratione populi idem David Domino peccaverit, & monente Gad Propheta, altare Domino construxerit: & oblatis holocaustis & pacificis, non solum reatus sui obliationem, verum etiam Divinam propitiationem, ac populi nancisci meruerit liberationem.

XV. Quod David voluerit edificare domum Domino, & cur eam edificare non posset, per Nathan Prophetam instructus esset, jubente Domino.

XVI. (c) Qualiter Salomon filius David domum Domini edificaverit, & cum ingenti gloria dedicaverit: & suis atque paternis donariis sublimaverit. (d)

XVII. Quod eadem domus edificata à Salomone typum gesserit Sanctæ Dei Ecclesiæ, & quod multa bona ejusdem domus honoratores adepti, multa quoque ejus debonoratores sunt adversa perpessi.

O 2

XXVIII. Quod eadem sacra domus ab externis gentibus, & Regibus sit venerata, & multiplicibus donis honorata.

XIX. Quod idem templum Dei propter peccata Sacerdotum, & Regum, totiusque populi, à Chaldeis primum fuerit destructum, & dirutum.

XX. De abiectione & humiliatione, & cum feris habitatione Nabuchodonosor Regis, quam propter sacrilegium, quod circa templum Dei commisit, & elationem, quæ contra Deum tumuit, perpeti promeruit.

XXI. De recognitione ejusdem Nabuchodonosor & Dei in sempiternum viventis laudatione, & glorificatione.

XXII. De Balthasar, qui pro eo, quod Deo sacrata vasa sibi afferri iussit, ut in eis ipse & Optimates ejus, & uxores, & concubinae biberent, eadem nocte regno & vita caruit.

XXIII. De septuagesimo captivitatis Israëliti populi anno peracto, populo Dei ad propria reverso, & ab eis, civitate & templo constructo.

XXIV. De eodem templo consecrato, propter peccata Sacerdotum, & Regum, totiusque populi, ab Antiocho profanissimo Rege Græcorum capto, & Idololorum fordibus polluto, & de sacratis rebus, quas ab eodem abstulit templum.

XXV. Quod idem templum, expugnatis Antiochi ducibus, Judas Machabæus purificaverit & diversis muneribus ditaverit, Deoque consecraverit.

XXVI. De horrenda & invisibili plaga, quam Antiochus pro eo, quod templum Domini cepit & polluit, & vasa sancta inde abstulit, tormentaque diversa populo Dei inflixit, perpessus est.

XXVII. Quæ Menelaum pro eo, quod Antiochi Regis ad capiendum, & exspoliandum templum Domini ductor & consiliator exstitit, pena consecuta est.

XXVIII. Quid Heliodorus, Comitèsque ejus, ærarium, id est, templum Domini, pecuniis Deo oblati, & ab aliis depositis, exspoliare tentantes perpessi sint.

XXIX. Quod in locis Deo sacratis verè sit Dei virtus, eorumque visitator, & adiutor Deus, & venientes ad maleficiendum percutiat & perdat.

XXX.

(a) cultum Dei negligentibus addit C. M.

(c) quod addit C. M.

(b) captoribus C. M.

(d) in hoc opere prosequi necessarium non sit addit C. M.

XXX. Quod Deo oblata, quæ utique sanctificata vocantur, secundum verba Judith, ab his, quorum officii non est, nullo modo auferri, aut contingi fas est.

XXXI. Quod Ozias Rex pro eo, quod sacerdotale ministerium sibi indebitè usurpavit, lepra multari meruit.

P R Æ F A T I O.

PRæfens opusculum, quod hætenus ex libris Mosaicæ Legis de religione oblatarum Deo, sive offerendarum rerum, quantum Dominus donare dignatus est, breviter congestimus, & abhinc tam de veteri, quod restat, quam etiam de novo testamento, & Sanctorum Patrum documentis congerere, adjuvante Christi gratia, cupimus, ob utilitatem legere volentium, & fastidiosis tædium auferendum, in tribus libellis distinguendum judicavimus. Exactus sit ergo primus, & exordium à libro Jesu Nave sumat secundus.

C A P U T I.

Dixit autem Josue ad omnem Israël: ^(e) Vociferamini: tradidit enim vobis Dominus civitatem, sitque civitas hæc anathema: & omnia, quæ in ea sunt, Domino: Et infra; Vos autem cavete, ne de his, quæ præcepta sunt, quidpiam contingatis, & sitis prævaricationis rei, & omnia castra Israël sub peccato sint, atque turbentur. Quidquid autem auri & argenti fuerit, & vasorum æneorum ac ferri, Domino consecrabitur repositum in thesauro ejus. Nulli quippe dubium est, quin de Jericho civitate subvertenda hæc dicantur. Quapropter observa diligens lector, & curioso auditor, quod duo in his verbis, quæ præmissa sunt, jubeantur. Alterum videlicet, quo cavendum omnino præcipitur, ne de his, quæ Domino consecrata sunt, quidpiam contingatur. Alterum, quo jubetur, quidquid auri vel argenti, ac ferri, omniumque vasorum æneorum fuerit, domino consecrari, & in thesauro ejus recondi. Vitandumque tibi est, ne contingendo ea, quæ domino consecrata sunt, sis prævaricationis reus, & alii propter te sub peccato sint, atque turbentur; & sagaciter intende, qualiter thesauri domini, eo jubente, incremententur. Sed & hoc diligenter observa, ne tuo æstu, & cupiditate ea, quæ in thesauro domini

ei consecrata sunt, auferantur. Quod autem, sicut Josue, domino imperante, facienda præceperat, postea sint completa, sequentia testantur. Urbem autem, & omnia, quæ in ea erant, succenderunt, absque argento & auro, & vasis æneis, ac ferro, quæ in ærario Domini consecrarunt. Qui autem ausu quoque temerario illectus, de his, quæ domino consecrata sunt, palam, atque occulte furripere posse arbitratur, exemplo Achan deterreatur; qui æstu avaritiæ succensus de his, quæ domino consecranda erant, furtim sibi furripuit, pallium scilicet coccineum valde bonum, & ducentos siclos argenti, regulamque auream quinquaginta siclorum: & ne deprehenderetur, in tabernaculo suo subfossa humo, consciis liberis, ac domesticis suis, occuluit, quæ unque domino consecrata erant. Ob cujus immane facinus quædam pars populi Israëliti coram hostibus suis caesa exstitit, & Josue, consulto domino, hæc audiuit: ^(g) Surge, cur jaces pronus in terra? Peccavit Israël, & prævaricatus est pactum meum: tuleruntque de anathemate, & furati sunt, atque mentiti, & absconderunt sua. Nec poterit Israël stare ante hostes suos, eosque fugiet, quia pollutus est anathemate. Non ero ultra vobiscum, donec coneratis eum, qui hujus sceleris reus est. Nota, quod unius illicitum factum totus Israëliticus populus generaliter fecisse narretur: & quod propter unius facinus in populum dei domini ^(b) indigens comminatio fiat, videlicet, ut nec Deum secum habere, nec coram inimicis suis stare posset, donec ille interiret, qui hujusmodi scelere contaminatus erat. Qualiter verò ipse Achan à Josue applicato sibi Israël per tribus suas, solertissimè examinatus, ac deprehensus, sive reatum suum confessus fuerit, qualiter etiam lapidum grandine occubuerit, & omnia, quæ illius erant, igne consumpta sint, sequentia pandunt. Veruntamen valde pavenda sunt hæc, &

^(e) Josue 6.

^(b) ingens C.M.

^(g) Josue 7:

& omnibus fide Christi insignitis cavenda; ne propter aliorum illicitum, immò sacrilegum factum, nec secum, quod absit, Dominum habeant, nec eoram inimicis suis stare prævaleant. Patratores autem tam immanis, immò sacrilegi facti, magnopere cavere oportet, ne propter suam cupiditatem, quam erga res deo sacratas aut exercent, aut exercere cupiunt, sibi ad instar Achan mortem æternam, aliisque Dei offensam & coram hostibus suis acquirant miserabilem ruinam.

II.

Punito itaque, iusto dei judicio, eodem Achan, continuo, præcipiente domino, populus Israëliticus de hostibus suis triumphare, quia dominum jam secum habebat, promeruit, sicut sequentia libri ejusdem Josue manifestant, & ob id ædificatum est altare domino deo Israël. Habes igitur ita in eodem libro: (i) *Tunc ædificavit Josue altare Domino Deo Israël in monte Hebal, sicut præceperat Moyses famulus Domini filius Israël, & scriptum est in volumine legis Moysi: Altare de lapidibus impositis, quos ferrum non tetigit, & obtulit super illud holocausta Domino, immolavitque pacificas victimas.*

III.

Quia igitur sunt plerique diversissimis modis argumentantes, & callide percontantes, unde usus de mancipiis, deo suoque tabernaculo, quod typum gessit Sanctæ Ecclesiæ, delegandis inoleverit: si præcedentia, in quibus satis abunde de hominibus Sanctuario Domini mancipandis, & mancipatis (k) tractatum est, illis non sufficiunt: attendant, qualiter Josue Gabaonitas tabernaculo Domini servituros delegaverit. Ait enim illis, sicut in eodem libro legitur: (l) *Non deficiet de stirpe vestra lingua cædens, aquisque comportans in domum Dei mei.* Et infra: *Decrevitque in illo die, esse eos in ministerio cuncti populi, & Altaris Domini, cædentes ligna, aquasque comportantes, usque in præsens tempus, in loco, quem Dominus elegisset.* Hi namque Gabaonitæ, eorumque posteritas, quod in tabernaculo Domini secundum constitutionem Josue deservierint, nec non & in templo, quod postea à Salomone Do-

O 3

mino ædificatum, & dedicatum est, habes plenissime in libro Regum. Quod verò sacerdotibus cum populo in captivitatem ductis, & in eadem captivitate per septuaginta annos detentis memorati Gabaonitæ eorundem sacerdotum obsequio fuerint mancipati, habes in libro Esdræ: (m) *Ubi seorsum sacerdotes, seorsum verò numerantur Levitæ, ad extremum numerantur Nathanaei, numerantur etiam & filii servorum Salomonis.* Nathan quippe Hebraicè, latine donatus. Nathanai Hebraicè, latine donati, vel donatitii appellantur. Hi sunt profecto accipiendo memorati Gabaonitæ, quos Josue tabernaculo Domini servituros donavit. Porro quos vocat in eodem libro Esdræ, filios servorum Salomonis, hi sunt abique dubio intelligendi, quos Salomon ob honorem divini cultus templo Domini delegavit.

IV.

Tempore igitur judicium manifestum est, populum Israëliticum à cultu divino recessisse, & ab offerendis Deo sacrificiis, & hostiis pacificis, & cæteris, quæ in lege præcepta sunt, diversarum specierum muneribus torpuisse, & ad ritum gentium defecisse. Quoniam ut in libro judicum legitur: (n) *In diebus illis non erat Rex in Israël, sed unusquisque, quod sibi rectum videbatur, hoc faciebat.* Et ideo ob meritum scelerum suorum, earundem gentium dominio subjugatum, & diversis tribulationibus, & angustis afflictum fuisse. Qui sæpe reatum suum agnoscentes, & luctuosas poenitentiarum gemitibus descentes per sacrificia Deo oblata, à quibus diu vacaverant, de inimicis suis exstiterunt victores, sicut, legimus de Gedeon, & Manue. Hæc ideo protulimus, ut magnopere perpendatur, quanti sit discriminis, cultum divinum Deoque sacrificia debita aut negligi, aut dehonoriari, & quanti sit solati contra hostes visibiles, & invisibiles, magnique muniminis, ea rite, & honestè Deo exhiberi. Veremurque nimium, ne hoc quod dicitur: (*) *Faciebat unusquisque, quod sibi rectum videbatur*, quoquomodo illis valeat aptari, qui res Ecclesiæ aut dant aut accipiunt, & in suos usus contra fas retorquent, & hoc sibi rectum, justumque videri putant.

V.

(i) Josue 8.

(m) 1. Esdræ 2.

(k) tractatum est *omissis* C. M.

(n) Judic. 17.

(l) Josue 9.

V.

Legimus itaque in libro Samuëlis primo: (o) *Quia pro eo, quod Anna filium suum Samuelem adduxit in domum Domini, quæ erat in Silo, eoque cum holocaustis per officium Heli Sacerdotis obtulit Domino, ita ut cunctis diebus vitæ suæ serviret Domino, idcirco benedictionem* (p) *meruit accipere à Domino.* Nota, prudens lector, quod tabernaculum vocetur hic domus Domini, sicut habes in eodem libro: (q) *Et abduxit eum, id est, Samuelem, in domum Domini in Silo.* At si forte quis quærat, quam benedictionem eadem Anna consecuta sit, videat sequentia: (r) *Ascendit itaque Anna cum viro suo Elcana, ut immolaret hostiam solemnem, & benedixit Heli Elcanæ, & uxori ejus, dixitque: Reddat Dominus tibi semen de muliere hac pro fenore, quod commodasti Domino, & abierunt in locum suum.* Visitavit ergo Dominus Annam, & concepit, & peperit tres filios & duas filias, & magnificatus est puer Samuel apud Dominum. Si pro filio & hostiis Deo oblati Anna benedici, & Spiritum prophetiæ, & sobolem meruit adipisci; cavendum illis est, qui hostias ab aliis Deo oblatas auferunt, ut non solum maledictionem, sed etiam extinctionem filiorum suorum incurrant, sicuti quosdam incurrisse non ambigimus.

VI.

Quod autem sequitur in eodem libro, nimium est terribile. (s) *Si, inquit, peccaverit vir in virum, placari ei potest Deus: si autem in Dominum peccaverit vir, quis orabit pro eo?* Inter cetera namque peccata, quibus in Deum peccatur, non minimum peccatum existat illud, quod cultus Dei contemnitur, aut diminuitur, vel deonestatur: & idcirco tam ingens peccatum modis omnibus est cavendum. Quicumque ergo ea, quæ Divino nomini consecrata sunt, aufert, in Deum se peccare, nullo modo dubitet. Sed & hoc valde est terribile, quod Dominus loquens ad Heli Sacerdotem, ita inter cetera inquit: (t) *Quicumque glorificaverit me, glorificabo eum; qui autem contemnunt me, erunt ignobiles.* Cum multis Deus in operibus nostris glorificetur,

juxta illud Evangelicum: (u) *Videant opera vestra bona, & glorificent Patrem vestrum, qui in celis est.* Specialiter tamen glorificatur Deus in cultu suo, & in his, quæ ei consecrantur, & sanctificantur: contemnitur autem ab his, qui in tantam vesaniam prorumpunt, ut illi consecrata auferre non formident. Quibus valde pertimescendum est illud, quod sequitur: (x) *Qui autem contemnunt me, erunt ignobiles.* Magna porro ignobilitas est, aliquam Deo in suis sacratis rebus injuriam inferre, & à voluntate & servitio ejus se disjungere, & hostis sui voluntati & obsequio mancipare.

VII.

Ruina quoque Heli Sacerdotis, filiorumque ejus, quæ in eodem libro Samuelis sequitur facta, non solum Patribus, sed etiam filiis est pertimescenda. Quapropter Patribus studendum est, ut filios suos indignè atque illicitè agentes congrua invectione corripiant: filiis autem providendum est, ne circa ea, quæ Domino aut consecrata sunt, aut consecrantur, illicitum quid gerant, Illicitum dicimus factum, quando ea, quæ illis fas non est, à cultu Divino abstrahunt, & sine dubio furorem Domini in se concitant. Timendumque valde est, ne tandem in auferendis rebus Deo oblati tale gignatur peccatum, quod non expietur nec victimis, nec muneribus sicuti pro iniquitate Heli, filiorumque ejus à Domino dictum esse legimus. Unde in eodem libro per Samuelem Prophetam (y) in Heli Dominus loquitur. (z) *In illo die suscitabo adversus Heli omnia, quæ locutus sum super domum ejus, incipiam & complebo.* Prædixi enim ei, quod judicaturus essem domum ejus in æternum, propter iniquitatem ejus, eo quod noverat indignè agere filios suos, & non corripuerit eos. Idcirco juravi domui Heli, quod non expietur iniquitas domus ejus victimis & muneribus usque in æternum. Attendendum & pertimescendum valde est, quale sit facinus, vel flagitium, quod nec victimis, nec muneribus expiari possit; & agnoscendum liquido est, quod tam terribilis Divina interminatio, quæ non modo victimis, verum

(o) 1. Reg. 1.

(r) 1. Reg. 2.

[u] Matth. 5.

(z) de C. M.

(p) meruerit à Domino habet C. M.

[1] Ibidem.

[x] 1. Reg. 2.

(q) Loco citato.

[2] Ibidem.

[7] 1. Reg. 3.

verum etiam quibuslibet muneribus expiari interdictum, ex duobus contemptibus nasci nullo modo dubitatur. Uno quidem, quo paterna disciplina erga filios delinquentes, & Deum in suis actibus ad iracundiam provocantes, ex quodam vano carnalis affectus amore segnior, remissiorque efficitur, & filiorum admissa in semetipsos redundare comprobantur. Altero, quo erga Sanctuarium Dei, Deoque diversa consecrata, ac sanctificata donaria temerario ausu delinquitur; & idem delictum non solum in praelatis, verum etiam in subjectis Divina ultione persæpe vindicatur. Hæc de Heli, filiisque ejus transgredientibus præceptum Domini dicta sint. Ceterum observandum est, & summopere, vigilantèrque cavendum, ne factum Heli, filiorumque ejus, filii Sanctæ Dei Ecclesiæ imitentur: ne forte, quod abest, per eorum imitationem, & ipsi animarum suarum periculationem incurrant, & per eos totus populus deveniat ad temporalem, & æternam damnationem. Captio denique arcæ Dei, in qua erant tabulæ testamenti, & cetera, quæ Divino præcepto inesse memorantur, propter peccata memorati Heli Sacerdotis, filiorumque ejus accidisse minimè dubitatur.

VIII.

Populi quoque Dei tam flebilis interemptio, non solum propter Sacerdotum, verum etiam propter sua innumera delicta, quibus cultum Dei nihili ducebant, accidisse manifestum est. Sæpe quippe accidisse legimus culpam Sacerdotum ruinam exstitisse populi, & rursus populi culpam ruinam exstitisse Sacerdotum; sicut apertè liquet, culpam Heli filiorumque ejus populi exstitisse ruinam, & rursus culpam populi captivitatem exstitisse Sanctorum Prophetarum, Ezechielis videlicet, Danielis, & Jeremiæ, & aliorum multorum Servorum Dei, secundum legis præceptum Deo sincerè, ac religiosè fervire volentium, sicut in eorumdem Prophetarum libris facillimè animadverti potest. Capturam porro arcæ Dei, quæ typum gessit capitis nostri Christi, corporis ejus, Sanctæ videlicet Ecclesiæ, populi que ruinam propter Heli Sacerdotis negligentiam, filiorumque

ejus transgressionem, provenisse, nulli, qui sanum sapit, dubium est.

IX.

Veruntamen, quid ejusdem arcæ Dei captoribus, Deique populi caesoribus, proveniret, manifestum est. Si ergo alienigenis propter peccata Sacerdotis, suorumque filiorum præcepta Dei transgredientium, facta est arcæ Divini testamenti captio, & populi Dei flebilis collapsio, cavendum omnibus, qui Christi nomine consentur, summopere est, ne spreto Sacerdotum Christi ministerio, & cultu ejus parvipenso, propter suam cupiditatem & illicitam præsumptionem, arcam Dei, quam utique cum capite suo Christo unam constat esse personam, eandem arcam in hostium suorum, quod Deus longe faciat, corruiere faciant depredationem.

X.

Qualiter denique Dei electus Propheta Samuel in cultibus sacris, & in altaribus erigendis, & in holocaustis offerendis, & in populis ab Idolorum cultura ad divinum cultum revocandis, Deo placuerit, ipsius libri historia legentibus apertè demonstrat. (a) Cujus verbis, & actibus evidenter patet, quod licet cultus Divinus per Ministrorum insolentiam, & vitiorum enormitatem quodammodo sæpe provenisset collapsus; tamen per clementiam Divinam, & ineffabilem misericordiam, servorum Prophetarum vaticiniis ostensam, fuerit erectus. Unde colligi datur, quod quamquam cultus Divinus impugnatores non solum indigenas, verum etiam externos habeat; numquam tamen Domino gubernante perpetuam desolationem & dehonorationem habebit; quoniam adest, & aderit cultus sui fautoribus, & ministratoribus ille, qui dixit; (b) *Ecce ego vobiscum sum omnibus diebus usque ad consummationem sæculi.*

XI.

Quantum autem obedientia præstatur victimis & holocaustis, ejus Samuelis Propheta verbis apertè demonstratur: (c) *Numquid vult, inquit, Domine holocausta aut victimas, & non potius, ut obediatur;*

(a) Sequentia non leguntur in Cod. M. usque ad; quod quamquam cultus.

(b) Matth. 28.

(c) 1. Reg. 15.

diatur voci Domini? Melior est enim obedientia, quam victima, & auscultare magis, quam offerre adipem arietum. Quoniam quasi peccatum ariolandi est, repugnare; & quasi scelus idololatriæ, nolle acquiescere. Iussit enim Dominus sibi suoque tabernaculo diversa donaria, & non alia, nisi pretiosa offerri, & ea penitus non est passus auferri. Ergo offerentes sunt Domino obedientes, auferentes verò procul dubio exstant ei inobedientes, atque repugnantes. Cavendumque est illis, ne propter suam inobedientiam, jam & in præcedentibus commemoratum est, & hic succinctim commemorandum.

XII.

(d) Abiecto itaque atque reprobato propter inobedientiam Saul Rege, David, electione divinâ, à Samuele, Domino præcipiente, ungitur in Regem. Qui quantæ fuerit fortitudinis, quantæque erga cultum Divinum amplificandum & exaltandum devotionis, jam & in præcedentibus commemoratum est, & hic succinctim commemorandum.

XIII.

Inter cetera quippe circa Divinum cultum religiosa facta sua, quantæ venerationi arcam Dei habuerit, intueamur: Habes siquidem secundo ejusdem Samuelis libro: (e) Cùmque transcendissent, inquit, qui portabant arcam Domini sex passus, immolabant bovem & arietem, & David percutiebat in organis armizatis, & saltabat totis viribus ante Dominum. Porro David accinctus erat Ephod lineo. Et David, & (f) omnis populus Israël ducebant arcam testamenti Domini in subilo, & clangore buccinæ. Et infra: (g) Et introduxerunt arcam Domini, & posuerunt eam in loco suo, in medio tabernaculi, quod tetenderat David. Et obtulit David holocausta coram Domino, & pacifica. Cùmque compleisset offerens holocaustum & pacifica, benedixit populo in nomine Domini exercituum.

XIV.

Eundem porro David in numeratione populi Domini peccasse, iramque illius in populo sibi subiecto expertum fuisse perspicuum est. Qui cùm vidisset

Angelum cadentem populum, memor transgressionis & fragilitatis suæ, dixit ad Dominum: (b) Ego sum, qui peccavi: ego inique egi; isti, qui oves sunt, quid fecerunt? Vertatur obsecro manus tua contra me, & contra domum Patris mei. Et monente Gad Propheta, emit arcam ab Areuna Jebusæo. Et constructo ibi altari Domino, & oblati holocaustis & pacificis, & reatus sui obliterationem & divinam repropitiationem, ac populi promeruit nancisci liberationem, sicut ibi legitur: (i). Et repropitius est Dominus terræ, & cohibita est plaga ab Israël. Hæc idcirco posuimus, ut animadvertatur, quantum apud Divinam Majestatem valeat, & veneratio Divini cultus, & erectio sacrorum altarium & holocaustorum, & pacificorum, & ceterorum, quæ Domino offeruntur, oblatio, & quantum Deo displiceat eorum ablatio.

XV.

Ferventissima namque ejusdem David erga templum Domini, ejusque cultum, in tantum excrevit devotio, ut diceret ad Nathan Prophetam: (k) Videsne, quodd ego habitem in domo cedrina, & arca Dei posita sit in medio pellium? & cetera, quæ sequuntur. Voluit enim sicut frequentia docent, ardentissimè ac devotissimè domum Deo Israël miræ magnitudinis, & admirandæ pulcritudinis ædificare: sed quia ab eadem ædificatione à Domino est prohibitus, & quod filius ejus, qui egrediretur de utero ejus, Domino sibi revelante, ac pollicente, eandem domum foret ædificaturus didicit: omnes expensas ejusdem ædificandæ domus, quas dinumerare longum est, præparavit, nec non & donaria innumera, in diversissimis, ac pretiosissimis speciebus, læto, & alacri animo sanctificavit, & in thesauris illius recondenda consecravit, sicut in Regnorum, præcipuèque Paralipomenon libris habetur.

XVI.

Qualiter autem Salomon filius David potentissimus ac ditissimus Regum domum Domino ex impensis paternis, & copiosissimis sumptibus suis ædificaverit, & cum ingenti gloria dedicaverit, & ea, quæ Pater suus, sive ipse Domino obtulerat,

(d) 1. Reg. 16.

(e) 2. Reg. 6.

(f) & omnis Domus Israël C. M.

(g) Loco citato.

(b) 2. Reg. 24.

(i) Loco citato.

(k) 2. Reg. 7.

lerat, & in thesauris ejus recondenda sanctificaverat, & consecraverat, & quid à Domino sibi apparente & pollicente audivit, hic per singula commemorandum subscivum duximus, præsertim cum legentibus omnia in memoratis libris in promptu habeantur.

XVII.

Quod verò eadem domus typum gesserit Sanctæ Dei Ecclesiæ, nullus sanum sapiens ignorat. Quisquis enim ex asse nosse cupit, quibus muneribus ceteri Reges eandem honoraverint, & exaltaverint, atque [1] multiplicaverint domum, & ejus cultui debitum exhibuerint famulatum, & quibus præconiis veneratores, & amatores ejus à Domino sint laudati, & de hostium suorum insidiis tuti ac liberati; dehonoratores verò ejusdem templi, & divinorum præceptorum transgressores, quantum à Domino sint reprobati, & ab hostibus suis trucidati; seriem eorundem librorum diligenter legat, & profecto reperiet, quod nulli Dominicæ domus dehonotori, & eorum, quæ Domino oblata sunt, surreptori impunè cesserit. Hæc de Israeliticis justis Regibus, Divini templi honoratoribus, & diversa donaria Domino offerentibus, nec non & de injustis secus agentibus, & ejusdem sacratissimi templi dehonotoribus, & à cultu Divino se ipsos, populūque Dei alienantibus, & ad idola gentium convertentibus, breviter congestisse sufficiat.

XVIII.

Idem igitur Deo sacratum templum ab externis gentibus constat esse veneratum, & multiplicibus donis honoratum, sicut habes de Hiram, rege Tyri, & de Seleuco, rege Asiæ, de quo in secundo libro Machabæorum legitur: (m) *Igitur cum sancta civitas habitaretur in omni pace, leges etiam adhuc optimè custodirentur, propter Omniæ Pontificis pietatem, & animas odio habentes mala; fiebat, ut ipsi Reges & Principes locum summo honore dignum ducerent, & templum maximis muneribus illustrarent: ita, ut Seleucus Asiæ Rex de redditibus suis præstaret omnes sumptus in ministerium Sacrificiorum pertinen-*

P

tes. Observa, diligens Lector, quantum memoratum venerabile templum non solum à Principibus & Regibus Divinam legem tenentibus, sed etiam à diversis nationum Regibus eandem Dei legem ignorantibus propter amorem & honorem Dei, maximis muneribus sit illustratum, & honoratum. Nam & idem templum ad adorandum Dominum, & diversis muneribus honorandum, multos gentilium adiisse, adventus illius Æthiopis (n) quem à Philippo legimus baptizatum, nec non & Reginæ Saba; evidentissimè adstruunt.

XIX.

Propter peccata quoque Sacerdotum & Regum, totiusque populi, idem templum, quod in magna gloria à Salomone Domino fuerat conditum, & per quadringentos & triginta annos manserat illæsum, immò valde gloriosum, à Chaldæis fuit incensum atque dirutum, & Hierosolymorum urbs destructa, populūque in Babylonicam captivitatem deductus, & vasa domus Domini, & quæque in thesauris domus Domini Domino fuerant consecrata & sanctificata; in Babylonem sunt deportata. Non tamen eadem vasa Domino sacrata Nabuchodonosor Rex profanus in suos præsumpsit retorquere usus; sed ea in locis (o) præcipuis, in delubris videlicet Deorum suorum, quæ apud illum magnæ habebantur venerationi, & religioni, servanda reposituit. Sciendum vero est, quod pro eo, quod templum Domini incendit, vasa Domini in Babylonem transtulit, populo Dei captivitatem inflixit, ei ullo modo impunè non cessit. Quoniam & propter hoc factum, & pro eo, quod gloriam, & potestatem, & honorem Regni sui non Deo, sed sibi tribuit, cælicam vocem audivit, quæ ita facta est: (p) *Tibi dicitur Nabuchodonosor Rex; Regnum transibit à te, & ab hominibus ejicient te, & cum bestiis, ferisque erit habitatio tua: fenum quasi bos comedes, & septem tempora mutabuntur super te, donec scias, quod dominetur excelsus in regno hominum, & cuicumque voluerit, det illud.* Eadem horâ sermo completus est super Nabuchodonosor, & cuncta, quæ dicta ei fuerant, proveniunt, sicut sequentia testantur.

XX.

(1) amplificaverint C.M.

[o] præcipuis omittit C.M.

[m] 2. Reg. 5. 2. Mach. 3.

[p] Daniel. 4.

[n] Act. 8. 3. Reg. 10.

XX.

Sed quia propter sacrilegium, quod circa templum Domini patrauerat, & suam magnam elationem, quâ contra dominum superbiendo tumuerat, & Danielis Prophetæ consilium, suæ salutis commodum, audire contempserat, quibus ei orsus est: (q) *Quamobrem Rex, consilium meum placeat tibi, & peccata tua elemosynis redime & iniquitates tuas misericordis pauperum: forte ignoscet Deus delictis tuis: tantam promeruit abjectionem, ut etiam cum bestis, & feris esset habitatio ejus, & fenum ut bos comederet. Videamus, quid post transactum abjectionis suæ tempus idem Nabuchodonosor humiliatus dixerit:*

XXI.

(r) *Igitur post finem dierum, ego Nabuchodonosor oculos meos ad caelum levavi, & sensus meus redditus est mihi, & Altissimo benedixi, & viventem in sempiternum laudavi & glorificavi, quia potestas ejus potestas sempiterna & regnum ejus in generationem & generationem. Et omnes habitatores terræ apud eum in nihilum reputati sunt; juxta voluntatem enim suam facit, tam in virtutibus celi, quam in habitatoribus terræ, & non est, qui resistat manui ejus, & dicat ei: Quare fecisti? In ipso tempore sensus meus reuersus est ad me, & ad honorem regni mei, decorumque perueni; & figura mea reuersa est ad me, & Optimates mei, & Magistratus mei requisierunt me, & in regno meo restitutus sum, & magnificentia mea amplior addita est mihi. Nunc igitur ego Nabuchodonosor laudo & magnifico, & glorifico Regem celi, quia omnia opera ejus vera, & via ejus iudicia, & gradientes in superbia potens est humiliare. Calicem praterea furoris Domini, qui secundum vaticinium Jeremiæ Prophetæ propinatus est gentibus, aduersantibus videlicet Israëlitis populo, & à testamento Dei procul secretis, eundem Nabuchodonosor in memorata abjectione plerique bibisse arbitrantur. Unde legitur in Jeremia Propheta: (s) *Et post eos bibit Sefach.* Sefach enim Nabuchodonosor fuisse Doctores nostri intelligunt. Quod si Nabuchodonosor tanti sacrilegii, tantæque arrogantiae, tantæ etiam impietatis Rex, propter suam humilem recognitionem, ad honorem, decorumque regni sui pervenire, suoque*

regno restitui, & magnificentiam, Domino tribuente, ampliores sibi addi promeruit; liquet profecto, & indubitanter accipi potest, quod hi, qui res Deo sacratas in suis audaçter abutuntur usibus, si ad tempus sibi prospexerint, & dignam Deo recognitionem illicitorum factorum suorum humiliter fecerint, veniam delictorum suorum possint promereri, & non solum in hoc sæculo temporaliter à Domino exaltari, verum etiam in futuro æternaliter remunerari. Si autem hoc facere præpropere detractaverint, verendum est illis, ne adinstar Nabuchodonosor cum feris bestis, id est cum immundis spiritibus, de quibus Plalmographus ait: (t) *Ne tradas Domine bestis animas consentium tibi; sit eorum sine fine habitatio.*

XXII.

Porro Baltassar, qui filius Nabuchodonosor fuisse describitur, vino deditus, in tantam prorumpere ausus est superbiam, suæque salutis inimicam, immò sacrilegam præsumptionem; ut in convivio suo Deo sacrata vasa ad libitum suum juberet adferri, ut biberet in eis ipse & optimates ejus, uxores, & concubinae ejus, & collaudaret Deos suos, & ob id ad suum interitum, articulum scribentis prospexit in pariete, & eadem nocte, Medis, & Persis se se obfidentibus, regno cum vita caruit, sicut verba Danielis Prophetæ de eo, & aduersus eum testantur, quæ ita habent: (u) *O Rex! Deus altissimus regnum, & magnificentiam & gloriam & honorem dedit Nabuchodonosor Patri tuo. Et propter magnificentiam quam dederat ei, universi populi, tribus, & linguae tremebant, & metuebant eum. Quos volebat interfecit, & quos volebat percutiebat, & quos volebat, exaltabat, & quos volebat, humiliabat. Quando autem elevatum est cor ejus, & spiritus illius obfirmatus est ad superbiam, depositus est de solio regni sui, & gloria ejus ablata est. Et infra: (x) *Tu quoque filius ejus Baltassar, non humiliasti cor tuum, cum scires hæc omnia: sed aduersus Dominatorem celi elevatus es, & vasa domus ejus allata sunt coram te: & tu, & Optimates tui, & uxores tuæ, & concubinae tuæ, vinum in eis bibistis: Deos quoque argenteos & aureos, & aeneos, ferreos, ligneosque & lapideos, qui non vident, neque audivunt, neque**

(q) Dan. 4.

(s) Plalm. 73.

(r) Ibidem.

(u) Dan. 5.

(s) Jerem. 25.

(x) Danielis 5.

sentiunt, laudasti: Porro Deum, qui habet statum tuum in manu sua, & omnes vias tuas, non glorificasti. Idcirco ab eo missus est articulus manus, quæ scripsit hoc, quod excavatum est. Et paulò post: (y) Eadem nocte interfectus est Baltassar Rex Chaldeus: Et Darius Medus successit in regnum. Si Baltassar pro eo, quod vasa Domini sibi afferri iussit, ut in eis biberet, quæ utique postea ad imperium Cyri Regis Persarum templo Domini sunt restituta, & regno privari & morte meruit multari; quid putas de illis erit, qui non solum sancta vasa, verum alias Deo sanctificatas res suis applicant usibus? Quapropter observandum est illis, ne, quod abfit, adsintar Baltassar, & præsentis, & futuræ vitæ habeant mortem.

XXIII.

Septuagesimo itaque captivitatis Israëlitiçi populi anno peracto, orantibus Danièle, & aliis Prophetis, idem populus, sicut Dominus per Jeremiam (z) Prophetam prædixerat, permittente eodem Cyro Rege Persarum, ad propria est reversus, & omnia vasa templi Domini, quæ Nabuchodonosor asportaverat, ad idem templum sunt relata, & ab his idem templum, & civitas ad pristinum sunt restaurata statum, adjuvantibus illis, & hortantibus, ut idem templum & civitatem restaurarent, Agæo, & Zacharia Prophetis eximiis; & præfuerunt eidem operi Zorobabel de Regio, & Jesu de sacerdotali semine.

XXIV.

Hoc igitur templum stabile permanfit per trecentos quadraginta sex annos. Quod rursus propter peccata Sacerdotum, & Regum, atque populi, Antiochus profanissimus, & impurissimus Rex Græcorum, fraude capta Jerusalem, sordibus idolorum polluit, auferens inde Altare Domini aureum, mensam propositionis, candelabrum luminis & cetera vasa templi aurea, quæ invenire potuit, & alia plura in eodem templo polluendo, & exspoliando, populùmque Dei acriter affligendo, & interficiendo patravit, sicuti in secundo Machabæorum libro legitur. Non tamen prætereundum est, quod de eo

P 2

dem Antiocho in eodem libro legitur. sequitur enim ibi: Nec ista eidem sufficiunt Antiocho. "Ausus (a) est enim intrare templum universâ terrâ Sanctus, "Menelao ductore, qui legum & Patriæ "fuit proditor, & scelestis manibus sumens sancta vasa quæ ab aliis Regibus, & civitatibus erant posita ad ornatum "loci & gloriam, contrectabat indigne. "Ità alienatus mente Antiochus non considerabat, quod propter peccata habitantium civitatem, modicum Dominus "fuerat iratus, propter quod & accidit "circa locum despectio. Alioquin nisi "contigisset, eos multis peccatis esse involutos, sicut Heliodorus qui missus à "Seleuco Rege ad exspectandum ærarium, "etiam hic statim adveniens flagellatus, & "repulsus utique fuisset ab audacia. Verum non propter locum gentem, sed "propter gentem locum Deus elegit. "Ideoque & ipse locus particeps factus "est populi malorum, postea autem fiet "focius & bonorum. Et qui derelictus "est in ira Dei omnipotentis, iterum in "magni Domini reconciliatione eum summa gloria exaltabitur.

XXV.

Qualiter namque Judas Machabæus idem templum purificaverit, & ditaverit, Deoque consecraverit, habes in eodem libro.

XXVI.

Quid vero idem profanissimus Rex Antiochus pro contaminatione ejusdem Sacratissimi templi, Sacrorumque vasorum asportatione, & ceteris malis, quæ sive erga memoratum templum, sive erga populum Dei exercuit, perpeffus sit, videamus: (b) *Qui universa conspexit Dominus Deus Israël, percussit eum insanabili, & invisibili plaga. Ut enim finivit hunc sermonem, apprehendit eum dolor divinus viscerum, & amara internorum tormenta. Et post pauca: Isque, qui sibi videbatur etiam fluctibus maris imperare, supra humanam modum superbiâ repletus, & montium altitudines in statera appendere; nunc humiliatus ad terram in gestatorio portabatur, manifestam Dei virtutem in semetipso contestans, ità ut de corpore impij vermes scaturirent, ac viventes in doloribus carnes ejus*

[y] Loco citato.

[z] Jerem. 27.

[a] 2. Machab. v. 15.

[b] 2. Machab. 9.

eius effluerent, odore etiam illius, & fatore e. erectus gravaretur, & qui paulo ante sidera cæli contingere se arbitrabatur, cum nemo poterat propter intolerantiam fetoris portare. Et infra: (c) Et cum nec ipse factorem suum jam ferre posset, ita ait: Justum est subditum esse Deo, & mortalem non paria Deo sentire. Et post pauca: (d) Templum etiam sanctum, quod prius exspoliaverat, optimis donis jam ornatum, & sancta vasa multiplicaturum, & pertinentes ad sacrificia sumptus de redditibus suis se præstaturum pollicitus est. Iterum non post multa: (e) Legitur homicida, & blasphemus pessime percussus, & ut ipse alios tractaverat, peregre in montibus (f) miserabili obitu functus est. Horrenda planè, cunctisque mortalibus est pertimescenda mors tam terribilis scelestissimi Regis Antiochi, qui pro eo, quod ausus est templum intrare, & contaminare, & vasa Deo sacrata inde auferre, atque scelestis manibus Sancta vasa, quæ ab aliis Regibus ad ornatum loci, & gloriam Deo fuerant oblata, indignè contrectare, & in suos nefandissimos usus convertere, iusto Dei iudicio tam horribili morte meruit occumbere. In cuius interitu sagaciter animadvertendum, quod Deus omnipotens invasionem vel oblationem sibi oblatarum rerum inultam nec dimisit, nec dimisurus sit. Quædam tamen, ut in superioribus jam dictum est, in præsentis ulciscitur sæculo, quædam verò ulciscenda in futuro reservat sæculo.

XXVII.

Quæ igitur (g) Menelaum ductorem, & hortatorem memorati Regis Antiochi ad exspoliandum templum domini, & vasa Deo sacrata auferenda (qui utique proditor legum, & patriæ scribitur existisse) digna, congruèque sit poena subsecuta, sequentia pandunt, quæ ita se habent: (h) Anno centesimo quadragesimo nono cognovit Judas Antiochum (i) Eupatorem venire cum multitudine adversus Judeam, & cum eo Lyssiam procuratorem, & præpositum negotiorum. Et post pauca: (k) Commiscuit autem se illis, & Menelaus, & cum multa fallacia deprecabatur Antiochum, non pro patriæ salute,

sed sperans se constitui in principatum. Sed Rex Regum suscitavit animos Antiochi in peccatorem, & suggerente Lyssia, hunc esse causam omnium malorum, iussit, ut eis esset consuetudo, comprehensum in eodem loco necari. Erat autem in eodem loco turris quinquaginta cubitorum, aggestum undique habens cineris. Hæc prospectum habebat in præceps. Inde in cinerem ejici iussit sacrilegum, omnibus eum propellentibus ad interitum. Et tali lege prævaricatorum legis contigit mori, nec terræ dari Menelaum. Et quidem satis iuste: nam quia multa erga aram Dei delicta commisit, cuius ignis & cinis erat Sanctus: ipse in cinere (l) morte damnatus est. Notandum, quod Menelaus ideo sacrilegus dicitur, pro eo quod Antiocho ductor existit, & ut sacra vasa templi auferret, consilium dedit. Nam & pro eo, quod circa aram Domini in multis deliquerat, tam exitiabili morte perierat. Cujus exemplo deterrendi sunt, non solum hi, qui circa aram Dei ad serviendum Domino, eique ministrandum, verum etiam hi, qui aliis propter suam explendam cupiditatem, in auferendis Deo sacratis rebus consilium dant, & exhortatores sunt, & facientibus impunitatem promittunt; ut se modis omnibus compescant. Ne tam mortis atrocissimæ Menelai, quod absit, participes existant.

XXVIII.

Qui autem ærarium Domini id est templum ejus, pecuniis aut Deo oblationibus, aut ab aliis depositis (m) exspoliari impune posse, & debere arbitrantur, perpendant, quid Hierodorus, suisque Comites, eique parentes Hierosolymam advenientes, ut ærarium Domini pecuniis exspoliant, ab equo cælesti, ejusque terribili fessore, nec non & cælicolis juvenibus duobus perpeffus sit; de quo ita habes in eodem libro Machabæorum secundo: (n) Cum venisset Hierodorus Hierosolymam, & benigne à summo sacerdote in civitate esset exceptus, narravit de dato indicio pecuniarum: & cuius rei gratia adesset, aperuit. Interrogabat autem, si verè hæc ita essent. Tunc summus Sacerdos ostendit, deposita esse hæc, & vasa viuarum, & puppillorum. Et infra: (o)

De-

(c) 2. Mach. 9.

(f) vita addit C. M.

(h) 2. Mach. 13.

(i) morte omittit C. M.

(d) Ibidem.

(g) poena addit C. M. in C. M. legitur anno autem 40mo 9no.

(k) Eupatoris C. M.

(m) exspoliandum habet C. M.

(e) Loco citato.

(l) 2. Mach. 13.

(n) 2. Mach. 3.

(o) Ibidem.

Decipi verò eos, qui credidissent loco & templo, quod per universum mundum honoratur, pro sui veneratione & sanctione, omnino impossibile esse. Et infra: (p) Heliodorus autem, quod decreverat, perficiebat, eodem loco ipse eum satellitibus circa ararium præsens. Sed spiritus omnipotentis Dei magnam fecit suæ ostensionis evidentiam: ita ut omnes, qui ausi fuerant ei parere, ruentes Dei virtute & in dissolutionem & formidinem converterentur. Apparuit enim illis quidam equus terribilem habens sessorem, optimis operimentis adornatus. Isque cum impetu Heliodoro priores calces elisit. Qui autem ei sedebat, videbatur arma habere aurea. Alii etiam apparuerunt duo juvenes virtute decori, optimi gloria speciosique amictu: qui circumsteterunt eum, & ex utraque parte fugabant, sine intermissione multis plagis verberantes. Subito autem Heliodorus concidit in terram, cunctique multa caligine circumfusum rapuerunt, atque in sella gestatoria positum eiecerunt. Et is, qui cum multis cursoribus & satellitibus prædictum ingressus est ararium, portabatur nullo sibi auxilium ferente, manifestâ cognita Dei virtute. Et ille quidem per divinam virtutem jacebat mutus, (q) atque omni spe & salute privatus. Hi autem Dominum benedicebant, quia magnificavit locum suum, & templum, quod paulo ante timore ac tumultu erat plenum, apparente omnipotente Domino, gaudio & letitiâ impletum est. Tunc verò ex amicis Heliodori quidam rogabant confestim Oniam, ut invocaret Altissimum, & vitam donaret ei, qui in supremo spiritu erat constitutus. Considerans autem summus Sacerdos, ne fortè Rex suspicaretur malitiam aliquam ex judæis circa Heliodorum consummatam, obtulit pro salute viri hostiam salutarem. Cunctique summus Sacerdos exoraret, iidem juvenes eisdem vestibus amicti adstantes Heliodoro dixerunt: Onia Sacerdoti gratias age, nam propter eum tibi Dominus vitam donavit. Tu autem à Deo (r) flagellatus, nuntia omnibus magnalia Dei, & potestatem. Et his dictis non comparuerunt. Heliodorus autem hostiam Deo oblata, & votis magnis promissis (s) ei, qui vivere illi concessit, & Onia gratias agens, recepto exercitu, repedabat ad Regem. Testabatur autem omnibus ea, quæ sub oculis suis viderat, opera magni Dei. Cum autem Rex interrogasset Heliodorum, quis esset aptus adhuc semel mitti Hierosolymam, ait: si quem habes hostem

P 3

- (p) 2. Mach. 3.
(r) ab eo C. M.
(s) 2. Paral. 26.

(q) atque omni spe & salute privatus omittit C. M.

(t) promissit C. M.

(c) Judith. 11. 12.

aut regni tui insidiatorem, mitte illuc, & flagellatum eum recipies, si tamen evaserit: eo quod in loco verè sit Dei quedam virtus. Nam ipse, qui habet in cælis habitationem, visitator & adjutor est loci illius, & venientes ad malefaciendum percutit ac perdit.

XXIX.

De his itaque, quæ erga Heliodorum, Domino in suo arario suam injuriam suamque dehonorationem ulciscente, gesta sunt, multa posuimus: quoniam ea ad eorum audaciam, & pestiferam præsumptionem reprimendam, qui loca Deo dicata exspoliare non metuunt, valde necessaria prævidimus. Quibus scire & summo opere discere convenit, quod in locis Deo dicatis verè virtus dei sit, eorumque visitator, & adjutor Deus sit, & venientes ad malefaciendum percutiat ac perdat.

XXX.

Quod verò Deo oblata, quæ utique Sancta vocantur, ab his, quibus officium non est, auferri, immo contingi, fas non sit, verba Judith loquentis ad Holophernem patenter innuunt, quæ ita inquit: (t) Denique hoc ordinant ut interficiant pecora sua, & sanguinem eorum bibant, & Sancta Domini Dei sui, quæ præcepit non contingi; in frumento vino, & oleo, hæc cogitaverunt impendere, & volunt consumere, quæ nec manibus deberent contingere. Ergo quoniam hæc faciunt, certum est, quod in perditionem dabuntur. At si forte quispiam querat, ex qua auctoritate Judith hæc verba protulerit, legat diligenter Leviticum, & ceteros veteris testamenti libros, in quibus Domino consecrata ab exteris contingi prohibentur, & manifestè inveniet, unde eadem verba sumpserit.

XXXI.

(u) Ozias interea Rex, pro eo, quod officium sacerdotale, quod solummodo ad jus pertinebat sacerdotum, arripere præsumpsit, illico lepra multatus est, & terræ motus tam illicitum, tamque sacrilegum ejus factum subsecutus est: qui etiam usque ad diem mortis suæ leprosus permanfit. Hanc igitur lepram

lepram, quam Ozias propter suam temerariam præsumptionem, & alterius officii illicitam arreptionem in corpore usque ad diem obitus sui sustinuit, cavere oportet eos, qui ea, quæ ad suum ministerium non pertinent, auferre non pertimescunt: ne forte, quod absit, in anima eandem lepram miserabiliter sustineant.

Plura quidem de Sanctorum Prophetarum dictis, & hagiographorum libris testimonia huic opusculo subnectenda fuerant, quæ evidenter negotio, (x) de quo agitur, multifarie (y) adstipulantur: sed ob prolixitatem vitandam, præmittenda nobis visa sunt, quæ tamen (z) de veteri testamento brevitatis studio

posuimus, vestræ sapientiæ sufficientia fore credimus. Sed quia juxta Apostolum ea, quæ carnali populo in figura continebant, & scripta sunt propter correctionem nostram, in quos fines sæculorum devenerunt; (a) nos, qui jam per Christi gratiam Spiritales effecti sumus, debemus ea Spirituali ratione discutere; & qualiter illud templum judaicum typum gesserit Ecclesiæ Catholicæ, & conditor illius Salomon, qui interpretatur pacificus, personam redemptoris nostri Christi veri & summi Regis pacifici designaverit, in sequenti opusculo ex Sanctorum Patrum eloquiis demonstrare.

SYNODI AQUISGRANENSIS

AD

PIPPINUM REGEM

AQUITANIÆ

LIBER III.

TITULI CAPITUM LIBRI III.

- I. Quod Salomon, ædificator judaici templi, redemptoris nostri, & templum, quod ædificavit, typum gesserit Catholicæ Ecclesiæ.
- II. Quod idem Rex noster pacificus Christus Ecclesiam in hoc sæculo, quod per septem dies evoluitur, construat, & in futuro id est, in octavo die eam dedicaturus sit.
- III. Quod duæ sint confusiones, una in præsentī, altera in futuro sæculo: una, quæ per penitentiam remedium capit, altera, quæ alteram penam flebiliter incurrit.
- IV. Qualiter Ecclesia Christi ab exordio natiuitatis suæ cæperit crescere, dilatari, ac propagari, & fidelium oblationibus muneri.
- V. Quod caput nostrum Christus oblata fidelium suscepisse non ambigitur.
- VI. Quod, qui aliquid de Ecclesia furatur, Judæ perditio comparetur.
- VII. Quod idcirco Dominus, & redemptor noster loculos habere voluerit, eo quod Ecclesia ipsius loculos habitura esset.
- VIII. Quod juxta beati Hieronymi documentum, qui stipe templi, & his, quæ conferuntur in usus Ecclesiæ, abutuntur in aliis rebus, quibus expleant suam voluntatem, similes sint scribarum & sacerdotum redimentium mendacium, & sanguinem Salvatoris.
- IX. De unguento, quo mulier corpus Domini (b) unxit.
- X. De vidua duas (c) in Gazophylaicum stipes mittente, & quid sit Gazophylaicum?
- XI. Quid respectio Domini in Gazophylaicum significet?
- XII. Quod Dominus & Redemptor noster deborationem templi sui fieri non velit, factum ejus demonstrat, quando flagello adhibito vendentes, & ementes de templo eiecit.
- XIII. Quod expositio beati Hieronymi valde sit terribilis, quam digestit de expulsiōe ejusdem templi, quam Dominus & Redemptor noster mirabilem (d) fecit.

XIV.

(x) negotium C. M.

(y) adstruunt C. M.

(z) in C. M. legitur: brevitati studendo posuimus, sufficientia vestræ magnitudini fore suppliciter flagitamus.

[b] perunxit C. M.

(c) nummos addit C. M.

(d) mirabiliter C. M.

- XIV. Quod licet Ecclesia Christi propter peccata nostra diversis temporibus, diversisque modis sæpe expugnata, nunquam tamen à Christo sit deserta.
- XV. Quid beatus Hieronymus de his, qui post festiunculas Ecclesiæ, & ea, quæ in Dei donaria collata sunt, vertunt in lucrum suum, in expositione Sopboniæ Prophetæ dicat.
- XVI. Quid idem in expositione ejusdem prophetæ sentiat de his, qui de rapinis & nudatione miserorum offerunt sacrificia, & Eleëmofynis ex iniquitate putant se redimere peccata.
- XVII. Quid idem doctor in expositione Isaiæ Prophetæ de his, qui plebem sibi subjectam atterunt, & rapina pauperum in domibus eorum est, (c) quanto Ecclesiæ opibus abutuntur in deliciis, & publicas stipes quæ ad sustentationem pauperum ditæ sunt, vel sibi reservant, vel filiis distribuunt.
- XVIII. Quid significet, quod Dominus & Redemptor noster templum Hierosolymitanum statutis temporibus adierit, ibique docuerit, signa multa fecerit, & cetera, quæ sacra testantur Evangelia.
- XIX. Quomodo Ecclesia Christi post ejus Passionem & Resurrectionem, & ad cælos Ascensionem (f) per Apostolos robodata & propagata, atque fidelium oblationibus sit ditata, & exornata.
- XX. Quod ad prædicationem beati Petri, (g) per Apostolos Ecclesia in Christum caput credere, & crescere, ac multiplicari
- & in exordio sui inchoaverit vota fidelium suscipere.
- XXI. Quod Ananias, suæque uxor, pro eo, quod de propriis rebus, quas Deo voverant, aliquid abstraxerunt, vel (h) defraudaverunt, horribili morte multati sunt.
- XXII. Quod Herodes parricida, & scelestissimus Rex, ut cetera ejus mala omitantur, pro eo quod Sacerdotes Domini interemunt eorumque ministerium, & ea quæ ad cultum (i) Domini consecrata erant, surripuit, credatur meruisse, & ab angelo percuti, & à vermibus depasci.
- XXIII. Quod Ecclesia Christi per successores Apostolorum, sub orthodoxis imperatoribus, & regibus ac principibus, ceterisque fidelibus sua vota Deo offerentibus exaltata sit, ditata, ac sublimata.
- XXIV. Quod multa Sanctorum Patrum Latinorum, atque Græcorum documenta prætermittantur, quæ res Deo dicatas atque sacratas impune auferri non posse testantur.
- XXV. Quod apertè Canones sacri auferendarum rerum Ecclesiasticarum inibideant auidaciam.
- XXVI. De duobus Capitulis (k) Gangrensis Concilii, quibus Deo oblata accipi, & dari prohibentur.
- XXVII. In calce hujus operis sit ad Dominum Regem allocutio sacerdotum humilis atque fidelis.

P R Æ F A T I O.

IN fine præcedentis libelli nos promississe meminimus, quod in hujus exordio (l) prout Deus posse dedisset, ex Sanctorum Patrum oraculis breviter ostenderemus, quod templum Domini, quod à Salomone ædificatum, & dedicatum Domino est, figura fuerit catholice Ecclesiæ per universum orbem diffusæ, & conditor illius Salomon Rex personam gesserit Christi, quod quidem

nos, Domino favente, adimplere conamur. Salva quippe super hac re ceterorum Sanctorum (m) eximiorum Patrum expositione, quorum dicta in subsequenter ponenda sunt, quid venerabilis, & modernis temporibus doctor admirabilis Beda presbyter de sæpe memorato templo in expositione Evangelii Joannis sentiat, videamus.

CA.

(c) & C. M.

(f) post Apost. C. M.

(g) post Apost. C. M.

(b) defraudati sunt C. M.

(i) domus addit C. M.

(k) Gangrensi C. M.

(l) In C. M. sic legitur: Templum Domini, quod à Salomone ædificatum & Domino dedicatum est, figura fuerit Catholice Eccl. per universum orbem diffusæ, & conditor illius Salomon Rex personam gesserit Christi, prout Deus posse dedisset ex Sanctorum Patrum oraculis breviter ostenderemus. Quod quidem nos Domino favente adimplere conamur.

(m) & addit C. M.

CAPUT I.

" **A** It enim inter cetera : Salomon
" Rex , qui interpretatur paci
" ficus , ipsum redemptorem nostrum
" typicè designat. De quo Isaias ait (n)
" *Multiplicabitur ejus imperium , & pacis non*
" *erit finis.* Templum quod ædificavit ,
" Catholica ejus Ecclesia est , quam de
" universis per orbem credentibus , quasi
" de vivis lapidibus , unam suæ fidei ,
" & caritatis compagem , aggregat.
Hæc idem Beda (o) dixit.

II.

Ceterum sciendum est , quod Rex
noster pacificus Christus , qui per cru-
cem passionis suæ (p) purificavit omnia ,
quæ in cælis , & quæ in terra sunt , &
qui est vera pax nostra , faciens utraque
unum , eandem Ecclesiam suam per sep-
tem annos , id est , per septem dies , qui-
bus omne sæculum evolvitur in hac mor-
talitate , ædificat ; quam octavo anno ,
id est , resurrectionis tempore dedicatu-
rus est , quando scilicet mortale no-
strum induerit immortalitatem : (q)
quando electis suis dicturus est : (r) *Ve-
nite benedicti Patris mei , percipite regnum ,*
quod vobis paratum est ab origine mundi : quia
esurivi , & dedistis mihi manducare , sitiivi ,
& dedistis mihi bibere ; hospes eram , & col-
legistis me ; nudus , & operuistis me ; infir-
mus , & in carcere , & venistis ad me. Hanc
pro certo benedictionem audituri sunt ,
qui in membris Christi sua largiti sunt
Christo. Quid ergo putas audituri sunt
hi , qui aliorum largita , & ad hono-
rem Ecclesiæ decorumque , & ad usum
Ministrorum Christi , pauperumque re-
ceptionem , ac recreationem collata ,
auferre non erubescunt ? Quia ergo val-
de terribile est , quod audituri sunt ,
caveant , dum sibi vivere conceditur ,
ne pro tamen felici benedictione perci-
piant maledictionem , & illam æternam
confusionem , de qua David Propheta
se liberandum Dominum (s) deprecabatur ,
dicens : (t) *In te Domine speravi ,*
non confundar in æternum. &c.

III.

Confusiones namque duas esse le-
gimus ; unam temporalem , per quam

omnis peccator poenitendo (u) & lu-
gendo Domino se peccasse confunditur :
alteram æternalem , & sine fine mansu-
ram , quam hi , qui à sinistris erunt ,
audituri sunt , quibus dicetur : (x) *Dis-*
cedite (y) à me maledicti in ignem æternum ,
qui paratus est diabolo , & angelis ejus. Qui
hanc maledictionem , & æternam con-
fusionem non pertimescit , (z) nimis
ferrei pectoris existit. Quamobrem fi-
liis Ecclesiæ vigilanter satagendum est ,
ut eandem benedictionem à Christo au-
dire , ab amicis , id est , pauperibus
Christi , in æterna tabernacula recipi ,
& æternæ beatitudinis felicitate valeant
sine fine perfrui.

IV.

Qualiter porro Ecclesia Christi ab
exordio nativitatis suæ caperit crescere ,
dilatari ac propagari , & fidelium ob-
lationibus munerari , in ipso capite no-
stro Christo intueamur.

V.

Idem namque caput nostrum Do-
minus ac Redemptor noster Jesus Chri-
stus , qui cum sit cæli & terræ creator ,
omniumque bonorum largitor , oblatio-
nes tamen fidelium suscepisse non ambi-
gitur , unde erant nummi , quos miser
Judas , & non miserabilis , furabatur ,
& idcirco non qualiscumque fur , sed
tur sacrilegus dicitur , qui adeo num-
mos avare dilexit , ut pro nummis Do-
minum , & Magistrum suum proderet ;
de quo beatus Augustinus in homilia
quadagesima octava Evangelii Joannis
ita dicit : " *Ecce inter Sanctos est Judas ; ec-*
ce fur est Judas ; & ne contemnas , fur sa-
crilegus , non qualiscumque fur : fur loculo-
rum , sed Dominicorum ; loculorum , sed Sa-
crorum. Si crimina discernuntur in foro qua-
liscumque furti , & peculatus : (peculatus
enim dicitur furtum de re publicâ) & non sic
judicatur furtum rei privatae , quomodo publi-
cæ ; quanto vehementius judicandus est Sacri-
legus fur , non undecumque (a) tollens , sed
de Ecclesia tollens. (b)

VI.

Qui aliquid de Ecclesia furatur , judæ
perdito comparatur. Nota quod aliquid
de

(n) Isai. 9.

(o) dixerit C. M.

(p) pacificavit C. M.

(q) addit C. M. & corruptibile hoc induerit incorruptionem.

(r) math. 25.

(s) precabatur C. M.

(t) Psalm. 30.

(u) & lugendo omittit C. M.

(x) math. 25.

(y) ite maledicti C. M.

(z) nimis C. M.

(a) tollere C. M.

(b) tollere C. M.

de Ecclesia tollere, furtum esse beatus Augustinus asseveret, & patratorem tanti furti (c) sacrilegum appellet, nec non & Judæ perditio æquiparet.

VII.

Et post pauca: *Quare, inquit, loculos habuit, cui angeli ministraverunt, nisi quod Ecclesia ejus loculos suos habitura erat?* Ecce quibus tanti Doctoris documentis instrui-
mur, quia, quod in capite præcessit, in corpore ejus, quod est Ecclesia, videtur impletum. Porro Christum, & Ecclesiam unam personam esse non nescimus: & ideo, quæ Ecclesiæ sunt, Christi sunt, & quæ Ecclesiæ offeruntur, Christo offeruntur, & quæ ab Ecclesia ejus tolluntur, procul dubio Christo tolluntur. Esto, erat futurum, ut Ecclesia Christi nummos haberet; si nummos, utique & prædia, & mancipia, & diversarum specierum innumera ornamenta: & quod illicitum sit ea, quæ conferuntur Ecclesiæ, auferri, beati Hieronymi scribentis in expositione Matthæi Evangelistæ verba ita testantur.

VIII.

Omnes, inquit, qui stipe templi, & his, quæ conferuntur in usum Ecclesiæ, abutuntur in aliis rebus, quibus suam expleant voluntatem, similes sunt scribarum & sacerdotum, redimentium mendacium & sanguinem Salvatoris. Subtiliter plane, sagaciterque pertractanda sunt, ac perpendenda verbi tanti doctoris, & cunctis fidelibus cavendum est, ne in his rebus, quæ Ecclesiæ collatæ sunt, auferendis similes efficiantur Phariseis, & pseudo sacerdotibus, mendacium, sanguinemque Christi redimentibus.

IX.

Scribit etiam idem beatus Hieronymus in expositione Evangelii Matthæi, ita: (d) *Mittens (e) enim hæc unguentum hoc in corpus meum, ad sepeliendum me fecit. Quod vos putatis perditionem esse unguenti, officium sepulturæ est. Nec mirum, si mihi bonum odorem fidei suæ dederit, cum ego pro ea fusurus sum sanguinem meum. Multi sanè sunt*

Q

(c) furem addit C. M.

(d) Matth. 26.

(f) appellabant C. M.

(g) Joan. 9.

(i) Juxta altare ingredientibus Domus Domini C. M.

(l) dixerit C. M.

bodie, qui Christiani censentur nomine, qui ad instar Judæ dicere solent super his, quæ aut Domino consecrata sunt, aut consecrantur, aut consecrari decernuntur: ut quid perditio hæc? putantes perditionem esse, quæ Ecclesiæ, ministrisque ejus ac pauperibus ob amorem Dei sunt commodata. Animadverti namque non inconvenienter potest, quod sicut unguentum Mariæ Christus ad officium suæ suscepit sepulturæ, ita nimirum vota fidelium suscipiat ad officium sanctæ suæ Ecclesiæ.

X.

Legimus itaque secundum Marcum Dominum Jesum Christum contra gazophylacium fedis-
se, & quomodo turba jactaret æs in gazophylacium, aspexisse, & viduam duos nummos in gazophylacium mittentem ideo laudasse, eo quod omnes ex eo, quod illis abundabat, miserunt, illa autem de penuria sua miserit totum victum suum. Quid Gazophylacium sit, Beda exponente, didicimus: scribit enim in expositione ejusdem Marci ita: *Quia sermone græco φουάκειν servare dicitur, & Gaza lingua Persica divitiæ vocantur: Gazophylacium locus appellari solet, quo divitiæ servantur; quo nomine & arcam, in qua donaria populi congregabantur ad usum templi necessarios, & porticus, in quibus servabantur, appellant.* (f) Habes etiam exemplum de porticibus in Evangelio. (g) *Hæc, inquit, verba locutus est Jesus in Gazophylacio docens in templo.* Habes de arca in Libro Regum: (h) *Et tulit Joiada pontifex Gazophylacium unum, aperuitque foramen desuper, & posuit illud juxta altare* (i) *ad dextram ingredientium domum Domini, mittebantque in eo sacerdotes, qui custodiebant* (k) *ostia, omnem pecuniam, quæ deferrebat in templum Domini.* Hæc de Gazophylacio Beda dixit.

XI.

Ceterum superius (l) diximus Dominum nostrum Jesum Christum nummos habuisse, suamque Ecclesiam suo exemplo nummos habituram, & unguentum Mariæ, quæ typum gestavit Ecclesiæ. Hic autem voca offerentium respe-

(e) mittens hic incipit Cap. IX, C. M.

(h) 4. Reg. 12.

(k) hostia C. M.

respexisse, & viduam duo minuta, id est, omnia, quæ habebat, in Gazophylacium mittentem laudasse. (m) Respectio namque Domini in Gazophylacium, & quo animo quis quid mitteret, ineffabilis discretio; ut nobis videtur, significabat jam Ecclesiam suam, quæ est corpus ejus, à fidelibus multiplices oblationes accepturam. Et situnc respiciendo vota offerentium certo examine discrevit, atque approbavit; dubitandum non est, quin factum ea de Ecclesia sua auferre volentium vituperet, (n) & damnet.

XII.

Quod autem Dominus & Redemptor noster violationem & dehonorationem templi sui fieri nullatenus patitur, monstrat factum ejus valde admirabile, eo quod flagello adhibito videntes, & ementes ejecerit de templo, ita dicens: (o) Scriptum est: domus mea, domus orationis vocabitur: vos autem fecistis eam speluncam latronum.

XIII.

Hæc illum juxta historiam fecisse non ambigimus: sed super hac re ut oportet, quid (p) beatus Hieronymus sentiat, vigilanter attendamus. Et expositionem, quam describit, pariter expavescamus, & Domino adjuvante caveamus. Quotidie, inquit, Dominus egreditur templum patris, & ejicit omnes tam Episcopos, & Presbyteros, & Diaconos, quam laicos, & universam turbam de Ecclesia sua, & unius criminis habet videntes pariter, & ementes. Item idem in eodem post pauca: Non sit in domo pectoris nostri negotiatio, non vendentium, ementiumque commercia, non domorum cupiditas, ne ingrediatur Jesus iratus, & rigidus, & non aliter mundet templum suum, nisi flagello adhibito, ut de spelunca latronum, & domo negotiationis, domum faciat orationis. Terribilia valde sunt, quæ à tanto (q) auctore dicuntur, & idcirco omnibus ordinibus in Religione Christiana consistentibus præcavendum est, ne quidpiam illicitum in tem-

plo Dei agendo, à Jesu irato foras ejiciamur, & templum suum, quod propter avaritiam nostram factum est spelunca latronum, faciat orationis domum.

XIV.

Quoniam licet Ecclesia Christi propter multa peccata, diversis temporibus, diversisq; modis, à multis sæpe sit expugnata, quæ gratulabunda canit: (r) Sæpe expugnaverunt me à juventute mea, etenim non potuerunt mihi. Hæc (s) tamen, qui eam suo pretioso sanguine redemit, numquam deserturus est, ita ei pollicens: (t) Ecce ego vobiscum sum omnibus diebus usque ad consummationem sæculi.

XV.

Scribit etiam idem Beatus Hieronymus in expositione Sophoniæ Prophetæ: (u) Væ provocatrix & redempta civitas, Columba. Non audivit vocem, & non excipit disciplinam; Principes ejus in medio ejus, quasi leones rugientes; Judices (x) lupi vespere, non relinquunt in mane. Illustris & redempta Civitas, juxta superiora, perspicue Ecclesia intelligitur, quæ vocatur Columba, propter simplicitatem multitudinis in ea credentium. Hæc non audivit vocem Domini, neque suscipere voluit disciplinam: hæc confusa est, quia noluit appropinquare Domino Deo suo. Frustra enim quis vocem Domini (y) sui audire se dicit, & considerare in Domino, quando operibus fidem destruit. Hujus Principes sicut Leones rugientes. Non ambigimus de rugitu leonum, quando viderimus Principes ejus ita in subiectos populos detonare, & voce tyrannica, rabidisque conviciis plebem contemere, ut non Pastorem inter gregem, sed leonem inter oviculas putes (z) frendere. Judices quoque ejus quasi lupi rabidi, occidentes (a) vespere, & nil relinquentes in mane, non aspicientes ad ortum Solis, sed morantes semper in tenebris: & (b) possessorum Ecclesie, & ea, quæ in Dei donaria conferuntur, vertentes in lacrum suum, ut non habeant pauperes, quod mane comedant. Qui (c) quasi in nocte, & nullo vidente omnia (d) populantur; &, cum luporum more cuncta rapiant,

ne

(m) Hic incipit Cap. XI. C. M.

(p) expositionem beati Hieron. legamus C. M.

(r) Psalm. 128.

(s) Sophon. 3.

(t) frendere omittit C. M.

in mane. & legit: Et vespere non aspicientes &c.

(b) C. M. omittit: &c.

(n) ac damnet omittit C. M.

(o) Matth. 20.

(p) doctore C. M.

(q) Matth. 28.

(r) Dei addit C. M.

(s) Cod. M. omittit illa verba: Vespere & nil relinquentes

(t) C. M. & quasi,

(u) C. M. omittit: omnia.

ne parvos quidem cibos indigentibus derelinquunt.

XVI.

Item idem in Jeremiam Prophetam:

(e) *Ut quid (f) mihi tibus de Saba offertis, & calamum suave olentem de terra longinqua? Holocaustomata autem vestra non sunt accepta, & victimæ vestrae non placuerunt mihi.* Hoc autem propriè convenit his, qui de rapinis & nudatione miserorum offerunt Sacrificia, & eleemosynis ex iniquitate se putant redimere peccata, dicente Scriptura: [g] *Redemptio viri propriæ divitiæ: quæ non de iniquitate, sed de labore, & iustitia congregantur.* Item (b) in Jeremia Propheta: (i) *Hæc dicit Dominus: Judicate mane iudicium, & eruite vi oppressum de manu calumniantis, ne forte egrediatur, quasi ignis indignatio mea, & succendatur, & non sit qui extinguat.* Propriè autem sermo fit ad domum regiam, ut emendet errorem penititudine, ut clementiam Domini consequatur. *Judicate, inquit, mane iudicium, non in tenebris iniquitatis, sed in luce iustitiæ; & eruite vi oppressum de manu calumniantis, ut non accipiat personam in iudicio; sed divitibus pauperes opprimentibus, magis apud vos Dei imperium valeat, quam potentia persequentis.* Et si, inquit, hoc feceritis, nequaquam succendetur (k) in vobis ignis furoris mei, nec invenit materiam, quam consumat.

XVII.

Item in Isaia Propheta: (l) *Vos enim*

depasti estis vineam meam: rapina pauperis in domo vestra. Quare atteritis populum meum? Manifeste ad Principes dicitur Judæorum; sed & ad nostros Principes referri potest, qui atterunt subiectam sibi plebem, & rapina pauperum in domibus eorum est, quando replent thesaurum suum, & Ecclesiæ opibus abutuntur in deliciis, publicasque (m) stipes, quæ ad sustentationem pauperum datae sunt, vel sibi reservant, vel filiis suis distribuunt. Cum ergo multa eximiorum Doctorum nostrorum exempla proferri potuissent, propter tedium tamen legentium pauca prolata, atque congesta sunt.

Q 2

[e] C. M. in eodem Propheta.

[b] idem addit C. M.

[l] Isaia 3.

[g] 1. Cor. 3.

[r] Ibidem.

[u] etiam C. M.

[f] Lib. 2. Cap. 6.

[i] Jerem. 28.

[m] & stipes C. M.

[p] pauca addit C. M.

[s] receperunt C. M.

XVIII.

Quod autem Dominus Iesus Christus templum Hierosolymitanum statutis temporibus adierit, ibique docuerit, signa multa fecerit, illudque venerandum, atque honorandum docuerit, sacra testantur Evangelia: qui factis dictisque suis atque exemplis manifeste demonstravit Ecclesiam suam (quæ utique templum (n) illud existit; unde ait Apostolus: (o) *Templum Dei Sanctum, quod estis vos*) à fidelibus suis fore sanctæ religionis voto frequentandam, ac venerandam: & nihil in ea, vel de ea, nisi quod ad cultum honorémque ejus pertinet, agendum.

XIX.

Quomodo igitur Ecclesia Christi post ejus passionem, resurrectionem, & ad cælos ascensionem, & Spiritus Sancti super Apostolos missionem, paulatim creverit, & per Apostolos robodata, & propagata, atque fidelium oblationibus ditata, & exornata fuerit, & actus eorundem Apostolorum, & eorum gesta, quæ unusquisque in provinciis ad prædicandum à Christo sibi commissis gessit, plenissimè adstipulantur.

XX.

Sed quia in præcedentibus de hac re satis dictum est, superest nunc, ut de actibus eorundem Apostolorum (p) succinctè commemoremus. Petrus vero ait ad illos: (q) *Penitentiam agite, & baptizetur unusquisque vestrum in nomine Christi, in remissionem peccatorum vestrorum, & accipietis donum Spiritus Sancti.* Et post pauca, (r) *Qui ergo (s) susceperunt sermones ejus, baptizati sunt; & (t) appositæ sunt in illa die animæ circiter tria millia.* Erant autem perseverantes in doctrina Apostolorum, & communicatione fractionis panis, & orationibus. Fiebat autem omni animæ timor; multa quoque prodigia & signa per Apostolos fiebant in Jerusalem, & metus erat magnus in universis. Omnes (u) enim, qui credebant, erant pariter, & habebant omnia

[g] Jerem. 6. Prov. 3.

[k] succendatur C. M.

[n] illius C. M.

[q] Act. 2.

[r] adpositæ C. M.

omnia communia. Possessiones & substantias vendebant, & dividebant illas omnibus, prout unicuique opus erat. Quotidie quoque perdurantes unanimiter in templo, & frangentes circa domos panem, sumebant cibum cum exultatione, & simplicitate cordis, collaudantes Deum, & habentes gratiam ad omnem plebem. Dominus autem augebat, qui salvi fierent, quotidie in (x) idipsum. Et post pauca: (y) Multitudinis autem credentium erat cor unum, & anima una. Nec quisquam eorum, quæ possidebat, aliquid suum esse dicebat, sed erant illis omnia communia. Et virtute magna reddebant Apostoli testimonium resurrectionis Jesu Christi Domini nostri; & gratia magna erat in omnibus illis; neque enim quisquam egens erat inter illos. Quotquot enim possessores agrorum (z) ac domorum erant inter illos, afferebant pretia eorum, quæ vendebant, & ponebant ante pedes Apostolorum. Dividebantur autem singulis, prout cuique opus erat. Ioseph autem, qui cognominatus erat Barnabas ab Apostolis (quod est interpretatum: filius consolationis) Levites, Cyprius genere, cum haberet agrum, vendidit illum, & attulit pretium, & posuit ante pedes Apostolorum. Ecce habes, quomodo per prædicationem (a) Sancti Petri, & Apostolorum, Ecclesia in Christum cepit credere, & crescere, ac multiplicari.

XXI.

Ecce etiam habes initium, & originem in Deo offerendis rebus: indubitanter crede, quod in primordio nascentis Ecclesiæ cepit eadem Ecclesia vota fidelium suscipere, quorum exemplo laudandi sunt votorum ac donorum suorum ultronei oblatores. Facto vero Ananiæ, & Sapphiræ deterrendi sunt hi, qui aut suorum, aut aliorum votorum existunt ablatores vel defraudatores. Ipse quoque Ananias cum Sapphira uxore suâ agrum proprium vendidit, ut ejus pretium, sicut & ceteri faciebant fideles, ante pedes Apostolorum poneret: sed quia de eodem pretio, consciâ eadem uxore suâ, quiddam dedit, quiddam verò retinendo occultavit, uterque Apostolicâ auctoritate perculsus est. Pro qua re sicut in eisdem actibus Apostolorum legitur, *Factus est timor magnus in universa Ecclesia, & in omnibus, qui au-*

dierunt hæc. Si enim de propriis suis rebus, quas ad integrum Deo voverant, pro eis, quod inde aliquid abstraxerunt, vel defraudati sunt, tam horribili morte multati sunt: quid putandum est de his, qui ea, quæ alii obrulerunt Deo, auferre præsumunt? Hi procul dubio secundum verba beati Petri Apostoli, non hominibus, sed Deo mentiri (b) convincuntur.

XXII.

Herodes verò parricida, & scelerrimus Rex, de quo & in iisdem actibus Apostolorum (c) legitur, & plenius in libro Egesippi invenitur, quo regnante natus est Christus; cujus etiam sævissimus ingentem parvulorum (d) carnervam pro Christo trucidavit gladius, quia quosdam Sacerdotes necavit, eorumque ministerium sibi subripuit, & quia, quæ Deo oblata erant, sicut in eodem Egesippi libro legitur, in suos usus convertit, ut cetera ejus mala omittamus, pro tam temerario, & ut ita dixerim, crudeli facto, creditur, quod meruerit & ab Angelo percui; & à vermibus depasci, & infelicem miseramque vitam digna morte finire.

XXIII.

Qualiter denique Ecclesia Christi per successores Apostolorum, pastores videlicet ejusdem Ecclesiæ sub Orthodoxis Imperatoribus, & ut de multis unum ponamus, Constantino, necnon Regibus aliis, ac Principibus, ceterisque fidelibus sua vota Deo offerentibus, eamque Ecclesiam diversis donariis incrementantibus, atque ad alta sublimantibus excreverit, hic enumerare & prolixum est, & laboriosum, & huic opusculo incapabile. Gesta tamen singulorum manifestant eorum studium, & Imperatorum ac Regum, Principumque, erga cultum divinum amplificandum, & ceterum Christianorum ferventissimam devotionem: qualiter memoratam Ecclesiam usque in præsens tempus honorando exaltaverint, & exaltando honoraverint, atque multifariis donariis divitem effecerint.

XXIV.

(x) in ipsum, C. M.

(a) C. M. legit: Beati Petri post Apostolos,

(y) Act. 4.

(b) convincunt C. M.

(z) aut C. M.

(c) Act. 12.

(d) duos Herodes in unum confundunt; Patrem, sub quo Christus natus, filium, à quo desinit.

XXIV.

Multa siquidem Sanctorum Patrum, qui non solum latinè, verùm etiam græcè scripserunt, documenta proferri poterant, quæ ob prolixitatem vitandam omittuntur; qui res Deo sacratas atque dicatas nullatenus impune auferri posse testantur.

XXV.

Sacri quoque Canones toto orbe venerandi & Sancto Spiritu inspirante digesti, immò calamus Sanctorum Patrum, qui eos de ordine & statu Sanctæ Dei Ecclesiæ conscripserunt, regente, cum in multis (e) auferendarum rerum Ecclesiasticarum temerariam inhibeat præsumptionem, & tantæ rei temeratores per eam, quæ (f) à Christo illis collata est, percellant potestatem: libet de multis brevitatis gratia duo huic subnectere opusculo, & non solum hæc duo, verùm etiam unum illorum, ad eorum audaciam, qui hæc, quæ (g) præmissa sunt, fecerunt, aut faciunt, aut facere præsumunt, vel facientibus impunitatem promittunt, reprimendam, satis abundèque sufficere potest.

XXVI.

Quorum alterum sub duobus Capitulis, videlicet septimo & octavo in Concilio (b) Gangrensi (i) ita legitur: *Siquis oblationes Ecclesiæ extra Ecclesiam accipere, vel dare voluerit, præter conscientiam Episcopi, vel ejus, (k) cui hujusmodi officia commissa sunt, nec cum ejus agere voluerit consilio, anathema sit. Item: (l) Siquis dederit, vel acceperit oblata præter Episcopum, vel eum, qui constitutus est ab eo ad dispensandum misericordiam pauperibus; & qui dat, & qui accipit, anathema sit.* Alterum etiam in decretis Symmachi Papæ (m) ita habetur, quod licet quibusdam aliter videatur, negotio tamen, de quo agitur, & Ecclesiasticè, & Canonice evidenter adstipulatur. Quod ita se habet: *Iniquum est enim, & sacrilegii instar, (n) quæ vel pro salute, vel reque animarum suarum unusquisque venerabili Ecclesiæ pauperum causa contulerit, aut certè reliquerit, ab his, à qui-*

bus maximè (o) convenit servari, auferri, & in aliud transferri. Arbitramur interea, quod his, de quibus, & contra quos agitur, hæc, quæ paucis congesta sunt, possint sufficere. Quod si hæc parva eis non sufficiant, neque si majora, quæ utique uberiori & prolixiori opere indigent, & perfacile in divinis oraculis inveniri possunt, eis sufficient.

XXVII.

Te quoque, Nobilissime & Gloriosissime, totoque orbe famosissime Optime Rex, humiles, ac fidelissimi Oratores vestri, vestræque salutis amatores certissimi ac devotissimi, suppliciter exoramus, & flexis poplitibus vestram Excellentiam flagitamus, ut hoc opusculum, quod propter (p) honorem communis Redemptoris nostri Jesu Christi, vestræque animæ salvationem, & regni vobis commissi tuitionem, atque in longinquum felicem ejus protelationem, vestrorumque hostium (q) superationem digessimus, vestræ Celsitudinis obtutibus sit gratum atque acceptum, vobisque, prolique, ac populo vobis subiecto, Domino opem ferente, profuturum; quod non ex cœnoso fonte jaçantia, vel cujuslibet præsumptionis elatione emanasse, sed potius ex verissimæ sincerissimæque fidei integritate, & (r) sacerdotali curam animæ vestræ incomparabiliter [r] gerente auctoritate, collectum atque conscriptum esse, (t) non dubitetis. Monemusque salubriter magnitudinem culminis vestri, ut hæc perpendatis, qualiter Progenitores vestri, & ditando, & exaltando Sanctam Dei Ecclesiam, regnum hoc longe latèque dilataverint, gloriosumque ac cunctis in circuitu nationibus terribile, atque Domino se protegente insuperabile fecerint. Quapropter fideliter & humiliter vestram hortando persuademus, & persuadendo hortamur à Deo sublimatam potestatem, ut (u) eorum, qui Ecclesias Christi dehonorerunt, & humiliaverunt, rebusque propriis exspoliaverunt, nullatenus imitatores, sed magis Progenitorum vestro-

Q 3

[e] locis addit C.M.

[b] Gangrensi.

[i] Cap. 8. Tom. I. pag. 154.

[a] convenerat C.M.

[r] Sacerdotalis C.M.

[n] eorum omittit C.M.

[f] loco à habet C.M. ca.

[i] Can. 7. Tom. I. pag. 154.

[m] in Synodo III. Cap. 3.

[p] amorem C.M.

[i] gentis C.M.

[g] promissa C.M.

[k] cujus C.M.

[n] ut addit C.M.

[q] superandorum C.M.

[t] non dubitetis omittit C.M.

strorum, qui eam ditatam atque exaltatam, & diversis muneribus exornatam ad vos transmiserunt, existatis sectatores; (x) & jure cum illis, & cum ceteris fidelibus Deo sincerè ac devotè sua offerentibus, salvari, & heredes perpetuæ felicitatis mereamini effici. Sancta

& Individua Trinitas te, bone Rex, ad profectum & exaltationem, arque defensionem Sanctæ suæ Ecclesiæ per immensum conservet, & post hujus vitæ lacrymabilem convallem Sanctorum Regum consortem efficiat. Amen.

[x] ut C. M.

CONVENTUS AQUISGRANENSIS (a)

Anno Christi DCCCXXXVII. Gregorii IV. Papæ XI. Ludovici Pii XXIV. pridie Kalendas Maji.

ACTIO. Judicium Episcopale de subjectione Sigemundi Abbatis Anisolensis, ejusque Monasterii præstanda Aldrico Episcopo Cenomanensi, ejusque Ecclesiæ Matri.

Interfuere Ludovicus Imp. Judith Imperatrix, Carolus filius gloriosissimus Rex, Archi- & Episcopi, & Proceres infra nominati.

IN nomine Domini nostri Jesu Christi. Temporibus Hludovici piissimi Augusti subter inserta causatio vel evindicatio fuit de monasterio Anisolæ inter *Aldricum Episcopum*, & Sigismundum Abbatem, qui illud tunc tenebat. Nam præfatus Aldricus dicebat, & scriptis & testibus approbat, quod de jure suæ sedis Ecclesiæ præfatum Monasterium cum omnibus ad se pertinentibus esse debebat, & sui antecessores illud ex rebus Cenomanicæ (b) matris Ecclesiæ magna ex parte fundarant, & ad ipsam matrem Ecclesiam subiectum esse debebat, & hoc legibus affirmabat. Econtra Sigismundus dicebat, quod proprium Domini Imperatoris esse debebat, & non de prædicta Ecclesia: sed nullam veram auctoritatem exinde ostendebat, nisi tantum unam Epistolam, quam Pipi-

nus propter odium Gauzioleni Episcopi cuidam suo Monacho fecerat, ut illi subiectum esset, & non Gauzioleno, & hoc propter odium Gauzioleni factum esse perferatatum est, quia quando fuit Pipinus Cenomanica in patria, & de quadam persecutione inimicorum suorum reversus, per Germanicam Patriam transibat, tunc eum præfatus Gauziolenus & suus frater Harivius non receperunt, sed infra Cenomanicam urbem, cum omnibus, quos secum ducere potuerunt, se recluserunt, & Dominum Pipinum Regem illuc introire non permiserunt, sed damnum ei de suis hominibus facere nitebantur, & suum pincernam coram eo stantem, dum sua castra in vinea Sancti Petri juxta urbem Cenomanicam posita erant, interfecerunt, & alios homines vulneraverunt. Videns

- (a) In hoc Conventu duo politica negotia tractanda fuerunt: Primum, quod Ludovicus Augustus Filio suo Carolo ex Juditha genito assignavit Regnum, ejusque fines secrevit à Regnis Pipini & Ludovici fratrum Caroli, quorum & assensus in hanc partitionem Regnorum accessit ad Paternam voluntatem.

Biographus Ludovici. Annales Bertiniani & Nithardus. Annales Pithoeani ad annum sequentem, 838.

Alterum de Regni limitibus muniendis contra irruptionem Danorum, qui Normanni vocantur. *Thegan Appendix Lambeciana.*

Nos his missis unum judicium Ecclesiasticum Episcoporum de re Ecclesiastica repræsentamus,

- (b) Cenomanum, urbs Episcopalis in Gallia, est sub Archi-Episcopo Turonensi: *Mans* nunc dicitur.

dens autem Domnus Pipinus, quoddam ibi proficere non potuit, vastans totam illam Regionem, pergere cepit ad Franciam. Tunc in ipso itinere venit ad ipsum prædictum Monasterium Anisolam, & præcepit illis Monachis, ut nullam obedientiam facerent jam dicto Gauzolino, eo quod ei rebellis esset, sed sub suo mundeburdo, vel sub sua tantummodo tuitione vel dominatione permanerent. Et tunc eis ac Siebaldo eorum Abbati talem Epistolam dedit, quod propter odium, ut dictum est, Gauzolini, & non propter ullam aliam rem aut iniustitiam factum esse liquet. Tunc enim ipse Siebaldus non fuit ausus ibi remanere, sed una cum Pipino usque in Franciam perexit. Postea vero cognoscens Pipinus, quod iniuste fecisset, & propter odium Gauzolini hoc egisset, præcepit filio suo Carolo, & iurejurando testatus est, ut præfatum Monasterium redderet Cenomanicæ matri Ecclesiæ, cuius iuste esse debebat, ne aliquod detrimentum sua anima ex hoc haberet. Et sic fecit postea Domnus Carolus, & Franconi Episcopo illud reddidit, atque per præceptum suum prædictæ matri Ecclesiæ confirmavit. Multi autem hæcenus vivunt, qui Domino Carolo hoc dicere audierunt, qualiter suus Pater Domnus Pipinus ei hoc contestando facere præcepit. Et quando jam dictum Monasterium Franconi reddidit, multi vivebant, qui hoc Dominum Pipinum Carolo præcipere & contestari audierunt. Istam vero rationem pleniter prædictus Aldricus Episcopus perferutatam apud veridicos homines habebat, & hoc testibus veris ac bonis coram omnibus affirmabat. Taliter enim Aldricus & Sigismundus altercant, pervenit ipsa ratio usque ad Dominum Imperatorem; qui hoc firmiter inquirere præcepit, & veraciter sibi renunciare iussit. Sed antequam ipsa causatio ante Dominum Imperatorem veniret, volebant eorum amici & boni homines eos inde pacare & concordare. Sed Aldricus Episcopus obtemperabat eorum iustis petitionibus, & Sigismundus non faciebat, sed quicquid ei iuste & rationabiliter sui amici agere suadebant, prædictus Sigismundus spernebat. Offerebat enim ei speratus Aldricus Episcopus, ut aliquem censum ei ex hoc solveret, sicut sui antecessores prædicti

Episcopi antecessoribus faciebant, & per suum beneficium illud tenere, & nunquam ei diebus vitæ suæ de illo aliquot impedimentum facere volebat, sed quiete & pacifice una cum suis Monachis eum inibi esse permittebat. Offerebat etiam & aliam causam prædicto Sigismundo, suadentibus prædictis amicis, & bonis hominibus, jam dictus Aldricus Episcopus, ut si hanc non vellet, alteram aliam faceret. Permittebat autem ei, duas aut tres villas, quales sibi eligeret, per suum beneficium habere, & ex his nullum servitium, aut aliqua dona requireret, sed quicquid ex his vellet, faceret. His omnibus à Sigismundo spreis, cepit sæpeditus Episcopus suam iusticiam sæpe & rationabiliter querere, quia plenam & iustam rationem sibi in hoc habere videbatur. Præcepit enim iusticiam hanc inquirere Domnus Imperator Ebroino Pictaviensis urbis Episcopo & Rorigoni Comiti, & Almaro Seneschalcho Domnæ Judith Imperatricis, & Misso Palatino una cum aliis vassillis dominicis. Sed dum hæc res ad effectum tunc minimè pervenit propter alias necessitates, & hoc Domino Imperatori renunciatum esset, præcepit, ut ante se in suo Palatio ipsa altercatio finiretur. Tunc ergo iussit Domnus Imperator, ut haberent ambo eorum auctoritates & testimonia Aquisgrani Palatio ad suum placitum, quod ibi tempore quadragesimali cum Episcopis & Abbatibus, & Comitibus, & cæteris fidelibus suis habebat, ut ibi pleniter præfixa altercatio finem perciperet. Sed Sigismundus jam vocatus, ad ipsum placitum minimè pervenit. Qua de re iterum Domnus Imperator per suam Epistolam eum vocavit, ut post Pascha veniret. Qui & hoc renuens jam tertio vocatus minimè venit, neque missum aliquem misit, cur hoc dimitteret. Tunc cernens Domnus Imperator suam inobedientiam & contumaciam, expectavit tamen adhuc post tertium conditum placitum quindecim dies, ut veniret: sed cernens eum jam venire non velle, neque suam rationem iuste diffinire, quia minimè hoc rationabiliter & veraciter se facere confidebat, & propterea venire ad Placitum nolebat: tunc Domnus Imperator interrogavit suos Consiliarios & Episcopos, sive Abbates & Comites, & reliquos fideles suos, quid ex hoc facere

de,

deberet, & quale consilium ex hoc ei darent, & quid de tam inobediente suo præcepto facturus esset? tunc respondentes dixerunt utriusque ordinis omnes. Vidimus, quod iste Episcopus vester Aldricus habet suas auctoritates, & præcepta regalia, tam Genitoris vestri, quam & aliorum vestrorum antecessorum, videlicet Regum Francorum, in quibus, ut coram nobis relectum est, continetur insertum & Sanctorum Sacerdotum; ac Regum manibus propriis corroboratum, quod monasterium Anisolæ, unde agitur hæc iustitia, Cenomanicæ matri Ecclesiæ traditum fuit, & ab Episcopis ejusdem matris Ecclesiæ constructum & ornatum, atque legibus possessum. Habet etiam præfixus Episcopus, quos videmus & audimus, suos testes veros & bonos, qui has auctoritates firmas, & veras esse testantur, & jurejurando, quæ dicunt, affirmant. Insuper testantur, quod infra legitimo tempore prædicta mater Cenomanicæ civitatis Ecclesia vestituram legitimam habuisset de prædicto Monasterio, & adhuc triginta anni non sunt transacti, quod ex eo legitimam vestituram habuit, & propterea inde fuit modò alienatum, quod Franco Episcopus prædictæ Ecclesiæ suo propinquo Adalghyso illud impetraverit, ut pro illa regalia servitia, & itinera faceret, quæ ille pro sua infirmitate & senectute facere non valebat. Affirmant etiam eundem Franconem aliquas villas; & quosdam vasallos, casatofque, ut nominant, ex præfixo monasterio ad suum opus, dum ad vixit retinere, sed illis ambobus defunctis non fuit ad præsens Episcopus ejusdem sedis qui Dominum Imperatorem Hludovicum ex hoc interpellaret ad tempus; & sic datum est alio, & tali occasione sublatum est de præfixa sede. Sed & hoc, quod isti Monachi dicunt, quod vestrum proprium esset, prædicti testes Aldrici Episcopi, per eorum auctoritates, & per vasallos vestros, & alios veridicos, & bonos homines affirmant non esse. Dicunt etiam, si vestrum proprium esset, res ipsius Monasterii secundum legem salicam, aut Ribuariam tenerentur, sicut alia loca, & res, quæ de vestro sunt proprio, faciunt, & mancipia non partirentur, sicut de aliis locis & rebus, quæ de vestro sunt proprio, in illa regione est consuetudo facere. Sed

de istis causis in rebus Sancti Carilephi sicut in propriis Domini Imperatoris observare apud eos est consuetudo, nihil unquam conservatum fuit; & pro istis causis affirmant & defendunt jam dicti testes sæpèdictum Monasterium non vestrum proprium aut alicujus esse, sed de jure Cenomanicæ matris Ecclesiæ, de cujus rebus est fundatum, illud esse affirmant, quod & rationabiliter & legibus ut nobis videtur, facere possunt. Testantur etiam supra memorati testes, quod omnes Episcopi, qui in prædicta civitate, & in jam dicta sede à tempore Sancti Innocentis Episcopi secundi, successoris videlicet Sancti Victurii, & à tempore Sancti Carilephi confessores eximii fuerunt, prædictum Monasterium subiectum habuissent, exceptis duobus. Quod propter prædictum odium, & pro aliqua negligentia veraciter factum esse inquitur est. Testantur etiam, quod plus ad jus, & subjectionem prædictæ matris Ecclesiæ præfatum Monasterium pertineat quàm ad vestrum proprium, aut ad aliam aliquam causam, & hoc, si aliqui testes contra se venerint, falsos eos, qualiter præceperitis, facere posse testantur, firmiterque affirmant. Supra dicta verò ratione hanc iustitiam diligentissimè ventilatam, rei veritatem cognoscentes, pleniter & rationabiliter legis divinæ & mundanæ nos utriusque ordinis vestri fideles auctoritate instructi & plena ratione suffulti, judicamus, vosque hortamur, ut ei auferatur, qui vobis inobediens exitit, & ad vestrum placitum non solum semel, aut bis, vel ter vocatus venire contempsit, quia de sua absentia culpabilis, & convictus esse cognoscitur, & ei vestra auctoritate, nostroque judicio reddatur præfatum monasterium, qui vobis inobediens non fuit, nec ad placitum venire renuit, sed semper præsens cum suis auctoritatibus, & nobilibus testibus affuit, & hoc pleniter & legaliter approbare est paratus, quod suæ sedis Ecclesiæ præfatum monasterium cum omni integritate, ut reddatur judicamus. Quidam autem eorum dixerunt. De nobis ipsis aliter judicare non possumus, quod si aliquis nostrum licet nemine quærente, aut aliqua causatione pulsante, vocatus ad vestrum placitum venire contempserit, ni infirmitas, aut legitima somnis(a) eum detinuerit, & si ali-

(a) *Sæpèdictum* mora impedimentum iustum,

fi aliqua somnis , aut infirmitas eum detinuerit , ni ipse suum advocatum , aut suam excusationem rationabilem ad vos miserit , justè & plena ratione perdere debet unusquisque nostrum , quod de vestro habet. Et propterea sicut & de nobis , sic & de illo judicamus , quia neutrum fecit , nec ipse venit , nec mandare studuit , cur illud dimisit. Sed sicut isti homines qui præsentes adstant , id est , Hagano , & Benedictus , & alii dicunt , & affirmare volunt qualitercunque vobis placuerit , sive si aliquis ex vobis aliter dixerit , singulare certamen cum eo præliari ; sive in judicio , si vobis placuerit , seu cum Sacramento verum facere nullam ob aliam causam præfatum Sigismundum remansisse , neque propter infirmitatem , neque propter aliam necessitatem , nisi , quod venire , ne convinceretur , noluit , quia nulla in justitiam , neque aliquam justam aut rationabilem causam prædicta quæstione se habere confidebat. Et hæc prædicti homines quotidie ante vos , & ante nos , & reliquos fideles vestros clamant , & approbare , sicut prædictum est , vel qualiter vos placuerit , & eis præceptum fuerit , volunt. Et hoc sæpissime publiciter in hoc palatio est acclamatum , & perquisitum nobis , cæteris fidelibus vestris audientibus , sed nemo est , qui eis contradicere aut resistere velit , sed plus dicunt omnes eos veritatem dicere. Quod & verisimile nobis esse videtur. Sic vos jam quindecim dies per aliud placitum vel tertium ei concessum expectantes , neque suum advocatum , aut suas auctoritates misit , neque ullam excusationem de se vel suo contemptu facere noluit. Idcirco de sua absentia vel contumacia jam convictum atque damnatum eum esse legibus judicamus , ita , ut nec ejus vox amplius de hac causa audiat. Et ut hoc , quod dicimus , & judicamus auctoritate Canonum , & legis plenius confirmemus , precamur , ut nonnullæ sententiæ ad hoc pertinentes Canonum , & legum ante vos legere jubeatis. Et tunc publicè coram omnibus recitatæ hæc sententiæ Canonum & legum.

Excerptum ex Decretis Papæ Bonifacii. Capitulo III.

" Manifestum est confiteri eum de crimine , qui indulto & delegato judi-

Tomus II. Concil. German.

R

" cio purgandi se occasione non utitur.
" Nihil enim interest , utrum in præsen-
" ti examine omnia , quæ dicta sunt ,
" de eo comprobentur , cum ipsa ab-
" sentia pro confessione constet.

Item ex Decretis ejusdem Bonifacii Papæ.

" Nulli dubium est , quod reus judicium nocens subterfugit , quemadmodum ut absolvatur , qui est innocens , quærit. Confiteretur enim de omnibus , quisquis se subterfugere judicium dilationibus putat.

Item ejusdem cuius supra.

" Cavendum est , ut si quis adesse neglexerit , dilationem sententiæ de absentia non lucretur ; sed quæ male pullulasse noscuntur , radicitus evellantur & emendantur.

Ex Decretis Cælestini Papæ.

" Non caret enim suspicione , qui ad iudicium venire contempserit , & purgari se distulerit , quia ipsa absentia sua est comprobatio. Insuper occurret veritas , si falsitas displicet. Merito namque causa nos respicit , si silentio faveamus errori. Ergo corripiantur , qui hujusmodi sunt modis omnibus , ut veritas eorum versutis non sopiatur , sed astuta eorum cavillatio aptissime , & prudenter omnibus manifestetur , & emendetur , atque restitatur , quod hætenus occultum & neglectum fuit.

Item excerptum ex decretis Papæ Innocentii.

" Veritas sæpius exagitata magis splendet ad lucem & perniciēs revocata in iudicium gravius condemnatur. Nam fructus divinus est justitiam sæpius recenserit , & errata corrigere , ablata restaurare. Nec otiosa ergo Dominus iudex noster in nobis esse patitur , quæ exercenda donavit.

Sequentia verò Capitula ad eandem rationem pertinentia à sapientibus Comitibus & Scabinis Dominicis sunt prolata , & per iudicium coram omnibus sunt recitata.

Hæc

*Hæc Capitula, quæ subsequuntur,
de Lege Romana sunt
assumpta.*

Imperator Valentinianus inter cætera Firmino præfecto, & Patricio data. Si quis pulsatus in iudicio adesse noluerit, post secundam aut tertiam conventionem sciat se contumacis sententiam subiturum, id est, ut quidquid, si fuisset in iudicio, addicendus erat petenti Litigatori, quasi victus exeat. Data VII. Kal. Maji. P. C. Consf.

Quinque Capitula de effectu sententiarum, & finibus litium Pauli sententiarum. Lib. V. Quicumque tribus auctoritatibus iudicis conventus, aut trinis literis vel tribus edictis ad iudicium fuerit provocatus, aut uno pro omnibus peremptorio, id est, quod causam extinguit, fuerit evocatus, & præsentiam suam apud eum iudicem, à quo ei deumtium est, exhibere non voluerit, adversus eum quasi in contumacem judicari potest; quinimmo nec retrahari per appellationem negotia possunt, quoties in contumacem fuerit iudicatum.

*Item Theodosius Libro quarto de
sententiis ex periculo re-
citatum.*

Imperatores Valentinianus, & Theodosius A. A. A. Clearcho Præfecto. Quidquid præsentibus partibus in causis fuerit ordinatum, habebit plenissimam firmitatem, nec poterit immutari. Data. Kal. April. Honorio VIII. & Boëtio Consf.

*Sequitur Sententia de eadem Lege
Romana, de libro Pauli
assumpta.*

Si enim iudicibus talia conceduntur, quanto magis rebus, & imperatoribus fræna & loca ampliora & latiora relaxantur, quoniam de crimine Majestatis gravius judicantur rei & incriminati, quàm alterius alicujus generis secularis: quia honor capitis decus est aliorum membrorum. Porro, quia omnia membra sequuntur caput, scilicet ut in comparatione prædecessorum nostrorum, more videlicet antiquorum, loquamur, sicut ab illis non semel aut bis vel ter, sed persepe firmatum & definitum esse legimus, debonoratio & despectio seniorum, & Magistrorum & contumacia eorum contumelia est subditorum, & juniorum: & honor & exaltatio atque benevolentia, & obedientia seniorum, & Magistrorum honor,

& exaltatio est subditorum & juniorum, quia & illi ab istis, & isti ab illis mutuo foventur, & exaltantur, & honor Regni & populorum ampliatur, & vis atque justitia eorum crescit, & populus salvatur & exaltatur. Si quis autem contra hæc inire, aut aliqua machinatione aliquid agere præsumpserit, damnatus in omnibus & ab omnibus interius exteriusque sententia ultionis feriatur, ne in posterum quisquam talia agere præsumat, & si quis facere tentaverit, similiter damnetur, & ultionis sententiam non effugiat.

Item unde supra, si quis ad placitum venire distulerit.

Si quis subterfugiendo placitum buc illucque vadit, & ad placitum venire distulerit, & maxime si vocatus à iudicibus fuerit, omnimodis providendum est, ne querens suam justitiam pro tali occasione perdat, sed quasi convictus ille, qui ad placitum venire distulerit, item culpabilis, & convictus de sua absentia judicetur, & deinceps hoc recuperare non valeat sed magis metallis, & aliis penis deputeatur, ne amplius quisquam talia agere præsumat & ille de sua versutia & absentia vicisse non lucretur, neque subterfugisse gaudeat, neque suam justitiam perdat. Data IX. Kal. Maji.

His & aliis auctoritatibus Sanctorum Patrum, & Canonum & Legum rationabiliter instructi judicavimus, & iterum judicamus, ut Aldrico sæpedito Episcopo jam dictæ res, qui semper pleniter instructus præsens adfuit, & nunquam ad suam justitiam comprobendam defuit, vestra autoritate, vestroque iudicio reddantur. Et si talis firmitas ex hoc facta sit, quæ in posterum appareat, nunquam deinceps de hoc prædicta Ecclesia sibi commissæ aliquod damnum aut scandalum, aut ullam causationem patiatur. Et si aliquis, quod non credimus, ex hoc deinceps aliquam propulsionem, aut causationem ei facere voluerit, aut suis successoribus, evindicare non valeat, nec ejus vox penitus audiat, qui hoc facere tentaverit, sed hoc iudicium, quod modo agitur, ratum futuris maneat temporibus, & vestra reddio firma, & stabilis permaneat. His taliter peractis hoc divisimus.

Tunc Dominus Imperator coram reddidit Aldrico Episc. præfixo per eorum iudicium plena autoritate Monasterium Anisolæ, in quo Dominus Carilephus corpore requiescit, ad jus Cenomanicæ, matris

matris Ecclesiæ, cui præfatus Episcopus præerat, futuris temporibus possidendum, & Missos ei dedit, qui ei inde plenam vestituram facerent, Fulconem scilicet Comitem palatii, & Arduinum & Gaufridum Comites & Folcrandum Vassum Dominicum, qui postea sicut Dominus Imperator eis iussit, plenam & legalem vestituram per cloccas & ostia senioris ipsius Monasterii Ecclesiæ, in qua etiam Sanctus Carilephus corporaliter requiescit, & per portas ipsius monasterii jam dicto Aldrico Episcopo multis coram testibus in ipso monasterio solemniter fecerunt. Hoc autem factum est anno incarnationis Dominicæ DCCC-XXXVIII. (c) Indictione II. & anno Imperii præfati Domini Hludovici piissimi Imperatoris XXV. Anno ordinationis sæpediti Aldrici Episcopi sexto, pridie quoque Kalendarum Majarum Aquisgrani palatio prædictum iudicium est actum, & in ipsa die ipsa ratio à præfixo Imperatore legibus est adimpleta, & plena ratione peracta. Propterea ergo hoc memoriale conscribere libuit, ut si aliqua altercatio deinceps exorta fuerit, qualiter hæc res acta sit, per hoc memoriale declaratum appareat, ut si aliquis ex hoc aliquam querelam facere tentaverit, evindicare minimè valeat. Actum atque conscriptum est hoc memoriale Aquisgrani palatio Kal. Maji in Sacrario Sanctæ Mariæ, regnante Domino nostro Jesu Christo in perpetuum. Hæc verò chartæ & hæc præcepta publicè relecta, & recitata sunt ante Dominum Imperatorem, & Drogonem ejus fratrem, & Archicapellanum, sive etiam ante suos Missos, quos Dominus Imperator ad hanc causam audiendam, & discernendam constituit, seu ante conscriptos Episcopos, & Comites & ministros & iudices, quando hoc iudicium in præscripto palatio iudicatum est, & quando præfatum Monasterium ad jus præfixæ Cenomanicæ matris Ecclesiæ est legibus redditum, & supradicto prætextu evindicatum id est.

I.

Traditio Sancti Carilephi, quam fecit Sancto Innocenti Episcopo per licentiam & consensum Childeberti Regis.

R 2

- (6) Contendit Eckharrtus *Tomo II. rerum Francicarum Lib. 29. pag. 299.* annum 837. reponendum esse pro anno 838, quia eo anno concurrit annus Ludovici Augusti XXV, si prius ejusdem Imperii annus computetur à Januario 814. quo Carolus M. obiit.

Tomus II. Concil. German.

II. *Charta commendationis, qualiter se Dominus Carilephus per licentiam sui Abbatis, exhortante Domino Avito, unà cum suis monachulis subdidit Ecclesiæ civitatis, & in manus Sancti Innocenti Episcopi duabus vicibus se tradidit.*

III. *Precaria, quam S. Carilephus accepit à S. Innocente de eadem re.*

IV. *Præceptum Childeberti Regis, quod iussit facere super traditionem Sancti Carilephi, & super precariam, quam ipse Carilephus accepit à Sancto Innocente.*

V. *Charta Donationis de rebus & villulis, & auro, & argento, & vestimentis tam Ecclesiasticis, quàm & aliis, sive libris & crucibus, & capsis, & reliquiis Sanctorum multorum, quæ Dominus Innocens in adiutorium ad monasterium Anisole construendum & ornandum Domino Carilepho, & suis monachulis per Scripturam tradidit.*

VI. *Charta de conventionibus Sancti Innocenti & Sancti Carilephi miræ magnitudinis conscripta, & à quindécim Episcopis firmata, ut eorum conventiones nullo modo irritæ fierent, sed per omnia stabiles permanerent.*

VII. *Precaria, quam Sanctus Domnolus Episcopus Abbati suo Gallo fecit de Monasterio Sancti Carilephi.*

VIII. *Præceptum, quod Chilpericus Rex Sancto Domnolo Episcopo fecit, & suo Abbati Gallo de Monasterio Anisole.*

IX. *Præceptum emunitatis, quod fecit Chilpericus Rex Sancto Domnolo Episcopo de monasterio Anisole, & de omnibus villulis & rebus ad eum pertinentibus.*

X. *Precaria, quam Hadoinus Episcopus de Monasterio Sancti Carilephi Sigranno Abbati fecit.*

XI. *Præceptum, quod Rex Chlotarius Haduindo Episcopo, & Sigranno Abbati de Monasterio Anisole fecit.*

XII. *Præceptum emunitatis, quod fecit Chlotarius Rex Haduindo Episcopo de Monasterio Anisole, & de omnibus villulis & rebus ad illum pertinentibus.*

XIII. *Precaria, quam Dominus Berarius Episcopus de Monasterio Sancti Carilephi Ibboleno Abbati fecit.*

XIV.

XIV. *Præceptum Dagoberti Regis super precariam Ibboleni Abbatis, quam à Domino Berario Episcopo de Monasterio Anisola accepit.*

XV. *Præceptum emunitatis, quod fecit Dagobertus Rex Domino Berario Episcopo de Monasterio Anisola, & de omnibus villulis & rebus ad illud pertinentibus.*

XVI. *Precaria, quam Gauziolenus Episcopus de Monasterio Sancti Carilephi Didoni Abbati fecit.*

XVII. *Præceptum Chilperici Regis, quod fecit Gauzioleno Episcopo, & Subaldo Abbati super precariam eorum de Monasterio Anisola.*

XVIII. *Præceptum Chilperici Regis sub emunitatis tuitione Cenomanicæ Sedis Ecclesiæ factum Gauzioleno Episcopo. Simul & Confirmatio in hoc ipso præcepto continetur, quam fecit super precariam prædictus Rex Gauzioleno memorato Episcopo, & Didoni Abbati suo.*

XIX. *Præceptum emunitatis, quod fecit Theodoricus Rex Berario Episcopo de cellulis, & villulis sui Episcopii, & nominatim de Monasterio Anisola.*

XX. *Præceptum emunitatis, quod fecit Dagobertus Rex Episcopo Herlemundo de cellulis & villulis, de suo Episcopatu, ubi & monasterium Anisola commemorat, & suæ Sedis Ecclesiæ esse affirmat.*

XXI. *Monumentum de vita Sancti Innocentis Episcopi.*

XXII. *Exemplar de vita & actibus Sancti Turibi Episcopi.*

XXIII. *Præceptum, quod fecit Dominus Carolus Franconi Episcopo, quando ei monasterium Anisola per iudicium, & plenam auctoritatem reddidit, & suæ sedis Ecclesiæ confirmavit, sicut in eo continetur insertum.*

XXIV. *Præceptum, quod fecit Dominus Hludovicus Imperator Franconi Episcopo de mancipiis Sanctæ Mariæ & Sancti Carilephi, in quo continetur monasterium Anisola subiectum esse debere Cenomanicæ matri Ecclesiæ.*

XXV. *Præceptum, quod fecit Dominus Carolus Franconi Episcopo, quando ei concessit ut hostes, & itinera nulla faceret, sed Adalghis suis propinquus omnia regalia servitia pro eo faceret, & per licentiam Franconis aliquam partem Abbatie Sancti Carilephi teneret, & post*

obitum Adalghis ad jus & regimen Cenomanicæ matris Ecclesiæ absque ulla contradictione reverteretur, sicut in eo continetur insertum.

HUic iudicio & redditioni interfuere subter inserti viri. Judith Imperatrix, Karolus Gloriosissimus Rex, Drogo Archi-Episcopus atque Archi-Capellanus, Autcarius Archi-Episcopus, Hadaboldus Archi-Episcopus, Amaluuinus Archi-Episcopus, Ajulphus Archi-Episcopus, Rataldus Episcopus, Ecardus Episcopus, Erardus Episcopus, Ebruinus Episcopus, Wiliricus Episcopus, Albericus Episcopus, Ghefridus Episcopus, item Albericus Episcopus, Simeon Episcopus, Ercanradus Episcopus, Jonas Episcopus, Vuiladus Episcopus, Afigaudus Episcopus. Adalardus Comes, Radulphus Comes, Bonefacius Comes, Adalbertus Comes, Vuarinus Comes, Herbertus Comes, Audulphus Comes, Stephanus Comes, Rainaldus Comes, Gissebertus Comes, Landricus Comes, Gerardus Comes, Abbo Comes, Teoto Comes, Poppo Comes, Erminus Comes, Alfredus Comes, Adalgarius Comes, Gebuinus Comes, Tetghildus Comes, Froandus Comes, Ardoinus Comes, Rumaldus Comes, Herloinus Comes, Hungarius Comes, Theodoricus Comes, Ricboto Abbas, Hludovicus Abbas, Stolido Abbas, Hilduinus Abbas, Burchardus Abbas, Lamtramnus Abbas, Godolricus Abbas, Daniel Abbas, Georgius Abbas, Elmeradus Abbas, Vuarangarius Abbas, Aldricus Abbas, Eribertus Abbas, Tetthaldus Abbas, Marcoardus Abbas, Humbertus Abbas, Eginardus Abbas. Fulco Vassus Dominicus & Comes Palatii, Ragenarius Vassus Dominicus & Comes Palatii, Teutfridus Vassus Dominicus, Adalelmus Vassus Dominicus, Hericus Vassus Dominicus, Engiseardus Vassus Dominicus, Diso Vassus Dominicus, Franco Vassus Dominicus, Theoto Vassus Dominicus, Folcradus Vassus Dominicus, Bernuinus Vassus Dominicus, Eywardus Vassus Dominicus, Salaman Vassus Dominicus, Egibertus Vassus Dominicus, Vuinitmarus Vassus Dominicus, Vuitbaldus Vassus Dominicus, Radulphus Vassus Dominicus, Gunzo Vassus Dominicus, Odocricus Vassus Dominicus, Cadilo Vassus Dominicus, Letri-

Letricus Vassus Dominicus, Nantarius Vassus Dominicus, Róbertus Vassus Dominicus, Isaac Vassus Dominicus, Hugo Vassus Dominicus, Dagobertus Vassus Dominicus, Ebruinus Vassus Domini-

cus, & reliqui innumerabiles, quorum nomina propter prolixitatem hic non inserimus.

Baluz. Libro III. Miscellaneorum edit. Paris. 1580. à pag. 114. ad 130.

Baluzius eodem Tomo III. *Miscellaneorum* refert aliam chartam Ludovici Augusti, & iudicium Episcoporum fere omnium, qui Aquisgranensi Placito hujus anni subscripserunt pro Monasterio Anisolfensi subiecto Ecclesiæ Cenomanensi, ejusque Episcopo Aldrico. Etsi enim in ea charta dicatur hæc *Confirmatio* subjectionis ejus Monasterii sub Ecclesia Cenomanensi facta fuisse anno DCCCXXXVIII. in Carisiaco Palatio in principio chartæ, & in fine dicatur hoc iudicium Episcopale factum fuisse VIII. Idus Septembris anno Imperii Ludovici XXV. *Indict. I. Aquisgrani Palatio Regio*: attamen Eckhartus corrigendum putat, & reponendum annum 837. pro 838. nam illi non huic coincidit annus 25. Imperii Ludovici Pii, 2dò idem Ludovicus VIII. Idus Septembris non fuit Aquisgrani, sed Carisiaci, ut omnes cœvi Scriptores testantur: ergo pro Aquisgrano reponendum Carisiaco. Idem loc. citato Eckhart Tomo II. pag. 302. 303.

Non obstantibus his Regiis Confirmationibus hujus Monasterii, subiecti Ecclesiæ & Episcopo Cenomanensi status mutatus fuit: nam sub Carolo Calvo in Synodo apud Bonoilum anno 856; dein anno 862. in Synodo Justensi, postremo in Vermeria Palatio anno 864. hoc Monasterium Ecclesiæ Cenomanensi subtractum fuit, ut Baluzius in nova collectione Conciliorum prelati Canonibus ostendit.

HLUDOVICUS

IMPERATOR

Confirmat Jus ALDRICI, Cenomanensis Episcopi in Monasterium Anisolfense, & Iudicium Optimatum suorum contra Præcepta, quæ Monachi de Monasterio Anisolæ attulerunt coram eo, quando contra Aldricum Episcopum de prædicto Monasterio, in rationes venerunt.

Quando Aquisgrani Palatio, anno Imperii Domini Hludovici Piiissimi Augusti XXV. coram eo & Principibus suis, tam Ecclesiasticis, quam & secularibus in generali Conventu querela de monasterio Anisolæ & rebus suis inter Aldricum Cenomanicæ Urbis Episcopum, & Sigemundum ejusdem Monasterii Abbatem agebatur & diligentius scrutabatur, atque jam dictus Pontifex inter reliqua instrumenta Chartarum, & Præcepta regalia, unum præceptum, quod Dominus Carolus facere jussit, sua videlicet propria manu roboratum, & anulo suo subter sigillatum, per quod ipse jam dictum Monasterium Franconi Episcopi (a) Ecclesiæque sibi commissæ reddidit; & Monachi prædicti Sigemundi quoddam præceptum de electione eorum, ut de semetipsis haberent licentiam eligendi Abbatem, quod dicebant jussu Domini Hludovici Piiissimi Imperatoris esse con-

scriptum, ad quod respondit Dominus Imperator: " Si ego hoc præceptum fieri jussi, nesciebam, quod prædictum Monasterium de Episcopio Cenomanico esset, & ignorabam, quod Pater meus illud ibi per suum præceptum redderet. Sed quia vos & pares vestri hoc mihi celastis, & per fraudem & malum ingenium facere suastis; idcirco ipsum præceptum, quod mihi præcipere fieri dicitis, vestro mendacio infirmatur, quia causa, ubi fraus intercedit, non valet, sed magis reproba efficitur, & ideo vestrum præceptum stare non poterit, quia vestro mendacio, & vestra fraude funditus destruitur. Si enim nos unam vobis tantum electionem concessimus, ipsam citò finitam esse cognoscimus, quia Sigemundum, quem vobis Abbatem elegistis, memoratum Monasterium sua culpa perdidit, quia nobis inobediens & infidelis extitit.

Hæc

R 3

(a) lege: Episcopo.

" Hæc taliter prædictus Dominus Impe-
 " rator agens, interrogavit cunctos cir-
 " cumstantes, quid super hac re eis rectius
 " videbatur. Qui respondentes dixe-
 " runt, tam Episcopi, quam Abbates,
 " etsi Comites & reliqui omnes; Hæc pò-
 " steriora præcepta, quæ isti Monachi
 " afferunt, non possunt destruere ante-
 " riora, quæ Aldricus Episcopus, & Ec-
 " clesia sibi commissæ habet; sed ante-
 " rioribus credendum est, & posteriora,
 " quæ fraude & malo ingenio impetrata
 " fuerunt, infirmantur, & stare non pos-
 " sunt, quia actio, qua in quibuscunque
 " negotiis fraus intercesserit, non vale-
 " bit. Et ut ratione & lege firmentur,
 " ea quæ testamur, aliqua *ex Authenticis*
 " *nostris* vobis testimonia indicantes pro-
 " ferimus. Constitutum est à S. Patribus,
 " & bonis Imperatoribus & Lege decre-
 " tum, ut quidquid falsa petitio à Prin-
 " cipe obtinuerit, quia fraus intervenit,
 " non valebit. *Item alibi*: Quæcumque
 " contra jus conscripta fuerint, non va-
 " leant, quocunque modo fuerint im-
 " petrata. *Item alibi*: Qui falsa Principi-
 " um præcepta detulerint, puniantur.
 " *Item alibi*: Dolus malus est, cum aliter
 " agitur, aliud simulatur. *Item alibi*:
 " Qui dolum, vel metum adhibuit, ut res
 " ad alium transiret, de doli actione te-
 " nebitur. *Item alibi*: Dolus malus est,
 " si per falsitatem voluerit quis prius
 " definita convellere. *Item alibi*: Redin-
 " tegrandum est à præsentibus Judicibus,

" & in ejus, unde abscessit potestate re-
 " vocandum, quod quæcumque condi-
 " tione temporis, aut dolo, aut captivi-
 " tate, aut virtute majorum, timore fa-
 " ciente deperierit. *Item alibi*: Quid-
 " quid vera, seu falsa petitio à Principe
 " obtinuerit, quia fraus intercessit, non
 " valebit. Magna fraus fuit, quoniam
 " Monachi prædicti memoratum Mona-
 " sterium de jure Cenomanicæ Sedis Ec-
 " clesiæ esse sciebant, quia non sunt ad-
 " huc XXX. anni, quod à Pontificibus
 " memoratæ Sedis possessum est, & hæc
 " celantes vobisque mentientes præcepta
 " sibi sine consensu prædictæ Sedis Pon-
 " tificis, cui justè debetur, facere sua-
 " debant. Et hoc justum est, ut si ali-
 " quis laicorum hoc fecisset, ut magnum
 " detrimentum sustineret; sed & pro
 " certo judicaretur illi, ut capitali senten-
 " tia puniretur. Sed quia non laici, sed
 " jam dicti Monachi hoc fecerunt, dig-
 " num est, ut ita coerceantur, ne alii
 " Monachi deinceps talia agere præsu-
 " mant. Propterea nonnulli præfati
 " Monasterii Monachi cum Sigemundo
 " prædicto eorum Abbate, exilio damnati
 " sunt. Et sic confirmatum sæpe dictum
 " Monasterium Aldrico Episcopo, & ejus
 " Episcopio, sicut in ejus notum est præ-
 " ceptis, & aliis monumentis chartarum
 " continetur insertum.

Baltz. Miscellaneorum Tomo III. p. 237.

*Ex quo Mansi Tomo I. Supplementi Con-
 cilio pag. 893.*

CONVENTUS NEOMAGENSIS.

Anno Christi DCCCXXXVIII. Gregorii IV. Papæ XI.
 Ludovici Pii XXV.

ACTIO I. Restitutio capturæ piscium ad Monasterium Fuldense.

*II. Imperatoris liberalis Donatio facta Monasterio Herivor-
 diensi Virginum.*

ANNO Dominicæ Incarnationis
 DCCCXXXVIII. Indictione pri-
 ma, mense Junio XVIII. Calendas
 Julii facta est contentio Gozboldi,
 & Hrabani Abbatis coram Imperatore
 Ludovico, & filiis ejus Ludovico, &
 Carolo, nec non & principibus ejus in
 palatio apud Neomagum oppidum con-
 stituto, de captura piscium D. Bonitacio
 olim donata, & per fraudem injuste ab-

lata, quam convicti iniqui possessores
 D. Bonitacio, & Cænobio Fuldensi,
 cui tum præerat Rabanus Abbas, jussu
 Imperatoris reddere coacti sunt: tabulæ
 his testibus consignatæ, Drugone Archi-
 Episcopo, (a) Orgario Archi-Episcopo, (b)
 Radolto Episcopo, (c) Helmgauto Episcopo,
 (d) Gerfredo Episcopo, (e) Theotgri-
 mo Episcopo, (f) Badurato Episcopo. (g)

IN

[a] Metensi.

(b) Moguntino.

(c) Argenterensi.

(d) Verdensi.

(e) Monasteriensi.

(f) Hildesheimensi.

(g) Paderbornensi.

IN nomine Domini Dei, & Salvatoris nostri Jesu Christi, Hludovicus divina Clementia propitiante Imperator Augustus. Si illius amore, ejus munere cæteris mortalibus prælati sumus, loca divino cultui consecrata congruis munificentiae nostræ beneficiis ad divinum cultum ulterius exequendum sustolimus, digno retributionis præmio à Domino fideliter remunerari credimus. Quapropter notum esse volumus cunctis fidelibus Sanctæ Dei Ecclesiæ nostrisque præsentibus scilicet & futuris, quia complacuit nobis ad quoddam Monasterium vocabulo Herivarth, quod in Ducatu Saxonie in honore Sanctæ Dei genetricis Mariæ semper Virginis constat esse dicatum, quod præsentis tempore venerabilis Tetta Abbatisa regere dinoscitur, quasdam res & mancipia nostræ proprietatis sitas in memorato Ducatu pro mercedis nostræ augmento delegare, ut inde uberius ancillis Christi inibi per tempora degentibus stipendia necessaria ministrarentur, & necessitates ejusdem Monasterii procurantur: id est, in pago, qui dicitur Burfibant, in villa vocata Remi, Ecclesiam ibi constructam cum decimis; & omnibus rebus ac mancipiis ad se iuste, & legaliter pertinentibus, & in pago, qui dicitur Schoppingus, in villa nuncupata Watringas, Ecclesiam inibi fundatam cum decimis, & omnibus rebus ac mancipiis ad se iuste, & legaliter pertinentibus, & in eodem pago, qui dicitur Schoppingus in villa, quæ dicitur Stocheim, Ecclesiam inibi fabricatam cum

decimis, & omnibus rebus ac mancipiis ad se iuste, & legaliter pertinentibus, & aspicientibus. Verum, ut eadem nostræ Majestatis largitio futuris temporibus inviolabilis permaneret, hanc nostræ auctoritatis conscriptionem circa memoratum Monasterium fieri decrevimus, per quam decernimus, atque jubemus, ut memoratæ Ecclesiæ cum decimis & omnibus rebus ac mancipiis ad se iuste, & legaliter pertinentibus in jus ejusdem Monasterii Herivarth nomine perpetuo constant, & nullus ex successoribus, aut etiam ex fidelibus nostris ullo unquam tempore easdem Ecclesias subripere aut inde aliquid minuire, aut eas de jure ejusdem Monasterii abstrahere præsumat, sed licet Rectricibus & ministris sæpe dicti Monasterii easdem Ecclesias cum rebus, & mancipiis ad eas jure pertinentibus Ecclesiastico ordine disponere atque gubernare: & ut hæc auctoritas nostra firmior habeatur, manu propria subter eam firmavimus, & annuli nostri impressione assignari jussimus.

(L.S.) HLUDOVICI Serenissimi Imperatoris.

Hirminmaris Notarius ad vicem Hugonis recognovi.

Data VII. Idus Junii. Anno Christo propitio XXV. Imperii Domini Hludowici piissimi Augusti. Indictione prima. Actum Neomagi Palatio Regio. In Dei nomine feliciter Amen.

Scabatenus Annalium Paderbornensium Lib. II. ad hunc annum.

Ex Annalibus Francorum Pethoanis.

Ex Biographo Ludovici Pii.

Ex antiquitatibus Fuldensibus Pistorii Tomo I. pag. 474.

SYNODUS IN FRISIA,

DIOECESIS ULTRAJECTINÆ.

S. Fridericus (a) Ep. Ultrajectinus navigat in Frisiam, Aarii & Sabellii errores repullulantes impugnat, Synodum celebrat, & accito S. Odulpho Canonico Trajectensi, sanam doctrinam stabilit vulgatâ Synodica de mysterio Trinitatis sanam doctrinam continente.

PEr idem sive tempus, Diabolo instigante & administrante Frefonicus populus de agnitione Sanctæ & Individuæ Trinitatis, adeo multis erravit in locis, ut

ut Sabellii, Arisque sectam secundò putares esse disseminatam & exortam. Quod cum Præfulis Friderici verberaret aures, excanduit citiusque flendo & ejulando Alechmere fluvium transievit, pagos & villas docendo peragrans. Sed pro nefas, neque per semetipsum, neque per suos commilitones diram nequibat corrigere gentem. Tunc Athleta Dei fortis, quid ageret ignorans, tandem accepto consilio, Trajectum misit Legatum, ut Sanctum Odulphum (*Canonicum Trajectensis Ecclesiæ*) quam citius posset ad eum in Frisiam pergere rogaret: si forsitan Deus aliquam illi populo per eum daturus esset salutem. Legato autem ad urbem veniente, & legationem suam narrante, vir Dei protinus desiderio Martyrii ductus quasi ad epulas invitatus, lætus surrexit, transmensoque jam dicto fluvio, ubi Pontifex mansit, *Staveren* pervenit. (b)

§. 30. Quo viso Episcopus magno repletus est gaudio, datoque invicem osculo ambo Divini verbi armati gladio totam illam regionem circueverunt, prædicando, & populum cor gerentem belluinum, Domini vivifico pascens pabulo mitigatum velut agnum ad Fidem Catholicam reduxerunt. Continuo scripsit enim

Ex vita MSS. S. Friderici edita in Actis Sanctorum Tomo IV. Julii ad diem 18. Julii pag. 466. ab Hagiographis Antverpiensibus Soc. Jesu.

HEUSDEN autor *Baravia Sacra Tomo I. pag. 100.* affirmat in Concilio apud Walachros habito Fridericum adornavisse Fidei Symbolum ad normam illius, quod Athanasii nomen præfert. Sed error est. Symbolum hoc editum fuit in Concilio apud Frefones habito cum Odalpo, & reliquis Presbyteris, Frisii enim errabant circa mysterium Trinitatis, non Walachri, sed horum error erat circa Sanctitatem conjugii, quod incestis nuptiis polluebant. Alia igitur materia erat Concilii celebrati apud Walachros, alia apud Frisios.

(a) S. Friderici Martyrium *Emmius*, *Buchelius* & *Mabilionius* ad annum Christi DCCCXXXVII. referunt: ergo ante hunc annum Synodum in Frisia celebravit.

(b) Stavera urbs & Emporium Frisæ cum portu maritimo hodièque noto.

SYNODUS TULLENSIS.

Anno Christi DCCCXXXVIII. Gregorii IV. Papæ XI.
Ludovici Imp. XXV.

*Frotharius, Episcopus Tullenfis, confirmat Abbatie S. Aprii
Parochiam S. Maximini.*

Omnibus hujus sanctæ Tullenfis Ecclesiæ filiis, & fratribus tam futuris quam præsentibus, Frotharius

miseri cordia Dei Episcopus. Perspicue cognoscimus, & certâ lege tenemus, quod pro cunctis bonæ actionis studiis,

&

& spiritualibus animarum curis corona nobis & merces à Deo præparatur in celis. Unde sicut cæpta iustorum bona à nobis sunt quotidie solidanda atque fovenda, ita & amissa solerter corrigenda, & ad statum rectitudinis sollicitudine pervigili revocanda; præsertim cum nobis divina providentia custodiam animarum, & regimen contulerit Ecclesiarum, quibus oves suas alimentis vitalibus pascere, perdita requirendo, abjecta reducendo, & quæ vigent, diligentius ducendo præcepit. Proinde notum esse volumus vestræ dilectioni, qualiter cellam sancti Apri ab ordine religionis destitutam, rebusque omnibus nudatam, Deo annuente, ac Domino & piissimo Ludovico Cæsare Augusto consulente, & autorizante, ad regularis normæ rectitudinem perduximus, rebus quibusdam, antea sublatiis, redditis, quas etiam cupimus augmentari, si occasio se apta præbuerit. Sed quoniam prava mens semel concepta difficile deserit, raptores earumdem rerum à sua cupiditate non facile potuerunt avelli. Unde compulsi Monachi prædicti Monasterii, nostram adierunt præsentiam, inter multas querimonias hanc maximè deferentes, quod ab adjacentibus suburbanis parochiis molestarentur, volentibus, parochiam Ecclesiæ Sancti Maximi ante fores ipsius Monasterii positæ, à nobis autem eidem loco cum suis appenditiis reddite, à terminis antiquitus constitutis detruncare, & parochianos ejus suis quisque finibus applicare.

Quam eorum querimoniam ad Synodum referentes, & subtiliter investigantes, testimonio multorum tam clericorum, quam laicorum, qui antiquiores videbantur, reperimus prædictam basilicam sub titulo matricis Ecclesiæ antiquitus consecratam. Qui etiam cum Sacramento probaverunt, se veraciter scire ipsam parochiam infra suburbium à prædictis temporibus ita determinatam, ut à muris urbis, & portâ australi, atque à fluviolo Lingruffia, qui medium suburbium interluit, quicquid hac metâ concluditur, usque ad summum vici sancti Apri prædictæ matri Ecclesiæ, more parochiali, legaliter sine præjudicio

foret subiectum; eâ tamen lege, ut si ipsi parochiani de terrâ sancti Stephani aliquid extra præfinitum terminum excolerent, ad titulum sancti Joannis debitam decimationem redderent. Extra suburbium autem, quia legitimæ determinationes definiri non poterant, ubicumque sua perveniret pars, sine controversia acciperet. Hoc ergo testimonio, ancipiti submotâ sententiâ, decernimus, & consultu totius Synodi statuimus, ut secundum præfixum terminum prædictæ Ecclesiæ jus parochiale in perpetuo possideat. Obscramus autem, ac sub invocatione nominis divini obtestamur unumquemque Antistitem successorum nostrorum, ne in aliquo prædictam determinationem violari patiat; ut dum particeps sit nostræ bonæ voluntatis, sit & remunerationis. Si quis verò, quod non credimus, contra hoc testamentum nostrum venire tentaverit, aut hoc decretum violare, vel calumniari, sive definita remove, feriat, iudicio divinæ ultionis sub iudicio perpetui anathematis. Quod ut magis fixum & stabilitum æternaliter maneat, manu propriâ firmavimus, & confedentibus nobis firmandum tradidimus.

Ego Frotharius Episcopus, à me facto testamento, relegi & subscripsi.

Ego Leutmundus primicerius subscripsi.

Ego Bernhardus presbyter subscripsi.

Ego Hautfarius presbyter subscripsi.

Ego Nivultus presbyter subscripsi.

Ego Lohel presbyter subscripsi.

Ego Ocrengaudus presb. & bibliothec. subscripsi.

Ego Ermentrannus Levita subscripsi.

Ego Eustardus Diaconus subscripsi.

Ego Herbertus Levita subscripsi.

Actum Tullo in plenaria Synodo sub die iduum Octobrium anno ab Incarnatione Domini octingentesimo trigésimo octavo indiét. 3. Imperante Ludovico Serenissimo Augusto anno XXV.

Calmet Tomo IV. Probationum Histor. Lotbaringæ pag. 484. 485.

MORINENSIS SYNODUS.

In qua Cœnobium S. Audomari, Abbatis S. Bertini Imperio subditur.

Anno Christi DCCCXXXIX.

HOc (839.) vel sequenti anno (a) Synodum quandam celebratam fuisse in Morinis uno tantum verbo asserit *Joannes Iperius in Chronic. S. Bertini*, vulgato à P.P. Martene & Durand. *Anecd. Tom. III.* Ibi enim cap. 12. part. 1. col. 511. legimus, Hugonem, Caroli magni filium, qui Monasterium S. Bertini anno Ludovici Pii XXI. Christi DCCCXXXIV. regendum susceperat, anno regiminis sui sexto Ludovici XXVI. (quæ annorum data in instrumento ejusdem Hugonis legitur) Monasterium S. Audomari, quod ab antecessore suo canonicis sæcularibus traditum fuerat, obedientiæ utrumque Monasterii S. Bertini restituisse; cujus rei gratia à Ludovico Imperatore privilegium obtinuisse, quod ait Author, *in plena Synodo confirmatum & publicatum fuit.* Quæ Synodus hæc fuerit, ubi locorum celebrata, ignorare me fateor. Interfuisse huic videtur S. Folquinus qui Morinorum Episcopatum anno 816. vel 815. regendum suscepit, ut patet ex data ejusdem instrumenti, quod consignatur anno præsulatus Folquini XXIII. Concilium illud col-

lectores fugit. Verba Iperii hæc sunt:
 " Hugo noster Abbas, cui ordinatio
 " Fridogisi sui prædecessoris præjudica-
 " re non potuit, cum par in parem
 " non habeat Imperium, de dicta ordi-
 " natione privilegium suum concessit,
 " consensu Imperatoris antedicti, quod sic
 " incipit. Quidquid ob amorem Dei exi-
 " gentes rei breviterat, &c. actum an-
 " no Domini DCCCXXXIX. Indictione
 " secunda. Imperii autem Ludovici Re-
 " gis anno XXVI. præsulatus quoque
 " almi præsulis Folquini anno XXIII. (b)
 " & nostri regiminis anno sexto. Ego
 " Hugo Abbas, consensu Domni Lu-
 " dovici Imperatoris hæc voluntariè
 " firmavi, ipsumque ut subscriberet
 " rogavi. Hac etiam ordinata subjectione
 " ne autoritate regia, & Imperiali,
 " sanctique Folquini Episcopi privilegio
 " roborata, & utriusque collegii capi-
 " tulari sententia concordata, ac in plena
 " Synodo confirmata & publicata, noster
 " Hugo Abbas æditum ibidem consti-
 " tuit hujus loci monachum, nomine
 " Morum, ordinationem exequens an-
 " tediectam,

Manfi Supplementi Conciliorum Tomo I. pag. 897.

Ex Martene & Durand Anecdotorum Tom. III. Cap. 12. Part. I. Columna 511.

DD. Canonici Audomarenses diploma istud de subjectione Monasterii Sithivensis sub Bertinico Monasterio, cui ante Fridogisum subiectum jam fuerat, volunt esse suppositum, cum inde à Fridogiso Abbate Prædecessore Hugonis semper sui juris fuerint, & ab eo Præpositos suos accerierint. *Malbrancq. de Morinis Tomo I. pag. 235.*

(a) Cl. Manfi in suis ad *Pagium animadversionibus* ad annum Christi 839. hanc animadversionem de hac Synodo inferuerat.

(b) In Ecclesia S. Mariæ XII. Kal. Julii præsentæ *universali Synodo* ego Folquinus ex consensu & præcepto Domini Hludovici Imperatoris hæc voluntariè firmavi, & cum Episcopali interminatione subscripsi. Ego Maximus Archi-Diaconus subscripsi. Ego Hugo Abbas subscripsi. Signum Adalardi Monachi. S. Amalberti III. S. Hunroci Comitis. S. Odgrini Advocati. S. Everucci Militis. S. Berarii Militis. Ego Goatbertus Levita & Monachus, jussu D. Folquini Præsulis, hanc Chartam scripsi, & subscripsi. *Hæc clausula est P. Jacobi Malbrancq S. J. Tomo II. de Morinis L. V. pag. 235. diversa ab illa, quam Manfi ex Iperio refert.*

CONCILIIUM IN ENGILENHEIM.

Imperator Lotharius cum assensu variorum Episcoporum restituit Ebonem, anno 835. in Synodo Theodonis Villæ depositum, Ecclesiæ Remensi.

Anno Christi DCCCXL. Gregorii IV. Papæ XIV.
Lotharii Imp. XXI. & I.

Igitur Ebo post hanc depositionem suam in Cisalpinis fertur regionibus conversatus usque ad obitum Ludovici Imperatoris, qui contigit anno Incarnationis Dominicæ DCCCXL. Quo Imperatore defuncto, Lotharius ab Italia in Franciam venit: cui Ebo ad Wormaciam civitatem occurrit, eique Lotharius post aliquot dies sedem, & Dicecesim Remensem per edictum imperiale restituit. Cujus edicti habetur exemplar.

" In nomine Domini nostri Jesu Christi Dei æterni. Lotharius divina ordinante providentia Imperator Augustus. Quia confessio delictorum non minus in adversis necessaria est, quàm in prosperis, & cor contritum & humilatum Deus non despicit; gaudium etiam esse Angelorum in cælo super uno peccatore poenitentiam agente non dubitamus: nos mortales in terris eos nequaquam despiciamus, pro quibus gaudere Angelos in cælo divino testimonio non ignoramus. Accusantes & reprehendentes in excessibus semetipsos divina nos benignitas non condemnare sed recreare docuit, qui meretricem non solum à legali damnatione eripuit; verum etiam publicanum humiliatum, & accusantem se non condemnavit; sed magis justificando exaltavit; qui non dixit: omnis, qui se humiliat, condemnabitur; sed exaltabitur. Potestatem ergo, quam pro causa nostra raptus perdidisti, repetentibus Ecclesiæ tuæ filiis, præsentibus quoque ad-

" stantibus, ac decernentibus præfatis, sedem ac Dicecesim Remensem urbis tibi, Ebo, restituimus, ut pristino sanctæ largitatis Apostolorum pallio indutus concordiam atque gratiam divini officii nobis, cum humiliter satisfactione expleta solenni nostra à largitate recipiendo exerceas. Drogo Episc. assensu. Olgarius Archi-Episcopus. Hefti Archi-Episcopus, Amalwinus Archi-Episc. Audax Archi-Episcopus, Joseph Episcopus, Adalulphus Episc. David Episc. Rodinus Episc. Gisbertus Episc. Flotarius Episc. Badaradus Episc. Hagano Episc. Hartgarius Episc. Ado Episc. Samuel Episc. Rambertus Episc. Haiminus Episc. Ratoldus Presbyter vocatus Episc. Amalricus vocatus Episc. cum cæteris plurimis presby. ac Diac. publicè assistentibus. Actum in Engilenheim palatio publico, in mense Junii (a) VIII. Kalend. Julii, regnante & imperante Domino Lothario Cæsare, anno reversionis ejus I. Successor factus Patris in Francia; Indictione III. Cui restitutioni præfata, quæ Sueffionis (b) habita est, contradixit Synodus, asserens, quod damnatus à se atque à XLIII. Episcopis, à minori numero restitui non valuit. Quod edictum Remis Ebo secum detulit, & apud ipsos & plures illud diversæ professionis, & ordinis divulgavit, & in Ecclesia Remensi publicè recitari fecit. Ita eo tempore, quo Lotharius Carolum à regno expulit, & ultra Sequanam fugavit, Ebo sedem Remen-

S 2

(a) Cointius & Pagius errorem hic notant; cum enim Ludovicus Pius hoc anno XII. Kal. Julii mortuus sit, quo tempore Hlotharius adhuc in Italia erat, qui lenro gradu in Germaniam venit: hinc reponunt in mense Augusto, VIII. Kal. Septembr.

(b) Anno 853. VI. Kal. Maji Synodus celebrata Sueffione, an canonicè restitutus Ebo fuerit anno 841. & an ordinari ab eo Clerici legitimè ordinati fuerint?

menſem poſt ſex annos ſuæ depoſitionis recepit; & Epiſcopale miniſterium agere cœpit. Sicque ordinationes celebrans quosdam clericos ordinavit, & per totum circiter annum hoc Epiſcopium tenuit: donec Carolus (c) reſumptis viribus in Belgicam reverſus eſt. Quod audiens Ebo, relicta ſede Remenſi, ad Lotharium profeſtus eſt, & in ejus familiaribus manſit obſequiis: donec una cum Drogone Metenſium præſule Romam (d) petiit; ubi à Sergio Papa reconciliari, ac pallium ſibi tribui poſtulavit. Cui idem Papa communionem tantum conceſſa, dare pallium renuit. (e)

Flodoardus Hiſtorie Remenſis L. II. Cap. XX.

Alia ſeries Epiſcoporum, qui ſubſcripſerunt huic Synodo.

Epiſcopi, qui in Conventu Ingelheimenſi reſtitutioni Ebonis Remenſis ſubſcripſerunt, ſeu vi, ſeu metu Hlotharii, ſeu partium ſtudio, hi recenſentur apud Duchefne.

Drogo Epiſcopus Metenſis, Archicapellanus, & Regis Frater.
Heſti Archiep. Treverenſis.
Otgarius Archiep. Moguntinus.
David Archiep.
Amalcoinus Archiep.

- (c) Anno 841. VII. Kal. Julii, Carolus Calvus & Ludovicus Germanicus contra fratrem Lotharium Imperatorem prælio decretorio victoriam ad Fontanum referunt, quæ victoriâ Carolus Metis potiebatur, Ebo pulſus ad Hlotharium refugit. *Annales Bertiniani, Fuldenſes, Metenſes. Ademar in Chronico Aquisgranenſi.*
- (d) Ebbo Remenſis, & Bartholomæus Narbonenſis, cum Ludovico Hlotharii Imp. Filio Romam petierunt anno 844, ubi à Sergio II. Papa conſecrato IV. Idus Februarii anni hujus coronatus fuit Rex Longobardiæ XV. Junii in Baſilica S. Petri: Duo Epiſcopi Eccleſiæ reconciliari, & Pallium orârunt Papam. Sergius Papa edixit, eos communionem intra Clerum indignos eſſe, & laicorum ſolam communionem conceſſit. *Eckhart. rerum Franc. Lib. XXX. §. 13. pag. 374.*
- (e) Anno 840. Ebo ad Synodum Pariſinam citatus non comparuit coram Hiſmaro Præſide confirmato in Sede Remenſi anno 847, igitur jam 2da aut 3tia vice à Sede Remenſi deponitur, & ejus ordinationes anno 840. declarantur irritæ. *Eckhart. loco citato.*
- (f) Poſt Rembertum II. Epiſcopum Hildeſienſem anno 847. deſunctum Ebo gratiâ Ludovici Germanici, eo anno amici Hlotharii, fit Epiſc. Hildeſienſis uſque ad 851, quo, teſte Frodoardo, deſunctus eſt XIII. Kal. Februarii, adeoque quinquennio Hildeſii ſedit. Errat Catalogus Leibnitii eidem dans annos XII. in Cathedra Hildeſina.

Joſeph Archiep.
Audax Archiep.
Adalulfus Epiſcop.
Erminius Epiſcop.
Badierada Ep. Paderbornenſis.
Agario Ep. Bergomenſis.
Samuel Epiſcopus Wormatienſis.
Rodingus Epiſcopus.
Frotharius Ep. Tullenſis.
Gislebertus Ep. Noviomienſis & Tornacenſis.
Ado Epiſcopus.
Strampertus Epiſc. Brixienſis.
Ratulfus vocatus Epiſcopus.
Harcarius vocatus Epiſc.
Amalricus vocatus Epiſc. Comenſis.
Boſo Abbas.

cum aliis quamplurimis Abbatibus, Presbyteris, atque Diaconibus, remiſſus eſt autem à jam dicto Imperatore Lothario, ſeu à præſato Concilio, ad ſedem propriam, Remenſem ſcilicet Eccleſiam, ad quam veniens VIII. Idus Decembris receptus eſt ab Epiſcopis Suffraganeis ſuis.

Haftenus Duchefne Tomo II. Scriptores Francie pag. 341. ex codice MS. Atrebatenſi.

Goldaſtus Tom. I. & Eckhartus L. XXIX. rerum Francie Tomo II. pag. 334. variam Lectionem nominum habet à Quercetana Editione.

Hardouin. Tomo IV. Concilior.

SYNODUS INCERTI LOCI

EPISCOPORUM GERMANIÆ ET FRANCIÆ.

Anno Christi DCCCXLI. Gregorii IV. Papæ XV.
Lotharii Imp. XXII. & II.

In qua decretum fuit: victoriam à Ludovico Germanico & Carolo Calvo obtentam apud Fontanetum contra Lotharium Imp. esse JUDICIUM DEI pro causa vera Ludovici & Caroli.

Decretum 2do: à Victoribus Fratribus, quod à persecutione fugientium cessandum sit. Omnes tam suasores, quam effectores prælii pro sola justitia & æquitate decertavisse.

Decretum 3tio: preces pro occisis amicis & inimicis solvendas, & triduanum jejunium pro omnibus mortuis injunctum.

PRælio quidem, (a) uti præfatum est, strenuè peracto, quid de palantibus perageretur, Lodhovicus & Karolus in eodem campo deliberare cœperunt. Et quidam ira correpti, persequi hostes suadebant: quidam autem, & maximè Reges, miserantes Fratris, plebisque, & ut *Judicio Dei*, & hac plaga repressi ab iniqua cupiditate respicerent, & Deo donante, deinceps unanimes in vera justitia devenirent, piis visceribus, solito more, optabant. In quo negotio, Dei misericordia ut præstolaretur, suadebant. Quibus cætera multitudo assentientes à prælio & præda discesserunt, & fere mediante die, ad castra redeunt: quid deinceps consultius acturum videretur, deliberaturi. Fuit quidem ingens numerus prædæ & ingens cedx, (b) insuper ammirabilis immo & merito notabilis misericordia tam Regum, quam & universorum. Nam diversis pro rebus diem Dominicum inibi acturos se deliberarunt, in quo Missa peracta, amicos & inimicos, fideles & infideles pariter sepulturæ tradebant. Plaga correptos ac semivivos eodem modo pro viribus ex animo refovebant. Post hos, qui fuga evaserant, miserunt offerentes, si revera sana fide vellent, omnia delicta remitti. Post hæc

Reges populique super fratris populoque Christiano dolentes, percontari Episcopos cœperunt, quid agere super hoc negotio deberent? Quamobrem unanimes ad Concilium omnes *Episcopi* confluent, inventumque in *Conventu publico* est, quod pro sola justitia & æquitate decertaverint, & hoc *Dei judicio* manifestum effectum sit: ac per hoc immunis omnis Dei minister in hoc negotio haberi tam suasor, quam & effector deberetur. At quicumque conscius sibi, aut ira, aut odio, aut vana gloria, aut certè quolibet vitio quiddam in hac expeditione suasit, vel gessit, esset vere confessus secretè (d) secreti delicti, & secundum modum culpæ dijudicaretur. Verumtamen in veneratione ac laude tantæ declarationis justitiæ, pro remissione delictis mortuorum fratrum suorum in eo, quod imperfecti peccatis intervenientibus se noverant, ut in multis volentes nolentisque delinquebant, ut suo adjutorio ab his exuti liberarentur. Insuper autem uti hætenus in justitia adjutor & protector illi Deus exstitit, ita ut deinceps ubique existeret: proque his omnibus triduanum jejunium inventum, immoque libenter ac celebre celebratum est.

S 3

AQUIS-

(a) Apud Fontanetum (aliis Fontaniacum oppidum est Franciæ, non procul Autifodoro situm) VII. Kal. Julii prælium cruentum inter tres fratres fuit. Hlotharius Filius primogenitus Ludovici Pii Augusti nolebat acquiescere divisioni Regnorum factæ à Patre Wormatiæ anno 838.

(b) Forte *cedis* aut *caesorum*.

- (c) Communis persuasio omnium Francorum & Germanorum hoc sæculo, in privato duello & publico bello, per victoriam à Deo declarari innocentiam victoris contra victum.
- (d) Ecce usum secretæ Confessionis pro peccatis internis. Licet enim victoris causa iusta fuerit, attamen si intervenisset ex parte privatorum hominum vel ambitio, vel ira, aliisque perverſus finis, secretâ Confessione se expurget, & poenam secundum modum culpæ à iudicio Sacerdotis accipiat.

Nitbardus de Diffensionibus Filiorum Ludovici Pii Libro III. pag. mibi 463. ex Editione Pitboei.

AQUISGRANI CONSULTATIO EPISCOPORUM ET SACERDOTUM

*De Regno Franciæ inter Ludovicum Germaniæ, & Carolum Calvum
dividundo, excluso Lotbario Imperatore.*

Anno Christi DCCCXLII. Gregorii IV. Papæ XVI.
Lotharii Imp. XXII. & II.

Ludovicus & Karolus, Lotharium à Regno suo abiisse certis indiciis cognovêre: Aquis Palatium, quod tunc sedes prima Franciæ erat, petentes: sequenti vero die, quid consultius de populo ac Regno, à Fratre relicto, agendum videretur, deliberaturi.

Et primum quidem visum est, ut rem ad Episcopos & Sacerdotes, quorum aderat pars maxima, conferrent, ut illorum consultu, velut Numine Divino harum rerum exordium atque auctoritas proderetur. Et hoc illis, quoniam merito ratum videbatur, commissum est. Quibus ab initio gesta Ludharii considerantibus, quomodo Patrem suum Regno pepulerit: quoties populum Christianum perjurum sua cupiditas effecerit: quoties idem ipse hoc, quod Patri Fratribusque juraverat, frustraverit: quoties post Patris obitum fratres suos exhereditare atque delere temptasset: quota homicidia, adulteria, incendia, omnigenaque facinora universalis Ecclesia sua nefandissima cupiditate perpeſſa sit; Insuper autem neque scientiam gubernandi Rempublicam illum habere, nec quoddam vestigium bonæ voluntatis in sua gubernatione quemlibet invenire posse ferebant.

Quibus ex causis non immerito, sed **IUSTO DEI** omnipotentis **JUDICIO** primum à prælio, & secundum à Regno suo fugam illum iniisse aiebant.

Ergo omnibus unanimiter visum est, atque consentiunt, quod ob suam nequitiam vindicta Dei illum ejecerit, Regnumque fratribus suis, melioribus se, iuste ad regendum tradiderit.

Veruntamen haud quamquam illis hanc licentiam dedere, donec palam illos percunctati sunt: Utrum illud *Regnum* per vestigia fratris ejecti, an secundum Dei voluntatem regere voluissent?

Respondentibus autem: in quantum nosse ac posse Deus illis concederet, secundum suam voluntatem se & suos gubernare & regere velle, ajunt: Et *authoritate Divina*, ut illud suscipiatis, & secundum Dei voluntatem illud regatis, monemus, hortamur, atque præcipimus.

Nitbardus Lib. IV. de Diffensionibus Filiorum Ludovici pag. mibi 476. 477.

Binius Tomo III. Concil. Part. I. p. 340.

Eckhart. Tomo III. rerum Franc. p. 347.

Beek. Historie Aquisgrani Cap. X. pag. 225.

SYNODUS FRISINGENSIS

Anno Christi DCCCXLIII. Gregorii IV. Papæ XVII.
Lotharii Imp. XXIV. & IV.

*Traditio & vestitura variorum bonorum facta à Baldrico in manus
Erchanberti, Episcopi Frisingensis, pro ejusdem Ecclesiæ
Cathedrali.*

IN nomine Domini Dei, & Salvatoris nostri Jesu Christi. Notum sit omnibus, Christianam Religionem colentibus, quod *Erchanbertus Frisingensis* Ecclesiæ Episcopus annuente gratia divina cum Paldrico viro venerando se coadunavit talium rerum, ut sequens ratio per ordinem demonstrat, hoc est, quod idem Episcopus, idemque vir nominatus convenerunt in loco nuncupante Dungeih, quod est juxta civitate Viriduna, ubi trium fratrum Hludhary, Hludowici, & Karoli facta est concordia, & divisio Regi (a) ipsorum. Condixeruntque, quod præfatus Baldricus proprietatem, quam haberet in finibus Bajowariorum, pro pecunia valente libras CCL. tradidisset ad domum sanctæ Mariæ, & ut Erchanbertus jam dictus Episcopus nepos suus Reginbertus videret eandem proprietatem usque ad exitum vitæ ipsorum ad proprium haberent, censûsque ab eis annuis temporibus ad jam dictam domum Dei veniret de argento solidi II. hoc est, de cuique illorum unus interdum cum viverent. Post hæc accessit prænotatus Baldricus, & tradidit in capfas Sanctæ Mariæ, ac in manus Erchanberti Episcopi, & nepotis sui Reginberti, atque advocati illorum Eparhary talem proprietatem, quam haberet in exercitu Bajowariorum in locis nominatis Tannara, Helidkereshusir, Chleninawa, Munninpah cum omnibus ad hæc pertinentibus, hoc est, currem cum domo, mancipiis; territoriis, pratis, pascuis, silvis, aquis, aquarumque decursibus, mobile & immobile, totum, & integrum cum omni integritate, & justâ inquisitione pertinente ad loca vocata. Isti sunt testes per aures tracti secundum legem Bajowariorum: Fritilo Palatinus Comis, Cundpald Comis, alius Cundpald Comis, Rotolt

Comis, Herilant Comis, Orendil Comis, Adalperht, Managolt, Reginperht, Adalhoh, Irinc, Hunolf, Cundalperht, Cundperht, Kejo, Piligrim, Aeriperht, Meginolt, Canto, Kepahart, Liuthart, Folmot, Perto, Regino, Reginperht, Eparheri, Otperht, Altol, Adalo, Eginolf, Althrih, Willihelm, Kepahoh, alius Kepahoh, Tozzi, Hringolf, Sigewart, Cozzolt, Waldfrið, Alphrih, Mahperht, Rihperht, Willihart, Rocholf, Kernod, Tozzilo, Kartheri, Job, Friduperht, Reginhart, Immo, Tagaperht, Hiltikern, Hludowic, Erchanbert, Irmfrid, Regindeo, Chuni-perht, Manno, Engilpald, Cotaperht, Jacob, Alpkis, Echo, Aelmuni, Antres, Oadalscalch, Reginheri, Perhtram, Urolf, Eigil, Ermpert, Offo, Rihheri, Heriperht, Engilrih, Meginperht; & isti sunt Friesoni Vassalli Dominici: Ermfrid, Waldker, Lantfrid, Geramo, Perhtolt, Adalhart, alius Adalhart. Et isti Vassalli Paldrici: Sipot, Kerans, Otachar, Camanolf, Folehans, Deotolf, Hiltihram, Kerrih, Drudpald, Leipwin, Engilperht, Dincfrid, Magnus, Reginperht, Frumolt, Isti etiam sunt fidejussores: Sigipoto, Cundpald, à quibus Erchanbertus Episcopus, & Advocatus ejus Eparharius una cum nepoti sui Reginperhto prædictarum rerum XI. Kal. Septembris vestituram acceperunt coram multis testibus, quorum nomina: Adalperht, Cotaperht, Eth, Cundperht, Piligrim, Hitto, Eparheri, Jusiph, Folmot, Willihelm, Waldker, Oadalrih, Isankrim, Isanhart, Froimar, Nordperht, Wisunt, Reginpoto, Perhrih, Pisin, Jacob, Altolf, Lantperht, Talamot, Erchanolf, Riheri, Hucperht, Frecholf, Paldrih, Ekkiheri, Cozperht, Hrodperht, Rihheri, Lantperht, alius Hitto,

(a) Regni.

Hitto, Hiltolf, Hrodlant, Eparhelm, Reginolt, Reginpoto, Anno Incarnationis Domini DCCCXLIII. Indiſt. VI.

Actum die decimo mensis VIII. hoc est IV. Idus Augusti.

Meichelbeck Historia Frisingens. Tom. I. Part. II. Instrum. DCXXIX. pag. 320.

EPISTOLA SERGII

PAPÆ II, ANNO I.

AD EPISCOPOS TRANSALPINOS

Anno Christi DCCCXLIV. Lotharii Imp. XXV. & V.

- I. De Prælatione Drogonis (a) Vicarii Sedis Apostolicæ, Filii Caroli Magni, Patrici Regum Hlotharii, Ludovici, Caroli Calvi.
- II. De ejusdem potestate congregandi Synodos generales in Germania & Galliis.
- III. De Provincialium Synodorum ad eundem relatione facienda.
- IV. De potestate Appellantis ad Sedem Apostolicam audiendi.
- V. De potestate examinandi Episcopos & Abbates.

Optaveram equidem, fratres charissimi, tam glorioso certamini nostram corporalem exhibere præsentiam, pro recuperanda tam excellentis ordinis gloria modis omnibus desudare. Sed quia nos cunctarum sollicitudo angit Ecclesiarum, ubi ipsi esse non possumus, more præcedentium nostrorum moderationis nostræ vicarios damnos. Ad nostræ igitur humilitatis vicem, cunctis provinciis trans alpes constitutis. Drogonem Archi-episcopum Metensem, gloriosi quondam Karoli Imperatoris filium, cujus beatissimi moderatoris industria Romanorum Francorumque incorporavit Imperium, cauta deliberatione constituimus. Ut quia Serenissimi atque piissimi filii nostri magni Imperatoris Hlotharii, ejusque fratrum dilectissimorum filiorum nostrorum Hludovici, & Karoli regum avunculus est, insuper sanctitate doctrinaque conspicuus; ab hac sede sanctissima Aposto-

lorum Principis auctoritate percepta, vestris necessitatibus vice nostra idoneus ubique minister exsistat. Et quia omnium vestrorum sollicitudinem illi gerere præcepimus, omnium volumus obedientia comitari. Decet sane, fratres, ut qui pro omnibus laborat, cunctorum subsidio fulciatur. Huic ergo in congregandis generalibus Synodis, in omnibus supradictarum regionum partibus nostram commodamus auctoritatem: & quidquid Provinciali Synodo fuerit, ad ejus absque dilatione statui-
mus notitiam perducendum. Si cui autem ab illis partibus hanc sanctam Sedem appellare opus fuerit, & in nostra audientia se audiri poposcerit, hunc commonemus; ut ad ejus primum audientiam se summittat: & Ecclesiasticorum gestorum in sua regione rationabili digestionem prolata, si Episcoporum de eo, qui forte criminibus impetitur, sententia discordaverit, ut ab aliis reus, innocens judi-

(a) Drogonem hunc Metensem Episcopum primum post Bonifacium à Papis Gregorio III. Zacharia & Stephano Tomo I. pag. 39. 43. 9. constitutum Vicario generalio Legatum Apostolicum per Germaniam, Bajoariam & Gallias secundum fuisse institutum Vicarium Sedis Apostolicæ ex Hincmaro observat *Sirmondus Tom. III. Concil. Gallia pag. 9.*

judicaretur ab aliis ; tunc ipsis gestis ad nos delatis , litteris etiam præfati fratris nostri , cui vicem nostram concessimus commendatus sive ad nos , sive ad beatissimi Petri Sedem securus accedat , nullaque eum in veniendo mora præpediat , quam etiam condito fratri nostro Drogoni Archi-Episcopo in examinandis ac perquirendis Episcopis & abbatibus , sub hoc tenore hanc nostram licentiam , & auctoritatem concessimus , salvo in hujus omnibus universalis Romanæ Sedis primatu , nostrique præfatus honore , vigoreque & exaltatione carissimi , spiritalis filii nostri Domini Hlotharii magni Imperatoris . Nam nobis valde placuit , propter diversas Ecclesiarum perturbationes , hoc necessarium satique dignum opus explere . Si vero hac admonitione contempta , solâ improbitate se criminibus exuendum existimaverit ; noverit à nostra mansuetudine nequaquam se temerariam absolutionem adepturum , nisi primum & Provinciali Synodo , & postmodum generali , prædicti fratris nostri audientia ejus fuerit actio ventilata . Illic enim causâ subtilius examinatur , ubi perpetrata cognoscitur . Tamen si se ad nos venire poposcerit , ut ante prædiximus , non teneatur . Si autem vel sui Metropolitanus provincialem Synodum evocatus adire noluerit , vel ad generalem præfati Vicarii , Legatique nostri conventum venire contempserit , cum hæc nostris Apostolicis auribus per suas litteras intimare decreverit , nostra & totius Ecclesiæ Catholicæ se noverit auctoritate judicandum . Quod si

violentiam sibi à religiosis filiis nostris regibus quilibet Episcoporum , quominus Canonum statuta custodiat , queritur irrogatam ; nos hoc suffugium , annuente Domino , litteris ad eos missis credimus amputandum . Nequaquam enim auditu tolerabile est , ut germanorum fratrum in fide Trinitatis terna societas à sui dilectione , communi juris æquitate diffiliat . Quodsi eorum quilibet post discordiæ principem abire maluerit ; nec Catholica fuerit pace contentus , hunc merito , Deo auxiliante , Canonicis auctoritatibus , prout melius possumus , castigare studemus . Ceterum , fratres , tamquam sub uno charitatis globo constitutam vestram alloquor sanctitatem , ut idipsum omnes sentiat , & non sint in vobis schismata ; neque per aliquos inanium argumentationum cuniculos , vel vobis ipsis , vel populo vobis commisso , veritatem subducatis , quæ absque refragationis diverticulo vera prosequitur , dicens : *Beati Pacifici , quoniam filii Dei vocabuntur* . At contra , qui bella volunt , quia diaboli filii sint , palam datur intelligi . Sed nos in eo , qui vincit mundum , beato Petro Apostolo intercedente , confidimus , quod nullo typho sæcularis audaciæ vestra succumbit auctoritas : tamen etsi ad tempus prævaluerint , quia in æternum damnabuntur , ambiguum non est . Vos autem etsi persecutionem patimini propter justitiam , beati . Deus vos incolumes custodiat , fratres , Amen .

Sirmondus Tbm. III. Concilior. Galliæ ex Codice S. Arnulphi Metensis.

Epistola Sergii Papæ , ut Sergio II. adscriberemus , erat enim *ἀντιπράξας* , fecit auctoritas Hincmari , qui Drogonem à Sergio prælationem obtinuisse scribit Epistola VI. adeptum autem anno DCCCXLIV. intelligi licet ex Cap. II. Synodi Vernensis . *Sirmondi Nota* . De Prælatione (b) Reverendissimi Drogonis definire aliud non audemus , nisi expectandum , quam maximus cogi potest , Galliæ , Germaniæque Conventum ; & in eo Metropolitanorum , reliquorumque Antistitum inquirendum esse consensum , cui resistere nec volumus , nec valemus . Nobis tamen , si quid tale alicui committi potest , & non alia , quam quæ prætenditur , latet causa : illi potissimum convenire videtur , qui & communionem Sacerdotii nobis , & Excellentiæ vestræ propinquitatis privilegio sociatur .

(b) Hic est Canon XI. Concilii in verno Palatio celebrati , anno 844. unde relucet potestatem Vicarii Pontificii à Sergio II. Drogoni collatam non fuisse in usum inductam ante consensum Antistitum Germaniæ & Galliæ : & hic consensus nusquam datus fuisse legitur .

CONCILIIUM AD THEODONIS VILLAM.

Capitula, quæ acta sunt in Synodo secus Theodonis Villam habita, in loco, qui dicitur Judicium, quando tres Fratres gloriosi Principes, Hlotharius videlicet, Hludovicus & Carolus, simul convenerunt, cui Synodo Drogo Metensis Episcopus præsedet, consensu eorumdem Regum: quæ & ipsi Principes ante se, Fidelesque eorum relecta Capitula approbaverunt, & se eadem servaturos, auxiliante Domino, promiserunt, mense Octobri, Indictione VII. ()*

Anno Christi DCCCXLIV. Sergii II. Papæ I.
Ludovici Germaniæ Regis XI. (a) à morte
Patris IV.

TITULI CAPITULORUM.

- | | |
|--|--|
| <p><i>I. Ut Principes mutuam inter se civitatem & concordiam habere studeant.</i></p> <p><i>II. Ut Episcopi ordinentur in viduatis sedibus, & suos recipiant, quæ his privatæ sunt.</i></p> <p><i>III. Ut Monasteria laicis concessa, Religiosis deinceps viris, seu feminis, committantur.</i></p> <p><i>IV. De rebus Ecclesiasticis non pervadendis,</i></p> | <p><i>præter subsidium, quod exinde offertur Reipublicæ.</i></p> <p><i>V. Ut locorum Religiosorum, quod laici tenent, curam interim & providentiam gerant Episcopi.</i></p> <p><i>VI. Ut ordo Ecclesiasticus antiquum vigorem recipiat, iudicium & iustitia omnibus reddatur, & penitentia de præteritis agatur.</i></p> |
|--|--|

P R Æ F A T I O.

Navis Sanctæ Ecclesiæ ab exordio suo variis sæpe perturbationibus merfa, sed excitato fidelium precibus gubernatore suo Christo nunquam est usquequaque demersa. Quæ quondam etiam, ut nunc videtur, pæne collapsa, Progenitorum vestrorum studio & devotione est authore Deo juxta modum divinitus concessum recuperata. Unde immensas Domino Deo nostro laudes referimus, qui & corda vestra ad intentionem similem excitavit, & post vestigia Patrum vestrorum, quibus per temporale regnum ad æternum perveniatis,

ire velle docuit & inspiravit. Vestræ nihilominus nobilissimæ Dominationi multimodas gratiarum actiones rependimus: quia ad evitandum & vestrum & nostrum periculum, & ad communem totiusque periculi providendam salutem, bonam & bene placitam Dei voluntatem subsequi, & divinum consilium secundum præceptum Domini, quo dicitur: *Interroga (b) Sacerdotes legem meam: & interroga (c) Patres tuos, & annuntiabunt tibi.* à nobis quamquam indignis Christi tamen Vicariis querere, & benigna devotione, velut revera ex ore ipsius

(*) Indictio in Caroli regno & diplomatibus plerumque à Natali Christi inchoatur iudice *Eckharto Tom. II. pag. 379*, inde Indictio VII. retinenda.

(a) Ludovicus Germaniæ & Bajoariæ Rex triplex habet Regnorum suorum initium, primum à Ducatu Bajoaria, quem Pater Ludovicus Pius anno 833. ei concesserat. Secundum à morte Patris Ludovici Pii, quæ anno 840. obigit. Tertium ab anno 839. ut ostendit *Mabillon. de re Diplomatica, & in Annalibus Benedictinis Tomo II. Lib. XXXIII. Cap. 31.* Nos prima Epocha ducta ut anno 833. duntaxat utemur. Chartæ Bavaricæ ab anno 825. æram Ludovici numerant, iudice *Hansitzio.*

(b) Aggæi II. 2.

(c) Deuteron. XXXII. 7.

ipſius Dei, exſpectare dignamini. Quod humilitatis veſtræ ſupernum donum Sancta Eccleſia cum tanto gaudio ſuſcipit, ut de vobis etiam in conſolatione ſua ſibi dictum à Domino aptare velit: *Pro Patribus* (d) *tuis nati ſunt tibi filii.* Id eſt, pro iſtorum Progenitoribus, qui te pa-

terno affectu ditaverunt, & ampliaverunt, ac coluerunt, nati ſunt tibi iſti filii, qui in te & paterna munera reſarciant, recuperent, & conſervent; & te ſideli devotione, ut bonæ indolis adoleſcentes, me ſuper eos intendente, eiſque manum ſolatii porrigente, tueantur & excolant.

CAPITULA

I.

His ita præmiſſis, Nobiliſſimi Domini, ut cum pace veſtra dicamus, quia conſtat hanc Sanctam Eccleſiam ſanguine Chriſti redemptam, & Prædeceſſorum veſtrorum multo labore redintegratam ac adunatam, atque gubernatam, veſtra diſcordia eſſe diſciſſam & perturbatam atque afflictam; videtur nobis, ſi & in præſenti feliciter regnare, & in futuro cupitis eſſe ſalvi; & ab hac eadem Eccleſia vobis ad gubernandum commiſſa, pro qua ex miniſterio regali reddituri eſtis Regi Regum rationem in die iudicii, tam multiplices ac pernicioſas corruptionis peſtilentias vultis amovere; & vigorem regum ac ſeniorale, & ſuper veſtros, & ſuper impugnantes poteſtatem veſtram optatis habere; caritatem illam, quam Apoſtolus docuit: *De corde* (e) *puro, & conſcientia bona, & fide non ficta*, inter vos ſtudet habere; & quia ſic habeatis, & fidelibus & infidelibus veſtris omni virtute & puritate curate manifeſtare; ſicut Dominus docuit, dicens: *In hoc cognoscent* (f) *omnes, quia mei eſtis Diſcipuli, ſi dilectionem habueritis, ad invicem.* Quæ non tantum verbo & lingua, ſed potius remoto quolibet modo, omni occulta nocendi machinatione, aut quod abiſt, aliena à caritate aperta impugnatione, quocumque quis indiget, pro viribus vero conſilio, & prompto auxilio ab altero adjuvetur: quoniam ſcriptum eſt: *Frater, qui adjuvatur* (g) *à fratre, quaſi civitas firma.* Et ita in populum commendatum, pro iſta quæ hætenus operante per membra ſua diabolo verſata eſt diſcordia, pacem illam diſſeminate, quam Chriſtus in cælum aſcendens fidelibus ſuis munere magno reliquit, dicens: *Pacem* (h) *relinquo vobis, pacem meam do vobis.* Sine qua nemo videbit Deum.

II.

Quia bene noſtis ab iſſo, qui ſolus merito & Rex & Sacerdos fieri potuit, ita Eccleſiam diſpoſitam eſſe, ut Pontificali authoritate & regali poteſtate gubernetur: & ſcriptum eſſe liquido pervidetis: *Ubi non eſt gubernator,* (i) *populus corrumpit.* Et tanto periculoſius, quanto anima eſt plus pretioſa, quam corpus: Canonum etiam irrefragabilis authoritas ſuper Epiſcoporum ordinatione, & in populi ad cuſtodendum ſuſcepti vigilantia, ac ſedium ſuarum tenaci ſtabilitate evidentiffimè præcipiat: ferventiſſimè Dei legatione fungentes monemus, ut ſedes, quæ veſtra diſcordia ulterius nec nominanda, ſine ſacro Epiſcopali miniſterio, & ſine Epiſcopis viduatæ manent, ſubmota funditus peſte Simoniacæ hæreſeos, ſine dilatione, juxta authoritatem Canonicam, aut Epiſcopos à Deo datos, & à vobis regulariter designatos, & gratia Sancti Spiritus conſecratos accipiant: aut quæ ſuis Epiſcopis quacumque occasione privatæ ſunt, Canonicè eos ſine aliqua excuſatione aut tarditate recipiant.

III.

Sacrum quoque monaſticum ordinem à Deo inſpiratum, & ab ipſis Apoſtolis fundatum, ſeu à nominatiſſimis & Sanctiſſimis Patribus excultum, atque per iſtud imperium à veſtris piæ memoriæ Prædeceſſoribus propagatum, & quædam etiam loca ſpecialius venerabilia, contra omnem auctoritatem, & rationem, ac Patrum veſtrorum, ſeu Regum præcedentium conſuetudinem, laicorum curæ & poteſtati, in maximo veſtro periculo, & illorum perditione, & Dei ac Sanctorum non modica ad irascendum provocatione, vos commiſiſſe dolemus. Quapropter pro Chriſto devotiſſimè obſecramus, ut tam magnam offenſam & juſtam

T 2

(d) Pſal. XLIV. 7.

(e) I. Timoth. I. 5.

(f) Joannis XIII. 35.

(g) Proverb. 18. 29.

(h) Joannis 14. 27.

(i) Proverb. XI. 14.

justam reprehensionem, atque periculosam sine exemplo præcedentium præsumptionem, ab animabus vestris, & à felicitate regni vestri pellatis, & loca venerabilia, & habitum ac ordinem sacrum, eis, qui ad hoc vocati sunt, viris scilicet, qui ex Clericali, & Ecclesiastico vel Monastico ordine, religiosi, seu & in suo sexu feminis Deo dicatis atque devotis, & in schola Christi eruditis, ad custodiendum & providendum committatis, qui & quæ Dei sunt, Deo, & quæ sunt Cæsaris, Cæsari reddant. Qui si minus perfectè, & in Divina Religione, & in Reipublicæ utilitate profecerint, aut corripiantur, aut meliores & utiliores in locis eorum substituantur; & non propter pravorum nequitiam ordo religionis, & loca sacratissima eis, quibus licitum non est, committantur: cum manifestissimè Scriptura demonstret Ozam (k) morte damnatum, qui arcam Domini quasi cadentem relevare voluit, quam vel contingere illicitum ei fuit.

IV.

Occasionem etiam, & fomitem, unde ordo Ecclesiasticus & Canonica forma, atque Monastica Religio sæpe à longe superiori tempore, cum minus religiosos Principes habuit, titubavit, & iterum, cum devotos, & in Dei zelo ferventes Principes accipere meruit, resurrectione quadam revixit, & vigorem recepit, atque sui processus tempore ambulavit (quod non sine dolore gravi, & metu ultionis divinæ dicimus) in vestri regiminis tempore in destructionem (l) non in ædificationem, sicut Paulus docuerat, accidisse conspicimus. Quod & nostris peccatis, qui dispensatores Ecclesiarum esse debuimus, veraciter imputamus: & eorum, quorum factione res ista adeo malè pullulavit, & excrevit, alia præcedentia peccata hoc meruisse pro certo auctoritate divina cognoscimus; ut qui nocebant, sicut scriptum est, nocerent adhuc, & qui in fordidibus (m) erant, fordescerent adhuc: unde Deum gravius ad iracundiam provocarent; & sanctos, quos intercessores suis peccatis habere debuerant, infensos haberent; & Sacerdotes ac viros religiosos seu Christi pauperes, quos oratores & reconciliatores sibi de suo

promereri necesse fuerat, proclamatores adversum se fieri irritarent; & ad cumulum suorum peccatorum etiam illa peccata, unde in conspectu Dei rationem in die terribilis iudicii redderent, augerent, quæ illi commiserunt, qui eadem ista peccata per intercessionem fidelissimarum oblationum deleverunt, quibus Ecclesiasticarum rerum pervasores inconsulte, & in perniciem sui sine reverentia abutuntur. Quod ita verum esse, ut dicimus, Dominus protestatur, dicens: *Peccata (n) populi mei comedunt*, peccata enim populi comedunt, qui contra auctoritatem divinam res Ecclesiasticas indebite pervadunt; & nec intercessionis ope, nec prædicationis consilio, vel quocumque divino auxilio, pro peccatis eorum, qui eas dederunt, laborant; nec pio operi, ad quod fides fidelium eas tradiderat, inservire permittunt. De quo periculoso facto vos, Christianissimi Principes, venerabiliter admonemus, & devotissime obsecramus; ut memores salutis vestræ, præsentis scilicet, & æternæ, memores etiam largitatis progenitorum vestrorum erga sanctas Ecclesias, propter quam feliciter regnarunt, & sibi contrarios superaverunt, memores siquidem, cum quanta religione etiam ante Christi sanguinem, & in tempore famis in Ægypto discretionem sancti Joseph apud nefandum regem Pharaonem *tera (o) Sacerdotalis* exstitit. Innumera quoque Scripturarum exempla, ut lacte Ecclesiæ nutriti, & scientiæ ipsius sufficienter repleti, ante oculos reducentes, tunicam Christi, qui vos elegit, & exaltavit, quam nec milites ausi fuerunt scindere, tempore vestro quantocius reconsuite, & refarcite: & nec violenta ablatione, nec illicitorum præceptorum confirmatione, res ab Ecclesiis vobis ad tuendum, & defendendum, ac propagandum commissis auferre tentate: sed ut sanctæ memoriæ avus, & pater vester eas gubernandas vobis fautore Deo, dimiserunt, redintegrate; & præcepta regalia, earumdem Ecclesiarum conservate ac confirmate: ne sicut intentavit Samuel Propheta ad Roboam filium Salamonis in *confessione Pallii*, (p) præfens regnum, quod abstulit, vobis patrum labore acqui-

(k) II. Regum VI. 7.

(z) Osee IV. 8.

(l) II. Corinth. III. 10.

(o) Genes. XLVII.

(m) Apocalypf. XXII. 11.

(p) III. Regum XI. 10.

fitum, & hæreditate relictum, à vobis ipse Christus dividat, & æternum regnum, quod promittit, non tribuat. Nec contra Dei faciem iratas hominum facies consideretis : quia si ad tempus illis displicueritis, cum vos Deo placebitis, in vobis ille, quod promittit, implebit : *cum placuerint* (inquiens) *Domino* (q) *vix hominis, omnes inimicos ejus convertet ad pacem.* Quod ut commodius valeatis implere, unusquisque vir Ecclesiasticus, & intercessionis adiutorium, & solatii, quo res publica indiget subsidium, juxta quantitatem rerum Ecclesiæ sibi commissæ, salvo jure, quod exinde divinis dispensationibus debet impendi prompte, & ex animo parare, & impigre, sicut tempore antecessorum vestrorum consueverat, studebit offerre.

V.

Et quia sancta Ecclesia, in arca trituræ Dominicæ docta, quædam novit redarguenda, quædam dissimulanda quædam etiam gemenda usque ad tempus perficienda ; perspeximus, eo ferventiori zelo, quo majora corrigenda sunt, vestram potestatem, & sacerdotalis consilii auctoritatem, quædam ad præsens ex assè non valere corrigere. Et ideo de Canonicorum Monasteriis & Sanctimonialium, quæ sub eadem forma vivere dicuntur, consideramus, sicut Apostolus Paulus dicit : *Secundum* (r) *indulgentiam, non secundum imperium, ut si propter imminentem reipublicæ necessitatem laicis interim committuntur, Episcopi providentia, in cujus parochia consistunt, adjuncto sibi aliquo Abbate viro religioso, studeatur, qualiter restauratio locorum, & studium, ac custodia officii & religionis, atque subsidium temporalis necessitatis, in eisdem locis degentibus, juxta qualitatem &*

quantitatem moderationis, adhibeatur. Et qui eadem loca tenuerint ; eis inde, sicut & de aliis Christianæ religionis negotiis, pro Christi, & vestra reverentia obediatur. Quod si quis non fecerit provisorum curæ erit, ut ad vestram hoc noticiam referant : & vestra Dominatio, secundum sibi à Deo commissum ministerium, pro modo culpæ, quæ emendanda sunt, corriget. Per loca etiam monastica ejusdem ordinis provisorum necesse erit disponere, cum vestra auctoritas eos, qui vices Christi secundum regulam divinitus dictatam in Monasteriis agant, studuerit ordinare.

VI.

Petimus tandem, ut ordo Ecclesiasticus, in quibuscumque ei fuerit necesse, rigorem salutis humanæ exserere, per potestatem vestram, & per ministerium ministrorum dominationis vestræ, secundum antiquam consuetudinem suum vigorem recipiat. Et populi generalitas una, cum Ecclesiastica devotione judicium, quod honor Regis diligit, & justitiam, qua thronus ejus firmatur, per dispositionem vestram suscipiat ; seu admonitione atque consilio sacerdotali vestra sublimitas, & quisque in quolibet statu vel ordine, de rapinis, & ceteris, quæ discordiæ malo acciderunt, præteritis erroribus penitentiam gerat, & Domini reconciliationem exoptulet. Quam facile omnis, qui quæserit, inveniet, si in loco discordiæ plantata fuerit caritas, quæ cooperit multitudinem peccatorum : eumque potius quam nos in consilio non nostro, sed Dei attendatis, qui dixit : *Qui* (s) *vos audit, me audit, & qui vos spernit, me spernit ; non enim vos estis qui loquimini, sed Spiritus Patris vestri, qui loquitur in vobis.*

Binius. Sirmondus. Hardouin.

ADNOTATIO P. SIRMONDI.

In Concilio Meldensi Synodus hæc præponitur Lauriacensi. Prius enim Capitula memorat, quæ apud Theodonis Villam statuta fuerant, tum quæ apud Lauriacum. Constat autem utramque Synodum uno eodem mensè habitam, hanc in Caroli regno, illam in Lotharii.

(q) Proverb. XVI. 17.

(r) I. Corinth. VII. 6.

(s) Lucæ X. 26. Matth. X. 20.

CONVENTUS IN PATERBRUNNEN.

Anno Christi DCCCXLV. Sergii II. Papæ II. Lotharii Imp. XXV. & V. Ludovici Germaniæ Regis VII. (a)

Acta in hoc Conventu pro Statu Ecclesiæ per Saxoniam formando & reparando temporum injuria perierunt. Super sunt tres donationes Regiæ Corbeiensibus factæ in hoc Conventu.

IN nomine Sanctæ & Individuæ Trinitatis. Hludovicus divina favente gratia Rex. Cum in nomine unicæ & perpetuæ Trinitatis pro Regimine S. Matris & universalis Ecclesiæ etiam & pro statu regni nobis divinitus & paterno jure commissi Patherbrunnen pervenimus, aderant inter cæteros fideles nostros quidam Monachi cum venerabili eorum Præposito Walanæ (b) ex Monasterio, quæ nova Corbeia nuncupatur, coramque familiaribus Consiliariis nostris in præsentiam culminis nostri adducti attulerunt Domini ac Genitoris nostri Hludovici Excellentissimi Imperatoris quoddam Præceptum, in quo continebatur, qualiter idem Christianissimus Imperator præfatum Monasterium in honorem S. Stephani Proto-Martyris Christi super fluvium Wisera in Villa Regia, in loco dudum nuncupante Huxeri Adalhardo cuidam seni Abbati germanoque suæ Walanæ (c) construi ac fabricari præcepisset, obsecrantes clementiam Serenitatis nostræ, ut pro majori firmitate ac certiori studio securitatis, nostræ mansuetudinis super hoc præceptum paterno ac regali affectu confirmari deberet. Quorum petitioni justæ & rationabili aurem libenter accommodavimus, ac præscriptam villam Huxeri, (d) quam Serenissimus Augustus ad præfatum Monasterium tradiderat, cum omnibus finibus vel terminis suis terrisque, silvis, aquis, aquarumve decursibus, seu cunctis adjacentiis, nec non apendiciis suis sive res & possessiones, quæ à Deum timentibus, vel gratiam di-

vinam diligentibus ibi conlatæ sunt, (e) etiam & res, quæ ad Corbeiam antiquiorem; ex cujus vocabulo illud Monasterium nomen usurpat, traditæ fuerunt, infra fines regni Saxoniarum terris, silvis, campis, pratis, pascuis, aquis, aquarumque decursibus, propriis vel communibus ædificiis, prius habitis vel postea constructis, mancipiis quoque diversi generis vel conditionis, mobilibus & immobilibus datum vel traditum erat cum omni integritate præfato Monasterio, & Monachis ibidem Deo soli (f) militantibus ad possidendum fruendumque per hanc nostram auctoritatem in eleemosynam præfati piissimi Genitoris nostri, ac nostram confirmare ac stabilire decrevimus. Libuit etiam nostræ Celsitudinis Pietatem erga Divæ memoriæ Genitoris nostri Nobilissimi Augusti institutionem, quando divina vocatione Abbas (g) prædicti Monasterii vitam finiret mortalem, quamdiu ipsi Monachi inter se talem invenire hujusce vitæ quiverint, qui ipsam congregationem secundum regulam S. Benedicti, primi instructoris illius normæ, regere valeat, per hanc nostram auctoritatem licentiam habeant eligendi Abbatem, quatenus ipsos servos Dei, qui illic uni Deo diu nostrique serviunt, pro nobis proleque nostra & stabilitate regni à Deo nobis conlati jugiter Domini misericordiam exorare delectet. Illud vero inferere hoc præcepto nostræ placuit regiæ auctoritati, ut licentiam habeant Rectores & Ministri ejusdem Monasterii, cum quibuslibet homi-

(a) Annum VII. Ludovici Regis Franciæ Orientalis computat Schatenus ab anno 839, quo adjutus à Saxonibus & Thuringis Alemanniam & Franciam Orientalem sibi vendicavit. Schatenus ad b. annum.

(b) MS. Walone.

(c) MS. Walone.

(d) MS. Huxeri.

(e) MS. fuerant pro sunt,

(f) soli aberat à MS.

(g) Abba MS.

hominibus liberis res & mancipia legaliter commutare, videlicet ut quidquid pars justè & rationabiliter alteri contulerit parti, deinceps per hanc nostram auctoritatem jure firmissimo teneant, atque possideant, & quidquid exinde facere voluerint, libero in Dei nomine perfruantur arbitrio faciendi quidquid elegerint. Et ut hæc auctoritas largitionis atque confirmationis nostræ per diuturna tempora inviolabilem, atque inconvulsam obtineat firmitatem, manu propria

subter firmavimus, & annuli nostri impressione signari iussimus.

(L.S.) HLUDOVICI Gloriosissimi Regis.

Dominicus Notarius ad vicem Radleici recognovi.

Data IV. Idus Decembris. Anno Christo propitio septimo Regni Domni Hludovici Regis in Orientali Francia. Indictione VII. Actum Patherbrunnen in Dei nomine feliciter. Amen.

Schatenus Annal. Paderbornens. Lib. II. pag. 130. ad hunc annum ex Originum literis Corbeiensibus.

Secunda Donatio Corbeix facta, eodem die & Concilio, uti & tertia eodem mense, sed non eodem loco Corbeix novæ facta donatio, cum nihil singulare contineant dignum publica Germanicarum Ecclesiarum scientiâ, legi possunt apud *Schatenum* loco citato.

~~~~~

## SYNODUS TREVIRIS INDICTA, INDEQUE TRANSLATA PARISIOS.

AD ANNUM 847.

Cum anno superiore Ebbonis quondam Remensis Archi-Episcopi recruidisset, instigante Sergium Lothario adversus Hincmarum Ebboni in Cathedra susceptum, disceptandæ controversiæ Treviris indicta Synodus, quo & Ebbo, & Hincmarus cum primariis Galliarum Episcopis evocati. Dederat ad Carolum Regem & Guntboldum Rothomagensis Archi-Episcopum Sergius Papa literas, ut post diem Sanctæ Domini Resurrectionis cum cæteris Episcopis Treviri

adeffet, iudicium de Ebbonis depositione repararet, Hincmarum ibidem sisteret. Verum postquam Legati, qui à Sergio expectabantur, tempori non affuere, Synodus Lutetiam translata: ubi Ebbonis causa, iudicium horum tribunal effugientis, iterum jugulata, favente quoque Leone novo Pontifice, Hincmari honoribus.

*Byower. Annal. Trevir. pag. 1. ad b.a. ex Flodoardi Hist. Rhen. Eccl. L. 3. C. 2.*

## CONCILIIUM MOGUNTINUM PROVINCIALE.

SUB RABANO ARCHI-EPISCOPO,

PRO JURIBUS ET IMMUNITATIBUS ECCLESIASTICIS CELEBRATUM ANNO DOMINI DCCCXLVII. LEONIS IV. PAPÆ I.  
LOTHARII IMP. XXVIII. & VIII. LUDOVICI  
GERMANIÆ REGIS XV.

*Domino Serenissimo & Christianissimo Regi Ludovico (\*) veræ Religionis strenuissimo Rektori ac Defensori Sanctæ Dei Ecclesiæ, una cum uxore & prole sua ejusque Fidelibus, vita & salus, honor & benedictio cum victoria sine fine mansura.*

Dignissimæ Reverentiæ vestræ patefecimus nos humillimi famuli vestri Rabanus videlicet Moguntiacensis Ecclesiæ indignus Archi-Episcopus, cum

(\*) Ad Ludovicum Germaniæ, Franciæ Orientalis, Bajoariæ Regem Ludovici Pii Augusti Filium directæ est hæc Synodalis Epistola ex hoc Provinciali Concilio Moguntino,



Coepiscopis meis, quæ ad prædictæ Ecclesiæ Diocesim pertinent, hoc est, Samuele, (a) Egobaldo, (b) Baturato, (c) Hebone, (d) Gorbratho, (e) Hemmone, (f) Walgario, (g) Ansgario, (h) Orgario, (i) Latone, (k) Salomone (l) & Gebhardo, (m) cum reliquis collegis nostris Chorepiscopis, Abbatibus, Monachis, Presbyteris, & cæteris Ecclesiasticis Ordinibus: quia venimus secundum iussionem vestram in civitatem Moguntinam: ibique pariter adunati, post tri-duanum jejunium, quod cum Litanis celebravimus, divinam suppliciter postulantes Clementiam, quatenus sancta gratia sua conventum, & actionem ipsius Synodi sibi acceptabilem facere dignaretur, & Christiano populo proficientem ad salutem, & vitam perpetuam, vobisque ad æternum honorem & gloriam. Ubi etiam decrevimus, ut singulis Parochiis per Episcopos & Clericos, per Abbates & Monachos, oratio pro vobis, & pro vestra conjuge, simul prole nobilissima fieret: (n) cujus orationis summa est, Missarum tria milia & quingenta, & psalteriorum mille septingenta: hoc omni devotione postulantes, ut Deus omnipotens diuturnam vobis sanitatem & prosperitatem concedat; regnumque vestrum diu stabiliat ab omni hoste defensum in terra, postque hujus vitæ terminum in regno celestis vobis gloriam simul cum Sanctis suis concedat sempiternam. Tunc verò confidentes in clauetro Sancti Albani martyris, secundum morem illum, quo præcis temporibus, (o) sub Carolo Imperatore Hildebaldus, Richolphus cum ceteris Episcopis, Abbatibus illuc convenientibus fecerunt, & cepimus in Dei nomine communi consensu, & voluntate tractare pariter de statu veræ religionis, atque utilitate & profectu Christianæ plebis. Convenit inter nos

de nostro communi collegio clericorum atque monachorum duas facere turmas, sicut & fecimus: ita ut in una turma considerent Episcopi cum quibusdam notariis, legentes atque pericrutantes sanctum Evangelium; nec non Epistolas, & actus Apostolorum: Canones quoque, ac diversa Sanctorum Patrum opuscula, cum cæteris sacris dogmatibus: diligenti studio perquirendo, quibus modis statum Ecclesiæ Dei, & Christianæ plebis profectum sana doctrina, & exemplis justitiæ inconvulsam, largiente gratia Dei, perficere & conservare possent. In alia vero turma sederunt Abbates ac probati Monachi, regulam sancti Benedicti legentes, atque tractantes diligenter, qualiter Monachorum vitam in meliorem statum atque augmentum cum Dei gratia perducere possent; & ubicumque per negligentiam atque desidiam rectorum regularis ordo dilapsus fuisset, rursus secundum normam regulæ sancti Benedicti ad integrum restitueretur. His ergo ita dispositis atque peractis, primo decrevimus unicuique personæ vel sexui congruum honorem impendere secundum dictum sancti Petri primi Pastoris Ecclesiæ, quo ait: (p) *Omnes honorate, fraternitatem diligite, Deum time, regem honorificate. Servi, subditi estote in omni timore Dominis, non tantum bonis & modestis, sed etiam dycolis: hæc est enim gratia in Christo Jesu Domino nostro.* Cui paria doctor gentium ad Timotheum discipulum suum scribens: ait: *Attende (q) tibi & doctrinæ, insta in illis: hoc enim faciens, & te ipsum salvum facies, & eos, qui te audiunt. Seniores ne increpaveris, sed obsecra ut patrem; juvenes, ut fratres: anus ut matres: juven-culas ut sorores, in omni castitate.* Insuper congruum etiam esse visum est, ut Sacerdotes & Ecclesiæ Dei (r) jure legitimo inconvulso honorarentur: de quibus Do-

(a) Samuele, Wormatiensi.

(b) Egorbaldo, Gotzbaldo, Herbipolensi, legit Eckhart.

(c) Paderbornensi.

(d) Hildesienſi.

(e) Curienſi, Gerbracho Eckhartus & Schatenus.

(f) Halberſtadienſi.

(g) Verdenſi.

(h) Hammurgenſi.

(i) Orgario, Eichſtadenſi.

(k) Lantone, Auguſtano.

(l) Salomone, Conſtantiænſi.

(m) Gebhardo, Spirenſi.

(n) Actio prima hujus Concilii erat, oratio pro Rege, & determinatio Orationum & Sacrificiorum offerendorum à Clero per univerſum Regnum Ludovici Germaniæ, Bajoariæ, Alſatiæ, & Lotharingiæ partis Regis.

(o) Vide Tomi I. noſtri paginam 405., & in ea Concilii Aquisgranenſis anni 813. Præſationem.

(p) I. Petri II.

(q) I. Timoth. IV.

(r) Actio ſecunda. Decretus, honor & reverentia debita Episcopis & Eccleſiis, & Eccleſiaſticis bonis contra invaſores & raptores.

Dominus ait : *Qui (s) vos audit, me audit, & qui vos recipit, me recipit : qui autem me recipit, recipit eum, qui me misit.* Et Apostolus ad Hebræos : *Obedite, (t) inquit, præpositis vestris, & subjacete eis : ipsi enim pervigilant, quasi rationem reddituri pro animabus vestris.* Nam de reverentia Ecclesiarum Dominus ait : *Domus (u) mea Domus orationis vocabitur cunctis gentibus :* Unde etiam legitur in Evangelio, quod ipse Dominus, cum venisset ad Jerusalem, & introisset in templum, eos, qui negotia terrena & emptiones, & venditiones illicitas in eodem exercebant, quasi flagellum de funiculis faciens, omnes inde eiecerit. Proh dolor, his temporibus nec loca sancta venerantur : neque ministri Dei condigne honorantur : sed versa vice illi, qui honorari debuerunt, flagellantur, spoliantur, atque diversis calumniis franguntur. Unde necessitas magna nos coëgit pro hac re ad vos reclamare & petere, ut sicut apud Antecessores vestros Reges & Imperatores, qui ante vos fuerunt, honorem Sancta Dei Ecclesia habuit, & per immunitatem eorum possessiones Ecclesiasticæ inviolatæ persisterent, manentesque in eis semper illæsi perseverarent ; ita apud vos modernis temporibus incontaminatæ permaneant. Zelo enim Dei oportet vos defendere Ecclesias Christi, qui vobis regnum in terra, & Dominationem tribuit : ut per nullius suggestiones iniquas vestram concessionem, quam in elemosynam vestram Ecclesiis Christi contulistis, sinatis permutari. Quia inhonestum est, ut hoc, quod non solum Christianis temporibus, à Christianis Imperatoribus, sed etiam à paganis regibus tempore gentilitatis ad honorem Dei collatum est, vestris temporibus in vestro regno permutetur. Nam legitimus apud Esdræ, quod Artaxerxes Rex Esdræ scribæ legis Dei per Epistolam mandaverit, ita dicens : *Ego (x) Artaxerxes Rex statui atque decrevi omnibus custodibus arcæ publicæ, qui sunt trans flumen, ut quodcumque petierit à vobis Esdras Sacerdos scribæ legis Dei cæli, quod ad ritum Dei cæli pertinet, tribuatur diligenter in domo*

*Dei cæli : ne forte irascatur contra regnum Regis, & filiorum ejus. Vobis quoque notum facimus ac universis Sacerdotibus, & Levitis & Cantoribus, & Janitoribus, Nathinæis, & Ministris domus Dei hujus, ut vectigal & tributum, & annonas non habeatis potestatem imponendi super eos. Tu autem Esdras, secundum sapientiam Dei tui, quæ est in manu tua, constitue judices & præfides, ut judicent omni populo, qui est trans flumen, his videlicet, qui noverunt legem Dei tui ; sed & imperitos docete libere. Et omnis, qui non fecerit legem Dei tui, & legem Regis diligenter, judicium erit de eo, sive in mortem, sive in exsilium, sive in condemnationem substantiæ ejus, vel certe in carcerem.*

De Christianis vero Regibus, & Imperatoribus non necesse est aliqua exempla ponere : cum omnes, qui rectæ fidei, & sani dogmatis fuerunt, à Constantino Imperatore, qui primus Imperatorum Christianam religionem defendere, atque honorem Ecclesiarum Dei amplificare cœpit, usque ad vos semper in hoc studio solerter laboraverint, ut Ecclesia Dei pacem, & tranquillitatem haberet, quatenus cultus Dei incontaminatus foret, & servi ejus sine impedimento Deo delectabiliter deservirent : qualis autem vindicta illis, qui contra mandata Dei, & contra jussionem vestram Ecclesiæ Christi per avaritiam molestiam interunt, conveniat, in sequentibus per Sanctorum Patrum Canones, & per doctrinam divinarum Scripturarum congruo loco demonstrabimus. Non enim formidamus, juxta exemplum Domini Salvatoris, corruptoribus templi Dei, & contaminatoribus sacrorum locorum, judicium congruum inferre : quia, si illi à Christo Domino eiectioni sunt foras de domo Dei, qui per cupiditatem terrenam violabant sanctum locum ; non est iniquum insolentibus, & se corrigere nolentibus canonicum inferre judicium : ut sentiant correpti, quod ante noluerunt sentire leniter admoniti. Deus omnipotens vos in sua justitia confortet, & illæsum ab omni hoste protegat.

## V

## TITU-

(s) Luc. X. Matth. X.

(x) I. Esdræ VII.

(t) Hebræ. XIII.

(u) Isai. LVI.



## TITULI CAPITULORUM.

- I. De fide Catholica.
- II. De dogmate Ecclesiastico.
- III. De Sacramento Baptismatis.
- IV. De pace & concordia.
- V. De Conspiratione.
- VI. De immanitate rerum Ecclesiasticarum.
- VII. De potestate Episcoporum super res Ecclesiasticas, eorumque convenientia cum laicis, deque abominandis perversis præmiis.
- VIII. De proprietatibus ab Episcopis vel Presbyteris post ordinationem acquisitis.
- IX. De manumissionibus.
- X. De decimis dandis, & in quatuor portiones dividendis.
- XI. Ut antiquæ Ecclesiæ habeant privilegia sua.
- XII. Ne Presbyteri sine consensu Episcoporum per Ecclesias constituantur, vel ab his recipiantur.
- XIII. De Clericorum vita, sive monachorum.
- XIV. De voto monachorum.
- XV. De Clericis comam nutrientibus.
- XVI. De vita Sanctimonialium.
- XVII. De pauperibus non opprimendis.
- XVIII. De rebus pauperum per malam occasionem non emendis.
- XIX. De his, qui ad subvertendam justitiam munera accipiunt.
- XX. De parricidis.
- XXI. De mulieribus, quæ partus suos necant.
- XXII. De homicidiis.
- XXIII. De homicidiis non sponte commissis.
- XXIV. De occisis presbyteris in gradu positis.
- XXV. De presbyteris post degradationem occisis.
- XXVI. De infirmis in periculo mortis constitutis.
- XXVII. De his, qui suspenduntur in patibulis.
- XXVIII. De incestuosos.
- XXIX. De damnatis nuptiis.
- XXX. Quota generatione conjugia copulari debeant.
- XXXI. De modo dandæ penitentiae.

## CAPITULA

## I.

**I**Nitium actionis nostræ de fide esse decrevimus, quæ bonorum est omnium fundamentum: & quamvis sine (y) fide, ut dicit Apostolus, impossibile sit placere Deo; fides tamen indiget opere, quia (z) fides sine operibus mortua est. Ideo beatus Gregorius: "Ille, inquit, vere credit, qui exercet operando, quod credit. Quapropter de fide nostra omnes omnino Christianos alterutrum inter se jugiter admonere & docere oportet: maximè tamen Domini Sacerdotes in eo certamine laborare decet, ut firmiter ab omnibus teneatur.

## II.

Cum igitur omnia Concilia Canonum, (a) qui recipiuntur, sint a Sacerdotibus

legenda & intelligenda, & per ea eis sit vivendum & prædicandum; necessarium duximus, ut ea, quæ ad fidem pertinent, & ubi de extirpandis vitiis, & plantandis virtutibus scribitur, hoc ab eis crebro legatur, & bene intelligatur, ut in populo prædicetur. Et quilibet Episcopus homilias (b) continentes necessarias admonitiones, quibus subiecti erudiantur: id est, de fide Catholica, prout capere possint: de perpetua retributione bonorum, & æterna damnatione malorum, de resurrectione quoque futura & ultimo iudicio, & quibus operibus possit promereri beata vita, quibusve excludi. Et ut easdem homilias quisque aperte transferre studeat in rusticam Romanorum linguam (c) Theoticam, (d) quo facilius

(y) Hebr. XI.

(z) Jacob. II.

(a) Concilia Canonum recepta in Ecclesiis Germaniæ & Galliæ erant hoc sæculo; Primò Concilia in codice Romano à Dionysio collecta, & Carolo M. data, & per eum his Ecclesiis communicata. addò Concilia Germaniæ & Galliæ Nationalia, Provincialia, & quædam Diocesana, in & ab Episcopis Germaniæ & Galliæ celebrata.

(b) deest habeat, aut aliquid ejusmodi.

(c) Rustica Romana lingua est ex Latina &amp; Germanica mixta, qualis hodie Gallis usitata est.

(d) Lingua Theotisca sui generis propria, nec extraneis mixta est nostra Germanica. Homilias & Catecheses Theotiscas hujus sæculi collegerunt Goldastus, Eckhart, Schilter, Schertzius.

lius cuncti possint intelligere , quæ dicuntur.

## III.

Sacramenta itaque Baptismatis volumus, ut concorditer atque uniformiter in singulis parochiis secundum Romanum ordinem inter nos celebrentur iugiter, atque conserventur: id est, scrupulum ad ordinem Baptismatis, sicut in decretis Leonis Papæ sub duobus continentur Capitulis: "In Capitulo quinto: hæc duo tempora, id est, Paschæ & Pentecostes ad baptizandum à Romano pontifice legitima sunt præfixa. Item in Capitulo sexto: non interdicta licentia, qua in baptismo tribuendo quolibet tempore periclitantibus subvenitur. Et Siricius: In qualibet necessitate fuerit opus sacri unda baptismatis, omni volumus celeritate succurri. Debent igitur Episcopi cum magna diligentia presbyteris sui tradere baptismi Sacramentum, & quid in eodem renuntiandum quidve credendum sit. Renunciatur enim diabolo & operibus ejus. Opera vero diaboli, opera carnis esse intelliguntur: quæ sunt homicidia, fornicationes, adulteria, ebrietates, & multa alia his similia; quæ diabólico instinctu prius cognitione mentis concipiuntur, quam opere perpetrentur. Pompæ vero ejusdem sunt, superbia, jactantia, elatio, vana gloria, fastus, & alia quam plurima, quæ ex his oriri videntur.

## IV.

Sanè opus est, ut pax & concordia sit atque unanimitas in populo Christiano, quia unum Deum Patrem habemus in coelis, & unam Matrem Ecclesiam, unam fidem, unum baptismum: ideo in una pace & unanimitate concorditer vivere debemus, si ad unam & veram hereditatem regni cælestis cupimus pervenire: Quia (e) non est dissensionis Deus, sed pacis, ut ipse ait: Igitur si inter omnes fideles pax, & concordia habenda est, dicente Apostolo: Pacem (f) sequimini cum omnibus, & Sanctimoniam, sine qua nemo videbit Deum: multo magis inter Episcopos, & Comites esse debet, qui post imperialis apicis dignitatem populum Dei regunt. Ità enim inter se concordare debent, ut alte-

## V 2

rutrum sibi ad Dei servitium peragendum, & ministerium suum rectè explendum, non solum non noceant, quin potius adminiculi sint.

## V.

Si vero pax & concordia summum inter homines, & maxime Christianos bonum judicatur, & præmio summo remunerandum, id est, ut ejus merito filii Dei vocemur, nonne è contrario discordiæ, & dissensionis summum est malum, & summa pena plestendum? Ità ut Sapiens dicat, animam Domini illum detestari, qui inter fratres discordias seminat: atque ideo filius diaboli non immerito nominetur. Unde statui-mus, atque auctoritate Ecclesiastica confirmamus, eos, qui contra Regem vel Ecclesiasticas dignitates, sive Reipublicæ potestates in unoquoquo ordine legitimis (g) dispositiones constitutas, conjurationes & conspirationes rebellionis, & repugnantiae faciunt, à communione & consortio Catholicorum veram pacem amantium summovendos; & nisi per poenitentiam, & emendationem paci se Ecclesiasticæ incorporaverint, ab omnibus filiis pacis sancimus extorres.

## VI.

Quisquis fastu superbiæ elatus domum Dei ducit contemptibilem, & possessiones Deo consecratas, atque ad honorem Dei sub Regiæ immunitatis defensione constitutas, inhoneste tractaverit, vel infringere præsumpserit, quasi invalor, & violator domus Dei excommunicetur. Decet etiam, ut indignationem ipsius Domini Regis sentiat, cujus benevolentiae contemptor, & constitutionis prævaricator existit. Nihilominus tamen Rex suæ concessionis immunitatem ab omnibus ditioni suæ subiectis illam conservari præcipiat: assensum vero non præbeat improvide affirmantibus, non debere esse res Dominicas, id est, Domino dominantium deditas, ita sub defensione Regis, sicut propriæ suæ sunt hereditates: magisque advertat, quia quanto Deus excellentior est homine, tanto præstantior est divina causa mortalium possessione. Quocirca decipitur, quisquis plus in pro-

(e) I. Corinth. XIV.

(f) Hebr. XII.

(g) forte legitima dispositione.



propriis quam in Dominicis rebus gloriatur: quarum divinarum rerum defensor, & custos divinitus statutus, diligenti cura non solum eas servare, sed etiam multiplicare debet; magisque illa, quæ diximus præstantiora, quam sua defendere illum oportet, & augmentare. Si quis igitur insanus importunitate improbitatis Regem à recto proposito avertere tentaverit, nullisque remediis mitigari posse visus fuerit; licet obsequiis aliquibus transitoriis sit necessarius, abjiciendus ab eo projiciendusque est, juxta illud Evangelium: *Si pes (g) manus, oculusve tuus scandalizet te, erue illa, & projice abs te.*

## VII.

Ut Episcopi potestatem habeant (b) res Ecclesiasticas providere, regere, & gubernare, atque dispensare, secundum Canonum auctoritatem, volumus: & ut laici in eorum ministerio obediant Episcopis ad regendas Ecclesias, viduas, & orphanos defendendos: & ut obedientes sint eis ad eorum Christianitatem servandam: consentientesque sint Comites, & judices præsulibus suis: & nullatenus per aliquorum mendacium, vel falsum testimonium, neque per perjurium, aut per præmium, lex justa in aliquo depravetur.

## VIII.

In Concilio Carthaginensi (i) scriptum est, ut Presbyteri, Diaconi, vel quicumque Clerici, qui nihil habentes ordinantur, & tempore Episcopatus vel Clericatus sui agros vel quæcumque prædia suo nomine comparant, tamquam rerum Dominicarum invasionis crimine teneantur, nisi admoniti Ecclesiæ eadem ipsa contulerint. Si autem ipsis proprii aliquid libertate alicujus, vel successione cognationis obvenerit, faciant inde, quod eorum proposito conveniat. Quod si à suo proposito retrorsum exorbitaverint, honore Ecclesiastico indigni tamquam reprobi judicentur. Presbyteri vero non vendant rem Ecclesiæ, ubi sunt constituti, nescientibus Episcopis suis, non habentes necessitatem. Nec

Episcopo liceat matricis Ecclesiæ rem tituli sui nomine usurpare.

## IX.

In Concilio Carthaginensi (k) ita continetur: de manumissionibus in Ecclesia celebrandis: si id nostri consecradores per Italiam facere reperiuntur, nostræ etiam erit fiduciæ istorum ordinem sequi: data plane licentia missio legato, ut quæcumque digna fide pro statu Ecclesiæ, & salute animarum agere poterint, nos sciant laudabiliter in conspectu Domini accepturos.

## X.

Volumus, ut decimæ, quæ singulis dantur Ecclesiis, per consulta Episcoporum à Presbyteris ad usus Ecclesiæ & pauperum summa diligentia dispensentur. Quatuor autem tam de redditibus, quam de oblatione fidelium, prout cujuslibet Ecclesiæ facultas admittit, sicut dudum rationabiliter est decretum, convenit fieri portiones: quarum sit una Pontificis, altera Clericorum, pauperum tertia, quarta Ecclesiæ fabricis applicanda juxta constitutionem Episcopalem. Admonendum tamen est, ut decima Deo omnino dari non negligatur, quam Deus ipse dari sibi constituit: quia timendum est, si quis Deo suum debitum abstrahit, ne forte Deus per peccatum suum auferat ei necessaria sua.

## XI.

Ecclesiæ antiquitus constitutæ, nec decimis, nec aliis possessionibus pro novis Orationibus sine consensu & consilio Episcopali, priventur.

## XII.

Quicumque Presbyter per pretium Ecclesiam fuerit adeptus, omnino depnatur: (l) quod contra Ecclesiasticæ regulæ disciplinam agere dignoscitur, qui alium Presbyterum legitime ad Ecclesiam ordinatum per pecuniam expulerit; eamque sibi taliter vindicaverit, quod vitium late diffusum summo studio emendandum est. Itemque interdicendum videtur Clericis, sive laicis, ne quis cuilibet Presbytero

(g) Marth. XVIII.

(b) Concilii Moguntini anni 813. Capite VIII. Tomo I. pag. 407.

(i) Canone XXXII. vide Tomi I. nostri pag. 204.

(k) Canone XXXI. pag. 214. Tomi I. & pag. 217. Cap. 49.

(l) Concilii Chalcedonensis Cap. II. vide pag. 176. Tom. I.

bytero præsumat dare Ecclesiam sine licentia & consensu Episcopi sui.

## XIII.

Providendum necessàrio est unicuique Episcopo, qualiter Canonici vivere debeant; nec non & Monachi, ut secundum ordinem regularem vivere studeant, ut ait Apostolus: *Unusquisque in qua vocatione vocatus est, in ea permaneat*: & ut à negotiis sæcularibus omnino abstineant: multa sunt enim negotia sæcularia: de his tamen pauca perstrinximus. Ad quæ pertinet omnis libido, non solum immunditia carnis, sed etiam in omni carnali concupiscentia, quidquid plus justo appetit homo: turpe lucrum, munera iniusta accipere, vel etiam dare pro aliquo sæculari, cum quæstu pretio aliquem conducere, contentiones & lites, vel rixas amare, in placitis sæcularibus disputare, exceptâ defensione orphanorum aut viduarum: conductores aut procuratores esse sæcularium rerum, turpis verbi vel facti jaculatorem esse, vel jocum sæcularem diligere, aleas amare, ornamentum inconueniens proposito suo quarere, in delitiis vivere velle, gulam & ebrietatem sequi, pondera iniusta vel menfuras habere, negotium iniustum exercere (nec tamen iustum negotium est interdicendum propter necessitates diversas, quia legimus Sanctos Apostolos negotiatis esse; & in Regula Sancti Benedicti præcipitur prævidere, per quorum manus negotium Monasterii transeat) canes & aves sequi ad venandum, in commensationibus & vinolentiis nimis incumbere, superfluitatem in leibuslibet rebus nolle fugere. Quæ omnia Ministris altaris interdicimus, hortantes eos servare illud Apostolicum: *Nemo (n) militans Deo implicat se negotiis sæcularibus*: considerare quoque sententiam Domini dicentis: *Attendite (o) ne graventur corda vestra in crapula & ebrietate*: moderare cibum & potum, ut juxta Apostolum, sobrii sint, parati ad servitium Domini: ante se joca sæcularia vel turpia fieri non permittere, sed pauperes & indigentes secum ad mensam habere, & lectionem Divinam ibidem audire, & sumere cibum cum benedictione & laude Domini: se-

## V 3

(n) II. Timoth. II.

(o) Luc. XXI.

(p) I. Cor. X.

(q) forte verò.

(r) Confer Cap. VII. & sequentia de Abbatissis in Concilio Aquisgranensi Tom. I. p. 530.

cundum Apostolum dicentem: *Sive (p) manducetis, sive bibatis, omnia in laudem Dei facite.*

## XIV.

Nullus Monachorum aliquid proprietatis habeat, & res sæculares, quibus renuntiavit, nullatenus sibi usurpet: nec Parochias Ecclesiarum accipere præsumat, sine consensu Episcopi. De ipsis verè (q) titulis, in quibus constituti fuerint, rationem Episcopo, vel ejus Vicario reddant, & convocati ad Synodum veniant.

## XV.

In decretis Gregorii Papæ scriptum est: Si quis ex Clericis laxaverit comam, anathema. Unde sancimus, ut ejusmodi coërceantur ad pristinum statum reverti.

## XVI.

Abbatissa, (r) quæ in civitate Monasterium habet, nequaquam de Monasterio egrediatur, nisi per licentiam Episcopi sui, aut qui ejus vicem obtinet, nisi forte regali jussione cogatur. Et si quando foras pergit, de Sanctimonialibus, quas secum ducit, curam & vigilantiam habeat, ut nulla eis detur peccandi licentia sive occasio. Sed & cum pergit, in Monasterio talem in vice sua constituere debet, quæ de Sanctimonialium animabus curam & vigilantiam gerat. Habeat etiam Abbatissa studium in ædificando ea, quæ ad Sanctimonialium necessitatem pertinent, & in restaurando. Sanctimoniales vero in Monasterio constitutæ habeant studium in legendo & in cantando, in Psalmorum celebratione sive oratione: & horas Canonicas, matutinam videlicet, primam, tertiam, sextam, nonam, vespertinam, completorium pariter celebrent: & omnes, exceptâ, quam infirmitas tenet, in dormitorio dormiant, & omnibus diebus ad consolationem veniant: & ut cetera servant, quæ in regula Sanctimonialium continentur, & quæ à Sanctis Patribus illic constituta sunt.

## XVII.

Monemus Regiam Pietatem de oppressione pauperum liberorum, ut non à potentioribus per aliquod malum inge-

nium



nium contra justitiam opprimantur; vel cogantur, ut res suas vendant sive tradant; ne forte parentes eorum contra justitiam fiant exheredati, & regale obsequium minuat, & ipsi propter indigentiam mendici vel latrones seu malefactores efficiantur: & ut sæpius non fiant manniti (s) ad placita, nisi sicut in Dominico Capitulari olim facto præcipitur.

## XVIII.

Propter provisiones pauperum, quorum curam habere debemus, placuit nobis, ut nec Episcopi, nec Abbates, nec Comites, nec Vicarii, nec Judices, nullisque omnino sub mala occasione, vel malo ingenio res pauperum, vel minus potentium, emere, aut tollere audeat: sed quisquis ex eis aliquid comparare voluerit, in publico placito coram idoneis testibus, & eum ratione hoc faciat: ubicumque autem aliter inventum fuerit factum, hoc omnino emendari per regiam convenit iussionem.

## XIX.

Qui verò ad subvertendam justitiam à duobus muneribus accipiunt, hoc est, ab eo, qui quod sibi injuste ablatum est, iuste requirit, & ab eo, qui eadem injuste invasit, admonendi sunt, & fortiter increpandi, ne regnum Christi, quod omnibus iuste faciendis patet, sibi sine ulla retractatione secludant.

## XX.

Parricidium autem, quàm sit detestabile crimen, in iudicio facto inter Cain & Abel fratrem suum Dominus ostendit ipse: cum ad Cain parricidam ait: *Maledictus (t) eris super terram, quæ aperuit os suum, & suscepit sanguinem fratris tui de manu tua: cum operatus fueris eam, non dabit tibi fructus suos: vagus & profugus eris super terram.* In quo etiam posuit signum, hoc est, ut tremens & gemens profugus semper viveret, nec auderet sedes habere quietas. Sed quia in modernis temporibus parricidæ profugi currunt per diversa, & variis vitiis, atque gulæ illecebris deserviunt, melius nobis videtur, ut in uno loco manentes pœnitentia districta semetipfos castigent, si forte à Domini bonitate indulgentiam facinoris sui percipere mereantur. Non enim eis licebit

ultra militiæ cingulum sumere, & nuptiis vel conjugii copulari, quia sacri Canones hoc eis non consentiunt.

## XXI.

" De mulieribus, quæ fornicantur,  
" & partus suos necant, vel quæ agunt  
" secum, ut utero conceptus excutiant,  
" antiqua quidem definitio usque ad exitum vitæ eas ab Ecclesia removet, humanius autem nunc definimus, ut eis  
" decem annorum tempus secundum  
" præfixos gradus pœnitentiæ largiatur.  
" Item in *Concilio Eliberitano* Cap. LXIII.  
" scriptum est de his, qui filios ex adulterio necant: si quæ per adulterium  
" conceperit, idque post facinus occiderit, placuit vitæ in fine ei dandam esse  
" communionem, eo quod geminaverit  
" scelus. Item in *Concilio (\*) Herdensi* Capite secundo scriptum est de his, quæ abortum faciunt, vel natos suos extinguunt.  
" Hi vero, qui male conceptos ex adulterio fetus, vel editos necare studuerint, vel in ventribus matrum potioribus aliquibus colliserint, in utroque  
" sexu adulteris post septem annorum  
" pœnitentiæ curricula communio tribuatur: ita tamen ut omni tempore vitæ  
" suæ fletibus & humilitati insistant.

## XXII.

" In *Concilio Ancyano*, Cap. XXI.  
" (u) de homicidis ita scriptum est: Qui  
" voluntariè homicidium fecerint, pœnitentiæ quidem iugiter se submittant, perfectionem vero circa vitæ exitum  
" consequantur. In *Concilio Agathensi (x)*  
" Cap. XXXVII. de homicidis & falsis  
" testibus ita legitur: Itaque censuimus  
" homicidas & falsos testes à communione  
" Ecclesiastica submovendos, nisi  
" pœnitentiæ satisfactione crimina admissa diluerint. Item in *Concilio Agathensi*  
" Cap. LXII. scriptum est de his, qui  
" servos extra iudicem necant: Si quis  
" servum proprium sine conscientia iudicis occiderit, excommunicatione vel  
" pœnitentia biennii reatum sanguinis  
" emundabit. Item in *Concilio Eliberitano*  
" Cap. V. scriptum est, de Domina, quæ  
" per zelum ancillam suam occiderit: Si  
" qua femina furore zeli accensa flagellis verberavit ancillam suam, ita ut intra  
" tertium diem animam cum cruciatu effun-

(s) id est viritum vocati.

(\*) Herdensi lege.

(t) Genesis IV.

(u) Vide Tom. I. pag. 148.

(x) Concilium Agathense in Gallia Narbonensi anno DVI. celebratum fuit.

" effundat, eo quod incertum sit vo-  
 " luntate an casu occiderit; si voluntate,  
 " post septimum annum: si casu, per  
 " quinquennii tempora acta legitima pœ-  
 " nitentia, ad communionem placuit ad-  
 " mitti. Quodsi vero intra tempora con-  
 " stituta fuerit infirmata; accipiat com-  
 " munionem.

## XXIII.

In Concilio *Ancyrano cap. XXII. (y)*  
 scriptum est: " De homicidiis non spon-  
 " te commissis, prior quidem definitio  
 " post septennem pœnitentiam perfec-  
 " tionem consequi præcepit; secunda  
 " vero quinquennii tempus explere.

## XXIV.

Qui Presbyterum occidit, XII (z)  
 annorum ei pœnitentia secundum statuta  
 priorum imponatur: aut, si negaverit,  
 si liber est, cum XII. juret: si autem  
 servus, per XII. vomeres ferventes se  
 purget. Convictus vero noxæ, usque  
 ad ultimum tempus militiæ cingulum de-  
 ponat, & uxorem admittat.

## XXV.

Nuntiatum est nobis, quod aliqui  
 qui olim dixerunt se fuisse Sacerdotes,  
 & postea degradati pro suis peccatis,  
 pœnitentiam agendo suffragia sanctorum  
 per diversa loca transeuntes quæsierunt,  
 trucidati sunt. Hujusmodi interfecti-  
 onibus omnem Ecclesiasticam commu-  
 nionem denegamus, donec dignam pœ-  
 nitentiam pro reatu suo secundum judi-  
 cium Episcoporum exsolvant.

## XXVI.

Ab infirmis in mortis periculo po-  
 sitis, per Presbyteros pura inquirenda  
 est confessio, non tamen illis imponen-  
 da quantitas pœnitentiæ, sed innotescen-  
 da: & cum amicorum orationibus, &  
 eleëmofynarum studiis, pondus pœni-  
 tentiæ sublevandum: ut si forte migra-  
 verint, ne obligati excommunicatione,  
 alieni ex consortio bene fiant: à quo pe-  
 riculo si divinitus erepti convaluerint,  
 pœnitentiæ modum à suo confessore im-  
 positum diligentes observent. Et ideo  
 secundum Canonicam auctoritatem, ne

illis janua pietatis clausa videatur, oratio-  
 nibus, & consolationibus Ecclesiasticis  
 sacra cum unctione Dei animati, secun-  
 dum statuta Sanctorum Patrum commu-  
 nione viatici reficiantur.

## XXVII.

Quæsitum est ab aliquibus fratri-  
 bus de his, qui in patibulis suspendun-  
 tur pro suis sceleribus post confessionem  
 Deo peractam, utrum cadavera illorum  
 ad Ecclesias deferenda sint, & oblatio-  
 nes pro eis offerendæ, & Missæ cele-  
 brandæ, an non. Quibus respondimus:  
 si omnibus de peccatis suis puram con-  
 fessionem agentibus, & digne pœniten-  
 tibus communio in fine secundum can-  
 onicum jussu danda est, cur non eis,  
 qui pro peccatis suis pœnam extremam  
 perfolvunt? Scriptum est enim: *Non*  
 (a) *vindicat Deus his in idipsum*: Nam ip-  
 se Dominus ait: *In (b) quocumque die conver-*  
*fus fuerit peccator, peccata ejus non reputantur*  
*ei.* Et iterum: *Nolo (c) mortem peccato-*  
*ris, sed ut convertatur, & vivat.* Salu-  
 tem ergo homini adimit, quisquis  
 mortis tempore pœnitentiam denegat,  
 & desperat de clementia Dei, qui eam  
 ad subveniendum morienti sufficere vel  
 in momento posse non credit. Perdidi-  
 set latro in cruce præmium ad Christi  
 dexteram pendens, si illum unius horæ  
 pœnitentia non juvisset: cum esset in  
 pœna, pœnituit; & per unius sermo-  
 nis professionem, habitaculum paradisi,  
 Deo promittente, promeruit. Ve-  
 ra ergo ad Deum conversio in ultimis  
 positorum mente potius æstimanda, quam  
 tempore, Propheta hoc taliter asserent:  
*Cum (d) conversus ingemueris, tunc salvus*  
*eris.*

## XXVIII.

Ut Episcopi incestuosos penitus in-  
 vestigare studeant, omnino decrevimus:  
 qui si pœnitere noluerint, de Ecclesia  
 expellantur, donec ad pœnitentiam re-  
 vertantur. Quod si Sacerdotum nolu-  
 erint admonitionibus aurem accommo-  
 dare, volentes in pristinis perdurare cri-  
 minibus, oportet eos per sæcularis pœ-  
 nitentiæ disciplinam à tam prava consue-  
 tudine coerceri.

## XXIX.

(y) Vide Tomi I, pag. 149.

(z) Vide hujus Tomi Concilii Triburenfis C. III. p. 23. & Ingelheimensis C. II. p. 37.

(a) Nahum I. ex græco.

(b) Ezech. XXXIII.

(c) Ibidem.

(d) Ezech. XXXIII. ex græco.



## XXIX.

Si quis viduam uxorem duxerit, & postea cum filiastra sua fornicatus fuerit, seu duabus fororibus nupserit: aut si qua duobus fratribus nupserit, seu cum Patre & Filio: item si quis relictam fratris, quæ pæne prius soror exstiterat, carnali conjunctione violaverit: si quis neptem in conjugium acceperit: si quis novercam, aut nurum suam duxerit: si quis consobrinæ suæ impudice se sociaverit, vel relictæ sive filiæ, avunculi, aut Patris filiæ, vel privignæ suæ concubitu pollutus, vel hujuscemodi conjunctionis attractu maculatus fuerit: eos disjungi, & ulterius numquam conjugio copulari, sed sub magna districtione fieri volumus.

## XXX.

Contradicimus quoque, ut in quarta generatione nullus amplius conjugio copuletur: ubi autem post interdictum factum inventum fuerit, separetur. Sane eadem, quæ in viri, hæc nimirum in uxoris parentela de lege nuptiarum regula custodienda est. Quia ergo constat eos duos esse in carne una, communis illis utrimque parentela esse credenda est: sic scriptum est: *Erunt (e) duo in carne una.*

## XXXI.

Modus tempusque pœnitentiæ peccata sua confitentibus, aut per antiquorum Canonum institutionem, aut per Sanctarum Scripturarum auctoritatem, aut per Ecclesiasticam consuetudinem

imponi debet à Sacerdotibus. Nam qui pro peccatis gravibus leves quosdam, & inusitados imponunt pœnitentiæ modos, consuunt pulvillos, secundum Propheticum sermonem, sub omni cubito manus, & faciunt cervicalia sub capite universæ ætatis ad capiendas animas. Sed discretio servanda est inter pœnitentes publice, & qui absconsc pœnitere debeant. Nam qui publice peccat, oportet ut publica mulctetur pœnitentia, & secundum ordinem Canonum pro merito suo & communicetur, & reconcilietur. Pœnitentes vero tam expletionem constituti temporis, quam facinoris remissionem desiderent: nec eis sufficiat, si à quarundam rerum perceptionibus abstineant, nisi etiam à noxiis delectationibus subtrahant: declinantes autem à malo faciant bonum, inquirant pacem, ac sequantur illam.

Multa quidem alia per diversas quæstiones coram nobis illata sunt, sed pro brevitate temporis in præsentī Concilio omnibus respondere, & ea absolute non potuimus. Hæc vero, quæ vobis transmissa sunt, petimus ut vestra auctoritate firmentur: & si quis adversarius illis existere voluerit, prævalere non permittatur. Dei enim cooperatores vos esse debetis, & adjuutores Sanctæ ejus Ecclesiæ: quatenus Religio Christiana incontaminata temporibus Regni vestri usque in finem servetur.

*Binius Tomo III. Concilior. Parte I.*

*Harduinus Tomo V. Concilior. pag. 5. 6.*

*ACTIO III. Castigatio Thiotæ, Pseudo-Prophetissæ, in eodem Concilio.*

**P**ER idem tempus mulier quædam de Alamanniæ partibus, nomine Thiotæ Pseudo-Prophetissæ Moguntiacum venit: quæ Salomonis Episcopi *Constantiensis* Parochiam suis vaticiniis non minimum turbaverat. Nam certum consummationis sæculi diem, aliæque perplura solius Dei notitiæ cognita, quasi divinitus sibi revelata, scire se fatebatur: & eodem anno ultimum diem mundi imminere prædicabat. Unde multi Plebæi utriusque sexus timore percussi ad eam venientes munera illi ferebant, & que orationibus illius commendabant, & quod gravius est, sacri ordinis viri doctrinas Ecclesiasticas postponentes, illam quasi Magistram cœlitus destinam sequebantur.

Hæc in præsentiam Episcoporum apud S. Albanum *Moguntia* deducta, & diligenter de suis assertionibus requisita, Presbyterum quendam sibi ea suggestisse, & se talia quæstus causâ narrasse professæ est.

Quapropter Synodali judicio, publicis cæsa flagellis ministerium prædicationis, quod irrationabiliter arripuit, & sibi contra morem Ecclesiasticum vindicare præsumpsit, cum dedecore amisit, suisque vaticiniis tandem confusa finem imposuit.

*Annales Metenses & Fuldenfes. Annales Francorum Pithecom ad b. an. pag. mibi 42. ex quibus Binius Tomo III. Concilior. P. I.*

(e) Genes. II. Matth. XIX.

ACTIO

**ACTIO IV.** *Conjunctio Episcopatus Hammaburgensis & Bremensis in hoc eodem Concilio Moguntino incepta : nam Hammaburgensis veluti suppressa Verdensi Episcopo attribuebatur. Anno 848. in Concilio Moguntino perfectior conjunctio determinata fuit.*

Cum cella supradicta Turholt (a) in partem concessisset Venerandi Regis Caroli, (b) ipse eam à servitio, quod Pater suus disposuerat, amovit, & vobis bene cognito dedit Reginario. Pro qua re, cum à Fratribus suis gloriosissimis Regibus, & à multis quoque aliis sæpius fuisset admonitus, & ipse eorum petitioni nullatenus assentiret, jam dictus Pater noster *Ansgarius*, tunc cœpit atteri (c) necessitatibus & indigentis. Unde contigit, ut & fratres vestri, qui tunc cum eo hic aderant, ad vestram societatem redierint, & multi quoque alii causa paupertatis eum dereliquerint.

Ipse tantum cum paucis, qui cum eo substiterant, prout poterat, se agebat, & licet in paupertate degens, injunctum sibi officium nequaquam desere-re voluit.

Dominus quoque humilitatem ejus & patientiæ fortitudinem conspiciens, quia cor Regis in manu Domini est, Christianissimi Domini, & Senioris nostri Ludovici Regis, qui post Patrem suum hujus regni gubernacula suscepit, ad hoc animum incitavit, ut querere inciperet, unde ei solatium subsistendi facere posset, quo Legationis suæ mandatum perficere posset.

Et quia in hac Provincia Cellam nostram huic Legationi habebat congruam : erat autem ibi juxta Episcopatus Bremensis Ecclesiæ tunc desolatus Pastor, (d) illum ei dare disposuit.

Unde in publico Conventu Episcoporum, cæterorumque Fidelium suorum,

X

tractare cum eis cœpit, utrum hoc ei facere Canonica auctoritate liceret? Dominus enim & Pastor noster hoc sibi periculosum esse aliquo modo formidans, & ne à quibuslibet nævo cupiditatis reprehenderetur, cautè providens non facile huic dispositioni assentiebat.

Jubente itaque Rege *Ludovico* hæc eadem res in Concilio Episcoporum ventilata est. Qui multis præcedentibus exemplis probaverunt, bene fieri posse, ut quia Diœcesis illa, ad quam ipse ordinatus fuerat (anno 831.) admodum parva erat (nam nonnisi quatuor baptismales habebat Ecclesias) & hæc ipsa multotiens jam barbarorum incurfibus devastata *Hammaburgensis*, ista *Bremensis* ei causa solatii adjungeretur.

Verum, ne in aliquo scrupulum Ferdensis pateretur Episcopus *Waltgarius*, quod etiam partem de suo Episcopatu ultra Albiam sumptam ipse cum Bremensi tota simul Parochia retineret, statuerunt, ut sicut tempore Domni Ludovici primo fuerant, Episcopatus ipse & Bremensis, & Ferdensis restituerentur. Et ipse *Anscharius* teneret Bremensem, ex qua major pars Diœcesis suæ sumpta erat, quæ etiam tunc 847. erat præsentia Pastoris desolata. Quo decreto ita ab Episcopis constituto, Ipse jubente Rege Bremensem suscepit Diœcesin gubernandam. Porro partem Parochiæ, quæ ultra Albiam ad se pertinere debebat, *Waltgarius* recepit, tunc Ferdensis Episcopus.

Quod cum ita aliquamdiu esset, iterum diligentius ipsa re in alio (e) Concilio

(a) Vide pag. 59. hujus Tomi, Ludovici Pii donationem cellæ Turholt pro subsistentia Anscharii tunc consecrati Hammaburgensis Episcopi.

(b) Anno 843. ex nova partitione trium Fratrum Carolo Calvo obligit Francia Occidentalis, in qua Turholt, ereptæque Anschario alterius Regni Episcopo, & data Reginario Comiti.

(c) igitur ab 843. ad 847. caruit Anscharius necessariis alimentis : unde à fociis derelictus fuit.

(d) Leudericus Tertius Bremensis Episcopus circa vel ante 847. defunctus erat, successit enim anno 837. Willerico Bremensi & nonnisi octo annos sedit *Adam Bremensis*.

(e) *Eckbartus* credit anno 849. Moguntinæ Concilium ea de causâ coactum ex his causis : quia Leudericus Episcopus Bremensis nonnisi anno 849. obierit. addo. Quæ æge-



cilio Episcoporum ventilatâ, visum est eis non bonum esse, ut sedes, ad quam ille ordinatus fuerat, ab alio Episcopo teneretur (nam *Hammaburg* tunc in partem cesserat *Waltgarii*) potestatem quidem Regis esse dicentes, ut Diœcesin parvam & admodum captivatam augeret; locum tamen ad Episcopalem dignitatem auctoritate Apostolica firmatum (f) nullatenus immutandum. Unanimo ergo consensu cum voluntate Regis prædicti *Piiffimi Ludovici*, Episcopi ibi constituti cen-

fuerunt, ut sedem, ad quam consecratus fuerat, Pater noster *Anscharius* reciperet, & se quid ultra *Albiam* ex *Ferdenfi* ipse retineret Diœcesi, ex *Bremensis* Ecclesiæ Parochia illius sedis restitueret Episcopo. Quod ita & Regio jussu, & Synodali Episcoporum decreto, ipsius quoque *Waltgarii* memorati *Ferdenfis* Episcopi voluntate & assensu perfectum est.

*Rembertus Biographus S. Anscharii, ex pleniore editione Henschenii, ad diem 3. Februarii.*

batur annus *Ludovici Germanici IX.* quando introductus est in Sedem *Bremensem S. Anscharius*. Sed *Hagiographi*, rectius sentiunt primam partem hujus narrationis spectare ad Concilium *Moguntinum* anni 847, alterum seu *adum* Concilium fuisse Concilium *Moguntinum* 848. Vide Tomum I. *Februarii* pag. 392. 393. & pag. 417. *Leudericus* probabilissime obiit 846. aut ante 845. ut in nota (d) dictum. *Ludovici Germanici* annus nonus cadit in 848. si incipias annos regni in *Saxonia* ab 839. anno uno ante mortem Patris, uti *Schatenus* computat. Nulla ergo necessitas *Moguntini* Concilii ad annum 849. statuendi.

(f) *Gregorius IV. PP.* qui sedit ab 827. ad 843. confirmavit *S. Anschario* *Archi-Episcoporum Hammaburgensem*.

*Bulla extat in Actis SS. Tomo I. Februarii pag. 406. & in Appendice Triapostolatus Philippi Caesaris pag. 179.*

## CONCILIIUM MOGUNTINUM II. NATIONALE SUB RABANO.

*In quo Gothescalcus, Monachus Prædestinarianorum, hæresis convictus damnatusque Metropolim est remissus.*

Anno Christi DCCCXLVIII. Leonis IV. Papæ II.  
*Ludovici Germaniæ Regis XVI. Lotharii Imp.*  
XXIX. & IX.

**S**ynodi hujus circa Kalendas Octobris, & Gothescalci in ea damnati, mentio est in Annalibus incerti auctoris, anno DCCCXLVIII. *Gothescalcus* quoque quidam Presbyter de prædestinatione Dei prave sentiens, & tam bonos ad vitam, quam malos ad mortem perpetuam inevitabiliter à Deo prædestinatos esse affirmans, in Conventu Episcoporum apud *Moguntiacum* rationabiliter, ut plurimis

visum est, convictus, & ad proprium Episcopum *Hincmarum Remis* transmissus est: prius tamen juramento confirmans, ne in regnum *Hludovici* ultra rediret. Meminit Synodi ejusdem cum aliis sæpe locis *Hincmarus*, tum maxime in Capite II, posterioris operis adversus *Gothescalcum*, & prædestinarios scripti. Ubi & Synodalem Epistolam profert à *Rabano Episcopo* ad se missam

Præter *Gothescalci* examen convictionem, condemnationem & legationem extra Regnum *Ludovici*, aliam actionem referunt, *Francorum Annales Pithecani* pag. mibi 43. Homines etiam *Hrabani* Episcopi adversus Dominum suum conspirantes, publice convictos *Ludovicus Germaniæ Rex* cum eo pacificavit. Eodem loco aliam politicam actionem eodem tempore & loco habitam, iidem *Annales* referunt eadem pag. 43.

Legatos Fratrum suorum, *Hlotharii Imperatoris*, *Caroli Calvi Regis Franciæ*, & *Nordmannorum (Danorum)* *Scavorumque* suscepit, audivit & absolvit.

missam de Gothescalco. Gothescalcus, inquit, ex Metropolis Ecclesiæ Remorum Monasterio, quod Orbacis dicitur, habitu Monachus, mente ferinus, quietis impatiens, & inter suos mobilitate noxia singularis, de omnibus, quæ perversè tunc temporis sensa cognoverat, quatuor sibi elegit Capitula, omnium pæne perversitatum illarum fœditas, & cæcitas

facies in se continent: & à Monasterio irregulartiter exiens, peragratis regionibus plurimis, in Moguntina civitate habitæ Synodo, & Rabano Archi-Episcopo, libellum sui erroris porrigens damnatus cum litteris Synodalibus Remorum Metropolim est remissus. Quarum litterarum exemplar ita se habet.

# RABANI EPISCOPI EPISTOLA SYNODALIS, A D HINCMARUM ARCHI-EPISCOPUM REMENSEM.

## DE GOTHESCALCO.

*Reverentissimo Fratri, & Consacerdoti Hincmaro Archi-Episcopo,  
Rabanus Servus Christi & Servorum ejus, in Domino  
Salutem.*

Notum sit Dilectioni vestræ, quod quidam Gyrovagus monachus, nomine Gothescalcus, qui se asserit Sacerdotem in vestra Parochia ordinatum, de Italia venit ad nos Moguntinam, novas superstitiones, & noxiam doctrinam de prædestinatione Dei introducens, & populos in errorem mittens: dicens, quod prædestinatio Dei, sicut in bono, fit ita & in malo: & tales sint in hoc mundo quidam, qui propter prædestinationem Dei, quæ eos cogat in mortem ire, non possint ab errore, & peccato se corrigere; quasi Deus eos fecisset ab initio incorrigibiles esse, & pænæ obnoxios in interitum ire. Hanc ego opinionem nuper in Synodo apud Moguntiam habitæ ab eo audientes, & incorrigibilem eum reperientes, annuente atque jubente piissimo Rege nostro Hludovico, decrevimus eum cum perniciofa sua doctrina damnatum mittere

ad vos, quatenus eum recludatis in vestra Parochia, unde primum inordinate recessit: & non finatis eum amplius errorem docere, & seducere populum Christianum: quia jam multos, ut audiui, seductos habet, & minus devotos erga suam salutem, qui dicunt: quid mihi proderit laborare in servitio Dei? Quia si prædestinatus sum ad mortem, numquam illam evadam: si autem male egero, & prædestinatus sum ad vitam, sine ulla dubitatione ad æternam requiem vado. Hæc ergo paucis vobis scripsimus, intimantes qualem ejus doctrinam reperimus. Vos etiam valebitis de ore ejus, quod sentit, plenius audire, & quod inde agendum juste sit, decernere. Dominus omnipotens sanctitatem vestram bene valentem, & pro nobis orantem, in æternum conservare dignetur.

X 2

Alia

Recusa est hæc Epistola Tomo II. operum Sirmondi Venetiis 1728. unâ cum tribus aliis ejusdem Rabani Epistolis prolixioribus de hoc eodem errore Gothescalci nempe, una ad Hincmarum Remensem Archi-Episc.: altera ad Notingum Veronensem Episcopia ad Heberardum Comitem in Italia.

Binius Tomi III. Concilior. Parte I. eruditè & prolixè Notis hanc Synodum illustrat, tum ex Annalibus Pithocanis, tum ex Epistolis Rabani ad Hincmarum; & Hincmari Rhemensis ad Hincmarum Laudunensem.

Tomus II. Concil. German.





Data IV. Id. Novembr. anno Christo propitio. XV. Regni Domni Hludovici Gloriosissimi Regis in Orientali Francia. Indictione XII. Actum Mogontia Civitate. In Dei nomine feliciter Amen.

Hoc Diploma ex ipso Autographo Ecclesiæ Osnabrugensis descriptum servatâ primigeniâ orthographia edidit P. Ludovicus Henseler Soc. Jesu anno 1717. in appendice Diplomatis Carolini pro Scholis Latinis & Græcis Osnabrugentibus criticè expensi, pag. 107. 108.

## CONCILIIUM MOGUNTINUM III. SUB RABANO.

*Sejunctum à Comitibus Regis & Optimatum, fuit in eadem civitate.*

Anno Christi DCCCLII. Leonis IV. Papæ VI.  
Ludovici German. Regis XII. Lotharii Imp.  
XXII. & XII.

### SUMMARIUM.

*Habita est Synodus ex voluntate atque præcepto Serenissimi Principis in civitate Moguntia, Metropoli Germaniæ, præsidente Hrabano Venerabili ejusdem urbis Archi-Episcopo, cum omnibus Episcopis atque Abbatibus Orientalis Saxonie, Franciæ & Bajoariæ: Et illi quidem de absolvendis quæstionibus Ecclesiasticis tractatum habebant: Rex verò cum Principibus & Præfectis Provinciarum publicis causis, litibusque componendis insistens, postquam Synodalia eorum Decreta suo judicio comprobavit, & Legationes Bulgarorum, Slavorumque audivit & absolvit, Bajoariam reversus est.*

*Annales Fuldenses Francorum. Binius, Serarius L. I. Hist. Mog. Cap. 33.*

## Actio I. Concilii Moguntini anni DCCCLII. LUDOVICUS

GERMANIÆ REX, MONASTERIO RHINAUGIENSI

*Confirmat electum Abbatem Gobbertum, dat Abbati potestatem eligendi Advocati & Defensoris, idem Monasterium sub banno regali constituit.*

**I**N nomine Domini, & Salvatoris nostri Jesu Christi, Hludovicus divina ordinante providentia Rex. Quoniam Principem, ac Defensorem Ecclesiarum nos fecit Dominus, ne ejus ingrati esse videamur gratiæ, servitium suum augmentare, Ecclesias ditare, bene & opportune constructas defendere, destructas verò nos oportet restaurare. Idcirco notum sit omnibus fidelibus nostris, præsentibus scilicet & futuris, qualiter

Rabanus Metropolitanus Moguntienfis, & Salomon Episcopus Constantienfis, nec non Folcwinus venerabilis Abbas Augiensis cum multis aliis Principibus, in generali Concilio Moguntiae celsitudinem nostram adierunt, & quandam nobilem virum de Alemannica in pago Turgowein Comitatu Adalhalmi ob laudes divinas, & regulares disciplinas construxerant, obtutibus nostris præsentaverint, humiliter deprecantes, quatenus monachum



nachum quemdam nomine Gohbertum, quem idem Wolvene à fratribus & à se electum dixerat, in præfato Locelo Abbatem constitueremus, quod & ita fecimus, eâ videlicet ratione, quod monachos suos regulariter regat, nulli calumniam sine iusto iudicio inferat, res Monasterii intus, & bene ordinet, omnia juxta sapientis architecti dispositionem decenter, congrue, & utiliter gubernet.

Hic talis atque successores à nullo eliciantur, nisi tali, quod absit, facinori involvantur, quod Ecclesiastici viri eos inter se non patiantur; tunc primo in Concilio generali Constantiensi, vel Moguncienti iusto conregularium iudicio deponantur. Postquam verò aliquis eorum sic depositus fuerit, vel de hac eorum, quod magis cupimus, migraverit, non aliunde Abbas constituatur, nisi, quod absit, inter eos nullus idoneus inveniatur. Præterea Principes supradicti nobis flebiliter sunt conquesti, quod & nos satis audivimus, & veraciter scimus, scilicet plerosque eorum qui Ecclesiarum vocantur Advocati, debita potestate in tantum abuti, ut qui deberent esse modesti defensores, impudenter effecti sint rapaces & injuriosi exactores. Quapropter nostræ placuit providentiæ, in præfati Abbatis suorumque successorum, & fratrum videlicet Monachorum loco perpetualiter ponere potestate, ut sapientium usi consiliis, & eis, quos inter potentes sæculi esse noverint æquitatis modestiæ amatores, eligant suo competenter loco Advocatos & Defensores, nec quisquam omnium sibi hanc curam, vel potestatem præsumat vindicare, vel quasi hæreditariam, aut aliquo jure debitam invadere, nisi quem

Abbatis Electio, & Monachorum consulta approbatione velint admittere. Cujuscunque autem fidei Abbas ejusdem Cænobii advocatiam non timet committere, eidem nos & successores nostri banum regale debemus contradere, eo videlicet tenore, ut quodocunque sui commissi prævaricator in rebus vel hominibus, quod vulgò *Balmunt* dicitur, existat, vel si aliquem Advocatum, sive exactorem præter se sine Abbatis permissione sibi uspiam constituat, semel, secundo, & tertio commonitus, si non emendaverit, statim sine mora; & sine præjudicio advocatiam cum omnibus commodis perdat. Idem Advocatus in præfato loco nullum jus habeat placitandi, vel aliquam judicariam potestatem exercendi, nisi fortè ab Abbate vocatus advenerit, & tunc voluntati sive petitioni ipsius satisfaciatur. Quæcunque autem potens, vel impotens Persona hoc statutum bonæ memoriæ Caroli avi nostri, ac piæ recordationis Hludovici patris nostri una cum nostra confirmatione aliqua temeritate transgredi, & infringere præsumpserit, sexaginta Libras auri, medietatem Palatio nostro, medietatem Abbati persolvat. Et ut hæc confirmationis nostræ autoritas nunc & semper stabilis, & inconvulsa permaneat, manu propria illam firmantes sigillo nostro consignari iussimus.

*Hadebertus Subdiaconus ad vicem Grimaldi Archi-Capellani recognovi.*

Datum anno ab Incarnatione Domini 852. Regni Domini Hludewici Regis (a) primo. Indiétione XV. Actum Moguntia coram multis Principibus in generali Concilio feliciter. Amen.

*Manfi Supplementi Conciliorum Tomo I. pag. 925. 926. descripsit.*

*Ex Gallia Christiana Tomo V. pag. 507.*

(a) Sic Manfi edit: At Indiétio XV. quæ h. a. ad Septembrem currebat, coincidit anno XIII. Ludovici Germanici, si à morte Patris ducatur anni 840. Epochæ: anno X. si à divisione Virdunensi anni 843. exordians.

Demum, si ab initio Ducatus Bavarici anno 825, numerabis XXVII. uti Hanfirtius, annus erit XXVIII: sed Eckhartus *Tom. II. Histor. Franc. Orient. pag. 472.* ab anno 833. refert Bavaricam Epocham Ludovici Germanici, quod eo anno à Patre Ludovico Pio præfectus fuerit Bavarix, & ab eo anno vult S. Anscharium *L. de Miraculis S. Willebadi* annum Christi 860. computasse, annum XXVIII. Ludovici nostri Germanici.

## Concilii ejusdem Actio II.

## LUDOVICUS REX

I. Donat novæ Corbeie, Meppiam &amp; Eresburg.

II. Herifordie donat Bugimthi in Osnabrugensi Diœcesi.

Hreni in Monasteriensi Diœcesi.

III. Determinat visitanti Episcopo portionem mansionatica.

IN nomine Sanctæ & Individuæ Trinitatis, Ludovicus Divina favente gratia Rex. Si petitiones fervorum Dei iustas & rationabiles ad effectum perduxerimus, & ad humanam vitam feliciter transigendam, & perpetuam felicius promerendam procul dubio nobis profuturum speramus. Quapropter notum esse volumus, quomodo venerabilis Abba Warinus adiit Excellentiam nostram, suppliciter orans, ut nostra munificencia prospiceremus Monasteriis illi commissis, quorum unum est monachorum, nova Corbeja nominatum, ubi & ille primum regulari electione Abbas extitit, & alterum est Sanctimonialium, Herifordt dictum, & propriæ Abbatiæ, ejus nomen Addila, subiectum, sed juxta consuetudinem, quod ancillarum Dei congregationibus procurari solent Præpositi ex Ecclesiastico ordine, jam dicto Abbati commendavimus, ut tam in disciplina Abbatissam juvare, quam in cunctis negotiis, quæ familiæ Christi pro sexu, & professione suâ exequi non possent, ipsarum provisor, & parvus existeret. Is ergo petiit Celsitudinem nostram recordari, quod pie memoriæ Genitor noster Hludovicus Imperator ambo hæc Monasteria extrui jussit, ad normam videlicet præcipuorum in Gallia Monasteriorum, novam utique Corbejam ad similitudinem antiquæ Corbejæ, Herifordense verò Cænobium ad exemplum Monasterii Sanctimonialium

in Sueffionis civitate existentium, & ut in eleēmosynam suam hoc totius generis sui institutionem earundem perfectio expleretur, cellam juris sui, quæ vocatus *Meppia* cum decimis, & possessionibus undique ad eam pertinentibus, & Ecclesiam *Eresburg*, quam Avus noster Carolus primo exstruens in Saxonia decimis dotavit circumquaque habitantium, per duas Saxonicas ristas, præfatus noster Genitor ad novam Corbejam tradidit. Ad Herfordiensis autem Monasterii adjumentum dedit, in Episcopatu quidem Osnabrugensi Ecclesiam *Bugimthi* (a) cum subiectis sibi Ecclesiis in Parochia vero Mimigerfordensi, Ecclesiam *Hreni* (b) cum iis, quæ ad eam pertinent, Ecclesiis. Ita sanè, ut decimarum aliarumque reddituum provenientes præfatis cederent Monasteriis, & ab ipsis vicissim procurarentur subiectæ plebes in Baptismate, in Ecclesiastica, in sepulturis, in confessione peccatorum audienda. Et Presbyteri, qui principales ex his Ecclesias tenerent, Archi-Presbyterorum officio fungerentur ad agenda omnia, quæ solet fieri ab Archi-Presbyteris Episcoporum. Cum autem ipsi Episcopi circuitiones suas ibi agere deberent, ad eorum mansionatica daretur, quod in Capitularibus (c) antecessorum nostrorum præscriptum habetur. Nos igitur rata esse volentes certa omnia, tantum expensas ad ministerium Episcopi, propter ægritudinem & senectutem ei,

quæ

(a) Bugimthi, hodie dum Bomte, prima statio est Osnabruga Hanoveram euntibus.

(b) Hreni, hodie Rhenen, oppidum est Diœcesis Ultræjectinæ ad Rhenum.

(c) In Capitularibus Regum Francorum, quæ nunc habemus non invenitur, determinata quantitas annonæ debitæ Episcopo visitanti Monasterio. *Eckbartus ex codice Sæculi IX. Bibliothecæ Geubacensis Loc. cit. describit hunc notabilem locum.* Servitium plenum Episcopi de una Matre Ecclesia modii II. farinæ, porci II. porcellus I. pulli IV. anser I. ova XXXIII. acetii tertia pars sextarii. De melle similiter. De cera denarata II. De sale sextarius I. De pipere uncia II. De vino tonna II. De avena excussa modii X. & garbæ XL. De feno tertia pars carradæ. De stramine similiter, sed Gozberto Wurceburgensi Episcopo ob senectutem servitium auctius à Rege & Concilio Moguntino concessum. *Hactenus Eckbartus.*



quæ nunc est Gozberti augere debemus. Id juxta petitionem sæpè dicti Abbatis Warini ita moderari placuit, ut descripto, quantum satis sit, ad servitium Episcopi, hoc nullo modo subtrahatur, & Episcopus vicissim ampliora non requirat, nec cum pluribus veniat, quam ut ei sufficere possint. In quibus satis esse consensit præfatus Episcopus coram nobis, *Archi-Episcopo nostro Hrabano, ceterisque cum eo in Synodo agentibus.* Item ut dentur ad singulas Ecclesias porci quatuor, valentes singuli denariis duodecim, & octo arietes, qui eadem pene summa, quod quatuor porci æstimarentur, tres procelli, quatuor aucæ, octo pulli, viginti situlæ de medone XX. de mellita cerevisia XL. de non mellita. CXX. panes. C. modii de avena, manipuli DC. sitque in potestate Episcopi, utrum hæc per singulas Ecclesias ad unam *mansionaticam*, an ad duas velit habere. Ne autem in summa debiti his

plus aut minus compleatur, hoc auctoritatis nostræ præcepto cum *consensu Synodali* decernimus atque jubemus. His etiam adjungere placuit liberam utrique loco concessionem eligendæ de propria congregatione in regimen suis, per futura semper tempora, congruæ personæ. Et ut omnis hinc dubietas tollatur, manu propria hæc roborantes annuli nostri impressione signari iussimus.

(L.S.) HLUDOVICI Serenissimi Regis.

*Hadelbertus Subdiaconus ad vicem Baldrici Abbatis recognovi.*

Data XI. Cal. Junii, anno Xmo regni gloriosissimi Regis Hludovici in orientali Francia regnantis, Ind. I. Actum in palatio Regio Franco-neford, in Dei nomine feliciter. Amen.

*Binius. Tomi III. Concilior. Partis I. Sectione II. pag. 384.  
Pitboeanam Eclogam descripsit post Baronium & Serarium.  
Mansi. Tomo I. Supplementi Concilior. pag. 923. 924.  
Ex Lunigii Spicilegii III. Parte pag. 66.*

Henricus III. Rex anno 1039. eadem prædia confirmavit Abbatia Corbeienfi: teste *Eckbarto Tomi. II. rerum Franciæ L. XXX. pag. 418. 419.*

*Circa annum Christi 844. apud Tolosam civitatem in regno Caroli  
Provinciæ Regis hæc definita leguntur:*

CAPUT II. Ut unum modium frumenti, & unum modium hordei, atque unum modium vini cum mensura, quæ publica & probata, ac generalis, seu legitima per civitatem & pagum, atque vicinitatem habetur, Episcopi à Presbyteris accipiant, & Frischingam sex valentem denarios, aut sex pro ea denarios, & non amplius exigant. Et si hæc non accipiunt, accipiant, si volunt pro

his omnibus duos solidos in denariis: sicut in Toletano (VII.) & Bracenfe (II. C.2.) consensu Episcopi considerasse dicuntur.

*Extat igitur, secus ac Eckbart supra scripsit, in Capitularibus Francorum jam ante determinata quantitas mansionaticæ. Hæc mansionatica nunc vocatur procuratio Visitatorum Diaconos.*

*Baluz. Tom. II. Capitularium pag. 2. 22.*

*Regino Canonem ex Concilio Triburiensi refert Lib. I. Cap. 12.*

Mabillon. Sæculi IV. Benedictini Parte I. & Schatenus Annal. Paderborn. Tom. II. ad 853. refert hoc Diploma ad annum sequentem 853: quo Francofurti Diploma expeditum fuit; sed Synodus, in quo donatio Regia & dispositio collaudata fuit ab Episcopis, non Francofurti, sed Moguntia anno 852. celebrata fuit. *Eckbart. T. II. p. 419.* Annus X. Regni Ludovici in Francia Orientali exordiens à divisione nova Viriduni anni 844. cæterum Ludovici Germaniæ Regnum ab anno 840. ducendum est. *Schatenus.*

SYNO.

## SYNODUS MOGUNTINA.

Anno Christi DCCCLVII. Benedicti III. Papæ III.  
Ludovici II. Imp. IX. VIII. III. Ludovici Germ.  
Regis XVIII.

**H**abita est Synodus apud Moguntiam circa Kalendas Octobr. præfidente Carolo (a) Archi-Episcopo, ubi inter alia, quæ ventilata sunt de JURE ECCLESIASTICO, præsentata est Epistola Guntharii, Colonienfis Episcopi, ad Altfri dum (b) directa, in qua legebatur contigisse Coloniam XVII. Kal. Octobris, terribilem valde tempestatem: populo cuncto præ nimio horrore in Basilicam Sancti Petri confugiente, & signis Ecclesiæ concrepantibus unanimiter Dei misericordiam implorante subito fulmen informis, ignei Draconis instar Basilicam sci-

diffe ac penetrasse, atque ex omni illa multitudine tres homines, diversis quidem locis, sed uno ritu in mortem decessisse, Presbyterum scilicet juxta altare Sancti Petri, Diaconum vero ad altare S. Dionysii, Laicum autem ad altare S. Mariæ. Alios etiam numero sex eodem impetu ita prostravisse, ut elati semivivi vix convalescerent.

*Annales Francorum Pitheocani ad b. a.*

*Annales Hildensheimenses Leibnitii Tom. I. rerum Brunsvicensium pag. 716.*

*Lambertus Schaffnaburgensis ad b. a.*

(a) Pippini, Regis Aquitanie Filio, Caroli Magni nepote, anno 856. in Cathedram Moguntinam evectus.

(b) Altfri dum, Episcopum Hildenesheimensem.

## CONCILIIUM WORMATIENSE

TEMPORE QUADRAGESIMÆ.

Anno Christi DCCCLVII. Benedicti III. Papæ III.  
Ludovici Germaniæ Reg. XVIII. Ludovici II.  
Imp. III.

**ACTIO I.** *Consensus Archi-Episcopi Colonienfis Guntharii ab Anshario, Regibus & Patribus quaeritur pro Sede Bremensi suffraganea conjungenda Hamburgensi, & à Gunthario datur sub obtinendo consensu Sedis Apostolicæ.*

**ACTIO II.** *Legatio Romam destinatur à Regibus & Synodo.*

**C**um hæc agerentur (anno 847. 848. conjunctio nempe Bremensis Ecclesiæ cum Hammaburgensi vastata, in gratiam Ansharii) Colonia civitas, ad quam Bremensis Parochia Suffraganea erat, eo tempore absque benedictione Episcopali degebat: quod quia diuturnum extitit, illud etiam sine illius loci Pontificis præsentia necessario decernendum fuit. Postea tamen consecrato ad eum locum venerabili Præfide Gunthario, hoc ipsum Do-

*Tomus II. Concil. German.*

minus & Pastor noster (Ansgarius) ei suggerere statuit, ut sua quoque auctoritate firmaretur, cui tamen rei ipse admodum contrarius extitit.

Qua de causa postmodum (hoc anno 857.) in Wormatia civitate positus duobus Regibus, Hludovico scilicet & Hlothario coram multa Episcoporum utriusque Regni frequentia, præfente Venerabili Patre nostro hæc eadem res exposita est.

Y

Quod



Quod cum ab omnibus bene ita ordinatum probaretur, ut prædictus Pontifex Guntharius hoc ipsum sua auctoritate firmaret, cuncti rogarunt, Qui primo quidem fortiter his reniti coepit, justum non esse multipliciter asserens, ut Sedes Suffraganea in Archi-Episcopalem vertetur, non se debere honorem suæ sedis in aliquo minuire. Postremo tamen & ipsis Regibus, & cunctis simul Episcopis ibi aggregatis pro hoc ipso eum rogantibus, & omnino causâ necessitatis id licitum fore, dicentibus, respondit. Si Apostolica auctoritate firmaretur, ex se quoque ratum esse.

Quo responso accepto, cum etiam omnes Suffraganei ejus hæc eadem consensissent, piissimus Rex Hludouicus cupiens & Patris sui eleemosynam in omnibus augmentare, & quod ipse disposuerat, per omnia ratum fieri, Reverendissimum Salomonem Constantiæ civitatis Episcopum pro hoc ipso ad sedem direxit Apostolicam: cum quo etiam Dominus & Pater noster Ansgarius, quia ipse per se non poterat, filium suum fratrem suum Nordfridum Presbyterum misit.

*Vita S. Ansgarii edita à Philippo Casare.  
Acta Sanctorum ad diem III. Februarii.*

Miror Pagium, qui in *Critica* anno 858. & Concilio Moguntino hanc unionem ratificatam adscribit, cum Biographus Anscharii in *Wormatiensi Concilio factam* narret. Cum 2dò Guntharium Moguntino Concilio hujus anni interfuisse non constet, imò absens verosimillime fuit, ob ejus literas ad Altfridum scriptas & recitatas in Moguntino. Wormatiensi certo interfuit, teste Anscharii Biographo.

## NICOLAUS PAPA

- I. *Per Salomonem Episcopum, Legatum Ludovici Germaniæ Regis, decretam in Synodo Wormatiensi conjunctionem Ecclesiarum Bremensis & Hammaburgensis confirmat.*
- II. *Creat Anscharium, Archiepiscopum Nordalbingorum, & Legatum ad gentes Danorum: eximit à Coloniensi Metropoli.*
- III. *Pallium eidem mittit & usum docet.*

Nicolaus Episcopus, servus servorum Dei. Omnibus fidelibus Sanctæ Dei Ecclesiæ, præsentis temporis scilicet & futuris. Quisquis Dominum, & Redemptorem nostrum Jesum Christum de sinu patris ad terram pro demonstranda cordibus hominum vera & certa fide descendisse non dubitat, profecto non ignorat, omnes, qui ejusdem fidei per gratiam ipsius participes facti sunt & præcipue nos, qui per primum tantæ virtutis ministrum locum præcipuum retinemus, hominibus debere lucrandis insistere, & per universas gentes verbi semina serere, & solatia ferentibus ministrare. Nunc autem quia Ludovicus sublimissimus Rex per Salomonem venerabilem Episcopum civitatis Constantiæ nostro studuit Apostolatui intimare, quod piæ memoriæ Ludovicus Imperator Genitor suus quendam monachum, nomine Ansgarium de Monasterio Corbeia tulisset, & collocasset

eum juxta Albiam fluvium in confinibus Danorum & Slavorum, sive Saxonum, in castello Hammaburg, inter duos Episcopatus, Bremen & Verde, de quibus tollens Ecclesias & decimas ad sustentationem provehendi jam facti Episcopi, Clericorumque ejus, condonasset in prædicto loco, annuente ac solemnitate Sedis Apostolicæ privilegia præbente prædecessore nostro beatæ memoriæ Papa Gregorio; cujus etiam auctoritate in supradicto Nordalbingorum populo sedes constituta est Archi-Episcopalis in castello superius memorato Hammaburg; & in eadem quoque sede Archi-Episcopus, accepto à Sede Apostolica pallio primus est ordinatus Ansgarius, cui à præfato Pontifice delegata est cura seminandi verbum Dei, & animas lucrando Deo. Cujus delegationis & auctoritatis & pallii acceptionis pagina nobis est à præfato filio nostro Ludovico Rege per jam dictum Salomonem Sancti-

riſſimum Episcopum deſtinata, juxta morem Sanctæ Romanæ Eccleſiæ ebullata; per cujus tenorem paginæ hæc ita fuiſſe comperimus, ſicut pietas nobis jam fati Regis per fidelem virum Salomonem ſcilicet Episcopum intimavit. Unde nos veſtigia tanti pontificis, & prædeceſſoris noſtri ſequentes Gregorii, omnemque ibidem Deo dignam ſtatutam providentiam agnoſcentes, magnorum Principum votum, Ludowici videlicet, divæ recordationis Auguſti, & æquivoci ejus filii excellentiſſimi Regis, tam hujus Apoſtolicæ auctoritatis præcepto, quam etiam pallii datione, more prædeceſſorum noſtrorum roborare decrevimus. Quatenus tantâ fundatus auctoritate prænominatus Anſgarius primus Nordalbingorum Archi-Epiſcopus, & poſt ipſum ſuccedentes ejus lucrandis plebibus inſiſtentes adverſus tentamenta diaboli validiores exiſtant: ipſumque filium noſtrum jam dictum Anſgarium Legatum in omnibus circumquaque gentibus Sueonum ſive Danorum, nec non etiam Slavorum vel in cæteris ubicunque illis in partibus conſtitutis divina pietas oſtium aperuerit, publicam evangeliſtandi tribuimus auctoritatem, ipſamque ſedem Nordalbingorum Hammaburg dictam, in honorem Sancti Salvatoris Sanctæque ejus intemeratæ Genitricis ſemper Virginis Mariæ conſecratam, Archi-Epiſcopalem deinceps eſſe decernimus: atque ut ſtrenuſ prædicatoris Epiſcopi, poſt diſceſſum (a) crebro dicti Anſgarii Archi-Epiſcopi, perſona tantoque officio apta eligatur ſemper ſucceſſio, ſub divini judicii obſtatione ſtatuiſſus. Verum quia Karolus Rex, frater ſæpe dicti Regis Ludowici, poſt diſceſſum (b) Imperatoris patris ſui piæ memoriæ Ludowici, abſtulit à prælato loco, qui dicitur Hammaburg, Monaſterium quod appellatur *Turbolt*, utpote quod poſt partitionem inter fratres ſuos in regno ſuo conjacere videbatur, ſitum in occidentali Francia, quod illic Genitor ſuus ad ſupplementum, & viſtum Epiſcopo & Clericis ejus dederat; cæpere, ſicut fertur, omnes miniſtri altaris recedere, deficientibus quippe neceſſariis ſumtibus, ab ipſis receſſerunt gentibus, & eadem ad gentes legatio per hujusmodi factum defecit: ipſum

Tomus II. Concil. Germaniæ.

ſaque Metropolis Hammaburg pene deſerta facta eſt. Igitur dum hæc agerentur, mortuus eſt Bremeniſis Diceceſis Epiſcopus, quæ huic contigua eſſe dicitur: cumque ſæpe dictus Rex, & hanc diceceſin vacantem, & illam novellam institutionem deficientem, inſuper, & utramque hanc Eccleſiam, Dei permittente occulto judicio per barbarorum ſavitiâ admodum attenuatam, (c) quærere cepit, qualiter prædicta Bremeniſis Eccleſia prædictæ quoque novellæ Archi-Epiſcopali uniretur, ac ſubderetur ſedi, noſtro hoc votum roborante decreto: unde per ſæpe nominatum Miſſum Salomonem videlicet Conſtantiæ civitatis Epiſcopum, nobis hoc relatum eſt confirmandum, ac poſtulatam eſt noſtra auctoritate roborandum. Nos igitur id ſubtili perpendentes examine animo advertimus propter inſtantem neceſſitatem, & animarum lucra in gentibus demonſtrata utile fore. Omnia enim, quæ proficua Eccleſiæ probantur exiſtere, & divinis non reſultant præceptionibus, licita & facienda eſſe non dubitamus; maxime in tam novellæ Chriſtianitatis plantatione, in qua varii ſolent eventus contingere. Quamobrem omnipotentis Dei & beatorum Apoſtolorum Petri ac Pauli, & hoc noſtro decreto, decernimus ſecundum Reverendiſſimi Ludowici votum ipſas prædictas diceceſes, Hammaburgeniſem & Bremeniſem ſcilicet, non deinceps duas, ſed unam eſſe, & vocari ſubdique ſedi, quæ prædeceſſoris noſtri decreto Archi-Epiſcopali eſt munere ſublimata, reſtituta duntaxat de Bremeniſis Eccleſiæ rebus Epiſcopatui Verdenſi parte inde ante ablata. Nullus vero Archi-Epiſcopus Colonienſis ullam ſibi deinceps in eadem diceceſi vindicet poteſtatem: quinimo & ipſis & omnibus omnino ſuademus veræ religionis cultoribus, ut ſacra hac legatione ſurgentibus adjutorio & ſolatio ſint; quatenus gratia hujus beneficii plenam mercedem recipere mereantur ab eo, qui dixit: *Ite docete omnes gentes, &c, quicumque receperit vos, me recipit.* Itaque omnia à dilecto filio noſtro Rege Ludowico ad hoc Deo dignum officium deputata, noſtra etiam pia ejus vota auctoritate firmamus. Et quia caſus præteritorum nos cautos faciunt in futurum, omnem quo-

Y 2

(a) Crantzius legit deceſſum.

(c) cerneret Crantzius rectè addit.

(b) deceſſum Crantzius.



quoque adversantem vel contradicentem, atque piis his nostris studiis quolibet modo infidiantem, anathematis mucrone percutimus, atque perpetuæ ultionis reum diabolica sorte damnamus: ut culmen Apostolicum more prædecessorum nostrorum, causamque Dei pro affectu zelantes ab adversis hinc inde partibus tutius muniamus. Et quia te, charissime fili Ansgari, divina Clementia nova in sede primum disposuit esse Archi-Episcopum, nosque Pallium tibi ad Missarum solemniam celebranda tribuimus, quod tibi in diebus tuis, uti & Ecclesiæ tuæ perpetuo statu manentibus privilegiis uti largimur. Quocirca hujus indumenti honor morum à te vivacitate servandus est. Si ergo pastores ovium sole geluque pro gregis sui custodia, ne qua ex eis aut errando pereat, aut ferinis lanianda moribus rapiatur, oculis semper vigilantibus circumspiciant; quanto sudore quantaque cura debeamus esse pervigiles, nos qui pastores animarum dicimur, attendamus, & ne susceptum officium in terrenis negotiis aliquatenus implicare debeamus, admonemus. Vita itaque tua filiis tuis fit via; in ipsa; si qua (d) fortitudo illis inest, dirigant; in ea, quod imitentur, aspiciant, in ipsa, se semper considerando, proficiant, ut tuum post Deum videatur esse bonum quod vixerint. Cor ergo tuum neque prospera, quæ temporaliter blandiuntur, extollant, neque adversa dejiciant: districtum mali cognoscant, pium benevoli sentiant.

*Lambecius L. II. rerum Hamburgens. post Crantzium, Henschenium, Philippum Cæsarem.*

Hanc Nicolai I. Confirmationem ad annum 858. refert Henschenius Tomo I. Februarii, quo anno currebat Indictio VI. non XII. & Ludovici II. Imperatoris annus à morte Patris Hlotharii erat annus tertius.

Cl. Mansi Supplementi Conciliorum Tom. I. hanc Nicolai Confirmationem refert ad annum 864. & Synodum Wormatiensem, è qua ea petita fuit, ad 863. cujus probationes reservamus confutandas in *Digestione ad hoc Seculum nonum.*

Epocha Concilii *Wormatiensis* ad annum 857. ex *Annalibus Francorum* pæne coævis certa est, statuta ab Henschenio & Pagio. Post hanc Synodum hæc Confirmatio à Nicolao Papa data est certò; nec ulla verosimilis causa hujus petitiæ Confirmationis ad Sexennium differendæ. Igitur corrigenda Indictio XII. in VI., quo anno currebat Ludovici II. annus ab adoptione Patris anno 849. decimus: ab anno Coronationis suæ 850. nonus: à morte Patris Lotharii 855. tertius. *Reliqua Digestioni reservo.*

(d) *Crantzius rectè legis fortitudo.*

Infontem apud te culpabilem malitia aliena non faciat, reum gratia non excuset, viduis ac pupillis injustè oppressis defensio tua subveniat. Ecce frater carissime, inter multa alia ista sunt Sacerdotii, ista sunt pallii, quæ si studiose servaveris, quod foris accepisse ostenderis, intus habebis. Veruntamen ista omnia superius annexa ab Apostolica Sede Beatitudini tuæ indulta agnosce, si à fide & decretis sanctæ Catholicæ, & Apostolicæ Romanæ Ecclesiæ in nullo penitus declines. Quod si à fide & institutis aut sanctionibus te tanto sublimantis honore Sedis Apostolicæ declinare studiose præsumseris, his nostris tibi collatis careas beneficiis. Porro te Pallio uti non nisi more sedis concedimus Apostolicæ, scilicet ut successores tui per semetipsos vel per legatos suos, & scriptum, fidem nobiscum tenere, ac sanctæ sex Synodos recipere, atque decreta omnium Romanæ sedis Præfulum & Epistolæ, quæ tibi delatæ fuerint, venerabiliter observare atque perficere omnibus diebus suis scripto se & juramento profiteantur. Scriptum per manum Zachariæ Notarii Regionarii, & scriniarii Sanctæ Romanæ Ecclesiæ in mense Majo, Indictione duodecima, Bene valeat. Data pridie Calend. Junii per manum Tiberii Primicerii Sanctæ Sedis Apostolicæ Imperante Domino Piißimo Augusto Ludowico à Deo coronato magno Imperatore, Anno quinto decimo, indictione duodecima.

## CONCILIUM TULLENSE AD SAPONARIAS.

Anno Christi DCCCLIX. Nicolai I. Papæ I. Ludovici  
Germaniæ Regis XIX. Caroli Calvi XIX.  
Nepotum Fratrum IV.

*Index eorum, quæ in hac Synodo con-  
tinentur.*

§. I. *Canones seu Capitula XIII.*

§. II. *Libellus Proclamationis Caroli Regis, adversus Wenilonem  
Archiepiscopum.*

§. III. *Epistola Synodalis ad Wenilonem Archiepiscopum.*

§. IV. *Epistola Synodi ad Episcopos Britonum, qui à Metropolitano  
suo Turonensi desciverant.*

§. V. *Epistola Synodi ad Britones excommunicatos.*

### TITULI CANONUM.

I. *De concordia inter fratres Ludovicum, &  
Carolus Reges reformanda.*

II. *Ut Episcopi mutuo se consilio & auxilio  
adjuvent, & Synodos frequentent.*

III. *De stabili unione principum Caroli & Lo-  
tharii atque Caroli Regum.*

IV. *De Tortoldo Diacono, qui Episcopalem  
potestatem in Baiocensium urbe occuparat.*

V. *De Anscario Subdiacono, qui Lingonum  
sedem vivo ejus Episcopo pervaserat.*

VI. *De proclamatione Caroli Regis adversus  
Wenilonem Archi-Episcopum Senonen-  
sem, qui ab eo defecerat.*

VII. *De Attone Viridunensium Episcopo, qui  
contra regulas Ecclesiasticas proventus di-  
cebatur.*

VIII. *De litteris Synodi ad Episcopos Brito-  
num, qui à Metropolitano suo desciverant,  
& cum excommunicatis communica-  
bant.*

IX. *De litteris Synodi ad Britones excommu-  
nicatos, quibus nisi se corrigant, ana-  
thema intentatum.*

X. *De Capitulis quibusdam in Synodo relictis,  
de quibus inter quosdam Episcopos erat  
controversia.*

XI. *De conservando privilegio Monasterii san-  
cti Benedicti.*

XII. *De aliis, quæ specialius in eadem Synodo  
statuta sunt.*

XIII. *De precibus, quas inter se condixerunt  
Episcopi, qui ad hoc Concilium conve-  
nerant.*

HÆC VENTILATA, DEFINITA, ATQUE OBTENTA SUNT IN  
SYNODO XII. PROVINCIARUM, QUÆ HABITA EST ANNO INCAR-  
NATIONIS DOMINI DCCCLIX. INDICTIONE VII. IN TERRITO-  
RIO TULLENSI, SUB PRINCIPIBUS CAROLO, LOTHARIO,  
ET ITEM CAROLO.

I. *De concordia inter fratres Ludovicum, &  
Carolus Reges reformanda.*

UT charitas fraterna, & concordia  
pacis reformetur inter fratres;

Y 3

Principes scilicet ac gloriosos Reges no-  
stros Hludovicum, & Carolum: qua-  
liter & schisma, quod ortum est nuper  
in Ecclesia, ad unitatem benignitatis  
valeat redintegrari, & status Ecclesiæ  
pene



pene collapsus restitui, & pax ac justitia in populo Christiano valeat procurari, & qui à fidelitate debita defecerant, judicio & justitia per rectam rationem, & rationabilem misericordiam possint salvari, & à perverso conamine ad salubriora converti.

*II. Ut Episcopi mutuo se consilio, & auxilio adjuvant; & Synodos frequentent.*

Episcopi namque, secundum illorum ministerium, ac sacram auctoritatem, uniti sint, & mutuo consilio atque auxilio Reges regnorumque primores, atque populum sibi commissum in Domino regant, & corrigant. Et nemo se à solatio mutuo subtrahat, sed Synodales Conventus secundum iussionem Canonicam frequentare procurent: quatenus ordo Ecclesiasticus, qui quasi oblitteratus jam fuerat, quoniam Synodi propter discordiam Regum frequentari non poterant, Episcopali collatione ad necessarium ac debitum statum reduci prævaleat. Unde etiam consensum apud Reges expetitum obtinuerunt.

*III. De stabili unione Principum Caroli, & Lotbarii, atque Caroli regum.*

Reges nihilominus ac Principes nostri, Carolus, & Hlotharius, atque item Carolus, ad Dei voluntatem, atque Sanctæ Ecclesiæ statum, suamque salutem, & populi salvationem, gratias Deo, uniti & in eadem salutari unitate firmati sunt.

*IV. De Tortoldo Diacono, qui Episcopalem potestatem in Baiocensum urbem occuparat.*

Perventum est ante conventum Episcoporum quemdam Diaconum, cui Tortoldus nomen est, Episcopalem potestatem in urbe Baiocensem occupasse, & pollicitationibus atque minis sollicitare multos ac perturbare. Unde definivit sancta Synodus, ut Wenilo Senonum Archi-Episcopus, cujus Diaconus fuit, adjunctis secum tribus aliis, memoratum Diaconum evocatum audiant, & secundum auctoritatem Canonicam de eo definiant. Si autem refugerit eorum cognitionem, annitente principali potestate venire ad audientiam compellatur. Quod si hanc quoque declinaverit, anathemate feriatur.

*V. De Anscario Subdiacono, qui Lingonum sedem vivo ejus Episcopo pervaserat.*

De quodam etiam Subdiacono Anscario, qui vivo & incolumi Episcopo civitatis Lingonum sedem pervasit, simili est sententia definitum. Sed intervenientibus legatis ejusdem Subdiaconi humanior est prolata sententia: videlicet ut Sacramento confirmet, se nunquam talia hujusmodi præsumptione facturum. Cujus Sacramenti tenorem huic capitulo subnectere dignum duximus. "Ego Anscarius Subdiaconus confiteor coram Deo, & sanctis angelis ejus, reverentis sanctæ paternitatis vestræ, contra Dei voluntatem, & contra Canonica statuta temere me fecisse in Isaac venerabilem Pontificem, usurpando sedem Ecclesiæ Sanctæ sibi commissæ Lingonicæ, & sollicitando Clericos & Vassallos ejus, omnemque familiam. Atque ideo, pro tantæ præsumptionis excessu, per Sacri Ministerii vestri vobis largitam à Domino potestatem, veniam mihi pœnitenti largiri suppliciter deprecor. Deinceps vero, nec in eundem Antistitem nec in alium quemlibet, nec in illa, nec in alia Ecclesiâ, hujusmodi præsumptionem facere tentabo: & neque illi, aut alicui suorum Clericorum, aut laicorum, in aliqua re impedimentum faciam pro hac causâ, in qua me graviter deliquisse confiteor, neque insidias eis ullius inquietudinis parabo; neque per me, neque per meorum aliquem propinquorum, nec per quemcunque hominem: sed potius adjutor pro viribus & intelligentia ipsi suisque ero prout sibi placuerit, & qui sibi pro hocipso inimici sunt, quos ipse voluerit, si potuero, eidem conciliari procurabo. Si me Deus adjuvet, & istæ Sanctorum reliquæ.

Statuit etiam Sancta Synodus, ut numquam ad eandem Lingonensem Ecclesiam, sive ad Januensem, quam jam pridem pari modo affixerat, debeat aspirare: & si ita ut præmissimus jussis Episcopalibus obedire refugerit, sententiam superius Diacono datam incurrat.

*VI. De proclamatione Caroli Regis adversus Wenilonem Archi-Episcopum Senonensem.*

Deinde gloriosus Rex Dominus Ca-

Carolus Sacræ Synodo libellum appellationis, Electorumque iudicium inter se & Wenilonem Senonum Archi-Episcopum, qui ab eo defecerat, & proclamationis diploma porrexerat. Unde secundum sacram auctoritatem & induciæ ac dierum dilatio est concessa, & certa accusatio per Episcopos, & Synodicas litteras præfato Archi-Episcopo & intimata secundum regulas divinitus promulgatas.

*VII. De Attone Viridunensium Episcopo, qui contra regulas Ecclesiasticas profectus dicebatur.*

Mora etiam quæstio de Attone Viridunensium Episcopo, quod oblatione regulari, unde petitio ibidem est præsentata, in Monasterio Sancti Germani Autifiodorensium extiterit, & contra regulas Ecclesiasticas inde discedens, minus provise, quam sacra auctoritas doceat, ad ordinem Episcopalem pervenerit. Unde etiam definitum est, dari sibi comiteatus veniendi ad aliam Synodum, sicut sacra sancit auctoritas.

*VIII. De litteris Synodi ad Episcopos Brittonum, qui à Metropolitano suo desciverant, & cum excommunicatis communicabant.*

Ad Episcopos siquidem Brittonum, qui à Metropoli sua moluntur discindere, Synodus litteras secundum auctoritatem sacram direxit, quatenus ad suam Metropolim redeant, eique debito iure se subdant, nec à Canonica & Episcopali communione se segregent. Excommunicatis etiam, sicut sacra decernunt regulæ, nequaquam communicent: & Salomonem commoneant, ut promissam fidem glorioso Regi Carolo observet, & ipse & Brittones excommunicatis communicantes ipsi se Sacra Communione non priyent.

*IX. De litteris Synodi ad Brittones excommunicatos, quibus, nisi se corrigant, anathema intentatum.*

Ad memoratos quoque excommunicatos Sancta Synodus litteras dirigit, eisque usque ad proximam futuram Synodum corrigendi spatium tribuit, monens Ecclesiastica pietate, ut convertantur & vivant: quia nisi se correxerint, in futura Synodo generali unanimitate anathemate terribili ferientur.

*X. De Capitulis quibusdam in Synodo relictis, de quibus inter Episcopos erat controversia.*

Relicta sunt denique in eadem Synodo quædam capitula, super quibus quorundam fratrum sensus dissentire probantur. Unde convenit inter Episcopos, ut Deo favente pace ac tranquillitate recuperata simul conveniant, & prolatis Sanctarum Scripturarum atque Catholicorum Doctorum sententiis, quæ saniora sunt, concordii unanimitate sequantur.

*XI. De conservando privilegio Monasterii S. Benedicti.*

Tandem postulavit humiliter generalis Synodus, se ad terram usque prosternens ante Carolum Regem, & Rodulfum Biturigum Archi-Episcopum, obsecrans, & adjurans per crucem, & Christi sanguinem, ut privilegium Monasterii S. Benedicti, quod annuente præfato Rege firmaverant, quodque idem Rodulfus subscripserat, qui præfatam Abbatiam irregulariter retinebat, ratum, & inconvulsum fervare starent. Quod si Abbas negligens, & sacris regulis inconveniens, per directos Missos inventus fuerit, ab eadem paternitate removeatur, & alius, qui dignus repertus fuerit, substituitur, & privilegii regularis auctoritas in eodem Monasterio quacumque occasione non destituitur.

*XII. De aliis, quæ specialius in eadem Synodo statuta sunt.*

Hæc de præcipuis in eadem sacra Synodo fuere statuta. Ceterum specialia de quibusque parochiis, prout visum fuit, secundum Ecclesiasticam auctoritatem definita, & Episcopis in propriis parochiis ad exequendum sunt commissa.

*XIII. De precibus, quas inter se condixerunt Episcopi, qui ad hoc Concilium convenerant.*

Placuit omnibus, ut creditur instinctu divino, qui ad universale Concilium in vicinia Tullensium confluxerunt, quoniam calamitatum tædio laborabant, quo invenirent aliquid, ubi consolationis gratia respirarent. Stauerunt itaque, ut pro se invicem omnes dum

ad-



adviverent preces hujusmodi frequenter. Scilicet ut singuli pro cunctis, per singulas hebdomadas feria IV. Missam celebrarent. Post vocationem autem cujuslibet eorum, superstites obtineant, ut pro eo, qui decesserit, in sedibus septenarum Missarum, totidemque Vigiliarum Domino persolvantur. A Presbyteris autem Monasteriorum, sive villa-

rum, tres Missarum, totidemque Vigiliarum dependantur. Exitus autem uniuscujusque vicissim piis currentibus litteris innotescat. Præsentibus etiam Abbates in tam profutura societate recepti eadem se conditione junxerunt.

*Antonius Augustinus, Baronius, Binius, Sirmondus Tom. III. Concilior. Gallie. pag. 136.*

## *Concilii Tullenfis apud Saponarias*

### §. II. LIBELLUS PROCLAMATIONIS

DOMNI CAROLI CALVI REGIS,

ADVERSUS WENILONEM ARCHIEPISCOPUM SENONUM ELECTIS JUDICIIS REMIGIO LUGDUN. EIRARDO TURON. WENILONI ROTHOMAGENS. ET RODULPHO BITURIGUM ARCHIEPISCOPIS IN SANCTA SYNODO XIII. PROVINCICIARUM APUD TULLENSEM PAROCHIAM IN SUBURBANO EJUSDEM URBIS, QUOD DICITUR SAPONARIAS, PROPRIA IPSIUS MANU PORRECTUS. ANNO INCARNAT. DOMIN. DCCCLIX. INDICT. VI. XVIII.

KAL. JUL.

#### CAPUT I.

**Q**uia, sicut dixit Sanctus Gregorius, & ex consuetudine olitana cognoscitis, in Francorum regno Reges ex genere prodeunt, mihi à Domino & Genitore meo, pia memoriarum Ludovico Augusto pars regni inter fratres meos, Reges, divina dispositione est tradita, in qua parte regni vacabat tunc Pastore Metropolis Senonum, quam juxta consuetudinem prædecessorum meorum Regum, Weniloni tunc Clerico meo in capella mea mihi servienti, qui more liberi Clerici se mihi commendaverat, & fidelitatem Sacramento promiserat, consensu Sacrorum Episcoporum ipsius Metropolis ad gubernandam commisi, & apud Episcopos, quantum ex me fuit, ut eum ibidem Archiepiscopum ordinarent, obtinui.

#### II.

Post hæc de divisione regni inter me, & fratres meos ratio est exorta notissima, unde partem divisionis cum mutuis, nostris scilicet, nostrorumque fidelium Sacramentis, sicut etiam Primores totius Regni invenerant, tenendam, & gubernandam suscepi. Quam divisionem

inter me, & fratres meos de cætero à me substantialiter tenendam, sicut & alii, qui ibi adfuerunt, Episcopi, Wenilo mihi, fratribusque meis propria manu juravit: pacem etiam & mutuum adiutorium inter me, & præfatum fratrem Ludovicum Wenilo Sacramento firmavit.

#### III.

Sed & post hoc, electione sua, aliorumque Episcoporum, ac cæterorum fidelium regni nostri voluntate consensu, & acclamatione cum aliis Archiepiscopis, & Episcopis Wenilo in dicecesin suam apud Aurelianensium civitatem in Basilica Sanctæ Crucis me secundum traditionem Ecclesiasticam, Regem consecravit, & in regni regimine chrismate sacro perunxit, & diademate, atque regni sceptro in Regni solio sublimavit. A qua consecratione vel regni sublimitate supplantari vel projici à nullo debuimus, saltem sine audientia & judicio Episcoporum, quorum Ministerio in Regem sum consecratus, & qui throni Dei sunt dicti, in quibus Deus sedet, & per quos sua decernit judicia; quorum paternis correptionibus, & casti-

gato-

gatoriis iudiciis me subdere fui paratus, & in præfenti sum subditus.

## IV.

Denique cum seditiones in regno nostro per homines irreverentes cape-  
runt crebescere, consensu Episcoporum,  
ac cæterorum nostrorum chirographum  
invicem conscripsimus, qualiter ego er-  
ga eos cooperante Domino agere vel-  
lem, & qualiter mihi consilio, & aux-  
ilio, iidem fideles nostri ab inde postmo-  
dum solatium ferre debuissent; cui scrip-  
to Wenilo Bajernam Villam propria ma-  
nu subscrispsit, sicut in præfenti videre po-  
testis.

## V.

Deinde, cum contra paganos ad Ir-  
fulam loci, qui Oscellus dicitur, cum  
fidelibus nostris, in terreno ac navigio,  
sicut scitis, perrexi, quidam à nobis de-  
ficientes fugâ lapsi sunt. Wenilo autem  
se pro infirmitate sua illuc ire non posse  
dicens, ad sedem suam reversus est.  
Dum autem in procinctu eo infirmi de-  
geremus, frater noster Ludovicus, sicut  
scitis, cum manu hostili, & seditiosis  
hominibus, ex regno suo regnum nostrum  
irrupit. Ad cujus colloquium, sine  
mea voluntate atque licentia, Guenilo  
venit, quem supplantatorem meum ef-  
se cognovit, quod nemo Episcoporum  
ex regno nostro alius fecit.

## VI.

De cætero, cum contra prædictum  
fratrem meum, & inimicos meos, ac  
vastatores Ecclesiæ, & depopulatores  
regni, qui cum illo erant, cum fide-  
libus Dei ac nostris perrexi, nec per se  
ipsum, nec per debitum solatium, quod  
antecessores mei Reges, & ego ipse ex  
Ecclesia illi commissâ habere solitus eram,  
aliquid adjutorii præbuit, præsertim cum  
hoc devote ab illo petierim.

## VII.

Cum autem ratio & necessitas mi-  
hi accidit de villa Brerna, ut à prædicto  
fratre meo secederem. Et ipse frater me-  
us Ludovicus ad hoc rediit in partem  
regni mei, ut mihi meum nepotem sub-  
riperet, & homines meos mihi subtra-  
heret, ac fideles meos vastanter im-  
primeret, Guenilo, cum quo potuit solatio, ad  
prædictum fratrem meum Ludovicum  
in meam contrarietatem venit, cum quo

*Tomus II. Concilior. German.*

erant excommunicati istius regni, &  
seditiosi, de quorum excommunicatio-  
ne Coepiscoporum suorum literas acce-  
pit, & missas publicas fratri meo,  
cum quo ipsi seditiosi erant, in palatio  
meo Attiniaco, & parochia, & pro-  
vincia alterius Archi-Episcopi fideles no-  
stri sine licentia ac Coepiscoporum con-  
sensu Guenilo excommunicatis, vel ex-  
communicatorum participibus celebra-  
vit. Et in eo Concilio, atque consilio  
fuit, quo nepos meus Lotharius per  
mendacia, quantum ex deductoribus  
suis subriperetur, & debitum ac sacra-  
mento promissum solatium ac adjutori-  
um ex illo mihi subtraheret.

## VIII.

Prædicti nihilominus fratris mei  
consiliariis, & publicis ac secretis tra-  
ctatibus Guenilo cum specialibus familia-  
ribus, & inter priores ejus familiariter  
cum Episcopali iudicio, ut diximus, ex-  
communicatis, & iudicio regni ðjudi-  
catis interfuit, quatenus partem regni,  
quam idem frater meus, & Guenilo  
me Regem sacraverat, sepefatus frater  
meus obtineret, & ego illam perderem.

## IX.

Wenilo in eo consilio & tractatu  
fuit, ut Episcopi, qui mihi fidei pro-  
missæ debitores erant, & consilium at-  
que auxilium manu propria confirma-  
tum ferre debuerant, deficerent, & ad  
fratris mei Ludovici obsequium, & sub-  
ditionem se verterent.

## X.

De Abbacia Sanctæ Columbæ,  
& rebus vel honoribus regni mei apud  
Ludovicum fratrem meum præceptum  
obtenuit, & litteras ad missos, qui ean-  
dem Abbatiâ revocarent, Echardum  
& Theodoricum impetravit.

Sed in eisdem litteris ad præfatos  
missos iussionem fratris mei Ludovici  
Guenilo obtinuit, ut de muro Castelli  
Meloduni, quod jus regiæ est potesta-  
tis, petras haberent licentiam prendere.  
Unde constat, quæ in plebe istius regni  
mihi à Deo collati eum studebat colere,  
& satagebat tenere.

## XI.

Guenilo in eo consilio, & tractatu  
cum præfatis excommunicatus fuit,  
ubi

Z



ubi consideratum est, quatenus illi homines, qui mihi fideles erant, & mihi Sacramento fidelitatem promiserant, five nolentes five volentes fratri meo Ludovico jurarent, ut ei adiutorium ferrent, qualiter regnum meum contra me obtinere potuisset: & non solum consilio Guenilo interfuit, sed & ipse hoc idem consilium fratri meo Ludovico contra meam fidelitatem, quam mihi promisit Sacramento, donavit.

## XII.

Wenilo per se, & per familiares suos supradictos scilicet excommunicatos apud fratrem meum Ludovicum obtinuit, ut vacans Episcopatus Bajocensis scilicet civitatis propinquo suo

Clerico meo nomine Toutoldo, qui mihi se commendavit, & fidelitatem Sacramento promisit, donaretur, qui eundem Episcopatum in mea infidelitate & contra infidelitatem mihi promissam consensu Ludovici fratris mei accepit.

## XIII.

Tandem postquam mihi Deus vires recuperandi mei per solatium fidelium meorum contra fratrem meum donavit, perrexi prope de civitate Guenilonis, qui me contra fratrem meum ad recuperandum regnum meum pergere scivit, & nullum adiutorium vel per se promisso, ac subscripto consilio, vel per militiam, quæ ex Ecclesia sibi commissa solet exire, adiutorium aliquod præstitit.

## §. III. EPISTOLA SYNODALIS TULLENSIS.

A D

### WENILONEM ARCHI-EPISCOPUM.

**D**ilecto & Venerabili Weniloni Senonum Metropolitano, Remigius Lugdunensium Metropolitanus Episcopus, Rudolphus Biturigum Metropolitanus Episcopus, Guntarius Agrippinensium Metropolitanus Episcopus, Hincmarus Remorum Metropolitanus Episcopus, Arduicus Vefontionum Metropolitanus Episcopus, Teutgaudus Treverorum Metropolitanus Episcopus, Wenilo Rotomagensium Metropolitanus Episcopus, Herardus Turonum Metropolitanus Episcopus, Immo Noviomagorum Episcopus, Jonas Eduorum Episcopus, Ungerus Traiectensis Episcopus, Ebbo Gratianopolitanus Episcopus, Fredebertus Basiliensis Episcopus, Arnulphus Tullensis Episcopus, Rothadus Sueffionum Episcopus, Ermenfridus Bellocensis Episcopus, Adventius Metensis Episcopus, Atto Viridunensis Episcopus, Abbo Antistodorensis Episcopus, Aeneas Parisii Episcopus, Rataldus Argentariensis Episcopus, Erpuinus Silvanectensium Episcopus, Gissebertus Carnotensis Episcopus, Guntbertus Ebrocensis Episcopus, Ratbertus Valentiniensis Episcopus, Franco Tungrensis Episcopus, Agius Aurelianorum Episcopus, Hildegardus Meldensis Episcopus, Hincmarus Laudunensis Episcopus, Erchanraus Caralauensis Episcopus, Robertus Cenoman-

ensis Episcopus, Erlouinus Constantiæ Episcopus, Abbo Maurogensis Episcopus, Hildebrandus Sagensis Episcopus, Airardus Lexoviensis Episcopus, Walbertus Abrincatenensis Episcopus, Godelsadus Cabilonensis Episcopus, Hilmeradus Amvianensis Episcopus, & multi alii Episcopi, qui ad universale Concilium in Suburbano Tullensi conveniunt, in Domino salutem. De instauratione pacis totiusque status Ecclesiastici redintegratione conferentibus nobis, gloriosus Rex Dominus noster Carolus XVIII. Kal. Julias submissè unanimiter nostram abiit implorans, ut quæ à vobis vehementer indebitè passus esset cognosceremus, & maculam nostri ordinis iusto iudicio tergeremus. Imputat, quod cum iurejurando fidei à vobis accepto Senonum præsulatum vobis largitus sit, & in divisione regni iuramentum cum aliis feceritis, pacis & alterni adiutorii inter se & fratrem Hludovicum perpetuitate, Sacramento prius à vobis firmata: cumque vestra electione, & aliorum Episcoporum, ceterorumque Fidelium consensu, in Regem à vobis sit Divina gratia consecratus, ac chirographo, quod vestræ fidei qualitatem & immobilitatem erga se continet, illius vero in vos firmam benevolentiam, ad omnes sinistras suspiciones utrimque abolendas composito subscripseritis

feritis, quod omnes absque recusatione fecerunt dumtaxat fideles. Post repetita toties Sacramenta, in prociuctu contra Paganos vestro cum vestrorumque destitueritis auxilio, & Hludouico fratri, impulsu seditiosorum regnum invadenti, soli omnium Episcoporum sponte accedentes, ejus injussu fueritis conlocuti. Se vero contra eundem fratrem, & vastatores patriæ proficiscentem, consueta Ecclesiæ vestræ privaveritis militia, quam supplex ipse à vobis poposcerat, & post discessum à Breona, ad fratrem, cum quo erant excommunicati, in ejus damnum accesseritis, & in eo concilio fueritis, quo Lotharius Rex nepos confictis mendaciis ejus auxilio subtrahebatur: & familiariter interfueritis Hludouici fratris consiliis publicis & privatis, quibus ei partem Regni parabat subripere, pro qua obtinenda uterque vestrum ei juraverat. Ei quoque, in quo tractabatur, ut Episcopi à se deficerent, & ad dominationem Hludouici transirent. Imputat præterea, quod Monasterium S. Columbæ à Hludouico impetraveritis, & de assignatione ejus litteras ad Missos Echardum & Theodoricum. Saxa quoque muri Meledunenſis castelli à Hludouico poposceritis. Unde satis claruerit eum potius Principem, quam se illo vos tempore adprobasse atque duxisse, Quod id etiam consilium dederitis, ut fideles ejus Sacramento confringerentur, quo occupatum regnum Hludouico contra se tuerentur: & quod vacantem sedem Bajocacensium Tortoldo propinquo vestro à Hludouico obtinueritis, & postquam se virtus divina annisu fidelium in regnum restituerit, & id adversus fratrem sibi cæperit vindicare, nullum ei per vos, aut militares Ecclesiæ vestræ, præstiteritis suffragium. Hæc plenius in libello comprehensa gloriosus Rex nobis obtulit, quæ strictim vobis fide integra expressimus, ne ex improvſo objecta amplius perturbarent. Elegit autem terminandæ querelæ judices me Remigium & Wenionem Rotomagensium, & Herardum Turonum, & Rodulfum Biturigum Episcopos, ceteris nostrum judicium suo consensu adprobaturis. Proinde, Frater carissime, à tempore, quo litteras has acceperis, post diem XXX. quocunque

Z 2

evocatus fueris; ita canonicè instructus occurre, ut defensionis tempore ac loco accepto, si conscientia, quod plurimum optamus, confidis, suffragante veritate probabiliter objecta dissolvas: sin autem in defensione defeceris, sententias à majoribus institutas excipias.

*Accusatus Episcopus, quemadmodum sit evocandus, ex Concilio Carthaginensi. Cap. XXX.*

**A**urelius (a) Episcopus dixit: Quisquis Episcoporum accusatur, ad Primatem Provinciæ ipsius causam deferat accusator: nec à communione suspendatur, cui crimen intenditur, nisi ad causam suam dicendam electorum judicium die statuta litteris evocatus minime occurrerit, hoc est infra spatium mensis, ex ea die, qua eum litteras accepisse constiterit. Quod si aliquis veras necessitatis causas probaverit, quibus eum occurrere non potuisse manifestum sit, causæ suæ dicendæ intra alterum mensem integram habeat facultatem. Verum tam diu post mensem secundum non communicet, donec purgetur. Sin autem nec ad Concilium universale anniversarium occurrere voluerit, ut vel ibi causæ ejus terminetur, ipse in se damnationis suæ sententiam dixisse judicetur. Tempore sane quo non communicat, nec in sua Ecclesia vel Parochia communicet. Accusator autem ejus, si numquam diebus causæ dicendæ defuerit, à communione non removeatur. Si vero aliquando defuerit subtrahens se restituto in communionem Episcopo, ipse removeatur à communione accusator: ita tamen ut nec ipsi adimatur facultas causæ peragenda, si se ad diem occurrere voluisse, sed non potuisse probaverit. Illud vero placuit, ut eum agere cæperit in Episcoporum judicio, si fuerit accusatoris persona culpabilis, ad arguendum non admittatur, nisi proprias causas, non tamen ecclesiasticas, asserere voluerit. **OBJECTIO.** In tua conspiratione vita mea periclitata est; & nisi mihi Dei pietas subvenisset, etiam viventi sæda regni accidisset amissio. *Primo.* Ex Concilio Carthaginensi querendum est in judicio, cujus sint conversationis & fidei is qui accusat, & is qui accu-

(a) Tomo nostro primo pag. 202.



accusatur. Deinde ostendendum Canonicè instructam cognitionem. *Ex Concilio eodem.* Felix (b) Episcopus dixit: Suggesto secundum statuta veterum Conciliorum, ut si quis Episcopus, quod non optamus, reatum aliquem incurrerit, & fuerit ei nimia necessitas non posse plurimos congregare; ne in crimine remaneat, à XII. Episcopis; Presbyter à VI. episcopis cum proprio suo episcopo audiatur, & Diaconus à tribus. *Tum nisi efficax ei occurrat defensio, inferendum iudicium.* *Ex Concilio Calchedonensi Cap. XVIII.* Conjuratiōis (c) vel conspiratiōis crimen & ab exteris legibus est omnino prohibitum: multo magis hoc in Dei Ecclesia, ne fiat, admonere conveniet. Si qui ergo Clerici vel Monachi reperti fuerint conjurantes, aut conspirantes, aut insidias ponentes Episcopis, aut Clericis, gradu proprio penitus abjiciantur.

**OBJECTIO.** Celebrasti Missas excommunicatis præter consensum Episcoporum, qui eos propter crimina ab Ecclesia removerunt. *Item, nisi probabilis reddatur defensio, sequitur iudicium.* *Ex Concilio Carthaginensi Cap. IX.* Augustinus Episcopus (d) dixit: Hoc statuere dignamini, ut si qui forte merito facinororum suorum ab ecclesia pulsi sunt, & sive ab aliquo Episcopo, vel Presbytero, fuerint in communionem suscepti, etiam ipse cum eis pari crimine teneatur obnoxius, refugiens sui Episcopi regulare iudicium. Ab universis Episcopis dictum est, omnibus placet. **OBJECTIO.** Sacramenta in causis, quæ tibi opponuntur, sæpius violasti. *Nisi protexerit recipienda defensio, sequitur iudicium.* *Ex decretis Papæ GELASII.* Comperimus etiam horrendis quibusdam criminibus implicatos, tota discretionē summoti, non solum de factis atrocibus necessariam pœnitentiam non habere, sed nec aliqua correctione penitus succedente ad Divinum ministerium, honorémque conscendere. Nonnullos autem in ipsis ordinibus constitutos, gravibus delinquentes facinoribus non repelli. Cum & Apostolus clamet, *nemini cito manus imponendas*, nec com-

municandum peccatis alienis; & majorum veneranda constituta pronuncient huiusmodi etiam si forte subrepererint tam qui ante peccaverunt, detectos oportere depelli, quam sacræ professionis oblitos, prævaricatores sancti propositi procul dubio summovendos. *De Accusato, & Accusatore.* *Ex Concilio Carthaginensi.* Item (e) placuit, ut accusatus vel accusator in eo loco, unde est ille, qui accusatur, si metuit aliquam vim temerariæ multitudinis, locum sibi eligat proximum, quo non sit difficile testes perducere, ubi causa finiatur. *De Contemptu Iudicii.* *Ex Epistola Papæ BONIFACII.* Probat vera esse illa, quæ adversum se dicta sunt, qui ad ea confutanda adesse minime vult: & nullus dubitat, quod ita iudicium nocens subterfugit, quemadmodum ut absolvatur, qui est innocens quærit. Sed astuta cavillatio eorum, qui versutis agendum credunt esse consiliis, numquam innocentiae nomen accipiet. Confitetur enim de omnibus, quisquis subterfugere iudicium dilationibus putat. Veniet tamen aliquando ille, qui talis perhibetur in medium: nec proderit illi toties latuisse, toties subterfugisse, quem sui actus & commissi, quocunque fugerit, ea quæ obijciuntur illi, si vera sunt, crimina prosequuntur. Ut si adesse voluerit, præsens, si confidit, ad objecta respondeat: si vero adesse neglexerit, dilationem sententiæ de absentia non lucratur. Nam manifestum est confiteri eum de crimine, qui indulto & toties delegato iudicio, purgandi se occasione non utitur. Nihil enim interest, utrum in præsentī examine omnia, quæ dicta sunt, comprobentur, cum ipsa quoque pro confessione procurata toties constet absentia. *Concilium Sardicense.* Gaudentius (f) Episcopus dixit: Addendum si placet huic sententiæ, quam plenam sanctitate prorulisti, ut cum aliquis Episcopus depositus fuerit eorum Episcoporum iudicio, qui in vicinis locis commorantur, & proclamaverit agendum sibi negotium in urbe Romana, alter Episcopus in ejus Cathedra post appellationem ejus, qui videtur esse depositus, ompino non

(b) Tomo I. nostro pag. 201. Cap. XII. Carthaginens.

(c) Tomo I. pag. 179.

(d) Tomo I. nostro pag. 200.

(e) Tomo I. nostro pag. 203. Can. XXX.

(f) Tomo I. nostro pag. 190. Can. IV. Sardicensi.

non ordinetur, nisi causa fuerit in iudicio Episcopi Romani determinata. *Ex Concilio Toletano.* Dignum est, ut vita innocens nulla maculetur pernicie accusatoris. Ideo quisquis à quolibet criminatur, non ante accusatus supplicio datur, quam accusator præsentetur, atque

Legum & Canonum sententia, exquiratur. Quod si indigna ad accusandum persona invenitur, ad ejus accusationem non judicetur, nisi ubi pro capite Regiæ Majestatis causa versatur.

*Sirmondus Tomo III. Conciliorum Gallie.*

## §. IV. EPISTOLA SYNODICA

CONCILII TULLENSIS APUD SAPONARIAS,

AD BRITANNIÆ (a) EPISCOPOS,

*Ut obediant Archi-Episcopo Turonensi, nec excommunicatis ab eo communicent.*

**S**ynodus universalis collecta ex Galliâ & Germaniâ, in suburbio Tullesi, villa Saponarias, Remigius Lugdunensium, Wenilo Rotomagensium, Herardus Turonensium, Rodulphus Biturigum, Hincmarus Remorum, *Guntarius Agrippinensium*, Arduicus Vefontionis Metropolitani Episcopi, cum multis aliis Episcopis Fastario, Wernario, Garurbrio, Felici, in Domino salutem.

Quò plura emergunt in populo Dei noxia, & Episcopali diligentia rescindenda, ad hoc plures, & frequentius convenire necesse est Episcopos, ne ministerii sacerdotalis nomen frustra comprobentur gestare. Hâc intentione confluximus ad memoratum locum, ut fida colloctione, quid nobis in tantis periculis, & tribulationibus agendum sit, sollicitè quæreremus, & Spiritu Sancto demonstrante inveniremus. Ad hanc colloctionem vos præsertim evocatos non comparuisse molestius tulimus. Decuerat enim, ut quorum unum est officium, par studium probaretur. Sacris instituti canonibus non ignoramus, Metropolitano, vestro, carissimo fratri nostro Herardo, competentem reverentiam vos debere: ità, ut præter ejus præsentiam, aut consensum nullus in Regione vestrà Canonice possit ordinari Episcopus, nec vos generale aliquid sine ejus consensu posse lancire. De qua reverentia, salubriter & à gente ve-

strâ, & à vobis Metropolitano impendenda, tempore Nomenoi Ducis, & Reverendissimi Papæ Leonis, & successoris ejus Benedicti, scripta docuerunt, & refragantibus Apostolicæ Autoritati dignam excommunicationis protulerunt sententiam. Movet etiam nos, quod iis, quos vester Metropolitanus cum aliis Episcopis propter diversa crimina excommunicavit, indifferenter vos communicare comperit. In Canonibus autem divinitus institutis socii excommunicatorum eorundem sententia feruntur. Proinde monemus sanctam, nobisque amabilem fraternitatem vestram, ut ab his excessibus ulterius temperetis, & vestrà instantia, opitulante Dei gratia, gentem vestram ad olim traditæ disciplinæ, ac totius Ecclesiasticæ Religionis observantiam invitetis, & unanimiter, & constanter absque dilatione reducat. Siquidem etiam illis observandum est, ne damnatorum illicita societate sententiam damnationis incurrant. Quæ autem à nobis diligentiore tractatu reperta sunt, atque decreta, venerabilis Coepiscopi Herardi relatione discetis. Verum si, quod non optamus, ab ejusdem Metropolitani sollicitudine ulterius resillieritis, & nostris ex charitate manantibus exhortationibus vos constiterit reluctari, ministerii necessitate canonicam in vos cogemur proferre sententiam. Bene valete, & orate pro nobis.

*Pithoeus inter Annales Francorum pag. mibi 496.*

*Martene & Durand Tomo III. Anecdotorum pag. 857. 858.*

Z 3

INDI-

- (a) Minoris, in qua Dolensis Episcopus Festiniarius subtrahere se voluit obedientiæ debite Herardo Turonensi Archi-Episcopo suo Metropolite, nam Salomon Britanniae minoris Dux, qui pro Rege se gerebat, ausus fuit petere Pallium pro Dolensi Episcopo. Ea Controversia fere annos CCC. tenuit, demum anno MCXLIV. Dolensis Turonensi Metropolite subiectus à Papa declaratur.



## §. V. INDICULUS, QUIBUS DE REBUS

SALOMONEM (a) COMMONERE DEBEANT.

**P**lacuit *universali Concilio*, ut *Salomoni*, qui Britannorum tenet Regionem suggeratis; ut quæ pro ejus salute mandamus, obedienter audiat, si Deum habere propitium, & nostræ unanimi-  
tatis tenere consortium. Ut permittat totius Britanniarum Episcopos debitam reverentiam Metropolitano inferre. Ut facultates Ecclesiasticas nec ipse Deo auferat, nec aliis auferre permittat. Ut consideret, quanto animæ suæ periculo Britannorum Dominationem invaserit, cum Domino nostro Regi Carolo fidelitatem prius juraverit. Ut recordetur gentem Britannorum Francis ab initio fuisse subjectam, & statutum dependisse tributum, ac per hoc ne dedignetur

ad nuper omissam reverti consuetudinem. Ut proprietates à parentibus relictas, vel quolibet modo rationabiliter acquisitas iustos possessores habere permittat. Nisi enim se ab hac audaciâ, & impietate retraxerit, & Divinâ poenitudine deleverit, quod deliquit, nostræ authoritatis affectu, nobis admonentibus, cito ei Deus usurpatam auferet potestatem, & debitam inferet ultionem. Ut pro diversis Canonice excommunicatos ne recipiat, suadere; ostendentes, Divino Judicio, si id præsumserit, pari cum vindictâ constringi.

*Pitbeus inter Annales Francorum pag. mibi 497.*

*Binius Concilior. Tom. III. Sirmondus.*

(a) Salomon Britonum Rex non erat, sed quia circulo aureo & purpura ex Caroli Calvi concessione utebatur, ideo Regis nomen usurpabat. *Martene in Notis.*

## §. VI. EPISTOLA SYNODI TULLENSIS

AD SAPONARIAS,

AD BRITONES PROPTER VARIA SCELERA EXCOMMUNICATOS.

*Ut desistant, ne, si persisterint, anathemati subjiciantur.*

**U**niversalis Synodus ex diversis partibus in nomine Domini ad vicinum locum Tullensi urbe, qui dicitur Saponarias, congregata, utinam bonis filiis, Rotberto, Odoni, Heriuco, Truando, Ingelboldo, Fromundo, item Heriuco, Magenardo, Cadoloni, & ceteris in vestra societate conjunctis, salutarem conversionem, propter defensiones, & diversas contentiones, quæ in vestris Regionibus exortæ sunt. Longum tempus est, quod volumus venire in unum, & dolorem nostrum ostendere: quod propter vestram omnium perveritatem talem vindictam ponit Deus super nos, qualis non est audita ante nos, postquam Deus sua gratia potestatem dedit Regibus, & genti Francorum. Ipse Deus nos in unum ad hoc adduxit, ut vel flagellati diversis tribulationibus recogitemus peccata nostra, ut nos primum convertamur ad ipsum, & alios ad eum nostra prædica-

tione, & exemplo adducamus. Et oramus omnes cum gemitu, & nimio dolore, & qui possumus cum lacrymis, ut respiciat nos ultimos servos suos ad se volentes redire, & dignetur nobis præstare, ut quod aliis prædicamus ipsi quoque faciamus. Quia sic dicit ipse Salvator noster, *Non (a) omnis qui dicit mihi Domine, Domine, intrabit in regnum Caelorum, sed qui facit voluntatem Patris mei, qui in Cælis est, ipse intrabit in regnum Caelorum.* Hæc est nostra intentio. Vos nolite attendere, quod reprehensibiles sumus: sed quod ministri Dei sumus in his, quæ bene vobis dicimus, audite Dominum præcipientem: *Quæ (b) dicunt facite.* In his quæ male facimus, audite iterum ipsum præcipientem, *Quæ faciunt, facere nolite.* Doctrina enim Dei à nobis indignis benevolis adnuntiata, si obedieritis, vobis proderit, quasi ex beato Petro Principe Apostolorum eam audieritis, & erit vobis salvatio: nobis

(a) Matth. 7. 21.

(b) Matth. 23. 2.

bis autem, si non observaverimus, quod aliis præcipimus, erit damnatio. In commune deferuimus cultum Dei. Quidam ex nobis mandata Dei, & minas ejus, atque promissiones cognoscimus sed non timemus, neque amamus: quidam neque dignamur cognoscere. Ut utrique sumus magno periculo, nisi convertamur, antequam moriamur. Mors nostra incerta est unicuique nostrum, & certa est vindicta Dei & in proximo, nisi conversio & penitentia nobis subveniat: Propterea nos humiliamus, licet omnes tales non sumus, ut vos nobis cum ad Dominum adtrahamus. Fratres audite & intelligite quid Deus dicat omnibus suis fidelibus: *Vigilate*, [c] *quia nescitis diem, neque horam*. Quod propterea dicit, ut suspectam semper habeamus mortem, quam effugere non valeamus, & ad eam vincendam semper præparemur, quam scimus nulli esse præcognitam, & omnibus adventuram. Peccata nostra quotidiana sunt, unde quotidie dicimus: *Dimitte (d) nobis debita nostra*: sed non debent esse mortifera, id est criminalia, de quibus dicitur per Prophetam; *Anima [e] quæ peccaverit, ipsa morietur*, & per & Apostolum Paulum, *Quoniam (f) quia talia agunt, regnum Dei non consequuntur*. Fratres & filii, audite nos nunc pie monentes, ne in iudicio Dei, quando non penitentia locus, audiatis, quod ipse Deus avertat, iuste & veraciter accusantes. Primo cognoscite, quia in discordia estis, & discordia tam grande est malum, quod oblatio, quæ solet alia peccata delere, non recipitur à Deo, donec discordia deponatur, & ad bonam concordiam redeatur. Hoc vobis notum est ex Evangelio. Etiam sapientes mundi intellexerunt, & bene docuerunt, quia parvæ res per concordiam crescunt, & maximæ res per discordiam corrumpunt. Quod verum esse probatur in nobis, qui regnum Francorum cum in concordia esset, magnum vidimus, & nunc, cum est in discordia, jam pene nullum videmus. Carissimi, videte ne de tanto malo vos sitis capita, ne pro ea cogamini debita sustinere tormenta. Deus dicit in Evangelio: *Quisquis (g) scandalizat unum ex pusillis, melius erat ei, ut*

*alligata mola mergeretur in profundum maris*. Vos scandalizatis innumerabilem multitudinem. In quanto, & in quam incomparabili estis periculo & iudicio Dei qui alios inquietatis, & opprimitis? In præfenti vita nec habetis quietem, nec ullam securitatem: in futuro autem habebitis inevitabilem damnationem. Quæritis quæ sit illa damnatio? Ignis est æternus, quo omnes impii puniuntur. Sic enim dicit Deus se dicturum impiis, *Ite [h] in ignem*, & non stetit, ut finiret sententiam: sed addidit, *æternum*, ut quem non terret tanti supplicii atrocitas, mittat eum in pavorem numquam finienda supplicii perpetuitas. Per Isaiam de impiis Deus dicit, *Vermis (i) eorum non morietur*, & ignis eorum non extinguetur, & per aliam scripturam: *Vindicta carnis impiorum, ignis est vermis*. Anima impiorum, credite nobis auctoritatem Divinam vobis explanantibus, patietur vermem, id est morsum infructuosæ penitentia; & corpus impiorum ad augmentum tormenti patietur vermis corporalis morsum, & ignem ipsum corpus semper succedentem, & nunquam finientem. Attendite actus vestros. Nulla lege vivitis: nec illa, quam homines ad conservandam præsentem pacem præfixerunt: nec illa, quam ad tenendam præsentem iustitiam, & ad promerendam cælestem gloriam Divinæ litteræ docuerunt. Omnes absque reverentia rapinam facitis, & Apostolus Paulus dicit, *Quia rapaces (k) regnum Dei non possidebunt*. Et dives purpuratus non propterea ardet in inferno, quod salvator eum referat crudeliter aliena rapuisse, sed misericorditer propria indigenti non tribuisse. Unde existimate, quanta pœna cruciabitur, qui aliena diripit, si inferni igne damnatur, qui petenti propria denegavit. Plurimi vestrum, abjecto timore Dei, templa violant, vasa Dei & in diversis speciebus thesaurum auferunt, & deposita, id est commendata propter paganorum incursionem ab aliis Ecclesiis, in suos usus transferunt, & sacrilegium iam publice sine timore committunt. Possessiones Ecclesiæ, id est villas, quæ datæ sunt Deo ab his, qui ante vos Christiani fuerunt propter redemptionem animarum

&amp;

(c) Matth. 25. 13.

(d) Matth. 6. 12.

(e) Ezech. 18. 20.

(f) Gal. 5. 21.

(g) Matth. 8. 6.

(h) Matth. 25. 41.

(i) Ef. 66. 24.

(k) 1. Cor. 6. 10.



& propter templorum Dei instauratio-  
nem, & eorum victum, & vestimen-  
tum, qui sine cessatione laudes Deo  
perfolvunt, & propter stipendium pau-  
perum, & si opus esset redemptionem  
captivorum, vos Deo aufertis, & quia  
statim non vindicat, quasi cum securita-  
te possidetis. Domini est terra & plenu-  
do ejus, & quicumque Deo aliquid ob-  
tulit, nihil ei dedit, nisi quod ab eo ac-  
cepit. Ut tamen sciamus eum nostram  
devotionem non fastidire, quasi nostrum  
accipit, quod ipse dedit. Sic enim dig-  
natur promittere se dicturum pietatem  
impendentibus proximis: *Hospes fui (l)*  
*& suscepistis me: nudus, & operuistis me,*  
*esurivi, & dedistis mihi manducare sitivi, &*  
*dedistis mihi bibere.* Quasi ea ex suo lar-  
giantur, qui hæc manifeste Divino mu-  
nere perceperunt. Tam nefarium scelus,  
quo præsentibus, & futuris nocetis,  
jam vindicaret quia justus est, nisi esset  
& patiens. Sed utinam omnes talia agen-  
tes ejus patientia ad pœnitentiam adducat,  
quia in præfenti tempore secundum Apo-  
stolum Paulum, patientia Dei ad pœni-  
tentiam vos invitat. Sed si in his & si-  
milibus facinoribus perduraverimus,  
quanto nunc est mitior ejus patientia,  
tanto erit durior postea inflexibilis vindi-  
cta. Dei vox est. *Tacui, (m) numquid*  
*semper tacebo?* Id est, in hac vita quies-  
co, in altera vindicabo. Vindictam in-  
laturus quidem dicturus est, audistis me  
præcepisse: *Non (n) concupisces rem proxi-*  
*mi tui rem proximi vestri si concupistis,*  
quia non ausi estis, aliquando non abstu-  
listis, meam non solum concupistis, sed  
ad meum contemptum audacissime vobis  
vindicastis: & plus timuistis servum,  
quam me Dominum. Ergo meus con-  
temptus, & vestra, quæ radix fuit om-  
nium malorum, cupiditas vos mergit in  
tartarum. Non permittat Deus, ut hæc  
audiatis in futuro, sed potius audiatis in  
præfenti, nobis dicentibus in auribus ves-  
tris, Dominum dicentem in cordibus  
vestris, *convertimini ad me, & salvi eri-*  
*tis.* Plurimi vestrum fornicationes, &  
adulteria sine timore Divino, & sine  
humana verecundia faciunt. Audiant  
Apostolum dicentem: *Fornicatores (o) &*  
*adulteros vindicabit Deus,* id est damnabit.

Audiant etiam eundem dicentem: *Hor-*  
*rendum (p) id est timendum, est incidere*  
*in manus Dei viventis.* Homicidia crude-  
lissime exercent, & creaturam dissipant,  
quæ facta est ad imaginem Dei, ad ejus  
injuriam qui creavit Sancti Dei, qui an-  
te nos Ecclesiam rexerunt, eos, qui vo-  
luntarium homicidium fecerint, pœni-  
tentiam quam diu viverent facere statue-  
runt, & ut nunquam acciperent san-  
ctam communionem, nisi in fine pro-  
viatico, decreverunt. De uno homi-  
cidio hoc ab illis est confirmandum: no-  
bis quid faciendum est, quibus nuntia-  
tur multos à singulis trucidatos? Incen-  
darii Christianorum villas incendunt,  
& plurimorum damnis atque mortibus  
faciunt se dignos incendio sempiterno,  
Episcopos ad matrem Ecclesiam revo-  
cantes non auditis, ministros eorum affli-  
gitis, monachos & Sanctimonialia pe-  
nuria opprimitis: agricolas, quorum  
labore vivitis, fame torquetis, à Deo,  
& bonis operibus, his & aliis inauditis  
sceleribus vos separatis. Sed video cui  
vos jungitis. Deus dicit: *Beati (q) paci-*  
*fici, quia Filii Dei vocabuntur.* Si pacifici  
estis, Filii Dei estis & eritis: si pacifi-  
ci non estis manifestum est, quia nec Fi-  
lii Dei estis. Salvator dicit, *Qui est ex*  
*Deo, (r) verba Dei audit, propterea vos non*  
*auditis, quia ex Deo non estis.* Si verba  
Dei aure corporis audistis, & aure men-  
tis percipitis, ut opere compleatis, ex  
Deo estis: ex Deo autem non estis, si  
ista negligitis. Absit, ut inter eos im-  
moremini, quibus ipse Dominus dicit:  
*Vos ex patre diabolo estis.* Deus si obedien-  
tibus dabit se ipsum, ut intelligatur,  
& habeatur, & sit gaudium sempiter-  
num in regno cælorum. Diabolus sibi  
obedientibus hoc præstabit, ut cum eo  
mergantur in ignem æternum, Charissi-  
mi, dum tempus est, fugite seductorem,  
& sequimini Salvatorem. Sitis illius, qui  
vos fecit, non illius qui vos decepit.  
Dominus dicit, *Quid prodest homini, (s)*  
*si lucretur universum mundum se ipsum autem*  
*perdat, & detrimentum sui faciat?* Quod  
propterea dicit, quia nihil prodest homi-  
ni, sed multum nocet, si adquirit to-  
tum mundum, & perdat se ipsum.  
Quod sine offensione Dei habere non  
possu-

(l) Matth. 25. 35.

(o) Hebr. 13. 4.

(r) Joh. 8. 47.

(m) Ef. 42. 14.

(p) Hebr. 10. 30.

(s) Matth. 16. 26.

(n) Exod. 20. 17.

(q) Matth. 5. 9.

possumus, ut Dei amatores habere nolumus. Ita, quæ in hoc seculo videntur, secundum auctoritatem Divinæ Scripturæ temporalia sunt: quæ autem non videntur, æterna. Ne peccemus in superflua dilectione temporalium, ne amittamus beatitudinem æternorum. Unicuique nostrum Deus dicit: *In omnibus (†) operibus tuis memorare novissima tua, & in æternum non peccabis.* Si imparati fuerimus, ab his, quæ licitè amamus, invitè abstrahemur: & quæ suavia nobis sunt, erunt asperissima. Nihil proderit pompa sæculi, non adjuvabunt propinqui, nec ulli carnales amici, & magna peccata, quæ non deleverimus per pœnitentiam, compellent nos sustinere æternam vindictam. Paterna pietate minas Dei, & promiss-

siones vobis proponimus, ut ab omnibus vitiis, quæ pacem præsentem, & futuram gloriam tollunt, cum festinatione recedatis, & ad Dominum ex toto corde conversi faciatis bona opera, quibus spem salutis habere possitis. Pro criminibus, quæ superius exposita sunt, vos excommunicatos à quibusdam Episcopis comperimus. Sed ipsis intercedentibus damus spatium, ut ad nostram piæ admonitionem deponatis mortiferam societatem, & peccatorum consuetudinem: ne fortè si in vestra contumacia perstiteritis, cogamur vos anathemate generali contra nostram voluntatem propter ministerii necessitatem ferire.

*Sirmondus Tomo III. Conciliorum Galliarum.*

Subjiciebantur his Decreta, seu Canones Synodi *Lingonensis*, & Capitula aliquot ex Synodo *Valentina* in hac Synodo à Tullensi apud Saponarias relecta. Verùm, cùm eæ duæ Synodi Gallicane fuerint, & à solis Galliarum Episcopis celebratæ, judicavi, eas Germanicis inferendas non esse.

(†) Eccl. 7. 40.

## CONCILIIUM METENSE.

Anno Christi DCCCLIX. Caroli Calvi Regis XIX.

*Occasio Synodorum Carisiacensis & Metensis contra Ludovicum Germaniæ Regem, & Legationis ad eum destinatæ.*

LUDOVICUS, Germaniæ, Bajoariæ Rex, anno 858. à Proceribus Caroli Regis Aquitanie (Hlotharii Augusti Filii) invitatur ad Regnum Aquitanie tutandum & suscipiendum his causis, 1. Quia Carolus pro libitu suo, nec secundum Regum leges viveret. 2. Exactionibus populum gravaret. 3. Nec à Normannis Regnum diripientibus eos tutaretur: & hoc ipso anno infelicitè adversus Normannos pugnavit, & à suis undique desertus fuit. Mense Julio anni hujus Adalardus Abbas Sithienfis, & Odo Comes Blesensis Francofurtum ad Ludovicum veniunt, suppetias orant, & defensionem contra Normannos, quam apud legitimos suos & orthodoxos Dominos invenire non possunt: Tyrannidem Caroli se diutius ferre non posse: Normannos resistente nemine prædas agere in regni medietullo, captivos facere, & vendere, cædes perpetrare, incendiis grassari: quod reliquum, Carolum Regem subdole sæviendo disperdere, nec quemquam in omni populo jam esse, qui promissionibus & juramentis ejus amplius fidat. Ludovicus Rex dubius an fratri & nepoti parceret, vel populo supplicanti opem denegaret: demum metuens, ne auxilium populis oppressis præstitum ad cupiditatem alieni occupandi quis interpretaretur (*cumuncti consiliorum Regis conscii veraci sermone testati sunt Ludovicum ab alieni regni ambitione alienissimum fuisse, ut Annales Fuldenses ajunt*: statuit demum, præstare, ut multorum saluti consulat, quam unus hominis libidini & contumaciæ tot mala regni permitat: igitur Legatis promittit auxilium, & exercitum ad liberandam Galliam à Normannis, ac pacandam Aquitaniam de facto mittit. Exercitu Wormatiæ medio mense Augusto congregato per Allatiam transit, atque ad regiam pagi Pertensis villam Pontigonem Calendis Septembris venit, ubi eum primores regionis illius suscipiunt, paucis exceptis, qui Carolo adhuc adhærebant.

### ANNALES BERTINIANI.

Wenilo Archi-Episcopus Senonum ad Ludovicum venit, & Concilia cum eo confert pro liberatione, & conservatæ Provincie Aquitanie contra Regem Carolum, ubique à Normannis invasum, fugatum & fugientem. Anno 858. Ludovicus Germanicus Galliam

*Tomus II. Concil. German.*

A a

ingres-



ingressus, Episcopos Gallicanos invitat ad Conventum in urbe Remensi ad VIII. Kalendas Decembris à se indictum.

858. Mense Novembri, Synodus Carisiacensis Episcoporum Remensis & Rotomagensis Provinciæ scribunt primò Ludovico Germanico excusatorias, quod in Conventu indicto Remis non comparuerint, secundò prolixam dehortatoriam à bello eidem Regi scribunt, imò excommunicationem eidem vel infligunt, vel comminantur, nisi à bello contra Regem Aquitaniæ Carolum desistat, & mala Ecclesiis per exercitum illata reparat.

Anno 859. V. Kal. Junii, Carolus Calvus & Lotharius Reges, Conventum Metensem habent, & Legatos destinant ad Ludovicum Germaniæ Regem, qui pœnitentiam suadeant, & absolutionem, & pacem offerant sub conditionibus præscriptis.

### *De Indulgentia Ludovici Regis.*

HÆC CAPITULA TRACTATA ET CONFIRMATA SUNT AB EPISCOPIS IN SYNODO HABITA APUD METTIS CIVITATEM DE INDULGENTIA HLUDOVICI REGIS, PRO SEDITIONE ET EXCESSIBUS IN REGNO FRATRIS SUI KAROLI PERPETRATIS.

## COMMONITORIUM EPISCOPIS AD LUDOVICUM REGEM LEGATIS A SYNODO METENSI.

*Dilectis in Christo Fratribus & Consacerdotibus nostris, Legatis videlicet Divinæ pacis, ac nostræ unanimittatis, Hincmaro, Erchanrao, Episcopis, quorum nomina subter habentur adscripta: qui favente Domino, & annuentibus gloriosis Principibus nostris Karolo & Hlothario, in Mediomatricum civitatem, anno Incarnationis Dominicæ DCCCLIX. Indictione VII. V. Kalendas Junias Synodali Decreto convenimus.*

### CAPUT I.

**N**Ota, & pro dolor nimis est nota discordia atque calamitatis pernicies, quæ factione quorundam seditiosorum hominum, nuper inter fratres Reges nostros Hludovicum, & Karolum accidit. Unde tanta ac talia in Ecclesia nobis ad regendum Divina dignatione commissa, & in hoc regno perpere sunt admissa, ut ipsa etiam auditu horribilia cognoscantur. Et si hæc discordiæ pestilentia diutius operante humani generis antiquo hoste duraverit, quam exitiabilis & mortifera existat, melius ipsi scitis. Qua de re memores quid veritas missis prædicatoribus jussit, ut divinus Paulus dicit: *Legatione* (a)

*pro Christo fungentes vos, fratres charissimi, legatos Deo amatæ pacis, quoniam exinde jam gloriosos Principes nostros Karolum, & Hlotharium Episcopali auctoritate monuimus, ad Dominum Hludovicum Regem gloriosum mediante Domino ordinamus, sicut Salvator dicit: In quacumque, (b) inquit, domum intraveritis, primum dicite, pax huic domui, & si ibi fuerit filius pacis, requiescet super illum pax vestra: sin autem, ad vos revertetur. Quia aut erit quisque prædestinatus ad vitam; & cæleste verbum sequetur, quod audiet: aut si nullus audire voluerit, ipse prædicator sine fructu non fuerit, quoniam ei à Domino pro labore sui operis merces recompensabitur.*

II. Post

Legati tres Archi-Episcopi, Hincmarus Remensis, Wenilo Senonensis, Guntharius Agrippinensis: sex Episcopi, Erchanraus, Herluinus, Hildegarius, Adventius, Abbo, Hincmarus.

(a) II. Corinth. V, 20.

(b) Matth. X, 11.

II. Post prædicatam verò , & postulatam pacem , legatio vestræ fraternitatis hujusmodi erit conditionis , ut iisdem Rex nobis , & utinam Deo semper amabilis admissorum indulgentiam consequatur.

III. Videlicet , si se de omnibus , quæ per eum malitiosorum hominum persuasionem , atque seductione , in parochiis nostris fratrumque nostrorum perpetrata sunt , veraciter recognoverit , sicut scriptum est : *Juxta (c) est Dominus his , qui tribulato sunt corde , & Sacrificium Deo (d) est Spiritus contribulatus* , quoniam cor contritum & humiliatum Deus non spernit. Et sicut hi , qui fictè Deum quærunt , invenire numquam merentur , ita prope est Dominus omnibus invocantibus se in veritate.

IV. Et si post veram recognitionem puriter confessus fuerit : quia iterum dicit Scriptura : *Qui (e) abscondit scelera sua , non dirigitur : qui autem confessus fuerit , & reliquerit ea , misericordiam consequetur . Et si (f) confiteamur peccata nostra , fidelis est & justus , ut remittat nobis peccata nostra , & emundet nos ab omni iniquitate .*

V. Post puram autem confessionem , si promiserit , quæ malè gesta sunt , per dignos poenitentiae fructus , præveniente , adjuvante , & subsequente Divina gratia , se pro viribus emendaturum . Quia scriptum est : *Facite (g) fructus dignos poenitentiae* , ut tanto majora quærat bonorum operum quisque lucra per poenitentiam , quanto graviora sibi intulit damna per culpam . Quoniam & illi beati , quorum tecta bonis operibus sunt peccata . Et ut scriptum est , quia peccavit & populum peccare fecit , tanta sint bona , quæ tanta operiant mala .

VI. Deinde si sponderit , ad pacem , & concordiam præsentialiter in corde & ore , & quantocius rationabiliter & possibiliter , atque convenienter ex communi sensu fieri poterit , etiam præsentia corporis ad pacem , & concordiam cum fratre suo Karolo se redi-

turum , & in pace , & caritate Deo placita , cum præfatis principibus nostris Karolo atque Hlothario , si ipsi eandem pacem , & concordiam erga eundem servaverint , permanfurum , & in se peccantibus debita dimiserit , sicut sua à Deo debita sibi cupit dimitti . Quia ibidem scriptura dicit , *Pacem (b) sequimini cum omnibus , & Sanctimoniam , sine qua nemo videbit Deum .* Et cum mala cuncta bonis sequentibus diluantur , tantum est discordiæ malum , quæ nisi extincta funditus fuerit , bonum nullatenus sequi Evangelio teste permittat . Et caritas est , quæ operit multitudinem peccatorum : sine qua etiam si quis corpus suum tradat ad ignem , nihil ei nisi damnationis judicium proderit . Et Dominus dicit : *Si (i) non dimiseritis hominibus peccata eorum , nec pater vester celestis dimittet vobis peccata vestra .*

VII. Post hæc si promiserit , quod jam ulterius tale vel simile schisma in hac Sancta Dei Ecclesia , atque in ista Christianitate non reiceret . Unde scriptum est : *Qui (k) baptizatur à mortuo , & iterum tangit illum , quid proficit lavatio ejus ?* Baptizatur quippe à mortuo , qui mundatur fletibus à peccato : sed post baptismum mortuum tangit , qui culpas post lacrymas repetit . Et iterum scriptum est : *Canis (l) reversus ad vomitum suum , & sus lota in volutabro luti .* Quia qui peccatum post poenitentiam repetit , quasi in lutosa aqua semetipsum volvit : quia dum fletibus suis vitæ munditiam subtrahit , ipsas etiam lacrymas ante Dei oculos sordidas facit .

VIII. Tunc demum promittat se ab illorum perditorum hominum tuitione atque favore , per quos tam graviter Deum offendit , disjungere ; & qui quasi ad ejus fidem , sed potius infideliter ad eum venerunt , ad rectam rationem in proximo placito ante fratrem suum Karolum , & nepotem suum Hlotharium , sicut Deo teste jam apud *Marsnam (m)* propria manu firmaverat , venire

A a 2

(c) Ps. XXXIII, 19.

(d) Ps. L, 19.

(e) Prov. XXXVIII, 13.

(f) I. Timoth. I, 9.

(g) Luc. III, 8.

(b) Hebr. XII, 14.

(i) Matth. VI, 15.

(k) Eccl. XXXIV, 30.

(l) II. Petr. II, 22.

(m) Anno 847. Tractatus Pacis & divisio Regnorum inter Fratres & Nepotes apud Marsnam tertia post mortem Ludovici Pii. Prima anno 847. apud Strasburg olim Argentaria convenerunt Ludovicus Germanicus & Carolus Calvus , & sacramento divisionem regnorum sanciverunt , Ludovicus Romana , Karolus Teudisca lingua loquentes . Secunda anno 843. apud Virdunum , Tractatus Pacis & divisio Regnorum . *Nithardus de Dissensionibus Filior. Ludovici Lib. III.*

*Tomus II. Concil. German.*



nire si potuerit faciat, & quemcunque illorum recta ratio dignificaverit, digno honore suo fruatur: & qui per rectam rationem erga seniores suum iustificari non potuerit, & rationabilem misericordiam pro eo expetierit, eandem rationabilem misericordiam illi obtineat. De illo verò, quem recta ratio & iustum iudicium condemnaverit, ut Rex Christianus cum Rege Regum Christo concordet, & alienæ perditioni se non commisceat. Quia ut Paulus dicit, *Non (n) solum qui faciunt, sed etiam qui male facientibus consentiunt, digni sunt morte.* Unde S. Innocentius dicit, quia non multum interest inter committentis animum, & consentientis favorem. Addo amplius, plerumque dediscit errare, cui nemo consentit. Et iterum S. Paulus cum talibus hominibus nec cibum sumere permittit. Et S. David, dum totum se ad fœdera pacis internæ constringeret, testatur, quod cum malis concordiam non teneret, dicens, *Nonne, (o) qui oderunt te, Deus, oderam illos, & super inimicos tuos tabescebam? Perfecto odio oderam illos: inimici facti sunt mihi.* Et inimicos etiam Dei perfecto odio odisse, est id quod facti sunt diligere, & quod faciunt, increpare. Hinc Phinees peccantium civium gratia coeuntes cum Madianitis perculit, & iram Dei iratus placuit. Et Josaphat, qui tot de antea vita præconiis attollitur, cui à Domino per Prophetam dicitur: *Impio (p) præbes auxilium, & his qui oderunt Dominum, amicitia jungeris. Et ideo iram quidem Domini merebaris; sed bona opera inventa sunt in te.* Hinc Sacri Canones Sancto promulgati Spiritu dicunt, ut hi, qui post excommunicationem vel interdictum cum communicatis communicaverint, condemnati anathema habeantur. Et S. Cyprianus Regis Ministerium esse dicit impios de terra perdere, homicidas, perjuros, adulteros, veneficos, sacrilegos non sinere vivere. Et in libro Regum scriptum est, dicente Domino per Prophetam: *Quia (q) dimisti virum morte dignum, erit anima tua pro anima illius, & populus tuus pro populo illius.* Et quam noxia sit indebita erga iniquos misericordia, monstratur in opere Saul ac Samuëlis: quoniam cui Saul pepercit offendens Domi-

num, Samuel Propheta in frustra concidit. Nam sicut quisque in se peccantibus debet propter Deum dimittere, ita in Deum peccantes, & Ecclesiam conculcantes, & regni pervasores, & in Christianitatis depopulatores, & in pacis perturbatores, & in patriæ proditores debet minister Domini Rex debitam vindictam propter Deum exercere. Qua propter sciat Rex nobis amabilis, quia sicut infirmus sanari non potest, qui à medico coquitur, quamdiu ferrum ignitum in illius tenetur corpore: ita & nemo sanari potest à peccato, quamdiu in peccato manserit, vel quamdiu in peccato manenti scienter, & libenter communicaverit.

IX. Tandem si se promiserit adiutorem & cooperatorem Dei pro viribus de cetero, & rationabiliter futurum, qualiter Ecclesia Dei, quæ in suo regno ac regnis nostrorum Principum una est, sicut & unum Sacerdotium, secundum qualitatem periculosi temporis in unoquoque ordine restituatur, & Sacerdotes Dei debita privilegia, & Ecclesiasticum vigorem obtineant, & populus iustitiam, & pacem habeat: congregatis vobis, & nostro immo Divino Spiritu, qui est remissio omnium peccatorum, per Ecclesiasticam Apostolicæ auctoritatis potestatem illi peccata, in nostris parochiis per illum, & ab illo commissæ, Ecclesiastica pietate, & Canonico more dimitte, eique indulgentiam postulanti donate: atque illum Sacræ Communioni, qua ipse se privaverat excommunicatis communicans, restituere.

X. Et licet multorum annorum, secundum præfixos à Sacris Canonibus gradus, penitentia hæc perpetrata facinora indigerent, tamen confisi de Dei misericordia, apud quem non sic acceptatur mensura temporis, ut doloris, nec abstinencia ciborum, sicut mortificatio vitiorum, non præjudicantes Patrum sententias, quæ de huiusmodi decreverunt, sed potius eorum sequentes humaniorem definitionem, hæc scribimus. Ait Sancta Synodus Africana: (\*) Penitentibus secundum differentiam peccatorum Episcopi arbitrio penitentiae

(n) Rom. I, 32.

(q) III. Reg. XX, 42.

(o) Pf. CXXXVIII, 21.

(\*) Vid. Tom. I. pag. 209. Canonem X. African.

(p) II. Par. XIX, 2.

tia tempora discernantur. Et S. Leo Apostolicæ Sedis Pontifex his, inquit, qui in tempore necessitatis, & in periculi urgentis instantia præsidium pœnitentiæ, & mox reconciliationis implorant, nec satisfactio indicenda est, nec reconciliatio deneganda: quia misericordiæ Dei nec mensuras possumus ponere, nec tempora definire: apud quem nullas patitur veniæ moras confessio, dicente Dei Spiritu per Prophetam: *Cum conversus (r) ingemueris, tunc salvus eris.* Et alibi: *Dic iniquitates tuas prior, ut justificeris.* Et item: *Quia apud Dominum misericordia est, & copiosa apud eum redemptio.* In dispensandis itaque donis non debemus esse difficiles, nec se accusantium gemitus lacrymasque negligere, cum ipsam pœnitendi affectionem ex Dei credamus inspiratione conceptam, dicente Apostolo: *Ne (s) forte det illis Deus penitentiam, ut respiciant à diaboli laqueis, à quo captivi tenentur ad ipsius voluntatem.* Et S. Gregorius in Evangelii homilia dicit, veniat foras mortuus, id est culpam confiteatur peccator: venientem verò foras solvant discipuli, ut pastores Ecclesiæ ei pœnam debeant amovere quam meruit, qui non erubuit confiteri quod fecit.

XI. His perpenfis, fratres carissimi, si ut diximus, jam dictum Regem à nobis amabilem ita contemperatum Divinæ voluntati, & Sacræ auctoritati inveneritis, secundum Ministerium vobis à Deo traditum eum vestra unanimitate absolvite. Sin alias, vos ullo modo cum eo, quem absolovere non poteritis, ligare nolite: quoniam nec coram

Deo nec in Synodo nos inde auctores habebitis, si agere aliter, quod absit, præsumpseritis, vosque, & in Synodo, & coram Deo, pro facto irritò dabitur rationes.

XII. Et si ipse, quod Deus longe faciat, ea, quæ egit, unde illum nunc commonere vos mittimus, reiteraverit, omnia & ante Divinos oculos, & ad Ecclesiastica judicia, redivivo vulnere curanda vel amputanda noverit revenire. Si quid quoque contra Sanctam auctoritatem præsumptum aut subreptum, sive extortum fuerit, non solum in Divinis examinationibus, verum nec in Divinis legibus quippiam prævalebit. Et non sit de cetero immemor idem Rex gloriosus, quod dicit sanctus Gregorius: "Sciendum est, inquit, quia quis" quis illicita nulla commisit, huic jure "conceditur, ut licitis utatur; sicque "pietatis opera faciat, ut tamen, si no" luerit ea, quæ mundi sunt, non relin" quat. Quilibet verò tanto à se licita "debet abscindere, quanto se meminit " & illicita perpetrasse. Neque enim "par fructus esse boni operis debet ejus, "qui in quibuslibet facinoribus cecidit: "sed tanto quisque majora quærat bo" norum operum lucra per pœnitenti" am, quanto graviora sibi intulit damna "per culpam." Unde à vobis nostra, quin potius Dei voce commoneatur, ut sic studeat præteritorum pœnitens, & imminetia atque futura cavens, Deo militare in regno terreno, quatenus mereatur conregnare Christo in regno celesti.

*Sirmondus Tom. III. Concilior.*

(r) Ec. CXLIV, 26.

(s) II. Tim. II, 26.

## CONVENTUS WORMATIENSIS.

ANNO DCCCLIX. PRIDIE NONAS JUNII, LUDOVICI REGIS GERMANIÆ ET PAUCORUM EPISCOPORUM REGNI SUI. II. LEGATORUM EX CONVENTU METENSI ET CARISIACO AD LUDOVICUM GERMANICUM CONVENTIO.

*Hæc, quæ sequuntur, Episcopi peractâ Legatione renuntiaverunt.*

DE indulgentia sua nobis Hludovicus Rex pridie nonas Junias in Wormatia dixit: Volo vos precari, ut si

A a 3

in aliquò vestros animos offendi, ut hoc mihi perdonetis, ut in antea securus vobiscum loqui possimus. Ad hæc Hincmarus,



marus, qui primus in ordine ex sinistra parte illius stetit, respondit dicens: Ista causa cito ad effectum pervenire potest, quia quod nos offerimus, hoc vos petitis, & monente Grimoldo (a) ac Theoderico (b) Episcopo, iterum ipse Hincmarus dixit: Nihil contra me fecistis, unde noxium rancorem in mente contra vos teneam, quia si facerem, ad altare ut Domino sacrificarem, accedere non auderem. Iterum monentibus eisdem Grimoldo, & Theoderico ac Salomone, (c) dicente ipso Theoderico hæc verba: Facite sicut senior noster precatur, parcite illi: respondit ipse Hincmarus hæc eadem verba. Quod in me, id est, in mea persona, offendistis, & peperci, & parco: de hoc autem, quod in Ecclesia mihi commissæ, & in populo male est factum, voluntarie vobis dono consilium, & secundum Deum præsto auxilium, ut inde salvi sitis, si vobis placet. Et præfati viri responderunt. Certe bene dicit. Et ceteri fratres nostri in hæc verba & senserunt, & prosecuti sunt. Tanta & talis indulgentia illi largita fuit, & non altera, neque amplius. Descrip-

to autem, quod confirmandum nobis est traditum, nec ipse à nobis quiddam quaesivit, nec nos illi aliquid diximus: quoniam necdum cum illo ex huiusmodi ratione eramus. Ipse autem post hæc & alia, dixit nos egisse, quod non egimus, ex hoc materiam sumens, quod Guntharius illi familiariter, ut eum instrueret, & ad satisfactionem provocaret, scriptum relegit, ita inquit: Vos mihi transmissistis vestram Epistolam cum Capitulis: vos venistis cum causa facta. Nos non sumus hic nisi duo vel tres, qui sine aliis huc exilivimus. In illas causas intrare non possum, antequam cum nostris Episcopis inde tractemus, quia Deo gratias nihil sine illorum consilio feci: & postea inde respondeam. Nos autem expectabamus, ut consilium à nobis de sua salute oblatum ipse quaereret: & tunc ei secundum illud scriptum donaremus consilium. Ipse autem de suo gradu respondit, quod in illud scriptum non intraret, antequam cum suis Episcopis confideraret. Et sic, quicquid in generali causa Ecclesiæ & populi egit, penes illum remansit.

*Sirmondus Tom. III. Concil.*

**Exitus** Conventus Wormatiensis hic fuit. Legati Gallicani Caroli Calvi re infectâ discesserunt, Ludovicus enim eorum literis nec respondere dignatus est, è suo gradu; id est, è suo throno. Mirabatur enim Excommunicationem sibi intentari ab iis, qui nec spiritualem, nec temporalem ullam jurisdictionem in ejus personam habebant. Secundo nihilominus asseveravit se responsurum auditis Episcopis Regni sui.

Interea Carolus Calvus, & Carolus Aquitaniæ Rex varios & novos Conventus tentant, primo in Insula Rheni inter Andernacum & Confluentes, nullo effectu. Post Basilæ sub Autumnum Conventus indicitur nullo effectu.

Ludovicus Germanicus, lassus audiendis tot arbitris & iudicibus rerum suarum, mittit acta sua pro liberanda Aquitania à Tyrannide Caroli Summo Pontifici Nicolao, & Hlothario Augusto Imperatori per Thieronem Abbatem Fuldensensem. Thiotho honorifice ab utroque excipitur. Bellum à Ludovico ad instantiam subditorum illarum facile excusat, & à Pontifice & Imperatore absoluto Regi litteras à Pontifice refert. *Annales Pitheani ad hunc annum.* Ità omnis Excommunicatio Ludovico Germanico intentata evanuit & in auras abiit. Imo ipse Wenilo Archiep. Senonensis, licet à Rege Carolo accusatus in Synodo Tullensi, statim in gratiam rediit Regis, ut *Annales Bertiniani* testantur. Hinc annis proximè sequentibus interest Synodis & subscribit. *Eckbartus Tomo II. L. XXX. N. 47. 48.*

(a) Abbas, Archi-Capellanus.

(b) Mindensis.

(c) Constantiensis.

**RHABANI MAURI  
ARCHI-EPISCOPI MOGUNTINI  
EPISTOLA,  
AD HERIBALDUM EPISCOPUM  
ANTISSIODORENSEM.  
CAPITULA SEQUENTIS LIBELLI.**

*I. De homicidiis sponte commissis.*

*II. Item*

- II. Item de homicidiis & falsis testibus.  
 III. De his, qui servos suos extra iudicem ne-  
 cant, & de domina, quæ per zelum  
 ancillam occidit.  
 IV. De homicidiis non sponte commissis, &  
 de his, qui quemlibet occidunt (a)  
 V. De administratoribus, & his, qui preces  
 criminales dictant.  
 VI. De populi necessario commissio.  
 VII. De parricidio.  
 VIII. De his, qui partus suos ex fornicatione  
 perimunt.  
 IX. De his, quæ abortum faciunt (b)  
 X. De his, qui post sacrum ordinem capitalia  
 crimina committunt; & eorum peni-  
 tentia seu excommunicatione.  
 XI. De Presbyteris, qui uxores acceperunt  
 vel fornicati sunt.  
 XII. De his, qui penitentiam violantes rur-  
 sum prævaricantur.  
 XIII. Quod penitentibus in cena Domini sit  
 remittendum.  
 XIV. Quod nulli ultima penitentia sit dene-  
 ganda.  
 XV. Ut qui pro illicitis veniam petit, etiam  
 à multis licitis se abstineat, nec tempore  
 penitentis lucra negotiationis exerceat.  
 XVI. Ne quis post penitentiam redeat ad mi-  
 litiam.  
 XVII. Quod quibusdam penitentibus pristina  
 concedantur conjugia.  
 XVIII. De perjurio.  
 XIX. De Episcopis sive presbyteris, qui per  
 pretium gradum & Ecclesiam acqui-  
 sierunt.  
 XX. De incestis conjunctionibus, & de eo,  
 qui filiolarum suarum vel matrem duxerit  
 uxorem. (c)  
 XXI. De his, qui adulterium committunt.  
 XXII. De his, qui machantur.  
 XXIII. De Virginibus Deo sacratis, sive sæ-  
 cularibus, si machaverint.  
 XXIV. De his, qui se sacris Virginibus soci-  
 ant, & de virginibus non velatis, si  
 machaverint.  
 XXV. De his quæ inter se fornicantur; & de  
 his, quæ semen virorum suorum pro li-  
 bidine cibo vel potui miscant.  
 XXVI. De his, qui se gentilibus vel judeis  
 junxerunt.  
 XXVII. De his, qui cum judeis vescuntur.  
 XXVIII. De his, qui uxorem simul & con-  
 cubinam habent.  
 XXIX. De conjugatis, qui nubere non possunt.  
 XXX. De his, quæ menstruum sanguinem, aliis  
 in cibo vel potu dant, & de his, qui  
 magicam artem divinatione, & augu-  
 rio observant.  
 XXXI. De sortilegis, & auguribus.  
 XXXII. De his, qui fornicantur irratio-  
 nabiliter.  
 XXXIII. De Eucharistia. (d)  
 XXXIV. De restitutione Ebonis Episcopi.

## RHABANI MAURI (e)

ARCHI-EPISCOPI MOGUNTINI

## EPISTOLA,

## AD HERIBALDUM EPISCOPUM

ANTISSIONDORENSEM. (f)

Dilecto fratri Heribaldo Alcedronensi vorum Dei vilissimus servus in Christo sa-  
 Antistiti Rhabanus peccator, & Ser- luteum. Capicula quædam in pittatio scrip-  
 ta

(a) Qui se excusant, quasi insontes ab homicidio in prelio commissio iussu Principum.  
 Codex Metropolitæ Colonienfis Ecclesiæ.

(b) qui C. M. (c) sive commatrem.

(d) quod Corpus Domini, postquam comeditur, in secessum emittatur, more aliorum  
 ciborum. C. M.

(e) Rhabani Archi-Episcopi Moguntini varia Opuscula ad Canones Ecclesiasticos, & sta-  
 tum juris sacri in Ecclesiis Germaniæ Sæculo nono vigentis, diversis temporibus pro-  
 dierunt, nos cum singulorum certam Epocham assignare non valeamus, ea nunc  
 sub unum conspectum edimus post annum mortualem 856. diem 4. Februarii: vitam  
 & cætera vide in Præfatione Tomi primi nostri. Conrulum editionem Baluzii  
 cum codice MS. Ecclesiæ nostræ Metropolitane No. 118.

(f) Heribaldus Episcopus Antissiondorensis, sed juxta antiquos Codices & nostrum Me-  
 tropolitanum Alcedronensis dictus fuit XXXVI. hujus Ecclesiæ Episcopus; anno 841.  
 adhuc superstes. Roberti Gallia Christian.



ta per nuntium Cunurdi Comitibus mihi allata sunt; quæ de diversis quæstionibus me vobis respondere coegerunt. Sed quia figillatim omnibus respondere non valui, strictim ea denotare curavi. Fuerunt enim ibi loca quædam, quæ de homicidio factio interrogabant, quædam de fornicatione, & adulterio, quædam etiam de his, qui ante gradum se libidine polluerunt; quædam autem de illis, qui post gradum acceptum se coinquinaverunt, & tamen ab officio Ecclesiastico, & Ministerio Altaris se prohibere noluerunt: præter cætera quoque alia capita ibi inveni scripta, de quibus me respondere postulastis. Ego autem ea, quæ in Sacris Canonibus inde explicata reperi, in præsentī Epistola inferere non tardavi. Vos autem inde facite, quod justum vobis videtur, & quod Sacra Scriptura vos agere docet. In libris enim veteris, & novi Testamenti, quàm abominabilia sint homicidia coram Deo, fornicationes, avaricia, maleficia, & magicæ artis scelera, omnesque malorum operum actiones, manifestissimè declaratur. De quibus pauca hic inferere curavi. Cæterum autem de ipsis divinis libris, si colligere intentè volueritis, & eis obedire decerneritis, quid vobis agendum, & salubre sit, per vosmetipsos valetis investigare, & utile documentum inde accipere. Deus autem dirigat cor vestrum, & studium in omne opus bonum; ut præsentī vita ea doceatis, arque agatis, quæ sibi sunt placita, sicque per ejus gratiam ad mercedem plenam, & ad vitam perveniat is æternam.

Prohibentur enim in lege Domini homicidia, & adulteria, sicut supra scriptum est, omniaque vitia. Unde in Levitico scriptum est, quod Dominus jussit populo suo dicens: *Sanctificamini* (g) & estote Sancti, quia ego Sanctus Dominus Deus vester. Nolite facere iniquum aliquid in iudicio, in regula, in pondere. Non stabis contra sanguinem proximi tui. Non oderis fratrem in corde tuo, sed publice argue eum, ne habeas super illo peccatum. Non queras ultionem, nec memor eris injuriæ civium tuorum. Qui (h) maledixerit patri vel matri, morte moriatur. Patri, matrique

qui maledixerit, sanguis ejus super eum. Si moechatus fuerit quis cum uxore alterius, & adulterium perpetraverit cum conjuge proximi sui, morte moriantur & moechus, & adultera. Qui dormierit cum noverca sua, & revelaverit ignominiam patris sui, moriantur ambo, & sanguis eorum sit super eos. Qui dormierit cum masculo coitu femineo, & uterque operatus est scelus, morte moriantur; sanguis eorum super eos. Si quis dormierit cum nuru sua, uterque moriatur, quia scelus operati sunt. Sanguis eorum super eos. Qui super uxorem filiam duxerit matrem ejus, scelus operatus est. Sanguis ejus super eos. Viri ardebit cum eis. Nec permanebit tantum nefas in medio vestrum. Qui cum jumento, & pecore coierit, morte moriatur, pecus quoque occidit. Mulier quæ succubuit cuilibet jumento, simul interficitur cum eo, Sanguis ejus super eam. Qui acceperit sororem suam filiam patris sui, vel filiam matris suæ, vel viderit turpitudinem ejus, illaque conspexerit fratris ignominiam; nefariam rem operati sunt. Occidentur ambo in conspectu populi, eo quod turpitudinem suam mutuo revelaverunt, & portabant iniquitatem suam. Qui coierit cum muliere menstruatâ, & revelaverit turpitudinem ejus; ipsa quoque aperuerit fontem sanguinis sui, interficiantur ambo de medio populi. Turpitudinem amittæ, & materiam tuam non discooperies. Qui hoc fecerit, ignominiam carnis suæ nudavit, portabunt ambo iniquitatem suam. Qui coierit cum uxore patris vel avunculi sui, & revelaverit ignominiam cognationis suæ, portabunt peccatum suum, absque liberis morientur. Qui duxerit uxorem fratris sui, rem facit illicitam, turpitudinem fratris sui revelavit. Absque liberis erunt. (i) Ne polluatis animas vestras in pecore, & in avibus, & cunctis, quæ moventur in terra, & quæ vobis ostendi polluta esse. Vir sive mulier in quibus pythionius vel divinationis fuerit spiritus, morte moriantur. Lapidibus obruent eos. Et sanguis eorum sit super eos. Custodite leges meas atque judicia, & facite ea, ne & vos evomat terra, quam intraturi estis, & habitaturi. Nolite ambulare in legitimis nationum, quas ego expulsurus sum in (k) vos.

Sed hoc non solum in veteri Testamento, sed etiam in novo, cultoribus Dei similiter agere omnino vetatur. De concupiscentiis verò carnalibus Paulus ad Galatas scribens ita loquitur: Dico (l) autem,

(g) Levit. XX.

(i) Ibid. v. 25. &amp; seqq.

(l) Gal. V, 16. &amp; seqq.

(h) Levit. XX. sed non servato continuo ordine vulgaræ lectionis.

(k) C.M. ante vos.

autem : spiritu ambulate , & desideria carnis non perficietis . Caro enim concupiscit adversus spiritum , spiritus autem adversus carnem . Hæc enim sibi invicem adversantur ; ut non , quæcunque vultis , illa faciatis . Quod si spiritu ducimini , non estis sub lege . Manifesta autem sunt opera carnis : quæ sunt fornicatio , immunditia , luxuria , Idolorum servitus , veneficia , inimicitia , contentiones , emulationes , ire , rixæ , dissensiones , sectæ , (m) hæreses , invidia , ebrietates , commessationes , & his similia : quæ prædico vobis , sicut prædixi : quoniam qui talia agunt , regnum Dei non consequentur . Fructus autem spiritus est , caritas , gaudium , pax , patientia , longanimitas , bonitas , benignitas , mansuetudo , fides , continentia , castitas . Adversus huiusmodi non est Lex . Qui autem sunt Christi , carnem suam crucifixerunt cum vitiis , & concupiscentiis . Si vivimus spiritu , spiritu & ambulemus . Non efficiamur inanis gloriæ cupidi , invicem invidentes , invicem provocantes . Et paulo post : Nolite (n) errare . Deus non irridetur . Quæ enim seminaverit homo , hæc & metet . Quoniam qui seminat in carne sua , de carne & metet corruptionem . Qui autem seminat in spiritu , de spiritu metet vitam æternam . Bonum autem facientes non desiciamus . Tempore enim suo metemus . (o)

Cum enim illa omnia vitia , quæ supra nominata sunt , tam à legislatore , quam etiam ab Apostolo noxia (p) (\*) prohibentur , & cultoribus Dei Divina autoritas prohibet facere , pœnamque eis , qui hæc agunt , minatur perpetuam , è contrario verò spiritalia dona laudat Apostolus , hortaturque per omnia sequenda , bonum est , ut caveamus omne peccatum , & omne scandalum , quantum Dominus nos posse donaverit , & faciamus , quæ sibi sunt placita , & lex Domini nobis mandat ; quia sic & in præsentia , & in futuro ejus misericordiam , & protectionem inveniemus . Si enim juxta historiam , legislator transgressoribus mandatorum Dei minatus est

B b

carnis mortem , & præsentis vitæ terminum ; quanto magis nobis juxta mandatum Salvatoris , & Evangelicam (q) doctrinam formidanda est mors animæ , & pœna perpetua , quàm illa , quæ finem quodammodo habuit ? ista autem sine termino cruciabit noxios . Unde necesse est , ut in præsentia vita juxta Apostolum , (r) *Mortificemus membra nostra , quæ sunt super terram* , hoc est desideria carnis nostræ , & voluptates terrenas in nobis extinguere contendamus , vitiaque omnia , quantum nos Dominus posse concedit , procul expellamus , Deique voluntati , & mandatis ejus obtemperare satagamus ; quoniam sic mortem perpetuam evadere , & ad vitam æternam Domino largiente pervenire possumus : dehinc quoque ad interrogata , quantum possumus , breviter juxta Canonum instituta respondere curemus .

*De Homicidiis sponte commissis.*

## CAP. I.

Primum ergo de homicidii perpetratione , quid Sacri Canones sanciant ; & qualiter pœnitentia his agenda sit , qui (s) hoc commiserint , breviter denotare curavimus . In Concilio Ancyrano (t) cap. XXI. de homicidiis scriptum est : qui (u) voluntariè homicidium fecerint , pœnitentiæ quidem jugiter se submittant , perfectionem verò circa vitæ exitum consequantur .

*Item de homicidiis , & falsis testibus.*

## CAP. II.

In Concilio (x) Agathensi cap. XXXVII. de homicidiis & falsis testibus scriptum est : Itaque (y) censuimus homicidas , & falsos testes à communione Ecclesiastica submovendos , nisi pœnitentiæ satisfactione crimina admissa diluerint .

De

(m) hæc vox non extat apud Paulum.

(o) non deficientes . C. M.

(\*) forte probentur .

(r) Coloss. III.

(t) Tom. I. nostro pag. 148. Liber Pœnitentium Rhabani hic allegatus constat Capitib. XL. hujus Libelli Capitulis valde affinibus & quandoque iisdem : impressus fuit Colonia 1532. in 8vo. & in folio inter omnia Rhabani opera Colonia anno 1627.

(u) Regino Lib. 2. C. 10.

(y) Regino Lib. 2. C. 12.

Tomus II. Concil. German.

(n) Galat. VI. 8.

(p) esse probentur . C. M.

(q) atque Apostolicam C. M.

(r) Pœnit. Rhab. C. 12.

(x) Pœnit. Rhab. C. 12.



*De his, qui servos suos extra judicem necant, & de Domina, quæ per zelum ancillam occidit.*

## CAP. III.

Item in Concilio Agathensi (z) cap. LXII. scriptum est de his, qui servos suos extra judicem necant: Si quis (a) servum proprium sine conscientia judicis occiderit, excommunicatione vel pœnitentia biennii reatum sanguinis emundabit. Item in Concilio Elibertino (b) cap. V. scriptum est: de Domina (c) quæ per zelum ancillam occiderit, ita ut infra diem tertium animam cum cruciatu effundat, eo quod incertum sit, voluntate an casu occiderit, si voluntate, post septem annos, si casu, per quinque annorum curricula acta legitima pœnitentia ad communionem admitti placuit. Quod si infra tempora constituta fuerit infirma, accipiat communionem.

*De homicidiis non sponte commissis, & de his, qui quemlibet occidunt jussu Principis.*

## CAP. IV.

In Concilio Ancyrano cap. XXII. scriptum est de his, (d) qui sponte homicidium commiserint: De homicidiis (e) non sponte commissis prior quidem diffinitio post septennem pœnitentiam perfectionem consequi præcepit; secunda vero quinquennii tempus expleat.

Quod autem (f) quidam homicidium, quod nuper in seditione & prælio (g) principum nostrorum perpetratum est, excusant, quasi non necesse sit pro hoc cuilibet agere pœnitentiam, eo quod jussu principum nostrorum peractum sit, & Dei Judicio ita finitum. scimus enim, quod Dei Judicium semper justum est, & nulla reprehensio-

ne dignum. De quo etiam scriptum est: *Fusus (h) Dominus in omnibus viis suis, & Sanctus in omnibus operibus suis. Qui judicat orbem terræ in æquitate, & populos in veritate sua.* Sine quo nec passer cadit super terram. Sed nemo judicia Dei penetrare potest: quoniam scriptum est: *Judicia (i) tua abyssus multa.* Unde oportet eos considerare; qui hanc necem nefariam defendere cupiunt, utrum illos coram oculis Dei, quasi innoxios, excusare possint, qui propter avaritiam, quæ omnium malorum radix est, & idolorum servituti comparatur, atque propter favorem Dominorum suorum temporalium, æternum Dominum contempserunt, & mandata illius spernentes, non casu, sed industria homicidium perfecerunt. Nam de his legimus, qui homines non sponte interficiunt, Deum per legislatorem urbes refugii deputasse; ad quas confugientes salvarentur ab ultore sanguinis proximi sui, & non morentur. Unde in Deuteronomio scriptum est: *Hac (k) lex homicidæ erit, cujus vita servanda est. Qui percussit proximum suum nesciens, & veri & nudius tertius nullum odium contra eum habuisse comprobatur, sed abiisse cum eo simpliciter ad ligna cadenda, & in succisione lignorum securis fugerit de manu, aut ferrum lapsum de manubrio amicum ejus percussit, & occiderit, hic ad unam urbium supradictarum confugiat, & vivat, ne proximus ejus, cujus sanguis effusus est, stimulo doloris percutiat animam ejus.* De eo vero, qui per industriam aliquem occiderit, in exodo ita præceptum est: *Si quis (l) per industriam & per insidias occiderit proximum, ab altari meo eum evelles, ut moriatur.* Et in Deuteronomio: *Si quis, (m) inquit, odio habens proximum suum, insidiatus fuerit vitæ ejus: & percussit eum surgens, & mortuus fuerit, & fugerit, ad unam de supradictis urbibus, mittent seniores illius civitatis,*

(z) Pœnit. Rhab. C. 14.

(b) Pœnit. Rhab. ibid.

(d) Vide Tomum I. pag. 148. Cap. XXII. Ancyrani.

(e) Pœnitent. Rhab. C. 15.

(g) Hic est sermo de prælio ad Fontanetum anno 841. & de judicio Episcoporum de cæsis hoc prælio indiscriminatum Deo commendandis, etsi victoria hujus prælii de exercitu Caroli Calvi Judicium Dei visum & æstimatum fuerit ex usu illius temporis. Victis tamen nulla pœnitentia fuit imposita ex Synodo loci incerti anno 841. igitur post hoc tempus hic liber scriptus fuit.

(h) Psal. 144.

(k) Deuter. 19.

(m) Deuter. 19.

(a) Regino Lib. 2. C. 26.

(c) Reg. Lib. 2. C. 58.

(f) Pœnit. Rhab. ibid. Reg. Lib. 2. C. 50.

(i) Psal. 35.

(l) Exod. 21.

tis, & eripient eum de loco refugii, & tradent eum in manus proximorum ejus cujus sanguis effusus est, & morietur; nec misereberis ejus. Si ergo eum, quem Dominus dignum mortē judicavit, reum non esse quis (n) dicat; quomodo contrarius legi Dei non existit, qui hoc, quod Dominus præcepit, cassum esse contendit? Videndum ergo illi, ne forte ipse in illorum numero sit, quibus per Prophetam dicitur: *Vae vobis, (o) inquit, qui dicitis malum bonum, & bonum malum, lucem tenebras, tenebras lucem, vel amarum dulce, dulce amarum.* Tales ergo mortificant animas, quæ non moriuntur, & vivificant, quæ non vivunt.

Qui ergo malorum sine condigna poenitentia quemquam veniam à Deo percipere dixerit, penitus errat, & cum deceptus, alios decipere festinat, duplici noxa constringitur, hoc est, proprii erroris, & alienæ deceptionis. Sed inter hæc sciendum est, quod magna distantia est inter legitimum principem, & seditiosum Tyrannum, inter eum, qui subvertere nititur Christianæ pacis tranquillitatem, & illum, qui armis contra iniquitatem certat defendere æquitatem. De quo plurima sub lege vetere, & sub novo Testamento fortium virorum exempla inveniuntur, quæ possunt nos instruere, quid de hujusmodi debeamus sentire.

*De administratoribus, & his, qui preces criminales dictant.*

## CAP. V.

De Administratoribus autem, (p) qui judicia secularia secundum legem majorum suorum exercent, quid Sacri Canones sentiant, facile est invenire. Nam in Decretis Innocentii Papæ cap. XXIII. ita legitur: quæsitum est etiam super his, qui post baptismum administraverunt, aut tormenta sua exercuerunt, aut etiam protulerunt capitalem sententiam. De his nihil legimus à majoribus diffinitum. Meminerant enim à Deo potestates has esse concessas, & propter vindictam noxiorum gladium fuisse permissum, Dei ministrum datum esse in hujusmodi vindicem. Quem-

B b 2

admodum igitur reprehenderent factum, quod authore Deo viderent esse concessum? De his ergo ita, ut hætenus servatum est, sic habemus, ne aut disciplinam evertere, aut contra auctoritatem Domini venire videamur. Ipsis autem in ratione reddenda gesta sua omnia servabuntur.

Item in eisdem decretis (q) cap. XXV. scriptum est, quod, qui preces criminales dictant, habeantur immunes: Illud etiam sciscitari voluisti, an preces dictantibus liberum concedatur, utique post baptismi regenerationem, à principibus poscere mortem alicujus vel sanguinem de reatu? Quam rem principes nunquam sine cognitione concedunt; sed ad judices commissa ipsa vel crimina semper remittunt, ut causa cognita judicentur. Quæ cum quæsitore fuerint allegata, aut absolutio, aut damnatio pro negotii qualitate profertur. Et dum legum in improbos exercetur autoritas, erit dictator immunis.

*De populi necessario commisso.*

## CAP. VI.

De populi autem (r) necessario commissio, quomodo inultum soleat præteriri, idem Papa quibusdam Episcopis de Macedonia ad interrogata respondens, ita scribit dicens. Provideat ergo (s) dilectio vestra hætenus talia transisse, & advertite, quod utique, ut dicitis, necessitas imperavit, in pace etiam Ecclesias constitutas non posse præsumere, sed ut sæpe accidit, quoties à populis aut à turba peccatur, quia in omnes propter multitudinem non potest vindicari, inultum solere transire. Priora ergo dimittenda dico Dei Judicio, de reliquo maxima sollicitudine præcavendum. Non enim hic, ut mihi videtur, iste Doctor Apostolicus dicit non necessarium esse populo pro malè commissis agere poenitentiam: sed quia in omnes propter multitudinem non potest vindicari, priora dimittenda Dei Judicio; de reliquo maxima sollicitudine præcavendum, ne fiant.

De

(n) non addit C. M.

(p) Poenitent. Rhab. C. 16.

(r) Poenitent. Rhab. C. 17.

(o) Esai. 5.

(q) Poenitent. Rhab. ibid.

(s) Decreta Innoc. I. C. 56.



## De Parricidio.

## CAP. VII.

Parricidium autem (t) quam sit detestabile crimen, iudicio facto inter Cain, & Abel fratrem suum Dominus ipse ostendit, cum ad Cain parricidam ait: *Maledictus (u) eris super terram, quæ aperuit os suum, & suscepit sanguinem Fratris tui de manu tua. Cum operatus fueris eam, non dabit fructus. Vagus & profugus eris super terram.* In quo etiam posuit signum, hoc est, ut gemens, & tremens, & profugus viveret semper, nec uspiam (x) sedes haberet quietis. Sed quia modernis temporibus parricidæ profugi discurrunt per diversa loca, & variis vitiis, atque gulæ illecebris deserviunt, melius mihi videtur, ut in uno loco manentes penitentia districta semetipsos castigent, si forte à Domini bonitate indulgentiam facinoris sui percipere mereantur. Non (y) enim eis licebit ultra cingulum militiæ sumere, & nuptiis, atque conjugii copula uti, quia sacri Canones hoc eis non concedunt, sicut postmodum de penitentibus pro culpis gravibus decreta Synodica decernere ostensuri sumus.

*De his, qui partus suos ex fornicatione perimunt.*

## CAP. VIII.

Itaque (z) in Ancyrano Concilio cap. XX. scriptum est de his, quæ partus suos ex fornicatione conceptos diversis modis interimunt: de mulieribus (a) quæ fornicantur, & partus suos necant, vel quæ agunt secum, ut utero conceptos excutiant, antiqua quidem diffinitio usque ad exitum vitæ eas ab Ecclesiâ removeri iussit, humanius autem nunc diffinimus, ut eis decem annorum tempus penitentiae largiamur, (b)

Item (c) in Concilio Elibertino cap. LXIII. scriptum est de his, quæ filios suos ex adulterio necant: si qua (d)

per adulterium absente viro conceperit, idque post facinus occiderit, placuit vix in fine dandam esse communionem, eo quod geminaverit scelus.

*De his, quæ abortum faciunt.*

## CAP. IX.

Item (e) in Concilio Hilerdensi cap. II. scriptum est de his, quæ abortum faciunt, vel natos extinguunt: hi (f) verò, qui male conceptos ex adulterio factos vel editos necare studuerint, vel in ventribus matrum potionibus aliquibus colliserint, in utroque sexu adulteris post septem annorum curricula communio tribuatur, ita tamen, ut omni tempore vitæ suæ fletibus & humilitati insistant.

*De his, qui post sacrum ordinem capitalia crimina committunt, & eorum penitentia seu excommunicatione.*

## CAP. X.

De his (g) ergo visum est vobis conscribi, qui sacros ordines habent, & ante vel post ordinationem contaminatos in capitalibus criminibus se esse profitentur. In quibus (h) ut mihi videtur, hæc distantia debet esse, ut hi, qui deprehensi vel capti fuerint publice in perjurio, furto, atque fornicatione, & cæteris huiusmodi criminibus, secundum Sacrorum Canonum instituta à gradu proprio deponantur: quia scandalum est populo Dei tales personas super se positas habere: quas ultra modum vitiosas esse constat. Nempe inde homines detrahunt Sacrificio Dei, sicut quondam filiis Heli precantibus fecisse leguntur, & rebelles hinc atque contrarii existentes, eorum pravis exemplis cotidie peiores fiunt. Qui autem de prædictis (i) vitiis per occultam confessionem mala abs se abscondere commissa coram oculis Dei præsentem etiam sacerdotem,

(t) Pœnit. Rhab. C. 11. Reg. L. 2. C. 28.

(x) nec audiret addit C. M.

(z) Pœnitent. Rhabani C. 11. Vid. Tomum nostrum I, pag. 148.

(a) Regino Lib. 2. C. 63.

(c) Pœnitent. Rhab. ibid.

(e) Pœnit. Rhab. C. 11.

(g) Pœnit. Rhab. C. 1. Burchard. Lib. 10. C. 150. Ivo Parte 6. C. 400.

(b) Gratian. Dist. 50. Cap. De his.

(i) Verus collectio Canonum MS. in Bibliotheca Regia: peccatis absconditè à se admissis per occ. con. coram oc. D.

(u) Gen. 4.

(y) Regino Lib. 2. C. 29.

(b) secundum præfixos gradus addit C. M.

(d) Regino Lib. 2. C. 65.

(f) Regino Lib. 2. C. 64.

dote, qui eis indicturus est poenitentiam, confitentur, & semetipsos graviter deliquisse (k) accusant, si veraciter poenituerint, & se per jejunia, & elemosynas, vigiliisque, atque sacras orationes cum lacrymis purgare certaverint, his etiam gradu servato, spes veniæ de misericordia Dei promittenda est, qui omnes homines vult salvos fieri, & ad agnitionem veritatis pervenire, neque vult mortem peccatoris, sed ut convertatur & vivat.

Nam de illis, qui (l) ad honorem Presbyterii sine examine provecti sunt, in Concilio Nicæno cap. IX. (m) scriptum est: Si qui presbyteri sine examine provecti sunt, vel cum discuterentur, peccata sua confessi sunt, & homines contra Canones commoti, manus confesis imponere tentaverunt: tales regula non admittit: quia quod irreprehensibile est, Catholica defendit Ecclesia.

Item (n) in Neocæsareensi Concilio cap. IX. de his ita scriptum est: Presbyter (o) si præoccupatus corporali peccato provehatur, & confessus fuerit de se, quod ante ordinationem suam deliquerit, oblata non confecerit; manens in reliquis officiis propter bonum studium. Nam reliqua peccata plerique dixerunt, per manus impositionem posse dimitti. Quod si de se ipso non fuerit confessus, & argui manifeste non potest, potestatis suæ iudicio relinquatur.

Item (p) in eodem Concilio cap. X. simili modo etiam diaconus, si eodem peccato succubuerit, ab ordine ministerii detrahatur.

De illis (q) qui post acceptum gradum peccaverint, tertio (r) Apostolorum Canone ita legitur: Episcopus, Presbyter, aut Diaconus, qui in fornicatione aut perjurio, aut furto captus est, deponatur, non tamen communione privetur. Dicit enim Scriptura: Non (s) iudicabit Dominus bis in idipsum.

B b 3

Item (t) in Canone Apostolorum cap. XXIX. Si quis Episcopus, Presbyter, aut diaconus depositus iuste super certis criminibus, ausus fuerit atrectare ministerium sibi commissum, hic ab Ecclesia penitus projiciatur.

Accusationem autem (u) adversus sacri ordinis viros facile non recipiendam, sed prius causam diligenter examinandam, & postea iudicium inferendum, Apostolus docet scribens ad Timotheum: Accusationem, (x) inquit, adversus presbyterum non recipias, nisi sub duobus aut tribus testibus. Peccantes coram omnibus argue, ut cæteri metum habeant.

Quales (y) autem ipsi testes esse debeant, in Africano Concilio manifestatur; ubi cap. (z) VI. & XV. ita scriptum: "Placuit, ut omnes servi vel proprii liberti ad accusationem non admittantur, vel omnes, quos ad accusanda publica crimina leges publicæ non admittunt; omnes infamiæ maculis aspersi, id est, histriones, ac turpitudinis subjectæ personæ. Hæretici etiam, sive pagani, sive Judæi. Sed tamen omnibus, quibus accusatio denegatur, in causis propriis accusandi licentia deneganda non est."

Item (a) in eodem cap. XCIX. testes non admittendos ad testimonium, qui nec ad accusationem admitti præcepti sunt, vel etiam, quos ipse accusator de domo sua produxerit. Ad testimonium autem intra annos XIV. ætatis suæ non admittatur.

Item (b) cap. XCVII. placuit, quotiescunque Clericis ab accusatoribus multa crimina obijciuntur, & unum ex his, de quo prius egerit, probare non valuerit, ad cætera non admittatur.

De his autem (c) quorum occulta sunt peccata, nec manifeste ab aliquo argui possunt, si salubriter compuncti pro peccatis confessionem coram Episcopo, sive Presbytero occulte faciunt, bonum

(k) C. MS. *queruntur.*

(m) Vid. Tom. nostri I. pag. 138.

(o) Tomi I. nostri pag. 151.

(q) Poenitent. Rhab. ibid.

(s) Nahum. 1.

(u) Poenit. Rhab. ibid.

(y) Poenit. Rhab. ibid.

(z) Poenit. Rhab. ibid. Canone Africano mihi XCVIII. Tom. I. pag. 229.

(a) Poenit. Rhab. ibid. Tomo I. nostro pag. 229.

(c) Poenit. Rhab. ibid. Burchard. Lib. 19. C. 151. Ivo parte 15. C. 160.

(l) Poenitent. Rhab. ibid.

(n) Poenitent. Rhab. ibid.

(p) Poenit. Rhab. ibid. Tom. I. nostro pag. 151.

(r) Canone mihi XXV. Tomo nostro I. p. 133.

(t) Poenit. Rhab. ibid. Tomo I. pag. 133.

(x) 1. Tim. 5.

(z) Canon. African. mihi XCV. Tom. I. pag. 229.



bonum mihi videtur, ut secundum id, quod sibi decretum fuerit ab Episcopo sive Presbytero, poenitentiam agant non tepide, non tarde, sed ferventer, & sollicitè; ac sic se veniam (d) à domino percepturos & gradum recuperaturos confidant. Quod etiam beatus Gregorius Papa in Epistola, quam ad Secundinum servum Dei inclusum scripsit, ita probat, dicens: Nam (e) tua sanctitas à nobis requisivit, ut tibi rescriberem de sacerdotali officio post lapsum resurgendi auctoritates, dum dicis de hoc Canones diversos te legisse, diversasque sententias invenisse, alias resurgendi, alias nequaquam posse. Nam nos generaliter à Nicæna incipientes, hanc cum reliquis quatuor veneramus, quia ipsam sequentes cæteræ in cunctis unanimes concordant. Nos ergo præcedentes nos patres sequimur, quia auctore Deo, ab illorum doctrina non discordamus. A capite itaque incipientes, usque in quartum altaris ministrum hanc formam servandam cognoscimus, ut sicut minorem major præcedit in honore, ita & in crimine, & quem major sequitur culpa, major ei implicetur vindicta, & sic postea poenitentia credatur fructuosa esse. Quid enim prodest triticum seminare, & fructum illius non colligere? aut domum instruere, & illic non habitare? Post dignam enim satisfactionem credimus posse redire ad honorem, Propheta dicente: *Nunquid (f) qui cadit, non adjiciet ut resurgat?* & qui averfus est, non revertatur? Idem & peccatori ait: *Iu (g) quacunque die conversus ingemueris, salvus eris.* Unde & Psalmista ait: *Cor (h) mundum crea in me Deus, & Spiritum rectum innova in visceribus meis. Ne projicias me &c.* Dum enim petit, (i) ne abiciatur pro lapsus culpa (alienam quippe Rex simul & Propheta rapuisse uxorem (k) se expavit) Propheta judicante flagitium suum, poenitentiam agens addidit: *redde mihi letitiam salutaris tui, & Spiritu principali confirma me.* Si enim Deo dignam poenitentiam non fecisset, nequaquam aliis prædicaret: *Docebo iniquos vias tuas.* Dum enim peccata sua prospexit Pro-

pheta mundata per poenitentiam; non dubitavit prædicando castigare aliena. Et sic Sacrificium semetipso offerre studuit, cum dicebat: *Sacrificium (l) Deo Spiritu contribulatus.* Ad hæc ista sufficerent. Sed omnis sententia, quo plus Sacra Scripturæ testimoniis confirmatur, facilius creditur. De hoc enim Propheta ait: *Nolo (m) mortem peccatoris, sed magis, ut convertatur, & vivat.* De hoc peccantibus dicitur: *Peccator in quacunque die conversus ingemuerit, omnes iniquitates ejus in oblivionem tradentur.* Si enim Redemptor noster, qui peccatores non perdere, sed vivificare venit, in oblivione delicta peccantium derelinquit; quis hominum condemnanda reservet, cum Apostolus dicat: *Si Deus justificat, quis est, qui condemnet?* Ad fontem misericordiæ revertentes, Evangelicam proferamus sententiam. *Gaudium (n) est Angelis, inquit, super uno peccatore poenitentiam agente plus, quam supra nonaginta novem justis, qui non indigent poenitentia.* Et ovem perditam, nonaginta novem non errantibus relictis, humero ad ovile reportavit. Si ovis errans post inventionem ad ovile reportatur, cur iste post poenitentiam ad Ecclesiæ ministerium non revocetur? Quid est ergo gravius carnale delictum admittere, sine quo non multi, sed pauci inveniuntur; aut Filium Dei timendo negare? In quo peccato ipsum beatum Petrum Principem Apostolorum, ad cuius nunc corpus indigni sedemus, lapsum esse cognoscimus. Sed post negationem poenitentia secuta est, & post poenitentiam misericordia data: quia illum ab Apostolatu non dejecit, qui ante se ipsum negare prædixit.

Tibi hæc Fili charissime, dicta sufficiant, ut illum, quem conspicias delicta fletu delere, in conspectu divinitatis non dubites misericordiam consequi: quia nullum peccantem reversum despicit, qui peccantes suo sanguine redimeré venit.

Hinc (o) etiam beatus Augustinus ad Petrum Diaconum de fide scribens ait: *Omni (p) homini in hac vita esse potest*

[d] peccatorum addit C. M.

[f] Psal. 40.

[b] Psal. 50.

[k] tremefactus addit C. M.

[m] Ezech. 18.

[o] Pœnit. Rhab. ibid.

[e] S. Gregor. Lib. 7. Indict. 2. Ep. 53.

[g] Ezech. 3.

[i] à Deo.

[l] Ibid.

[n] Luc. 15.

[p] August. in Lib. de fide ad Petrum C. 3.

potest utilis pœnitentia; quam quocunque tempore homo egerit, quamlibet iniquus, quamlibet annosus, si ex toto corde renuntiaverit peccatis præteritis, & pro eis in conspectu Dei, non solum corporis, sed etiam cordis lacrymas fuderit, & malorum operum maculas bonis operibus diluere curaverit, omnium peccatorum indulgentiam mox habebit. Hoc enim nobis Dominus Prophetico eloquio promittit, dicens: Si (q) conversus fuerit, & ingemuerit, salvus erit: & alio loco dicitur: Fili, (r) peccasti? Non adjicias iterum; sed de præteritis deprecare, ut tibi dimittantur. Nunquam esset peccanti indicta pro peccatis deprecatio, si deprecanti non esset remissio concedenda. Sed etiam pœnitentia peccatori tunc prodest, si eam in Ecclesia Catholica quis gerat, cui Deus in persona Beati Petri Apostoli ligandi, solvendi que tribuit potestatem, dicens: Quæ(s) alligaveris super terram, erunt ligata & in Cælis; & quæ solveris super terram, erunt soluta & in Cælis. In quacunque igitur homo ætate veram peccatorum suorum pœnitentiam egerit, & vitam suam Deo illuminante correxerit, non privabitur indulgentiæ munere: Quia (t) Deus, sicut per Prophetam dicit: non vult mortem peccatoris (u) tantum ut revertatur à via sua mala, & vivat anima sua. Veruntamen nullus hominum debet sub spe misericordiæ Dei in suis diutius remanere peccatis, cum & in ipso corpore nemo velit sub spe futuræ salutis diutius ægrotare. Tales enim, qui ab iniquitatibus suis recedere negligunt, & sibi de Deo veniam repromittunt, nonnunquam ita præveniuntur repentino Dei furore, ut nec conversionis tempus, nec beneficium remissionis inveniant. Ideo unumquemque nostrum Sancta Scriptura præmonet dicens: Ne (x) tardaveris converti ad Dominum, & ne differas de die in diem. Subito enim veniet ira ejus, & in tempore vindictæ disperdet te. Dicit etiam Beatus David: Hodie si vocem ejus audieritis, nolite obdurare corda vestra. Cui quoque Beatus Paulus concordat his verbis: (y) Fratres, ne forte sit in aliquo vestrum cor malum incre-

dulitatis discendendi à Deo vivo; sed adhortamini vosmetipsos per singulos dies, donec bodie cognominatur, ut non obduretur quis ex vobis fallacia peccati. Obdurato igitur corde, vivit, qui se non convertit, desperans de indulgentia peccatorum, sive qui sic misericordiam Dei sperat, ut usque in finem vitæ præsentis in suorum perversitate criminum remaneat. Proinde diligentes misericordiam Dei, metuentesque justitiam, nec de remissione peccatorum desperemus, nec remaneamus in peccatis, scientes, quia illa omnium hominum debita sit exactura æquitas justissimi judicis, quæ non dimiserit misericordia clementissimi redemptoris. Sicut enim misericordia suscipit, absolvitque conversos, ita justitia repellit & puniet obduratos. Hi sunt, qui peccantes in Spiritum Sanctum, neque in hoc sæculo, neque in futuro remissionem accipient peccatorum.

Nam (z) & de hoc Isidorus Hispalensis Episcopus ad inquisitionem Marsonis (a) Episcopi ita scribit dicens: Verum, quod (b) sequenter venerabilis fraternitas tua innouit, nulla est in ejusmodi sententiis decretorum diversitas intelligenda: quod alibi legitur in lapsu "corporali restaurandum honoris gradum" post pœnitentiam, alibi post hujusmodi delictum nequaquam reperandum antiqui ordinis meritum. Hæc enim diversitas hoc modo distinguitur. Illos enim ad pristinos officii gradus redire canon præcipit, quos pœnitentiæ præcessit satisfactio. (c) At contra hi, qui neque à vitio corruptionis emendantur, atque hoc ipsum carnale peccatum, quod admittunt, etiam vindicare quadam supersticiosa temeritate nituntur, nec gradum utique honoris, nec gratiam communionis recipiunt. Ergo ita est dirimenda utraque sententia, ut necesse sit illos restaurari in loco honoris, qui per pœnitentiam reconciliationem meruerunt divinæ pietatis. Hi, nec immerito, consequuntur adeptæ dignitatis statum, qui per emendationem pœnitentiæ recepisse noscuntur vitæ remedium. Id enim, ne forte sit magis

[q] Esai. 30.

[r] Marth. 18.

[u] quantum C.M.

[y] Hebr. 3.

(a) Marsonis C.M.

(c) vel dæna peccatorum confessio C.M.

[r] Eccli. 21.

[t] Ezech. 33.

[x] Eccl. 5.

[z] Pœnit. Rhab. Cap. I.

(b) in Epistolis addit C.M.



gis ambiguum, divinæ authoritatis sententia confirmetur. Ezechiël enim Propheta sub typo prævaricantis Hierusalem ostendit, post pœnitentiæ satisfactionem pristinum restaurari honorem posse: *Confundere* (d) *O Juda, & porta ignominiam tuam.* Et post paululum, & tu, inquit, & filii (e) tui revertimini ab (f) iniquitate vestra. Quod dixit, confundere, ostendit post confusionis, & deprecationis opus debere quemquam erubescere, & pro admisis sceleribus verecundam frontem humi prostratam demergere, pro eo, quod dignum confusionis perpetraverit opus. Deinde præcepit, ut portet ignominiam depositionis suæ, lugens cum humilitate, quod peccaverit, sicque revocari secundum Prophetam ad priorem statum poterit. Item Joannes Evangelista Angelo Ephesi Ecclesiæ inter cætera simile quiddam scribit: *Memor* (g) *esto, inquit, unde cecideris, & age pœnitentiam, & prima opera fac. Alioquin veniam tibi, & movebo candelabrum tuum de loco ejus.* In Angelo Ecclesiæ præpositum utique, id est, Sacerdotem, ostendit, juxta Malachiam, qui dicit: *Labia* (h) *Sacerdotis custodiunt scientiam, & legem exquiram de ore ejus; quia Angelus Domini exercituum est.* Præpositus ergo lapsus in vitium, per Evangelistam monetur, ut memor sit, unde ceciderit, & pœnitentiam agat, & prima faciat opera, ut non moveatur candelabrum ejus. Nam candelabrum Angeli doctrina sacerdotalis, vel honor potestatis, quem gestat, intelligitur. Juxta quod scriptum est apud Samuëlem in damnatione Heli: *Oculi* (i) *ejus caligaverant, nec poterat videre lucernam Dei, antequam exstingueretur.* Lucerna quippe Dei fuerat, quando dignitate Sacerdotali pollens, justitiæ claritate fulgebat; quam extinctam Propheta asserit, dum ob scelera Filiorum Sacerdotis potestatem, meritorumque lumen amisit. Candelabrum ergo, sive lucerna sacerdotis, quæ intelliguntur charismata honoris, tunc penitus juxta Joannem exstinguitur & movetur, quando post delicti casum, neglecta pœniten-

tia, admissa scelera non desistentur. Non enim dixit, pro eo, quod cecidisti, movebo candelabrum tuum de loco suo; sed: *Nisi pœnitentiam egeris, movebo candelabrum tuum.* Ergo quemque præpositum peccantem, si prævenit pœnitentia delicti, utique sequetur & meriti. Et in proverbii scriptum est: *Qui* (k) *abscondit scelera sua, non dirigitur. Qui confessus fuerit, & reliquerit ea, misericordiam consequetur.* Nam & ipsum, quod Canonum censura post septem annos remeare pœnitentem in statum pristinum præcepit, non hoc electione proprii arbitrii Sancti Patres, sed potius ex sententia divini Judicii sanxerunt. Nam legitur, quod soror Aaron Maria, dum obdurationis adversus Moysem incurrisset delictum, illico stigmate lepra percussa est. Cumque peteret Moyles ut emundaretur, præcepit eam Dominus extra castra septem diebus egredi, & post emundationem rursus in castra admitti. Maria ergo soror Aaron, caro intelligitur Sacerdotis: quæ dum superbiam dedita, sordidissimis corruptionum contagiis maculatur, extra castra septem diebus, hoc est, extra collegium sanctæ Ecclesiæ septem annis projicitur, ubi post emundationem vitiorum loci, sive pristinae dignitatis recipit meritum. Ecce! in quantum valui, Concilii Ancyra-ni antiquam plane, & plenam auctoritate sententiam sacris testimoniis expla-navi, ostendens eum posse restaurari proprio honore, qui per pœnitentiæ satisfactionem novit propria delicta deslere; eum vero non posse restaurari, qui nec luget, quæ agit, & lugenda sine ullo pudore religionis, vel timore divini judicii committit. Hucusque Ildorus.

Augustinus ad Bonifacium: ut (l) inquit, in Ecclesia sanciretur, ne quisquam post alicujus criminis pœnitentiam clericatum accipiat, vel ad clericatum redeat, vel in clericatu maneat, non desperatione indulgentiæ, sed rigore factum disciplinæ. Alioquin contra claves Ecclesiæ datas disputaretur, de quibus dictum est: *Quæ* (m) *solaveritis super terram, erunt soluta & in celo.* Sed ne forsitan

de

(d) Ezech. 16.

(f) ad antiquitatem vestram C. M.

(b) Malach. 2.

(k) Prov. 28.

(m) Math. 16.

(e) filia tua C. M.

(g) Apoc. 2.

(i) Reg. 3.

(l) August. Epist. 50.

de criminibus spe honoris Ecclesiastici intumescens animus superbi ageret pœnitentiam severissime placuit, ut post actam de crimine, damnabili pœnitentiam nemo sit clericus, ut desperatione temporalis altitudinis, medicina verior & major esset humilitatis. Nam & David de criminibus mortiferis egit pœnitentiam, & tamen in honore suo permansit. Sed non ideo supervacua putanda est posterior diligentia; qui, ubi saluti nihil detrahebatur, humilitati aliquid addiderunt, quo salus tutius muniretur; experti, credo, aliquorum fictas pœnitentias per affectatas honorum potentias. Cogunt enim invenire multas medicinas multorum experimenta morborum.

In Concilio Ilerdensi (y) Cap. V. de his, qui altario deserviunt, si subito flenda carnis fragilitate corruerint, & Domino respiciente digne pœniteant, ita ut mortificato corpore cordis contriti sacrificium Deo offerant, maneat in potestate Episcopi vel veraciter afflictos non diu suspendere, vel æsidiosos prolixiore tempore ab Ecclesiæ corpore segregare, ita tamen, ut si officiorum suorum loca retineant, non possint ad altiora officia ulterius promoveri. Quod si iterato velut canes ad vomitum reverli fuerint, non solum dignitate officii careant, sed etiam sanctam communionem nisi in exitu percipiant.

Item (z) in Concilio Carthaginensi cap. XXVII. scriptum est, quod Presbyteri & Diaconi in graviore culpa convicti, manus impositionem tanquam laici nequaquam suscipiant: confirmatum est, ut si quando Presbyter vel Diaconus in aliqua graviore culpa convicti fuerint, ob quam eos à ministerio necesse est remove, non eis manus tanquam pœnitentibus imponatur, vel tanquam fidelibus laicis, neque permittendum esse, ut rebaptizati ad clericatus gradum promoveantur.

*De Presbyteris, qui uxores acceperunt vel fornicati sunt.*

## CAP. XI.

Item de Presbyteris, qui uxores ac-

C c

ceperunt, vel fornicati sunt, in Concilio Neocæsariensi cap. V. scriptum est: Presbyter, (a) si uxorem acceperit ab ordine deponatur, si verò fornicatus fuerit, aut adulterium perpetraverit, amplius pelli debet, & ad pœnitentiam redigi.

Item (b) ex Decretis Innocentii Papæ cap. XXVI. propterea quod dignum & pudicum, & honestum est, tenere omnino Ecclesia debet, ut Sacerdotes & Levitæ cum uxoribus suis non coeant, quia ministerii quotidianis necessitatibus occupantur. Scriptum est enim: *Sancti esote, quia ego Sanctus sum Dominus Deus vester.* Nam priscis temporibus de templo Dei Sacerdotes anno vicis suæ non discedebant, sicut de Zacharia legimus, nec domum suam omnino tangebant. Quibus (c) utique propter sobolis successionem uxoris usus fuerat relaxatus, quia ex alia tribu, & præter ex semine Aaron, ad Sacerdotum nullus fuerat præceptus accedere. Quanto magis hi Sacerdotes vel Levitæ pudicitiam ex die ordinationis suæ servare debent, quibus vel Sacerdotium vel ministerium sine successione est, nec præterit dies, quo vel à Sacrificiis divinis vel Baptismatis officio vacent. Nam si Paulus ad Corinthios scribens ait: *Abstinete vos ad tempus, ut vacetis orationi*, & hoc utique Laicis præcepit, multo magis Sacerdotes, quibus & ordinandi, & sacrificandi jugiter officium est, semper debent ab huiusmodi consortio abstinere. Qui si contaminatus fuerit carnali concupiscentia, quo pudore vel sacrificare forsitan usurpabit? aut qua conscientia, quove merito exaudiri se credit, cum dictum sit: *Omnia (d) munda mundis, coinquinatis autem & infidelibus nihil est mundum.*

Item in Decretis Leonis Papæ cap. XVII. scriptum: Lex (e) continentiae eadem est altaris ministris, quæ Episcopis atque Presbyteris: qui, cum essent Laici sive Lectores, licite & uxores ducere, & filios procreare potuerunt. Sed cum pervenerunt ad prædictos gradus, cœpit eis non licere quod licuit. Unde ut de carnali fiat spiritale conjugium, oportet eos nec dimittere uxores, & quasi non ha-

(y) Pœnit. Rhab.

(a) Regino Lib. I. C. 84. Tomo primo Canone I. mihi pag. 150.

(b) Regino Lib. I. C. 88.

(c) Tit. I.

(d) Decrcta Innoc. I. C. 21.

(e) Regino Lib. I. C. 96.



habeant, sic habere; quo & salva sit caritas connubiorum, & cesset operatio nuptiarum.

Item in Carthaginensi Concilio cap. XXV. Aurelius [f] Episcopus dixit: addimus (g) fratres carissimi, præterea, cum de quorundam clericorum, quamvis Lectorum, erga uxores proprias incontinentia referretur, placuit, quod & diversis Conciliis confirmatum est, ut Subdiaconi, qui sacra mysteria contrectant, & Diaconi, & Presbyteri, sed & Episcopi, secundum priorum statuta, etiam ab uxoribus se abstineant, ut tanquam non habentes esse videantur. Quod si non fecerint, ab Ecclesiastico removeantur officio. Cæteros autem Clericos ad hoc non cogi, nisi maturiori ætate.

*De his, qui penitentiam violantes rursum prævaricantur.*

#### CAP. XII.

In Concilio (b) Aureliano cap. VII. scriptum est de his, qui penitentiam violant: Hi vero, qui susceptam penitentiam religionemque suæ professionis oblii, ad sæcularia relabuntur, placuit eos à communione suspendi, & ab omnium Catholicorum convivii separari. Quod si post interdictum cum eo quicquam præsumpserit manducare, & ipse communionem privetur.

In Concilio (i) Toletano cap. LV. quicumque ex secularibus accipientes penitentiam, se totonderunt, & rursus prævaricantes Laici effecti sunt, comprehensi ab Episcopo suo, ad penitentiam, ex qua recesserunt, revocentur. Quod si aliqui per penitentiam irrevocabiles sunt, nec admoniti revertuntur, postea eorum Ecclesia anathemate (k) condemnentur, non aliter, quam hi, qui de tonsi à parentibus fuerunt, aut sponte sua amissis parentibus, se ipsos religioni devoverunt, & postea sæcularem habitum sumpserunt, iidem à Sacerdote deprehensi, ad cultum religionis, acta prius penitentia revocentur. Quod si reverti non possunt, [l] apostatæ anathematis sententiæ subijciantur. Quæ forma

servabitur etiam in viduis virginibusque sacris, ac penitentibus sœminis, quæ sanctimoniam habitum induerunt, & postea aut vestem mutaverunt, aut ad nuptias transierunt. Ex (m) Decretis Siricii Papæ cap. X. de his verò non incongrue dilectio tua Apostolicam Sedem credidit consulendam, qui acta penitentia, tanquam canes ac fues ad vomitus pristinos, & volutabra redeunt, & militiæ cingulum, & lubricas voluptates & nova conjugia, & inhibitos denuo appetivere concubitus, quorum profectam incontinentiam generati post abolutionem filii prodidere. De quibus etiam, quia (n) suffugium non habent penitendi, id duximus decernendum, ut sola intra Ecclesiam fidelibus oratione jungantur, sacræ mysteriorum celebritati, quamvis non mereantur, interfint, à Dominicæ autem mensæ convivis segregentur; ut hac saltem districtione correpti, & ipsi in se sua errata castigent, & aliis exemplum tribuant, quatenus ab obscænis cupiditatibus retrahantur. Quibus tamen quia carnali fragilitate cecidere, viatico munere, cum ad Deum cæperint proficisci per Communionis gratiam volumus subveniri. Quam formam & circa mulieres, quæ se post penitentiam talibus pollutionibus devinxerunt, servandam esse censemus.

Item in Concilio Arelateni cap. II. Penitentes, quæ defuncto viro aliis nubere præsumpserunt vel suspecta vel interdicta familiaritate cum extraneo vixerunt, cum eodem ab Ecclesiæ limine arceantur. Hæc etiam de viro in penitentia posito placuit observari.

*Quod penitentibus in cæna Domini sit remittendum.*

#### CAP. XIII.

Item (o) ex decretis Innocentii Papæ Cap. VII. scriptum est: De penitentibus autem, qui sive ex gravioribus commissis, sive ex levioribus penitentiam gerunt, si nulla intervenit ægritudo, quinta feria ante Pascha eis remittendum Romanæ Ecclesiæ consuetudo demonstrat.

(f) Aurelianus C. M.

(g) Concil. Aurel. I. C. 11. Pœnit. Rhab. C. 37.

(k) Anathematis sententia C. M.

(m) Decreta Siricii C. X.

(o) Pœnit. Rhab. C. 35.

(g) Tomo I. nostro pag. 203. Regino Lib. 1. C. 92.

(i) Pœnit. Rhab. ibid.

(l) Ut à potestate C. M.

(n) jam addit C. M.

strat. Cæterum de pondere æstimando delictorum, sacerdotis est judicare, ut attendat ad confessionem pœnitentis, & ad fletus, atque lacrymas corrigentis, ac tunc jubere dimitti, cum viderit satis congruam satisfactionem. Si quis autem in ægritudinem incidit, atque usque ad desperationem venerit, ei est ante tempus Paschæ relaxandum, ne de sæculo absque communione discedat.

*Quod nulli ultima pœnitentia sit deneganda.*

## CAP. XIV.

In (p) Decretis Cælestini Papæ cap. XV. scriptum est, quod nulli ultima pœnitentia sit deneganda. Agnovimus enim pœnitentiam morientibus denegari. Nec illorum desideriis annui, qui obitus sui tempore [q] animæ suæ cupiunt subveniri. Horremus, fateor, tantæ impietatis aliquem reperiri, ut de Dei pietate desperet, quasi non possit ad se quovis tempore convertenti succurrere ac periclitantem sub onere peccatorum hominem (r) pondere, quo se ille expedire desiderat, liberare. Quid hoc, rogo, aliud est, quam morienti mortem addere, atque animam suam (s) crudelitate, ne absoluta esse possit, occidere, cum Deus ad subveniendum paratissimus, invitans ad pœnitentiam sic promittat: Peccator (t) in quacunque die conversus fuerit, peccata ejus non reputabuntur ei. Et iterum: Nolo mortem peccatoris, sed tantum ut convertatur, & vivat. Salutem ergo homini adimit, quisquis mortis tempore pœnitentiam denegaverit. Et desperavit de clementia Dei, qui eum ad subveniendum morienti sufficere, vel momento posse non credidit. Perdiderit latro in cruce præmium ad Christi dexteram pendens, si illum unius horæ pœnitentia non juvisset. Cum esset in poena, pœnituit, & per unius sermonis (u) professionem habitaculum paradisi, Deo promittente promeruit. Vera (x) ergo ad Deum conversio in ultimis peccatorum mente potius æstimanda est, quam tempore, Propheta taliter hoc

C c 2

afferente: Cum conversus ingemueris, salvus eris. Cum ergo Dominus sit cordis inspector, quo tempore non est deneganda pœnitentia postulanti, cum se obliget iudici, cui occulta omnia noverit revelari.

*Ut qui pro illicitis veniam petit, etiam à multis licitis se abstineat; nec tempore pœnitentis lucra negotiationis exercent.*

## CAP. XV.

In (y) Decretis Leonis Papæ cap. XXII. scriptum est, quod oporteat eum, qui pro illicitis veniam poscit, etiam à multis licitis abstinere. Aliud quidem est justa debita reposcere, aliud propria perfectionis amore contemnere. Sed illicitorum veniam postulantem oportet etiam à licitis abstinere, dicente Apostolo: Omnia (z) quidem licent, sed non omnia expediunt. Unde si pœnitentes habent causam, quam negligere forte non debeant, melius expedit Ecclesiasticum, quam forense iudicium.

Item (a) in eisdem Decretis cap. XXIII. scriptum est, quod pœnitenti nulla lucra exercere conveniat negotiationis. Qualitas (b) lucris negotiantem aut excusat, aut arguit, quia est honestus quaestus, & turpis. Veruntamen pœnitenti utilius est dispendia pati, quam periculis negotiationis obstringi. Quia difficile est inter ementis, & vendentis commercium non intervenire peccatum.

Isidorus in libro officiorum: Hi qui pœnitentiam gerunt, capillos & barbam nutriant, ut demonstrent abundantiam criminum, quibus caput peccatoris gravatur. Capilli enim pro vitiis accipiuntur, sicut scriptum est: Et criminibus peccatorum suorum unusquisque confringitur.

*Ne quis post pœnitentiam redeat ad militiam.*

## CAP. XVI.

Item (c) in eisdem Decretis cap. XXIV. scriptum est, quod aliquis ad militiam

- (p) Pœnit. Rhab. C. 38.  
(r) pondere omittit C. M.  
(s) Ezech. 18.  
(x) Regino Lib. 1. C. 110.  
(z) 1. Cor. 6.  
(b) Regino Lib. 1. C. 313.

- (q) hoc remedio addit C. M.  
(t) crudelitate. C. M.  
(u) promissionem C. M.  
(y) Pœnit. Rhab. C. 39.  
(a) Pœnit. Rhab. ibid.  
(c) Pœnit. Rhab. C. 40.



litiam ſecularem poſt pœnitentiam redire non debeat : contrarium eſt omnino Eccleſiaſticiſ reguſ poſt pœnitentiæ actionem redire ad militiam ſecularem ; cum Apoſtoluſ ; dicat : *Nemo (d) militans Deo applicat ſe ſecularibuſ negotiis* ; Unde non eſt liber à laqueiſ diaboli , qui ſe militia mundana vult implicare.

*Quod quibuſdam pœnitentibuſ priſtina concedantur conjugia.*

## CAP. XVII.

In (e) Concilio Toletano (f) ſcriptum eſt , quod quibuſdam pœnitentibuſ priſtina reddantur conjugia : Antiqui & Sanctiſſimi eſt Patris ſententia Papæ Leonis , ut iſ , qui ætate adoleſcentiæ poſſituſ , dum mortis formidat caſum , pervernerit ad pœnitentiæ remedium , ſi eſt jugatuſ , & forte fuerit incontinens , ne poſtea adulteriſ incurrat lapſum , redeat ad priſtinum conjugium , quouſque poſſit adipiſci , temporis maturitate , ſtatuſ continentiæ. Quod noſ de ſœminis judicamuſ , ſimiliter de viris cenſemuſ , non quidem generaliter & legitime præceptum , ſed conſtat à nobiſ pro humana fragilitate indultum ; ea duntaxat ratione , ut ſi iſ , qui pœnitentiæ legibuſ non eſt dedituſ , antea ab hac vita diſceſſerit , quam ex conſenſu ad continentiam (g) veniant , ſuperſtiti non liceat denuo ad uxoriſ tranſire amplexuſ , ſi autem illuſ vitæ extiterit ſuperſteſ , qui non accepit pœnitentis benedictionem , nubat , ſi continere non poteſt , & alteriuſ uxoriſ conſortio fruatur. Quod de utroque ſexu pari modo à nobiſ manifeſtum eſt decerni , ita videlicet ; ut in hiſ omnibuſ Sacerdotiſ ordinatio expectetur , juxta quod ætatem aptam perſpexerit continentiaſ , abſolutioniſ vel diſtrictioniſ tribuat legem.

*De Perjurio.*

## CAP. XVIII.

Perjurium in lege divina omnino prohibetur , dicente Legislatore : *Non aſſumas nomen Domini Dei tui in vanum. Non*

*enim inſontem habebit cum Dominuſ , qui aſſumpſerit nomen Dei ſui fruſtra.* Unde ipſa veritas dicit in Evangelio : *Noliſ jurare omnino , neque per calum , neque per terram.* &c. Hinc & in Canone ſcriptum eſt : quicunque [b] vero ſciens ſe perjuraverit , annos ſeptem ſe pœnitentiæ ſubdat , & ita deincepſ ad communionem revertatur.

Item (i) Ecbertuſ Anglorum Episcopuſ diffinit ita dicens : qui juramentum in Eccleſia fecerit , aut in Evangelio , ſive in reliquiſ Sanctorum , ſeptem annos. Alii judicant undecim. Si vero [k] in manu Episcopuſ , aut Presbyteri vel Diaconi , ſeu in Cruce poſita conſecrata , unum annum pœniteat. Alii ſeptem annos judicant. Et in Cruce non conſecrata , unum annum pœniteat ; vel ſeptem meſeſ , ut alii judicant. Qui autem ſeducuſ ignorans , & poſtea cognoviſcit , unum annum vel treſ quadrageſimas pœniteat. (l) coactuſ , pro quolibet neceſſitate , treſ quadrageſimas. Alii annos treſ , unum ex hiſ in pane & aqua , ut alii judicant. Item perjurium treſ annos pœniteat. Qui (m) ſuſpicatur , quod perjuruſ in juramentum ducitur , ſed tamen per conſenſum jurat , duos annos pœniteat.

*De Episcopuſ ſive Presbyteriſ , qui per pretium gradum , & Eccleſiam acquiſierunt.*

## CAP. XIX.

Sed quia in multiſ lociſ ab hiſ , qui per avaritiã terrenæ profeſſioniſ , & Eccleſiaſticiſ ordinis pretium dant , ut terrenarum rerum abundantiam ſibi inde acquirant ; ſæpe perjurium fit illiſ , qui hoc ſcandalo decipiuntur , juſtum eſt , ut illiſ , qui hoc faciunt , condicta vindicta retribuantur. Nam de talibuſ ita ſtatutuſ eſt in Canonibuſ.

(n) In Synodo Remenſi Cap. XXI. ſcriptum eſt : quicunque Presbyter per pretium gradum (o) acquiſierit , deponatur. (p) Ex Concilio Aurelianenſi Cap. X. ut

(d) 2. Tim. 2.

(f) titulo VI. addit C. M.

(b) Regino Lib. 2. C. 324.

(k) Regino Lib. 2. C. 331. & ſeq.

(m) Regino Lib. 2. C. 326.

(o) & Eccleſiam addit C. M.

(g) eorundem fuerit regreſſuſ , addit C. M. omittit veniant.

(i) Eigbertuſ C. M.

(l) Regino Lib. 2. C. 332.

[n] Hic incipit Cap. XIX. C. M.

(p) illa verba omittit C. M. uſque ad illa (q) In Concilio Turonenſi.

ut nullus Presbyter ad introitum Ecclesiæ Xenia. (q) In Concilio Turonensi sive Moguntinensi cap. XV. scriptum est: quicumque [r] Presbyter per pretium Ecclesiæ fuerit adeptus, omni modo deponatur; quoniam & ille contra Ecclesiasticæ Regulæ disciplinam agere dignoscitur. Item & ille deponatur, qui alium presbyterum legitime ad Ecclesiam ordinatum per pecuniam expulerit, eamque sibi totaliter vendicaverit. Quod vitium late diffusum summo studio emendandum est. Itemque interdicens videtur Clericis, sive laicis, ne quis cuilibet Presbytero præsumat dare Ecclesiam sine licentia & consensu Episcopi.

*De incestis conjunctionibus, & de eo, qui filiolam suam vel matrem duxerit uxorem.*

## CAP. XX.

De incestis (s) autem conjunctionibus in Concilio Agathensi Cap. LXI. ita scriptum est: Incestis conjugii (t) nihil prorsus veniæ reservamus, nisi cum adulterium separatione sanaverint. Incestos vero nullo conjugii nomine censendos, quos etiam designare funestum est, hos esse censemus. Si quis relictam fratris, quæ pene prius soror extiterat, carnali conjunctione violaverit. Si quis fratris germanam uxorem acceperit, si quis novercam duxerit, si quis confobrinæ se suæ sociaverit. Quod ita præsentī tempore prohibemus, ut ea, quæ sunt ante nos constituta, non dissolvamus. Si quis relicta vel filiæ avunculi miscetur, aut Patris Filiæ vel privignæ suæ concubitu polluitur. Sane quibus conjunctio illicita interdicitur, habebunt ineundi melioris conjugii libertatem.

Item [u] de iisdem in Concilio Aurelianensis cap. XIV. scriptum est: ne (x) frater super thorum defuncti fratris ascendat, ne quisquam, amissa uxore, forori audeat se sociare. Quod si fecerit, ab Ecclesiastica districtione feriatur.

C c 3

Item [y] de iisdem in Concilio [z] Ilerdensi cap. IV. qui se incesti pollutione commaculant, placuit, quousque in ipso detestando & illicito carnis contubernio perseverant, usque ad Missam tantum Catechumenorum in Ecclesia permittantur; cum quibus etiam nec cibum sumere ulli Christianorum, sicut Apostolus iussit, oportet.

Item [a] de his in Ancyranō Concilio cap. XXIV. quidam sponsam habens, sororem ejus violavit, & gravidam reddidit; postmodum desponsatam sibi duxit (b) uxorem. Illa vero, quæ corrupta est, laqueo se peremit. Omnes, qui ejusmodi fuerunt conficii [c] decem annos in penitentiam redigantur secundum Canones constitutos.

In Decretis Siricii Papæ C. IV. omnimodis prohibemus, ne quis sponsam alterius ducat uxorem; quia illa Benedictio, quam nupturæ Sacerdos imponit, apud fideles ejusdem sacrilegii instar est, si ulla transgressione violetur.

Desponsatas [d] puellas, & post ab aliis raptas, placuit erui, & eis reddi, quibus ante fuerant desponsatæ, etiam si eis à raptoribus vis illa constiterit.

De his (e) quæ duobus fratribus nupserint, vel qui duas sorores uxores acceperint, in Neocæsariensis Concilii cap. II. ita dictum est: mulier si duobus fratribus nupserit, abjiciatur usque ad mortem. Veruntamen in exitu propter misericordiam, si promiserit, quod facta incolumis, hujus conjunctionis vincula dissolvat, fructum penitentiae consequatur. Quod si defecerit vir, aut mulier in talibus nuptiis, difficilis erit penitentia in vita permanenti.

Item [f] de his qui duabus sororibus copulantur in Elibertino Concilio cap. LXI. ita scriptum est: si quis post obitum uxoris suæ sororem ejus duxerit uxorem, & ipsa fuerit fidelis, quinquenni-

um

(r) Conc. Tur. III. C. 15. Conc. Mogunt. anno 847. sub Rhabano C. 12. hoc Tom. II. Regino Lib. 1. C. 338. Vide Capitulare Theodulfi C. 16.

(s) Pœnit. Rhab. C. 2.

(u) Pœnit. Rhab. ibid.

(y) Pœnit. Rhab. ibid.

(a) Tomo I. nostro pag. 149. Pœnit. Rhab.

(b) sororem C. M.

(d) Regino Lib. 2. C. 155.

(f) Pœnit. Rhab. ibid.

(z) Regino Lib. 2. C. 185.

(x) Regino Lib. 2. C. 191.

(z) Ilerdensi C. M.

ibid. Regino ibid. C. 192.

(c) gradus penitentiae constitutos C. M.

(e) Tomo nostro I. pag. 150. Pœn. Rhab. C. 2.



um à communione placuit abstinere, nisi forte velocius dari pacem necessitas coëgerit infirmitatis.

Item [g] de muliere, quæ duos fratres sumit in conjugio in Canonibus Martini Episcopi sic scriptum est: si quæ (b) mulier duos fratres, aut si quis duas sorores duxerit, à Communionem abjiciantur usque ad mortem. In morte ejus communio propter misericordiam detur. Si vero supervixerint communionem accepta, & de infirmitate convalescerint, agant plenam poenitentiam tempore constituto.

Qui (i) duas in conjugium sorores acceperint, vel filiam fratris, clericus esse non poterit.

De eo (k) vero quod interrogasti, si ille, qui filiolarum suarum, quam de sacro fonte Baptismatis suscepit, & de [l] eo, qui concubuit cum matre sua spiritali, & de illo, qui filium suum baptizavit, & cujus uxor eum de fonte suscepit, si postea in tali copulatione permanere possent, omnino illicitum esse judicamus. Nam in Concilio Mogontinensi cap. LV. de talibus scriptum est: nullus proprium filium aut filiam à fonte Baptismatis suscipiat, nec filiolarum, nec commatrem suam suscipiat uxorem, nec illam, cujus filium aut filiam ad confirmationem duxerit, ubi autem factum fuerit, separentur.

Item [m] in Synodo Mogontinensi cap. LVI. si quisquam viduam uxorem duxerit, & postea cum filiastra sua fornicatus fuerit, seu duabus sororibus nupserit, aut si qua duobus fratribus nupserit, seu cum patre & filio, tales copulationes anathematizari & disjungi precipimus, nec unquam amplius conjugio copulari, sed sub magna districtione fieri.

Quam [n] detestabile, & quam execrabile scelus sit unicuique Christiano filiolarum suarum sibi ad libidinem jungi, testatur Sanctus Gregorius Papa in dialogis suis, ubi refert quendam hominem constuprasse filiolarum suarum, & tribus diebus reservatum esse ad satisfactionem poenitendi. Sed ille miser sperans peccatum suum aut latere Deum, aut oblivioni misericorditer datum, neglexit poenitenti-

am agere. Sed non longe post miserabili morte correptus expiravit, ita ut sepulchrum ejus igne consumeretur. In hoc opere apparuit ineffabilis Dei clementia, quæ ipsum hominem reservare voluit ad indulgentiam, si ille non tardaret converti.

Item [o] in Synodo Mogontinensi de incestis conjugii scriptum est: Si quis fornicatus fuerit, & precipuis, solummodo pane & aqua & sale utatur, arma pugnatoria non ferat, osculum nulli præbeat, Sacrificium, nisi pro Viatico, minime sumat, sex deinde annis ingrediatur domum Dei, sed carnibus & vino ac ficeris minime utatur, nisi festis precipuisque diebus: de armis vero & osculo sive sacrificio, sicut supra dictum est, faciat. Postea vero duobus annis, quando carne vescitur, à potu omni, qui potest inebriare, se contineat. Quem potum si biberit, non carne vescatur absque precipuis festis diebus. De armis vel osculo & sacrificio modum teneat jam dictum. Inde usque ad obitum suum, nisi prædictis festis diebus, à carne abstineat tres legitimas ferias in omni hebdomada, & tres Quadragesimas in anno legitime custodiat. De armis vero, sicut jam dictum est, faciat, & nunquam conjugio copuletur. Hæc eadem poenitentia imponenda est parricidis, & fraticidis, vel consanguineis, nec non & his, qui sponte per fraudem & avaritiam hominem innoxium occidunt. Quod Theodisca lingua morchidum dicitur.

*De his, qui adulterium committunt.*

#### CAP. XXI.

Adulterium [p] autem non solum lex damnat, sed etiam Evangelica auctoritas omnino fieri vetat. Unde & sancti

(g) Pœnit. Rhab. ibid.

(i) Canon. Apostolorum C. 19.

(l) Regino Lib. 2. C. 196.

(n) Regino Lib. 2. Cap. 198.

(p) Pœnit. Rhab. C. 3.

(b) Collectio Martini Bracar. C. 79.

(k) Pœnit. Rhab. ibid.

(m) Regino Lib. 2. Cap. 197. hoc Tom. II. pag. 160.

(o) Regino Lib. 2. Cap. 199.

Et Patres, magisterio cœlesti imbuti, de hoc quid servandum sit, sanxerunt. Nam in Concilio Ancyrano Cap. [q] XVII. scriptum est : [r] cuius uxor adulterata fuerit, vel si ipse adulterium commiserit, septem annis in pœnitentia completis, oportet eos perfectionum secundum pristinos gradus consequi.

Item [s] in Africano Concilio Cap. LXIX, de his, qui uxores, aut quæ viros dimittunt, ut maneat sic, ita scriptum est : placuit [t] ut secundum Evangelicam & apostolicam disciplinam, ut nefue dimissus ab uxore, nec dimissa à marito, alteri jungantur, sed ita maneat, aut sibi met reconciliantur. Quod si contempserint, ad pœnitentiam redigantur. Item [u] in Decretis Innocentii Papæ Cap. XXIV. scriptum est, quod viri adulteris fœminis non convenient : & (x) illud desiderandum est sciri, cur communicantes viri cum adulteris uxoribus non convenient, cum contra uxores in consortio adulterorum virorum manere videantur. Super hoc Christiana Religio adulterium in utroque sexu pari ratione condemnat. Sed viros suos mulieres non facile de adulterio accusant. Non enim habent latentia peccata vindictam. Viri autem liberius uxores adulteras apud Sacerdotes deferre consueverunt. Et ideo mulieribus, pro dolo earum crimine communio denegatur. Virorum autem latente commisso non facile aliquis ex suspicionibus abstinere. Qui utique submovebitur, si ejus flagitium detegatur. Cum ergo par causa sit, interdum, probatione cessante, vindictæ ratio conquiescit.

Item [y] in ejusdem Papæ Decretis Cap. XXVII. (z) scriptum est : de (a) his etiam requisivit dilectio tua, qui interveniente repudio, alii se matrimonio copulaverunt : quos in utraque parte adulteros esse manifestum est. Qui vero vel uxore vivente, quamvis dissociatum

videatur esse conjugium, ad aliam copulam festinarunt, neque possunt adulteri non videri in tantum, ut etiam hæ personæ, quibus tales conjuncti sunt, ipsæ adulterium commississe videantur, secundum illud, quod legimus in Evangelio : Qui dimiserit uxorem suam & duxerit aliam, mœchatur, & qui dimissam duxerit, mœchatur. Et ideo omnes à communione abstinendos. De Parentibus autem & propinquis eorum nihil tale statui potest, nisi si incentores illiciti consortii fuisse detegantur.

In (b) Concilio quoque [c] Elibertino Cap. IX. de Fœminis, quæ adulteros maritos reliquerunt, & aliis nubunt, scriptum est : Fœmina (d) fidelis, quæ adulterum maritum reliquerit fidelem, & alii nubit, prohibeatur, ne ducat. Si duxerit, non prius accipiat communionem, nisi, quem reliquit, si seculo exierit, nisi forte necessitas infirmitatis dare compulerit.

*De his, qui mœchantur.*

#### CAP. XXII.

Item [e] in Concilio Elibertino Cap. XXX. de mœchis scriptum est : Subdiaconos eos ordinari non debere, qui in adolescentia sua fuerint mœchati, eo quod postmodum per surreptionem ad ulteriorem gradum forsitan movebantur. Qui autem sunt in tempore præterito ordinati, amoveantur.

Item (f) in eodem Concilio Cap. XXXI. de adolescentibus, qui post lavacrum mœchantur, scriptum est : Adolescentes, qui post fidem lavacri salutaris fuerint mœchati, cum duxerint uxores, acta legitima pœnitentia, placuit ad communionem eos admitti.

Item (g) in eodem Concilio Cap. XLVII. ; de eo, qui uxorem habens, sæpius mœchatur scriptum est : Si quis [h] fidelis habens uxorem, non semel, sed sæpe, fuerit mœchatus, in fine mortis

(q) XVIII. C. M. & Tom. I. pag. 148.

(r) Pœnit. Rhab. ibid.

(u) Pœnit. Rhab. ibid.

(y) Pœnit. Rhab. C. 3.

(a) Regino Lib. 2. C. 101.

(c) Eliberitana C. M.

(e) Pœnit. Rhab. C. 4.

[g] Pœnit. Rhab. ibid.

(r) Regino Lib. 2. C. 99.

(t) Regino Lib. 2. Cap. 104. & Tom. I. pag. 224.

(x) Regino Lib. 2. C. 139.

[z] XVIII. C. M.

(b) Pœnit. Rhab. C. 3.

(d) Regino Lib. 2. C. 103.

(f) Pœnit. Rhab. ibid.

(h) Regino Lib. 2. C. 137.



tis est conveniendus. Quod si se promiserit cessaturum, deur ei communio. Si resuscitatus, rursus mœchatur, placuit ulterius non ludere eum de communione pacis.

*De Virginibus sacratis, five secularibus, si mœchaverint.*

## CAP. XXIII.

Item (i) in Concilio eodem Cap. XIII. de Virginibus sacratis scriptum est, si mœchaverint: Virgines, quæ se Deo dicaverint, sic pactum perdiderunt Virginitatis, atque eidem libidini infervierint, non intelligentes, quid amiserint, placuit nec in fine eis dandam esse communionem. Quod si semel persuasæ, ad infirmi corporis vitia lapsæ, tempore vitæ suæ huiusmodi feminae egerint pœnitentiam, ut abstineant se à coitu, placuit eas in finem communionem accipere debere.

Item (k) in eodem de Virginibus secularibus si mœchatae fuerint: Virgines (l) quæ virginitatem suam non custodierint, si eosdem, qui eas violaverint, duxerint & tenuerint maritos, eo quod solas nuptias violaverunt, post annum sine pœnitentia reconciliari debent. Vel si alios cognoverint viros, eo quod mœchatae sint, placuit post quinquennii tempora, acta legitima pœnitentia admitti eas ad communionem.

Item [m] in Concilio Ancyran Cap. IX, de his, quæ Virginitatem professæ sunt, & de his, quæ sub fororis habitu cum aliquibus commorantur scriptum est: Quotquot (n) Virginitatem promittentes, irritam faciunt sponsonem, inter bigamos computentur. Virgines autem, quæ tanquam sorores cum viris habitare volunt, ab eorum consortio prohibemus.

*De his, qui se sacris Virginibus sociant, & de Virginibus non velatis si mœchaverint.*

## CAP. XXIV.

In (o) Decretis Gelasii Papæ Cap.

XX. de his, qui se sacris Virginibus sociant scriptum est [p] Virginibus sacris temere se quosdam sociare cognovimus, & post dicatum Deo propositum incesta fœdera sacrilegaque miscere: quos protinus æquum est à sacra Communione detrudi. Et nisi per publicam probatamque pœnitentiam, omnino non recipi. At his viaticum certe de seculo transeuntibus, si tamen pœnituerint, non negetur.

Item (q) in Decretis Innocentii Papæ Cap. XX. de Virginibus non velatis, si deviauerint, scriptum est: Hævero, quæ necdum sacro velamine tectæ tamen in proposito Virginali semper se simulaverunt permanisse, licet velatæ non sint, si forte nupserint, his agenda aliquanto tempore pœnitentia est: quia sponsio earum à Domino tenebatur. nam si apud homines solet bonæ fidei contractus nulla ratione dissolvi, quanto magis ista pollicitatio, quam cum Deo pepigit, quomodo solvi sine vindicta poterit. Nam si Apostolus illas, quæ à proposito viduitatis discesserunt, dixerit habere damnationem, quia primam fidem irritam fecerunt, quanto potius Virgines, quæ prioris promissionis fidem frangere sunt conatæ?

*De his, quæ inter se fornicantur; & de his, quæ semen Virorum suorum, pro libidine, cibo vel potui miscent.*

## CAP. XXV.

De (r) feminis, quæ inter se fornicantur in Ancyran Concilio scriptum est: si mulier (s) cum muliere fornicata fuerit, annos tres pœniteat. Item: si mulier more fornicationis ad alteram conjuaxerit, tres annos sicut Fornicator pœniteat. Sic & illa, quæ semen Viri sui, in cibo miscens, ut inde plus ejus amorem accipiat, pœniteat. Mulier sola, si cum se ipsa coitum habeat, tres annos pœniteat.

De

(i) Pœnit. Rhab. C. 4.

(l) Regino Lib. 2. C. 151.

(n) Concil. Ancy. C. 18.

(p) & fœdera incerta commiscant, quod communicare non possint, nisi forte publicam pœnitentiam gesserint, dictum est. addit C. M.

(q) Pœnit. Rhab. ibid.

(r) Ivo parte 9. C. 87.

(k) Pœnit. Rhab. ibid.

(m) Pœnit. Rhab. ibid. Tom. I. p. 148. C. XVIII. mih.

(o) Pœnit. Rhab. C. 3.

(r) Regino Lib. 2. C. 363.

*De his, qui se Gentibus vel Judeis junxerunt.*

## CAP. XXVI.

Item de his, quæ se gentibus vel judæis junxerunt in Concilio Arelatenſi scriptum est: Puellæ fideles, quæ gentilibus junguntur, placuit, ut aliquanto tempore à communione ſeparentur.

Item in Concilio Elibertino Cap. LXXVIII. de fidelibus conjugatis, ſi cum judæa vel gentili mœchaverint, ſcriptum: Si quis (†) fidelis habens uxorem cum judæa vel gentili fuerit mœchatus, à communione arceatur. Quod ſi alius eum ſeduxerit, poſt quinquennium, acta legitima pœnitentia, poteſt Dominicæ communioni ſociari.

*De his, qui cum Judeis veſcuntur.*

## CAP. XXVII.

Item (u) in Concilio Elibertino de Chriſtianis, qui cum judæis veſcuntur ſcriptum eſt: Si vero quis Clericus vel fidelis cum judæis cibum ſumpſerit, placuit eum à communione abſtineri, ut debeat emundari.

Item (x) In Concilio Toletano Cap. XIV. ſcriptum de judæis: Suggerente Concilio id Glorioſiſſimus Dominus noſter Canonibus inferi præcepit, ut judæis non liceat Chriſtianas habere uxores vel concubinas, neque mancipium Chriſtianum in uſus proprios comparare; ſed filios, qui ex tali conjugio nati ſunt, aſſumendos eſſe ad baptiſmum.

Nulla officia publica eos opus eſt agere, per quæ eis occaſio præbeatur pœnam Chriſtianis inferre. Si qui vero Chriſtiani ab eis judæiſmi ritu maculati ſunt, vel etiam circumciſi, non reddito pretio, ad libertatem & religionem redeant Chriſtianam.

*De his, qui uxorem ſimul & concubinam habent.*

## CAP. XXVIII.

Item (y) de his, qui uxorem habent, ſi concubinam habuerint, in Concilio Toletano Cap. XVII. ſcriptum eſt:

D d

Si quis habens uxorem fidelis, ſi concubinam habeat, non communicet. Cæterum is, qui non habet uxorem, & pro uxore concubinam habet, à communione non repellatur. Tantum ut unius mulieris, aut uxoris, aut concubinæ, ut ei placuerit, ſit conjunctione contentus. Aliàs vero vivens abjiciatur, donec definat, & ad pœnitentiam revertatur.

*De Conjugatis, qui nubere non poſſunt.*

## CAP. XXIX.

Quod (z) autem interrogaſti de his, qui matrimonio conjuncti ſunt, & nubere non poſſunt, ſi ille aliam vel illa alium ducere poſſit, non cum auctoritate, ſed de quorundam ſtatutis reſpondemus, in quibus ſcriptum eſt: Vir & mulier, ſi ſe junxerint matrimonio, & poſtea dixerit mulier de viro, quod non poſſit ei nubere, ſi poteſt probare per juſtum judicium, quod verum ſit, accipiat alium.

*De his, quæ menſtruum ſanguinem aliis in cibo vel potu dant. Et de his, qui magicam artem, divinationem, & auguria obſervant.*

## CAP. XXX.

De his (a) etiam, ſuper quibus interrogaſti, id eſt, de (b) illa ſcæmina, quæ menſtruum ſanguinem ſuum miſcuit cibo vel potui, & dedit viro ſuo, ut comederet, & de illa, quæ ſemen viri ſui in potu bibit, & de ea, quæ teſtam hominis combuſſit igni, & viro ſuo dedit pro infirmitate vitanda, quali pœnitentia ſint pleſtendæ; ut nobis videtur, tali ſententia feriendi ſunt, ſicut magi & arioli, qui magicam artem exercuiſſe noſcuntur. Nam (c) de his, qui magicam artem exercent, & auguria attendunt, & divinationes obſervant, Theodori Archi-Epiſcopi gentis Anglorum conſtitutiones habemus, in quibus ſcriptum eſt: qui immolat dæmoniis in minimis, unum annum pœniteat. Mulier, ſi qua ponit filiam ſuam ſupra teſtum vel in fornacem pro ſanitate febris, ſeptem annos pœniteat. Qui ardere facit grana, ubi mortuus

(†) Regino Lib. 2. C. 141.

(x) Pœnit. Rhab. ibid.

(z) Regino Lib. 2. C. 242.

(b) Burchard. Lib. 19. C. 152.

(u) Pœnit. Rhab. C. 26.

(y) Pœnit. Rhab. C. 10.

(a) Regino Lib. 2. C. 362.

(c) Regino Lib. 2. C. 360. 361.



tuus est homo, pro sanitate viventium & domus, quinque annos pœniteat. Si (d) mulier incantationes vel divinationes fecerit, unum annum vel tres quadragesimas, vel quadraginta dies, juxta qualitatem culpæ pœniteat.

De hoc in Concilio Ancyrano Cap. XXII. dicitur: Qui auguria, auspicia, five somnia, vel divinationes quaslibet secundum mores gentium observant, aut in domos suas hujusmodi homines inducunt in exquirendis aliqua arte maleficia, aut ut domos suas lustrent; hi si de clero sunt, abjiciantur; si vero sæculares, quinquennio pœniteant. Qui cibum immolatum comederit, & deinde confessus fuerit, sacerdos considerare debet personam, in qua ætate, vel quomodo edoctus, aut qualiter contigerit. Et ita autoritas sacerdotalis circa infirmum moderetur, & hoc in omni pœnitentia semper, & confessione omnino, in quantum Deus adjuvare dignetur, cum omni diligentia conservetur.

*De fortilegis & auguribus.*

#### CAP. XXXI.

Item (e) in Concilio Agathensi de fortilegis vel augurium servantibus scriptum est: Ne de eo fortasse videatur omisum, quod maxime fidem Catholicæ Religionis infestat, qua Sanctorum sortes divinationis scientiam profitentur, aut quarumcumque Scripturarum inspectione futura promittunt. Hoc quicumque clericus vel laicus detectus fuerit vel consulere vel docere, ab Ecclesia habeatur extraneus.

*De his, qui fornicantur irrationabiliter.*

#### CAP. XXXII.

Item (f) in Concilio Ancyrano Cap. XV. scriptum est de his, qui irrationabiliter, id est, cum (g) pecoribus & masculis fornicantur: De illis, qui irrationabiliter versati sunt sive versantur, quotquot ante vigesimum ætatis annum

tale crimen commiserint, (h) XVI. annos æta pœnitentia, communionem mereantur orationum. Deinde quinquennio in hac communione durantes, tunc demum oblationis Sacramenta contingant. Discutiat autem vita eorum, quales tempore pœnitentis extiterint, & ita misericordiam consequantur. Quod si inexplēbiter his hæere criminibus, ad agendam pœnitentiam prolixius tempus infumant. Quotquot autem post viginti annos ætatis, uxores habentes, in hoc peccato prolapsi sunt, viginti quinque annos pœnitentiam agentes, ad orationis communionem recipiantur: In qua quinquennio durantes tunc demum oblationis Sacramenta percipiant. Quod si & uxores habentes, & transcendentes quinquagesimum ætatis annum ita deliquerint, ad exitum vitæ communionis gratiam consequantur.

Item (i) in eodem Concilio Cap. XVI. eos qui irrationabiliter vixerint, & leprainjusti criminis alios polluerint, præcepit Sancta Synodus inter eos orare, qui spiritu periclitantur immundo.

*De Eucharistia.*

#### CAP. XXXIII.

Quod (k) autem interrogatis, utrum Eucharistia, postquam consumitur, & in secessum emittitur more aliorum ciborum, iterum redeat in naturam pristinam, quam habuerat, antequam in altari consecraretur, superflua est hujusmodi quæstio, cum ipse Salvator dixerit in Evangelio: *Omne, quod intrat in os, in ventrem vadit, & in secessum emittitur.* Sacramentum corporis & sanguinis id est, ex rebus visibilibus & corporalibus conficitur, sed invisibilem tam corporis, quam animæ efficit sanctificationem. Quæ est enim ratio, ut hoc, quod stomacho digeritur, & in secessum emittitur, iterum in statum pristinum redeat, cum nullus hoc unquam fieri asseruerit. (l) Nam quidam nuper de ipso Sacramento

(d) Reg. Lib. 2. C. 357. & Tom. I. nostr. p. 149.

(f) Pœnit. Rhab. C. 6.

(h) XV. annos C. Metrop.

(k) Ista sententia contraria est sententiæ Clementis Papæ, & aliorum multorum Sanctorum Patrum, qui dicunt Corpus Domini non cum cæteris communibus cibis per aqualiculos in secessum mitti.

(l) Sæculo nono & decimo agitata fuit quæstio, quid fieret speciebus panis & vini sumptis cum corpore & sanguine Christi? utrum in stomacho divina virtute vel annihilentur vel auferantur alio, vel convertantur in sanguinem & carnem nostram, vel denique an excernerentur more aliorum ciborum. Qui hoc postremum asserabant,

(e) Pœnit. Rhab. C. 23.

(g) Reg. Lib. 2. C. 255. & Tom. I. nostr. p. 148.

(i) Pœnit. Rhab. ibid. Regino ibid. C. 256.

mento corporis & sanguinis Domini non rite sentientes dixerunt hoc ipsum corpus & sanguinem Domini, quod de Maria virgine natum est, & in quo ipse Dominus passus est in cruce; & resurrexit de sepulchro [idem est, quod sumitur de altari] cui errori, quantum potuimus, ad Egilum Abbatem scribentes, de corpore ipso, quid verè credendum sit aperuimus. Dicit enim de corpore & sanguine suo Dominus in Evangelio: *Ego sum Panis vivus, qui de cælo descendi. Si quis manducaverit ex hoc pane, vivet in æternum. Caro enim mea verè est cibus, & sanguis meus verè est potus. Qui manducat meam carnem & bibit meum sanguinem, habet vitam æternam.* Hanc ergo vitam non habet, qui illum panem non manducat, nec istum sanguinem bibit. Nam illam temporalem vitam sine illo homines utique in hoc sæculo habere possunt, qui non sunt per fidem in corpore ejus, æternam verò nunquam, quæ Sanctis promittitur. Ne autem putarent sic in isto cibo & potu, quem carnaliter sumunt, & spiritaliter non intelligunt, in fide promitti vitam æternam, ut qui (m) eam fumerent, nec anima nec corpore morentur, huic cogitationi dignatus est occurrere. Nam cum dixisset: *Qui manducat carnem meam, & bibit meum sanguinem, habet vitam æternam,* continuo subjecit & dixit: *Ego resuscitabo eum in novissimo die,* ut habeat interim secundum spiritum vitam æternam. In novissimo ergo die, quando anima incorruptum corpus suscipiet, tunc anima & corpus cujuscunque Sancti in unum sociata habebunt vitam æternam, quia adunantur simul caput & membra. Et sic totum corpus Christi gaudebit in perpetuum. Caro enim mea verè est cibus, & sanguis meus verè est potus. Cum enim cibo & potu id appetebant homines, ut non esuriant,

D d 2

neque sitiant, hoc veraciter non præstat, nisi iste cibus & potus, qui eos, à quibus sumitur immortales & incorruptibiles facit, id est, societas ipsa Sanctorum, ubi pax erit & unitas plena atque perfecta.

De restitutione Ebonis Episcopi.

## CAP. XXXIV.

(n) De Ebonis autem Remensis Episcopi depositione atque restitutione, non necesse esse æstimo tuæ interrogationi respondere. Videant illi, qui hoc egerunt, utrum justè an injustè hoc fecerint. Ego dum in Episcopatu Moguntienſi Ecclesiæ indignus constitutus sum, (o) inveni eum in Hiltineshaim in Saxonia Episcopalem sedem habere. Nec eum prohibui præſulis officium gerere, quia audivi ab Apostolica Sede in locum suum restitutum esse. Sicque ad finem vitæ in suo officio remansit. Rogantibus autem quibusdam fratribus, Hincmaro Episcopo nuper pro hoc ipso Epistolam direxi, quia audivi eum illos, quos Ebo post restaurationem suam consecravit, à sacerdotali (p) atque clericali officio removisse. Postquam autem mihi inde responsum opportunum redditum fuerit, tibi intimare curabo.

## EPILOGUS.

Hæc igitur tibi, Sancte Frater, juxta postulationem tuam ad interrogata, quantum ægritudo infirmi corporis mei sinebat, & commoditas temporis permisit, juxta sanctorum canonum instituta, & Sanctorum Patrum sententias respondere curavi. Tu autem, qui sospes es, & multorum librorum copiam acquirere & legere vales, si quid melius & congruentius invenire poteris, meæ parvitati in Epistolari scriptura intimare non grave-

(quos inter Herigerus Abbas Rhabanum hic numerat) vocantur ab Erigero, Algero & Guimundo *Stercoranisæ*; sed Rhabanum nunquam de carne & sanguine Christi sed de solis speciebus vel symbolis id opinatum fuisse ostendit *Mabillonius in Præfatione Partis II. Seculi IV. Benedictini*. Sana igitur Rhabani doctrina est.

(m) eum.

(n) Ebbonem Remensem suo & Theodonis Villani Concilio ab Episcopatu remotum fuisse anno 835. Post mortem Ludovici Pii à Hlothario, non ab Apostolica sede restitutum per annum Remensem Ecclesiam administrasse: circa annum 846. Hildesheimensem Episcopum beneficio Ludovici Germanici nominatum fuisse, ac demum circa 851. mortuum variis in locis adnotasse me memini.

(o) Scripsit ergo hunc libellum post 847. cujus anni VI. Kal. Julii Archi-Episcopus Moguntia ordinatus fuit.

(p) In Concilio Sueffionensi anno 853.

Tomus II. Concil. German.



graveris: (g) sciasque, quod quantum possum & sapio, devotus tibi per omnia permanere curabo. Hoc, quod ante omnia peto, ut mei peccatoris per te metipsum, tuosque confratres & domesticos in sacris orationibus memor esse digneris: illud deprecans, ut omnipo-

tentis Dei clementia in hac vita in fide recta & bona spe atque plena dilectione me servare dignetur, & post hujus vitæ terminum remissis omnibus peccatis ad æternam beatitudinem sua gratia me pervenire concedat.

*Ex editione Baluzii Parisiis 1671.*

(g) *Hoc additamentum habet solus codex Metropoliticus Colonienfis N. CXVIII, non Baluzius. Collata est hæc editio Baluzii cum codice MS. Metropolitane Ecclesiæ Colonienfis, sed Baluzii Codex MS. plenior est, quam noster Metropoliticus.*

## RHABANI ABBATIS FULDENSIS EPISTOLA, AD REGIMBOLDUM EPISCOPUM MOGUNTINUM, RESPONSORIA AD QUÆSTIONES PROPOSITAS AB EODEM.

*Reverentissimo, atque in Divino cultu Religiosissimo Christi Sacerdoti  
Regimboldo, Hrabanus in Domino Salutem.*

**N**uper ad nos quidam frater venit de monasterio, quod dicitur *Hervolfesfeld* (a) vicino nobis, portans in pectore quædam quæstiunculas conscriptas, petensque ex tuo nomine, quatenus eas nostris responsionibus solveremus. Cujus petitioni libenter aurem accommodavimus, & quantum potuimus, ex partem sententiis easolvere coepimus.

I. Primum ergo ibi quæsitum est, quale iudicium ille sustinere debeat, qui flagellando uxorem suam, duos filios suos in partu occidit, ita, ut ad baptismi gratiam pervenire non potuerint, tertium vero filium ita debilitavit, ut post partum mox baptizatus vitam finierit. Ubi liquido patet quod propter immoderatam correptionem in crimen cecidit parricidii. Quid autem de homicidio Sacri Canonès sanciant, tibi non ignotum est, cum in Ancyrano Concilio (b) ita scriptum est: Qui voluntarie homicidium fecerit, poenitentia quidem jugiter se submittant, perfectionem vero circa vitæ exitum consequantur. De homicidiis (c) non sponte commissis prior quidem definitio post septennem poeni-

tentiam perfectionem consequi præcepit, secunda vero quinquennii tempus exple-re. Ubi etiam consideranda est infirmitas personæ poenitentis & modus poenitentia. Qui fervide poenitentiam de peccatis suis gerit, citius indulgentiam per Domini misericordiam obtinebit.

II. Secunda quæstio est de eo, quem canis furens in pede laceravit morsu, ob cuius remedium quidam ei nescienti dederunt jecur ejusdem canis ad manducandum, quasi sanus inde fieri posset. Ubi humanus error delicti noxam peperit in his, qui volentes sanum mederi, vim medicinae nescierunt. Sunt ergo hujusmodi ab hoc errore corrigendi, ne ultra tale facinus perpetrent, & pro facto, quod commiserunt, aliqua disciplina vel jejuniis corripiendi, ut ceteri metum habentes tale scelus post hæc committere non præsumant.

III. Tertia quæstio de eo fuit, qui cani feminae irrationabiliter se miscuit; & quarta de illo, qui cum vaccis sapius fornicatus est. Quid de hujusmodi hominibus judicandum sit, & de hujusmodi animantibus & partu earum facien-

(a) Brun, Abbas Hersfeldensis, obiit anno 846, qui fundamenta Ecclesiæ S. Wigberti anno 831. jecerat. Brunoni Brunwart successit. Hic Concilio Wormariensi anni 868. interfuit & subscripsit. Sub uno ex his Abbatibus Rhabanus consultus fuit.

(b) *Tomo I. Cap. XXI. pag. 148.*

(c) *Ibidem Canone XXII.*

dum? Ubi dementia humanæ mentis & miseria patet maxima; eoque detestabilius est illud factum, quo scelus in eo apparet maximum, eum animal rationale contra naturam irrationabili per libidinem se commiscet animanti. In lege ergo Dominus tale crimen iudicio mortis puniendum esse decrevit, ita dicens: *Qui (d) cum jumento & pecore coierit, morte morietur. Pecus quoque occidite. Mulier, quæ succubuerit cuilibet jumento, simul interficiatur cum eo. Sanguis eorum sit super eos.* Sed si aliquis quærendum putat, quomodo sit reum pecus, cum sit irrationale, nec ullo modo legis capax, intelligat, inde pecora iussu interfici, quia tali flagitio contaminata indignam replicant facti memoriam, neque humano usui sunt digna, ubi abominatio claret maxima. Sacri autem Canones de eis, qui fornicantur irrationabiliter, id est, commiscantur pecoribus, aut cum masculis polluuntur, ita (e) præcipiunt "ut quotquot ante vicefimum annum tale crimen commiserint, quindecim annis exactis in pœnitentia communionem mereantur orationum; deinde quinquennio in hac communionem perdurantes, tunc demum oblationis Sacramenta contingant. Discutiatur autem & vita eorum, qualis tempore pœnitentis extiterit. Et ita misericordiam consequantur. Quod si inexplēbilitè hæserit criminibus, ad agenda pœnitentiam prolixius tempus infumant. Quotquot autem peracta XX. annorum ætate, aut uxores habentes, hoc peccato prolapsi sunt XXV. annis pœnitentiam gerentes, in communionem suscipiantur orationum; in qua quinquennio perdurantes, tunc demum oblationis Sacramenta suscipiant. Quod si qui & uxores habentes, & transcendentis quinquagesimum annum ætatis ita deliquerint; ad exitum vitæ communionis gratiam consequantur.

*Ex veteri codice Oratorii Trecentis editit Stephanus Baluzius, in appendice ad Tomum II. Capitularium Regum Francorum pag. 1378. 1379.*

D d 3

INCI-

IV. De vitulis quoque, qui à vacis illis pollucis nati sunt, nescio, quid obfit, ne eorum usus hominibus deferriat. Sed si scrupulum est alicui, utrum eorum lac aut carnes comedi possint, & propter pollutionem matris eorum scandalum aliquod oriat, simul cum matre occidantur, vel paganis vendantur, ne turpitudinis priscæ memoria scandalum fiat. Dicit enim Apostolus: (f) *Si esca scandalizat fratrem meum, non manducabo in æternum. Si enim propter cibum frater tuus contristatur, jam non secundum caritatem ambulas. Noli cibo tuo illum perdere, pro quo Christus mortuus est. Noli propter escam destruere opus Dei. Omnia munda sicut. Sed malum est homini, qui per offensionem manducat.*

V. Quod autem quinto interrogasti de illo, qui avunculum suum nolens sive volens interficit: quid pati debeat, jam superius de homicidio satis dictum est juxta id, quod Sacri Canones continent. Sed manifestum est, quod parricidii crimen majori subicitur vindictæ. Unde sancti Patres sanxerunt, quod parricidæ deponentes militiæ cingulum, omni tempore vitæ suæ in pœnitentia persistant, sive in monasterio Deo serviant.

Hæc ergo omnia secundum id, quod in Scripturis Sacris, vel in Canonibus patrum expressum invenimus, conscripsimus. Tu autem, sanctissime, (b) secundum id, quod videas unicuique expedire, ita temperes iudicium, discretionem in omnibus servans, quia discretio mater est omnium virtutum. Dedit enim tibi Dominus in omnibus intellectum, qui bene certanti, & gregem suum diligenter custodienti æternum cum sanctis pastoribus in cæli regno daturus est præmium.

(d) Levitici CXX, 15, 16.

(e) Conc. Ancyran. Cap. XV. Tom. I. p. 148.

(f) I. Corinth. VIII, 13.

(g) Roman. XIV, 15, 20.

(b) Reginboldus erat duntaxat Chorepiscopus Moguntæ sub Otgaro Archiep. Moguntin.



# INCIPIT EPISTOLA CANONICA RHABANI ARCHI-EPISCOPI

A D

REGINBALDUM EPISCOPUM.

*Reverentissimo atque amantissimo fratri Reginbaldo Chorepiscopo,  
Hrabanus exiguus servorum Dei servus in Domino salutem.*

**P**ostquam Sanctitas tua nostræ par-  
vitati representari voluit, tui desi-  
derium iterum videndi valide nobis in-  
gressit, ita ut cogitantes gravitatem mor-  
um, honestatem locutionis, humilitatem  
habitus, hilaritatemque vultus, quam  
dilectio tua nobis exhibuit, præsentia tua  
non vellemus carere, si quomodo eam  
possimus continuam habere. Sed quia  
veræ charitatis est ratio, ut quod corpo-  
raliter secum habere non potest, spiri-  
tualiter nunquam habere cesset: licet  
corpore absens sis, spiritu tamen præsens  
esse nobiscum consistis: quod eo usque  
fiet, donec per Dei gratiam eruti à corpo-  
re præsentem erimus apud Dominum.  
Hoc tamen adipisci nos posse magis Di-  
vini est muneris, quam humanæ facul-  
tatis. Sed spe jam salvi facti sumus. Qui  
autem in Domino sperat, beatus est.  
De cætero quoque, quia Veneratio tua  
quædam Capitula mihi in cartula tunc  
ostendit scripta, in quibus flagitabas me  
tibi respondere de his, quæ ibidem con-  
tinebantur;

Relegi quantum licebat volumina  
Divinorum testamentorum atque San-  
ctorum Patrum sententias, & quantum  
tempus permittebat, ea, quæ ad hoc re-  
spondendum necessaria erant, in unum  
collegebam. Hludovici Regis adventus,  
quod te scire non ambigo, nobis immi-  
nens urgebat, ut ad ejus susceptionem  
occupati essemus, nec jam licuit securæ  
lectioni insistere, quando ipse animus  
sentiebat se in multas partes divisum esse.  
Sed quia tui amoris fervor inest, tibi par-  
cere (a) cogebar in mundanis sollicitu-  
dinibus temperatio, quantum fragilitas  
humanæ mentis sinebat, potissimum tuæ  
decrevimus consentire voluntati. Quo-  
rum Capitulorum hæc fuit series.

PRIMO interrogabas, quid de eo  
faciendum esset, qui hominem Christia-

num sollicitando furatus fuerit, & ad  
paganam gentem tradendo vendiderit?  
à quibus ultra ille venditus se eruere non  
possit.

Ad quod tunc respondi, homicidii  
reatum ipsum hominem sibi contrahere  
mihi videri. Quod & postea legens Di-  
vinam Sanctionem in Deuteronomio ita  
probavisse reperi, cum homicidæ & furi  
hominem vendenti parem vindictæ mo-  
dum imposuisset. Nam sicut ibi legitur:  
Animam pro anima homicidam reddere  
oculum pro oculo, dentem pro dente,  
manum pro manu, pedem pro pede.  
Sic & ipsum hominem, qui deprehen-  
sus fuerit sollicitasse fratrem suum de filiis  
Israël, & vendidisse accipiendo pretium,  
jubeat interficere, & ita auferre malum  
de medio populi sui. Unde mihi vide-  
tur, sicut par sententia in lege Divina est  
constituta de homicida & fure hominem  
vendente: sic & canonica auctoritate  
pari modo plectendum esse, qui fratrem  
suum furando atque sollicitando vendi-  
derit, & illum, qui proximum suum  
hoc est Christianum hominem injustè  
peremerit: & eo gravius, quo eum in  
paganas gentes tradiderit, nec de animæ  
sue ruina ullam compassionem habuerit.  
In Concilio ergo Ancyrano ita scriptum  
est. "Qui voluntarie homicidium fecerit,  
pœnitentiæ jugiter se submittant, perfe-  
ctionem vero circa vitæ exitum conse-  
quantur. De homicidiis non sponte  
commisissis, prior quidem definitio post  
septem annorum pœnitentiam perfectio-  
nem consequi præcepit: secunda vero  
quinquennii tempus explere." Sed in  
omnibus judiciis temperanda est senten-  
tia juxta intentionem & studium pœni-  
tentis. Si quis enim veraciter pœniten-  
tiam egerit cum lacrimis, jejunia & ora-  
tiones solvens & eleemosynas largiter  
expendens, hujus itaque habet sacerdos  
pote-

[a] forte parere.

potestatem mitigare iudicium. Qui autem mentis est durā, & negligens est ad agendam penitentiam in hoc omnino decretum est tempus servandum.

SECUNDO. De infantibus, qui mortui inveniuntur cum patre & matre, & non apparet, utrum ab eis oppressus sit ipse infans sive suffocatus? an propria morte defunctus?

Non debent inde securi esse, nec sine penitentia ipsi parentes: sed tamen in eis consideratio debet esse pietatis, ubi non voluntas sed eventus mortis causa fuit. Si autem eos non latet ipsos ejus esse interfectores; scire debent graviter se deliquisse, quod in Ancyrano (b) Concilio hoc modo probatur. "De mulieribus, quæ fornicantur, & partus suos necant, vel quæ agunt secum, ut de utero conceptos excutiant: antiqua quidem definitio usque ad exitum vitæ eas ab Ecclesia removel. Humanus autem nunc definimus, ut eis decem annorum tempus secundum præfixos gradus penitentiae largiamur: sed alii trium annorum penitentiam hujusmodi hominis iudicant esse debere; hoc est, qui infantem suum incaute oppresserit, quorum unum ex eis exigat cum pane tantum & aqua, abstineat se ab omni luxuria tempore penitentiae suæ.

TERTIO. De eo vero, qui viduum proximi sui in conjugem duxit, illud considerandum est, quota generatione connubia ipsa inter propinquos legitime fieri possint? Et sic de utroque sexu iudicium æquum agendum, quia alii tertia vel quarta generatione hoc fieri posse iudicabant, alii quinta, alii sexta. Sed illud præcipue considerandum est, quid lex Divina inde præcipiat. Super quo Capitulo HUMBERTO (c) Episcopo sciscitanti jam respondimus, cujus responsionis formulam ad te jam nunc tibi direximus. Manifestum est enim, quod Sacri Canones ei anathema dicunt, qui de propria cognatione, vel quam cognatus habuit, duxerit uxorem: & ideo tibi summa cautela est habenda: ne forte pro incesti noxa æterna damnatio sequatur.

QUARTO. De eo autem, quod interrogabas, si pater & filius, vel si duo fratres avunculus & neptis (\*) cum una

muliere fornicaverint, quid inde faciendum esset.

Manifestum est, quod gravi vindicta plectendum erit, quod grave facinus esse reperitur. Omnis enim mæcha interdicitur: ubi scriptum est, non mœchaberis: quanto magis cum cognata vel cum conjugē seu concubina cognati. Quid autem Dominus in lege in vindicta talium iusserit, liber Leviticus demonstrat, ubi ita scriptum est. "Si mœchatus fuerit quis cum uxore alterius, & adulterium perpetraverit, cum conjugē proximi sui, morte moriantur, & mœchus, & adultera. Qui dormierit cum noverca sua, & revelaverit ignominiam Patris sui, morte moriantur ambo: sanguis eorum sit super eos. Si quis dormierit cum nuru sua, uterque moriantur, qui scelus operati sunt: sanguis eorum sit super eos; Qui supra uxorem filiae duxerit matrem ejus, scelus operatus est, vivus ardebit cum eis, nec permanebit tantum nefas in medio vestrum. Qui acceperit sororem suam, filiam patris sui, vel filiam matris suæ, & viderit turpitudinem ejus, illaque conspexerit fratris sui ignominiam, nefariam rem operati sunt, occidentur ambo in conspectu populi, eo quod turpitudinem suam mutuo revelaverint & portabunt iniquitatem suam. Turpitudinem materteræ & amicitæ tuæ non discooperies: qui hoc fecerit, ignominiam carnis suæ nudabit, portabunt ambo iniquitatem suam. Qui coierit cum uxore patris vel avunculi sui, & revelavit ignominiam cognationis suæ, portabunt ambo peccatum suum: absque liberis morientur. Qui duxerit uxorem fratris sui, rem facit illicitam: turpitudinem fratris sui revelavit, absque filiis erunt." His enim indiciis patet, quantum Domino displiceat omnis incestus & pollutio coitus illiciti, quia mortis iudicio hujusmodi scelus puniendum esse iudicavit. Nec enim filium cum uxore patris, nec patrem cum uxore filii licet concumbere, quia dormire cum noverca seu cum nuru prohibuit. Sed neque ducere uxorem fratris convenit: quia hujusmodi absque filiis fieri, hoc est, mortis reus esse iudicatur. Si enim Dominus in lege turpitudinem incestus mortis sententia vindicare iussit, quomodo in Evangelio, ubi summa iustitia est,

(b) Tomo I. nostro pag. 148.

(\*) *Lege*: nepos, ita Codex Metropol. MS.

(c) Wurceburgenfi.



est, incestuosus poenam peccati evadet? Maxime cum ibi poena temporalis decernitur, his gehennæ ignis perpetuus prædicatur. Qui discretionem sentiens Apostolus ad Hebræos scribens: "Irritam qui fecerit legem Moyfi, sine ulla miseratione sub duobus vel tribus testibus morietur: quanto magis putatis deteriora mereri supplicia, qui Filium Dei conculcaverit, & sanguinem testamenti pollutum duxerit, in quo sanctificatus est, & spiritui gratiæ contumeliam fecerit." Proinde valde necessarium est, ut duram iudicii sententiam mitigare studeat peccator per condignam poenitentiam, ne forte scelus incorrectum ultio puniatur perpetua. Unde & Joannes Baptistain Evangelio turbas, quæ exhibant, ut baptizarentur ab eo, exhortatus est dicens: *Genimina viperarum, quis ostendit vobis fugere à ventura ira! facite ergo fructus dignos poenitentiae. Jam enim securis ad radices arborum posita est. Omnis ergo arbor non faciens fructum bonum, excidetur, & in ignem mittetur.* Sacri autem Canones, quid de incestuosus præcipiant, facile est agnoscere. Nam in Cæsariense Concilio ita scriptum est: "Mulier (b) si duobus fratribus nupserit, abjiciatur usque ad mortem. Verumtamen in exitu propter misericordiam, si promiserit, quod facta incolumis hujus conjunctionis vincula dissolvat, fructum poenitentiae consequatur." Quod si deserit vir aut mulier in talibus nuptiis, difficilis erit poenitentia in vita permanenti. Unde patet, quod æque malum est, hoc, quod mulier duobus fratribus nupserit, & illud, cum vir duas sorores duxerit. Aut pater & filius cum una muliere fornicati fuerint, aut avunculus aut nepos, si cum una muliere dormierint, aut aliquid hujusmodi factum est, ut taliter peccantes usque ad finem vite poenitentiam agant: nisi forte propter nimium fletum & compunctionem validam, devotamque poenitentiam aliquid humanius Sacerdos apud poenitentem agendum esse decreverit. Quia, cujus Dominus cor in compunctione lacryma-

rum & amaritudine fletuum visitaverit, hujus breviandi tempus poenitentiae potestatem Sacerdos habebit: sicut scriptum est in Laodicensi Concilio. "De his (c) qui diversis facinoribus peccaverint, & perseverantes in oratione confessionis & poenitentiae conversionem habuere perfectam, pro qualitate delicti, talibus post poenitentiae tempus impensum, propter clementiam & bonitatem communio concedatur.

In Ancyrano quoque Concilio de adulterio ita scriptum est. Si cujus (d) uxor adulterata fuerit, vel si ipse adulterium commiserit, septem annorum poenitentia oportet eum perfectionem consequi secundum pristinos gradus.

Igitur Theodorus (e) judicavit eum, qui incestum fecerit, duodecim annos poenitere debere. Quid autem ceteri Doctores inde sentiant, in libellis eorum, quos de poenitentia conscripserunt, inveniri poterit: quam alii XV. annis, alii XII, alii X. alii VII. de hujusmodi sceleribus judicaverunt. Ut poenitudinem expendamus. Sed tu priscorum patrum vestigia sequens illis solis poenitentiae spatium temperes, qui devote & cum lacrimis poenitentiam egerint: ceteri autem definitum tempus expleant: quia in Salomone scriptum est: *Qui (f) abscondit scelera sua, non dirigitur; qui autem conversus fuerit, & reliquerit ea, misericordiam consequetur.* Pius est enim Deus & misericors, & misericordia (g) ejus à progenie in progenies super timentes eum. *Fecit potentiam in brachio suo: dispersit superbos mente cordis sui.* Qui autem mentis est duræ in malum corrumpet: & (h) qui custodit mandatum custodit animam suam. Qui autem negligit vias suas, mortificabitur.

Quinto. De servo autem, qui fugerit Dominum suum: interrogabas, si ille in ipsa fuga mortuus fuerit aut psalmodias. (i) Hoc in divinis prohibitum: sed tamen scimus ab Apostolis fortissime præceptum, ut servi (k) subditi sint in omni timore Domini, non tantum bonis & mode-

(b) Tomo I, nostro pag. 150. Canon. II. Concil. Neocæsariensis.

(c) Tomo nostro pag. 162. Can. II. Laodicensis.

(d) Tomo I, pag. 148. Cap. XIX. Ancyrano.

(e) Archiep. Cantuariæ floruit A. C. 688.

(f) Lucæ I, 50.

(g) Hic est in Cod. Metropolit. MS.

(f) Proverb. XXVIII, 13.

(h) Proverb. XIX, 16.

(k) I. Petri II, 18. Ephes. VI, 5.

*modestis, sed etiam discipulis, & obedientes illis fiant in omnibus.*

In Canone autem Gangrensis (k) Concilii ita scriptum est: " Si quis servum sub prætextu divini cultus doceat Dominum contemnere proprium, ut discedat ab ejus obsequio, ne ei cum benevolentia & omni honore deserviat, anathema sit. " Unde datur intelligi, quod si ille anathema meruit, qui docet servum proprium Dominum contemnere, & ab ejus obsequio recedere, quanto magis, qui Dominum suum spernit, & ejus servitio subdinoletur. Sed tamen distantia est inter eum, qui propter superbiam, & illum, qui propter necessitatem fugit, coactus crudelitate Domini sui. Nam Agar famula Saræ fugam inquit, affligente eam Domina sua: sed Angelo monente, ut reverteretur, & fieret subiecta Dominatrici suæ, reversa est ad Dominam suam. Sic & Honeimus servus Philemonis effugit à Domino suo: sed Paulo Apostolo docente credit Christum & baptizatus est. Sic per patrociniū Apostoli refutatus est proprio Domino; Admonendus est servus quilibet fugitivus per fideles Christi Doctores, ubicunque fuerit inventus, ut revertatur ad Dominum suum, & fiat ei subiectus, ne forte contemnens præceptum Domini perpetuo anathemate percutiat. Attamen si ipsa fuga obierit, orandum est pro eo, ut, si forte aliquo crimine majori implicetur aut per invidiam devolvatur, unde fructuosa pro eo non possit esse oratio; attamen Augustinus ad Laurentium scribens, ita inter alia ait: Cum ergo sacrificia sive altaris sive quarumcunque elemosinarum pro baptizatis defunctis omnibus offeruntur, pro valde bonis gratiarum actiones sunt, pro valde malis propiciationes sunt, pro valde malis etiam, si nulla sunt adjumenta mortuorum, qualescunque tamen vivorum consolationes sunt; quibus autem profunt, aut ad hoc profunt, ut sit plena remissio, aut, certe ut tolerabilior fiat ipsa damnatio.

De illo vero, qui presbyterum se esse finxit, cum non esset ordinatus & baptismi officium exercuit, requirendum est, utrum ipse baptizans baptizatus esset, & utrum in nomine Sanctæ

E e

Trinitatis sub trina merfione baptizaverit; quod si ita erat; non est iterum baptizandus, sed per inpositionem manus Episcopalis unctione sacri Chrismatis id quod factum est, confirmandum, quia quod semel in Sacramento baptismatis est confectum, non licet iterari. Quum unus est Dominus, una fides, unum baptisma. Attamen ille qui præsumptiose agit & non pro necessitate, aliqua Canonica disciplina est coercendus. Igitur, ut beatus Ambrosius testatur, postquam omnibus locis Ecclesiæ sunt constituta & officia ordinata, aliter composita res est, quam ceperat. Primum enim omnes baptizabant, quibuscunque diebus aut temporibus fuisset occasio. Nec enim Philippus tempus quæsit aut diem, quo Enochum baptizaret, neque jejunium inter posuit: neque Paulus & Silas tempus distulerunt, quo optionem carceris baptizarent cum omnibus ejus. Neque Petrus clericos habuit, aut diem quæsit, quando Cornelium cum omni domo sua baptizavit: nec ipse, sed jussit fratribus, qui cum illo erant apud Cornelium in Joppe. Adhuc enim præter septem Diaconos nullus fuerat ordinatus. Ut ergo cresceret plebs & multiplicaretur in omnibus, inter initia concessum est, & evangelizare & baptizare & scripturas in Ecclesia explanare. At ubi autem omnia loca circumplexa est Ecclesia, conventicula constituta sunt, & rectores & cetera officia Ecclesiastica ordinata, ut nullus de cætero auderet, qui ordinatus non esset præsumere officium, quod sciret non sibi creditum vel concessum: & cepit alio ordine & providentia gubernari Ecclesia, quia si omnes eadem possent, irrationabile esset, & vulgaris res & vilissima videretur. Hinc ergo est, unde nunc neque Diaconi in populo prædicant, neque ceteri vel Laici baptizant. Neque quocunque die credentes unguntur, nisi ægri: ideo non per omnia conveniunt scripta Apostoli ordinationi, quæ nunc in Ecclesia est. Quia hæc inter ipsa primordia sunt scripta, nam & Timotheum Presbyterum à se creatum Episcopum vocat. Quia primi Presbyteri Episcopi appellabantur, ut recedente eo, sequens ei succederet. Denique apud Egyptum Presbyteri consignant, si præsens non sit Episco-

(k) Tom. I, pag. 153. Cap. III. Gangrenf.

Tomus II. Concil. German.



Episcopus : sed quia ceperunt sequentes Presbyteri indigni inveniri ad primatus tenendos, immutata est ratio prospicientis consilio. Ut non ordo sed meritum crearet Episcopum multorum Sacerdotum iudicio constitutum, non indignus temere usurparet, & esset multis scandalum. Quod autem unum sit Christi baptisma, & licet à diversis ministris ministraretur, non debet iterari vel mutari: Sacrum Evangelium ostendit, ubi verba Johannis Baptiste posita sunt, ita dicentis : "Quia vidi Spiritum descendentem quasi columbam de caelo, & mansit super eum, & ego nesciebam eum. Sed qui misit me baptizare in aqua, ille mihi dixit : super quem videris Spiritum descendentem & manentem super eum, hic est qui baptizat in Spiritu Sancto, & ego vidi & testimonium perhibui, quia hic est Filius Dei." Quam sententiam beatus Augustinus ita exponit: Quid ergo per columbam didicit Johannes, nisi quandam proprietatem in Christo talem futuram. ut quamvis multi ministri baptizaturi essent, sive iusti sive iniusti, non tribueretur sanctitas baptismi, nisi illi, super quem descendit columba, de quo dictum est: hic est qui baptizat in Spiritu Sancto. Petrus baptizat, hic est, qui baptizat, Paulus baptizat, hic est, qui baptizat, Judas baptizat, hic est, qui baptizat. Nam si pro diversitate meritorum baptismum esset; quia diversa sunt merita, diversa essent baptismata: sed unum est baptisma, & solus est Christus, qui per diversos ministros suo baptismate baptizat in remissionem omnium peccatorum. Ideo sacri Canones præcipiunt, ut qui ab hæreticis baptizati sunt, non rebaptizentur, sed per impositionem manus sola Sancti Spiritus invocatione, quem ab hæreticis nemo accepit, à Catholicis Sacerdotibus Ecclesiæ unitatem consequantur.

De illis vero, qui in quadragesima ante Pascha carnem manducant, vel iuramentum in Altare, vel in sanctis reliquis faciunt, manifestum est, quod iniuste agunt, quia divinis mandatis contrarii existunt, unde & per Elaiam Dominus pravorum jejunium reprobans ostendit, quale jejunium elegerit, ita dicens: "Ecce in die jejunii vestri invenietur voluntas vestra, & omnes debitores repetitis. Ecce ad lites & contentiones jejunatis, & percutitis pugno impie. No-

"lite jejunare sic usque ad hanc diem, ut audiat in excelsis clamor vester. Numquid tale est jejunium, quod elegi per diem affligere hominem animam suam? Nunquid contorquere quasi circulum caput suum & sacco & cinere sternere? numquid istud vocavi jejunium & diem acceptabilem Domino? nonne hoc est magis jejunium, quod elegi? dissolve conflagationes impietatis, solve fasciculos deprimentes: Dimitte eos qui contracti sunt liberos, & omne onus dirumpe, frange esurienti panem tuum, & egenos vagosque induc in domum tuam: cum videris nudum, operi eum, & carnem tuam ne despexeris. Tunc erumpet quasi mane lumen tuum, & sanitas tua citius orietur, & anteibit faciem tuam justitia tua, & gloria Domini colliget te: tunc invocabis, & Dominus exaudiet, clamabis, & dicet, ecce adsum, quia misericors sum Dominus Deus tuus." Hinc & in Canone sanctorum Patrum scriptum est; quod non oporteat in quadragesima nuptias aut natalia celebrare, nec jejunium solvere, totamque quadragesimam sine veneratione transire, magisque conveniat omnem quadragesimam districto venerari jejunio: non est enim dignus, ut, qui Ecclesiæ unitatem scindit & sanctorum Patrum traditionem spernit, sine vindicta exeat, sed pro hoc poenas condignas solvat. Sacerdotis autem iudicio temperanda est poena vindictæ secundum modum poenitentis, quia ut supra dictum est: qui veraciter poenitet, & per lacrimarum iudicia cordis sui contritionem manifestat, leviori disciplina tractandus est, quia cor contritum & humilatum Deus non spernit, & in quocunque die peccator perversus poenitentiam egerit, & fecerit iudicium & iustitiam vita vivet, & non morietur. Nec temporis longinquitas sed animi affectus pensandus est, quia suscepit Deus triduanam poenitentiam Ninevitarum, & Petri negationem amarissimis fletibus ablutam Dominus indulgit, cum eum tertia die resurgens inter ceteros discipulos angelica vocatione ad suam præsentiam & reconciliationem venire iussit. Hæc tibi sancte, prout opportunitas temporis se contulit, festinanter dictavi, paratus, si quid deest in responsis, tempore opportuno tibi planius explicare. Tu autem & commendatum tibi regem diligenter instrue, &

& nos orationibus juva, quatenus aliquod tibi dignum scribamus & de tuo bono opere cotidie congratulemur. Dominus omnipotens in hac vita te bonis meritis auge-

at, & in futuro mercede remuneret sempiterna.

Ex Codice MS. Metropolitana Coloniensi N. CXVIII.

\*\*\*\*\*

# RHABANI MAURI

## LIBER

### DE CHOREPISCOPIIS,

#### ET DIGNITATE, ATQUE OFFICIO EORUM.

A D

#### DROGONEM, EPISCOPUM METENSEM.

*Drogoni Summo Pontifici Rhabanus famulus Christi Salutem.*

**P**ostquam per nos transeuntes abistis, cogitavi mecum de hoc, quod mihi præsentialiter retulistis, qualiter quidam ex (a) Occidentalibus Episcopis senserint de Chorepiscoporum ordine, & quod quidam eorum reordinarent illos, qui temporibus Antecessorum suorum ab Chorepiscopis ordinati sunt, Presbyteros, atque Diaconos, nec non & Ecclesias similiter ab illis consecratas, prophanantes omnem sanctificationem pristinam, quasi non legitimam, & quam tamen cum consensu, atque præcepto Episcoporum suorum ipsi Chorepiscopi perpetraverunt. Unde & schismata in Ecclesia oriuntur, cum Rectores populi Dei in doctrina sua ab invicem discrepant; alii dicentes, licet Chorepiscopis cum consensu, atque præcepto Majorum suorum, hoc est, Præsulum Civitatum, sub quibus ipsi degunt, manus baptizatis imponere, ut accipiant Spiritum Sanctum, Presbyterosque, atque Diaconos, nec non & ceteros gradus Ecclesiæ ordinare; alii vero affirmantes, nullo modo eis hoc ministerium competere, sed tantum illis Episcopis, qui urbibus præsunt. Ex quo videlicet excitantur sectæ, invidiæ, iræ, tixæ, æmulationes, dissensiones, contentiones; per quæ multi de populo videntes

magistrorum dissensionem, non modicoriter scandalizantur. Non enim hujusmodi litigatores illam concordiam Apostolicam sequuntur, de qua Philipenses Paulus obsecrat, dicens: Si (b) *qua ergo consolatio in Christo, si quod solatium caritatis, si qua societas spiritus, si qua viscera miserationis, implete gaudium meum, ut idem sapiatis, eandem caritatem habentes, unanimes, id ipsum sentientes, nihil per contentionem, neque per inanem gloriam, sed in humilitate superiores sibi invicem arbitrantur, non, quæ suæ sunt, singuli considerantes, sed ea, quæ aliorum sunt.* Unde & ipse volens juniores suos auditoribus commendare, & non despectos, sed acceptabiles reddere, Corinthios per Epistolam suam admonet, dicens: Rogo (c) *ergo vos, Fratres, imitatores mei estote, sicut & ego Christi. Ideo misi ad vos Timotheum, qui & filius meus carissimus, & fidelis in Domino, qui vos commonefaciat vias meas, quæ sunt in Christo Jesu, sicut ubique, & in omni Ecclesia doceo.* Et rursus: Si (d) *autem, inquit, venerit Timotheus, videte, ut sine timore sit apud vos. Opus enim Domini operatur, sicut & ego. Ne quis ergo illum spernat, deducite illum in pace, ut veniat ad me. Expecto enim illum cum fratribus.* Philippenlibus quoque de eodem Timotheo ita scripsit, dicens:

E e 2

[a] Occidentalium nomine Hrabanus intelligit eos Episcopos, qui inter Rhenum & Alpes, Pyrenæos montes, Oceanum, & mare Mediterraneum constituti erant. Hanc enim Imperii partem, addidit etiam Cataloniâ Franciam Occidentalem tum vocabant. *Baluzii Nota.*

[b] Philipp. II.

[c] I. Corinth. IV.

[d] I. Corinth. VI.

*Tomus II. Concil. German.*



cens: *Neminem (e) enim habes tam unanimem, qui sincerâ affectione pro vobis sollicitus sit. Omnes enim, quæ sua sunt, querunt, non, quæ sunt Jesu Christi. Experimentum autem ejus cognoscite, quoniam sicut Patri filius, mecum servivit in Evangelio.* Nam & præceptum humilitatis ut daret, ab ipsâ veritate sumpsit, quæ in Evangelio Discipulos de primatu contententes instruxit, dicens: *Reges (f) gentium dominantur eorum; & qui potestatem habent super eos, benedicti vocantur. Vos autem non sic. Sed qui major est in vobis, fiat sicut junior, & qui præcessor est, sicut ministrator, & suo exemplo eos confirmans sequitur, dicens: Ego autem in medio vestri sum, sicut qui ministrat. Filius enim (g) hominis non venit ministrari, sed ministrare, & dare animam suam redemptionem pro multis.*

Habebant enim Apostoli ipsi adjuutores in prædicatione Evangelii Christi, qui etiam ordinationes fecerunt ex præceptis eorum. Unde legitur in codice, quem Damasus Papa de Episcopis Romanæ Ecclesiæ petente Hieronymo Presbytero conscripsit, quod Linus, & Petrus ex præcepto Beati Petri ordinationes Presbyterorum fecerint; cum tamen post passionem Petri, non illi, sed Clemens in honorem Cathedræ successerit, ipso eodem tradente Principe Apostolorum, sicut Epistola ejusdem Clementis scripta ex mandato Petri ad Jacobum fratrem Domini testatur. Hinc reor, quod usus Chorepiscoporum primum originem sumpserit, & hæcenus in Ecclesia Catholica retineatur, ut ipsi Chorepiscopi à propriis Episcopis suis ordinati, juxta præceptum eorum Diaconos, & Presbyteros, & cæteros gradus ordinent, atque reliqua officia sacerdotalis officii peragant. Unde miror, quomodo isti, qui hanc contentionem movent, ordinem Chorepiscoporum tantum despiciant, ut pene eis nihil amplius dignitate Presbyterorum tribuant, cum hoc nec novorum, nec antiquorum, nec etiam ipsis Apostolorum dogmatibus, consuetudinibusque conveniat, sed in sensu simul, ac dogmate dissentiat. Claret enim hoc, quod in his non ratio, & humilitas, sed invidia, atque superbia dominantur, ita ut despectis cooperantibus suis, ipsi soli

potentes, ac sanctificatione pollentes videri appetant, & hoc, quod sancti Patres propter concordiam, & unionem singulis dignitatibus conscripserunt, ipsi magis damnationem noxiam, quam discretam dispositionem esse, putent.

Præcipiunt enim sacri Canones, qualiter unusquisque ordo mensuram suam custodiat, à minimo usque ad maximum, & minor gradus majori semper subditus fiat; ita ut Diaconi absque Episcopo vel Presbytero baptizare non præsumant, nisi prædictis fortassis officiis longius constitutis, necessitas extrema compellat, & ut gratiam Sacræ Communionis post Presbyteros accipiant, aut Episcopo, aut Presbytero porrigente; sed nec federe in medio Presbyterorum Diaconis liceat, nec etiam coram Presbytero federe audeant, sed jussione Presbyteri sedeant. Similiter quoque mandant, ut Diaconis honor exhibeatur ab obsequentibus, id est, Subdiaconis, & omnibus Clericis. De Presbyteris vero in decretis Gelasii Papæ, (h) ita scriptum est: "Nec minus etiam Presbyteros contra suum modum tendere prohibemus, nec Episcopali fastigio debita sibi met audacter assumere, nec conficiendi Chrismatis, non consignationis Pontificalis adhibendæ sibi met arripere facultatem; non præsentem quolibet Antifiste, nisi fortasse jubeantur vel orationis, vel actionis sacra suppetere sibi præsumant esse licentiam; neque sub ejus aspectu, nisi jubeantur, aut federe præsumant; aut venerabilia tractare mysteria; nec sibi meminerint, ullâ ratione concedi sine summo Pontifice Subdiaconum, vel Acolythum jus habere faciendi; nec prorsus dubitent, si quicquam ad Episcopale ministerium specialiter pertinens suo motu putaverint exsequendum, continuo se Presbyteri dignitate, & sacrâ communione privari.

De Chorepiscopis autem in *Ancyra- no Concilio (i)* ita scriptum est: "Chorepiscopis non licere Presbyteros, aut Diaconos ordinare, sed nec Presbyteros civitatis sine præcepto Episcopi, vel literis in unaquaque Parochia. Attende, quod non dicit, Chorepiscopis non licere penitus Diaconos, & Presbyteros

[e] Philipp. II.  
[b] Capite sexto.

[f] Lucæ XXII.  
[i] Tomo I. Cap. XII. Conc. Ancyra. pag. 147.

[g] Marth. XX.

teros ordinare, sed non aliter licere, nisi ex præcepto Episcopi sui, vel literis in unaquaque Parochia.

Item in Antiocheno (k) Concilio sic legitur: " Qui in vicis vel possessionibus Chorepiscopi nominantur, quamvis manus impositionem Episcoporum perceperint, & ut Episcopi consecrati sint, tamen Sanctæ Synodo placuit, ut modum proprium recognoscant, & gubernent subjectas sibi Ecclesias, earumque moderamine, curaque contenti sint. Ordinent etiam Lectores, & Subdiaconos, atque Exorcistas. Quibus promotiones istæ sufficiant. Nec Presbyterum vero, nec Diaconum audeant ordinare præter civitatis Episcopum, cui ipse cum possessione est subiectus. "

Cum autem Chorepiscopos manus impositionem Episcoporum percipere dicit, & quod sicut Episcopi consecrati sint, cur cum consensu Episcoporum, quibus subiecti sunt, consecrationes sacrorum ordinum eis facere non licet, & cum Chrismate sacro fideles consignare? Vanum est enim, quemquam consecrationem Episcopalem habere, si ministerium Episcopi ei non licet agere. Ad quid ergo invocatur Spiritus Sanctus ab Episcopo ordinatore, ut sanctificationem personæ ordinandæ tribuat, si ipse invocator, & ordinator post consecrationem, quam rite peregit, mox reprehenderit? Nunquid Deum invidet, cuius donum poscit, cum postea ipsud donum spreverit? Nunquid hæc calumnia, quia Domini sanctificationem includit, ad ipsum autorem sanctificationis pertingit? Planum est ergo, quod in Spiritu Sancto per verbum Dei omnis sanctificatio adimpletur. Et quare non pertimescit blasphemare, & derogare Spiritus Sancti pœnitentiæ, cum scriptum: *Qui (l) dixerit verbum, contra filium hominis, remittetur ei. Qui autem dixerit contra Spiritum Sanctum, non remittetur ei, neque in hoc seculo, neque in futuro.* Unde Petrus Apostolus in actibus Apostolorum, cum Cornelium centurionem, & eos, qui secum erant, videret accepisse gratiam Spiritus Sancti, Judæos contra se altercantes pro eo, quod ad gentes introiret, &

E e 3

manducaret cum illis, tali responso refutat dicens: *Si ergo (m) eandem gratiam dedit illis Deus, sicut & nobis, qui credidimus in Dominum Jesum Christum, ego quis eram, qui possem prohibere Deum? His auditis tacuerunt, & glorificaverunt Deum, dicentes: Ergo gentibus Deus pœnitentiam ad vitam dedit.*

Quem ergo Deus dono Spiritus sui honorat, non est rectum, ut ab hominibus dehonestetur; nec debet quisquam pro calumnia deputare, quod divina dispositione constat ordinatum esse. Quæ enim sunt, à Deo ordinata sunt. Proinde nec inferioribus Episcopis dignitas proprii gradus tollitur, cum Metropolitano totius Provinciæ cura delegatur. Nam sine eo in Provincia Episcopum ordinare, nec generale Concilium convocare, nec quicquam aliud cæteris Episcopis licet in Provincia agere, nisi quantum constat ad singulorum Parochias, & Episcopatus pertinere. Si enim in Episcoporum ordine Chorepiscopos non liceret habere, nullatenus inter trecentos decem, & octo Patres, qui in Nicæno Concilio adfuerunt, adnumerarentur, in quorum catalogo amplius, quam duodecim Chorepiscopi inserti sunt; ubi nullus Presbyterorum, vel Diaconorum in numero præfinito Patrum, sed solummodo Metropolitani & Episcopi, atque Chorepiscopi nominati recensiti inveniuntur.

At quid enim Episcopus cujuslibet civitatis Chorepiscopum sibi vult, ac discernit ordinare, si ipsam ordinationem suam nullam efficaciam arbitratur habere? Dicit enim Apostolus: *Beatus, (n) qui non judicat semetipsum in eo, quod probat. Qui autem discernit, si manducaverit, damnatus est; quia non ex fide. Omne autem, quod non est ex fide, peccatum est.* Hanc quidem sententiam non ad ciborum solummodo qualitatem, & differentiam discernendam, sed ad omnem ambiguitatem, & duplicitem tollendam, prolatam esse intelligimus; *Ut non simus (o) parvuli fluctuantes in omni vento doctrinæ, sed sani, & stabiles in fide, & firmi in Apostolica doctrina.* Vir enim (p) duplex animo inconstans est in omnibus viis suis. Et qui hesitat, similis est fluctui maris, qui à vento movetur, & circumfertur. Non ergo aestimet homo ille, quod

acc-

[k] Tomo I. pag. 158. Cap. X. Can. ant.  
[n] Roman. XIV. [o] Ephes. IV.

[l] Matth. XII.  
[p] Jacobi I.

[m] Act. I.



accipiat aliquid à Domino. Ait enim ipsa veritas in Evangelio: *Amen dico vobis (q) quicquid orantes petitis, credite, quia accipietis, & veniet vobis.* Omnia enim possibilia sunt credenti. Quia fides vera recte credentem salvat, & *iustus (r) in fide sua vivit*, illa videlicet, quæ per dilectionem operatur.

Hoc enim Sanctorum Patrum prudentia posteris suis prævidit, & sacra Canonum auctoritas instituit, ut dissensio, & schismata in Ecclesia Dei non fierent, sed magis unitas, & concordia pacis inibi prævaleret; & ideo cuique ordini iuxta mensuram suam officium delegavit, ut per studium humilitatis, & dilectionis pax Christiana, & concordia in populo Dei perseveraret. De quo & ipsa Veritas, discipulos suos ad imitationem suam provocans, ait: *Tollite (s) jugum meum super vos, & discite à me, quia mitis sum, & humilis corde, & invenietis requiem animabus vestris. Jugum enim meum suave est, & onus meum leve est.* Hoc jugum per caritatem fideles sociat, non per contentionem dissipat; hocque onus non opprimit se portantem per ponderis gravitatem, sed magis sublevat, ac sustentat per solatii consolationem. Nihil ergo juvat reprehensores hos, & vaniloquos Magistros, quod ad defensionem erroris sui illud de actibus Apostolorum sumere nituntur, quod Petrus, & Joannes missi sint ab Apostolis, de Hierosolymis in Samariam, ut imponerent manus illis, qui à Philippo baptizabantur, quatenus acciperent Spiritum Sanctum; quoniam aliter hoc fieri non decebat, quam ut Apostoli implerent, & perficerent ea, quæ à ministro eorum bene cœpta fuerant. Non enim Philippus hic unus de duodecim, sed unus de septem Diaconibus erat, qui ab Apostolis paulo ante ordinati sunt, qui & in catalogo septem Levitarum primus post Stephanum ante alios adnumeratus est. Unde post Stephani necem statim ad Philippi actus explicandos scriptor historiæ videtur transire, ita dicens: *Facta (t) est autem in illa die persecutio magna in Ecclesia, quæ erat Hierosolymis; & omnes dispersi sunt per regiones Judææ & Samariæ, præter Apostolos. Curaverunt autem Stephanum viri timorati, & fecerunt planctum magnum super illum. Saulus vero devastabat Ec-*

*clesiam, per domos intrans; & trahens viros, ac mulieres, tradebat in custodiam. Igitur, qui dispersi erant, pertransibant evangelizantes verbum Dei. Philippus autem descendens in civitatem Samariæ, prædicabat illis Christum. Intendebant autem turbæ bis, quæ à Philippo dicebantur, unanimiter audientes, & videntes signa, quæ faciebat. Multi enim eorum, qui habebant Spiritus immundos, clamantes voce magna, exibant. Multi autem paralytici, & claudi curati sunt. Factum est autem gaudium magnum in illa civitate. Et non multo post: Cum autem, inquit, audissent Apostoli, qui erant Hierosolymis, quia recepit Samaria verbum Dei, miserunt ad eos Petrum, & Joannem. Qui cum venissent, oraverunt pro ipsis, ut acciperent Spiritum Sanctum. Nondum enim in quempiam illorum supervenerat; sed baptizati tantum erant in Nomine JESU. Tunc imponebant manus super illos, & accipiebant Spiritum Sanctum. Idem etiam Philippus baptizavit Eunuchum Candacis Reginæ Æthiopum, sicut consequenter narratur. Et post discessum ejus pertransiens evangelizabat civitatibus cunctis, donec veniret Cæsaream. De quo Lucas alibi mentionem facit, cum transitum Pauli ad Hierusalem enumerasset, ita dicens: *Alia (u) autem die profecti venimus Cæsaream; & intrantes domum Philippi Evangelistæ, qui erat unus de septem, mansimus apud eum. Huic autem erant filiae quatuor prophetantes.**

Unde apparet, quod iste Philippus non fuit Episcopus, neque Chorepiscopus, sed tantum Diaconus, & Evangelista. Si enim Chorepiscopus esset, nequaquam scriptor historiæ hoc tacuisset. Necdum enim Apostoli ab invicem discesserant, ut in singulis provinciis five civitatibus Episcopos, aut Chorepiscopos ordinarerent; sed in Hierosolymis tantum manentes prædicabant verbum Dei, donec Spiritus Sancti dispositione cogente ad prædicandum gentibus per orbem directi sunt; sicque omnis ordo Ecclesiasticus in singulis locis juxta eorum dispensationem distributus, hætenus in Ecclesia Catholica servatur. Et sicut una fides, unum baptisma, una religio à Christianis in toto orbe tenetur, ita unius, ejusdemque Spiritus Sancti distributione pax & concordia in electis Dei ubique firmiter corroboratur, omnis-

(q) Mar. XI.  
(s) Actor. VIII.

(r) Roman. I.  
(u) Actor. XXI.

(t) Marti. XI.

omnisque discordia procul pellitur, quoniam, juxta Apostolum, quicumque Spiritu Dei aguntur, hi filii sunt Dei; qui autem Spiritum Christi non habet, hic non est ejus. Unde idem Doctor gentium nos admonet, dicens: Obsecro itaque (y) vos ego vincit in Domino, ut digne ambuletis vocatione, qua vocati estis, cum omni humilitate, & mansuetudine, cum patientia supportantes invicem in caritate, solliciti servare unitatem Spiritus in vinculo pacis, unum corpus, & unus spiritus, sicut vocati estis in una spe vocationis vestrae.

Convenit autem quibusque fidelibus, & membris Corporis Christi, ut honore se invicem praeveniant; alterutrum se sufferant, ne contra Apostolum efficiantur inanis gloriae cupidi, invicem provocantes, invicem invidentes, sed magis unanimes omnes sint in oratione, compariantes, fraternitatis amatores, misericordes, humiles, & nihil agant per contentionem; quia non est dissensionis Deus, sed pacis. Haec enim tantummodo nobis contendendi regula ex praecepto dominico conceditur, ut contendamus (z) per angustam portam intrare, & arctam viam incedere, quae ducit ad vitam, non latam, & spatiosam, quae ducit ad mortem. Si enim bonae devotionis & mansuetudinis indicia per humilitatis, atque obedientiae praebeamus officia, veri imitatores Dei effecti, Christi Domini sequemur exempla: qui, cum adhuc peccatores essemus, pro impiis servis mortuus est, justus (a) pro injustis, ut nos offerret Deo, mortificatos quidem carne, vivificatos autem Spiritu: Qui destruxit quidem mortem, inluminavit autem vitam, & corruptionem per Evangelium. Excelsus inter Angelos, humilis inter homines, ministrare voluit, non ministrari.

Unde in cena mystica discipulorum pedes lavit, & lineo, quo erat praecinctus, terfit, peccatores in convivium recepit, & cum publicanis, & peccatoribus manducavit; peccatricem mulierem ad se accedere permisit, & lavare lacrymis, ac tergere capillis pedes suos consensit, nihil veritus Phariseorum superstitiosam reprehensionem. Propter quod injustis querimoniis eorum ita respondit, dicens: Dimissa sunt (b) ei pec-

cata multa, quoniam dilexit multum. Et item: Non veni vocare justos, sed peccatores. & alibi: Filius, inquit, hominis venit salvare, quod perierat. Et rursum: Non enim venit filius hominis, ut judicet mundum, sed ut salvetur mundus per ipsum.

At contra, si despectis cæteris fratribus nostris, atque conservis in sublime volumus extolli, ac soli potentes, ac gloriosi cupimus ab hominibus videri, sine dubio illius imitamur jactantiam, qui despectis cæteris sanctis Angelorum turmis ad similitudinem Dei non per humilitatem, sed jactantiam voluit sublimari, cum dixit: Ascendam (d) in caelum super altitudinem nubium & ponam thronum meum ad Aquilonem, & ero similis altissimo: Unde merito de sublimitate angelica projectus in inferni tartarum Draco perhdus traxit secum tertiam partem siderum: ubi & nos, si ejus sequimur vecordiam, propter mentis nostrae superbiam à Sanctorum societate expulsi, poenas gehennae cum illo luemus aeternas.

Quomodo autem tam praelatis, quam etiam subditis agendum sit, Ecclesiae Pastor Petrus in Epistola sua ostendendo commonet dicens: Seniores (e) ergo, qui in vobis sunt, obsecro consenior, & testes Christi passionum; qui & ejus, quae in futuro revelanda est, gloriae communicator, pascite, qui in vobis est, gregem Dei, providentes non coacte, sed spontanee secundum Deum; neque turpis lucris gratia, sed voluntarie, neque ut dominantes in Cleris, sed forma facti gregis ex animo; ut, cum apparuit Princeps Pastorum, percipiat immarcescibilem gloriae coronam. Similiter adolescentes, subditi estote senioribus. Omnes autem invicem humilitatem insinuate, quia Deus superbis resistit, humilibus autem dat gratiam.

Quapropter necessarium mihi (f) videtur, ut omnes humiliemus nos sub potenti manu Dei, quatenus ipse nos exaltet in tempore visitationis, & quisquis in majore dignitate ex electione divina se positum agnoscit, commilitones suos, ac comministros omni honore dignos arbitretur, & ex mutua delectione locum eis praebeat proficiendi, ac bene operandi: quia venient dies, quando non honoris dignitates, sed bonorum operum à nobis requirentur actiones. Filius

(y) Ephes. IV.

(b) Lucae VII. 47.

(d) Isaiae XIV.

(z) Matth. VII. 13.

(e) Matth. IX. XVIII.

(f) I. Petri V. 1.

(a) I. Petri III. 18.

Joannis III.

(f) forte videtur,



"lius enim hominis venturus est in gloria Patris sui cum Angelis suis. Et tunc reddet unicuique secundum opera ejus. "Omnes simul stabimus ante tribunal Christi, ut referat unusquisque propria corporis, prout gessit, sive bonum, sive malum." Qui autem inferioris gradus est, non majora, & quæ ad se non pertinent per elationem appetens tentet; sed contentus sit officio, quod sibi divina ordinatio voluit conferri; & ita rite credendo, & recte docendo, beneque operando, quotidie in Domino proficiat, ut ministerii sui bonum præmium consequatur. Qui enim bene ministraverit, gradum sibi bonum acquirit, unde ipsa veritas ait: *Qui mihi (g) ministrat, me sequatur; & ubi sum ego, illic & erit minister meus. Si quis mihi ministraverit, honorificabit eum Pater meus, qui est in cælis* Et alibi: *Volo: inquit, Pater, ut, ubi sum ego, ibi sit & minister meus.*

Grandis honor est, Christi ministrum esse. Unde & grande præmium bene ministrantem sequitur, ita ut cum Christo, & sanctis Angelis ejus in cælesti beatitudine sine fine lætetur. Atque ideo non convenit servis Christi contendere de sublimitate honoris, sed magis certare de utilitate sanæ prædicationis, & assidue bonæ operationis; ut populus Christi audiat ex ore eorum verbum rectæ fidei, & videat in actibus eorum bonum exemplum per humilitatis indicium; quia juxta veritatis sententiam, *omnis, (h) qui se exaltaverit, humiliabitur, & qui se humiliaverit, exaltabitur.*

Qui enim gradum honoris in Ecclesiâ Christi acceperunt, quomodo vivere, & quid agere debeant, audiant ipsum Dominum ostendentem, atque præcipientem: *Sint, inquit, lumbi (i) vestri præcincti, & lucernæ ardentes in manibus; & vos similes hominibus expectantibus Dominum suum, quando revertatur à nuptiis, ut cum venerit, & pulsaverit, confestim aperiant ei.* Et quale eos præmium taliter facientes in futuro sequatur, mox subjungit dicens: *Beati servi illi, quos, cum venerit Dominus, invenerit vigilantes. Amen dico vobis, quod præcignet se, & faciet illos discumbere, & transiens ministrabit illis.* Et paulo post: *quis putas est, inquit, fidelis dis-*

*pensator, & prudens, quem constituit Dominus super familiam suam, ut det illis in tempore tritici mensuram? Beatus ille servus, quem, cum venerit Dominus suus, invenerit ita facientem. Vere dico vobis, quia super omnia, quæ possidet, constituet illum.* Non enim pigris, & hebetibus doctoribus, & de primatu hujus mundi atque divitiis certantibus tale præmium promittitur, sed bene laborantibus, & digne Deo servantibus. Non est enim æquum, ut conlatio sacri ordinis servis Christi fiat causa elationis, & terrenæ voluptatis; quia nec in ipsius magistri, nec in discipulorum ejus dictis sive exemplis aliquid hujusmodi reperitur.

Quomodo autem de Christi moribus nos instruat Paulus Apostolus, audiamus: *Hoc enim (k) sentite in vobis & quod in Christo Jesu: qui cum in forma Dei esset, non rapinam arbitratus est esse se æquale in Deo; sed semetipsum exavit, formam servi accipiens, in similitudinem hominum factus, & habitu inventus, ut homo. Humiliavit semetipsum, factus obediens Patri usque ad mortem, mortem autem crucis. Propter quod & Deus illum exaltavit, & donavit illi nomen, quod est super omne nomen, ut in nomine Jesu omne genu flectatur cælestium terrestrium, & infernorum, & omnis lingua constitatur, quia Dominus Jesus Christus in gloria est Dei Patris.* Hic ergo discipulis suis præcepit dicens: *Nolite solliciti (l) esse dicentes: quid manducabimus, aut quid bibemus, aut quo operiemur? hæc omnia gentes inquirunt. Scit enim Pater vester, quia his omnibus indigetis. Quærite autem primum regnum Dei, & justitiam ejus, & hæc omnia adjicientur vobis. Qui non (m) renuntiaverit omnibus, quæ possidet, non potest meus esse discipulus. Qui vult venire post me, abneget semetipsum, & tollat crucem suam, & sequatur me. Qui enim (n) voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si universum mundum lucretur, animæ vero suæ detrimentum patiatur? & cetera.*

Hinc & Petrus exhortans fideles in Epistola sua ait: *Succincti (o) lumbos mentis vestræ, sobrii, perfecte sperate in eam, quæ offertur vobis, gratiam in revelatione Jesu Christi, quasi filii obedientiæ, non configu-*

rati

(g) Joannis XII.  
(k) Philipp. II.  
[n] Matth. XVI.

(b) Matth. XXIII.  
(l) Matth. VI.  
[o] I. Petri I.

(z) Lucæ XII.  
(m) Lucæ XIV.

rati prioribus ignorantiae vestrae desideris ; sed secundum eum, qui vocavit vos, sanctum, & ipsi sancti in omni conversatione estote ; quoniam scriptum est : Sancti eritis, quoniam ego sanctus sum. De quo & Joannes ait : Nolite (p) diligere mundum, neque ea, quae in mundo sunt. Siquis diligit mundum ; non est caritas patris in eo ; quoniam omne, quod in mundo est, concupiscentia carnis, & concupiscentia oculorum est, & superbia vitae, quae non est ex patre, sed ex mundo est. Et mundus transiit, & concupiscentia ejus. Qui autem facit voluntatem Domini, manet in aeternum.

Hinc & Paulus ait : Non (q) ergo regnet peccatum in vestro mortali corpore, ad obediendum desideris ejus ; sed neque exhibeatis membra vestra arma iniquitatis peccato, sed exhibete vos Deo tanquam ex mortuis viventem, & membra vestra arma iustitiae Deo. Et iterum : Carnis, inquit, curam ne feceritis in desideris. Et rursum : Non ergo amplius invicem judicemus ; sed hoc judicate magis, ne ponatis offendiculum fratri vel scandalum.

Et item : Debemus autem nos firmiores imbecillitates infirmorum sustinere, & non nobis placere. Unusquisque vestrum proximo suo placeat in bonum ad edificationem.

Si autem secundum hujusmodi doctrinam conformemus nos exemplis obedientiae, humilitatis, & mansuetudinis Christi, considerantes singuli, non quod nobis, sed quod aliis utile est, nec cupiditatibus istius mundi, atque inlecebris voluptatum operam damus, nulla erit inter nos contentio de sublimitate honoris, & inani iactantia terrenae potestatis, nec conflictus nequam de quaestu ne-

fando praesentis saeculi ; sed erit firma pax, & concordia inter nos, exercebiturque unanimiter cultus pietatis, & religio sancta, & immaculata coram Deo & Salvatore nostro sine reprehensione custodietur. Et ita omnia membra corporis Christi erunt in pace, expectantes supernam gloriam in revelatione Domini nostri Jesu Christi, quem, cum non videmus, diligimus, in quem nunc quoque non videntes credimus, & exultando speramus, quod in adventu ejus percipiamus finem fidei nostrae, salutem animarum nostrarum.

Igitur, quia ordo praeteritae narrationis vestrae, & responsione parvitatibus nostrae hoc exigebat, ut contra tam ineptum conflictum Sacerdotum, atque scandalum plebis aliqua de Scripturis Sacris, atque orthodoxorum Patrum sententiis exciperemus, quae ostenderent, ac declarando manifestarent, quod servos Christi non oportet litigare, sed mansuetos esse ad omnes, dociles, & patientes, fecimus, quod agendum esse censuimus, & in brevi libello haec omnia comprehendentes, Sanctitati vestrae dirigere curavimus, petentes, ut, si dignum ducatis hunc relegere, ea, quae ibi recte posita sunt, vestra auctoritate confirmetis ; si qua autem reprehensione ibi digna videantur, ignorantem vestra prudentia instruat ; quatenus labor noster per omnia non inanis fiat, & studium doctrinae vestrae multiplici mercede ab omnium bonorum datore remuneretur.

Sanctitatem vestram omnipotentis Dei gratia in aeternum conservare dignetur, venerande Praeful, memorem nostri.

*Ex vetustissimo codice Bibliothecae Regiae Galliarum edidit Baluzius in appendice Concordiae Petri de Marca.*

Tomo I. pag. 125. exhibuimus Concilium Ratisbonense anni 769. contra Chorepiscopos, nempe interdicendos omni munere Episcopali : pag. 941. exhibuimus Rescriptum Leonis III. PP. ad Legationem directam Romam à Carolo M. per Arnonem Salisburgensem Archiepisc. contra Chorepiscopos. Annis 801. 802. 803. eandem materiam in variis Conventibus agitatam, & semper contra Chorepiscopos, quos solorum Presbyterorum nomine & officio dignabantur. Hincmarus Archiepisc. Remensis, frater Leonis III. & Conciliorum Germaniae ac Galliae decretis totis viribus Chorepiscopos impugnat, omnemque eis Episcopalem functionem admittit : Hrabanus consuetudine, quae neque saeculo hoc nono exoleverat, sed in multis Ecclesiis Germaniae & Galliae durabat, tuetur ordinem Chorepiscoporum, eorumque potestatem circa ordinandos & cetera Episcopalia munera. *Nota Baluzii.*

(p) I. Joann. II.

(q) Rom. VI. XIII. XIV. XV.



# RHABANI MAURI

## MOGUNTINENSIS ARCHI-EPISCOPI,

### QUOTA GENERATIONE LICITUM SIT CONNUBIUM? EPISTOLA.

*Domino vere sancto, ac beatissimo Patri Humberto, (a) gratia Dei  
Episcopo, Rhabanus vilissimus servorum Dei servus,  
in Christo salutem.*

Nuper venerunt ad me literæ de tua sanctitate directæ, quæ inter alia ex quibus mecum tua dilectio decrevit tentare, continebant de nuptiis: ut quota generatione legitimum esse posset, tibi edicerem: ubi & commemorabas te quædam capitula legis Papæ Gregorii ad Augustinum gentis Anglorum Episcopum: nec non & Decreta Zachariæ (b) de eadem re: similiter quoque, quid Isidorus Hispalensis Episcopus, in Etymologiis suis inde senserit, notum habere: & quid ego super hæc omnia sentirem, tibi à me rescribi postulabas. Unde ego tunc videns quantitatem negotii, breviter respondi: quod tantares, & spatium temporis & otium scribentis quæreretur: nec cito me posse ad ea quæ rogabas, in multis occupatum condignè respondere: sed multorum dicta & sacrorum librorum volumina ante perscrutari velle: & sic ad rescribendum manum mittere. Sed cum postmodum te sentirem ad promissa exequenda avidius anhelare, præoccupavi tempus, & festinanter tuæ voluntati obtemperare decrevi: breviter hæc commemorans, quæ legisse me recordatus sum: vel quæ subito dictanti in mentem venerant. Igitur de nuptiis quid licitum sit vel illicitum, Dominus per legem & Evangelium innouit, qui bono conjugali uti concessit: atque omnem incestum & fornicationem omnino prohibuit. Quomodo autem consanguinitas honoranda sit, liber Leviticus (c) ostendit: Locutus est Dominus ad Moysen dicens: *Loquere Filiis Israel, & dices ad eos: Ego Do-*

*minus Deus vester: juxta consuetudinem terræ Aegypti, in qua habitastis, non facietis: & juxta morem regionis Chanaanæ, ad quam ego introducturus sum vos, non agetis: nec in legitimis eorum ambuletis: facietisque judicia mea & præcepta servabitis & ambuletis in eis. Ego Dominus Deus vester, custodite leges meas atque judicia, quæ homo faciens, vivet in eis. Ego Dominus. Omnis homo ad proximum sanguinis sui non accedat, ut revelet turpitudinem ejus, ego Dominus. Turpitudinem Patris tui, & turpitudinem matris tuæ non discooperies. Mater tua est: non revelabis turpitudinem ejus. Turpitudinem uxoris patris tui non discooperies, turpitudine enim patris tui est. Turpitudinem sororis tuæ ex patre sive ex matre, quæ homo vel foris genita est, non revelabis: quia turpitudine tua est. Turpitudinem filiae filii tui, vel neptis ex filia non revelabis, quia turpitudine tua est. Turpitudinem filiae uxoris patris tui, quam peperit patri tuo, & est soror tua, non revelabis. Turpitudinem sororis patris tui non discooperies: quia caro est patris tui. Turpitudinem sororis matris tuæ non revelabis: eo quod caro sit matris tuæ: Turpitudinem patrui tui non revelabis, nec accedes ad uxorem ejus, quæ tibi affinitate conjungitur. Turpitudinem nurus tuæ non revelabis, quia uxor filii tui est: nec discooperies ignominiam ejus. Turpitudinem uxoris fratris tui non revelabis: quia turpitudine fratris tui est. Turpitudinem uxoris tuæ & filiae ejus non revelabis: filiam filii ejus, & filiam filiae illius non sumes, ut reveles ignominiam ejus: quia caro illius sunt, & talis coitus incestus est. Sororem uxoris tuæ in pellicatum illius non accipies: nec revelabis turpitudinem ejus. Cum enim Do-*

minus

(a) Episcopo Wurceburgenfi; cui & suos commentarios in libros *Judicum* & *Ruth* nuncupaverat Rhabanus: his autem præfixa legitur Epistola Humberti ad Rhabanum Maurum illustrem virum & præstantissimum Patrem.

(b) Decreta Zachariæ Papæ de variorum conjugii illicitis, lege Tomo I. nostro pag. 76.

77. 78. 79. &c.

(c) Capite XVIII

minus populum suum de contaminationibus gentium voluisset separare, primum generali vocabulo ad proximitatem sanguinis prohibuit quenquam accedere, ne revelaret turpitudinem ejus. Deinde ipsam generalitatem ferme in duodecim species subdivisit: quæ tamen ultra tertiam vel quartam generationem non procedunt: ac ideo reor Dominum GREGORIUM Papam AUGUSTINO interroganti, tertiâ vel quartâ generatione jam licite connubia jungi, respondisse. Similiter & in Theodori Archiepiscopi gentis Anglorum capitulis, quæ de necessariis rebus conscripsit, invenimus, quod in tertia propinquitate carnis secundum Græcos liceat nubere: in quinta vero secundum Romanos. Qui tamen conjugia in tertia propinquitate facta non solverent, si antea ab inficientibus compacta fuissent: æqualiterque conjungerentur in matrimonia eis, qui sibi consanguinei sunt, & uxoris suæ consanguineis post mortem uxoris. Hunc autem THEODORUM Tarso Ciliæ natum, (c) VITELLIANUS Papa, Romæ Episcopum ordinans, Britanniam misit: unde etiam Orientalium Ecclesiarum consuetudinibus pleniter institutus fuerat: nec eum aliqua latere potuerunt, quæ in observationibus legitimis Græci vel Romani eo tempore habuerunt: maxime cum in utraque lingua perfecte instructus esset. Quod autem proximis temporibus Romanorum Pontificum scripta contineant, usque ad sextam vel septimam generationem conjugii usum differendum, magis ex consuetudine humana, quam ex lege divina hoc eos præcepisse credendum est. Quod ita sentiens beatus BONIFACIUS Martyr, nosterque Patronus, de eadem re Episcopos gentis suæ credidit consulendos, ut ipsi, quid in sanctorum Patrum sententiis inde explanatum invenirent, sibi rescriberent. Nam quod ISIDORUS in ETYMOLOGIIS suis, usque ad sextam generationem consanguinitatis abstinendum, & sic legitime connubio conjungendum asseruit, inde reor eum fecisse, quod genealogiæ seriem retexens, quousque ordinem numerando perduxit, eo cognationem sanguinis servandam æstimavit: sicque ad no-

F f 2

(c) *Leges Vitalianus.* (d) *Matth. V.**Tomus II. Concilior. German.*

vationem generis & amicitiae ejus confirmandam, redire ad connubium sancivit, quando jam cognationis ordo numerari desivit. Cæterum ante omnia considerandum est, ut sic censura disciplina temperetur, ne per immoderationem correptionis, peccati cumulus augeatur. Scimus enim, quod, qui in lege cognationis jus observare constituit, ipse in Evangelio fœdus conjugii non dissolvendum præcepit, ita sane, ut si quis (d) *dimitteret uxorem excepta causa fornicationis, faceret eam mœcham, & qui dimissam duceret, mœcharetur.* Sic & Apostolus eandem rationem sequens in Epistola sua, iussit *mulierem* (e) *à viro non discedere: quod si discederet, manere innuptam aut viro suo conciliari.* Si enim ubique aliquid proximitatis vel consanguinitatis licet longinquæ, inter conjugatos inveniri potest, statim matrimonium dissolvitur, ne (reor) quod adulterium & fornicationis scelus multiplicetur, qui cum conjugato adolescente vel juveni societas comparis suæ denegatur: nec aliquid ei solati impenditur, unde continentiam servare possit, libidine inflammatus, per Diaboli instigationem, multiplici fornicatione forsitan polluitur: ac sic in præcipitium mortis æternæ anima demergitur: Unde Apostolus hujuscemodi vicium amputare volens, scripsit dicens: *Bonum* (f) *est mulierem non tangerè: propter fornicationem autem, unusquisque uxorem suam habeat. Uxori vir debitum reddat: similiter autem & uxor viro: & paulo post: Nolite fraudare invicem, nisi forte ex consensu ad tempus, ut vacetis orationi & iterum revertimini in idipsum, ne tentet vos Satanas propter incontinentiam.* His ergo omnibus consideratis, bonum mihi videtur, ut legis divinæ constitutio inviolata servetur, & scandalum quantum ad homines pertinet, pro facultate virium declinetur: ubi autem sine majori detrimento scandalum toleretur: quoniam maximum propter . . . incaute jam efficiatur.

Igitur, quia à mea parvitate voluisti, quid sentirem de hac re, tibi rescribi, propter infirmitatem instantis temporis, reor hoc, quod Theodorus Archiepiscopus inter Gregorium & Isidorum medius incedens, in suis capitulis distinxit, magis sequendum: ut post (e) *I. Cor. VII.* (f) *Loc. c.* quin-



quintam generationem jam licitum conubium fiat: quia lex divina hoc non contradicit: nec etiam sanctorum Patrum dicta hoc prohibent. Si autem & in quinta ab inficiis copula fuerit peracta, melius mihi videtur, ut cum poenitentiae humiliatione, si se exoratus continere non vult, Deo satisfaciat: & tamen ei

prædicetur, quoniam bonum sit, ut ab huiusmodi copula semetipsum abstinere: si forte det illi Deus poenitentiam, & resipiscat à diaboli laqueis, gratamque continentiae suae spontanea voluntate oblationem, postmodum offerat Deo: & sic ni fallor, cautela erit in iudicio: atque iustitia servatur in facto.

### EPISTOLÆ FINIS.

*Ex codice Rhabani impresso Coloniae 1532. typo Joannis Prael.*

## TRACTATUS RHABANI MAURI

MOGUNTINENSIS ARCHI-EPISCOPI,

*De Consanguineorum nuptiis, & de Magorum prestigiis, falsisque divinationibus.*

**M** Agnorum Virorum & clarissimorum Doctorum mos semper fuit, ad ea, de quibus interrogati fuerant, competenter responsum quærere, & adnites auctoritati Sanctorum Scripturarum Sanctorumque Patrum sententiis, ea quæ ab eis postulata fuerant, breviter dilucidèque referere. (a) Sed cum hæc ipse indoctus, & non tam fermone, quam etiam scientia imperitus, pro modulo meo imitari solebam: & his, qui me de aliquibus quæstionibus pulsabant, per Scripturas Sacras & sententias Sanctorum Patrum respondere curabam: nunc ita apud te, charissime virorum & solertissime custos gregis Dei Bonose, (b) mihi evenit: quoniam in his, in quibus aliquo modo satis egi, tibi nullo modo satisfacere potui, sed semper juxta consuetudinem tuam astutius inquirebas, & diligentius investigabas, quomodo ea, quæ prolata sunt, inviolata constare possent? Unde modo difficilem exitum in quæstionibus à te mihi propositis invenire potui: eo quod testimonia de veteri lege adsumpta, in Epistola rescripta ad Humbertum Episcopum, quota generatione liceret cognatis connubia jungere, redarguebas: quasi non convenientia huic tem-

pori, hoc est, religioni Christianæ, sed quia in novo testamento de hoc plane scriptum non inveni, necessarium æstimavi, quod Sancti Patres de ipsis sententiis legis Dei fenserint, de opusculis eorum, tibi exempla proferre: ut qui mihi propter utilitatem meæ personæ difficulter credis, saltem illis, qui magnæ auctoritatis sunt; coactus credas. Proponebas enim mihi duas quæstiones: *Unam* de Consanguineis, quota generatione eis liceret se invicem nuptiis copulare? *Alteram*, quid de his sentiendum esset, qui magicis prestigiis five incantationibus dæmoniis, dicuntur homines fallere: & à statu suo pristino evertere posse?

Unde *Primum* de præfatis nuptiis, deinde de magicæ artis argumentis, scribendum tibi esse arbitramur. Sed prius notandum est, quod ubi veteris legis præcepta necessaria sunt in testimonium adsumenda, non sunt despicienda: quia unus atque idem auctor veteris & novi testamenti est, Deus. Idcirco ipse mediator Dei & hominum, de lege & Prophetis exempla sumens, confirmabat & commendabat doctrinam Evangelicam auditoribus suis, sicut scriptum est de eo in Evangelio, quod ipse in Synagoga

(a) forte: referare vel referre.

(b) Bonosus vel Hatto, Abbas Fuldenfis, legerat priorem Rhabani Epistolam, Humberto inscriptam, variaque in ea reprehendebat, puta, quod Rhabanus ex veteris testamenti libris probasset matrimoniorum inter Christianos impedimenta.

*surrexerit* (b) *legere* : & *datus sit illi liber* *Esaia* *Prophetae*. *Qui cum aperuisset librum*, invenit locum, ubi scriptum erat : *Spiritus Domini super me*, propter quod unxit me : *evangelizare pauperibus misit me*. *Sanare contritos corde* : *prædicare captivis remissionem*, & *cæcis visum* : *dimittere confractos in remissionem* : *Prædicare annum Domini acceptum*, & *diem retributionis*. *Et cum placuisset librum*, reddidit *Ministro* & *sedit*, & *omnium in Synagoga oculi erant intendentes in eum*. *Cæpit autem dicere ad illos*, quia *hodie impleta est hæc scriptura in auribus vestris* : & *omnes testimonium illi dabant*, & *mirabantur in verbis gratiæ*, quæ *proceedebant de ore ipsius* : & *post resurrectionem legitur*, quod duobus discipulis *secum in via ambulantibus* & *dubitantibus*, dixerit : *O stulti* (c) & *tardi corde ad credendum in omnibus*, quæ *locuti sunt Prophetae*. *Nonne hæc oportuit pati Christum*, & *ita intrare in gloriam suam* ! & *incipiens à Moyse* & *omnibus Prophetis*, interpretabatur illis in omnibus scripturis, quæ de ipso erant, & in aliis pluribus locis idem fecisse invenitur, nec immerito. Nam in monte, ubi coram tribus discipulis transfiguratus est, Apparuerunt (d) *Moyse* & *Helias cum eo loquentes*, & *dicebant excessum*, quem *completurus erat in Hierusalem*. Ut intelligeretur eum testimonium habere velle, à lege & Prophetis. Unde & Apostolus, gratiam novi testamenti testificatam asserit à lege & Prophetis : *Quia* (e) *lex spiritalis est* & *sancta*, & *mandatum sanctum* & *iustum* & *bonum*. Ex quo notandum est, quod ipsa lex in aliquibus locis secundum historiam tantum, in aliquibus vero secundum allegoriam, in aliquibus autem secundum historiam simul & allegoriam, intelligenda est. Quia ut Beatus Ambrosius scripsit, triplex quidem lex est. Ita ut prima pars de Sacramento Divinitatis, sit Dei : secunda autem, quæ congruit legi naturali, quæ interdicit peccatum : tertia vero, lex est factorum, id est, sabbati historica observatio, neomeniæ & circumcisio : quæ spiritaliter, non carnaliter, temporibus gratiæ servanda sunt. Similiter autem est lex naturalis, quæ concordat in multis legi Moyfi, tres habet partes. Cujus prima hæc est, ut agnitus honoretur creator : nec ejus claritas & majestas, alicui de creaturis

F f 3

deputetur. Secunda autem pars est moralis, hoc est, ut bene vivatur modestia gubernante. Congruit enim homini habenti notitiam creatoris, vitam suam lege frænare, ne frustretur agnitio. Tertia vero pars est docibilis : ut notitia Dei creatoris, & exemplum mox cæteris tradatur : ut discant quemadmodum (\*) creatorem meritum collocetur : hæc est enim vera & Christiana prudentia : & omni Catholico ad discendum, atque ad servandum necessaria, quia per hanc in hoc sæculo vita honesta ducitur, & in futuro ad præmia æterna pervenitur. Igitur, ubi de Sacramento Divinitatis sermo fit, vel de vitandis vitiis ac virtutibus assequendis præcepta dantur, bona est historica & moralis intelligentia. Ubi autem umbra futurorum exprimitur, ut de lege factorum diximus, spiritalis omnino intellectus ibi querendus est. Cæterum ubi historia narrat transitum filiorum Israël de Ægypto per mare rubrum, & in deserto constructionem tabernaculi, & signa miraculorum, quæ in priori populo Domini jussu facta sunt, præliæque Israelitarum cum Chananæis & cæteris gentibus, hæc quidem historialiter ita facta esse credenda sunt, & tamen in mysteriis veneranda. Unde Paulus Apostolus facta priorum mystice intelligens, ad Corinthios scripsit, dicens : *Nolo* (f) *enim vos ignorare fratres*, quoniam *Patres nostri omnes sub nube fuerunt*, & *omnes mare transierunt*, & *omnes in Moyse baptizati sunt*, *in nube* & *in mari*, & *omnes eandem escam spiritalem manducaverunt*, & *omnes eundem potum spiritalem biberunt*. *Bibebant autem de spiritali confluence eos petra*. *Petra autem erat Christus*. Similiter autem & ad Galatas scribens : *Duos filios Abraham, unum de ancilla natum*, & *alterum de libera*, duobus populis per similitudinem comparavit dicens : scriptum est quoniam (g) *Abraham duos filios habuit, unum de ancilla*, & *unum de libera*. *Sed qui de ancilla, secundum carnem natus est*. *Qui autem de libera, per repromissionem : quæ sunt per allegoriam dicta*. *Hæc enim sunt duo testamenta : unum quidem à monte Sina in servitutem generans, quæ est Agar*. *Sina enim mons est in Arabia, qui conjunctus est ei, quæ nunc est Hierusalem, & servit cum filiis suis*. *Illam autem, quæ sursum*

(b) Lucæ IV, 16, 17.

(c) Roman. VII, 14.

(c) Luc. XXIV, 25.

(\*) fors apud.

(f) I. Cor. X, 1.

(d) Lucæ IX, 30.

(g) Gal. IV, 22.



sum est Hierusalem, libera est: quæ est mater nostra. Scriptum est enim: Latere (h) sterilis, quæ non parit, erumpe & clama, quæ non parturit, quia multi filii deserta, magis quam ejus, quæ habet virum. &c. Si ergo ipsa veritas & discipuli ejus, ex testimoniis legis doctrinam suam probaverunt, & auditoribus suis commendaverunt, quis est, qui ipsam legis assertionem audeat reprehendere, quando eam viderit Evangelicæ doctrinæ concordare? Cum enim salubria præcepta in lege de charitate, de castitate, de continentia, & de misericordia, cæterisque virtutibus auctoritate Divina proferuntur, omni cum honore suscipienda, & cum magna diligentia servanda sunt: quia in hoc se quisque probat ipsius veritatis devotum esse discipulum & mandatorum Dei custodem diligentissimum, si consentiat legi Dei, & credit illis, quæ in ea scripta sunt. Hinc quoque ipse ad incredulos Judæos, & contra se altercantes, ait: Si enim (i) crederetis Moysi, crederetis forsitan & mihi. De me enim ille scripsit. Si autem illius litteris non creditis, quomodo meis verbis credetis? Hinc & alibi in Evangelio legitur. Abraham diviti de inferno ad se clamanti & postulanti, ut Lazarum transmitteret in domum Patris sui, quatenus testaretur illis; ne & ipsi venirent in locum ipsum tormentorum, respondisse. Habent Moysen & Prophetas, audiant illos. At ille dixit: Non Pater Abraham, sed si quis ex mortuis ierit ad eos, penitentiam agent. Ait autem illi: Si Moysen & Prophetas non audiunt, neque, si quis ex mortuis resurrexerit, credent. Ac si patenter diceret: Si legi & Prophetis, justitiam & veritatem docentibus non adquiescunt, nec Christo, qui ex mortuis resurrexit, & evangelicam doctrinam adnuntiat, rite obediunt.

Denique de consanguinitate Dominus ipse, qui legem dedit, & postmodum Evangelii benedictionem addidit, ut electi sui ambularent de virtute in virtutem, in Levitico ad Moysen locutus est, dicens: Loquere (l) filiis Israel & dices ad eos: Ego Dominus Deus vester: juxta consuetudinem terræ Aegypti in qua habitastis, non facietis & juxta morem regionis Chanaan, ad quam ego introducturus sum vos, non agetis. Neque in legitimis eorum ambulabitis. Facietis judicia mea & præcepta mea servabitis, & in eis

ambulabitis: ego Dominus Deus vester. Custodite leges meas atque judicia, quæ faciens homo, vivet in eis. Omnis homo ad proximam sanguinis sui non accedet, ut revelet turpitudinem ejus: ego Dominus: Turpitudinem patris tui, & turpitudinem matris tuæ non discooperies: mater tua est: non revelabis turpitudinem ejus. Turpitudinem uxoris patris tui non discooperies: turpitudinem enim patris tui est. Turpitudinem sororis tuæ ex patre sive ex matre quæ domi vel foris genita est: non revelabis: Turpitudinem filiae filii tui vel nepotis ex filia non revelabis, quia turpitudinem tuam est. Turpitudinem filiae uxoris patris tui, quam peperit patri tuo, & est soror tua, non revelabis. Turpitudinem sororis patris tui non discooperies, quia caro est patris tui. Turpitudinem sororis matris tuæ non revelabis, eo quod caro sit matris tuæ. Turpitudinem patrui tui non revelabis, nec accedes ad uxorem ejus, quæ tibi affinitate conjungitur. Turpitudinem nurus tuæ non revelabis, quia uxor filii tui est, nec discooperies ignominiam ejus. Turpitudinem uxoris fratris tui non revelabis. Quia turpitudinem fratris tui est. Turpitudinem uxoris tuæ & filiae ejus non revelabis: filiam filii ejus, & filiam filiae ejus non sumes, ut reveles ignominiam ejus, quia caro illius sunt: & talis coitus incestus est. Sororem uxoris tuæ in pellicatum illis non accipies, nec revelabis turpitudinem ejus, adhuc illa vivente. Cujus Capituli expositionem, ex dictis Beati Patris Augustini hic interferendam esse consuevimus, ut lector sobrius, ejus sensui non diffidat credere atque consentire, quem videt nullo modo à veritatis tramite deviare. Turpitudinem, inquit, Patris tui, & turpitudinem matris tuæ non revelabis. Turpitudinem enim eorum est. Prohibet cum matre concumbere. Ibi enim est turpitudinem patris & matris. Nam propterea prohibet & novercæ, ubi dicit: Turpitudinem uxoris patris tui non revelabis: turpitudinem enim patris tui est. Ubi exposuit, quomodo in matre utriusque sit turpitudinem, id est, patris & matris: in novercæ autem, tamen patris. Turpitudinem sororis tuæ ex patre tuo, aut ex matre tua, quæ domi vel foris nata est, non revelabis. Turpitudinem enim earum est. Quæ domi nata est, intelligitur ex matre: si forte de priori viro eam mater susceperat, & cum illa in domum venerat, quando patri

(h) Esa. LIV, 2.

(l) Lev. XVIII, 2.

(i) Joh. V.

(k) Luc. XVI, 19.

tri ejus nupserit : quoniam monet Scriptura , ne revelet turpitudinem fororis suæ , hic videtur non prohibuisse , & quasi prætermisisse concubitum cum forore de utroque parente nata : non enim dicit turpitudinem non revelabis fororis tuæ ex patre & ex matre : sed ex patre aut ex matre. Verum , quis non videat etiam illud esse prohibitum multo maxime ? Si enim non licet fororis turpitudinem revelare ex quolibet parente natæ , quanto magis ex utroque ! Quid est autem , quod interposita prohibitione concubitus etiam cum suis nepotibus sive de filio , sive de filia , sequitur & dicit. *Turpitudinem filiae uxoris patris tui non revelabis ?* Si enim hucusque dixisset , intelligeremus etiam cum filia novercæ prohibitum fuisse concubitum , quam ex prior viro noverca peperisset , nec hujus , qui prohibetur , soror esset vel ex patre , vel ex matre. Cum vero addidit , quæ ex eodem patre foror tua est , non revelabis turpitudinem ejus , manifestat de sorore factam esse istam prohibitionem , cum fuerit ex patre & ex noverca , de qua jam superius dixerat : an ideo iterum hoc apertius voluit prohibere , quia superius subobscurum fuit. Sæpe enim hoc facit Scriptura : *Turpitudinem fratris patris tui non revelabis , & ad uxorem ejus non introibis.* Expoluit , quid dixerit , Turpitudinem fratris patris tui , id est , patrui tui non revelabis , hoc est enim , ad uxorem ejus non introibis. In uxore quippe patrui tui , voluit intelligi turpitudinem patris tui. Sicut in uxore patris , turpitudinem patris. Turpitudinem uxoris fratris tui non revelabis , turpitudinem enim fratris tui est. Queritur utrum hoc vivo fratre an mortuo , sit prohibitum ? & non parva quæstio est. Si enim dixerimus de vivi fratris uxore locutam scripturam uno generali præcepto , quo prohibetur homo ad uxorem accedere alienam , etiam hoc utique continetur. Quid est ergo , quod tam diligenter has personas quas appellat domesticas , propriis prohibitionibus distinguit à cæteris ? Non enim & quod prohibet de uxore patris , hoc est , de noverca vivo patre accipiendum esset , & non potius mortuo. Nam vivo patre , quis non videat multo maxime prohibitum , si cujuslibet hominis uxor aliena , prohibita est macu-

lari adulterio ? De his personis ergo videtur loqui , quæ possent non habentes viros in matrimonium convenire , nisi lege prohiberentur , sicut fertur esse consuetudo Persarum. Sed rursus , si fratre mortuo intellexerimus prohibitum esse ducere fratris uxorem , occurrit illud , quod excitandi seminis causa , si ille sine filiis defunctus esset , jubet Scriptura esse faciendum : ac per hoc collata ista prohibitionem cum illa jussione , ne invicem adversentur , intelligenda est exceptio , id est , non licere cuique defuncti fratris ducere uxorem , si defunctus posteros dereliquit , aut etiam illud esse prohibitum , ne licet ducere fratris uxorem , etiam , quæ à fratre vivo per repudium recessisset : tunc enim sicut Dominus dixit : *Ad durtiam (m) Judeorum Moyses permisit dari libellum repudii* : Et per hanc dimissionem potuit putari , quod licite quisquam sibi uxorem copularet fratris , ubi adulterium non timeret , quoniam repudio discessisset. Turpitudinem mulieris & filiae ejus non revelabis , id est , ne putet quisquam licere sibi ducere filiam uxoris suæ. Simul etiam mulieris & filiae ejus , non licet revelare turpitudinem ejus , id , ambabus misceri , & matri & filiae. *Filiam filii ejus & filiam filiae ejus non accipies* : etiam neptem uxoris de filio vel de filia duci prohibuit uxorem. Super uxorem sororem ejus non accipies in zelum. Hic non prohibuit superducere , quod licebat antiquis propter abundantiam propagationis. Sed sororem sorori noluit superducere , quod videtur fecisse Jacob , sive quia nondum fuerat lege prohibitum , sive quia supposita alterius fraude , deceptus est. At illa magis de placito veniebat , quam posterius accepit : sed injustum erat priorem dimitti , ne faceret eam mœchæ. Hoc autem quod ait , in zelum : Utrum ideo positum est , ne sit zelus inter sorores , quod inter illas , quæ sorores non essent , contemnendum fuit ? an ideo potius , ne propter hoc fiat , id est , ne hoc animo fiat , ut in zelum sororis , soror superducatur. Qualiter autem in cognatis jus matrimonii servandum sit , memoratus Doctor ostendit , dicens : Quod autem postea legitur , *Quicumque dormierit cum cognata , turpitudinem cognationis suæ revelabit : sine filiis morientur* ; Queritur , quo-



quousque sit intelligenda ista cognatio , cum ex longo gradu licet utique accipere uxorem , semperque licuerit. Sed intelligendum est ex his gradibus , quos prohibuit non licere & secundum ipsos dictum. Quicumque dormierit cum cognata sua. Ubi & aliqua non commemorata intelligenda dimisit ; Sicut sororem de utroque parente , sicut uxorem fratris matris , id est , avunculi. Nam de uxore patris primum prohibuit , quamvis hæc non cognatio , sed affinitas perhibetur. Sed quid est , sine ( *n* ) filii morientur , cum filii ex huiusmodi conjunctionibus & ante nati sunt & hodie nascuntur ? An hoc intelligendum est , lege Dei constitutum , ut quicumque ex eis nati fuerint , non deputentur filii ? Id est , nullo parentibus jure succedant. Quod autem quidam reprehendunt rescripta beati Gregorii ad interrogationem Augustini Episcopi gentis Anglorum , qui ab eo sciscitatus est , usque ad quorundam generationem fideles debeant cum propinquis sibi conjugio copulari , & novercis & cognatis si liceat copulari conjugio ? non caute faciunt , quia , qui irreprehensibilis est in cæteris dogmatibus suis , in hac etiam responsione non potest rite reprehendi , quia legi Dei & sanctorum Patrum sententiis magis studuit concordare , quam nova ex suo sensu condere , qui inter cætera sic ait : Quædam ( *o* ) terrena lex in Romana Republica permittit , ut si frater & soror , seu duorum fratrum germanorum vel duarum sororum filius & filia misceantur. Sed experimento discimus ex tali conjugio sobolem non posse succrescere : & sacra lex prohibet cognationis turpitudinem revelare. Unde necesse est , ut jam tertia vel quarta generatione fidelium licenter sibi jungi debeat. Nam secunda quam prædiximus , à se omni modo debet abstinere. Cum noverca autem misceri , grave est facinus , quia & in lege scriptum est : Turpitudinem patris tui non revelabis. Neque enim patris turpitudinem filius revelare potest. Sed quia scriptum est : *Erunt duo in carne una* , qui turpitudinem novercæ , quæ una caro

cum patre fuit , revelare præsumpserit , profecto patris turpitudinem revelabit. Cum cognata quoque misceri prohibitum est , quia per conjunctionem priorem caro fratris fuerit facta : Pro qua re etiam Joannes Baptista capite truncatus est , & sancto martyrio consummatus. Cui non est dictum ut negaret , & pro Christi confessione occisus est. Sed quia Dominus noster Jesus Christus dixerat , *Ego ( p ) sum veritas* pro veritate Joannes occisus est videlicet , & pro Christo sanguinem fudit. In hoc ergo responso facile potest lector diligens agnoscere , utrum hanc relationem ad præcepta legis divinæ , quæ superius commemorata sunt , hic Præsul sedis Apostolicæ referret , an de suo aliquid noviter constituerit : Non enim mihi videntur ejus dicta discordare à supra memoratis sententiis beati Augustini : sed ejus sensui paria sentire.

In Canonibus autem Patrum , quid de incestis conjugii decretum sit , inferendum arbitror , ut ibi perspiciatur , utrum eorum sententiæ , ad prædictorum Doctorum scripta concordent , an non. Nam in *Agathensi Concilio* ita scriptum est : In castos ( *q* ) vero nullo conjugii nomine deputandos censuimus : quos etiam designare funestum est , id est , si quis relictam fratris , quæ prius soror existerat , carnali conjunctione uxolaverit : Si quis frater germanam uxorem accipiat : Si quis novercam duxerit : Si quis confortinæ suæ se sociaverit. Quid ita præsentis tempore , prohibemus , ut ea quæ sunt ante nos constituta , non dissolvamus. Si quis relictæ vel filiæ avunculi misceatur , aut patris filiæ , hæc conjunctio illicita interdicitur. Habebunt enim , ineundi melioris conjugii libertatem. In *Aurelianensi ( r )* quoque Synodo ita decretum legitur de incestis , ut excommunicentur : Ne superstes super thorum defuncti fratris accedat : neve quisque amissa uxore sorori audeat sociari : quod si fecerit , ab Ecclesiastica distinctione feriat. Item in *Capitulari Orientalium Patrum* quod à Martino Episcopo cæterisque Episcopis constitutum est , ita scriptum reperitur : Si ( *s* ) quæ mulier duos fratres , aut si

quis

[*n*] Gratianus XXXV. Qu. VII. *Quid est.*

(*o*) Gratianus C. 35. Qu. 2. C. *Quædam Lex.*

(*q*) Gratianus causa XXXV. Qu. 2. C. *De incestis.*

(*r*) Gratianus causa eadem Qu. 8. Cap. *Incestuosi.*

(*s*) Martinus , Bracarensis Episcopus.

(*p*) Joannis VI.

quis vir duas forores habuerit, à communione abstineant usque ad mortem. In morte eis communio per misericordiam detur. Si vero supervixerint communione accepta, & de infirmitate convalescerint, agant plenam pœnitentiam tempore constituto. In Decretis quoque GREGORII PAPÆ, qui apud Romanos à primo secundus dicitur, ita scriptum est: *Si quis fratris (t) uxorem duxerit in conjugio, anathema sit.* Si quis commatrem spiritalem duxerit in conjugio, anathema sit: & responderunt omnes tertio, anathema sit. Si fratris uxorem duxerit in conjugio, anathema sit: & responderunt omnes tertio anathema sit. Si quis neptem duxerit in conjugio, anathema sit: & responderunt omnes tertio, anathema sit. Si quis novercam aut nurum suam duxerit in conjugio, anathema sit. Et responderunt omnes tertio, anathema sit. Si quis consobrinam duxerit in conjugio, anathema sit: & responderunt omnes tertio, anathema sit. Non enim hic de trinepote sive de trinepte aut de trinepotis nepote, seu trinepotis nepte aliquid dicitur, aut specialiter enumera-

tur. Unde magis arbitror hoc sequendum, quod divina auctoritas in duobus testamentis sancivit: & quod juxta ejus exemplum, plurimorum patrum sententia in communi conventu servandum constituit: quam quod quilibet juxta libitum suum conjectura propria sequendum esse, decrevit. Veruntamen, si quis voluerit se continere usque ad quintam vel sextam vel etiam septimam generationem, non prohibendus est, sed magis hortandus: quia quanto longior est à discrimine, tanto securior erit de interecone. Nam Apostolo (u) restante: *Honorabiles sunt nuptiæ & thorus immaculatus.* Ideo Christianum decet omnia honeste & secundum ordinem facere. Ego quoque, quia ex meo aliquid noviter non ausus sum proferre, majorum scripta vel dicta, secundum id quod inveni, simpliciter posui: non præjudicans alteri melius intelligenti. De his sentiat quisque quod velit, ita tamen, ut discretionem in judicio & veritatem conservet in facto.

*Ex impressione Colonienſi anni 1532. in 8vo. typo Joannis Prael.*

(t) Tomo primo nostro pag. 36. 37.

(u) Hebr. 13.

## DE MAGICIS ARTIBUS.

DE magicis autem artibus, atque incantationibus, & de superstitionibus diversis, quas gentiles, & falsi Christiani in divinationibus suis, & observationibus perversis sequi videntur, quid Lex Divina sanciat, in auctoritate veteris testamenti ac novi, facile est invenire. Detestatur enim illos Lex Divina: Quæ in libro Exodi (a) ita dicit: *Maleficos in terra tua non patieris vivere, & item: (b) Qui immolat, ait, Diis occidetur, præter Domino soli.* Et in Levitico: (c) *Non comedetis, inquit, carnem cum sanguine. Non augurabimini, nec observabitis somnia: & super mortuo non incidetis carnem vestram: neque figuras aliquas, & stigmata facietis vobis. Ego Dominus.* Et item: (d) *Non declinabitis, ait, ad Magos, nec ab hariolis aliquid sciscitemini, ut polluumini per eos.* Et item: (e) *Vir, inquit, sive mulier, in quibus Pythonicus, vel Divinationis fuerit Spi-*

G g

ritus, morte moriantur, lapidibus obruent eos: sanguis eorum sit super eos. In Deuteronomio quoque (f) sic dicit: *Quando ingressus fueris terram, quam Dominus Deus tuus dabit tibi, cave ne imitari velis abominaciones illarum gentium: nec inveniatur in te, qui lustrat filium suum, aut filiam suam ducens per ignem, aut qui hariolos sciscitetur, & observet somnia, atque auguria. Non sit maleficus, neque incantator, neque qui Pythones consulat, neque divinos: & querat à mortuis veritatem. Omnia autem hæc abominatur Dominus, & propter istiusmodi scelera, delebit eos in introitu tuo. Perfectus eris, & absque macula cum Domino Deo tuo. Gentes istæ, quarum possidebis terram, augures, & divinos audiunt: tu autem à Domino Deo tuo aliter institutus es. Et quid sequendum sit vel obaudiendum, mox subsequitur dicens: *Prophe- tam de gente tua, & de fratribus tuis, sicut me suscitabit tibi Dominus Deus tuus. Ipsum audies,**

(a) Exod. XXII.

(b) Ibidem.

(c) Levit. XIX.

(d) Ibidem.

(e) Levit. XX.

(f) Deut. XVIII.



audies, ut petisti à Domino Deo tuo in Horeb, quando concio congregata est, atque dixisti: Ultra non audiam vocem Domini Dei mei: & ignem hunc maximum amplius non videbo, nec moriar. Et ait mihi Dominus: Bene omnia sunt locuti: Prophetam suscitabo eis de medio fratrum suorum similem tui: & ponam verba mea in ore ejus, loqueturque ad eos omnia, quæ præcepero illi. Qui autem verba ejus, quæ loquetur in nomine meo, audire noluerit, ego ultor existam. Prophetæ autem, qui arrogantia depravatus, voluerit loqui in nomine meo, quæ ego non præcepi illi, ut diceret, aut ex nomine aliorum Deorum, interficietur. Quis autem ille Prophetæ fuerit, cujus sermones audire debent, & cui tota intentione animi obediendum est, patet, cum in Evangelio legitur, quod turba fidelium videns miracula, & signa, quæ faciebat JESUS, clamaret dicens: (g) Vere hic est Prophetæ, qui venturus est in hunc mundum. Et alibi de eo (h) scriptum est: Accepit autem omnes timor, & magnificabant Deum dicentes: Quia Prophetæ magnus surrexit in nobis: & quia Deus visitavit plebem suam. Hic ergo Prophetæ, & Dominus omnium Prophetarum, qui est via, veritas, & vita, conditor utriusque testamenti, non solum in veteri, sed etiam in novo omnes errores & divinationes, atque artes noxias respuit, atque condemnat: nec ab alio, quàm à se requiri veritatem, aut sanitatem vult, quia ipse cum Patre, & Spiritu Sancto, unus, verus, atque omnipotens est Deus, faciens mirabilia magna solus. Unde & in Evangelio (i) omnes ad se invitat, dicens: Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite à me, quia mitis sum, & humilis corde, & invenietis requiem animabus vestris. Jugum enim meum suave est, & onus meum leve. Et item: (k) Ego sum, inquit, lux mundi. Qui sequitur me, non ambulat in tenebris, sed habebit lumen vitæ. Hic ergo juxta Pauli sententiam: (l) Salvator est omnium hominum, maxime fidelium. De quo & Petrus ait: Non est enim aliquod nomen datum hominibus super terram, in quo oporteat homines salvos fieri. In quo etiam nomine, quotidie signa magna, & sanitates in Ecclesia per orationes fidelium fiunt: quoniam ipse

Discipulis suis in Evangelio ait: (m) Ecce ego do vobis potestatem calcandi super serpentes, & scorpiones, & supra omnem virtutem inimici. Euntes prædicate Evangelium, infirmos curate, mortuos suscite, leprosos mundate, Demones ejicite. De quo etiam Marcus (n) testatus est, dicens: Multos enim sanabat, ita, ut irruerent in eum, ut illum tangerent. Quotquot autem habebant plagas, & spiritus immundos, cum illum videbant, procidebant ei, & clamabant, dicentes: Tu es Filius Dei. Et vehementer comminabatur eis, ne manifestarent illum: & ascendens in montem vocavit ad se, quos voluit ipse, & venerunt ad eum, & fecit, ut essent duodecim cum illo, & ut mitteret eos prædicare. Et dedit illis potestatem curandi infirmitates, & ejiciendi Dæmonia. Quid ergo necesse est salutem ab alio, quam à medico competente quærere? aut quæ ratio est scientiæ, aut sapientiam ab alio quolibet discere velle, quam ab omni scientiæ, ac sapientiæ fonte? De quo (o) scriptum est: Omnis sapientia à Domino Deo est, & apud illum fuit semper, & est ante ævum. Harenam maris, & pluvie guttas, & dies sæculi, quis dimmeravit? Altitudinem cæli, & latitudinem terræ, & profundum abyssi, quis mensus est? Sapientiam Dei præcedentem omnia quis investigavit? Prior omnium creata est sapientia, & intellectus prudentiæ ab ævo. Fons Sapientiæ Verbum Dei in excessis: & ingressus illius mandata æterna. Qui autem sine Salvatore salutem vult habere, & sine vera sapientia æstimat se prudentem fieri posse, non salvus, sed æger; non prudens, sed stultus, in ægritudine assidua laborabit: & in cecitate noxia stultus, & demens permanebit: ac proinde omnis inquisitio, & omnis curatio, quæ à Divinis, & magis, vel ab ipsis Dæmoniis in Idolorum cultura expetitur, mors potius dicenda est, quam vita: & qui ea sectatur, si se non correxerint, ad æternam perditionem tendunt: Quoniam Psalmista (p) dicente: Omnes Dii gentium sunt Dæmonia: Qui perceptos (q) homines alios decipere quotidie gestiunt, ut perditionis suæ faciant eos esse participes. Itaque hæc vanitas magicarum artium, ex traditione Angelorum malorum in toto terrarum orbe plurimis sæculis valuit, per quamdam sci-

(g) Johan. VI.

(k) Ibidem.

(n) Marc. III.

(h) Lucæ VII.

(i) Act. IV.

(o) Ecclesiast. I.

(z) Matt. XI.

(m) Lucæ X.

(p) Psal. XCV.

(q) forte per captos.

scientiam futurorum & infernorum, & per inventiones eorum inventa sunt aruspicia, augurationes, & ipsa, quæ dicuntur oracula, & necromantia: nec mirum, de Magorum præstigiis: quorum in tantum prodire maleficiorum artes, ut etiam Moyfi simillimis signis resisterent, vertentes virgas in Dracones, aquas in sanguinem. Fertur etiam in gentilium libris, quod quædam Maga famosissima socios Ulyssis mutaverit in bestias. Legitur & de sacrificio, quod Arcades Deo suo Lyceo immolabant. Ex quo quicumque fumerent, in bestiarum formas convertebantur. Sed hæc omnia Magicis potius præstigiis fingeantur, quæ rerum veritate complebantur. Ut ergo ipsi errores ignorantibus manifesti fiant, de eorum proprietate, atque inventoriibus juxta traditionem Majorum primum dicere congruum arbitramur.

MAGI sunt, qui vulgo malefici ob facinorum magnitudinem nuncupantur. Hi permissu Dei elementa concutunt, turbant mentes hominum minus in Deo confidentium, ac sine ullo veneni haustu, violentia tantum carnis interimunt. Unde & Lucanus: Mens hausti nullâ sanie polluta veneni, incantata perit. Dæmonibus enim accitis, audent ventilare, ut quisque suos perimat malis artibus inimicos. Hi etiam sanguine utuntur, & victimis sæpe contingunt corpora mortuorum. NECROMANTICI sunt, quorum præcantationibus videntur resuscitari mortui: divinare, & ad interrogata respondere. *Nekros* enim Græce mortuus: *μαντεία* divinatio nuncupatur. Ad quos suscitandos cadaveri sanguis adjicitur. Nam amare dæmones sanguinem dicuntur: ideoque quoties necromantia fit, cruor aquæ miscetur, & colore sanguinis facilius provocantur. HYDROMANTIA ab aquâ dicta. Est enim hydromantia in aquæ inspectione umbras dæmonum evocare, & imagines ludificantes eorum videre, ibique ab eis aliqua audire: Ubi adhibito sanguine, etiam inferos perhibentur sciscitari. Quod genus divinationis à Persis fertur allatum. Varro dicit, divinationis quatuor esse genera, terram, aquam, ætherem, & ignem. Hinc *geomantiam*, *aëromantiam*, *pyromantiam* dictam autumat. *Dicini* dicti quasi Deo pleni. Divinitate

enim plenos se esse assimulant, & astutâ quâdam fraudulentâ, hominibus futura conjectant. Duo autem sunt genera divinationis, ars, & furor. *Incantatores* vero dicti sunt, qui artem verbis peragunt. *Arioli* vocati sunt, propter quod circa aras idolorum nefarias preces emittunt, & funesta sacrificia offerunt, hisque celebritatibus dæmonum responsa accipiunt. *Aruspices* nuncupati, quasi horarum inspectores. Dies enim & horas in agendis negotiis, operibusque custodiunt: & quid per singula tempora observare debeat homo, intendunt. Hi etiam extra pecudum inspiciunt, & ex iis futura prædicunt. *Augures* sunt, qui volatus avium, & voces intendunt, aliaque signa rerum, vel observationes improvisas, hominibus occurrentes, ferunt. Sunt etiam & auspices. Nam auspicia sunt, quæ iter facientes observant. Dicta sunt autem *auspicia*, quasi avium aspicia: Et auguria quasi avium garria, hoc est, avium voces, & linguas. Item augurium quasi avigerium, quod aves gerunt. Duo sunt autem genera auspiciorum, unum ad oculos, alterum ad aures pertinens: ad oculos scilicet volatus, ad aures vox avium. *Pythones* à Pythio Apolline dicti, quod is auctor fuerit divinandi. *Astrologi* dicti, eoquod in astris augurantur. *Genethliaci* appellati sunt propter natalium considerationes dierum. Geneses enim hominem per duodecim cœli signa describunt, siderumque cursu, nascentium mores, actus, & eventa prædicere conantur. Id est, quis quali signo fuerit natus, aut quem effectum habeat vitæ qui nascitur. Hi sunt, qui vulgo *Mathematici* vocantur. Cujus superstitionis genus, constellationes Latini vocant; id est, notationes siderum quomodo se habeant, cum quis nascitur. Primum autem iidem stellarum interpretes, *Magi* nuncupantur: Sicut de his legitur, qui in Evangelio naturam Christum adnuntiaverunt. Postea hoc nomine soli mathematici dicti sunt: cujus artis scientia usque ad Evangelium fuit concessa, ut Christo edito, nemo exinde nativitatem alicujus, de cœlo interpretaretur. *Horoscopi* dicti, quod horas nativitatis hominum specularentur, dissimili, & diverso fato. *Sortilegi* sunt, qui sub nomine fictæ religionis per quasdam



dam, quas sanctorum sortes vocant, divinationis scientiam profitentur, aut quarumcunque scripturarum scientiæ inspectione, futura promittunt. *Salvatores* vocati sunt, quia dum eis membrorum quæcunque salierint, aliquid sibi exinde prosperum aut triste significari prædicunt. Ad hæc omnia pertinent & ligaturæ execrabilium remediorum, seu in præcantationibus, seu in caracteribus, vel in quibuscunque rebus suspendendis, atque ligandis, in quibus omnibus ars dæmonum est ex quadam pestifera societate hominum, & Angelorum malorum exorta. Unde cuncta vitanda sunt Christiano & omni penitus execratione repudianda, atque damnanda. Auguria autem avium Phryges primi invenerunt: Præstigium vero Mercurius primus dicitur invenisse. Dictum autem præstigium, quod præstringat aciem oculorum. Aruspiciæ artem primus Hetruscus tradidisse dicitur: quidam Phryges. Hic ex horis aruspiciam dictavit, & postea non apparuit. Nam dicitur fabulose, arante quodam rustico subito hunc ex glebis exiluisse, & aruspiciam dictasse, qua die & mortuus est. Quos libros Romani ex Hetruscâ linguâ, in propriam mutaverunt. His ergo portentis per dæmonum fallaciam illuditur curiositas humana, quando id imprudenter appetunt scire, quod nullâ ratione eis competit investigare: ac ideo datur potestas immundis spiritibus, ut per vasa sibi apta, hoc est, pravos homines, seducant illos, qui spernunt veritatem, & credunt mendacio: & juxta Pauli sententiam (n) *Sanam doctrinam non sustinebunt, sed ad sua desideria concervabunt sibi magistros prævientes auribus: & à veritate quidem auditum avertent, ad fabulas autem convertentur.* (o) *Onerati peccatis ducuntur variis desideriis, semper discentes, & nunquam ad scientiam veritatis pervenientes. Quemadmodum autem Jamnes, & Mambres resistunt Moysi, ita & isti resistunt veritati: Homines corrupti mente, reprobi circa fidem: Sed ultra non proficiunt. Insipientia enim eorum manifesta erit omnibus, sicut & illorum fuit.* Nec ideo quisquam credere debet, quoslibet magicis artibus aliquid facere posse, sine permissu Dei, quoniam quæ fiunt, aut iusto iudicio fa-

cit, aut permissu suo ita fieri finit, quod prædicti magi leguntur similia fecisse Moysi, qui (p) *virgam suam projecit, & conversus est in Draconem: projecerintque ipsi singuli virgas suas, quæ versæ sunt in dracones: Sed devoravit virga Aaron virgaseorum.* Non ergo fuerunt creatores Draconum, nec magi, nec angeli magi, quibus ministris illa operabantur. Insunt enim rebus corporeis per omnia elementa mundi, quædam occultæ seminariæ rationes: quibus, cum data fuerit oportunitas temporalis, prorumpunt in species debitas suis modis, & finibus: & sic non dicuntur Angeli, qui ista faciunt, animalium creatores, sicut nec agricolæ segetum vel arborum, vel quorumcunque in terra gignentium creatores dicendi sunt, quamvis noverunt præbere quasdam visibiles oportunitates, & causas, ut illa nascantur. Quod autem isti faciunt visibiliter, hoc illi invisibiliter. Deus vero solus, unus creator est, qui causas ipsas, & rationes seminarias rebus inferuit. Præterea quidam quærendum putant, quomodo scriptura narret, pythoniis Samuelem Prophetam suscitasse ad colloquium Saul impiissimi Regis, si pythonica divinatio errori magicæ artis deputandæ sit? Quibus ita responderi potest, indignum omnino facinus esse, si secundum verba historiarum commodetur adensus. Quomodo enim fieri poterat, ut arte magicâ adtraheretur vir, & nativitate Sanctus, & vitæ operibus justus? Aut si non adtractus est, consensit: quod utrumque de viro iusto credere adversum est. Si enim invitatus adductus est, nullum suffragium habet iustitia. Si autem voluntarius, amisit meritum spiritualis, quem posuit in carne, quæverat, quod valde absurdum est, quia hinc qui iustus recedit, permanet iustus. Porro autem hoc est præstigium Satanae, quo ut plurimos fallat, etiam bonos in potestate se habere confingit: quod Apostolus inter cætera (q) ostendit, dicens: *Ipsæ Satanas transfigurat se in Angelum Lucis.* Ut enim errorem faceret, in quo gloriaretur, in habitu viri iusti, & nomine se subornavit: ut nihil proficere speciem, quam prædabant, Dei cultoribus mentiretur, quando hinc exeuntes, iustos finxit in sua esse

(n) II. Timoth. IV.  
(q) II. Cor. XI.

(o) II. Timoth. III.

(p) Exod. VII.

esse potestate. Sed hoc quoddam fallit, quod de morte Saul, & filii ejus non sit mentitus, quasi magnum sit diabolo, ante occasum, mortem corporis prævidere, cum signa quædam soleant apparere morituris: quippe à quibus Dei protectio amota videtur: quanto magis diabolus, quem angelicâ majestate sublimem prophetica oracula fuisse testantur: de cujus magnitudine Apostolus (r) ait: *An ignoratis altitudinem Satane?* Quid mirum ergo, si imminensem prope mortem potuit prævidere, cum hoc sit unde fallit, & se in Dei potestate vult adorari. Nam tantâ hebetudine demens effectus est Saul, ut ad Pythonissam confugeret. Depravatus enim, causa peccati, ad hæc se contulit, quæ damnaverat. Sed si quis propter historiam, ut ea, quæ verbis expressa sunt, putet non prætermittenda, ne ratio historię inanitas sit, recte faciet quidem, si tamen minime istud ad veri rapiat rationem, sed ad visum, & intellectum Saul. Neque etiam reprobis factus, poterat bonum intellectum habere. Historicus enim mentem Saul, & habitum Samuelis descripsit, ea, quæ dicta & visa sunt, exprimens: prætermittens si vera, an falsa sint. Quid enim ait? Audiens in quo habitu esset excitatus, intellexit hunc, inquit, esse Samuel. Quia intellexit, reculit: & quia non bene intellexit, contra scripturam alium adoravit quam Dominum: & putans Samuelem, adoravit diabolum, ut fructum fallaciæ suæ haberet. Sathanas hoc enim nititur, ut adoretur quasi Deus. Si enim vere Samuel illi apparuisset, non utique vir justus permisisset se adorari, qui prædicaverat Dominum solum esse adorandum: & quomodo homo Dei, qui cum Abraham in refrigerio erat, dicebat ad virum pestilentię, dignum ardore gehennæ: *Cras mecum eris.* His duobus titulis subtilitatem fallaciæ suæ providit improvidus Sathanas: quia & adorari se permisit sub habitu, & nomine Samuelis contra legem: vel virum peccatis pressum, cum magna distantia peccatorum & justorum sit cum Samuele justissimo futurum mentitus est, verum potest videri, si de Samuelis nomine taceatur: quia Saul cum diabolo futuruserat:

G g 3

(r) Apoc. II.

(r) Deut. XIII.

ad eum enim transmigrauit, quem adoravit. Semper ergo diabolus sub velamine latens prodit se, dum ea confingit, quæ horreant personæ, per quas fallere nititur. Si autem aliquis mihi opponit, ac dicit: Quomodo eveniunt illa, quæ illi Divini & Prophetæ falsi prædicunt futura? aut quomodo possunt ægris præbere medelam, aut sanis immittere ægritudinem, si aliquid propriæ virtutis, ac potestatis non habent? Hoc à me recipiat responsum, quod ideo quicquam non debet eis credere, quia aliquando eveniunt, quæ prædicunt, aut sanare videntur languidos, aut lædere sanos: quia hoc permisso Dei fit, ut ipsi, qui hæc audiunt vel vident, probentur: & appareat, quali fide sint, & devotione erga Deum. Sicut in Deuteronomio (s) legitur Moyses verbo Domini populo Dei præcepisse ita dicens: *Si surrexerit in medio tui Prophetes, aut qui somnium viderit, se dicat, & prædixerit signum, atque portentum, & venerit, quod locutus est, & dixerit tibi, eamus, & sequamur Deos alienos, quos ignoras, & serviamus eis, non audies verba Prophetæ, aut somniatoris hujus, quia tentat vos Dominus Deus vester, ut palam fiat, utrum diligatis eum, an non in toto corde, & in tota anima vestra. Dominum Deum vestrum sequimini, & ipsum timeate, mandata illius custodite, & audite vocem ejus: ipsi servietis, & adhaerebitis &c.* Ubi sane intelligi voluit etiam illa, quæ à divinantibus non secundum Deum dicuntur, si acciderint, quæ dicuntur, non accipienda: vel etiam si fiant, quæ præcipiuntur ab eis, aut colantur, quæ coluntur ab eis. Nec præter suam potestatem Deus ostendit esse, quod ista contingunt: sed quasi quæreretur, cur ea permittit, causam tentationis exposuit, ad cognoscendam utique eorum dilectionem, utrum eam habeant erga Deum suum: cognoscendum vero ab ipsis potius, quam ab illo, qui scit omnia, antequam fiant. Sciendum vero est, hæc Dæmonum esse naturam, ut aërei corporis sensu, terrenorum corporum sensum facile præcedant. Celeritate etiam propter aërei corporis superiorem mobilitatem, non solum cursus quorumlibet hominum, vel ferarum, verum etiam volatus avium incomparabiliter vincant: quibus duabus rebus,



rebus, quantum ad aëreum corpus attinet; præditi, hoc est, acrimonia sensus, & celeritate motus, multo ante cōgitata prænunciant vel nunciant, quæ homines pro sensus terreni tarditate, mirentur. Accessit etiam Dæmonibus per tam longum tempus, quo eorum vita protenditur, rerum longe major experientia, quam potest hominibus propter brevitatem vitæ provenire. Per has efficacias, quas aërei corporis natura sortita est, non solum multa futura prædicunt Dæmones, verum etiam mira multa faciunt: qui, quoniam homines dicere, ac facere non possunt, eos quidam quibus serviant, & quibus divinos honores deferant, arbitrantur: instigante maxime vitio curiositatis, propter amorem felicitatis falsæ, atque terrenæ, & excellentiæ temporalis. Qui autem se ab eis cupiditatibus mundant, nec eis se ferendos, rapiendosque permittunt, sed inquirunt, & amant aliquid, quod eodem modo semper est, cujus participatione beati sint, primum considerant, non ideo sibi præponendos esse Dæmones, quod acriore sensu corporis prævalent, aëris scilicet, hoc est, subtilioris elementi: quia nec ipsis terrenis corporibus bestias sibi præponendas putant, quum acrius multa præsentiant: veluti sagacem canem, quia latentem feram olfactu acerrimo ita invenit, ut ad eam capiendam, ducatum quendam homini præbeat: non utique prudentiore intellectu animi, sed acutiore corporis sensu: vel vulturem, quia projecto cadavere ex improvisa longinquitate advolat: nec aquila, quia sublimiter volans, de tanto intervallo narrantem sub fluctibus piscem dicitur providere: & graviter aquis illis, exertis pedibus, atque unguibus rapere: nec alia multa animantium genera, quæ inter herbas salutis suæ noxias, pascendo circumerrant, nec (t) aliquis earum, quo lædantur, attingunt: cum eas homo vix experiendo didicerit: & multa innoxia, cum sint inexperta, formidet. Unde conijcere facile est, quantum possit in aëris corporibus sensus esse acrior: nec ideo tamen, Dæmones, qui eo præditi sunt, bonis hominibus præponendos prudens quisque censuerit. Hoc & de corporum celeritate dixerim. Et hæc (u) enim præstantia non solum à volu-

cribus homines, verum à multis etiam quadrupedibus ita superantur, ut in eorum comparatione plumbei reputandi sint: nec tamen ideo sibi hæc animantium genera existimant præponenda: quibus capiendis, atque in suæ voluntatis usum, commodumque redigendis, non vi corporis, sed rationis imperitant. Illam vero tertiam Dæmonum potentiam, quod diurna rerum experientia, quemadmodum prænoscant, atque prænunciant, multa didicerunt, ita contemnunt, qui hæc vigilanter curant à verissimæ lucis veritate discernere, ut nec malos senes plura expertos, & ob hoc quasi doctiores ideo probi adolescentes sibi antecellere existiment: ut nec medicos, nec nautas, nec agricolas, quos pravæ voluntatis, & iniquis moribus viderint, ideo putent sibi esse præferendos, quod illi de valetudinibus, illi de tempestatibus, illi de arborum, fructuumque generibus multa ita prænuntiant, ut harum rerum inexperto divinare videantur. Quod vero non solum quædam Dæmones futura prædicunt, verum etiam quædam mira faciunt, pro ipsa utique sui corporis excellentia, curā non contemnatur à prudentibus? Cum plerique iniqui, ac perditii homines, ita exerceant corpora sua, tantaque diversis artibus possint, ut ii, qui hæc nesciunt, nec aliquando viderunt, etiam narrata vix credant. Quam multa funambuli, caterique theatri artifices, quam multa opifices, maximeque mechanici, miranda fecerunt. Num ideo meliores sunt bonis, & sancta pietate præditis hominibus? Quæ ideo commemoravi, ut qui hæc sine pervicacia, & sine vana resistendi animositate considerat, simul cogitet, si de subjacenti crassiore materia, vel sui quicunque corporis, vel terræ, & aquæ, lapidum, atque lignorum, metallorumque variorum tanta quidem homines possunt, ut eos illi, qui hæc non possunt, plerumque stupendo in sui comparatione divinos vocent. Cum quidam illorum sint artibus potentiores: quidam istorum moribus meliores, quanto meliora, & majora pro subtilissimo corporis, hoc est, aëris facultate, & facilitate Dæmones possint: cum tamen sint pravitate voluntatis, maximeque superbæ fastu, & in-

viden-

(t) lege: aliquid eorum.

(u) forte: hac præstantia.

videntiæ malitiæ spiritus immundi, atque perversi? Quantum autem valeat æris elementum, quo eorum corpora prævalent, ad multa visibilia invisibiliter movenda, movenda, mutanda, atque veranda, longum est nunc demonstrare: & puto, quod vel mediocriter consideranti facile occurrat. Quæ cum ita sint, primum sciendum est, quoniam de divinatione dæmonum quæstio est, illos ea plerumque prænuntiare, quæ ipsi facturi sunt. Accipiunt enim sæpe potestatem & morbos immittere, & ipsum ærem vitiando morbidum reddere: & perversis, atque amatoribus terrenorum commodorum, malefacta suadere: de quorum moribus certi sunt, quod sint eis talia suadentibus consensuri. Suadent autem miris, & invisibilibus modis per illam subtilitatem corporum suorum, corpora hominum insensibiliter penetrando: & se cognitionibus (x) eorum per quædam imaginaria visâ miscendo, sive vigilantium, sive dormientium: Aliquando autem, non quæ ipsi faciunt, sed quæ naturalibus signis futura prænoscent, quæ signa in hominum sensus venire non possunt, ante prædicunt. Neque enim, quia prævidet medicus, quod prævidere nescit huius artis ignarus, ideo jam divinus habendus est. Quid autem mirum, si quemadmodum ille in corporis humani vel perturbatâ, vel modificatâ temperie, seu bonas seu malas futuras prævidet valetudines, sic demon in æris affectione, atque ordinatione sibi nota, nobis ignota, futuras prævidet tempestates? Aliquando & hominum dispositiones, non solum voce prolatas, verum etiam cogitatione conceptas: cum signa quædam ex animo exprimuntur, in corpore tota facilitate perdiscunt: atque hinc etiam multa futura prænuntiant, aliis videlicet mira, qui ista disposita non noverunt. Sicut enim apparet concitatio animi metus in vultu, ut ab hominibus quoque aliquid forinsecus agnoscatur, quod intrinsecus agitur, ita non debet esse incredibile, si etiam leviores cognationes dant aliqua signa per corpus, quæ obtuso sensu hominum cognosci non possunt, aucto autem dæmonum possunt. Hac atque huiusmodi facultate multa dæmones futura prænuntiant, cum ta-

men ab eis longe sit altitudo illius prophetiæ, quam Deus per sanctos Angelos, & prophetas operatur. Nam si quid de illâ Dei dispositione prænuntiant, audiunt, ut prænuntient, & cum ea prædicunt, quæ inde audiunt, non fallunt. Veracissima enim sunt angelica, & prophetica oracula. Si autem indignanter accipitur, quod aliqua etiam talia dæmones audiant & prædicant, quasi aliquid indignum sit, ut quod ideo dicitur, ut hominibus innotescat, hoc non solum boni, verum etiam mali non taceant? Cum in ipsis hominibus etiam vitæ bonæ præcepta videamus, pariter à justis, perversisque cantari: nec obeffe aliquid, imo etiam prodesse ad maiorem notitiam, famamque veritatis. Cum de illa etiam hi, quicquid noverunt, dicunt: quæ (y) ei perversis moribus contradicunt. In ceteris autem suis prædicationibus dæmones plerumque & fallunt, & falluntur. Fallunt quidem, quia cum suas dispositiones prænuntiant, ex improvviso desuper aliquid jubetur, quod eorum consilia cuncta perturbat: velut si aliquid disponant quilibet homines quibusque potestatibus subditi, quod non prohibuitur suos præpositos arbitrentur, idque facturos se esse promittant, at illi penes quos major potestas est, & alio superiore consilio, hoc totum dispositum, atque præparatum repente prohibeant. Falluntur etiam cum causis naturalibus, sicut medici, & nautæ, & agricolæ; sed longe acutius, longeque præstantius pro ærei corporis sensu, solertiore exercitatione prænoscent: quia & hoc ab Angelis Deo summo pie servantibus, ex alia dispositione ignota dæmonibus, ex improvviso, ac repente mutantur, tanquam si aliquid ægro extrinsecus accedat, quo moriatur, quem medicus veris salutis præcedentibus signis, victurum esse promiserat: aut si æris qualitate prævisa, diu staturum illum ventum, nautarum aliqui prædixissent, cum Dominus Christus cum discipulis navigans, ut quiesceret, (z) *imperavit*, & *facta est tranquillitas magna*. Vel si agricola illo anno fructificaturam vitem aliquam polliceatur, naturam utique terræ ex numero seminum callens: quo tamen anno eadem, vel improvvisa cæli temperies arefaciat: vel aliqua iussu potentiora-

(x) forte cogitationibus.

(y) forte qui.

(z) Matthæi IV.



eradicet: ita multa etiam ad præscientiam, prædictionemque dæmon pertinentia, quæ minoribus, & usitatoribus causis futura prævidentur, eadem maioribus, & occultioribus causis impedita mutantur. Fallunt autem etiam studio fallendi, & invidiâ voluntate, quia hominum errore lætantur. Sed ne apud cultores suos pondus authoritatis amittant, id agunt, ut interpretibus suis, signorumque suorum conjectoribus culpa tribuatur, quando vel decepti fuerint, vel mentiti. Nonnunquam vero ipsi maligni spiritus, & illusores hominum, atque invisores salutis eorum, solent prædicere defectum culturæ suæ, & idolorum ruinam: quatenus præscii videantur, quid in singulis regnis, aut locis eventurum sit: & quid adversi suæ factioni contingere possit: quod etiam illi, qui gentilium historias legunt, non ignorant. Quid ergo mirum, si jam imminente templorum, & simulacrorum everfione, quam Prophetæ Dei summi, tanto ante prædixerant; Serapis dæmon alicui cultorum hoc de proximo prodidit, ut suam quasi divinitatem recedens vel fugiens commendaret. Fugantur enim ipsi, vel etiam iussis superioribus colligati abstrahuntur, & alienantur à locis suis, ut de rebus, in quibus colebantur, fiat voluntas Dei, qui hoc tanto ante per omnes gentes futurum esse prædixit: & ut per fideles suos fieret, imperavit. Cur autem hoc non finiretur dæmon prædicere, cum sibi jam prænosceret imminere? Cum hæc prædictio & in Prophetis attestaretur, à quibus sunt ista conscripta, & prudentibus daretur intelligi, quam vigilanter esset dæmonum cavenda fallacia, cultusque fugiendus: qui cum ante per tam longum temporis in templis suis hæc futura tacuissent, quæ per Prophetas prædicta ignorare non possent: postea quam appropinquare cœperunt, voluerunt ea, quasi prædicare, ne ignari, victique putarentur. Cum igitur tam longe ante prædictum esset, atque conscriptum, ut alia interim taceam, illud, quod Sophonias Propheta dicit: (a) *Prævalebit Dominus adversus eos, & exterminabit omnes Deos gentium terræ: & adorabunt eum unusquisque de loco suo: Omnes Insula gentium.* Aut non credebant ista sibi eventura, qui

in gentium templis colebantur, & hæc ideo per suos vates ad Phanaticos frequentare noluerunt: aut cum ea ventura certissime scirent, ideo per sua templa tacuerunt, ne jam tunc inciperent ab hominibus intelligentibus deferri, atque contemni, quod de templorum, & simulacrorum suorum futura everfione eis à Prophetis attestarentur, qui eos coli prohibebant. Nunc vero postea quam tempus advenit, quo complerentur vaticinia Prophetarum Dei unius, qui istos falsos Deos interdicat, & ne colantur, vehementissime præcepit, cur non hoc etiam ipsi compertum prædicere finerentur, ut inde clarius appareret eos hæc antea vel minime credidisse, vel suis cultoribus enuntiare timuisse? In fine autem tanquam nihil amplius habentes, quod agerent, etiam ibi voluisse suam ostentare Divinitatem, ubi jam produntur diu simulasse divinationem: tamen nec ista ipsa, quæ ab eis vix raro, & clanculo proferuntur, movere nos debent, si cuiquam dæmoni exortum (b) est, id prodere cultoribus suis, quod didicerat ex eloquiis Prophetarum, vel ex oraculis Angelorum: quod cur non fieret, cum & ista non sit oppugnatio, sed attestatio veritatis? illud enim, quod solum ab ipsis phanaticis flagitandum est, nec unquam antea protulerunt, nec unquam præterea nisi forte conscriptum, proferre conabuntur aliquid Deos suos per vates suos contra Deum Israël ausos fuisse prædicere: aut dicere de quo Deo doctissime eorum authores, quia omnia illa legere, & nosse potuerunt, magis quænaverunt, quis Deus esset, quam Deum negare potuerunt. Porro autem Deus iste, quem nullus eorum negare ausus est verum Deum, quia, & si negaret, non solum subjaceret debitis poenis, verum etiam certis evinceretur effectis. Iste ergo Deus, quem nemo, ut dixi, illorum negare ausus est verum Deum, illos falsos esse Deos, & omnino deferendos, eorumque templa, & simulacra, & sacra evertenda, per suos vates, hoc est prophetas, aperta denuntiatione prædixit: aperta potestate præcepit: aperta veritate complevit. Unde quis est, qui usque adeo desipiat, ut non eum potius colendum eligat, quem coli non perhibent, quos

(a) Sopho. II, 11.

(b) forte extortum.

quos colebat? Quem procul dubio cum colere cœperit, illos utique non est culturus, quos prohibet coli, quem colit. Quod autem ipsum essent culturæ gentes exterminatis Diis falsis, quos antea colebant, à Prophetis ejus esse prædictum, paulo ante commemoravi, & nunc repeto: (c) *Prævalebit, inquit, Dominus adversus eos, & exterminabit omnes Deos gentium terræ: & adorabunt eum unusquisque de loco suo, omnes Insulæ gentium.* Neque enim solæ Insulæ hic intelligendæ sunt, sed potius omnes gentes in his positæ adorant Deum. Nec mirum: quandoquidem alibi non insulas nominat, sed universum orbem terrarum (d) dicens: *Commemorabuntur, & convertentur ad Dominum universi fines terræ, & adorabunt in conspectu ejus universæ patriæ gentium. Quoniam Domini est regnum, & ipse dominabitur gentium.* Hæc autem per Christum fuisse complenda, & aliis pluribus testimoniis, & in eodem ipso psalmo, unde commemoravi, satis apparet. Cum autem paulo superius futuram passionem suam per Prophetam ipse loqueretur (e) dicens: *Foderunt manus meas, & pedes meos, dinumeraverunt omnia ossa mea. Ipsi vero consideraverunt, & conspexerunt me: diviserunt sibi vestimenta mea, & super vestem meam miserunt sortem,* paulo post infert, quod posui: *Commemorabuntur, & convertentur ad Dominum universi fines terræ, &c.* Quamquam & illud testimonium, quod prius adhibui, ubi dictum est: *Prævalebit Dominus adversus eos, & exterminabit omnes Deos gentium terræ,* in eo, quod positum est, prævalebit, satis ostenditur etiam hoc prænuntiatum, quod Pagani prius oppugnaturi essent Ecclesiam, nomenque Christianum, quantum valerent, percuturi: ut si fieri posset, de terra omnino deleberetur. Et quia eos patientia Martyrum, & magnitudine miraculorum, & consequente fide populorum erat superaturus, ideo sicut dictum est, prævalebit Deus adversus eos. Non enim diceretur, prævalebit adversus eos, nisi oppugnando illi resisteret. Unde & in Psalmo (f) ita prophetatum est: *Ut quid fremuerunt gentes, & populi meditati sunt inania? Astiterunt Reges terræ, & Principes convenerunt in unum, adversus Do-*

*minum, & adversus Christum ejus, & paulo post dicitur: Dominus dixit ad me, filius meus es tu, ego hodie genui te. Postula à me, & dabo tibi gentes hereditatem tuam, & possessionem tuam terminos terræ.* His atque hujusmodi propheticiis documentis prædictum ostenditur, quod impleri videmus, per Christum futurum fuisse, ut Deus Israël, quem unum verum Deum intelligimus, non in una ipsa gente, quæ appellata est Israël, sed in omnibus gentibus coleretur: & omnes falsos Deos gentium & à templis eorum, & à cordibus cultorum suorum amoveretur. Eant nunc isti, & adhuc contra Christianam religionem, contra verum Dei cultum vanitates pristinas defenditare audeant, ut cum strepitu pereant. Nam & hoc de illis prædictum est in Psalmis, dicente Propheta: (g) *Sedisti super thronum, qui judicas aequitatem. Increpasti gentes, & periit impius, nomen eorum delesti in æternum, & in sæculum sæculi. Amici defecerunt fratræ in finem, & civitates eorum destruxisti. Periit memoria eorum cum strepitu: & Dominus in æternum permanet.* Necesse est ergo, ut impleantur hæc omnia, nec etiam illud, quod adhuc audient ipsi pauci, qui remanserunt, vaniloquas suas ostentare doctrinas, & Christianos tanquam imperitissimos irridere, nos commovere debet, dum eis impleri ea, quæ prædicta sunt, videamus. Ex quo enim fremuerunt gentes, & populi meditati sunt inania, adversus Dominum, & adversus Christum ejus, quando ab eis fundebatur sanguis Sanctorum, & vastabatur Ecclesia usque ad hoc tempus, & deinceps quotidie minuitur. Nos autem adversus eorum opprobria, & superbas irrisiones fortissimos reddunt oracula Dei, quæ de hac quoque re videmus, & gaudemus impleri. Sic enim nos alloquitur per Prophetam: *Audite me, qui scitis judicium popule meus, in quorum corde lex mea. Opprobria hominum nolite metuere, & detractione eorum ne superemini: nec quod vos spernant, magni duxeritis. Sicut enim vestimentum, ita per tempus absumuntur, & sicut lana à tinea, comedentur. Iusti autem in ea in æternum manent.* Attendendum est ergo, atque omni studio cavendum, ne nostris

(c) Sophon. II.

(d) Psal. XXI.

(e) Psal. eod.

(f) Psal. II.

(g) Psalmo IX. nonnihil diversum à vulgata.



stris temporibus, in quibus videmus Christianam Religionem in toto orbe dilatam, propter desidiam magistrorum, & inertiam Doctorum, pauci illi, qui adhuc supersunt, confundant ritum culturæ veri Dei, & demoniacis illusionibus depravati, divinationes falsas in populo Dei agunt, rusticos, & imperatos seducunt: ita ut desertâ ipsâ veritate, quæ lux est mundi, & illuminat omnem hominem venientem in hunc mundum tenebrarum harum, quærant scientiam futurorum & à deceptoribus hominum quærant salutem animarum, sive etiam corporum suorum. His enim prævaricationibus maxime irritatur Deus, & ad vindictam provocatur. Unde per Ezechielem (b) comminatur dicens: *Vae Prophetis insipientibus, qui sequuntur spiritum suum, & nihil vident, quasi vulpes in desertis Prophetae Israël erunt. Nunquid non visionem cassam vidistis, & divinationem mendaciorum locuti estis, & dicitis, ait Dominus, cum ego non sim locutus? propterea hæc dicit Dominus Deus: quia locuti estis vana, & vidistis mendacium, ideo ecce ego ad vos ait Dominus Deus: & erit manus mea super Prophetas, qui vident vana, & divinant mendacium, in concilio populi mei non erunt: & in Scriptura domus Israël non scribentur: nec in terram Israël ingredientur.* Ad Doctores autem, per eundem Prophetam increpans eorum inertiam, (i) loquitur dicens: *Non ascendistis ex adverso, neque opposuistis murum pro domo Israël, ut staretis in prælio in die Domini.* Et rursum, *Vae*, inquit, *Pastoribus Israël, qui pascebant semet ipsos. Nomen greges pascuntur à Pastoribus. Lac comedebatis, & lanis eorum operiebamini, & quod crassum erat, occidebatis: gregem autem meum non pascebatis. Quod infirmum fuit, non consolidastis: & quod ægrotum, non sanastis; quod fractum est, non alligastis: & quod abiectum, non reduxistis: quod perierat, non quaesistis. Sed cum austeritate imperabatis eis, & cum potentia: & dispersæ sunt oves meæ, eo quod non esset Pastor, & factæ sunt in devorationem omnium bestiarum agri, & dispersæ sunt.* Hinc & per Hieremiam dicitur: (k) *à minimo usque ad maximum omnes avaritiam sequuntur. A Propheta usque ad Sacerdotem, cuncti locuti sunt mendacium: & sanabant contritionem*

*filiae populi mei ad ignominiam, dicentes, pax, cum non esset pax. Confusi sunt quia abominationem fecerunt.* Idcirco hæc dicit Dominus exercituum Deus Israël: *Ecce ego cibabo populum istum absinthio, & potum dabo eis aquam fellis: & dispergam eos in gentibus, quas non novērunt ipsi, neque patres eorum: & mitram post eos gladium, donec consumantur.* Qualiter ergo Deo omnipotenti Pastorum negligentia & subditorum error displiceat, non solum prophetica testimonia ostendunt, sed etiam facta antiquorum declarant. Cum in libro (l) Regum legitur, quomodo malignus spiritus deceperit Achab Regem Israël per falsos Prophetas: ita ut credens eis, interierit: & quomodo (m) Ochozias Filius ægrotans, misit nuntios ad consulendum Beelzebub Deum Accaron, utrum vivere, atque convalescere possit de infirmitate sua? ob quod Helias Propheta à Deo missus, increpabat eum dicens (n) *Quia misisti nuntios ad consulendum Beelzebub Deum Accaron, quasi non esset Deus in Israël, à quo possis interrogare sermonem; ideo de lectulo, super quem ascendisti, non descendes, sed morte morieris.* Mortuus est igitur ipse juxta sermonem Domini, quem locutus est Helias, & salutem, quam quærebat, non invenit. Quapropter curandum summopere est omnibus nobis, hoc est, prælatis, & subditis, majoribus, & minoribus, sacerdotibus, & plebi, ne aliquem seducat per hujuscemodi illusionem fraus, dolus, & nequitia hostis antiqui, ita ut à mendacibus velimus discere veritatem: & à pestiferis morbis, mortisque authoribus quæramus infirmitatis nostræ remedium. Sed magis ad Dominum vivum, & vivificatorem omnium confugiendo, devoto corde properemus per orationes sacras, jejunia, & elemosynas illum deprecantes, ut ipse propter benignitatem suam consulat servis suis, eripiens nos de omnibus inimicis nostris, doceatque nos facere voluntatem suam, quia ipse est Dominus Deus noster. Spiritumque suum bonum in nobis tribuat, qui nos deducat in viam rectam, vivificetque nos in æquitate sua, quatenus ejus magisterio orani tempore vitæ nostræ gratum ser-

(b) Ezech. XIII.

(l) III. Reg. XXII.

(i) Ibidem.

(m) IV. Reg. I.

(k) Jerem. VI, 13.

[n] Eodem loco.

servitium ei exhibentes, post hanc titudinem possidere sempiternam, A-  
vitam per ejus gratiam mereamur bea- men.

*Ex editione Colonienſi anni 1532. typo Joannis Prael.*

Obſerva Textum Scripturæ à Rhabano citatum, multis in locis differre à noſtra vulgata,  
ſed differentia grammaſicæ, non ſenſus.

## CONCILIIUM MOGUNTINUM.

CIRCA DCCCLX.

*Colligitur ex ſequenti Epistoſa*

### NICOLAI PAPÆ

RESPONSORIA AD SYNODICAM è MOGUN-  
TINO CONCILIO SCRIPTAM,

A D

CAROLUM ARCHI-EPISCOPUM MOGUNTINUM,  
EJUSDEM EPISCOPOS, SUFFRAGANEOS ET ABBATES.

S U M M A R I U M.

- I. Nicolaus Papa laudat curam PP. Concilii Moguntini in communi-  
candis Actis Sedi Apostolicæ.
- II. Negat literas à S. Sede pro conjugio Abbonis rato scriptas fuiſſe.
- III. Confirmat ſententiam Concilii conformem Decretis Papæ Gregorii  
II. & Zachariæ.
- IV. Præcipit conjugium Abbonis irritum declarari, dein varia cano-  
nica Præcepta exponit, vel inſtaurat ex vetuſtioribus Canonibus.
- V. Eſſi enim jam ſcripſiſſet non eſſe ineunda conjugia cum conſanguineis  
uſque dum generatio memoria tenetur: addit ſe numerum genera-  
tionum hac ſua Epistoſa nolle definire.
- VI. Sacerdoti fornicanti honorem Sacerdotii auferendum.
- VII. Crimine non manifeſto nec probato detur locus purgandi ſe jura-  
mento: eadem facultas ſit Diaconis accuſatis.
- VIII. Fœminæ velatæ in crimen lapſæ & pœnitentiæ jugi ſubmittendæ.
- IX. Parricidii & fratricidii pœnæ canonicæ.  
Tempus pœnitentiæ diſcretioni Episcoporum relinquitur.  
Uti & an, & quibus lapſis conjugia concedenda?
- X. De Peccatis cum matre vel filia ſpirituali.
- XI. An liceat marito adulterum interficere?
- XII. De homicidio involuntario.
- XIII. Viduæ ſemel velatæ obligatio perpetua.



NICOLAUS EPISCOPUS, SERVUS SERVORUM DEI, REVERENTISSIMO ET SANCTISSIMO CONFRATRI NOSTRO CAROLO ARCHIEPISCOPO, (a) SALOMONI, (b) HILTIGRIMO, (c) THIODRICO, (d) GUNTONI, (e) GEBEHARDO, (f) ARN. (g) WITGARIO, (h) EGIBERTO, (i) REVERENTISSIMIS EPISCOPIS, ATQUE GRIMALTO, (k) EGILBERTTO, (l) THIOTONI, (m) AMALI, (n) ADALGARIO, (o) RELIGIOSIS ET VENERABILIBUS ABBATIBUS.

**D**ivinorum fulgentes dogmatum diffinitiones scientiæ sacro sedis nostræ alvo procedunt, semperque descendunt, quia rectitudinis & æquitatis species gignere novit & instituta dilectionis disponere administrare. Pacis enim ac justitiæ amatrix cognoscitur & benignitatis amica. Cujus consuetudine fulti atque industria, vestræ beatitudini apices destinavimus, rectitudinis fundentes dulcedinem, & probabili sanctiōe ornatos, cum ABBONIS causam, de quo fertis vestra præsentia Episcoporum subtili inquisitione examinare decrevimus, ut de ea certitudinis per nos maluissimus scire cognitionem. In Salomonem quippe Episcopum nec criminis neque facinoris sententiam certe protulimus, nisi ut commissam sibi à Domino plebem, sicut audieramus, non constringeret juramentis. Epistola vero, quam nobis quasi à nobis missam, GRIMOLDUS obtulit Abbas, numquam nostro est scrinio scripta, neque à nobis edita, neque à nostra fede directa, sed omnimodis falsitatis argumento plena, & mendacii constructa demonstratur tenore. En quia Abbonis jam dicti causam atque intentionem secundum nostræ institutionis deliberationem, *Synodali examinatione* inquirere studuistis, nobisque gestis rei veritatem significastis, ingentes vestræ agimus beatitudini grates, & quia tantæ claritatis erga sedem polorum clavigeri habetis devotionem, ovantes vestram spiritualibus ulnis amplectimur almitatem. Et quia ipsi Abboni veridicis, ut fertis, testibus

in vestro Concilio comprobatum est, quod contra sacrorum Canonum sanctiones uxorem accipere præsumpsisset, in quarta etiam generatione sibi copulasset, sancimus & Apostolica promulgatione decernimus, hujus infausti conjugii omnimodis copula dissolvatur, quia propriæ consanguinitatis & cognationis demonstratur atque cognoscitur esse. Et hoc vobis interrogantibus statuimus, ut nulli liceat Christiano de propria consanguinitate sive cognatione uxorem accipere, usque dum generatio recondatur, cognoscitur, aut memoria retinetur. Lætatur autem vestramque laudamus industriæ observantiam, quia in hac re beatissimorum antecessorum nostrorum GREGORII (p) & (q) ZACHARIÆ Pontificum hætenus in vestris Parochiis, ut vestris protulistis in litteris, observando tenetis (decreta.) Dixistis enim in quota generatione sibi fideles jungantur. Nos autem generationum in hac re numerum non definimus, sed ut supra retulimus, incunctantur observare monemus. Sacerdotes vero, si in fornicationis ceciderint laqueum & criminis, & manifestus sive ostensus fuerit actus, sacerdotii non possunt habere honorem, secundum Canonicæ institutionis auctoritatem. Sacerdotes illi qui in crimine fornicationis fuerint accusati, & crimen illis non fuerit comprobatum, aut ipsi non manifesta-verint, quid aliud agendum est, nisi quod in NEOCÆSARIENSIS (r) SANCTI CONCILII CAPITULO legitur ac demonstratur? Tamen si ipsi iuramento

(a) Moguntino.

(b) Constantiensi.

(c) Halberstadenfi.

(d) Mindenfi.

(e) Wormatiensi.

(f) Spirensi.

(g) Wirceburgensi Arnoni, non Arnulfo Tullensi, ut Martene conjiciebat.

(h) Augustano.

(i) Osnabrugensi Episcopis.

Ita Eckhartus explicat Tomo II. *Historiæ Franciæ* pag. 473.

(k) S. Galli.

(l) Laureshamensis Cœnobii.

(m) Fuldenfis.

(n) Amalo vel Amale Campidonensis.

(o) Corbeianfis Abbatibus.

(p) Tomo primo pag. 36. Capitulari sexto Gregorii PP.

(q) Tomo I. Zachariæ Papæ Capitula XX. XXI. XXII. XXV. XXVI. XXVII. pag. 81. 82.

(r) Tomo I. pag. 150. C. I. II. III. Concil. Neocæsariens.

mento se voluerint purificare, licentiam habeant. Similiter autem & Diaconi si fuerint accusati, peragant. Fœminæ scilicet, quæ sacro sunt velamine consecratæ, si fuerint, quod nolumus, fornicatæ; velamen deponere non præsumant, sed pœnitentiæ iugo submissæ, summopere decertare festinent, ut ad indulgentiæ & remissionis valeant gratiam pervenire. De patricidis & fratricidis præcipimus, ut per unius anni circumlum ante fores basilicæ orantes Domini clementiam perseverent. Completo vero anni circulo introducantur Ecclesiam, tamen inter *audientes*, usque dum unius anni spatium finiatur, stent, cum ad Missarum solemniam vel ad alia sacra audire officia venerint. His ita peractis, si penitentiæ fructus in eis conspiciuntur, Corporis & Sanguinis Domini nostri JESU CHRISTI participes fiant, ut desperantiæ non indurenur caligine. Carnem non manducant omnibus diebus vitæ illorum, vinum atque pulmentum sumere non præsumant, nisi tres dies per hebdomadam. Jejunent autem usque ad nonam diei horam quotidie, exceptis festis diebus atque Dominicis. Arma gerere non audeant vel fumere, nisi contra paganos, & ubicumque ire maluerint, nullo vehiculo deducantur, pedestri more proficisci studeant. Tempus autem hujus pœnitentiæ, in vestræ beatitudinis arbitrio ponimus, ut secundum conversionem illorum aut extendere vel minuire valeatis. Ab uxoribus, si habuerint, non separentur; si autem non habuerint, & se continere non valuerint, legitimas accipiant in conjugio feminas, ne fornicationis voraginem incidere videantur. Si autem antequam duorum prædictorum annorum finiantur cur-

ricula, finis vitæ illorum pervenerit, viaticum illis non negetur. Si quis cum duabus fuerit fornicatus, aut cum personis de quibus Sacra Scriptura prohibet, si dignam egerit pœnitentiam, & tamen non maluerit continentiam sustinere, liceat legitimam conjugio uxorem accipere. Similiter & mulier, quæ tali fuerit scelere lapsa, ut fornicationis ad chæos non perducatur, perficiat. Sed hoc de laicis viris ac mulieribus solummodo statuimus. Si quisquam cum matrè spiritali fuerit fornicatus, anathematis, ut scitis, percutitur ictibus. Similiter autem & illum percutere promulgamus, qui cum ea, quam de sacro fonte baptismatis suscepit, aut cum illa, quam ante Episcopum tenuerit, cum sacro chrismate fuerit unctæ, fornicationis crimen perpetraverit; legitimam autem si habuerit, non dimittat uxorem. Inter hæc vestra sanctitas addere studuit, si cujus uxor adulterium perpetraverit, utrum marito ipsius liceat secundum mundanam legem eam interficere. Sancta Dei Ecclesia mundanis numquam constringitur legibus, gladium non habet nisi spiritualem ac divinum, non occidit sed vivificat. De his, qui non sponte homicidium commiserunt, in vigesimo secundo capitulo (s) Ancyranæ Concilii, qualiter agere debeant, definitum habetis. Homicidæ post unius anni spatium liceat Ecclesiam intrare. Vidua quidem, quæ sacrum capiti velamen imposuerit, & inter ceteras velatas feminas in Ecclesia oraverit, si professæ est in eodem habitu permanere, spondens numquam religionis deponere velamen, religionis observantia discedere non præsumat. Optamus sanctionem vestram in Christo bene valere.

*Martene & Durand. veterum Script. & Monumentorum amplissima Collectio, Tom. I. pag. 149. 150. Ex quo Eckhartus, Coletus & Mansi in Supplement.*

Concilium hoc Moguntia: à Carolo celebratum fuisse circa 859. vel 860. recte statuit Eckhartus & alii ex hac Epistola, quæ est Responsoria Papæ scripta ad Synodicam ex Moguntino Concilio Romam directâ.

Actum fuit in hoc Concilio utrum conjugium Abonis cum uxore quarto gradu consanguinea legitimum fuerit? Concilium negat dissentientibus, ut apparet, Salomone, & Grimoldo S. Galli Abbate, qui etiam *fictitias literas* Pontificias protulit Concilio, pro valore hujus Matrimonii astruendo.

(s) Tomo I. nostro pag. 148.



## CONCILIIUM AQUENSE.

V. IDUS JANUARIII.

Anno Christi DCCCLX. Nicolai Papæ II.  
Ludovici Germaniæ Regis XX.

*SUMMARIUM. Accusatio Tetbergæ Reginæ, apud Hlotharium Regem. Rex accusationem Episcopis examinandam defert. Episcopi auditam Reginam, & confitentem ad penitentiam, & velum damnant: nec Rex ultra ad eam accedat.*

## CAPUT I.

**P**ostquam Dominus noster Hlotharius Serenissimus ac Gloriosissimus Rex Tetbergam cum consensu & voluntate fidelium suorum ad conjugium more regali sibi sociavit, (a) & discordiarum querelæ inter eos cœperunt exoriri; dictum est ei Principi à quibusdam, quomodo memorata Tetberga scelus quoddam horribile ac nefas patratum, vulnus occultum in animo sive in corpore haberet, & in quo Deum graviter offensum haberet. Pro quo etiam illi non esset digna, neque liceret vel eum deceret ad conjugium eam amplius habere.

CAP. II. Ex opinione vero præmissa, quæ de illa per ora quorundam volitabat, præfatus Rex in conspectu fidelium suorum secreto ac manifesto frequenter conlocutus fuit, & cum eis rationes habuit; unde iudicium postea per ipsorum consilium extitit factum, sed non divina pietas indulgens rei veritatem manifestare voluit. Sed cum postmodum ad fratrem suum Hludovicum Imperatorem in Italiam devenisset, illuc apertius patratum scelus est illi manifestatum.

CAP. III. Proinde ne suspicio ista & nequissima fama de uxore regia diutius inexaminata aut improbata maneret; quatenus idem Dominus noster certior, securiorque effectus de hac causa, cum, quæ illi agenda erant, more regali liberius ex-

equeretur; convenerunt jussu ejusdem Principis, anno videlicet Incarnationis Dominicæ DCCCLX, & Regni ejus V. Indiæ. VIII. V. Idus Januarii. Aquis Palatio, Guntharius summus Capellanus, & Teorgaudus Archiepiscopi, Adventius & Franco Episcopi, Hegil & Odelingus Abbates, sive alii fideles ejus: quibus omnia superius inserta referens, jubendo monuit præscriptos Episcopos atque Abbates, dirigens ad illam, ut de prædicta fama apud eam omnem rei veritatem perquirerent, sicut & fecerunt. Nam ipsa confessa est eis coram Deo & Angelis ejus, omnia quæque in illa erant, omnèque secretum juxta exortam famam penitus aperuit illis, ipsique reversi nuntiaverunt prædicto Regi, quod ad uxorem non liceret illi eam habere.

CAP. IV. Primus Guntharius dixit: Confessa est Deo & nobis, quod vulnus in se haberet interius, non tamen sua sponte, sed violenter sibi inlatum, pro quo indignam se esse omnino judicavit, ad regalem sive maritalem thorum jam ulterius accedere, & nullatenus posset pro prædicto scelere, quod turpe est dicere conjugium famulare cum eo, vel cum quolibet amplius habere, & ideo deprecata est licentiam sibi dari mutandi sæcularem habitum, & à virili commixtione discedendi, nulla interveniente fraude iracundiæ etiam vel voluntate, quam contra eundem Regem haberet, sed ab illa

(a) Anno 856. Lotharius Tetbergam Reginam sibi in Matrimonium junxit.

*Annales Metenses Regino.*

In prima accusatione Tetberga negavit se hujus criminis ream, & oblata probatione aquæ ferventis, Regina eam accepit, & substituit loco sui hominem, qui caeremoniis ipsius sæculi omnibus adhibitis manum illasam ex aqua fervente extraxit, adeoque innocentiam Tetbergæ ab impacta calumnia probavit: idem iudicium Hincmari pag. 350. in dicto opusculo de Divortio.

illa discedente, ipse animo & corpore solaretur, & ipsa, quod inique egit per Dei misericordiam & eorundem Episcoporum orationes desistere potuisset.

CAP. V. Adventius dixit. Hoc me facinus & factum hæcenus latuit, & nefas est illud, ut deinceps more maris & fœminæ simul conveniatis: & si tamen, ut prius fuit, vobis esset amabilis & dilecta, darem vobis consilium secundum ministerium mihi commissum, & probarem omnino, ne ulterius lateri vestro fo-ciaretur sicuti conjunx: sed juxta peti-

nem ejus velum accipere, & habitum mutare, hoc permetteretis.

CAP. VI. Similiter Teotgaudus Archi-Episcopus dixit atque consensit.

CAP. VII. Egil Abba vice ejusdem Tetbergæ ita faciendum suavit & petiit, ut, quia non sua sponte, sed vi oppressa rem nefandam perpetraverat, tribueretur ei facultas velandi, & locus, quo patratum vulnus sanaret: quod vero simpliciter & nullo incumbente timore aut qualibet occasione vel voluntate, sed pro Dei amore, & animæ suæ solutione petebat.

*Hincmarus Opusculo de Divortio Hlotharii & Tetbergæ pag. 312. addens hunc libellum VII. Capitulum de Concilio Aquisgranensi adeo absurdum, & vero dissimilem sibi videri; ut credi non debeat à præfatis confectus Episcopis. 2do in initio hujus opusculi judicat causas nuptiales Excellentissimorum Regum ad Apostolicam Sedem adju-dicandas transmitti debere pag. 294. edit Parisinæ anni 1615.*

## CONCILIIUM AQUISGRANENSE

MEDIANTE FEBRUARIO.

*SUMMARIUM. Episcopi iterato examine & confessione Tetbergæ eam publicæ pœnitentiæ subjiciunt ob criminis atrocitatem.*

**A**Nno ab Incarnatione Domini DCCCLX. Indictione VIII. mediante Febuario mense, decernentibus Gloriosis Regibus Hludovico, Carolo atque Hlothario juniore in generali Conventu Optimatum ex regno almi Hlotharii actum est Concilium Episcoporum Aquisgrani Palatio, Guntharii Agrippinensis, Teotgaudi Treverensis, Wenilonis Rotomagensis, Franconis Tungrensis, Hattonis Viridunensis, Hildegarii Meldensis, Halduini Aviniensis.

CAP. XV. Ad locum de fœmina, unde agitur, ita scriptum reperimus. Porro illa nulla securitate hoc celandi aut superandi fulta primo Regi ordinem perpetrati reatûs, ut fama fuerat, enarravit. Deinde quibusdam Episcoporum simul & Laicorum idipsum enucleavit. Postea quoque cartulam suæ confessionis suo rogatu conscriptam, in nostra omnium & multorum laicorum præsentia in manu Gloriosi Regis Hlotharii porrexit, moxque coram omnibus palam locuta: Domine mi Rex (inquit,) propter Deum rogo, & propter vestram mercedem, ut mihi pœnitentiam agere liceat: quoniam

& verbis & scripto confiteor me conjugalem copulam non mereri, ideoque prostrata suppliciter exoptulo, ut mihi jam nunc, & deinceps non denegetis, quod meæ salutis posthac succurrere potest.

Textus itaque illius Scripturæ hæc verba & hunc sensum continebat.

Ego Thietbrihc, quam fœminei sexus imprudentia & fragilitas fefellit humana, & conscientia delicti mordet, propter spem salutis animæ meæ & propter fidelitatem erga seniores meum veram confessionem coram Deo & Angelis ejus ac Venerabilibus Episcopis, seu nobilibus Laicis, sic profiteor, quia germanus meus Hucbertus Clericus me adolescentulam corripit, & in meo corpore contra naturalem usum fornicationem exercuit, & perpetravit. Hoc testificor, teste mihi conscientia mea, non aliqua malevola suggestionem persuasa, neque violenti necessitate compulsus, sed simplici voluntatem rei veritatem (sicut erat) professus. Sic me adjuvet Dominus, qui peccatores salvare venit, & peccata simpliciter ac veraciter confitentibus veram indulgentiam promissit. Si nihil fingo, si vera pro-



propria voce prænuntio, & literarum Chirographo rem gestam confirmo. Quia tolerabilius est mihi imprudenti ac deceptæ feminae coram hominibus culpam simpliciter confiteri; quam ante tribunal domini erubescere atque æternum vix habere.

CAP. XVI. Hoc itaque recitato astantium animos horror pariter ac dolor perculit, ac de tanta licentia diabolicæ fraudis Sacerdotum pectora gemitus complevit. Sed quamvis ista ejus confessio credibilis appareret, tamen ne forte pro aliqua deceptione aut pro timore alicujus sæpedita mulier mentiretur, denovo memoratum Regem alloquentes magnis eum obtestationibus obstrinximus, ut nobis confiteretur, si eam suasionem aut comminationem ad seipsam fallaciter criminandum compulisset.

Econtra ipse cum maximis attestationibus nobis declaravit, solam rei veritatem illam confiteri se persuasisse, nec in ea causa industriose aliquid amplius egisse.

Referebat etiam nobis in ipsa hora, quomodo, postquam primum infandam rem audivit, & veram credidit, quantum inde doluit? quantumque sibi inopinatum malum & minime optata sors displicuit. Qualiter denique rem fœdam patienter ferre & nisi jam tantum fama cucurrisset, occultare voluit, & quantum potuit, fecit. Unde & falsum iudicium se sciente pro verifica examinatione suscepit, & toleravit, ut si fieri posset, tanta turpitudine incredibilis appareret, & sic in mundo evanesceret, ipseque coram sæculo in tam ignominiosa macula & ruinosa offensione non remaneret. Postquam autem revelata pestis latere non potuit, ac ipse pondus tanti opprobrii ferre nequivit; maxime cum partibus Burgundiæ atque Italiæ discurrens nimis diffamatam ac divulgatam fœditatem exhorruit; non est passus hanc causam sine Episcoporum examine diutius subsilere.

Revera lacrymosis suspiriis multipliciter id sibi de memorata femina inculcatum, & in hoc etiam regno à plurimis affirmatum non sine gemitu repetebat.

CAP. XVII. Nos igitur rursus eandem mulierem primum secreto deinde coram laicis adivimus, eamque cum ad-

juratione divina monitis pluribus exhortati sumus, ne sibi ullo modo falsum crimen inferret: æternarum quoque pœnarum minis, si hoc faceret, detertere curavimus: iterumque de nostro consilio & auxilio tuitione ac defensione contra omnes insidias vel violentias securam reddidimus, tantum ut nobis jam tunc fiducialiter confiteretur, utrum persuasa an compulsa ad seipsam criminandam fuisset. Ad hæc illa aspero intuitu nos redarguens: putatis (inquit) ut meipsam pro aliqua re in mundo ita perdere voluissem? Sicut enim confessa fui, sic confiteor, & sic confitebor. Tantum obsecro propter Dei amorem, ut meis precibus desideratam misericordiam jam modo concedatis. Hinc nostra sollicitudo requisivit, an ipsa ulterius inde aliquam vellet querimoniam movere, aut aliquas aliquando insidias moliri, si suæ petitioni fieret satisfactum: cujus obligationem & nostra illico unanimitas ita persecuta est. Scias O filia, quia si nostram in Te tuamque confessionem sententiam expectabis, ut te divinæ & canonicæ comprehendat auctoritatis censura, & indissolubilis incipiat ligare Sacerdotum catena: unde adhuc potes recuperare, si tamen potes, ulterius (ut æstimamus) non recuperabis. Sic & laici plurimum eam admonuerunt, maxime ipsius familiares & amici, admodum illam, ne se deciperet, pulsando increpabant. Ipsa tamen, veluti si ejus conscientia secretum intuitum oculis visibiliter appareret, immobilis in sua confessione perduravit.

CAP. XVIII. Quid longius immoremur? jam omni dubietate remota, & rei veritate comperta novum auditu scelus, infandaque pollutione horrendum, præsertim cujus fœtorem jam diu per innumeros longe lateque fama disperserat, ne præsentibus ac futuris pestiferam corruptionem inferat, nisi severius, diligentiusque evellatur, nulla levi cura vel indulgentia tractandum visum est.

Non enim dubium est, quia naturalis inter fratrem & sororem concubitus veniam temporalis non meretur honoris, & nihil aliud restat, quam vindicta & pœnitentia, nec habet ulterius progrediendi occasionem damnabile crimen, quod statim à pravicatoribus multa, quæ fuerant licita, penitus amputat. Ideoque hoc

hoc eo rarius à Sæculo cōtingit, quo constat, quia nullus inde exemplum sibi præsumpsit, quod nunquam veniale apud mundi gloriam esse potuit. Sed cum quilibet aliquoties in hanc miseriam lapsi sunt, non de exemplo alterius accidit, sed de antiqua Diaboli fraude & simili fragilitatis impulsu ac præcipitio fecens, & quasi nova ruina fuit. Istud autem contagionis genus, quod nunc incipit esse novum, & antea nobis erat inauditum, cavendum est, ne morbosam pestem & incurabilem luem generi transmittat humano, ut ita videlicet origo perniciofa

funditus extirpetur, quò nullum exemplum, nullamque fragilibus relinquat occasione, ne forte (quod absit) talis consuetudo innotescat, qua naturalem consanguinitatis cōcubitus quis devitet, & fornicari contra naturam in proprio genere, leve hoc æstimans malum, licentius assuescat.

CAP. XIX. His ergo consideratis & diligentèr perspectis lugendam incesti pollutionem in publicum exhalatam, publica penitentia satisfactione purgandam decrevimus.

*Hincmarus de Divortio Hlotharii & Thetbergæ à pag. 312. ad 315.*

Ubi & hoc Conciliabulum improbat, & varia in eo contra Canones peccata recenset.

Theutgaudus Trevirensis & Harto Virdunensis ab his Aquensis Concilii Antistitibus Romanam ablegari fuisse: prætexentes apud Pontificem publicum scelus publica penitentia expandum visum fuisse.

## CONVENTUS CONFLUENTIÆ

NONIS JUNII.

ARBITRIUM EPISCOPORUM ET COMITUM,

DE

COMMUNI REGNO DIVIDUNDO,

INTER LUDOVICUM II. IMPERATOREM, LUDOVICUM REGEM GERMANIÆ ET BAJOARIÆ, CAROLUM CALVUM REGEM FRANCIAE OCCIDENTALIS, HLOTHARIUM REGEM LOTHARINGIÆ, ET CAROLUM REGEM BURGUNDIÆ ET PROVINCIAE.

*Adnuntiatio Domini Karoli.*

**V**OS scitis, quemodo aliquanti homines minus, quam necesse fuerat, Deum timentes, nostrum fratrem Hludovicum quasi sub bona intentione hoc anno sollicitaverunt, ut in regnum nostrum taliter veniret, sicut ipsi scitis. Unde nos Deus, & vestra fidelitas sic adjuvavit, sicut & bene cognoscitis. Post hoc laboravit, adjuvante Domino, iste carissimus nepos noster, ut inter nos pax fieret, sicut per rectum esse debet, & ut monentibus Episcopis ad illam caritatem, & fraternam concordiam rediret,

sine quo nullus Christianus salvus esse non potest. Propterea transmisit ad nos suos missos, & mandavit nobis primo tale missaticum, quod nobis impossibile visum fuit. Deinde quia illud missaticum non suscepimus, aliud missaticum nobis sui Missi dixerunt. Quod quia & secundum Deum salubre, & secundum seculum utile nobis videtur, volumus vobis illud dicere. Et si vobis ita, sicut & nobis videtur, cum vestro consilio volumus illud recipere, & quod Deus concesserit, ad necessarium effectum perducere.

Hæc sunt NOMINA EPISCOPORUM, qui anno Incarnationis Dominicæ DCCCLX. Non. Junii in Secretario Basilicæ Sancti Castoris consideraverunt cum nobilibus, ac fidelibus Laicis firmitatem, quam Gloriosi Reges nostri Hludowicus, & Karolus,

*Tomus II. Concil. German.*

I i

atque



arque Hlotharius inter se fecerunt VII. Idus Junias in eodem Monasterio, & qui hæc Capitula ab omnibus conservanda acceptaverunt:

*Hincmarus*, (a) *Guntharius*, *Altfridus*, *Salomon*, *Adventius*, *Hatto*, *Franco*, *Teudericus*, *Leutbertus*, *Gebehardus*, *Christianus*, *Vulfadus Abbas*, *Witgarius Abbas*.

#### HÆC NOMINA LAICORUM.

*Chounradus*, (b) *Eurardus*, *Adalardus*, *Arnulfus*, *Warnarius*, *Liutfridus*, *Hruodulfus*, *Erkingarius*, *Gislebertus*, *Ratbodus*, *Arnulfus*, *Hugo*, item *Huonradus*, *Liutharius*, *Beringarius*, *Matfridus*, *Boso*, *Sigeri*, *Hartmannus*, *Liuthardus*, *Richuinus*, *Wigricus*, *Hunfridus*, *Bernoldus*, *Hatto*, *Adalbertus*, *Burchardus*, *Christianus*, *Leutulfus*, *Hessi*, *Herimannus*, item *Hruodulfus*, *Sigebardus*.

### SACRAMENTUM FIRMITATIS HLUDOWICI REGIS.

**A** modo, & quamdiu vixero, istum fratrem meum Karolum, & nepotes meos Hludowicum, Hlotharium, atque Karolum, ad Dei voluntatem & Sanctæ ejus Ecclesiæ statum, & honorem, atque defensionem, & ad nostram communem salutem, & honorem, & ad populi Christiani nobis commissi salvamentum, & pacem, & ad legis, & justitiæ, atque rectæ rationis conservationem, quantum mihi scire, & posse Deus do-

naverit, & ipsi me obaudierint, & à me ipsi quæsierint, vero consilio, & secundum quod mihi rationabiliter, & salubriter possibile fuerit, sincero auxilio adiutor ero ad regnum illorum continendum, & nec in vita, nec in membris, neque in regno illorum eos foreconsiliabo. In hoc ut ipsi erga me similem promissionem faciant, & conservent. Sic me Deus adjuvet, & istæ Sanctæ Reliquiæ.

CAP.

- (a) *Hincmarus*, Archi-Episcopus Remensis. *Guntharius*, Archi-Episcopus Colonienfis. *Altfridus*, Episcopus Hildenesheimensis. *Salomon* Constantienfis. *Adventius* Metensis. *Hatto* Virdunensis. *Franco* Tungrenfis. *Teudericus* Mindenensis. *Leutbertus* Monasterienfis. *Gebehardus* Spirensis. *Christianus* Autifiodorensis. *Vulfadus*, Abbas Monasteriorum S. Medardi Sueslionensis & Resbacentis. *Witgarius*, Abbas Abbatie inferioris, alias communiter *Orgarius* dictus.

*Principum Laicorum nomina & officia juxta Eckbartum.*

- (b) *Chounradus*, frater Judithæ Augustæ, & avunculus Caroli Calvi. *Eurardus*, Comes in Diocesi Tornacensi, & Dominus Cifonii, sororis Caroli Regis maritus. *Adalardus*, avunculus Ermentrudis uxoris Caroli Regis, ejusque Comes Palatii. *Arnulfus* vel *Ernestus*, Dux Bajoariorum, Ludovico Regi carissimus. *Warnarius*, Comes ex Primoribus Francorum. *Liutfridus*, Comes propinquus, & affinis Gerhardi Comitis Viennensis, frater Ermengardis, & ideo avunculus Lotharii Regis junioris. *Hruodulfus*, frater Judithæ Augustæ, & ideo avunculus Caroli Calvi. *Erkingarius*, Comes in Alamannia, Pater conjugis prioris Caroli Crassi Imperatoris. *Gislebertus*, Comes Mansuariorum, maritus Ermengardis, Hlothario Imperatore natæ. *Ratboldus*, Comes. *Arnulfus*, Comes ad Mosam in placito Viennensi anni 858. memoratus. *Hugo*, Comes. *Chounradus*, Comes. *Liutharius*, Comes in Saxonia anno 880. à Danis cæsus, Comitum Stadenfium sator. *Beringarius*, Comes in Orientali Francia. *Matfridus*, Comes Ripuariorum. *Boso*, Comes Bivini Comitatus in Arduenna filius, & postea Rex Provinciæ factus. *Sigeri*, Comes. *Hartmannus*, Comes. *Liuthardus*, Comes, Gerardi Comitis Viennensis vulgo Ruffilionensis Pater. *Richuinus*, Comes in Alfatia. *Wigricus*, Comes in Tractu Viennensi. *Hunfridus*, Marchio Gothiæ. *Bernoldus*, Comes. *Hatto*, Comes Moguntinus. *Adalbertus*, Comes in Bajoaria. *Burchardus*, *Christianus*, Comites. *Leutulfus*, Dux Saxonie. *Hruodulfus*, Comes & Abbas S. Richarii Centulensis. *Sigebardus*, Comes, vir illustris & clarissimus in traditionibus Fuldenfibus apud Pistorium appellatus. Hactenus *Eckbartus* Tom. II. Franciæ pag. 476. 477.

## CAPITULA AB OMNIBUS CONSERVANDA.

## CAPUT I.

UT omnium præteritorum malorum, & contrarietatum, & supplantationum, ac malarum machinationum; atque molitionum, seu nocumentorum invicem actorum abolitio ita inter nos, & apud nos fiat, & à nostris cordibus penitus avellatur cum omni malitia, & rancore, ut nec in memoriam ad retribuentium duntaxat mali, vel contrarietatis, atque exprobrationis, seu improprietatis de cætero exinde quiddam veniat.

II. Ut tanta inter nos Domino cooperante veræ caritatis benignitas, abhinc in ante semper maneat de corde puro, & conscientia bona, & fide non ficta, sine dolo & simulatione, ut nemo suo pari suum regnum, aut suos fideles, vel quod ad salutem sive prosperitatem, ac honorem regium pertinet, discipiat, aut forconsiliet, ut per occultos suffriones libenter composita mendacia seu detractio- nes acceptet.

III. Ut unusquisque fideliter suum parem, ubicunque necessitas illi fuerit, & ipse potuerit, aut per se, aut per filium, aut per fideles suos, & consilio, & auxilio adjuvet, ut regnum, fideles, prosperitatem, atque honorem regium debite valeat obtinere. Et veraciter unusquisque erga alterum certatim demonstret, quia in paribus sui adversitate, si evenierit, fraterno modo contristetur, & in prosperitate illius lætetur. Et talem fidem sicut inter nos modo abhinc in ante conservaturos, confirmatum habemus, sic unusquisque infantibus fratris sui, si obierit, ille, qui superfuerit, conservabit.

IV. Et quia per vagos, & tyrannica consuetudine inreverentes homines pax, & tranquillitas regni perturbari solet, volumus, ut ad quemcunque nostrum talis venerit, ut de his, quæ egit, rationem, & justitiam subterfugere possit, nemo ex nobis illum ad aliud recipiat, vel retineat, nisi ut ad rectam rationem, & debitam emendationem perducatur. Et si rationem rectam subterfugerit, omnes in commune, in cujus regnum venerit, illum persequantur, donec ad rationem perducatur, aut de regno deleatur.

*Tomus II. Concilior. German.*

V. Similiter & de eo agendum est, qui pro aliquo capitali, & publico crimine à quolibet Episcopo corripitur vel excommunicatur, aut de excommunicatione crimen faciens, Regnum, & Regis regimen mutat, ne debitam penitentiam suscipiat, aut susceptam legitime peragat. Interdum etiam incestam propinquam suam, aut sanctimoniam vel raptam, sive adulteram, quam illic ei non licebat habere, fugiens secum ducit. Hic talis, cum Episcopus, ad cuius curam pertinebit, nobis notum fecerit, diligenter perquiratur, ne morandi vel latendi locum in regno alicujus nostrum inveniat, & Dei, ac nostrorum fideles suo morbo inficiat; sed à nobis, & ministris reipublicæ constringatur, & ut simul cum diabolica prædâ, quam secum duxit, ad Episcopum suum redeat, & de quocunque crimine publico penitentiam debitam suscipiat, aut susceptam legitime peragat, compellatur.

VI. Ut nemo Episcoporum hominem peccantem ab Ecclesia, & Christiana communione alienet, donec illum secundum Evangelicum præceptum, ut ad emendationem, & penitentiam redeat, communionem habeat. Qui peccans, si commonitus inobediens, & incorrigibilis permanserit, & ad emendationem redire noluerit, regiam, vel reipublicæ potestatem per se Episcopus, vel per ministros suos adeat, ut constringatur, & ad emendationem & penitentiam peccator redeat. Qui, etiam si ita ad emendationem perducere nequiverit, tunc secundum leges Ecclesiasticas medicinali separatione à communione Ecclesiastica segregetur.

VII. Ut illis hominibus, qui in talibus perturbationibus, sicut in his præteritis annis acciderunt, in Deum, & in sanctam Ecclesiam, atque in nos peccaverunt, si se ex veritate recognoscere petierint, & deinceps nobis veraciter fideles esse voluerint, & in regnis nostris pacifici, & quieti, & legibus, ac justitiæ obediens extiterint, rationabilis misericordia impendatur, non solum in indulgentia commissorum, & in concessione proprietatum, verum etiam &



inlargitione honorum secundum nostram rationabilem possibilitatem.

VIII. Ut de rapinis, & deprædationibus, & de conspirationibus, atque seditionibus, & de raptis fœminarum sicut Ecclesiastica, & Christianæ leges progenitorum nostrorum capitula continent, ita ab omnibus, & in omnibus conferrentur.

IX. Ut alia etiam Capitula eorundem Progenitorum nostrorum de sanctæ Ecclesiæ honore, & immunitate, ac conservatione, & de regio etiam honore, atque vigore, & populi nobis commissi lege, & iustitiâ in omnibus, & ab omnibus conferrentur.

X. Ut nostri fideles, unusquisque in suo ordine, & statu, veraciter sint de nobis securi, quia nullum abhinc in antea contra legem, & iustitiam, vel auctoritatem, & iustam rationem aut damnabimus, aut dehonorabimus, aut opprimemus vel indebitis machinationibus adfligemus; & illorum scilicet veraciter nobis fidelium communi consilio, secundum Dei voluntatem, & commune salvamentum, ad restitutionem sanctæ Dei Ecclesiæ, & statum regni, & ad honorem regium, atque pacem populi nobis commissi pertinenti adsensum præbebimus, in hoc, ut illi non solum non sint nobis contradicentes & resistentes, ad ista exequenda, verum etiam sic sint nobis fideles, & obediens, ac veri adjuutores, atque cooperatores vero consilio, & sincero auxilio ad ista peragenda, quæ præmisimus, sicut per rectum unusquisque in suo ordine, & statu suo Principi, & suo seniori esse debet.

XI. Ut sic simul conjuncti, & nos, frater, ac nepos noster ad invicem, & nos cum fidelibus nostris, & fideles nostri nobiscum, & omnes simul cum Deo

nos reconjungamus, & ut nobis sit propitius, illi pro devoto munere offeramus, & unusquisque omnium nostrum absque sua propria excusatione, vel justificatione recognoscamus, in quibus aut singulatim, aut communiter contra illius mandata, & decreta suorum Sanctorum fecimus, aut consensimus in ordine Ecclesiastico, & statu regni, & per singula in medium producamus illa; & nemo nostrum suo aut amico, aut propinquo, vel confederato, immo nec sibi ipsi seculariter parcat, ut spiritaliter, & salubriter parcere possit. Quin, sicut præmisimus, in præcedenti capitulo, vero consilio, & sincero auxilio, illa in commune certatim emendari totis viribus procuremus, quantocius rationabiliter potuerimus.

XII. Et si aliquis de subditis, in quocunque ordine, & statu, de hac convenientia exierit, aut se retraxerit, vel huic communi decreto contradixerit, seniores cum veraciter fidelibus suis hæc secundum Dei voluntatem, & legem, & iustam rationem, velit nolit illi, qui divino consilio, & decreto, & huic convenientiæ resistens, & contradicens fuerit, exequantur. Et si aliquis de senioribus de hac convenientiâ exierit, aut se retraxerit, vel huic communi decreto, quod abest, contradixerit, cum plures seniorum nostrorum fideles, & regnorum primores in unum convenerint eodem qui observaverint consilio, & iudicio Episcoporum, & communi consensu, qualiter de eo, qui debite admonitus, incorrigibilis perseveraverit, agendum sit, faciente Deo decernatur. Et ut obnixius superscripta capitula à nobis auxiliante Domino inviolabiliter observentur, & nos illa observaturos certius credatur, manibus propriis subterfirmavimus.

*Adnuntiatio Domini Hludowici Regis apud Confluentes linguæ  
Theodiscæ.*

CAPUT I.

Vos scitis, quid in isto regno evenit. Et ideo huc convenimus, ut de Dei voluntate, & Sanctæ Ecclesiæ statu, & de nostra, & communi salute, atque honore, & pace populi Christiani,

cum Dei adiutorio, & fidelium nostrorum consilio tractaremus.

II. Et misimus hoc super Episcopos, & ceteros fideles nostros, ut illi hoc invenirent, qualiter nos ad hæc, quæ diximus, exequenda adunaremus. Et volumus,

lumus ut sciatis , quia sicut illi invenerunt , & scripto nobis ostenderunt , ad invicem adunati sumus , sicut fratres per rectum esse debent , & nos simul cum isto nepote nostro , & ille nobiscum. Et etiam suos fratres nepotes nostros in hac adunationis firmitate nobiscum recepimus , ita tamen si & ipsi hanc firmitatem erga nos fecerint, & observaverint.

III. Et sciatis , quia non volumus , ut illus inter nos abhinc in antea alia verba portet , nisi talia , quæ Deo sint placita , & quæ ad nostram communem salutem , & nostrum honorem pertineant ; ut sic simus , sicut fratres in invicem , & patrui cum nepotibus , & nepotes cum Patruis esse debent. Et si aliquis fuerit , qui hoc facere tentaverit , producat in medium ad rationem , & taliter inde castigetur , ut nemo alius similia agere tentet.

IV. Et volumus ; ut Ecclesiæ , & casæ Dei , & Episcopi , & Dei homines , Clerici , & Monachi , & Nonnæ , talem mundeburdem , & honorem habeant , sicut tempore antecessorum nostrorum habuerunt.

V. Et volumus , ut vos , & cæteri homines fideles nostri talem legem , & consuetudinem , & tale salventum in regnis nostris habeatis , sicut antecessores vestri , tempore antecessorum nostrorum , habuerunt ; & nos talem honorem , & rectam potestatem in nostro regio nomine apud vos habeamus , sicut nostri antecessores apud vestros antecessores habuerunt ; & iustitia , & lex omnibus conservetur , & pauperes homines talem defensionem habeant , sicut tempore antecessorum nostrorum lex & consuetudo fuit , & sicut hic fideles nostri communiter consenserunt , & scripto nobis demonstraverunt , & nos cum eorum consilio consentimus , & observari communiter volumus. Et si aliquis hoc perturbare voluerit , à nullo nostrum recipiatur , nisi ut aut ad rectam rationem , aut ad rationabilem indulgentiæ concessionem deducatur.

VI. Sed & de istis rapinis , & depredationibus , quas jam quasi pro lege multi per consuetudinem tenent , ab hoc die , & deinceps de Dei banno , & de nostro verbo bannimus , ut nemo am-

plius hoc præsumat. Sed unusquisque infra patriam cum pace , & sine oppressionem pauperum , & circummantium consistat , & in hostem vel ad placitum sive ad curtem veniens , de suo sic warnitus & de domo sua moveat , ut cum pace venire , & nobiscum stare , & ad domum suam redire possit. Et qui hoc transgressus fuerit , sicut tempore antecessorum nostrorum consuetudo fuit , & in illorum capitulis continetur , volumus , ut hoc in illis transgressoribus emendetur.

VII. Similiter & de conspirationibus , & de raptis feminarum tam viduarum , quam & Puellarum , atque Nonnarum , bannimus ex Dei , & nostro verbo , ut nullus hoc in regnis nostris agere præsumat. Et si quis hoc præsumperit , secundum legem , & sicut in capitularibus progenitorum nostrorum continetur , sic hoc emendare cogatur.

Hæc eadem Dominus Karolus Romanâ linguâ adnuntiavit , & ex maxima parte lingua Theodisca recapitulavit.

Post hæc Dominus Hludowicus ad Karolum Fratrem suum lingua Romanâ dixit : *Nunc si vobis placet , vestrum verbum habere volo de illis hominibus , qui ad meam fidem venerunt.*

Et Dominus Karolus excelsiori voce linguâ Romanâ dixit : Illis hominibus , qui contra me sic fecerunt , sicut scitis , & ad meum fratrem venerunt , propter Deum , & illius amorem , & pro illius gratiâ , totum illis perdono , quod contra me misfecerunt , & illorum alodes de hæreditate , & de conquestu , & quod de donatione nostri senioris habuerunt , excepto illo , quod de mea donatione venit , illis concedo , si mihi firmitatem fecerint , quod in regno meo pacifici sint , & sic ibi vivant , sicut Christiani in Christiano regno vivere debent. In hoc , si frater meus meis fidelibus , qui contra illum nihil misfecerunt , & me , quando mihi opus fuit , adjuverunt , similiter illorum alodes , quos in regno illius habent , concefferit. Sed & de illis alodibus , quos de meâ donatione habuerunt , & etiam de honoribus ,



bus, sicut cum illo melius considerabo, illis, qui ad me retornabunt, voluntarie faciam.

Et Domnus Hlotharius linguâ Theodiscâ in supra adnuntiatis capitulis se consentire dixit, & se observaturum illa promisit.

Et tunc Domnus Karolus iterum lingua Romanâ de pace commo-  
nuit, & ut cum Dei gratiâ sani  
& salvi irent, & ut eos sanos re-  
viderent, oravit, & adnuntiatio-  
nibus finem imposuit.

*Annalista Francorum Pithecanus & Fuldenfis eadem juramenta Confluentiæ ad b. a. referunt.*

*Goldastus Constitutionum Imperialium Tomo I. pag. 192.*

*Baluz. Capitularium Tomo II. pag. 137. 138.*

*Dumont Corps Diplomatique du droit des gens Tomo I. N. XX.*

## SYNODUS FRISINGENSIS.

Anno Christi DCCCLX. Nicolai I. Papæ III.  
Ludovici Germaniæ Regis XXI.

*Marcho Presbyter confinia sylvæ ad Zieholfeshusen tradit, & donat in publica Synodo, colendis Sanctis in monte S. Stephani quiescentibus.*

**P**Erpendens, & considerans quidam Presbyter, nomine Marcho, corporalem fragilitatem Corporis sui, ut requiem habere meruisset ad Frisingas, omnia confinia sylvæ, quæ habuit ad Zieholfeshusin pertinentia, præter unum lucum, quem prætermisit, firmiter tradidit ad Frisingas. Hoc factum est in publica Synodo in monte Sancti Stephani, ubi ossa cum pulvere Sancti Alexandri & Sancti Justinii honorabiliter humata cernuntur, die, quo factum est, id est, Octobris, anno Incarnationis Domini DCCCLX. Indictione VIII. Nomina testium in libro traditionum habentur.

*Meichelbeck Historia Frisingensis Tomo I. Parte II. Instrumento DCCCX. pag. 353.*

Insigne testimonium de corporibus Ss. Alexandri, & Justinii in Weichenstephanensi Monasterio eo tempore adhuc sepultis. Sacras illas exuvias posteris temporibus fuisse translatas in Ecclesiam Cathedralem, discimus ex *Chronico Weichenstephanensi*, in quo post annum Christi 860. hæc legimus,

Non longo abhinc temporis intervallo Venerabiles illæ Reliquiæ Ss. Alexandri PP. & Martyris, & S. Justinii Presbyteri, ad Cathedralem Frisingensem sunt translatae. .... à quo autem Episcopo, quove anno pretiosus ille Reliquiarum thesaurus ab Ecclesia S. Stephani fuerit ablatas, non satis constat.

CON-

## CONCILIIUM TULLENSE II. APUD TUSIACUM.

AB EPISCOPIS QUATUORDECIM PROVIN-  
CIARUM IN TULLENSIS TERRITORII (a) VILLA, TUSIACO, SUB  
DIE XI. KALENDAS NOVEMBRES, INDICTIONE IX, ANNO  
CHRISTI DCCCLX. NICOLAI PP. III. CAROLI  
CALVI REGIS XXI.

### TITULI CANONUM.

- I. *Adversus rerum sacrarum pervasores.*
- II. *De velatis Deoque sacratīs Virginitatibus ac Viduis incontinentē vi-  
ventibus.*
- III. *De perjurijs & falsis testibus.*
- IV. *De iis, qui rapinas, & alia scelera committunt.*
- V. *Ut Clerici & Monachi vagi ad Episcopos & Abbates suos revocentur.*

### P R Æ F A T I O.

Cum in nomine Dei omnipotentis nos Episcopi ex provinciis (b) XII. Velontionensi scilicet Lugdunensi, Tre-  
virensi, Remensi, Viennensi, Senonica,  
Agrippinensi, Bituricensi, Turonensi,  
Burdigalensi, Narbonensi, Rotomagen-  
si, & si qui alii ex alijs provinciis, con-  
venissemus in territorio Tullensi, in  
Villa Tusiaco, Anno Incarnationis Do-  
mini nostri Jesu Christi DCCCLX. In-  
dictione IX. cepimus auxilio Dei nostri  
tractare de statu temporis nostri, & de  
periculo pereuntis populi sub manu no-  
stra constituti: & quomodo peccatis no-  
stris agentibus omnes leges, tam divinæ  
quam humanæ contemptæ sint, omni-  
que ordo religionis confusus, solumque  
maledictum, & mendacium & adulte-

rium & homicidium inundaverint, &  
sanguis sanguinem tetigerit, & propte-  
rea vorata sit terra, & infirmatus sit om-  
nis, qui habitat in ea. Cum igitur de  
his & similibus tractaremus, juxta ma-  
num Dei nostri propitiā nobiscum ut  
secundum regulam patrum nostrorum  
staremus in viis Dei nostri, decrevimus  
singulis malis emergentibus, zelo cano-  
nicæ pietatis, censum distractionis ob-  
viare; ac sacrilegos flagitiosos atque fa-  
cinosos, de domo Dei nostri flagello  
disciplinæ cædendo eliminare; & quia  
inveteratum vulnus malitiæ plaga despe-  
rationis fecit, ferrum sectionis adhibere,  
ne quod sanum remanserāt, putredine ta-  
besceret.

### CANONES.

I.

IN primis igitur propter pertinaciam  
multorum, qui cum sint sacrilegi,  
templum Dei in semetipsis corrupen-  
tes, sacras res, ex oblatione & voto fi-  
delium sacris locis contraditas, invadere

non timent; statuimus secundum regu-  
lam antiquam Patrum nostrorum, ut si  
quis oblationes fructuum, & rerum om-  
nium, quæ ministris Ecclesiæ conferun-  
tur, aut collatæ sunt, extra Ecclesiam  
accipere vel dare voluerit præter consci-  
entiam

(a) Valle, habet MS. Codex Sancti Germani Antiffiodorensis.

(b) XIV. numerantur in Epistola Synodali, & in altera Synodi jussu scripta ab Hinc-  
maro.



entiam Episcopi vel ejus, qui constitutus est ab eo ad dispensanda officio Ecclesiastico disposita; tam is qui dat, quamque is, qui accipiet, anathema sit, iudicio omnipotentis Dei, nisi resipuerit, perpetuo damnatus, & dum vivit, ita à cœtu & societate fidelium remotus, à corpore & sanguine Domini separatus, ut nec in fine communionem accipiat, neque corpus ipsius more fidelium, cum oblationibus & Psalmis, atque Hymnis ad sepulturam deducatur. Si clericus tanta cupiditate sacrilegii corruptus, aut laicus quicumque hac iniquitate deceptus fuerit; & cognoscens damnationem suam, pœnitentiæ remediis secundum ordinem & dispensationem sui Episcopi se submiserit; volumus ut pervasa & præsumpta secundum qualitatem personæ, aut in triplum, aut in quadruplum Ecclesiæ, cui damnum illatum est, primum restituat: inde pro sacrilegio ab Episcopo suo consilium salutis & pœnitentiæ modum suscipiat.

## II.

De velatis & sacris tam viduis quam virginibus, si clam adulteraverint, vel si publice nupserint, sive de viduis incontinentibus, quæ luxuriando turpissime in domibus suis vivunt; ita ut etiam quædam filias suas lascivis juvenibus in concubinas substituerint, licet à patribus nostris, quorum loca & vices tenemus, sufficienter, qua districtione feriantur, definitum sit, volumus, ut usque ad finem vitæ in ergastulis retrusæ pœnitentiam agant: viri autem, qui vim eis intulerint, & ipsi censura Ecclesiastica ad pœnitentiam constringantur. Habeantque principes & iudices hanc in populo Dei diligentiam, & ubicumque tales in potestate eorum ab Episcopis requisiti fuerint, absque mora eos exhibeant: ne forte, si dissimulaverint, aut mandatum Episcopi contempserint, ab Ecclesia Dei projecti nec sepulturam cum fidelibus accipiant.

## III.

De his quoque, qui jurant & perjurant in nomine Dei omnipotentis mendaciter, quod genus mali nimis prævaluisse dolemus: & de falsis testibus, quorum execrabilis malitia usquequaque prævaluit, quod à Sanctis Patribus no-

stris ex eis definitum est, servetur: atque duræ & districtæ pœnitentiæ subdantur, quamdiu in crimine manent, foras ab Ecclesia projecti: neque nomen eorum inter fideles recitatum habeatur.

## IV.

De his etiam, qui rapinas exercent, incendia, supra inaudita committunt, cædes & homicidia perpetrant, res Ecclesiarum subtrahunt, atque diripiunt, quantum ad iudicium nostrum attinet, volumus, ut sive auctores tanti criminis, sive fautores eorum, qui cum eis collecti participant, à sacro Missarum sacrificio, à foribus Ecclesiarum, ab omni societate Christiana, usque dum pœnitentiæ se humiliter submittant, removeantur. Invicem sibi Episcopi pro his scripta transmittant, quatenus omnes sciant cum talibus damnatis nullam communionem habere: parique sententia teneatur obnoxius, qui post interdictum cum eis communicaverit.

## V.

Quia peccatis nostris agentibus plurima loca Deo sacra incensa & vastata sunt à perfidis Christianis, & à crudeli etiam gente Northmannorum, sub hac occasione multi lascivi Clerici & Monachi relicto religionis habitu retro abierunt, & absque ulla canonica licentia & reverentia vagabundi feruntur, ab ovili gregis Dei errantes. Ideoque patrum auctoritate volumus, ut talibus omnibus necessitas imponatur, quatenus ad ordinationem & dispositionem Episcoporum, & Abbatum suorum revertantur, & sub disciplina eorum maneant. (c)

Hæc fratres charissimi, & consecratos nostri, quæ unanimi vobis intentione secundum sententiam LX. Episcoporum promulgata, tenenda omnino, & conservanda sunt: videlicet, ut omnes raptores sanctimonialium virginum, atque viduarum, cujuscumque etiam rei prædones, incestos, perjuros, oppressoresque pauperum, invasores per vim Ecclesiasticarum rerum, usurarum exactores, hos videlicet, qui judicantes magis pauperes compellunt reddere, quam acceptum fuerat in prima donatione; nec non substractores decimarum. . . . de sunt reliqua.

## SUB-

(c) Post hæc ultima verba in manu scripto codice sancti Germani Antisthedorensis adscripta sunt, quæ sequuntur.

## SUBSCRIPTIONES EPISCOPORUM.

- Ego Arduicus Vefontionensis Episcopus has Constitutiones zelo pietatis perfectas relegi, consensi & subscripsi.
- Ego Waniilo, Senonicæ urbis Episcopus, consensi & subscripsi.
- Hincmarus, sacre Remorum Ecclesiæ Episcopus, consensi & subscripsi.
- Ado, humilis Viennensis Episcopus, consensi & subscripsi.
- Theurgaudus, Trevirorum Episcopus, consensi & subscripsi.
- Guntharius, Agrippinensis Ecclesiæ Episcopus, subscripsi.
- Rodulfus, sacre Biturigenis Ecclesiæ Episcopus, subscripsi.
- Herardus, Turonum Episcopus, consensi & subscripsi.
- Frotarius, Burdigalensium Episcopus, subscripsi.
- Fredoldus, Narbonensium Episcopus, subscripsi.
- Remigius, Lugdunensis episc. subscripsi.
- Wenilo, Rotomagensis episc. subscripsi.
- Hildegarius, Meldensis episc. subscripsi.
- Adventius, Mediomatricorum episc. subscripsi.
- Æneas, Parisiorum episc. subscripsi.
- Atto, Virodunensis Ecclesiæ episcopus, subscripsi.
- Erpuinus, Silvanectensium episcopus, subscripsi.
- Hincmarus, Laudunensium episcopus, subscripsi.
- Christianus, Antisiodorensium episc. subscripsi.
- Eurus, Carcasenensium episc. subscripsi.
- Audefindus, (d) Roscellensium episc. subscripsi.
- Godelfadus, Cabilonensium episcopus, subscripsi.
- Gundbertus, Ebrocensium episc. subscripsi.
- Isaac, Lingonensium episc. subscripsi.
- Jonas, Æduorum episc. subscripsi.
- Breindincus, Matiscensium episc. subscripsi.
- Adahulfus, Barcinonensium episcopus, subscripsi.
- Agius, Aurelianorum episc. subscripsi.
- Erchanraus, Catalaunensium episcopus, subscripsi.
- Huntfridus, Morinensium episc. subscripsi.
- (e) Rainelmus, Noviomagensium episc. subscripsi.
- Erchambertus, Bajocacensium episc. subscripsi.
- Hilduinus, Avennicorum episc. subscripsi.
- Wisadus, Orgellitanus episc. subscripsi.
- Stodilo, Lemovicensium episc. subscripsi.
- Stabilis, Arvernensium episc. subscripsi.
- Arduinus, Vellaunensium episc. subscripsi.
- Engenoldus, Pictaviensium episc. subscripsi.
- Dagbertus, Agathensium episc. subscripsi.
- Launus, Æcolenensium episc. subscripsi.
- Arnulfus, Tullensis episc. subscripsi.
- Rataldus, Strathburgensis episc. subscripsi.
- Franco, Tungrensis episc. subscripsi.
- Teutramnus, Darantasiæ Metropolitanæ episc. subscripsi.
- Immo, Noviomagorum episc. subscripsi.
- Ebbo, Gratianopolitanus episc. subscripsi.
- Ungerius, Trajectensis episc. subscripsi.
- Fredebertus, Basileensis episc. subscripsi.
- Rothadus, Sueffionicus episc. subscripsi.
- Irminfridus, Bellovacus episc. subscripsi.
- Abbo, Antisiodorensis episc. subscripsi.
- Gissebertus, Carnotensis episc. subscripsi.
- Ratbertus, Valentinenis episc. subscripsi.
- Dodo, Andegavensium episc. subscripsi.
- Hilmeradus, Ambianensium episc. subscripsi.
- Waltbertus, Abrincatenensium episc. subscripsi.
- Abbo, Maurianensium episc. subscripsi.

*Sirmondus primum in lucem edidit à Codice Ecclesiæ Laudunensis. Tomo III. Concilior. Gallie.*

K k

EPIS-

(d) Gallice du Rouffilon, Helenensis Episcopus, dicitur in privilegio Sancti Martini.

(e) Raginelmus Tornacensis, in privilegio Sancti Martini.

*Tomus II. Concil. German.*



# EPISTOLA SYNODALIS CONCILII EJUSDEM,

AD RERUM ECCLESIASTICARUM PERVASORES,  
ET PAUPERUM PRÆDADORES.

UNDE, ET QUANDO, AC QUALITER ACCIDERIT, UT RES ECCLESIASTICÆ DOMINO SINT CONSECRATÆ: ET QUANTUM SIT PERICULUM PAUPERES DEPRÆDARI.

*Anno Incarnationis Dominicæ DCCCLX. Indictione nona, XI. Kalendas novembres, Sancta Synodus congregata in villa TUSIACO TUL-  
LENSIS PAROECLÆ, Episcoporum quatuordecim Provinciarum, Lug-  
dunensium videlicet, Rotomagensium, Turonensium, Senonum, Vien-  
nensium, Arelatensium, Vesontionum, Moguntinensium, Agrippinen-  
sium, Trevirorum, Remorum, Biturigenſium, Burdigalensium, Nar-  
bonensium, omnibus Dei Fidelibus, & Sanctæ Ecclesiæ Filiis, ad  
quos hæc Divinæ constitutionis notitia potuerit pervenire,  
pacem & salutem optat in Domino.*

**D**eus omnipotens, summus & verus, unus ac solus, Pater scilicet, & Filius, qui est consubstantiale verbum ejus, & utriusque Spiritus Sanctus, utrique coæternus, ac coæqualis, Trinitas inconfusa atque inseparabilis, qui solus habet immortalitatem; & lucem habet inaccessibilem, quem nemo hominum vidit, nec videre potest, nec locorum vel finito vel infinito spatio continetur, nec temporum vel finito vel infinito volumine variatur; neque enim est in ejus substantia, qua Deus est, quod brevius sit in parte, quam toto; qui sine initio est, & permanet sine fine, incommutabili æternitate vivens; creavit omnia simul, ex quibus currerent tempora, & impleverunt loca, temporalibusque, & localibus rerum motibus sæcula volverentur. In quibus rebus quædam spiritualia, quædam corporalia, visibilia siquidem & invisibilia condidit: formans materiem, quam nec alius nec ullus, sed omnino ipse informem, ac formabilem instituit, ut formationem suam non tempore, sed origine præveniret: testante Scriptura: *Qui (a) vivit in æternum, creavit omnia simul.* Et: *In principio (b) fecit Deus cælum & terram.* Et omnia opera sua bona valde, quæ in

cælo sunt, & quæ in terra. Duas quoque harum creaturarum suarum rationales creaturas, scilicet angelicam & humanam, imaginis, & similitudinis suæ dote ditatas, cum libero arbitrio condidit: ut, sicut ipse non necessitate, sed natura est bonus & voluntarie; & ita ipsæ rationales creaturæ non constrictæ necessitate, sed bonæ essent, ut natura, ita & voluntarie. Quia si tales essent, ut liberæ voluntatis arbitrio malum vitare, & bonum non possent agere, lapidibus & cæteris rebus insensibilibus, atque irrationalibus potius quam Deo similes essent; & merito illius retributione carent, nec esset unde pro qualitate voluntatis & actionis remunerarentur à Deo. Qui ideo bonus est, quia vult, non quia cogitur: quippe bonum velle non ex accidenti, sed ut & bonus & omnipotens esset, essentialiter habet. Cui secundum quorundam opinionem sententiæ non repugnat, quod dicit Apostolus: *Scriptum (c) negare non potest.* Porro nec peccare, nec mori potest. Et tamen non falso Angelus & homo, qui potuere peccare, imaginis & similitudinis ejus dignitate donati leguntur. Quia aliud est similitudo; & aliud signaculum similitudinis: & aliud imaginem esse,

(a) Ecclesiast. XVIII.

(b) Genes. I.

(c) II. Tim. II.

esse, & aliud ad imaginem factum esse. solus quippe consubstantialis filius essentialiter imago invisibilis, & splendor, & figura est substantiæ Dei Patris. Sic ad omnipotentis hoc vel magis omnipotentiam pertinet, quia aliud non potest, quam bonum velle & aliud quam bonus & omnipotens esse, & seipsum negare; peccare quoque, vel mori, mutari, falli, miser fieri, seu vinci non potest. Hæc atque huiusmodi abest, ut possit omnipotens. Sed quia non vult, non potest, quia & velle non potest. Non enim potest iustitia velle facere, quod injustum est, aut sapientia velle, quod stultum est, aut veritas velle, quod falsum est. Ac per hoc non solum ostendit veritas omnipotentem non esse, quod ista non possit: sed etiam cogit veritas omnipotentem non esse, qui hæc possit. Volens enim est Deus quidquid est. Aternus ergo, & incommutabilis, & verax, & beatus, & insuperabilis volens est. Si ergo potest esse quod non vult, omnipotens non est, est autem omnipotens. Ergo quidquid vult, potest, & ideo quod non vult, eff: non potest, qui propterea dicitur omnipotens, quoniam quidquid vult potest. De quo & psalmus dicit: *In celo (d) & in terra omnia quaecumque (\*) fecit.* Nihil enim in celo vel in terra fit, nisi quod ipse aut proprius fecit, aut fieri iuste permittit. Qui vult omnes homines salvos fieri, & neminem vult perire.

Sed iustus Dominus iustitiam diligens, & iniquitatem non volens, eis, quos ad imaginem & similitudinem suam fecit, nec post primi hominis casum vult tollere violenter suæ voluntatis arbitrium liberum; quibus reddere paratus est meritum, ut scriptura demonstrat: *Quis (e) est, inquit, homo, qui vult vitam: & ac si respondenti, Ego, Dominus dicit: Diverte (f) à malo & fac bonum.* Et è regione volens salvari dicit: *Voluntarie (g) sacrificabo tibi.* Et: *ex voluntate (h) mea confitebor illi.* De quo scriptum est: *Quia, non (i) privabit bonis eos, qui ambulant in innocentia.* Ut autem ambulantes ambulent & perseverent in innocentia, sanat & adjuvat eorum

K k 2

arbitrium gratia; attestante Apostolo: *Gratia (k) Dei in me vacua non fuit, sed abundantius illis omnibus laboravi, non autem ego, sed gratia Dei mecum.* Quibus & aliis scripturæ sententiis, quoniam post casum primi hominis inest homini ad bene volendum, & ad bonum incipiendum & perficiendum, atque in bono perseverandum, liberum arbitrium, gratia liberatum, & gratia de corrupto sanatum, gratia præventum, adjutum, & coronandum. A bono autem deficiens, & in malo proficiens homo, post casum primi hominis habet arbitrium liberum, scilicet iustitiæ liberum, peccati servum: quo, qui se elongant à Deo volente congregare filios nolentis Ierusalem, peribunt. Unde quia gratia Dei est, salvatur mundus: & quia inest liberum arbitrium homini, iudicabitur mundus.

Ex his namque rationalibus creaturis, angelica videlicet & humana, Angelos ad se cognoscendum atque perpetuo collaudandum in cœlesti gloria collocavit. Unde pars quædam Angelorum ex superbia debriata per liberum arbitrium cecidit, qui appellantur diaboli. Et tales suo vicio sunt effecti, ut iam non velint, nec possint meriti esse boni. Sicut & illi, qui per liberum arbitrium in voluntate conditoris permanserunt, ipsius gratia, & retributione iustitiæ, acceperunt in munere, quod creator, cuius signaculum similitudinis sunt, habet essentia; ut non velint, nec valeant esse mali. Hominem vero opifex Deus de corpore de limo terræ formavit, cui animam de incomprehensibili nobis suæ virtutis opere, in moribus & æternitate ad imaginem & similitudinem suam conditam, in qua, interiore videlicet homine, per fidem in nobis habitat, insufflavit. In quo est exterior homo noster corrumpitur, renovamur induentes novum hominem, qui secundum Deum creatus est in iustitia, & sanctitate, & veritate. Et factum eundem primum hominem in animam viventem, id est, factam animam rationalem, factam carnem vivificantem, atque in duabus, & ex duabus, scilicet spiritus ac luci substantiis, in uni-

(d) Psalmo CXXXIV.

(\*) voluit.

(e) Psal. XXXIII.

(f) Ibidem.

(g) Psal. LIII.

(b) Psal. XXVII.

[z] Psal. LXXXIII.

(k) I. Corinth. XV.



unitate personæ subsistentem, in paradiso delictarum, quem plantaverat ab initio, posuit, ut operaretur eum, vel in eo, sicut & quæ ei præcepit, & custodiret, ne illa admitteret, quæ & sicut illi prohibuit. Cui ex latere fabricavit mulierem, dum in somno corporis obdormivit, unde & dixit: *Erunt* (1) *duo in carne una*: itaque jam non sunt duo, sed una caro: secundum præscientiam suam, qua novit omnia etiam antequam fiant, vero demonstrans indicio, quoniam sine transfusione feminis viri, ex femina ipse venturus esset in carnem, ad redimendum hominem, qui in carne condidit hominem. Et qui eum fabricavit ex pulvere, quo sine feminis transfusione hominem fecit ex homine, homines quoque fabricetur ex femine. Quique corporis morte in cruce pro nobis mortis debitoribus, solus inter mortuos liber à mortis debito dormiens, prædestinatus Dei filius in virtute secundum Spiritum sanctificationis; & prædestinatorum omnium caput, ac lumen, atque exemplum factus ex muliere; legisque lator, qui legi nihil deberet, factus sub obedientia legis, ut eos, qui sub lege peccati & mortis futuri erant, redimeret, ut adoptionem filiorum, quam in Adam perdituri eramus, reciperemus: de his, qui in eum credere voluerint, sive adventum ejus in carne præcesserint, sive etiam forent secuti, (nam per gratiam, (m) inquit, Domini JESU salvari credimus, quemadmodum & illi.) Edificaturus erat Ecclesiam aperto lanceæ latere, de quo produxit aquam & sanguinem: quibus nunc lavacro rigatur & poculo, id est, mundatur aqua baptismatis, & per fidem illi incorporatur potato sanguine redemptionis, justificata spiritu sanctificationis. Hoc Sacramentum magnum est in Christo, & in Ecclesia. Quæ eodem Spiritu Sancto ab immaculato Divini fontis utero suos regenerat natos, quo & de illibata virgine Christus est natus.

Isdem namque primus homo, quia & Eva ipsa est Adam, conditus ut dominaretur creaturæ à creatore factæ, & disponderet orbem terrarum in justitia & æquitate, & in directione cordis judicium judicaret, si in accepta lege vitæ & disciplinæ libero arbitrio permanisset; vide-

licet, si in conditoris voluntate perseverasset, ut non peccaret; nec ipse moreretur, nec mortales, neque mortis ac gehennæ filios generaret. Sed merito hujus permanfionis & retributione justitiæ, sicut & Sancti Angeli acceperunt, accepisset in munere, quod creator, ad cujus imaginem & similitudinem conditus est, habet essentia, ut nec peccare vellet, nec jam cadere posset. Ipsi autem diabolo invidenti, quia illuc erat homo terrenus per debitam obedientiam ascensurus, unde ipse cecidit per superbiam angelicus spiritus; & mendacia suadenti plus credens, quam voluntati conditoris sui obediens, abusus arbitrio libero deseruit Deum; & desertus iuste à Deo peccavit ac cecidit; & per malum velle perdidit bonum posse, qui per posse bonum vincere potuit velle malum. Qua de re facta est massa perditionis totius humani generis. De qua si nullus ad salutem eriperetur, irreprehensibilis esset Dei justitia: quia vero multi salvantur, ineffabilis est Dei gratia. Qui ab ipso mundi primordio, incipiens ab Abel justo, salutis humanæ præcones mundo in sua infirmitate languenti, & in peccatorum suorum tenebris tabescenti, donec ipse lux mundi adveniret, per Patriarchas & legis Doctores & Prophetas, ac justis verbis & prodigiis prædicans, consolando præmiit.

Tandem ipse, qui semper unum, & ubique est cum Patre & Spiritu Sancto essentia Majestatis, propter nos homines & propter nostram salutem, opere conceptus ejusdem Spiritus Sancti, natus ex Maria Virgine, id est, ex virginea maternæ carnis substantia in duabus & ex duabus naturis atque substantiis, divinitatis scilicet & humanitatis, verus per omnia Deus & verus homo anima rationali & humana carne in unitate personæ subsistens, ad nos per præsentiam assumptæ veniens carnis, factis & dictis ad aliud in se credentes sæculum invitavit, id est ad gloriam sempiternam, quam Angeli Sancti habent in cælo, & ad quam obinendam conditus fuerat primus homo. Et quoniam ad illam pervenire non possumus, nisi sicut nos docuit, de scriptum est: *Quia* (n) *sic oportuit pati Christum & intrare in gloriam suam*, dux & doctor hujus itineris scilicet per labo-

(1) Genesis II.

(m) Act. XV.

(n) Lucæ XIV.

labores & dolores , quos in primo parente meruimus , promerentes regnum Dei , quia non sunt condignæ passionēs huius temporis ad futuram gloriam , quæ revelabitur in nobis : & in istius agonis scammate certantes , sine viatico non valemus subsistere.

Primitiva Ecclesiā , id est , fideles in exordio nascentis Ecclesiæ vendebant omnia , quæ possidebant , & deferebant possessionum suarum pretium ad pedes Apostolorum , docentes non debere à rationali homine fervari , sed dominari divitiis , & uti eis in transitum , non eas amare pro æterna perversione. De quo pretio dividebatur singulis , prout cuique opus erat. Cum autem gratia Dei cepit multiplicari credentium numerus , ad quorum sustentationem non sufficiebant pretii redditus : quoniam omnes ad hoc non dabant , neque valebant compelli , ut à conjugio & in totum à mundanis vacarent actibus , ne sæculum deperiret , donec omnes , qui salvandi sunt , id est , omnes prædestinati , vel uti scriptum est , Filii Dei , qui erant dispersi , id est , in massæ generaliter perditæ ex debito relictione conspersi , & ex ea , antequam mundus fieret , prædestinatione Dei , cui nihil præeritum transiit , accideritque futurum , electi , scilicet , gratia Dei , congregentur in unum : in plenitudinem videlicet cœlestis ac sempiternæ Ecclesiæ , ad quam tanti ex hominibus salvatis , & eidem sociandis sunt accessuri , unde diabolus cum suis sequacibus cecidit , quanti illic electi Angeli remanserunt : ut unum ovile unius Pastoris scilicet , & individuae Trinitatis perpetua visione , & perfecta cognitione , quæ est non solum hominum , sed & Angelorum vita , sine fine gaudeat , societate gloriosa repletum : Constituit idem Dominus & Magister salutis per Sanctos suos , in quibus & cum quibus loquebatur , & per quos suam gubernabat , & usque hodie meritis & precibus gubernat Ecclesiam , ut credentes non jam ex assè possessiones & prædia venundarent , sed de ipsis possessionibus Domino consecrarent. Unde qui quasi specialiter eidem Dominorum Domino adhærent , & ministri sermonis & donorum æternæ salutis arque mediatores in-

K k 3

[p] Matt. XV.

ter Deum & homines ope sunt assidue intercessionis , vivant ; & in omnibus necessariis , sine quibus humana fragilitas non potest subsistere , eis in elemosynas eorum , qui easdem possessiones Domino consecrarunt , ministretur. Ut dum Christi pauperes atque ministri Ecclesiæ , ex his in præsentī subsistunt sæculo , largitores possessionum de sua fidei elemosyna , sicut & in baptismo , à malo funditus conversi , & cum fide recta perseverantes in bonis operibus , mundentur à peccato , & efficiantur Christo , cui eas devoverant , consortes in cœlo , sicut ipse dicit in Evangelio : *Date (o) elemosynam , & ecce omnia munda sunt vobis.* Et item : *Quod (p) uni ex minimis meis fecistis , mihi fecistis. Venite Benedicti Patris mei , percipite Regnum , quod vobis paratum est ab origine mundi.*

Quapropter sicut illi , qui seipso ac divitias & possessiones suas Domino fidei mente consecraverunt , hæredes Dei & cohæredes Christi per Prophetas & Apostolos , & ab ipso Domino appellantur , & sunt , ita & tales possessiones atque facultates , Domino in suis Ecclesiis , & in specialibus servorum ipsius usibus consecratæ , propter fideles Christi , qui eis & exinde aluntur , Dei hæreditas , cum orbis terrarum , & plenitudo ejus ipsius sit , quasi specialiter appellantur. Sicut enim , quando omnis domus Israël Domini hæreditas vocabatur , tribus tamen Levi , quasi decimatio adhuc etiam in lumbis Abraham à Deo electa , cum decimis & primitiis , urbibus & suburbiis , villabus , & possessionibus & facultatibus cunctis , specialis Domini hæreditas , pars vel assumptio dicebatur , ita & isti , qui κληρος , id est , fors vel pars Domini appellantur , cum omnibus Ecclesiis , id est , divinis ovilibus ad se pertinentibus , specialis Christi hæreditas dicitur & existit : cum omnes credentes ac credituri , tam ex circumcissione , quam qui ex præputio , Christi hæreditas appellantur , dicente Proeta : *Deus (q) venerunt gentes in hæreditatem tuam.* Et : *Postula (r) à me , & dabo tibi gentes hæreditatem tuam & possessionem tuam terminos terræ.* De quibus quicumque indebite quodam abutitur , sine ulla dubitatione illa maledictione mulctatur , & ipsa

(o) Luc. XI.  
[r] Psalm. II.

[q] Psalm. LXXVIII.



ipsa teneretur obnoxius, quam & celestis & omnis terrena continue Domino decantat Ecclesia: *Qui (s) dixerunt, inquit, hereditate possideamus Sanctuarium Dei! Deus meus, pone illos ut rotam, & sicut stipulam ante faciem venti, sicut ignis, qui comburit silvam, & sicut flamma comburens montes, ita persequeris illos in tempestate tua, & in ira turbabis eos. Imple facies eorum ignominia, ut quaerant nomen tuum Domine. Erubescant & conturbentur in seculum seculi, & confundantur & pereant, & cognoscant, quia nomen tibi Dominus: tu solus altissimus in omni terra.*

Sanctus quoque Anacletus Papa, ab ipso Beato Petro Apostolo Presbyter ordinatus, postea in Sede Romana Successor illius factus Episcopus, cum totius mundi Sacerdotibus iudicavit: "Qui abstulerit, inquit, aliquid patri vel matri, homicidæ particeps est, Pater noster sine dubio Deus est, qui nos creavit: Mater vero nostra Ecclesia, quæ in baptismo spiritualiter regeneravit. Ergo qui Christi pecunias & Ecclesiæ rapit, aufert, vel fraudatur, homicida est, atque homicida ante conspectum iusti iudicis deputabitur. Qui rapit pecuniam proximi sui, iniquitatem operatur: qui autem res Ecclesiæ abstulerit, sacrilegium facit, & ut sacrilegus est iudicandus. Item, Sanctus Urbanus Papa & Martyr: Res & facultates Ecclesiasticæ, oblationes appellantur, quia Domino offeruntur, & vota sunt fidelium, & pretia peccatorum, & patrimonium pauperum. Si quis illa rapuerit, reus est damnationis Ananiæ & Sapphiræ: & oportet huiusmodi tradere Satanæ, ut spiritus salvus sit in die Domini. Item Sanctus Lucius Papa: Rerum Ecclesiasticarum & facultatum raptores, à liminibus Sanctæ Ecclesiæ anathematizatos Apostolica auctoritate pellimus, & damnamus, atque sacrilegos esse iudicamus, & non solum eos, sed & omnes consentientes eis: quia non solum, qui faciunt rei iudicantur, sed etiam qui facientibus consentiunt. Par enim poena agentes & consentientes comprehendit. A qua poena consensus liberi esse non possunt illi, quorum

"ministerium est, & qui talia possunt prohibere, comprimere & emendare, & ea non student corrigere.

Et Sanctus Gregorius in Epistola ad Sabinum Subdiaconum: "Sacrilegium, inquit, & contra leges est, si quis quod venerabilibus locis relinquitur, pravi voluntatis studiis suis tentaverit compendiis retinere. Et Sanctus Augustinus in Sermone Evangelii Sancti Joannis dicit: Fur sacrilegus loculorum Sacrorum & Dominorum est Judas: & qui aliquid de Ecclesia furatur & rapit, Judæ perditur comparatur. Et item in Sacris Canonibus à Sancto Spiritu dictatis, & Christi sanctione confirmatis, scriptum est: "Si quis (s) de potentibus clericum, aut quemlibet pauperum, aut religiosum expoliaverit, & mandaverit ad ipsum Episcopus, ut eum audiat; si contempserit, invicem mox scripta percurrant per omnes Provincias Episcopos, & quoscunque adire potuerit, ut excommunicatus habeatur, donec audiat, & reddat aliena." Et item scriptum est: "Clerici etiam, vel sæculares, qui oblationes parentum, aut donatas, aut testamento relictas, retinere præsumpserint, aut id, quod ipsi donaverunt, Ecclesiis vel Monasteriis crediderint auferendum, sicut Synodus sancta constituit, velut necatores pauperum, quousque reddant, ab Ecclesiis excludantur.

Unde summo opere caveant potentiores quique, unusquisque in ordine & dignitate sua, ne præsumant in damnationem suam res sibi Ecclesiasticas: neque fatigent, vel affligant in consuetis consuetudinibus Dei Ecclesias: & loca Sanctorum: scientes quia, ut præmissimus, res Ecclesiasticæ vota sunt fidelium, patrimonium pauperum, pretia peccatorum; & in tuitione atque defensione Christi consistunt, qui eas terræ principibus atque primoribus ad defendendum & conservandum, non ad affligendum vel usurpandum, sive præsumendum, commisit. Nam, quæcumque prætendatur à quocumque utilitatis, sive necessitatis occasio, ille corda omnium conspiciat, qui novit cogitationes hominum, & remunerat actiones, & etiam cogit-

[s] Psalm. LXXXII.

[u] Concil. Agathens. Can. 4.

[t] Concil. Tolet. I. Can. 11.

cogitationes ingremuneratas nullatenus derelinquet.

Quo circa omnis, qui vult salvus fieri & ab æterna morte liberari, & ad æternam vitam pervenire, attentissima cordis aure exaudiat, quid Spiritus Sanctus per eos locutus est: quibus dixit Dominus: *Ecce (x) ego vobiscum sum omnibus diebus usque ad consummationem sæculi.* Et: *Non (y) vos estis qui loquimini, sed Spiritus Patris vestri, qui loquitur in vobis.* Et: *Quæcumque (z) alligaveritis super terram, erunt ligata & in cælo: & quæcumque solveritis super terram, erunt soluta & in cælo.* Et: *Accipite (a) Spiritum Sanctum: quorum remisistis peccata, remittuntur eis, & quorum retinueritis, retenta sunt.* Et: *Qui (b) vos audit, me audit; & qui vos spernit, me spernit.* Dicunt enim illi, qui in cælo & in terra miraculis coruscant, qui & usque hodie nobiscum vivunt, & cum successoribus nostris usque in perpetuum vivent, quoniam apud Deum est merces eorum: "Si quis (c) oblationes Ecclesiæ extra Ecclesiam accipere, vel dare voluerit, præter conscientiam Episcopi, vel ejus, cui hujusmodi officia commissa sunt, nec cum ejus voce licet agere consilio; anathema sit. Anathema autem interpretatur in Romana lingua alienatio: quia omnis talia faciens, quamdiu in illis peccatis manet, licet nos Episcopi, qui in Apostolis, & cum Apostolis, non nostro merito, sed gratia divina, ligandi & solvendi potestatem accepimus, interdum tardi, interdum divini sensus ignari, interdum quæ committuntur nescientes, aliquando etiam commissa, ut expedit, corrigere non valentes, quæ statuta sunt exsequi dissimulemus, vel etiam negligamus, ut talem hominem ab Ecclesia, & fidelium societate excommunicantes segregemus: jam tamen à sacris Canonibus excommunicatus & prædætinatus est, donec peccatum illud deserat, & per satisfactionem Ecclesiasticam & Sacerdotalem reconciliationem, Domini gratiam, & fidelium societatem recipiat. Et quicumque in peccatis suis, & talibus sceleribus implicatus, ante satisfactionem necessariam, vitam istam finiret, communionem & societatem cum

electis in regno Dei habere nullatenus poterit; nec de inferni pœnis, & demonum societate unquam liberari valebit.

Sed nunc forte tales, qui privilegia de locis & rebus Deo dicatis, sanctorum manibus confirmata, parvipendentes sibi, quia volunt, non quia possunt, excommunicationes usurpatoribus rerum & facultatum Ecclesiasticarum à Sanctis Domini intentatas alleviant; dicentes se pro hoc illata damnatione, id est, anathematis vinculo, non teneri. De quibus Sanctus Gregorius (d) in Epistola ad Theoctistam Patriciam dicit: "Ipsi, inquit, sibi testes sunt, quia Christiani non sunt. Qui ligamenta Sanctæ Ecclesiæ vanis se æstiment conatibus solvere; ac per hoc nec absolutionem Sanctæ Ecclesiæ, quam præstat fidelibus, veram putant, si ligaturas ejus valere non æstiment. Contra quos diutius disputandum est, quia per omnia despiciendi & anathematizandi sunt: ut unde se fallere veritatem credunt, inde in peccatis suis veraciter ligentur." Si qui sunt igitur, qui sub nomine Christiano hæc aut prædicare audent, aut taciti apud semetipsos tenere, eos & ego, & omnes Catholici Episcopi, atque universa Ecclesia, anathematizamus, quia veritati contraria sentiunt, & contraria loquuntur.

Rapinæ quoque, & deprædationes, quæ in istis regnis jam ex consuetudine sic ab omnibus pœne tenentur, quasi peccata non sint, aut quasi levia peccata sint, Sanctus Paulus Apostolus, per quem locutus est Christus, & qui antequam mortis debitum solveret, ad tertium cælum, & paradysum fuit raptus, ubi studuit secreta Domini verba, inter mortalia crimina ea posuit, dicens: *An nescitis, (e) quia inquit Regnum Dei non possidebunt? Nolite errare: Neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces Regnum Dei possidebunt.* Et iterum dicit: *Si quis (f) fornicator est, aut avarus, aut idolis serviens, aut maledicus, aut ebriosus, aut rapax, cum hujusmodi nec cibum sumere.* Id est, cum tali non homine, sed cum tali diabolo, non licet Christi

[x] Matth. XXVIII.

[y] Matth. X.

[a] Joannis XX.

[b] Lucæ X.

[d] Registri Epistol. L. XI. Ep. XLV.

[z] Matth. XVIII.

[c] Conc. Gangr. can. 7. Tom. I. nostro p. 154.

[e] I. Corinth. VI.

[f] I. Corinth. V.



Christi discipulo, ist est, Christiano homini, ante satisfactionem, id est, correctionem atque emendationem, & dignam pœnitentiam, cibum sumere. Sanctus quoque Joannes Apostolus electus, & dilectus Christi, qui in cœna super pectus ejus recubuit, talem hominem etiam salutare vetat: *Nec ave ei (f) in-quiens, dixeris: neque in domum eum receperis. Qui enim dicit ei Ave, communicat operibus ejus malignis.* Et item Sanctus Paulus dicit unicuique Christiano: *Nec (g) communicaveris peccatis alienis.* Et Dominus, quando venturus est judicare vivos & mortuos, & in adventum ejus omnes homines resurgent cum operibus suis, & reddent de factis propriis rationem, se in judicio dicturum promittit in Evangelio, his qui peccata sua elemosynis redimere cum possent, noluerunt: *Ite maledicti (h) in ignem æternum, qui paratus est diabolo & Angelis ejus.* Unde cogitandum est raptoribus, quo ibunt illi, qui aliena rapiunt, si in infernum ibunt, qui elemosynas non fecerunt. Et item Dominus per Isaiam Prophetam dicit raptoribus: *Rapina (i) pauperis in domo vestra.* Et: *Lacrymæ (k) viduæ ad maxillam descendant: & exclamatio ejus super deducentem eas. A maxilla in cœlum coram Deo ascendant, & Dominus non delectabitur in illis.* Scilicet viduæ lacrymis, qui Pater orphanorum, & defensor viduarum, queritur contra judices dicens: *Causa (l) viduæ non ingreditur ad eos.* Quapropter sciant raptores, in cujus domo five corporis five mansionis, rapina est pauperis, quia non habitat in illa domo Spiritus Sanctus, sed spiritus malignus. Et si accedit ad communionem corporis & sanguinis Christi ante dignam satisfactionem, non mundatur per illam communionem à peccato, sed plenius possidetur à diabolo: sicut Judas, quando in cœna Dominica plenus rapina, & iniquitate, & avaritia atque cupiditate, communicare præsumpsit de manu Domini Salvatoris.

Et forte tales erunt, cum hæc audierint, qui dicant: Non communica-

bimus. Sed sciant, quia sicut Dominus dixit: *Nisi (m) quis renatus fuerit ex aqua & Spiritu Sancto, nec intrabit in Regnum Cælorum:* ita dixit: *Nisi (n) manducaveritis carnem meam, & biberitis meum sanguinem, non habebitis vitam in vobis.* Et sicut dixit: *Qui crediderit (o) & baptizatus fuerit, salvus erit.* Ita etiam dixit: *Qui (p) manducat carnem meam, & bibit sanguinem meum, in me manet, & ego in eo: & ego resuscitabo eum in novissimo die, & non morietur in æternum.* Propterea nullum aliud restat salutis refugium, nisi ut declinet, quisquis vult salvus fieri, ab istis malis, & ab aliis mortalibus criminibus, & per pœnitentiam reconcilietur Deo, & communique vivificis mysteriis, & vivere valeat in æternum.

Nihil enim prodest ulli homini, si Christianus vocatur, si opera Christi, quæ præcepit ipse Christus, non fecerit. Immo etiam magis ad suum judicium Christianus vocatur, qui sub nomine Christi idola colit diaboli. Ipsa enim veritas, quæ Deus est, protestatur, quia qui servit Mammonæ (sic enim Dæmon divitiarum præpositus appellatur) diabolo servit, vel idola colit diaboli: qui servit luxuriæ, voluntati carnis pro Deo servit. Unde scriptum est: *Gloria (q) eorum in confusione est,* id est, in genitalibus membris, quæ vulgo verecunda appellantur. Deum quippe scriptura gloriam appellavit, quæ dicit de Judæis: *Mutaverunt (r) gloriam suam in similitudinem vituli comedentis fenum.* Sed & de eis, qui gloriantur, quando sua libidine castitatem expugnant; & aliorum toros maculant, hæc quæ supra dicit idem Apostolus: *Gloria (s) in pudendis eorum, qui terrena sapiunt.* Et alibi scriptum: *Lætantur (t) cum male fecerint, & exsultant in rebus pessimis.* Contra quod præcipit, ut qui (u) gloriatur, in Domino gloriatur. Qui servit avaritiæ, idola colit, sicut Paulus dicit: *Et (x) avaritiam quæ est idolorum servitus.* Qui servit gulæ & ebrietati, ventrem pro Deo colit. Unde item dicit: *Quorum (y) Deus venter est.* Quæ ita non utique ad dignitatem dominantium, sed ab infelicitate

[f] II. Joan. X.

[g] Isai. III.

[m] Joan. III.

[p] Joan. VI.

[r] Philipp. III.

[x] Coloss. III.

[g] I. Tim. V.

[k] Eccles. XXXV.

[n] Joan. VI.

[o] Philipp. III.

[p] Proverb. II.

[y] Philipp. III.

[b] Matth. XXV.

[f] Isaiæ I.

[o] Marc. XVI.

[p] Psalm. CV.

[u] I. Corinth. I.

citare famulantium, sic appellat Apostolus, qui fratrem, id est, Christianum hominem injuste per potentiam opprimit, aut pro acceptione munerum justitiam facit, diabolum imitatur, & justitiam vendit, quæ Christus est, sicque similis Judæ est. Qui veritatem pervertit pro invidia, aut veritatem reticet, aut dicit pro muneribus, diabolum imitatur, & Judæ similis est. Et sic de cæteris vitiis intelligendum est. Et cui vitio quisque servit, illi diabolo subjectus est, qui eidem vitio præpositus est, & cum eo sine fine torquetur, nisi digne antea penituerit. Et ne principes terræ, vel quilibet Christiani, dicant: Episcopis, Presbyteris & Monachis strictiora præcepta dedit Deus; nos qui homines laici, & sæculares sumus, hæc omnia attendere non valemus: Audiant, quid Dominus in Evangelio dicat: *Qui est (z) ex Deo, verba Dei audit. Propterea vos non auditis, quia ex Deo non estis.* Et qui non est ex Deo, certum est, quia ex diaboli parte est. Et quid lucrabitur, si etiam totum mundum habuerit, & animæ suæ detrimentum patiat? aut quam dabit homo commutationem pro anima sua? Idcirco quicumque est homo, audiat dicentem sibi Dominum per Prophetam: *Indicabo (a) tibi homo, quid sit bonum facere: facere judicium & justitiam, & sollicitum ambulare cum Deo tuo.*

Hæc fratres & filii, in quocumque ordine, & dignitate sit quisque Christianus, ad vos ex Domino mandata dirigimus, qui de omnibus hominibus dicit omni Episcopo: *Tu (b) autem audiens nuntiabis eis ex me.* Ex me, inquit, & non ex te. Propterea hæc sicut Domini mandata suscipite: cujus potentia non potestis, & cujus voluntati atque man-

dato non debetis resistere, si non vultis ut vestri proprii inimici salutem vestram obfistere. Nos autem talia vobis tacere nec possumus, nec audemus, quibus Dominus per Prophetam dicit, quod si non annuntiaverimus vobis, sanguinem vestrum de manu nostra requiret. Et ab illis Patribus, & Prædecessoribus nostris, quorum vices tenemus in terris, coram Domino degradamur in cælis, si non exsequimur, quæ illi statuerunt regulis divinitus inspiratis. Quia propter si vos ab his, unde commonemini quantocius non correxeritis, sicut illi in cælo, & nos in terra, una cum Apostolicæ Sedis Præsule, & omnium Sacerdotum unanimitate, vos à Christi & fidelium ejus consortio segregabimus. Quod ne nos agere compellatis, vos pro Christo & vestra salute obnixius deprecamur. Vos autem si mandatis Dominicis obedire studueritis, & vestram salutem, præsentem scilicet & futuram ageris; & gloria atque corona nostra coram Deo eritis, qui de vobis reddemus illi in die judicii rationem: sicut & vos de vobis ipsis, & de omnibus vobis commissis rationem estis sine dubio reddituri. Et ideo multo studio satagite, ut in illa tremenda die ab iniquorum consortio segregati sitis. Quod tunc erit, si modo à diabolicis & malis operibus, atque à perversis hominibus vos separaveritis: vindicantes contra diabolum, & vitia atque peccata honorem vestrum, qui homines ad Dei imaginem facti estis. Ad hoc enim, sicut scriptum est, ut Deum timeat, & mandata ejus custodiat, factus est omnis homo, propter quem factus est Deus homo, qui cum Deo Patre in unitate Spiritus Sancti vivit, & regnat in sæcula sæculorum. Amen.

*Sirmondus primum in lucem edidit è codice Virdunensi & aliis. Tom. III. Concil. Franc.*

(z) Joan. VIII.

(a) Mich. VI.

(b) Ezech. XXXIII.

## SYNODUS AQUISGRANENSIS III. SUB HLOTHARIO.

Anno Christi DCCCLXII. Nicolai Papæ V.

**SUMMARIUM.** *In causa Theutbergæ uxoris Lotharii Regis, in qua permixtum est Lothario, ut aliud conjugium iniret.*

### CAPUT I.

**A**NNO DCCCLXII. Indictione decima, die tertia Kalendarum Martii. *Tomus II. Concil. German.*

jarum ex vocatione Domini HLOTHARII Gloriosissimi Regis, Archi-Episcopi eorumque Coepiscopi Aquis convenerunt,

L 1

vide-



videlicet: Guntharius Agrippinensis Archi-Episcopus, & Sacri Palatii Archi-Capellanus, nec non & Theutgaudus Trevirensis Archi-Episcopus, Adventitius Mediomatricorum Episcopus, Atto Viridunensis Episcopus, Arnulfus Tullensis Episcopus, Franco Tungrensis Episcopus, Ungarius Episcopus Trajectensis, Ratholdus Argentorienensis Episcopus. Ut Divina auxiliante clementia pro utilitate ac necessitate Sanctæ matris Ecclesiæ, apud memoratum Serenissimum Principem, fideliter ac salubriter pastoralis provisione intervenirent. Unde nostris jam periculosis temporibus, saltem sero pastoralis tuba insonare prophetica admonitione debuerat, ubi dicitur: *Clama (e) ne cesses, quasi tuba exalta vocem tuam.* Ergo multipliciter & fideliter malefidis Dei discrimina, & senescentis mundi pericula replicantes non sine gravi gemitu nostro, Christianissimo Principi ad memoriam reduximus, ut non immemor vocationis suæ, quod nomine censetur, opere compleat, ut Rex Regum Christus, qui sui nominis vicem illi contulit in terris, dispensationis sibi creditæ, dignam remunerationem reddat in cœlis, (b) ad hæc ille, sicut verus Dei cultor, nostræ pure ac veraciter annuit unanimitati, per omnia irrefragabiliter promittens nostris se obedire velle consiliis & rationabilibus obtemperare monitis, & (ut ita dixerimus) ultra quam credi potest, ita nobiscum suum benignissimum informavit affectum, ut procul dubio pateret, quod suum cor illius amplexatur dextera, in cuius manu corda sunt Regum.

## CAP. II.

Interea (c) de his, quæ ad statum Sanctæ Dei Ecclesiæ & utilitatem Regni, atque salutem populi sibi commissi pertinent, salubribus responsis & spiritualibus consiliis nostram consolatus est unanimitatem, se in omnibus paratissimum esse affirmans, ut verus adjutor atque indefessus auxiliator nostri ordinis, & totius Sanctæ Religionis existat.

## CAP. III.

Post hæc humiliter ac devote pastorale consilium requisivit, *Libellum procla-*

*mationis*, & suæ summæ necessitatis, in manibus nostrorum fratrum imponens, ubi satis lugubriter divinum & pastorale consilium expetit; suæque imbecillitatis causas querulosis vocibus retractavit, qualiter in quadam femina Theutperga nomine, factiosis perfidorum hominum argumentis fuerat defraudatus, imo non mediocriter repetebat, quod iudicio Episcoporum discidium sententiam pertulisset; quam, si idonea fuisset conjugali thoro, & pestifera incestus pollutione fœdata non esset, & vivæ vocis confessione publice condemnata, sponte retineret. Porro se incontinentem esse professus est, & sine conjugali copula juvenis ætatis ardorem ferre non posse asseruit, procul dubio replicans, quod illi Theutpergam incestuosam diximus, & ab omni concubina abstinere præcepimus, & quod illi perdifficile est in juvenili ætate taliter permanere. Hinc vero testis affuit Theutgaudus Archi-Episcopus, quod juxta divinum ac suum consilium, si aliquid in adhibita sibi concubina deliquit, Ecclesiastico medicamine adjutus, secretis jugibusque hoc lacrymis & vigiliis, ac spiritalis continentiae macerationibus, insuper eleemosynarum largitionibus salubriter delevit. Et ut de multis pauca dicamus, si læta caro illum traxit ad culpam, afflicta (ut credimus) reduxit ad veniam.

## CAP. IV.

Igitur pastoralis Regiminis cura, ac Divinorum eloquiorum documenta, nostrorum fratrum animos sollicitare cœperunt, quid nobis agendum, quidve tractandum esset, atque pro hujusmodi querula proclamatione rationabiliter definiendum, illudque ante omnia formidantes, ne forte (quod absit) post dignam satisfactionem & saluberrimam reconciliationem fragilitatis noxam tantus Princeps incurreret, reversus ad vomitum, & quasi sus in volutabro luti, illicitos aliquoties repeteret amplexus.

## CAP. V.

Inde actum est, quod pia fratrum sollicitudo retractavit, qualiter Ecclesiasticæ auctoritatis censuram in præscripta femina Theutperga, sua publica confessione exigente complevit.

## CAP.

[a] Isaia LVIII, 1.

[b] Sirmondus idem Concilior. Gallia Tomo III. paulo aliter interfecat, & à Lit. (b) incipit Caput II. à Littera (c) incipit Cap. III. & sic deinceps.

## CAP. VI.

Allato quoque diversorum Conciliorum volumine, ex Concilio (d) Hilaridenſi Capitulum quartum recitari fecimus, ubi ita ſcribitur: *De his, qui ſe inceſti pollutione commaculant, placuit, ut quouſque in ipſo deſeſtando, & illicito carnis commubio perſiſtunt, uſque ad Miſſam tantum Catechumenorum in Eccleſia admittantur, cum quibus etiam nec cibum ſumere ulli Chriſtianorum; ſicut Apoſtolus juſſit, oportet.*

## CAP. VII.

Hinc quoque S. Ambroſii (e) in expoſitione Epiſtolæ Beati Pauli Apoſtoli ad Corinthios Cap. trigefimo tertio hos alloqui, qui matrimonio juncti ſunt, ore Dominico: *Uxorem à viro non diſcedere, quod ſi diſceſſerit, manere inuuptam. Hoc Apoſtoli conſilium eſt, ut ſi diſceſſerit propter malam converſationem viri, jam inuupta maneat; quod ſi continere ſe non poteſt, quia pugnare non vult contra carnem, ſuo viro reconcilietur. Non enim permittitur mulieri ut nubat, ſi virum ſuum cauſa fornicationis dimiſerit, aut apoſtaſie, aut illicita impellente laſcivia: vir uſum quaerat uxoris (f) quia inferior non omnino hac lege utitur, quâ potior. Si tamen apoſtata & vir, aut non uſum quaerat uxoris invertere, non alteri poteſt nubere mulier, nec reverti cauſa (g) fornicationis ad illum. Et virum uxorem non dimittere, ſubauditur autem, excepta cauſa fornicationis. Et ideo non ſubjecit, ſicut de muliere dicens, (h) ſi demiſerit uxorem peccantem. Non enim ea lege conſtringitur vir, ſicut mulier, caput enim*

*mulieris vir eſt. Nam cæteris (inquit) ego dico non Dominus: hoc dicit, ut oſtendat, quid proprio ore Dominus juſſit, & quid hujus auctoritate conceſſit: quia & per iſtum Dominus loquitur, qui ait, an experimentum (i) quaeritis ejus, qui in me loquitur Chriſtus.*

## CAP. VIII.

## Ex Concilio Agathenſi Cap. LXII.

*De inceſtis conjunctionibus nihil prorsus veniæ reſervemus, (k) niſi cum adulterium ſeparatione ſanaverint. Inceſtos vero nullo conjugii nomine deputandos, quos etiam deſignare funeſtum eſt. Ibique poſt aliqua ita ſcribitur: Sane, quibus conjunctio illicita interdicitur, habebunt ineundi melioris conjugii libertatem.*

## CAP. IX.

De cætero his atque hujusmodi canonicis Sanctionibus, & S. Patris Ambroſii oraculis, liquido perſpectis, credimus non illam fuiſſe idoneam, aut legitimam conjugem, neque à Deo præparatam uxorem, quæ publica (ut dictum eſt) confeſſione, inceſtuoſo fornicationis crimine denotata probatur. Quo circa glorioſo Principi noſtro, pro ſua in Divino cultu devotiſſima affectione atque victorioſiſſima Regni tuitione, cui non ſolum nos, verum etiam Canonica auctoritas inceſtuoſum conjugium interdicat, legitimum atque idoneum conjugium à Deo illi conceſſum non denegemus, juxta indulgentiam dicentis Apoſtoli: *Melius eſt nubere, (l) quam uri.*

*Ex codice Treverico MS. P. Bromerus Illuſtriſſimo Baronio hoc Concilium miſit: qui illud inſeruit Annalibus Eccleſiaſticis ad hunc annum N. XXIII. & ſeqq.*

*Binius Conciliorum Tomo III. Parte I. pag. 557. & Synodographi poſteriores.*

Hic tertius error hujus tertii Conciliabuli Aquenſis. Primi Conciliabuli anno 860. V. Idus Januarii error fuit, quod ad falſam narrationem inceſtus commiſſi Hlotharius Rex ad Theurpergam accedere non debeat.

2dus error 2di Conciliabuli medio Februario 860. coacti, quod Theurperga ob propriam confeſſionem peccati ſui ſit publicæ pœnitentiæ ſubjicienda, perpetuoque ſeparanda à Hlothario.

Tertius error, quod Hlotharius Theurpergæ relicta, alteri, puta, Waldradæ legitimo conjugio fociari poſſit.

(d) Kilerdenſi, *Sirmondus*. Lege: Hilderdenſi anno 524. celebrato.

(e) Non eſt S. Ambroſii hæc Expoſitio in Paulum, ut notat *Baronius*.

(f) invertere. (g) cauſa fornicationis, abeſt à *Sirmond*.

(h) quod ſi diſceſſerit manere ſic: quia viro licet ducere uxorem, interferta legit *Sirmond*.

(i) II. Corinth. XIII, 5.

(k) reſervamus, *Sirmond*.

(l) I. Corinth. VII.



# CONTESTATIO HLOTHARII

## REGIS,

### APPELLANTIS EPISCOPOS DE CONJUGIO SIBI CONCEDENDO.

*Coram Concilio Aquisgranensi tertio, in causa Theutbergæ.*

**V**os O Sancti Pontifices & Venerandi Patres, qui estis positi mediatore inter Deum & homines; quibus commissa est nostrarum cura animarum; qui medicinam præstatis vulneribus peccatorum, qui ligandi & solvendi habetis potestatem, & estis Doctores atque Ductores nostri: ad vos humiliter proclamo, & vestrum benignum atque fidele consilium fiducialiter exoptulo. Regalis enim potestas sublimem debet recognoscere sacerdotalis dignitatis auctoritatem: quibus videlicet duobus ordinibus Ecclesiasticorum credentium auctore Deo regitur & gubernatur. Sed tantum superiorem unum altero novimus, quanto excellentiam celestis magisterii Deo propinquiorem merito veneramur. Ideo, qui vobis propter Deum humana fragilitate delinquimus, aut leviter vel sponte oberramus, ad vestram pastorem dignitatem solemniter recurrimus, atque confugimus. Egomet igitur divina inspirante clementia proprios cognoscens errores, & tantarum maculas culparum expavesco, atque exhorresco, suppliciter confitendo, veniamque postulando per vos à Christo remedium salutis exquiro. Multum certe de pietate vestra confido, qua me spirituali compassione misericorditer & discrete suscipi atque tractari minime dubito juxta illud Apostoli: *Quis (a) infirmatur, & ego non infirmor?* Et (b) *Si præoccupatus fuerit homo in aliquo delicto, vos, qui spirituales estis, instruite hujusmodi in spiritu lenitatis, considerans te ipsum, ne & tu tenteris.* Et alia scriptura monet, *calamum (c) quassatum non conterendum.* De cætero patres immensas vobis gratias referimus; Quoniam & seniori Patri nostro fidem debitam conservastis ac post ejus obitum nobis in omnibus benigni & fideles ex-

stitistis. Et cum multipliciter ac generaliter nostram adolescentiam & labilem ætatem (d) procurastis quoque specialiter, & diligenter circa fraudem nobis in nuncupata uxore illatam vigilastis. De quo siquidem negotio qualiter vestris consiliis actum fuerit, scimus quia vos in memoria penitus habetis. Nam ipsam feminam de infando, & incestuoso fornicationis contagio sponte confessam, juxta Beati Pauli præceptum, qui ait: *Ne (e) commisceamini fornicariis*: à nobis vestra iussione sequestravimus. Quid tamen postea incontinentiæ fragilitate commisi, siue voluntate, vestrum est opportune rationabiliter emendare, atque meum est libenter obedire. Vos etenim scitis, quia ab infantia seu pueritia inter feminas conversatus, propter castitatis bonum, & impudiciæ malum devitandum, ad portum legitimi conjugii pervenire desideravi. Non ergo ignoro, quia quidquid ex hoc præter licitam copulam fuerit, malo fornicationis, & noxæ pollutionis adscribi possit. Scio concubinam non esse uxorem: & nolo habere illicitam, sed licitam. Vos tamen memores juventutis meæ, videte quid agendum sit, cui nec uxor conceditur, nec concubina permittitur. Vobis notum, quid Apostolus dicat: *Volo (f) juniores nubere, filios procreare.* Et qui se non continet, nubat. *Melius est enim nubere, quam uri.* Et iterum: *Unusquisque suam uxorem habeat propter fornicationem.* Et Matthæus Apostolus (g) Deus nuptias benedixit, & permisit amorem dominari in corporibus hominum. Itaque simpliciter loquor, fateorque me non omnino posse durare absque aliqua conjugali copula. Veruntamen cupio secundum interiorem hominem ab omni fornicatione esse alienus. Et nunc carissi-

(a) II. Cor. II.

(b) Galat. VI.

(c) Isai. XLII.

(d) hic deest verbum attendistis: aut aliud simile.

(e) I. Cor. V.

(f) I. Cor. VII.

(g) hic deesse aliquid viderur.

carissimi, nos suppliciter vestram imploramus sanctitatem, ac pro illius amore, qui nos redemit, deprecamur; ut nostro periculo corporis & animæ ad utilitatem Sanctæ Dei Ecclesiæ, & regni

nobis commissi, benigna veritate & devota fidelitate subvenire non differatis: quatenus de prosperitate ac nostra erga vos promptissima devotione pariter nos in Domino gaudeamus & exultemus.

*Sententia Episcoporum Aquisgrani coactorum, qua Lothario Regi permixtum est, ut abjecta Theutberga uxore, aliam, ea adhuc vivente, duceret.*

Cum ex diversis Provinciis totius Regni Serenissimi Regis Hlotharii ad Aquas Grani Palatii, Archi Episcopi, & Episcopi convenissemus, ac Pastoralis cura & sollicitudine Ecclesiastica jura ventilaremus; ejusdem Principis nostri causa ad medium deducta est, quæ de conjugii sui controversia jam pridem nostris in manibus fuerat evoluta. Pastoris igitur summi, Domini videlicet nostri Jesu Christi, qui venit in hunc mundum peccatores salvos facere, exemplo informati, & autoritate muniti; peccatoribus terrorem supplicii; nisi resipiscant, incurrere, veniamque nisi recipiant permittere, & concedere fiducialiter posse, & debere scientes, præfatum Regem divina nobis depositione donatum, & in ipso regni tyrocinio fallaciter fauciatum, ut comperimus, acriter condoluimus: eumque laqueis, quibus inrexit se ingemiscerebat, provide, & fideliter erigere decertavimus juxta illud Apostoli: *Si quis (h) erraverit ex vobis à veritate, & converterit quis eum, scire debet, quoniam qui converti fecerit peccatorem ab errore viae suæ, salvabit animam ejus à morte.* Quod ergo omnibus impertiri jubemur, Regi & Principi nostro negare nequaquam debemus, qui priori conventui nostro se humiliter exhibens, lamentatus est in conjugii nomine se horribiliter defraudatum, nec tamen absque tali consortio juventutis suæ consociari se posse adjecit, libellumque proclamationis & viam suæ salvationis depolcentem divinitus aspiratus porrexit. Cujus nos mœrori & anxietati, ut comperebat compatiens intellectu, puræ devotionis affectu, pœnitentiæ remediis præterita delere peccata, & futura bonorum operum exhibitionibus præcavere monstravimus. Quod & ille necessario; & libenter amplectens ad

L 1 3

exhortationem nostram adhibitis sibi quibusdam ex collegio nostro, toto quadragesima tempore Jejuniis, Eleemosynis, ac reliquis Deo placitis operibus vigilantiter insitens, congrua satisfactione Dominum placare desiderans, id se promereri velle etiam discalciatis pedibus incedens patulo ostendit. Deinde in hoc quoque Concilio fragilitatis suæ casus enucleavit, & salutis suæ consilium utiliter ac laudabiliter à nobis quæsit. Itaque secundum petitionem, & devotionem suam servata solertissime humanæ pietatis forma, & vigilantissime ministerii nostri moderata censura, qualiter eis prospexerimus, memoriæ mandare decrevimus. Fœminam sibi uxoris nomine, & improbo conamine injectam potius quam legitime conjunctam pluribus didicimus documentis: & conjugem esse non potuisse quam plurimis attestacionibus, immo detestacionibus, ad postremum spontanea confessione sua liquidius agnovimus. Quomodo enim possit matrimonio copulari, quam juxta suam assertionem frater non perimuit obstuprare? Dicente Domino ad Moysen: *Turpitudinem (i) sororis tuæ non revelabis: & eodem Moyse Domino inspirante terribiliter intonante; Maledictus, qui dormierit cum sorore sua filia patris vel matris suæ.* Hinc alia scriptura dicit: *Qui tenet adulteram, stultus & impius est:* hinc & Apostolus: *qui (k) adhaeret meretrici, unum corpus efficitur.* Hinc & in Concilio Agathensi cap. III. ita dictum est: qui se incestu pollutione commaculant, placuit quousque in ipso detestando, & illicito carnis contubernio perseverant, usque ad Missam tantum Cathegumenorum in Ecclesia permittantur. Cum quibus etiam nec cibum sumere ulli Christianorum, sicut Apostolus jussit, oportet. Hinc etiam beatus Ambrosius in expositione primæ

Epi-

(h) Jac. V.

(i) Levit. XVIII.

(k) I. Cor. VII.



Epistolæ ad Corinthios Cap. XXXIII. scribit : Postquam in nuptiis locutus est, & viduis, hos alloquitur, qui matrimonio juncti sunt, ore Dominico : Uxorem à viro non discedere, quod si discesserit, manere innuptam. Quod si continere se non potest, quia pugnare non vult contra carnem, suo viro reconcilietur. Non enim permittitur mulieri, ut nubat, si virum suam causa fornicationis dimiserit, aut apostasia aut illicita impellente lascivia, vir usum quærat uxoris : quia inferior non hac lege utitur, qua potior. Si tamen apostatet vir, aut usum quærat uxoris invertere, nec alii potest nubere mulier, nec reverti causa fornicationis ad illum. Et virum uxorem non dimittere. Subauditur autem : excepta fornicationis causa. Et ideo non subjecit, sicut de muliere dicens : quod si discesserit, manere sic : quia viro licet ducere uxorem, si dimiserit uxorem peccantem ; quia non ea lege constringitur vir sicut mulier : caput enim mulieris est vir. Nam cæteris ego dico non Dominus. Hoc dixit, ut ostendat, quid proprio ore Dominus jussit, & quid hujus auctoritate concessit : quia & per istum Dominus loquitur, qui ait : *An experimentum queritis ejus, qui in me loquitur, Christus?* Ad hæc forte inter alia quis dicat : *Quod Deus conjunxit, homo non separet.* Optime nimirum aptissimeque hoc in his observandum, quod Deus conjungit, quia à (1) Domino, ut alibi scriptum est, *præparabitur viro uxor* ; sed quis audeat dicere hanc à Deo conjunctam vel præparatam, quæ tot ac tantis veteris & novi testamenti inhibitionibus non solum non copulanda, sed magis lugenda, & in interitum carnis tradenda esse, ut Spiritus salvus fiat, ex proprii oris confessione monstratur ? Juxta illud, *ex [m] verbis tuis justificaberis, & ex verbis tuis condemnaberis* : Et David eum, qui se Saulem Regem interemisse jactaverat, mox jugulare præcepit, dicens : *Sanguis [n] tuus super caput tuum, os enim tuum locutum est : ego interfeci Christum Domini.* Hinc Innocentius Papa ad Tolosanum scribens affirmat, nullo modo absolvi posse, qui in se aut veri confessione, aut testimonio falsitatis dixerit sententiam mortis, quæ dicta in alium puniretur : cum omnis, qui sibi fuerit mortis causa, major ho-

micida sit. Sed & hoc ex Epistola Valentini concilii ad Forojulienfes, & in Concilio Africano Cap. XCI. abundantissime demonstratur. His quocirca aliisque divinorum instrumentis eloquiorum non segniter imbutos, ac mediocriter fultos, si quis nos irrationabiliter ac inconsiderate in omni hoc negotio vel egisse vel definisse dicere præsumpserit : nisi detractiois vel injustitiæ deprehensionis maculam deterferit, noverit se ante tribunal æterni judicis nobiscum de his districtiorem habiturum rationem. Quispe cum nullo livoris toxico aut amaritudinis zelo Deo teste adversus eandem feminam moti aut alicujus favoris gratia ducti quippiam de ea fecisse aut dixisse nos coram Deo protestemur ; nisi quod moderatius & mansuetius, salva Canonica auctoritatis regula, quam violare nullatenus permittimur, diligentissimo examine, & studiosissima indagatione agendum reperimus, sicut ex literis discussionis nostræ, super hac re à nobis conscriptis dignoscere fas est. Porro eidem Principi ac seniori nostro Lothario post excessuum cognitionem, & errorum suorum convenientem mira afflictione punitionem, scientes juxta ejusdem professionem aliam legem in membris ejus repugnantem legi mentis suæ, ne in deteriora labatur, uxorem ducere, filios procreare vetare non possumus, dicente Apostolo : *Qui (o) se non continet, nubat, tantum in Domino ; melius enim nubere, quam uri.* Et iterum : *unusquisque propriam uxorem habeat propter fornicationem* : quæ scilicet necessitatis concessio est, non Apostolicæ voluntatis. Qui rursus ait : *Vellem omnes homines esse, sicut & ego.* Et nos ergo idcirco ista non omnimodis inhibere audemus, ut graviora facilius caveantur, & omnis indebita causatio sollicitiori deinceps custodia devitetur. Hujus series rationis in commune à nobis Domino inspirante repertæ duobus ex nostris fratribus literis sequestratim commendari injunctum est. Quod nocturno actum tempore, primo mane sacro Concilio uterque scripturam suam præsentavit, & mira sensuum convenientia redolentem omnis cœtus noster collaudavit, & de concordii sententia Dominus gratias egit. Quod ideo subjiciendum censuimus, ne si alterius

(1) Prov. XIX. XIV. ex Græco.  
(o) I. Cor. VI.

(m) Matth. XII.

(n) II. Reg. I.

rius scripturæ tenor in verbis discrepans in cujuslibet manus devenit, non moveatur de dissonantia sermonum, quem fidem accommodare compellit consonantia sensuum.

*Collectio variorum locorum ex Sacra Scriptura, Conciliis, opusculisque Patrum à duobus Episcopis facta in Conciliabulo Aquisgranensi ad solutionem hujus quæstionis: Si liceat homini uxore dimissa aliam ducere adhuc illa vivente?*

Super quæstione, de qua reverentia vestra præcepit, ut inspectis opusculis Patrum, quæ viderentur, vobis describeremus, curavimus, ut potuimus breviter & consequenter quæ pertinent ad eam respondere.

Quæstionis summa hæc est: si liceat homini uxore dimissa aliam ducere adhuc illa vivente? In Evangelio Dominus secundum Matthæum ita dicit: *Dictum* [p] est, quicumque dimiserit uxorem, det illi libellum repudi: ego autem dico vobis: quia omnis, qui dimiserit uxorem suam: excepta fornicationis causa, facit eam mœcham, & qui dimissam duxerit, adulterat. Hic quidem dimitti uxorem posse, sed fornicationis causa Dominus testatur. Aliam vero nullum dicit esse causam, cur possit dimitti. Dimissa vero præter causam fornicationis nubere non potest alii, sed neque duci ab alio. In utroque enim mœchia deprehenditur. An vero is, qui mulierem causa fornicationis dimiserit, aliam ducere non possit, in hoc non aperte significatur. Alio vero in ejusdem Evangelistæ loco manifestius exprimitur: ubi interrogatus Dominus à Phariseis: Si [q] liceat homini dimittere uxorem quacunque ex causa, respondet: non legistis, quia qui fecit hominem ab initio, masculum & feminam fecit eos? Et dixit: Propter hoc dimittet homo patrem & matrem suam, & adhaerebit uxori suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. Interim videtur præcipere, ne uxor dimittatur, qua dimissa

unius corporis factam esse divisionem: cum enim dicit, jam non duo sunt, sed una caro, ostendit, quicumque dimiserit, quod unius carnis, id est corporis, faciat solutionem. Apostolus vero inferius: *Dico* [r] autem vobis: *Quicumque dimiserit uxorem suam, nisi ob fornicationem, & aliam duxerit, mœchatur; & qui dimissam duxerit, mœchatur.* Quod in sermone obscurius posuit, hic manifestius: illic enim ait: Quia omnis, qui dimiserit uxorem suam excepta fornicationis causa, facit eam mœcham, & qui missam duxerit, adulterat; mulieris causam si nupserit denotans, qui dimissam duxerit; ejus vero, qui dimiserit, non manifestans. Hic vero ait: *Quicumque* [s] *dimiserit uxorem suam, & aliam duxerit, nisi ob fornicationem, mœchatur:* designans quia si dimiserit, non liceat ei aliam ducere, si mœchus esse nolerit. Unam tamen rem posuit, quæ faciat quæstionem dicens, nisi ob fornicationem. Sed videamus, quid alii dicant Evangelistæ. In Marco legitur; quicumque dimiserit uxorem suam & aliam duxerit, adulterium committit; & si uxor dimiserit virum suum & alii nupserit, mœchatur. Nulla interponitur causa, sed simpliciter innuitur, quod vir, si dimiserit uxorem suam, & duxerit aliam, adulterio poluitur. Quæ res in uxore quoque similiter accipitur, ut si dimiserit virum quacunque de causa, & alteri nupserit, adultera denotabitur. Videnus in isto excludi Evangelistam, quod in Matthæo positum quæstionem faciebat. Illud videlicet, quod interpositum fuerat, causa fornicationis: veluti si propter fornicationem mulier dimissa fuerat, quod is, qui dimiserat, aliam ducere potuisset. Sed præsentis testimonii verbis agnoscimus, quod nequaquam sive adulterii sive alia quacunque causa dimissa fuerit uxor, liceat dimittenti aliam ducere: Quod si fecerit, adulterii culpa non erit immunis. Lucas vero: *Omnis* (t) *qui dimittit uxorem suam, & ducit alteram, mœchatur: & qui dimissam à viro ducit, mœchatur.* Gradatim igitur, & quod in alio minus aperte, in alio manifestius significatur. Matthæus fornicationis causam interponit, qua dimittenda sit uxor. Marcus, quod nulla de causa dimittenda sit: quod si dimitti-

(p) Matth. V.  
(s) Marc. X.

(q) Ibid. XIX.  
(z) Luc. XVI.

(r) I. Cor. VII.



mittitur, nequaquam alii copulanda. Lucas vero dimitti posse dicit uxorem : ut intelligatur sive religionis, sive fornicationis causa, altera tamen nullo modo fore ducendam. Quibus omnibus instrui-  
mur, uxorem à viro non esse dimittendam, nisi vel fornicationis, vel religionis causa intererit: quod si dimissa fuerit, nec vir, qui dimittit, ducere possit alteram, nec dimissa alii nubere: donec uterque, id est, & qui dimittit, & dimissa superstes fuerit. Paulus Apostolus: *His (u) autem, inquit, qui matrimonio juncti sunt, præcipio non ego, sed Dominus, uxorem à viro non discedere. Quod si discesserit, manere innuptam, aut viro suo reconciliari: Et vir uxorem non dimittat. Manifeste uxoris determinat causam virum dimittentis, ut maneat innupta, aut proprio viro reconcilietur.*

An vero virum, si dimiserit uxorem, eadem lege constingat, quæstionem facit, propter illud, quod in commentario Beati Ambrosii legitur: Quod quia penes vos est, non fuit necesse subijcere; Dicimus tamen Paulum nequaquam ab Evangelio dissentire, nec aliud docere, quam docuit Christus. Quid sentiant Evangelistæ, testimonia superius posita liquido demonstrant. Unde quod hic minus positum est ab Apostolo super viri conditione dimittentis uxorem, & ex superioribus ipsius Apostoli datur intelligi, & ex Evangelistarum testimoniis (x) convenerunt de uxore à viro discedente loqueretur, ait: Quod si discesserit, maneat innupta, aut viro suo reconcilietur: ostendit non debere discedere, aut si discesserit, innuptam permanere, aut postremo, quod restat, viro suo reconciliari. Cum vero subjunxit: & vir uxorem non dimittat, nihil ultra addens à superioribus (y) subintelligendum, ut ait uxorem non dimittat, aut si dimiserit aliam non ducat, aut postremum, quod est, uxori suæ reconcilietur. Quæ sententia tam ipsius Apostoli dictorum consequentia, quam Evangeliorum consonantia confirmatur.

Transamus ad Doctorum ex præfenti loco sententias. Venerabilis Augustinus in sermone Domini secundum Mat-

thæum: Non enim, qui præcepit, inquit, dare libellum repudiî (z) huic præcepit, ut uxor dimittatur, sed qui dimiserit, inquit, det illi libellum repudiî, ut iracundiam temerariam projicientis uxorem libelli cogitatio temperaret. Qui ergo dimittendi moram quæsit, significavit, quantum potuit, duris hominibus, se nolle discidium. Et ideo ipse Dominus, alio loco de hoc interrogatus ita respondit: *Hoc (a) Moyses propter duritiam vestram fecit.* Dominus ergo ad illud confirmandum, ut non facile uxor dimittatur, solam causam fornicationis excepit. Carteras vero universas molestias, si quæ forte exstiterint, jubet pro fide conjugali, pro castitate fortiter sustinere: Et mæchum dicit etiam virum, qui eam duxerit, quæ soluta est à viro. Cujus rei Apostolus Paulus terminum ostendit, qui tamdiu observandum dicit, quamdiu vir ejus vivit: Illo autem mortuo dat nubendi licentiam. Præsens auctor solutionem mulieris à viro faciendam esse non facile dicit, & solam causam fornicationis esse, qua fieri possit: facta vero solutione aut reconciliando sibi invicem, aut neutrum alteri jure matrimoniali fociandos.

In commentario Hieronymi secundum Matthæum: dictum est, quicumque dimiserit uxorem suam, det illi libellum repudiî. Ego autem dico vobis: quia omnis, qui dimiserit uxorem suam, & reliqua. In posteriori parte istum locum plenius Salvator exponit: Quod Moyses libellum repudiî dari jussit propter duritiam cordis maritorum, non discidium concedens, sed auferens homicidium. Multo enim melius est, licet lugubrem evenire discordiam, quam per odium sanguinem fundi. Auctor iste Domini fultus auctoritate discidium potius eligit, ne homicidium fiat. Ut vero vel dimissus vel dimissa experiri possit denovo alias nuptias, utroque vivente, non dicit. In eodem commentario: sola fornicatio est, quæ uxoris vincat affectum, imo cum illa unam carnem in aliam divisisset, & se fornicatione separaverit à marito, non debet teneri, ne virum quoque sub maledicto faciat: dicente

Scrip-

(u) I. Cor. VII.

(y) Forte subintelligendum, ait: ut uxorem.

(a) Marth. XIX.

(x) Forte: convenit. Nam cum de uxore.

[z] forte: hic.

Scriptura : *Qui (b) adulteram tenet, sicutus & impius est.* Ubi cumque est igitur fornicatio, & fornicationis suspicio, libere uxor dimittitur. Et quia poterat accidere, ut aliquis calumniam faceret innocenti, & ob secundam copulam nuptiarum veteri crimen impingeret, sic priorem dimitti jubet uxorem, ut secundam prima vivente non habeat. Non interdicit beatus Hieronymus uxorem dimittendam in adulterio deprehensam, & quod majus est, etiam suspicionis infamia denotatam, si non alias mariti potuerit ira frænari : ut tamen excludatur alterius causa ducendæ uxoris & castitatis zelo abjici propria, dicit non esse secundam ducendam, (c) qui primam tenere noluerit.

Venerabilis Beda presbyter in commentario Evangelii Marci : Una ergo solummodo carnalis causa fornicatio, una spiritalis timor Dei, ut uxor dimittatur, sicut multi religionis causa fecisse leguntur. Nulla autem causa est Dei lege præscripta, ut vivente ea, quæ relicta est, ducatur. Et hic dimitti posse non negat uxorem sive fornicationis, sive religionis causa : aliam vero duci posse vivente priore, sequens auctoritatem majorem non consentit.

Sanctus Ambrosius in explicatione Evangelii secundum Lucam. Prius dicendum est, arbitror, de lege conjugii, ut postea de prohibendis divortiis disputemus. Quidam enim putant omne conjugium à Deo esse ; maxime quia scriptum est : Quæ Deus conjunxit, homo non separet. Ergo si omne conjugium à Deo, omne conjugium non debet solvi. Et quomodo dicit Apostolus : quod si infidelis discedit, discedat ? in quo & mirabiliter noluit apud Christianos causam residere divortii. & ostendit non à Deo omne conjugium. Neque enim Christianæ gentilibus Dei judicio copulantur, cum lex prohibeat. Ex verbis hujus doctoris datur intelligi, & non esse omne conjugium à Deo, & in quibus hoc sit intelligendum. Videlicet si Christianus infidelem ducat, aut Christiana Judæo nubat, hujusmodi conjugium, quia non est à Deo, fore solvendum. Si

M m

vero Christianus Christianam ducat, & quæ legaliter fieri debent, compleantur, conjugium tale non negat esse à Deo. In sequentibus inquit ; Noli ergo uxorem dimittere, ne Deum tuæ copulæ diffitearis auctorem. Etenim si alienos, multo magis uxoris debes tolerare, & emendare mores. Audi quid dixerit Dominus : *Qui [d] dimittit uxorem, facit eam mæcham* : etenim cui non licet vivente uxore mutare conjugium, potest obrepere libido peccandi : itaque qui auctor erroris, etiam reus culpæ est. Non esse dimittendam uxorem omnino protestatur : Quod si dimissa vel nupserit, vel clanculo se corruerit, in eum culpa redundabit, auctor discidii, qui exstiterit. Item in consequentibus : Dimittis vero uxorem, quasi jure sine crimine, & putas id tibi licere, quia lex humana non prohibet, sed Divina prohibet. Qui hominibus obsequeris, Deum verere. Audi legem Domini, quam obsequuntur etiam, qui leges ferunt : *Quæ (e) Deus conjunxit, homo non separet.* Tangit hoc loco, quod apud sæculi solet homines fieri in uxoribus dimittendis. Lege divina hoc penitus interdicitur, humanæ vero leges concedunt. Sed Beatus Ambrosius potius Divinis dicit, quam humanis legibus obtemperandum : & cæleste jus humano esse præferendum juri, cui debent etiam ipsi subjici, humana qui condunt jura. Item in consequentibus : Paterisne, oro, vivente te esse liberos tuos sub vitrico, aut incolumi matre degere sub noverca ? Pone si repudiata non nubat ; & hæc tibi debuit displicere, cui adultero fidem servat ? Pone, si nubat, necessitas illa tuum crimen : & conjugium, quod putas, adulterium est. Quid enim refert, utrum id aperta criminis confessione, an mariti specie adulterium admittas ; nisi quod gravius est lege criminis fecisse, quam furtim ? Plures innectit causas, quibus discidium dissuadeat, quod & impium sit, & iniquum. Impium, si habens ex dimissa liberos, & illa nupserit, filique proprii sub vitrico fuerint : quod fieri solet, quando una cum matre, etiam filii pelluntur ; vel certe, si sola matre pulsa filii retineantur, & alia ducta uxore filii sub noverca duxerint inliberalem vitam. Hæc

(b) Prov. XVIII, XXII.

[d] Matth. XIX.

(c) Hic deesse aliquid videtur.

(e) Ibidem.



Hæc quidem omnia impietatem protestantur. Porro si dimissa nubere noluerit, continentia sua adulterum virum condemnat. Et iniquum est castam ab incontinente dimitti. Vir quoque si alteram duxerit, nihilominus iniquum (f) esse, quia contra Dei leges facit, & ideo in hac etiam parte iniquo existit. Docet ergo nullo modo uxorem dimitti: quod si dimissa fuerit, alteram duci minime: nec liberum posse matrimonium dici aut esse sine peccato, quamvis ex lege sæculi patrocinium habere videatur, quandoquidem contra leges Christi nubitur, Augustinus in libris de adulterinis coniugiis satis superque disputat: quos qui studiose legerit, nulla quæstionis huius cunctatio, animam illius obtinere valebit. Ex quibus pauca curavimus in præsentī Capitulo breviter annotare. Ut qui totius operis plenitudinem vel non valuerit, vel non voluerit procurare; ex paucis cognoscat, quid in hac re auctor ille Catholicus à Catholicis teneri velit.

In Libro primo post multa sic ait: Quid si enim secundum Matthæum non quidem quod ad hanc rem pertinet, dictum est totum; sed ita pars dicta est, ut intelligeretur à parte totum: quod tanquam explanantes Marcus & Lucas, ut claresceret plenius sententia, totum dicere maluerunt? Cum itaque primum non dubitantes verum esse, quod apud Matthæum legitur: *Quicumque (g) dimiserit uxorem suam præter causam fornicationis, & aliam duxerit, mœchatur*; Quæserimus utrum tantum iste mœchetur, ducendo alteram uxorem, qui præter causam fornicationis priorem dimiserit; an omnis, qui dimissa uxore alteram duxerit, ut ibi sit etiam ille, qui fornicantem dimiserit. Nonne secundum Marcum respondetur nobis: quid quæritis, utrum ille sit mœchus, & ille non sit? Quicumque dimiserit uxorem suam & aliam duxerit, adulterium committit. Nonne etiam secundum Lucam dicitur nobis: Quid ambigitis, utrum ille, qui propter causam fornicationis uxorem dimiserit, & aliam duxerit, non mœchatur? Omnis, qui dimittit uxorem suam, & ducit alteram, mœchatur. Ac per hoc, quoniam fas non est, ut Evangelistas, quamvis diversis verbis de una re loquentes, ab uno sensu eademque sententia dissen-

tire dicamus; restat ut Matthæum intelligamus à parte totum significare voluisse, eandem tamen tenuisse solertiam; ut dimittens uxorem & alteram ducens quidam mœchetur, id est, qui propter fornicationem dimiserit: quidam vero non mœchetur, id est, qui propter fornicationem dimiserit. Sed omnis, qui dimittit uxorem vel ducit aliam, mœchari minime dubitatur. Nam & illud, quod etiam secundum Lucam sequitur: Qui dimissam à viro ducit, mœchatur; quomodo est verum? quomodo mœchatur, nisi quia illam, quam duxit, eo vivente à quo dimissa est, adhuc uxor aliena est? Si enim jam suæ non alienæ miscetur uxori, utique non mœchatur: mœchatur autem, aliena est ergo, cui miscetur: Porro si aliena est, hoc est, ejus à quo dimissa est, etiamsi propter fornicationis causam dimissa est, nondum dimittentis uxor esse cessavit: sin autem illius esse cessavit, jam hujus est, cui alteri nupsit. Et si hujus est, non mœchus judicandus est, sed maritus; sed quia non eum maritum, sed mœchum dicit Scriptura, adhuc illa illius est, à quo etiam fornicationis causa abjecta est: & ideo quamcunque etiam jam illa dimissa ducit uxorem, quia cum alieno marito concumbit, adultera est. Unde autem fieri potest, ut adulter etiam ipse non sit, quem constat adulterare cum ea quam duxit? Pluribus rationibus Venerabilis offendit Augustinus, quod si fornicationis causa dimittat quis uxorem, si præter fornicationem, & alteram duxerit, mœchatur. Et illa, quæ si propter fornicationem, si fornicationis causa excepta dimissa alii nupsit vivente viro, mœchetur: nec tales legitimi posse matrimonii esse secundum Ecclesiæ leges, quas adulterio constat esse solutas.

Item in secundo Libro: Christianis equidem loquor, qui fideliter audiunt. Caput mulieris sunt: ubi se agnoscunt duces, illas autem comites esse debere: Et ideo cavendum viro, illa ire vivendo, qua timet, ne uxor sequatur imitando. Sed isti, quibus displicet, ut inter virum & uxorem par pudicitie forma fervetur; & potius eligunt, maximeque in hac causa mundi legibus subditi esse, quam Christi; quoniam jura forinseca non eisdem quibus feminas pudicitie nexibus viros

(f) pro: est.

(g) Ibidem.

viros videntur obstringere; legant quid Imperator Antoninus non utique Christianus de hac re constituerit: ubi maritus uxorem de adulterii crimine accusare non finitur, cui moribus suis non præbuit castitatis exemplum: ita ut ambo damnentur, si ambos pariter impudicos confictus ipse convicerit. Nam supradicti Imperatoris hæc verba sunt, quæ apud Gregorianum leguntur. Sane, inquit, litteræ meæ nulla parte causæ præjudicabunt. Neque enim si penes te culpa fuit, ut matrimonium solveretur, & secundum legem Juliam Eustasia uxor tua nuberet, propter hoc rescriptum meum adulterii damnata erit, nisi constet esse commissum.

Habebunt autem ante oculos hoc inquirere, an cum tu pudice viveres, illi quoque bonos mores colendi auctor fuisti. Periniquum mihi videtur esse, ut pudicitiam vir ab uxore exigat, quam ipse non exhibet. Quæ res & potest virum damnare, non ob compensationem criminis mutui rem inter utrumque componere, vel causam facit tolerare. Si hæc observanda sunt propter decus terrenæ civitatis, quanto castiores quærit celestis Patria, & societas Angelorum? Quæ cum ita sint, numquid ideo minor est, an potius major & pejor virorum impudicitia, quia inest illis superba & licentiosa jactantia? Monstratur igitur Doctoris auctoritate præsentis, parem uxoris maritque culpam communi poena feriendam: non licere viro, quod non licet uxori: & sicut illa non servando fidem marito mœchatur, sic & vir fidem non servando uxori mœchus habetur.

His breviter prælibatis, qui vult hujus auctoris sententiam super hac re plene cognoscere, libros legat, de quibus ista decerpimus: & videbit, quia si uxor dimittitur, alii secundum Evangelicam doctrinam fociari nuptialiter non potest, nec tale matrimonium conjugum appellandum, sed potius adulterium. In Canonibus Apostolorum: si quis Laicus uxorem propriam pellens alteram vel ab alio dimissam duxerit, communione privetur. Item in Concilio Africano: placuit ut secundum Evangelicam, &

M m 2

Apostolicam doctrinam, neque dimissus ab uxore neque dimissa à marito alteri jungatur, sed ita maneant, aut sibi met reconcilientur. Quod si contempserint, ad pœnitentiam redigantur: In quam causam legem imperialem petendum promulgari. In Decretali Innocentii Papæ: Et illud desideratum est sciri, ut communicantes viri cum adulteris uxoris non conveniant, cum contra uxores in consortio adulterorum virorum manere videantur. Super hoc Christiana religio adulterium in utroque sexu pari ratione condemnat: sed viros suos mulieres non facile de adulterio accusant, & non habent latentia peccata vindictam. Viri autem liberius uxores adulteras apud sacerdotes deferre consueverunt, & ideo mulieribus prodito eorum crimine communio denegatur. Virorum autem latente commissio non facile quisquam ex suspicionibus abstinetur: rectè utique summovebitur, si ejus flagitium detegatur. Cum ergo par causa sit, interdum probatione cessante vindictæ ratio conquiescit. Hoc capitulum propterea interpositum est, ut videamus in adulterii crimine parem esse poenam tam viri, quam uxoris: quamvis in uxore facilius solet puniri, non dispari causa, sed cessante delatore. Duo vero superius capitula cum sententiis patrum suppositis conveniunt: videlicet ut uxore dimissa vel marito dimisso, aut sibi reconcilientur aut alteri non nubant.

Hactenus quod egimus, probare contendimus, quod is, de quo agitur, aut celebs manere, aut uxori debet reconciliari, si tamen divinis literis vel auctoritate patrum maluerit obtemperare. Quod autem opponitur, non fuisse copulam illam legitimum matrimonium, quia non virgo nupsit marito, sed corrupta, & hoc à fratre; quidquid ante fuerit, priusquam nupsit, si fidem, postquam nupsit marito, castitatem tenendo servavit, antiqua corruptela posteriori castitati non præjudicat. Licet fuerit meretrix, licet prostituta, licet multis corruptoribus exposita, si nuptiale incontaminatum fœdus servaverit, prioris vitæ maculas posterior mundicia diluit. Dicit enim Apostolus: *Et [h]*

hæc

(b) I. Corinth. VI.

Tomus II. Concil. German.



*hec quidem fuistis, sed abluti estis, sed sanctificati estis.* Hinc beatus Augustinus ad Pollentium scribens, ait: quod autem tibi durum videtur, ut post adulterium reconcilietur conjux conjugii; si fides adsit, non erit durum. Cur enim adhuc deputamus adulteros, quos vel baptis- mate ablutos vel poenitentia credimus esse sanatos? Videmus igitur, quod prioris vitæ corruptionem sanctimonia conjugali credere debeamus esse mundatam; & quod deletum est vel baptismo, vel poenitentia, id est, continentiae professione, cujus testimonium conjugii patet confirmant; non debet denuo in culpam vocari: nec deputari immundus, qui sordes pollutionis abiciens, castitatis mundiciam conjugali fœdere diligenter conservat. Nec contra Apostolicam doctrinam Ecclesiæque fidem videamur venire. In Concilio Agathensi, De incestis conjunctionibus nihil prorsus veniæ reservamus, nisi cum adulterium separatione sanaverint. Incestos vero nullo conjugii nomine deputandos; quos etiam designare incestum est. Hactenus ex præsentis capitulo, in literis quas meministis positum recognoscitis; volentes; qui posuerunt probare, quod conjugium, de quo agitur, incestum potius, quam conjugium sit appellandum. Sed videamus sequentia, hos enim esse censemus, subauditur, incestos. Si quis relictam fratris, quæ pæne prius soror existerat, carnali conjunctione polluerit. Si quis fratris germanam uxorem acceperit. Si quis Novercam duxerit. Si quis confobrinas se sociaverit. Si quis relictæ vel filiæ avunculi miscetur, aut patru filiæ, aut privignæ suæ, aut ex propria consanguinitate aliquam, aut quam consanguineus habuit, concubitu polluerit, aut duxerit uxorem: quos omnes & olim atque sub hac constitutione incestos esse non dubitamus.

Hinc igitur videmus incestum esse vel designari conjugium, si consanguineam, vel quam consanguineus habuit, ducat uxorem; & tales nuptias reprobandas. Personæ vero de quibus agitur, nulla sibi sanguinis propinquitate copulantur. Etsi dicitur à fratre polluta. Non fuit tamen in uxorem accepta. Et vel later, vel purgata est culpa; vel nullis certis testibus comprobatur. Idoneo

deficiente accusatore seu manifesta convictione, vel quod delictum est in adolescentia, puerili fragilitate purgavit satisfactio emendatione congrua per maritalem confederationem; siquidem in majorum constitutis exempla nos docent, adolescentiæ lapsibus quantum indulgeri oporteat: siquidem adolescentem cum sorore lapsum poenitentiae remedio dicunt esse sanandum, non à conjugio penitus removendum. Quæ res ex Sanctorum dictis manifeste comprobatur. Unde superiori capitulo, nuptiæ, quas dicimus, non videntur comprehendi, quia remotæ sunt à sanguinis propinquitate. Nam etsi carnalis quædam per lubricum ætatis pollutio subripuit, delendum est poenitentiae remedio, non puniendum separatione conjugii: nec maritus in uxoris lapsu polluitur, si nec opere nec consensu miscetur. Denique si quemadmodum fertur, illa pollutionem incidit; quid ad virum pertinet, si cum ea caste vixit? Aut quomodo conjugis pollutio conjugem pollueret potest, si caste, postquam nupta est, vixit cum conjugē? Nec timendum, ne maledictio sit maritus cum tali junctus, propter illud, quod Salomon dixit: *Qui (i) tenet adulteram stultus est*: quoniam postquam ei nupsit, castitatem servavit. Non enim antiqua reputanda sunt delicta, si melior conversatio jam purgavit illa. sicut enim infidelis jam non est infidelis, & sicut humilis jam non est superbus, & sicut Sanctus jam non est immundus; sic castus jam non est impurus: sic quoque conjugium continentiae sanctitate mundum adulterii sordibus non est addictum. Quamvis forte contingat, ut priusquam nubant, uterque sexus per quædam illicita se polluerit. Unde quamvis quondam illa contraxerit fortassis, priusquam nupsit, corruptionem, nupta tamen non legitime vocabitur adultera, castitatis fidem si servaverit marito. Quod si ita est, quomodo potest fornicationis causa dimitti à marito; quandoquidem casta mansit cum ipso, quidquid uterque ante corruptionis pertulerit, & non sit licitum solvi matrimonia, nisi fornicationis intercefferit nexum? Nec hujusmodi nuptias esse velut incestas deputandum: quoniam etsi prius fortassis incesta fuit, jam tamen non est, quod fuit, dum

dum legitimum tori fœdus inivit, & vivendo caste cum legitimo conjuge, damnavit illud, quod ante fortassis per adoleſcentiam admifit. Nam ſi volumus perpendere, omnem illicitum coïtum inceſtum eſſe non dubium eſt: ſed Canones cum de inceſtis præſcribunt, de conjugatis loquuntur, non de his, qui non licite paſſim coïerunt, quos vel luxurioſos vel adulteros vocari manifeſtum eſt. Adulteros ſi in matrimonio conſtituti, fidem ſibi vel unus eorum non ſervando, illicitum cum alieno vel aliena exercet coïtum. Ceterum vel qui nondum nupti ſunt, vel qui intercedente morte ſeparati ſunt, ſi concumbant cum alieno vel aliena, non tales adulterio, ſed luxuria crimine denotantur. Ac propterea de talibus cum canones loquuntur, non inceſtos vocant, quoniam omnis illicitus coïtus inceſtus (*k*) eſt; ſed corruptionis libidine pollutos. Qua de re nec ille de quo agitur, illam ſi teneat, quæ dicitur à fratre polluta, vocabitur inceſtus, vel quaſi adulteram tenens; quandoquidem illa nondum fuerat adultera nondum habendo maritum, quamvis non ſervando caſtitaſtem fuerit polluta: (*l*) nec cum abnegato facinore conjugii caſtimoniam delegit, & fidem marito ſervavit, poſteſt ſancta, non adultera, ita nec inceſta vocari. Quidquid enim antequam nupſerit, egerit, in eam redundat, non in maritum: & ſi ſe purgavit ab illis, & poſtquam nupſit, caſta permanſit, non eſt, jam quod fuit. Dicit namque beatus Auguſtinus in libro de bono conjugali: mulier ſi fide conjugali violata, fidem ſervat adultero, utique mala eſt, ſi nec adultero pejor eſt. Porro ſi eam flagitio pœniteat, & in caſtitaſtem rediens conjugalem pacta ac placita adul-

teria reſcindat, miror ſi eam fidei violatricem vel ipſe adulter purabit. Nulli dubium, quod mulier adultero juncta polluta ſit; ſed ſi rediret ad proprium torum adultero repudiato, & caſte vixerit; ſecundum beati Auguſtini auctoritatem jam non debet vocari adultera; nec is, qui ei conjungitur, judicabitur tanquam ſtultus; vel eſt ſub maledicto veluti adulteram tenens; quandoquidem jam non ſit adultera, adulterii flagitium quæ reſpuit, & cum viro ſuo vivere deinceps delegit. Alioquin ſi quæcunque committuntur ante nuptias, poſtquam nuptum fuerit, in crimine detineantur; licentia non modica tribuitur, & viro, & mulieri ſolvendi conjugium. Ut de mulieribus taceam, rarus aut nullus eſt vir, qui cum uxore virgo conveniat. Et ſi prioris vitæ maculas liceat maritum in licem conſtituere, judicabitur tanquam adulter, vel quia concubinam habuit, vel quia fortassis fornicatus eſt, antequam nupſerit. Sed nulla lex hoc dicit; neque auctor quiſquam conatur hoc adſtruere: immo videtur iniquum, & nulla ſultum auctoritate, ut judicium ſubeat ex eo, quod jam vel pœnituit vel damnavit. Unde videtur juſte retineri poſſe matrimonium, de quo agitur; nec poſſe judicari maritus tanquam vel inceſtam vel adulteram retineat; quandoquidem jam non ſit nec inceſta, poſtquam legitime nupſit, nec adultera poſſit dici; cum etſi aliter coïerit ante, non poſtquam nupſit, hoc egerit. (*m*) Et quidem talis coïtus luxuriæ; ſed non adulterii. Hæc quidem rogati ſequentes Patrum dicta ſcripſimus: ceterum an recte dicta ſint, vos judicabitis.

(*k*) *Pro*: non eſt.(*l*) *Forte*: & cum.(*m*) *Forte* eſt.

Labbé hanc Conteſtationem Hlotharii, & ſententiam Epiſcoporum in tertio Concilio Aquisgranenſi edidit, acceptas à Cardinali Franciſco Barberino; qui per Lucam Holſteinium ex codice Palatinæ Bibliothecæ in Vaticano aſſervatæ, eas deſcripſerat. Ex Labbéo Haradunus edidit Tomo V. Concilior.



# NICOLAI PAPÆ

## EPISTOLA XIII.

AD EPISCOPOS, LEGATOS, IN FRANCIAM  
MISSOS.

*Mittit ad eos Commonitorium pro causa Teutbergæ, in Synodo  
Metensi reformanda.*

REVERENDISSIMIS, ET SANCTISSIMIS RADOALDO, ET JOANNI  
EPISCOPIS.

**Q**uemadmodum Sanctæ Romanæ Ec-  
clesiæ fideles estis, & Apostolicæ  
Sedis columnæ existitis; ita custo-  
dientes omnia secundum priorem præ-  
ceptionem nostram peragere festinate, &  
METIS Apostolica auctoritate Synodo  
evocata, nostra iussu perficite. Quodsi  
Synodus Episcoporum se illuc minime  
collegerit, aut Hlotharius veniente di-  
stulerit; tunc vos ad eum pergere stude-  
te, & nostra iussu, atque instituta decla-  
rate: Et deinde cum pro causa Balduini  
ad Carolum perrexeritis, eidem glorioso  
Regi Epistolas Synodicas, & has, quas

nunc vobis dirigimus pariter cum *Commo-  
nitorio* præsentibus cunctis ostendite. Et  
non solum ei, sed omnibus Episcopis, &  
universis Fidelibus hoc notum facientes  
palam legere, & denuntiare studete.  
Præterea scitote à nobis vestræ Sanctitati  
duas dirigi Epistolas vice ablatarum,  
unam Carolo Regi, secundam vero uxori.  
Episcopis autem Galliæ, & Germa-  
niæ alteram cum hac ipsa ad vos destinata  
mandamus.

*Binius Conciliorum Tomo III. Parte I.*

*Appendicis Epistolarum Nicolai I.*

*Sirmondo Epistola XIII.*

# COMMONITORIUM NICOLAI

## PAPÆ,

LEGATIS SUPRADICTIS DATUM.

NICOLAUS, RADOALDO PORTUENSI, ET JOANNI FICOCLENSI  
EPISCOPIS.

**H**lotharius Rex profitemur Walda-  
dram se à Patre accepisse, & so-  
rorem postmodum admisisse Hucberti.  
Ubi primum diligenti investigatione in-  
quirite, & si eundem gloriosum Regem  
prædictam Waldadram præmissis dotibus  
coram testibus secundum legem & ritum,  
quo nuptiæ celebrari solent, per omnia  
inveneritis accepisse, & publica manifes-  
tatione eadem Waldadra in matrimonium  
ipsius admissa est; restat, ut perscrute-  
mini, cur illa repudiata sit, vel filia Bo-  
fonis admissa. Sed quia idem gloriosus  
Rex metu Theutbergam admisisse se dicit;  
Vos illud Evangelium recolite, quo Do-  
minus: *Nolite*, inquit, *timere eos, qui*

*corpus occidunt, & iterum ait: Quid prodest  
homini, si universum mundum lucretur, ani-  
mæ vero suæ detrimentum patiatur?* In qui-  
bus dominicis sententiis considerandum  
est, quod si occisores corporum timendi  
non sunt, contra iustitiam hominem im-  
pellentes, & lucrum totius mundi non  
prosit homini anima perdita, quanto mi-  
nus metu unius hominis tantus Rex de-  
buit contra Divinum præceptum in im-  
mane præcipitium mergi? in hoc certe  
se magis reprehensibilem ostendit, in quo  
amori mundi aliud amorem Dei postposuit.  
Ubi nihil vobis aliud præcipimus, mani-  
festatione sua eodem Rege convicto,  
nisi ut secundum canonicam auctoritatem  
nostram

nostra vice freti, causam illius definias. Sin vero minime probatum fuerit, Waldadram uxorem fuisse legitimam, neque nuptiis secundum morem celebratis per benedictionem scilicet Sacerdotis, filio nostro Hlothario extitisse conjunctam; suggerite illi, ut non moleste ferat legitimam sibi, si ipsa innocens apparuerit, reconciliari uxorem: nec in hoc carnis voci obtemperet, sed potius Divinis præceptis obediens, pudeat eum, immo pertimescat in luxuriæ stercore putrescere, & voluntatem propriam sequendo ante tribunal Christi strictam ponere rationem. Præterea vos scire volo, quia præfata Teutberga Apostolicam Sedem bis, & ter appellavit, & se à præfato Rege glorioso quæstæ est injuste fuisse dejectam, & vi coactam falsam contra se composuisse placulum. Nam eo tempore ad Apostoli-

cam Sedem libellum appellationis suæ misit, in quo non quidem adhuc confessam, sed ut contra se falsum diceret crimen, cogi se se innotuit. Insuper subjungens, quodsi amplius compulsus fuero, scitote non veritate, sed timore mortis, & evadendi studio, quia aliter non possum, quod voluerint, dicam. Vos autem memores estote mei, hæc vobis insinuantis. Unde præcipimus vobis, ut cum eadem Teutberga ad condictam Synodum, sicut statuimus, advenierit, causam ejus diligenti examinatione tractetis: & si ei objicitur, quod illa crimen se aliquod admisisse confessa fuisset, & contra illa violentiam se pertulisse proclamaverit, vel si inimicos sibi judices fuisse testata fuerit; tunc illud renoveris judicium secundum æquitatis normam, ut injustitiæ mole non opprimatur.

*Binius in Appendice nova Epistolarum Nicolai Papæ pag. 535. Tomo III. Concil. Part. I. Sirmondus Tom. III. Concil. Gallie Ep. XIII. Nicolai.*

Rodoaldus, qui in Legatione Apostolica ad Synodum Merensem anni 863. prævaricator inventus est, pecuniâ Regis Hlotharii corruptus (*ut Rhegino testatur*) magis favens iniquitati, quam æquitati, fuit à Nicolao Papa anno 864. in Concilio Romano ab Episcopatu depositus & excommunicatus.

*Baronius colligit hanc Synodum ex Epistolis Nicolai in Orientem scriptis. VII. & X. apud Binium.*

*Binius Tomo III. Concilior. Parte I. qui LXX. Epistolas Nicolai Papæ edidit præter Responsa ad consulta Bulgarorum, & Appendicem adhuc XIX. Epistolarum Nicolai nunquam antea editarum.*

# NICOLAUS EPISCOPUS

## SERVUS SERVORUM DEI,

### LOTHARIO REGI. (a)

**SUMMA.** *Legatos ad Synodum cogendam mittit, ad quam præcipit duos de Caroli regno Episcopos accedere, sicut de Ludovici patru, & Caroli fratris ejus regno binos alios convenire jusserrat.*

**R**egalis Excellentia vestra nuper Apostolatui nostro direxit, ut pro facienda Synodo missos è latere nostro dirigere dignaremur: quod nos & ante litterarum vestrarum preces, & postmodum facere desiderio ardenti cogitavimus. Sed quia multis Sanctarum

Ecclesiarum Dei utilitatibus hætenus fuimus occupati, tam celeriter ut volebamus eos destinare nequivimus. Nunc autem, Domino nostro Jesu Christo favente, Legatos Sanctæ nostræ, cui Deo auctore deservimus, Ecclesiæ, duos reverentissimos Episcopos, *Rodoaldum Sanctæ*

(a) Filio Hlotharii Imperatoris secundo genito, I. Regi Lotharingiæ, nepoti Ludovici Germaniæ Regis, & Caroli Calvi Franciæ Occidentalis Regis.



Sanctæ Portuensis (b) Ecclesiæ, & Joannem (c) Sanctæ Ficolesis [d] Ecclesiæ, delitiosos nostros, quorum adventu atque præsentia Dei Sacerdotum Synodus congregetur, transmittimus: sicut nostris vobis jam pridem direximus litteris, quibus magnitudini vestræ intimatum est, binos Episcopos de regno Ludovici Regis patrui vestri, & Caroli Regis fratris vestri, ad ipsam Synodum convenire debere. Nunc autem volumus, atque litteris nostris directis jubemus, similiter duos de regno Caroli gloriosi Regis patrui vestri ibidem sine aliqua ambiguitate adesse. Quas sane litteras nobilitati vestræ dirigentes, petimus ut eas ipsi Carolo Regi de præsentibus vestrum fidelem hominem transmittatis: quatenus & duo regni ejus Episcopi, ut diximus, ad præfatam Synodum, quæ auxiliante Domino congreganda est, cum nostris pariter legatis valeant convenire. Quos sane Apostolatus nostri legatos excellentia vestra digno honore suscipiat, & familiaritatis eis locum concedat, ut Domino auxiliante, cum ad nos fuerint reversi, digna nobis de parte vestra nuntiantes, maximas Deo gratias referre, & Apostolicæ vos benedictionis munere ditare possimus, congaudentes sane in vestræ humilitatis devotione fidei. Dextera vos supernæ Majestatis illæfos conservare per tempora longa dignetur. Data IX. Kalendas Decembris. Indictione IX.

Binius: Sirmondo sexta.

(b) Radoaldus jam in Legatione Constantinopolitana maculam non levem incurrerat, & in Synodo Romana à Sacerdotii gradu & Fidelium communione dejectus.

(c) Joannes hic alias Caganus vocatur Reginoni.

Nicolaus primus VIII. Kalendas Majas anno 858. præsentem Ludovico II. Imperatore coronatus fuit. Obiit Idibus Novembris 867.

(d) Ficocla hodie Cervia, urbs Episcopalis maritima Romandioliæ Provinciæ.

## NICOLAUS EPISCOPUS SERVUS SERVORUM DEI, CAROLO GLORIOSO REGI.

*SUMMARIUM. Ut duo de ejus Regno Episcopi ad Synodum Metis cogendam proficiscantur.*

**S**edes hæc Sancta atque præcipua, cui Dominici gregis est sollicitudo curaque commissa, in omnibus mundi partibus reformationis suæ dispositione salubri cuncta ordinare proficereque divino freta procurat auxilio: & quod singulari pro auctoritate perficere valere, multorum sæpe Sacerdotum decernit definire consensu; & justitiæ censura ea scilicet emendanda deliberare, quæ perperam atque enormiter fuerint alicubi commissa. Unde vestræ regali Deoque amabili excellentiæ notum esse volumus, quia ad futuram Synodum, quæ Metis civitate Lotharii Regis nepotis vestri pro Teutberga sorore Hucberti Clerici, & Waldrada congreganda est, duos de regno vestro Episcopos, quos prudentes atque veraces vos esse cognoscitis, convenire jubemus: qui una cum sanctæ sedis nostræ legatis, quos illuc, Domino auxiliante, nunc destinamus, & aliorum venerabilium Episcoporum cœtu,

qui ad eandem Synodum conveniendi sunt, subtili cuncta indagatione, rectaque valde inquisitione, secundum Deum, & venerabiles Sanctorum patrum institutiones examinare ac definire decertent. Nam & Ludovico glorioso Regi, fratri vestro, simili modo litteras nostras direximus, duos regni sui Episcopos ad ipsam Synodum convocantes, quatenus in omnibus, quæ ibi statuenda sunt, reſtitutio vigeat, justitia polleat, & falsitate fugata veritas splendeat: ut venerabili Sacerdotum Dei certamine Christi Ecclesia ab omnibus inconcussa consistat adversis. Quos sane in veniendo Episcopos, & ad jam dictam Synodum iustitione nostra volentes currere, vestra non retardet nobilitas: sed pro Dei amore ipsos absque temporis protelatione ad præfatam Synodum finatis currere. Data nono Kalendas Decembris Indictione XI.

Sirmondo VII.

NICO-

## NICOLAUS EPISCOPUS

SERVUS SERVORUM DEI,

LUDOVICO IMPERATORI,

PRO SYNODO.

*SUMMA. Commendat Legatos pro causa Lotharii fratris ejus in Franciam missos.*

**A**ugustæ Serenitatis Magnitudini vestræ, imperiali fulgente decore, nis Apostolatus nostri litteris innotescitis, quia multis & quotidianis Ecclesiarum Dei sollicitudinibus & utilitatibus, quibus nos vigilanter insistere debet, præditi, Missos nostros, pro perficienda Synodo, quam pro causa Lotharii gloriosi Regis, Fratris vestri, nostra Apostolica fieri auctoritate decrevimus, tam celeriter, ut inter nos statutum est, in Franciam destinare nequimus. Et quoniam Ecclesiasticæ rectitudinis & utilitatis zelo, quo nos semper fervere oportet, accensi, Legatos nunc sicut diximus nostros, duos Venerabiles Episcopos Rhodaldum videlicet Sanctæ Portuensis Ecclesiæ, & Joannem Sanctæ Ficoelensis Ecclesiæ Antistites, delitiosos nostros, illuc pro ejusdem rei, quam scitis, negotio canonicè diffinien-

do direximus. Quos Clementia vestra benignè suscipiat, eisque fidelem atque prudentem tribuat hominem, qui eos usque ad locum, quo à talibus suscipiantur hominibus, quorum comitatu ad prædictum Regem Lotharium fratrem vestrum illasi valeant pervenire, securos & quietos, omnique suavitate deducat. Quia pro communi Ecclesiæ pace atque consensu duos Episcopos de regno Caroli Regis Patruī vestri, ad ipsam Synodum, quæ Domino auxiliante in Metis civitate congreganda est, Sedis Apostolicæ missa vocatione convenire præcipimus: qui una cum Missorum nostrorum præsentia, & aliorum Sacerdotum Conventu, quod diffinire oportet, iuste, canoniceque decernant. Data IX. Kalendas Decembres, Indictione XI.

*Sirmondo VIII. inter Nicolai Epistolæ.*

## NICOLAUS EPISCOPUS

SERVUS SERVORUM DEI,

OMNIBUS ARCHI-EPISCOPIS PER GALLIAM ET GERMANIAM CONSTITUTIS.

*SUMMA. Ut ad Synodum Metensem cum Legatis accedant, ibique audito Lothario, ejus divortii causam cognoscant & canonice definiant.*

**I**ncognitum vobis esse non credimus, qualiter pro duabus feminis Lotharii Regis, Ecclesiæ Dei facies illiciti connubii nœvo aspersa sit, vel qualiter una repulsa idem Rex alteram sibi sceleratissime copulaverit. Quarum prior Theutberga nomine pro sui repudio acriter dolens per emissam Legationem super hoc negotio sedis nostræ expelivit iudicium. Ex qua re unius partis causam sine altera judicare, Canonicum fore

*Tomus II. Concil. German.*

minime duximus. Statuimus ergo, fraternitatem vestram Metis collectam, pariter cum Legatis nostris ejusdem Lotharii causam audire, & canonice communi sententia diffinire. Itaque juxta statutum nostrum cum duos illas in partes fratres nostros destinaremus Episcopos, accidit ad nostram notitiam pervenire, quod Lotharius, legitima & prima repulsa muliere, secundam sibi adsciverit conjugem, neque sedis nostræ petrum

N n

ac



ac promissum iudicium expectans, neque canonico iudicio uspiam succumbens. Quæ ex se quid aliud datur intelligi, nisi quia ibi plurimorum iudicium prævenit, ibi suo iudicio prævaricatorem se indicavit? Et ideo universaliter hanc Fraternitati vestræ Apostolicæ auctoritatis Epistolam destinavimus, ut Christianæ Religionis zelo accensi, pariter cum Missis nostris Metim proficiamini; illucque Lotharium convocantes audiat, & in eum Canonicum iudicium profe-

ratis. Quod si venire distulerit, & à præsentia se synodali præsentibus Legatis nostris subdlexerit, & ad pœnitentiam ac satisfactionem repedare minime curaverit, ita ut præsentialiter ad Synodum coram Missis nostris satisfactorius, & à scelere recessurus occurrat; illum de cetero excommunicatum reddemus, & quamdiu in hoc permanserit, à totius Ecclesiæ consortio faciemus exsortem.

*Sirmondo XI. inter Nicolai P. P. Epistolas.*

## NICOLAUS EPISCOPUS SERVUS SERVORUM DEI,

OMNIBUS REVERENTISSIMIS ARCHI-EPISCOPIS, CONFRATRIBUS  
NOSTRIS, & EPISCOPIS IN CONCILIO RESIDENTIBUS,  
QUOD METIS CELEBRATUR.

*Ut Theutbergæ causam examinent ac definiant, Conciliique Acta ad se mittant.*

**R**everentiæ Sacerdotali nunc debitus honor impenditur, cum eos in omnibus, quæ ab illis sub æquitatis libramine geri debent, trutinam misericordiæ cum lance rectitudinis tenere conspiciamus; & tenendo nullius favore re-tenti, aut quorumcumque terroribus per-moti, vel etiam numerosis pecuniis, aut honorum amplitudinibus à tramite iusti-tiæ quoquomodo inclinati permutantur. Sed quantum eis erga proximos in discutiendo cura conceditur, tantum his sine personarum acceptione ad sui custodiam pavor cum zelo rectitudinis procul dubio adhiberi debet, ne immemores illius Apostolicæ sententiæ videantur, dicen-tis: *Unusquisque (a) propriam mercedem accipiet secundum suum laborem.* Nam cum inter multarum Ecclesiasticarum rerum, quæ ad salutem & fidei soliditatem po-puli Dei pertinere videntur, noster Apo-stolicus animus causas extenderetur; de quarundam feminarum controversia, Theutbergæ scilicet atque Waldradæ, ad-mo-dum quorundam referentium, quia pastoralis nos cura ad audiendum com-moverat, relatio intentos reddidit, & ne aliquo violentiæ morbo per desidia-m grex fatigaretur Dominicus, ad medelam

recuperandæ sanitatis ardore caritatis fer-ventius invitavit. Prædicta quippe Teut-berga multis vicibus sedem Apostolicam lacrymosis litteris studuit appellare: in quibus affatu flebili puram se, quo accu-satur crimine, inquit, atque infontem. Ad quod negotium & iudicii discretionem, sicut jam vestram fraternitatem per Apo-stolicos apices commonere decrevimus, Apostolico vos hortamine adesse volu-mus. Quatenus à Pontificii nostri latere venientibus Missis, Synodicam illic cele-brationem, Apostolica fultis auctoritate, cum fraternitate vestra præsentibus adunare debeatis; & una cum eis vigi-lantius sine dolositatis macula, vel fo-mento invidiæ, aut odii nutrimento, quæ possunt homines à via veritatis per-vertere, & à callē rectitudinis, pro-h dolor! declinare, semper Deum præ oculis habentes, personas Principum & terrores, qui ad tempus insurgunt, & in tempore finiuntur, contemnentes; quid in his iustius, quidve veracius, cum fatis Missis nostris invenire volueritis, horum consensu diffinire, & statuere procul dubio studeatis, caventes hoc, quod per Prophetam dicitur: *Væ (b) his, qui dicunt bonum malum, & malum bo-num:*

(a) I. Cor. III.

(b) Isai. V.

num : qui ponunt tenebras lucem , & lucem tenebras : qui dicunt dulce amarum , & amarum dulce. Nam & Evangelica inter cetera quæ nos ad bene vivendum instruit , sententia admonet dicens : *Nolite (c) judicare secundum faciem , sed justum judicium judicate.* Psalmista quoque ait : *Si [d] vere utique justitiam loquimini , justa judicate filii hominum.* Igitur cum multa sint , quibus vestram fraternitatem , non oblivionis aut ignorantiae causa de vobis judicantes , sed caritatis studium amplectentes , commonere possumus : ideo sufficere credimus , quia ad plura vos & Evangelicæ atque Apostolicæ , Propheticaeque lectionis dogmata in talibus memoria transcendere non dubitamus. Tantum est , ut cum æquitatis justitia in præsentis examinatione , sine aliquo dolo vel invidiæ macula , sicut præfati sumus , quia Deo præsentem adfistitis , proximorum causas , cum jam dictis Missis nostris , ita justè & irreprehensibiliter cum Dei timore diffinire satagatis , ut illorum in omnibus , vestraeque sanctitatis consensus , atque judicium æquitate fulgere videatur. Nam si vos vel illos ad aliquam partem , pro cujuscumque favore à Canonis , & Sanctorum Patrum institutionibus , quod non optamus , declinare perspexerimus , arguere non dubitamus. Si vero aliarum Ecclesiasticarum utilitatum in eodem Concilio res acciderint , digno examine pertractantes eas cum Dei

timore diffinire satagite. Si autem aliqua in eo fuerit contentio orta , in qua diffinitionis ponere nequiveritis fortasse censuram , nostro eam judicio reservare sancimus. Statuimus autem , ut cuncta , quæ in eodem Concilio peracta fuerint , ac diffinita , nostro præfatus gestorum serie incunctanter significetis : ut si ea , justitiæ pulchritudine probabilique sanctione diffinita perspexerimus , Deo omnipotenti gratias referamus : si vero injustitiæ , quod nolumus , & contrarietatis fuerint acta intentione , ea renovare summopere jubeamus. Missos quidem nostri Pontificii , ut in prima Epistola vestra dilectioni significavimus , pro quibusdam Ecclesiasticis utilitatibus quibus fuimus occupati , destinare nequimus. En Christo juvante , strenuitatis pollentes scientia atque doctrina , reverentissimos nunc dirigere Missos decrevimus , Rhadoaldum scilicet atque Joannem Episcopos , delitiosos & consiliarios nostros , qui prædictum cum vestra sanctitate Concilium , ut protulimus , studeant celebrare. Omnipotens Deus , qui vos sacri regiminis culmine perornavit , vestra beatitudinis corda rectitudinis , & justitiæ claritate repleat atque decoret , ut in omnibus vestris actibus æquitatis videamini plenitudine rutilare. Data Kalendas Decembres. Indictione XI.

*Sirmondo XII. inter Epistolas Nicolai , post Baronium & Binium.*

(c) Joann. VII.

(d) Psalm. LVII.

## CONCILIIUM METENSE.

Anno Christi DCCCLXIII. Nicolai Papæ VI.  
Caroli Calvi Regis XXIII. Ludovici  
Germanici XXIII.

*De Divortio Lotharii & Theutbergæ Reginae , præsentibus Legatis Apostolicis , & Episcopis solius Regni Lotharingiæ.*

IN regno Lotharii pro eo , quod dimissa uxore legitima alteram duxit , Synodus in Mettis congregata est omnium Episcoporum ejus ( Lotharii ) præter Hungarum Trajectensem , quem ægrotudo detinuit. Aderant & Missi Nicolai Romani Pontificis , ob eandem

*Tom. II. Concil. Germ.*

causam diligenter investigandam directi. In quo negotio ventilato Rex factum suum , propter quod arguebatur , consilio & auctoritate Episcoporum se fecisse testatus est. Quod illi non inficientes quasdam assertiones rationum verosimilium , quibus rei qualitatem munire nisi

N n 2

sunt,



sunt, opposuerunt, easque literis comprehensas, ut Legati Apostolici suggererent, per Guntharium Coloniam, &

Theotgaudum Treverensem, Galliarum, Belgicarum Archi-Episcopos Apostolicæ Sedis Pontifici probandas transmiserunt.

*Annales Francorum Pithecani ad hunc annum.*

*Regino & Annales Metenses, plura hic errant, quæ Natalis Alexander & Pagius correxerunt.*

Quam variis modis delusa fuerit Sanctissimi Pontificis cura, breviter indico. 1mo. Non fuere Episcopi præsentés, quam ex solo regno Lotharii: literæ Pontificiæ scriptæ ad Ludovicum II. Imperat., ad Carolum Calvum, ad Episcopos Germaniæ & Galliæ fuerunt vel à Legatis, vel à Lothario retenti, nec iis communicatæ. 2do. Teutberga, quæ jam bis & tertio ad Sedem Apostolicam appellaverat, ut Papa in *Com-munitorio* dicit, citanda fuerat & audienda: nihil horum factum. 3tio. Waldradæ prætensum ante multos annos connubium denuo examinandum erat. Nec hoc factum: imo Rex ex Conciliabuli Aquensis sententiâ cum Waldrada copularus palam se ostendit, & in Episcopos Matrimonii hujus approbatores culpam rejecit. 4to. Legati pecuniâ corrumpi se permiserunt, ut *Regino scribit*, & loco examinis Acta Conciliabulorum Aquisgranini recitata sunt, & ab Adventio conscripta, Romam missa fuerunt.

## A D V E N T I I

### METENSIS EPISCOPI,

### LIBELLUS APOLOGETICUS,

*Pro ACTIS in tribus Conciliabulis Aquisgranensibus & Metensi  
Romam missis, ex meris fictis & falsis conflatus.*

**A**ugustus divæ recordationis Lotharius per electionem populi, regni Romanorum creatus est imperator, arcemque Regni Francorum Regens, inter reliquias gestorum suorum deliberationis filio suo Domino Lothario virginem nobilem nomine Waldradam, sub nomine divinæ fidei tradidit, ut eam in Dei fide, & sua, futuro tempore custodiret, & obtineret. Et ut hæc copula iusta esse patetceret, in prætulatione dotis centum manfos gloriosissimo puerulo tradidit: qui nec dum suæ libertatis erat, licet futurus hæres patri; sed sub tutoribus, & actoribus manebat, sicuti talibus loquitur Apostolus, dicens: *Quanto [a] tempore hæres parvulus est, nihil differt à servo suo, cum sit Dominus omnium, sed sub tutoribus & actoribus est usque ad præfinitum tempus à patre.* Verum quamdiu prædictus Imperator regni Francorum sublimitatem obtinuit, præfatus puerulus

datæ sibi puellæ paterno munere inhæsit; quod non in angulo paratum fuit, quia veritas non habet angulos, sed in publico Pontificum & Optimatum spectaculo, sicut pædagogi ejus testantur, etiam & avunculus ejus Leutfridus. Domino Imperatori Lothario migrante, in ipsis diebus paterni luctus: Hucbertus (\*) Acefala cum suis complicitibus, sororem suam nomine Teutpergam Domino Regi Lothario clarissimo adolescentulo adduxit, & fraudulentè eam sibi sociavit, minans Regis esse periculum de statu regni sui, si suis non faveret hortamentis. Acquivit Rex, licet nolens, sicut ipse testatus est.

Fama pessimæ turpitudinis Theutpergam sequitur, & de incestuoso concubitu fratris sui Hucberti rea acclamatur, assertur scedula confessionis, ubi sponte confessa legitur. Judicio consulum damnatur, misericordiâ præfulum

(a) Gal. IV.

(\*) Nomen Hucberto fratri Teutbergæ Reginæ, Abbati S. Mauricii, Duci creato inter Joram & Montem lovis, demum Abbati S. Martini Turonensis (fuit anno 856, accusatus multorum criminum, & à Benedicto Papa Romam citatus) afflictum nescitur à quo & cur?

lum salvatur, fugam capeffit. Hujus facti noticiam per illustres viros piissimus Rex Dominus Lotharius Romam mittit, & causas rei pandere statuit. Beatissimus Papa Nicolaus ratione comperta, deliciosos Miffo Rodoldum scilicet Portuensem, Joannem Fidiculensem, (b) in Franciam mittit, & in urbe Metica generale (c) Concilium celebrare decernit. Ubi præsentiam suam gloriosissimus Rex Lotharius, cum universo Primatum suorum, nobiliumque consiliorum Comitatu ostendens, in Sancta Synodo refedit, ibi causas suæ actionis in conspectu Legatorum Romanæ Sedis exposuit, quomodo in fide Dei genitor suus excellentissimæ memoriæ Dominus Lotharius perpetuus Augustus, & virginem prænobilem manu propria tradiderit, & reliqua quæ supra enumeravimus. Quod vero Teutperga reatus sui culpam publice confessâ fuerit, in prædicto Concilio, quod Metis (d) civitate paratum est, senatores universi regni Francorum perficere se acclamaverint. In quibus prudentia tam temporalis quam spiritalis refulget, quorum patres, proavi, & atavi Romanorum consilii maturitate rexerunt imperium, quorum stirpem tempore Augustorum Domini Ludovici Imperatoris, & magnificentiissimi Lotharii semper titulo consulatus exornatam intuitus sum. Horum specialem consilii prærogativam nequam abjiciendam universitas acclamavit: quippe cum nec criminum eis damnositas objiciebatur, sed probitatum ingenuitas laudibus efferebatur. Quapropter quia passim plurimi varie de his opinantur, & multiplicia definitionum genera ponunt, quo affectu super his tractaverim ac senserim, reverentiæ fidelium elucidari curabo. Quando Imperator piissimus filii suo æquivoco, puellam nobilitate carnis insignitam dedit, nondum eram Episcopali onere prægravatus, nec his interfui actibus. Teutperga cum introducta fuit, & secundum conjugium patratum est, nisi auditu penitus ignoravi. His rebus ita excurfis, expeitus à Clero, & electus à plebe,

N n 3

Episcopus Canonice consecratus in his factis taliter sensi: Christianissimus Imperator in fide Christi & sua, Virginem filio dedit: fides Dei scortum non donat, sed repudiat dicens: Non (e) *mæchaberis*. Et Psalmista: Perdes (f) *omnes, qui fornicantur ab te*. Paulus qui fide Dei præcinctus erat, clamat: Hoc, (g) inquit: *Scitote intelligentes, quod omnis fornicator aut immundus, aut avarus, quod est idolorum servitus, non habet hereditatem in regno Christi & Dei*, qui portans stigma Jesu in corpore suo, hoc est, vexillum fidei, non fovet adulteros, sed cuspidem sacri flaminis terebrat dicens: Neque [h] *adulteri regnum Dei possidebunt*. Dominus qui fidelis est, & dat Sancta David fidelia, & orthodoxo Imperatori Lothario non abstulit potestatem conjungendi filium suum, cum quacunque puella decrevisset, in Evangelio dicit: Qui (i) *dimissa uxore alteram duxerit, mæchatur*. Unde oportet, ut hæc audientes, pio & devoto studio paternos Canones audiant ac servant, quia terminos patrum nunquam transgredi oportet. Nam sacri Canones paterno munere mulierem datam culpa carere proclamant. Imperator qui culturæ Divinæ deditus erat, fornicationis detestabili facinore filium uti non permisit, Lotharium Regem, cujus professio, & omnium Senatorum talis extitit, de copula Walradæ, quod eam genitor in fide Dei sibi dedit.

De Teutperga vero, quod sceleris sui malum de horrendo impudenti fratris amplexu confessâ, & comprobata fuerit, similiter omnino protestati sunt quæ non pavidis à nobis minis territa est, nec amoenis confortis blanditiis. Ipse autem secundum Apostolum faciens, ubi dicit: Si fieri [k] *potest, cum omnibus hominibus pacem habere*, & consulum nobilium voces audiens, sicut supra per succedentia tempora exemplis annotavimus, quod audita & approbata sunt Senatorum consilia, in omnibus subscriptionibus, & definitionibus nostris hoc modo censuimus, ut si Teutperga confessâ prædictum fuisset reatum, Regia societate

cietate

(b) Ficoclensem, corrigir Editor Baronii.

(c) Imo Nationale solius Lotharingæ fuit reipfa.

(d) Non Metis sed in Conciliis Aquisgranensibus.

(e) Exod. XX.

[f] Psalm. LXXII.

[g] Ephes. V.

[b] I. Cor. VI.

[d] Matth. XIX.

[k] Rom. XII.



cietate indignam esse censui. Et si Waldrada in fide Dei munere patris juncta esset Regi, fidem Dei non ausus fui blasphemare, ne forte perfoderet me Scriptura verbi jaculo dicens : *Blasphemus* (1)

[1] Levit. XXIV.

ne patiaris vivere. Apostolus licentiam dat, ut (m) unusquisque in suo sensu abundet.

Ex Codice Treverensi MS. edidit Ilmus Baronius ada. 862. N. XXIX. & seq.

[m] Rom. XIV.

## SYNODICA EPISCOPORUM

EX CONCILIO METENSI ANNO DCCCLXIII.

EPISCOPORUM REGNI LOTHARII, QUI  
SUPRASCRIPTÆ SYNODO INTERFUERUNT,

### EPISTOLA AD NICOLAUM PAPAM.

*Exponunt, quid in Synodo Metensi actum sit, orantque, ne calumniantibus aures præbeat, priusquam Lotharii Legati in urbem veniant.*

**D**omino vere Sanctissimo, ac Beatissimo, totiusque Sanctæ Matris Ecclesiæ, pii Regis Christi sanguine acquisitæ, Pontifici, & universali Papæ Nicolao, Archi-Episcopi, & Coepiscopi in regno Domini, ac gloriosissimi Regis Hlotharii consistentes, in Christo Pastorum Principe, fidelia orationum vota, summæque felicitatis, & pacis gaudium. Apostolicis documentis, & Pontificalibus decretis multipliciter informamur, ut vestri Sanctissimi Apostolatûs apicem, Principis Apostolorum fide, & nomine consecratum, quoties sancta Ecclesia aliqua novitate pulsatur, humiliter adeamus: ibique veri consilii saluberrima instituta sinceriter hauriamus, ubi mitis Magister, Christus, & summum Caput nostrum, Fundamentum Ecclesiæ posuit. Et quia omnipotens Deus nostris jam periculosis temporibus misericorditer nobis vestræ auctoritatis jubar, faustissimis Divinæ Sapientiæ floribus, & sanctissimis virtutum studiis insignitum prævidit, illum laudamus, qui præstitit, ejusque clementiam votis imploramus assidue, ut talem, ac tantum patrem nobis incolumem custodiat temporibus diuturnis. Quippe si temporum opportunitas arrideret, vestræ Sanctitati multum desideraremus nostram unanimem exhibere præsentiam. Sed hoc ne fiat malefidis Dei fluctuosa tempestas intercipit, ac multiplex rerum varietas impedire

non cessat. Ille tamen, qui duobus mœstis in via apparuit, amplitudinem vestræ caritatis illò dilatare dignabitur, ut tandem aliquando de vestra desiderabili præsentia consolemur. Enim verò nec verbis fari, nec justæ æstimationis poterit compendio ponderari, quanta Divinæ legis instituta, quantave diu optatæ pacis incrementa à suo paulatim recto tramite exorbitantia, restaurari poterant, si vestræ dignationis visitatione frui mereremur. Revera totius humani generis inimicus zizaniorum sator, tanto amplius ovile Christi lupina rapacitate circuire non cessat, quanto citius Sanctorum gloriam appropinquare considerat: eoque largius venena suæ perfidiæ spargere satagit, quo abundare iniquitatem, & multorum caritatem refrigescere serpentino astu intelligit. Hinc est, quod virulenta, ac nefaria vitiorum germina, olim divina animadversione subversa, imo lethæo, ac flammivomo barathro justo Dei judicio deputata, quasi rediivis radicibus, heu, heu, frondescent in frutice. Porro quod nos non sine gravi mœrore describimus, funesta vulnera, Divinis oculis, atque Apostolico antidoto, in cæca gentilitate salubriter procurata, jam male fetentia ad vestras iterum redeunt manus: impleturque illud Propheticum : *Curavimus Babylonem, & non est sanata.* Sed unde modo pauca scripsimus per fratres nostros

*Theob.*

*Theutgaudum Trevirensis Ecclesie venerabilem Archi-Episcopum*, atque *Attonem* (a) *Coepiscopum* latius exponere curabimus. Per illos ergo vestrae Celsitudini pura, & viva voce, verbis, ac scriptis fideliter, ac veraciter significare desideramus, de quibus vestram Sanctitatem consulendam nostra decrevit unanimitas. De cætero prævios nostræ humilitatis apices vestris sacris obtutibus perferendos direximus, quia quorundam relatione comperimus, quod veritatis æmuli nostrique senioris Domini Hlotharii evidentissimi inimici admodum adversa velint in causa uxoris suæ, & hoc argumento falsitatis non modicas ordiri similitudines; suosque Legatos ad vestram sanctam dignoscentiam mittere non verentur, & nostram nondum definitam sententiam sinistra interpretatione prævertere conantur. Præsertim cum nostra unanimitas de uxore nostri Principis

(si forte uxor dici debeat, quæ se Germano incestu maculaverat) nihil aliud hætenus determinaverit, nisi quod perspecto suæ confessionis libello publice confitentis remedio poenitentiae subvenire decrevimus. Inter hæc illa fuga (b) lapsa, unde humiliter petimus, ut vestra Paternitatis, veræque charitatis anchoram solido figatis in littore, nullaue mendosi flatûs impulsione veritatis & justitiæ libra vacillet: sed fidissimus almifluentis factus (c) præscriptos Legatos Domini, ac Senioris nostri Hlotharii gloriosi Principis, & dilecti filii vestri præstoletur, ut fucata mendacia nullis se gaudeant delivuisse latibulis. Oramus Sanctissimam Paternitatem vestram Summo Pontificatus apice cœlitus sublimatam ad custodiam gregis Dei feliciter vigere, ac prosperato temporum cursu æternam nancisci remunerationem multum Venerande, semperque desiderande Pater. Amen.

*Sirmondus Tomo III. Concilior. Gallie pag. 158. post Aquisgranensia duo Concilia anni 860. collocat. Ego post 3tium anni 862. colloco.*

- (a) *Arto, Verdunensis Episcopus, sedit ab 855. ad 869. Secunda nunc vice Romam ablegatus: nam prima vice anno 862. ex Aquisgranensi Synodo ablegatus fuerat cum Theutgaudo & Gunthario.*
- (b) *Theutperga, poenitentiae ex falsa causa sibi impositæ non se subjecit, sed ad Pontificem Nicolaum provocavit, & interim salutis suæ & securitati consulens ad Carolum Calvum confugit, cui & Nicolaus Papa eandem contra vim & machinationes Lotharii nitendam commendavit. Eplst. L.*
- (c) *forte statûs.*

## SYNODUS ROMANA

CIRCA KAL. NOVEMBR.

Anno Christi DCCCLXIII. Sub PP. Nicolao I. an. VI.

DE DIVORTIO HLOTHARII ET THEUTBERGÆ.

- §. I. *Damnatio Conciliabuli Metensis anni hujus Mense Junio coacti.*
- §. II. *Depositio Theutgaudi & Guntharii ab officio Episcopali.*
- §. III. *In complices Episcopos comminatio, nisi resipiscant.*
- §. IV. *Ingeltrudis Bosonis Comitissæ uxoris vagabunda denuo excommunicatur, & eidem communicantes.*
- §. V. *Anathema in violatores hujus & similium Apostolicorum interdictorum.*

NICOLAUS SERVUS SERVORUM DEI, REVERENDISSIMIS ET SANCTISSIMIS FRATRIBUS NOSTRIS ARCHI-EPISCOPIS IN REGNO LUDOVICI REGIS GERMANIÆ CONSTITUTIS.

**S**celus, quod Lotharius Rex, si tamen Rex veraciter dici possit, qui nullo salubri regimine corporis appetitus refrenat, sed lubrica enervatione ma-



magis ipsius illicitis motibus cedit, in duobus feminis Teutberga scilicet, & Waldrada commisit, omnibus manifestum est. Sed & dudum Episcopos Theotgaudum, & Guntharium in tali facto eum habuisse tutores atque factores, pene totus nobis orbis undique adlimina, seu Sedem Apostolicam confluens referebat, absentibus quoque id scribentibus nostro Apostolatu. Quod nos tanto credere renuimus, quanto de Episcopis tale quid audire nullatenus sperabamus, donec ipsi Romam tempore Concilii venientes coram nobis, & Sancta Synodo tales inventi sunt, quales fuerant à multis sæpe prædicati, ita ut scriptura, quam suis stipulaverant manibus, quamque volebant, ut nostro roboraremus chirographo, caperentur; & dum miscipulam Innocentibus opponere satagerent, insidiis suis illaqueati sunt ipsi: sicque completum est, Deo auctore, quod in Proverbiis legitur: *Frustra (a) jactatur rete ante oculos pennatorum: Siquidem ipsi obligati sunt, & ceciderunt.* Nos vero, qui in hoc flagitium cecidisse falso dicebamur, favente Domino cum iustitiæ propugnatoribus resurreximus, & erecti sumus. Igitur decernente nobiscum Sancta Synodo, in præsentia depositi, & officio sacerdotali excommunicati, atque à regimine Episcopatus alienati indubitanter existunt. Unde nostra (b) fraternitas canonum normam custodiens, & decretorum sanctiones observans caver, ne hos, quos nos abjecimus, recipere in sacerdotum catalogo quis præsumat. Depositionis autem sententia, quam in prædictos Theotgaudum, & Guntharium protulimus, cum cæteris capitulis, quæ Sancto Concilio nobiscum sanciente promulgavimus, inferius annexa monstrabitur.

*De Synodo in Metensum urbe à Theotgaudo, & Gunthario Archi-Episcopo congregata penitus abolenda. Capitulum.*

CAP. I. Synodum, quæ nuper, id est, sub piissimo Imperatore Ludovico per indictionem XI. mense Junio in

Metensum urbe ab Episcopis, qui nostrum prævenerunt iudicium, collecta est, quique Apostolicæ Sedis instituta temere violaverunt, ex tunc, & nunc, & in æternum iudicamus esse cassam, & cum Ephesino Lactocinio reputatam Apostolicæ auctoritate in perpetuum esse sancimus damnandam, nec vocari Synodum, sed tanquam adulteris faventem, *prostitutum* appellari decernimus.

*DEPOSITIO THIETGAUDI, ET GUNTII ARCHIEPISCOPORUM.*

CAP. II. Theotgaudum Treverensem Primate Belgicæ Provinciæ, & Guntharium Agrippinæ Coloniarum Archi-Episcopos, nunc coram nobis, & Sancta Synodo, sub gestorum insinuatione qualiter causam Lotharii Regis, & duarum mulierum ejus Theutbergæ scilicet, & Waldradæ recognoverint, judicaverint, scriptum super hoc propriis roboratum manibus offerentes, nihilque se plus vel minus aut aliter egisse ore proprio multis coram positis affirmantes, & sententiam quam à sede Apostolicâ, in Ingeltrudem uxorem Bosonis Sanctissimus frater noster Mediolanensis Archi-Episcopus Tado, & ceteri Coepiscopi nostri petierant emittendam, & nos divino succensi zelo, sub anathematis obstestatione Canonice protuleramus, publice vivâ voce se violasse confitentes, in quibus omnibus invenimus eos Apostolicas, atque Canonicas Sanctiones in pluribus excessisse, & æquitatis normam nequiter temerasse, omni iudicamus Sacerdotii officio permanere penitus alienos, Spiritus Sancti iudicio, & Beati Petri per nos auctoritate omni Episcopatus exutos regimine consistere definites (c) Quod si juxta præcedentem consuetudinem tanquam Episcopi ausi fuerint aliquid de Sacro ministerio contingere, nullo modo liceat eis, nec in alia Synodo restitutionem sperem, aut locum habere satisfactionis, sed communicantes eis omnes abjici de Ecclesiâ, & maxime si posteaquam didicerint, adversus memoratos prolatam fuisse sententiam, eisdem communicare tentaverint.

DE

(a) Prov. I, 17.

(b) vestra legit Dumont pro nostra.

Archi-Episcopi Lotharingiæ depositi Ludovicum II. Imp. adeunt, queruntur Lotharium Regem & Familiam Regiam indigne tractatam. Canones violatos: inauditam esse depositionem Metropolitanorum sine Principis sui voluntate & consensu Metropolitanorum. Ludovicus Imper. saluum conductum concedit, Romam aggreditur, petit restitutionem Metropolitanorum. Nicolaus PP. post triduanum jejunium & Litanias Synodum celebrat. Hæc Annales Bertiniani anno 864. referunt.

[c] Definimus, habet Dumont.

## DE CÆTERIS EPISCOPIS.

CAP. III. Cæteri autem Episcopi, qui complices horum Theutgaudi scilicet, & Guntharii vel Sæctatores esse feruntur, si cum his conjunctionem, conjurationes vel conspirationes fecerint, vel si à capite, id est, à sede Beati Petri, illis hærendo dissenserint, pari cum eis damnatione teneantur astricti. Quod si cum sede Apostolica, unde eos principium Episcopatus sumpsisse manifestum est, sapere de cætero per semetipsos, vel Missos ad nos Legatos cum scriptis suis professi extiterint, noverint, sibi à nobis veniam non negandam, nec amissionem honorum suorum pro retroactis præsumptionibus, aut subscriptionibus, quas pro infans fecerunt festis, per nos ullo modo formidandam.

## DE ENEGILDRUDA.

CAP. IV. Engildrudam filiam quondam Matfredi Comitis, quæ à Bosone proprio viro relicto, ecce jam per septem circiter annos hac atque illac vagabunda discurrit nuper cum factoribus suis regulariter anathematizavimus, sed propter contumaciam iterato anathematis vinculis duximus innodandam. Sit igitur à Patre, & Filio, & Spiritu Sancto uno, & vero Deo, ab omnibus Sanctis Patribus, & ab universa Sancta Dei Catholica, & Apostolica Ecclesiâ, & à nobis penitus anathema cum omnibus complicitibus & communicationibus atque auxiliatoribus suis; ita ut si eam jam decrevimus, si quis ei communicare, vel favere in aliquo præsumpse-

rit, siquidem Clericus fuerit, eodem vinculo constrictus, officum Clericatus amittat: Monachi verò, & Laici, si inobedientes præsentì decreto fuerint, similiter anathematizentur. Sanè si eadem mulier ad virum suum reversa fuerit, vel Apostolicam Beati Petri Sedem Romam properans accefferit, veniam ei post dignam satisfactionem procul dubio non negabimus. Veruntamen sub priori vinculo anathematis, quo illam prius, & nunc obligavimus, interim constricta permaneat. Si quis autem eadem Engildrudæ Apostolicam Beati Petri Sedem specialiter properanti vel occurrenti nescius communicaverit, aut sciens opem in veniendo præstiterit, nullo pro hoc vinculo teneatur innexus.

## DE SENTENTIIS ANTIQUIS INTERDICTIS SEDIS APOSTOLICÆ.

CAP. V. Siquis dogmata, mandata, interdicta sanctiones vel decreta pro Catholica fide, pro Ecclesiastica disciplina pro correctione fidelium, pro emendatione sceleratorum, vel interdictione imminentium, vel futurorum malorum à Sedis Apostolicæ Præsule salubriter promulgata contempserit, anathema sit.

*Annales Bertiniani apud Duchesne Tomo III. Scriptorum Franciæ.*

*Annales Francor. Pitheani pag. mibi 63.*

*Baronius ad ann. 853. No. XXII. & seq.*

*Ex bis Binius Tomo III. Concilior. Part. I. unde Synodographi posteriores.*

*Dumont. Corps Diplomatique, Tomo I. N. XXI.*

## THEUTGAUDI ET GUNTARI

ARCHI-EPISCOPORUM,

## EPISTOLA APOLOGETICA

ET APPELLATORIA AD TOTIUS ECCLESIE

COMMUNIONEM, AD NICOLAUM I.

SCRIPTA. (a)

## CAPUT I.

Nicolaus Pontifici, Guntharius & Theutgaudus. Patres Episcopi,

O o.

& Fratres Coepiscopi nostri ad te nos direxerunt, & nos sponte ivimus, consilium videlicet, expleta generali legatione, tuum

(a) Annales Bertiniani præmittunt huic Appellationi Epistolam cum hac Epigraphe: " Sanctis ac Venerandis Fratribus & Coepiscopis Guntharius atque Theotgaudus in

Tomus II. Concil. German.



tuum magisterium super his specialiter, quæ pariter, prout nobis visum fuit, & adjucentibus notum esse potuit, iudicavimus, auctoritates, rationesque, quas secuti fuimus, scriptis ostendentes, ut tua prudentia perscrutatis omnibus, quid inde sentiret, & quid velles, nobis paterno demonstrares affectu, nosque fraterna caritate procurares, & si melius tua Sanctitas illud inveniret, ut nos instrueres, & doceres, suppliciter obsecravimus, parati, quidquid rectius, & probabilius esset, libenter amplecti.

CAP. II. Sed nos per tres hebdomadas tuum expectantes responsum, nihil certitudinis, nihilque doctrinæ nobis expressisti. Tantum quodam die in publico dixisti, nos excusabiles apparere, & innocentes juxta assertiones nostri libelli.

CAP. III. Ad ultimum autem nos evocati ad tuam præsentiam deducti sumus, nihil adversitatis suspicantes, ibique obleratis ostiis, factâ more latrocinii conspiratione, & clericis, & laicis turba collectâ, & permixta, nos violenter inter tantos opprimere studuisti, longa scilicet intercapedine à nostris & clericis, & laicis separatos, atque sine Synodo, & sine canonico examine, nullo accusante, nullo testificante, nullaque disputationis discretionem dirimente, vel auctoritate, ac probatione convincente, abique nostri oris confessione, absentibus aliis Metropolitanis, & Diocesanis Coepiscopis, & confratribus nostris, extra omnium omnino consensum, tuo solius arbitrio, & tyrannico furore nosmet damnare voluisti, subito quadam tibi cartula, & improvise porrecta lectoris officium assumens, assistente lateri tuo Anastasio, olim Presbytero ambitus damnato, & deposito, & anathematizato, cujus scelerato magisterio tuus præcipitur furor.

CAP. IV. Ergo tuam pravam sententiam à zelo rectitudinis alienam, injustam, & irrationabilem, canonicis legibus contrariam, nequaquam recipimus, imo cum omni coetu fraterno, quasi nefas, atque maledictum frustra prolatum contemnimus, atque abjicimus, tibi que anathematizatorum, &

religionis sacræ abjectorum, & contemptorum fautori, & communicatori revera communicare nolumus, contenti totius Ecclesiæ communione, & fraterna societate, quam tu arroganter te superexaltans despicias, reque ab ea elationis tumore indignum faciens segregas.

CAP. V. Igitur ex tua levitatis temeritate propriâ tibimet sententiâ anathematis plagam inflixisti, exclamans; qui Apostolica præcepta non servat, anathema sit, quæ multipliciter violare, & violasse dignosceris, divinas leges simul, & sacros canones calcans, & quantum in te est, evacuans, prædecessorum tuorum Pontificum Romanorum vestigia sequi nolens. Nunc ergo, qui fraudulentiam tuam, & calliditatem experti sumus, indignationem quoque, tumidumque potentatum agnoscimus; nihil tibi, tuæque superbiz cedimus, quâ nos ad vota nostrorum, quibus faves, inimicorum obruere festinabas, sciesque nos non tuos esse, ut te iactas, & extollis, clericos, quos ut Fratres, & Coepiscopos recognoscere, si elatio permitteret, debueras. Et hæc tibi nostri ordinis non inscii, nimium tua improbitate compulsi respondemus, non quasi ad illatam nobis contumeliam provocati, sed contra tuam iniquitatem Ecclesiastico zelo accensi, nec nostræ vilitatis personam attendentes, sed omnem nostri ordinis universitatem, cui vim inferre conaris, præ oculis habentes. Quid nostræ specialis propositionis summa fuerit, in paucis replicamus. Lex Divina & Canonica apertissime probat, etiam venerandæ sæculi leges adstipulantur: quod nulli licet ingenuam virginem alicui tradere in concubinatam, maxime si illa puella nunquam illicitæ adfuisse voluit copulæ. Et quia suo viro parentum consensu, fide, affectu ac dilectione conjugali sociata est (Waldrada) uxor profecto non concubina habenda sit.

*Annales Bertiniani ad annum 864.*

*Annales Francorum Pithoeani ad h. ann. pag. mibi 67.*

*Multo correctius, quam Dumont edidit.*

*Ex his Baronius ad an. 863. N. XXVII.*

*Et seqq. & Binius Tomo III. Conc.*

*Part. I. inde ceteri Synodographi.*

" Domino saluem: " Rogamus suppliciter carissimam fraternitatem vestram, ut nobis pro vobis assidue orantibus sanctarum Precum solatia instanter impendatis, & ne

" & ne turbemini, neque terreamini pro his, quæ fama forte de nobis ac vobis gisserius nuntiatur. " An hanc Encyclicam ad omnes Episcopos saltem Lotharingæ miserint ante vel post appellationem interjectam, dicere non habeo : narratur autem in hac Encyclicâ *se semel Roma egressos, iterum Romam revocatos fuisse.*

Præter hanc injuriis & falsis querimoniis plenam Epistolam, quam Pontifici insinuatam volebat, Pontifice autem renuente, Guntharius 1<sup>mo</sup>, per fratrem suum Hilduinum clericum sepulcro S. Petri injectam voluit, scripserunt hi duo Archi-Episcopi 2<sup>do</sup> ad Photium Pseudo-Patriarcham Constantinopolitanum, ejusq; schismatici consortium ambierunt. 3<sup>tio</sup>. Ludovicum II. Imperatorem concitarunt in Summum Pontificem, quasi ipsi Legati Hlotharii Regis & Synodi Lotharingicæ spreti essent, & damnati, nullo aculante contra Canones. Sed Acta Synodi Romanæ hæc omnia falsi convincunt. Theutberga injuste condemnata, provocando ad Sanctam Sedem Apostolicam aculatrix legitima fuit, & Pontifex non nisi visis actis Conciliabuli ab ipsis ad eum delati, & à se acceptati sententiam cum Synodo Romana juxta Canones pronuntiavit.

## EPISTOLA INTERCESSORUM EPISCOPORUM,

PRO ROTHADO, SUESSIONENSI EPISCOPO, AB HINC-  
MARO PERPERAM DAMNATO.

*Venerabilibus in Christo Fratribus, Archi-Episcopis & Episcopis in regno Eximii Regis Hludovici constitutis, Theotgaudus Belgicæ Gallicæ Primas, Guntharius Agrippinensis Coloniae, Arduicus Vesontionensis, Rotlandus Arelatensis, Tado Mediolanensis Ecclesiarum Archi-Episcopi, eorumque Coepiscopi, salutem & pacem  
orant & optant.*

**D**iversis Ecclesiam Dei perturbationibus concuti, & percelli quotidie extenuis cernimus ac suspiramus : interius vero vexari eam atque exuri in suorum dissensione membrorum, videntes nimium perhorrescimus, & dolemus. Ne-

que enim dolere & lugere non possumus, quod Sanctos Dei Sacerdotes, Hincmarum videlicet Archi-Episcopum religionis, & sapientia longe lateque vulgatum, & Rothadum (a) longiturnæ, & venerabilis conversatione Sanctitatis

O o 2

famo-

(a) Rothadus, Sueffionensis Episcopus, ab anno 822, interfuit variis Conciliis Germaniæ & Galliæ : Theodonis villano anni 835. Tullensi apud Saponarias 859. Tullensi apud Tusciam 860. Presbyterum quendam suæ Dioceseos in stupro deprehensum canonicè deposuerat judicio Episcoporum XXXIII. Hic Presbyter ad Hincmarum, Remensem Metropolitanum Sueffionensis Ecclesiæ, appellaverat, & restitutus fuit, & qui à Rothado in locum depositi substitutus fuerat, eum pervim Hincmarus abductum excommunicatum incarcerationavit. Rothadus ægre tulit hanc perverfitatem & violentiam Hincmari : Hic ut bili suæ faceret satis, in Synodo suburbii Sueffionensis 861. Rothadum Episcopali communione privavit :

Rothadus in Synodo Pitenfi mense Junio 862. à Carolo Calvo coacta citatus comparuit, & appellavit ad Sedem Apostolicam Nicolai. Hincmarus in nova Synodo suburbii Sueffionensis anno 863. coacta, Rothadum non obstante toties factâ appellatione denovo exauctoravit, & in carcerem conjici facit. Nicolaus de his informatus plures literas ad Hincmarum, ad Regem, ad Episcopos Galliæ dedit, sed frustra donec tandem impetrata licentia Romam advenit : ubi dimidio anno frustra expectatis aculatores, aut Hincmari Legatis, Papa Nicolaus anno 865. die S. Agnetis Rothadum absolvit, restituit gradui pristino : Arsenium Legatum suum cum eo mittit in Gallias, & restitutionem plenam procurat.

*Natalis Alexander in historiam Ecclesiast. Sæculi IX. Dissert. VI. Bertiniani Analistæ mendacia confutans.*

Pro hujus Rothadi causâ maturius examinanda scripta sunt hæc Epistola ab Episcopis in regno Ludovici constitutis ad Episcopos Galliarum in regno Caroli Calvi.

*Tomus II. Concil. German.*



famosum, ita comperimus ab invicem discordasse, ut non veritus sit Metropolitanus idem suffraganeo eidem excommunicationis sententiam intorquere, (b) & officio privatum Divino custodiæ deputare. Sed quem è duobus magis dessemus, admiratione simul ac stupore vallati nescimus. Rothadum scilicet ita à vero exorbitasse, ut ei digne talia infligerentur; aut Hincmarum ita iustitiæ, & dignitatis limitem transiisse, ut aliquo amaritudinis aut ambitionis zelo devinctus seu devictus, Sancto, ut credebatur, & anno (c) Episcopo talia inferre minime dubitaret. Ille etenim se injuste damnatum proclamat: qui etiam inter alia excusationum suarum munimina in appellatione Romani perstabat Pontificis. Ille autem inter cetera invocationum commenta de contemptu, & inobedientia sui iuste eum ab officio Sacerdotali remove denuntiat. Quod quia nobis per omnia incertum est, quippe qui neutrius causam palam cognovimus, rumoribus nec facile credere audemus, nec absentium dissensiones temere dijudicare debemus. Ob hoc tamen multos, immo pæne omnes ad quoscumque hæc fama pervenit, nobiscum scandalum passos non sine gravi merore sanctitati vestræ mandamus, orantes, & unanimitatem vestram poscentes, ut discordiam prædictorum antistitum, animadversis antiqui hostis infidiis, & consideratis humanæ fragilitatis excessibus, qualiter cœperit: & intendatis ac perpendatis, & nobiscum Domino mediante convenientes, dubietatis hujus nebulas studiosissima indagine abstergamus, & ad veritatis lucem vera luce revelante perducamus: quo aut Rothadus, si iuste depositus comprobatur, omnium iudicio conticescat, aut Hincmarus de injuste damnato merito erubescat: & scandalum sive murmur, quod in Sancta Ecclesia super hac controversia plurimos diverberat, nostra vigilantia destructum atque sedatum fatiscat: ne tantum offendiculum Christianum populum diutius perturbet. Neque ergo ullis hoc debet argumentis prætermitti; aut occasionibus differri:

quoniam ut meminisse nos arbitramur, & Sedes Apostolica quandam suam sententiam in melius commutavit, cum sibi subreptum de quodam perpexit: & Dioscorus, quia Sanctum virum dignæ memoriæ Flavianum injuste deposuerat; à Sede Apostolica damnatus evanuit; remanentibus aliis indamnatis, qui ei non sponte, sed quasi coacte in depositione Sancti consenserant Episcopi; quos ipse Dioscorus multiformiter, & argute fallere callidus argumentator elaboraverat. Nolite jam nunc morari crescente periculo: & insultantibus Sancto ordini detrahentibus multis, gloriantes sibi fiduciam promittunt, quod nobis invicem mordentibus atque dissidentibus usquequaque nocere valeant. De quibus autem Rothadus queritur, nosque plurimum mover; Sanctitati vestræ breviter annectimus. Si debeat Presbyter aut Diaconus à proprio Episcopo iuste depositus, à Metropolitano aut alio quolibet in gradum pristinum sine ejusdem Episcopi consensu restitui? cum in Concilio Antiocheno (d) Cap. III. de hoc ita habeatur: " si qui presbyteri aut Diaconi à proprio Episcopo excommunicati ausi fuerint, &c. Item in eodem Concilio cap. VI. " si quis à proprio Episcopo communione privatus est. &c. Si debeat Presbyter criminatus atque damnatus post quatuor annos reconciliari, cum de hoc in Concilio Africano Cap. XII. ita habeatur. " Si quis infra annum causam suam purgare contempserit &c. Si debeat quilibet Episcopus alterius ordinatum retinere, quanto minus capere vel in carcerem trudere, cum de hoc in decretalibus ita statuatur: " Nullus Episcopus alterius parochiam num præsumat retinere, &c. Et post aliquanta: " Si quis Metropolitanus Episcopus, nisi quod ad suam solummodo propriam pertinet Parochiam, &c. Si debeat Episcopus alterius Episcopi ministros scriptis invitare, aut aliquo modo sollicitare, aut plebes alterius potestati suæ usurpare; cum de hoc in Africano Concilio ita dicatur, Cap. X. " Nullus debet collegæ suo facere injuriam, &c. Multa quin etiam in eodem

(b) Anno 863. in Synodo Sylvanectensi.

Annales Bertiniani scribunt anno 861. ab Hincmaro Remensi in Synodo Sueffionensi Rothadum Episcopali communione privatum, donec obediat.

(c) Anno 863. jam 40. annos federat in Cathedra Sueffionensi.

(d) Tomi I. nostri pag. 157.

dem Concilio de his alia promulgantur. Si debeat Episcopus minus quam à XII. audiri, quanto magis damnari, quod in Sardicensi Concilio evidentius inhibetur. Si debeat damnari, vel in locum ejus Episcopi subrogari alter Episcopus, qui in appellatione perstat Romani Pontificis, nisi fuerit causa appellantis ejus determinata judicio. Si possit suspectum, & minus certum judicium renovari, vel si suspectus Metropolitanus vicinos provinciarum judices convocare: unde multa in Conciliis Synodalibus, & decretis Romanorum Pontificum continentur. Si debeat innocens vel inauditus damnari. Si debeat damnari eo quod ægritudine derectus Synodo occurrere non potuit; cui non pro impossibilitate hoc, sed pro contemptu imputatur. Si debeat condemnari pro eo, quod & Metropolitanum omnemque conventum suspectum habeat, & con-

tra se conspiratos metuens aut sciens, ad tempus Synodi locum ingredi differt, Romanum Pontificem semper appellans. Si debeat accusator testis esse vel iudex: Vel si Episcopum hæc universa conveniat agere pariter? Hæc itaque vos sacerdotes Domini, comministri Dei nostri, qui in lege Domini meditamini die ac nocte, perscrutatis, & evolutis Divinarum auctoritatum paginis rimari curate, utrum sit hujusmodi sapientia desursum; quæ juxta Apostolorum primum quidem *pudica est*, deinde *pacifica*: an quod absit, ea, quam præmisit terrena, animalis diabolica? Redeat itaque quantocius pia solertia vestra, & labore, Sancta Ecclesia, ac fraterna caritas in pacem, quæ scandalizata videtur aliorum improbitate.

Ex Schedis Lucae Holstenii.  
Hardouin. Tom. V. Concilior.

## SYNODUS CONSTANTIENSIS

### SUB SALOMONE EPISCOPO.

*De Sublevatione (a) Corporis S. Othmari Abbatis, VII. Kal.  
Novembris peracta Feria IV.*

**B**ENIVOLUS autem Pontifex Constantiensis SALAMON perspectis vitæ Beati OTHMARI exemplis, multimodas gratiarum actiones bonorum omnium auctori persolvit, quod bellatorem suum pro zelo justitiæ fortiter dimicantem tam apertis miraculorum ostensionibus declaravit, remoto etiam dubietatis scrupulo, de Sanctitate ejus quamvis certus extiterit, nihil tamen temere, nihilque de se ipso inordinate sua sola auctoritate voluit diffinire (b) sed more suo prudenti usus consilio, causa Ecclesiasticorum dogmatum annualem Synodum solemniter indicit, ac Presbyteros & Diaconos diversique ordinis Clericos apud Constantiensem opidum convenire

O o 3

præcipit, quibus in unum collectis venerandus Pontifex in medium surgit, factoque silentio vitæ ipsius Sanctimoniam, quæ jam multos ibidem residentes dulci rumore aliquantulum permulserat, sparsim pro tempore earam omnibus recitavit. Quo factò cum maxima Clericorum copia in veri Dei laudibus acclameret; primo Augiensis cœnobii Abbatem qui etiam tunc temporis cum quibusdam fratribus nobis valde carissimis illo confluerat, ac deinde omnem illius consilii Clerum Episcopus communit, ut tridui jejunii abstinentiam facientes totius boni fontem in commune precarentur, quatenus pietatis suæ munere his in rebus suæ voluntatis dispositionem dignaretur

(a) Prima translatio corporis S. Othmari facta fuerat anno 830. in Basilicam S. Petri. *Hepidannus & alii.*

(b) Concilium Moguntinum anni DCCCXIII. Cap. 51. Tomo I. nostro pag. 412. statuerat, ut deinceps corpora Sanctorum de loco ad locum nullus præsumat transferre sine consilii Principis, vel (id est, &) Episcoporum, & Sanctæ Synodi licentia. Utrumque præstitit Walcandus, Leodiensis Episcopus, in translatione S. Huberti. *Nota Domini Mabillonii.*



tur perficere. Quibus dictis Episcopi sententiam Synodus collaudat, seque libenter ita facturam conclamat.

Inito itaque hujus Synodi consilio ac peracto trium dierum jejunio venerabilis præsul ad idem Monasterium cum suis perveniens seniores nostrum GRIMALDUM (c) Rectorem ipsius Monasterii ac Hludovici Regis Archi-Capellani de hac re tractaturus aggreditur. Post amica vero salutationis officia cum multis inter se colloquiis vitæ illius rigorem ac miracula ob indicium sanctitatis

ejus frequenter ostensa commemorarent, Monachos ejusdem Cænobii in unum convenire præcipiunt, simulque cum eis residentes, sanctum corpus de tumulo, in quo eatenus jacebat auferendum atque in Sancti Galli Ecclesia collocandum pari voto ac communi consilio omnes unanimiter decernunt.

*Ex Libro I. Miraculorum S. Othmari C. II. & III. scripto ab Ibone Cænobita S. Galli sæculo IX.*

*Apud Mabillon. Sæcul. III. Benedictini Parte II. pag. 164.*

(c) Grimaldus præfuit Monasterio S. Galli ab anno DCCCXLI. per annos triginta & unum Abbas sæcularis, & Hludovici Regis Archi-Capellanus, sub quo Harmotus Monachus Proabbatis gessit officium successor postea factus. *Nota Sirmondi.*

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

## SYNODUS ROMANA II.

*In causa depositorum Archi-Episcoporum.*

ANNO DCCCLXIV. CIRCA KALENDAS NOVEMBRIS.

Nicolaus Papa Synodum Romæ convocavit circa Kalendas Novembris, indicans, se in ea Archi-Episcoporum Theotgaudi & Guntharii olim depositionem *denovo* confirmaturum, & tractaturum de causa Lotharii, & Ignatii Constantinopolitani Episcopi præcedenti anno depositi; in cujus loco quidam laicus attonsus (Photius) & mox Episcopus est ordinatus. Ad quam Synodum prædicti Theotgaudus & Guntharius sponte perrexerunt, putantes Ludovici Imperatoris interventu ab Apostolico posse restitui.

Eodem tempore Papa Nicolaus Epistolas per omnes Archi-Episcopos & Episcopos Galliarum, Germaniarum,

& Belgicæ Provinciæ mittit pro confirmatione depositionis Theotgaudi Treverorum, & Guntharii Colonienfis Archi-Episcoporum. (a) (b)

Sed & aliis Episcopis, (c) (d) qui ex regno Lotharii in divortio Theutbergæ, & superinductione concubinæ Waldradæ consenserunt, & ad eum professione sua miserunt Epistolas suas, indulgentiam largiendo, sicut in scripta superius continente promiserat (in prima Synodo Romana post Metensem) dedit.

*Annales Francorum Bertiniani. Tomo III.*

*Duchesne Scriptorum Franciæ pag. 222.*

*In*

- (a) (b) Nicolai Papæ Ep. XL. ad Rodulfum, Bituricensem Episcopum, de iterata condemnatione Theotgaudi & Guntharii. *Sirmondus Tom. III. Concil. pag. 237.*
- (c) Adventii, Episcopi Metensis, Libellus supplex ad Papam Nicolaum. *Sirmondus Tom. III. Concil. pag. 241.*
- (c) Epistola Caroli Calvi Regis, intercedentis pro absolutione Adventii Episcopi. *Sirmond. loc. cit. pag. 243.*
- (c) Epistola XLII. Nicolai Papæ, Absolutoria Adventii Metensis Episcopi. *Sirmond. loc. cit. pag. 244.*
- (d) Absolutoria Epist. XLIII. Nicolai Papæ, Franconi, Tungrensi Episcopo. *Sirmond. loc. cit. pag. 245.*

## In Conventibus Francofurti, Gandulfi villa

Attiniaci, Wormatiæ gesta ab Arsenio Episcopo, Legato Nicolai Papæ, pro executione (a) Concilii Romani anni 863. aliisque Pontificiis exequendis hoc anno.

Cum Legati Pontificii anno 863. missi ad Concilium Metense, Radoaldus & Joannes corrupti muneribus à Lothario, Epistolæ Domini Apostolici sibi traditæ ad Reges & Episcopos occultassent, & nihil de his, quæ sibi commendata fuerunt, secundum sacram auctoritatem egissent, Papa Nicolaus condigna eos pena castigavit, & novum Legatum pro executione sententiæ Concilii Romani, aliorumque mandatorum Pontificiorum misit ARSENIUM, Episcopum Ortensem, Apocrisarium & Capellanum suum cum Epistolis ad Hludovicum Germaniæ, & Carolum Calvum fratres, sed & ad Episcopos ac Primores regnorum illorum.

ret, nec ipsa vivente aliam superinduceret.

Hactenus Metenses, sed Bertiniani in Attiniaco Palatio dicunt ab Arsenio, & Archiepiscopis in manibus Lotharii Regis redditam fuisse; & in die Assumptionis Mariæ coram Lothario & Teutbergæ Regio cultu paratis, & coronatis Missas celebravit Arsenius.

III. Post hæc Waldradam ex auctoritate Dei è Sancti Petri, & verbo Domini Apostolici Romam ire petiit, ut pro se rationem reddet.

IV. Engiltrudem Bosonis Comitis, quæ fuit filia Matfridi Comitis, à Sede Apostolica excommunicatam esse omnibus declaravit; quia proprium dimiserat maritum & Wangerum famulum suum in Gallias secuta fuerat: quam excommunicationem cum omnibus, qui aderant Episcopis renovavit: Post hæc eadem Engiltrudis prædicto Arsenio in Warmatia civitate se præsentavit: in quo loco præfatus Episcopus Ludovico Regi Germaniæ occurrerat. Constrinxit itaque se Engiltrudis in præsentia ipsius Episcopi horribili Sacramento, quod ipsa cum eo Romam iret, & quidquid Dominus Apostolicus juberet, ex toto perficeret. Sed, quod juravit, minime adimplevit. Siquidem usque ad Danubii fluentia cum eodem Arsenio perrexit, ibique ad quandam consanguineam pro equorum amminiculo ire condixit: & ad Augustam civitatem ad eundem Missum Arsenium se reversuram pollicita est. Tali occasione gressum retorquens ex Alamannia in Franciam repedavit.

Quod cum præfatus Arsenius cognovisset, Epistolam (b) misit omnibus Archiepiscopis, Episcopis & omnibus Sanctæ Dei

I. Idem Arsenius per Curiam & Alamanniam ad Hludovicum Germaniæ Regem in Francofurt Palatium veniens, Epistolæ Apostolicas ei tradidit, quibus ad pacem & concordiam cum fratre Carolo Calvo & nepotibus excitabatur.

II. Inde in Gandulfi Villam ad Hlotharium venit, cui & Episcopis & Primoribus Regni sui Epistolæ Papæ dedit continentes, quia nisi uxorem suam Theotbergam reciperet, & Waldradam abjiceret, renuntiante sibi Arsenio, illum ab omni Christianorum societate debuisset rejicere. Convocato Episcoporum Conventu Lotharium Regem alloquitur, ut unum è duobus eligat, aut propriæ reconcilietur uxori, abdicato Waldrade pellicis consortio, aut protinus anathematis gladio feriretur, ipse & omnes, qui ei in hoc scelere faverent. Hac necessitate confectus vellet nollet Tietbergam Reginam in matrimonium recepit, interposito iurjurandi Sacramento, se illam ita in reliquo habere, sicut equitatis iura dicant legitimam uxorem esse tenendam, nec eam à se separa-

(a) Non sunt hi quatuor Conventus Comitum Episcopalia, sed meræ executiones Concilii Romani anni 863. contra Waldradam & Engiltrudem: etsi Attiniaci Episcopi aliquot intervenerint, testes & spectatores factæ reconciliationis Teutbergæ cum Lothario.

(b) Hanc Epistolam expansam refert Illustrissimus Baronius ad annum 865. Num. XLIII.



Dei Ecclesiæ Fidelibus, Galliæ, Germaniæ, ac Neustriæ commorantibus, obtinens omnes per auctoritatem Dei omnipotentis, & beatorum Apostolorum Petri & Pauli, & universalis Pape, ut nullus eam in sua Parochia reciperet, sed eam funditus in omnibus Ecclesiis suis excommunicatam prædicarent, & ab omnium Christianorum communione sequestratam, insuper & anathematis vinculo innodatam, & inter impias & sceleratas damnatam, donec de pestiferis actionibus suis, atque perpetrato perjurio ante Domini Apostolici præsentiam dignam acceperit penitentiam.

V. De Lothario ad Carolum circa medium Julium mensem in Autiniacum Palatium Arsenius veniens, uniformes sicuti Ludovico & Lothario Regibus Epi-

scopos suas satis honorifice tradidit, & Rothadam canonicè à quinque Provinciæ Episcopis dejectum, & à Nicolao Papa non regulariter, sed potentiuliter restitutum secum reducens Carolo præsentavit. Et cum Sacri Canones dicant, (c) ut Episcopus à gradu dejectus ab Episcopis Provinciæ ad Episcopum Romanum confugerit, scribat Romanus Episcopus finitimæ & propinquæ Provinciæ Episcopis, ut ipsi omnino diligenter causam inquirent, & juxta fidem veritatis definiant.

Hactenus verba Annalistæ Bertiniani, & Metensis. Sed Metensis in Chronologia errat, uti & Regino. Bertinianus parum reverenter de Summo Pontifice loquitur, & Hincmari causam contra Rothadam injustissimè depositum, pertinaciter tuetur.

(c) Canon. VII. Concilii Sardicensis Tomo I. nostro pag. 190.

## NICOLAUS EPISCOPUS SERVUS SERVORUM DEI,

DILECTISSIMIS FILIIS LUDOVICO ET CAROLO  
GLORIOSISSIMIS REGIBUS.

*SUMMA. Reprehendit, quod Episcopus in urbem ad Synodum non miserint. Ut Lotharium de divortio commonere pergant. De Episcopis in Colonienſi & Cameracenſi Ecclesia consecrandis, & de Rothado Sueſſionenſi.*

**C**Redimus ex Dei dono, filii carissimi, processisse, quod unanimes effecti vos de corde puro & conscientia bona, & fide non ficta junxistis. Unde fit, ut uno animo, & uno ore per vos glorificetur Deus, & Pater Domini nostri Jesu Christi, & ad Sanctæ Catholicæ, & Apostolicæ Ecclesiæ, regni que vestri decus conjunctio vestra proficiat, & salutem. De Epistolis autem nostris, quas suscipientes Archi-Episcopis, & Episcopis regnorum vestrorum, immo, & Lotharii regni pariter Archi-Episcopis & Episcopis secundum tenorem illarum dedistis, grates excellentiæ vestræ retulimus. Sed quia eos ad Synodum nostram, & pro angustia temporis, & pro injuria transitus, occurrere non valere dixistis, merito dure tulimus: cum tanta temporis angustia non immineret,

ut saltem de vobiscum conversantibus binos mittere nequivissetis: præcipue tu, fili mi Carole Rex, qui regnum tuum per maximum spatium, longius, quam fratris tui Ludovici dilecti filii nostri gloriosi Regis, ab hac Sancta Sede in occidentalibus partibus secus mare oceanum disparari fateris. Non enim credibile potest existere, ut adeo longius-disparetur regnum tuum, ut, sicut supra meminimus, vel binos unius, aut duarum Metropoleon Legatos omnium vices agentes dirigere non valuiffes. Reprehensibile denique valde esse constat, quod subintulisti, dicendo majorem partem Episcoporum omnium die noctueque, cum aliis fidelibus tuis, contra piratas maritimos invigilare, ob idque Episcopi impediuntur venire: cum militum Christi sit Christo servire, militum vero sæculi, sæculo; sicut

sicut scriptum est : *Nemo (a) militans Deo implicat se negotiis secularibus.* Quod si sæculi milites sæculari militiæ student , quid ad Episcopos & milites Christi, nisi ut vacent orationi ? Sperabamus te, fili carissime, in talia non prorumpere , qui Deo gratias, clarus in cunctis haberis. Aditus autem veniendi ad tantum negotium antistitibus denegari non debuit : Et si forte denegare vellent, quoquomodo, si monitis nostris parere delegissent, aditus illis ; & transitus patefieret. Si venissent collectis operariis, hoc utique ne fieret, melius corrigeremus. Quia illis inde, & nobis hinc Deus in conventu nostro medius tribuerat, ut & nostris, & vestris deinceps aditus denegari non posset. Nam nec de nostris melius dicere possumus, nec pejus de vestris ; quia quid nobis impediatur longum est narrare. Quod si intercapedine temporis ad Clusam pro Deo aliquid tolerasset, lucrum pro tentationibus, & laboribus à Domino magnum reciperent. Sed quia occasione transitus suffugiunt, nos licet coacti adhuc hæc gravamina sustineamus : vos tamen videbitis. Sed intelligi datur eos monitis nostris non velle parere, propter illud, quod in litteris vestris subditur. Dicunt enim post aliquanta, ut Episcopos de regnis vestris ad Synodum Romanam mittendi necessitas non postulet. Unde si vos fortasse aliter dicitis, nos illud dicimus, quod divinitus revelatur ; quia cum novitatum mala multiplicari videamus, si ex diversis Provinciis fratres in invicem convenissent juxta priscum morem, & nos consensu illorum, revelante Domino, quæ decernenda sunt, decerneremus : & ipsi necessitates suas referentes, & nos nostras exponentes, quæ decreta fuissent melius in omnium notitiam facerent pervenire, qui semper Synodalem conventum à nobis aggregari petierant : sicque fieret, ut secundum qualitatem morbi medicina conficeretur, & ad sananda vulnera longe lateque effunderetur. Salomon quidem verbis nostris consentit, cum dicat : *Salus (b) ubi multa consilia.* An nescitis nonnullos ex nonnullis Provinciis præfules ita fecisse ? Quod facilius scire potestis, si vultis ; licet vos, si vultis, minime lateat. Denique tam prudentes, tamque præci-

P p

puos, & præclaros, ac quos Deus in caritate vera conjunxit, viros reprehendere nolumus : quin potius ut dilectissimos filios paterno amore excolimus, & ut in unitate fidei permaneatis, cuncti-potentis Clementiam exoramus. Quod si qui ex confratribus nostris Episcopis talia nobis misissent, habueramus qualiter illos reprehendere, & redarguere deberemus : excepto, si regalem magnitudinem vestram sibi impedire dixissent, in vobis hoc pendere, & corrigi debere videretur. Ecce Episcopis regnorum vestrorum impedimentum præparatur ne veniant : Lotharii autem Episcopis, qui frater istius est, quid obstitit, nisi quia de vestris fumant occasionem, & sicut vestri, ita & illius negligentes appareant ? Nam inter cetera plurimum nunc in causa ejusdem Lotharii, de quod subinferemus, profuerat si venissent : quia auditis decretis & institutis lucidius cuncta referrent, ita ut nubilum aliquid minime remaneret. Fortasse etenim hæc illorum dilatio, & absentia magis obfuit in ejus emendatione, quam obstinatio : quia si absentia, & dilatio non esset, obstinatio utique jam saltem coacta cessaret. Sed his omis, ad vestra consulta stilum nostrum reflectamus. Dicitis enim vos præfatum commonuisse Lotharium ; sicut in *commonitorio* nobis, à vobis directo legere prævaluissimus ; & eundem sæpe vobis mandasse asseveratis, quod Romam pergere velit, & per nostram dispositionem de causa sui conjugii facere. Sed, heu ! dictis opus non accommodastis : quia sæpius de directione commonitorii mentione facta idem commonitorium absuit, & nobis frustratis nequaquam comparuit. Quod si habuissimus, certamen vestrum super his cognosceremus : sed cum illud defuerit, nescimus, si labor vester fructuosus fuit. Ipse quidem Lotharius nobis, ut vobis, vicibus per imperiales legatos mandavit, quod Romam vellent venire. Cui interdiximus, & omnino interdiximus, ut iter talis, qualis nunc est non arripiat ; eo quod Sancta Romana Ecclesia talem respuat, & contemnat, & in hoc perseveret, quod latè in toto diffusum est orbe. Nam verso diu lumine per apices vestros, anhelando

[a] II. Tim. VIII.

(b) Proverb. XI.



do præstolabamur locum attingere, qui nos vel verbo aliquo modo opis annueret, quo possemus aliquam læticiam præsumere. Sed perscrutatis omnibus, ac ad calcem usque relectis, post lectionem ipsa, quæ inerat læticia abscessit: & nos dolor continuus illico possedit, quia in cunctis sumus frustrati, & quod non optabamus, derelicti. Veruntamen quoniam circa (c) missam Sancti Joannis, de quo diximus, Lotharium, dispositum habetis denuo commonere, non moleste tulimus. Foritan omnipotens Deus cor ejus ad sibi placita inclinare dignabitur, & de prævaricatore tandem faciet convertendo dilectum. Si autem subdole Theutbergam, ut eam perdat, velle repetere dicitur, si ipsa tales elegerit, per quos sibi securitas certissima fiat, ecce bene. Sin autem, idem Lotharius præbeat Sacramentum, quo polliceatur eam digno matrimonio recipere, & ut uxorem legitimam decenter venerari & colere, ac deinceps incolumem conservare. De pœnitentia autem ejus nostro judicio reservantes statuimus, ut si prædictæ Theutbergæ captiose aliqua alia crimina, postquam eam à se repulit, objicere voluerit, hoc expurgeat Sacramento, si ita necessitas compulerit. Quod si innupta manere decreverit, & viro suo reconciliari noluerit, sancimus, ut cogatur in amplexus uxorios redire; quia utriusque se separandi non fuit voluntas. Nam si utrique in divorcio consenserint, & Lotharius jam omnino copulam concubitus non repetierit, hoc fieri non prohibemus: quia Dominus de dimittenda uxore causam tantum fornicationis excepit. Igitur, si Lotharius, quem hætenus converti præstolati sumus, & vindictam in eum, ne sanguis effunderetur, & ne bella excitarentur, propalare distulimus, cornu extulerit, & nostris vestrisque monitis obedire neglexerit; de cetero talis habendus est, qualem illum per Epistolam nostram Rothaldo dudum Episcopo, & Joanni

Episcopo missam, nos habere jam cognovistis: sed filii dilectissimi, & singulariter à nobis diligendi, ecce *Arsenium* venerabilem Episcopum ad hoc vobiscum pertractandum, & monitionibus corrigendum, cum Apostolicis Epistolis illuc destinavimus [d] quarum exemplaria, ne authenticæ istarum aut interceptæ, aut à quibus fortasse dehonestatæ, aut perditæ, aut etiam propter quod vobis dubietas credendi generaretur, pro libitu aliter habitæ fuissent, magnitudini vestræ per hunc gerulum transmissimus. Tunc si authenticas ita se habere repereritis, assensus vester eidem *Arsenio* præbeatur. Sin autem, excepto de *Rothado* & *Albino*, illi vos credere non oportet. Et quidquid illis in partibus actum fuerit, sub gestorum insinuatione nobis, antequam illud per alios cognoscamus, optime munitum, ut melius laborare possimus, dirigere petimus, nequaquam omitte. Sunt & alia quamplurima, quæ nobis non mandare valde oportuerat: sed quia tam clarissimis, & prudentissimis pauca sufficiunt, & hic gerulus nobis erat incognitus, atque hoc eum latebat, præter hæc scribere desimus. Porro de Ecclesia Colonienſi, de qua nos consulistis, decernimus ut ibi consecraretur antistes. De Cameracensi vero, quod statutum habemus, volumus observari: videlicet, ut si ibi electio Canonica fuerit, consecrari in ea debet Episcopus.

Ad extremum quod silere non possumus, quin immo super dictis vestris obstupescimus, de Sueſſonica scilicet Ecclesia, de qua, fili mi Carole, quod loquimini, per os alterius loquimini; quam etiam per XXX. circiter annos ab infructuosa ficulnea Rothado inutiliter occupatam, excepto solo nomine, pastoralis dicitis vacasse sollicitudine: miramur, cur tantus Rex suasoribus verbis cedit, & non magis nos, qualiter de Rothado obediat, lætificare procurat. Desine ergo, fili, & deprecatoria verba pelle à

(c) hoc est, circa festum.

[d] Circa annum 865 mense Junio ad Ludovicum Germaniæ Regem Francfurtum venit Arsenius; Synodum Coloniae, uti in Metropoli Lotharingici regni suader, dein Galliam pergit, & Theutbergam Reginam à Lothario dudum dimissam, sicut ei ab Apostolico injunctum fuerat, eidem restituens Waldradam concubinam ejus in Italiam duci præcepit: Et ut Lotharius Teutbergam quemadmodum Rex legitime sibi conjunctam deinceps tractaret Reginam, duodecim ex Optimatibus ejusdem Regis jramento firmare coegit. *Annales Francorum Pitheani ad annum 865.*

le à corde , incipeque nostris monitis parere : ut excellentissima gloria vestra cum exultatione fructificet , & cum gaudio manipulos colligat. Tamen qualiter de illo sublimitatem vestram oporteat facere , aliis litteris nostris liquidius cognoscere valebitis. Quibus cognitis , credimus , ut quod petimus obtineamus : & quod decrevimus , ratum coram oculis Dei , & coram vobis esse videatur. Apud nos namque idem Rothadus fructuosa ficulnea manet : tamen post renovatum iudicium ejus , si fructuosa est , an infructuosa patenter declarabitur , habitis omnibus secundum quod de illo statuimus. Hanc autem Epistolam ideo more solito scribi

non fecimus , quia & legatus vester sustinere non poterat , & ob festa Paschalia scriniarios nostros , eo quod debitis vacabant occupationibus , habere ut debuimus non valuimus. Rogamus præterea , & expresse vos adjuramus , ut quæ superius exarata sunt , non simplicitate sermonis , sed ex quanta mœstitia , & compunctione processerint , interiori oculo , non exteriori tantum attendatis : & omnes necessitates nostras in his consideretis , dolore patris miserabiliter moti ut filii carissimi. Divina Majestas ad exaltationem Sanctæ suæ Ecclesiæ vos conservet incolumes.

*Hardouin. Tomo V. Concilior. p. 244.*

# NICOLAUS EPISCOPUS

## SERVUS SERVORUM DEI,

### FRANCONI EPISCOPO TUNGRENSI.

*Accepta ejus professione veniam indulget , quod particeps fuerat Synodi Metensis : hortaturque , ut Lotbarium Regem monitis suis curare studeat.*

Anno DCCCLXV. Indictione XIII.

**E**Xcusationis tuæ litteris per Richardum venerabilem Diaconum tuum iuceptis , professio Sanctitatis tuæ , quæ te in nullo à Sede Apostolica dissentire manifestas , quamque nobis à te minus quam ab ullis aliis sperabamus offerendam , nos plurimum exhilaravit. Sed confessio nihilominus in Domino exultare fecit. Eo enim , quo veniam petitis , deliquisse vos procul dubio demonstratis. Et revera qualiter sine delicto evadere poteratis , qui sedentes in Concilio vanitatis , etsi non favendo , certe tacendo ; si non scribendo , profecto non resistendo profanis gestis declaramini consensisse ? Ecce enim Dominus per Prophetam dicit : *Quasi [a] tuba exalta vocem tuam , & annuntia populo meo scelera eorum.* Ergo quia non annuntiasti , peccasti : & quoniam vidisti & tacuisti , procul dubio consensisti. Verumtamen postquam , vivificante gratia , te foras vivificatum per confessionem exeuntem aspiciamus , quem introrsus labe mortuum putabamus ; in-

P p 2

comparabiliter exultamus , & gratias auctori omnium bonorum immensas exsolvimus. Et hoc jam tibi divinitus non imputari optamus , quod tibi , quomodo-cunque excesseris , remitti à Domino postulamus , & quantum in nobis est , ex corde tibi ignoscimus : quod beatum Leonem omnibus qui in Ephesino latrocinio consentiendo errori deliquerant , amputato totius auctore scandali , solo videlicet Alexandrino Dioscoro , pepercisse non ignoramus. Quid autem mirum , si Guntharius , quem dicitis uti vitio sibi officio , Apostolicam floccipendere sententiam non metuit , qui divina præcepta totiens parvipendisse convincitur ? Claret vero , & cunctis manifeste datur intelligi , etiamsi nulla alia pravitatis suæ præsticisset indicia , qualis ante pœnam exstitit , qui se post pœnam talem exhibuit : & quam debite percussione promeruit , qui etiam post , unde magis percuti debeat , admittere minime recusavit. Eo igitur suadente nunc Apostolicis

(a) Isai. LVIII.

Tomus II. Concil. German.



stolicis institutis inobediens errat, quo nuper cœlestibus oraculis semper obviâsse repertus dicitur: antiquo scilicet adversario, qui sicut *Leo* [b] *rugiens*, juxta primum Apostolum, *circuit quærens, quem devoret*. Sed tamen ad propositum redeamus, & votis tuis, quantum possumus, Deo præstante, misericorditer annuamus. Itaque si Teutgaudum Episcopum, sicut profiteris, in Catalogo Episcoporum non receperis, quousque de eo humanius tractemus; & si Guntharium, ministerium sibi veritum usurpantem, non solum inter Episcopos non receperis, sed nec fautoribus ejus communicaveris, & ei in scelere permanenti Episcopaliter contradixeris, & sententiis ab Apostolica Sedis præfule prolatis deviaveris: sed de cetero pro fide Catholica, & correctione fidelium, ac pro conservandis Pontificis Apostolicæ Sedis privilegiis nobis consenseris, nobiscum pro viribus decertaveris, fratres quoque & proximos tuos nobiscum sapere hortatus fueris; Deus omnipotens, intercessione Apostolorum Principum Petri ac Pauli, vincula

omnia peccatorum tuorum absolvat, & quidquid humanicus, quod in oculis majestatis ejus displicuit, egisti, tibi miseratus indulgeat, & te benedictionis suæ gratia replens ad beatitudinem visionis suæ perducatur. Ceterum admonemus te, ut si vere Episcopus es, vere te ordines, te serves, in te gloriam Regis Lotharii exquiras: ita ut vestra unanimitas nobis arctius hærens, vulnus ipsius admonendo, blandiendo, suadendo, in reliquo autem & brevitate præsentis temporis exponendo, penas inferni & cœlestia regna ante oculos proponendo, curetis. Quod agere nullatenus potestis, nisi carnem suam, quam odio habens contra Apostolum à se projicit, recio membro meretricis, nostro & vestro judicio hortatus, etsi non sponte, saltem invitus receperit. Optamus sanctitatem tuam in Christo bene valere. Data XV. Kalendas Octobris, indictione (c) XIII.

*Binius Tomi III. Concilior. Parte II.  
Epistol. XLP. inter Nicolai I. Epistolat.*

*Lunig Spicilegii Ecclesiastici des teutsche Reichs Archivs fol. 482.*

(b) I. Petri II.

(c) Indictio III. currebat à Septembri 864. ad Septembr. 865.

## A D V E N T I I

EPISCOPI METENSIS,

### EPISTOLA AD NICOLAUM PAPAM.

*Mittit professionem suam, qua purgans se de causa Lotharii, acquiescere se, atque obsequi docet statutis à Pontifice in Synodo Romana. Proinde veniam & pacem implorat.*

GLORIOSISSIMO DOMINICI GREGIS PASTORI DOMINO AC BEATISSIMO NICOLAO, SUMMO ET UNIVERSALI PAPÆ, ADVENTIIUS HUMILIS METENSIIUM SEDIS EPISCOPUS, NUNC ET IN ÆTERNUM VALERE.

**C**hristus Dominus Deus proprii sanguinis pretio acquisito gregi solita pietate prospiciens, vobis summi Sacerdotii contulit dignitatem: cui inter plurima spiritualium virtutum ornamenta, quibus Sanctam Matrem Ecclesiam inimitabili Sanctitate condecoratis, sacramentum præfate auctoritatis dogmata affatim resplendent: quo Christiana plebs effi-

cacissimo tanti Patris exemplo feliciter imbuta, vitorum monstra devitare, & auxiliante Deo æterna poterit præmia comprehendere, immo Ecclesiastici ordinis disciplina vestris temporibus inviolabilis permanere. Unde mea parvitas, omnesque divina dignatione mihi crediti multipliciter congaudentes, magnas omnipotenti Deo gratias referimus devotis pre-

precibus implorantes, ut Deus omnipotens vestri Pontificatus apicem diu incolumem custodire dignetur, ad consolationem Sanctæ suæ Ecclesiæ, omniumque fidelium animarum. Quippe cum inter levissimas paganorum pressuras, densissimasque perversorum Christianorum simulatas occuparemur, & per capita humilitatis nostræ Dominici ovilis sollicitudinem gerere optaremus, decreta excellentissimi Apostolatus vestri nobis directæ sunt. Super quibus responsa dignitati Majestatis vestræ, festinantissime currens præsentialiter dare viva voce desiderarem, nisi longæva senectus me gravidum redderet, & inficiens corporis ægritudo frequenter atque inopinata spiritum exhalare cogeret. Magnum enim, & quasi totius meriti gaudium obtinerem, si ad limina Apostolorum, vestramque desiderabilem, & præ eminentissimam præsentiam, virium imbecillitas me ire fineret. Sed quia podagrici dolores, & veterani mei artus optata denegant, omnipotenti Deo, & Sancto Petro, atque incomparabili clementiæ vestræ magnitudinis, meæ parvitatis quantitatem committo, qui vices Dei tenetis, & in reverentissima summi Principis Cathedra verus Apostolus residetis, ut vestris fovear solaminibus. Si enim fallaciter, quasi fautor vitorum, in conspectu vestræ mansuetudinis diffamatus existo, si non corpore, mente tamen ad vestra sacra vestigia provolutus, humiliter peto, ut excusationis meæ causas, nullo mendacii fūco obnubilatas, paternæ pietatis affectu recipere non dedignemini, quas capitulatim misericordiæ vestræ pandere studui.

CAP. I. In catalogo Sacerdotum nequaquam recipio Theutgaudum, quondam Archi-Episcopum, qui depositionis suæ sententiam à vobis prolatam hæcenus patienter ferens, juxta præcedentem consuetudinem nil omnino de sacro ministerio contingere præsumpsit: sed quasi mitissimus vir, incaute se proprio sermone lapsum, atque alterius pertinacissima obstinatione deceptum fateatur, & per humilitatis & obedientiæ viam incedens, à vestra pia largitate locum satisfactionis præstolatur.

II. Guntharium quondam sacri Palatii Archi-Capellanum, in Episcopo-

P p 3

rum numero non suscipio, neque ei, vel fautoribus suis communicare præsumo, quoniam vetito usus est officio, & Apostolicam floccipendere excommunicationem non metuit.

III. Causam piissimi Regis Hlotharii, in præsentia vestrorum Legatorum, præfati quondam Primates Ecclesiarum, cum aliis Archi-Episcopis, eorumque Coepiscopis, de duabus uxoribus in nostra urbe ventilantes, & Magistratus nostri principatum obtinentes, quid de jam dicti nostri Principis querela decreverint, vestram non latet Sanctitatem. Ego igitur, teste Deo cum Angelis & Archangelis, arbitratus sum pariter vera manere, quæ plurimorum consilium ad stipulationem effabantur. Interea decernentibus tunc temporis præscriptis Archi-Episcopis, eorumque Coepiscopis, solus ego, qui essem meritis, & ordinatione novissimus, qui Magistrorum auctoritatibus & judiciis resisterem? Et ne forte in aliquo contra decretum Leonis Papæ offenderem, verebar, qui titulo XXXII. ita scribit: " Igitur secundum " Sanctorum Patrum Canones, Spiritu " Dei conditos, & totius mundi reverentia consecratos, Metropolitanos " singularum Provinciarum Episcopos " jus traditæ sibi antiquæ dignitatis intermeratum habere decernimus. " Si enim à regulis præstitutis ulla aut licentia, aut præsumptione discesserant, ego penitus nesciebam. Unde & in Antiocheno Concilio Cap. IX. ita scribitur: " Per (a) singulas regiones Episcopos convenit nosse, Metropolitanum Episcopum sollicitudinem totius Provinciæ gerere: propter quod ad Metropolim omnes undique, qui negotia videntur habere, concurrant, &c. " Sola quippe plurimorum relatione de jam dicta querela, quæ in primordiis gesta sint, aure non oculo percipi: quia Episcopus non eram, sed in excubiis templi Beati Stephani Protomartyris occupatus, novissime in regno Domini Hlotharii senioris mei expetitus à Clero, & electus à plebe, pastoralis officii curam, Deus novit, non ultro ambiens, sed canonice invitatus accepi. Et multo amplius, si fieri potest, verbis Archi-Capellani, ac ceterorum Patrum, qui interfuerunt, credulus exciti, quam mihi metipsum. Et si for-



si forte in aliquo simpliciter egi, restat ut ad Magistrum veritatis recurram. Nunc ergo proferat singularis sapientia vestra normam in hoc facto, & ecce paratus sum obsecundare edictis vestræ auctoritatis veluti Deo, in cujus persona cuncta profertis. Vestro enim sancto ac salubri consilio usus, iugo me obedientiæ humiliter submitto. Nam quamvis quorundam levitate contra me tumultum detractionis sentiam, nisi de simplicitate, nullus me in hac re accusare potest. Fidenter enim dico: Ecce in cælo testis meus, & conscius meus in excelsis. Unde vas electionis dicit: *Gloria (a) nostra hæc est, testimonium conscientia nostra.* Hinc enim Beatus Gregorius Papa in Epistola Theodistiæ patriciæ directæ, ita scribit: " In omne, inquit, quod agimus, vel quod extra de nobis dicitur, recurrere ad arcana mentis debemus. " Et si omnes vituperent, liber est, quem " conscientia non accusat.

IV. Si decretum vestræ auctoritatis iudicio Sancti Spiritus ab omni pastoralis officii regimine præfatos Metropolitans exutos definivis propter excessus sanctionum, & absolutionem anathematis à Sede Apostolica emissi super Ingelerudem Bosonis uxorem; sciatis verissime, quia in ejus absolutione nequaquam particeps extiti: & postquam illam vera relatione infauisto adulterii genere sauciata audiui, semper quasi mortiferum venenum abominatus sum. Communionem vero cum excommunicatis nullatenus habere universos moneo. Si sacris uti ausi fuerint, sicut Capitulum Concilii Antiocheni quarrum ostendit, (b) quod excommunicantes eis ab Ecclesia abjici jubet.

V. Seditorem damnatorum, ac seditiosum, vel conjurationis, aut conspirationis reum, me penitus esse denegeo, faventibusque quibuscumque nequaquam assentire fateor: sed cum capite, id est, sancta & venerabili sede Beati Petri, cui claves regni cælorum commisit, in qua etiam petra Christus Rex æternus sanctam ædificavit Ecclesiam, contra quam portæ inferi non prævalebunt, canonice in omnibus me favere profiteor.

VI. Porro Sanctitas vestræ paternitatis inviolabiliter censuit, nullo modo pavendam bonorum amissionem pro temeritatibus & subscriptionibus: atque indulgentiam non esse negandam, si vobiscum sapere, nostrumque per nosmet ipsos, aut per Legatos nostros assensum cum scriptis offerre studeremus. Noverit præcellentiæ vestræ Sanctitas munificentissima, quod Legatus noster, qui jam vobis satam professionem ostendetet, & multiplicibus verbis enuclearet, ideo tardavit, quia ceteros Confratres nostros huc illucque de diversis partibus advocans, vobiscum sentire unanimiter, & sapere hortatus sum. Eorumque omnium generaliter unanimitate comperta, quasi præconem Legati nostri, in ipso margine præsentis vitæ constitutus, vestræ sanctæ Paternitatis præmissi, præsentem videlicet litterarum portitorem. Nihil in me ambiguum, nihilque damnable remanere patior, cui viam omnis carnis arripere proprii corporis resolutio pollicetur. Sed in omnipotentis Dei misericordiam valde confido, quod mihi peccatori spatium hujus calamitosæ vitæ concedere debeat, quousque digna satisfactione purgatus, vestræ paternæ pietatis gratiam petenti redditam intelligam, meque receptum in vestro Deo digno consortio congratuler. Credimus enim, quod favente Deo, & Apostolorum omnium Principe, qui in elemosynis, & jejuniis, & furtivis orationibus spiritaliter occupati estis, omnibus viribus divina dispositione prævidere debeatis, ne pro falsidica deceptione viventia in Christi corpore membra moriantur. Igitur si meis lacrymosis precibus vestra misericordia in aliquo flectitur, per sanctam & individuum Trinitatem humiliter deprecor, ut per latorem præsentium litterarum, si amplius esse non potest, saltem de vestra sancta manu in naufragio vitæ constitutus illud recipere merear, quod mitis magister vester Christus quibusdam discipulis hæsitantibus januis divinis apparens, imprecatus est, dicens: PAX VOBIS, Excellentiæ Sanctitatis vestræ assiduus votis & precibus diu incolumem vigere humiliter exoramus.

*Hardouin. Tomo V. Concil. pag. 321.  
in appendice I. Epistol. Nicolai PP.*

**CARO-**

(a) II. Corinth. I, 12.

(b) Tomo primo nostro pag. 157.

## CAROLI CALVI

REGIS,

## EPISTOLA AD NICOLAUM PAPAM.

*Intercedit pro Adventio Episcopo, petitque, ut in gratiam recipiatur.*

SANCTISSIMO AC REVERENTISSIMO PATRI NICOLAO, CATHOLICÆ ET APOSTOLICÆ SEDIS SUMMO PONTIFICI ET UNIVERSALI PAPÆ, CAROLUS GRATIA DEI REX ET SPIRITUALIS FILIUS VESTER.

Quia sicut devotio nostra erga Sanctam Sedem Apostolicam, & vestri honorem in istis Transalpinis regionibus longe lateque, gratias Deo, cognoscitur, & colenda cum summi amoris veneratione Paternitatis vestræ benignitas erga filialem nostram dilectionem, non solum nostris benevolis sed & æmulis, auctore Deo, certis indicis, veluti Sanctitatem vestram scilicet religionis culmen decet, innotuit: Adventius Metensium venerabilis Episcopus, hunc fratrem nomine Bertronem nobis fidelem, ut credimus, in monasterio regni nostri ab infantia regulariter educatum, & nostra munificentia, sicut inter nos convenit, sibi concessum, ad nos misit, petens à nobis vestræ amantissimæ paternitati pro eo litteras mitti, quas profuturas, & non modice sibi apud auctoritatem vestram credidit suffragari. Mandavit enim mihi, quod professionem suam, subreptionum præteritarum correctionem, & futurarum cautelam continentem, sicut regulæ sanctæ præcipiunt, manu sua subscriptam, vestro Apostolatu per hunc fratrem vellet dirigere, quatenus & excessum veniam, & Apostolicæ Sedis communionem; & vestri Apostolici vigoris gratiam valeat obtinere. Unde quoniam venerandus, & amantissimus patruus noster DROGO, qui licet in regno fratris nostri Hlorharii, quondam Imperatoris, post obitum Domini, & patris nostri degisset, eo quod sedes in partem regni ipsius devenerat, nobis tamen unice dulcissima dilectione, & obnixta fidelitate conjunctissimus fuit, eun-

dem venerabilem Adventium nutrit, & domestica familiaritate habuit, & ipse Adventius nobis fidelis, & amicus existit: ac si vestigia Sanctissimæ Paternitatis vestræ deosculantes, cum omni devotione deposcimus, ut nostra petitione, sicut credit, apud auctoritatem vestram se sentiat adjuvari, ne ipse & sedes ejus in illo modo quolibet, quod absit, dehonoretur: quæ postulatione avi nostri divæ memoriæ Karoli Imperatoris honorari ab Apostolica Sede meruit, ut Engilramnus prædecessor istius, summus Capellanus ejus, & Apocrisiarius Apostolicæ sedis, in istis regionibus aliquamdiu fieret: & postea deprecatione Sanctæ recordationis Pii Augusti, Domini & Genitoris nostri, excellenti genio à Sede Apostolica in præfato patruo nostro Drogone venerando Episcopo fuerat honorata, ut una cum prædicto Ministerio & Imperatoris, & Apostolicæ sedis, etiam usu Pallii potiretur. Nam etsi hic vir venerabilis Adventius aut Principis sui, aut magistrorum superstitione actus, aut favore acconsensu plurimorum attractus vel alio quolibet modo subreptus, vel interceptus, in aliquo minus, quam debuerat, providus extitit: quoniam ut Augustinus dicit: "Amat Deus confitentibus" parcere, & eos, qui semetipsos judicant, non judicare, cessatque Divina vindicta, si conversio præcurrat humana: vestri Apostolatus mitissima, & præstabilis cunctis conversis benignitas, in eo sententiam prædecessoris sui Leonis sequetur; qua dicit: "Sedis, inquit, Apostolicæ moderatio



"tio hanc temperantiam servat, ut &  
"severius agat cum obduratis, & ve-  
"niam cupiat præstare correctis: qua-  
"tenus venia concedatur, si error ab-  
"oletur. Petimus siquidem, ut istum non  
modo suum, verum & nostrum Lega-  
tum, Bettonem, religiosum mona-  
chum, & literarum scientia, bonique  
ingenii capacitate, Dei gratia, & sedu-

lo studio imbutum, benigne & familia-  
riter recipiatis, quo ea, quæ sibi injun-  
cta sunt, mansuetudini vestri Apostola-  
tus domestica suggestionem valeat enar-  
rare. Deus omnipotens orantem pro  
nobis sanctitatem vestram, ævo longio-  
re conservare in voluntate sua dignetur,  
Sanctissime, & reverentissime Pater in  
Domino.

Harduin. Tomo V. Concil. p. 323.

## NICOLAUS EPISCOPUS SERVUS SERVORUM DEI,

REVERENTISSIMO ET SANCTISSIMO ADVENTIO,  
EPISCOPO METENSI.

*Approbat professionem Adventii, eique veniam & pacem indulget,  
quam optabat.*

**E**Xcusationis tuæ litteras per Theu-  
dericum religiosum Presbyterum  
tuum suscipientes, quoniam his te in ex-  
tremitate vitæ positum indicasti, mæror  
nos continuo ingens obtinuit. Sed pro-  
fessio tua, qua te in nullo à Sede Apo-  
stolica dissentire manifestas, quamque  
nobis à te minus, quam ab aliis speraba-  
mus offerendam, inter mæsticiam merito  
læticiam miscuit. Quoniam licet de ex-  
teriori homine, cum ipsius privamur  
fraterno solatio, doleamus: de interiori  
tamen, quem extinctum putabamus,  
nunc vero per gratiam Dei vivificatum  
audimus, incomparabiliter exultamus.  
Quamvis autem probabilem tua videatur  
habere excusatio rationem, teque inno-  
centem comprobetur ostendere: suffice-  
ret tamen, etiam si qua præteritorum  
noxa tenereris excessuum, satisfactio,  
quam in articulo mortis, sicut ipse fate-  
ris, positus, litteris datis Apostolatu  
nostro, ut decreveramus, ostendis.  
Cujus rei testis est latro, qui in cruce  
pendens, in ipso momento mortis jam  
jamque constitutus, confessus est: Et  
*hodie mecum (a) eris in paradiso*, à JESU  
audire promeruit. Et Propheta subita-  
neam gementis salutem demonstrans,  
*cum conversus, inquit, ingemueris, tunc  
salvus eris.* Verumtamen potense est Deus  
misericorditer operari, ut qui excusatio-  
nes tuas, & obedientiæ promissa susci-  
pientes, de immortalis vitæ tua per id fi-  
duciam sumpsimus, percipiamus etiam

in hoc temporali cursu, longævitate di-  
vinitus tibi concessa, unde & verbi Dei  
fructibus multipliciter perfruamur, ac  
per hoc in Domino gloriemur. Quid au-  
tem mirum, si Guntharius, dudum Ar-  
chi-Episcopus, Apostolicam floccipen-  
dere sententiam non metuit, qui divina  
præcepta toties parvipendisse convinci-  
tur? Claret vero, & cunctis manifeste  
datur intelligi, etiamsi nulla alia pravitas  
suar præcessissent indicia, qualis ante pœ-  
nam extitit, qui se post pœnam talem  
exhibuit: & quam debite percussione  
promeruit, qui etiam post, unde magis  
percuti debeat, minime admittere recu-  
savit. Eo igitur suadente nunc Aposto-  
licis institutis inobediens effectus est, quo  
nuper cœlestibus oraculis semper obvia-  
re repertus est: antiquo videlicet adversa-  
rio, qui *sicut leo rugiens*, juxta primum  
Apostolum, *circuit (b) querens, quem  
devoret*: Illud vero, quod dicitis, Regibus  
& Principibus vos esse subjectos, eo quod  
dicat Apostolus: *Sive (c) Regi tanquam  
præcellenti*, placet. Veruntamen videte,  
utrum Reges isti, & Principes, quibus  
vos subjectos esse dicitis, veraciter Re-  
ges, & Principes sint. Videte, si pri-  
mum se bene regunt, deinde subditum  
populum, nam qui sibi nequam est, cui  
alii bonus erit? Videte, si jure principan-  
tur: alioqui potius tyranni credendi sunt  
quam Reges habendi; quibus magis resi-  
stere, & ex adverso ascendere, quam  
subdi debemus. Alioquin si talibus sub-  
diti

(a) Luc. XXIII, 43.

(b) I. Petr. V, 8.

(c) I. Petr. II, 13.

diri & non prælati fuerimus nos, necesse est eorum vitiis faveamus. Ergo Regi quasi præcellenti, virtutibus scilicet, & non vitiis, subditi estote, sed sicut Apostolus ait: Propter Deum & non contra Deum. Superfluum autem iudico, quod in Conventu Episcoporum Capitula S. Leonis Papæ, ac Antiocheni Concilii quidam, ut asseris, legerint. Quoniam si sanctus vir Metropolitanus singularum Provinciarum Episcopos jus traditæ sibi antiquitus dignitatis intemeratum habere decrevit, privilegia tamen hujus sedis non abstulit, & huic divinitus jura concessa non minuit: quia sicut ipse scribit ad Anastasium Thessalonicensem, ac per eum ad omnes: "Inter (d) beatissimos Apostolos in similitudine honoris fuit quædam discretio potestatis: & cum omnium par esset electio, uni tamen datum est, ut cæteris præmimeret. De qua forma Episcoporum quoque est orta distinctio. Et magna ordinatione provisum est, ne omnes sibi omnia vindicarent, sed essent in singulis Provinciis singuli, quorum inter fratres haberetur prima sententia: & rursus quidam in majoribus urbibus constituti, sollicitudinem susceperent ampliorem, per quos ad unam Petri sedem universalis Ecclesiæ cura conflueret, & nihil usquam à suo capite dissideret." Itidem ipse alibi, ut de componendis atque compositis rebus sibi plena mittatur, præcipit. Rursus si fatetur Antiochenum Concilium: per singulas regiones convenit nosse, Metropolitanum Episcopum sollicitudinem totius Provinciæ gerere, quid præjudicat Sedi Apostolicæ sollicitudinem habenti, non solum unius Provinciæ, sed & totius Ecclesiæ? Cum idem Concilium magis Metropolitanus coerceat, refrænnet, & ar-

et, dum eos non ampliùs, quam suarum Provinciarum dicat sollicitudinem gerere. Quorum enim quis sollicitudinem gerit, & iudicium prætere necesse est, ut B. Papa Innocentius ad Alexandrum Antiochenum scribens: "Quorum (e) enim, inquit, te maxima expectat cura, præcipue tuum debent mereri iudicium." Ergo quia totius nos Ecclesiæ maxima cura præstolatur, nostrum præcipue de Ecclesia tota procul dubio iudicium promereri. Sed tandem ad propositum redeamus, & votis tuis, quantum possumus, Deo præstante, misericorditer annuamus. Itaque, si Theutgaudum, dudum Episcopum, sicut profiteris, in catalogo Episcoporum non recipis, quousque de eo humaniùs tractemus, & si Güntharium ministerium sibi vetitum usurpantem, non solum inter Episcopos non susceperis, sed nec ipsi, nec fautoribus ejus communicaveris, & Regi in scelere permanenti episcopaliter contradixeris, & secundum vires in nullo à constitutis & sententiis ab Apostolicæ Sedis Præsule prolatis deviaveris, sed de cetero pro fide Catholica, & correctione fidelium, ac pro conservandis Pontificis Sedis Apostolicæ privilegiis nobiscum senseris, nobiscum pro viribus decertaveris, fratres quoque & proximos tuos nobiscum sapere hortatus fueris, Deus omnipotens, intercessione Apostolorum Principum Petri ac Pauli, vincula omnium peccatorum absolvat. Et quicquid humanitus, quod in oculis Majestatis ejus displicuit, egisti, tibi miseratus indulgeat, & benedictionis suæ gratia replens ad beatitudinem visionis suæ perducatur.

*Apud Binium Tomo III. part. I.*

*Apud Sirmondum XLII. inter Epistolas Papæ Nicolai. Tomo III. Concil. Gallie.*

(d) Leo Epist. LXXXVIII.

(e) Innoc. Epist. XX.

## NICOLAUS EPISCOPUS SERVUS SERVORUM DEI,

REVERENDISSIMIS AC SANCTISSIMIS HINCMARO, ET CÆTERIS  
FRATRIBUS NOSTRIS ARCHI-EPISCOPIS ET EPISCOPIS IN REGNO  
CAROLI GLORIOSI REGIS ECCLESIAS CONSTITUTAS  
REGENTIBUS. (a)

*Pro Synodo Wormatiensi anno 868.*

Omnium nos portare onera, qui gravantur, immo hæc in nobis administratio suæ protegit, & tuetur hære.

*Tomus II. Concil. German.*

Q q



hæredes, fraternitas vestra liquido novit. Verumtamen inter alia, quæ nos immensis laboribus inferunt, illa nos precipue commovere videntur, quæ nobis immo universæ occidenti parti à Græcorum Imperatoribus, Michaële & Basilio, & ab iis, qui sibi parent, nequiter ingeruntur. Hi enim odio & invidia contra nos inflammati, quæ inferius annotabimus, nobis quasi crimina hæreseos impingere moliantur. Odio quidem, quia Photii adulteri & Invasoris Ecclesiæ Constantinopolitanæ atque Neophyti à depositis & anathematizatis factam promotionem non approbaverimus: fratris scilicet & coministri Ignatii ejusdem Ecclesiæ Patriarchæ dejectionem, utpote à subiectis, & ab Imperiali potentia factam nullo suscipientes assensu: invidia vero, quia Regem Bulgarorum Michaëlem nomine cum gente sua, Christi fide suscepta, à Sede S. Petri institutores & doctrinam expetiisse audierunt. Volentes quippe & nimium anhelantes eosdem Bulgaros à B. Petri subjectione subducere, suoque imperio sub prætextu Christianæ Religionis callide subjugare, talia de Sancta Romana Ecclesia non habente maculam neque rugam, aut aliquid hujusmodi, prædicant, quatenus illi adhuc in fide rudes hæc audientes, nos quasi noxios, & diversarum hæreseon squalore resperfos vitent, declinent, atque penitus deserant. &c. (b)

Accipientibus itaque nobis Epistolam (Michaëlis & Basilii Impp. Constantinopolitanorum per Regem Bulgarorum Romam missam) & perscrutantibus eandem cum aliis scriptis Epistolam, non hanc sæpe memorati Principes dictantes, nisi in lacu blasphemiarum tinxisse calamum, & luto erroris usi pro atramento fuisse procul dubio potuere.

Conantur enim tam nostram specialiter, quam omnem generaliter, quæ lingua latina utitur, Ecclesiam reprehendere. 1. Quod jejunamus in sabbato. 2. Quod (c) Spiritum Sanctum ex Patre Filioque procedere dicimus. 3. Dicunt

præterea nos abominari nuptias, quia Presbyteros sortiri conjuges prohibemus. 4. Et insimulare tentant, quoniam eosdem Presbyteros chrismate linire baptizatorum frontes prohibemus. 5. Quod Chrisma nos ex aqua fluminis conficere fallaciter arbitrantur. 6. Reprehendere nihilominus moliantur, quod octo hebdomadibus ante Pascha à carnium, & septem hebdomadibus à casei & ovorum esu more suo non cessamus. Mentiantur quoque nos, sicuti per alia ipsorum scripta indicatur, agnum in Pascha more Judæorum super altare cum Dominico corpore benedicere & offerre. Quia & reprehendere fatagunt, quod penes nos clerici barbas suas radere non abnuunt: & quia Diaconus non sumpto presbyteratus officio, apud nos Episcopus ordinatur. Cum ipsi etiam illum, quem Patriarcham suum nominant, à laico tonsuratum ac monachum factum saltu ad Episcopatus apicem imperiali favore & brachio provehere, ut ipsi putant, minimè formidarent.

Et adhuc, quod est gravius, à Missis nostris contra omnem regulam, & præter omnem consuetudinem libellum fidei, si se ab illis recipi vellent, exigere moliebantur; in quo tam ista Capitula, quam ea tenentes anathematizarent. Nec non & Epistolas canonicas ab eo, quem suum Oecumenicum Patriarcham appellant, dandas improbe requirebant.

His igitur, explosis cæteris curis, vos fratres summopere convenit defudare: & quia communia sunt hæc opprobria, quæ universali Ecclesiæ in ea duntaxat parte, quæ latina uti dignoscitur lingua sicut prætulimus, ingeruntur: communiter omnes, qui divino Sacerdotio illustrati videmini, decertare debetis, quo paternæ traditiones tantæ derogationi non pateant: sed quæ pravi quique consuetæ contemptione tam mentientes, quam errantes maculare gestiunt; manu communi defensionis ab omni nævo blasphemiarum funditus eruantur.

Ridiculum est enim & satis abominabile

(a) Hæc Pontificia Epistola hoc anno Hincmaro, & cæteris Archi-Episcopis & Episcopis scripta fuit, ut se ad calumnias Græcorum confutandas accingerent.

(b) Hic Papa inserit compendium Actorum & Legationum pro damnatione Photii, & evectione S. Ignatii Patriarchæ, quæ ad nos non spectant.

(c) Sic legit Frodoardus L. III. Histor. Ecclesiæ Remensis C. XVII. Baronius ad h. annum N. XLIX. *Quod Spiritum S. non ex Patre procedere fateamur.* Quam variam lætitiæ jam Binius adnotaverat.

nabile dedecus, ut temporibus nostris, vel falsò inſimulari Sanctam Dei Eccleſiam permittamus, vel eas traditiones, quas antiquitus à Patribus noſtris ſuſcepimus, pro libitu ſemper errantium inſringi patiamur.

Quapropter neceſſe eſt, ut eorum conatibus reſiſtamus, & falſis illorum jaculis veritatis clipeum opponamus. Quod Nos quidem opitulante ſuperna potentia, prout valemus, agere non omittemus. Nec cum opportunitas cælitus datur, contra illos pro Eccleſia Chriſti tacebimus. Sed magnopere convenit, ut & veſtra quoque fraternitas morem ſequuta MAJORUM concertans nobiſcum, & unanimiter collaborans in talibus inveniatur. Siquidem (niſi mente receſſit) nunquam Heſperia regiones, ut de aliis mundi plagis interim taceamus, à ſede B. Petri in huiusmodi quæſtionibus diſſonantes inventæ ſunt. Unde unusquique veſtrum, qui Metropolitana jura fortitus eſt, junctis ſibi Fratribus & Coepiſcopis ſuis, qui ſub ſe ſunt, de his di-

ligentem curam ſuſcipiat, & quid invidis eorum detractationibus opponi neceſſe ſit rimari ſtudeat, & invenire ſummo-pere geſtiat, atque inventum nobis ocypus transmittere minime parvipendat....

Tua (d) vero frater HINCMARE pietas, cum hanc Epiſtolam legerit, maxime curet, ut ad alios Archi-Epiſcopos, qui in regno filii noſtri Karoli glorioſi Regis conſiſtunt deferatur, ac id ſummo-pere agere ſtudeat, ut & de his ſingulis in Diceceſibus una cum Suffraganeis ſuis, in cujuſcunq; regno ſint conſtituti, convenienter tractare, & nobis, quæ repperint, ſuggerere curent, eos incitare non negligat: ita ut eorum omnium, quæ præſentis Epiſtolæ circumſtancia continet, tu & ſtrenuus executor illis exiſtas, & apud nos verax & prudens ſcriptorum tuorum ſerie relator inveniaris . . . . Datum decimo Kalendas Novembris, Indiſtione prima.

*Binus Ep. LXX. Tom. III. Concil. p. 1.  
Sirmondus, edit. Regia, Labbé, Baronius ad hunc annum.*

Fuit igitur hujus Epiſtolæ exemplum, communicatum Ludovico Germaniæ Regi, aut Archi-Epiſcopis Moguntino &c. occaſio prima cogendi Concilii Wormatiensis, & in eo inſtaurandæ profeſſionis Fidei. Ex illis, qui à Conciliis vel Epiſcopis invitati ſcripſere hoc ſæculo contra errores Græcorum, in Eccleſia Occidentali, fuere Aeneas Epiſcopus Pariſinus editus à D'acherio Specilegii Tomo I. novæ editionis. Ratramnus ſeu Bertramus, Monachus Corbeia Gallicæ, editus ab eodem D'acherio eodem Tomo I. Odo, Bellovacenſis Epiſcopus. Dein Patres Concilii Wormatiensis, qui ad præcipuum caput erroris Græcorum conſutandum, Eccleſiarum Germaniæ Catholicam confeſſionem ediderunt, cæteros vero errores non cenſuerunt conſutandos.

(d) Hic omittimus ea, quæ Germaniam non concernunt.

## CONCILIIUM WORMATIENSE.

Anno Chriſti DCCCLXVIII. Hadriani II. PP. II.  
Ludovici Germanici Regis XXVIII.  
XVII. Kalendas Junii. Indiſt. I.

### S U M M A R I U M.

- §. I. *Profeſſio Fidei.*
- §. II. *Canones LXXX. circa diſciplinam & pœnitentiam.*
- §. III. *Confirmatio Monasterii Heriſienſis ad inſtantiam Epiſcopi Paderbornenſis.*



## TITULI CANONUM.

- I. Quibus temporibus debeat Sacramentum Baptismi exhiberi.
- II. Ut præter Episcopum nullus Chrisma conficiat.
- III. De consecranda Ecclesia.
- IV. Quid in Sacrificio offerri debeat.
- V. De Baptismi Sacramento.
- VI. Ut Ecclesia cum rebus suis ad Episcopi ordinationem pertineat.
- VII. De oblationibus fidelium, seu de redditu Ecclesiæ, quot portiones fieri debeant.
- VIII. De his, quæ prohibentur presbyteris in Ecclesiasticis Sacramentis.
- IX. De Episcopis, cæterisque Sacris Ministris ut ab uxoribus abstineant.
- X. De inculpatis, qualiter expurgari debeant.
- XI. De Sacerdotibus in fornicationem lapsis.
- XII. De Sacerdotibus, quibus crimen fornicationis impingitur.
- XIII. Ut Episcopus pro levibus & parvis causis neminem excommunicet.
- XIV. De Clericis, si excommunicati pro levibus causis, aut innocentes fuerint.
- XV. Si in Monasteriis aliquid furatum fuerit, qualiter ipsi fratres se inde expurgare debeant.
- XVI. Ut nulli Episcopo liceat à Synodo vel ante peractam Synodum discedere.
- XVII. Ut Episcopi, Presbyteri, Diaconi, canes ad venandum, & accipitres habere non debeant.
- XVIII. De Clericis, qui sine Epistola sui Episcopi proficiscuntur.
- XIX. De vagis & inobedientibus Clericis.
- XX. De feminis sacro velamine consecratis.
- XXI. De viduis, quæ sacrum velamen capiti imposuerunt.
- XXII. De parvulis à parentibus intra septa Monasterii traditis.
- XXIII. De professione monachorum.
- XXIV. Ut nullus secularium Ecclesiam aut Clericum fatigare [a] præsumat.
- XXV. Sub quam cauta consideratione erga penitentes sacerdotes existat.
- XXVI. De his, qui Sacerdotem sponte occidunt.
- XXVII. De eo, qui meditatione odii, vel propter avaritiam paganum occiderit.
- XXVIII. De eo, qui insaniens aliquem occiderit.
- XXIX. De eo, qui arborem incidit, & dum operi necessario insistit, aliquis subtus ipsam arborem deveniens opprimitur.
- XXX. De patricidis & fratricidis.
- XXXI. De leprosis fidelibus, si participationem Dominici corporis & sanguinis percipere debeant.
- XXXII. In quota generatione sibi fideles copulantur.
- XXXIII. De his, qui cum duabus sororibus fuerint fornicati, vel cum his personis, de quibus sacra scriptura prohibet.
- XXXIV. De eo, qui cum conjugate Spirituali, vel cum ea, quam de sacro fonte Baptismatis susceperit, aut cum illa, quam ante Episcopum tenuerit, cum Sacro Chrismate fuerit uncta, fornicationem perpetraverit.
- XXXV. De mulieribus, quæ conceptos utero infantes voluntate excutiant, vel quæ dormiendo filios suffocare volunt.
- XXXVI. De eo, qui viduam in matrimonium susceperit, & cum filia ipsius, quam ex priori marito habuit, concubuerit: vel quæ patri filioque se subsermunt, seu de his, qui cum duabus sororibus concubuerint.
- XXXVII. Qui pro diversis erratibus penitentiam subierint, si à propriis uxoribus separari debeant.
- XXXVIII. De his, qui servos suos iudicibus non iudicantibus neant.
- XXXIX. De Domina, quæ xeli causa ancillam suam occiderit.
- XL. Si Episcopus servum alterius clericum fecerit.
- XLI. De his, qui odio ad pacem non revertuntur.
- XLII. Ne sine legitima accusatione condemnentur quispiam.
- XLIII. De refugis ac perfidis Laicis.
- XLIV. De adulteris.
- XLV. Ut curam rerum Ecclesiasticarum tantum Episcopus habeat.
- XLVI. De eadem re ex Concilio Antiocheno.
- XLVII. Bona Ecclesiæ, quot partibus dividenda, ex decretali Papæ Gelasii, capite XXIX. primæ decretalis.
- XLVIII. Ut absque præceptione novæ Basilicæ non dedicentur.
- XLIX. De constituendis Presbyteris.
- L. De mansis uniuscujusque Ecclesiæ.
- LI. De Presbyteris uniuscujusque Ecclesiæ.

(a) facere habet codex MS. Colon.

- LII. De villis, novis Ecclesiis in eis noviter constitutis.
- LIII. De Ecclesiis destructis: vel de donis & decimis.
- LIV. De Ecclesiarum honore.
- LV. Ut Ecclesia cum rebus suis ad Episcopi ordinationem pertineat.
- LVI. De ordinatione Presbyterorum.
- LVII. ....
- LVIII. De honore pro Ecclesiis dando.
- LIX. De decimis dispensandis.
- LX. De petendo Cbrismate.
- LXI. De non quærendo Clericis Judicio seculari, ex Carthaginensi Concilio.
- LXII. De Episcopis aut Presbyteris vagis in Parochia aliena non admittendis, ex Concilio Carthaginensi.
- LXIII. De concubitu vago & incestuoso, ex Concilio Carthaginensi.
- LXIV. De carne à bestiis lesa, aut per se mortua non edenda. Item de apibus hominem necantibus, necandis ex Concilio Carthaginensi.
- LXV. Animalia, quæ, quibus comedi, quomodo licita ex Concilio Carthaginensi.
- LXVI. Si quis Presbyter contra Episcopum suum inflatus schisma fecerit, anathema sit.
- LXVII. Ut nullus Episcopus, Presbyter, & Diaconus conductor sit.
- LXVIII. Lectoribus necessario vel uxores ducende, vel continentia profitenda.
- LXIX. De fenore Clericis inibito.
- LXX. De infantibus baptizandis, quoties dubitantur, utrum fuerint baptizati.
- LXXI. De Clericis, qui intra annum causam non procurant.
- LXXII. De Epistola Sancti Jacobi Apostoli, in qua pro infirmis præcipit orare.
- LXXIII. De Diaconissis mulieribus, ex Concilio Calcedonensi, cap. XV.
- LXXIV. De conjuratione vel conspiratione ex eodem Cap. XVII.
- LXXV. Quod non liceat Clericis post mortem Episcopi sui, res ad eum pertinentes diripere, ex eodem cap. XXII.
- LXXVI. Quod non oporteat ordinationes Episcoporum diu differre, ex eodem Cap. XXIV.
- LXXVII. De his, qui rapiunt puellas, Cap. XXVI.
- LXXVIII. Quota generatione conjugia copulari debeant.
- LXXIX. De honore pro Ecclesiis.
- LXXX. De his, qui suspenduntur in patibulis. [b]

## P R Æ F A T I O.

**D**Um studio amoris Christi, ac jussione Excellentissimi, gloriosique Domini Ludovici Regis, cujus tanta erga Deum devotio existat, ut non solum in rebus humanis, verum etiam causis divinis maximam semper sollicitudinem gerat, apud Wormaticam civitatem, anno ab incarnatione Domini nostri Jesu Christi DCCCCLXVIII. Indictione prima, XVII. Kalendas Junii convenissemus ut de quibusdam Ecclesiasticis utilitatibus communis à nobis tractatus ageretur: primum gratias Salvatori nostro Deo omnipotenti retulimus, quos nos ob

suam immensam pietatem salubri conventu ad tractanda Ecclesiastica negotia dignatus est aggregare, postea communi tractatu ac diligenti consideratione, priorum Patrum auctoritatem secuti, Capitula in subsequentiis attitulata, à nobis promulganda esse necessarium duximus. Et quoniam generale Concilium egimus, oportuit primum nostræ vocis sermonem de eo esse, ut post professionem fidei nostræ, sequentia nostri operis vota quasi supra fundamentum firmissimum disponerentur.

*Professio Episcoporum apud Wormatiensem (c) civitatem, XVII. Kalendarum Junii in Synodali Conventu consistentium.*

**C**onfitemur & credimus Sanctam atque ineffabilem Trinitatem, Patrem, & Filium, & Spiritum Sanctum, unum Deum naturaliter esse, unus

Q. 9 3

(b) Codex MS. Metropolitane Colonienensis habet præter Fidei Professionem duntaxat XLIV. Capitula: dein ordine diversissimo recensita.

(c) Nicolaus Pontifex Romanus Episcopis Germaniæ duas destinavit Epistolas, unam quidem de factionibus Græcorum, alteram vero de Theurgaudi & Guntharii Episcoporum depositione. .... Synodus apud Wormatiam mensē Maji habita est præ-



us naturæ, unius Majestatis atque virtutis. Et patrem quidem non genitum, non factum, sed ingentum profiteamur. Fons ergo & origo ipse est totius Trinitatis. Pater namque ineffabili substantia Filium genuit, (d) Deus Deum, lux lucem. Filium quoque de substantia Patris sine initio ante sæcula natum, nec tamen factum, fatemur. Igitur non sicut Filius à Patre, ita Pater à Filio est, quia non Pater à Filio, sed Filius à Patre generationem accepit. Filius ergo Deus de Patre, Pater autem Deus, sed non de Filio. Si enim Pater semper fuit, semper habuit Filium, cui Pater esset: & ob hoc Filium de Patre natum sine initio confitemur. Spiritum enim Sanctum, qui est tertia in Trinitate persona, unum atque æqualem cum Deo Patre, & Filio credimus esse Deum, unius substantiæ, unius quoque naturæ: Nec tamen genitum vel creatum, sed à Patre Filioque procedentem, amborum esse Spiritum. Nec enim procedit de Patre in Filium, nec de Filio tantum procedit ad sanctificandam creaturam, sed ab utrisque procedere monstratur, quia caritas sive Sanctitas amborum esse agnoscitur. Et nec Patris tantum, nec Filii tantum, sed simul Patris & Filii Spiritus dicitur. In relativis vero personarum nominibus, Pater ad Filium, Filius ad Patrem, Spiritus Sanctus ad utrosque refertur. Quæ cum relative tres personæ dicantur, una tamen natura vel substantia creditur: nec sicut tres personas, ita tres substantias prædicamus, sed unam substantiam, tres autem personas. Quod enim Pater est, non ad se, sed ad Filium; & quod Filius est, non ad se, sed ad Patrem est. Similiter Spiritus Sanctus non ad se, sed ad Patrem & Filium relative refertur in eo; quod Spiritus Patris & Filii prædicatur. In hac ergo Sancta Trinitate tres personas, unum Deum confitemur. Ergo non ipsum, qui est Pater, dicimus esse Filium, vel Spiritum Sanctum: nec ipsum Filium Patrem, aut Spiritum Sanctum Patrem fatemur, nec Spiritum Sanctum Patrem

vel Filium dicere valemus: sed quod Pater est, hoc esse Filium, hoc esse & Spiritum Sanctum sine ulla ambiguitate pronuntiamus: Personas enim distinguimus, non naturam Deitatis separamus. Tres ergo illas unius, atque inseparabilis naturæ personas, sicut non confundimus, ita separabiles nullatenus prædicamus: cum nulla ante aliam, nulla post aliam, nulla sine alia vel existisse, vel quidpiam operasse aliquando creditur. Inseparabiles ergo inveniuntur, & in eo, quod sunt, & in eo, quod faciunt. Habet enim Pater æternitatem sine nativitate, Filius æternitatem cum nativitate, Spiritus vero Sanctus æternitatem processionalis à Patre & à Filio sine nativitate. De his vero tribus personis sola Filii persona hominem verum sine peccato, pro liberatione humani generis, ex Maria Virgine novo ordine, novaque nativitate assumpsit. Novo ordine, quia invisibilis divinitate, visibilis monstratur in carne. Nova autem nativitate est genitus, quia incorrupta virginitas, & virilem coitum nescivit: & fecunda per Spiritum Sanctum, carnis materiam (e) ministravit. Dei enim Filius, non personam hominis accepit, sed naturam. Naturam quippe nostram in unitatem suæ personæ assumpsit: & idcirco Filius Dei, & Filius hominis unus est Christus. In eo namque quod Filius est Dei, æqualis est Patri: & in eo, quod Filius est hominis, minor est Patre. Qui etiam, ex quo homo est, pro delictis nostris passionem sustinuit: mortique addictus & cruci, veram carnis mortem accepit. Tertiâ quoque die virtute propria suscitatus, de sepulchro surrexit. Hoc ergo exemplo capitis nostri, in hac carne, qua nunc sumus & movemur, resurrecturos nos credimus. Idem autem Dominus & Salvator noster peracto resurrectionis suæ triumpho paternam sedem repetiit, à qua per divinitatem numquam discessit. Inde in fine sæculorum venturus iudicabit vivos & mortuos, reddetque singulis, prout quisque gessit in corpore, sive bonum, sive

sente Hludovico Rege, ubi Episcopi nonnulla Capitula de utilitate Ecclesiastica conscribentes, Græcorum ineptiis congrua ediderunt responsa. *Annales Pitboeani seu Fuldenses ad h. a.* Responsa sunt hæc ipsa Professio Fidei, quæ loquitur saltem contra præcipuum errorem Græcorum, nempe de processione Spiritus S. à solo Patre.

(d) nec tamen aliud, quàm quod ipse est, genuit. addit Cod. Metr.

(e) ministravit. Cod. Metr.

sive malum. Ecclesiam Catholicam pretio sui sanguinis redemptam, cum eo credimus in perpetuum regnaturam. Credimus & confitemur unum baptisma in remissionem omnium peccatorum.

Hanc ergo fidem professionis nostræ in violatam nos retinere, & ab ea nunquam deviare promittimus: hancque, qui salvus esse cupit, sine ulla ambiguitate retinere studeat.

## C A N O N E S.

### I.

**S**acrofancti autem Baptismi Sacramentum nonnisi in Paschali festivitate, & Pentecoste unusquisque fidelium noverit esse præbendum: exceptis his, quibus mortis urgente periculo, ne in æternum pereant, talibus oportet remediis subveniri.

### II.

Chrisma conficere nullus præter Episcopum præsumat: nam illi soli hæc dignitas concessa est.

### III.

Placuit, quoties ab aliquo fidelium ad consecrandas Ecclesias Episcopus invitatur, non quasi ex debito munus aliquod à fundatore requirat; sed si ipse quidem aliquid ex suo voto obrulerit, non respuatur. Attamen unusquisque Episcopus meminerit, ut non prius deducet Ecclesiam, nisi antea dotem Basilicæ, & obsequium ipsius per donationem chartulæ confirmatum accipiat. Nam non levis est ista temeritas, si sine luminaribus, vel sine substantiali sustentatione eorum, qui ibidem servituri sunt, tamquam domus privata consecratur Ecclesia.

### IV.

Cum igitur Magister veritatis verum salutis nostræ sacrificium suis commendaret discipulis, panem tantum, & calicem sub hoc Sacramento præbuisse cognoscimus. Ideoque præter panem, & vinum cum aqua mixtum aliud offerri non debet; Calix enim Dominicus aqua, & vino permixtus debet offerri. Quia videmus in aqua populum intelligi, in vino vero ostendi sanguinem Christi. Ergo quando in calice aqua vinum miscetur, Christo populus adunatur, & credentium plebs ei, in quem credidit, copulatur & jungitur. Quæ copulatio & conjunctio aquæ, & vini sic miscetur in calice Domini, ut commixtio illa non possit separari. Nam si

vinum tantum quis offerat, sanguis Christi incipit esse sine nobis: si vero aqua sit sola, plebs incipit esse sine Christo. Non enim potest calix Domini esse aqua sola, aut vinum solum, nisi utrumque sibi misceatur.

### V.

Dum quidam Sacerdotes in quibusdam partibus terræ trinam, quidam simplicem mersionem faciunt, à nonnullis schisma esse conspicitur, & unitas fidei scindi videtur. Nam dum partes diversæ, & quasi contrario modo agant, alii alios non baptizatos esse contendunt. Proinde quid à nobis in Sacramenti diversitate finiendum sit, Apostolicæ sedis informemur præceptis, non nostram sed paternam institutionem sequentes. Beatæ igitur memoriæ Gregorius Romanæ Ecclesiæ Pontifex, efflagitante Sanctissimo Leandro Episcopo, de hac diversitate, quid potius esset sequendum, inter cætera rescribens ei, sic ait: "De trina vero mersione baptismatis nihil responderi verius potest, quam ipsi sensistis: quia in una fide non officit Sanctæ Ecclesiæ consuetudo diversa. Nos autem quod tertio mergimus, triduanæ sepulturæ Sacramenta signamus: ut, dum tertio ab aquis infans educitur, resurrectio tridui temporis exprimitur. Quod si quis forte etiam pro veneratione summæ Trinitatis æstimet fieri, neque ad hoc aliquid obstat, baptizandum semel in aquis mergere: quia dum in tribus subsistentiis una substantia est, reprehensibile esse nullatenus poterit infantem in baptismate vel ter, vel semel mergere: quando & in tribus mersionibus, personarum Trinitas, & in una potest divinitatis singularitas designari. Quod si nunc usque ab hæreticis infans in baptismate tertio mergebatur, finiendum apud vos esse non censeo, ne dum mersiones numerant, Divinitatem dividant: dumque quod faciebant, faciunt, mo-



" rem vestrum se vicisse glorientur. Quapropter quia de utroque Sacramento, quod fit in Sancto Baptismo, à tanto viro reddita est ratio, utrumque (f) ratum, utrumque irreprehensibile in Sancta Dei Ecclesia habeatur. Et ne forte cuiquam sit dubium hujus simplex mysterium Sacramenti, videat in eo mortem & resurrectionem Christi significari. Nam in aquis merfio, quasi in infernum descensio est: & rursum ab aquis emerfio, resurrectio est. Item videat in eo unitatem divinitatis, & Trinitatem personarum ostendi: unitatem, dum semel mergimus: Trinitatem, dum in nomine Patris, & Filii, & Spiritus Sancti baptizamus. Panditur hujus singularis baptismatis mysterium etiam Sacrarum Scripturarum exemplis, Paulo Apostolo attestante: *Nolo (g) vos ignorare, fratres, quoniam Patres nostri omnes sub nube fuerunt, & omnes mare transierunt, & omnes in Mose baptizati sunt in nube & mari.* Mare quippe rubrum significat baptismum, Christi sanguine consecratum, per quod populus Dei semel transit. Ibi tamen erat tota Trinitas, præcedens populum in columna ignis & nubis. In igne quippe significatur Pater, in columna Filius, in nube Spiritus Sanctus. Jordanis quippe fluens cum arca populus Dei semel transit, per quod significatur simpla merfio baptismatis, cujus Sacramento Ecclesia abluitur, & de sæculi hujus laboribus per baptismum, quasi per Jordanem, ad terram cælestis repositionis ingreditur.

## VI.

Multi contra canonum constituta Ecclesias, quas ædificaverint, & ab Episcopo postulaverint consecrari, doctem quam eidem Ecclesiæ contulerint, ad Episcopi ordinationem putant non pertinere. Quod factum & in præterito displicet, & in futuro prohibetur. Ergo omnia secundum constitutionem antiquam Jura Ecclesiarum ad Episcopi ordinationem, & potestatem pertineant.

## VII.

De redditu vero Ecclesiæ, & de oblatione fidelium, quatuor fiant por-

(f) Erat ergo Sæculo nono & una & triplex merfio utralibet licita & usurpata in diversis Ecclesiis.

(g) I. Cor. X.

(b) Gratianus causa II. qu. IV. C. Si Episcopo.

tiones: quarum unam sibi retineat Episcopus, alteram Clericis pro officiorum suorum sedulitate distribuat, tertiam pauperibus & peregrinis, quartam Ecclesiasticis Fabricis noverit reservandam.

## VIII.

Igitur Presbyteris, quamvis cum Episcopis plurima mysteriorum communis sit dispensatio; quædam tamen auctoritate veteris legis, quædam novellis & Ecclesiasticis regulis sibi prohibita noverint. Consecratio ergo virginum, & benedictio vel unctio Altaris à Presbyteris minime fiat. Similiter non liceat eis Ecclesias consecrare, nec per impositionem manus paracletum Spiritum tradere, nec Christina conficere, nec Christmate baptizatorum frontem signare, sed nec publice quidem in Missa quemquam penitentium reconciliare. Hæc enim omnia illicita esse Presbyteris cognoscuntur, quia Pontificatus apicem non habent: quæ tamen omnia Episcopis auctoritate canonum conceduntur.

## IX.

Si Episcopo (b) aut Presbytero causa criminalis, hoc est, homicidium, adulterium, furtum, & maleficium imputatum fuerit, in singulis Missam celebrare, & secretam publice dicere, & communicare debet, & de singulis sibi imputatis innocentem reddere. Quod si non fecerit, quinquennio à liminibus Ecclesiæ extraneus habeatur, sicut antiqui canones instituerunt.

## XI.

Sacerdotes igitur, si in fornicationis laqueum ceciderint, & criminis manifestus sive ostensus fuerit actus, Sacerdotii non possunt habere honorem, secundum Canonicæ institutionis auctoritatem.

## XII.

Sacerdotes, qui in crimine fornicationis fuerint accusati, & crimen illis non fuerit comprobatum, aut ipsi non manifestaverint, quid aliud agendum est, nisi quod in nono Cæsarensis Sancti Concilii capitulo legitur ac demonstratur?

stratur? Tamen si ipsi juramento se voluerint purificare, licentiam habeant. Similiter & Diaconi, si fuerint accusati, peragent.

## XIII.

Ut nullus Sacerdotum quemquam rectæ fidei hominem pro parvis levibus causis à communione suspendat, præter eas culpas, pro quibus antiqui patres arceri jusserunt aliquod committentes.

## XIV.

Episcopi vero, si sacerdotali moderatione postposita innocentes, aut in minimis causis culpabiles excommunicare præsumpserint, & ad gratiam festinantes recipere fortassis noluerint, à vicinis Episcopis cujuslibet provincie communio illis usque ad tempus Synodi non negetur.

## XV.

Sæpe contingit, ut in Monasteriis furta (i) perpetrentur, & qui hæc committunt, ignorentur. Idcirco statutum, ut quando ipsi fratres de talibus se expurgare debeant, Missa ab Abbate celebretur, vel ab aliquo, cui ipse Abbas præceperit, præsentibus fratribus: & sic in ultima Missæ celebratione, pro expurgatione sua corpus & sanguinem Domini nostri Jesu Christi percipiant, quatenus ita inde innocentes se esse ostendant.

## XVI.

Si quis autem Episcoporum Synodo neglexerit adesse, aut cœtum fratrum, antequam Concilium dissolvatur, (k) reddiderit deferendum, alienatum se à fratrum communione cognoscat; nec eum recipi liceat; nisi in sequenti synodo fuerit absolutus.

## XVII.

Episcopis, Presbyteris, atque Diaconibus, canes ad venandum, & accipitres non liceat habere. Quodsi quis harum personarum hac fuerit voluptate detentus, Episcopus tribus mensibus, se à communione suspendat, Presbyter

R r

duobus mensibus, Diaconus uno mense ab omni officio & communione abstineat.

## XVIII.

Presbytero, aut Diacono, vel Clerico, sine antistitis sui Epistola ambulandi communionem in officio suo celebrando nullus impendat.

## XIX.

Placuit etiam, ut (l) sive in ministerio Diaconii, vel Presbyterii officio aliquis constitutus existat, si Episcopi, à quo ordinatus est, præceptis non obedierit, ut in delegata sibi Ecclesia officium dependat assiduum, quousque in vitio permanferit, & communione & honore privetur.

## XX.

Fœminæ scilicet, quæ sacro velamine sunt consecratæ, si fuerint (quod nolumus) fornicatæ, velamen deponere non præsumant: sed penitentia jugo summissæ summopere decertare festinent, ut ad indulgentiæ & remissionis valeant gratiam pervenire.

## XXI.

Vidua quidem, quæ sacrum capiti velamen imposuerit, & inter cæteras velatas feminas in Ecclesia oraverit, & oblationem cum illis obtulerit: si professæ est in eodem habitu permanere, spondens nunquam religionis deponere velamen, à religionis observantia discedere non præsumat. Quod si præsumpserit, & ad id, quod spondederat, revocari non potest, à liminibus Sanctæ Ecclesiæ segregetur, donec ad emendationis remedium confugiat.

## XXII.

Si Pater, (m) vel Mater, filium, filiamque inter septa Monasterii in infantia annis sub regulari tradiderint disciplina, non liceat eis, postquam ad pubertatis devenerint annos, egredi & matrimonio copulari. Hoc ergo omnino devitandum est: quia nefas est, ut oblati à parentibus Deo filiis voluptatis frena laxen-

(i) Gratianus II. 2. quæst. 5. S. Thomas jam Sæculo XIII. hunc disciplinæ ritum abolitum scribit III. Part. quæst. 80. art. 6. ad 3. Bellarminus Lib. II. de Conciliis Cap. VIII.

(k) forte, crediderit.

(l) alias: si in ministerio.

(m) Vide Synodi Tridentini Sess. 25. Cap. 17. & 18.



laxentur. Igitur (ut prædiximus) non liceat eis susceptum habitum unquam deferere: sed convicti, quod confuram, aut religiosam vestem aliquando habuerint, in religionis cultu velint, nolint, permanere cogantur.

## XXIII.

Monachum ergo aut paterna devotio, aut propria professio facit. Quidquid horum fuerit alligatum tenebit. Proinde huic ad mundum reverti intercludimus aditum, & omnes ad sæculum interdiximus regressus.

## XXIV.

Si quis vero sæcularium per calumniam Ecclesiam aut clericum fatigare tentaverit, & (n) victus fuerit, ab Ecclesiæ liminibus, & à Catholicorum communione nisi digne penituerit, arceatur.

## XXV.

Pœnitentibus secundum differentiam peccatorum, Sacerdotis arbitrio pœnitentiæ decernuntur. Debet itaque Sacerdos in pœnitentia danda singulorum causas singulatim considerare, originem quoque modumq; culpæ, & affectus gemitusque delinquentium diligenter examinare, manifesteque cognoscere: temporum etiam & personarum, locorum quoque, & ætatum qualitates inspicere, ut etiam pro consideratione locorum, ætatum vel temporum, seu pro qualitate delictorum atque gemituum uniuscujusque delinquentis, à Sacris regulis oculos non reflectat.

## XXVI.

Qui Sacerdotem morti voluntate tradiderit, carnem non comedat, nec vinum bibere præsumat: jejuset autem, usque ad vespæram, exceptis festis diebus, atque Dominicis. Arma non sumat, & ubicunque ire voluerit, nullo vehiculo deducatur, sed propriis pedibus proficiscatur. Ecclesiam per quinquennii tempus non ingrediatur, sed cum Sacrarum orationum officia, aut Missarum solemnia celebrantur, ante fores basilicæ perseveret, orans ac deprecans Deum, ut tanto crimine ablueatur. Post expletum vero quinquennii

tempus Ecclesiam ingrediatur, nondum vero communicet, sed inter audientes tantummodo stet, vel cum facultas conceditur, sedeat; Et cum decimi anni cursus fuerit finitus, communicandi ei licentia concedatur, & equitandi tribuatur medela: maneat autem in reliquis observationibus, & tres dies per hebdomadam jejuset, ut perfectius ad culmen purificationis pervenire mereatur.

## XXVII.

Qui odii meditatione, vel propter avaritiam paganum occiderit, quia non levi vitio committitur, ut homicidam convenit pœnitere: quandoquidem nec exteris gentibus, nisi oblatam pacem respuerint, bellum (o) est populo antiquo penitus inferre præceptum.

## XXVIII.

Si quis insaniens aliquem occiderit, si ad sanam mentem pervenerit, levior ei pœnitentia imponenda est, quam ei, qui sana mente tale quid commiserit. Cui quamvis pœnitentia sit imponenda, quia ipsa infirmitas causæ peccati, licet fortassis occulta, contigisse creditur; (p) tantum tamen levior, quàm ei, qui sanus aliquem occiderit, quantum inter sanum & insanum, irrationabile, & rationabile, constat esse discriminis.

## XXIX.

Sæpe (q) contingit, ut dum quis operi necessario insistentem arborem incidat, aliquis subitus ipsam veniens deprimatur: & idcirco si voluntate vel negligentia incidentis arborem factum est, ut homicida pœnitentiæ debet omnino submitti. Quod si non voto, non incuria illius, non denique scientia contigit, sed dum ille operi necessario fortassis incumberet, iste insperatus occurrens, sub arborem improvisus devenit, & sub ipsa nemine valente penitus adjuvare, suppressus est, incisor arboris homicidæ procul dubio non est comparandus.

## XXX.

Statuimus, ut patricidæ & fratricidæ per unius anni curriculum ante fores basilicæ orantes Domini Clementiam perseverarent. Completo autem anni curriculo, introdu-

(n) hoc est, convictus.  
(p) forte: tanto.

(o) Deut. XX.

(q) 50. Dist. 50. Sæpe contingit, dum quis.

troducantur in Ecclesiam: tamen inter audientes, usque ad dum unius anni spatium finiatur, stent, cum ad Missarum solemniam, vel alia sacra audire officia venerint. His ita peractis, si pœnitentiæ fructus in eis conspicitur, corporis & sanguinis Domini nostri Jesu Christi participes fiant, ut desperantiæ non indurentur caligine. Carnem non manducent omnibus diebus vitæ illorum, & jejulent usque ad nonam horam diei quotidie, exceptis festis diebus, atque Dominicis. Abstineant à vino, medone, atque cervisia mellita tres dies per hebdomadam. Arma gerere non audeant vel sumere, nisi contra paganos: & ubicunque ire maluerint, nullo vehiculo deducantur, sed pedestri more proficisci studeant. Tempus autem hujus pœnitentiæ in Episcoporum ponimus arbitrio, ut secundum conversationem illorum, aut extendere vel minuere valeant. Ab uxoribus, si habuerint, non separentur. Si autem non habuerint, & se continere non valuerint, legitimas accipiant in conjugio feminas, ne in fornicationis voraginem incidere videantur. Et si finis vitæ illorum venerit, antequam duorum prædictorum annorum finiantur curricula, viaticum illis non negetur.

## XXXI.

Leprosi autem, si fideles Christiani fuerint, Dominici corporis & sanguinis participatio tribuatur: cum sanis autem eis convivia celebrare non permittatur.

## XXXII.

In copulatione fidelium generationis numerum non diffinimus, sed id statuiamus, ut nulli Christiano liceat de propria consanguinitate sive cognatione uxorem accipere, usque dum generatio recordatur, cognoscitur, alit memoria retinetur.

## XXXIII

Si quis cum duabus fuerit fororibus fornicatus, aut cum his personis, de quibus sacra Scriptura prohibet, si dignam egerit pœnitentiam, & castitatis non valuerit continentiam sustinere, liceat ei legitimam in conjugio uxorem accipere. Similiter & mulier, quæ tali fuerit scelere lapsa, ut fornicationis

non perducatur ad chaos, perficiat. Sed hoc de laicis viris ac mulieribus solummodo statuimus.

## XXXIV.

Si quis cum commatre Spirituali fuerit fornicatus, usque ad dignam pœnitentiam anathematis percutiatur ictibus. Similiter & illum percutere promulgamus, qui cum ea, quam de sacro fonte baptismatis susceperit, aut cum illa, quam ante Episcopum tenuerit, cum sacro Chrismate fuerit uncta, fornicationis perpetraverit scelus: legitimam autem, si habuerit, non dimittat uxorem.

## XXXV.

Mulieres igitur, quæ ante temporis plenitudinem conceptos utero infantes voluntate excutiant, ut homicidæ procul dubio judicandæ sunt. Illæ vero, quæ dormiendo filios suffocare videntur, leviter de his judicare oportet: quia nolentes, & non sentiendo, ad hunc devolutæ sunt casum.

## XXXVI.

Si vir viduam in conjugium duxerit, quæ ex priori marito filiam habuit, & cum eadem filia postmodum concubuerit, conjugium modis omnibus dissolvatur, & vir ille pœnitentiæ subiaceat sanctionibus, ita ut per triennii tempus à sacro Corpore Domini nostri Jesu Christi suspendatur, & sanguine. Carnem non manducet, abstineat à vino, & singulis diebus jejunium celebrare festinet, exceptis festis diebus atque Dominicis. Orationibus omni insistere sollicitudine, integritateque perficere summo opere studeat. Similiter autem de mulieribus, quæ clanculo, Patri se in concubitu subternunt, & filio, observandum est. Taliter quidem & de his sancimus, qui duabus se absconfe fororibus pollutos cognoscunt.

## XXXVII.

Illi scilicet, qui pro diversis erratibus, vel quibuscumque piaculis pœnitentiæ jugo fuerint summissi, legitimo nullatenus matrimonio separentur, ne in fornicationis voragine demergantur: & dum ad alta sublevari sperantur, corruant in cœno.

## Rr 2

## XXXVIII.



## XXXVIII.

Si quis servum proprium sine conscientia Judicum, qui tale quid commiserit, quod morte sit dignum, occiderit, excommunicatione vel pœnitentia biennii reatum sanguinis emundabit.

## XXXIX.

Si qua femina furore zeli accensa, flagris verberaverit ancillam suam, ita ut intra tertium diem animam cum cruciatu effundat, eo quod incertum sit, voluntate, an casu occiderit: si voluntate, septem annos; si casu, per quinque annorum tempora legitimam peragat pœnitentiam.

## XL.

Si servus absente vel nesciente Domino suo, Episcopo autem sciente, quod servus sit, Diaconus aut Presbyter fuerit ordinatus, ipse in clericatus officio permaneat: Episcopus tamen eum Domino duplici satisfactione persolvat. Si vero Episcopus eum servum esse nescierit, & ita eum ad sacros ordines promovit, qui testimonium de illo perhibebant, aut eum postulabant ordinari, simili recompensatione teneantur obnoxii.

## XLI.

Placuit etiam, ut quicumque odio, aut longa inter se lite dissenserint, & ad pacem revocari diuturna intentione nequiverint, à civitatis primitus Sacerdotibus arguantur. Qui si inimicitias deponere perniciose intentione noluerint, de Ecclesiæ cœtu iustissima excommunicatione pellantur.

## XLII.

Dignum est, ut vita innocentis non maculetur pernicie accusantium. Quisquis igitur à quolibet criminatur, non ante accusatus supplicio deputetur, quam accusator præsentetur, atque legum & canonum sententia exquiratur, ut si indigna ad accusandum persona invenitur, ad ejus accusationem non judicetur.

## XLIII.

Nobis igitur ratio persuadet Synodalis decernere, ut quicumque laicorum in adversitate propriæ gentis, aut patriæ,

vel regiæ potestatis, ad externas partes se conferendo, noxius fuerit ultra reperiendus, non solum omnium rerum suarum proprietate privetur, sed & perpetua excommunicatione damnato, nunquam illi, præterquam in ultimo mortis suæ communio tribuatur.

## XLIV.

Si cujus uxor adulterium fecerit, aut vir in alienam uxorem irruerit, septem annos penitentiam agat.

*Anotatio P. Laur. Surii Cartusiani.* Usque ad hoc quadragesimum quintum Capitulum exclusive omnia superiora Capitula, dempto quadragesimo, in quodam vetusto manuscripto (r) exemplari habebantur: ea porro, quæ sequuntur, deerant: quæ sane ad hanc Synodum pertinere non videntur, cum interdum reperantur, quæ jam superius eisdem pene verbis sancita leguntur. Constat autem, sub eodem Gunzone Episcopo duas esse Wormatiæ habitas Synodos, alteram anno Christi 858. alteram 868. Utrum vero illæ duæ Synodi conjunctim habeantur, an aliud aliquid in causa sit, quod hæc impressa à manuscripto exemplari discrepant, incertum habemus. Fit autem in decreto Ivonis non semel mentio Synodi Wormatiensis, cum tamen Canones inde citati inter hos omnes typis excusos non existant.

## XLV.

Omnium (r) negotiorum Ecclesiasticorum curam Episcopus habeat, & ea velut Deo contemplante dispenset, nec ei liceat ex his aliquid omnino contingere, aut parentibus propriis, quæ Dei sunt, condonare. Quod si pauperes sunt, tamquam pauperibus subministret, ne eorum occasione Ecclesiæ negotia prædentur.

## XLVI.

Episcopus (r) Ecclesiasticarum rerum habeat potestatem ad dispensandum erga omnes, qui indigent. Summa quoque reverentia & timore Dei participet & ipse quibus indiget, si tamen indiget, tam suis, quam fratrum, qui ab eo suscipiuntur, necessariis usibus profuturis, ita ut in nullo qualibet occasione fraudulentur,

juxta

(r) Nempe nostro Metropolitano codice CXVII. sed alio, ut dixi, ordine numerata.

(r) Canon est Apostolorum 39.

(r) Cap. 25. Apost.

juxta Apostolum sic dicentem : *Habentes (u) victum & tegumentum, his contenti sumus.*

## XLVII.

Quatuor (x) autem tam de redbus, quam de oblatione fidelium, prout cujuslibet Ecclesiæ facultas admittit (sicut dudum rationabiliter decretum est) convenit fieri portiones: quarum sit una Pontificis, altera clericorum, tertia pauperum, quarta est fabricis applicanda, &c.

## XLVIII.

Basilicas (y) noviter institutas [non petitis ex more præceptionibus] dedicare nemo audeat, nec ambiant fibimet Episcopi vindicare Clericos potestatis alienæ.

## XLIX.

Statutum est, ut sine auctoritate vel consensu Episcoporum, Presbyteri in quibuslibet Ecclesiis nec constituantur, nec expellantur. Et si laici clericos probabili vitæ & doctrinæ Episcopis consecrandos (z) suis in Ecclesiis constituendos obrulerint, nulla qualibet occasione rejiciant.

## L.

Sancitum (a) est, ut unicuique Ecclesiæ unus mansus integer absque alio servitio attribuat; Et Presbyteri in eis constituti non de decimis, neque de oblationibus fidelium, non de domibus, neque de præscripto manso aliquod servitium faciant, præter Ecclesiasticum. Et si amplius aliquid habuerint, inde senioribus suis debitum servitium impendant.

## LI.

Statutum est, postquam hoc impletum fuerit, ut unaquæque Ecclesia suum Presbyterum habeat, ubi id fieri facultas, providente Episcopo, permiserit.

## LII.

Sancitum est de villis, novis Ecclesiis in eis noviter constitutis, ut decimæ de illis villis ad easdem Ecclesias conferantur.

R r 3

(u) I. Tim. VI.

(y) 6. de Consec. Dist. 1. Basilicas.

(a) 25. XXIII. Quæst. 8. Sancitum est. Mansus est ager jugerum duodecim.

(b) Supra Can. 6.

(x) 27. XII. Qu. 2. Quatuor autem. supra Cap. 7.

(z) al. suisque.

(c) pro: tertio.

## LIII.

De Ecclesiis sane destructis, vel de nonis, & de decimis, sive de claustris Canonicorum, qualiter constitui & ordinari à nobis placuerit, aliis Capitulis subter adnotavimus.

## LIV.

Sed & de Ecclesiarum honore, quomodo Deo adjuvante, quantum in nobis est, vigeat, similiter in subter adnotatis Capitulis insertum esse dignoscitur.

## LV.

Multi (b) contra Canonum instituta Ecclesias, quas ædificaverunt, & ab Episcopo postulaverint consecrari, dotem, quam eidem Ecclesiæ contulerunt, ad Episcopi ordinationem putant non pertinere: quod factum & in præterito displicet, & in futuro prohibetur. Ergo omnia secundum constitutionem, ad Episcopi potestatem pertineant.

## LVI.

Ut Presbyteri non ordinentur, priusquam examinentur, ut excommunicationes passim & sine causa non fiant.

## LVII.

Ut nullus laicus presbyterum in Ecclesia mittere, vel ejicere præsumat, nisi per consensum Episcopi.

## LVIII.

Ut Episcopi prævideant, quem honorem Presbyteri pro Ecclesiis Senioribus tribuant.

## LIX.

Ut decimæ in potestate Episcopi fiant, qualiter à Presbyteris dispensentur.

## LX.

In Synodo Vasensi, in qua sederunt Episcopi octodecim, Capitulo [c] secundo: Per singula territoria Presbyteri ab Episcopis, non prout libitum fuerit, vicinioribus; sed à suis propriis per annos singulos Chrisma petant appropinquante solemnitate Paschali: nec per quemcunque Ecclesiasticum, sed si qua necessitas aut Presbyterorum, vel Diaconorum



norum occupatio est, per Subdiaconum: quia inhonorum est, inferioribus summa committi. Optimum est autem, ut ipse suscipiat, qui eo in tradendo usus est: & sicut reliquiæ Sanctorum deportari solent, ita deportet.

## LXI.

Clericus nequaquam præsumat apud sæcularem Judicem, Episcopo non permittente, pulsare: sed si pulsatus fuerit, responsum non proponat, nec audeat criminale negotium in iudicio sæculari proponere. Si quis vero sæcularium per calumniam Ecclesiam aut Clericum fatigare tentaverit, & (d) victus fuerit, ab Ecclesiæ liminibus, & Catholicorum communione, nisi digne pœnituerit, arceatur.

## LXII.

De Episcopis & de Presbyteris vagantibus, qui Parochias non habent, nec scimus ordinationem eorum, qualiter fuit, placuit juxta instituta Sanctorum Patrum, ut in alterius Parochia ministrare, nec ullam ordinationem facere debeant, sine iussione Episcopi, in cujus Parochia sunt. Et si hoc facere præsumpserint, ab officio suspendantur interim, (e) quod ad Synodum exinde venerint, & ibidem secundum canonicam institutionem accipiant sententiam, nisi tantum pro causa itineris. Et si ullus clericus aut laicus talem Episcopum aut Presbyterum defensaverit, sine commætu Episcopi, cujus parochia est, excommunicetur usque ad emendationem.

## LXIII.

Si quis (f) cum matre & filia in adulterio mansit, nesciente matre, quod cum filia mansisset: similiter & filia nescia, quod cum matre mansisset: & postea ille vir, si acceperit mulierem, dimittat eam, & usque in diem mortis suæ non habeat uxorem. Et illa mulier, quam reliquerit, accipiat virum: & illa mater & filia, cum quibus in adulterio mansit, ambabus nescientibus, quod cum matre mansisset & filia, habeant viros. Nam in notitiam illarum si venerit hoc scelus, dimittant maritos, & agant

pœnitentiam: & illarum mariti & illi posteriores, accipiant mulieres. Similiter & de duabus sororibus, qui cum una in adulterio mansit, & aliam in publico accepit, non habeant mulierem usque ad mortem. Et illæ duæ sorores, nescientes, accipiant viros: & si in notitiam eis venerit, forma superior fervetur. Si quis cum noverca sua dormiret, nec ille, nec illa possunt ad conjugium pervenire. Si quis cum filiastra sua dormierit, (g) similiter sententia potest stare. Qui cum duabus sororibus dormierit, & una ex illis antea ei uxor fuerit, nullam uxorem postea habeat, nec illa soror habeat virum.

## LXIV.

Animal vulneratum à bestiis & gustatum, licitum est manducare, si homo prius illud animal vivum occiderit. Si vero mortuum fuerit prius, dejiciatur caro ejus. Si apes occidunt hominem, occidi debet festinanter: mel tamen manducetur.

## LXV.

Animalia, quæ à lupis, seu à canibus lacerantur, non sunt comedenda, nisi porcis & canibus: nec cervus, nec capra, si mortui inveniuntur. Porci autem, qui sanguinem hominis gustantes tetigerunt, manducantur: sed qui cada-ver mortuum lacerantes manducaverint, carnes eorum manducare non licet, usque dum macerantur, post annum. Pisces autem licet manducare, quia alterius naturæ sunt. Aves vero & alia animalia, si in retibus strangulantur, non sunt comedenda.

## LXVI.

Ab universis Episcopis dictum est: Si quis (h) Presbyter à præposito suo correptus fuerit, debet utique apud vicinos conqueri Episcopos, ut ab ipsis ejus causa possit audiri, ac per ipsos suo Episcopo reconciliari. Quod nisi fecerit, sed superbia [quod absit] inflatus se fecernendum ab Episcopi sui communione duxerit, ac separatim cum aliquibus faciens sacrificium Deo obtulerit, anathema sit, & locum amittat. Et si querimoniam

justam

(d) hoc est: convictus.

(e) Gratianus. 5. XXXV. Quæst. 2. & 3. Si quis cum matre & filia.

(f) pro: similis.

(g) forte: quoad ad.

(h) Carthag. 2. Tom. I. nostri pag. 200. Cap. 9.

justam adversus Episcopum non habuerit, inquirendum erit.

## LXVII.

Item placuit, (i) ut Episcopi, Presbyteri, & Diaconi non sint conductores, aut procuratores, neque ullo turpi negotio & inhonesto victum quærant: quia respicere debent scriptum esse: *Nullus (k) militans Deo implicat se negotiis secularibus.*

## LXVIII.

Placuit, (l) ut Lectores, cum ad annos pubertatis venerint, cogantur aut uxores ducere, aut continentiam profiteri.

## LXIX.

Item placuit, (m) ut clericus, si com-moda-verit pecuniam, pecuniam accipiat: si speciem, eandem speciem, quantum dederit, accipiat. Et ante viginti quinque annos ætatis nec Diaconi ordinentur, & ut Lectores populum non saluent.

## LXX.

Item placuit (n) de infantibus, quoties non inveniuntur certissimi testes, qui baptizatos esse sine dubitatione testentur, nec ipsi sunt per ætatem de traditis sibi Sacramentis idonei respondere, absque scrupulo eos esse baptizandos, nec ista trepidatio eos faciat Sacramentorum purgatione privari. Hinc enim Legati Maurorum fratres nostri consuluerunt, quia multos tales à barbaris redimunt.

## LXXI.

Rursus (o) constitutum est, ut quoties Clericis convictis & confessis in aliquo crimine, vel propter eorum, quorum verecundiæ parcitur, vel propter Ecclesiæ opprobrium, aut insolentem insultationem hæreticorum, atque gentilium, si forte causæ suæ adesse voluerint, & innocentiam suam asserere, intra annum excommunicationis hoc faciant. Si vero intra annum causam suam purgare contempserint, nulla eorum vox penitus postea audiatur.

## LXXII.

Sane quoniam (p) de hoc, sicut

de cæteris, consulere voluit dilectio tua, adjecit filius meus Cælestinus Diaconus in Epistola sua, sic esse à tua dilectione positum illud, quod in Beati Apostoli Jacobi Epistola est conscriptum: *Infirmatur (q) quis in vobis? inducat Presbyteros, & orent super eum, ungentes eum oleo in nomine Domini: & oratio fidei salvabit infirmum, & suscitabit illum Dominus. Et si in peccatis fuerit, dimittentur ei.* Quod non est dubium de fidelibus ægrotantibus accipi vel intelligi debere, qui sancto oleo chris-matis perungi possunt, quod ab Episcopo confectum, non solum Sacerdotibus, sed omnibus ut Christianis licet in sua, aut suorum necessitate ad unguendum. Cæterum illud superfluum videmus adjunctum, ut de Episcopo ambigatur, quod Presbytero licere non dubium est: quia Episcopi occupationibus aliis impediti, ad omnes languidos ire non possunt. Cæterum si Episcopus aut potest, aut dignum ducit, aliquos à se visitandos, & benedicere & tangere Chrismate sine cunctatione potest, cujus est ipsum Chrisma conficere. Nam pœnitentibus istud fundi non potest, quia genus est Sacramenti. Nam quibus reliqua Sacramenta negantur, quomodo unum genus putatur concedi?

## LXXIII.

Diaconissam (r) non ordinandam ante annum quadragesimum, & hoc cum summo libramine. Si vero suscipiens manus impositionem, & aliquantum temporis in ministerio permanens, semetipsam tradat nuptiis, gratiæ Dei contumeliam faciens, anathematizetur hujusmodi cum eo, qui eidem copulatur.

## LXXIV.

Conjuracionis (s) vel conspiracionis crimen & ab exteris legibus est omnimodo prohibitum: multo magis hoc in Dei Ecclesia, ne fiat admonere convenit. Si qui ergo Clerici, vel Monachi reperti fuerint conjurantes aut conspirantes, aut insidias ponentes Episcopis, aut Clericis, gradu proprio penitus abjiciantur.

## LXXV.

(i) Carthag. 3. Cap. 15. Tom. I. p. 201.

(l) Carthag. 3. Tom. I. pag. 201. sed Capite 19.

(n) Carthag. Conc. 5. Cap. 6.

(p) Ex Epistola I. Innocentii I. ad Decentium.

(r) Concil. Chalced. Can. 15. Tom. I. pag. 179.

(k) II. Tim. II.

(m) Carthag. 3. Cap. 16. & Cap. 4.

(o) Carthag. Conc. 5. Cap. 12.

(q) Jacobi V.

(s) Concil. Chalced. Can. 18. Tom. I. p. 179.



## LXXV.

Non (t) licere clericis post obitum sui Episcopi, res ad eum pertinentes diripere, sicut antiquis quoque Canonibus constitutum est. Quod si hoc facere tentaverint, graduum suorum periculo subjacebunt.

## LXXVI.

Quoniam [z] quidam Metropolitanorum, quantum comperimus, negligentius commissos sibi greges, & ordinationes Episcoporum facere differunt, placuit Sanctæ Synodo intra tres menses ordinationes celebrari, nisi forte necessitas excusabilis præparet tempus dilationis extendi. Quod si hoc minime fecerit, correptioni Ecclesiasticæ subjacebit. Verumamen redditus Ecclesiæ viduatæ penes Oeconomum ejusdem Ecclesiæ integri reserventur.

## LXXVII.

Eos, [x] qui rapiunt mulieres sub nomine simul habitandi, vel cooperantes, aut conniventes raptoribus; decrevit Sancta Synodus, ut si quidem Clerici sunt, decendant gradu proprio: si vero laici, anathematizentur.

## LXXVIII.

Contradicimus quoque, ut in quarta generatione nullus amplius conjugio copuletur, ubi autem post interdictum factum inventum fuerit, separetur. Sane eadem, quæ in viri, hæc nimirum in uxoris parentela de lege nuptiarum regula custodienda est. Quoniam constat eos duos esse in carne una, ideo communis illis utrimque parentela esse credenda est, sicut scriptum est: *Erunt [y] duo in carne una.*

## LXXIX.

Ut Episcopi incestuosos punire, & investigare studeant, omnino decrevimus.

*Adnotatio P. Philippi Labbé Societatis Jesu.* In manuscripto codice viri clarissimi Nicolai Camuzatii, Trecentis Canonici, nec idem Canonum numerus reperiebatur, neque idem ordo. Qui enim in excusis primus occurrit, legitur in MS. sextus; qui secundus, locum 30. occupat; qui tertius, trigessimus sextus, & sic de aliis: quod monuisse oportuit, ne, si in similem illi codicem forte incidas, ab hoc nostro Concilio diversum quid te nactum esse arbitreris.

*Binius Tomo III. Concilior. Part. I.*

*Hardouin. Tomo V. Concilior.*

In Bibliotheca Leyseri pag. 118. Numero 1903. recensentur Synodi Wormatiensis Capitula CLXV. quum in vulgatis Synodographis non nisi LXXX. appareant. *Nota Schannati.*

(t) Concil. Chalced. can. 22. Tom. I. p. 179.

(x) Concil. Chalced. can. 27. Tom. I. p. 180.

(z) Nahum. I.

(b) Ibidem.

(d) Mss. XXX. XV. ex Græco.

Qui si pœnitere noluerint, de Ecclesia expellantur, donec ad pœnitentiam revertantur. Quod si Sacerdotum noluerint admonitionibus aurem accommodare, volentes in pristinis perdurare criminibus, oportet eos per secularis potentia disciplinam à tam prava consuetudine coerceri.

## LXXX.

Quæsitum est ab aliquibus fratribus de his, qui in patibulis suspenduntur pro suis scelibus, post confessionem Deo peractam, utrum cadavera illorum ad Ecclesias deferenda sint, & oblationes pro eis offerendæ, & Missæ celebrandæ, an non? Quibus respondimus: à omnibus de peccatis suis puram confessionem agentibus, & digne pœnitentibus communio in fine secundum canonicum justum danda est, cur non etiam eis, qui pro suis peccatis pœnam extremam persolvunt? Scriptum est enim: *Non (z) vindicat Deus his in idipsum.* Nam Dominus ait: *In (a) quocunque die conversus fuerit peccator, peccata ejus non reputabuntur ei.* Et iterum ei: *Nolo (b) mortem peccatoris, sed ut convertatur, & vivat.* Salutem ergo homini admittit, quisquis mortis tempore pœnitentiam denegat: & desperat de misericordia Dei, qui eam ad subveniendum morienti sufficere, vel in momento non credit posse. Latro [c] ergo perdidisset in cruce præmium ad Christi dextram pendens, si illum unius horæ pœnitentia non juvisset. Nam cum esset in pœna, pœnituit: & per unius sermonis professionem, habitaculum paradisi, Deo promittente, promeruit. Vera ergo ad Deum conversio in ultimis positorum, mente potius est æstimanda, quam tempore, Propheta hoc aliter asserente: *Cum [d] conversus ingemueris, tunc salvus eris.*

(u) Conc. Chalced. can. 25. Tom. I. p. 180.

(y) Genes. II.

(a) Ezech. XII.

(c) Luc. XXIII.

## CONCILII WORMATIENSIS §. III.

*Confirmatio Monasterii Herifensis Sanctimonialium in Diœcesi Paderbornensi, à Luitharto Ep. Paderbornensi petita, à Patribus data.*

CUM in nomine Domini nostri Jesu Christi apud Wangionam civitatem, quæ vulgo *Wormatia* dicitur, in unum convenissemus, Ego *Luibertus* humilis Mogunciacensis civitatis Archiepiscopus, cum Coepiscopis & Chori-Episcopis, atque Abbatibus, simulque aliis plurimis Sacerdotibus, & diversi ordinis Clero, ibidem congregatis, plura, quæ ad Christianæ religionis observantiam, & profectum pertinere putavimus, conferre cœpimus. Inde inter cætera, quæ de Ecclesiæ statu, & Deo famulantium augmento tractabamus, *Luithartus*, Paderbornensis Ecclesiæ Episcopus, Synodali suggessit conventui, suam forem nomine *Walburg*, & nonnullas alias Domicellas sub sanctimoniali habitu, & professione divino servitio se mancipare decrevisse. Et quia locus, quem earum conversationi, & proposito accommodatissimum, & opportunissimum judicabat, ad sibi, ut prædiximus, commissam, id est, ad Paderbornensem Ecclesiam pertinere; nostrum ad hoc consensum, & corroborationem exposcebat, ut in memorato loco sororibus supradictis tam præsentibus, quam futuro tempore superventuris, sine alicujus contradictione liceat servire. Sed ne præfata Paderbornensis Ecclesia, aliquod hoc facto dispendium vel sustineat, vel sustinere videretur, eidem Ecclesiæ tam ipse, quam soror ejus tradiderunt, quidquid vel sibi in Osdagihusen hæreditario jure provenire potuit, vel forem in locis nuncupatis Lutzilandrem, & Bocchem, atque Heringi possidere videbantur. Quod non solum post obitum suum, sed etiam ex præsentem statim tempore ad memoratam Ecclesiam contraxit, & in perpetuum traditum esse voluit, ut à præsentem die cum terris, sylvis, aquis, ædificiis suis, mancipiis, animalibus, & cum omni integritate sua ad eam pertinebat. Ordinatio quoque, & dispositio loci, in quo eadem Sanctimoniales Deo servire debent, ita ad Episcopum, vel præsentem, vel sibi

succedentem pertinere, ut singulis annis ad principalem ejus sedem quatuor solidorum pretium persolvatur. Proinde quia hanc petitionem piam per omnia, & justam, & tam Episcopo dignam, quam Ecclesiæ salubrem fore perspeximus, dum non solum sine damno, & detrimento Ecclesiæ, verum etiam suæ mercedis, & meritorum augmento famulantium Deo numerus augetur, tam proficue devotioni nostrum assensum præbere, & tam pium inceptum luce nostrarum litterarum confirmare decrevimus. Itaque Synodali auctoritate, & communi sacri conventus decreto statuimus, ut locus, qui in territoriis villæ *Heresi* nuncupatur conjacet, quem supra memorata *Walburg* jure mutuario in propriam hæreditatem à Paderbornensi Ecclesia mutuata, cum omnibus, quæ ad eundem locum tam prædicti Episcopi, quam prædecessoris suo tempore pertinere videbantur, in terris videlicet, sylvis, pratis, pascuis, aquis, aquarumque decursibus, cultis locis, simulque incultis, domibus, ædificiis, litis & diversis servis, mancipiis, animalibus quoque, & cunctis mobilibus rebus, atque cum omni integritate sua ad usum Sanctimonialium, de quibus supra diximus, ita pertineat, & si quæ deinceps ad eandem Ecclesiam, vel in possessionibus, vel in aliis rebus tradita fuerint, possidere, mutare, & secundum hoc, quod sibi utile esse videtur, facere permittantur. Eodem quoque modo, eademque conditione manfos X, in villa nuncupata *Hajonhus*, simulque & decimas villarum quæ ita vocantur, *Herisi*, *Smachtum*, *Nortgardinum*, *Suitgardinum* cum appendiciis, seu villulis, supradictarum ancillarum Dei usibus amodo, & deinceps delegare decrevimus, & ut hoc nostræ immunitatis, & Synodalis conventus decretum, perpetuum, & inviolabilem obtineat firmitatem, Imperialem ad hoc confirmandum auctoritatem, & nostris subscriptionibus, & signis hanc traditionis, & communicatio-



nis chartulam munire, & omnium unanimi consensu corroborari decrevimus. Datum in Wormatia, anno Incarnationis Dominicæ DCCCLXVIII. Imperii vero Gloriosissimi Regis Ludovici anno XXVIII. Indictione I.

Signum Luidberti Mogunciacensis Episcopi. Adalwini Saltzburgensis Episcopi. Signum Rymberti Hammaburgensis Episcopi. Signum Alfridi Hildenesheimensis Episcopi. Signum Gunzonis (a) Wormatiensis Episcopi. Signum Salomonis Constantiensis Episcopi. Signum Landfridi Sabionensis Episcopi. Signum Ermenrici Pataviensis Episcopi. Signum Otgeri (b) Rubelacensis Episcopi.

Signum Luitgarii (c) Augustburgensis Episcopi. Signum Luidberti Mimigarnifordiensis Episcopi. Signum Thiadrici (d) Mimindensis Episcopi. Signum Hildegriimi Halverstadiensis Episcopi. Signum Luthardi Paderbornensis Episcopi. Signum Eralt Feridensis Episcopi. Signum Aegiberti Osnabrugensis Episcopi. Signum Bernardi Chorepiscopi. Signum Hejonis Abbatis (e) & Presbyteri. Signum Adalgari Abbatis (f) & Presbyteri. Signum Thiatrici Abbatis & Presbyteri. Signum Thiadorigi Abbatis (g) & Presbyteri. Signum Branwardi (h) Abbatis. Signum Egilberti Abbatis.

A Celsissimo Ferdinando Fürstenbergio, Episc. Paderbornensi, extractum è tenebris primus luci dedit *Schatenus* Annal. Paderbornensium Tomo I. ad h. a. Anno 1693. primus detexit nomina Episcoporum huic Synodo presentium, Surio, Binio, Sirmondo, Cossartio ad eum diem ignota. Hinc post Lunigius, Coletus, Manfi recuderunt fontis ignari vel oblii.

Hanzizius in *Historia Episcoporum Pataviensium* ex codice MS. Bibliothecæ Cæsareæ N. XXI. hos addit Numero Episcoporum apud Wormatiensem civitatem XVII. Kal. Junii in Synodali Conventu Professioni Fidei subscribentium; ultra has variantes.

*Variat* (a) Gunzonis, *legit* pro Guazonis.

(b) Otgerii, pro Otgeri.

(c) Witgarii, pro Luitgarii.

(d) Theodrici, pro Thiadrici.

*Addit* omisos hîc, sed in Viennensi extantes: Arno Wurceburgensis. Ambrico Ratisbonensis. Gebehardus Episcopi. Ratolfus Strasburgens. Episcop. Hefsi Curienfis Episc. Apud Mabillonium accedit Bernardus Chorepiscopus.

*Leukfeldius* in antiquitatum Halberstadiensium appendice diplomatica, hoc diploma nostro edito conforme denuo vulgavit.

(e) Hejo vel Herto Augienfis.

[f] Abbatis Corbeienfis in Saxonia.

[g] Lareshamenfis.

[h] Hersfeldensis, ex Eckharro designati.

## EPISTOLA LOTHARII REGIS AD NICOLAUM PAPAM.

*Conqueritur, quod Pontifex nimium de ipso ejus æmulis credat: dolere se significat de Theutguadi, & Guntharii excommunicatione. Cæterum purgans se de omnibus, paratum se ostendit, coram Pontifice adversariorum calumnias refellere.*

DOMINO VÈRE BEATISSIMO, ET SANCTISSIMO TOTIUS SANCTÆ DEI ECCLESIE SUMMO PONTIFICI, ET UNIVERSALI PAPÆ NICOLAO, HLOTHARIUS DIVINA PRÆVENIENTE CLEMENTIA REX, SUMMÆ FELICITATIS, AC PRÆSENTIS PROSPERITATIS PACEM, ET GLORIAM.

**P**ostquam nobis Divina dignatio sua gratuita clementia regni gubernacula commisit, more Prædecessorum nostrorum Christianissimorum Regum semper

per & in omnibus sublimandam Beati Petri Apostolorum Principis Sedem, ut dignum est, reverenter dileximus; atque instantèr, quantum in nobis est, illam exaltare parati sumus: deque vestro tanquam summo spiritalis Patris regimine semper salubria haurire cupientes, veritatis voce vobis dictum recolimus: *Petre amas me? pascè oves meas.* Et per Prophetam: *Ego pascam oves meas, dicit Dominus Deus: quod perierat, requiram, & quod abjectum fuerat, requiram, & quod confractum erat, alligabo, & quod infirmum, consolidabo.* Admodum quippe desideramus, citius vobis nostram exhibere præsentiam, ut illud veriori experientia implere possitis, quod idem Propheta post pauca subintulit: *Et judicabo illas in iudicio, & iustitia.* Revera serenissimum, & devotissimum circa piam Paternitatem vestram nostræ mentis affectum acriter obnubilat, quod æmulorum nostrorum falsidicis vocibus nimium creduli, ultra quam nobis necesse esset, in nostra derogatione Sanctissimi Apostolatus vestri aurem accommodatis. Præsertim cum nostræ mansuetudo promptissima sit, omni deroganti vera, & iusta ratione resistere. Quod & Legati vestri, nuper in his partibus directi, vobis intimare poterant, si vellent: quia nos data nostris accusatoribus firmitate aditum veniendi, concessimus, & rationabilem satisfactionem, tanquam in vestra præsentia, ex vestro latere directis explere parati fuimus; nihil nostræ regię dignitati faventes, sed quasi unus ex vilioribus personis, sacerdotalibus monitis parentes. Hoc totum nostri æmuli sinistra interpretatione intelligentes, exarserunt in concupiscentia (a) regni nobis Divina dignatione jure hæreditario concessi: non attendentes Scripturam dicentem: *Dominus est regnum, & cuicumque voluerit, dabit illud:* neque Apostolum dicentem: *Non est potestas, nisi à Deo.* Illius ergo victrici dextera pro nobis, uti credimus, pugnante, qui novit & diripientem, & eum, qui diripitur, parvipendimus eorum fucatas similitudines: solummodo ut vestri Pontifi-

S s 2

catus ancora, in solidissimo Sanctæ Matris Ecclesiæ fundamento fixa, nobis similiter petentibus concedere dignetur, quod in mandatis digito Dei scriptis legitur: *Iuste judica proximo tuo.* Porro nos in ultimis pæne regni nostri finibus commorantes, & erga infestationem paganorum laboriosas excubias servantes, discurrentium relatione comperimus, Theutgaudum Trevirensē, & Guntharium Agrippinensē, à vestra auctoritate excommunicatos, atque oris proprii testimonio canonicè damnatos. Quod nos non sine gravi mœrore haurientes, decrevimus longanimiter, & patienter ferre nuntiata, & ut olim in pluribus actum est, restitutionis spem habere; & pie refricatis, ac retractatis omnibus, locum rationabilis misericordiæ à vestra largitate prætolari. Interea accidit nobis nosse, quod Guntharius Missam solemnia, antequam ad nos perveniret, celebrare non metuit; & juxta præcedentem consuetudinem Episcopale Chrisma conficere, & Spiritum paracletum tradere præsumpsit. Quod nos satis ægretulimus; & ut hoc non fieret, tanquam mortiferum venenum modis omnibus abominamur. Illo autem ad nos veniente, ejus Missam audire noluimus; nec in aliquo illi communicare ratum duximus; & juxta veritatis vocem, quasi scandalizantem oculum, à nobis erueri maculam disponimus, quousque Sanctissimi Apostolatus vestri finitivam sententiam de illo rescire valeamus. (b) Epistolam quoque à vestra Sanctitate Episcopis Diceceseos directam illi transmissimus; ut ibidem Canonicas, & Apostolicas sanctiones liquido cognoscens, videat, quid in posterum illi agendum sit. De cætero veraciter, ac sinceriter vestra Paternitas noverit, quod Theutgaudus, simplicissimus, atque innocentissimus vir, vestram humiliter ferens censuram, in nullo de sacro ministerio contingere præsumpsit; magis eligens dehonorationem præsentialem in oculis hominum pati, quam per inobedientiam ab illius membris secerni, qui caput est humi-

(a) Accusatorem suum, Regnòque suo inhiantem intelligit Carolum Calvum Franciæ Occidentalis Regem, Patrum suum, ait *Baronius ad b. a. N. XLII.*

(b) Lotharius Rex, Ratoldum Argentoratensis urbis Episcopum cum scriptis falsâ more suo de sua excusatione & voluntaria correctione loquentibus, præmisit ad Apostolicum. *Annales Bertiniani ad annum DCCCLXIV. referunt.*



humiliū, suisque discipulis ait: *Discite à me, quia mitis sum, & humilis corde; & invenietis requiem animabus vestris.* Ipse enim, qui superbis resistit, & gratiam præstat humilibus, poterit illum, si innocens est, de supernis misericorditer respicere. Enimvero *Legatis nostris Theutgaudo, & Gunthario* nihil tale aliquid in sua legatione fari præcipimus, unde damnationis notam incurrerent. Sed nec de Ingeltrude uxore Bosonis aliquid præjudicium ferre debemus, aut volumus: quam nos, comperto, quod anathematis vinculo esset innodata, Gunthario, quia tunc in sua parochia erat, commendavimus; monentes, ut de illa suum ministerium faceret: immo illam ex omnibus regni nostri finibus eliminandam censuimus. Legati enim vestri illam postmodum requirentes, atque in medio statuentes, nos ignoramus, quem finem

causæ ipsius imposuerint. Episcopi vero Diocæseos Trevirensis Metropolis, & Agrippinæ Colonix, nec complices damnatorum, nec fautores vitiorum, nec in aliquo Apostolicorum decretorum contemptores, vel Canonicorum dogmatum violatores esse probabuntur, sed sanæ, atque Catholicæ fidei, ac veri Dei cultores. Igitur propter Deum, sanctam & individuum Trinitatem, humiliter petimus, ut facile criminosos ad causationem nostram nullatenus admittatis: neque ut Apostolus docet: *Omni spiritui credatis, sed probate, si ex Deo sit:* quia parati sumus, si ratio dictaverit, per nosmetipsos polire, quod æmulorum invidia fingit aliena. Omnipotens Deus Sanctissimum Præfulatus vestri apicem æquitatis lance moderatum diu incolumem custodiat. Amen.

*Baronius ex codice MS. Treverensi* eam Epistolam Lotharii edidit ad A. C. 866. N. XXXVII. sed verbis & stylo valde dissimilem, etsi sensus idem sit. *Hardouin. Concilior. Tomo V. pag. 336. 337.*

---

## NICOLAUS EPISCOPUS

### SERVUS SERVORUM DEI,

#### DILECTO FILIO CAROLO GLORIOSO REGI.

*SUMMA. Quod Theutbergæ judicium Lotharius retractare, ac per Monomachiam decernere velle dicatur. Petit, ut illam in regnum suum recipiat: tum ut epistolas dirigat, quas Lothario eidem, ejusque Episcopis scribit.*

**N**umquam dolorem generat, sicut spes frustrata. Numquam æque mentem vulnerat, ut molestum nuntium veniens insperatum. Sed quod didicimus, aperiāmus. Denique inter alios Sanctæ Dei Ecclesiæ religiosos propugnatores, atque veritatis strenuos defensores, neminem magis super Teutbergæ Gloriosæ Reginæ contritione sollicitum, neminem magis ipsius incommoditatibus condoluisse, quam vestræ pietatis affectum, recolimus. Adeo ut in vita fratris ejus causam ipsius sedi Apostolicæ retuleritis, & eam largitate munificentia vestræ non paucō tempore sustentaveritis, nosque frequenter ad auxilium illius exhortari studueritis. Quocirca Sedes Apostolica tantam vestræ caritatis circa eam intuentis

abundantiam, quoniam celeri excusatione, pertinacia perversitatis obstante, causam ejus perficere non prævaluit, vestræ hanc, tamquam Deo contemplante, atque beato secum Petro Apostolorum Principe contradante, tuitioni, seu Clementi munitioni commisit. Nunc autem, sicut audivimus, Lotharius Rex adversus eandem Theutbergam rursus armatus, ut assensum quoque vestrum huic nefariæ intentioni suæ copulare potuisset, fœdera vobiscum iniisse dicitur; & quodam regni sui collato Monasterio, pro perdenda præfata Theutberga nutum sibi vestrum univisse, diffusa longe lateque fama protenditur. Quodsi, ut multi ferunt, verum est, vehementer existit dolendum, & amarissime deplorandum,

dum. Videlicet ut à priori consilio pietatis nunc retro, quod absit, conversi, consilium detis impietatis; & qui hæcenus favorem præstatis æquitati, nunc assensum præbeatis iniquitati. O incomparabile detrimentum! O inenarrabile pii Regis compassionis dispendium! sed absit hoc à tanto Principe absit à fidelium cordibus, de tanto Christi cultore tale quid facile credere: cum potius credendum est, eos, qui Balaam imitantur, merito reprehendere; qui contra eorum vitam, quibus se similem fieri etiam moriendo poposcerat, consilium præbuit, & cum occasionem de avaritia reperit, illico oblitus est, quidquid de innocentia optavit. Sed quia de præbendo nequitiae consensu vestro nondum ex toto credere patimur, restat, ut ad exhortandos vos quo circa jam fatam reginam pium, ac inchoatum opus consummetis, interim calamum temperemus. Ecce enim veritas dicit: *Qui (a) perseveraverit usque in finem, hic salvus erit.* Ecce de offerente iuge Sacrificium beato Job legitur: *Sic (b) faciebat Job cunctis diebus.* Quod beatus Papa Gregorius exponens ait: in Sacrificio igitur Sancta actio, in cunctis autem diebus Sacrificii constantia actionis ostenditur. Sed his ita præmissis, Excellentiam vestram nolumus ignorare, adeo Lotharium Regem Theutbergam conjugem suam diversis afflictionibus subdidisse, & innumeris pressuris contra præstita juramenta subegisse; ut nobis coacta nunc scriberet, regia se velle exui dignitate seu copula, & sola privata vita fore contentam desiderare. Cui nos scripsimus non aliter hoc fieri posse, nisi eandem vitam conjux ejus Lotharius elegerit. Verum, sicut multorum relatu didicimus, ipse Lotharius conventum celebrare disponit, & eandem Theutbergam examini proprio (c) in iudicio subicere meditatur. Et si quidem eam

præstigiis falsitatis suæ, vel argumentosis ambagibus potuerit exhibere, quasi non fuerit legitima uxor, (d) vult eam à se penitus sequestrare: sin autem, vult eam tamquam propriam quidem uxorem admittere, sed deinceps, tamquam mæchata fuerit, insimulare, atque pro hocho minem suum, & hominem Theutbergæ ad monomachiam (e) impellere: & si homo ipsius Reginae ceciderit, disponit hanc sine dilatione perimere. Quæ quantum sint omni Divinæ vel Sanctorum legi contraria, magnitudo quidem prudentiæ vestræ dignius jam advertit. Sed & nos hinc aliquid strictim volumus demonstrare: prius asserentes, quia de retroacta controversia Theutberga non debet ulterius ad iteratam responsionem provocari: quoniam quod bene semel diffinitum est, & interpositis iuramentis deliberatum, nulla debet iteratione, nisi fortassis ubi fuerit major auctoritas, retractari. Deinde quia Ecclesiæ refugium quærens, & Ecclesiasticum iudicium semper expetens, sæculari non debet submitti iudicio. Post hæc vero, cum nos ex utraque parte, id est, tam à Theutberga, quam à Lothario fuerimus provocati (f) iudices, nosque amborum controversiam exsecuti sumus, ad nullos alios convenit super hoc negotio iudices convocare: cum secundum sacros Canones, à iudicibus, quos communis consensus elegerit, non liceat provocare, & ubi concessa est provocatio, non nisi ubi major est auctoritas, liceat provocare. Itaque cum non sit Apostolicæ Sedis auctoritate, quæ amborum negotium exsecuta est, usquam major auctoritas; nescimus, si alicui liceat de ejus iudicare iudicio, vel ejus retractare sententiam. Siquidem juxta quod ecclesiastica lex, & mos antiquitus observatus indicat, ad illam quidem provocatum, & aliorum

Ss 3

ipsam

(a) Matth. X.

(b) Job. I.

(c) al. &amp; iudicio.

(d) Quod fuerit legitima uxor & minime adultera jam extremo anno 859. aut initio anni 860. per probam aquæ ferventis à procuratore Theutbergæ illasam manum, ex cabo aquæ bullientis extractam, demonstratum fuit.

Hæc prima Strophæ. Secunda erant Conciliabula, Aquisgranensia tria, & Metensæ unum: Romæ cassata & reprobata.

[e] Tertia Strophæ erat oblatum Duelum vel Monomachia, quæ tum ex consuetudine veluti iusti Dei iudicium, probandæ innocentie usurpabatur, sed Papa eam probationem rejecit.

(f) Igitur anno 863. vel 864. tam Hlotharius, quam Theutperga ad Apostolicæ Sedis tribunal appellaverant, adeoque ipsi rei Papam iudicem suæ causæ elegerunt. Nihil igitur Papa contra Canones, sed juxta Canones iudicium in Synodo Romana, auditis Legatis à Synodis Germanicis & Theutbergæ literis tulit.



ipsam dissolvissse iudicium novimus : ab ipsa vero provocatum , vel sententiam ejus quosquam violasse non novimus. Illud vero , quod Lotharius Theutbergam de adulterio criminatur , quis non videat dolo esse plenum , & omni iniquitate ? Denique si uxor ejus , ut ipse jactat , non est , quid pertinet ad eum de adulterio illi calumniam texere , cum nec mœchari potuerit , si alicujus uxor non existit ? Porro de adulterio si à Lothario accusatur , & si convicta fuerit , ultio præparatur ; necesse est , ut fateatur uxorem. Quid ergo incassum laborat , anxietur , & quod sua non fuerit uxor , quibuscumque modis & qualibuscumque argumentis fatagit invenire ? Necesse , inquam , est , ut ante omnem controversiam uxorem confiteatur , si hanc , ut mœchatam , impetendam existimat. Sed de hoc illa coram missi nostri præsentia purgare se voluit , sed ipse non annuit. Monomachiam vero in legem assumi , nusquam præceptum fuisse reperimus : quam licet quosdam iniisse legerimus : sicut Sanctum David , & Goliath Sacra prodit historia ; nusquam tamen , ut pro lege teneatur , alicubi divina sancit auctoritas , cum hoc & hujusmodi sectantes Deum solummodo tentare videantur. His ita prælibatis , dilectionem vestram obnixè deposcimus , ut cura & sollicitudo , atque omne omnino studium , seu auxilium , quod circa eandem feminam semper fervidum habuistis , nullo tempore frigescat ; immo nullo pacto tepefcat ; sed potius , quantum vires cœlitus collatæ ministrant , nullatenus ei nocere quocumque [g] gemina charitas vestra permittat ingenio. Ne si forte quidquam læsionis inciderit , ipsi pro illa in terribili Divino Judicio cogamini reddere rationem ; cujus nos tamquam Deo , sicuti prædiximus , contemplante , illam vice Principis Apostolorum , cujus præsidium adscivit , salvandum tuitioni commisimus. Ad extremum vero , & quando jam nulla securitas , & immunitatis ejus , quod gementes dicimus , inveniri poterit remedium , atque imminens sibi certissimo prævidetur interitus ; recipite illam ad vos : & quousque de ea , quod Dominus revelaverit , ordinetur , in regno vestro fovete , ac ei solita pietatis vestræ beneficia ministrate : & ita

demum , si quid illi objicitur , auctoritate nostra præveniente , ipsius æmuli prosequantur. Sed notate , quoniam tunc hæc fieri permittimus , cum à prudentia vestra , vel eorum , qui nobiscum sapiunt , nulla spes salutis Theutbergæ remanere præscitur. Præterea sive de conjugii fœdere , sive de adulterii crimine iudicium sit agendum , nulla ratio patitur , Theutbergam cum Lothario posse legalem inire conflictum , vel legitimum controversiæ subire certamen ; nisi prius ad tempus fuerit suæ potestati reddita , & consanguineis propriis libere sociata. Inter quos etiam locus providendus est , in quo nulla sit vis multitudinis formidanda ; & non sit difficile testes producere , vel cæteras personas , quæ tam à sanctis Canonibus , quam à venerandis Romanis legibus , in hujusmodi controversiis requiruntur. Verum hæc non ut fiant dicimus , quæ sine decreto vel ordinatione nostra fieri non posse supra docuimus ; sed ut ostendamus , quem legum conflictum Lotharius congredi posse autumat ; cum personam , quam in suis penetralibus quotidie fatigat , quotidie conterit : quando vult , ad iudicium educit : quando vult , ad clausulam reducit ; & cum educta fuerit , nisi ea profiteatur , quæ ipse præceperat , quis est , qui dicere possit , quantis malis introducta submittitur ? Propriæ igitur libertati committi , & ab omni oppressione ac potestate ipsius , cum quo initur conflictus , oportet liberari , atque in suis licenter uti , & suspectas personas convenit declinare , quæ se ab objectis ostendere cupit immunem. Sed jam ut , fili carissime , Epistolæ finem ponamus , semper vos illud , quod de bene operante beato Job supra commemoravimus , recolere semper in causa prædictæ Reginæ habere præ oculis admoneamus ; quia frustra laudabile quid geritur , si cunctis diebus , quibus vivit , hoc non exsequatur operator : atque incassum in stadio currit , qui antequam ad designatum perveniat locum , succumbit. Scriptum quippe est : *Væ (h) qui perdidit sustinentiam.* Vos (i) autem sic currite , ut comprehendatis. Quæ præterea de Waldrada mœcha , excommunicata decreverimus , vos non latet. Quæ vero , quoniam nobis non annuentibus in Galliæ habitura repedavit , super ea Episcopis

(g) forte genuina.

(h) Eccli. II.

(i) I. Corinth. IX.

pis regni Lotharii scripserimus, in Epistola, quam eis misimus, potestis agnoscere: cujusque transcriptum exemplar venerandis antistitibus in regno vestro Ecclesiam Dei gubernantibus, vestra tribui gloria faciat.

Præterea rogamus, ut vestra sublimatas sine omni dilatione præsentem crebro dicti Regis Lotharii nomine titulatam, per fidelem ac prudentem virum eidem destinare maturet Epistolam, cujus exemplar ecce dilectioni vestræ transmisi-  
mus. Idipsum etiam vos de illa rogamus agere, quam præsulibus ejus regni transmisi-  
mus. Sed sciendum est, quoniam quidam timoris aut favoris causa nostram suscipere parvipendunt Epistolam: quidam vero suscipiunt quidem, sed palam demonstrare formidant; vel etiam Lothario placere volentes, hanc aliorum visione perniciosissime privant. Quapropter obnixè precamur, ut per talem eam-

dem Epistolam nostram virum jam designatis Antistitibus vestra sapientia mittat: qui prudenter incedens, nullum prorsus eorum prætereat, cui hanc non tradidisse quocumque modo clarescat. Quo caute ac indifferenter actò, qui hanc susceperit, vel non susceperit, per caritatis vestræ legatum vel litteras protinus ac certissime, sed pleniter nobis poscimus intimari. Nam licet omnes arguendi sint ob nimie soporem desidie; multo tamen illi severius increpandi vel percutiendi consistunt, qui toties etiam à nobis moti, excitati pestifero torporis somno depressi refugiant. Sed priusquam veraciter agnoscamus, nihil de his definitivum deliberare prorsus absentia, seu potius ignorantia, justitia dictante, permittit. Optamus gloriam vestram in Christo nunc, & semper bene valere, dilectissime Fili. Data VIII. Kalendas Februarias, Indictione XV.

---

## CONCILIIUM TREVERENSE

### LOTHARII ET EPISCOPORUM LOTHARINGIÆ PRO THEUTBERGÆ SEPARANDA.

**L**otharius apud Treverim cum sui Regni Episcopis satagebat, ut iterum Theutberga se falso crimine insimularet, & velamentum reciperet, quod obtinere non potuit.

*Annales Bertiniani in Tomo III, Historiæ Francorum Duchesne pag. 227.*

---

## SYNODUS TICINENSIS.

Anno Christi DCCCLXVI. Sub Ludovico II. Ludovici Pii Filio, Imperatore dicto, anno XI. & Rege Italiæ. Nicolai I. Papæ IX.

*SUMMARIUM. I. Synodi Ticinensis Patres intercedunt pro depositis Theutgaudo & Gunthario multis argumentis.*

*II. Synodica Epistola ad Nicolaum.*

*III. Guntharii ad Hincmarum specialis Epistola.*

**N**uper circa septuagesimam sive sexagesimam Sanctæ Quadragesimæ collecta est Synodus multorum Episcoporum jussu piissimi Imperatoris *Ludovici*

in urbe Ticinensi, quæ etiam *Papia* nuncupatur. In eo Concilio inter alia pia negotia, quæ ibi sunt tractata, ventilatæ etiam fratrum *Theotgaudi*, atque



que *Guntarii* causæ; ubi & à Domino Apostolico innotuit, quod erga ipsos fratres suam per Ecclesiasticam pietatem, benevolentiam salubriter vellet exhibere, *Guntario* sane in eodem Concilio in sua, & prædicti fratris causâ adstante. Qui tamen cum licentia, & consilio ipsius Pontificis à Roma regressus ad Synodum ipsam devenit, quem fraterna caritas admodum compatiendo benignè mox recepit, & in suum conventum introduxit, consolationis, & spei hortamenta, afflicto, & humiliato fratri proponens. Epistolam sacer conventus prædictorum pro causâ Sanctissimo Præsuli direxit, conferens hæc etiam capitula, atque retractans, quæ subsequuntur.

## CAPUT I.

**S**anctissimi Pontifices Romani multos Episcoporum, seu reliquorum Clericorum, qui pro suis erant culpis abjecti, suoque gradu privati, post dignam satisfactionem cum fraterna, & Coepiscopali unanimitate pristinis sæpe officiis reformasse noscuntur: ita semper suæ definitionis ordinem tenentes, quatenus Divinæ decreta Majestatis adverterent. Quia Deus noster quotidiana misericordia peccatores recipit, & gratiæ suæ dono vivificat, atque conversos ab æternæ mortis damnatione in Regnum gloriæ recipit. Neque ipsi Pontifices fundamentum Sanctæ Dei Ecclesiæ specialiter regentes sententiam propriæ definitionis immutare veriti sunt in melius, cum ipsum Dominum Deum nostrum misericordiæ suæ multitudine noverint terroris sui sententias in misericordiæ causam mutasse. Nam sicut Regum scriptura declarat, trium dierum pestilentia, jubente Deo populum Regis David perimi definitum est, sed quia Rex subito proprii culpam reatus intuitus est usque ad horam prandii, reliquorum dierum spatio prætermisso mortis indictæ plaga quievit. Similiter & Ezechie Regi comminatio mortis intonuit dicente Propheta: *Dispone domui tuæ, quia morieris tu, & non vires.* Et adjecit illi Deus, aspiciens illum contritum, & humiliatum, quindecim annos immutata subitæ mortis sententia. Ninivitis autem propter scelerum multitudinem subversio subitæ destructionis indicta est, Scriptura

dicente: *Adhuc quadraginta dies, vel ut in aliis Exemplariis habetur, Ninive post tres dies subvertetur; sed quia pœnitentiam egerant Ninivite, sententia mortis ab iis exclusâ est, cum misertus est Dominus populo suo, ne faceret malum, quod ei facere dixerat.* His autem breviter de veteri testamento susceptis, redeamus ad gratiam Evangelicæ redemptionis, quæ nos, cum essemus filii iræ, in gloriam adoptionis filiorum reformavit. Inspiciamus exemplum illius filii, qui dissipavit substantiam suam cum meretricibus vivendo luxuriose, sed postquam humiliatus, & animi contritione conversus, ad Patrem rediit, piæ paternitatis amplexibus est receptus, ac stolæ nobilitate, annuli, atque munimine calceamentorum est insignitus, & indignanti fratri sententia Patris edixit: oportet te filii gaudere, quia frater tuus mortuus fuerat, & revixit: perierat, & inventus est.

Petrus autem Princeps Apostolorum infirmitatis suæ causas ignorans, se pro Domino mori paratum esse, fiducialiter repromisit, sed unius ancillæ metu promissionis suæ causa mutata est. Hunc autem lapsum Divinæ misericordiæ magnitudo relevavit, ac tertio negantem eodem numero professionis in dilectione solidavit, & proprias oves illi pascendas commisit, cujus officium pro temporum successione Ecclesiæ Romanæ Pontifices solemniter retinent. Ecce quantum debeat homo erga hominem esse discretus, atque moderatus, clemensque, quando & omnipotens Deus sententiæ suæ justitiam in talibus ita librare voluit, ut ad pietatis misericordiam eum iterum vellet, & revocaret.

## CAPUT II.

*Leonis Papæ ad Flavianum Constantinopolitanum de (a) Uti-  
cete Hæretico.*

Quia Dominus noster verus, & bonus Pastor, qui animam suam posuit pro ovibus suis, & qui venit animas hominum salvare, imitatores nos vult esse suæ pietatis, ut peccantes quidem justitia coerceat, conversos autem misericordia non repellat. Tunc enim demum fru-

(a) Pro Eutychete à Concilio Chalcedonensi damnato. Tomi I. pag. 181. in *Constitutio-  
ne seu Fide illius Oecumenici Concilii.*

fructuosissime fides vera defenditur, quando etiam a sectaribus suis opinio falsa damnatur. Ad omnem vero causam pſe, & fideliter exequendam fratrem nimirum Julium Episcopum, & Renatum Presbyterum, sed & filium meum Hilarum Diaconum vice nostra direximus. Quibus Dulcium Notarium nostrum; cujus fides est nobis sæpe probata, sociavimus confidentes ad futurum Divinitatis auxilium, ut his, qui erraverat, damnata sensus sui pravitate salvetur.

ITEM LEONIS. Donatum autem Saracensem ex Novatiano cum sua, ut comperimus, plebe conversum Dominico gregi volumus præsidere, ut volumen fidei suæ ad nos meminerit dirigendum, quod & Novatiani dogmatis damnet errorem, & plenissime confiteatur Catholicam veritatem. Maximum quoque ex laico licet reprehensibiliter ordinatum; tamen si Donatista jam non est, & ab spiritu schismaticæ pravitatis alienus est, ab Episcopali, quam quomodo adeptus est, non repellimus dignitate.

ITEM LEONIS. Verum quia id per rumorem falsum, ut asseritis, subreptum huic sedi, & licitum per insidias demonstratis, quia res ad salutem rediit. Et ut veniam nos hanc in tantum nobis appetentibus, post condemnationem more Apostolico subrogamus, tantisque nostris asseritionibus nobis tam bonis, tam charis non dare consensum omnibus duris rebus durius arbitramur pro nostra approbatione fratres charissimi sententia, ac postulatione Episcopum Potinum habetote licitum ita constituere, ut deprecamini, & nostram in melius conversam sententiam labore, vel testimonio nostro compotes voti suscipite.

## CAPUT III.

*Item Leonis ad Anatolium Episcopum. (a)*

Andream sane, qui rationabiliter Archidiaconi est privatus officio, & Eufratam, qui sanctæ memoriæ Flaviani, ut comperi, improbus extitit accusator, si professionibus plenissime scriptis non minus Euticianam hæresin, quam Nestorianum execrabile dogma condem-

Tomus II. Concil. German.

(a) Epist. 71. apud Rainaudum.

nant, quum venia est præstanda correptis, Presbyteros consecrabis.... Cæteri vero, quos par reatus involverat, si veniam simili professione cum satisfactione deposcunt, suis ordinibus reformantur.

## CAPUT IV.

*Item Leonis.*

Quia sicut quædam sunt, quæ nulla possint ratione compelli, ita multa sunt, quæ aut pro consideratione ætatum; aut pro necessitudine rerum oporteat temperari.

## CAPUT V.

*Hilarii Papæ ad Nicephorum, & ad alios Episcopos per Provincias.*

N. autem, quem in Adrianopolitana civitate in everſionem regionis ipsius Episcopum didicimus consecratum, hoc nihilominus Frater, & Coepiscopus noster Euxitheus implere curavit, ut si prædictus in hoc officio, quod indigne adeptus est, desiderat permanere, quidquid contra Catholicam fidem fenserat, cum Euticia, & Nestoria sua professio-  
ne condemnet.

## CAPUT VI.

*De Historia Ecclesiastica.*

Imperator Constantinus ad dedicationem Hierosolymorum ex omni orbe coire Sacerdotes invitabat: hæc ad eos de nomine ejus scribens, ut si expositionem fidei ejus probarent, vel nunc ab errore correctum clementi erga ipsum judicio uterentur. Quandoquidem tanta fuerit Concilii moderatio, ut non in personam ejus, sed in dogmatum pravitatem fuerit prolata sententia, si tamen & Episcopi ejus Alexandri commodaretur assensus. Pergit interea Eusebius Alexandriam, ibique confessorum Concilio congregato pauci numero, sed fide integri, & meritis multi, quo pacto post hæreticorum procellas, & perfidiæ turbines tranquillitas revocaretur Ecclesiæ, omni curâ, & liberatione discutiunt. Aliis videbatur fidei calore ferventibus, nullum debere ultra in Sacerdotium recipi, qui se utcumque hæreticæ communionis contagione maculasset; sed qui imitantes Apostolum  
quæ-



quarebant non quod sibi utile esset, sed quod pluribus: vel qui imitarentur Christum, qui cum esset omni vita pro salute cunctorum, humilians se descendit in mortem; quo scilicet inveniretur, & in mortuis vita: dicebant melius esse humiliari se populum propter dejectos, & inclinare propter elisos, ut eos rursus erigerent. Nec sibi soli puritatis merito Cælorum Regna defenderent: sed esse gloriosius, si cum pluribus illuc mererentur intrare &c. scripsit S. Gregorius respondendo ad Secundinum servum Dei inclusum de reparatione lapsi, ubi satis aptè ostendit illos reparari posse, qui pro quibusdam culpis abjiciuntur. Et Policronius Hierosolymitanus Episcopus post suæ damnationis Synodicam subscriptionem à Sixto Romano Pontifice, cujus ipse iussu fuerat depositus, in pristinum restitutus est gradum.

## CAPUT VII.

*Ex Registro Beati Gregorii Cap.  
XLVI. Gregorius Maximo  
Episcopo Salonitano. (a)*

Quamvis culpabilibus ordinationis tuæ primordiis gravem aliam per inobedientiam culpam addideris; nos tamen sedis Apostolicæ auctoritatem eo, quo decuit moderamine temperantes, nunquam contra te usque ad hoc, quod causa poscebat, exarsumus. Sed ut longius se ingratitudo nostra, quam tu tibi excitasti, produceret, credita nos sollicitudo vehementer angebat, ne quædam illicita, quæ de te audieramus, negligeret omittere videremur. Quæ si bene consideres, ipse per te satisfacere differendo firmabas, atque ex hoc adversum te zelum nostrum acrius incitabas. At ubi salubri tandem consilio usus iugo te obedientiæ humiliter submisisti, & dilectio tua poenitentiam agens digna se, ut putavimus, satisfactione purgavit, redditam tibi gratiam fraternæ charitatis intellige, atque in nostro te receptum consortio gratulare, quia sicut perseverantibus in culpa districtos, ita respicientibus nos benignos esse decet ad veniam. Postquam ergo fraternitas tua Apostolicæ Sedis communionem se reparasse cognoscit, personam ad nos transmittat, quæ pallium

tibi deferendum ex more percipiat: nam quemadmodum illicita perpetrari non patimur, sic quæ sunt consuetudinis, non negamus. Licet autem adhuc concedenda dispensatio nos loci nostri vocaverit, multum tamen à nobis petitio, dulcissimi, atque Excellentissimi Filii nostri Domini Callinici, Exarchi, ut temperantius erga te ageremus, exigit, cujus charissimam voluntatem nec pertulimus, nec potuimus contristare.

## CAPUT VIII.

*Item alia de eadem re. Mariniano Episcopo Raven. (b)*

Quæ de causa Maximi sint agenda exceptis, quas ad vos ante transmissimus, agnovistis: sed quia qualis hac de re fraternitatis vestræ voluntas sit, ac magis petitio, præsentii latore Castorio Cartulario nostro renunciente cognovimus. Ideo si idem Maximus coram vobis, & prædicto Cartulario nostro de Simoniacâ hæresi præstito se Sacramento purgaverit, atque de aliis ante corpus S. Apollinaris, sicut scripsimus, tantummodo requisitus liberum se esse responderit, causam ipsius fraternitatis vestræ de eo, quod excommunicatus Missarum solemniam agere præsumpsit, iudicio committimus, quâ debeat poenitentia talis culpa purgari. Et ideo quidquid vobis, sed dum placet, securi disponite, nec aliquod de nobis dubium habeatis, nam quidquid à vobis hac de causa fuerit ordinatum, nos, & grate suscipimus, & libenter admittimus. Hortamur tamen, ut debeatis esse solliciti, & ita, quæ fienda prospicitis, temperetis, quatenus & illi, si ita videbitur, benigne præstetis, & vigoris Ecclesiastici genium congrua, ut oportet, dispensatione servetis: superscriptum vero portatorem in præsentii, quid nobiscum ei sit agendum instruximus, à quo cuncta subtiliter addiscentes sic vos in omnibus exhibete, ut in vestra sollicitudine nostram fuisse præsentiam sentiamus.

## CAPUT IX.

*Item de eadem re ad Castorium  
Notarium. (c)*

Quanto credi tibi à nobis, & necessarias vides causas injungi, tanto te

stre-

(a) L. IX. Regesti Epistola 87.

(b) Ibid. Ep. 79.

(c) Ibid. Epist. 82.

## CAPUT XI.

*Item Gregorius Sabiniano Episcopo  
Jadertino. (d)*

" Sicut perseveranti culpæ debetur  
" jure vindicta, resipiscientibus est venia  
" concedenda, nam ut res illa contra  
" se merito iracundiam excitare, sic hæc  
" in sua prorsus dilectione solet concor-  
" diam propagare.... Hortor ergo dile-  
" ctissime frater, ut GREG. Dominico  
" Pastoralem sollicitudinem instanter im-  
" pendas, lucrum de commissis ovibus  
" facere diligenter invigiles, ut tanto  
" tibi copiosæ retributio mercedis exu-  
" beret, quanto in adventu judicis  
" multiplices laboris fructus obtuleris,  
" stude itaque in culpâ lapsos erigere;  
" stude errantibus regrediendi viam  
" ostendere; stude communione priva-  
" tos ad communionis gratiam salubri-  
" ter revocare, &c.

(d) L. VIII. Regesti Epistola 10.

EPISTOLA SYNODICA  
SUPRADICTA.

*Sanctissimo, ac Reverendissimo NICOLAO Summo Pontifici, & uni-  
versali Papæ, Tado Mediolanensis, & Rotlandus Arelatensis, & Ar-  
perrus Ebreundenfis Episcopi, & cæteri nobiscum Fratres, &  
Coepiscopi apud Ticinum urbe Liguriæ congregati, perpe-  
tuam in Domino nostro Jesu Christo optant  
Salutem.*

CUM ob diversas necessitates à piissimo Imperatore convocati in prædictâ urbe convenissemus, & pro nostro modulo de pace; & unanimitate Christiani populi tractaremus, miserabilis frater Guntarius in sua, & Teotgaudi causâ nos multis lachrymis, multoque luctu ad sui flexit compassionem. Intimabat namque, quia non malevolentia, neque alicujus gratiâ in has miseria decidisse, sed simplicitate solâ, & errore, ut ignorantia in causâ latebrosâ, & obscurâ deviasset, Vobis vero nihil imputare, sed misericordiam vestram ut imploraremus, modis omnibus exposculabat, quatenus ipsi, præfatorque ejus socio post tot labores tantaque discrimina vestra subvenirent clementia, quia nun-

Tomus II. Concil. German.

quam se ita obstinatos fuisse commemo-  
rabant, ut errorem suum ad vestram  
luculentam, & salutiferam doctrinam  
corrigi recusaverint. Nos vero humi-  
liter suggerimus Paternitati vestræ, ut  
sicut errantibus disciplinam adhibuistis,  
ita resipiscientibus indulgentiam non de-  
negetis, attendentes, quæ sit præfato-  
rum fratrum in Ecclesiâ Dei utilitas, &  
ne propter unam offensionem multæ op-  
portunitates intereant: in quo vos facto  
omnes diligent, atque laudabunt, cum  
intellexerint non damnatione vos dele-  
ctari, sed correctione. Qui si in aliquo  
specialiter vestram læserunt Paternitatem,  
jam satis digna luerunt supplicia, adeo,  
ut ipsis quoque sint inimicis miserandi,  
quippe qui ab ineunte ætate generosis  
T t 2  
ori



orti natalibus honeste, copioseque sunt educati, atque maximis inter suos honoribus decorati. Nunc autem egentes, angustiiati, afflicti, peregrinando errantes, paupertate contempnibiles morte graviore patiuntur miseras, quibus si miseramini, eosque correctos restituitis, Ecclesiæ Dei, & Filiorum vestrorum lacrymosis precibus inflexi, gratissimum, ut credimus, Deo munus offertis; qui venit quærere, & salvare, quod perierat, omnibusque satisfacitis, quia potestatem, quam in membris Christi eminentissimam accepistis, non ad destructionem, sed ad ædificationem exercere laboratis, & vulnus, quod inflixistis non mortiferum, sed salutariter fuisse ostendistis. Hoc Antecessores vestri, quod vos minime latet; erga singulas personas, & erga plenarias Synodos exercebant, ut cum rigore disciplinæ resulant-

tes deiecerint humiliatos, correctosque lenitatis mansuetudine restituerent. Consolamini nos, qui sumus in fratrum recuperatione, ut in quibuscunque tentationum molestiis, & periculis fluctuantis sæculi ad gremium vestræ Paternitatis tanquam ad placidissimum portum refugientes correctionis pariter, consolationisque emolumenta nos affecuturos minime diffidamus. Scimus enim vos ejus esse discipulum, & successorem, atque vicarium, qui docuit: *Corripite inquit, consolamini pusillanimes*, atque ideo non absurde à vobis, à quo correptionem laudabilem prolatam animadvertimus, indulgentiam consolationis per viscera pietatis exuberare postulamus. Paternitatem vestram ad correctionem, & consolationem Ecclesiæ suæ omnipotens Deus ævo longiore conservet. Amen.

## EPISTOLA GUNTII AD HINC MARUM.

*Venerabili, & carissimo Hincmaro Archi-Episcopo, Guntarius Sanctæ Fraternitatis devotus amator, æternam in Deo optat salutem.*

Quia meis exigentibus peccatis inopinata mihi provenerunt adversa, patientia mihi necessaria est in tribulatione, & bonorum intercessio. Parcat Dominus omnibus illis, qui tam gravem sine misericordiæ remedio invectionem mihi deputaverunt, sciant, quem tantum, ut inde se recognoscere non dissimulent, ego penitus oblivioni tradere proposui permanere cupiens in veræ amicitiae integritate, quæ debet esse in caritate radicata. Præterea de nostri infortunii melioratione certus esse credo, quod postea in his partibus vestra charitas studere non omisit. Nam ego cum humilitate, & timore vobis significare præsumo, quia propitio Divinitatis munere Dominum Apostolicum ad nostram recuperationem voluntarium habemus. Adeo ut sacras ipsæ auctoritates, & exempla, piaque documenta pericrutaris

sit, quæ nostræ restitutioni miserante Deo plenariam fiduciam non denegant. Similiter & omnes Episcopi spem nobis recuperationis fiducialiter insinuant, à quibus & Imperator, & Imperatrix minime discordant. Pariter uno consensu epistolas valde idoneas pro nobis venerando Pontifici direxerunt. Hæc interim apud vos eo silentio secreta teneantur, ut his tantum, quibus competit, pandantur. Nunc mi Pater, quoscunque Fratres, & Coepiscopos monere studete, ut fraternæ caritatis, & compassionis non obliviscantur, mihi que desolato, ac peregrinanti omnes quanto ocyus succurrite, quia necessitatem patientes necessariis rebus indigemus. *Favoreatur Domino, qui miseretur pauperi.* Venerandam Paternitatem vestram bene in Christo valere optamus.

*Ex codice CXVII. MS. Ecclesiæ Metropolitana Colonienfis nunc Primum edita Ticinensis Synodus & Epistola utraque.*

*Confer Natalis Alexandri Historiæ Ecclesiasticæ Sæculi IX. Dissertationem IX.*

NOTA. Post hanc Epistolam legitur sequens monitio ad Uuilibertum, & ceteros de Clero Colonienfi Guntbario faventes, quorum ope Exemplar hujus Synodi mitteretur ad plures Episcopos.

Istum quaternionem exemplari facite in aliis quaternionibus quampluribus, & unum date *Luitberto* Archi-Episcopo, & ad alios Episcopos, quantum plus potestis, pervenire facite, ad *Coloniā* unum exemplar dirigite, ita, ut in manus fratrum veniat, & illi etiam exemplari faciant, & ad Episcopos mittant. *Uuilbertus* specialiter inde provideat, & *Madalfridus*, & *Ingalfrius*, & *Baldricus*, & *Eremboldus* similiter inde provideant, & cæteri, qui specialiter esse volunt fratres.

# NICOLAI PAPÆ

## AD LUDOVICUM REGEM GERMANIÆ

### RESPONSORIA.

*Ut desinat tandem intercedere pro Theutgaudo & Gunthario, post Synodum Ticinensem scripta.*

NICOLAUS EPISCOPUS, SERVUS SERVORUM DEI, DILECTO FILIO LUDOVICO GLORIOSO REGI.

**E** Pistolam Serenitatis vestræ pro Theutgaudo & Gunthario dudum Episcopis nos obnoxie precantis accepimus, & quam ob rem pro illis tot vestra Cellitudo labores assumat, admodum fateor miramur & obstupescimus. Quanta nempe mala nos perpeti, quanta incommoda sustinere sæpe audistis, & liquido nunc cognovistis? Nusquam tamen, quia causā nostri doluistis, apparuit. Et quod cum caritate vestra dicimus, sic Ecclesiæ matris vestræ semper damna duxistis, tanquam si nihil ad vos inde quoquomodo pertineret, & veluti ejus non esse filii per omnia videremini. Quantos autem sudores, quantaque certamina pro recidendo malo, cujus Guntharius & Theutgaudus auctores & confatores inventi sunt, pertulimus? Immo vero indefinenter perferimus, & ne rediviva iterum radice succrescat, incessabilibus laboribus fatigamur? Nunquam ramen vos in his omnibus concertantes aut collaborantes nobis adhærescere consensistis. Sed nunc pro reconciliandis Theutgaudo & Gunthario, totius hujus malis fabricatoribus, sagacitis, curritis, anxiamini, & nobis crebro id ipsum mittere minime recusatis: quosque nescio, quomodo amaricatos appelleris, dum certe illi pene quotidie potum amaritudinis propinare nobis non desinunt. Nam quoties eorum facti memoria inter aliorum dura quæque nobis ingentium inferitur, toties nos absque mœoris amaritudine remanere nequimus.

T t 3

Cesset itaque vestræ gloriæ jam nos super hoc pulsare sublimitas, & quod fieri non potest, tandem aliquando prætermittat. Dum enim non possumus adipisci, quod volumus, necesse est, ut hoc velimus consequi omnino, quod possumus & debemus. Nam Sedis Apostolicæ sententia tanta semper consilii moderatione concipitur, tanta patientiæ maturitate decoquitur, tanta patientiæ deliberationis gravitate profertur, ut retractatione non egeat, nec immutari necessarium ducat: nisi forte sic prolata sit, ut retractari possit, vel immutanda secundum præmissæ tenorem conditionis existat. Theutgaudus igitur & Guntharius hujus Sanctæ & Apostolicæ Sedis sententia perculsi, si patienter egerint, & malorum, quorum plantatores fuere, eradicatores extiterint, atque si hæc perfecta in se humilitate, dignisque poenitentiarum fletibus abolere studuerint, poterunt utique alia miserationis Ecclesiasticæ beneficia præstolari: prioris tamen ministerii, aut cujuscunque sacerdotalis officii dignitatem frustra quidem sperare poterunt, resumere autem in sempiternum non poterunt. Sed quia caritas excellentiæ vestræ pro his dolet, laudamus: quia & nos, sicut ad eorum detrimentum tunc zelo & justitia Dei commoti gementes devenimus: ita & nunc, quoties eorum reminiscimur, toties ingenti cruciatu mentis accendimur, atque de ipsorum discrimine illis valde compatimur & condolemus. Secundum nam.



namque: *Si quid patitur (a) unum membrum, compatiuntur & omnia membra.* Verum si de his, vel de aëribus eorum, vel quæ sit penes nos de ipsis fixa sententia, pleniter, ut innuitis, cognitum vobis fieri cupitis, ad epistolæ tenorem, quam ad Venerabiles Episcopos regni vestri transmissimus, si placet, industria sublimita-

tis vestræ recurrat. Optamus gloriam vestram in Christo nunc & semper bene valere, ô dilectissime Fili. Data III. Kalend. Novemb. Indictione I.

*Epistola Nicolai LXXIII. apud Binium Tomo III. Concil. Part. I. è quo Sirmondus & alii.*

(a) I. Corinth. XII, 26.

## NICOLAI PAPÆ AD EPISCOPOS IN REGNO LUDOVICI CONSTITUTOS RESPONSORIA AD PP. SYNODI TICINENSIS.

*SUMMA. Reprehendit illos, quod Theutgualdum, & Guntharium suis gradibus restitui cupiant. Exponit, quam graviter deliquerint, tum in suscipienda Ingeltrude Bosonis conjuge refuga, & excommunicata, tum in adstruendo, & defendendo Lotbarii repudio; & quod propterea merito fuerint depositi. Quare hortatur, ut desistant, & ut Lotbarium ad exsequenda jussa Pontificis inflectant.*

NICOLAUS EPISCOPUS, SERVUS SERVORUM DEI, REVERENTISSI-  
MIS, ET SANCTISSIMIS FRATRIBUS NOSTRIS ARCHIEPIS-  
COPIS, ET EPISCOPIS IN REGNO LUDOVICI GLO-  
RIOSI REGIS CONSTITUTIS.

**G**Audemus quidem, Fratres, & plane vobis non immeritò congaudemus, quoniam per caritatem vos Teutgualdo, & Gunthario dudum damnatis compati, & condolere conspicientes, etiam pro recuperandis in pristinum dignitatis gradum non modicè sagitare contemplamur. Sed tristamur, & valde tristamur; Carissimi, quia sic pro duorum hominum dejectione fatagitis, ut plurimæ multitudini Christianæ plebis per eos læsa minime consulatis: sic pro duorum hominum restaurando statu pro criminibus manifestis eliso certatis; ut tot fidelium casum, qui eos per præcipitia sunt secuti, nullo modo perpendatis. Sed quid mirum, quando etiam cum essetis vicini locis illis, in quibus Teutgualdus, & Guntharius Ecclesias Christi sibi commissas videban-

tur quidem regere, non autem regerant; in quibus etiam licenter, & sine quavis prohibitione, tam Waldrada, quam Engeltrudis uxor Bosonis, prostitutionis suæ sibi lupanaria quodammodo præparaverant, nec contra insurgentem morbum medicinale ferrum exacuitis; nec ad excitandos sopore noxio oppressos eodem tempore fratres caritatis pedibus cucurristis; sapientissimo Salomone de talibus admonente, atque dicente: *Discurre (a) festina, suscita amicum tuum!* Quod non solum tunc minime vos egisse liquet: verum etiam postquam nos erecti sagittas Divinæ Pharetræ jaculare adversus hujusmodi prò nefas longe lateque cæperimus, nobis collaborare sollicitè procurastis? Denique ubi super hoc labor vester apparuit? Ubi concursus vel ubi sacerdotale studium cla-

[a] Proverb. VI, 3.

claruit? Quando ascendistis super montem excelsum? Quando evangelizastis Sion? Quando quasi tuba exaltastis vocem? Quando annuntiastis euilibet in hac culpa detento scelera sua? Quando ascendistis ex aduerso, & opposuistis murum pro domo Domini? Quando pro ea latratus dedistis? Quando Phinees, ut cessaret quassatio, imitati estis? Quando Daniele in puniendis adulteris Presbyteris sectati estis? vel quando nobiscum, ut castrorum acies ordinati stetitis? Quando nobiscum Dominum in choro laudastis? Vel quando columbas imitati gregatim contra milvos incedere studuistis? Quando cantavimus simul? *Deus in (b) loco Sancto suo, Deus, qui inhabitare facit unanimes in domo.* Et rursus: *Ecce quam (c) bonum, & quam jucundum habitare fratres in unum?* In unum scilicet mente magis quam corpore. Quodsi nihil horum egistis, nec in nullo nobiscum convenire voluistis: sed sicut laboribus nostris diverso tempore, pro destruendis, quæ viri prædicti fabricaverant impensis, minime communicastis; ita & dolorum nostrorum participes fieri recusastis: quid nunc satagitis, & anxiamini, & pro duorum virorum restauratione, innumerorum prævenire vultis fidelium subversionem? An plurimorum interitum parvipenditis, & duorum virorum casui solummodo condoletis? Et sola quidem illorum vobis ruina gravis; nostræ vero, & totius Ecclesiæ, cui Deo autore servinus, quotidiana sollicitudo, & pro eradicandis, quæ ipsi plantaverunt malis incessabilis cura, & intolerabilis profecto vexatio, levis, & contemnenda videtur? Sed nos, quæ per tulimus, immo quæ de factorum ipsorum origine quotidie toleramus, non contemnenda ducimus, nec levia possumus æstimare; quorum gravissima nos cernimus, & non vos pondera balulare. Quamvis & charitatem vestram incommodis nostris cognitis compati minime diffidamus, & jam nunc exposita nequaquam perfunctorie posse credamus.

Ordiamur ergo historiam Teutualdi, & Guntharii, si tamen non tragedia potius sit dicenda: & ut partim saltem, quæ nos experti sumus de illis, vos quoque scire valeatis, quantum

Epistolæ caventes prolixorem sermonem cursim disserere possumus, texentibus nobis advertite. Igitur cum Engeltrudis, uxor Bosonis Comitis, ad Gallias proprio relicto viro cum adultero, adultera transmigrasset, & vir ejus eam cum multo labore reducere voluisset, nec tamen aliquo modo potuisset, Ecclesiastica cœpit auxilia postulare: ordinemque servans, primam in toto terrarum orbe sedem appellans, ut Ecclesiastico decreto eam ab his, qui illam muniebant, erui, & sibi reddi præciperet, supplicavit. Unde decessor noster Sanctæ Memoræ Benedictus Papa, quousque superstes exstitit, apud Imperatorem, & Regem, ac Principes interveniens, & concertans, atque Episcopis, & cunctis fidelibus scribens, ut revocaretur, suadere, & autoritate Apostolica jubere non destitit. Cui decedenti effectu nullo percepto, per Christi gratiam nos in Episcopatu subrogati, successimus etiam in labore, cui licet longe meritis impares successimus in honore. Qui ut revocaretur eadem femina, & verbis, & frequentibus litteris ad omnes personas in omnes partes missis, ad quas necessestas postulabat, non destitimus agere. Sed & sic minime nobis proficientibus, cœperunt hinc inde à Pontificio nostro Episcopales litteræ destinari, suggerentes videlicet, ut tam morbida ovis, ne totum gregem contaminaret, Ecclesiastico judicio de ipso grege Dominico pelleretur, maxime quæ tot salubribus monitionum medicamentis sanari minime consensisset. Decretoque, & autoritate præmissa, iussu est Mediolani Episcoporum Concilium fieri; ad quod ipsa vocata, si certo tempore non occurreret, ab ipso Sacro Collegio vinculis anathematis vinciretur. Quodque illa statuto tempore non occurrente, patratum est, sententiæque in ipsam à Synodo autoritate nostra convocata, nos quoque, ut Sacri Canones præcipiunt, consensu nostro firmavimus. Inter hæc vero, cognoscentes eandem feminam in regno degere Lotharii Regis, non satis habuimus, quæ de ipsa gesta femina fuerant: sed ad hanc revocandam prioribus nostris laboribus adhuc quærendi studium apposuimus: reminiscetes videlicet Domini, qui de cælis

[b] Psal. LXVII, 7.

[c] Psal. CXXXII, 1.



cælis ideo ad terram descendit, ut quæreret, quod perierat: juxta quod à Psalmista rogabatur, confitente, atque dicente: *Erravi (d) sicut ovis, quæ perierat, require servum tuum.* Missaque Epistola nostra, fratrum, & coëpiscoporum nostrorum in Regno præfati Regis constitutorum, & præcipue Teutgualdi, & Guntharii, in quorum Diocesisbus eadem perdita libere mulier morabatur, torporem valide redarguimus; & quam ob rem inter eos licenter illam degentem minimè ad virum proprium redire coëgerint, non mediocriter increpavimus: indicantes etiam hanc à nobis anathematis vinculo innodatam, & ab omni Christiana communione remotam, sed Teutgualdus atque Guntharius tunc Episcopi, & præcipuum locum, & familiaritatem apud Principem obtinentes, non solum eam, cum possent, nequaquam ad conjugem proprium reverti suasionem fecerunt, aut autoritate canonica, juxta quod à sede Apostolica crebro fuerant adhortati, minimè compulerunt; præsertim cum in Diocesisbus eorum commorari sæpè commemorata, & damnata femina diceretur: verum etiam ut licitè posset omnium frui communione, atque in refuga obstinatione, sine cujusquam contradictione, vel impedimento subsistendi, valeret potentum quorumcunque potiri solatiis, hanc absolvere, quantum in ipsis fuit, atque recipere temere præsumpsere. In quo etiam si Sedis Apostolicæ judicium à quovis retractandum fuisset, etiam si ab inferioribus potiore sententia solvenda prorsus existeret; quantum Teutgualdus, atque Guntharius circa Sacros Canones, & præcipue Nicænos qui luculenter innuunt, *Non debere [e] qui abjiciuntur, ab aliis recipi,* contumaces existerint, ipsi vos solerter advertite. Sed ne tale quid eos commississe dubiteris, scitote coram omni Ecclesia nostra illos hoc se peregrisse confessos.

Interea flagitium in Theutbergæ Reginæ dejectione, admissione Waldradæ, à Rege Lothario perpetratum, horum cæpit adulationis, & iniquæ defensionis fomentis crescere, atque latius diffamari. Qua de re nos hoc agnoscences, quanta potuimus instantia, ne tantum scelus committeretur, inhi-

buius; & per fideles quoque, nec non & scripta nostra suadere contendimus. Mittit Rex Lotharius duos ad nos Comites, per quos in scriptis, & verbis innuit, Episcopos Regni sui, cum aliis quibusdam, sibi dare auctoritatem Theutbergam repellendi, & Waldradam in matrimonium fortiendi: sed se, ut ordo custodiretur, à nobis hujusmodi potius auctoritatem, & judicium petere, atque consilium præstolari. Quo nos audito, missos quidem destinare tam concite nos pro hujusmodi negotio non posse respondimus: missuros tamen eos postea certissime repromissimus, admonentes etiam nullatenus interim à quoquam de hujusmodi, causâ quidquam penitus deliberandum. Sed ille horum, Theutgualdi, & Guntharii, tunc Episcoporum, ut postea claruit, auctoritate fretus, legatos nostros non præstolans, publico, festoque nuptiarum ritu celebrato, Waldradam sibi jure matrimonii sociavit. Verumtamen missi Sedis Apostolicæ, qui jam profecti fuerant in Gallias, atque ad Lotharium pervenientes, quod ad illum fuerint missi, secundum pollicitationem nostram dixerunt: & quod binos ex Regno Gloriosissimorum Regum, Ludovici scilicet, Caroli majoris, & Caroli junioris, convenire secum pariter cum Episcopis Regni sui faceret, juxta præceptionem nostram ipsi Regi suggerere studuerunt, & quod Theutbergam Sedem Apostolicam appellantem, data idonea à Rege Lothario securitate, eidem conventui adesse præceperimus, verbis asseruerunt. Non enim Epistolas, quas ad vos, vestrumque regnorum Episcopos miseramus, secum habere poterant: quippe quas sibi ab amicis Lotharii Regis jam constabat ablatas. At vero Rex Lotharius, horum duorum Magisterio usus, nec Theutbergæ Reginæ indubitata de servanda justitia, vel de non inferenda violentia, certitudinem tribuere voluit, nec alios præter Regni sui Antistites, videlicet quos vel beneficiis vel minis, jam ad votum suum deflexerat, ad illum conventum, qui penes urbem Metensium congregabatur, penitus expectavit. Sed corruptis, immo ad favorem suum ductis legatis nostris quod libuit, nullo

resisten-

[d] Psalm. CXVIII.

[e] Canones Nicænos Tomo I. pag. 138.

resistente patravit, factoque conventu Antistites, qui convenerunt, inter quos præcipuum Theutgualdus, atque Guntharius fastigium retinebant, & eminentiori potestate vigeant, prævenientes, immo sibi usurpantes, atque vindicantes iudicium nostrum, videlicet quod & Theutbergæ Reginæ primum appellatione, ac deinde Lotharii Regis petitione permoti, jam nos laturos repromiseramus, inchoatumque tam permissis, quamque per Epistolas nostras habere luce clarius videbatur; Theutbergam Reginam obnoxiam crediderunt, atque condemnandam in absentia putaverunt. Scriptoque de his, quæ illic pro voto Regis iniqua sunt fauce deprompta, quodam profano libello, ea sic censentes illibata persistere, propriis subscriptionibus roboraverunt; Theutgualdo primitus, & Gunthario in ipsis subscriptionibus, sicut & in cæteris gestis, præcellentibus, & alios se sequi pestifere compellentibus. Qui mox Romanos venturos, ac nobis de his quæ gesserant, rationem posituros se per omnia sponponderunt. Tandemque pervenientes nostro sunt conspectui coram omni Ecclesia præsentati; & dum ab eis, qualiter ea fuerint gesta, requireremus, jam memoratum libellum offerentes, perhibuerunt, nec plus, nec minus, nec aliter quidquam se gessisse, nisi ut oblarus videbatur continere libellus. Quo accepto, ac coram Episcoporum nostrorum cætu, qui nobiscum aderat, atque coram ipsis Theutgualdo scilicet, & Gunthario, recensito, quam multipliciter hunc reprehendimus, ac per omnia reprehensibilem iudicavimus; & quæ in eo gesta legebantur, qualiter inimica iustitiæ, Deoque perosa confisterent, audientibus ipsis elimatius exposuimus. Quamvis nec tunc omnia reprehensionum ejus loca in ipsis profanis gestis inventa sint, nec rursus omnia, quæ inventa sunt, nunc ad memoriam nostram valeant repedare: tanta tamen, ac talia fuere, ut pro his merito Canonicam depositionis Theutgualdum, & Guntharium oportere subire sententiam, Sancta mecum Synodus residens sæpius acclamaret. Qua de re zelo Divino, ecce coram Deo dicimus,

V v

[f] I. Reg. XV, 23.

[g] I. Corinth. X, 6.

Tonus II. Concil. German.

permoti, nec aliud nisi justum iudicium exercere cupientes, communi consensu, cassato primum adulteris favente Concilio, quod apud Merensium urbem congregatum fuisse supra commemoravimus, in eos, quod gementes memoramus, depositionis sententiam dedimus; & si juxta præcedentem consuetudinem aliquid de Ministerio sacro deinceps forte retigissent, excommunicavimus.

Primo quidem, quia nostris pro Engeltrudi, vel Teutberga, seu Waldrada salubribus jussis obedire contempserunt. Nam inobedientia tam horrendum malum est, ut idololatriæ merito comparetur, dicente Samuële: *Quasi (f) peccatum ariolandi est repugnare: & quasi scelus Idololatriæ, nolle acquiescere.* Unde merito Apostolus ait: *In (g) promptu habentes ulcisci omnem inobedientiam.*

Secundo, quia eandem Engeltrudim à nobis, & à Synodo abjectam, & anathematizatam recipere, & absolvere præsumpserunt: & hoc contra canones, & præcipue contra ipsum *Nicænum* magnum Concilium, quod hi, qui abjiciuntur, ab aliis non recipiantur, sanxisse dignoscitur. Sed & Beatus Papa *Gelasius*, quod eadem, quæ ligavit, & maxime prima sedes, debeat absolvere, non semel exponit.

Tertio, quia fraudis, vel falsitatis rei manifestissime claruerunt, dum Epistolæ nostræ, missis nostris, pro causâ Engeltrudis refugæ, transmissæ, atque apud urbem Merensium in jam designato nefando conventu recitatæ, quædam fraude subtraxisse, quædam vero falso addidisse, atque commutasse reperti sunt; talemque illam effecerint, qualem libitui suo congruere posse iudicaverunt.

Quarto, quoniam adulterio detentis non solum pastoraliter non restiterunt, nec ut speculatores venientem gladium annuntiaverunt; verum etiam his consentiendo, & favendo, in nequitia persistendi fiduciam tribuerunt, & tantum flagitium tota virtute defendere sine tenus tentaverunt. Unde merito adhærescere fecit Dominus linguas ipsorum palato illorum, videlicet, ut qui linguam fa-

cinus



cinus arguendi non habuerant, hanc nec ad bona quoque prædicandum saltem habere potuissent: juxta quod alias cantatur; *Peccatori (h) autem dixit Deus, usque, & cum adulteris portionem tuam ponebas.* Ille quippe cum adulteris portionem suam ponit, qui his vel consentiendo, vel favendo, vel non corripiendo, similis illis, sicut vitiis, ita & poenis efficitur. Juxta quod & Apostolus hujusmodi scribit: *Quoniam (i) qui talia agunt, digni sunt morte, non solum qui faciunt, sed & qui consentiunt facientibus.*

Quinto, quia de negotio, unde ab utraque parte, id est, & à Teutberga, & à Lothario, juxta quod jam memoravimus, fuerat appellatum, isti præter auctoritatem nostram id sibi subripientes, judicare, ac diffinire temere præsumpserunt: & hoc adversus canones: siquidem de appellationibus, quæ apud memoriam Sancti Petri fiunt, judicandum Romani Præfulis arbitrio, & consilio sacre Regulæ commiserunt. Verum isti, Beati Petri reverentiam præ oculis non habentes, & judicium quod utraque pars, a nobis efflagitavit, & nos exsequi cæperamus, temeraria præsumptione diffinierunt; & Theutbergam, etiam ad Ecclesiam confugientem, damnatione opprimi censuerunt.

Sexto, quia hoc in absentia peregerunt, contra illud, quod tropice dicitur: *Ne (k) maledicas surdo.* Surdo quippe maledicit, qui absentem condemnat. Surdus namque quodammodo est, qui in absentia positus, quæ sibi obijciuntur, non audit. Quamvis absentia ipsa, non studio Teutbergæ, vel conscientia vulnerata, ut isti putant, sed timore Regis, idoneam illi nolentis tribuere securitatem, & factiosi consilii suspicione, fuerit merito procurata.

Septimo, quoniam non solum ipsi subscribentes in profanis gestis, cuncta quæ male compilata fuerant, sine respectu Sedis Apostolicæ roboraverunt, verum etiam alios subscribere compellentes, eorum omnium prævaricationis auctores effecti sunt: & tot animarum rei constituti sunt, quot, utpote præ eminentes, in hoc vel verbo, vel facto, prævaricationis præcipitium demerse-

runt. Sed si volumus cuncta, quæ ab illis gesta fuisse, tam per oblatum a se libellum, quam per alia indicia nobis, & Sanctæ Synodo patuerunt, latius scriptis insinuare, facilius charta, quam nobis sermo deficiet.

Septem ergo capitula, quæ causam depositionis Teutgualdi, & Guntharii præcipue genuerunt, nos commemorasse sufficiat. Solet namque per septenarium numerum universitas significari. Cæterum quis eorum omnia, quæ sive ante, post damnationem, perperam commiserunt, enarrare sufficiat? Qualiter videlicet nos se frustra redarguisse mentiti sunt: contra illud, quod Deo dicitur: *Perdes (l) omnes, qui loquuntur mendacium:* Qualiter primum quidem Theutbergam per electum ab illis iudicium purgatam, denuo impetere contra Divinam, & humanam legem minime formidaverint. Qualiter hanc postea (hoc utraque lege inhibente) sine accusatore damnaverint. Qualiter testes quosdam quidem, quibus imperari à Rege poterat, contra leges publicas in ejus damnationem, quosdam autem domesticos Imperantis admitterint. Qualiter contra reverentiam sacerdotalem, turpia quæque, adversus Apostolum, ac criminosa, nec non & nauseam penitus, & pudorem omnibus inferentia verba etiam scriptis traderint, & palam cunctis ostenderint; cum teste Domino etiam de otioso verbo reddituri sint homines rationem. Vel qualiter jam damnati, auribus Imperatoris adversus sacras Regulas molesti fuerint: vel qualiter ordinationi Dei in Beato Petro Ecclesiæ Romanæ collatæ restiterint, & contra privilegia sedis ejus capitula obtrectionum conscripserint, & per totum pæne occidentale clima disseminaverint: qualiterque per ea, etiam jam pro tanto piaculo percussi, Lothario in scelere perdurandi robur dari suaserint. Sive qualiter nos tyrannice penes Sanctum Petrum positos affligerint, oppresserint, & quibus potuerunt, malis fatigaverint: adeo ut homines eorum adyta Sancti Petri violaverint, & in Ecclesia ipsius sanguinem fuderint. Qualiter etiam ibidem nobis matutinales hymnos celebrantibus, illi noctu post tribunal Ecclesiæ ipsius cum complicitibus, &

facto-

[b] Psal. XIX, 16

[f] Psal. V, 7.

[g] Roman. I, 32.

[k] Levit. XIX, 14.

fautoribus suis, contra Chalcedonense Concilium, conjuraverint, & conspiraverint, & in ipsis Dioceseon nostrarum principalibus locis conventus, & singulorum negotiorum ordinationes, & conciliabula, canonibus id inhibentibus, etiam adversus nos factiose patraverint, & cum nostris quoque suffraganeis tractatus iniquos, & fictiones quasdam texuerint. Postremo qualiter Ecclesias dudum sibi commissas, & postea cum sacerdotio perditas, hactenus obtinere occupatas præsumant, & ut tyranni pro suo libitu moderentur. Ecce quæ in Ecclesia Christi Theutgualdus, & Guntharius operati sunt, & operantur: præter illa, quæ Guntharius specialiter commisit, divinum tangendo ministerium, pro quo a sacris Regulis etiam locum habere satisfactionis penitus interdictur. Verum in ipso jam suæ persecutionis exordium, & ut penes crebro dictum, perniciosum Metensem conventum habuerunt, talem se gerere animum liquido monstraverunt. Nam licet postea ibidem missi nostri deviaverint, dicendi tamen principium satis pacifice orsi sunt. Sed hi, quia modicum quid redargutionis contra se sonuisse audierunt, protinus in furorem proruperunt; & verba, quæ nos de illis minime dixeramus, nos dixisse perhibuerunt; seque fautores, plantatores, & rigatores vitiatorum appellare assueverunt. Et certe nos ea, quæ de illis dolenda supra descripsimus, nondum cognita tenebamus, ut de ipsis tunc ista secure fateri possemus: & tamen hi jam, conscientia stimulante, nos astruere garriabant, quæ nos utpote incognita, minime dicere convenerat. Quid est hoc, nisi quia nobis etiam tacentibus, Spiritus Sanctus jam quod plantatores, & rigatores vitiatorum essent, non per aliena, sed per propria ipsorum ora ostendere voluit? Et sicut olim per Caipham, quod oportebat fieri, protulit, ita & per istos, licet non ex se, quod manifestari conveniebat, expressit? Quæ tamen isti nos de se loqui penitus denegabant, si vitam eorum, moresque cognitos haberemus: hæc videlicet ore suo, & labiis propriis afferere procurantes, ut laudatæ vitæ, ac morum esse per omnia viderentur.

Jam vero si ludibria ipsorum, & scenica vultus acta liquido nosse, gesta  
Tomo II. Concil. German.

præfati *Metensi Concilio*, quod nos tamquam adulteris favens, *Prostibulum*, dum cassaremus, duximus nuncupandum, quærite, & revolvite. Favit sane idem prostibulum adulteris, dum Lothario, Waldrada, & Engeltrudi cuncta pro voto consenserit, & aliis hoc sequentibus adulterandi exempla præbuerit. Ecce pro quibus toties rogatis, ecce pro quibus indefessi satagitis. Quamvis & nos non mediocriter caritati vestræ congratulemur, cum vos mærentibus proximis compati conspiciamus: quoniam & nos de illis non modice condolemus, & crebris urgemur pro eis gemitibus. Et revera dolendi sunt, quia, dum inter suos caput primitus essent, docentes mendacium facti sunt cauda: Ecclesiam videlicet Domini tantis fluctibus immiscere, ac tantis laboribus immittere procurantes. Dolemus ergo illos, dolemus plane & Ecclesiam Dei, quæ tot per eos discrimina sustinet. Nam sic per Prophetam Samuel Saulem legitur deplorasse. Quin immo & Dominus, prævidens Jerusalem maxime culpa Sacerdotum funditus evertendam, flevisse ab Evangelista describitur. Non autem nos, qui membra sumus, injuriarum nostrarum memores esse volumus, aut talionem, ut ipsi forsitan arbitrantur, eis reddere meditamur. Sed quia ipsi præcipue caput nostrum in repulsione innocentis feminae, & admissione mæchæ, ad iracundiam provocaverunt, illos plangimus, & deslemus. Adeo ut in memoratorum scriptis gestorum ab his interlocutio facta solummodo memoretur; (\*) ita ut omittamus alia, in eisdem gestis aperte scriptore dicente reperiatur: *Theutgualdus & Guntharius, qui causam Theutbergæ recognoverant, & judicaverant*: & rursus Rege Lothario de istis adstruente: *Quidquid in ista causa feci, eorum Sanctissimorum Episcoporum usus sum consilio*. Quin etiam dum in jam dictis fœtidis gestis, inter innumera detestanda, quæ ad confirmationem ipsius facinorosa mæchæ hinc inde compilare præsumserunt, Episcopi, qui convenerant subscribentes, eadem gesta, immo per ea flagitium roborarent; ventum est ad quemdam Fratrum & Coepiscoporum nostrorum, qui tantum usque ad nostram deliberationem subscripsit, eadem esse gesta servanda. Quod cernentes Theutgualdus, & Guntharius, arrepto cultello omne, quod Antistes providus



ad deliberationem nostram servandum esse descriperat, raserunt, nomine solo Episcopi relicto, cætera sicut ipsi voluerunt, temere præscribentes. Quod nobis idem Episcopus intimavit; & id ita gestum esse, in ipsis authenticis gestis luce clarius patet: nam ubi sanum est, evidentissime claret. In tantum quippe ad roborandum flagitium cor, & linguam, & calum acuerunt; ut quæ semel vel dicto, vel scripto in ejus confirmatione diffinierant, etiam coram nobis omni sua virtute, quousque ceciderunt, defendere niterentur.

Verum quid in pluribus immoramur, & eorum gesta peremptoriam illis damnationem inferentia narrare conamur, cum hæc nec lingua loqui, nec ipsa mentis memoria retinere sufficiat? Sed quia fraternitas vestra studet scriptis suis benigne his misericordiam implorare, & restitutis priori statu consolationem his postulat adhiberi; & nos non inconvenienter, quod licitum est, & rationabiliter flagitatur, concedere procuramus: denique si præfati viri, Theutgualdus scilicet, & Guntharius, patienter egerint; & malum, quod sui favoris studio perficere passi sunt, radicitus extirpatum exstiterit; atque si hoc perfecta in se humilitate, dignisque poenitentiae fletibus abolere studuerint, quin & pax, quam conturbaverunt, Ecclesie Christi reddita fuerit: tum profecto poterunt Dei solius intuitu, & vestrae fraternitatis affectu, alia ministrationis Ecclesiasticæ nostro nutu, atque ope freti beneficia promereri: prioris tamen ministerii, vel cujuscumque Sacerdotalis officii dignitatem frustra quidem sperare poterunt, resumere autem in perpetuum non poterunt.

Cesset itaque vestrae fraternitatis jam nos super hoc pulsare solertia; & quod fieri non potest, tandem aliquando desinat. Nam Sedis Apostolicæ sententia tanta semper consilii moderatione concipitur, tanta patientiæ maturitate decoquitur, tantaque postmodum deliberationis gravitate profertur, ut retractatione non egeat, nec immutari necessarium ducat: nisi forte sic prolata sit, ut retractari possit, vel immutanda secundum præmissæ tenorem conditionis existat. Portent igitur ignominiam dejectionis suæ;

quia est, teste Scriptura, *confusio adducens gloriam*. Sint interim in signum & in portentum omnibus, quos vel ipsi deceperunt, vel quibus audaciam persistendi in nequitia præstiterunt: quatenus & isti tanta confusione respersi, quod ore fiantur, corde quoque teneant, & salventur: & illi non bene sibi subreptum fuisse, ut ad tantum piaculum laberentur, patenter agnoscant. Nam malum adhuc imminet, adhuc foveri non desit, adhuc libertatis aditum, & licentiæ tempus expectat. Probat hoc Waldradæ, etiam post adulterii publicum scelus, gloria vigens: atque Reginae Theutbergæ, dilectæ filiæ nostræ, etiam post præstita juramenta, nec ancillarum qualitati cœquata dejectio. Denique quando Lotharius Rex uxorem sibi debitam, sæpefatam scilicet Theutbergam, in præsentia Missi nostri resumpsit, duodecim, sicut audistis, illustres Comites juramenta sua vice repromittere jussit, se de cætero ita Theutbergam fore retenturum, & tractaturum, quemadmodum Regem legitimam conjugem suam Reginam retinere convenit, & tractare. Sed pro dolor! tanto nunc, quod vos forte non latet, hanc submittit opprobrio, tantæque detestationi, tantæque, quod solo dictu grave est, inopiæ subicit; ut non dicamus aliquem penes(\*) virum necessitatem patientum adjuvare, verum nec sibi, nec propriis queat homunculis omnino præstare. Sed est contra Waldrada, mæcha, & omni communione privata, licet à Lothario solo corpore videatur exclusa, cujus tamen cordi nunquam deesse multis exhibetur indicis; & cacumen regium, & nocendi, vel adjuvandi, quos vult, omnimodam obtinet potestatem. Ecce fratres, germina, ecce fructus, qui de Theutgualdi, & Guntharii jacto semine sunt exorti. De quibus tamen, si fraternitas vestra veraciter ac utiliter dolet, & aliquod eis vult impertiri suffragium; curet, necesse est, vulnus, quod ipsi non solum minime ferro justitiæ resecarunt, verum etiam oleo iniquæ adulationis, & persuasionis fovescentes crescere longe lateque fecerunt, nobiscum pariter incidere, ac studiose mederi. Quamvis ipsi jam fati viri, ut prætulimus, quantum ad Sacerdotium spectat, recipiendi nullam valeant habere fiduciam. Si enim, quod

(\*) pro: pene.

in his destruximus, reëdificemus, prævaricatores a Domino procul dubio constituemur, & quasi de non bene gestis penitentiam commutasse videbimur. Ac per hoc nec isti huiusmodi animadversionem paventes emendabuntur; nec hi, qui hæcenus inchoatum scelus introrsus retinent, puniendum putabunt; nec cæteri, qui ad huiusmodi possunt relabi flagitium, per hos salubriter eruditi, consultius committere pertimescent, quod tanta viderint dissoluta remissione laxari.

Revertimini ergo fratres ad vos, & redite ad cor: & recognoscite contra vitia ministerium vestrum: ipsum per quem tantum Ecclesia Dei scandalum patitur, Lotharium scilicet Regem, zelo ferventiori, & majori corripientes, & admonentes instantia: quo subveniat & miseris illis, quos pro se juramento constrinxit. Reginam videlicet Theutbergam, conjugem suam, juxta tenorem præstiti Sacramenti tractans, & se a reatu vice sua jurantium tegens; mittat etiam ad nos Waldradam: ut per hoc & ipsæ securam de cætero vitam ducat, & nos causa illius tantis ulterius laboribus non subdamur. Non enim justum est, ut legitima tantam apud ipsum incommoditatem, ac dehonestatem patiatur, & ab adultera gloria dignitatis ejus surripiatur. Quod si Rex Lotharius ita fieri denegat, & se veraciter audire, ac perficere velle monita nostra faretur, quemadmodum nobis dilectus filius noster Ludovicus Rex inclytus ex ipsius assertionem significavit; quæsumus, interrogetur vel a vobis, vel studio vestræ suggestionis a jam facto pio Rege, quare nobis scribens, vel aliis satisfaciens, sicut indicat de Waldrada, quod post Missi nostri reversionem non ad eam accesserit, ita non indicat de conjugem suam Theutbergam, quod eam secundum datorum tenorem juramentorum tractet, atque retineat. Nisi quia non habet, unde gloriatur; nec agit sic erga eam, ut nobis id veraciter referre possit, & gratiarum à nobis inde percipere valeat actiones: dum non solum illa nulla munificentia ipso largiente potitur, verum etiam omnibus opprobriis & egestate summa tabescit. Dicatur ergo ei a pio Principe, vel a vestra Sacerdotali suadeatur industria, ut quando nobis mittit, ad Waldradam se nequaquam contra interdictum nostrum

Vv 3

accedere; mittat etiam, quod & Theutbergam uxorem suam juxta præstita juramenta benigne tractet, & secundum Regiam dignitatem retineat: ita dumtaxat, ut, quod mittit, veritate fulciri aliis etiam attestantibus cognoscamus. Denique quando illa repulsa ipse Rex Lotharius Theutbergam uxorem suam reduxit, diffinitum fuisse constat, ut eadem Waldrada in Italiam mitteretur, quatenus utrum Romam, necne pervenire debuisset, nostræ censuræ decreto præstolaretur. De his quippe personis, quarum Sedes Apostolica specialiter inchoat agitare negotium, sicuti nos Lotharii, & Theutbergæ Regum, atque Waldradæ pellicis exsequi controversiam cœpimus; nulli fas est alii vel remove, vel aliquid diffinire, nisi forte, cui ipsa præceperit. Waldrada ergo, quam nostris hortatibus, nostris decretis, a Lotharii constat remotam esse lateribus, nostris quoque specialiter debet, ad congruam Ecclesiæ, quam læsit, satisfactionem summitti iudiciis. Quod quamdiu Lotharius non egerit, sicuti nec nobis requies, nec Theutbergæ securitas, sic nec ipsi poterit tuta pax, aut aliqua inesse salutis fiducia.

Tanto igitur sollicitius ad correctionem illius operam date, tantoque instantius non solum illum, ut in his nobis obediat, admonete; verum etiam & dilectum filium nostrum Ludovicum excellentissimum Regem, quo eum ad audienda nostra monita semper incitet, cohortamini; quanto attentius legitis: *Quia qui converti fecerit peccatorem ab errore viæ suæ, liberabit animam suam a morte, & operiet multitudinem peccatorum.* Non solum autem hinc gloriosum Regem vestrum adite, verum etiam specialiter deprecamini, ut admoneat, & suadeat eidem Lothario, quatenus Romam nonnisi purgatus, & quando nos annuerimus, venire præsumat. Nam nisi nobis obediens suspicionum, & malæ famæ sordes diluere primum curaverit, videat, ne forte leproforum more de castris Dominicis cum maxima confusione pellatur. Quomodo vero ipsas possit ponere sordes, breviter intimamus: videlicet si Theutbergam uxorem suam juxta præstita juramenta benigne tractet, & secundum Regiam dignitatem retineat; Waldradamque

ad



ad nos accelerare compellat, atque in præfatis Ecclesiis, ordine, quem ei dictavimus, Antistites ordinare permittat. Nam quamdiu Waldradam sic manere dimiserit, sicut omnibus liquet, Theutbergamque nec Regio cultu, nec conjugali dilectione tractaverit; quamdiu etiam Theutgualdum, vel Guntharium Ecclesias dudum sibi cum sacerdotio ablatas obtinere permiserit occupatas, nec à lepra iniusti criminis, nec à sordibus pessimi odoris, id est, malæ opinionis vel suspicionis liber esse poterit; nec prius Ecclesiam gressibus intrare valebit, nec Sacerdotibus Christi libera eum, vel secuta tangendi, vel intra castra recipiendi profecto quibus esse facultas. Ergo laborate in hoc nobiscum Carissimi! decertate pariter Fratres! quia sicut labor est multiplex in terris, ita nos merces copiosa manebit in cælis. Nec dubium est, hunc juvenem plurimos habere nunc pro sua potentia vel dominatu sibi consentientes: de quorum omnium profecto conversione, ac salute omnes simul lætabimur, si horum Princeps Dei gratia præveniente, communibus nostris sudoribus perfectius emendabitur.

Præterea noverit Sanctitas vestra, jam memoratum sublimissimum Regem vestrum pro Theurgualdo, & Gunthario, ea qua vos, nobis affectione scripsisse; cui quia super hoc brevi scripto respondimus, si plenius nosse placet, quæ de illis sit penes nos fixa sententia, industriam ejus ad hujus Epistolæ, quam Fraternitati vestræ destinavimus, tenorem scrutandum direximus. Quam ob rem agat Sanctimonia vestra, ut ipsius piis ad legendum obtutibus cum debita reverentia, seu celeri diligentia deferatur. Porro si aliqui fortasse sunt, qui dicant liberam esse Waldradam, & ideo huc proficiscendi ei non debeat imponi necessitas; noverint, non esse liberam, quæ à peccato superata, ipsius & ancilla addicta est: Petro dicente Apostolo: *A quo enim quis superatur, ejus & servus addictus est.* Et rur-

sus alibi: *Qui facit peccatum, servus est peccati.* A quo videlicet ista nondum liberata, ejus profecto adhuc ancilla credenda, ac per hoc nostro est judicio speciali purganda, cujus decrero iniquitas ejus agitari cœpit, & Christo propitiò abolitionem percipere. Nam nisi illam nondum à crimine liberam esse sciremus, nequaquam eam pro liberatione tam sua, quam fautorum ejus, in Italiam venire quoquomodo faceremus: licet eam per ministros suos postea, ne huc perveniret, Satanas impedierit. Jam vero si iusta nostra vel Sanctiones impleverit, ideo se putat ancillam; ergo Lotharius Rex servus dici debet, qui utcumque nostra fecisse mandata dignoscitur: ergo ista teneatur pro domina, quæ inobediens permanet; & dominetur Lothario, qui utcumque studuit nostris obedire decretis: quod absurdissimum est, & omnino nefandum. Verum si tanta Rex Lotharius intentione Waldradam voluisset mœcham ad nos mittere, ad ejus scilicet à nobis causam legitime definiendam, quanta voluit legitimam Theutbergam destinare conjugem, ad falsa contra se exorta scelera proferenda; forte jam nobis qualiscumque pax vel reddita requies haberetur. Atque utinam sic studeat Waldradam ad nos destinare, quæ habet de scelere suo quod pandat; sicuti gestiebat Reginam Theutbergam; quæ non quidem habebat, quod de crimine panderet, sed quod de violentia, & jugi pœna illata sibi multipliciter enarraret; & quam iniustis minis, ut contra se falsum crimen coram nobis depromeret, multifarie compellebat. Optamus Fraternitatem vestram in Christo nunc, & semper bene valere. Datum pridie Kalendas Novembris, Indictione I.

Baronius.

Hardouin. Concilior. Tomo V. p. 286.  
& seqq.

# NICOLAUS EPISCOPUS

## SERVUS SERVORUM DEI,

SANCTISSIMIS ET REVERENTISSIMIS CONFRATRIBUS NOSTRIS  
ARCHI-EPISCOPIS, ET EPISCOPIS IN REGNO LOTHARII  
REGIS ECCLESIAM DEI GUBERNANTIBUS.

*De Waldradæ excommunicatione tertio jam scribit : notat illorum  
desidiam, & referri ad se jubet, an Lotharius cum Theutberga  
conversetur, & quomodo eam tractet?*

**O**ptaremus tandem aliquando securi  
de correctione Lotharii Regis effe-  
cti, ad alia Ecclesiasticarum dispositio-  
num negotia stilum protendere. Sed nec  
peccata consummata ipsius, quæ mortem  
generant, utcumque permittunt; nec  
studium vestrum, quo finem tantum  
scelus accipiat, ita vigilanter ac  
Episcopaliter adversus id saltem nobiscum  
decertando favorem justitiæ demon-  
strat. Quapropter attonite satis cor ves-  
trum non solum miramur, sed & desle-  
mus. Quis enim non lugeat tantam lin-  
guæ desidiam: tam remissas negligentiae  
manus? Quando inter tot pastorum cu-  
stodias, nec lupi gregi non parentis in-  
fidiae præcaventur, nec leonis aditus  
quærentis, quem devoret, excluduntur.  
Et certe cum unumquemque Christianum  
zelus Dei comedere debeat; multo  
magis vos eodem zelo uri oportuit, qui  
eiusdem Sanctæ Domus, utinam non ad  
majus periculum vestrum, eminentio-  
rem gradum estis & ordinem consecuti.  
Sed his prælibatis, ecce tertio nunc vo-  
bis omnibus, esse Waldradam, filia no-  
stræ Teutbergæ Regina iniquissimam  
æmulam, consortio Christianorum, &  
communione privatam, nostris Epistolis

indicamus. Denique postquam immi-  
nentia missi nostri, sicut ipsi nostis, Lo-  
tharius Waldrada repulsa, Teutbergæ  
Reginæ conjugii suæ obedienter (a) se  
se restituit, & præstiti Sacramenti satis-  
factione certissima finem sceleri dedisse,  
merito credi poterat: statutum est, ut  
tanto fieret ab eodem Rege Waldrada  
remotior, quanto antiqui hostis callidi-  
tas talibus non deesse convincitur. Sta-  
tutum est etiam, ut ipsa mulier in Italia in-  
terim remota, nostræ præstolaretur cen-  
suræ tenorem: & si hanc Romam veni-  
re necessarium duceremus, incunctanter  
occurreret: quatenus coram nobis con-  
sistens, aut se, si posset, innoxiam exhi-  
beret, aut commissum confessæ miseri-  
cordiam impetraret. At illa in Italia qui-  
dem licet coacta venit: Romam vero  
mentis obstinatione victa proficisci des-  
pexit. Immo tamquam irreprehensibilis  
conscientiæ retro conversa in provinciam  
properandi gressum protendit. Quo au-  
dito, intelleximus, eam flagitium suum  
nulla velle correctione terminari, nec  
proprium vulnus ulla desiderare subse-  
quente medela curari. Quapropter sen-  
tentiam in eam excommunicationis, us-  
que ad correctionem, (b) & idoneam  
nostram

Waldradam, quæ Arsenii jussu Romam itura erat, sed Italiam ingressa retro in Galliam  
migraverat, Nicolaus Papa nil amplius differendum ratus, anno 866. IV. Nonas Fe-  
bruarii, convocata Ecclesia, publice excommunicavit. De quo factò scribit Pontifex  
Reverendissimis Confratribus, Archi-Episcopis & Episcopis per Italiam, Germa-  
niam, Neutriam & Gallias constitutis.

Literas refert Baronius ad h. a. 866. N. XXIV. & XXV. initium: *Decreveramus qui-  
dem circa Waldradam macham.* Finis: *data Idus Junii, Indictione XIV.* Anno  
sequenti 867. VIII. Kal. Februarii Indiæ. XV. scripsit hanc ad Episcopos in Reg-  
no Lotharii, cujus initium: *Optaremus tandem aliquando.*

(a) Anno 865. Attiniaci.

(b) Anno 866. die Purificationis B. Mariæ.



nostram & totius Ecclesiæ satisfactionem, protulimus. Nam quantum sit ipsa cunctis severius punienda, in hoc certum est demonstrari, quod Rex quidem Lotharius adeo iniquitatem suam agnovit, ut hanc etiam & corrigeret. Ipsa vero nec agnovit, nec confessa est, nec venenum suæ mentis deferuit. Verumtamen in itinere cæpto reducta, nec percussa doluit, nec attrita voluit recipere disciplinam. Quippe quæ nec reversa est ad percutientem se, nec etiam duriora vulnera sensit. Merito ergo ea inter mortuos reputata: quæ nimirum neque in suis penetralibus occultata, immo jam fœtida jaccens per confessionem foras egreditur: vobis ejusdem in jam fatam mœcham sententiæ prolata notionem duximus nostris litteris exaratam denuo destinandam: admonentes videlicet, ut saltem vos & subiectos vestros ab operibus ejus mortuis observaretis, & ut præceptum est, pollutum (c) minime tangeretis. Quamvis easdem litteras, ut relatione nonnullorum audivimus, immo ut lucris nullius effectui didicimus, recipere Fraternitas vestra renuerit; nec in hoc, pro quo missæ sunt, vel a nobis excitata vigilare, sive quamlibet operam dare curaverit. Quæ res, si veritate minime fulciretur, profecto quantum proficeret, aut non proficeret, Pontificio nostro solertia vestra jam dudum (d) congruo retulisset. At vero cum nil ex hoc nobis retulerit, patenter datur intelligi, nihil hinc studii, ut admonita fuerat, eam penitus habuisset. In quo liquido patet, quid ageretis nullis hortatibus nostris pulsati, qui nullum in Ecclesiasticis correctionibus laborem geritis etiam à nobis toties incitati. Sed saltem nunc, quod hætenus omisistis, incipite: ita ut unusquisque vestrum veraciter dicere cum Psalmista valeat: *Nunc (e) capi.* Et novissime cum Apostolo securus & lætabundus fateri: *Bonum (f) certamen certavi, cursum consummavi, fidem servavi, & de cætero reposita est mihi corona justitiæ.* Verum jam fortasse malitia sibi finem imponeret, nisi quidam vestrum magis sua, quam quæ Jesu Christi sunt, quaererent. Quidam sibi peritura, seu toxicata beneficiâ subtrahi metuunt: pro justitia quidam loqui renuunt, favere autem mœchis tota virtute contendunt, ac

per hoc æternis beneficiis justo judice decernente privantur. Quamquam meminisse nihilominus debeant, nos penitus non latere, quantum ipsi favorem mœchis præstiterint: nimirum qui surreptiones suas in profanis gestis nos dudum reperisse non nesciunt. Quibus etsi forte Apostolica moderatione ignovimus, qualiter tamen his, quibus peperimus, fuerit ignotum recolimus. Denique sic præterita dimisimus, ut futuris congruam adhibuerimus cautelam; & sic se noscent illi provisum judicium evasuros, si se scirent in idem flagitium favendo nunquam penitus incurfuros. Nunc ergo quoniam minus se se caute ab eo munierunt, in judicium, quod dilatum est, inciderunt. Quatenus & illis, & his qui mittere pro impetranda venia contempserunt, valde providendum est, ne a communione nostrâ, ac per hoc ab universalis Ecclesiæ compage ruant; sicque demum de gradibus suis minus in finem, quam volumus, exsultent. Præterea si quis, ut fama mentitur, æstimat nos Waldradæ in Galliam remeandi licentiam dedisse; vel si qui sunt, ad quorum noticiam Epistolæ nostræ propter occultationem earum non pervenerunt; si scire non recusant, quæ super hujusmodi negotio nostra fuerit immota semper intentio, *Christianum & Waltarium* Comites interrogent; quos Romam licet non uno eodemque, tamen continuato tempore venientes, non solum ut Lotharius, quatenus a pravitare tandem cessaret, jugiter admoneretur, hortati sumus: verum etiam eis, quia Waldrada erat excommunicata, multipliciter intimavimus; pro eo scilicet, quia impœnitens permanere proponens, a nobis salutis suæ remedium ad limina veniens Apostolorum, ut statutum fuerat, minime postulaverit. In quo considerandum est, quia si idcirco potissimum per nos Waldrada mulcata est; quoniam cœptum salutariter iter non perfecit, quomodo ut retro rediret nostram licentiam habere valuerit, ignoramus. Sed ad vos nunc nobis, fratres carissimi, sermo est, & ad vestræ beatitudinis reverentiam noster stilus dirigitur: quatenus si adeo zelus vester non accenditur, ut Phinees

(c) Isaïæ XII.  
(f) II. Tim. IV.

(d) pro congrue.

(e) Psalm. LXXXVI.

nees imitari videatur, videlicet ut quod ille materiali, vos exerceatis gladio spiritali; saltem Nathan, Eliam, ceterosque Prophetas, qui delinquentes Reges salubriter corripuerunt, æmulatione sacerdotali, seu pastoralis sollicitudine revocari non renuat. Nam etsi quondam Elias, infirmitate victus humana, furorem Principis fugit, sed & scelera ejus sæpe redarguit, & impavidus exprobravit. Similiter & ille beatus Pastor Ecclesiæ Petrus, qui prius quidem ad unius mulierculæ vocem, fragilitate superatus & ipse humana, quod est divina gestum dispensatione, dum mori timuit, auctorem vitæ negavit: post acceptum Sancti Spiritus donum, cujus partem, & vobis inesse non immerito credimus, adeo etiam post minas, post cædes, vires Principum pressit, ut merito in igneis linguis Spiritum Sanctum accepisse probetur. Nimirum qui quos replevit ardentes, fecit pariter & loquentes, nec non & flamma divini zeli, atque suorum mirabilium verborum facibus corda Principum mundi accendentes. Et revera quis infirmabatur, & illi non infirmabantur? quis scandalizabatur, & illi non urebantur? sed ne diutius immoremur, verbis vos solum jam nunc ipsius Apostolorum Principis convenire curamus; & quod ille Presbyteros alloquens persecutus est, ad vos multo magis pertinere colligite; & quale malum sit adulterium, vel quid vos maneat, si studiosi, vel si desides fueritis inventi, ex sermone illius, qui per Beatum Clementem recitatur, attendite. Ait enim: "Et quid (g) in omnibus peccatis adulterio gravius? Secundum namque in poenis obtinet locum: quoniam quidem primum habent illi, qui aberrant a Deo, etiam si sobrie vixerint. Propter quod vos, o Presbyteri, Ecclesiam excolite, & adornate sponfam Christi ad pudicitiam. Sponfam autem dico omnem Ecclesiæ Christi congregationem: quæ si pudica inventa fuerit a sponso suo, ingentibus ab eo donis & muneribus honorabitur; & vos, velut ministri sponse, & amici sponsi, ingenti gau-

"dio & lætitia perfruemini. Si vero sponfa hæc reperta fuerit commaculata peccatis, ipsa quidem tamquam indigna extrudetur a regalibus thoris: Vos autem poenas dabit, si forte per vestram negligentiam, & desidiam obrepserit contagio sæva peccati." Ecce audistis discrimen vestrum, inertes. His itaque decursis, Sanctimoniam vestram hortamur, & per incomprehensibilem Sanctam Trinitatem vos omnes pariter obsecramus, ut litteris vestris sine mora per Legatos vestros idoneos directis nobis veraciter indicetis, si secundum juramentum præstitum coram Miso nostro, Lotharius cum Theutberga converteretur? Aut si ita illam tractat, quemadmodum Rex legitime sibi conjunctam debet tractare Reginam? Et qui sint illi, qui nullo pacto a nobis diffidentes, adulteris nullum consentiunt præstare favorem? Nec non & hanc Epistolam nostram ostendatis, & excommunicationis Waldradæ tenorem manifestum facere studeatis. Jam vero, qui hæc vestrum agere & intimare, quæ diximus, postposuerit, & ipse se obnoxium & fautorem adulterorum palam ostendet: & hoc nobis erit signum, eum toto consensisse facinori, si obedire huic instituto nostro neglexerit. Ac per hoc tamquam conventum a nobis & admonitum, ac salubri monimini satisfacere nolentem, sed per omnia vobis inobedientem, nostra seu totius Ecclesiæ hunc communionem constituimus esse remotum. In promptu (b) videlicet, secundum Apostolum, habentes omnem ulcisci inobedientiam. Sane, cui personam dirigendi nulla facultas suppeditat, saltem scripta eandem indicantia mittere minime parvipendat. A qua indulgentia Viridunensem Antistitem non inconvenienter excipimus: quem omnino præcipimus non solum litteras ad nos, verum & personam de proprio clero mittere, sine qualibet mora vel excusatione, prorsus idoneam. Optamus Sanctitatem vestram nunc & semper bene valere. Data VIII. Kalendas Februarii. Indiæ. XV.

X x

NICO-

Nicolaus Papa obiit 867. Idib. Novembris, Indiæ. I. Indiæ. XV. currebat à Januario ad Septembrem. *Annales Bertiniani & Anastasius.*

[g] Clemens Epist. I.

[b] II. Corinth. X.

*Tomus II. Concil. German.*



# NICOLAUS EPISCOPUS

## SERVUS SERVORUM DEI,

LOTHARIO GLORIOSO REGI.

*Quod Theutberga tædio afflictionum contra se ipsam scribat. Cæterum dissolvi ejus conjugium non posse, nisi Lotharius cælibem quoque vitam spondeat.*

**A**udito revertente Misso nostro, correctionis tuæ, ut ita dicamus, initio, gratias Deo condignas egimus; & ut tibi quoque grates competibiles referremus, animum præparavimus. Sed, heu! adversa nuntia venientia hujus intentionis nostræ proposito celeriter obviaverunt. Quapropter compulsi sumus mutare vocem: & qui ad gratiarum actiones os aperire disposueramus, in luctus & increpationes adhuc officium linguæ coacti dirigimus. Siquidem Epistolam nunc suggestionis Theutbergæ Gloriosæ Reginæ missam, deferentibus legatis ejus, suscepimus; quam nihil intimare reperimus litteris, nisi quod illi asserere videbantur verbis. Verum in utroque obstupefacti pariter, & mirati sumus: atque tam repente stili, & mutata petitionis sensus perpendentes, nihil tale illam nobis intimasse (a) quoque tempore recolimus. Siquidem cum ad relationem omnium pæne, qui ex Gallicanis, & Germanicis Regionibus Romam orationis gratia veniunt, vel multorum illic degentium, oculos mentis inflectimus; plurimum distare conspiciamus, quod ipsa nunc dumtaxat significat, & quod hi omnes quotidie promodum verbis & apicibus innuunt: quippe quam inremotam cuncti afflictionem, ac intolerabilem pressuram, nimiamque violentiam pati testantur. Quamvis illa contra, sponte ac libenter a Regia dignitate exui se velle ac optare fateatur & copula. Quæ illi quidem aliter, hæc vero aliter prosequi cernitur: ita ut omnium assertionibus legaliter a te admissa, inique deinde accusata, post hæc judicio, quo tibi & omnibus subiectis tuis, nec non & Episcopis placuit, evidenter purificata, deinde secundo repulsa, postremo monitis & decreto nostro, pariter & hortatu filii nostri excel-

lents Augusti, jure recepta dicatur. Ipsa autem his omnibus contraria nunc effusa, & suæ ipsius oblita professionis, nescimus, quæ frivola fateatur: quæ videlicet nolumus exaggerare, quia nolumus supervacue laborare. Didicimus tamen multorum relatu ac multis indicis, te ad imitationem eorum conversum, de quibus Apostolorum Princeps dicit: Si enim (b) refugientes coinquinationes mundi in cognitionem Domini nostri & Salvatoris nostri Jesu Christi, his rursus impliciti superantur, facta sunt eis posteriora deteriora prioribus. Melius enim erat illis non cognoscere viam justitiæ, quam post agnitionem retrorsum reverti ab eo, quod illis traditum est, sancto mandato. Continget enim illis illud veri proverbii: Canis reversus ad suum vomitum, & sus lota in volutabro luti. Didicimus, inquam, te, qui prolixo tempore in scelere permanens, Ecclesiæ Dei non modicum nocuisti, nocere adhuc; & qui in sordibus eras, fordescere adhuc. Et certe in reversione Legati nostri te correptum audientes, ultra quam dici valeat, exultavimus, & omnipotenti Domino gratias immensas retulimus: putantes videlicet, de apprehensis a te honestis moribus, tandem aliquando fragrantiam in odorem suavitatis ad Dominum dirigi, non fetorem de iterata nequitia tuæ colluvione per mundum ultra dispergi. Sed heu! e contrario, pro suavi odore fetor, non in quo currendum sit, sed qui tota velocitate fugiendus existat, ecce hac illaque diffunditur. Siquidem, ut opinamur, tibi non sufficit solum adulterium perpetrasse, nisi apponas, ut etiam animas hominum perjurii laqueis irretitas in extremum demergas interitum. Sed quid mirum, si paucorum animabus per perjurium exitium acquisisti, quando in tanta sublimitate positus, per exemplum tuæ mœchiæ

(a) al. quoquo.

(b) II. Petr. II.

mœchiæ tot hominum millia in perditionis chaos præcipitaveris? Nam majora facit crimina sublimitas dignitatum. Illud autem, quod prænominata Regina quasi Waldradæ testimonium perhibet, dicens, eam fuisse tuam uxorem legitimam; aut invita, aut frustra conatur adstruere: quandoquidem illius nullo prorsus hinc testimonio quis indigeat. Cum magis nos ita sentiamus, quod justum, & ita intelligamus, quod æquum est, ut etiam Theutberga mortua, tu nullis legibus, nullis regulis unquam Waldradam in uxorem possis, aut permittaris assumere. Utrum ergo Waldrada legitima tua fuerit aliquando conjux, Ecclesiæ Dei satisfactione Theutbergæ non eget. Unum tamen scimus, quoniam nec nos, nec eadem Sancta Ecclesiæ, auctore Deo, qui adulteros judicabit, te, si Waldradam quandocumque resumpseris, etiam Theutberga decedente, dimittet modis omnibus impunitum. Illud vero, quod dicit, Romam se velle venire, nobisque passiones, & quædam secreta sui pectoris referre, fieri non convenit: quoniam & securitas itineris, quam præterdit, nulla est: & quamdiu Waldrada ita tibi juxta posita est, diaboli versutia non abesse convincitur. Dum enim Theutberga discedit, Waldrada incunctanter accedit: nimirum quia, dum lex repellitur, prævaricationis confestum inducitur. Ceterum quis ignorat, Theutbergam hæc contra se multis pressuris subactam deponere; ac innumeris malis attritam, immo mortis periculum formidantem, quod solo Deo custode frequenter evasit, asserere? Cum etiam, ut prædiximus, pæne omnes religiosi & clari viri Galliarum & Germaniæ hæc ita se (\*) crebra relatione testentur. Adeo ut hæc eam, quæ nunc scripsit, nobis scripturam fore, ante multum temporis præscierimus. Verum nos talem confessionem ejus, quam non voluntas, sed vis extorsit, nequaquam pro confessione recipimus. Quamobrem quisquis contra Theutbergam agit, non solum Ecclesiæ Dei graviter lædit; verum etiam Sedem Apostolicam, cujus judicium non licet retractare, vehementer adversus se commovere convincitur:

X x 2

quoniam illa ex utraque parte provocata, id est, tam a te, quam a Theutberga, cujus vestri negotii exsecutrix & interemptrix effecta est. Jam vero, si eadem Theutberga Romam venire disponit, & licentiam a te, conjuge videlicet suo, proficiscendi adepta fuerit, securitas est ei prorsus certissima tribuenda, qua freta nusquam metuat, se per hominem aliquid incidere læsionis. Quod omnino non provenire poterit, nisi Waldrada Romam prius mittatur, & de ea, quod conveniens sit, diffiniatur: & ita demum talis immunitatis certitudo subsequatur, ut sæpe dicta Theutberga nec veniens, nec commorans, nec rediens aliquod patiat incommodum. Quod si minime pro repellenda a te sinistra suspitione promiseris agere, cessandum est; & ne talibus fraudis insidiis acquiescamus, omnimodis præcavendum. Tuque summo studio præfaram Theutbergam conjugem tuam tanquam propriam carnem fovere, ac diligere procurato; & ne illam separari a te ullo pacto consentias, vigilanter attende. Unde si vult a te discedere, corripe, immo corripe eam, & a tali intentione per omnia satage revocare. Jam vero, si amore pudicitie separationem quærit, & conjugalis concubii solutionem efflagitat; certum est Apostolo prædicante, (c) quoniam mulier sui corporis potestatem non habet, sed vir. Verum si & ipse pudicitiam sectatus religionis obtentu copulam dissolvere vis, tantum ne simulate fiat, concedimus. Nam licet scriptum sit: *Quod* (d) *Deus conjunxit, homo non separet*: Deus tamen, & non homo separat, quando divini amoris intuitu, ex consensu utriusque conjugis matrimonia dissolvuntur. Si ergo hoc modo vis, nos grato permittimus animo, celeremque præbemus assensum. Aliter autem fieri mutuam vestram separationem prohibemus: si quidem scriptum legimus: *Erunt* (e) *duo in carne una*. Quod divus Gregorius (f) exponit, dicens: " Si igitur vir & uxor una caro sunt, & religionis causa vir dimittit uxorem, vel mulier virum, in hoc mundo remanentem, vel fortasse ad illicita migrantem; quæ est ista conversio, in qua una eademque caro

(\*) Supple: habere.

(c) I. Corinth. VII.

(d) Matth. XIX.

(e) Genes. II.

[f] Lib. IX. Epist. 39.



" caro & ex parte transit ad continen-  
 " tiam, & ex parte remanet in pollutio-  
 " ne? Si verò utrisque conveniat, con-  
 " tinentem vitam ducere, hoc quis au-  
 " deat accusare? Quando certum est,  
 " quod omnipotens Deus, qui minora  
 " concessit, majora non prohibuit."  
 Porro si sterilitas accusatur, cogita Saram  
 nonagenariam, Annam quoque & Eli-  
 sabeth. Quam tamen sterilitatem for-  
 tasse non facit infœcunditas, sed iniqui-  
 tas. De aliis postremo vitiis, audi quid  
 cœlestis bibliothecæ cultor dicat (g) Hi-  
 eronymus: " Grave, inquit, pondus  
 " uxorum est, si excepta fornicationis  
 " causa eas dimittere non licet. Quid  
 " enim si temulenta fuerit, si iracunda,  
 " si malis moribus, si luxuriosa, si gu-  
 " losa, si vaga, si jurgatrix & maledica,  
 " tenenda erit istiusmodi? volumus,  
 " nolumus, sustinenda est. Cum enim  
 " effemus liberi, voluntate nos subjeci-  
 " mus servituti: & revera ut verbis uta-  
 " mur Apostoli: *Aligatus (h) es uxori?*  
 " *noli quærere solutionem.* Ergo, gloriosissime  
 Rex, esto propria contentus uxore, &  
 præter illius, alterius umquam ne quæ-  
 ras consortium. Et certe, quantum  
 humanus sufficit invenire intellectus, eam-  
 dem crebro memorata mulier non solum  
 infons sæpe comprobata est, verum &  
 Ecclesiæ auxilium, atque iudicium pro-  
 vocasse dignoscitur. Insuper & Sancti  
 Apostolorum Principis Petri præsidium  
 expetivit. Unde Sedes Apostolica cau-  
 sam vestram per ipsam cœpit discutere,  
 & quidquid quæstionis emerisset, spe-  
 ciali iudicio suo reservare proposuit.  
 Qua de re non putamus te in tantam tui  
 perniciem devolvendum, ut contra no-  
 stras diffinitiones, vel adversus crebro  
 dictam feminam, beati Petri refugio  
 prorsus innixam, agere quocumque  
 modo consentias: cum tibi potius &  
 regno tuo, quam Theutbergæ, si ad hoc  
 tam immane piaculum dilapsus fueris,  
 acquiras omnino dispendium. Igitur  
 consilium nostrum accipe, & mœnita  
 nostra tanquam affectuosi patris ample-  
 ctere, atque ab omni pravitate mentem,  
 linguam, corpusque refrœna: præcipue

Waldradæ pellicis tuæ, & dudum a te  
 repudiatæ communionem declinans, &  
 ejus consortium perpetuæ oblivioni con-  
 tradens. Excommunicata est enim, &  
 usque ad præsentiam nostram ab omni  
 Christianorum contubernio sequestrata;  
 sicut totus jam novit Occidens, & jam  
 jamque per Missos nostros minime cum  
 plagis ceteris Oriens ignorabit. Quam-  
 obrem cavendum est, ne cum ea pari  
 mucrone percellaris sententiæ, ac pro  
 unius mulieris passione, & brevissimi  
 temporis desiderio, victus & obligatus  
 ad sulfureos fœtores, & ad perenne tra-  
 haris exitium. Deterius quippe in po-  
 pulis prælati delinquant: ac per hoc  
 ipsi crudelius, quam ceteri puniuntur.  
 Sed ut manifestius nos vera dicere scias,  
 beatum Papam Gregorium audi, qui  
 ait: " Scire etenim Prælati debent, quia  
 " si perversa umquam perpetrant, tot  
 " mortibus digni sunt, quot ad subditos  
 " suos perditionis exempla transmittunt.  
 Unde necesse est, ut tanto se cautius a  
 culpa custodiant, quanto per prava, quæ  
 faciunt, non soli moriuntur. Hæc au-  
 tem nos tibi nunc scripsisse, & quasi in-  
 ternos & te, verba nostra excessus tuos  
 corripientia discursisse sufficiat. Cete-  
 rum præcave, nequandum nobis [i] se-  
 cundum Domini præceptum, duos aut  
 tres testes adhibeamus: immo vero ne  
 hoc Ecclesiæ Sanctæ dicamus, &, quod  
 non optamus, decreto fias cunctis sicut  
 Ethnicus & Publicanus.

Porro Excellentiam vestram horta-  
 mur, ut hoc exemplar Epistolæ ad Lo-  
 tharium missæ, (k) quousque illum nostris  
 monitis obedire perfecte cognoveritis,  
 apud vos nemine alio sciente retineatis.  
 Si autem suæ obstinationi non cesserit,  
 & quæ ei ad præsens dirigimus, perfice-  
 re distulerit, vel si Theutbergam Regi-  
 nam debito honore non retinuerit; ve-  
 stra ad omnium notitiam, quæ de eo  
 statuimus, faciat venire sublimitas, &  
 juxta nostræ censuræ modum ad gloriam  
 vestram transmissum huc illucque di-  
 spergat.

NICO-

(g) In Matth. Cap. 19.

(h) I. Corinth. VII.

(i) Matth. XVIII.

[k] Eti hæc Epistola ad Lotharium scripta fuerit; addita tamen sub finem admonitio in-  
 dicat, eam missam fuisse ad Regem Ludovicum, producendam ab hoc, vel occul-  
 tandam, prout circumstantiæ postulaverint.

# NICOLAUS EPISCOPUS

## SERVUS SERVORUM DEI,

DILECTÆ FILIÆ THEUTBERGÆ GLORIOSISSIMÆ  
REGINÆ.

*Arguit, quod contra se ipsam tædio victa scribat, negatque fieri posse  
quod suggerit, ut continentiae studio conjugium dissolvat, nisi  
Lotharius maritus cælibem quoque vitam promittat.*

**E** Pistolam suggestionis tuæ Præfultui nostro deferentibus Legatis tuis missam suscepimus; & quod nihil ipsa litteris, quam quod illi verbis indicaverit, evidenter agnovimus. Verum in utroque obstupescit pariter, & mirati sumus, atque tam repente stili, & petitionis mutata verba considerantes, nihil tale te nobis intimasse quoquo tempore recolimus. Sed quid nobis talia scribis, & suggeris, cum nos te nobis hæc, & scripturam & suggesturam longe ante præscierimus? Verum cum ad relationem omnium pæne insignium personarum, quæ in Gallicanis & Germanicis Regionibus consistunt, mentis inflectimus oculos; multum inter se distare conspicimus, quod ipsa nunc dumtaxat significas, & quod illi quotidie propemodum verbis, & apicibus innunt. Omnes enim te irremotam afflictionem, intolerabilem oppressionem, nimiamque violentiam pati testantur. Tu autem his contraria suggerens, nullo cogente, sponte ac libenter a Regia dignitate exui te velle ac optare fateris, & cetera, quæ illi quidem aliter; tu vero aliter profecuta esse dignosceris. Ita ut omnium assertionibus legitime a Lothario Rege admissa, inique deinde accusata, post hæc purgata, deinceps denuo repulsa, postremo decreto nostro jure recepta dicaris: tu autem his omnibus contraria nunc affecta, & tuæ ipsius oblita professionis, nescio quæ frivola fatearis, quæ videlicet nolumus exaggerare, quia nolumus supervacue laborare. Intelleximus tamen eum, qui nocuit Sanctæ Dei Ecclesiæ, nocere adhuc, & qui in sordibus erat, fordescere adhuc. Intelleximus, inquam, jumenta in stercore suo proposuisse putrescere; & cui non sufficit solum adulterium perpetrasse, & falsitatis præsti-

X x 3

gia, ac iniquitatis adinventiones in funiculo vanitatis contraxisse, apposuit, ut etiam animas hominum perjurii laqueis irretitas in extremum præcipitaret exitum. Sed quid mirum, si paucorum animabus per perjurium acquisivit interitum, qui in sublimi positus per exemplum suæ mœchiæ tot hominum millia in perditionis chaos demersit? Illud tamen, quod Waldradæ perhibes testimonium, dicens, eam fuisse legitimam uxorem Lotharii, frustra conaris adstruere, quandoquidem tuo nullo prorsus hic testimonio quis indigeat: cum magis ita nos sentiamus, quod justum est, & ita intelligamus, quod æquum existit, ut te etiam reprobata, etiam mortua, Lotharius nullis legibus, nullis sine sui discrimine regulis, Waldradam mœcham in uxorem unquam permetteretur assumere. Utrum ergo Waldrada legitima fuerit aliquando conjux, Ecclesia Dei satisfactio tua non eget. Unum tamen scito, quoniam nec nos, nec eadem Sancta Ecclesia, Deo auctore, qui adulteros judicabit, Lotharium, si Waldradam quandoque resumpserit; etiam te, ut prætulimus, decedente, dimittet omnibus modis impunitum. Illud vero, quod dicis, Romam te velle venire, nobisque passionem, & quædam secreta tui pectoris referare; fieri non convenit. Quoniam & securitas itineris, quam prætendis, nulla est; & quamdiu Waldrada ita Lothario juxta posita est, ab illo quoquam te discedere non permittimus. Dum enim tu discesseris, illa recipi procul dubio creditur, & in longinquitate tua ipsa confestim admittitur. Quod autem sterilis, ut asseris, permanere dignosceris, non hoc corporis infecunditas, sed viri facit iniquitas: quamvis Deo fecundante legamus, quoniam Sterilis (a)

pep-



peperit plurimos, & quæ multos habebat filios, infirmata est. Perhibes etiam, quod matrimonium inter vos non divinitus fuerit ordinatum, & idcirco permanere non possit: quoniam omnis (b) plantatio, quam non plantavit pater meus celestis, eradica-bitur. Sed recole, quia vineam Deus plantavit, quam expectavit juxta Isai-am, ut [c] faceret uvas, & fecit labruscas; & quæ secundum Jeremiam conversa est (d) in amaritudinem vitis alienæ. Deus ergo plantavit matrimonium vestrum: sed conjugis tui vitio conversum est in amaritudinem: & dum expectatum est, ut faceret uvas, fecit, heu! labruscas, vel etiam spinas. Sed hæc quidem ex innumeris Epistolæ tuæ sola commemorare libuit. Ceterum quis ignorat hæc te multis pressuris subactam depromere, ac innumeris malis attritam proferre; cum etiam ut prædiximus, omnes religiosi, & clari Galliarum, & Germaniæ viri hæc ita se habere frequenti relatione testentur; adeo ut hæc te nobis scripturam fore ante multum temporis agnoverimus? Sed his omissis, hortamur te, ac vehementer admonemus, ut ipsa tibimet manum non inferas, nec mortis fomitem generes. Melius quippe tibi est, ut veritatem loquentem alius te occidat, quam tu te ipsam, mendacium dicens, interimas. Sta igitur intrepida atque constans; & mortem, quam quoquo modo semel experiri debes, præcipue pro veritate sustinere ne paveas. Quoniam cum Christus sit veritas, quisquis pro veritate moritur, pro Christo procul dubio moritur; pro qua videlicet Joannes occisus Baptista martyrium sumpsisse dignoscitur. Quod si ille proximi justitiam loquens interficitur; quanto potius tu Dei justitiam loquens, & de veritate tua testificans, nullius mortis formidare debes exitium: Beati enim, qui persecutionem patiuntur propter justitiam, non solum alterius, sed & suam. Verum nos hanc confessionem tuam, quam non voluntas, sed vis extorsit, nequaquam pro confessione recipimus: nec permittimus tantum vitium radices extendere, quod nisi evulsam intime fuerit, ad multorum perniciem potest accrescere. Denique si hoc licet, omnes viri possunt, quas jure sortiti sunt feminas, si has odio habuerint, diversis af-

flictionibus macerare, & quod legitime non fuerint assumptæ, fateri cogere: quin etiam, ut mortale crimen contra se dicant, illatis intolerabilibus pœnis compellere. Quis enim magis nocere valet, quam civilis hostis? Vel quis amplius ledere poterit, quam uxorem maritus? Sed nos tales fraudes præcavere debemus; & ne proficiant, in ipso novitatis earum principio detruncare. Nec tamen putamus Lotharium, virum videlicet tuum, in tantam sui perniciem devolvendum, ut vitæ tuæ insidiari quocumque modo consentiat; cum non sibi, vel regno suo minus, quam tibi, si ad hoc tam immane piaculum dilapsus esset, acquireret omnino dispendium. Siquidem, tu, quantum humanus intellectus sufficit invenire, non solum innoxia sæpe comprobata es, verum & Ecclesiæ semper auxilium provocasse dignosceris. Insuper & Sancti Apostolorum principis præsidium refugiumque petisti. Unde Sedes Apostolica tuam causam cœpit discutere, & speciali, quidquid quæstionis emerisisset, judicio suo reservare proposuit. Quamobrem quisquis contra te agit, non solum Ecclesiæ Dei graviter lædit; verum etiam Sedem Apostolicam, de ejus judicio non licet retractari, vehementer adversus se commovere convincitur. Sane si tu Romam venire disponis, & licentiam proficiscendi a conjugis tuo adipisci vis; nos econtra multo magis hortamur, ut suadere modis omnibus eidem viro tuo procures, quatenus prius securitatem tibi certissimam tribuat, qua freta nusquam metuas, te per hominem aliquid incidere læsionis. Quod omnino non provenire poterit, nisi Waldrada prius Romam mittatur, & de ea, quod conveniens sit, diffiniatur; & ita demum talis immunitatis certitudo subsequatur, ut tu nec veniens, nec commorans, nec hinc rediens, aliquid patiaris incommodum. Quod si renuit ad repellendam a se sinistram opinionem agere, cessâ, & ne talibus fraudis insidiis acquiescas, omnino præcave. Calide quippe tam ille, quam satellites ejus, te decipere moliantur, & veritatē suæ tergiversationis pedicis supplantare procul dubio machinantur. Porro si amore pudicitiae, ut asseris, solutionem matrimonii quæris, hanc tibi nullo pacto no-veris

(b) Matth. XV.

[c] Isaiæ V.

[d] Jeremiæ II.

veris tribuendam, nisi vir tuus eandem pudicitiam non fiste sectatus existerit. Denique ut cum Beato Gregorio Papa dicatur, si continentiam (e) quam vir appetit, uxor non sequitur; aut quam uxor appetit, vir recusat; dividi conjugium non licet: quia scriptum est: *Mu-*

*lier (f) sui corporis potestatem non habet, sed vir; & vir sui corporis potestatem non habet, sed mulier.* Optamus gloriam tuam in Christo nunc & semper bene valere, dilectissima filia. Data Kalendas Februarii, indictione XV.

(e) Lib. 9. Epist. 39.

(f) I. Cor. VII.

## NICOLAUS EPISCOPUS SERVUS SERVORUM DEI,

DILECTO FILIO LUDOVICO GLORIOSO REGI.

*Ut Lotharium ad diligendam Theutbergam excitare pergat, & Ingeltrudem ad Bosonem maritum redire compellat.*

**P**Recamur amabilem dilectionem vestram, ut Regem Lotharium monere nullo pacto desistatis, ut debitam dilectionem Teutbergæ Reginae uxori suæ semper impendat: nec sibi blandiatur, quasi studeat eam cogere, ut aliquod sibi crimen impingat, & per hoc valeat illam a suo consortio sequestrare: quoniam hoc nec ipse legaliter agere prævalet, nec nos talibus præstigiis, & tam fraudulentæ calliditati locum dari permitimus. Sed etiam si abundante iniquitate, qualibet astutia, potius autem violentia, tale quid machinari potuisset, Waldradam ei mœcham, cujus immundo desiderio ad ista intendit, anhelat, & pervenire dementer affectat, nullus conjugali fœdere permetteret sociari; nisi cunctarum regularum temerator, & infractor inveniri voluisset. Agite igitur circa eum benigne: & quoniam filius Germani vestri est, tamquam os vestrum & carnem monere, increpare, immo vero etiam severius corripere, quin & quoquomodo corrigere studeatis, mentis scilicet ejus salutem magis, quam corporis anhelantes. Postremo, fili carissime, non vos latere credimus, quot & quantos labores pro refuga illa Bosonis uxore sæpe pertulimus; & quoties eam, ut ad justitiæ tramitem remearet, salubriter admonuerimus; & qualiter etiam non respicientem, sed nequitia sua pertinaciter persistentem, gladio anathematis percussimus. Quæ nec percussa doluit,

nec attrita voluit recipere disciplinam. Vir autem ejus, innocens videlicet, in ejus absentia hinc inde labore non modico fatigatur, quoniam nec ipsi reconciliari absenti prævalet, nec alterius illa vivente consortium ei conjugale conceditur. Qua de re quoniam improbitatem, & insolentiam ejusdem viri continuam patimur, volentis scilicet ardentem ad secundum, imo ad illicitum convolare connubium; obnixè dilectionem vestram deposcimus, ut pro revocanda ea omne studium pro Dei amore sumatis, quinimo & eandem perditam, ac sæpe damnatam feminam lucrari Domino valeatis. Ita ut si monitis provocata viam suæ salutis non arripit, saltem pressuris per vestram industriam angustata respiscat: & quæ ad Dominicam cœnam sponte intrare noluit, dum tantum intret, vel compellatur invita. Nam forte de hujusmodi Dominus per Prophetam dicit: *Ecce (a) ego sepiam viam tuam spinis, & sepiam eam maceria, & semitas suas non inveniet, & sequetur amatores suos, & non apprehendet eos: quæret & non inveniet eos, & dicit: vadam & revertar ad virum meum priorem, quia bene mihi erat tunc magis, quam nunc.* Quod venerandum oraculum si tropice differatur, non parvam utilitatem generat. Verum nunc brevier dicendum est, quoniam si eadem femina, sicut nec debet, nullius communione frueretur, & non exquisitis voluptatibus potiretur; si denique vias suas spinis

septas

(a) Osee X.



septas pateretur, si in terrenis desideriis de impossibilitate lassaretur; jam Deum profecto ad mentem reduceret, & ad amorem viri proprii vel invita rediret. Sic ergo përvicax illa, & impenitens anima, quæ diu est adultera conata persistere, sic fortasse, si tamen necessitas ei per vos rerum interim titularum impo-

neretur, fidelis jam decerneret esse con-  
jux, quæ merito ac veraciter deinde di-  
cere posset: *Revertar* (b) *ad virum meum*  
*priorem, quia bene mihi erat tunc magis, quam*  
*nunc.* Optamus gloriam vestram bene  
valere, dilectissime fili. Data Nonis Mar-  
tii. Indiçtione XV.

(b) Osee VII.

## NICOLAUS EPISCOPUS SERVUS SERVORUM DEI,

DILECTO FILIO LUDOVICO GLORIOSO REGI.

*Conqueritur de Lothario, quod nihil eorum præstet, quæ promisit. Prohibet, ne Romam veniat, priusquam Waldradam, ut iussus est, eo dirigat, & Theutbergam tractet ut Reginam, & Treveris atque Coloniae legitimi Episcopi ordinentur. In embolo, de redditibus Sancti Petri.*

**S**yllabarum vestrarum tenore pandi-  
stis, vos una cum dilecto filio no-  
stro Carolo Glorioso Rege, fratre vide-  
licet vestro, ad commune colloquium  
venisse: cui quia defuit Lotharius Rex,  
nepos scilicet vester, perhibetis vos ad  
eum jam dictum fratrem vestrum Caro-  
lum Regem, adjuncto sibi quodam ex  
Episcopis regni vestri, misisse: quate-  
nus prout vobis per Epistolas nostras ad  
vos directas injunximus, ab illis admo-  
neretur, ut in omnibus jussionibus no-  
stris obediens existeret. Quod quia  
tam utpote pii Principes justitiam dili-  
gentes, quam proximi salutem per car-  
itatem quærentes, nostrisque nihilomi-  
nus adhortationibus obsecundantes, egi-  
stis, debitas gratias agimus: quantum  
tamen lucri efficacia vestra, vel nostra  
monita penes eundem Regem Lothari-  
um impetrarint, fateor, hæcenus non  
elucet. Sed dicitis, eum tam absentem,  
quam postea præsentem, a vobis ipsam  
admonitionem benigne suscepisse, de-  
indeque professum fuisse, in omnibus se  
nostris præceptionibus paritutum. Quod  
quia sæpe audivimus, non tamen hinc  
effectum percepimus, satis ingemiscimus,  
& hujus rei gratia ultra, quam dici  
possit, affligimur. Nimirum qui etiam  
pro sua ipsius salute quotidie labo-

rantes, apud ipsum nihil omnino profici-  
mus, dum quod sermone dicit, facto  
non perficit: & præcipue, cum verba  
ejus, ut arborum folia, sonare quidem  
possint, saturare vero, cum sint sine  
fructu, non possint. Quamobrem, dum  
quærimus, cui hujusmodi vir valeat com-  
parari, nullus menti convenientius oc-  
currit, quam ille filius, cui apud Mat-  
thæum pater dixisse legitur: *Fili* (a) *vade*  
*hodie, operare in vinea mea.* At ille respon-  
dens ait: *Eo Domine, & non ivit.*  
Unde merito figuram Judaici populi ex-  
primit. Ipse quippe repromittebat Moy-  
si dicens: *Cuncta* (b) *quæ locutus est Do-*  
*minus, faciemus:* non tamen, quæ verbis  
repromittebat, rerum affectibus adim-  
plebat. Ita, proh dolor! & iste nepos  
vester, semper quidem monita nostra  
velle audire, semper adimplere cupere  
protestatur: non tamen quod ore, quod  
scriptis opportune, importune sæpissi-  
me proficitur, operibus exercere, vel  
factis exhibere contendit; & paternis  
monitis nostris non tamquam filius obe-  
diens pareat, sed tamquam ingratus post  
tergum repedavit. Si quidem in quo  
aliquando apparuit Rex Lotharius nobis  
obediens? Aut quid ab illo exegimus  
nisi salutem suam? nisi jurationem quam  
(c) læsit Ecclesiæ? nisi Theutbergæ  
Regi-

(a) Matth. XIX.

(b) Exod. XXI.

(c) fortè præstitit.

Reginæ conjugis ejus apud Sanctum Petrum præsidium requirentis securitatem? Nisi nostram etiam post tot labores aliquando requiem? Nam hinc inter innumeras alias curas præcipue laboramus, hinc omnimodam de Waldrada mæcha, & excommunicata suspicionem adimendam sæpe decrevimus. Hic etiam, ut novi Trevirensi, & Colonienſi Eccleſiis antiſtites darentur, injunximus: videlicet qui nec per Theutgualdi, & Guntharii dudum Episcoporum, nec per jam fatæ Waldradæ favorem proveherentur; ſed Canonice a filiis, & de filiis jam nominatarum Eccleſiarum electi, & ab his, qui earumdem Eccleſiarum Antiſtites ſoliti ſunt ſanctificare, regulariter ordinarentur. Sed cum hæc omnia nos opportuna eſſe ac neceſſaria propiſcentes, ipſi Regi Lothario crebro mandalleſſemus, quod noſtræ institutionis exſecutor effectus, ut hæc conſumarentur annueret, immo ut ſua proſus exſecutione perpetrarentur, inſiſteret; aliquid horum effectum quemlibet accepiſſe nos proſecto nondum cognovimus: & tamen ille noſtra ſe velle proficere in omnibus monita proſitetur. Denique Waldradam ad nos non ſolum non miſit, ſicut ſæpius illum hortati ſumus; verum etiam Ticinum, dum ad nos tendere crederetur, jam proſectam, in Gallias reducere procuravit. Filiam vero noſtram Teutbergam Reginam, quæ Beati Petri ſe tegmine ſemper muniri popoſcit, non ſolum ſicut reginam ſecundum præſtitum juramentum non tractat: verum etiam nec pro timore Dei, nec pro Sancti Petri reverentia, nec pro conjugali ſcedere, nec etiam pro eodem collato juramento, ſaltem in minimis quibuſque negotiis ſuam hanc eſſe participationem recognoſcit. Quippe quam omni egeſtati, omni opprobrio, omni proſus abjectioni ſubmittit. Porro de præmemoratis Eccleſiis ordinandis non ſolum mandata noſtra contemnunt; ſed & ſacrorum canonum præcepta conculcat: dum videlicet viduatis Eccleſiis non compatitur, ſed has tanto tempore ſine reſtore manere permittit. Ecce, fili cariffime, quomodo Lotharius Rex inſtituta noſtra cuſtodit: ecce quomodo verum eſt, quod dicit noſtra ſe velle in omnibus obſervare decreta. Et adhuc

*Tomus II. Concil. German.*

ad nos ſe properare velle demonſtrat: cum id ne ſine noſtra licentia præſumeret, nos ei ſæpe diſtrictius injunxerimus, & prohibuerimus. Verum quamobrem Lotharius Romam proſiciſci geſtiat, miramur, ſi veſtram latere potuit prudentiam. Itaque impleat prius cuncta, quæ præmiſimus; totius occaſionis, vel ſiniſtræ ſuſpicionis fomitem a ſe procul abjiciat, immo vero a noſtris mentibus amputet: & tunc, ſi ei ſit huc veniendum, a nobis eſt ſolicite providendum. Siquidem etiam ſi cuncta, quæ nos ei ſupra commemoravimus injunxiſſe, penitus adimpleta potuiſſet oſtendere, nec ſic ei contra interdictum noſtrum Romam fuerat properandum: quanto minus nunc, quando toties a nobis admonitus nihil de eis conſummaſſe convincitur? Igitur dilectio veſtra illum nunc venire Romam, quæſo, prohibeat: alioquin, mihi credite, ſi contra propoſitum noſtrum forte præſumpſerit, minime cum qua cupit honeſtate vel hic ſuſcipietur, vel hinc proſecto egredietur. Nam ſicut mulier Domino fide proximans tangit; turba vero, licet tangit, tamen comprimit; ſic, proh dolor! iſto in tempore quidam etſi tangere, etſi opprimere videntur, tactus tamen eorum, quia non ex fide, preſſuram gignit, & approximatione turbationem adducit. Ergo neceſſe eſt, ut talem ſe in cunctis exhibeat Rex Lotharius, ut nos eum gratanti animo primitus ſuſcipere delectemur; & ita demum venientem expansis brachiis amplectemur. Quod aliter fieri non poterit, niſi Waldrada Romam, ſicuti cceptum fuerat, dirigatur, ut videlicet nos cauſam ejus ad finem legitimum perducamus, qui de ipſius prævaricatione ſemel initium judicandi ſuſcepimus: & niſi reginam Teutbergam, ſecundum tenorem juramenti, ab ipſo audiamus Rege Lothario conjuge ſuo tractari: videlicet ut talem ſe circa illam mente adminiſtret, & opere, qualem diligens Rex erga dilectam conjugem ſuam ſe debet demonſtrare reginam: & niſi de proprio Clero in Agrippinenſi Colonia, atque Treverenſi Eccleſiis Episcopos ordinari permiſerit: eos ſcilicet, qui nec Waldradæ, nec Guntharii, nec Teutgualdi favore vel eligantur, vel etiam conſecrentur. Hæc ſunt, cariffime,

Y. y.



sime, quæ si Lotharius nepos vester calide non perfecit, hunc veraciter nos audire velle procul dubio poterunt indicare. Atque si salutis ejus vestra caritas consulit, eum magnopere suadeat incitare; & non ejus foris perstreptibus verbis facile credat, sed operum facta, secundum perspicacissimam proprii affluentiam sensus, consideret. Dicit enim Joannes Apostolus: *Filioli (d) mei, non diligamus verbo, neque lingua, sed opere & veritate.* Nam si nosse libet excellentiæ vestræ, quid sit, unde Lotharius jactat se nostram in omnibus adimplere voluntatem, nos evidenter aperiemus. Videlicet quia nobis, immo Deo nostro obediens, Theutbergam suam conjugem recepit, Waldradam vero, utpote adulteram, merito sequestravit, nec ad illam post reversionem legati nostri accessit. Sed prudentia gloriæ vestræ jam valet advertere, quid proficiat, si ad eam non pedibus corporis, & tamen passibus mentis accedit. Quid prodest, quia forinsecus ab illa sequestratus cernitur, qui tamen ei valde conglutinator intrinsecus intelligitur? Quid autem proficit dilectæ filiæ nostræ Theutbergæ Reginæ, quia non ex toto ab illa videtur corpore prolongatus, dum tamen esse cum ea mente minime probatur adnexus? Quid ei proficit, conjugalis federis, vel Regiæ dignitatis nomine solo frui, quæ caret omnibus, quæ ad perfectæ dilectionis & consimilis ditionis pertinere videntur insignia? Nam quis, nisi æmula ejus, Waldrada videlicet, quæ non solum pro adulterio commissio, sed pro impenitenti corde vinculis est excommunicationis innexa, regni cum Lothario culmina possidet, gloria fruitur, jura tenet, & omnia suo disponit arbitrio? Quæ licet à colloquio ejus sejuncta specie tenuis videatur existere, per internuntios tamen, & diversos satellites, tantumdem penes ipsum, vel etiam magis valet, quam si legitima conjux haberi quoquo modo potuisset. Nam nemo apud Regium apicem est adjutus, nisi per illam: vix usquequaque læsus, nisi propter illam, quisquam esse refertur. Illa quippe penes eum gratiam poscentibus imperare, ipsa sola, quibus mavult, beneficia parare consuevit. Jam

vero si ita non est, ut dicimus; id est, si vel Theutberga Regina tantam apud ipsum incommoditatem, & dehonestatem non patitur: nec Waldrada mœcha gloria tanta non fruitur; quare nobis scribens, vel aliis satisfaciens, sicut indicat Waldrada, quod post missi nostri reversionem non ad eam accesserit: ita non de conjugis sua Theutberga, quod eam secundum datorum tenorem juramentorum tractet, atque retineat; nisi quia non habet, unde gloriatur? nec agit sic erga eam, ut nobis id veraciter referens, gratiarum à nobis inde percipere valeat actiones? Dum non solum illa nulla munificentia ipso largiente potitur, verum etiam omnibus opprobriis, & ut prætulimus, egestate summa tabescit? Dicite ergo illi vos, carissime, & vestra sagaci conventionione suadere contendite; ut quando nobis mittit, ad Waldradam post reditum missi nostri, contra interdictum nostrum, se nullatenus accessisse; mittat etiam, quod Theutbergam uxorem suam juxta præstita juramenta benigne tractet, & secundum Regiam dignitatem retineat: ita dumtaxat, ut quod mittit, veritate fulciri, aliis etiam attestantibus cognoscamus. Mittat nihilominus nobis, quod in præfatis Ecclesiis ordine, quem supra dictavimus, Episcopi sint regulariter ordinati: & tunc perhibenti, se nostra velle iusta perficere, credemus, & condignas Deo gratias referemus. Nam quamdiu Theutbergam Regio cultu, & conjugali dilectione non retinet; & Teutgualdum vel Guntharium Ecclesias dudum sibi cum sacerdotio ablatas obtinere permiserit occupatas; licet Waldradam non videat, hi tamen gradus sunt (e) quamvis ad ima mergentes, per quos illum sensum ad ipsam tendere prudens quisque parenter agnoscit: dum & illos fovet, quos ad pronefas ductores habuisse claret; & eam affligit, quam debita correctione præmissa Christo juvenile recepit. Accusatores autem habere Lotharium, non nisi illum, qui accusator fratrum in Apocalypsi (f) Joannis appellatur, & opera ejus, quæ & ipsa ejusdem antiqui hostis instinctu patrantur, profecto comperimus. Quæ vero Lotharius Rex, vester nepos, operatur, accusa-

(d) I. Joan. III.

(e) forte quemvis,

(f) Apoc. XII.

accusatore non indigent. Manifesta quippe Apostolo teste (g) sunt opera carnis, quæ sunt fornicatio, immunditia, luxuria & reliqua. Optamus gloriam vestram nunc, & semper bene valere, dulcissime fili. Data quarto Kalendas Novembris, Indictione I.

Statuit præterea nobiscum excellentiæ vestræ legatus, ut mediante Majo mense *hujus primæ indictionis*, pro unius anni redditibus rerum sancti Petri, in regno vestro sitarum recipiendis, nostros missos direxissimus: cum duorum annorum jam tempora præterierint, ex quo redditus ex illis debuerunt esse collecti, & nos ex eis nihil recepimus. Porro si, sicut per multos, & hunc eundem vestrum legatum cognovimus, Arsenius inde aliquid collegit; licet nobis aliquid non detulerit, de præteritis annis collegit, non de futuris. Unde rogamus gloriam vestram, ut pro mercedis vestræ cumulis, collectis omnibus illis, per vestri culminis viros, ad Apostolorum limina orationis gratia venientes,

(g) Galat. V.

antequam de finibus regni vestri foras ea duci jubeatis, nobis significetis; ut his interim in tutissimo a prudentia vestra statuto loco reconditis, si a spiritali filio nostro Augusto obtinere potuerimus, ut cum ipsius homine nostrum illuc dirigamus; & ea ut nobis sine aliquo dispendio deferantur, recipiamus; gratiarum actiones Domino rependendæ sunt. Sin autem, missum nostrum, Deo opifice, destinabimus; qui qualiter in vestro regno sint recondita ac custodita, cum vestro misso prævideat: & his nihilominus interim in vestro regno bene salvatis, aut nobis renuntiet, aut certe quidquid præviderimus, vel sanxerimus, facere non omitat. Aut si gloria vestra, quæcumque illa fuerint, infra territorium ditionis vestræ, videlicet usque Bononiam, aut Ravennam perducere fecerit, tantum ut secura sint, hoc multo amplius utile & gratum habebimus; quoniam & nos deinde modo, quo valuerimus, usque Romam ea ferri jubebimus.

## SYNODUS DIOECESANA COLONIENSIS.

Anno Christi DCCCLXIX. Hadriani II. Papæ III.

*SUMMA. Electio & Consecratio Williberti in Archiep. Coloniensem, contra Hilduinum, à Carolo Calvo destinatum Colonienfi Ecclesiæ Antistitem.*

Ut primum mors Lotharii, Lotharingæ Regis, Placentiæ mortui VI. Idus Augusti (alii pridie Nonas Junii) anno 869. pervulgata, Gallias penetravit, illico Carolus Calvus Lothariense Regnum invit, & ope Adventii Metensis Episcopi occupavit. Advolavit is protinus Metas, ubi ab Hincmaro Remensi, Francone Tungrensi, & Adventio Metensi solenni ritu mense Septembri Rex inauguratus, Treverensi Cathedræ Bertolphum, Adventii Nepotem, præfecit. Tum Aquisgranum profectus, Colonienfi Metropoli Hilduinum Abbatem imposuit, quem a Francone Tungrensi, Suffraganeo Colonienfi, Sacerdotio voluit imitari.

Interea Ludovicus Germanicus, qui cum Carolo Calvo Lothariense Regnum inter se æquis spatiis partiendum prætendebat, Luthertum Moguntinum Præfulem destinavit; qui Clero, populoque Colonienfi Agrippinensi Antistitem eligendum proponat, & electum consecret.

**L**Udbertus, cum ob Carolinæ factionis periculum Coloniam palam non auderet intrare, Tuitii, in opposita civitatis ripa, substitit, evocatis ad se

Cleri & populi Primoribus, quorum omnium suffragiis e Clero sanctitate, doctrinaque illustrissimus electus est Willibertus, lumen in tantis sex annorum tenebris

Tomus II. Concil. German.

Y y 2

bris



bris Metropolis Illustrissimum. Tum omnes consensu navibus cum Ludberto Moguntino, & aliis, quos adduxerat, Præsulibus, Coloniam ingressi, magna Cleri, civiumque gratulatione ad Sedem Pontificiam deduxerunt, ac ornatum Infula consecrarunt Archi-Episcopum.

Anno sequenti 870. Indict. III. Adrianus II. Papa scribit Ludovico Germanico, absque Sedis Apostolicæ judicio & consilio non fuisse Gunthario substituendum Colonix Antistitem. Roma V. Kalend. Julii. Indict. III.

Cum ab Adriano II. Pallium non impetrasset Willibertus, ob omissa quædam in bello supplice: in quo nec fidei suæ paginam, seu professionem, ediderat, nec significaverat, à se acceptari Synodos universales, nec decretales Pontificum Romanorum constitutas meminerat, nec hæc propriæ manus subscriptione munierat, demum neminem miserat, qui Epistolam scriptam jurejurando firmaret; (*Gratian. Dist. C. Cum optatum.*) Joannes VIII, re examinata, Pallium eidem misit anno 873. unde ante eum annum Synodum celebrare non potuit.

*Annales Metenses. Crombach. Tom. II. Metropolis Coloniens. MS. pag. 1329. ad annum 869., alii plerique ad annum 870. referunt Consecrationem Williberti, puta:*

*Annalista Saxo Eckhartinus Tom. I.*

*Annales Francorum Pitheani, seu Fuldenfes, & addunt Luitpertum Moguntinum cum quibusdam Suffraganeis suis profectum Coloniam.*

Hermannus contractus in Chronico refert ad 870. tum Consecrationem Williberti, tum Ecclesiæ dedicationem, & multa pro statu Ecclesiæ decreta. In secundo certo errat. Sigebertus Gemblacensis ad annum 871. refert Dedicationem Ecclesiæ Coloniensis, contra omnes.

## SYNODUS MAGNA,

ANNO INCARN. DOMINICÆ DCCCLXXIII. (a)

INDICT. VIII. SUB PISSIMO REGE LUDOVICO, ANNO IMPERII EJUS

XXXIII. APUD COLONIAM AGRIPPINAM COLLECTA,

VI. KAL. OCTOB.

*SUMMA. I. Licentia proprietatis Canonicis a Gunthario indulta confirmatur.*

*II. Libertas electionis Prælatorum.*

*III. Præpositi potestas in Clericis gubernandis, & cura temporalium.*

*IV. Licentia testandi confirmatur.*

*V. Dedicatio Metropolitanæ Ecclesiæ.*

IN NOMINE SANCTÆ ET INDIVIDUÆ TRINITATIS, WILLIBERTUS  
DIVINA PRÆDESTINANTE CLEMENTIA COLONIENSIS  
CIVITATIS ARCHI-EPISCOPUS.

**N**Overit omnium Sanctæ Dei Ecclesiæ fidelium præsentium scilicet & futurorum industria, qualiter Guntharius Sedis nostræ VENERABILIS Pastor, divino ductus amore, una cum consensu & voluntate suorum Clericorum ac Laicorum nostræ Matricis Ecclesiæ rebus privatim singulis (b) Monasteriis ad hunc perti-

(a) Annales Fuldenfes referunt hanc Synodum ad 870. Sigebertus Gemblacensis ad 871. uterque erronee, quia Willibertus ante 873. nondum Pallium acceperat ab Joanne VIII.

(b) *Mrs in MS.*

pertinentibus, ac canonice in eis commemorantibus sumptuum suorum necessaria habenda delegavit atque contradidit: (c) quatenus deinceps videlicet eadem monasteria & iidem Canonici futuris temporibus perpetualiter inde consistere quivissent, absque alicujus sumptus indigentia. Præterea quidem & hoc quisque Ecclesiæ amator agnoscat, qualiter jam factus vir pastoralis (sumptibus necessariis, ut prælibatum est in præsignatorum jus Clericorum, ex donatione ordinabiliter atque regulariter delegatis, atque distributis) illis (d) concessit atque donavit, ultra licitum fore cum secura potestate, & libero arbitrio inter se ordinare, & facere tam de sua electione, quam de omnibus suis rebus absque ejus consultu & imperio. Similiter vero cunctis innotescat, quod idem supra memoratus Pastor in futurum præcavens, ne Prælati, ordine regiminis confuse utendo, aliquando inter se fortem defensionem inde incurrerent, ac ne ob hoc statutum Clerici tandem instabiles denuo sicut prius, absque correctionis, & increpationis timore huc illucque vagabundi liberius discurrerent; decrevit, ut (e) Præposito in sibi subiectis nullus nec prælatione, nec potestate superponeretur, sed idem potius in ambobus super omnes præstantissimus haberetur, ac insuper eorumdem subiectorum res communes interius, exteriusque ipse solus cum consilio prudentum, benevolentiumque fratrum gubernans, diligenterque providens, totum in suam assumeret reservandam custodiam, quidquid ex his debiti proveniret, & sic postea summa cura atque diligentia id ipsum in illorum utilitatem ministrando dispensaret. Nihilominus, scilicet ipse idemque beata & dignæ memoriæ vir, & divini consilii inspiratione admonitus, firma ac perpetua lege sancivit, ut nullus unquam Pontifex sine illorum conscientia, sive consensu, de ipsa substantia, minimam unquam præbendam alicui per potentiam tribueret, aut item in domibus, sive in ædificiis in urbe, vel exterius circa urbem, sibi jam a

Y y 3

quibuslibet in eleemosynam datis, seu deinceps donandis, aut usquam alibi in cæteris universis illorum locis in omnibus rebus, absque consensu, & communi cunctorum voluntate, quidquam eis per potentiam, sive per aliquam vim destrueret, illorum donationem seu traditionem, quam (f) inter se in clauistro de quibuscunque suis rebus, testibus adhibitis fecissent, hoc illis quasi in jus hæreditarium firmiter concedens, quatenus quisque illorum sive nobilis, sive ignobilis esset, usque in sempiternum liberum haberet arbitrium, suam mansiorem cum cæteris quibuscunque rebus donare, seu etiam tradere cuicunque suo confratri voluisset, post obitum suum possidendam, absque ullius Episcopi consultu, sive contradictione. Hujus itaque ordinationis ac concessæ electionis, atque memorialis decreti præsens conscriptum ob memoriam & eleemosynam nostri fieri volentes, jussimus (g) illud in conspectu totius synodalis Conventus publice recitari; quem simul nobiscum hodierno die collectum habuimus ob nostræ Ecclesiæ dedicationem faciendam, & ob (h) plurima divina tractanda negotia, id est, coram Luitberto, sancto Viro, Moguntiensis Ecclesiæ Archi-Episcopo, nec non Bertolpho, Trevirensis Ecclesiæ Archi-Episcopo, ac coram plurimis aliis Episcopis tam suis, quam nostris Suffraganeis, nec non coram cæteris omnibus sacri ordinis viris præsto habitis, quatenus illorum communi examinatione probaretur, si esset a nobis recipiendum, nec ne. Cunctis autem unanimiter dijudicantibus, non solum recipiendum fore, verum etiam digne & juste secundum regulam adimplendum, eo quod (i) regulariter atque rationabiliter in omnibus ordinatum haberetur, tam nostra manu subtus id firmavimus, quam etiam propriis singulorum manibus roborari fecimus. Unde juxta illorum judicii auctoritatem una cum ipsis proferre damnationis sententiam firmissime decrevimus, quisquis quasi Ecclesiastici ordinis violator & con-

(c) Guntharius, *Venerabilis Pastor* dicitur, mox infra vocatur *Beata & dignæ memoriæ vir*. Unde certum est, post patrata annis 860. 863. 864. & excommunicationem toleratam eundem penitentiam dignam egisse: ut hæc Epitheta honoris meruerit triennio post mortem.

(d) Libertas Electionum.

(f) Licentia testandi.

(h) Synodales Personæ

(e) De temporalibus curet Præpositus.

(g) Synodus habita propter dedicationem & sacra negotia.

(i) Willibertus & alii subscripserunt.



contemptor hoc in perpetuum ausu temerario vel infringere, vel disturbare aggrediretur. Et (k) ideo quicumque successorum nostrorum id scienter facere præsumpserit, omnibusque Consiliariis ejus, quorum consilio hoc nefas egerit, Deus conteret dentes, & in ore ipsorum molas confringet Dominus. Ad nihilum decement tanquam aqua decurrens. Convertantur ad vesperam, & famem patiantur ut canes. Ac propter hæc opera eorum, opera inutilia, & opus iniquitatis in manibus eorum sit. Pedes eorum ad malum currant: cogitationes eorum inutiles, vastitas & contritio in viis eorum. Viam pacis nesciant, & non sit iudicium in gressibus eorum: semitæ eorum incurvatæ sint, in tenebris ambulent, & palpent sicut cæci parietem, & quasi absque oculis attreſcent. Salus elongata sit ab illis, multiplicatæ sint iniquitates eorum coram te, Domine. Vermis eorum non morietur, & ignis eorum non exstinguetur in æternum, Domine. Fiant corruentes in tempore furoris tui Domine, & duplici contritione contere eos Domine Deus noster. Amen.

Decidant a cogitationibus suis, convertantur dolores eorum in caput ipsorum, & in verticem eorum iniquitates eorum descendant. Pones eos Domine in cibarium ignis in tempore vultus tui: fructum eorum de terra perdes: erubescant & conturbentur, & deducantur in infernum: muta fiant labia eorum. Fiant tanquam pulvis ante faciem venti: Fiant viæ illorum tenebræ & lubricum, veniat mors super illos. Deſtrue illos in finem, & disperge illos in virtute tua Domine. Evolve eos de terra, & radicem eorum de terra viventium. Fiat mensa eorum coram ipsis in laqueum: obſcurentur oculi eorum, ne videant: effunde super eos iram tuam. Fiat habitatio eorum deserta. Appone iniquitatem super iniquitatem eorum. Deleantur de libro viventium. Fiant cum illis, qui dixerunt Domino Deo: Recede a nobis, scientiam viarum tuarum nolumus. Imple facies eorum ignominia, erubescant & conturbentur in sæculum sæculi. Fiant dies eorum pauci & anni eorum non memorentur amplius. Maledicti sint in agro, maledicti in domo, maledictus fructus eorum. Habeant oculos & non videant, aures & non audiant, nares & non odorentur, gustum & saporem nesciant, sensum ut non intelligant, tactum inutilem atque insensibilem, præstante te, JESU

Christe, qui vivis, & dominaris per cuncta sæcula. Amen.

His ita rite peractis prostraverunt se in terram, adorantes Dominum atque laudantes dicebant: Benedictus Dominus, quod suæ sanctæ Ecclesiæ talem dignatus est conferre Pastorem. Tunc surgentes in medio Luitbertus atque Bertolphus Archiepiscopus dixerunt: O Sanctissimi Patres! licet adhuc de auctoritate Sanctorum Patrum parvam damnationis sententiam inferre? Respondentibus omnibus: licet: Luitbertus Archi-Episcopus dixit: Quisquis, ut ante dictum est, vel Ecclesiastici Ordinis violator, & contemptor, hoc perpetuum, infringere aggredietur, vel quicumque successorum nostrorum id potestative, seu qualicumque modo, vel ingenio, irritum facere præsumpserit, fiat ei juxta Apostoli sententiam dicentis: Qui nos conturbat, portabit iudicium, quicumque est ille: & iterum: utinam abſcindantur, qui nos conturbant. Insuper ſciat, se irrevocabili anathemate innexum haberi, & in extremæ ultionis die cum diabolo, & Angelis ejus cruciandum, juxta hoc, quod S. Basilii de Pastoribus Ecclesiæ dixit: Si is, qui præest, fecerit, aut cuiquam, quod a Domino prohibitum est, facere jusserit, vel quod præceptum est, præterierit, aut potestative mandaverit; Sancti Apostoli Pauli sententia ingerenda est ei dicentis: Etiam si nos, aut Angelus de Cælo Evangelizaverit vobis, præterquam quod Evangelizavimus vobis, anathema sit. Si quis prohibet nos facere, quod a Domino præceptum est, & à Sanctis Patribus traditum est: vel rursus imperat fieri, quod Dominus, & SS. PP. prohibent, execrabile sit Deo & omnibus, qui diligunt Dominum. Item de eodem, de cujus supra Episcopus dixit: Qui Clero præest, si præter voluntatem Dei, præterquam quod in Scripturis Sanctis evidenter præcipitur, vel dicit aliquid vel imperat; tanquam falsus testis Dei aut sacrilegus habeatur. Actum Colonia in supra dicta civitate V. Kalend. Octobr. die, sub piissimo Rege Ludewico, anno Imperii illius XXXIII. Anno Dominicæ Incarnationis DCCC. LXXIII. Indiæ. VII.

Ego

(k) Maledictiones Synodales.

Ego Wilibertus prædictæ civit. Colonienfis Archi-Episcopus, qui hoc præfens regularis electionis conscriptum fieri iussi, consentiens subscripsi.

Ego Luitbertus Moguntienfis Ecclesiæ Archi-Episcopus, consentiens conscripsi.

Ego Bertolphus Treverenfis Ecclesiæ Archi-Episcopus, consentiens subscripsi.

Ego Bernardus Virdunensis Ecclesiæ Episcopus, similiter.

Ego Alfridus Hildinshaimensis Ecclesiæ Episcopus, similiter.

Ego Theodoricus Mimidonenf. Eccl. Episc. similiter.

Ego Gerolphus Firdensis Ecclesiæ Episc. similiter.

Ego Luitardus Paderbornen. Eccl. Episc. similiter.

Ego Hildigrimus Halverstad. Episc. similiter.

Ego (l) Hodolphus Mimigernafurdenf. Ecclesiæ Episc. similiter.

Ego Odilboldus Trajectenf. Eccl. Episc. similiter.

Ego Lubertus (m) Osnabrugensis Eccl. Episc. similiter.

Lubertus Presbyter similiter.

Sibaldus Presbyter & Præpositus similiter.

Everhardus Presbyter similiter.

Hundolphus Presbyter similiter.

Reginhardus Presbyter similiter.

Ego Adelwinus indignus Diaconus ad vicem Adeloldi Presbyteri atque Cancellarii subscripsi.

Et manu Wiliberti.

Miserere Domine, miserere misero Williberto indigna agenti, & digna patienti: assidue peccanti, & tua flagella quotidie sustinenti. Memento mei Deus in bono, Deus ne deas miserationes meas, quas feci in Domo Dei mei & in cæremoniis ejus. Amen.

Corroboratio Gloriosissimorum Archi-Episcoporum, Domini Wiliberti Colonien. Luitberti Moguntin. Bertolphi Treviren. nec non & aliorum Episcoporum ac Suffraganeorum suorum cum cæteris sacri ordinis viris quam plurimis, ac nobilibus Laicis, de sumptibus Canonicorum, & de electione perpetuiter habenda, ac regiminis regulares ordinatione, ut si qui eam infringere conentur, si ut infra scriptum, teneantur summo anathemate, usque in perpetuum, nisi poenitendo resipiscant; extinguaturque lucerna eorum in perpetuum. Amen.

*Ex pervetusto Bibliothecæ Gelenianæ Cod. MS. Hermanni de Wesalia, Canonici S. Severini & B. M. V. Aquisgranensi à Friderico III. Augusto creati, descripsit HEISTER, & edidit post Suffraganeos Colonienfes anno 1641.*

(l) al. Odolfus, & Hedolfus, & Holdolfus. Pro Odolfo Eckhartus corrigir Bertolfus. Tom. II. *Historiæ Wurceburg.* pag. 582.

(m) Pro Luberto substituit Eckhartus Egibertus. L. cit.

## §. II.

*In eadem Synodo ab iisdem Episcopis confirmata est Fundatio Illustrissimi Parthenonis (a) Assindienfis, cujus hæc est clausula.... Ego Alfridus, sic Heister inchoat.*

**A**lfridus, Dei disponente providentia Hildesienfis Ecclesiæ Antistes. Cum inter immensas Dei Patris miserationes, quibus humanum genus gratuita pietate revelare dignatur, præcipue eam,

qua constat, consubstantialem, coæternum ejus filium pro nobis incarnatum, & crucifixum fuisse, ad memoriam reducerem; circa me vero specialiter divitias bonitatis ejus non sine admiratione perpen-

[a] Nunc Essendienfis, intra Dicecesin Coloniensem: nam anno 1598, altera Remigii, Synodo Dicecesanæ Colonienfi in Metropoli nostra celebratæ vocatæ interfuit Decanus Christianitatis Assindienfis, ut constat ex Catalogo Prælatorum hujus Synodi in Volumine XXIV. *Farraginem Gelenii* 235. servato apud Bibliothecam amplissimam Magistratus Colonienfis.



perpenderem, qui me nullis exigentibus meritis de sordibus levatum, inter Principes Ecclesiæ confidere, & solium gloriæ tenere fecit; ne tantis ejus beneficiis ingratus apparerem, quid retribuere Domino pro omnibus, quæ retribuit mihi, diu multumque mecum cogitare cœpi. Tandem itaque ex Divina, ut credo, inspiratione occurrit animo, Sanctissimam & semper Virginem Mariam, unicum, singulare præsidium peccatorum post Deum esse; cui si quid venerationis impenderem, id & Deo fore gratum, & animæ meæ, patrocinantibus me (a) meritis arbitratus sum profuturum. Opitulante itaque Dei gratia in prædolo meo, quod *Asnide* vocatur, in honore Sanctæ, & individuae Trinitatis consecratam, Sanctæque semper Virgini Mariæ, & SS. Martyribus Cosmæ, & Damiano dicatam Ecclesiam, his quæ Domino donante possidebam, construxi, in qua (b) immaculatum sacrificium sanctimonix tam animæ quam corporis Deo in cordis, & spiritus contritione offerendum, sanctimonialium congregationem coadunare, eique victus & vestitus necessaria providere, spirituales quoque matrem, quæ regulariter (c) præsideat, eidem ex eadem præficere curavi. Ne vero post mei excessum futuris seculis de electione, Abbatissæ dissensio oriat, ex decreto *Sergii* Papæ, & ejus successoris *Adriani* sanctum est, & eorum privilegiis confirmatum, ut nec prece, nec pretio, nec ullo omnino unquam modo alterius Congregationis sanctimonialis dictis sanctimonialibus præponatur, sed quæcunque ex eisdem, & in Dei timorem suis fororibus præficiatur. Quod tamen consuetudinarium jus tam ministrandis suis rebus imposuerim, & perpetualiter offerendum, vel in paucis absolvam. (d) Possessiones Ecclesiæ traditas vel tradendas interiores vel exteriores tam mobiles, quam immobiles, cum consilio Deum timentium, summa cum diligentia Abbatissa procuret, redditusque earum tam in sua quam in fororum æquabili distribuat utilitate, id sumopere cavens, ut pote Deo rationem redditura, ut de communibus earum rebus ne vel unam

minimam præbendam absque earum consilio vel utilitate, alicui (e) tradat, ne quod absit, penuria familiaris rei urgente ruptis sanctimonix habenis liberius hac vel illac absque Dei timore vagentur. Si quæ vero sanctimonialis ibidem habet propriam domum, aut aliud ædificium vel a se emptum, vel dono sibi datum, vel aliquas res undeliber juste acquisitas, nihilominus ex omnibus supra dictis neque Abbatissa, neque aliquis alius ei auferat, neque ullo modo auferendum suadeat: sed eadem sanctimonialis libero arbitrio eandem domum, & cuncta, quæ inibi possidet, forori suæ, vel amico ad eandem Ecclesiam pertinenti, absque alius contradictione, sive morti proxima sit, sive vitæ, quocunque modo voluerit, tradat. Id ipsum vero, & Clericis ibidem fervientibus, constituimus, si quis antedictam earum aliquam Ecclesiæ possessionem, Abbatissa largiente, susceperit, tali suscipiat conditione, ut post ejus obitum eandem possessionem Ecclesia absque illius contradictione suscipiat, restitutis prius omnibus tam mobilibus, quam immobilibus rebus, quæ in illa esse videbantur, ea die, qua ipse eam suscepit: aut ipsa vivens, prout voluerit, disponat, aut aliquis amicorum ejus post illius mortem pro salute animæ distribuat. Constituimus etiam, ut nullus hominum vel Advocatus aliquis aliquam Jurisdictionem in civitate prænominata habeat, excepta Abbatissa *Asindi* præter intruncationem manum vel armorum proclamationem. Anno Incarnationis Dominicæ DCCCLXXXIII. sub piissimo Rege Ludovico, anno Imperii ejus XXXIII. apud Coloniam Civitatem V. Calend. Octobr. in ipso die Dedicationis Basilicæ S. Petri. Ego Alfridus Episcopus hoc privilegium coram Domino Wiliberto prædictæ civitatis Archiepiscopo recitavi, nec non coram Luitberto Moguntiacensi Archiepiscopo, & Bertolfo Treverensi Archiepiscopo, & Bernardo Virdunensi Episcopo, atque Tiedrico Mimidonen. Episcopo, & Herolfo Ferdeni Episcopo, & Luitardo Paderbornensi Episcopo, atque Heldegimo Halverstadiensis Episcopo, & Odolfo Mimigernafurdeni Episcopo, & Othi-

(a) Forte: *ejus*.(c) Regulæ præsideat. *Crombach*.

(e) alieno idem.

(b) ad recte legit Schaten, & *Crombach*.(d) absolvatur. *Crombach*.

Othiholdo, Trajeſtenſi Epifcopo, & coram Luitberto Osnabrugeni Epifcopo, nec non coram aliis quam plurimis

ſacri ordinis Viris, qui ob ſupra dictæ Eccleſiæ dedicationem convenerant.

*Crombach. in Metropoli Colonienſ. MS.*

*ſcbatenus Annal. Paderbornenſ. ex Archivo Eſſendienſi.*

*Leuckfeld in antiquitat. Halberſtad. pag. 622.*

Privilegium hoc, quo Alfridus, ex Fuldenſi Monacho Epifcopus Hildeneſheimenſis, in Synodo Colonienſi anni DCCCCLXXIII. Collegio Virginum in prædiolo ſuo, quod Asnide vocatur, extructo, ubi congregationem Sanctimonialium adunavit ſub Abbatiffæ regimine, & ejus loci Sanctimonialibus liberam rerum ſuarum, domorum & ædificiorum proprietatem, & de iis diſponendi facultatem conceſſit, ſecundum Sancti- onem Sergii Papæ, ejuſque ſucceſſoris Hadriani, ſerius *Mabillonius* fabricatum ſcribit in gratiam Canonicarum, quæ ex monachabus factæ ſunt. Neque enim prope fidem eſt, Alfridum ex monacho Epifcopum, alterius inſtituti, quam monaſtici Sancti- moniales in loco abſ ſe extructo collocâſſe: & ampliora privilegia indulgiſſe, quam regula Aquisgranenſis anni 816. Canonicabus indulget. *Mabillon. Annal. Benedicti- norum Tomo III. Lib. XXXIV. pag. 22.*

### §. III.

*Gerresheimenſis Cœnobii Sanctimonialium fundatio, a Williberto & univerſo Clero Colonienſi acceptata, & collaudata in Synodo Colonienſi nationali hujus anni.*

**I**N Trinæ Unitatis & Individuæ Trini- tatis gratia, Monarchiam Imperato- ris gubernante LUDOVICO Imperatore Auguſto, & Sanctæ Eccleſiæ Colonienſi fideliter præſidente WILLIBERTO Archi-Epiſcopo, REGENBERG indigna Chriſti famula, & militis GERRICI filia, pro ſpe & requie futuræ beatæ vitæ, ea, quæ ad me hæreditario jure pervenerunt, jura mancipiorum, prædia & Eccleſias quaſdam ad Cœnobium, patrio nutu ac ſumptu in *Gerresheim* pro remedio cœle- ſtis Patriæ conſtitutum, & a Venerabili ſupradicto Archi-Epiſcopo dedicatum tradi- di, atque ſub teſtimonio & auxilio Archi-Cancellarii Luttardi, nec non Archi-Capellani Lutherti, atque Advoca- ti hujus præſcripti loci, Hatebolda pa- truelis noſtri, ſub auctoritate Regali atque Pontificali concedens firmavi.

Notum autem facere cupimus tan- quam præſentibus, futura ætate adveni- entibus, quod juſſu atque rogatu Ge- nitoris noſtri GERRICI, lege perpetua prædia noſtra Sanctimonialibus ibidem Deo ſervientibus, & arrhabona, quæ ſita eſt in Linchoſte (a) cum univerſis deci-

Z z

mationibus ad vinum jugiter propinan- dum iisdem Monialibus eſt ſtabiliter fir- matum. Eccleſiam vero, quæ eſt in Meiderich, (b) ad album panem ſororum noſtrarum conſtituimus, & coram om- nibus firmamus. Baſilica autem, quæ eſt in Sumuburno, cum univerſa decima- tione ad panem ſilagineum, carnem & caſeum, eadem lege confirmando ſtabili- mus. At vero Eccleſia, quæ eſt in Mintert, decimationis utilitatem ad nos pertinentem, ad quadrageſimale manda- tum, & ad panis, carnis, caſeique uſum promittendo conſtituimus. Eccleſiam quippe Pirnam cum dimidia parte deci- mationis mihi metipſi providens ſeparo, aliam autem dimidiam ſororibus noſtris ad meliorem cereviſiam, & ad panem ni- grum ſtabiliter relinquo.

Si quid autem [quod abſit] noſtris, aut ſequentibus temporibus his Eccleſiis paſtoris ruina adverſi acciderit, hoc fir- miter imperamus, ac ſtabiliter firmamus prædictorum Dominorum auctoritate & imperio, ut nunc, nec ulli ſequenti Ab- batiffæ, ab his prædictis Baſilicis & præ- diis ex me, & præſentibus meis traditis,

ac

(a) Linzii ad Rhenum, ſex ſupra Bonnam leucis.

(b) Prope Duisburgum ſita eſt Eccleſia Meiderich.



ac Sanctimonialibus ad præbendam constitutis, liceat transmutare, donare, vel cuicumque præstare, nisi B. Hippolyti Martyris Christi Monasterii Præpositæ & Decanæ imperio, atque concordæ omnium fororum prece & consilio.

Hujus quidem rationis seriem mihi metipsi primum laudabiliter, cunctisque fororibus vero acceptabilem, literis mox placuit coram Archi-Episcopo WILLIBERTO, nec non Principibus multis Clericis atque Laicis ea lege denotari at-

que signari, ut si quis Advocatus, seu Cœnobii hujus Prælati superveniens, eam infringere, vel jura mancipiorum permutare voluerit, a præsentē Archi-Episcopo WILLIBERTO, atque universo COLONIENSI Clero infelici damnatus anathemate, vivens atque videns cum Dathan & Abiron, & Juda proditore nequam descendat, ubi vermis immortalis mordet, & ubi flamma inextinguibilis ardet.

*In Crombach Metropoli MS. ad h. annum.*

*Heister fragmentum duntaxat refert. Uterque Synodo Colonienſi anni 873. Cœfirmationem hujus foundationis attribuit.*

Non obstantibus his privilegiis, hac libertate proprietatis rerum, concessa a Gunthario & Williberto, [vid. Tomum I. pag. 467. Canonem XXXV. Concilii Aquisgranensis, & nostras ibidem Notas] Canonici tamen hoc sæculo nono & decimo, communi mensa, dormitorio, & clauſo Monasterio utebantur, & custodia rerum omnium Præposito demandata erat. Differebant tamen a Monachis lineo habitu, licito esu carniū, & hac proprietate. Vide mores Sæculi octavi Tomo I. pag. 282. *de voto Monachorum*, & *de Clericatu* Canon. LXXXIII. pag. 283. Canon. LXXVII. deinde pag. 204. Concilii Carthagin. Can. XXXII. quod Clerici de sibi donatis possint facere, quod eorum Præposito congruit.

## CONVENTUS REGIS LUDOVICI, ET EPISCOPORUM IN FRANCONO- FURT ET MOGUNTIÆ.

Anno Christi DCCCLXXXIII. Joannis VIII. Papæ II.

**C**UM Ludovicus, Germaniæ Rex, VII. Kal. Februarii, Curiam in Francofurtum intrasset, in præsentia illius & Optimatum suorum, Episcoporum videlicet atque Comitum, malignus spiritus Karolum, filium ejus, nimium invasit, & graviter vexavit, ita, ut a sex viris fortissimis vix teneri potuisset. Et quidem satis juste: qui enim Regem a Deo electum, & ordinatum decipere voluit, ipse decip-tus est; & qui Patri suo insidiosè laqueos tendere consiliatus est, ipse in laqueos Diaboli incidit: quatenus ex ipsa vexatione diabolica disceret, non esse consilium contra Deum. Rex autem, & omnes, qui cum illo erant, vehementer contristati lacrymas fuderunt.

Cumque duceretur ad Ecclesiam, ut Episcopi pro ejus sanitate Domino supplicarent, nunc exili, nunc grandi voce

clamitans, morsum se tenentibus apertore minabatur. Conversus igitur Rex ad æquivocum suum (Ludovicum filium) ait: Videsne, o Fili, cujus dominio vos mancipatis tu, & frater tuus, quando adversum me aliquid sinistri machinari cogitatis? Modo intelligere poteris, si antea noluiſti, quod juxta veritatis sententiam nihil opertum est, quod non reveletur. Confitere ergo peccata tua, & age poenitentiam, & Deum humiliter postula, & tibi relaxentur. Ego etiam, quantum in me est, indulgentiam tibi tribuo.

Comprehensus autem ab Episcopis, & ab aliis viris, turbato Patre & omnibus, qui adfuerunt, vehementique stupore percussis, ductus est in Ecclesiam; & Luitbertus Archi-Episcopus, induens se sacerdotalibus vestibus Missam cantare cœpit: cumque ventum fuisset ad locum Evangelii

geli, cœpit magnis vocibus patria lingua clamare, & sic continuis vocibus *væ* illud clamavit, usque dum Missa celebrata fuit. Quem Pater ejus Episcopis, & aliis Fidelibus committens per sacra loca SS. Mar-

tyrum deduci præcepit, quatenus illorum meritis & orationibus a Dæmone liberatus, ad sanam mentem, Domino miserante, redire prævaleret.

*Annales Fuldenses seu Pitboeani.*

*Annales Francorum.*

Liberationem hujus Energumeni Caroli Craffi, Luitberto Moguntino tribuit *Serarius Lib. IV. rerum Moguntiacarum.*

Adamus Bremensis S. Remberti Bremensis Archi-Episcopi meritis acceptam refert.

Idem Karolus post sedatam infestationem Diaboli, viva voce multis audientibus retulit, se toties adversæ parti traditum, quoties contra Regem conspirationem iniisset. *Annal. Fuldenses.*

## JOANNES PAPA VIII. WALONI EPISCOPO METENSI.

*Concedit Pallium, certis diebus deferendum ad vitam.*

**J**oannes Episcopus, servus servorum Dei, Walæ venerabili Episcopo Mediomatricorum Ecclesiæ, quæ & Metis vocatur, in honore scilicet Sancti Stephani primi Martyris. Si pastores ovium solem geluque pro gregis sui custodia die ac nocte ferre contenti sunt, ac ne qua ex eis aut errando pereat, aut ferinis laniata morsibus rapiatur, oculis semper vigilantibus circumspiciant; quanto sudore, quantaque cura debemus esse pervigiles nos, qui pastores animarum dicimur? Attendamus ad susceptum, officium exhibere erga custodiam Dominicarum ovium non cessemus, ne in die divini examinis pro desidia nostra ante summum pastorem negligentiae reatus excruciet, unde modo honoris reverentia sublimiores inter ceteros judicamur. Pallium autem fraternitati tuæ ex more ad missarum solemniam celebranda concessimus, diebus vitæ tantummodo: quod tibi, non Ecclesiæ tuæ, aliter privilegiis in suo statu manentibus, uti concedimus. Quoniam indumenti honor modesta actuum vivacitate servandus est, hortamur, ut ei morum tuorum ornamenta conveniant, quatenus auctore Deo utrisque possis esse conspicuus. Itaque vita tua filiis tuis sit regula. In ipsa se semper confi-

Z z 2

derando proficiant, ut tuum post Dominum videatur esse, bene quod vixerint. Corrigan, ne prospera, quæ temporaliter blandiuntur, extollant, neque adversa dejiciant; sed quidquid illud fuerit, virtute patientiæ devincant. Nullum apud te locum odia, nullus favor indiscretus inveniatur. Sub ea videlicet ratione concedimus fraternitati tuæ, ut a secretario usque ad sacrum Altare, & ab Altari usque ad secretarium, sicuti prisca extitit (a) palleatis consuetudo, indui debeas. Auctoritate tamen Beati Petri Apostolorum Principis, licentiam diebus vitæ tuæ, sub jure & ditione nostra, ut diximus, habeas. Nullum usum, vel consuetudinem successoribus tuis per hoc nostrum tibi concessum Apostolicum privilegium habere censuimus. Et neque Episcopus (b) Archi-Episcopus adversus te pro hoc altercationis contentionem commoveat. Ita Domino regente, & gubernante cor tuum, commissam exequi gubernationem studeas, ut adepto hujus honoris officio, dignitate & probitate morum amplius procures adornari. Scriptum per manum Gregorii, scrinariî Sanctæ Romanæ Ecclesiæ in mense Septembrio. Indictione XII. Data VIII. Idus Septembris, per manum Walperti humil-

(a) forte palliatis.

(b) forte addendum aut.



humillimi Episcopi Sanctæ Portuensis Ecclesiæ, anno Domino propitio Pontificatus Domini nostri Joannis summi Ponti-

ficis, & universalis Papæ in sacratissima Sede Beati Petri Apostoli, sexto.

*Illustrissimus Hontbemijs Histor. Treverens. Diplom. Tomo I. N. CXII.*

## CONCILIUM TREVERENSE.

*De causa Walonis Metensis Suffraganei, Pallio donato utentis.*

*Ex Romana Synodo, quam ad annum aliqui DCCCLXXVII. rejiciunt, Walonem rescriptum de usu Pallii retulisse suspicor. Quo cum contineretur, quibus utendum illo diebus esset, ipse contra auctoritatem sui Metropolitanæ, Paschaliis etiam festis, qui exempti videbantur, cum Pallio processit; adeoque plus in eo sibi sumpsit, quam fas, scitæque Canonum rei permetterent. Qua Bertolfus re intellecta, ut erat sui juris impiger exactor, literis evocatum ad se Treviros, causam dicere, & rationem facti reddere, Walonem compulit. Qui, ubi præsto ad imperium Metropolitanæ adfuit, Bertolfus Clerum advocat, (c) magnaue frequentia ejus ordinis de Walone querit, unde, quando, vel quonam ipse pacto, Pallii usum impetrasset? Etsi namque Bertolfum latere non poterat, plerosque ejus Ecclesiæ Episcopos, Pallio jam olim usos, spectasse tamen aliud in hac causa videtur, quandoquidem non obscurum ei, privilegia isthæc transire, quod ajunt, cum personis: neque successioribus concedi, nisi petentibus. Ad hæc, si quid de novo obtigisset, indulgentia summæ sedis, id Metropolitanæ nullo incommodo, & intra limites recepti moris, ni datum Walonem ostenderet, eum conveniri posse, haud ignorabat.*

**W**alo autem non rudis artium fori, partes ac numeros defensionis diligenter executus, quod palmarium hic erat, privilegio se scripto tuebatur. Quare priusquam responsum daret, privilegium Pontificium clara voce pronuntiat; quo facto, dicere deinde ingreditur, utique se primum non esse, qui eum ho-

norem usurpasset, sed habere exemplum; decessores namque suos Antistites, præclaros viros scilicet, eum ritum servasse, fuisseque authorem primum Urbicium, (d) cujus deinde vestigia Chrodegandus, Pipini Regis ex forore nepos, Angilramnus, & Drogo secuti sunt.

*Sed Bertolfus his minime placatus, acrius insistere, Canonem in medium proferre, quo Suffraganeus quidquam, vel in Ecclesiam introducere novi moris, vel instituere absque Metropolitanæ sui consilio & auctoritate, prohibetur; simulque officii illum admonens, Pallii usum omnem omnino, ni jus, auctoritatemque Metropolitanæ sui obnuntiantis agnosceret, interdicit. Verum, Walone Pontificis summi imperium obtendente, Bertolfo autem Metropolitanæ jus violari a Suffraganeo nequitiam patiente, ad tacitam res simultatem rediit; unde indies gliscente magis atque magis inter eos discordia, Walo cum Metropolita suo palam dissidere cepit.*

Quod ubi Hincmarus Remorum Archiepiscopus cognovit, non nescius, quantam Ecclesiis adferre perniciem prava Antistitum inter se dissidia soleant, literas ad Walonem dedit, quarum &

Flodoardus meminit prudentiæ ac sani consilii plenas, quibus illum & ad Bertolfi obsequium reduxit, & in pristina cum Metropolitanæ gratia posuit.

*Browerus Annal. Treverens. ad annum 876. N. CLXIX.*

*Flodoardus, Historiæ Remens. L. III. Cap. 23.*

*Historiæ Treverensis, editæ a Martenio in Spicilegii secundo Volumine pag. 213.*

JOAN-

(c) Ex his verbis Concilium convocatum a Metropolitanæ, pro dijudicando facto Suffraganei sui Episcopi, colligi videtur.

(d) forte: Urbicum.

## JOANNES PAPA VIII.

## INVITATORIAS AD SYNODUM TRECENSEM

SCRIBIT WILLIBERTO, AGRIPPINÆ EPISCOPO,

**E**cclēsiastica exigente utilitate, quoniam Deo duce ad Galliarum partes venire commodum duximus. Quapropter Fraternalitatem vestram necessario commonere studemus, uti secundum cœlitus sibi sapientiam datam frequenti adhortatione suggeras Ludovico Regi, (a) aliisque Confratribus, ut ad nostræ mediocritatis colloquium, atque generalem SYNODUM, juxta Christi voluntatem

apud Treas congregatam, venire non omitat: vel, si aliqua necessitate prædictus Rex præpeditus fuerit, &, ut non optamus, properare distulerit, ad locum prædictum, quo cum Ludovico Rege locuturi sumus, nomine tenus destinet, quatenus sub cuncta celeritate Regum filiis congregatis, totius Christianitatis Dei gratia Duce consulere communiter valeamus utilitati. IV. Idus Junii, Indiēt. XI.

*Binius edidit CCCVIII. Epistolas Joannis VIII. inter quas hæc non est, uti nec in appendice.*

*Crombach ad hunc annum hanc servavit.*

*Moguntino Luidberto scriptas Invitorias ad Synodum Trecentem, lege apud Binium Tom. III. Concil. Parte II. pag. 56. Epist. CVI. inter Joannis VIII. Epistolas.*

- (a) Nullus Regum Germaniæ, nec Bajoariæ, nec Lotharingiæ, comparuit in Synodo Trecenti, quia Ludovico II. Imperatore defuncto, Joannes VIII. Carolum Calvum patrum, feriis Natalitiis anni 875. coronaverat Imperatorem, qui & thesauros defuncti Imperatoris rapuerat. Attamen Ludovicus Germanicus Pater hos sibi thesauros debere prætendebat, uti & Imperatorium decus. Carolus Calvus ex Italia reversum, Ludovicus junior nepos apud Antonacum, mense Octobri anno 876. prostraverat, ereptis thesauris, & signo Augustali capto, quod gestabat Comes Reginarius hoc prælio fufus.

Eadem de causa nullus ex Episcopis in Germania, Bajoaria, & Lotharingia Germanica comparuit in Trecenti Synodo, abs dubio a Regibus suis prohibiti.

## CONCILIIUM COLONIENSE

PROVINCIALE,

## CONTRA RAPTORES RERUM ECCLE-

SIASTICARUM, OPPRESSORES PAUPERUM, ET INCÆSTAS NUP-

TIAS, CELEBRATUM ANNO DOMINI DCCCLXXXVII. TEM-

PORE STEPHANI VI. DICTI V. CAROLI CRASSI IM-

PERATORIS ANNO VIII.

**A**nno Incarnationis Domini nostri Jesu Christi octingentesimo octogesimo septimo, in Ecclesia Beati Petri Apostolorum Principis, Indictione tertia (a) Kalen. Aprilis convenerunt in urbe

Z z 3

Agrippinensi una cum consensu gloriosissimi Imperatoris Caroli, & Moguntinæ sedis Luidberti Archi-Episcopi, Willibertus humilis ejusdem præfate urbis Archi-Episcopus, Franco Tungrens, sedis

(a) Corrige: quinta Indictione.



dis Episcopus , Odilbaldus Traiectenf. sedis Episcopus , Wulfelinus Mimigarnafurdensis Ecclesiæ Episcopus , Druogo Mimidonenf. Ecclesiæ Episcopus , cum consensu venerabilis Rimberti Episcopi , præsentibus etiam bonæ devotionis Abbatibus , Nevolongo Indensis Monasterii Abbate , Andulfo Werdinens. Monasterii Abbate , Folchario Aquigrani Palatii Abbate , cum præfatarum sedium Presbyteris , & Diaconibus , & laicis quibusdam religiosis , celebrata Synodo , ea quæ subiecta sunt , divini amoris instinctu de negotiis Ecclesiasticis promulgaverunt.

## CAPUT I.

Quod Clerus Mimidonenf. (b) Ecclesiæ Presbyterum nomine Druogonem vocatum , Episcopum unanimi consensu ad Episcopalem promoveri ordinem petierunt , quorum petitione effectum præbentes , ad pastorale eum promovimus officium.

## CAPUT II.

Quod Franco venerabilis Tungrens. sedis Episcopus , cura pastoralis permotus , & divini amoris zelo succensus , suggestit, Sanctam Dei Ecclesiam , non habentem maculam , neque rugam , a schismaticis & raptoribus , qui neque Deum præ oculis habent , neque ullius verentur occursum , neque divina , humanave lege a malo coërentur , sed ad omne malum præcipientes feruntur , graviter vexari . Cujus suggestioni valde condolentes , illiusque zelo secundum Canonice institutionis decreta compatiētes , decrevimus , eos , qui tam pertinaci stimulo irretiti sunt , ut ea mala Sanctæ matri Ecclesiæ inferrent ; aut statuto tempore pia consideratione illorum saluti consulentes , videlicet in festivitate Sancti Joannis Baptistæ , octavo Kalen-

das Julii , in foro Julii , (c) quando iterum Deo annuente Synodus celebranda erit , penitentia , & emendationi secundum præfatorum statuta Patrum , se summittant ; aut si instigante diabolo , cujus instinctu ad tam nefandum pervenerunt flagitium , hoc contempserint , perpetuo & irrevocabili eos anathemate feriendos esse denunciamus . Eos vero , qui crebra admonitione , & diuturna , conventi sunt , ut resipiscerent , & ad penitentia remedia confugerent , more canum ad vomitum rapacitatis , absque Dei respectu reversi sunt , statuiimus , sine dilatione gladio anathematis esse puniendos .

## CAPUT III.

Hæc ita statuimus , quoniam necesse est , non transgredi terminos Patrum , sed magis assensum præbere diffinitioni eorum . In decretis namque *Anacleti Papæ capite secundo legimus* , quod omnis oppressus liberum sacerdotum ( si voluerit ) appellet iudicium , & a nullo prohibeatur , sed ab his fulciatur & liberetur . *Ex Concilio Toletano quarto , capite trigesimo primo* , Episcopi in protegendis populis ac defendendis impositam sibi a Deo curam non ambigant . Ideoque dum conspiciunt iudices ac potentes pauperum oppressores existere , Sacerdotali eos communitione redarguant . Item *ex Concilio Toletano I* . Si quis de potentibus Clericum , aut quemlibet pauperiorum , aut religiosum expoliaverit , & mandaverit eum ad se venire Episcopus , ut audiatur , & contempserit ; mox invicem scripta percurrant per omnes Provinciæ Episcopos , & quoscunque adire potuerint , excommunicatus habeatur ipse , donec audiat , & reddat aliena . Talium enim scelerum patratioribus , sicut in *capitularibus gloriosissimorum imperatorum Caroli [ d ] & Ludovici ( e )* continetur , nisi post puram , & publicam penitentiam , & per Ecclesiæ satisfactionem , & per impositionem manus

(b) Anno 886. obierat Wulfarius , Mindenensis Ecclesiæ Episcopus . Huic Successor hoc anno in Synodo Colonienfi a suo Metropolita & Suffraganeis consecratur juxta veteres Canones .

(c) Ob Synodum , in Foro Julii indictam , suspicatur Eckhartus , Berengarium Ducem Forojulensem hic peti : eo quod hic Dux Liutwardi Vercellensis Episcopi Sedem diripuerat , atque expoliaverat . Hic Liutwardus abs dubie Franconi , Tungrensi Episcopo , author fuerit , ut querimoniam de vexatis Ecclesiis Synodo proponeret . *Eckhartus L. XXXI. Historiæ rerum Francicar. pag. 690.*

(d) Tomo I. nostro pag. 426. N. VIII, IX, X, XI.

(e) Vide Tomi hujus Ingelheimenf. Capitula I. II. pag. 36. 37.

nus Episcoporum , nec vivis nec mortuis communicare debemus.

## CAPUT IV.

Ut nullus laicus , quamvis religiosus , præsumat aliquid de rebus Deo dictis , vel Ecclesiæ facultatibus , id est , nec dandi basilicas , nec auferendi , sine consensu Episcopi habeat potestatem , neque ex dote Ecclesiæ , id est , ex uno manso , & quatuor mancipiis census exigatur , sed juxta *Concilium Aurelianense primum cap. 19.* omnes Basilicæ , quæ per diversa loca constructæ sunt , vel quotidie construuntur , placuit secundum priorum canonum regulam , ut in ejus ordinatione , & potestate persistant , in cujus territorio positæ sunt . Si quis vero contra hæc venire præsumperit , anathemate feriat.

## CAPUT V.

Omnibus constat manifestum fore , nos nil temeritatis , neque novitatis in hac Synodo , ubi in *Jesu* nomine , qui est salus omnium , congregati sumus , statuisse , sed causâ vestræ salutis , divino admoniti instinctu ferventes , immo pastoralis cura permoniti , vobismetipsis consulentes secundum divinæ institutionis normam , & juxta nobis à Deo datam sapientiam , pie & juste vivere unumquemque admonemus , quatenus Deo reddentes , quæ Dei sunt , & vos nobis ( prout oportet ) auxilium ferentes , nosque vobis secundum Apostolum spiritualia seminantes , ad vitam pariter perveniamus æternam.

## CAPUT VI.

De incestis autem conjunctionibus , unde multimodis fines regionis nostræ circumquaque , instigante diabolo , polluuntur , secundum *Agathens. Concilium cap. 61.* nihil prorsus veniæ reservamus , nisi cum adulterium separatione sanaverint . Ex *Concilio Ilerdens. cap. 4.* De his , qui se in-

(f) Tomo I. pag. 179.

cesti pollutione commaculant , placuit , quousque in ipso detestando , & illicito carnis contubernio perseverent , usque ad Missam tantum Catechumenorum in Ecclesia admittantur , cum quibus etiam *nec cibum sumere* ulli Christianorum , sicut *Apostolus jussit* , oportet . Quod si conventi fuerint , & ad poenitentiae remedia convolaverint , seque Sacramento constrinxerint ; ulterius tam nefanda , & prorsus abominanda pollutione non esse polluos : iterumque ad recidiva malitiæ , & vitæ pristinae sordes relapsi fuerint , ab Episcopo civitatis comprehensi , sicut in *Concilio Toletano , cap. 7.* reperitur , in cujus territorio sunt , rursus legibus poenitentiae in monasteriis subdantur inviti . Quod si facere per aliquem potestatis vigorem difficile fuerit , tunc sicuti priscorum canonum statuerunt decreta , quousque iterum resipuerint , excommunicati , & anathemate condemnati habeantur : sed & hi , qui post excommunicationem vel interdictum , cum eis communicaverint . De virginibus autem sacris in *Concilio Elibertino cap. 13.* scriptum est : si mœchaverint virgines , quæ se Deo dedicaverunt , si pactum perdididerint virginittatis , atque eidem servierint libidini , non intelligentes , quid amiserint ; placuit , nec in fine dandam eis esse communionem . Quod si semel persuasæ , ad infirmi corporis vitia lapsæ , toto tempore vitæ suæ ejusmodi feminæ egerint poenitentiam , ut abstineant se à coitu , placuit eas in finem communionem accipere debere . Ex *Concilio Chalcedonens. cap. 16. (f)* Virginem , quæ se Domino Deo consecravit , non licere nuptialia jura contrahere . Quod si hoc inventa fuerit perpetrans , excommunicetur . Consistenti autem decrevimus , ut habeat auctoritatem ejusdem loci Episcopus , misericordiam , humanitatemque largiri .

*Binius Tomo III. Parte II. pag. 110.*

III.

CON-



## CONCILIIUM MOGUNTIIACENSE.

*Occasione Arnulphi novi Regis, disciplinæ Ecclesiasticæ propter incur-  
siones Northmannorum reformandæ causa celebratum,*

Anno Domini DCCCLXXXVIII. tempore Stephani  
Papæ VI. dicti V. Anno I. Regis Arnulphi. (a)

### *Prælocutio Synodi Moguntiacensis.*

**F**Ratres, nosse & animadvertere Sanctitatis vestræ prudentiam oportet, quia omnipotentis Dei nutu omnia providentis, & secundum interni consilii sui iudicium cuncta dispensantis, hic congregati sumus. Cujus conventus causam perpendere, & diligenti sollicitudine considerare debemus. Omnipotens namque Deus occulto dispensationis suæ examine rectores, pariterque pastores Ecclesiæ suæ præfecit, quam sibi suo sanguine acquisivit, mundans eam lavacro aquæ in verbo, quæ quot malis oppressa, quot ventis tribulationum illisa, plus jam in nostris tribulationibus videmus, quam in codicibus legimus. Tamen quia causa illius, nostrique insuper officii cura convenimus, tractare & considerare nos condecet, quæ ex causa, cujusve peccato talia nobis acciderunt, qualia hactenus passi sumus, & quotidie sine cessatione patimur. Cujus considerationis vim recolentes, nos peccasse, nosque reos esse, secundum Prophetæ exemplum profiteamur. Non enim tanta vis tribulationum, neque tot tempestatum impetus Ecclesiam Dei impeterent; si juxta alterius Prophetæ dictum, ascenderemus ex adverso, & opposeremus nos murum pro domo Israël, ut staremus in prælio in die Domini. Ideoque charissimi & reverendissimi Fratres, ascendat unusquisque nostrum tribunal cordis sui, & quid his agendum, qualiterve

consulendum sit, divina instigante gratia, communi consensu, & concordia charitatis affectu decernamus, & secundum divinæ institutionis normam perferremur. Mirum quippe non est, (quia omnes in communi peccavimus) talia nobis contigisse. Sed quia nos, qui cæteris ferre ducatum debuimus, nostri officii curam postponentes, ad exteriora dilapsi sumus, specialiter nos hæc causa petit, reosque fore notat, quorum inertia nobis per abrupta gradientibus, omnis grex divinitus nobis commissus, præcipitio patuit. Quæ de re humiliter ac devote præveniamus faciem ejus in confessione, mundantes nos secundum Apostolicum dictum, ab omni inquinamento carnis & spiritus. Patet namque, quia juxta veridicæ rationis assertionem, cæcus cæco ducatum præstans, ambo in foveam cadunt. Quod enim animo, quæve fronte divinam pietatem pro peccatis populi nobis commissi exorare poterimus, quos funibus peccatorum constat fore irretitos? Ecce labentibus tot annorum curriculis, nunquam nec generali, nec etiam Provinciali Synodo coadunati sumus, ut aliquid dignum necessariumve Ecclesiæ, cui annuente Deo præsumus, mutuis collationum sermonibus conferremus. Sed quia nunc auxiliante Domino, & imperante serenissimo seniore nostro Arnulpho Rege convenimus, divinam suppliciter imploremus misericordiam, quatenus

ea

(a) Carolus Crassus Imperator III. h. nom. Filius Ludovici Regis Noricorum, vel Bajoariæ, anno 887. mense Novembri, in Comitibus Triburiensibus ab omnibus Francis, Saxonibus, Thuringis & Bajoariis deferitur, quibus demum & Alamanni cum Ministris adhærent. Obiit Carolus Pridie Idus Januarii 888. In iisdem Comitibus Proceres Arnulfum, Carolomanni ex Concubina filium, Ducem strenuum bello, invirant, & Regem creant. Igitur annus 888. primus est Regni Arnulphi a Decembri anni superioris. Nam III. Idus Decembris Indiæ VI. a Septembri inchoata apud Forcheim Sigehardo, Fuldensis Monasterii Abbati, liberæ electionis privilegium instauravit Arnulfus, jamtum Divina favente gratia Rex. *Schaten. in Annalib. Paderbornens.*

ea præveniente & subsequente, conventum & actionem istius Synodi, sibi acceptabilem facere dignetur, & Christiano proficientem populo ad salutem & vitam perpetuam, nobisque ad æternam remunerationis felicitatem & gloriam. His vero breviter prælatis, ponamus ante oculos adhuc peccatorum nostrorum vulnera, & congrua eis quæramus medicamina. Lugeamus ergo secundum Prophetam, & quæramus capiti nostro aquam, & oculis nostris fontem lacrymarum, ut plangamus interfectos filiarum populi nostri. Quis enim ficcis oculorum luminibus valeat enumerare mala gentis nostræ & Sanctorum? Videte & considerate, quam præclara & nobilia Servorum Dei ædificia destructa & incensa sint, & funditus ad nihilum redacta, altaria defossa, & penitus conculcata, ornamenta Ecclesiarum Dei valde pretiosa & mirifica, direpta & igne exusta. Episcopi & Sacerdotes, & cæteri ordinis Ecclesiæ Viri, gladio truncati, & diversis pœnarum generibus morti addicti. Omnis ætas utriusque sexus, gladio & igne, diverso mortium genere consumpti. Quid ergo amplius his dici possit? Omnia desiderabilia & pretiosa nobis ablata sunt, veluti olim sub comminatione & everfione Judaici templi illis dictum est; Ecce (b) ego tollam a vobis desiderabile oculorum vestrorum super quo paret anima vestra. Multi ergo nostrum, quibus hoc malum contigit, nobilium ædificio templorum, gregique sibi commissio metuebant, quæ omnia, ut oculis

intuentium patent, ablata sunt, & penitus subversa. Cujus subversionis periculum incolæ Monasteriorum utriusque sexus metuentes, huc illucque vagantur incerti, penitusque omni solatio destituti, quid agendum, quove declinandum, errabundi cum periculo suæ professionis, & sine pastore, ignorant. Sed his interea malis amaricati, & pene usque ad mortem afflicti, aliud e vicino malum nos coangustat & opprimit. Quod quanto vicinius, tanto gravius, nobisque, qui pastores dicimur, periculosius. Ecce enim e latere turba raptorum & schismaticorum sævit, qui pauperes & humiles Christi opprimunt, & interimunt, neque Dei respectum habentes, nec ullam hominis personam verentes. Ab his namque, si deesset paganorum sævitia, redigeretur in solitudinem terra: quia nec sexui, nec ætati, nec paupertati parcere sciunt, sed omnes, quos possunt, absque Dei respectu & misericordia despoliant, & crudeliter, sui immemores, aut igni, aut gladio, aut quocunque moris genere interimunt, hocque nihil putant & parvipendunt. Nec etiam penitentiarum colla submittere volunt. Quibus omnibus circumsepti malis, illius Apostoli non immemores sumus sententiæ; qua ait: *Foris (c) pugna, intus timores*. Unde, quia Dei providentia hoc spatium nobis concessum est, quo mutuis frueremur adspectibus, & alternis relevaremur collationibus, quid de his, & cæteris rebus emendatione dignis agendum sit, decernere studeamus.

(b) Ezech. XXIV.

(c) II. Corinth. VII.

## §. II.

CAPITULA, IN MOGUNTIIACENSI CONCILIO  
FACTA, ARNULPHI REGIS ANNO I.

Anno Incarnationis Domini nostri JESU Christi octingentesimo octogesimo octavo, anno etiam primo regni Domini Arnulphi, gloriosissimi Regis, hæc Capitula apud Moguntiam civitatem a Luitberto, ejusdem civitatis Archi-Episcopo, nec non & a Williberto, sacræ sedis Colonienfis, seu etiam Ratbodo, Trevirensis Ecclesiæ venerabilibus Archi-Episcopis, cum suis Suffraganeis, cæteraque non

Tomus II. Concilior. German.

A a a

modi-



*modica multitudine, Abbatum scilicet, & aliorum Sacerdotum, tenenda, observanda, ac firmiter habenda constituta sunt.*

## CAPUT I.

*Ut fiant orationes pro Rege.*

**S**Tatuimus, ut oratio ab omnibus nobis, tam pro glorioso Rege Arnulpho, seu etiam & pro gloriosa conjugē sua, nec non & pro statu totius Christianitatis, prout nos debitores esse cognoscimus, in Ecclesiis nostris assidue celebretur.

## CAPUT II.

*De officio Regis.*

Ut annuntietur glorioso Regi nostro Domino Arnulpho, quid sit Rex, quidve vocari debeat. Rex a recte regendo vocatur. Si enim pie & iuste, & misericorditer regit, merito Rex appellatur; si his caruerit, non Rex, sed tyrannus est. Antiqui autem omnes Reges tyrannos vocabant. Sed postea pie & iuste & misericorditer regentes, Regis nomen adepti: impie vero, iniuste, crudeliterque principantibus, non Regis, sed tyrannicum aptatum est nomen. Quia Rex a regendo dicitur, primo ei studendum est, ut semetipsum, suamque domum, Christi adjuvante gratia, ab operibus nequam emaculet, bonisque operibus exuberare faciat, ut ab ea ceteri bonum exemplum semper capiant. Ipse & salutiferis Christi praeceptis fideliter atque obedienter obsecundet, & recte agendo, eos, quibus temporaliter imperat, in pace & concordia, atque charitate, ceterorumque bonorum operum exhibitione, quantum sibi divinitus datur, consistere faciat, & dictis atque exemplis ad opus pietatis, & iustitiae, & misericordiae solerter excitet, attendens, quod pro his Deo rationem redditurus sit; quatenus ita agendo, Sanctorum Regum, qui Deo sincere serviendo placuerunt, post hanc peregrinationem confors efficiatur. De Rege autem, qualis esse debeat, ita in Deuteronomio legitur: *Cum (a) ingressus fueris terram, quem Dominus Deus tuus dabit tibi, & posteris eam, habitaverisque in illa, & dixeris: constituam super me Regem, sicut habent omnes per circuitum nationes, cum constitueris, quem Dominus Deus tuus elegerit de numero fratrum tuorum.* Et post pauca: *Non (b)*

*habebit uxores plurimas, quae illiciant animum ejus, neque argenti, & auri immensa pondera. Postquam sederit in solio regni sui, describet sibi Deuteronomium legis in volumine, accipiens exemplar a Sacerdotibus Leviticae tribus, & habebit secum: legetque illud omnibus diebus vitae suae, ut discat timere Dominum Deum suum, & custodire verba & caeremonias ejus, quae in lege praecepta sunt. Nec extollatur in superbiam super fratres suos, neque declinet in partem dexteram vel sinistram, ut longo tempore regnet ipse, & filii ejus super Israel. Attende, quod timor Dei, & custodia praeceptorum ejus, & humilitas, quae non patitur eum extolli super fratres suos, & iustitiae rectitudo non solum Regem, sed & filios ejus longo faciat regnare tempore. Ut ergo Princeps excellentiam cavere debeat, Ecclesiasticus admonens, ait: Principem (c) te constituerunt? Noli extolli, sed esto in illis, quasi unus ex illis. In Proverbiis: Rex, (d) qui iudicat in veritate pauperes, thronus ejus in aeternum firmabitur. Item: Misericordia (e) & veritas custodiunt Regem, & roboratur clementia thronus ejus. ISIDORUS: Qui recte utitur potestate regni, ita praestare se omnibus debet, ut quanto magis honoris celsitudine claret, tanto semetipsum mente humiliet, proponens sibi exemplum humilitatis David, qui de suis meritis non tumuit, sed humiliter se se dejiciens, dixit: *Vilis (f) incedam, & vilis apparebo ante Deum, qui elegit me.* FULGENTIUS in libro de veritate praedestinationis & gratiae: Clementissimus quoque Imperator non ideo est vas misericordiae preparatum in gloria, quia apicem terreni principatus accepit: sed si in imperiali culmine recta fide vivat, & vera cordis humilitate praeditus, culmen regiae dignitatis sanctae religioni subiciat: si magis in timore Deo servire, quam in tumore dominari populo delectetur: si in eo lenitas iracundiam mitiget, ornet benignitas potestatem: si se magis diligendum, quam metuendum cunctis exhibeat: si subiectis salubriter consulat: si iustitiam sic teneat, ut misericordiam non derelinquat: si pra omnibus ita se sanctae matris Ecclesiae meminerit filium, ut ejus paci atque tranquillitati per universum mundum, prodesse suum*

(a) Deuter. XVII.

(d) Prov. XXIX.

(b) Ibidem.

(e) Prov. X.

(c) Eccl. XXXII.

(f) II. Reg. VI.

suum faciat principatum. Magis enim Christianum regitur, ac propagatur imperium, dum Ecclesiastico statui per omnem terram consulitur, quam cum in parte quacunque terrarum pro temporali securitate pugnatur.

## CAPUT III.

*Quid sit proprie ministerium Regis.*

Regale ministerium specialiter est, populum Dei gubernare & regere cum æquitate & iustitia, & ut pacem & concordiam habeant, studere. Ipse enim primo debet defensor esse Ecclesiarum, & servorum Dei, viduarum, orphanorum, cæterorumque pauperum, nec non & omnium indigentium. Ipsi enim terror & studium hujuscemodi, in quantum possibile est, esse debet primo, ut nulla iniustitia fiat: deinde, si evenierit, ut nullo modo eam subsistere permittat: nec spem delitescendi, sive audaciam male agendi cuiquam relinquat. Sed sciant omnes, quoniam si ad ipsius notitiam pervenerit quidpiam mali, quod admiserint, nequaquam incorrectum aut inultum remanebit, sed juxta facti qualitatem, erit & modus justæ correptionis. Quapropter in throno regiminis positus est ad judicia recta peragenda, ut ipse per se provideat & perquirat, ne in judicio aliquis a veritate & æquitate declinet. Scire etiam debet, quod causa, quam juxta ministerium sibi commissum administrat, non hominum, sed Dei causa existit, cui pro ministerio, quod suscepit, in die tremendi examinis rationem redditurus est. Et ideo oportet, ut ipse, qui iudex est judicum, causas pauperum ad se ingredi faciat, & diligenter inquireat, ne forte illi, qui ab eo constituti sunt, & vices ejus agere debent in populo, injuste, aut negligenter pauperes oppressiones pati permittant. Plura igitur sunt ex auctoritate Sanctarum Scripturarum de ministerio Regis, quæ scribere potuimus: sed ne onerosa glorioso Principi nostro hæc admonitio nostra existat, hæc perpauca scripta sufficiant.

## CAPUT IV.

*In Synodo Toletana, ut Ecclesiæ cum rebus ad ordinationem Episcoporum pertineant, præcipitur.*

Multi contra canonum constituta, sic Ecclesias, quas edificaverint, potestatem II. Concil. German.

stulant consecrari; ut dotem, quam eidem Ecclesiæ contulerint, censeant ad Episcopi ordinationem non pertinere. Quod factum & in præteritum displicet, & in futurum prohibetur. Sed & omnia, secundum constitutionem antiquam, ad Episcopi ordinationem, & potestatem pertineant.

## CAPUT V.

*Ne Presbyteri sine consensu Episcoporum per Ecclesias constituantur, vel ab eis rejiciantur.*

Quicumque Presbyter per precium Ecclesiam fuerit adeptus, omnimodis deponatur: quoniam contra Ecclesiasticæ regulæ disciplinam agere dinoscitur, qui alium Presbyterum legitime ad Ecclesiam ordinatum per pecuniam expulerit, eamque sibi taliter vendicaverit, quod vitium late diffusum summo studio emendandum est. Itemque interdicens videtur Clericis, sive laicis, ne quis cuilibet Presbytero præsumat dare Ecclesiam sine licentia & consensu Episcopi sui.

## CAPUT VI.

*Ut nullus Ecclesiasticas res invadere præsumat.*

Ne cui liceat res vel facultates, Ecclesiis, aut Monasteriis, vel Xenodochiis pro quacunque eleemosyna cum iustitia delegatas retentare, alienare, atque subtrahere. Quisquis fecerit, tanquam necator pauperum, antiquorum canonum sententiis constrictus, ab Ecclesiæ liminibus excludatur, donec ab ipso, quæ sunt ablata vel retenta, reddantur. *Ex eodem Concilio, Capite eodem:* Si quis quolibet tempore, cujuslibet potestatis aut ordinis persona contra institutionem Sancti Concilii venire tentaverit, aut aliquid de consuetudine, vel facultate Xenodochiorum, vel Ecclesiarum abstulerit, (quod Deus avertat) ut necator pauperum irrevocabili anathemate feriat.

## CAPUT VII.

*De varia vexatione Sacerdotum.*

Relatum est Sanctæ Synodo, quod à malis Christianis plurimæ vexationes Sacerdotibus Christi, seu cæteris Clericis inferioris gradus sæpissime inferantur. Unde visum est Sancto Concilio, ne in antea talia existant, jaculo spiritali eos percu-



percutere; ut si quis Clerico aliquam injuriam, seu calumniam ingesserit, a liminibus Sanctæ Ecclesiæ arceatur usque ad condignam satisfactionem.

## CAPUT VIII.

*Decretum in nonnullos, qui Sacerdoti Wirtzburgeri nares, capillosque absciderant, verberibusque male affecerant. (f)*

Ad aures Sanctæ Synodi Arno venerabilis Wirtzburgeri. Ecclesiæ se reclamavit, quod quidam scelesti quendam honorabilem Presbyterum suum comprehendissent, eique nares abscidissent, & capillos capitis incidissent, nec non & sævis verberibus cruciatum, semivivum reliquerant. Unde tanto scelere inaudito peracto, Sancta Synodus visceribus misericordiæ erga eundem commota, statuit communi consensu, ut iidem temerarii, Deique contemptores, qui tale scelus ausi sunt perpetrare, anathematis vinculo constringantur, quousque a proprio Episcopo post dignam poenitentiam absoluti, Sanctæ Matri Ecclesiæ sociari mereantur: nullusque cum eis in aliquo communicet, nisi in hoc, ut eos ad dignam satisfactionem peragere hortetur. Si quis autem post hanc sententiam a nobis prolatam, sciens cum eis communicaverit, uno eodemque mucrone cum ipsis faciat se a nobis esse percussum.

## CAPUT IX.

*Ubi Missarum solemnia peragi liceat.*

Missarum solemnia non ubique, sed in locis ab Episcopo consecratis, vel ubi permiserit, celebranda esse censuimus. Concedimus etiam, ut sicubi (quod nostris exigentibus culpis per plurimum est factum a Nortmannis, seu alio qualicunque modo) Ecclesiæ fuerint incensæ, in capellis Missas interim liceat celebrare, donec ipsæ Ecclesiæ restaurari queant. In itinere vero positis, si Ecclesia defuerit, sub divo, seu in tentoriis, si tabula Altaris consecrata, cæteraque ministeria sacra ad id officium pertinentia adsunt, Missarum solemnium celebrari permittimus.

## CAPUT X.

*De mulieribus; quod in domo Clericorum simul cum Clericis non debeant habitare.*

Ut Clericis interdicatur, mulieres

in domo sua habere, omnimodis decernimus. Quamvis etiam sacri canones, quasdam personas feminarum simul cum Clericis in una domo habitare permittant; tamen (quod multum dolendum est) sæpe audivimus, per illam concessionem plurima scelera esse commissa, ita ut quidam Sacerdotum cum propriis fororibus concumbentes, filios ex eis generassent. Et idcirco constituit hæc Sancta Synodus, ut nullus Presbyter ullam fœminam secum in domo propria permittat, quatenus occasio malæ suspitionis, vel facti iniqui, penitus auferatur.

## CAPUT XI.

*Ne invadantur prædia.*

Attendendum (g) est omnibus, & fideliter custodiendum, & illius usurpationis contumelia depellenda, ne prædia usibus secretorum cœlestium dicata, a quibusdam irruentibus vexentur. Quod si quis fecerit, post debitæ ultionis acrimoniam, quæ erga sacrilegos jure promenda est, perpetua damnetur infamia, & infernali carceri tradatur, aut exilii perpetua deportatione feriat: quoniam juxta Apostolum, *Oportet hujusmodi hominem tradere (h) satanæ, ut spiritus salvus fiat in die Domini.*

## CAPUT XII.

*Quot testibus Clerici convinci debeant.*

Presbyter non adversus Episcopum, non Diaconus adversus Presbyterum, non Subdiaconus adversus Diaconum, non acolytus adversus Subdiaconum, non exorcista adversus acolytum, non lector adversus exorcistam, non Ostiarius adversus lectorem det accusationem aliquam. Et non condemnabitur præsul, nisi in 72. neque præsul summus a quoquam judicabitur, quoniam scriptum est: *Non est [i] discipulus supra magistrum.* Presbyter autem in cardine constitutus, non nisi in 42. testibus damnabitur: Diaconus cardinalis constitutus urbis Romæ, non nisi in viginti sex condemnabitur: Subdiaconus, acolytus, exorcista, lector, ostiarius, nisi, sicut scriptum est, in 7. testibus non condemnabitur. Testes autem sine aliqua sint infamia, uxores & filios habentes.

## CAPUT

[f] Harduini editio hujus Concilii habet hunc titulum.

[g] Gratianus 27. Q.2. Attendendum.

[h] I. Corinth. V, 5.

[i] Matth. X, 24.

## CAPUT XIII.

*De decimis ab antiquis Ecclesiis (i) non subtrahendis, & ut antiquæ Ecclesiæ honorem suum habeant.*

Ecclesiæ antiquitus constitutæ, nec decimis, nec aliis possessionibus priventur, ita ut novis oratoriis tribuantur.

## CAPUT XIV.

*Quod nullus Episcopus alterius parochianum præsumat retinere aut ordinare.*

Nullus Episcopus alterius parochianum præsumat retinere, aut ordinare, absque ejus voluntate, vel judicare. Quia sicut ejus irrita erit ordinatio, ita & judicatio: quoniam censemus alterius nullum judicis, nisi sui, sententia teneri. Nam qui eum ordinare non potuit, nec judicare ullatenus potest.

## CAPUT XV.

*Item de eodem.*

Si quis Episcopus judicaverit, vel ordinaverit alterius parochianum sine consensu, & voluntate sui Episcopi, oportet, non sine increpatione in communi Concilio admitti, ita ut Ecclesiasticum ultra non solvat canonem.

## CAPUT XVI.

*De his, qui Sacerdotem sponte occiderint.*

Qui Sacerdotem morti voluntarie tradiderit, carnem non comedat, nec vinum bibere præsumat omnibus diebus vitæ suæ. Jejunet autem usque ad vespæram, exceptis diebus festis, atque Dominicis. Arma non sumat, & ubicunque ire maluerit, nullo vehiculo deducatur, sed propriis pedibus proficiatur. Ecclesiam per quinquennii tempus non ingrediatur, sed cum sacrarum orationum officia, aut Missarum solennia celebrantur, ante fores basilicæ perseveret, orans ac deprecans Dominum, ut tanto crimine abluatur. Post expletum vero quinquennii tempus ingrediatur Ecclesiam, non tamen communicet, sed inter audientes tantummodo stet, vel dum facultas conceditur, sedeat. Dum autem duodecimi anni cursus fuerit finitus, communicandi ei tribuatur medela.

A a a 3

(2) Adde: *non.*

(1) Tomi primi nostri pag. 203.

Maneat tamen in reliquis observationibus tres dies per hebdomadam, ut ad perfectionis purificatus mereatur venire culmen.

## CAPUT XVII.

*De decimis dandis.*

Admonemus atque præcipimus, ut decima omnino Deo dari non negligatur, quam Dominus ipse dari sibi constituit. Timendum est enim, ne, quisquis Deo debitum suum abstrahit, Deus propter peccatum suum auferat ei necessaria sua. Qui vero decimas post crebras admonitiones, & prædicationes sacerdotum dare neglexerint, excommunicentur.

## CAPUT XVIII.

*De quodam Altmanno, qui sibi commatrem spirituales in conjugium habet sociatam*

Perlatum est ad nos, quod quidam Altmannus nomine, sibi commatrem spirituales, ex parochia Arnonis Episcopi scelesto conjugio associaffet. Sed postea per Sacramenta ab ea separatus, modo iterum eam sibi impia copulatione habet sociatam. Quem, quia tale scelus perpetratum habere audivimus, secundum constitutionem Sancti Gregorii Papæ, gladio spirituali percutimus, eumque anathematis vinculo innodamus.

## CAPUT XIX.

*De Presbyteris, qui crimine fornicationis sine aliquo capitali flagitio accusantur, & non habent collegas, cum quibus se excusare possint, aut si forte lapsi fuerint, quomodo satisfaciant.*

In quorum judicio, neque ad dexteram, neque ad sinistram declinandum est, sed Regia via gradiendum. In Concilio Neocæsarensi. (k) cap. 1. scriptum est: Presbyter, si uxorem acceperit, ab ordine deponatur. Si vero fornicatus fuerit, aut adulterium perpetraverit, amplius pelli debet, & ad pœnitentiam redigi. Item in Concilio Carthaginiensi capitulo vicesimo quinto [1] scriptum est: Aurelius Episcopus dixit: præterea cum de quorundam Clericorum, quamvis erga uxores proprias incontinentia referatur, placuit, quod & in diversis Conciliis firmatum

(k) Tomi primi pag. 150.



rum est, ut Subdiaconi, qui sacra mysteria contrectant, & Diaconi & Presbyteri, sed & Episcopi secundum priorum statuta, etiam ab uxoribus se abstineant, ut tanquam non habentes esse videantur. Quod nisi fecerint, ab Ecclesiastico removeantur officio. Ceteros autem clericos ad hoc non cogi, nisi maturiori ætate.

## CAPUT XX.

*De precariis injuste & irrationabiliter factis, easque cum vi & sine nostræ voluntatis consensu habere volunt, sicut in Rhemenſi Concilio statutum est. cap. 37.*

Si quilibet hominum res Ecclesiæ per mendacia, vel mala ingenia in precariam sibi acquirere voluerit, & post factas precarias, eadem mendacia ad aures ejusdem Ecclesiæ rectoris delata fuerint; ipsa Ecclesia res suas, quæ & ei mendaciter abstractæ fuerunt, pleniter absque ullius contradictione omnimodis recipiat. Ille vero, qui res suas per eadem mendacia propter cupiditatem ipsius precariæ, eidem Ecclesiæ tradidit, simili modo in suam recipiat dominationem.

## CAPUT XXI.

*De his, qui in Ecclesiis, seu in atrii Ecclesiæ, rixas moverint, & mutuo inter se consungunt. Ex (m) Concilio Moguntiacensi tempore Caroli. cap. 40.*

Præcipimus, ut in Ecclesiis, sive atrii Ecclesiarum, vel domibus, placita sæcularia minime fiant; quanto minus rixæ & contentiones? Item capitulo trigésimo nono: de honore Ecclesiarum, & his, qui ad Ecclesias confugiunt, & quod Ecclesia cum magna reverentia ad eunda sit, sicut in capitulari Dominico continetur, & in Moguntiacensi, & Turonensi, ac Arelatenſi tempore gloriosi Imperatoris Caroli conventibus decretum est.

## CAPUT XXII.

*De his, qui decimas suas dare nolunt, & injuste subtrahunt, ita ut qui quinque aut eo amplius aratra habuerint, juxta æstimationem unius aratri persolvant: & qui hereditatem Ecclesiæ nostræ sibi vindicant, & de servis, qui decimas, dominis consentientibus, dare nolunt.*

*Concilio Arelatenſi cap. 9. scriptum est,*

ut unusquisque de propriis laboribus suis decimas, & primitias Deo offerat, sicut scriptum est: *Decimas (n) & primitias tuas non tardabis offerre Domino Deo tuo.* Ubi nec liber, nec servus excipitur, qui omnes unum sumus in Christo, apud quem nulla habetur personarum acceptio. Item in *Concilio Arelatenſi, capitulo vigésimo*: ut Ecclesiæ antiquitus constitutæ, nec decimis, nec ulla alia possessione priventur.

## CAPUT XXIII.

*De viris & feminis, si adulterii reatu, sive alicujus flagitii crimine accusati fuerint, qualiter expurgari debeant.*

Nam multi sunt, qui secundum humanas leges divina spernentes judicia, testes, ac conjuratores sibi met produce-re volunt. Quos minime admittentes, sicut unum confitemur Deum, unam fidem, unum baptisma, ita etiam una per totum mundum Ecclesia uniformiter pari lege, & simili religione excolenda est. Itaque decernimus, ut juxta divinæ legis sanctionem, & secundum ipsius sedem civitatis, in qua ratio ventilatur, unaquæque gens, & cuncta adjacens parochia subjaceat, ita ut auctoritate Episcoporum, aut judicii examine, aut Sacramenti protestatione se expurget. Et non minus, quam quatuordecim annos ætatis habeat, qui ad testimonium admittendus est, secundum censuram canonicæ institutionis, sicut in *Africano Conc. (o) cap. 98.* scriptum est: Testes ad testimonium non admittendos, qui nec ad accusationem admitti præcepti sunt, vel etiam, quos ipse accusator de sua domo produxerit. Ad testimonium autem infra annos quatuordecim ætatis suæ non admittantur.

## CAPUT XXIV.

*De pace fruenda.*

Decrevimus etiam, ut pacis bonum & concordia ab omnibus indirupte teneatur: quia si inter nos fideles, ut in Capitularibus Domini Caroli legitur, pax & concordia habenda est, dicente Apostolo: *Pacem (p) sequimini, & sanctitatem, sine qua nemo videbit Deum*; multo magis inter Episcopos & Comites esse debet, qui post imperialis apicis dignitatem populum Dei regunt. Ita enim inter se concordare debent, ut alterutrum sibi ad Dei

(m) Vide Tomi primi nostri pag. 412.

(o) Tomo primo nostro pag. 225.

(n) Exod. XXII.

(p) Hebr. XII.

Dei servitium peragendum, & ministerium suum explendum non solum non noceant, quin potius adminiculo sint. Comitibus quippe, & iudicibus, reliquoque populo expedit, ut in *Turonensi Concilio* legimus, temporibus præfati Principis actio, ut suis sint Episcopis consentientes, & obedientes, propter Dei amorem, & semper ab eis utile quarant consilium, illorumque salubria non spernant monita, sed intenta cordis aure audiant. Similiter vero & Episcopi prædictas personas similiter suscipiant, honorificeque erga eos in omnibus agant, & sic se se mutuis studeant sublevare consolationibus.

## CAPUT XXV.

De Monasteriis Clericorum, Monachorum, atque puellarum, quæ clericis, sive laicis beneficii jure donata sunt, placuit, ut tales eis præfiant provisores, & præpositos, sicut in *Cabilonensi Concilio* scriptum est, qui & præesse novrint & prodesse, & qui ad Episcopum recurrant, & secundum ejus ordinationem ad conventum Synodi occurrant, & commissum sibi gregem canonicæ & cum magna religione custodiant, quasi rationem de animabus eorum reddituri.

## CAPUT XXVI.

De Viduis præcipimus, ut nequam cito velentur, sed in potestate earum maneat, consentiente Episcopo, utrum nubant, an professionem castitatis assument, usque dum probetur earum conversatio; ne forte de eisdem dici possit, quod ab Apostolo dicitur; *Quæ (q) autem in delitiis sunt, viventes mortuæ sunt.* Si autem propositum castitatis assumpserint, aut monasterii claustris regulariter constringantur, aut domi manentes, castitatem suæ professionis integerrime custodiant. Quodsi a proposito devierint, canonicæ institutionis censura corrigantur. Quod & de virginibus, si mœchata fuerint, statuimus, sicut in *Concilio Elibertano, Cap. 13.* scriptum est: Virgines, quæ se Deo dedicaverunt, si pactum prodiderint virginitatis, atque eisdem libidini servierint, non intelligentes, quid amiserint: placuit, nec in fine dandam eis esse communionem: quod si semel persuasæ, ad infirmi corporis vitia lapsæ, toto tempore vitæ suæ ejusmodi fœminæ egerint pœnitentiam, ut abstineant se a coitu; placuit eas in fine communionem accipere debere.

*Binius Tomi III. partē II. unde Synodographi.*

In hac Synodo hoc unum imprimis observatu dignum est, quod sicut hic; ita etiam apud omnes alios Scriptores antiquos, *Arnulphus* non *Imperator*, sed *Rex* duntaxat nominatus reperitur; eo quod nefas esset, Imperatoris nomen assumere, nisi illud a Sede Apostolica prius collatum esset. Quamobrem perperam agere convincuntur, qui statim post obitum Caroli Crassi, Arnulphum, tanquam hæredem imperii, Imperatorem nominant. Hanc Synodum propter infelicem statum Ecclesiarum Germanicarum congregatam esse, indicant Patres in Præfatione hujus Synodi; cumque tribus prioribus canonibus Arnulphus Rex instruat, & admoneatur, quomodo se in regimine regni bene disponendo gerere debeat, patet novam Regis Arnulphi electionem huic Synodo congregandæ occasionem aliquam præbuisse. De Luitperto Archi-Episcopo, qui Concilio præfuit, de ejusque rebus præclare gestis plurima scribit *Serarius Lib. 4. Hist. Mogunt.* Nota *Binii.*

(q) *Timoth. V.*

## §. III.

*Constitutio Synodalis, qua Patres Moguntiae congregati, rogatu Bovonis Abbatis, confirmant Privilegia Corbejensium, & Herivordensium Monasteriorum.*

CONvenit Episcopali auctoritati (a) quatenus ita Ecclesiarum Dei (b) solici-  
pie solici-  
tudinem habeant, ut sacris locis, in quibus

Collatio editionis *Schateni* cum Joannis XV. Bulla confirmatoria Synodalis Moguntinæ constitutione, facta a Christiano Francisco Paullini in *Syntagmate rer. Germanicarum* Opusculo XIV. Decretum Augustæ Synodi Moguntinæ edito anno 1698. in 4to.

(a) *Joann. XV. addit: maximeque summi Præsules debent.*

(b) *Joann.* Oblitus hanc vocem Dei.



bus jugi Deus famulantium sedulitate placatur, opportuna conferre suffragia non detrectent. Unde ego Luithbertus (c) licet indignus Maguntiacensis Archiepiscopus, omnibus Sanctæ Dei Ecclesiæ fidelibus suggero, quia (d) Venerabilis Frater noster Bovo, Abbas (e) (f) Monasterii, quod vocatur nova Corbeja, (g) attulit nobis, quam plurima chirographa gloriosissimorum Principum, ad confirmationem privilegiorum ejusdem Monasterii promulgata, inter quæ proxime ei collatum communiter, & ipsius, & Herivordenis Monasterii statum confirmabat, datum scilicet a gloriosissimo Rege Arnulpho, his ipsis diebus noviter ad Regnum provecto. Super hæc etiam chartas duas ostendit Romanorum Pontificum, Adriani, (h) atque Stephani, in ipsis chartis concedentium, ut in titutione S. Sedis Apostolicæ præfatum novæ Corbejæ monasterium perpetualiter haberetur, simulque Apostolica auctoritate decernentium, ut idem monasterium plenissimam habeat immunitatem ab omnibus quoquo modo foris, vel intus monasterium, in res ad illud pertinentes sese præter voluntatem Abbatum loci ipsius permiscere cupientibus.

His igitur omnibus apud nos relictis, petiit præfatus Venerabilis Abbas, quo & ea, quæ sacris literis piissimorum Principum confirmata fuerant, nostra quoque auctoritate roboraremus, & his, quæ ab Apostolica Sede decreta sunt, nostræ subscriptionis chartulam adjunge-

remus. Nos itaque considerantes, religiosam esse (i) petitionem ejus, pastoralisque esse officii, Servorum Dei jugiter utilitati, commodisque prospicere, decernimus, ut præfata (k) duo monasteria, Corbejenſe videlicet Monachorum, atque Herivordenſe Sanctimonialium, de omnibus rebus, quæ vel in communi supra memorati Principis (l) carta, vel specialibus aliorum Principum (m) præceptis confirmatæ eis (n) esse noſcuntur, (o) nihilominus talem (p) ex Ecclesiastica & Episcopali (q) Sanctiōne obtineant firmitatem; ut nihil habeant, unde se tueri possint, quicunque sibi promittunt hæc aliquo se posse immutare (r) vel infringere. Habeant igitur præfata Monasteria liberam in omnibus disponendi regulariter potestatem, ut quæcunque eisdem Monasteriis in auro, vel argento, in agris, & (s) famulis, seu quibuslibet rebus fuerint oblata, five in præſenti die collata esse (t) constant, in dispositione maneat eorum, qui eisdem locis Prælati sunt, ut quicquid secundum Dei timorem regulariter (u) & canonice dispoſuerint ad Ecclesiæ ipsius utilitatem, liberam in omnibus, cum consensu (x) fratrum, sororumve, faciendi habeant potestatem. Et ut plenius prosequamur, quod Sanctos Apostolicos jam dictos intendisse sentimus, atque ante eos B. Gregorium, & (y) Reverendæ memoriæ Nicolaum sanxisse de statibus Monasteriorum prædictorum (z) invenimus, Nos humiliter tantis auctoritatibus sub-

(c) Joann. XV. Servus Servorum Dei Joannes, Sacrosanctæ Apostolicæ Sedis Præsul.

(d) Joann. habet: quod.

(e) Joann. sic: Venerabilis Abbas Dithmar.

(f) Bovo erat sextus Abbas novæ Corbejæ in Saxonia, & idem erat Præpositus, seu Provisor Monasterii Herefordiensis Sanctimonialium.

(g) Joann. ita: Per interventum Hildebrandi, Mutinensis Episcopi, nostram efflagitavit clementiam, ut omnia præcepta gloriosissimorum Imperatorum, seu Regum, five quorumlibet Principum chirographa, nec non etiam, quæ a nostris Prædecessoribus Adriano atque Stephano collata, vel constituta sunt, nostra quoque auctoritate firmaremus, atque roboraremus, & his, quæ ab Apostolica Sede decreta sunt, nostræ subscriptionis chartulam adjungeremus.

(h) Adriani IV. & Stephani VI. originalia exhibita Concilio: sed Gregorii IV. & Nicolai I. nonnulli apographa habuisse videntur.

(i) Hanc voculam omisit Joann.

(l) Joann. Principum.

(n) Hæc vocula a Joanne omiſſa.

(p) Joann. addit tamen.

(r) Joann. Aliquando.

(t) Hanc vocem omisit Joann.

(x) Joann. Consilio.

(z) Hæc vox a Joanne omiſſa.

(k) Nec hanc vocem habet Joann.

(m) Nunc hæc verba Joann. omittit.

(o) Joann. agnoscuntur.

(q) Joann. simpliciter habet Apostolica.

(s) Joann. vel.

(u) Joann. ac.

(y) Joann. ac.

subscribendo confirmamus, ut nullus Episcopus Padabrunnensis (a) aliquam ex eis vel accipiat, vel exposcat portionem, neque vel in his, quæ regiminis locum tenent, vel in ipsis congregationibus, aut in ipsis cœnobiis, potestatem obtineat, neque ipsorum dominatione potiatur ulla, neque in Clericis, neque in famulis, & in (b) omnibus, quæcunque ad Monasteria ipsa videntur habere possessionis respectum, sicut ab omnibus eis hætenus servatum & consensus est Episcopis, in quorum Parochiis res eorundem Monasteriorum coniacere videntur, [c] nec ad ipsa Monasteria, vel cellas eorundem, vel ipse per se Episcopus, vel Oeconomicus ejus, vel Archi-Presbyter, aut Archi-Diaconus illius, seu quælibet ex ejus agentibus persona, potestatem habeat accedendi, nisi forte necessitatis causa, vel dilectionis gratia, vocatus advenierit, ne importunitate sui, ministrorumque suorum inquietudine sacris locis fiat molestia, neque in Ecclesiis præfatis (d) Monasteriis subiectis, vel in Presbyteris, eisdem Ecclesiis ordinatis, aliquam tenet facere perturbationem, novam constituendo, & antiquam constitutionem violando; sed sicut regulariter & canonice disposita sunt, & longo jam tempore manentia, ita quoque futuris temporibus maneant inconcussa. Ordinationes, quæ necessariæ fuerint, ipsis Monasteriis agere non differat, altaris quoque & Basilicarum benedictiones, sive consecrationes, prout necessitas postulaverit, vel in ipsis Monasteriis, vel in agris eorum, libenter concedat, christina quoque, oleumque consecratum per singulos annos præbere non differat, & pro his omnibus nullum munus exigat, ne Spiritus Sancti gratiam vendere conatus, Simonis, quod absit, (e) damnationem incurrat. Hoc constitutum non solum Padabrunnensem (f) verum etiam om-

B b b

nium locorum Episcopos, ubicunque præfata Monasteria, vel Ecclesias, vel Agros, vel familias habere noscuntur, observare sine cunctatione seu contradictione oportet, ut nullus potestatis jure rebus eorundem Monasteriorum abutatur, sed maneant omnia in potestate eis Prælatorum & regulari dispositione, quæcumque, ut diximus, vel in agris, vel in familiis, vel in decimis eis constant esse collata, sicut & Apostolica & Imperialia præcepta, partim simul, partim singillatim (g) eis confirmaverunt. Abbatem vero, vel Abbatissam in his locis eligendi semper habeant potestatem, & eam personam eligant, quæ propositum conversationis in utrolibet Monasterio, & moribus & habitu profiteatur, non Canonicum, aut laicum, neque alterius Monasterii monachum, in quo specialiter Nos audire dignetur Regia Dominatio, ut nullam eisdem Monasteriis præponant personam, quæ non ab ipsis congregationibus fuerit regulariter electa. Debent enim mundi Principes honorem præstare Deo, quem sibi volunt præstari a Deo, videlicet, ut, quemadmodum cupiunt a Deo sibi collatum Regni honorem conservari; sic Ecclesiæ Christi suam non dedignentur servare legem. Non enim decet, neque justum videri poterit, ut sibi militantibus de Ecclesiæ Christi possessionibus mercedem restituant, & quod de Rep. sua tribuere debent, reddere velint de his, quæ collata sunt Deo. (h) Qua de re noverit clementia vel nunc consistentium, vel successionis jure omnium futurorum Principum, a sede Apostolica sancitum, nostraque subscriptione roboratum, nec non & antecedentium Regum præceptis cautum, ut prædictis Monasteriis nullas (i) præstent personas (k) de quocunque ordine, nisi quæ per electionem probabilem sumantur. (l) Quoniam vero multæ quærentur ab importunis hominibus

(a) Joann. &amp; Annal. Paterbrunnensis.

(b) Joann. aut in.

(c) Hic ita pergit Joann. Namque ipsius præfati Monasterii Abbati, suisque successoribus, licentiam damus juxta Altare sedendi, populoque infra suum Monasterium, vel cellas, verbum Dei prædicandi ac docendi. Ita ut nullus Episcopus per se ad ipsa Monasteria, vel cellas eorundem, vel æconomus ejus, vel Archi-Presbyter &amp;c.

[d] Joann. habet: privatis.

(e) Joann. inde quod absit.

(f) Joann. &amp; Annal. Paterbrunnensem.

(g) Joann. singillatim.

(h) Hic totus paragraphus in Bulla Joannæa desideratur.

(i) Joann. nullam.

(k) personam.

(l) sumatur.



bus malignitatis occasiones, & (m) necesse est (n) semper adversarii (o) tela clypeo protectionis repellere, quod Apostolica decrevit auctoritas, nos quoque approbamus, ut, qui ordinati fuerint ad regimen sapientiorum Monasteriorum, nulla potestate prevalente deiciantur, nisi criminis causa fuerint deprehensi, cujus merito Rectorum non debeant administrare officia; infamiae vero maculis, seu criminis alicujus denotatione si fuerint appetiti, non praeter canonicam, & regularem deponantur examinationem. Si quis ergo Apostolicæ sedis decretum, cui nos hanc confirmationis cartulam (p) subscripsimus, contempserit, procul dubio damnationis censuram suscipiet, quam credimus Divino Spiritu per Apostolicam linguam prolatam.

Nos igitur nostram subscriptionem annuli nostri impressione signantes, obsecramus Fratres & (q) Coepiscopos nostros omnes, in quorum manus ista devenerint, sua (r) etiam auctoritate, & subscriptione hæc confirmare velint; ut, quicumque hæc temerare præsumpserit, generalitatis nostræ sententiis ita anathematis vinculo obligetur, ut neminem habeat, de cujus favore sibi blandiatur, aut se tueri posse putet a sententia damnationis. (s) Cunctis autem ista servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum judicem præmia æternæ quietis inveniant. (t) Et quia Apostolicæ auctoritati subscribentes ista edidimus, justum est, ut illam sacram sedem etiam in hoc honoremus, ut appellatio ad eam fieri liceat a prædictis locis, cum necessitas fuerit, eo videlicet tenore, ut si hoc constitutum ab aliquo fuerit prævaricatum, Metropolitanus eorum Episcopus, quo ego nunc, licet indignus, fungor officio, personam hujus sanctionis violatricem conveniat, & hujus nostri decreti te-

stificationem innotescat, utque ab eo, quod prave gessit, recedere non moretur, ex communi omnium Coepiscoporum auctoritate contestetur. Et si ille contumaciter in sui facti perpetratione perstiterit, licentia eis sit, Romanam, Apostolicamque sedem adire, & necessitatis suæ causas ante Papam, qui tunc fuerit urbis Romæ, deponere, ut per eum cognita causa, reus justæ damnationis sententia mulsetur.

Folco, munere divino Metropolitanus Ecclesiæ Rhemenfis Episcopus, tenorem hujus sanctionis perlegens, & diligenter pertractans, in omnibus eam probandam, & corroborandam esse judicavi; tam propter antiquum jus Monasteriorum, etiam his cænobiiis conservandum, quam ad præcavendas nihilominus molestias, hic summam prohibitas, quæ modernis temporibus contra sacra Monasteria per quosdam Episcopos recenter ordinatos, nec non etiam per quorundam laicorum infestationem, grassari cæperunt. Ad quas inhibendas rationabilis ordo servatus est, ut & gloriosorum Principum hic concessionibus, & Pontificum Romanorum privilegia, & Archi-Episcopi ejusdem Monasterii his omnibus adstipulatio, ut & cæteri velint Episcopi assensum præbere, nequaquam hic spernenda contineatur petitio. Cujus gratia illeclus simul & præfentialiter ab eodem venerabili Archi-Episcopo Luichberto, nec non a Boyone, Religioso ejusdem Monasterii Abbate, rogatus, hoc decretum Episcopali auctoritate ratum esse decernens in nomine Patris, & Filii, & Spiritus Sancti confirmavi, subscripsi.

Willibertus, Agrippinensis Ecclesiæ Archi-Episcopus, huic decreto, meæ mediocritati recitatio, attestationem & assensum præbens, quod necessario ac rite promulgatum sit, sub attestatione Nominis Divini illud confirmavi & subscripsi. Thiad.

(m) Joann. ac.

(o) Joann. adversa.

(q) Duo hæc verba negligit Joann.

(s) Hic addit Joann. Ab Imperatoribus etiam, aut Regibus, five Ducibus, aut a quacunque potestate, quæ pro tempore tunc ordinata fuerit, exponere cogatur mille libras auri optimi, medietatem prædictis Monasteriis, ac medietatem Cameræ eorum Principum solvendam.

(t) Huc usque Joannes.

(n) Hæc vocula omissa a Joann.

(p) Hæc verba non habet Joann.

(r) Joann. & Annal. addunt, ut.

Thiadmarus Ecclesiæ Saltzburgerſis Archi-Epiſcopus, huic decreto conſenſi & ſubſcripſi.

Redbodo Treverenſis Archi-Epiſcopus, approbavi & ſubſcripſi.

Joannes Rotomagenſis Archi-Epiſcopus, conſenſi & ſubſcripſi.

Hildegrinus Halverſtadienſis Epiſcopus, conſenſi & ſubſcripſi.

Adalgarius Ecclesiæ Hammaburgerſis Archi-Epiſcopus, conſenſi & ſubſcripſi.

Liawardus Vercellenſis Ecclesiæ Epiſcopus, conſenſi & ſubſcripſi.

Arnoldus Wirziburgerſis Ecclesiæ Epiſcopus, conſenſi & ſubſcripſi.

Hrodbertus Mettenſis Ecclesiæ Epiſcopus, conſenſi & ſubſcripſi.

Adalhelmus Wurmacerſis Ecclesiæ Epiſcopus, conſenſi & ſubſcripſi.

Godethancus Spirenſis Ecclesiæ Epiſcopus, conſenſi & ſubſcripſi.

Wicbertus Hildeneſheimenſis Epiſcopus, conſenſi & ſubſcripſi.

Dethmarus Viurдинenſis Ecclesiæ Epiſcopus, conſenſi & ſubſcripſi.

Dedilo Camaracerſis Ecclesiæ Epiſcopus, conſenſi & ſubſcripſi.

Honoratus Beluacerſis Ecclesiæ Epiſcopus, conſenſi & ſubſcripſi.

Herdilo Noviomagenſis Ecclesiæ Epiſcopus, conſenſi & ſubſcripſi.

Balthrammus Stratzburgerſis Ecclesiæ Epiſcopus, conſenſi & ſubſcripſi.

Waldo Friſingenſis Ecclesiæ Epiſcopus, conſenſi & ſubſcripſi.

Thiadulfus Curacerſis Ecclesiæ Epiſcopus, conſenſi & ſubſcripſi.

*Hactenus Schatenus in Annal. Paderborn. reliqua ſunt Bullæ Pontificiæ Joannis XV.*

Hæc omnia continuante & conſummante Anno Dominicæ Incarnationis DCCC. ſupra LXXXVIII. in unitate S. Spiritus.

*Sigillum, icone Luitberti inſignitum, a longa vetuſtate exeuſum eſt. Si vero hoc anno ſubſcripſit Hildegrinus Halberſtadenſis, utique anno ſuperiori non deceſſerit; nec Wichertus Hildeſenſis anno DCCCLXXXIV. ut Bucelin. [x] autumat.*

(x) Germaniæ Sacræ Parte I.

Huic privilegio Monaſteriorum Corbeia & Herifordia, Biſo Paderbornenſis Epiſcopus non ſubſcripſit, imo forte proteſtatus fuit.

Paulini in rerum Germanicarum Syntagmate edidit Decretum Auguſtæ Synodi Moguntinæ, anno 888. eruditis Notis illuſtratum, additis Diplomatiſ Imperatorum & Regum, rum & Bullis Pontificum, hæc Privilegia horum duorum Monaſteriorum ſuis annis identidem confirmanſium.

Hujus Privilegii, anno DCCCLXXXVIII. in Concilio Moguntino dati, pro immunitate Monaſteriorum Corbeia novæ, & Herifordenſis, ob producta a Bovone Abbate inſtrumenta, repugnante licet Biſone Paterbrunnenſi Epiſcopo, laici a tot Archi- & Epp. ſubſcripti, non ante autumnum anni hujus meminit Mabillon. *Annalium Benedic. Tomo II. L. XXXIX. N. XXXV. pag. 269.*

## §. IV.

### Conſultatio de ſubtractis Ecclesiæ Osnabrugeſi Decimis.

Osnabrugeſis Ecclesiæ Epiſcopus, detulit ad hoc Concilium querelam de ſubtractis Ecclesiæ ſuæ Decimis, quas Cobbo ob debitum Goſwini Epiſcopi averterat ad Corbeienſe, & Herivordienſe Cœnobium. Statuere quidem Patres Canone XIII. ſupra relato: *Ne Ecclesiæ antiquitus conſtituta, decimis, aut aliis poſſeſſionibus priventur, & novis oratoriis attribuantur.* Ea tamen controverſia, eſſi multum in hac Synodo agitata, deciſa

non fuit. Stabat pro Osnabrugeſi Ecclesiæ Metropolitanus ejus Willibertus, Archi-Epiſcopus Colonienſis: productæ in hanc rem literæ Caroli M. & Hadriani Pontificis, quibus prima ejus Ecclesiæ dos ac fundatio in decimis monſtrabatur facta. Additæ quatuor aliorum Pontificum tabulæ, quibus idem aſſerebatur confirmatum. Contra, hanc Cobbonis abalienationem propugnabant Antiftites horum Monaſteriorum, multi Dynaſtæ



& Comites, quos inter Allo & Hermannus referuntur, filii, ut conjectura est, Cobbonis, Teclenburgici Comitis.

Hi, cum acerrime se opponerent, res affecta magis, quam confecta fuit,

donec tandem Arnulfus anno 895. in Wormatiensibus Comitibus, abrupta lite, Osnabrugensibus Decimas reddi juberet.

*Schatenus in Annalibus Paderbornens. ad hunc annum.*

## CONCILIIUM METENSE.

Anno Christi DCCCLXXXVIII. Stephani VI. PP. IV.  
Arnulphi Regis I.

*Ad reformandos mores fidelium congregatum, tempore  
Arnulphi Regis.*

Anno ab incarnatione Domini nostri Jesu Christi, regni Domini Arnulphi gloriosissimi Regis, die Calendarum Majarum, acta est Synodus in suburbio Metensis civitatis in Ecclesia Sancti Arnulphi, ab Archi-Episcopo venerabili Ratbodo Treverensi, & a Rotberto (a) prædictæ civitatis Præsule. Dado quoque Virdunens. Ecclesiæ Reverentissimus Episcopus, & Arnoldus Tullensium Episcopus, & Stephanus inclytus (b) Abbas, & multi Sacerdotes, cum Comitibus, & pluribus nobilibus, & Deum timentibus viris, adfuerunt, ubi pari voto, parique consensu pro vera charitate, & tranquillitate Sanctæ Dei Ecclesiæ, quam redemit Christus sanguine suo, sibi invicem occurrentes, hæc in commune Præsules locuti sunt.

### CAPUT I.

**E**Piscopi, & Presbyteri, & fideles laici, qui ante nos fuerunt, juxta sacram canonum auctoritatem sæpius in Christi nomine convenientes, justitiam Dei statuerunt, & idcirco pacem suis diebus habuerunt, juxta illud, quod scriptum est: Pax (c) multa diligentibus legem tuam Domine, & hominibus bonæ voluntatis. (d) Nos autem, qui tanto tempore tranfacto, comprovinciale Synodum non habuimus, & invicem quærere misericordiam Dei negleximus, vide-

mus in nobis completum esse, quod per Prophetam Dominus dicit: Terram (e) vestram in conspectu vestro alieni devorant, & erit in vastitate hostili. Ergo qualiter a Nortmannis hæc omnia in nobis completa sint, nemo dubitat: quomodo etiam a perversis Christianis undique atteramur, omnes in commune sentimus, sicut scriptum est: Populum (f) tuum Domine humiliaverunt, & hereditatem tuam vexaverunt. Quærenda est igitur pietas Christi, qua pagani arceantur, & statuenda est lex Dei, qua cru-

(a) Ratbodo, Treverensis Episcopus, Rubertum Metensis Ecclesiæ Episcopum consecravit 10. Kalend. Maji anno 884. *Marianus Scotus.*

Ratbodus Treverorum, acri doloris morsu ex Normannicæ cladis sensu perstrictus, Metim Provinciale Concilium indixit, ad quod non Episcopi modo, & Sacerdotes Treverorum Provinciæ, sed & Comites, multique cum splendore natalium illustres, tum excellenti virtute, doctrinaque viri accesserunt. *Browerus Annal. ad h. a.*

(b) Forte Sancti Michaelis, ut conjicit *Calmetus.*

(c) Psal. CXVIII, 155.

(d) Lucæ II, 14.

(e) Esai. I.

(f) Psal. XCV.

crudelissimi nostræ gentis homines a vastatione pauperum repellantur. Idcirco quidquid in nobis pravæ voluntatis est, abjiciamus, & de paganis, Christo auxiliante, pacem obtinere valebimus: auctoritatem Sanctorum Patrum contumacibus nostris imponamus, & velint, nolint, pro timore etiam gloriosissimi nostri senioris Arnulphi Regis, ad satisfactionem venire faciemus: & sic iustitiam Dei statuendo, poterimus ejus misericordiam invenire, quem nos cognoscimus pravis actibus graviter offendisse.

## CAPUT II.

Dominus loquitur per Prophetam dicens: *Adverte (g) omnem decimam in borris meis, & probate me in hoc, dicit Dominus: si non aperuero vobis cataractas Cæli, & dederò vobis fructus usque ad abundantiam.* Scimus enim, quoniam peccatis exigentibus, clauditur cælum, & fit nostris diebus sæpissime fames: ideo statuimus, ut deinceps nemo seniorum de Ecclesia sua accipiat de decimis aliquam portionem, sed solummodo Sacerdos, qui eo loco servit, ubi antiquitus decimæ fuerant consecratæ: ipse eas cum integritate accipiat in sui sustentationem, & ad luminaria concinnanda, & Basilicæ ædificia, vestimenta quoque Sacerdotalia, & cætera utensilia suo ministerio congrua obtinenda. Hæc omnia Episcopi de suis Ecclesiis, & cæteri attendere decreverunt. Unusquisque Presbyter unam solummodo habeat Ecclesiam, nisi forte antiquitus habuerit capellam, vel membrum aliquod adjacens sibi, quod non expedit separari. Est enim multum laudabile coram Deo & hominibus, si unus Presbyter unam Ecclesiam salubriter providerit, & utiliter rexerit: quoniam non est nobis cura animarum adhibenda pro temporali commoditate, sed cunctis Sacerdotibus est optandum, ut cum suis ovibus à Christo recipiant pascua vitæ æternæ. De uno manso & de terris pro sepultura datis, & pro quatuor mancipiis, vel eorum procreatione nullus census deinceps exigatur, & pro sepultura nullum pretium detur.

## CAPUT III.

Sacerdotes, qui vice Moysis, Iram (h)

B b b 3

(g) Malach. III.

(h) Exod. XXXII.

Domini super populum servientem precibus suis debent mitigare, attendentes etiam, ne illud fiat, quod scriptum est: *Maxima (i) ruina populi in culpa Sacerdotum fuit:* nequaquam in sua domo secum aliquam feminam habeant, nec matrem, nec sororem: sed auferentes omnem occasionem satanæ, Angelicam vitam ducant, & Domino Deo casto corpore, & mundo corde, finetenus serviant. Nam licet hoc sacris litteris crebrius inhibutum esse videatur, tamen quia hoc nefas in quibusdam oriri videbatur, idcirco communi decreto statutum est: & hoc interdictum a sancta Synodo nimium laudatum est, cuncti Presbyteri, ut libros & Sacerdotalia vestimenta suo Episcopo in proxima Synodo ostendant, & ut chrisma suum sub sigillo & sera semper custodiant, a prædictis Episcopis expresse commendatum est. Et ut nemo Clericorum arma portet, vel indumenta laicalia induat, id est, cottos, vel mantellos sine cappa non portet: & laici cappas non portent, & nullus alteri suscipiat a fonte infantem, nisi qui apprime signaculum, id est, abrenuntiationem diaboli & professionem Catholicæ fidei tenuerit: & infantem nequaquam duo vel plures, sed unus a fonte baptismatis suscipiat, quia in hujusmodi secta diabolo datur locus, & tanti ministerii reverentia vilescit. Nam unus Deus, unum baptisma, unus, qui a fonte suscipit, debet esse pater vel mater infantis. Hæc omnia generaliter interdicta sunt, quia & grandis levitas erat, & gravitas vel religio clericalis nimis in talibus vilis efficiebatur.

## CAPUT IV.

*Guntbertus*, Metensis Ecclesiæ primicerius, obtulit libellum proclamationis super Judæos, qui habitant Metis. Quapropter interdictum est juxta capitula Sanctorum Patrum, ut nemo Christianorum cum eis manducet, & bibat, vel quicquid comedi aut potari potest, a Judæis accipiat. Nimis enim, juxta quod ait *Cassarius* Arelatenfis Ecclesiæ Episcopus, indignum est, atque sacrilegum, eorum cibos a Christianis sumi; cum ea, quibus nos fruimur, ab illis judicentur immunda, ac sic inferiores incipiant esse Christiani, quam Judæi. Et omnes eorum convivas, ipse & Sanctus

(i) I. Esd. IX.



Etus *Siagrius*, Eduorum Episcopus, cum aliis multis excommunicaverunt.

#### CAPUT V.

In locis vero non consecratis, id est, in solariis, sive in cubiculis, propter infirmos, vel longius iter, a quibusdam Presbyteris sacrificium offerebatur, quod omnimodis interdictum est: & ut basilicæ, a Chorepiscopis consecratæ; ab Episcopis consecrentur, roboratum est: quia juxta decreta *Damasi* Papæ, *Innocentii* & *Leonis*, vacuum est atque inane, quidquid in summi Sacerdotii Chorepiscopi egerunt ministerio: & quod ipsi iidem sint, qui & Presbyteri, sufficiens invenitur.

#### CAPUT VI.

Dux Sanctimonialis propter suum facinus de Monasterio Sancti Petri sine velamine erant ejectæ: sed juxta sacros canones sancta constituit Synodus, ut velamina illis redderentur, & intra monasterium in ergastulo ponerentur, parvo pane; & aqua brevi cum abundantia divini verbi usque ad satisfactionem fruerentur. Quidam etiam Diaconus, qui de sacrilegio confessus, & convictus fuit, pro misericordia in carcere poni iustus est, interdicto ministerio, & ut pro eo omnes generaliter orarent, injunctum est.

#### CAPUT VII.

Quædam femina, nomine Ava, cum sui fratris consilio, & auxilio, qui vocatur Folcarius, & cum aliis consanguineis suis, suum maritum dimisit, & ad eum redire noluit. Unde illorum Sacerdos, servus Dei, vocabulo Folcardus, ad suam Dominam, & ad ejus fratrem veniens, ut eos a tanto scelere traheret, confestim ab eodem, & suis complicitibus castratus est. Pro his omnibus ad Synodum vocati venire noluerunt, & idcirco usque ad satisfactionem excommunicati sunt. Viri pestilentes vastabant miserabiliter istam provinciam, pro quo scelere ad Synodum vocati, sicut scriptum est: *Eripite [k] pauperem & egenum*: alii venerunt; alii venire noluerunt: illi qui adfuerunt, Synodo satisfecerunt: ceteri autem canonice excommunicati

sunt. Pari etiam tenore excommunicatus est quidam homo, vocabulo Theodricus; cum complicitibus suis; quia quandam viduam fugiendo prostratam super corpus Sancti Eventii rapuit, & de Monasterio traxit, & in uxorem sibi eam taliter sociavit. Quidam vir nomine Lambertus, interficiens consanguineum suum, & ducens ejus uxorem, nomine Waldradam, juravit coram Archi-Episcopo, quod tale conjugium dimitteret, & iterum ei se sociavit, & adhuc eam habet; idcirco excommunicatus est.

#### CAPUT VIII.

Quæsitum est a Sancta Synodo, quid de eis sacra fieri auctoritas juberet, qui cum prædictis excommunicatis communionem habeant? Nam non tantum laici, verum etiam Presbyteri in celebratione Missæ excommunicatos recipiunt: & quid de his, qui in eadem excommunicatione mortui fuerint; verum ad hæc tanta auctoritas prolata est. Sanctus Petrus Apostolus in ordinatione Sancti Clementis ita plebes alloquitur: *Si inimicus est alicui pro actibus suis, vos cum illo nolite amici esse, & prudenter observare debetis avertere vos ab eo, cui ipsum sentitis adversum: sed nec loqui his, quibus ipse non loquitur*. Istius transgressores Sanctus Petrus, & omnis auctoritas excommunicat. Servis autem a propriis libertis, sive beneficiatis venerabiles Episcopi in communionem Dominorum absolutionem dederunt. Sanctus Leo Papa de excommunicatis, & ita defunctis taliter decrevit: Horum causa judicio Dei est servanda, in cujus manu fuit, ut talium obitus usque ad communionis remedium differretur: nos autem, quibus viventibus non communicamus, mortuis communicare non possumus.

#### CAPUT IX.

Precando rogaverunt prædicti Episcopi, orare pro Domino Rege Arnulpho, & triduanum in proximo celebrare jejunium, ubi cum litanis, & magna corporis afflictione precaremur Deum, ut faciat nos converteri ad se in toto corde, & animo volenti: adaperiat cor nostrum in lege sua, & in præceptis suis, & faciat

(k) Psalm. XXXIV.

ciat pacem: & placeat redemptori nostro eripere oppressos, revocare in angustiis constitutos: & sic talia agendo, merea-

mur obtinere hic indulgentiam, & in futuro pacem sine fine mansuram. Amen.

*Binius Concilior. Tom. III. P. II. p. 115.*

Propter mendum actorum sciri nequit, quoto anno Christi, quoque Pontifice præcise hæc Synodus congregata fuerit: quia tamen idem Ratbodus Treverensis huic, & præcedenti Moguntinæ interfuit, & propter Nortmannorum incursiones, tempore Arnulphi Regis celebratam esse constat, *ex Cap. I. & ultimo*; nulla mihi ratio occurrit, ob quam ego hanc Synodum hæctenus Moguntinæ statim postpositam, nunc ab ea disjungerem. *Nota Binii.*

*Sirmondus credidit referendum hoc Concilium ad 895.*

*Hardouin. & Calmet. retulerunt ad 888.*

*Browerus ad annum 893. Binius annum non addidit.*

*Eckbartus ad annum 888. sed numerat Canones XIII: qui sunt iidem nostris IX.*

## SYNODUS FORCHEIMENSIS NATIONALIS.

Anno Christi DCCCXC. Stephani V. Papæ VI.  
Arnulfi Regis German. III.

*Patres confirmant petitam a Bisone Episcopo Paderbornensi Fundationem Monasterii Herifensis.*

**Q**Uoniam omnibus, qui curæ Pontificalis funguntur officio, id maxime convenit, ut ad Divinæ laudis augmentum, monasteriorum conservationibus, & Deo ibidem famulantium utilitatibus, provectibusque prospiciant. Idcirco ego Sunderholdus, humilis Moguntiacensis Sedis Archi-Episcopus, una cum venerabili Colonienfis civitatis Archi-Episcopo Herimanno, nec non & aliis Coepiscopis, ac Confacerdotibus nostris, qui nobiscum *ad præsentem Synodum* convenere, petitionem fratris nostri Bisonis Paderbrunnensis Episcopi, qua nos statum Herifensis Cœnobii unanimis nostræ scriptis confirmare & corroborare postulat, censeo gratanter accipendam: nam nobis ostendit cartulam quandam, continentem Synodalis Decreti consensum, quo venerandæ memoriæ decessor meus Liutbertus Archi-Episcopus, & alii, quamplures Episcopi, una cum illo in Synodo apud Wormatiam habita congregati, rogatu Liuthardi, tunc ejusdem Paderbrunnensis sedis Episcopi, qui prædictum puellare Cœnobium simul cum sorore sua, nomine Walburg, primum inchoaverat, ipsum cum omnibus rebus suis, tam decimis, ad usus ancillarum Dei ibidem deputatis, quam possessionibus mutuatis, firmum ac sta-

bile mansurum fore decreverunt, eandemque cartulam subscriptionibus propriis corroboraverunt. Alteram quoque offerens cartam, quam sæpe jam dictæ Paderbrunnensis Ecclesiæ Sacerdotes, & universus pariter Clerus nuper fieri postulavit, suisque subscriptionibus confirmavit, de consensu videlicet suo super statu ejusdem monasterii primitus in illa parochia construendi, & de rebus omnibus, quas nunc habere videtur, illuc iuste legitimeque collatis. Quapropter juxta petitionem præfati Fratris & Coepiscopi nostri, justum & utile satis esse credimus antecessorum nostrorum salubre decretum, quo Christi famulus quietam & tranquillam in ejus servitio securitatem, auctoritatis suæ unanimi sententia providere studuerunt, nostris quoque sanctionibus confirmare; ne quis futuris temporibus ex his, quæ vel hujus Episcopi Bisonis, vel Antecessoris sui diebus illuc collata noscuntur, sive in Decimis, a præfata generali Synodo concessis, seu possessionibus undecunque mutuatis, aut quorumlibet fidelium largitione traditis, aut deinceps tradendis, omnino aliquid auferre, vel dispositionem Monasterii destruere præsumat, nisi sese velit vincolo perpetui anathematis condemnari. Ergo ut hoc nostræ unanimi-



unanimitatis decretum firmiorem in Dei gratia teneat stabilitatem, nostris id subscriptionibus corroborare curemus; id ipsum Coepiscopos, & Suffraganeos nostros, qui modo absentes sunt, cum primum hæc in eorum manus scripta venerit, facere postulantes, sicut eos in nullo penitus a nostræ unanimi- tatis consensu dissentire velle confidimus.

Actum Foracheim, Palacio Regio. Anno Incarnationis Dominicæ DCCC XC. Regni vero piissimi Regis Arnulfi Anno III. Indiēt. VIII.

Signum Sunderholdi Moguntiacensis Archi-Episcopi.

Signum Herimanni Colonienfis Archi-Episcopi.

Signum Arn. Episcopi. (a)

Signum Vuiberti Episcopi. (b)

Signum Hrodberthi Mediomatricæ sedis Episcopi.

(a) Wurceburgenfis.

(b) Werdenfis.

(d) Osnabrugensis.

(e) Aichstatenfis.

(g) Virdunensis.

(h) Paderbornensis.

(k) Nescitur sedes.

(l) Mindenfis.

(n) Mimigarnefordensis Episcopus.

(o) Lege Sigehardus Fuldenfis Abbas.

(q) Augienfis.

(r) Laureshamensis.

*Eckharti est hæc notatio.*

Signum Godethanki Episcopi. (c)

Signum Egilmari Episcopi. (d)

Signum Erkanboldi Episcopi. (e)

Signum Adalgarii Episcopi. (f)

Signum Dadonis Episcopi. (g)

Signum Bisonis Episcopi. (h)

Signum Ailmari Episcopi. (i)

Signum Agiulfi Episcopi. [k]

Signum Drogonis Episcopi. (l)

Signum Vuiberti Episcopi. (m)

Signum Vuolfhelmi Episcopi. [n]

Signum Lihardi Abbatis. (o)

Signum Faraberhti Abbatis. [p]

Signum Haththonis Abbatis. [q]

Signum Gerhardi Abbatis. (r)

Signum Godeſcalci Abbatis. (s)

*Schatenus Tomo I. Annal. Paderborn. ad b. a. Ex Regumone, Her- mammo Contracto, & Annal. Ful- denſibus.*

(c) Spirenfis.

[f] Bremenſis.

(i) five Engelmarus Pataviensis.

(m) five Wichbertus Hildenes- (heimensis.

[p] Prumienſis.

(s) Corbeienſis v. Abbatis.

## §. II.

**I**N eadem Synodo (Wichbertus Episcopus Verdenſis) obtinuit ab Arnulpho Rege, ut omne patrimonium suum in Westfalya in Wyeneswalt, in Ballana, in Muchuris, Gheretum, Heribrunno, post obitum suum cederet Ec-

clesiæ memoratæ, nempe Ecclesiæ S. Mariæ, S. Cæciliæ, & Sancti Fabiani in Verda: adjiciens idem Princeps, ut nulla persona judiciaria potestatem habeat in hisce bonis aliquid ordinandi. Actum Foracheym Anno Domini DCCCLXXXX.

*Schatenus Loco citato.*

## §. III.

*Actio politica inter Regem Arnulfum & Primores Regni conciliatos, in qua fuere designati Zuentiboldus & Ratoldus filii Arnulfi successor- res, defectu legitimi hæredis.*

**E**Xeunte mense Maedio Rex Arnulfus apud Villam, quæ dicitur Foracheim generale conventum habuit, ibique disputans de statu Regni sui consultum est, ut eodem tenore Primores Francorum, prout Bajoarii, juramento confirmarent, ne se detraherent à Principatu, & a Dominatu filiorum ejus

Zwentibulchi quidem & Ratoldi, qui ei de concubinis erant nati. Quod quidam Francorum ad tempus renuentes, tandem Regiæ satisfaciens voluntati, dexteram dare non recusabant, eo tamen modo, ut si de legali sua uxore, heres ei non produceretur.

*Annales Fuldenſes apud Freherum.*

CON-

## CONCILIIUM WORMATIENSE.

*In causa Hermannii Coloniensis, & Adalgarii Hamburgensis Episcoporum, de Bremensi Ecclesia contententium, indictum,*

*Circa Ann. Domini DCCCXC. tempore Stephani V. P.*

*De hac Synodo in libello de vitis Pontificum, quem sub titulo Luitprandi jam recens in lucem emisit Nicolaus Serarius, in vita Stephani V. ista scribuntur. Hic Hermannium Coloniensem Archi-Episcopum, & Adalgarium Hammaburgensem Archi-Episcopum, de Bremensi Ecclesia contententes, Wormatiam ad Synodum venire iussit, ubi Fulconi Rhemensi Episcopo, vice sua commissa, causam eorum examinari mandavit.*

*De hac eadem Synodo Flodoardus Lib. IV. Cap. I. ista: Papa scribit Fulconi Rhemensi pro alteratione, quæ versabatur inter Hermannum Coloniensem Archi-Episcopum, & Adalgarium Hamburgensem & Bremensem Episcopum, pro qua Hermannus Papæ suam direxerat querimoniam. Adalgarius autem & suam direxerat, & postmodum per semetipsum accesserat, proclamans, ab Hermanno Ecclesie suæ privilegia violari. Ideoque in suam præsentiam commonuerat utrumque venire. Sed quoniam Adalgario veniente Hermannus desuit, tantæ liti finem imponere Papæ distulit, ne quippiam præpropere judicare videretur, unde redi-viva contentio futuris temporibus oriretur. Quocirca injungit huic Præsuli nostro, sua ipsius Papæ vice Synodum convocare apud WANGIONEM civitatem cum vicinis Suffraganeis, limitaneisque Episcopis, ad quam Hermannum Agrippinæ Colonia, & Sonderoldum Moguntinum cum suis Suffraganeis, nec non & eundem Adalgarium occurrere iussit, quatenus quid cuique debeatur, diligens examinatio declararet. Hæc Flodoardus Historiæ Remens. L. IV. C. I. pag. 314. 315.*

*Binius Concilior. Tom. III. Parte II. pag. 117.*

*Mors Stephani V. Papæ 891. mense Septembr. & Vastationes Normanniæ gentis anno 891. videntur obtitisse, quo minus hæc Synodus hoc anno ageretur.*

*Flodoardus Histor. Remens. L. IV. C. I. p. 315. clare dicit per seipsum Adalgarium Romanam accessisse, & facit mentionem quinque Epistolarum hic indicatarum:*

- |                                                      |           |
|------------------------------------------------------|-----------|
| I. Hermannii Archiep. Colon. ad Adalgarium Bremensem | anno 890. |
| II. Ad Stephanum V. Papam                            | 890.      |
| III. Adalgarii Epistola ad Stephanum V. Papam        | 890.      |
| IV. Stephani V. Papæ Epistola ad Fulconem Remensem   | 891.      |
| V. Stephani V. Papæ ad Sunderoldum Moguntinum        | 891.      |
- quæ perierunt injuria temporum.*

## CONCILIIUM FRANCOFORDENSE (a) PROVINCIALE.

*Anno Christi DCCCXCII. Formosi Papæ II.  
Arnulphi Regis V.*

*De Subjectione Adalgarii, Bremensis Episcopi, erga Metropolitanum Coloniensem Hermannum.*

§. I.

### EPISTOLA FORMOSI PAPÆ, (b)

AD ADALGARIUM, HAMBURGENSEM ARCHI-EPISCOPUM.

*Formosus, Servus Servorum Dei, Reverendissimo & Sanctissimo  
Adalgario Archi-Episcopo Hammaburgensi.*

**A** Rbitrabamur, tuam Sanctimoniam, stolicam Sedem festinare, quatenus diprout injunctum fuerat, ad Apo-iceptatio, quæ inter te, & Hermannum  
*Tomus II. Concilior. German. C c c Agrip-*



Agrippinæ Coloniz Reverendissimum Archi-Episcopum ventilatur de Bremensi Ecclesia, finem perciperet: sed ipso per suos vicarios insistente, & querimoniam multiplicante, curtuam non exhibueris præsentiam, saltem per defensores vicarium; non modicum miramur. In quo suspicari tribuitur summopere, contentionem non odire, qui iudicii æquitate conatur subterfugere: præsertim cum & Moguntia Sanctissimus Archi-Episcopus, cui de hac re, ut veritatem inquireret per Confratres & conlimitaneos Episcopos in iunctum fuerat, ad nos scribens, significaverit: quatenus venientibus Reverendissimis Episcopis ad *Franckenford*, (c) de hac eadem re diligentissima facta fuerit inquisitio, omnesque Diocesani ejusdem *Colonienfis Episcopi*, Franchio videlicet Tungrensis, (d) Voldebaldus Trajectensis, Wofelmus Mimigardewordenfis, Druogo Mimidonensis, Egilmarus Osnabrugensis, sub testificationis prætextu testificati sunt; usque ad te nullum Bremensis Ecclesie Præsulem modum subjectionis, Colonienfi Antistiti contempsisse, sed semper decessores suos, qui eidem Bremensi Ecclesie præfuerunt a temporibus suæ Christianitatis, sedi Colonienfi, fuisse subiectos: verum, quia tantorum virorum testimonium frustrari non expedit, & ad statutum veniendi tempus festinare, vel delegare vicarium distulisti, tanti temporis querimoniam, ac Legatorum constantem instantiam, nihili pendere inhumanum videbatur: Quapropter artati, hinc ne

Colonienfis Ecclesia iustitiam perderet, inde ne Hammaburgensis Ecclesia, quæ ad gentium vocationem instituta fuerat, subsidio destituta, deficeret; dispensative censuimus, quatenus quoad usque, Divina suffragante gratia, prælibata Hammaburgensis Ecclesia, in tantum dilatur, ut Episcopum instituere valeat, jam memoratam Bremensem Ecclesiam ad subsidium habeat, & quoties in magnis ac prænecessariis canonicis negociis oportuerit, non subiectione aliqua, sed affectu fraternæ caritatis Hammaburgensis Archi-Episcopus, qui ejusdem Bremensis Ecclesie Regimen obtinet, perse, aut vicarium, suam vicem gerentem, in adiutorium Colonienfis Archi-Episcopi invitatus accedat. Dilatata autem Hammaburgensis Ecclesia largitore omnium bonorum amminiculante, & fundatis Episcopis, sæpe memorata Colonie sedes Bremensem recipiat Ecclesiam. Inhumanum quippe est inter sæculares, aliena jura pervadere: quanto magis Sanctissimos Episcopos, statutos a Patribus transgredi terminos, & eos litigare, qui pacis debent subditis exempla præbere. Hæc autem, ad hoc decreta est dispensatio, ut pax vigeat, cesset contentio, & iustitiæ vigorem misericordie compassio temperet, scientes, sine pacis bono nullum Deo munus fore acceptabile.

*Philippus Cæsar in Triapostolatus appendice.*

*Lambecius in Chronologia L. I. rerum Hammaburgens. sed ad annum 895.*

Censura Adami Bremensis de hoc facto his verbis continetur: "Anno Adalgarii VII. Hermannus Colon. Archi-Episcopus magnis Adalgarii nostrum fatigabat injuriis, Bremam Colonie subjugare conatus. Collecta igitur apud Triburiam Synodo, Haddone Moguntino præfidente, cassata sunt Apostolica Sedis privilegia, & gloriosorum Principum annullata sunt præcepta, consentientibus iniquis Decretis Formoso Papa, & Arnulfo Rege. Deinde facta subscriptione Adalgarius Archi-Episcopus in cauda Concilii positus est." Hæc Adami Bremensis censura præter errores chronologicos parum reverens est erga Papam Formosum, & Patres Concilii Provincialis Francofordiensis: nam Papa Formosus non immemor olim Decretorum a Gregorio IV. & Nicolao I. Pontificibus, a Ludovico Pio, & Ludovico filio, Rege Germaniæ, ex causa hic in Pontificio diplomate allegata ostendit, nihilominus Bremensem Episcopum, ut ut hujus Ecclesia in subsidium alimentorum & defectu Suffraganeorum unita fuerit Ecclesie Hamburgensi, deuisse Colonienfi Metropolitæ v.g. ad Synodum invitanti, reverentem subiectionem, quæ, cum a tunc vivente Adalgario Bremensi neglecta dicatur, hinc Pontifex ex Concilio Francofordiensis, & sua sententia subiectionem illam præstandam decernit erga Metropolitam Coloniensem.

(a) Colligitur ex Epistola Papæ Formosi hic inserta, iudice *Godfrido Henschenio*, Hagiographo Antwerpensi ad diem III. Februarii pag. 407. contra *Adamum Bremensem*, *Albertum Stadensem*, *Baronium*, *Binium* & *Synodographos*, hanc causam ad Synodum Triburiensem rejicientes.

(b) Formosus Papa sedit a Septembri exeunte 891. ad 27. Maji 896.

(c) Ergo post Synodum Francofordiensem.

(d) alias Odebalus.

## §. II.

*Arnulfus Rex confirmat ad instantiam Episcoporum Vibrechtii & Bisonis privilegia Herifordiensis Cœnobii, concessa a Patre suo Karolomanno Rege.*

**I**N nomine Sanctæ & Individuæ Trinitatis, Arnolfus Divina favente Clementia Rex. Si servorum & ancillarum Dei petitionibus, quas pro Ecclesiarum sibi commissarum utilitatibus nobis suggererint, clementer annuimus ac pie prospicimus, id nobis & ad præsentis vitæ cursum salubriter transeundum, & ad perpetuæ beatitudinis præmia feliciter promerenda, liquido profuturum esse confidimus. Quamobrem novit omnium fidelium nostrorum præsentium scilicet atque futurorum indulgentia, qualiter Vuicprecht & Biso, venerabiles ac dilecti Episcopi nostri, precati sunt una cum Chonrado fidei Comite nostro Clementiam nostram, quatenus fororibus sanctimonialium in Monasterio Herifordt nominato, sub honore Sanctæ Dei Genitricis Mariæ constructo atque dicato, Domino famulantibus, electionem suam inter se intrinsecus ab antecessoribus nostris eis prius per præceptales cartas concessum, pro remedio animæ pii Genitoris nostri Karolomanni Regis, & deinde nostræ, cæterorumque parentum nostrorum, simili modo concederemus, nostræque auctoritatis scripto eam corroboraremus. Quorum petitionibus, & salubri consultui libenter assensum præbuimus, & præsens præceptum inde conscribi iussimus, quidquid boni antecessores nostri eidem cœnobio contulerunt, & omnia privilegia ab ipsis illuc concessa eidem concedentes, ac nostra auctoritate confirmantes,

& juxta illorum monitionem iisdem fororibus securum per hoc præceptum concedimus arbitrium, & potestatem, inter se Abbatissas eligendi, quamdiu Deus aliquam inter illas eidem præsignaverit ab ipso docta, quæ famulas Dei inibi Domino militantes gubernare ac regere possit: nullusque successorum nostrorum hanc nostræ auctoritatis certam (\*) potestatem habeat violare, ut ipsas ob hoc, melius pro nobis, & prælibato Genitore nostro, aliisque parentibus nostris exorare delectet. Et ut præsens auctoritatis nostræ præceptum nulla unquam mutabilitate violetur, seu violari conetur, manu propria illud firmavimus, annulo nostro assignari præcepimus.

Signum Domini Arnolphi  
Invictissimi Regis (L.S.)

Signum Domini Hludovici  
Serenissimi Regis (L.S.)

*Ernestus Notarius ad vicem Theotmari  
Archicæpellani recognovi & Sjs.*

Data III. Nonarum Novembrium die,  
anno Incarnationis Domini DCCC  
XCII. Indictionum XI. Anno Regni  
Arnolphi Regis V. Actum Franconofurd in Dei nomine feliciter.  
Amen.

*Schatenus Annal. Paderbornensium  
Tomo I. L. III. ad b. a.*

Annum Regni V. hæc literæ præferunt, quem alii VI. ab anno 887. deducunt. Indictio similiter hujus anni X est, non XI; nisi sequentem a Septembri numerarint, aut certe scriptoris error in his intervenierit. Quem vero Wicpret Episcopum cum Bisone conjungat, incertum habeo; Nam duo Arnulpho Rege ejus nominis Wicberti Saxonie Episcopi fuere, alter Hildesienfis ex Corbeienfi Monasterio, ut diximus, traductus, alter Verdenfis ex familia Widekindi M. præclarus ea tempestate Episcopus; quemadmodum hic Crantzius retulit. Qua vero ex causa Biso Episcopus noster ad Palatium profectus sit, nec ex factis nostris, nec ab aliis accepimus. *Nota Schatenii.*

(\*) forte: cartam.



## ACTA ET DECRETA CONCILII TRIBURIENSIS.

Anno Christi DCCCXCV. Formosi Papæ V.  
Arnulfi Regis VIII.

*Hoc Concilium a XXII. Germanorum Episcopis ante annos DCXXX. est Triburiæ prope Moguntiacum celebratum, sub Imperatore Arnolfo, anno Incarnationis Domini DCCCXCV. tam sancta sane intentione & diligentia, ad ressecandum omnem palmitem inutilem, ad extirpandam cujuslibet hæreseos radicem, ad tollendam schismatis occasionem, ad corrigenda clericorum vitia, ad præcavenda populorum scandala, breviter ad reformandos mores & status non modo clericorum, sed & laicorum, ut Gratianus postea pleraque Capitula, diligenti studio recitaverit in volumine Decretorum. Est autem Triburia adhuc hodie villa, ultra Rhenum prope Moguntiacum, quæ Germanica lingua dicitur Tribur.*

*Nota Joannis Cocblæi primi Editoris anno 1524. ex codice MS. Bibliothecæ Brixinensis.*

## DECRETA ET CAPITULA CONCILII TRIBURIENSIS.

- |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><i>I. Communis oratio pro concordia tam cleri, quam populi.</i></p> <p><i>II. De quodam Presbytero excæcato, &amp; de excommunicatis, interrogatio Synodalis.</i></p> <p><i>III. Responso Regis, &amp; de excommunicatis sententia universalis.</i></p> <p><i>IV. De injuria &amp; contumelia, quod absit, Presbyterorum.</i></p> <p><i>V. Quali penitentia subjacere debeat, qui Presbyterum voluntarie morti tradiderit.</i></p> <p><i>VI. De eo, qui evaginato gladio, atrium Ecclesiæ intraverit.</i></p> <p><i>VII. De his, qui res Ecclesiæ, sive interiores, sive exteriores rapiunt.</i></p> <p><i>VIII. De his, qui contemunt hanc ab Episcopis impositum.</i></p> <p><i>IX. De eo, si Episcopus Ecclesiasticum, &amp; Comes sæculare placitum una die condixerint.</i></p> <p><i>X. Ut Episcopus non deponatur, nisi a XII. Episcopis, Presbyter a sex, Diaconus a tribus.</i></p> | <p><i>XI. Si quis Clericus homicidium fecerit, ab ordine cessare debeat.</i></p> <p><i>XII. Ut præter Pascha &amp; Pentecosten, Baptisma non celebretur.</i></p> <p><i>XIII. De decimis.</i></p> <p><i>XIV. De decimis antiquarum &amp; noviter consecratarum Ecclesiarum.</i></p> <p><i>XV. De sepultura mortuorum.</i></p> <p><i>XVI. Ut sepulturam morientium nemo vendat.</i></p> <p><i>XVII. Ut nullus laicus in Ecclesia sepeliatur.</i></p> <p><i>XVIII. De vasculis, quibus mysteria sacra conficiuntur.</i></p> <p><i>XIX. Ne in calice aut vinum solum, aut aqua sola offeratur.</i></p> <p><i>XX. De injuria Clericorum.</i></p> <p><i>XXI. De querimonia inter Presbyterum &amp; laicum.</i></p> <p><i>XXII. De eo, si quis liber aliquo crimine infamatur.</i></p> <p><i>XXIII. De his, qui velatas, Deo consecratas, in conjugium duxerint.</i></p> |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

XXIV.

Annales Metenses, Regino in chronico, Hermannus contractus in chronico, Marianus Scotus in Chronico ad annum 895, sed Marianus addit, fuisse Synodum 96. Episcoporum, cum Abbatibus, & probatis multis Clericis. Annalista Saxo Eckharti Tomo I. Scriptorum mediæ ævi ad annum 894. ait, Triburiæ Synodum magnam LXXXVI. Episcoporum celebratam fuisse. Albertus Stadenfis ad 896.

XXIV. De virgine ante XII. annos velata , non consentiente patrono , sub cujus erat patrocinio.

XXV. De viduis velatis.

XXVI. De monachis regulariter exeuntibus , sive fuga regularis disciplinæ elapsis.

XXVII. De clericis , qui semel in clero deputati sunt.

XXVIII. Ut nullus Episcopus alterius ministerium Ecclesiasticum sollicitet.

XXIX. Ut nullus servum , ante perfectam libertatem , Episcopus ordinare præsumat.

XXX. De eo , si quis ab Apostolico falsam detulerit Epistolam.

XXXI. De furibus & latronibus.

XXXII. De Ecclesia a compluribus coheredibus obfessa.

XXXIII. De claudis & aliqua parte corporis minutis , si sacro ordini possint adungi.

XXXIV. De eo , si quis in hoste contra paganos interficit captivos Christianos.

XXXV. Ut nullus Comes, nullusque judex diebus festis, vel Dominicis, seu jejuniorum aut quadragesimæ, placitum habere præsumat, & ut nullus penitens illo veniat.

XXXVI. De eo, si duo fratres simul arborem succiderint, & cadente arbore unus eorum interfectus fuerit.

XXXVII. De muliere , cujus infans aliquo casu propter negligentiam ejus moritur.

XXXVIII. Si quis liber libertam duxerit , ulterius habere debet.

XXXIX. Si quis alienigenam in matrimonium duxerit , habere debet.

XL. De eo , quod quidam uxorem alterius , vivente eo conjugavit & insuit , & insuper juramento confirmavit , eo moriente , conjugem eam accipere.

XLI. De eo , si quis duxerit uxorem , & concumbere non valens cum ea , frater ejus clam violaverit illam.

XLII. Si quis de uno in altum transmigrat Episcopatum , & consanguineam suam polluerit , vel aliquod crimen commiserit.

XLIII. Si quis cum aliqua fornicatus fuerit , & eo nesciente , filius ejus vel frater infans violaverit illam.

XLIV. Si quis cum aliqua fornicatus fuerit , & frater ejus ignarus duxerit illam uxorem.

XLV. Si quis cum duabus sororibus fuerit pollutus.

XLVI. Si cujus uxor constuprata fuerit , & propterea maritus perdere illam machinaverit.

XLVII. Si quis spiritalem habet compatrem , cujus uxor commater non est , eo defuncto ejus viduam licet ei ducere uxorem.

XLVIII. De eo , si quis suæ spiritualis comatris filiam duxerit uxorem.

XLIX. De his , qui in adulterio filios genuerunt , ut omnino separentur.

L. De eo , si quis aliquem per inclusionem a recta fide subverterit , vel perdidit , ut dupliciter puniatur.

LI. De eo , si quis cum uxore alterius , vivente eo, fornicatus fuerit.

LII. De homicidiis non sponte commissis.

LIII. De eo , si quis filium suum non sponte , sed casu contingente occiderit.

LIV. De his , qui voluntarie homicidium fecerint.

LV. De penitentia XL. dierum.

LVI. Post XL. dies penitentia primi anni.

LVII. Penitentia secundi & tertii anni.

LVIII. Penitentia quarti , quinti , sexti , & septimi anni.

## INCIPIT EPISTOLA PRÆLOQUUTIVA SEQUENTIUM CAPITULORUM.

Cum constet omnibus , Divinam legem tractantibus , post Evangelia & limpidissima novi Testamenti fluentia , beatorum Canonibus Apostolorum , & Sanctorum Patrum apud Niceam Bithyniæ congregatorum constitutis , nec non & Apostolicorum Romanæ Sedis Pontificum decretis , satis occurrisse , restituisse , & oppugnasse , sive hæreticis , sive schismaticis , & omnibus veræ fidei oppugnantibus regulas ; sed antiquus

Ccc 3

serpens , qui dicitur diabolus , & fatanas , inimicus humani generis , nova venena malitiæ suæ , dulci poculo Sancti Spiritus admiscere , & bono semini Sancti Evangelii , zizania suæ pravitatis & profanæ iniquitatis , subseminare non desinit. Sicut in Matthæo , cum bonæ messi zizania fuissent inserta , scriptum est : *Inimicus homo hoc fecit.* (a) Et de ejus satellitibus , sub squamarum specie , in Job perhibetur. Una (b) uni conjungitur ,

(a) Matth. XIII.

(b) Job. XLI.



*Et ne spiraculum quidem incedit per eas.* Unde necesse est, ejus perversissimis machinationibus & satellitum suorum infecutionibus, ex Authentica potestate contraire, & novum Paradigma veræ assertionis opponere. Quapropter Rex Regum, *cujus (c) regnum* (ut Psalmista canit) *regnum est omnium seculorum*, omnibus Ecclesiasticæ sublimitatis ordinibus, nec non & sæcularis potentia dignitatibus, novum Principem *Arnulfum* Regem pacifico ordine perpetuæ tranquillitatis præferre dignatus est. Cujus cor, Sancti Spiritus ardore inflammare, & zelo divini amoris voluit accendere, ut totus cognoscat mundus, non ab homine, neque per hominem, sed per ipsum Dominum eum esse electum. Considerans enim idem sapientissimus Rex, profundæ mentis intuitu, abundantem in se Sancti Spiritus gratiam, quia quos repleverit, ardentes in se, pariter & loquentes facit de se: anno incarnationis Jesu Christi Domini nostri DCCCXCV. Regni vero sui VIII. Indictione XIII. Mense Majo, ejusdem Sancti Spiritus instinctu, & primatum suorum consultu, venit in villam Regiam, videlicet Triburiam, in terra Francorum consistentem, cum Episcopis infra conscriptis, Abbatibus, Comitibus, & omnibus regni sui Principibus, nec non convenientibus Ecclesiasticorum, & sæcularium innumeris turbis: quatenus infatigabili perseverantia, divina & humana tractarentur, atque emergentia mala comprimerentur, ut eo liberius sancta Dei Ecclesia, suo potiretur honore. Cum autem sapientissimus Rex Concilium sacrum continuari decrevisset, placuit sibi & universo clero, ut peracto triduo jejunio, litanis & orationibus, super se de coelis promissum invitarent adjutorium: sicut ipse Salvator ascendens in cælum, Discipulis suis promisit, dicens: *Ecce ego (d) vobiscum sum omnibus diebus usque ad consummationem sæculi*; ut futura Concilia in ipso inchoarentur, & per ipsum finirentur, qui est initium & finis, & supplementum legis, ut Apostolus Romanis scribens ait; *Finis (e) enim legis Christus, ad justitiam omni credenti.* Quo peracto, pergens ad Pala-

rium, regale sedit solium, indutus veste splendidissima, quam texit sapientia, repletus est prudentia, erectus & potentia, pro sua magnitudine stipatus multitudine, tractans practice de statu regni, & theorie de ordine & stabilitate Ecclesiarum Christi, & qualiter boni quiete viverent, & mali inulte non peccarent. Interim Episcoporum facer conventus, in Basilica prædictæ villæ, post communes orationes, & preces finitas, honorificentissime insulati, Pontificalibus sedibus suffulti, mentibus ferenati, prudentia præditi, Sacrosanctum ingressi sunt Synodale colloquium. Inter alia namque, quibus divina, & humana tractaturi erant, communi voto & pari consensu, de collegio sanctorum sacerdotum, gnaros & idoneos direxerunt mediatores, ad præfatum pium Regem, inquirentes, quo studio, vel quali benignitate, secundum sapientiam & possibilitatem, ab ipso Deo sibi datam, Ecclesiam Christi, illi per regalem potestatem, & ipsis per sacerdotalem eminentiam, commissam defendere, & ministerium illorum amplificare, & sublimare dignaretur. Proponentes ei propriam Regis eminentiam, id est, ut misericordia, & modestia omnes præcellat, & non secundum personam judicet. Atque juxta Salomonem, *justitiam (f) judicium & aequitatem diligit.* Addentes insuper sacrarum exempla litterarum, quibus sapientia alumnos, suis laboribus educatos instruens, ait: *Meum (g) est consilium & aequitas, mea prudentia, mea est fortitudo: per me Reges regnant, & legum conditores justa decernunt: per me principes imperant, & potentes decernunt justitiam.* Et item: *Rex (h) qui judicat in veritate, thronus ejus in æternum firmabitur.* Præferentes etiam ei institutiones Martini Episcopi ad Mironem Regem, quibus eum ad honestatem vitæ, & pietatem morum, ordine rationis instituens, ait: Prudentis proprium est, examinare consilia: atque subjunxit: Si prudens est animus tuus, tribus temporibus dispenseretur. Præsentia ordinare, futura prævidere, præterita recordare. Et sermo tuus non sit inanis, sed aut suadeat, aut moneat, aut consoletur, aut præcipiat. Quibus Rex The-

(c) Psal. CXLIV.

(f) III. Reg. III.

(d) Matth. XXVIII.

(g) Prov. VIII.

(e) Rom. X.

[f] Prov. XXIX.

Theologiam quasi ab alto differentibus, ab augusta mentis suæ sede (quia ut Sapientia ait: *Cor* (1) *Regum inscrutabile est*) Arcanum mysterii sui revelans, in hæc verba prorupit: O Pastores Ecclesiarum Christi, & clarissima lumina mundi, agite, quæ vobis imposita est, curam pastorem. Et juxta Apostolum, *Instate* (k) *opportune, importune, arguite, obsecrate, increpate, in omni patientia & doctrina*, ut vigili cura & admonitione sedula, oves Christi ad caulas æternæ vitæ introducere mereamini. Habetis me, omnibus Ecclesiæ Christi adversariis, & vestro Sacerdotali ministerio renitentibus, oppositissimum bellatorem. Quia, ut Apostolus Romanis scripsit: *In his* (1) *omnibus superamus propter eum, qui dilexit nos*. Et item: *Si Deus pro nobis, quis contra nos?* Certus sum enim, quia neque mors, neque vita, neque instantia, neque futura, neque ulla creatura poterit nos separare a charitate Dei, & unanimitate sancta, beatissimi Patres. Gratulantes igitur beati, qui missi sunt, Sacerdotes, congregantibus quibusdam Optimatibus, de throno Regis, causa justæ legationis & veræ unanimitatis, ad Sanctam Synodum directis, reversi sunt ad eos, qui miserant illos. Perambulantibus igitur, & sacrum Conventum inrumpentes, & Ecclesiam illic congregatam consolatoria responsione lætificantes, siluerunt, & quid deinceps acturi essent, taciti expectare cœperunt. Exurgentes igitur de sedibus suis Reverentissimi Patres, cum astanti Clero, ter quaterque proclamantes, & Divinæ Majestati supplicantes: EXAUDI CHRISTE, ARNOLPHO MAGNO REGI VITA, & sonantibus campanis, *Ti Deum laudamus*, concinentibus cunctis, glorificantes, & Jesum Christum conlaudantes, qui in servis suis consolabitur, qui Ecclesiæ suæ Sanctæ tam pium & mitem consolatorem, tamque strenuum adiutorem, ad honorem nominis sui, condonare dignatus est. Et peractis Divinæ Majestati precibus, inclinantes se, coram pii Principis astantibus Missis, gratificantes, & magno Principi laudes debitas perfolventes. Deinde recto ordine confederunt, & prævio Sancto Spiritu, quædam Capitula magis necessaria, ex Canonici institutionibus subscripserunt. Errata corrigere, super-

flua abscidere, recta via regia coartare. Post hæc prudentissimus Rex Regnorum, Sacrosanctis Divinæ Religionis interfuit mysteriis, & Sancti Patres, secretis palatinis. Et concordia erat in cunctis, ad laudem Jesu Christi Domini nostri, cui fit laus & gloria per infinita sæculorum sæcula.

## EXPLICIT EPISTOLA.

*Communis oratio pro concordia tam Cleri, quam populi.*

## CAPUT I.

Post ingressum Sancti, & Synodalis colloquii, e cœlis Divinum impiorabant auxilium, ut Deus omnipotens, qui, David canente: *Inhabitare* (m) *facit unanimes in domo*. Et dabit virtutem, & fortitudinem plebi suæ in domo sua, in sancta videlicet Ecclesiæ, Clerum & populum unanimes dignaretur cohibere, virtutem & fortitudinem dare, ut in nullo dissiderent, quatenus rationabilia mediantes, & dictis concordarent & factis.

*De quodam Presbytero excecato, & de excommunicatis interrogatio synodalis.*

## CAP. II.

Cum hæc pro unitate tam Cleri, quam populi tractarentur, quidam Presbyter venit medius, a quodam laico excecatus, ejusdem criminis, propter quod cæcus fuerat effectus, liberrimus, ut testatur Episcopus, in cujus Sancta Synodo post excecationem coram positus securus est factus. Quapropter idem Episcopus præcepit, ut veniret laicus, & de tam nefando scelere satisfactionem procuraret agere. Qui nequaquam consensit, sed communem Episcoporum Synodum appellavit. Perpendentes Episcopi, lamentationem Hieremiæ impleri, *Aurum* [n] *obscurari*, lapides Sanctuarii ab hostibus destrui, & iterum in membris suis Christum crucifigi, suspirantes, & compassibiliter ingemiscientes, vicariis pro se & sancto Clero transmissis, proclamantes, & pium Ecclesiarum defensorem appellantes, & consilium postulantes, quid statuere dignaretur pro talibus & similibus, qui pro diversis erratibus, & certis criminibus sunt incorrigibiles, & justo anathemate, mucrone Apostolici sermo-

(i) Prov. XXV.  
(m) Psal. LXVII.

(k) II. Tim. IV.  
(u) Thr. IV.

(l) Rom. VIII.



sermonis absconduntur, quo ait: *Tradite* (o) *hujusmodi Satanae in interitum carnis, ut spiritus saluus sit in die Domini.* Et iterum: *Cum hujusmodi nec cibum sumere.* Sed tamen, indurante diabolo, quamvis excommunicantur, ad pœnitendum non emolliuntur: sed sicut scriptum est, *Impius* (p) *cum in profundum peccatorum venerit, contemnit:* profundum peccatorum intuentes, & in desperationem proruentes: *Et erit* (q) *novissimus error peior prior.* Mittentes etiam ei contra eos scripta instituta canonica, in canonibus Sanctorum Apostolorum Cap. XI. Quod cum (r) excommunicatis non sit orandum. In Nicæno magno (s) Concilio, Cap. V. Qui suo peccaverunt evidenter Episcopo, excommunicati rationabiliter ab omnibus æstimentur. In Antiocheno (t) sancto Concilio, Cap. II. Ut si quis Episcopus, aut Presbyter, aut Diaconus, seu quilibet ex Clero communicare deprehensus fuerit cum excommunicatis, etiam iste communione privetur, tanquam qui regulam confundat Ecclesiæ. In Epistola Calisti Papæ: Ut nemo cum eis in oratione, aut cibo, vel potu, aut osculo communicet, nec eis Ave dicat.

*Responsio Regis, & de excommunicatis sententia universalis.*

## CAP. III.

Nos igitur, quibus Regni cura, & sollicitudo Ecclesiarum Christi commissa est, aliter regnum & imperium, jure Ecclesiastico regere & gubernare non possumus, nisi hos, *Qui Ecclesiam Christi, non* (u) *habentem* (ut Apostolus ait) *maculam, neque rugam, conturbant, zelo fidei persequamur.* De quo Rex David testatur, *Nonne,* (x) *qui oderunt te Deus, odieram illos, & super inimicos tuos tabescebam?* *Perfecto* (y) *odio odieram illos, inimici facti sunt mihi.* Et cum Evangelium legeretur, audivimus, *Si te non* [z] *audierit, sit tibi sicut Ethnicus & Publicanus.* Et alibi: *Qui percutit malos in eo, quod mali sunt, minister Domini* [a] *est.* Idcirco non potentiam ostendentes, sed justitiam exhibentes, præcipimus, & auctoritate nostra injungimus omnibus regni nostri Comitibus,

postquam ab Episcopis anathemate excommunicationis percussuntur, & tamen ad pœnitendum non inclinantur; ut ab ipsis comprehendantur, & ante nos perferantur: ut qui Divina judicium non verentur, humana sententia feriantur. Unde per quendam Sapientem dictum est: *Rex,* [b] *qui sedet in solio judicii, dissipat omne malum intuitu suo.* Si enim tam rebelles extiterint, ut comprehendentibus repugnare studuerint, & in tali temeritate interfecti fuerint, judicio Episcoporum intersectoribus nulla imponatur pœnitentia: & præcepto nostro, Vueregeldi nulla ab eis extorqueatur compositio. Constringanturque proximi & eorum cognati cum juramento, ne in illis eos vindicent, sed pacem ad eos & concordiam servant.

*De injuria & contumelia, quod absit, Presbyterorum.*

## CAP. IV.

Si quis Presbyter, quod absit, quia Sacerdos altissimi Dei est, vulneratus, vel quibuslibet injuriis & contumeliis deonestatus, evaserit & supervixerit, tota compositio persolvatur Presbytero. Si autem articulo mortis præventus obierit, precium Vueregeldi tripartita partiatur divisione. Id est, altari, cui ordinatus fuerat, pars una: Episcopo, in cujus Diœcesi erat, altera. Tertia parentibus, de quibus ortus fuerat. Si vero in atrio Ecclesiæ aliquid ex istis Presbytero factum fuerit, supra dicto modo Presbytero, & pro Presbytero solvatur. Sed quia, ut *Hilarius Papa* omnibus Episcopis per diversas Provincias in *Epistola sua* scribit, injuria Sacerdotum & Ecclesiarum, sacrilegium est; sacrilegium in atrio factum, altari, & Domino ejusdem loci persolvatur. Sacerdotes enim non sunt laicandi, sed potius coronandi. Quia de his Ecclesiasticus liber loquitur, dicens: *In tota* (c) *anima tua time Dominum, & Sacerdotes illius sanctifica, & Ministros ejus non derelinquas, & honorifica Sacerdotem.* Et ISIDORUS: His enim, sicut & Episcopis, dispensatio mysteriorum Dei commissa est. Præfunt enim Ecclesiæ Christi, & in

(o) I. Cor. V.

(r) Tom. I. nostro pag. 132.

(u) Ephes. V.

(z) Matth. XVIII.

(c) Eccl. VII, 31.

(p) Prov. XVIII.

(t) Tom. I. nostro pag. 138.

(x) Psal. CXVIII.

(a) Rom. XIII.

(q) Matth. XXVII.

(t) Tom. I. nostro pag. 157.

(y) Psal. CXXXVIII.

(b) Prov. XX.

in (d) confessione Divini corporis & sanguinis, consortes sunt Episcopis, similiter & in doctrina populorum, & in officio prædicandi.

*Quali penitentia subjacere debeat, qui Presbyterum voluntarie morti tradiderit.*

## CAP. V.

Si quis Sacerdotem, non coactus, sed propria voluntate seductus, morti tradiderit, secundum sententiam Apostolorum, & nostrorum moderni temporis Sacerdotum, quinquennio plenissima castigationi penitentiae subternatur. Ita ut carnem non manducet, nec vinum bibat: jejundet autem usque ad vesperam, exceptis Dominicis, & diebus festis. Arma non portet, & ubicunque eat, pedibus incedat: Ecclesiam non intret, sed ante fores stet, orans Dominum puro corde, ut abluatur tanto crimine. Expleto vero quinquennio, introducens Episcopo, ingrediatur Ecclesiam nondum tamen communicans, sed intra audientes stans. Et aliud quinquennium, indulgentius introeat, indultum. Quo vero expleto, cum decimi anni cursus fuerit finitus, gratia communicandi, & licentia concedatur ei equitandi. Maheat autem in reliquis observationibus tres dies per hebdomadam, ut purificationis mereatur culmen.

*De eo, qui evaginato gladio atrium Ecclesiae intraverit.*

## CAP. VI.

Si quis temerarius atrium Ecclesiae evaginato gladio, presumptuose intraverit, sacrilegium facit. Et ideo sacrilegium in atrio Domini factum, sacrilegii more, altari, & Domino persolvatur. Dominus dicit in Evangelio: *Omnes enim, qui (e) acceperint gladium, gladio peribunt.* Id est, qui se ipsos, vice talionis per peccatum in presenti ulcisci desiderant, gladio ipsius peccati, in anima moriuntur. Quanto magis is, qui secundum atrium, quod Dominus sibi præceteris segregavit locis, suæ Sanctæ Ecclesiae ad honorem, polluit & temerarius irruerit, gladio peccati & iniquitatis suæ mortuus jacuerit? Quapropter opus est penitentia, ut resurgat ad vitam, qui gustavit mortem.

D d d

*De his, qui res Ecclesiae, sive interiores, sive exteriores rapiunt.*

## CAP. VII.

Quicumque timorem Domini postponentes, & Ecclesiastica judicia non verentes, res Ecclesiae rapiunt vel auferunt, ut in Epistola Anacleti Papæ legitur, sacrilegium faciunt. Papa dixit: Ergo qui Christi pecunias & Ecclesiae rapit, auferit vel fraudat, homicida est, atque homicida ante conspectum judicis deputabitur. Qui rapit pecuniam proximi sui, iniquitatem operatur: qui autem pecuniam, vel res Ecclesiae abstulerit, sacrilegium facit. Unde tanta auctoritate Apostolicæ sententiæ suffulti, sancimus, & unanimes judicamus, ut res Ecclesiae tripliciter componantur. Insuper vero bannus Episcopalis exquiratur. Qui vero exteriores Ecclesiae res rapiunt vel fraudant, Comite agente coerceantur, ut res ablatae legitime restituantur & componantur. Si vero non procuraverint, vel non emendaverint, ab Episcopo canonice constringantur, ut res restituantur.

*De his, qui contemunt Bannum ab Episcopis impositum.*

## CAP. VIII.

Nemo contemnat, neque transgrediatur bannum ab Episcopis superpositum. Sciat & abhorreat, in Epistola Beati Clementis dictum contra se scriptum. Si vobis Episcopis, non obediunt omnes tam majores, quam & interioris ordinis, atque reliqui populi, tribus & linguis: non solum infames, sed etiam extorres a regno Dei & consortio fidelium, a liminibus Sanctæ Dei Ecclesiae alieni erunt. Et audiat ipsum Dominum in Evangelio dicentem: *Qui (f) vos audit, me audit. Et qui vos spernit, me spernit.* Quapropter nos Evangelicam & Apostolicam considerantes auctoritatem, non questum pecuniarum, sed lucrum quærentes animarum, statuimus & confirmamus, ut si quis post hanc hujus Sancti Concilii diffinitionem, inventus fuerit, corrupisse bannum ab Episcopis impositum, XI. dierum castigatione corripiatur, tantum in pane, sale, & aqua.

De

(d) lego consecratione. (e) Matth. XXVI, 52. Genes. IX, 6. [f] Luc. X.



*De eo, si Episcopus Ecclesiasticum, & Comes  
seculare placitum una die condixerint.*

## CAP. IX.

Cum autem Episcopus Ecclesiam, a Domino Deo sibi commissam regens, Episcopatum circumeundo perrexerit, & placitum canonice constitutum decreverit, populumque sibi creditum illo invitaverit: atque Comes eadem die, sciens placitum ab Episcopo conditum, vel nesciens, placitum cum populo suum condixerit, & per bannum illuc venire præceperit; placitum Comitum omnes postponant, & Comes ipse: idemque populus, post Episcopum festine pergant, scientes, se non illic feditiosa contentione decertare, sed pro fide Catholica invigilare: non cumulum pecuniarum, sed lucrum congregare animarum. Unde in eadem *Beati Clementis Epistola*: Vestrum, qui legatione Domini fungimini, est docere populos. Eorum vero est, vobis obedire, ut Deo. Et in *Epistola Alexandri Papæ*, successoris *Evaresti*: Si quis autem legationem vestram impedit, non unius, sed multorum profectum avertit, & sicut multis nocet, ita a multis est arguendus: & quia Dei causam impedit, & statum Ecclesiæ conturbat; ideo a liminibus ejus arceatur. Quapropter nullus Comes, nullusque judex, nullus omnino in clericatu, vel sæculari habitu constitutus, legationem Episcoporum impediat, vel conturbare præsumat. Ut autem unanimitas & concordia sit inter Episcopos & Comites; placuit, ut si quis Episcopus domi residens, conventum populi esse voluerit, & Comes nihilominus in ipsa eademque die placitum esse dixerit, effectum obtineat, qui prior indicaverat. Salva tamen dignitate & potestate Episcopi.

*Ut Episcopus non deponatur, nisi a XII. Episcopis, Presbyter a VI, Diaconus a tribus.*

## CAP. X.

Statutum est in hac sancta & universali Synodo, ut nullus Episcopus deponatur, nisi a XII. Episcopis, Presbyter a VI, Diaconus a tribus. In *Concilio Carthaginensi*, Cap. XII. Felix (g) Episcopus dixit: Si quis Episcopus in reatum aliquem incurrerit, & non potest plurimos congregare Episcopos: ne in crimi-

ne remaneat, a XII. Episcopis audiat. Et Presbyter a VI. cum proprio suo Episcopo. Et Diaconus, a tribus Episcopis audiat. Et in eodem (b) Concilio, Cap. XX. Ut Presbyter a VI. Diaconus a tribus discutiatur Episcopis. Reliquorum Clericorum causas, etiam solus Episcopus loci, cognoscat & definiat.

*Si quis Clericus homicidium fecerit, ab ordine cessare debet.*

## CAP. XI.

Si quis Clericus, quamvis nimium coactus, homicidium fecerit, sive sit Presbyter, sive Diaconus, deponatur. Legimus in *Canonibus* [i] *Apostolorum*: quod Episcopus, Presbyter, & Diaconus, qui in fornicatione, aut perjurio, aut furto captus est, deponatur. Quanto magis is, qui hoc immane scelus fecerit, ab ordine cessare debet? Qui enim Christum sequi desiderat, debet, sicut (k) ipse ambulavit, & ipse ambulare. Qui cum malediceretur, non remaledicebat: cum percuteretur, non reprecutiebatur: cum pro nobis pateretur, non comminabatur. Et ipse in Evangelio suo præcepit: Si quis (l) te percusserit in unam maxillam, præbe illi & alteram. Non enim debemus occidere, cum Dominus dicat: Audistis, quia dictum est antiquis, non occides: qui autem occiderit, reus erit judicio. Ego autem dico vobis: Quia omnis, qui irascitur fratri suo, reus erit judicio. Nec malum pro malo reddere, sed sicut Apostolus Romanis scribens, ait: Noli vinci a malo, sed vince in bono malum. Si quis Clericorum præsens erit, ubi homicidium fuerit, & neque consensu, neque consultu, neque in aliquo homicidii reatu pollutus esse convincitur, nihil ei obstat, ut in consecratus in gradu permaneat. Non consecratus, si alias dignus sit, promotus accedat.

*Ut præter Pascha & Pentecosten Baptisma non celebretur, excepta necessitate periclitantium.*

## CAP. XII.

Sacrosanctum Baptismi mysterium, sciunt omnes in Christo regenerati, non nisi præfixis, & legitimis in anno celebrari temporibus. Cum hoc sibi privilegium, ut in *Epistola Siricii Papæ* legitur Cap. II. & apud nos, & apud omnes Ec-

clesias,

(g) Tomo I. nostro, pag. 201. (b) pag. 202.  
(k) I. Petr. II. (l) Matth. V.

(i) Tomo I. nostro pag. 133. cap. XXV.

clesias, specialiter, cum Pentecoste sua, Dominicum Pascha defendit. In quo [ut legitur in *Epistola Leonis Papæ Cap. IX.*] orta est, & virtus muneris, & species actionis. Ad cuius rei confirmationem plurimum valet, quod ipse Dominus Iesus Christus, postquam resurrexit a mortuis, discipulis suis formam & potestatem tradidit baptizandi, dicens: *Euntes (m) docete omnes gentes, baptizantes eos in nomine Patris, & Filii, & Spiritus Sancti.* De quo utique ante passionem potuisset eos instruere, nisi proprie voluisset demonstrare, regenerationis gratiam ex sua resurrectione cœpisse. Additur sane huic observantiæ, etiam Pentecostes, ex adventu Sancti Spiritus, sacra solemnitas, quæ de Paschalis festi pendet articulo. Nam cum ad alios dies alia festa pertineant; hæc semper ad eum diem recurrit, qui resurrectione Domini est insignis, porrigens quodammodo manum auxiliantis gratiæ, & eos invitans, quos a die Paschæ aut molestia infirmitatis, aut longinquitas itineris, aut navigationis difficultas interclusit, ut desiderii sui effectum, dono Sancti Spiritus consequantur. Ipse enim unigenitus Dei, qui in Pascha resurrexit, in fide credentium & in virtute operum, nullam inter se & Spiritum Sanctum voluit esse distantiam, quia nulla est diversitas in natura. Unde utrique sit proprium, non dissimile esse festum, ubi unum est Sacramentum. Sicut tunc, ita & nunc in remissionem peccatorum, baptismi celebratur Sacramentum, qui idem Spiritus Sanctus, cujus hic celebramus adventum, est *remissio omnium peccatorum*. Trina namque in baptismo immersio, triduanam imitatur sepulturam. Et ab aquis elevatio, instar est resurgentis de sepulchro. Periculo quocunque modo præoccupatis & desperatis, omni tempore subveniendum, & baptismi Sacramentum est tribuendum, quia necessitas vix habet legem. Si enim valida infirmitate occupati, & desperati, ad Ecclesiam provehi non possint, loco mundo perspecto baptismi celebretur, & procuratore Presbyteri, caute observetur & collocetur. Usque ad octavum namque diem, ipsa regeneratio sacra ab omni Christiano populo celebrabitur, quia resurrectio Domini octo diebus colitur.

*Tomus II. Concil. German.*

(m) Marth. ult.

(\*) lego: manus:

*De decimis.*

#### CAP. XIII.

De decimis *Augustinus*, doctor mirabilis, sub brevi ratiuncula satis videtur dilucidasse, cum ait: Decimæ ex debito requiruntur. Quid si diceret Deus: nempe meus es, O homo! Mea est terra, quam colis. Mea semina, quæ spargis. Mea animalia, quæ fatigas. Meus est solis ardor. Et cum omnia mea sint, tu qui minus (\*) accommodas, solam decimam merebaris, sed servo tibi IX. Da mihi decimam. Si non dederis decimam, auferam IX. Si dederis mihi decimam, multiplicabo IX. Si ergo querit aliquis, cur decimæ dentur? sciat, quod ideo dandæ sunt, ut hac devotione Deus placatus, largius præstet, quæ necessaria sunt. Et ut ministri Ecclesiæ exinde relevati, liberioribus fiant, ad spiritualis servitii expletionem. Et ut munus populi ex hinc, in cotidiana oblatione Domino immoletur, nec non secundum statuta canonum, in sustentationem pauperum, & restaurationem Ecclesiarum proficiant. Quatuor enim fieri partes, juxta canones judicamus, de decimis & oblationibus fidelium, ut una sit Episcopi. Altera Clericorum, Tertia pauperum. Quarta restorationi Ecclesiarum servetur, sicut in *Epistola Grægorii Papæ cap. XXVII.* legitur.

*De decimis antiquarum, & noviter consecratarum Ecclesiarum.*

#### CAP. XIV.

Placuit huic sancto Concilio, ut secundum sanctiones canonum, decimæ, sicut & aliæ possessiones, antiquis conserventur Ecclesiis. Sicut in *Calcedonensi (n) sancto Concilio statutum est cap. XVII.* Si quis autem in affinitate antiquæ Ecclesiæ, novalia rura excoluerit, decima exinde debita antiquæ reddatur Ecclesiæ. Si vero in qualibet sylva, vel deserto loco, ultra miliaria IV. aut V. veleo amplius, aliquod dirutum conlaboraverit, & illic consentiente Episcopo Ecclesiam construxerit, & consecratam perpetraverit; prospiciat Presbyterum ad servitium Dei idoneum, & studiosum, & tunc demum novam decimam novæ reddat Ecclesiæ: salva tamen potestate Episcopi.

D d d 2

*De*

(n) Tomo nostro primo pag. 179.



*De sepultura mortuorum.*

CAP. XV.

Restat propter instantem, quæ tunc maxima occurrit, necessitatem, ubicunque facultas rerum, & opportunitas temporum suppetat, sepulturam morientium apud Ecclesiam, ubi sedes est Episcopi, celebrari. Si autem hoc propter itineris longinquitatem, aut adjacentem alicujus inopportunitatis difficultatem, impossibile videtur, expectet eum terra sepulturæ suæ, quo canonicorum, aut monachorum, sive sanctemonialium congregatio sancta communiter degat, ut eorum orationibus judici suo commendatus occurrat, & remissionem delictorum, quam meritis non obtinet, illorum intercessionibus percipiat. Quod si & hoc ineptum & difficile estimetur: ubi decimam persolvebat vivus, sepeliatur mortuus.

*Ut sepulturam morientium nemo vendat.*

CAP. XVI.

Abhorrendus, & Christianis omnibus devitandus mos iniquus subrepsit, sepulturam mortuis debitam, sub precio vendere, & gratiam Dei vana facere: cum hoc nusquam sub Evangelica gratia meminimus nos invenisse, vel legisse. In Ecclesiastico namque libro scriptum est: *Mortuo (o) non prohibeas sepulturam, sciens, quia omnes moriemur.* Et item: *Omnia (p) quæ de terra sunt, in terram convertuntur.* Quid terra terram vendis? Memento, quoniam terra es, & in terram ibis, & quoniam mors tibi futura est, appropriat & non tardat. Recordare, quoniam non hominis est terra, sed, ut Psalmista commemorat, *Domini (q) est terra, & qui habitant in ea.* Si terram vendis, invasione alienæ rei reus teneberis. Gratis accepisti a Deo, gratis da pro eo. Quare interdictum sit omnibus omnino Christianis, terram mortuis vendere, & debitam sepulturam denegare. Nisi forte proximi, & amici defuncti, propter nomen Domini, & redemptionem animæ viri, gratis aliquid donare velit.

*Ut nullus Laicus in Ecclesia sepeliatur.*

CAP. XVII.

Secundum statuta Sanctorum Patrum, & experimenta miraculorum, pro-

hibemus, & præcipimus, ut deinceps nullus laicus in Ecclesia sepeliatur. Quidam mirabilis Doctor, nostræ diffinitioni consentiens, inquit. Nemo enim in Ecclesia sepeliatur, nisi forte talis sit persona Sacerdotis, aut cujuslibet justi hominis, qui per vitæ meritum, talem vivendo, suo corpori defuncto locum adquisivit. Corpora antiquitus in Ecclesia sepulta, nequaquam projiciantur; sed pavimento defuper facto, nullo tumulorum vestigio apparente, Ecclesiæ reverentia conservetur. Ubi vero hoc, præ multitudine cadaverum, difficile sit facere, locus ille *Cimiterium & Poliandrium* habeatur, ablato inde Altari, & constituto, ubi religioso sacrificium Deo valeat offerri. *Beatus Gregorius* in miraculis Patrum, memoria dignum, & huic rei congruum, refert miraculum, in *Genuesi* urbe contigisse. Ubi namque quidam *Valentius* nomine, *Mediolanensis* Ecclesiæ defensor, defunctus est, cujus corpus in Ecclesia *Beati Martyris Syri* sepultum est. Nocte autem media, in eadem Ecclesia factæ sunt voces, ac si quis violenter ex ea repelleretur, atque traheretur foras. Ad quas nimirum voces currere custodes, & videre duos quosdam terribilissimos spiritus, qui ejusdem *Valentii* pedes cum ligatura constrinxerant, & eam ab Ecclesia clamantem animam vociferantem foras trahebant. Qui videlicet exterriti, ad sua strata reversi sunt. Mane autem facto, aperientes sepulchrum, ubi isdem *Valentius* positus fuerat, ejus corpus non invenerunt. Cumque extra Ecclesiam quærerent, ubi projectum esset, invenerunt hoc in sepulchro alio positum, ligatis adhuc pedibus, sicut de Ecclesia fuerat abjectum. Ex qua re colligendum est, quia hi, quos peccata gravia depriment, si in sacro loco sepeliri se faciant, restat, ut etiam de sua præsumptione judicentur, quatenus eos sacra loca non liberent, sed etiam culpa temeritatis acculet. Quid igitur sacra loca sepultis profunt, quando hi, qui indigni sunt ab eisdem sacris locis, divinitus projiciuntur? *Sancta Synodus* dixit: Mira res, & multis expavescenda, ideoque per futura temporum curricula ab omnibus observanda.

*De*

(o) Cap. VII, 27.

(p) Eccles. XLI, 13.

(q) Psalm. XXIII, 1.

*De vasculis , quibus mysteria sacra conficiuntur.*

## CAP. XVIII.

Vasa , quibus sacrosancta conficiuntur mysteria , calices sunt & patenæ. De quibus *Bonifacius Martyr* & *Episcopus* interrogatus ; si liceret in vasculis ligneis Sacramentum conficere ? Respondit : quondam Sacerdotes aurei ligneis calicibus utebantur , nunc econtra lignei Sacerdotes aureis utuntur calicibus. *Zephyrinus, XVI. Romanus Episcopus* patenis vitreis Missas celebrari constituit. Tum deinde *Urbanus, XVIII. Papa* , omnia ministeria sacrata fecit argentea. In hoc enim , sicut & in reliquis cultibus magis , & magis per incrementa temporum decus succrevit Ecclesiarum. Nostri enim diebus , qui servi patrisfamilias sumus , ne decus matris Ecclesiæ imminuatur , sed magis cumuletur & amplificetur : statuimus , ut deinceps nullus Sacerdos sacrum mysterium corporis , & sanguinis Jesu Christi Domini nostri , in ligneis vasculis ullo modo conficere præsumat , ne unde placari debet , inde irascatur Deus.

*Ne in calice, aut vinum solum, aut aqua sola offeratur.*

## CAP. XIX.

*Alexander, successor Evaristi, dixit* : Non debet enim , ut a patribus accepimus , & ipsa ratio docet , in calice Domini aut vinum solum , aut aqua sola offerri , sed utrumque permixtum , quia utrumque ex latere ejus profluxit : ut videlicet per hoc indicet, (r) populos , qui secundum Joannem aquæ sunt , a Christo , cujus sanguis in calice est , dividi non debere. Cujus rei veritatem in hac Sancta Synodo confitemur , credimus & confirmamus , ne ullus sine commixtione vini & aquæ mysteria sacra conficiat , sed ut duæ partes sint vini : quia major est majestas sanguinis Christi , quam fragilitas populi ; tertia aquæ , per quam intelligitur infirmitas humanæ naturæ.

*De injuria Clericorum.*

## CAP. XX.

Si quis irreverens , timorem Domini postponens , in servos ejus sævire præsumperit , quos ipse præ cæteris pecu-

D d d 3

liari singularitate sibi segregavit , & coronæ suæ similitudinem , tradente Apostolorum Principe , (s) gestare fecit , & servos dici , & esse voluit , fortemque illorum se constituit , sicut de eis scriptum est , loquente ipso Domino : *Ego (t) hereditas eorum. Dominus hereditas mea est* : si quis (ut diximus) ullum eorum , quocunque ordine consecratum , cæsis vulneribus , vel quibuscunque injuriis angustaverit ; jubeat eum Dominus Episcopus per bannum a se impositum ante se venire , & advocet cognitorem & adiutorem Comitem , & constringant protervum , Episcopus autoritate canonica , ut eidem Clerico , cui contra divinas & humanas leges contumelias ingessit , justam & debitam persolvat compositionem : & Comite agente , persolvat bannum Regibus debitum. Si vero agente protervia venire contempserit , justitiæque consentire detrectaverit , agantur super eum omnia , quæ supra scripta sunt in secundo & tertio capitulo , nisi iterum veniat , & justitiæ concordet.

*De querimonia inter Presbyterum & Laicum.*

## CAP. XXI.

Si quis Presbyter contra Laicum , vel Laicus contra Presbyterum , aliquam habet querimoniæ controversiam , Episcopo regente , sine personarum acceptione finiatur , & Laicus præjuramento , si necesse sit , constringatur : Presbyter vero vice præjuramenti , per Sanctam Consecrationem interrogetur , quia Sacerdotes ex levi causa jurare non debent. Manus enim , per quam corpus & sanguis Christi conficitur , juramento polluetur. Absit , cum Dominus in Evangelio discipulis suis , quorum vicem nos indigni in Sancta gerimus Ecclesia , dicat : *Nolite (u) omnino jurare. Sit autem sermo vester , est , est : non , non : quod autem bis abundantius est , a malo est.* Non dixit , quod amplius est , malum est : sed a malo , id est , a malo homine , de cujus incredulitate cogimur jurare. Ut enim in quadam omelia B. Bedæ Presbyteri legimus , si forte nos incautius jurasse contigerit , quod scilicet observatum , pejorem vergat in exitum , libere illud mutandum noverimus salubriori consilio.

*De*

(r) Apoc. XVII.  
(u) Matth. V.

(s) I. Petr. II.

(t) Num. XVIII. Deut. XVIII.



*De eo, si quis liber aliquo crimine infamatur.*

## CAP. XXII.

Si quis fidelis, libertate notabilis, aliquo crimine aut infamia deputatur, utatur jure, juramento se excusare. Si vero tanto, talique crimine publicatur, ut criminofus a populo suspicetur, & propterea superjuretur; aut confiteatur, & pœniteat, aut Episcopo vel suo Miffo discutiente, per ignem candenti ferro caute examinetur. Deus omnipotens, cum omnia nuda, & aperta sint oculis ejus ( ut in Epistola *Evaristi* Papæ scriptum legimus ) quo nos a dubiis, & incognitis sententiam proferre compesceret, mala Sodomæ noluit audita judicare, priusquam manifeste agnosceret, quæ dicebantur. Unde ipse ait: *Descendam (x) & videbo, utrum clamorem, qui venit ad me, compleverint, an non est ita, ut sciam.* Quo exemplo moniti, ne ad proferendam sententiam unquam præcipientes sumus, aut temere, indiligerterque indiscussa quæque quo modo judicemus: sed exemplo Domini descendamus, videamus, & justo examine criminosos diligenter percutemur, sicut ipse Sodomam: ut videamus, utrum clamorem populi compleverint, nec ne. Nam mala audita nullum moveant, sed ante audita diligenter inquirat.

*De his, qui velatas, Deo consecratas, in conjugium duxerint.*

## CAP. XXIII.

Si quis sacro velamine consecratam in conjugium duxerit, & post dictum Deo propositum incesta fœdera, sacrilegæque miscuerit, ut in constitutis *Gelasii* Papæ Cap. vigesimo legitur: protinus æquum est, a sacra Communionem detrudi, & nisi per publicam probatamque pœnitentiam omnino non recipi. Si tamen pœnituerint, transeuntibus de sæculo viaticum non negetur. In *Calcedonenſi* (y) Concilio, cap. decimo sexto: Hoc perpetrantes excommunicentur: confitentibus, auctoritate Episcopi misericordia largiatur. In *Epistola* Papæ *Siricii* cap. VI. Velatæ, Deo consecratæ, si abjecto proposito sanctitatis, clanculum sacrilega se contagione miscuerint, vel de illicitis comple-

xibus publice, & libere filios procreaverint, has impudicas, detestabilesque personas, a Monasteriorum cœtu, & Ecclesiarum conventibus eliminandas esse, judicatum est, quatenus retrusæ ergastulis, tantum facinus continua lamentatione defleant. Unde verbo Domini, & Canonica auctoritate in hac *Sancta Synodo* præcipimus, ut omnino separentur, & juramento conligentur, ulterius sub uno non cohabitare testō, nec familiari frui colloquio, excepto in Ecclesia, & in publico, aut pariter ullam habere communionem, unde suspicio illecebrosi desiderii, aut scandalum libidinosi facti, juste possit oriri. Si quæ etiam inter se dividenda sint, dividant, & uterque sua provideat.

*De Virgine ante duodecim annos velata, non consentiente patrono, sub cujus erat patrocinio.*

## CAP. XXIV.

Quæcunque Virgo sub patrocinio ante annos XII. non coacta, sed propria voluntate, sacrum velamen sibi imposuerit, annumque & diem, nullo repente, velata permanferit, ab eodem sancto habitu ulterius non recedat, sed sponsa vero Regi Christo, immaculato agno, ulterius incorrupta, & immaculata deserviat. Si vero idem patronus post annum & diem, sanctum propositum corrumpere, & velatam studuerit repetere, atque Christo suam sponsam rapere; secundum præstituta canonum præjudicamus, ut vires non obtineat, sed Christo Regi suam sponsam relinquat. Si quas de virginibus velatis curiosius, & diligentius investigare perstiterit, insistat cap. decimo sexto *Carthaginensis Sancti Concilii*, & nonagesimo tertio *Africani*. In *Carthaginensi* cap. decimo sexto (z) continetur, ut ante viginti quinque annos virgines non consecrentur: In *Africano*, nonagesimo (a) tertio: ut quicunque Episcoporum, aliqua urgente necessitate, vel periculo mortis angustante, aut exigentibus parentibus, aut his, ad quorum curam pertinet, velaverit, seu velavit, ante viginti quinque annos ætatis virginem, non ei obſit Concilium, quod de isto annorum numero constitutum

(x) Genes. XVIII.

[z] Tomo primo nostro pag. 201.

(y) Tomo primo nostro pag. 179.

(a) Tomo primo nostro pag. 228.

tum est, quin velata & consecrata permaneat.

*De viduis velatis.*

## CAP. XXV.

Viduas autem velare Pontificum nulus attentet, prout constitutum est in decretis Papæ *Gelasii* cap. 13. quod nec auctoritas divina, nec canonum forma præstituit. Quæ si propria voluntate continentiam professæ, ut in ejusdem *Gelasii* cap. 21. legitur, ejus intentio pro se reddat rationem Deo. Quia sicut secundum Apostolum, si se continere non poterat, nullatenus nubere vetabatur: sic secum habita deliberatione, promissam fidem pudicitiae Deo deber custodire. Quia auctoritate paternæ suffulti sententiæ, in hoc sacro conventu sancimus, & libere judicamus: quod si sponte velamen, quamvis non consecratum, sibi imposuerit, & in Ecclesia inter velatas oblationem Deo obtulerit, velit nolit, sanctimoniam habitum ulterius habere debebit: licet Sacramento confirmare velit, eo tenore & ratione velamen sibi imponere, ut iterum possit deponere,

*De monachis regulariter exeuntibus, sive fuga regularis disciplinæ elapsis.*

## CAP. XXVI.

Si quis monachus pro lucro animæ, vel animarum, a suo Monasterio exire, & aliud proposuerit intrare, consentientibus Episcopo, Abbate, & fratribus, consentimus, & concordamus, quia id fecisse multos sanctos legimus. Si vero fuga regularis disciplinæ elapsus, propositum sanctitatis calcaverit, omnimodis coercendus, & ab hominibus detestandus, atque omni onere est gravandus: ut saltem rubore verecundiæ confusus, & onere paupertatis afflictus, redeat, quem relicta singularitatis professione inimicus tenebat. Si autem tam irreverens & pertinax est, ut ad Monasterium redire, & propositum monachi reluxerit observare, impleantur super eum constituta, quæ de eo scripta sunt in sancto canone in *Concilio Calcedonensi* (b) cap. IV. Papæ *Siricii* sexto, *Leonis* 26. quatenus retrusus ergastulo, decoqui possit poenitudinis igne purgatorio.

*De Clericis, qui semel in Clero deputati sunt.*

## CAP. XXVII.

In Synodo (c) *Calcedonensi* cap. 7. statutum est, ut Clerici, qui semel deputati sunt, neque ad militiam, neque ad aliquam veniant dignitatem mundanam. Et hoc tentantes, & poenitentiam non agentes, quo minus redeant ad hoc, quod propter Deum primitus elegere, anathematizari. Nos autem eandem sequentes canonicam auctoritatem, statuimus, ut Clericus Ecclesiæ nutritus in Ecclesia coram Clero, vel populo, legens, vel cantans, si postmodum relicto clericatus habitu, a castris Dominicis, quibus adscriptus est, profugus, & apostata elabatur, & ad sæculum egreditur; ab Episcopo canonice coerceatur, ut ad finem matris Ecclesiæ reveratur. Quod si in hac indisciplinatione perdurat, ut comam nutriat, confringatur, ut iterum detondeatur, & postea nec uxorem accipiat, nec sacrum ordinem attingat. Si vero huic hujus sancti Concilii reluctaverit diffinitioni, secundum præstitutam *Calcedonensis* capituli constitutionem anathematizetur. *Sanctus Ildorus* tales hippocentauris dicit esse similes, qui nec equi, nec homines, atque quasi bruta animalia, libertate ac desiderio suo feruntur.

*Ut nullus Episcopus alterius ministrum Ecclesiasticum sollicitet.*

## CAP. XXVIII.

In Nicæno sancto (d) & universali Concilio continetur: propter multam perturbationem, & seditiones, quæ fiunt, placuit consuetudinem omnimodis amputari, ita ut de civitate ad civitatem, non Episcopus, non Presbyter, non Diaconus, transferatur, &c. In *Calcedonensi* (e) cap. 20. Clericos in Ecclesia ministrantes, in alterius civitatis Ecclesiam statutos fieri non oportet. Si quis Episcopus post hanc diffinitionem susceperit Clericum, ad alium pertinentem; suscipiens, & susceptus, communionem priventur, donec is, qui migraverat, ad propriam fuerit regressus Ecclesiam. Item in Synodo (f) *Sardicensi* cap. 18. ut nulli liceat Episcopo, alterius

(b) Tomo primo nostro pag. 177.

(d) Tomo primo nostro pag. 139. Can. XVI.

(f) Tomo primo nostro pag. 193.

(c) Tomo primo nostro pag. 177.

(e) Tomo primo nostro pag. 179.



terius Episcopi ministrum Ecclesiasticum sollicitare, & in suis parochiis ordinare. *In Africano cap. 21.* ut Clericum alienum nullus sibi privet Episcopus, præter ejus arbitrium, cujus fuerit Clericus &c. Item *In decretis Papæ Leonis* : alienum Clericum, invito Episcopo ipsius, nemo suscipiat, nemo sollicitet, nisi forte ex placito charitatis id inter dantem, accipientemque convenierit. Quibus constitutis Sanctorum canonum operam dantes, & vestigiis patrum inherentes, hoc secundum præfixos sanctos Canones statuimus, & justum esse decernimus.

*Ut nullum servum ante perfectam libertatem Episcopus ordinare præsumat.*

## CAP. XXIX.

Secundum decreta Sanctorum Patrum præjudicamus, & nos id acturos profiteamur, ut nullum servum Episcopus ordinare præsumat, antequam perfecta dixerit ingenuitate : quia non debet vilis persona fungi sacerdotii dignitate. *Leo Papa in Epistola sua cap. I.* Debet enim esse ab aliis securus, qui divinæ militiæ fuerit aggregandus, ut a castris Dominicis, quibus nomen ejus adscribitur, nullis necessitatis vinculis abstrahatur. *Gregorius in decretis suis Cap. 7.* Multos ex Ecclesiastica familia novimus, ad omnipotentis Dei servitium festinare, ut ab humana servitute liberi, in divino servitio valeant conversari. Si vero festinantes ad omnipotentis Dei servitium incaute retinemus, illi invenimur quædam negare, qui dedit omnia : unde necesse est, ut ab humano servitio liber recedat, qui divini obsequii districtam subire appetit servitutem. Sancta Synodus dixit : præfinita Patrum statuta, inviolabilem habeant firmitatem.

*De eo, si quis ab Apostolico falsam detulerit Epistolam.*

## CAP. XXX.

In [b] memoriam B. Petri Apostoli, honoremus Sanctam Romanam & Apostolicam Sedem, ut quæ nobis sacerdotia-

lis mater est dignitatis, esse debeat magistra Ecclesiasticæ rationis. Quare servanda est cum mansuetudine humilitas, ut, licet vix ferendum, ab ista sancta Sede imponatur jugum, conferamus, & pia devotione toleremus. Si vero, quod non decet, quilibet sive sit Presbyter, sive Diaconus, aliquam perturbationem machinando, & nostro ministerio insidiando, redargatur falsam ab Apostolico detulisse Epistolam, vel aliud quid, quod inde non convenierit; salva fide, & integra circa Apostolicum humilitate, penes Episcopum sit potestas, utrum eum in carcerem, aut in aliam detrudat custodiam, usquequo per Epistolam, aut per idoneos suæ partis legatos, Apostolicam interpellat sublimitatem, ut potissimum sua sancta Legatione dignetur discernere, quid de talibus iusto ordine lex Romana statuat diffinire, ut & is corrigatur, & cæteris modus imponatur.

*De furibus & latronibus.*

## CAP. XXXI.

Tranquillitatem Sanctæ Dei Ecclesiæ inquietari, & pacem fraternam infestari testantur fures & latrones, qui ambulantes inter nos ovina pelle obumbrati, sed lupina mente recedunt alienati, res Ecclesiarum læva mente adducti rapientes, & gregem Dominicum spoliando lacerantes. De quibus Salvator in Evangelio commemorat : *Qui (i) non intrat per ostium in ovile ovium, ille fur est & latro.* Atque subjungit : *Fur non venit, nisi ut furetur & mactet, & perdat.* Ubi quamvis hæreticos, qui fidem furantur Ecclesiæ, designet : tamen infestatione furum & latronum turbamam monstrat pacem Ecclesiæ. De talibus Apostolus ad Philipp. *Videte (k) canes, videte malos operarios.* Canes vocavit, quod non habent verecundiam : malos operarios : quia nulla faciunt pietati conveniunt. Et Dominus per Prophetam Esaiam : *Ego (l) Dominus diligens judicium, & odio habens rapinam.* Unde nos, quæ Dominus diligit, diligentes, & quæ odit, odio habentes, statuimus,

(g) Tomo primo nostro pag. 211.

(b) Concilii Sardicensis Cap. III. Tomo primo nostro pag. 190. Vide ibid. pag. 356. inter Capitula Caroli Magni, anno I. Imperii promulgata, ex quo solo citat *Baluzius Tomo I. Capitularium* : Idem tamen negare non potest, anno 895. in Concilio Triburiensi instauratum fuisse hoc Capitulum : unde Burchardus recte facit, illud citans ex Triburiensi L. I. C. 220. quem sequuntur Ivo & Gratianus Dist. C. III.

(i) Joann. X.

(k) Philipp. III.

(l) Esai. LXI.

mus & iudicamus, ut si quis post hæc Evangelica, & Apostolica, atque Prophetica verba, & diffinitionem pacatissimæ Synodi, inventus fuerit furtum, aut rapinam exercere, & in ipso diabolico actu mortem meretur incurrere : nullus pro eo præsumat orare, aut eleemosynam dare. Et eleemosyna pro eo data, in memoriam clericorum nec pauperum veniat, sed execrabilis fordescat. B. Augustinus de talibus horribilem profert sententiam, dicens : Nemo te post mortem tuam fideliter redimit, quia tu te redimere noluisti. Si autem ille fur, vel latro vulneratus elabatur, & exspectatione mortis desperatus putatur, atque reconciliari se mysteriis sacrosanctis, habitu corporis, & voluntate piæ mentis deprecatur, Deoque & Sacerdoti, comite vita, emendatione morum & actuum confitetur, communionis gratiam non negamus tribuendam. In Nicæno magno Concilio (m) statutum (Cap. 12. & (n) 26. q. 6. *De his vero*) legimus : Si quis egreditur e corpore, ultimo & necessario viatico minime privetur, &c. Item de ultima penitentia, in Epistola Innocentii Papæ Cap. 21. Tribuitur ergo cum penitentia extrema communio, ut homines huiusmodi vel in supremis suis permittente Salvatore nostro, a perpetuo liberentur exitio. Item de eodem *Carthaginensi* 7. (o) Et, *Celestini* 15. ubi ait : Quid rogo aliud est, ultimam penitentiam negare periclitanti, quam mortem addere morienti?

*De Ecclesia a compluribus cohæredibus obfessa.*

## CAP. XXXII.

Quæcunque Ecclesia a compluribus cohæredibus sit obfessa, concordî unanimi-  
tate undique procuretur, ne propter aliquas disceptationes servitium Dei minuat, & cura populi inreligiosè agatur. Si vero contingat pro ea participes dissidere, & sub uno Presbytero nolle eam procurare, & propterea jurgia & contentiones tam inter ipsos, quam inter clericos incipiant frequentare, quia juxta Apostolum *Servos Dei non oportet litigare*; Episcopus tollat inde reliquias, & sub

E e e

magna cura honorifice collocet eas, atque ejusdem Ecclesiæ claudat ostia, & sub sigillo consignet ea, ut sacrum ministerium nullus celebret in ea, antequam concordî unanimi-  
tate unum omnes eligant Presbyterum, qui idoneus sit, sacrosanctum locum procurare, & populo Dei utiliter præesse. Hanc autem habeant auctoritatem Episcopi, ut in nullis ecclesiis nec constituantur Presbyteri, nec expellantur, illis inconsultis, & non consentientibus. In Epistola B. Papæ Clementis legitur : Attendendum summopere est omnibus Presbyteris & reliquis Clericis, ut nihil absque Episcopi proprii licentia agant, non utique Missas sine ejus jussu quisquam Presbyterorum in sua parochia agat. Similiter & reliqui populi, majores scilicet & minores, per ejus licentiam, quicquid agendum est, agant. Animæ vero eorum ei creditæ sunt : ideo omnia ejus consilio agere debent, & eo inconsulto nihil.

*De claudis & aliqua parte corporis minutis, si sacro ordini possint adjungi.*

## CAP. XXXIII.

In Nicæno Sancto & universali Concilio statutum est Cap. 1. (p) Ut si quis a Medicis per languorem defectus est, aut a barbaris abscissus, hic in Clero permaneat. In Epistola Innocentii Papæ Cap. 28. Qui igitur volens cujuslibet partem digiti sibi abscidit, hunc ad Clerum canones non admittunt. Cui vero casu aliquo contingit, hunc canones præcipiunt, & Clericum fieri, & si in Clero fuerit repertus, non abjici. Item in *Decretis Gelasii Papæ* Cap. 16. Ut nemo litteras nesciens, vel aliqua parte corporis imminutus, promoveatur ad Clerum. Hanc auctoritatem Sanctorum Patrum confitemur, & confirmamus, sequimurque : ita, ut, si quis a medicis per languorem defectus est, vel per aliquam infirmitatem claudus effectus est, & inveniatur alias dignus, permaneat Clericus, & sacro ordini aptus.

De

(m) Tomo primo nostro pag. 139. Cap. XIII. mihi.

(n) Gratianus causa XXVI. q. VI. ex eodem fonte Nicæni Concilii.

(o) Tomo I. nostro pag. 200. Cap. VII. Carthaginensis Concilii.

(p) Tomo I. nostro pag. 137.

Tomus II. Concil. German.



*De eo, si quis in hoste contra paganos interficit captivos Christianos.*

## CAP. XXXIV.

Undique bella consurgunt, hostes fœviunt. Inimica gens paganorum insequitur populum Christianorum: impletum est enim, quod Evangelica testatur historia: *Surget gens (q) contra gentem, & regnum adversus regnum &c.* Et alibi scriptum est: *Pugnabit (r) orbis terrarum pro eo contra inferos.* Quapropter zelo Divinæ æmulationis accensus Christianorum exercitus, procedunt ad bellum, confidentes in eum, qui dixit: *Vos ad certamen acceditis, ego prælior pro vobis.* Fit Conventus Christianorum & Paganorum: fortiter dimicant isti pro fide, illi contra fidem. Unde fortissimo confortante Domino, sicut Matathias, Pater Machabæorum ait: *Non in (s) multitudine exercitus fit victoria belli, sed de calo venit fortitudo:* sæpe fuit victoria Christianorum, victa est pars paganorum. Quare una cum interfectis paganis perempti fuerunt Christiani, captivi a barbaris, quia in impetu belli nequeunt distingui. Idcirco iustum decernentes, statuimus cum interfectis misericordius agendum, ita ut quadraginta diebus penitentiae indulgentius transactis, penes Episcopum sit auctoritas & potestas, ut perpendat culpam, agat indulgentiam.

*Ut nullus Comes, nullusque Iudex diebus Festis vel Dominicis, seu jejuniorum aut Quadragesimæ, placitum habere præsumat, & ut nullus penitens illo veniat.*

## CAP. XXXV.

Secundum Sanctorum statuta Patrum, in hoc sancto præjudicamus Concilio, ut nullus Comes, nullusque omnino secularis diebus Dominicis vel Sanctorum in Festis, seu Quadragesimæ, aut jejuniorum, placitum habere, sed nec populum illo præsumat coercere: quia inde irascitur Deus, quod, cum tantum suo sancto servitio debet populus desudare, inveniatur lites & contentiones frequentare. Diebus vero Dominicis & Sanctorum festis, vigiliis & orationibus insistendum, & ad Missas cuilibet Christiano cum oblationibus est currendum, & tantummodo Deo vacandum. Die-

bus quadragesimæ & jejuniorum, summa devotione jejunandum, & omni intentione est orandum, atque unicuique pro facultatibus suis eleemosynæ tribuendæ, & nullæ lites vel contentiones habendæ. Arguit enim eos, qui contentiones & lites tempore jejuniorum, & qui a debitoribus debita exigunt, Dominus per Prophetam dicens: *Ecce (t) in diebus jejuniorum vestrorum invenitur voluntas vestra, & omnes debitores vestros repetitis: ecce ad lites & contentiones jejunatis, & percutitis pugno impie.* Ideo nobis, qui gregis Dei curam accepimus pastorallem, summopere curandum & prohibendum est, ne nostra desidia agente, præfatis diebus, ullus placitum habere, & populum nobis commissum a servitio Dei nostri audeat impedire. Præterea sancimus & præcipimus, ut nullus Comes aliquem penitentem ad placitum ire compellat, nec ipse veniat; ne forte, dum jejunare & orare, atque pro salute suæ animæ debet invigilare, vaniloquiis & contentionibus cogatur laborare.

*De eo, si duo fratres simul arborem succiderint, & cadente arbore unus eorum interfecit fuerit.*

## CAP. XXXVI.

Si contingat, duos fratres simul arborem succidere, sive in sylva, sive quocunque loco, & cadente arbore, alter alteri, fuge vel cave dixerit, & ipse stans sive fugiens, subitus ipsam arborem devenierit, & mortuus fuerit: superstes frater, innocens de morte defuncti dijudicetur. Quia non voluntate, non incuria illius, non denique consensu, nec ullo suo mortem incurrit reatu; sed dum ambo insisterent operi necessario, incautus & insperatus casu arboris depressus est, nemine penitus adjuvare valente. Hanc eandem statuimus diffinitionem de cæteris similibus, sive cognatis, sive nulla proximitate conjunctis. Istam diffinitionem tenuere Patres nostri Apostolici viri: ideo eorum exempla sequentes, per futura tempora inviolabilem eam custodimus, & posteris nostris sequendam transmittimus: quia grave peccatum est, & nostro ministerio contrarium, innocentem opprimere, & securum crimine scienter criminofum habere. Quidam

(q) Math. XXIV.  
(t) Esai. LVIII.

(r) Sap. V.

(s) I. Mach. III.

dam de sapientibus ait : Premit infontes debita sceleris noxia poena, justusque tulit crimen iniqui.

*De muliere, cujus infans aliquo casu propter negligentiam ejus moritur.*

## CAP. XXXVII.

Si quæ mulier, ut sæpe contingit, infansem proprium prope ignem collocaverit, & alius, qui caldarium super ipsum ignem pependerit, & aquam infuderit, atque aqua ipsa per ignem fervens egreditur, & infanti superfunditur, & propterea mortuus agitur : mater infantis propter negligentiam judicio Sacerdotum poeniteat, & homo, qui caldarium pependit, securus permaneat. Simili modo de cæteris similibus, quæ sæpe diverse solent evenire & judicamus, & esse volumus.

*Si quis liber libertam duxerit, ulterius habere debet.*

## CAP. XXXVIII.

In decretis Papæ Leonis cap. XVIII. scriptum est : Non omnis mulier viro juncta, uxor est viri, quia nec omnis filius hæres est patris. Nuptiarum autem fœdera, inter ingenuos sunt legitima & inter æquales. Itaque aliud concubina, aliud uxor; sicut aliud ancilla, aliud libera. Igitur si quis filiam suam viro habenti concubinam, in matrimonium dederit, non ita accipiendum est, quasi eam conjugato dederit, nisi forte illa mulier, & ingenua sit facta, & dotata legitime, & in publicis nuptiis honestata videatur. Unde paternam sequentes auctoritatem, sub præsentis hujus Sancti Catalogo Concilii statuimus, & liberè judicamus, ut quisquis liber libertam, hoc est, ex ancilla per manumissionem, & regalem largitionem liberam factam, legitime in matrimonium duxerit, ulterius habere debeat, tanquam unam ex nobili genere progenitam, excepta fornicationis causa : & quam diu illa vivat, nullam aliam accipiat. Est igitur, ut ex decretis Papæ Leonis prædiximus, ingenua facta & dotata legitime, & in publicis honestata nuptiis, & propterea jam non est concubina, sed ux-

E e e 2

or legibus acquisita. Hæc eadem lex, pro qualitate sexus sit fœminis & viris (u) libertas.

*Si quis alienigenam in matrimonium duxerit, habere debet.*

## CAP. XXXIX.

Quicumque alienigenam, hoc est, alienæ gentis fœminam (verbi gratia Francus mulierem Bajoaricam) utrorumque consultu propinquorum legitime, vel sua, vel mulieris lege acquisitam, in conjugium duxerit : velic nolit, tenenda erit, nec ultra ab eo separanda, excepta fornicationis causa. Quamvis enim, ut Apostolus ait : *Unus (x) Dominus, una fides, unum baptisma*, utrique communis sit nationi, legem tamen habent diversam, & quantum ad sæculum, interdum longe disjunctam. Quare si unus e duobus, unam carnem in duas dividere, & copulam nuptialem machinetur disjungere dicendo, non secundum suæ gentis legem jura matrimonii contraxisse; & idcirco separari posse : canonica institutione diffinimus, & nostro omniumque orthodoxorum judicio statuimus, ut quod legis imperfectum sit, perficiatur, & jus matrimonii nequaquam resolvatur. Synodus Romana ait : Quod non dimittenda sit uxor post baptismum, quæ habita est & ante baptismum. In baptismo solvuntur crimina, non tamen legitima conjugia. Cum enim in baptismo transmigrat de vita in vitam, & non mutat uxorem legitimam, quomodo mutat eam, qui non mutat vitam, sed transit de gente ad gentem. Igitur quia jam suffugium non habent separandi, impleant dictum Apostoli, *Ut (y) unanimes unum sentientes permaneant in Christo Jesu Domino nostro*. Nos autem cognita referimus, quia quendam Francum & mulierem Saxoniam talia egisse cognovimus. Si quis post hæc, hujus sancti Concilii institutionem parvi pendens, aliam duxerit, cujuscunque gentis sit, canonice arceatur, ut priori cum poenitentia copuletur.

De

(u) forte: libera.

(x) Ephes. IV.

(y) Philipp. II.



*De eo, quod quidam uxorem alterius, vivente eo conspueravit, & insuper juramento confirmavit, eo moriente conjugem eam accipere.*

## CAP. XL.

Andivimus rem execrabilem, & Catholicis omnibus detestandam, quandam nefario fornicationis opere alicujus uxorem, vivente eo, commaculasse: & in augmentum iniquitatis, juramento confirmasse; si ejus legitimum supervixissent ambo maritum, ut ille fornicator illam adulteram adulterio pollutam, sibi affociaret toro, & legitimo matrimonio: si hoc jure dici matrimonium potest, per quod oriuntur, quæ Apostolus enumerat, mala, *Quæ sunt* (z) *fornicatio, immunditia, luxuria, &c.* ad ultimum vero veneficia & homicidia, quia pro tam inlicito amore, alii veneno, alii gladio, vel aliis diversis sunt perempti maleficiis. Idcirco acutissimo ferro, & totius generis artificio refecanda, per quæ cœlestia regna sunt occludenda. *Quoniam*, ut idem Apostolus ait: qui talia agunt, *Regnum* (a) *Dei non consequentur.* Tale agitur connubium anathematizamus, & Christianis omnibus obferamus. Non licet ergo nec Christianæ religioni oportet, ut ullus ea utatur in matrimonio, cum qua prius pollutus est adulterio.

*De eo, si quis duxerit uxorem, & concubere non valens cum ea, frater clam violaverit illam.*

## CAP. XLI.

Si quis legitimam duxerit uxorem, & impediēte quacunquē domestica infirmitate, uxorium opus non valens implere cum illa: frater vero ejus, suadente diabolo, adamatus ab ipsa, clanculum eam humiliaverit, & violatam reddiderit, omnimodo separentur, & a neutro ulterius eadem mulier contingatur. Igitur conjugium, quod erat legitimum, fraterna commaculatione est pollutum: & quod erat licitum, inlicitum est factum, & ut Hieronymus ait: Mulier duorum fratrum non ascendat torum: si autem ascendit, adulterium perpetrabit. Quia vero humana fragilitas proclivis est ad labendum, aliquo modo muniat ad standum: Idcirco Episcopus, considerata mentis eorum imbe-

cillitate, post pœnitentiam suā institutione peractam, si se continere non possint, legitimo consoletur (b) matrimonio: ne, dum sperantur ad alta sublevari, corruant in cenum.

*Si quis de uno in alium omnino transmigrat Episcopatum, & consanguineam suam polluerit, vel aliquod crimen commiserit.*

## CAP. XLII.

Si quis de uno in alium omnino transmigrat Episcopatum, & si (quod absit) contingat eum filiam sororis suæ, amitæ, aut materteræ, avunculi vel patrui pollueret, aut aliquod crimen committeret; Episcopus, in cujus tunc dicecisi commoratur, & tali scelere criminatur, habeat jus & potestatem secundum canonicam auctoritatem, & nostram Synodalem institutionem flagitiosum coercere, & ad pœnitendum emollire. Per quos enim melius rei veritas ventilatur & emendatur, quam per hos, inter quos habitat, & criminosus apparet?

*Si quis cum qualibet fornicatus fuerit, & eo nesciente filius ejus, vel frater infcius violaverit illam.*

## CAP. XLIII.

Si quis cum qualibet fornicatus fuerit, & eo nesciente, filius ejus, vel frater ejusdem rei infcius, cum eadem se polluerit, & postquam se pollutum esse cognoverit, confessus fuerit, & hoc se nescire cum juramento confirmaverit: quia hoc pœnituit, & confessus fuit, post peractam congruam pœnitentiam, legitimo utatur matrimonio, ne iterum mordente crudelissima libidinis bestia faucietur, & in voraginem fornicationis incidere videatur. Nam ut Hieronymus ait: ferreas mentes domat libido. Mulier vero, quæ tantum nefas commiserat, ulterius pœniteat, atque continens & innupta permaneat.

*Si quis cum aliqua fornicatus fuerit, & frater ejus ignarus duxerit illam uxorem.*

## CAP. XLIV.

Si quis cum aliqua crimen fornicationis fecerit, & frater ejus, ejusdem sceleris ignarus, duxerit illam uxorem, frater

(z) Rom. I.

(a) I Corinth. VI.

(b) forte addendum eos.

frater, qui prior per fornicationem polluerat illam, quia non indicavit fratri uxorem ducenti, prædura arceatur pœnitentia, & condigna castigatione. Qua peracta, si continens esse non possit, indulgentia sublevetur, ne libidini prosternatur; quatenus legitimo consoletur matrimonio. De muliere vero sancimus, sicut de ea in Neocæsariensi sancto Concilio diffinitum legimus cap. 2. Mulier si duobus fratribus nupserit, abjiciatur usque ad mortem. Verumtamen in exitu propter misericordiam fructum pœnitentiæ consequatur, si promiserit, quod facta incolumis, hujus conjunctionis vincula dissolvat. Quod si defecerit mulier, aut vir in talibus nuptiis, difficilis erit pœnitentia in vita permanenti. Episcopus vero potestatem habeat secundum conversationem ipsius, aut adicere negligenti, aut minuere pœnitenti. Tamen ulterius continens & a viro disjuncta permaneat.

*Si quis cum duabus sororibus fuerit pollutus.*

## CAP. XLV.

Simili modo secundum sanctos canones diffinimus, & judicamus de eo, qui cum duabus sororibus fuerit pollutus, ut usque in exitum vitæ pœnitens, & continens permaneat. Soror autem quæ posterior libidinis perforata aculeis, scienter se cum eodem commaculaverit, usque in finem vitæ pœnitens, & continens perduret. Si autem improvise contingit, condigna stringatur castigatione: & si velit, legitima utatur viri conjunctione.

*Si cujus uxor constuprata fuerit, & propterea maritus perdere illam machinaverit.*

## CAP. XLVI.

Si cujus uxor constuprata fuerit, & propterea maritus capitali sententia delere illam machinaverit: ipsa vero urgente mortis periculo, ad Episcopum confugerit, & auxilium quaesierit, ope-rosiori, si potest, Episcopus labore desudet, ne occidatur. Si vero non potest, nullo modo liceat ei, requirenti eam reddere viro, ad occidendum, quæ se ei obtulit ad defendendum, sed solerti cura transmittet eam ad locum, quem ip-

E e e 3

sa delegerit, ut secunda vivere possit. Si vero interdum maritus eam invenerit, & repetierit, secundum sæculum potestatem (\*) habuerit, quid agere ei velit. Sed audiat S. Augustinum dicentem: cum enim vir a virtute nomen accipit, & mulier a mollitia, id est, fragilitate: quare contra crudelissimam libidinis bestiam, vult unusquisque uxorem suam esse victricem, cum ipse ad primum libidinis ictum victus cadit? Nam quidquid contra fidem Catholicam mulieribus non licet, nec viris licet. Si autem eadem mulier timore perterrita, a loco, ubi eam Episcopus destinavit, aufugerit, & vir ejus ab Episcopo semel aut bis, vel sæpius repetierit, si vitam ei obtinere possit, perquirat, & reddat: sin autem, omnino non reddat. Maritus vero, quamdiu ipsa vivat, nullo modo alteram ducat.

*Si quis spiritalem habet compatrem, cujus uxor commater non est, eo defuncto ejus viduam licet ei ducere uxorem.*

## CAP. XLVII.

Qui spiritalem habet compatrem, cujus filium de lavacro sacri fontis accipit, & ejus uxor commater non est: liceat ei, defuncto compatre suo, ejus viduam ducere in uxorem, si nullam habent consanguinitatis propinquitatem. Quid enim? Numquid non possunt conjungi, quos nulla proximitas carnalis, vel in (c) id generatio secernit spiritalis.

*De eo, si quis suæ spiritualis commatris filiam duxerit uxorem.*

## CAP. XLVIII.

Illud etiam nec canonica institutione diffinimus, nec introductione aliqua refutamus: sed propter eos, qui diversa (d) de eo sentiunt, hoc loco aliquid commemoramus. Si quis suæ spiritualis commatris filiam, fortuito, & ita contingente rerum casu, in conjugium duxerit, consilio maturiori servato habeat, atque honeste legitimo conjugio operam det.

*De his, qui in adulterio filios genuerunt, ut omnino separentur.*

## CAP. XLIX.

De his, qui in adulterio juncti, per

[\*] forte: habeat.

(c) Pro in id, Cochlaeus legit nulla.

(d) Cochlaeus habet diverse pro diversa, vel diversimode.



per incentiva libidinis malæ filium vel filiam genuerunt, canonicè præjudicamus: ut quando ab Episcopo iusta divisione separantur, eo tenore sejungantur, ne ultra spe reversionis deludantur. Quare si quid inter se proprietatis, aut pecuniæ communi donatione tradiderunt, ut (e) quæ communi servant infanti. De reliqua vero proprietate & pecunia, nullam alterius habeant communionem, sed uterque sua provideat: & ut velit, faciat. Et ut hoc verius credatur atque firmitus observetur: verbo Domini præcipimus, & canonica atque Synodali impositione injungimus, quatenus juramento colligentur, deinceps & ultra sub uno non cohabitare testæ, nec familiari frui colloquio, excepto in Ecclesia, & in publico: nec ullam habere communionem in proprietate aut mancipiis, vel pecunia, siue ulis rebus, unde suspicio luxuriosi facti, aut scandalum libidinosi desiderii iuste possit oriri.

*De eo, si quis aliquem per inlusionem a recta fide subverterit vel perdidit, ut dupliciter puniatur.*

## CAP. L.

Si quis vero, siue sit vir, siue mulier, aliquem à recta credulitate, & Catholica fide inlusione diabolica averterit: expedit ei, ut Evangelicus intonat sermo: *Ut suspendatur (f) mola asinaria in collo ejus, & demergatur in profundum maris.* Quia qui scandalizaverit alios, ut Deum offendant, ac de vera fide & salute recedant, multo melius esset ei, ut propriis vitæ suæ vitiis, & immunditia pollutus puniretur, quam pro suis & aliorum peccatis in infernum demergeretur. Et si quempiam veneno, vel herbis, aut diverſi generis maleficiis perdidit, velut pessimus homicida, duplici mulctetur pœnitentia.

*De eo, si quis cum uxore alterius vivente eo, fornicatus fuerit.*

## CAP. LI.

Illud vero communi decreto secundum canonum instituta diffinimus, & præjudicamus, ut si quis cum uxore alterius, vivente eo, fornicatus fuerit, moriente marito, synodali judi-

cio aditus ei claudatur illicitus, ne ulterius ei conjungatur matrimonio, quam prius polluit adulterio. Nolumus enim, nec Christianæ religioni oportet, ut ulus ducat in conjugium, quam prius polluit per adulterium.

*De homicidiis non sponte commissis.*

## CAP. LII.

Placuit nobis de homicidiis non sponte commissis, hic inferere, quod in Ancyrano sancto Concilio (g) cap. 22. legitur, ubi dicitur: de homicidiis non sponte commissis, prior quidem diffinitio post septennem pœnitentiam perfectionem consequi præcepit: secunda vero quinquennii tempus explere. Modus autem hujus pœnitentiæ in Episcoporum sit arbitrio, ut secundum conversationem pœnitentium, possint & extendere tardantibus, & minuere studiose festinantibus.

*De eo, si quis filium suum non sponte, sed casu contingente, occiderit.*

## CAP. LIII.

Si quis filium suum (quod absit) non sponte, sed casu contingente occiderit, secundum homicidia (\*) sponte commissæ pœniteat, ut sequenti subinfertur capitulo.

*De his, qui voluntarie homicidium fecerint.*

## CAP. LIV.

De his, qui voluntarie homicidium fecerint, Ancyrano sancto (h) Concilio cap. 21. legitur: ut pœnitentiæ quidem jugiter se submittant: perfectionem vero, id est, communionis Christi gratiam circa vitæ exitum consequantur. Instituta Canonica, & Sanctorum Patrum decreta, nostro & omnium orthodoxorum judicio, inviolabilem habeant firmitatem. Nobis autem, qui pastores Christi ovium sumus, pro moderni temporis qualitate, & hominum fragilitate, bonum & utile videtur, ut his, qui voluntarie homicidium fecerint, auctoritate Synodali, & judicio generali, & modum castigationis imponamus, & certum ac definitum pœnitentiæ tempus præmonstremus: ne prolixum tempus pœnitentiæ generet fastidium negligentibus:

(e) Cochleus edidit: *utique communi servant infanti.*

(f) Matth. XVIII.

(g) forte: juxta homicidia non sponte.

(g) Tomo I. nostro pag. 148.

(h) Ibidem eadem pagina.

bus : sed cursim exercitatis accrescat opus salutis.

*De penitentia XL. dierum.*

## CAP. LV.

Si quis sponte homicidium fecerit, quadraginta diebus ab ingressu Ecclesiæ arceatur. Et nihil manducet illis XL. diebus præter solum panem & salem, neque bibat, nisi puram aquam. Nudis pedibus incedat. Lineis non induatur vestibus, nisi tantum femoralibus. Sæcularia arma non portet. Nullo vehiculo utatur. Ad nullam sceminam, nec ad propriam uxorem, his diebus misceatur. Nullam communionem illis XL. diebus cum aliis Christianis, nec cum alio habeat penitente, in cibo, vel potu, aut ullis rebus. Si vero sint aliqui vitæ suæ insidiatores, ut præ illis non possit digne penitere, interim differatur ei eadem penitentia, donec ab Episcopo proprio pax ei ab illis sit facta. Si enim aliqua corporali infirmitate detentus sit, ut non possit rite jejunare, adhibeatur ei misericordia, quousque convalescat, & tunc demum peniteat. Si vero longo tempore eadem sit occupatus infirmitate, ad Episcopum pertinebit, ut prudenter pertractet, quomodo infirmum peccatorem curare disponat : quia, ut *Gregorius Pastoralis* commemorat libro : occultiora sunt vulnera mentium, quam corporum : & ars est artium, regimen animarum.

*Post XL. dies penitentia primi Anni.*

## CAP. LVI.

Post illos quadraginta dies, unum annum integrum ab introitu Ecclesiæ suspendatur : & abstineat se a carne & caseo, a vino & medone, ac mellita cervisia, nisi Dominicis diebus & Festis, qui per illum Episcopatum publice celebrantur apud cunctum populum : & nisi vel in hoste, aut in aliquo magno sit itinere, vel longe, aut diu ad Dominicam curtem, vel si infirmitate detentus sit : tunc licitum sit ei, tertiam feriam & quintam, atque sabbatum redimere uno denario, vel pretio denarii, sive tres pauperes pro nomine Domini pascendo : ita duntaxat, ut vel carne, vel vino, vel medone, id est, de tribus una re utatur, non omnibus vescatur. Postquam au-

tem de itinere domum revertatur, aut de infirmitate liberetur, prædictas ferias non redimat, sed statuto modo peniteat. Completo vero unius ejusdemque anni curriculo, ita castigatus rite, & ordinabiliter more penitentium, introducatur in Ecclesiam.

*Penitentia secundi & tertii anni.*

## CAP. LVII.

Secundum vero & tertium annum simili modo peniteat ; excepto, quod prædictas tres ferias redimere jus habeat, ubicunque est, sive in domo, sive in itinere. Cætera per omnia observet, utin primo anno faciebat.

*Penitentia quarti, quinti, sexti, & septimi anni.*

## CAP. LVIII.

Quartum enim annum & quintum, sextum & septimum isto modo observet : jejundet autem his singulis tres quadragesimas : unam ante Pascha Domini a caseo & pinguibus piscibus, a vino & medone, & mellita cervisia : alteram ante nativitatem S. Joannis Baptistæ. Si vero defuncti quadraginta dies ante nativitatem, impleantur post nativitatem. Tertiam quadragesimam, ante nativitatem Domini Salvatoris jejundet, & abstineat se a carne & cæteris rebus prædictis. Et in his quatuor annis, tertia feria & quinta & sabbato manducet & bibat, quodcunque libeat, & secundam atque quartam feriam denario, aut prædicto denarii pretio, redimere jus habeat : sextam vero feriam caute observet. His septem annis rite expletis, reconcilietur & more penitentium sacris altaribus, & sanctæ communioni restituatur, atque perfectionem consequatur.

### *Subscriptio Episcoporum viginti duorum.*

In hoc sancto Concilio præidente, & adjuvante pio Principe Arnulpho gloriosissimo Rege, confederunt, qui convenerant, Sancti Patres, & venerabiles Ecclesiarum Pastores, & quæ Catholica fide promulgaverunt, pari professione confirmaverunt, & unanimes subscripserunt.

#### NOMINA EPISCOPORUM.

Hartho, Sanctæ Moguntiacensis Ecclesiæ Archi-Episcopus, subscripsi.

Her-



Hermannus, Sanctæ Agrippinensis, quæ & Colonienſis, Eccleſiæ Archi-Epiſcopus, ſubſcripſi.

Rathbodo, Treverenſis Eccleſiæ Archi-Epiſcopus, ſubſcripſi.

Waldo, (i) Friſingenſis Eccleſiæ Epiſcopus, ſubſcripſi.

Erchanbaldus, Eiſtatenſis Eccleſiæ Epiſcopus, ſubſcripſi.

Tuto, Radaſbonenſis Epiſcopus.

Adalpero, Auguſtenſis Epiſcopus.

Salomon, Conſtantiſis Epiſcopus.

Theodolfus, Curienſis Epiſcopus.

Fringus (k) Baſileenſis Epiſcopus.

Baldramnus, Straſburgenſis Epiſcopus.

Lotechaneus, (l) Spirenſis Epiſcopus.

Theotelaus, Wormatienſis Epiſcopus.

Adalgarius, (m) Brumenſis Epiſcopus.

Dado, Wirdunenſis Epiſcopus.

Wigbertus, Hiltineſheimenſis Epiſcopus.

Ruodolfus, Wirtziburgenſis Epiſcopus.

Sigimundus, (n) Halvaraſtenſis Epiſcop.

Ruodbertus, Metenſis Epiſcopus.

Druogo, Mimidenſis Epiſcopus.

Biſo, Padarbrunenſis Epiſcopus.

Egilmarus, (o) Osneburgenſis Epiſcop.

Hæc ſubſcriptio ſacroſancta venerabili profeſſione, & condigna reſponſione innumerabilium circumſtantium Presbyterorum & Diaconorum, nec non & nobilium laicorum confirmata & laudabiliter approbata eſt, ad laudem & gloriam JESU CHRISTI Domini noſtri, cui ſit honor, laus & jubilatio per infinita ſæcula ſæculorum. Amen.

Trithemius ait, ſe legiſſe nomina Abbatum, qui Concilio Triburienſi interfuert. Hu-  
gonis nempe, ſeu Huoggi, Fuldenſis, Harderadi Hirſaugienſis, Harderadi Herſfel-  
denſis, Murhardi Selingeltatenſis, Adelberti Corbeienſis, Wilhardi S. Albani Mo-  
guntinenſis, Bertoldi S. Ferrutii Bliedeſtadenſis, Reginonis Prumienſis, Hiltwini  
Laubienſis, qui & ipſe Leodienſis Epiſcopus erat. Sed in Corbeienſi fallitur Tri-  
themius: is enim tunc non erat Adelbertus, ſed Goreſcalcus: interfuit & Rotrudis  
Abbaſſa Ehreſteinenſis Parthenonis. *Eckhart. Tomo II. rerum Franciæ Orientalis.*  
*Lib. XXXII. No. XXX.*

(i) Friſingenſis, *Cochleus legit.*

(l) Goretanchus, *legit Eckhart.*

(n) Halvaraſtatenſis, *Cochleus.*

(k) Eringus, *legit Eckhart.*

(m) Bremenſis, *Eckhart.*

(o) Osnebruggenſis, *Cochleus & Eckhart.*

## CAPITULA CONCILII TRIBURIENSIS, SUB ARNOLFO REGE CELEBRATI,

*Quæ deſunt in Editionibus ordinariis a Cochleæ, Crabbio, Binio, Har-  
duino factis, & ſunt deſumpta ex Burchardi Libris Decretorum.*

Burchard. Libro I. cap. CCXXIX. citat  
cap. 26. Concilii Triburienſis.

*De Epiſcopis, qui non viſitatis Parochiis pre-  
tium ſervitutis requirunt.*

**R**elata eſt coram Sancta Synodo  
querimonia plebium, eo quod  
ſint quidam Epiſcopi, nolentes ad præ-  
dicandum, vel ad confirmandum, ſuas  
per annum Parochias circumire, qui tam-  
en exigant, ut manſiones, quibus in  
profeſſione uti debuerant, alio pretio

redimant, qui parare debent. Quæ du-  
plex infamia, & negligentia, & avaritia  
ſanctæ Synodo horrore fuit magno: &  
ſtatuerunt, ne quis ultra exerceat id cu-  
piditatis ingenium, & ut ſollicitiores ſint  
Epiſcopi de ſuis gregibus viſitandis.

Lib. II. cap. CCXXXIII. citat Burchardus  
cap. 50. Triburienſe.

*De Clericis, qui in rixa interficiuntur.*

Quicumque Clericus, aut in bello,  
aut in rixa, aut gentiliū ludis mortuus  
fuerit,

fuert, neque oblatione, neque oratione pro eo postuletur; sed in manus incidat iudicis: sepultura tantum non privetur.

Lib. II. cap. CCXXXVII. citat Burchardus Concilium Triburienſe, cui interfuit Rex Arnolphus.

*De prædicatione Presbyterorum.*

Præcipimus vobis, ut unusquisque vestrum super duas, seu tres hebdomadas diebus Dominicis, seu festivitatis Sanctorum populum sibi commissum, doctrinis salutiferis, ex sacra Scriptura sumptis, in Ecclesia sibi commissa post Evangelium perlectum instruere studeat, & jubeat illis, ut nullus de Ecclesia exeat, antequam à Presbytero, sive Diacono ultima laus, id est, *Benedicamus Domino*, aut, *Ite Missa est*, pronuntietur.

Lib. II. cap. CCIII. citat Burchardus cap. IV. in Concilio Triburienſi.

*Ut testimonium laici contra Clericum nemo suscipiat.*

Testimonium laici adversus clericum nemo suscipiat.

Lib. II. Burchardi cap. CCVI. citatur cap. 23. Conc. Triburiae.

*De substantia defuncti Presbyteri, cuius esse debeat?*

Sancto Concilio allatum est, quod quidam laici improbe agant contra Presbyteros suos, ita ut de morientium Presbyterorum substantia partes sibi vendicent, sicut de propriis servis. Interdicimus itaque canonica auctoritate, ne hoc ulterius fiat: sed sicut liberi facti sunt ad suscipiendum gradum, & agendum Divinum officium, ita nihil ab eis exigatur præter Divinum officium. De peculiari vero Sacerdotum nihil sibi usurpent, sed totum in quatuor dividatur partes, una Episcopo, una altari, tertia pauperibus, quarta parentibus. Et si non sunt idonei parentes, Episcopus eam recipiat, & in usum Ecclesiae diligenter distribuatur, & si quis contra hæc facere præsumpserit, anathematizatur. *Idem can. exstat in cod. 6209. Vaticano MS. Romæ, unde Schannatus eum descripsit.*

Lib. II. cap. CCVII. citat Burchardus idem cap. 23. Conc. Triburienſi.

*De Presbyteris, qui sine testamento discesserunt.*

Si quicumque ex gradu Ecclesiastico sine testamento, & sine cognatione

*Tomus II. Concil. German.*

discesserit, hæreditas ejus ad Ecclesiam, ubi servivit, devolvatur, similiter & de sanctimonialibus.

Lib. II. cap. CCVIII. Burchardus citat cap. 27. Concil. Triburienſi.

*De Clericis, qui laicalibus vestimentis utuntur.*

Ut laicalibus vestimentis Clerici non utantur, ut est, mantello, vel cotto sine cappa: nec pretiosis & ineptis calciamentis, & aliis novitatum vanitatibus, sed religioso & decenti habitu incedant.

*Cap. 27. interdicatur luxur vestium & comarum Clericis: sed neque his verbis neque cum his specialibus circumstantiis. Videtur esse Epitome capitis 27. Triburienſis.*

Lib. III. cap. XL. citat Burchardus cap. 20. Concil. Triburienſi.

*Quid Episcopo agendum sit, si plures heredes de eadem contendant Ecclesia.*

Si plures heredes de communi contenderint Ecclesia, auferri jubeat Episcopus reliquias sacras, & Ecclesiam claudidi, donec communi consensu & consilio Episcopi statuant ibi Presbyterum, & unde vivat.

*Est capitis XXXII. Triburienſis tenuissimum excerptum.*

Burchard. Lib. III. cap. LVI. citat cap. IV. Concil. Triburienſi.

*Ut Missarum solemnia non ubique, sed in locis ab Episcopo consecratis fiant.*

Missarum solemnia non ubique, sed in locis ab Episcopo consecratis, vel ubi ipse permiserit, celebranda esse censemus. Concedimus etiam, quod nostris peccatis exigentibus per plurimum est factum a Nortmannis, & a Slavis, & ab Ungariis, & a malis Christianis, seu alio quocunque modo Ecclesiae fuerint incensae & combustae, in capellis cum tabula consecrata Missas interim celebrare permittimus, donec ipsae Ecclesiae restaurari queant. In itinere vero positis, si Ecclesia defuerit, ut sub dio, seu in tentoriis: item si tabula Altaris consecrata, cæteraque sacra mysteria ad id officium pertinentia adfuerint; missarum solemnia celebrare concedimus, aliter omnino interdicimus.

F f f

Lib.



Lib. III. cap. CXCVI. refert Burchardus cap. 30. Concil. Triburiens.

*De emunitate Ecclesiæ.*

Si quis in attritu Ecclesiæ pugnam committit, aut homicidium facit, quidquid pro emunitate violata emendandum est, altari solvatur, cujuscunque fuerit Ecclesia illa.

Lib. IV. cap. CI. citat Burchardus can. 22. Concil. Triburiens.

*De illis, qui gratiam Sancti Spiritus vendere conantur.*

Dicitur est, solere in quibusdam locis pro perceptione chrismatis nummos dari: solere quoque pro baptismo & communione. Hoc simoniacæ hæresis semen detestata est sancta Synodus, & anathematizavit, & ut de cætero nec pro ordinatione, nec pro chrismate, vel baptismo, vel pro balsamo, nec pro sepultura, vel communione quicquam exigatur, sed gratis dona Christi gratuita dispensatione donentur.

Lib. VI. cap. X. citat Burchardus cap. 26. Concil. Triburiens. cui Rex Arulphus interfuit.

*De Presbyteris, qui sine orario occiduntur.*

Ut Presbyteri non vadant, nisi stola, vel orario induti, & si in itinere ipoliantur, vel vulnerantur, aut occiduntur, non stola vestiti, simplici emendatione sua solvantur, si autem cum stola, triplici.

Lib. VIII. cap. XXII. citat Burchardus can. XI. Concil. Triburiens.

*De Virginibus sacris, quæ propter districtiorem vitam ad aliud Monasterium ire disposuerint.*

Virgines sacre, si pro lucro animæ suæ propter districtiorem vitam ad aliud Monasterium pergere disposuerint, ibidemque commanere decreverint, Synodus concedit. Si vero fuga disciplinæ alium locum quæsierint, redire cogantur.

Prima pars hujus Burchardini capituli nec cap. XI. nec alio Triburiensi continetur: ultima pars de apostatis monachis vel virginibus habetur cap. XXIII. & XXVI.

Lib. IX. cap. LXXV. citat Burchardus cap. VIII. Concil. Triburiens.

*De ingenuo, qui ingenuam acceperit uxorem, & postea servum se fecerit.*

Perlatum est ad sanctam Synodum, quod quidam ingenuus ingenuam acceperit uxorem, & post filiorum procreationem occasione divortii, cujusdam servum se fecerit, utrum necessario mulierem tenere debeat: & si tenuerit, utrum illa quoque secundum sæcularem legem servituti subjici debeat? Judicatum est, uxorem minime debere dimitti, non tamen ob Christi legem mulierem in servitutem redigi, dum ille non ex consensu conjugis se servum fecit, quem liberum ipsa maritum accepit.

Lib. X. cap. XXV. Burchardus citat cap. XV. Concil. Triburiens.

*De illis, qui manducant, aut bibunt, aut portant super se aliquid ad Dei judicium subvertendum.*

Si aliquis manducat, aut bibit, aut portat super se, unde existimat Dei judicium pervertere posse, & exinde comprobatus fuerit, eadem sententia feriat, qua Magi & Arioli, & incantatores feriuntur. *Idem exstat cod. 6209. Ms. Vaticano.*

Lib. XI. cap. LXXIV. citat Burchardus cap. 30. Concil. Triburiens.

*De eo, pro quibus causis quemlibet hominem anathematis vinculo ligari oporteat?*

Quæstum est in eadem Synodo, pro quibus causis quemlibet hominem Episcopali auctoritate vinculo anathematis ligari oporteat, atque unanimi cunctorum sententia decretum est, pro his tribus criminibus fieri debere: Cum ad Synodum jussus canonice venire contemnit: aut postquam illuc venerit, sacerdotalibus respuit obedire præceptis: aut ante finitam causæ suæ examinationem a Synodo profugus abire præsumit.

Lib. XV. cap. IX. citat Burchardus cap. 50. Concil. Triburiens.

*Ut nemo contra canones esse præsumat.*

Ut constitutiones contra canones & decreta Præfulum Romanorum, vel bonos mores, nullius sint momenti. *Idem cod. 6209. Vaticano Ms. exstat.*

Lib. XVII. cap. XIX. citatur cap. I. Concil. Triburiens.

*De illo conjugato, qui cum filia matertera sua, vel avunculi, vel amitæ, vel patrui fornicatus est.*

Interrogatum est, si quis cum filia matertera sua, vel amitæ, vel avunculi, vel patrui concubuerit, si conjugatus fuerit, liceatne illi alterius uti conjugio? aut non conjugato uxorem accipere? Justum esset, sicut aliqua statuta priorum habentur, ut in perpetuum a conjugio tales abstineant; visum est humanæ fragilitatis intuitu, ut post pœnitentiam non quidem penitus privetur conjugio, durissime tamen tam immanis fornicatio vindicetur, sicut S. Papa Nicolaus, & alii Romani Pontifices statuerunt, ne forte desperati multiplicius peccent.

Lib. XVII. cap. XXV. citatur cap. VIII. Concil. Triburienf.

*De illis, qui infantes suos ideo a baptismo suscipiunt, ut separentur à conjugibus.*

Nullus proprium filium, aut filiam à fonte baptismatis suscipiat, nec filiolam, nec commatrem ducat uxorem, nec illam, cujus filiam ad confirmationem ante Episcopum tenuerit: ubi autem factum fuerit, separentur.

Lib. XIX. cap. CLVII. citatur cap. LI. Concil. Triburienf.

*De illis, qui die Dominico nupserint.*

Si quis nupserit die Dominico, peccat a Deo indulgentiam, & quatuor annos pœniteat.

Hi Canones videntur addendi iis Canonibus, qui hætenus a Synodographis vulgati fuerunt. Quia & Burchardus, & codex MS. Vaticanus fidem merentur non vulgarem. Plures alios ex Concilio Triburienf. citavit Burchardus: sed vel iisdem omnino verbis, quibus editi, vel in pauciora contraxit, contentus sententia enuntiata, reliquis prætermisiss.

## DIOECESANUS CONVENTUS TREVERENSIS.

*De Elevatione Corporis S. Maximini.*

Anno Christi DCCCXCVIII. Joannis IX. Papæ I.  
Arnulfi Imperat. III.

**H**oc, quod venerat, referre ad Episcopum in commune decernunt. Tunc autem temporis RATHBODO venerabilis præfedit Ecclesiæ, qui re, *Fratrum relatione, comperta*, mox gaudens Monasterium adiit, initoque cum Monachis consilio, non subito, ac leviter, & quasi temerarie, ad requirendum pretiosissimum B. Maximini Corporis thesaurum profilire, sed tantum opus jejuniis,

*Tomus II. Concil. German.*

Hætenus canones a Burchardo servatos ad Concilium Triburienf. pertinentes exhibuimus, qui desunt editis: sequuntur nunc duo canones Triburienf. adnotati in cod. 6209. Ms. Vaticano, unde Clnus Schannarus. eos transcripsit in suis commentariis præter supra jam a Burchardo recensitos.

*De Clericis, si tonsuras dimiserint & uxores acceperint.*

Clericus, si tonsura dimissa uxorem acceperit, qui quidem sit sine gradu, nec ad Monasterium a parentibus traditus, si uxorem duxerit, vel habere permittitur, iterum tonderi cogatur, nec in vita sua tonsuram negligere audeat; quem autem progenitores ad Monasterium tradiderunt, & in Ecclesia cœpit cantare & legere; nec uxorem ducere, nec Monasterium deserere poterit: sed si discesserit, reducatur, si tonsuram dimiserit, rursus tondeatur, uxorem si usurpaverit, dimittere compellatur.

*Ut non ad testimonium recipiantur, quos accusator à domo sua produxit.*

Malos ad testimonium non admitteudos, qui nec accusatorem admitti præcepti sunt, vel quos ipse accusator de domo sua produxit.

Ad testimonium infra XIV. ætatis annum nullus admittatur.

precibusque suppliciter præmissis, summa cum veneratione statuit inchoare. Proinde quoque non in hac tantum urbe, sed in tota circumjacente Parochia, triduo in Deificæ Trinitatis nomine indicto jejunio, tertia ejusdem jejunii die, quæ sexta sabbati fuit, omnes adesse præcipient, Clero, populoque comitatus, nudis pedibus, & cum Letaniarum solenniis Monasterium petiit. Tanta autem tunc populi multitudo



tudo diversis ex partibus fertur huc confluisse, certatim, ac lætanter omnibus suæ salutis spectaculum adeuntibus, quod eam vix tota urbs Treverica, nedum angustus Monasterii locus capere valuisset: nec defuit divinitus collata Maximini meritis curationum gratia; cum nullus, qui venisset ægrotus, non redisset adepta sanitate curatus.

Susceptus igitur a Fratribus summa cum honorificentia Præsul, mox ut orationem complevit, cum Monachis & Clericis ad locum supradiçtum, ubi spes erat, sacras inveniendi Reliquias, devotus accessit: sumptoque ferramento superficiem pavimenti confringere cœpit. Deinde fratrum adstantium frequens turba cœptum ab Antistite opus perneciter accelerat, submotoque pavimenti fragmine cryptam memoratam ictu lapidis, ut supra diximus, pertusam reppererunt. Quam cum penitus dissolvissent, intus marmoreum sarcophagum cernunt, quod apertum arcam præferebat cypressinam, quæ sacratissimi corporis continens, omne pretium excedentem clauferat gemmam.... Jam vero aperta arca, ut Venerabilis

WENILO, qui gestis rebus interfuit, etiam cum juramento sæpe testatus est, ita integra vestimenta, ita incorruptum totum corpus erat, ac si die eodem ibi conditum fuerint, naso tantum excepto, qui sarcophagi cooperculo modicum pressus, & in lævam deflexus steterat.... Porro.... Venerandus Episcopus stolam, & pallium pro reliquiis auferens, alia illico sanctis humeris circumdedit: moxque ascenso eminentiore gradu, populum, qui vocem audire potuit, multis exhortationum, & consolationum verbis... allocutus est. Fidem quoque tardioribus facere volens, ne aliquo dubitationis scrupulo super inventione Sancti moverentur, ipsam stolam, & pallium cunctis ad videndum expandit, diemque illam deinceps solennem esse constituens, populum spiritualibus confirmatum benedictionibus, ac super cœlestibus beneficiis alacrem, tripudiantemque dimisit.

*Acta Sanctorum Antwerp. Tomo VII. Maji.*

*Historia Miraculorum S. Maximini auctore Sigebardo Monacho Sancti Maximiniano.*

## SYNODUS AQUENSIS.

Anno Christi DCCCXCVIII. Joannis IX. Papæ I.  
Zuendeboldi Lotharing. Reg. IV.

*In qua Trajectensis ad Mosam Abbatia, Ratbodo Treverensi Archiepiscopo restituitur.*

**I**N nomine Sanctæ & Individuæ Trinitatis. Zuendeboldus, Divina largiente clementia Rex. Si more Prædecessorum nostrorum, Ecclesias Christi varie honoramus, credimus hoc ad profectum corporis & animæ pertinere: ideoque noverit omnium fidelium nostrorum præsentium, ac futurorum prudentia, qualiter venerabilis Genitor noster Arnolphus, Trevirensi, Metropolitanaque sedi ad S. Petrum, Principem Apostolorum, quandam Abbatiam potestativo jure contradidit, ubi Ratbodus Reverendissimus Archi-Episcopus esse

videtur. Quam postquam ad nos primitus, Deo, Patreque nostro concedente, regni sublimitas pervenit, ob fallentium ora, qui præfatum Episcopum, totamque illius tuitionis Congregationem hoc velle narraverant, injuste Reginario in Precariam (a) concessimus. Quo ita gesto, nostrorum ineuntes consilium, Placitum generale Aquisgranensi Palatio fieri, Fidelesque nostros illuc venire statuimus; quo & memoratus Archi-Episcopus Ratbodus veniens, se ad nostram reclamavit Dominationem, quod jam dicta Abbatia de præfata sede, illo, cæteraque

(a) Precaria, & Contractus Ecclesiæ, quo acceptis mutuo bonis rei alicujus conceditur usus fructus usque ad mortem ejus, qui accepit. *Hoftiensis L. III. Summa de Precariis.* Vid. C. 4. *Precaria.*

teraque Congregatione nesciente, injuste fuisset adempta. Quod nos circumcogitantes, ne forte incurreremus periculum in futuro, ipsam Abbatiam cum consilio & iudicio omnium nostrorum videlicet *Episcoporum*, & Comitum antedictæ Sedi Treverensi, reddidimus, quæ est in pago Moselant, vocabulo Trajecta, quæ in beati Confessoris Servatii honorem consecrata est, ipsique eundem Episcopum investientes coram multitudine populi recipimus, ut ne ulterius ipsius, vel succedentium temporibus, alicui per precariam concedatur. Quodsi alicujus succedentium illius temporibus eveniat, anathematis ambo, & qui dat, & qui accipit, vinculis ligati, in æternum per-

maneant. Quod ut firmius habeatur, ipsi firmavimus, annuloque nostro insigniri iussimus.

Signum ZUENDEBOLDI (L.S.)  
Gloriosissimi Regis.

*Waltgerus Notarius, ad vicem Rutgeri Archi-Episcopi, Archieque Cancellarii, recognovi.*

Data tertio Idus Maji, ipsa die festivitatis S. Servatii, Anno Incarnationis Dominicæ DCCCXCVIII. Indictione prima. Anno IV. Regis piissimi. Actum Aquisgrani Palatio. Investitura vero in ipso Traiecto.

*Browerus Annalium Treverensium Lib. IX. ad hunc annum N. XLIII.*

*Mireus Op. Diplom. Tom. I. pag. 252.*

*Illnus Hontbemiis Historiæ pragmaticæ Treverens. Tomo I. Charta CXXX.*

*Nota.* Æstate ejusdem anni, Zuendeboldus Lotharingæ Rex, *Aquas* Proceres convocavit; habitoque cum iis consilio, formandis Regni negotiis, ac Reipublicæ constituendæ se tradidit. Ratbodus præfens expostulans coram Rege de adempta Ecclesiæ suæ S. Servatii Abbatia disseruit; quam Reginario fidissimo Comiti comprimis gratiofo Rex ipse, dolo plectus, possidendam tradiderat. Id nefas Archi-Episcopus esse contendebat, quod Pater, Arnolphus, diplomate dato sanxisset; id filium velut irritum rescindere, atque abolitum velle. Quare Zuendeboldus, accedente demum omnium Procerum, atque *Episcoporum consensu*, Abbatiam Ratbodo restituit; atque ut ratum id munus in perpetuum foret, ejusmodi hac de re tabulas confecit.

## CONCILIIUM PROVINCIALE SALTZBERGENSE.

SUB THEOTMARO ARCHI-EPISCOPO.

Anno Christi DCCCIC. Joannis IX. Papæ II.  
Arnolphi Imp. IV.

**E**Ngilmarus, Pataviensis Episcopus, obiit, in cuius locum Wihingus, (a) quidam Alamannus, contra instituta Patrum prius Marahunensis ab Apostolico destinatus Episcopus, Rege concedente, successit.

Sed non multo post (b) a Deotmaro Archi-Episcopo, cæterisque Suffraganeis suis, contra voluntatem Regis, Canonicali iudicio abjectus, ac Richardus ad eandem Sedem Episcopus in idipsum tempus ordinatus est.

*Annales Fuldenses editi à Frebero Tomo I. Script. German.*

- (a) Wihingus, Wichingus aliis, Episcopus ante Nitraviensis, vel Nirrensis, fuit ab Arnulpho Rege electus anno 895. Cancellarius; idem erat, quem nuper Methodius, Maravorum Archi-Episcopus, in ea sede collocaverat.
- (b) Anno 899. hanc Synodum statuit *Hansizius*, Tomo II. German. sacra de Salisburgenfi Archiepiscopatu.



Qui causam depositionis hanc putat; quod desponsus Nitraviensi Ecclesiæ, Paraviensem obtinere non posset, 2do. Theodmarus Metropoli, quem Regio favore fultus parum coluisse videretur, metuebat, ne Wichingus Laureacensis Metropoleos jura revindicatum iret. Quare posthabito Regis metu, in Concilio eum exanctoravit. Jovit sententiam Concilii Regis Arnulphi mors, secuta die 29. Novembris, & Metropoli Saltzburgenfis jus suum in Maraviam, & Pannoniam hac vice strenue defendit.

## REMEDIIUS EPISCOPUS (a) CURIÆ RHETORUM,

EDIDIT HOS CANONES ECCLESIASTICOS  
PRO SUA DIOECESI.

### I.

#### *De licentia Corporis Domini.*

*Ex Epistola Clementis ad Jacobum Hierosolymorum Episcopum.*

Certe tanta in Altari holocausta offerantur, quanta populo sufficere debeant. Quod si remanserint, in crastinum non referuntur, sed cum timore & tremore, Clericorum diligentia consumuntur. Qui autem residua corporis Domini, quæ in sacrario relicta sunt, consumunt, non statim ad communes accipiendos cibos conveniant, nec putent sanctæ portioni commiscere cibum, qui per aqualiculos digestus in secessum funditur. Si igitur mane dominica porrigitur, usque ad sextam jejument ministri, qui eam consumpserint: & si tertia, vel quarta hora acceperint usque ad vesperam. Sic secreta sanctificatione æterna custodienda sunt Sacramenta.

### II.

#### *De vasīs sacris.*

*Ex eadem Epistola.*

De vasīs sane sacris ita gerendum est: Altaris palla, cathedra, candelabrum, & velum, si fuerint vetustate consumpta, incendio dentur: quoniam non licet ea, quæ in Sacrario fuerint, male tractari, sed incendio universa tradantur. Cineres quoque eorum in baptisterium inferantur, ubi nullus transitus habeatur, aut in pariete, aut in fossis pavimentorum jactentur, ne introeuntium

pedibus inquinentur. Pallas vero, & vela, quæ in sanctuarii fordidata fuerint ministerio, Diaconi cum homilibus ministris intra sacrarium lavent, non ejicientes foras a sacrario velamina Dominicæ mensæ, ne forte pulvis Dominici corporis male decadat, syndone foris delata, & erit hoc operanti peccatum: idcirco in sacrario ministris præcipimus cum diligentia custodire. Pallæ in alia pelve laventur, & in alia vela.

### III.

#### *Quo loco celebranda sit Missa.*

*Ex Epistola Clem. omnibus Episcopis, Presbyteris, Diaconibus missa.*

Hic ergo, hoc est, in præsentī vita positos oportet vos agnoscere voluntatem Domini, ubi & agendi, & sacrificandi est locus: quoniam in aliis locis sacrificare, & Missas celebrare non licet, nisi in his, in quibus Episcopus proprius jussit, aut ab Episcopo regulariter ordinato, tenente videlicet civitatem, consecratus fuerit. Aliter enim non sunt hæc agenda, nec rite celebranda.

### IV.

#### *De obedientia exhibenda Episcopis.*

*Ex eadem Epistola B. Clem. Papæ.*

Vobis, qui Sacerdotio Domini fungimini, & in ipeculo estis positi, plus scire oportet, ut subditos vobis populos pleniter docere possitis, eisque ad reg-

na

(a) Remedium, aliis Remigium, Curiensem in Rhetia Episcopum, vixisse inter 813. - 830. & fuisse numero XIX. ejus Ecclesiæ Præsulem juxta *Stumpbium Histor. Germanicæ Helvetiæ L. X. pag. 584.* at juxta Bucelinum Episcopum XXIII. *Germaniæ sacræ Parte Ima* legimus.

na cælorum ducatum præbere Domino annuente valeatis : unde & ipsa per se Veritas ait : *Vobis datum est, nosse mysterium regni Dei : cæteris autem in parabolis, & reliqua.* Vestrum enim, qui legatione Domini fungimini, est docere populos : eorum vero est, vobis obedire, ut Deo. Si autem nobis Episcopis non obedierint omnes Presbyteri, Diaconi, ac Subdiaconi, & reliqui Clerici, omnesque Principes tam majoris ordinis, quam & inferioris, atque reliqui populi, tribus, & linguarum non obtemperaverint, non solum infames, sed & extorres à regno Dei, & consortio fidelium, a liminibus Sanctæ Dei Ecclesiæ alieni erunt. Nam vestrum est, eos instruere, eorum vero est, vobis obedire, ut Deo, cujus legatione fungimini, dicente Domino : *Qui (b) vos audit, me audit : & qui vos spernit, me spernit : & qui vos recipit, me recipit : & qui me recipit, recipit eum, qui me misit.*

## V.

*Nihil absque licentia Episcopi agendum.*

*Ex eadem Epistola inter cætera.*

Qua propter cunctis fidelibus, & summopere omnibus Presbyteris, & Diaconibus, ac reliquis Clericis attendendum est, ut nihil absque Episcopi proprii licentia agant. Non utique Missas sine ejus jussu quisquam Presbyterorum in sua parochia agat, non baptizet, nec quidquam absque ejus permisso agat. Similiter & reliqui populi, majores scilicet, & minores per ejus licentiam, quidquid agendum est, agant, nec sine ejus permisso a sua parochia abscedant, nec in ea adventantes morari præsumant. Animæ vero eorum ei creditæ sunt : ideo omnia ejus consilio agere debent, & eo inconsulto nihil.

## VI.

*Quod omnibus baptismum percipere sit necessarium.*

*Ex Epistola B. Clement. Papæ, scripta Julio, ac Juliano, & reliquis consodalibus.*

Sive enim justus sit, sive injustus, baptismum per omnia necessarium est. Justo quidem, ut adimpleatur in eo perfe-

ctio, & regeneretur Deo : injusto autem, ut peccatorum, quæ gessit, remissio concedatur.

## VII.

*Baptizatos ab Episcopo consignari debere.*

*Item ex eadem Epistola.*

Omnibus ergo festinandum est sine mora, renasci Deo, & demum consignari ab Episcopo, id est, septiformem gratiam Sancti Spiritus percipere, quia incertus est uniuscujusque exitus vitæ. Cum autem regeneratus fuerit per aquam, & postmodum septiformis Spiritus gratia ab Episcopo, ut memoratum est, confirmatus, quia aliter perfectus esse Christianus nequaquam poterit, nec sedem habere inter perfectos sine necessitate, sed incuria aut voluntate remanserit, ut habeat, quod a Petro accepimus, & cæteri Sancti Apostoli, percipiente Domino docuerunt : & demum ex operibus bonis ostendat in se similitudinem ejus, qui eum genuit, patris. Post hæc vero agnoscat Deum honorare, honor autem ejus est, ut ita vivat, sicut ille vult : vult autem unumquemque ita vivere, ut homicidium, & adulterium nesciat : odium, & avaritiam fugiat : iram, superbiam, jactantiam respuat, & execretur, invidiam quoque, & cætera his familia penitus à se ducat aliena.

## VIII.

*Quid conferat aquæ baptismus ad Dei cultum.*

*Item ex eadem Epistola.*

Primo quidem, quia quod Deo placuit, impletur : secundo, quia regenerata ex aquis, & Deo renovata fragilitas prioris nativitatis, quæ vobis per hominem facta est, amputatur, & ita demum pervenire poteritis ad salutem, aliter impossibile est. Sic enim vobis cum Sacramento verus Propheta testatus est dicens : *Amen, (c) amen dico vobis, nisi quis denuo renatus fuerit ex aqua, & spiritu, non intrabit in regnum Cælorum.*

## IX.

(b) Lucæ X, 16. IX, 48.

(c) Joannis III, 3.



## IX.

*Quod non ubique, & à solo sacrificandum sit.**Ex Epistola Anacleti Papæ scripta omnibus Episcopis, cæterisque cunctis fidelibus.*

Deo enim perfecte sacrificantes non debent vexari, sed portari, consolari, atque ab omnibus venerari. Ipsi autem quando Domino sacrificant, non soli hoc agere debent, sed testes secum adhibeant, ut Deo perfecte in sacratis Domino locis sacrificare probeantur. Ait namque authoritas legis Divinæ: *Vide, (d) ne offeras holocausta tua in omni loco, quem videris; sed in loco, quem elegit Dominus Deus tuus.* Episcopus Deo sacrificans, testes, ut præfixum est, secum habeat, & plures, quam alius sacerdos. Sicut majoribus honoris gradibus fungitur, sic majoris testimonii incrementatione indiget. In solemnioribus quippe diebus, aut VII, aut V. aut III. Diaconos, qui ejus oculi dicuntur, & subdiaconos, atque reliquos ministros secum habeat, qui sacris induti vestimentis in fronte, & à tergo, & Presbyteri è regione dextera, lavaque contrito corde, & humiliato, ac pro no stent vultu, custodientes eum à malevolis hominibus, & consensum ejus præbeant sacrificio.

## X.

*Non tollendas res Ecclesiæ.**Ex eadem Epistola Anacleti Papæ.*

Ergo, qui Christi pecunias & Ecclesiæ rapit, aufert, vel fraudat, homicida est, atque homicida ante conspectum judicis esse deputabitur. Qui rapit pecuniam proximi sui, iniquitatem operatur: qui autem pecuniam vel res Ecclesiæ abstulerit, sacrilegium facit.

## XI.

*De ordinatione Episcoporum.**Ex Epistola Anacleti Papæ scripta omnibus Episcopis Italiæ.*

Ordinationes Episcoporum auctoritate Apostolica ab omnibus, qui in eadem fuerint Provincia, sunt celebrandæ: qui simul convenientes scrutinium diligenter agant, jejuniumque cum om-

nibus precibus celebrent, & manus cum sanctis Evangelis, quæ prædicaturi sunt, imponentes Dominica die, hora tertia, orantes, sacraque unctione exemplo Prophetarum, & Regum capita eorum more Apostolorum, & Moyfi ungentes, quia omnis sanctificatio constat in Spiritu Sancto, cujus virtus invisibilis sancto est Chrismate permulgata, & hoc ritu solemnem celebrent ordinationem. Quod si omnes simul convenire minime potuerint, assensum tamen suis precibus præbeant, ut ab ipsa ordinatione animo non desint. Porro & Hierosolymitarum primus Archi-Episcopus Beatus Jacobus, qui justus dicebatur, & secundum carnem Domini nuncupatus est frater, a Petro, Jacobo, & Joanne Apostolis est ordinatus: successoribus videlicet dantes formam eorum, ut minus, quam a tribus Episcopis, reliquisque omnibus assensum præbentibus, nullatenus ordinetur, & communi voto ordinatio celebretur.

## XII.

*De accusatione Sacerdotum.**Ex eadem Epistola.*

Accusatio quoque eorum, super qua nos consulere voluistis, nonnisi ab idoneis, & probatissimis viris, qui & suspicionibus & sceleribus careant, fieri debet: quia Dominus sacri sui corporis tractatores a vilibus, & reprobis, ac non idoneis personis infamari noluit, nec calumniari permisit: sed ipse proprio flagello peccantes Sacerdotes a templo ejicit: unde liquet, quod summi Sacerdotes, id est, Episcopi a Deo sunt judicandi, non ab humanis aut pravæ vitæ hominibus lacerandi, sed potius ab omnibus fidelibus portandi.

## XIII.

*De querimonia contra Sacerdotes.**Ex eadem Epistola.*

Si quis adversus Sacerdotes, vel Ecclesias eorum commotus fuerit, aut causas habuerit, prius ad eos recurrat charitatis studio; ut familiari colloquio commoniti ea sanent, quæ sananda sunt, & charitate emendent, quæ juste emendanda agnoverint. Si autem aliqui eos prius-

*(d) Deuteron. XII, 13.*

priusquam hæc egerint, lacerare, accusare, aut infestare præsumpserint, excommunicentur, & minime absolvantur, antequam per satisfactionem condignam egerint poenitentiam, quoniam injuria eorum ad Christum pertinet, cujus legatione funguntur.

## XIV.

*De bipertito ordine Sacerdotum.*

*Ex Epistola Anacleti, scripta omnibus Episcopis, & reliquis Christi Sacerdotibus.*

Sacerdotum fratris ordo bipertitus est, & sicut Dominus illum constituit, a nullo debet perturbari. Scitis autem, a Domino Apostolos esse electos & constitutos, & postea per diversas Provincias ad prædicandum dispersos: cum vero messis cœpit crescere, videns paucos esse operarios, ad eorum adjumentum septuaginta eligi præcepit discipulos. Episcopi vero Apostolorum, Presbyteri quoque septuaginta discipulorum locum tenent. Episcopi autem non in castellis, aut modicis civitatibus debent constitui, sed Presbyteri per castella & modicas civitates, atque villas debent ab Episcopis ordinari & poni: singuli tamèn per singulos titulos suos. Amplius, quam isti duo ordines Sacerdotum, nec nobis collati sunt, nec Apostoli docuerunt.

## XV.

*De his, qui Prælatos contemnunt.*

*Ex eadem Epistola.*

Necesse enim est, ut Rectores a subditis timeantur, ab ipsisque corrigantur, ut humana formidine peccare metuant, qui Divina judicia non formidant. Deteriores quippe sunt, qui Doctorum vitam, moresque corrumpunt, his, qui substantias aliorum, prædiæque diripiunt. Ipsi autem ea, quæ extra nos, licet nostra sint, auferunt: nostri quoque detractores & morum corruptores nostrorum, five, qui adversum nos armantur, proprie nos ipsi decipiunt, & ideo iuste infames sunt, & merito ab Ecclesia extores fiunt.

G g g

(e) Psalm. LXXXI.

Tomus II. Concil. German.

## XVI.

*De his, qui Doctorum culpas produnt.*

*Ex eadem Epistola.*

Multum vero distant, damna morum a damnis rerum temporalium: cum ista extra nos sint, illa vero in nobis. Sententia quoque Cham filij Noë damnatur, qui suorum Doctorum, vel præpositorum culpas produnt, sicut Cham, qui Patris pudenda non operuit, sed ridenda monstravit.

## XVII.

*De reprobis moribus Pastoris tolerandis.*

*Ex eadem Epistola.*

Doctor autem, vel Pastor Ecclesiæ, si a fide exorbitaverit, erit a fidelibus corrigendus: sed pro reprobis moribus magis est tolerandus, quam distringendus; quia Rectores Ecclesiæ a Domino sunt judicandi, sicut ait Propheta: *Deus (e) stetit in Synagoga Deorum, in medio autem Deos discernit.* Unde oportet, unumquemque fidelem, si viderit, aut cognoverit, plebes suas adversus Pastorem suum tumescere, aut Clerum detractionibus vacare, hoc vitium pro viribus extirpare, prudenterque corrigere satagat, nec eis in quibuscumque negotiis misceri, si incorrigibiles apparuerint, antequam suo reconcilientur Doctori, præsumat: quoniam tam Sacerdotes, quam reliqui Fideles omnes, summam debent habere curam de his, qui pereunt: quatenus eorum redargutione, aut corrigantur a peccatis, aut si incorrigibiles apparuerint, ab Ecclesia separentur.

## XVIII.

*Quod Episcopus sine regulari mutatione Ecclesiam suam non dimittat, nec ipse ab ea dimittatur.*

*Ex Epistola Evaresti Papæ, scripta omnibus per Ægyptum Domino conglutinatis Fratribus.*

Sacerdotes vero vice Christi Legatione funguntur in Ecclesia, & sicut ei est



sua est conjuncta sponsa, id est, Ecclesia, sic Episcopis junguntur Ecclesiæ unicuique pro portione sua. Et sicut vir non debet negligere uxorem suam, sed diligere & caste custodire, & amare, atque prudenter regere; ita & Episcopus debet Ecclesiam suam. Et velut uxor, quæ sub manu est viri, obedire debet viro suo, eumque amare & diligere; potius etiam Ecclesia Episcopo suo in omnibus obedire, eumque amare & diligere, ut animam suam debet: quia illud fit carnaliter, istud spiritualiter. Et sicut vir non debet adulterare uxorem suam, ita nec Episcopus Ecclesiam suam, id est, ut illam dimittat, ad quam sacratu est, absque inevitabili necessitate, aut Apostolica, vel Regulari mutatione, & alteri se jungat. Et sicut uxori non licet dimittere virum suum, ut alteri se, vivente eo, matrimonio societ, ut eum adulteret, licet fornicatus sit vir ejus, sed juxta Apostolum, aut viro suo debet reconciliari, aut manere innupta; ita Ecclesiæ non licet dimittere, aut ab ea segregare Episcopum suum, ut alterum eo vivente accipiat, sed aut ipsum habeat, aut innupta maneat, id est, ne alterum Episcopum, suo vivente, accipiat, ut fornicationis aut adulterii crimen incurrat. Nam si adulterata fuerit, id est, si se alteri Episcopo junxerit, aut super se alterum Episcopum adduxerit, aut esse fecerit, vel desideraverit, per acerrimam pœnitentiam aut suo reconcilietur Episcopo, aut innupta permaneat.

## XIX.

*Non infamandum, vel ejiciendum  
Episcopum, aut alterum in loco  
ejus constituendum.*

*Ex eadem Epistola.*

Audivimus enim, quosdam a vobis infamatos & dilaceratos Episcopos a civitatibus propulso (quia alibi Episcopi constitui non possunt, nisi in civitatibus non minimis) & alios in eis, ipsis viventibus, constitutos: ideo vobis scribimus, ut sciatis hoc fieri non licere: sed proprios revocari & integerrime restitui debere. Illos vero, qui adulterina fœditate suas sponas, quas & uxores eorum præfixo tenore esse intelligimus, tenent, ejici ut adulteros, atque infames fieri, eosque ab Ecclesiasticis honoribus arceri ju-

bemus. Si autem adversus eos aliquam querelam habuerint, his peractis inquirendum erit, & auctoritate hujus Sanctæ Sedis terminandum.

## XX.

*Non temere judicandum.*

*Ex eadem Epistola.*

Deus omnipotens, ut nos a præcipitantis sententiæ prolatione compesceret; & cum omnia nuda, & aperta sint oculis ejus, mala tamen Sodomæ noluit audita judicare, priusquam manifeste agnosceret, quæ dicebantur. Unde ipse ait: *Descendam & videbo, utrum clamorem, qui venit ad me, compleverint. An non est ita, ut sciam?* Deus omnipotens; cui nihil absconditum est; sed omnia ei manifesta sunt, etiam, antequam fiant, non ob aliud hæc & alia multa, quæ hic prolixitatem vitantes, non inseruimus, per se inquirere dignatus est, nisi ut nobis exemplum daret, ne præcipientes in discutiendis & judicandis negotiis essemus, & ne malum quorumquam prius præsumamus credere, quam probare. Cujus exemplo moneamur, ne ad proferendam sententiam unquam præcipientes simus, aut temere, indiligenterque indiscussa quæque quoquomodo judicemus: dicente veritatis voce: *Nolite judicare, ut non judicemini: in quo enim judicio judicaveritis, judicabimini, & reliqua.* Nam mala audita nullum moveant, nec passim dicta absque certa probatione quisquam unquam credat, sed ante audita diligenter inquireat, ne præcipitando quiddam aliquis agat.

## XXI.

*De scriptis, vi extortis.*

*Ex Epistola Alexandri Papæ, omnibus Orthodoxis scripta per diversas Regionēs.*

Ait enim sic inter cætera: Similiter, si hujusmodi personis quædam scripturæ quoquomodo per metum, aut fraudem, aut per vim extortæ fuerint, velut se liberare possint; quocumque ab eis conscriptæ, vel roboratæ fuerint ingenio; ad nullum eis præjudicium, aut nocumentum provenire censemus, neque ullam eis infamam, vel calumniam, aut a suis sequestrationem bonis, unquam auctore Domino, & Sanctis Apostolis, eorumque Successoribus sustinere permittimus. Con-

Confessio vero in talibus non compulsæ, sed spontanea fieri debeat.

## XXII.

*De querela contra Episcopum vel Actorem Ecclesiæ.*

*Ex eadem Epistola.*

Si quis erga Episcopum, vel auctores Ecclesiæ, quamlibet querelam habere justam crediderit; non prius primates, aut alios adeat iudices, quam ipsos, a quibus se læsum æstimat, conveniat familiariter non semel, sed sæpius; ut ab eis aut suam justitiam accipiat, aut exculpationem. Si autem secus egerit, ab ipsis & ab aliis communione priveretur, tanquam Apostolorum, aliorumque Patrum contemptor.

## XXIII.

*Nihil præter panem & vinum, aqua mixtum, ad Altare offerendum.*

*Ex eadem Epistola Alexandri, successoris Evangelisti Papæ.*

Non debet enim, ut a Patribus accepimus, & ipsa ratio docet, in calice Domini aut vinum solum, aut aqua sola offerri, sed utrumque permixtum: quia utrumque ex latere ejus in sua Passione profuxisse dicitur. Ipsa vero Veritas nos instruit, calicem & panem in Sacramento offerre, quando ait: *Accipit (f) Jesus panem, & benedixit, deditque Discipulis suis dicens: Accipite & manducate, hoc est corpus meum. Similiter postquam cantavit, accepit calicem, dedit Discipulis suis dicens: Accipite & bibite ex eo omnes, quia hic est Calix Sanguinis mei, qui pro vobis effundetur in remissionem peccatorum, crimina enim atque peccata oblati his Domino sacrificiis delentur: idcirco & Passio ejus in his commemoranda est, qua redempti sumus, & sæpius recitanda, atque hæc Domino offerenda. Talibus Hostiis delectabit, & placabitur Dominus, & peccata dimittet ingentia. Nihil enim in Sacrificiis majus esse potest, quam corpus & sanguis Christi: nec ulla oblatio hac potior est; sed hæc omnes præcellit. Quæ pura conscientia Domino offerenda est, & pura mente consummanda, atque ab*

G g 2

(f) Matth. XXVI, 26. I. Cor. XI, 24.  
Tomus II. Concil. German.

omnibus veneranda. Et sicut potior est cæteris, ita potius excoli, & venerari debet.

## XXIV.

*De aqua sancta spargenda.*

*Ex eadem Epistola.*

Aquam enim sale conspersam populis benedicimus, ut ea cuncti aspersi sanctificentur, quod & omnibus sacerdotibus faciendum esse mandamus. Nam si simus vitulæ aspersus populum sanctificabat, atque mundabat; multo magis aqua, quæ sale aspersa, divinisque precibus sacrata est, populum sanctificat atque mundat. Et si sale asperso per Helisæum Prophetam (g) sterilitas aquæ sanata est, quanto magis divinis precibus sacrata, sterilitatem aqua sancta rerum & aufert humanarum, & coinquinatos sanctificat & purgat, & cætera bona multiplicat, & infidias diaboli avertit, & a fantasmatis versutiis hominem defendit?

## XXV.

*Non eis communicandum, qui perturbant sacerdotes.*

*Ex Epistola supra scripta omnibus Episcopis constitutis per diversas Regiones.*

Si quis autem legationem vestram impedit, non unius, sed multorum proVectum avertit, & sicut multis nocet, ita a multis arguendus est, & bonorum societate carendus. Et quia Dei causam impedit, & statum conturbat Ecclesiæ, ideo a liminibus ejus arceatur, ab omnibus talis est cavendus, & non in communione fidelium usque ad satisfactionem recipiendus. Est enim statutum olim: Is, qui statum conturbat Ecclesiæ, ab ejus liminibus arceatur, nec cum fidelibus communicet, qui eorum bona avertit.

## XXVI.

*Quod scismatici appellentur, qui cum sacerdotibus non auxiliantur.*

*Ex Epistola cujus supra.*

Qui autem ex vestro collegio fuerit, & ab auxilio vestro se subtraxerit, magis

(g) Regum IV, 11, 20.



gis scismaticus , quam sacerdos esse probabitur : *Ecce, (b)* inquit Propheta, *quam bonum, & quam jucundum, habitare fratres in unum.* Illi vero non in unum habitant, qui a fratrum se solatio subtrahunt, & quod deterius est, fratribus insidias præparant, aut laqueos ponunt. Item post pauca: Nos ergo, qui discipuli Domini, & dici, & esse cupimus, portare crucem Christi, & compati fratribus debemus, & non quascunque eis insidias aut foveas præparare: quia talionem meretur, qui fratribus foveam parat. Nolite errare, fratres, quia Deus non iridetur. Hujus rei gratia vobis Dominus commisit Ecclesiam suam, ut pro omnibus laboretis, & cunctis oppressis opem ferre non negligatis. Unde & Dominus per Prophetam loquitur dicens: *Judicate (i) mane judicium, & eruite vi oppressos de manu calumniantis; ne forte egrediatur, quasi ignis, indignatio mea, & succendatur, & non sit, qui extinguat.* Vos ergo, qui in summo speculo a Domino constituti estis, attendere eos, & opprimere oportet, qui in fratres seditiones & scandala excitant, ne simul cum eis pereatis.

## XXVII.

*Quod sacra vasa non ab aliis, quam a Domino sacratis hominibus, debeant contrectari.*

*Ex Epistola Xxti, successoris Alexandri Papæ, scripta omnibus Episcopis.*

Cognoscat sapientia vestra, charissimi fratres, quia in hac sancta Apostolica sede a nobis & reliquis Episcopis, cæterisque Domini sacerdotibus statutum est, ut sacra vasa non ab aliis, quam a sacratis, Dominoque dicatis, contrectentur hominibus. Indignum enim valde est, ut sacra Domini vasa, quæcunque sunt, humanis usibus serviant, aut ab aliis, quam a Domino famulantibus, eique dicatis tractentur viris, ne pro talibus præsumptionibus iratus Dominus plagam imponat populo suo, & hi, qui etiam non peccaverunt, mala patiantur, aut pereant: quia perit justus sæpissime pro impio. Attendite, fratres, ne talia vestris in Ecclesiis permittatis deinceps fieri, ne grex pretioso sanguine Christi redemptus in præcipitum, quod ablit, ruat.

[b] Psalm. CXXXII, 1.

[i] Jeremias XXI, 12.

[k] Lucæ II, 8. &amp; seqq.

## XXVIII.

*De jejunio 7. ebdomadatum, ante Pascha a Clericis observando.*

*Ex Epistola Telesphori Papæ, scripta omnibus Episcopis.*

Credimus sanctam fidem vestram in Apostolorum eruditione fundatam, hanc tenere, & hanc universis populis exponere, qui videlicet a constitutis Apostolorum, eorumque successorum, nulla ratione dissentiant, per quos justum est, cæteros erudiri. Quapropter cognoscite, a nobis, & cunctis Episcopis, in hanc Apostolicam Sedem congregatis, statutum est, ut septem ebdomadas plenas ante sanctum Pascha omnes Clerici in sorte Domini vocati a carne jejulent. Quia sicut discreta debet esse vita Clericorum a Laicorum conversatione, ita & in jejunio debet fieri discretio, & sicut Laici & seculares homines nolunt eos recipere in inquisitionibus suis, quoniam in omnibus discreta debet semper esse, & segregata vita, & conversatio Clericorum a secularium Laicorum: & sicut hi amplius sunt applicati divinis cultibus, & familiares dicuntur Domini Salvatoris, ita moribus & conversatione, atque sanctitate debent esse distincti. Has ergo septem hebdomadas omnes Clerici a carne & deliciis jejulent, & hymnis, & vigiliis, atque orationibus Domino inhærere die, noctuque studeant.

## XXIX.

*De tempore Missæ, & quod Angelicus hymnus dicendus est solummodo tempore congruo.*

*Ex eadem Epistola.*

Nocte vero sancta nativitatis Domini salvatoris Missas celebrent, & hymnum Angelicum in eis sollemniter decantent: quoniam eadem nocte ab Angelo Pastoribus est nunciatus, sicut ipsa veritas testatur dicens: *Pastores erant (k) in regione eadem vigilantes, & custodientes vigilas noctis supra gregem suum, & ecce Angelus Domini stetit juxta illos, & timuerant timore magno: & dixit illis Angelus: Nolite timere, ecce enim Evangelizo vobis gaudium magnum; quod erit omni populo. Quia natus est vobis hodie salvator, qui est Christus Dominus, in civitate David: & hoc vobis signa-*

*nam,*

num; invenietis infantem, pannis involutum, & positum in præsepio. Et subito facta est cum Angelo multitudo militiæ celestis, laudantium Deum, & dicentium: Gloria (1) in altissimis Deo, & in terra pax hominibus bonæ voluntatis. Reliquis autem temporibus Missarum celebrationes ante horam diei tertiam minime sunt celebrandæ; quia eadem hora & Dominus Crucifixus, & super Apostolos Spiritus Sanctus descendisse legitur. Ab Episcopis autem idem Angelicus hymnus pro tempore, & in loco, in Missarum solemnibus recitari adest.

## XXX.

*Ne absens accusetur, & qui accusare non possint.*

*Ex eadem Epistola.*

Accusatores vero & accusationes quas leges sæculi non admittunt; & nos submovemus. Accusatori omnino non credi decernimus, qui absente adversario causam suggererit ante utriusque partis justam discussionem: nec hi, qui non sunt idonei, suscipiantur ad accusationem: & omnes, qui adversus Patres armantur, infames esse censemus. Patres enim omnes venerandi sunt, non respuendi, ac insidiandi. Hi vero, qui cum inimicis morantur, aut qui suspecti habentur, minime recipiantur: quia eorum æmulatio lacerat etiam innocentes. Hunc murum firmissimum statuerunt Patres nostri, & nos cum eis contra persecutores vestros. Hoc remedium eorum pellantur machinamenta, & vos sanctiores, & securiores famulari mereamini vestro Salvatori.

## XXXI.

*De Metropolitanis, ut nullus absque comprovincialium Episcoporum instantia aliquorum audiat causas.*

*Ex Epistola Ppini Papæ, cunctis Apostolica fide, & doctrina vigentibus, scripta.*

Cæterum, fratres: Salvo in omnibus Romano Ecclesiæ privilegio, nullus Metropolitanus absque cæterorum omnium comprovincialium Episcoporum instantia aliquorum audiat causas; quia irritæ erunt aliter actæ, quam in conspectu

G g g 3

eorum omnium ventilatæ, & ipse sifecerit, coerceatur a fratribus.

## XXXII.

*Quo die Pascha celebretur.*

*Ex Epistola Pii Papæ, scripta omnibus in fide, & doctrina Apostolica manentibus.*

Cæterum nosse vos volumus, quod Pascha Domini die Dominico annuis temporibus sit celebrandum. Istit ergo temporibus Hermes doctor fidei, & scripturarum fulsit inter nos. Et licet nos idem Pascha prædicta die celebraremus, & quidam inde dubitarent; ad corroborandas tamen animas eorum eidem Hermeti Angelus Domini in habitu Pastoris apparuit, & præcepit ei, ut pascha die Dominico ab omnibus celebraretur tempore suo. Unde & vos Apostolica auctoritate instruimus, omnes eadem servare debere, quia & nos eadem servamus. Nec debetis a capite quoquo modo diffidere.

## XXXIII.

*Ne prædia Ecclesiastica aliquis tollat, & suis usibus applicet.*

*Ex Epistola cujus supra, Italicis fratribus scripta.*

Ad Sedem autem Apostolicam perlatum est, quod sint inter vos contentiones, & æmulationes, & prædia Divinis usibus tradita, quidam humanis applicent usibus, & Domino Deo, cui tradita sunt, ea subtrahant, ut suis usibus inferviant. Quapropter ab omnibus illius usurpationis contumelia depellenda est, ne prædia sibi secretorum celestium judicata, a quibusdam irruentibus vexentur. Quod si quis præsumperit, sacrilegus habeatur, & sicut sacrilegus, judicetur. Ipsos autem, qui hoc agunt, Clericos, & Domini sacerdotes persequi, eosque infamare audivimus, ut malum super malum addentes deteriores fiant, non intelligentes, quod Ecclesia Dei in sacerdotibus consistat, & crescat in templum Dei. Et sicut, qui Ecclesiam Dei vastat, ejusque prædia & donaria exspoliât, & invadit, sit sacrilegus; sic & ille, qui ejus sacerdotes insequitur, sacrilegus.

(1) Luc. II, v. 14.



crilegii reus existit, & sacrilegus judicatur.

## XXXIV.

*Quod non sit gravius peccatum fornicatio, quam sacrilegium.*

*Ex eadem Epistola.*

Non ergo gravius peccatum est fornicatio, quam sacrilegium: & sicut majus est peccatum, quod in Deum committitur, quam quod in hominem: sic gravius sacrilegium agere, quam fornicari.

## XXXV.

*Quod nulli Archi-Episcopi Primates vocentur, nisi illi, qui Primas tenent civitates.*

*Ex Epistola Annitii (m) Papæ, universis Ecclesiis, per Gallie Provincias constitutis scripta.*

Nulli Archi-Episcopi Primates vocentur, nisi illi, qui primas tenent civitates, quarum Episcopos Apostoli & Successores eorum regulariter Patriarchas, vel Primates esse constituerunt. Nisi aliqua gens deinceps ad fidem convertatur, cui necesse sit, propter multitudinem Episcoporum Primates constitui. Reliqui vero, qui alias Metropolitanas sedes adepti sunt, non Primates, sed Metropolitanam nominantur.

## XXXVI.

*De Ordinationibus Episcoporum.*

*Ex eadem Epistola, cujus supra.*

De ordinationibus Episcoporum, super quibus nos consulere voluistis, olim in spiritu præcessoris nostri *Anacleti*, quædam jam decreta reperimus. Scimus enim, B. Jacobum, qui dicebatur justus, qui etiam secundum carnem Frater Domini nuncupatus est, a Petro, Jacobo, & Joanne Apostolis Hierosolymis Episcopum esse ordinatum. Si autem non minus, quam a tribus Apostolis, tantus vir fuit ordinatus, patet profecto, eos formam instituente Domino tradidisse, non minus, quam a tribus Episcopis, Episcopum ordinari debere. Sed crescente numero Episcoporum, nisi necessitas intervenerit, debent etiam plures augeri, id est, Archi-

Episcopus, si obierit, & alter ordinandus Episcopus fuerit; omnes ejusdem Provinciæ Episcopi ad Sedem Metropolitanam conveniant, ut ab omnibus ipse eligatur & ordinetur. Oportet autem, ut ipse, qui illis omnibus præesse debet, ab omnibus illis eligatur, & ordinetur. Reliqui vero conprovinciales Episcopi, si necesse fuerit, cæteris consentientibus, a tribus jussu Archi-Episcopi consecrari possunt Episcopi. Sed melius est, si ipse cum omnibus eum, qui dignus est, elegerit, & cuncti pariter consecraverint Pontificem. Et licet istud necessitate cogente concessum sit; illud autem, quod de Archi-Episcopi consecratione præceptum, atque prædictum est, id est, ut omnes Suffraganei eum ordinent, nullatenus immutari licet: quia, qui illis præest, ab omnibus Episcopis, quibus præest, debet constitui: sin aliter præsumptum fuerit, viribus carere non dubium est, quia irrita erit ejus fecus acta ordinatio.

## XXXVII.

*Quod sacratæ Deo fœminæ, vel Monachæ, sacra vasa, vel sacratas pallas contingere, & incensum circum altaria deferre non debeant.*

*Ex Epistola Soteris Papæ, scripta Episcopis per Italie Provincias constitutis.*

Sacratas Deo fœminas, vel Monachas, sacra vasa, vel sacratas pallas, penes vos contingere, & incensum circa altaria deferre, perlatum est ad Apostolicam Sedem: quæ omnia reprehensione & vituperatione plena esse, nulli recta sapientium dubium est. Quapropter hujus Sanctæ Sedis auctoritate hæc omnia vobis rescare funditus, quanto citius poteritis, censemus: & ne pestis hæc latius divulgetur, per omnes Provincias abstergeri diutissime mandamus.

## XXXVIII.

*Quod Baptismus tempore Paschæ celebrandus sit Catholicis.*

*Ex Epistola Victoris Papæ, scripta Theophilo Episcopo.*

Celebritatem Sancti Paschæ die Dominica

(m) forte Aniceti, qui sedir ab A. C. 163. ad 173.

minica agi debere, & Prædecessores nostri jam statuerunt, & vobis illud eadem die celebrare solemniter mandamus: quia non decet, ut membra a capite discrepent, nec contraria gerant. A XV. Maji vero Luna primi mensis usque ad XXI. ejusdem mensis diem, eadem celebretur festivitas. Eodem vero tempore Baptismus celebrandus est Catholicis. Sed tamen, si necesse fuerit, aut mortis periculum ingruerit; gentiles ad fidem venientes quocunque loco, vel momento, ubicunque evenient, sive in flumine, sive in mari, sive in fontibus, tantum Christianæ confessione credulitatis clarificatâ, baptizentur. Ipsis quoque, quod in Baptismo polliciti sunt, summopere est attendendum, non infideles, sed fideles inveniantur.

## XXXIX.

*Quod inconsulto Romano Pontifice, causæ Episcoporum non debeant diffiniri.*

*Ex eadem Epistola.*

Ea vos judicare, ad Apostolicam delatum est sedem, quæ (n) propter nostram vobis diffinire non licet auctoritatem, id est, Episcoporum causas. Unde ita constitutum liquet a tempore Apostolorum, & deinceps placuit, ut accusatus vel judicatus a Comprovincialibus in aliqua causa Episcopus licenter appellet, & adseat Apostolicæ Sedis Pontificem: qui aut per se, aut Vicarios suos ejus retractari negotium procuret, & dum iterato iudicio Pontifex causam suam agit, nullus alius in ejus loco ponatur, aut ordinetur Episcopus: quoniam, quanquam Comprovincialibus Episcopis accusati causam Pontificis scrutari liceat, non tamen diffinire, inconsulto Romano Pontifice, permissum est.

## XL.

*Episcoporum testes quot esse debeant, & ne absens quisquam judicetur.*

*Ex Epistola Zepherini Papæ, scripta omnibus per Siciliam constitutis.*

Patriarchæ, vel Primates accusatum discutientes Episcopum, non ante sententiam proferant finitivam, quam Aposto-

lica fulti auctoritate, aut reum se ipse confiteatur, aut per innocentes & regulariter examinatos vincatur testes: qui minores non sint numero, quam illi discipuli, quos Dominus adjumentum Apostolorum eligere præcepit, id est LXXII. Detractores quoque, qui Divina auctoritate eradicandi sunt, & auctores inimicorum ab Episcopali submovemus accusatione vel testimonio. Nec summorum quispiam, nec minorum accusationibus impetatur, aut dispereat, neque in re dubia certa judicetur sententia, nec ullum iudicium, nisi ordinabiliter habitum, teneatur. Absens vero nemo judicetur, quia & divinæ & humanæ hoc prohibent leges. Accusator autem eorum omni careat suspicione, quia columnas suas Dominus firmiter stare voluerit, non a quibuslibet agitari. Nullum namque eorum sententia non a suo iudice dicta constingat, quia & leges sæculi id ipsum fieri præcipiunt. Duodecim enim iudices quilibet Episcopus accusatus, si necesse fuerit, eligat, a quibus ejus causa iuste judicetur: nec prius audiatur, aut excommunicetur, quam ipsi per se elegantur, & regulariter vocatus ad suorum primo conventum Episcoporum, per eos ejus causa iuste audiatur, & rationabiliter discernatur. Finis vero ejus causæ ad Sedem Apostolicam deferatur, ut ibi determinetur, nec ante finiatur, sicut ab Apostolis, vel successoribus eorum olim statutum est, quam ejus auctoritate fulciatur.

## XLI.

*Quod nullus Episcopus propriis rebus spoliatus, antequam suis reveſtiatur, debeat ad iudicia vocari.*

*Ex Epistola cujus supra, scripta fratribus per Egyptum Domino militantibus.*

Nunciatum est enim Sedi Apostolicæ per Apocrisarios nostros, quosdam fratrum nostrorum, Episcoporum scilicet, ab Ecclesiis, & Sedibus propriis pelli, suaque eis auferri suppellectilia, & sic nudos & exspoliatos ad iudicia vocari: quod omni ratione caret, cum statuta Apostolorum, eorumque successorum, & præcepta Imperatorum, ac constitutiones legum id ipsum provideant, &

(n) forte: præter.



& Apostolicæ Sedis auctoritas idipsum fieri veret. Præceptum est ergo in antiquis statutis, Episcopos ejectos, atque suis rebus exspoliatos Ecclesias proprias accipere, & primo sua omnia eis reddi, & ita demum, si quis eos iuste accusare voluerit, æquo periculo facere iudices esse decernentes, Episcopos recte sapientes, & in Ecclesia convenientes, ubi testes essent singulorum, qui oppressi videbantur; nec prius eos respondere debere, quam omnia sua eis, & Ecclesiis eorum legibus integerrime restituantur.

## XLII.

*De Ordinationibus.**Ex eadem Epistola.*

Ordinationes vero Presbyterorum, & Levitarum tempore congruo, & multis coram adstantibus solemniter agite: & probabiles, ac doctos viros ad hoc opus constituite: unde horum societate, & adjumento plurimum gaudeatis.

## XLIII.

*De Conspiratione contra Episcopos.**Ex Epistola Calisti Papæ, scripta ad omnes Gallicarum urbium Episcopos.*

Conspirationum vero crimina vestris in partibus vigere audivimus, & plebes contra Episcopos suos conspirare nobis mandatum est: cujus criminis astutia non solum inter Christianos abominabilis est, sed etiam inter Ethnicos, & ab exteris lege prohibita. Et idcirco hujus criminis reos non solum Ecclesiasticæ, sed etiam sæculi dominant leges, & non solum conspirantes, sed & consentientes eis. Antecessores vero nostri quam plurima turba Episcoporum, quicunque eorum in sacerdotali ordine sunt constituti, aut existunt, Clerici honore, quo utuntur, cadere præceperunt: ceteros vero communionem privari, & ab Ecclesia extorres fieri jusserunt, & non solum facientes, sed eis consentientes.

## XLIV.

*Excommunicatis non communicandum.**Ex eadem Epistola.*

Excommunicatos quoque a sacer-

dotibus, nullus recipiat ante utriusque partis examinationem justam, nec cum eis in oratione, aut cibo, vel potu, aut osculo communicet, nec ave eis dicat: quia quicumque in his, vel aliis prohibitis, scienter excommunicatis communicaverit, juxta Apostolorum institutionem & ipse simili excommunicatione subiaceat. Ab his ergo & Clerici & Laici se abstineant, qui eadem pati noluerint.

## XLV.

*Terminos non transgrediendos.**Ex eadem Epistola.*

Nemo quoque alterius terminos usurpet, nec alterius parrochianum judicare, aut excommunicare præsumat: quia talis dijudicatio, aut excommunicatio nec rata erit, nec vires ullas habebit; quoniam nullus alterius iudicis, nisi sui, sententia tenebitur, aut damnabitur: unde & Dominus loquitur dicens: *Ne transgrediaris terminos antiquos*, (o) Nullus autem Primas vel Metropolitanus, Diocesani Ecclesiam, vel Parrochiam, aut aliquem de ejus Parrochia præsumat excommunicare, vel judicare, aliquidve agere absque ejus consilio, vel iudicio. Sed hoc observet, quod ab Apostolis ac Patribus, & prædecessoribus nostris est statutum, & a nobis confirmatum, id est, si quis Metropolitanus Episcopus, nisi quod ad suam solummodo propriam pertinet Parrochiam, sine consilio & voluntate omnium comprovincialium Episcoporum, extra aliquid agere tentaverit, gradus sui periculo subiacet, & quod egerit, irritum habeatur, & vacuum. Sed quidquid de provincialium Episcoporum causis, eorumque Ecclesiarum, & Clericorum, atque sæcularium, necessarium agere, aut disponere necesse fuerit, hoc cum omnium consensu provincialium agatur Pontificum, non aliquo dominationis fastu, sed humilima, & concordia administratione.

## XLVI.

*De lapsu sacerdotis.**Ex eadem Epistola.*

Sed si aliquis lapsus quoquo modo fuerit, portemus eum, & fraterno corripimus affectu\*, sicut ait Beatus Apostolus

(o) Proverb. XXII, 28.

lus: Si præoccupatus (p) fuerit in aliquo delicto; vos, qui spirituales estis, hujusmodi instruite in spiritu lenitatis considerans te ipsum, ne & tu teneris. Alter (q) alterius onera portate, & sic adimplebitis legem Christi. Porro S. David de criminibus mortiferis egit poenitentiam, & tamen in honore permansit. B. quoque Petrus amarissimas lacrymas fudit, quando Dominum negasse poenituit, sed tamen Apostolus permansit. Et Dominus per Prophetam peccantibus pollicetur, dicens: Peccator in quacunque die (r) conversus ingemuerit, omnium iniquitatum illius amplius non recordabor. Errant enim, qui putant, Sacerdotes post lapsum, si condignam egerint poenitentiam, Domino ministrare non posse, & suis honoribus frui, si bonam deinceps viam duxerint, & suum Sacerdotium condigne custodierint: & ipsi, qui hoc putant, non solum errant, sed etiam traditas Ecclesiae claves dissipare, & abigere videntur, de quibus dictum est: Quaecumque solveritis (s) in terra, erunt soluta in caelo. Alioquin hæc sententia aut Domini non est, aut non vera. Nos vero indubitanter tam Domini Sacerdotes, quam reliquos Fideles post dignam satisfactionem posse revocari ad honores credimus, testante Domino per Prophetam: Numquid (t) qui dormit, non adiciet, ut resurgat? & qui adversus est, non revertetur? Et alibi: Nolo, (u) inquit Dominus, mortem peccatoris, sed ut convertatur, & vivat. Et Propheta David poenitentiam agens, dixit: Redde mihi (x) letitiam salutaris tui, & spiritu principali confirma me. Ipse namque post poenitentiam & alios docuit, & sacrificium Deo obtulit, dans exemplum Doctoribus Sanctæ Ecclesiæ, si lapsi fuerint, cum dignam poenitentiam Deo gesserint, utrumque facere posse. Docuit enim, quando dixit: Doceam (y) iniquos vias tuas, & impii ad te convertentur. Et sacrificium Deo obtulit, dum dicebat: Sacrificium (z) Deo spiritus contribulatus; cor contritum & humilatum Deus non spernit. Videns etiam Propheta scelera sua mundata per poeni-

H h h

tentiam, non dubitabat prædicando, & Domino libando curare aliena.

Item post pauca: David enim dicit: Beati, (a) quorum remissa sunt iniquitates, & quorum tecta sunt peccata. Beatus vir, cui non imputavit Dominus peccatum. Mundatur ergo homo a peccato, & resurgit gratia Dei a lapsu, & in pristino manet officio juxta prædictas auctoritates. Videat, ne amplius peccet, & sententia Evangelica maneat in eo, quæ ait: Vade (b) & amplius noli peccare. Unde ait Apostolus: Non ergo regnet peccatum in vestro mortali corpore, ut obediat concupiscentiis ejus, sed neque exhibeatis membra vestra arma iniquitatis peccato, sed exhibete vos tanquam ex mortuis viventes, & membra vestra arma justitiæ Deo.

## XLVII.

## De possessionibus Ecclesiarum.

Ex Epistola Urbani Papæ, scripta de communi vita, & oblationibus Fidelium.

Multitudinis (c) autem credentium erat cor & anima una, nec quisquam eorum, quæ possidebat, aliquid suum esse dicebat, sed erant illis omnia communia: & virtute (d) magna reddebant Apostoli testimonium resurrectionis Jesu Christi Domini nostri, & gratia magna erat in omnibus illis. Neque enim quisquam egens erat inter illos: quotquot enim possessores agrorum, aut domorum erant, vendentes afferebant pretia eorum, quæ vendebant, ante pedes Apostolorum. Dividebantur autem singulis, prout cuique opus erat. Joseph autem, qui cognominatus est Barnabas ab Apostolis, quod est interpretatum filius consolationis, Levites, Cyprius genere, cum haberet agrum, vendidit illum, & attulit precium, & posuit ante pedes Apostolorum, & reliqua. Videntes autem Sacerdotes summi, & alii, arque Levitæ, & reliqui fideles, plus utilitatis posse afferri, si hæreditates & agros, quos vendebant, Ecclesiis, quibus præsidebant, Episcopi traderent, eo quod ex sumptibus eorum tam præsentibus, quam futuris temporibus

(p) Galar. VI, 1.

(r) Math. XVIII, 18.

(x) Psalmo L, 14.

(a) Psalmo XXXI, 1.

(d) Actuum IV, 33.

(q) Galar. VI, 2.

(t) Psalmo XL, 9.

(y) Psalmo L, 15.

(b) Joannis VIII, 11.

(r) Ezechiel. XVIII, 22.

(u) Ezechiel. XXXIII, 11.

(z) Psalmo L, 19.

(c) Actuum IV, 32.



ribus plura & elegantiora possent ministrari fidelibus communem vitam ducentibus, quam ex precio ipsorum, cœperunt prædia & agros, quos vendere solebant, matricibus Ecclesiis tradere, & sumptibus eorum vivere. Ipsæ vero res in ditione singularum Parochiarum Episcoporum, qui locum tenent Apostolorum, erant, & sunt usque adhuc, & futuris semper debent esse temporibus, quibus Episcopi & fideles dispensatores eorum omnibus, communem vitam agere volentibus, ministrare cuncta necessaria debent, prout melius potuerint, ut nemo in eis egens inveniatur. Ipsæ enim res fidelium oblationes appellantur, quia Domino offeruntur. Nec ergo debent in aliis usibus, quam Ecclesiasticis, & prædictorum Christianorum Fratrum, vel indigentium converti, quia vota sunt fidelium, atque ad prædictum opus expendendum, Domino tradita. Siquis autem, quod absit, secus egerit, damnationem Ananiæ & Saphiræ percipiat, ut reus sacrilegii efficiatur, sicut illi fuerunt, qui precia rerum fraudabant prædictarum.

*Ex Goldasto Tomo II. rerum Alamannicarum Francofordæ 1613.*

Cætera desiderantur, ut & NOTINGI Episcopi Capinla, quæ Remedio adjecit, fide Goldasti.

(e) I. Cor. c. V. v. 5.

## XLVIII.

*Prædia dicata ne invadantur.*

*Ex eadem Epistola.*

Attendendum est omnibus, & fideliter custodiendum, & illius usurpationis contumelia depellenda, ne prædia usibus secretorum celestium dicata a quibusquam irruentibus vexentur: quod si quis fecerit, post debitæ ultionis acrimoniam, quæ erga sacrilegos jure promenda est, perpetua damnetur infamia, & infernali carceri tradatur, aut exilio perpetuæ deportationis utatur, quoniam juxta Apostolum tradere oportet hujusmodi hominem *Satanæ, ut spiritus salvus fiat in die Domini.* (e)

## XLIX.

*De Sede Episcopi.*

*Ex eadem Epistola.*

Quod autem sedes in Episcoporum Ecclesiis excelssæ constitutæ, & præparatæ inveniuntur in throno, speculationem, & potestatem judicandi & solvendi, atque ligandi a Domino sibi datam materiæ docet, unde Salvator in Evangelio ait: *Quaecumque ligaveritis super terram, erunt ligata in cælo.*

## DIGRESSIO

*De Sæculi Noni Conciliis.*

## §. I.

*De delectu Conciliorum.*

**S**I nullo Sæculo, hoc nono insigni delectu opus Collectoribus Conciliorum; ne conventus politicos de publica re Regnorum, & sæcularium controversiarum, immisceamus Conventibus sacris de Ecclesia, & Ecclesiæ personis, rebus ac controversiis agentibus. Cum enim in hoc Sæculo nono, uti & præterito octavo, Reges, Proceres, Comites interessent iisdem Conventibus, quibus & Episcopi: cum secundo in eodem Conventu & loco tam Regni, quam Ecclesiarum negotia tractarentur: cum auctoritas Episcoporum, ob horum virorum sapien-

tiam & sanctitatem, maximo loco esset apud Carolum Magnum, ejusque posteros, hoc sæculo Italiæ, Germaniæ, Galliæ imperantes: hinc omnes illi Conventus videantur alicui ad Concilia Germaniæ pertinere.

Verum absit, ut profana sacris, Comitia civilia Conciliis Ecclesiæ confundamus. Ostendimus, qua methodo personæ & causæ in his Conventibus Principum, & Episcoporum fuerint secretæ & separatæ, *indigestione ad Sæculum VIII. §. II. pag. 350. Tomi primi*: Eadem secretio personarum & causarum servata fuit in Conventibus Sæculi IX. Episcopi judicantur personas, & causas Ecclesiasticas, quorum judiciorum executionem regia auctoritas promovebat: Rex, & Du-

Duces, & Comites judicabant causas politici Regni.

Ex hoc principio omisimus omnes illos conventus Regum & Procerum, in quibus sola divisio Regnorum agitata fuit inter filios & nepotes Caroli Magni, & Ludovicii Pii.

Excipio duos: quibus Episcopi non tantum intervenerunt, sed primaria in illis persona fuerunt, in quorum scientiam & sanctitatem, veluti arbitrorum, compromiserunt Reges; uti anno 860. in Conventu Confluentiae nonis Junii celebrato; pag. 249. & in Conventu anno 842. Aquisgrani facto post praelium ad Fontanetum pag. 142. ubi Episcopali auctoritati, veluti iusto Dei iudicio, decidendum commiserunt Reges, Ludovicus Germaniae, & Carolus Calvus Galliae; quid post hoc praelium de populo Francorum, & Regno statuendum.

Reliquos Conventus, in quibus de solo Regno dividendo actum fuit, omisimus, licet Binius, Sirmondus, Labbeus, & Harduinus illos interfuerint suis Conciliis.

Cæterum tam illustria, plena, ac sacrorum Canonum medulla referta Concilia, hoc Sæculo in Germania celebrata fuere, ut ex iis solis domesticum jus sacrum constare liceat.

Celebriora, & a posterioribus Canonistis laudata, sunt Concilium Moguntinum anni 813.

Aquisgranense anni 816. de vita Canonicorum & Sanctimonialium.

Aquisgranense anni 817. de instituto Monachorum sub Ludovico Pio.

Aquisgranense anni 836. tribus libris comprehendens vitam, & officia Episcoporum, Cleri, Regum, Principum.

Synodus ad Theodonis Villam anno 848. mense Octobri, Regibus Lothario, Ludovico, & Carolo congregantibus, præfide Drogone Merensi.

Concilia Moguntina tria sub Rabano Archi-Episcopo, anno 847. 848. sed potissimum anno 857, in quo Canones XXXI. conditi fuere.

Synodus Tullenfis apud Saponarias nationalis XII Provinciarum, anno 859. mense Junio, Canones XIII. condidit.

Synodus Wormatiensis famigerata anni 868. XVII. Kal. Junias, condidit XLV. Canones.

Concilium Moguntinum anni 888. sub Arnulfo Rege Canones XXVI. condidit: interfuerunt tres Metropolitani cum Suffraganeis & Abbatibus.

Synodus Merensis, eodem vel proximo

*Tomus II. Concil. German.*

anno, præfide Ratbodo Treverensi, & Suffraganeis, Canones XIII. concinnavit.

Synodus Triburiensis anni 895., celebratissima Canonum LVIII. Mater, cum variis Metropolitanis, & magno numero Episcoporum & Abbatum.

Ex his Synodis potissimum Regino, Burchardus, Ivo, & Gratianus suas collectiones compilarunt.

## §. II.

### *Quæ Synodi extra Germaniam habitæ, spectent ad Germaniam.*

I. **U**Na Romana in causa Leonis III. & Misforum a Carolo Rege, ob definitionem Synodi Aquisgrani anni 809. de retinendo additamento: *Filioque*.

II. Duæ aut tres Romanæ, in causa divortii Lotharii, & Theutbergæ circa annum 863. 864. 865. & contra Legatos Apostolicos Metis corruptos, & prævaricantes.

III. Una Ticini in Liguria, in causa restituendorum Theutgaudi, & Guntharii in suas sedes Archi-Episcopales. Hæc quatuor, licet in Italia habitæ Synodi, necessario inferendæ erant integræ collectioni Conciliorum Germaniæ.

IV. Compendiensis, ubi Imperator Ludovicus Pius fuit contra leges omnes æqui, & iusti exutus insignibus imperialibus: sed cum sit res mere politica [etsi pro dolor intervenientibus Episcopis executioni mandata] facile omissa fuisset in hac collectione: at quia iidem Episcopi & Proceres in aliis Conventibus Germaniæ fuere aut puniti, aut reconciliati, hinc ejusdem mentio prætermitti non potuit.

## §. III.

### *De exitu Aquisgrani Synodi anno 809.*

**E**tsi hæc Synodus Aquisgranensis anni 809. ad summum fuerit provincialis, aut nationalis (nam Episcoporum, qui interfuerunt, nomina non asservavit tempus) etsi Romanum Concilium anno 810. habitum noluerit improbare, factum ab Ecclesiis Germanicis, Francis, Hispanicis, quæ vocem: *Filioque* addiderunt Synodo Constantinopolitanae, & hoc cum additamento canebant in Palatio, & aliis Ecclesiis; attamen Papa, tenax veteris moris Ecclesiæ Romanæ, noluit in Ecclesia Romana id addi, sed symbolum, quale ex Concilio œcumenico prodiiit, invariata recitari & cantari decrevit, idemque,

H h h 2



que, ut in Palatio Imperatorio & cæteris Ecclesiis paulatim induceretur, suadere allaboravit: sed frustra: reapse videmus Ecclesias Occidentales perrexisse in suo additamento: *Filioque*, & ad nostrum usque Sæculum in eo continuasse: Videatur Crites Baronii *Pagius ad hunc annum*.

## §. IV.

*Cur Canonizatio S. Swiberti, in Werda celebrata, sit omissa.*

**I**Nter multas Synodos prætermittas numerari debet illa celeberrima, si Diis placet, acta Werdæ: quæ nunc *Cæsaris insula* dicitur, octavo a Colonia lapide, anno 805. pridie Nonas Septembris a Leone III. Papa in præsentia multorum Cardinalium, Archiepiscoporum, Episcoporum, Prælatorum, ac Primatum, præsentè Carolo Magno Imperatore.

Hagiographi Antwerpienses Tomo III. Martii ad diem XXVI. hujus mensis in Commentario prævio ad vitam S. Ludgeri §. VII. & VIII. fabulæ hujus de hac Synodo & Canonizatione, ineptias, anachronismos, & contradictionem contra omnes coævus Scriptores ostendunt, neque liberarunt onere hanc comædiam confutandi. Surius post vitam S. Ludgeri subjicit Epistolam Marcellini de hac Canonizatione scriptam, & Sancto Ludgero tribus ab ejusdem morte Sæculis suppositam.

Sanfelicius Nuntius Colonienfis, jam viderat dudum confectam hanc Epistolam, & ut talem sprexit. Morinus *L. X. de administratione Sacramenti Penitentiae Cap. 20. §. II.* Natalis Alexander Histor. Eccles. *Sæculi IX. Cap. I. in vita S. Leonis.*

## §. V.

*Canonistæ Sæculi noni.*

**M**ultos & magnos non solum in Scriptura sacra prædicanda & interpretanda; sed & in scientia Canonum Ecclesiæ peritissimos viros tulit Germania hoc Sæculo nono.

Eos hoc ordine recenséo.

- I. SYMPERTUS, Augustanus Episcopus, & Abbas Murbacensis.
- II. REMEDIUS, Curie Rhetorum Episcopus.
- III. SMARAGDUS, Abbas S. Michaelis ad Mosam, Diocesis Virdunensis.
- IV. BENEDICTUS, Anianensis, & Monasterii S. Cornelii ad Indam Abbas.
- V. AHYTO, Basileensis Episcopus.
- VI. AMALARIUS, Merensis Diaconus.

VII. HALITGARIUS, Cameracensis & Atrebatensis Episcopus.

VIII. BENEDICTUS, Levita Moguntinæ Ecclesiæ.

IX. RABANUS MAURUS, Archi-Episcopus Moguntinus.

De horum plurimis egi in præfatione ad Tomum primum, in qua vitæ chronologiam, & operum catalogum exhibui. Hic autem scientiam eorum canonicam periclitabor, & ex quibus fontibus eam hauserint, paucis pandam.

I. SYMPERTI, Abbatis & Episcopi, Capitula Regularia ex nullo certo auctore collecta sunt, sed tum ex regula S. Benedicti, tum ex consuetudinibus variorum Monasteriorum: nulla enim ante annum 817. fuit universalis, vel universum aut accepta ab omnibus Monasteriis, aut saltem præscripta & insinuata regula, qualis ab eo anno cæpit, auctoribus post indicandis. Sunt igitur ea Capitula antiquissima Monasterii Murbacensis, quæ Perzius Tomo II. Thesauri Anecdotorum divulgavit: ex quo nos ea descripsimus.

II. REMEDII, Curienfis Episcopi, Capitula XLIX. ex Isidori literis supposititiis veterum Romanorum Pontificum excerpta sunt: sub Carolo Magno verosimiliter scripta, imo ejusdem jussu, ut scribit GOLDASTUS, de quo valde dubito: nam Isidoriana collectio Carolo Magno nota minime fuit, uti Dionysiana ab Hadriano Papa eidem donata. Inferit sæpe auctoritates Scripturæ sacre: cæterum ex illis supposititiis literis sua Capitula confecit.

III. SMARAGDUS, Abbas Monasterii S. Michaelis ad Mosam, in Diocesi Virdunensi, Ord. S. Benedicti, scripsit Epistolam ad Papam Leonem III. jussu Imperatoris Caroli Magni, de processione Spiritus Sancti a Patre, Filioque, ventilata in Concilio Aquisgranensi anno 809. edita I. Tomo pag. 391. Dein librum Monasticæ professioni congruum scripsit, quem *Diadema Monachorum* nuncupavit; demum *Commentarios in Regulam S. Benedicti*, quos alii Rabano tribuunt.

IV. BENEDICTUS, Anianensis primum Monasterii, deinde S. Cornelii ad Indam, in Diocesi Colonitensi, Ordinis S. Benedicti conditor, maximo in pretio fuit Carolo Magno, & Ludovico Pio, ejus Filio, Imperatoribus. Hic primus Germaniæ & Galliæ Monasteria, etsi Benedicti regulam profitentia, atamen diversissimis consuetudinibus utentia, imo & variis regulis, sub unam regulam S. Benedicti adunavit, & uniformitatem ubique inducere conatus est.

Sub eo, uti præcipuo Præsidente & Doctore, anno

anno 817. Synodus Aquisgranensis celebrata est, accitis ex omni Germania & Gallia Abbatibus, favente, & jubente Ludovico Augusto. Hic edidit codicem, quem *Concordiam Regularum* inscripsit, ex regulis *diversorum Patrum* collectam, ita tamen, ut prior Divi Benedicti Regula cunctis esset.

*Natalis Alexander Historia Ecclesiastica Sæculo IX. C. III. art. XII.*

*Mabillon. in Annalibus Benedictinis.*

V. HAITONIS, vel AHYTONIS, Basilensis Episcopi Capitula XV, ex quibus fontibus deprompta fuerint, non additur: facile tamen esset, ea ad Patres, vel ad Concilia antiquiora referre, & fontes coronare. Ipsius Haito eos quandoque indicat: ut Capitulo nono Concilium Nicænum primum: Cap. XV. Toletanum Capite XIX. fancivit nil in Ecclesia legendum, nisi quæ auctoritatis sunt Divinæ, aut quæ Patrum orthodoxorum sanxit auctoritas. Cap. XXIV. Ut in Horis Canonicis Romanæ Ecclesiæ ritum imitentur Clerici suæ Dioceseos.

VI. AMALARIUS, Metensis Diaconus, & subin Lugdunensis Chorepiscopus, scripsit Libros IV. de Ecclesiasticis Officiis, dicatos Ludovico Pio Imperatori. Supplementum ad Libros IV. Amalarii de Divinis Officiis edidit P. Mabillon. Tomo II. Analektorum. Plura scripsit Liturgica, ex quibus observavit discrepantiam Gallicani & Romani ritus, quæ nos nunc non curamus. Scripsit & Tractatum Theologicum de præsentia, & prædestinatione Dei, contra Gotscaleum Moguntiae damnatum.

Sufficit eundem in scientia Juris Monastici, & Ecclesiastici dedisse specimina non contemnenda. *Videatur Natalis Alexander Historia Ecclesiastica Sæcul. IX. Cap. III. art. IV.*

VII. Inter multa opera HALITGARII, Cameracensis & Atrebatensis Episcopi, cogitabam recudere Librum sextum inter sex Libros de remediis peccatorum, & ordine, ac judicio penitentiae. quia hic sextus Liber est descriptus ab Halitgaro ex codice MS. Romanæ Ecclesiæ, & antiquissimus est omnium, quem in hoc genere habemus. Verum cum in eo codice non *Canones* penitentibus reconciliandis præscripti, sed horum executio duntaxat, & praxis continetur, hinc potius inter rituales libros, quam Canonicos mihi recensendus videtur. Editus fuit Liber ab Hugone Menardo, ex codice MS. Monasterii Corbeiensis: deinde iterum a Morino post *Commentarium Historicum de disciplina in administranda penitentia* anno 1651. una cum aliis codicibus antiquis penitentialibus.

VIII. BENEDICTUS, Levita Moguntinensis Ecclesiæ, post collecta ab Ansegiso

Abbate Capitula Caroli Magni & Ludovici Pii, observavit ab eo Collectore multa utriusque Principis prætermissa fuisse, & ab eodem manum non admotam Capitulis anterioribus Pippini, & Carolomanni Regum; utramque lacunam Benedicti explere aggressus est, & iussu sui Archi-Episcopi Orgarii, cui & opus suum inscripsit, tribus libris supplevit Ansegisum, circa DCCCXLV.

IX. Venimus nunc ad RHABANUM præstantissimum Noni Sæculi Juris Canonici Doctorem, quod, ut cætera gesta ab isto viro officia, ac prælaturas omittamus, pauci ex tot libris, ab eodem editis, & in Præfatione Tomi primi enumeratis seligentur, ex quibus luculenta notitia veterum Conciliorum & Patrum, in hoc Archi-Episcopo residens, orbi demonstratur.

Primo loco ponimus ejus Epistolam Canonicam, scriptam ad *Heribaldum Episcopum Antistodorensem* vel *Altistodorensem* in Burgundia, nunc Gallia, Episcopum, a quo de diversis quæstionibus interrogatus fuerat per Nuntium submissum. Undique enim ad Rhabanum, velut oraculum, concurrebatur in dubiis Canonicis, vel Ecclesiasticæ disciplinæ, emergentibus. Responder Sanctus Antistes ad singula capita prolatis Conciliorum, tum Pontificum Romanorum, tum aliorum Doctorum verbis, unde patet prona & expedita voluntas, & plena scientia ad quæcunque proposita dubia expedienda.

Similis fere erat liber inscriptus: *Penitentiale Rhabani*, sive cum ante, sive post hanc Epistolam, ex simili causa ediderit. Unde sat habuimus, concordiam utriusque indicare, cum iisdem pæne auctoritatibus, & verbis in utroque opere utatur.

Alterum specimen Canonum peritiæ habet Epistola scripta ad *Regimbaldum Chor-Episcopum Moguntinæ Ecclesiæ*, quum ipse tum esset Abbas Cœnobii Fuldensis: sex quæstiones propositas partim ex scripturis Divinis partim ex Canonibus Patrum resolvit.

Tertium opus de Chor-Episcoporum statu, officio, potestate scripsit: quæ quæstio a medio septimo sæculo usque ad finem noni in multis Conciliis agitata fuit, & variis modis a variis definita. S. Rabanus stat pro Chor-Episcopis, si per manus impositionem a veris Episcopis ordinati sint (et si specialem Cathedram, & civitatem non habeant) eo quod veri nominis Episcopi sint, & Episcopis propria munera obire valeant, & ab Episcopis debita cum charitate, & modestia tolerandi. Adstruit quidem ex Historia sacra, & Ecclesiastica multa pro sua sententia tuenda; at consuetudine plurimarum



rum Ecclesiarum, & Episcoporum tolerantia potissimum se tuetur.

Quartum & quintum opus Canonicum est Epistola responsoria una ad *Humbertum Wirciburgensem* Episcopum, altera ad *Bonifacium Abbatem Fuldensis*: *Quota generatione licitum sit connubium inter Christianos?* Hanc quaestionem eo saeculo nondum ulla auctoritate generalis Concilii definitam resolvit magna modestia hoc pacto: *Ut post quintam generationem jam licitum connubium fiat: Quia lex Divina hoc non contradicit, nec etiam Sanctorum Patrum hoc dicta prohibent.* Ea resolutio, uti solida, & gravis, scriptulum movit Abbati *Bonifacio*: ea de causa, quia ex veteris testamenti auctoritate probaverat suam Thesin. Ostendit autem *Rhabanus*, Christum ipsum veteris testamenti auctoritate saepissime usum ad varia dubia definienda: Deinde ex Canonibus Patrum, & Conciliorum ostendit, hos concordare testimoniis veteris testamenti.

Secundae Epistolae altera pars est de *magis artibus, & incantationibus, & superstitionibus*, quae doctrina non tantum saeculo nono, sed hoc saeculo XVII. summe necessaria est: non quod quisquam in Decesi nostra daemone invocet, sed superstitiones innumerae specie devotionis erga Deum, & sanctos illicitae misellam plebem seducunt ad innumeras nugas, adeo, ut non sat saepe contra has superstitiones eradicandas praedicari queat.

#### §. VI.

*Quot, & quae Synodi in causa Bremensis Ecclesiae, subjectae sub Colonienſi Metropolitana, celebratae fuerint?*

Cum nonnisi saeculo octavo Bremensis Ecclesia erecta fuerit intra provinciam Colonienſis diocesam, quae proxime ad septentrionem pertinebat, & videbatur omnes illic nascituras Ecclesias complexura; hinc mirum non est jus Colonienſis Metropolitanae in Bremensem novam Ecclesiam, ejusque Episcopum. Verum cum anno 782. S. Willehadus in Wigmodiam venisset, inde iterum pulsus anno 782. per Carolum M. Eresburgo in eandem partes relegatus fuit: anno 787. Wormatae Episcopus in Wigmodia consecratus, verosimillime ab Hildebaldo Colonienſi Archi-Episcopo; anno 789. obtinuit fundationem, & dotationem Ecclesiae Bremensis, subscribente Hildebaldo Arch. Colon. Archicapellano:

Anno 826. vel 827. in palatio vel Saltz, vel Ingelheim, denuo Ludovicus Pius susce-

pit consilium septentrionis Christo adjungendi. Anno 827. Hartaboldus Colon. Antistes navibus instructis novos Missionarios in Normanniam misit. Proficit missio: ampliatur. Anno 831. in conventu Aquisgranensi jussu Ludovici, Ansgarius consecratur primus Archi-Episcopus Hamburgensis; consentiente Willerico Bremenſi Episcopo, Suffraganeo Colonienſi, per Drogonem Metensem sacri palatii Archi-Capellanus; anno 834. expeditur diploma Ludovici Pii Imp., & dotatur Archi-Episcopalis Ecclesia Hammaburgensis donatione cellae Tournholsti in Comitatu Flandriae.

Defuncto Leuderico tercio Bremenſi Episcopo, anno 847. quum vastatione Nordmannorum admodum desolata esset Brema, Imp. Rex Ludovicus voluit unire duas Ecclesias Bremenſem & Hammaburgam, quo facilius sustentaretur S. Ansgarius, qui Hammaburgi erat consecratus Archi-Episcopus ante XVIII. annos, nempe ab 831. huic idem Bremenſem simul commisit Ecclesiam: ab eo die discordia inter Ansgarium & Colonienſem Metropolim, ac dein inter Ferdensem Episcopum: nam hic Regionem Transalbianam ad se pertinere contendebat.

Igitur in Concilio Moguntino primo sub Rhabano anno 847. haec conjunctio Ecclesiarum Hamburgensis, & Bremenſis, in persona unius Ansgarii ratificata fuit judicio Episcoporum, quos Rex Ludovicus confulerat: deinde actum de Waltgario Ferdensi Episcopo placandum. Sed necdum definitum, an Bremenſis Ecclesia Cathedralis prorsus supprimenda prae Hamburgensi Archi-Episcopali, quia Ansgarius eo titulo ordinatus fuerat; an contra eadem Bremenſis adhuc relinquenda, & sic relinquenda, ut Metropolita Colonienſis, ut ante fuerat, subiecta maneret? Haec controversia in Synodo Wormatiensi anno 858. decisa fuit, ut ex Remberto Biographo Sancti Ansgarii ostensum est.

Nicolaus Papa primus audito Salomone Constantienſi Episcopo, legato a Concilio Wormatiensi, & a Ludovico Germanico Rege, confirmavit unionem hanc duarum Ecclesiarum, cui Guntharius Colon. Metropolita in Synodo consenserat.

His ita constitutis, prout ex Synodis hoc Tomo relatis, ad suos annos constat, recludit controversia circa subjectionem Bremenſis Episcopi erga Metropolitam Colonienſem anno 890. 891. 892. quibus temporibus Hermannus Colon. Metropolita questus est apud Papam, Adalgarium Bremenſem deesse suo obsequio, & reverentiae erga Metropolim Coloniam. Papa utrumque Roman citat: quum vero Hermannus Colonienſis Romae non comparuisset, indixit Papa Synodum

nodum Wormatiæ, & Fulconi Remensi commisit examen causæ hujus: Wormatiæ anno 891. Synodus indicta, sed non celebrata, tum ob irruptionem Nordmannorum, tum ob varias mortes: Igitur Francofurti Synodus indicta fuit circa 892. cui & Hartho Archi-Episcopus Moguntinus, quem Papa ejusdem causæ inquisitorem constituebat, & Hermannus Colonienfis cum suis suffraganeis & forte Fulco Remensis, interfuere: decretumque ab omnibus, modum aliquem observantiæ debere Bremenfem Colonienfem, quod decretum Formosus Papa confirmavit, Epistola ad Adalgarium scripta, & hoc Tomo recitata pag. 385.

Hactenus Chronologia videtur stare sat firmo pede circa præcipuos cardines: quales sunt initium & consecratio Sancti Ansgarii in Hammaburgensem Archi-Epif. anno 831. quod post Lambecium in *Chronologia*, & *Austario libri primi rerum Hammaburgensium* p. 103. 104. *Echardus* & *Hagiographi Antwerpenses invidis argumentis demonstrarunt*.

Imperfectam conjunctionem Hamburgensis Ecclesiæ cum Bremenfi jam ab anno 847. defuncto Leuderico Bremenfi pauci adverterunt: uti & fuisse de ea tractatum in Synodis Moguntinis anni 848. 849. pauci viderunt: Lambecius de ea non meminit, nisi ad annum 858. & ad Bullam Nicolai I. confirmatoriam: Sed ipse Papa Nicolaus in sua Bulla narrat a morte Bremenfi Episcopi anno 847. defuncti, cogitatum fuisse a Ludovico Rege de hac conjunctione. Adamus Bremenfi, dicit a morte Bremenfi Regem contulisse Ansgario Bremenfem Episcopatum *cap. 24. Historiæ Ecclesiasticæ*: Addit multum temporis fluxisse, ex quo Bremenfem Episcopatum Beatus Ansgarius suscepit, antequam hoc a Papa Nicolao firmaretur. Nos decennium ponimus ab anno 847. ad 858. Biographus S. Ansgarii Rembertus in vita *cap. XIX. & XX.* testatur *plus uno* in Concilio tractatum fuisse hoc negotium: hæc Concilia nos statuimus 847. 848.

Tot igitur Synodales resolutiones in hoc Tomo primum comparent suo loco.

Tertia Synodus est Concilium Wormatiense anni 858. quod sua sede & anno dimovere conatur *CL. MANSI in supplemento Concil. Tomo I.* Contra Lambecium, & omnes hæctenus scriptores, & ad annum 864. pro vectum voluit. Jam præter notas libro huic asperfas ad Synodos huc pertinentes videamus argumenta *CL. MANSI*; cur ad annum 864. ab anno 858. Synodus Wormatiensis sit removenda? *Primo* statuit tria Concilia in hac causa acta fuisse: primum anno 857. Moguntia: alterum 858. forte Moguntia: ait, tertium Wormatiæ 864.

Quod hæc Synodi etiam in locis a *CL. MANSI* indicatis celebratæ fuerint, fundamentum dat Rembertus Biographus Sancti Ansgarii: verum; cur prima ad annum 857. protrahatur, non video: statim a morte Leuderici Bremenfi, Ludovicus Rex statuit, Ansgario egeno, & desolato conferre Bremenfem una cum Hammaburgensi, ad quam ecclesiam ordinatus & consecratus fuerat; quia vero eo sæculo insolens erat, unum duos Episcopatus possidere; scrupulus justus motus fuit Regi de hac conjunctione, & ideo Episcoporum Concilium requisivit. Est autem Leudericus mortuus 847. non ergo decem annos Rex expectavit, ut requireret Concilium Episcoporum ab 847. ad 857. sed proximo tempore anno 847. Moguntia: coacto Concilio, Procerum, & Episcoporum Concilium accepit pro conscientia suæ pace

Est igitur Mansi postularum contra omnem verosimilitudinem, quod Rex decennium expectaverit ad audiendam Episcoporum decisionem de conjunctione licita Ecclesiarum Cathedralium Bremenfi, & Hammaburgensi in una persona Ansgarii.

Secundum argumentum Mansi, ex verbis Remberti *multum temporis fuisse*, ex quo sedem Bremenfem gubernandam suscepit Ansgarius prius, quam autoritate Apostolica firmaretur, nil probat: Mansius ait intercessisse septem annos ab 857. ad 864. ego decem ab 847. ad 858.

Post hæc argumenta, Mansius recitat alia tria, in responsione ad Pagium, olim edita.

Primum est ex Bulla Nicolai I. data Indict. XII. *Ludovico Imp. anno suo quinto* ex chronista Saxone; sed ex Philippo Cæsare editore in *Tri-Apostolatu septentrionis*, ex Lambecio *ejus descriptore* legi poterat imperante piissimo Augusto Ludovico a Deo coronato magno Imperatore anno quinto decimo, indictione XII. quæ duæ notæ reapse concurrunt. Nam annus Christi 864. est Ludovici II. Imperatoris decimus quintus (si ab 849. computetur, quo pater Lotharius eum Imperii consortem voluit) & Indictio XII. eidem respondet.

Crantzius Metropol. L. I. C. 38. easdem notas habet.

Lambecius easdem notas descripsit, atamen ad annum 858. retulit diploma Pontificium.

Lambecius autem citra ullam præfationem notas temporis adscripti erroneas ait esse, & loco anni XV. reponendum annum III. loco Indictionis duodecimæ, sextam reponendam judicat.

Hagio-



Hagiographi ad diem III. Febru. stant in anno 858. Conc. Wormatiensis.

Quod autem Adamus Bremensis apud Pagium iudicat, Bullæ Pontificiæ additum fuisse annum Christi DCCCLVIII. non me movet : credo enim cum Mansio, hoc sæculo non fuisse numeratos annos æræ Christianæ in Epistolis Pontificum. Aliæ duæ causæ me impellunt, ut credam, notas temporis bullæ additas vel nullas fuisse, vel præsentibus esse falsas.

Post mortem Leuderici Ludovicus Germaniæ Rex, statim voluit conferri hanc Ecclesiam Bremensem vacantem Ansgario Hammaburgensi : sed conscientia remordente recurrit ad Episcopos, & eorum Consilio acquievit anno 847.

Walgarius Ferdensis Episcopus contra hanc conjunctionem protestatus est ob subtractam suæ Dicecesi Transalbam Regionem. Habetur Concilium, & placatur hic Episcopus anno 848. vel proximo anno 849. Anno 853. juxta *CROMBACHIUM*, sufficitur Guntharius in Cathedralam Coloniensem, quæ ob temporum infelicitatem, pro dolor! vacaverat : & putemus, hunc Archi-Episcopum decennio tacuisse de subtracta sibi anno 847. suffraganea sede Bremensi paulo ante suam evectionem ad Cathedralam nostram? Non sane tacuit; sed quamprimum ipse confirmatus fuit, apud Regem institit, & Wormatiæ tum a Rege, tum ab Episcopis, rogatus fuit, ut consensum suum daret huic conjunctioni Bremensis cum Hamburgensi, & subtractioni a Metropoli & Provincia.

Nunquam credam Guntharium undecim annis concoxisse hanc subtractionem : & cum Ludovicus Rex aliis, & suæ conscientiæ quamprimum fecerit satis, consultis Episcopis; cur Guntharii potissimam querimoniam ab anno 853. ad 864. rejecisset?

Alterum argumentum hausserat Cl. Mansi : quod hæc conjunctio facta fuerit *ultimo tempore vitæ* Sancti Ansgarii : sane ultimo tempore, sexennio nempe ante mortem, quæ anno 865. evenit : non enim solus penultimus annus vitæ dicitur ultimum tempus.

Tertium argumentum desumitur ex Responsis Nicolai I. datis Salomoni legato, relatis a *Baluzio Tomo V. miscellaneorum*.

Ego ante, de hac collectione quam cogitarem, descripseram pro mea notitia responsa Nicolai Papæ data Salomoni.

Quo sapius ea relego, eo confirmor magis in mea sententia, quod hæc a Baluzio in aliquo cod. Ms. reperta responsa, sint opusculum otiosi collectoris, & corruptoris,

qui gesta a Nicolao Papa ab 858. ad 867. colligere voluit : demum ea uni Salomoni legato data fuisse, imprudenter & imperite scripsit.

Pontifex Nicolaus, ut ex ejusdem Epistolis patet, singulis personis, & factis singulas scribit Epistolas, cum indicatione currente, ut literas ejus percurrenti patet. Cur jam hæc, tot, disparata variarum causarum responsa uni Salomoni Constantiensi committeret, qui nonnisi a Ludovico Germaniæ Rege missus fuit post Concilium Wormatiense pro causâ coniungendæ Ecclesiæ Bremensis cum Hamburgensi? Ipse Mansius adnotavit, nullum hæcenus vidisse tot munera & causas Salomoni delegatas fuisse, quos habentur in his capitulis responsionum ad legationem Salomonis.

Secundo Salomon soli Ludovico Germaniæ Regi subdebatur, non Lothario, non Carolo Calvo : quid igitur horum Regum causas Salomoni committeret?

3tio Lotharius, Adventum Metensem Episcopum, Rothaldum Argentoratensem, Theutgaudum Treverens., & Guntharium Romam miserat : quo ergo verosimili colore hos legatos præterit, & Salomoni onus committit?

Siccine Pontificem sapientissimum personas, tempora, causas in unum confundere, fusque deque miscere omnia, ut diversis legatis, regnis & causis debita responsa uni Salomoni det, & eum Romæ suspendat ab 858. ad 864. circa negotia, nil ad eum, nec ad ejus Regem Ludovicum pertinentia?

Ex his videbit, credo, sapiens crites, quam parum illa capitula Nicolai circa causas diversissimas pro tot diversis provinciis, uni Salomoni commissa & responsa, scribantur ab improvido collectore.

Maneat igitur ex Reimberti pene coævi scriptoris sententia, causam conjunctionis in Concilio Wormatiensi per assensum Guntharii definitam fuisse (quem conventum Schannatus in historia Wormatiensi ad annum 849. erronee refert) sed qui post conventum Salomon mitti potuit ad Nicolaum Papam, nonnisi anno 858. electum?

Annalista Saxo Eccardinus, *Tomo I. p. 196.* ad annum DCCCLVIII. refert : Eodem anno "Bremensis atque Hammaburgensis" parochiæ coadunatio facta est ultimo tempore S. Ansgarii ex autoritate Nicolai Papæ. Hermanni Corneri Chronicon, ab Eckharto Tomo II. editum, refert hanc coadunationem ad annum Christi 862. quem facit esse Ludovici II. Imperatoris quintum. Verum in Bulla Nicolai, quam Cornerus refert, narratur Ludovici Regis desiderium con-

conjungendæ Ecclesiæ Bremensis cum Ham-  
maburgensi in favorem Anſcharii, natum  
fuisse post defunctum diœcesanum Bremen-  
sem (anno 847) cur hoc desiderium usque  
ad annum 862. dilatatum fuit? Cum anno pri-  
mo Nicolai, vel primo Benedicti Antecessoris  
impleri potuisset, si Metropolitæ Colonien-  
sis, qui tum nullus extabat, teste Rimberto,  
consensus accessisset.

Ultimum Concilium in hac causa, denuo  
excitata, statuimus anno 892. Francofurti  
coactum fuisse, contra Synodographos, qui  
Triburiensi Concilio anno 895. hanc causam  
attribuerunt: sed Epistola Formosi Papæ  
dubium omne tollit, ut in notis diximus.

### §. VII.

#### *De Godeschalci damnatione in Con- cilio Moguntino.*

Godeschalcus nobilis Saxo erat, filius Ber-  
gni Comitis, sub Eigile Abbate a primis  
annis in Monasterio Fuldenſi secundum regu-  
lam S. Benedicti oblati & tonsus; ut  
discimus ex *Hincmaro L. de non trina Deita-  
te Sect. XII.* Rhabanus, Abbas ejusdem Mo-  
nasterii, literis eundem informavit, & vitæ  
Monasticæ per vota mancipavit.

Pertæsus forte hanc vitæ, aut præcep-  
toris severitatem, provocavit ad Concilium  
Moguntinum, ejusque præsidem Orgarium  
anno DCCCXXIX.: conquerens, se a Rha-  
bano Abbate ad monachi professionem ad-  
actum, & votum parentum de se puero fac-  
tum, ratum habere coactum. Orgarius cum  
aliis Episcopis querelam Godeschalci audiit,  
& eum a voto absolvit. Rhabanus vero ab  
hac sententia ad Ludovicum Imperatorem  
appellavit, cui ea de causa libellum suum  
de oblatione puerorum obtulit. *Hæc ex Cen-  
turiatoribus Magdeburgensibus refert Eckbar-  
tus. Rerum Francicar. historia L. XXVIII.*  
N. 273. Eandem rem nos ex Centuriatorum  
fide transcripsimus in hoc secundum volu-  
men pag. 54. Utrunque ignotum fuisse Cla-  
rissimo Natali Alexandro Ord. Prædic. *seculi*  
*IX. Dissertatione V.* de hoc Godeschalco mi-  
reretur quis in Doctore alias accurato &  
laudatissimo? nil enim aliud de ista pueritia  
Godeschalci meminit, quam eum fuisse ortu  
Germanum, & in Monasterio Augiæ  
divitis educatum fuisse in literis humaniori-  
bus, sed post in Orbacensi Monasterio Be-  
nedictino, Diœcesis Sueffionensis professum  
fuisse, & a Rigboldo Ecclesiæ Remensis  
Chorepiscopo contra regulas Presbyterum  
ordinatum fuisse: exinde profectum Ro-  
mam, per diversa Italiæ & Germaniæ lo-  
ca vagatum, ubique sui erroris semina  
sparsisse.

*Tomus II. Concilior. German.*

Eckhartus paulo aliter sentit de causa, ob  
quam ex Germania ad Orbacensē Monaste-  
rium venerit: sed parvi refert. Facta ulti-  
ma vagabundi per Italiā, & Germaniam  
nota sunt.

Nunc ad Synodi Moguntinæ anno 848.  
in ejus causa habitæ acta progrediamur.

Rhabanus, Moguntinus Antistes, ex  
literis Notingi Episcopi, seu Veronensis,  
seu Vercellensis, didicerat, Godeschalcum  
& in Italia, & variis aliis locis disseminasse  
errorem suum de gemina prædestinatione  
Dei ad vitam, & ad mortem.

Eundem Monachum, cum apud Ever-  
ardum Comitem, sive Marchionem Forojul-  
liensem, commoratus esset, idem venenum  
palam & in privatis colloquiis sparsisse, Rha-  
bano significatum fuerat.

Rhabanus, qui pueri indolem vanissi-  
mam, loquacissimam, ad novitates pruri-  
entem, olim noverat, scribit graves literas ad  
Notingum Episcopum, & Everardum Co-  
mitem, a Sirimondo Tomo II. ultimæ Ve-  
netæ editionis reculas, quibus literis tertius  
abire cogitur Godeschalcus. Demum Mo-  
guntiam advenit, promptus vel in Concilio  
errores suos tutari. Rhabanus eundem ad  
Concilium circa Kalendas Octobris 848. Pro-  
vinciale citat. Comparet, offert libellum,  
quo non solum venerandum & sanctum Præ-  
sulem Rhabanum arguit ob literas ad Notin-  
gum datas, sed eundem veluti Semipelagianum  
tradueit, in quæstionibus de libero ar-  
bitrio, cum Gennadio sentientem, & de  
voluntate Dei salvandorum hominum, ac re-  
demptione sanguinis Christi pro omnium  
salute effusi.

Rhabanus, alique Archi-Episcopi, &  
Episcopi, & Abbates, libello inspecto ho-  
minem examinant, impugnant, & convin-  
cunt erroris, sed quia contumacem & incor-  
rigibilem deprehendunt, damnatum remit-  
tunt ad suum Monasterium, & Metropoli-  
tam Hincmarum, duplici cautione: I. Ut  
juramento firmet, nunquam se in regnum  
Germaniæ, Ludovicique rediturum. II. Ro-  
gant Hincmarum, ut eum recludat in Pa-  
rochia sua, nec finat eum amplius errorem  
disseminare, ac seducere populum Christia-  
num.

*Maillon. Annal. Benedictin. Tomo II.*  
pag. 681. 682. ad annum 848.

Hæc sunt, quæ ad Germanica duo Con-  
cilia in causa hujus miserabilis hæretici habita-  
ta spectant; de cætero gesta in Gallia, &  
Conciliis Gallicis, quosve ibi repererit pa-  
trones, quos censores, lege fis in *Disserta-  
tione V. Clarissimi P. Natalis Alexandri in*  
*Sæculum IX. Christianum.*



Epitomen de reliquæ vitæ Godeschalci. In Synodo Carisiacensi sub Carolo Calvo fuit denuo productus, interrogatus: & quia, uti in Moguntina Synodo, pertinax in errore, incorrigibilis inventus fuit, honore presbyterali dejectus, & pro sua irrevocabili contumacia secundum leges Concilii Agathensis, & regulam S. Benedicti, ut improbus, virgis cæsus, & sicut decreverunt Germaniæ Provinciarum Episcopi, ne aliis noceret, in ergastulū reclusus fuit. Perrexerat tamen scribere, & varias confessiones sui erroris protrudere, ab aliis confutatas, a nonnullis defensas. Ecclesia Lugdunensis nunquam ejus errori favit, etsi errore facti nonnihil patrocinata sit Godeschalci locutionibus, ait *Natalis Alexand. loc. cit.*

Denum morte instante misit ad eundem Hincmarus formulam Catholicæ fidei subscribendam, attestans, ut erroribus renuntiaret, nisi veller Sacramentis & sepultura Ecclesiastica privari. Frustra fuit optimus Præsul: noluit ab errore discedere, & sine communione corporis Domini mori prælegit: & sic indignam vitam digna morte finivit, & abiit in locum suum.

*Hincmarus L. de non trina Deitate.*

Clarissimus Mauguinus, Præses in Curia Monetarum, malæ Godeschalci causæ patronum agit: & primo causatur, Rhabanum judicem esse non potuisse, quia nemo in propria causa sit iudex.

Quis ergo, si hic Archi-Episcopus & Caput Concilii Nationalis, iudex esse non potuit? An Præses Curie Monetariæ post decem sæcula iudex competens sit in causa, Ecclesiæ, & hæreses concernente? Deinde causa Godeschalci non spectabat personam Rhabani, sed totam Ecclesiam Dei, & Regnum Catholicum Ludovici Germaniæ Regis, uti causa Aarii spectabat ad Alexandrum, & ad omnes Episcopos Concilii Nicæni: uti causa Pelagii spectabat ad S. Augustinum, & omnes Patres Concilii Millevitani. Episcopi sunt proprii iudices eliminandarum e sua Diocesi hæresion, a quocunque in-vel extraneo fuscitentur.

*Secunda exceptio.* At Concilium Moguntinum fuit potius placitum Regium, quam Concilium Ecclesiæ.

Ignorat Mauguinus mores Sæculorum octavi & noni, in quibus Concilia etiam Ecclesiastica, & de rebus sacris habebantur coram Regibus, Episcopis, & Optimatibus: non quod Reges & Comites sibi arrogarint iudicium de rebus fidei dijudicandis (contrarium ostendimus *Tomo I. in Conciliis Francofordiensi & Moguntino, annis 812. & 794.*) uti Mauguinus Laicus, & Curie Monetariæ Præses, Concilii & Episcopis se superiorem iudicem, sua, id est, nulla

auctoritate ostentat; sed, ut protegerent Ecclesiam, & decreta Episcopalia Conciliorum executioni mandarentur, demum ut hæreticos contumaces terrore, aliisve pœnis coercerent, & si vellent, ad sanam mentem reducerent. Nihil ergo præsentia Regis & Procerum obstat, quin Concilium Moguntinum anni 848. fuerit vere *Ecclesiasticum Concilium*.

*Tertia exceptio* Mauguini contra hoc Concilium est, quod in eo non fuerit servata forma iudicii Ecclesiastici: Godeschalcus potius repulsus, quam iudicatus fuerit, ut *Amplius Fuldenses, & Flodoardus L. III. Historia Ecclesiastica dicunt.*

Respondeo, huic calumniæ contrarium evidenter patere, non solum ex literis Rhabani & Hincmari, sed primo ex Annalibus Fuldensibus, editis a Frehero. Hi enim ad annum hunc dicunt: "Godeschalcus quidam Presbyter de Prædestinatione Dei prave sentiens, & tam bonos ad vitam, quam malos ad mortem perpetuam inevitabiliter a Deo prædestinatos esse affirmans, in Conventu Episcoporum RATIONABILITER, ut plurimis visum est, convictus, & ad proprium Episcopum Ingumarum Remis transmissus est.

Ildo. Flodoardus Lib. III. Historiæ Remensis Cap. XIV.

"Godeschalcus a suo Monasterio irregulariter exiens, peragratis regionibus plurimis, & exitiosa femina safor pessimus seminans, tandem in Moguntina civitate habita Synodo, & Rhabano Archi-Episcopo libellum sui erroris porrigens, damnatus ab omnibus Germaniæ Episcopis, cum literis synodalibus ad Metropolim Remorum, cui auctore Domino præeram (*Hincmarus*) est remissus.

Ecce ipse Hincmarus fatetur Godeschalco copiam datam libelli porrigendi Patribus: Patres libello viso eundem condemnasse: fuit ergo reus auditus, licet invectando ore proscidisset Rhabanum, sanctum & eruditissimum Archi-Episcopum, a quo puer institutus fuerat; & nihilominus auditus, convictus, sed ob contumaciam damnatus, & suo Metropolitæ puniendus remissus. Quid hic deest formæ iudicii Ecclesiastici?

Sed Epistola synodalis, iussu Regis Ludovici a Rhabano cæteris Archi-Episcopis & Episcopis scripta ad Hincmarum, quam edimus pag. 163. plane os occludit Mauguino: nam in ea narrat Sanctus Archi-Episcopus, Godeschalcum auditum fuisse, dein incorrigibilem repertum, hoc est, nullis rationibus, nulli auctoritati Divinæ, nec Ecclesiasticæ, nec Regiæ cedentem, remissum fuisse Remos, & perpetuo exilio e Germanicis ecclesiis, uti membrum pestilens, relegatum fuisse.

Hæc

Hæc sufficiunt confutando Manguino, & Janfenio, & omnibus prædestinarianæ hærefeos refuscitatoribus ac patronis : quibus nos Catholici omnes Semipelagiani & Massilienses videmur.

## §. VIII.

*De Conciliis in causa divortii Lotharii Regis & Theutbergæ.*

**L**otharius, Lotharii Imperatoris Filius, Caroli Magni nepos, Regnum Lotharingæ obtinebat, in quo hi episcopatus erant: Trevirensis, Colonienfis, Metensis, Virdunensis, Tullenfis, Tungrenfis, Trajectensis ad Rhenum, Argentoratenfis. Germaniæ Regnum possidebat Ludovicus, Galliæ Occidentalis Regnum Carolus Calvus, uterque Patruus junioris Regis Lotharingi, & fratres Lotharii Imperatoris. Anni 843. mense Augusto, hi tres fratres conveniunt Virduni, ubi Ludovico cessit Germania omnis usque ad Rhenum, Lothario primogenito Imperatoris præter Italiæ regnum, Francia inter Rhenum, Scaldim, usque ad Ararim Rhodanum influentem: Carolo Calvo reliqua Gallia Occidentalis. Post mortem Patris Lotharii Imperatoris anno 855, Lothario filio cedit Francia media, seu Lotharingia. Anno 856. Theutbergam ducit Reginam legitimis nuptiis. Anno 857. Waldradæ amore implicatur, qui amor eo exarsit, ut de ea ducenda, ac Theutbergæ repudianda cogitaret. Non desuere regis injustis amoribus adulatores: & ut aliqua specie honesti hoc divortium coloraretur, inierunt Theutbergam cum fratre Huberto olim copulam incestam habuisse, sed hausta potione fœtum depulisse aut exinxisse: ob hoc infandum crimen thoro regio indignam esse.

Regina Theutbergæ facinus negavit, & obtulit judicium *aquæ ferventis*: quod purificationis genus hoc Sæculo nondum damnatum erat: misso nomine suo viro, qui illæsus ex aqua fervente exiit, unde Reginæ innocentia censebatur *Dei judicio* comprobata. Hæc ex Hincmaro discimus, qui librum eruditum scripsit *de divortio hoc attentato*, Rex nihilominus persistit in Consilio impio: & ut facultatem obtineat faciendi divortii, Episcopos Regni sui convocat, qui anno 860. ad *Aquisgranum* vocati, duplicem Synodum celebrarunt, primam Januario, alteram Februario pag. 246. 247.

In prima, audita accusatione Theutbergæ, judicaverunt, tali crimine fœdatam permanere non posse in thalamo regio: in altera cum Reginam ipsam de accusationis veritate

percontati essent; hæc impatientia & tædio victa, se ream falsâ, publicæ pœnitentiæ addicitur.

Nemo, pro dolor! inter tot Episcopos fuit, qui calumniæ impactæ falsitatem dēgere, aut Regis Lotharii verbo unico libidinem coercere ausus fuisset, nullus Narhan, nullus Joannes.

Anno 862. Indiēt. X. XIV. Kalend. Maji denuo similis formæ conciliabulum indicitur ad eandem Regiam urbem Grani. In quo Rex libellum appellationis offert, professus suam incontinentiam, & licentiam alterius uxoris ducendæ flagitabat. pag. 268. Guntharius Agrippinensis Archi-Episcopus, & Palatii Regii Archi-Capellanus, qui Waldradæ pellicis agnatus, aut patruus dicebatur, (a) facile ratiunculas aliquas corrafit ex falsis scripturis, & Patris unius sententiis, quæ secundas nuptias Regi licitas, sibi videbatur probare. Theutgaudus Treverensis Archi-Episcopus, vir simplex, nec admodum peritus canonum, testatus, Lotharium, siquid cum Waldradæ concubina peccasset, id secretis & jugibus lacrymis, macerationibus carnis, & eleemosynis expiatum fuisse, splendide mentitus est. Verbo: hi Episcopi faciunt Regi licentiam Theutbergæ repudiandæ, & Waldradæ ducendæ. Rex Waldradam coronat, & uti Reginam ducit. pag. 265. 266. 269.

Theutbergæ ab omnibus derelicta, Nicolaum I. Papam appellat. Is cognita causa, & injuria gravissima Reginæ, & scandalo toti regno dato, indixit Synodum Metis in regno Lotharii: misit legatos e latere suo, duos Episcopos Rodoldum Portuensem, & Joannem Ficoctensem, eosque *commonitorio* instructos docet accurate, quid agendum in hoc Concilio esset. pag. 278. Ex appendice Epistolarum Nicolai, Ep. 2. *Bini Concil.* Tom. III.

Scribit insuper literas ad Lotharium Regem pro Synodo in hac causa congreganda in regno suo, pag. 279. Est hæc *XVII. Tomo III. Conciliorum Bini parte II.* inter septuaginta Nicolai Epistolas.

Eidem injungit, ut duos de regno suo adjungat Ludovico II. Imperatori: commendat legatos ad Synodum ituros, Epistola XIX. Carolo Calvo scribit pro duobus Episcopis mittendis ad Concilium. *Pag.* 280.

Idem Pontifex scribit omnibus Archi-Episcopis per Galliam & Germaniam constitutis, ut ad Synodum Metis celebrandam accedant, & Lotharii divortium prætendentis causam examinent. *Ep. XXII. pag.*

(a) Annales Metenses neptim Guntharii faciunt. *Du Chesno Tom. III. Scriptorem Franciæ pag.* 367.



pag. 281. Deinde Epist. XXIII. scribit omnibus Reverendissimis, & Sanctissimis Archiepiscopis confratribus suis, & Episcopis in Concilio Metensi residentibus, ut causam Theutbergæ dijudicent, & acta Concilii ad se mittant. pag. 282.

Nicolai tot ac tantæ curæ omnes elusæ fuere. pag. 283. Fuit quidem Metis indicta Synodus & celebrata, sed nulli alii Episcopi interfuere (præter duos Legatos) quam qui in tribus præcedentibus Conciliis Aquigranensibus comparuerant: literæ ad reliquos Reges, & Episcopos vel celatæ, vel retentæ: legatis os oblitum, recantatis iis, quæ in antecedentibus Conciliabulis conficta erant, & manus auro delibutæ.

Acta Concilii Metensis Romam delata a duobus Archiepiscopis Treverico, & Colonienfi, & Adventio Metensi, una cum apologia: quæ omnia hoc Tomo impressa leges pag. 284. 285. 286.

Pontifex iusta ira commotus adversus Legatos prævaricatores sui officii, & Episcopos, Synodum Romæ cogit, acta Conciliorum Aquis, & Metis, & Adventii, & Guntharii, & Theurgaudi scripta legit, examinat, dijudicat, & dignam suam sanctitate sententiam fert iudex intrepidus, hoc eodem anno 863. Eam leges pag. 287. hoc Tomo. Constat quinque partibus:

§. 1. Aboler Synodum Metensem, ad ultervis faventem, adeoque potius prostruendam, quam Synodum, vocitandum.

§. 2. Theurgaudum, & Guntharium, qui propriis manibus scripta obtulerant, & a se gesta confessi erant, iudicat ob omni sacerdotali officio permanere penitus alienos... omni Episcopali regimine exutos... Spiritus Sancti iudicio, & Beati Petri auctoritate. Si quid sacro ministerio contingere audeant, nullam spem restitutionis in alia Synodo superesse.

§. 3. Episcopos complices eidem pœnæ addicit, si cum his duobus conspiraverint; secus, si Apostolicæ Sedis decretis parituros se professi sint.

§. 4. Bosonis uxorem Ingeltrudem, jam dudum vagam, relicto marito, iterato anathemate ferit; nisi citius ad Bosonem, aut ad Apostolicam Sedem, satisfactura veniat.

§. 5. Decreta, dogmata, mandata, interdictiones, sanctiones pro Catholica fide, pro Ecclesiastica disciplina, pro correctione fidelium a Pontifice promulgata, jubet observari sub pœna anathematis.

Exautorati duo Archiepiscopi Beneventurum ad Ludovicum II. Lotharii Regis fratrem, se conferunt: queruntur læsum fratrem, Impe-

ratores, & Archiepiscopalem gradum, & falsis querimoniis Imperatorem ad ultionem excitant. Hic illico armata manu Romam petit, ut Pontificem cogat ad duos Metropolitans pristino gradui restituendos: ab Imperatoris militia Clerus, & plebs Romana variis injuriis pulsati fuere. Papa post adhibitas preces, & jejunia aufugit: satellites Cæsarei divinitus puniti: ipse Imperator febre correptus fuit. Quare abstinuit ab ulteriori bello, & duos Archiepiscopos in Germaniam redire iussit. Edidere hi *Apologiam* contra Papam, iudicem suum legitimum, verbis atrocibus, & indecentibus conceptam. pag. 289. Sed totius orbis Catholici Episcopi, uti Conciliabulum Metense, sic ejus membra, & Canonum omnium violatores, detestati sunt.

Interea Papa, literis quaquaversum scriptis, Episcopos de iustissima condemnatione tum horum Episcoporum, tum Waldradæ, Ingeltrudis, & complicum edocuit.

Ex membris Concilii Metensis duo resipuerunt, Adventius Metensis, & Franco Tungrensis. Utrumque penitentem Nicolaus lubens in gratiam recepit, & veniam concessit. *Legi apud Binium appendicis Epistolarum Nicolai Papæ Ep. IV. in hoc Tomo pag. 299. 300. 301. 303. 304*

Non contentus Epistolis, ad Episcopos, & Reges scriptis, ut Lotharium adigant ad recipiendam Theutbergam, mittit secunda vice Legatum in Germaniam & Lotharingiam, *Arsenium Hortensem Episcopum*, qui salutatis Ludovico Germaniæ, Carolo Calvo Galliæ, Regibus, & literis credentialibus demonstratis, demum ipsum Lotharium, adhuc fordescentem in pellicatu Waldradæ, aggreditur tanta auctoritate & felicitate, ut coegerit eundem ad recipiendam Theutbergam ritu Regio nuptiali, & Waldradam Romam ire compulerit: quod iter hæc incepit quidem, sed mutata mente legatum fefellit, & remeavit in Galliam. pag. 295.

Ex actis Arsenii apud Reges *Cl. Mansi* Concilia facit: sed aliud nil erant, quam mera executio Concilii Romani anni 863.

Episcopi in Romana Synodo suspensi, parvere sententiæ vindici, præter Guntharium Coloniensem, qui anno proximo in Cœna Domini Coloniam veniens, Missas celebrare, & sacrum chrisma conficere, ut homo sine Deo, præsumpsit. *Annal. Berti-niani ad hunc annum, Tomo III. Duchesne p. 220.*

Pontifex, hoc facto jure excitatus, processit ad solemnem excommunicationem horum duorum Archiepiscoporum, quam tulit verosimiliter anno proximo; uti minatus erat

erat anno 864. Certe anno 863. ab officio excommunicatos eos in Synodo Romana edixerat Nicolaus.

Anno 866. Waldrada Romæ in Basilica Sanctæ Dei Genitricis a Papa excommunicatur, & id notificatur Epistola, ad Episcopos per Germaniam & Galliam sparsa.

Undique derelicti, secunda vice Romam adeunt Episcopi, sed spes restitutionis denegata. Aliam viam ergo ineunt, & a Ludovico Imperatore impetrant, ut Synodum ex Regni sui Episcopis convocet, intercessuris pro his duobus.

Ea indicta fuit & coacta *Ticini*: & nunc prima vice prodit. Interfuerunt Archiepiscopi, Tado Mediolanensis, Rollandus Arelatensis, Arpertus Ebreduensis, & cæteri Liguriæ, & Provinciæ Episcopi, quorum literas, & acta Synodi exhibemus nunc prima vice ex cod. MS. Metropolitane Colonienfis ecclesiæ: *Legatur pag. 327.* epistola Synodalis hujus Concilii extat pag. 331.

Cl. Mansi recte suspicatus erat, Synodum celebratam in hac causa, pro restituendis depositis excommunicatis: & cum locum nesciret, opinatus est, Romæ, vel in monte Cassino coactam, ediditque orationem anonymi, in hac Synodo dictam. *Supplementi Concilior. Tomo I. pag. 1095. & seqq.* Sed Ticini in urbe Liguriæ ea coacta fuit.

Quibus actis, & literis acceptis, Pontifex rescripsit primo ad Ludovicum Germaniæ Regem, qui depositorum Archiepiscoporum patrocinium susceperat. Vid. pag. 333.

Alteram scripsit Epistolam ad Episcopos, in hoc Concilio Ticinensi intervenientes: eorum postulationem rejicit, & sui processus contra hos duos Archiepiscopos depositos, Regem Lotharium, & Waldradam adulteram, solidissimas rationes reddit. Vid. pag. 334.

Omnibus his machinis, invicta Nicolai I. constantia dissipatis, nondum acquievit Lotharii animus, semper ad Waldradam propensus.

Scribit igitur ultimo rursus ad Nicolaum: non satis auditum se queritur: orat, ne calumniantibus suam vitam, aures det: Monomachiam offert pro dijudicanda veritate, aut falsitate divortii.

Ipsam Theutbergam adeo premit, ut hæc tentaverit coram Concilio Treverico, etiam cum sui diffamatione, divortium petere.

Inde Romam adit Theutberga, ab ipsomet Pontifice idem vel divortium, vel separationem thori impetratura.

Pontifex nihil his motus, rescribit Lothario, ut Theutbergam legitimam conjugem habere pergat, Waldradam a se denuo excommunicatam ejiciat: separationem concedi non posse, nisi ipse nuptiis renuntiet: Monomachiam non esse remedium necessarium, nec ordinarium, imo jure multis tentationem Dei videre. Lege pag. 346. 349.

Idem scribit Pontifex ad Carolum Calvum, ad Ludovicum Germaniæ Regem, ad Episcopos in ejus regno constitutos. pag. 352.

Hactenus acta & scripta pertinent ad executionem Concilii Romani anni 863: quæ deinceps extra Concilia acta sunt usque ad obitum infelicem Lotharii Regis, breviter pertexo.

Defuncto Nicolao PP. Idibus Novembris anno 867. & suscepto Hadriano II. XIX. Kal. Januarii anni ejusdem, Lotharius gratulatorias ad hunc dedit, & licentiam adeundæ Romæ petit.

Respondit Pontifex, quod Theutbergam, matrimonii dissolutionem postulantem, ad Regem Lotharium redire jussit, donec res Synodo finiretur: Waldradam, quæ resipuisse dicebatur, Ludovico II. Imperatore rogante, communioni restituit ea conditione, ne ad Lotharii thalamum rediret: idem Germaniæ Episcopis significavit.

Lotharius demum Romam profectus, ab Hadriano benigne susceptus fuit, & cum spondidisset, se esse innoxium a scelere adulterii cum Waldrada, nec ullo die vitæ ejus concubitu usurum, accepit de manu Pontificis Sacramentum Corporis & Sanguinis Domini: Idem Proceres sponderunt, & Eucharistiam de manu Pontificis sumpserunt.

Verum sacrilegæ sumptionis & mendacissimæ sponfionis tam Rex, quam Proceres graves & evidentes poenas luerunt, eodem anno mortui. Tanta autem strages in Regis Lotharii populo facta est, ut non peste periiisse, sed hostili gladio corruisse virtus, & nobilitas totius Regni Lotharingici videretur.

*Annales Metenses ad annum 869.*

*Regino in Chronico ad eundem annum,* quorum errores in Chronologia, & serie Synodorum huc pertinentium, texenda, P. Natalis Alexander, & nos in Notis observavimus.

*Finis Digressionis ad Sæculum Nonum.*





## SÆCULUM DECIMUM.

INCIPIT LIBELLUS <sup>(a)</sup>

## DE ECCLESIASTICIS DISCIPLINIS

ET RELIGIONE CHRISTIANA, COLLECTUS EX JUSSU DOMINI  
METROPOLITANI RATHBODI TREVERICÆ URBIS EPISCOPI, a RE-  
GINONE, QUONDAM ABBATE PRUMIENSIS MONASTERII, EX DI-  
VERSIS SANCTORUM PATRUM CONCILIIS, ET DECRETIS  
ROMANORUM PONTIFICUM, FELICITER IN DEI  
NOMINE. AMEN.

*Incipit Inquisitio de his, quæ Episcopus, vel ejus Ministri, in suo districtu  
vel territorio inquirere debeant per vicos, pagos, atque  
parrochias suæ Diœceseos.*

1. **I**N primis inquirendum est, in cujus Sancti honore consecrata sit Basili-  
ca, vel a quo fuerit consecrata. Post  
hæc ipsa Ecclesia circumspiciatur, si bene  
sit cooperta, atque camerata, & ne ibi  
columbæ, vel aliæ aves nidificent, prop-  
ter immunditiem stercoreis, sive importu-  
nitatis inquietudinem.
2. Quo metallo sint signa ipsius Ec-  
clesiæ.
3. Si scenum, arthrona, aut tale ali-  
quid in Ecclesia mittantur.
4. Deinde ad altare accedere oportet,  
& contemplari, qualia sint indumenta  
ejus, quot nova, & quot vetusta, &  
qualiter nitida.
5. Quo metallo sint capsæ & cruce  
coopertæ, aut si diligenter reconditæ sunt  
reliquiæ in altari, aut si ipsæ capsæ feris  
& clavis munitæ sunt.
6. Quo metallo sit calix & patena,  
& si mundus sit ab omni sorde, aut ubi  
reponatur.
7. Si corporale ex mundissimo &  
nitidissimo linteo sit, & ubi recondatur.
8. Si locus sit in Secretario, aut jux-  
ta altare præparatus, ubi aqua effundi  
possit, quando hæc abluntur, & si vas  
ibi dependeat, ubi Sacerdos manus lavet  
post perceptionem corporis & sanguinis  
Domini, & Presbyter, Diaconus, aut  
Subdiaconus ibi primo corporale lavet.
9. Inquirendum, si pyxis semper sit  
super altare cum sacra oblatione ad via-  
ticum infirmis.
10. Si Missalem <sup>(b)</sup> plenarium, Le-  
ctionarium, & Antiphonarium habeat.  
Nam sine his Missa perfecte non cele-  
bratur.
11. Videndum etiam, quot alii li-  
bri ibi sint, & an bene sint <sup>(c)</sup> retiati,  
quot & qualia vestimenta sacerdotalia ibi  
sint, & si sint nitida, aut in nitido loco  
collocentur.
12. Requirendum de luminaribus  
ipsius Ecclesiæ, & quot cerarios habeat.
13. Investigandum, si habeat ipsa  
Ecclesia mansum habentem bonvaria  
duodecim, præter cimiterium, & curtem,  
ubi Ecclesia, & domus Presbyteri con-  
tinetur, & si habeat mancipia quatuor.

14.

<sup>(a)</sup> Scriptus est hic Libellus Sæculo nono exeunte DCCCXCIX, quo Regino Abbas e suo  
Monasterio Prumiensi dejectus fuit, & a Rathbodo Archiep. Treverico Rector Mo-  
nasterio S. Martini, quod restaurabat Archi-Episcopus, constitutus fuit: sub-  
inde in S. Maximini Monasterio privatam vitam agens, Libris scribendis Sæculo  
decimo oriente vacavit, ibidem tumulatus. *Browerus Tomo I. Annal. Treverens.*  
pag. 442.

<sup>(b)</sup> forte: Psalterium, ut in Capitulis Walterii Aurelian. C. 7.

<sup>(c)</sup> Editio Helmæstad- & Hincmar. *recitati.*

14. Quot mansos habeat ingenuiles, & quot ferviles, aut accolas, unde decima reddatur.

15. Considerandum etiam, si atrium Ecclesiæ sit sepe munitum, ne aliqua immunditia polluat.

*De vita & conversatione  
Presbyteri.*

16. Inquirendum, si Presbyter celam habeat juxta Ecclesiam, aut suspiciosa in circuitu ostiola sint.

17. Si suspiciosus de aliqua femina sit, aut in sua domo aliquam subintroductam habeat mulierem.

18. Si visitet infirmos, si eos reconciliet, si eos unguat oleo sancto juxta Apostolum: si eos propria manu communicet, & non per quemlibet laicum. Si tradat communionem laico, aut feminae, ad deferendum infirmo, quod nefas est.

19. Si pro baptizandis infantibus, pro infirmis reconciliandis, vel mortuis sepeliendis præmium vel munus exigat.

20. Illud super omnia percrutandum, si fine baptismo per negligentiam Presbyteri aliquis infans in parrochia mortuus est.

21. Si per domos extra Ecclesiam Missam cantet.

22. Si sit ebriosus vel litigiosus.

23. Si arma ferat in seditione.

24. Si canum aut avium jocus deserviat.

25. Si in tabernis bibat.

26. Si Clericum habeat; qui legat Epistolam vel lectionem, & qui ad Missam respondeat, & cum eo Psalmos cantet.

27. Si nocturnis horis ad matutinas laudes persolvendas omni nocte surgat.

28. Si primam, tertiam, sextam, nonam certo tempore signo Ecclesiæ denuntiet, & cursum debitum cantet.

29. Si Missarum solemnia non ante horam tertiam celebrentur.

30. Si Presbyter, quod absit, postquam cibum aut potum sumperit, Missam celebrare præsumat.

31. Si Thuribulum habeat, & incensum in Sacrificio Domini offerat.

32. Si verbum Domini populo annuntiet.

33. Si tempore statuto, id est, circa horam tertiam diei, Missam celebret, & post hæc ad medium diem jejundet, ut hospitibus, arque peregre venientibus, si necesse fuerit, possit Missam cantare.

34. Si curam pauperum ac peregrinorum, & orphanorum habeat, eosque juxta possibilitatem suam ad suum prandium invitet.

35. Si aquam benedictam omni die dominico ante Missarum solemnia faciat in vase nitido, & tanto ministerio convenienti, de qua populus intrans Ecclesiam, & stans in Ecclesia aspergatur.

36. Si calicem, patenam, vel vestimentum sacerdotale, aut librum præsumat tabernario, vel negotiatori in vadium dare.

37. Si Xenium, vel quodcunque emolumentum temporale, imo detrimentum spirituale, a quocunque publice peccante, vel incestuoso accipiat, ut Episcopo, vel ejus ministris, peccatum illius reticeat.

38. Si aliquem minus digne poenitentem, favoris, aut familiaritatis, aut consanguinitatis gratia ad reconciliationem adducat, & ei testimonium reconciliationis ferat.

39. Si quando ad anniversarium diem tricesimum, septimum, vel tertium alicujus defuncti vocatus fuerit, se inebriare præsumat, & precari in amore sanctorum vel ipsius animæ bibere, vel alios ad bibendum cogere, vel se aliena precatatione ingurgitare, & plausus, & risus inconditos, & turpia joca & cantus indecentes facere præsumat.

40. Si nihil patrimonii habens, quando provectus est ad dignitatem Ecclesiasticam, postea emit prædia, cujus juris sint.

41. Si usuras exigat, & conductor senioris exiit.

42. Si Missam cantat, & non communicat.



43. Si feminam ad Altare permittat accedere. Et, quod non licet, calicem Domini tangere.

44. Si per pecuniam fuerit ordinatus, vel ipsam, in qua cantat, pretio obtinuerit Ecclesiam.

45. Si aliam ante habuerit Ecclesiam, & ea dimissa, ad aliam quæstus causa migraverit.

46. Si plures teneat Ecclesias sine aliorum Presbyterorum adiutorio.

47. Si in alterius parrochia Missam cantat, absque Compresbyteri voluntate vel rogatu.

48. Si decimam ad alterum pertinentem recipit.

49. Si penitentem invitat carnem manducare, bibere vinum, nisi pro eo ad præsens elemosynam fecerit.

50. Si cartas scribat, vel sui senioris conductor existat.

51. Si indifferenter baptizet.

52. Si non habet fontes lapideos, vel aliud vas, ad hoc præparatum, in quo nihil aliud fiat.

53. Si orationem Dominicam, & symbolum omnibus suis parrochianis in sinuatum habeat.

54. De Litanis majore.

55. De rogationibus.

56. Si jejunium quatuor temporum anni plebi omnimodis observandum adnuntiet.

57. Si feria quarta ante quadragesimam plebem sibi commissam ad confessionem invitet, & ei juxta qualitatem delicti penitentiam injungat, non ex corde suo, sed sicut in penitentiali scriptum est.

58. Si tribus temporibus anni, id est, Natale Domini, Pascha, & Pentecosten, omnes fideles ad communionem corporis, & sanguinis Domini accedere admoneat.

59. Si illud etiam admoneat, quibus temporibus conjugati se abstinere debent a propriis uxoribus.

60. Ut nullus Clericus ad nuptias pergat.

61. Si de oblationibus, quæ a populo offeruntur die Dominico, & in

diebus festis, expleta Missa, eulogias plebi tribuat.

62. Si sine stola vel orario in itinere incedat.

63. Si postponens Clericalia vestimenta, laicalibus utatur indumentis.

64. Si aquam cum vino misceat in sacrificio Domini.

65. Si expleta Missa reliquum corporis, & sanguinis Domini ipse Presbyter cum timore, & reverentia sumat. Et si Diaconum aut Subdiaconum non habet, ipse manu propria calicem & patenam abluat atque abstergat.

66. Si absque alba, aut cum illa alba, qua in suos usus quotidie utitur, Missam cantare præsumat.

67. Si de decimis quatuor fiant portiones.

68. Si rem Ecclesiæ, aut possessionem, aut mancipium vendere, commutare, aut quocunque ingenio alienare præsumpserit.

69. Si diem Dominicum, & alias festivitates absque opere servili a vespera in vesperam celebrare doceat.

70. Si plebem admoneat, ut in atrio Ecclesiæ nequaquam cantent, aut choro mulierum ducant, sed Ecclesiam ingredientibus verbum Dei cum silentio audiant.

71. Si carmina diabolica, quæ super mortuos nocturnis horis ignobile vulgus cantare solet, & cachinnos, quos exercent, sub contestatione Dei omnipotentis prohibeat.

72. Si offerentes instruat, ut candelam, vel quidquid aliud ad Altare deferre placuerit, ante Missam, vel antequam Evangelium legatur, offerant.

73. Oblationem autem unam tantummodo oblatam ad offertorium pro se suisque omnibus unusquisque offerat.

### *Quid sit a Presbytero requirendum.*

74. Postquam hæc omnia diligenter investigata fuerint, tunc ipse Presbyter ab Episcopo, vel ejus Vicario, percunctandus est.

75. Si ex ingenuis parentibus sit natus, aut ex servili conditione.

76. Si de eadem parrochia, aut de alia sit natus vel ordinatus.

77. Si sit de eadem parrochia, inquirendum est, a quo Episcopo fuerit ordinatus, vel ad quem locum pertulatus.

78. Si servus est, ostendat cartam libertatis.

79. Si de alia parrochia, ostendat literas commendatitias, quas formatam vocant.

80. Si ulla parte corporis est immixtus. Si se ipsum abscidit.

*Post hæc de ministerio sibi commissio inquirendum est.*

81. Si expositionem symboli atque orationis Dominicæ juxta traditionem orthodoxorum Patrum penes se scriptam habeat, & eam pleniter intelligat, & inde prædicando populum sibi commissum sedulo instruat.

82. Si orationes Missarum, præfationem quoque Canonis, & eundem Canonem bene intelligat, & memoriter ac distincte proferre valeat.

83. Si Epistolam & Evangelium bene legere possit, atque saltem ad litteram ejus sensum manifestare.

84. Si Psalmorum verba, & distinctiones regulariter ex corde cum canticis consuetudinariis pronuntiare sciat.

85. Si sermonem Athanasii Episcopi de fide Sanctæ Trinitatis, cujus initium est: Quicumque vult salvus esse: memoriter teneat, & sensum illius intelligat, & verbis communibus enuntiare sciat.

86. Si exorcismos, & orationes ad Carechumenum faciendum, ad fontem quoque consecrandum, & reliquas

preces super masculum, & feminam pluraliter atque singulariter distincte, & rationabiliter proferre valeat.

87. Similiter ordinem baptizandi ad succurrendum infirmis.

88. Ordinem quoque reconciliandi juxta modum sibi Canonice reservatum, atque unguendi infirmos, orationes quoque eidem necessitati competentes, si bene scit legere, aut memoriter enuntiare.

89. Similiter ordinem, & preces in exequiis atque agendis defunctorum.

90. Si memoriter teneat exorcismos, & benedictiones salis, aquæ.

91. Si cantum nocturnum atque diurnum noverit.

92. Si computum minorem, id est, epactas, concurrentes regulares, terminos Paschales, & reliquos sapiat.

93. Si habeat Martyrologium, ex quo certis diebus natalitia sanctorum populo adnuntiet.

94. Si habeat quadraginta homilias Gregorii, & eas studiose legat atque intelligat. Vel si eas habere non potest, vel sermonem prædicti doctoris de septuaginta discipulis, a Domino ad prædicandum missis, habeat, & diligenter legat & intelligat, & cognoscat, se ad formam septuaginta discipulorum in ministerio Ecclesiastico esse promotum.

95. Si habeat poenitentiale Romanum, vel a Theodoro Episcopo, aut a venerabili Presbytero Beda editum; ut secundum quod ibi scriptum est, interroget confitentem, aut confessio modum poenitentiae imponat.

*FINIT INQUISITIO.*

*Hæc que supra capitulatim inquirenda expressimus, auctoritate Canonica roborari oportet.*

*Ut Canonum Statuta sine præjudicio ab omnibus custodiantur.*

*Ex Concilio Meldensi, quod factum fuit temporibus Karoli junioris, anno Incarnationis DCCCXLV. Kalendis Julii. Indiæ VIII. Titul. X.*

**C**anonum (a) Statuta sine præjudicio ab omnibus custodiantur, &  
K k k

(a) Concil. Meld. c. 13. Burchard. Lib. I. c. 61.  
Tomus II. Concil. German.

nemo in actionibus vel judiciis Ecclesiasticis suo sensu, sed eorum auctoritate ducatur. In exponendis etiam, vel prædicandis Divinis Scripturis Sanctorum Catholicorum, & probatissimorum Patrum sensum quisque sequatur; in quorum scriptis, (b) ut Beatus dicit Hieronymus, fidei veritas non vacillat.

*Qua-*

(b) Hieron. in Epist. ad Lætiam.



*Qualem Ministrum Episcopus juxta  
se habere debeat.*

*Ex eodem Concilio. Tit. XI.*

II. Ut quisque Episcopus [c] talem juxta se pro viribus habere decertet, qui juxta sincerissimum & purissimum sensum Catholicorum Patrum, fide & observatione mandatorum Dei, seu & prædicationis doctrina Presbyteros plebium assidue instruat & informet, ne domus Dei vivi, quæ est Ecclesia, sine lucerna verbi Divini remaneat. Sed & isdem talis existat, quem amor pecuniæ non vexet, aut reprobi mores, & conversatio reprehensibilis contemptibilem reddat. Hinc est, quod cum Moyses querelam in conspectu Dei deponeret, se non posse portare tantum onus, quod ei fuerat impositum, audivit a Domino: *Congrega (d) mihi septuaginta viros de senioribus Israel, quos tu nosti, quod seniores populi sint ac magistri, & auferam de spiritu tuo, tradamque eis, ut sustentent tecum onus populi, & non tu solus graveris.* Quid in Moysæ, nisi summum Sacerdotium? quid in septuaginta viris, nisi Presbyteros accipimus? Quod autem Dominus auferit de spiritu Moysi, traditque eis, patenter ostendit, quod hi, qui ab Episcopo in Dei conspectu vocati sunt, ut secum onus populi sustentent, eadem, quæ Episcopus, sentire debent, eademque velle, & in partito sibi onere totis viribus cooperari. Hoc enim significat, quod non alium, sed ejusdem Moysi spiritum accipiant.

In Canonibus vulgatis Concilii Meldensis, pro eo, quod Regino & Burchardus habent: *Conversatio reprehensibilis contemptibilem reddat.* Legitur: *Conversatio reprehensibilis periculose devastet.* Quæ vero dein sequuntur apud Reginonem & Burchardum, non extant in Canone illo Concilii Meldensis.

*De eadem re.*

*Ex Capitulis Synodalibus Karoli Imperatoris.  
Tit. CIII.*

III. Episcopos (e) itaque moneamus, ut sive per se, sive per vicarios

pabulum Verbi Divini sedulo populis administrent: quia, (f) ut ait Beatus Gregorius, iram contra se oculi judicis excitat Sacerdos, si sine prædicationis sonitu incedit.

*Quod a Rege postulandum sit, ut  
Episcopi tempore opportuno ad  
ministerium sibi commissum  
vacare possint.*

*Ex supradicto Concilio. Tit. IV.*

IV. Ut (g) Regia magnificentia liberiorem libertatem Episcopis ad peragendum in eorum parochiis ministerium præster, quam hætenus propter diversas perturbaciones habuissent. Ipsi autem Episcopi concessum sibi otium non in suas voluptates, sed in Divinum & officiosum convertant negotium: quatenus studentes prædicationibus, correctioni, atque confirmationi, quod hætenus per parochias fuit neglectum, solerter de cætero sit emendatum.

*Ne Episcopi propter suam quietem  
negligant plebem sibi commissam.*

*Ex eodem Concilio. Tit. V.*

V. Providendum (h) est, ne Episcopi propter suam quietem ad remota loca secedentes, & suum ministerium negligentes, proprias deserant civitates; sed aut parochias suas cum officii efficacia circumeant, aut cum religione in suis civitatibus cum filiis suis degant. Presbyteros etiam sibi commissos doctrina, castitate, & sobrietate, atque hospitalitate secundum suum ministerium ornari compellant.

*De Episcopis, qui raro aut nunquam  
plebes sibi commissas per  
se ipsos visitant.*

*Ex eodem Concilio. Tit. VI.*

VI. Ut (i) quorundam Episcoporum reprehensibilis, imo damnabilis consuetudo omnimodis corrigatur, qui plebes sibi creditas, aut raro, aut nunquam per

(c) Concil. Meld. c. 35. Burchard. Lib. I. c. 88.

(e) Lib. I. Capitular. c. 109.

(g) Concil. Meldens. c. 28. & in Capitulis Caroli Calvi Tit. VI. c. 28.

(h) Concil. Meld. c. 28. Burchard. Lib. I. cap. 228.

(d) Num. XI.

(f) S. Gregor. L. I. Epist. 24.

(i) Concil. Meld. c. 29.

per se ipsos juxta ordinem Evangelicum, & Apostolicum, atque Ecclesiasticum visitant, cum Dominus dicat: *Speculatorem (k) dedi te domui Israel, & audies ex ore meo verbum, & admuntiabis eis ex me.* Et cætera, quæ Divinus sermo completur.

*Ut Episcopus ambulet per suam Diocesim.*

*Ex Concilio Bracarenfi. Tit. VII.*

VII. Placuit (l) omnibus Episcopis, atque convenit, ut per singulas Ecclesias, & Dioceses ambulantes primum discutiunt Clericos, quomodo ordinem Baptismi teneant, vel Missarum, & qualiter quæcunque officia in Ecclesia peragant. Et si recte quidem invenerint, Deo gratias; sin autem minime, docere debent ignaros, & hoc omnimodis præcipere, ut sicut antiqui Canones jubent, ante dies viginti Baptismi ad purgationem exorcismi catechumeni currant. Intra quos viginti dies omnino catechumeni symbolum, quod est: *Credo in Deum*, specialiter doceantur.

*Quid laicos docere oporteat.*

Postquam ergo suos (m) Clericos discusserint, vel docuerint Episcopi, alia die, convocata plebe ipsius Ecclesiæ, doceant illos, ut errorem fugiant idolorum, vel diversa crimina, id est, homicidium, adulterium, perjurium, falsum testimonium, & reliqua peccata mortifera, & quod nolunt sibi fieri, non faciant alteri, & ut credant resurrectionem omnium hominum, & diem judicii, in quo unusquisque secundum opera sua recepturus sit. Et sic postea Episcopus de Ecclesia illa proficiscatur ad aliam.

*Ut Episcopus cum paucis suam parochiam circumeat.*

*Ex Concilio Toletano. Tit. V.*

VIII. Cum (n) Episcopus suam Diocesim visitat, nulli præ multitudine onerosus existat, nec unquam quinquagenarium numerum eversionis excedat,

Kkk 2

aut amplius, quam una die per unamquamque basilicam remorandi licentiam habeat. [*Vide Concilium Valentinum III. Cap. 17.*]

*Ut si Episcopus hoc explere nequiverit, suos Vicarios dirigat.*

*Ex eodem Concilio. Tit. VI.*

IX. Quod si Episcopus aut languore detentus, aut aliis occupationibus implicatus, id explere nequiverit, Presbyteros probabilis vitæ, aut Diaconos mittat, qui redditus basilicarum, & reparationes, & ministrantium vitam inquireant.

*Ut Episcopi suam Diocesim visitent.*

*Ex Capitulis Synodalibus Karoli Augusti.*

X. Ut [o] Episcopi circumeant parochias sibi commissas, & ibi inquirendi studium habeant de incestu, de parricidiis, adulteriis, & aliis malis, quæ contraria sunt Deo, & quæ Christiani devitare debent, & infra illorum parochias Ecclesiarum, quibus necesse est, emendandi curam habeant. Similiter tam nostras a nobis in beneficium datas, quam & aliorum summo studio provideant.

*Ut Episcopus duos solidos tantum accipiat, cum suam parochiam circuit.*

*Ex Concilio Bracarenfi. Tit. X.*

XI. Placuit, [p] ut nullus Episcoporum, cum suas Dioceses visitat, præter honorem Cathedræ suæ, id est, duos solidos, aliquid aliud tollat per Ecclesias, neque tertiam partem ex quacunque oblatione populi in Ecclesiis parochialibus requirat; sed tertia illa pars pro luminaribus Ecclesiæ, vel reparatione servetur, & singulis annis Episcopo exinde ratio fiat. Nam si tertiam illam partem Episcopus tollat, lumen & facta testæ Ecclesiæ abstulit.

De

(k) Ezech. III.

(l) Concil. Bracar. 2. c. 1. Burchard. lib. 1. c. 85.

(m) Ex eod. Concil. Bracar. 2. c. 1.

(n) Concil. Toler. 2. c. 4. Burchard. lib. 1. c. 86.

(o) Vide Lib. 5. Capitular. c. 94. 109. & 365.

(p) Vide Tom. 2. Concilior. Galliæ pag. 248. c. 32. p. 10. q. 3. c. 1.



*De Episcopis, qui non visitatis  
parochiis pretium servitu-  
tis requirunt.*

*Ex Concilio apud Tribuvias habito temporibus  
Arnulphi Regis. Tit. XXVI.*

XII. Delata (g) est coram Sancta Synodo querimonia plebium, eo quod sint quidam Episcopi nolentes ad prædicandum, vel confirmandum suas per annum parochias circuire, qui tamen exigunt, ut mansiones, quibus in profectioe uti debuerant, alio pretio redimant, qui parare debent. Quæ duplex infamia, & negligentia, & avaritia Sanctæ Synodo horrore fuit magno; & statuerunt, ne quis penitus ultra exerceat id cupiditatis ingenium, & ut sollicitiores sint Episcopi de suis gregibus visitandis.

*De eadem re.*

*Ex Capitulis Synodalibus Karoli Imperatoris.  
Tit. XCIV.*

XIII. Ne vero Episcopi [r] occasione prædicandi, aut confirmandi oneri essent populis, (s) a nobis admoniti polliciti sunt, se deinceps hoc cavere velle, & eo tempore (t) suum ministerium in quantum facultas datur exequi, (u) his quibus prodesse possunt, non quo (x) eorum profectio, quantum in illis est, sit importuna vel onerosa.

Perturbatus est ordo istius Capituli apud Reginonem. Exhibuimus heic lectionem codicis Parisiensis. Editio Helmaſtadiensis non est multum diversa. Varias lectiones adnotavimus in margine. Sed integer locus sic restituendus est ex libris Capitularium, tum editis, tum manuscriptis: Ne vero &c. & eo tempore suum ministerium, in quantum facultas dabatur, exequi, quo eorum profectio, quantum in illis erat, his quibus prodesse possunt, & debent, non sit importuna vel onerosa.

*De immunitate Ecclesiarum.*

*Ex eodem Capitulari. Tit. CIII.*

XIV. Denuntiandum (y) est omni-

bus, & a Missis nostris ordinandum, ut omnes Ecclesiæ & Presbyteri sub immunitate, & ordinatione, atque dispositione Episcoporum singularum parochiarum, in quibus consistunt, secundum auctoritatem canonicam permanent.

*Quod omnes Basilicæ in potestate  
Episcoporum sunt.*

*Ex Concilio Aurelianensi. Tit. XIII.*

XV. Omnes (z) Basilicæ, quæ per diversa loca constructæ sunt, vel cotidie construuntur, placuit secundum priorum Canonum regulam, ut in ejus Episcopi, in cujus Territorio positæ sunt, potestate consistant.

*De Parochiis.*

*Ex Concilio Chalcedonensi (\*).*

Tit. XIX.

XVI. Singularium (a) Ecclesiarum rusticas parochias, vel possessiones, manere inconcussas illis Episcopis, qui eas retinere noscuntur, & maxime si per tricennium eas absque vi obtinentes sub dispensatione rexerunt. Quod si intra tricennium facta fuerit de his, vel fiat altercatio, licere eis, qui se læsos asserunt, apud sanctam Synodum provinciarum certare.

*Quales ministros Episcopi in civi-  
tatibus relinquere debeant.*

*Ex Capitulis Karoli junioris. (b) Tit. V.*

XVII. Et (c) quoniam Episcopi, qui nostris & suis communibus Ecclesiæ, & totius regni necessitatibus occupati sunt, non valent cuncta soli prospicere, quæ infra fines parochiarum illorum perpetrantur, statuimus, ut quotiescunque Episcopi a propria civitate digrediuntur, tales adjutores unusquisque in sua civitate relinquat, qui hæc omnia prudentissime in sua civitate peragant, ut pauperes sanguine Christi redempti, semper in civitate præsentem inve-

(g) Burchard. Lib. I. c. 229.

(s) Adm. a n.

(u) apud hos.

(y) Capitula Karoli Calvi tit. 9. c. 4.

(z) Concil. Aurel. I. c. 17.

(b) Id est, Karoli Calvi in Concilio Meldensi anni 845. cap. 2.

(c) Capitula Karolomanni tit. 2. c. 7.

(r) Lib. I. Capitular. c. 100.

(t) min. suum.

(x) ne eor.

(\*) Tomo primo nostro pag. 179. cap. XVII.

(a) Burchard. Lib. 3. c. 8.

inveniant, a quo responsum, & consolationem accipiant. In vicis autem & villulis, longe a civitate remotis, constituat unusquisque Episcopus reverendos, & cautos, atque omni prudentia morum temperatos Presbyteros, qui sua vice superius statuta modeste perficiant, & ad quos alii Presbyteri juniores, & minus cauti suam causam referant.

*De tricennali præscriptione.*

*Ex Epistola Gelasii Papæ.*

XVIII. Illud (d) etiam annecti placuit, ut si qui, quod absit, facultates Ecclesiæ, nec non & Diceceses ab aliis, a quibus possidentur, Episcopis jure sibi vendicent, quod Tricennalis lex conclusit, quia & filiorum nostrorum Principum ita emanavit auctoritas, ut ultra triginta annos nulli liceat pro id appellare, quod legum tempus excludit.

*De rebus per triginta annos possessis.*

*Ex Capitulis Ludovici Imperatoris.*

Tit. VII.

XIX. Ut (e) de rebus Ecclesiarum, quæ ab eis per triginta annorum spatium sine ulla interpellatione possessæ sunt, testimonia non recipiantur; sed eo modo contineantur, sicut res, ad fiscum Dominicum pertinentes, contineri solent.

*De inscriptione temporum.*

*Ex eodem. Cap. IX.*

XX. Si quis (f) terram ab altero dixerit violenter sibi esse sublatam, & convicerit prius quam triginta annorum compleatur numerus, & rem constiterit occupatam, & requirere potuerit, repetentis partibus reformetur. Ceterum si impletis triginta annis terra a quoque pervasa fuisse dicatur, & non fuerit ante repetita, nihil sibi reddendum esse cognoscat.

*Item de eadem re.*

*Ibidem.*

XXI. Et (g) quia omnia, ad quietem omnium pertinentia, ex lege conve-

K k k 3

nit provideri, quas omnino causas de quibuscunque rebus, quæ intra triginta annos non fuerint definitæ, nullo eas postmodum licebit ordine commoveri: quia satis unicuique ad requirendum, quod ei debitum fuerit, superscriptus annorum numerus constat posse sufficere.

*Item de eadem re.*

*Ibidem.*

XXII. Si quis (b) colonum alienum in re sua triginta annos habuerit, ac si suum vindicet. Qui infra triginta annos inventus fuerit, a Domino cum filiis sibi debitis & omni peculio revocetur. Si vero mortuus fuerit, peculium ejus Dominus recipiat. Colonia vero si viginti annis in Dominio permanserit, a priori Domino non requiratur. Colonum duæ partes agnationis sequantur, Colonam vero tertia pars. Nam si agnatio infra viginti annos edita fuerit, quando adhuc Colona Domino compete-  
bat, repetentibus non negetur, quia in modernis legibus est constitutum. Sane ne separatio conjugii fiat, præcipimus, ut Dominus Coloni Vicaria muliere cum agnatione partis tertiæ non negetur.

*De consecranda Ecclesia.*

*Ex Concilio Wormaciensi. Anni 868.*

XXIII. Placuit, (i) quotiens ab aliquo fidelium ad consecrandas Ecclesias Episcopus invitatur, non quasi ex debito munus aliquod a fundatore requirat; sed si ipse quidem aliquid ex suo voto obtulerit, non respuat. Attamen unusquisque Episcopus meminerit, ut non prius dediceret Ecclesiam, ni antea dotem Basilicæ, & obsequium ipsius per donationem cartulæ confirmatum accipiat. Nam non levior est illa temeritas, si sine luminaribus, vel sine substantiali sustentatione eorum, qui ibidem servituri sunt, quam si domus privata, consecreretur Ecclesia. (Vide Lib. 3. Leg. Con-  
goc. Tit. 1. cap. 47.)

De

(d) Gelas. 1. Epist. 10. cap. 1. Lib. 7. Capitular. c. 15. Burchard. Lib. 3. c. 149.

(e) Addit. IV. c. 34. Burchard. Lib. 3. c. 150. (f) Lex Burgund. Tit. 79. c. 2. 3.

(g) Ibid. c. 5.

(b) Interpretat. Leg. un. cod. Theodos. de inquil. & colonis;

(i) Concil. Bracar. can. 2. c. 5. Concil. Wormat. c. 3. Tom. hoc II. p. 311. Burchard. L. 3. c. 27.



*De Libertate Ecclesiarum.**Ex Capitularibus. Tit. LXXXI.*

XXIV. Sancitum (*k*) est, ut unicuique Ecclesiæ unus mansus integer absque ullo servitio attribuatur, & Presbyteri in eis constituti non de decimis, nec de oblationibus fidelium, non de domibus, neque de atriis, vel hortis iuxta Ecclesiam positis, neque de præscripto manso aliquod servitium faciant præter Ecclesiasticum. Et si aliquid amplius habuerint, inde senioribus suis debitum servitium impendant.

*De Termino Ecclesiarum.**Ex eodem Cap. CXVII.*

Ut terminum habeat (*l*) unaquæque Ecclesia, de quibus villis decimas recipiat.

*De novis Ecclesiis.**Cap. LXXXVII.*

XXV. Statutum (*m*) est de villis novis, & Ecclesiis novis ibidem noviter in eis constitutis, ut decimæ de ipsis villis ad easdem Ecclesias conferantur.

*Item ex eodem.**Cap. V.*

XXVI. Quicumque (*n*) voluerit sua proprietate Ecclesiam ædificare, cum consensu, & voluntate Episcopi, in cuius parochia fuerit, licentiam habeat. Veruntamen omnino providendum est, ut aliæ Ecclesiæ antiquiores propter hanc occasionem suam iustitiam aut decimam non perdant, sed semper ad antiquiores Ecclesias persolvatur.

*Item de Manso Ecclesiæ.**Ex eodem Capitulari.*

XXVII. De uno (*o*) Manso ad Ecclesiam dato, de quo aliqui homines contra statuta sibi servitium exigunt, quicumque pro hac causa accusatus fuerit Comes vel Missi, hoc, quod inde subtra-

ctum est, Presbyteris cum sua lege restituere faciant.

*De eadem re.**Ex Synodo Meldenfi. Cap. LXIII.*

XXVIII. Secundum (*p*) Canonice authoritatem, & constitutionem Domini Imperatoris Ludovici, de agro Ecclesiastico, & manso, ac mancipiis, quæ ipse in suis capitulis constituit, vel si quilibet pro loco sepulture aliquid largitus fuerit Ecclesiæ, neque de decimis, & oblationibus fidelium quemquam Presbyterorum aliquem censum persolvere cogat, nec quisquam cuiuslibet ordinis aut dignitatis, ex inde quidquam subtrahat, & redhibitionem quamcunque exigat temporalem. Quod si fecerit, communione usque ad satisfactionem privetur, & Regia potestate hoc emendare legaliter compellatur,

*Item de Privilegio Ecclesiarum.*

XXIX. Ut (*q*) Ecclesiæ antiquitus constitutæ, nec decimis, nec ulla possessione priventur, ita ut novis oratoriis tribuantur.

*De Ecclesiis, vel Altaribus ambiguis, & ut superflua altaria de Ecclesia abjiciantur.**Cap. LXV.*

XXX. Ecclesiæ [*r*] vel altaria, quæ ambigua sunt de consecratione, consecrentur, & superflua altaria destruantur de Ecclesia.

*De honore Ecclesiastico.**Cap. CXLII.*

XXXI. Ut (*s*) Episcopi provideant, quem honorem Presbyteri pro Ecclesiis suis senioribus tribuant.

*Quod omnium Ecclesiarum dotes ad Episcopum pertineant.**Ex Concilio Toletano. Cap. XIX.*

XXXII. Multi (*t*) contra canonum con-

(*k*) Lib. 1. Capitular. c. 91. Burchard. lib. 3. c. 52. Walter. Aurelian. c. 9.

(*l*) Lib. 1. Capitular. c. 155.

(*m*) Lib. 1. Capitular. c. 93.

(*n*) Capitulare Karoli M. ad Saltz. c. 3.

Burchard. lib. 3. c. 7.

(*o*) Lib. 5. Capitular. c. 45.

(*p*) Concilium Meldense c. 63.

(*q*) Concil. Arelat. 6. c. 20.

Lib. 2. Capitular. c. 36.

(*r*) Lib. 1. Capitular. c. 151.

Burchard. lib. 3. c. 9.

(*s*) Lib. 1. Capitular. c. 148.

(*t*) Concil. Tolet. 3. c. 19.

Lib. 7. Capitular. c. 213.

Burchard. lib. 3. c. 20.

constituta sic Ecclesias, quas ædificaverunt, postulant consecrari, ut dotem, quam Ecclesiæ contulerunt, ad Episcopi ordinationem non pertinere censeant. Quod factum & in præteritum displicet, & in futuro prohibetur; sed omnia (u) secundum consuetudinem antiquam ad Episcopi ordinationem & potestatem pertineant.

*Unde Ecclesiæ debeant restaurari, & Episcopo obsequium exhiberi.*

*Ex Epistola Gelasii Papæ.*

XXXIII. Quatuor (x) autem tam de redditu, quam de oblatione fidelium, prout cuiuslibet Ecclesiæ facultas admittit, sicut dudum rationabiliter est decretum, convenit fieri portiones: quarum una sit Pontificis, altera Clericorum, pauperum tertia, quarta fabricis applicanda, de quibus sicut sacerdotis intererit, sic Clericis ultra delegatam sibi summam nihil insolenter noverit experendum. Ea vero, quæ Ecclesiasticis ædificiis attributa sunt, huic operi veraciter prærogata locorum doceat instauratio manifesta Sanctorum: quia nefas est, si sacris ædibus destitutis in lucrum suum Præsul impendia his designata convertat.

*De eadem re.*

*Ex Epistola Simplicii Papæ. Cap. II.*

XXXIV. De (y) redditibus Ecclesiæ, vel oblatione fidelium sola Episcopo ex his una portio remittatur, duæ Ecclesiasticis fabricis, & erogationi peregrinorum, & pauperum profuturæ. Ultima Clericis pro singulorum meritis dividatur.

*De honore Ecclesiæ Dei.*

*Ex Capitulis Synodalibus. Tit. LXIX.*

XXXV. Placuit (z) nobis admonere, ut unusquisque Episcopus videat super suam parochiam, ut Ecclesia Dei suum habeat honorem, simul & altaria secundum suam dignitatem venerentur,

& non sit domus Dei, & altaria sacratapervia canibus, & ut vasa sacrata Deo, in magna veneratione habeantur, & ut sacrificia sanctificata cum magna diligentia ab eis colligantur, qui digni sunt.

*Item de restauratione Ecclesiarum Dei.*

*Ex Capitulis Ludovici Imperatoris.*

Cap. XL.

XXXVI. De (a) opere, vel restauratione Ecclesiarum, Comes, & Episcopus, sive Abbas, una cum Missio nostro, quem ipsi sibi elegerint ad hoc, considerationem faciant, ut unusquisque eorum tantum inde accipiat, ad operandum & restaurandum, quantum ipse de rebus Ecclesiarum habere dinoscitur. Similiter & Vassi nostri, aut in commune tantum accipiant operis, quantum rerum Ecclesiasticarum habent, vel unusquisque per se juxta quantitatem, quam ipse tenet, aut si inter eos convenerit, ut pro opere faciendo argentum donent, juxta æstimationem operis in argento persolvant. Cum quo pretio Rector Ecclesiæ ad prædictam restorationem operarios conducere, & materiam emere possit. Et qui nonas & decimas dare neglexerit, primum quidem illas cum lege sua restituat, insuper & bannum nostrum solvat, ut ita castigatus caveat, ne sæpius iterando beneficium amittat.

*De eadem re.*

*Item de Capitulis. Tit. XXII.*

XXXVII. De operibus (b) in restauratione Ecclesiarum, sive in faciendo, sive in redimendo, episcopalis potius sequatur voluntas. Nullatenus tamen remaneat, quin, sicut a nobis sæpe jussum est, hoc, aut illud partibus Ecclesiarum persolvatur. Et hoc omnibus notum sit, quia quicumque negligenter exinde egerit, & coram nobis exinde negligens repertus fuerit, illud volumus omnino ut subeat, quod in nostro Capitulari de hac re communi consultu fidelium nostrorum ordinavimus.

*De*

(u) Vide Lib. 6. Capitular. c. 69.

(x) Decreta Gelasii. c. 27. Lib. 7. Capitular. c. 290. Riculf. c. 11. Burchard. Lib. 3. c. 137.

(y) Decreta Simplicii c. 2.

(z) Lib. 1. Capitular. c. 71.

(a) Lib. 4. Capitular. c. 40.

(b) Lib. 2. Capitular. c. 22.



*De locis dudum sacris.**Ex eodem Capitulari. Cap. LIV.*

XXXVIII. De locis (c) jam dudum sacris, & nunc spurcitiæ fœdatis, ut juxta possibilitatem in antiquum statum reformentur.

*De Ecclesiis destructis.**Ex eodem Cap. III.*

XXXIX. De (d) Ecclesiis destructis, ut Episcopi, & Missi inquisitionem faciant, utrum per negligentiam aut impossibilitatem destructæ sint; & ubi negligentia inventa fuerit, Episcopali auctoritate emendare cogantur, qui eam restaurare debuerant. Si vero per impossibilitatem contigit, ut aut plures sint, quam necesse sit, aut majoris magnitudinis, quam ut ex rebus ad eas pertinentibus restaurari possint; Episcopus modum inveniat, qualiter congrue emendari & consistere possint.

*De eadem re.**Ex Capitulis Synodaliibus Karoli junioris Cap. LXII.*

XL. Servi (e) Ecclesiarum, quibuscunque potestatibus subditi, unde melior consuetudo, vel devotior commendatio ex tempore & iussione Domni Ludouici, vel certe Domni Karoli, seu etiam Pippini non existit, saltem viginti diebus in anno eidem Ecclesiæ ad reficiendas ipsius minas absque molestia servire sinantur. Ubi autem & amplior commendatio, & melior consuetudo inde haberetur, pro hac nostra necessitudinis consideratione non decadat.

*Item de eadem re.**Ex Capit. Ludouici. Cap. V.*

XLI. Ne vero Ecclesiæ Presbyteris commissæ in restauratione, aut in luminaribus juxta possibilitatem rerum ab illis negligantur, vestra nihilominus invigilare debet solertia. Et sicut alios prohibetis, ne de manfis ad Ecclesiæ luminaria datis aliquid accipiant, sic & vos, & vestri Archidiaconi de eisdem manfis nihil accipiendo, aliis exemplum præ-

beatis. Sed potius ad id, ad quod data sunt, servire concedantur; ut totum, sicut dictum est, in restauratione Ecclesiarum & luminaribus, vestra auctoritate & studio cedere possit.

*De decimis.**Cap. CLXII.*

XLII. Ut (f) decimæ in potestate Episcopi sint, qualiter a Presbyteris dissipentur.

*De eadem re.**Ex cap. CLVII.*

XLIII. Ut (g) qui Ecclesiarum beneficia habent, nonam & decimam ex eis Ecclesiæ, cujus res sunt, donent. Et qui tale beneficium habent, ad medietatem laborent, & de eorum portione proprio presbytero decimas donent.

*De eadem re.*

XLIV. Novalia rura, quæ juxta cultos agros fiunt, Ecclesiæ antiquæ decimentur. Et si ultra milliaria quatuor, vel quinque in statu quælibet digna persona aliquod novale collaboraverit, ibidemque cum sui Episcopi consensu Ecclesiam construxerit, post consecrationem Ecclesiæ provideat Presbyterum, ejusque conductu de eodem celebratu decimas eidem Ecclesiæ conferat. (*Caput istud non extat in Codice MS. Reginonis*)

*Item de nonis & decimis.**Ex eodem. Cap. XXXVI.*

XLV. Qui (b) decimas post creberrimas admonitiones, & prædicationes sacerdotum dare neglexerint, excommunicantur. Juramento vero eos constringi nolumus, propter periculum perjurii.

*Item de nonis & decimis.**Ex eodem. Cap. CXXI.*

XLVI. De (i) nonis quidem & decimis, unde & genitor noster & nos frequenter, & in diversis placitis admonitionem fecimus, & per Capitularia nostra, qualiter hæc observentur, ordi-

(c) Lib. 4. Capitular. c. 53.

(d) Lib. 5. Capitular. c. 144. Lib. 3. Leg. Longob. tit. 1. c. 45.

(e) Capit. Karoli Calvi tit. 6. c. 66.

(f) Lib. 1. Capitular. c. 149.

(g) Lib. 1. Capitular. c. 163.

(i) Lib. 2. Capitular. c. 21.

(b) Concil. Cabilon. 2. c. 19. Lib. 2. Capitular. c. 38.

ordinavimus, volumus atque iubemus, ut de omni collaboratu, & de vino & feno fideliter, & pleniter ab omnibus nona, & decima persolvatur. De nutrimine vero pro decima, sicut hactenus consuetudo fuit, ab omnibus observetur. Si quis tamen Episcoporum fuerit, qui argentum pro hoc accipere velit, in sua potestate maneat; juxta quod ei & illi, qui hoc persolvere debet, conveniit.

*Item de nonis & decimis.*

*Ex eodem. Cap. V. Lib. V.*

XLVII. De his, (k) qui nonas, & decimas jam per multos annos, aut ex parte, aut ex toto, dare neglexerunt, volumus, ut per Missos nostros constringantur, ut secundum consuetudinem priorem solvant unius anni nonam, & decimam cum sua lege, & insuper bannum nostrum. Et hoc eis denuntietur, quod quicumque hanc negligentiam iteraverit, beneficium, unde hæc nona & decima persolvi debuit, amissurum se sciat.

*Item de eadem re.*

*Cap. VI.*

XLVIII. Quicumque (l) decimam abstrahit de ecclesia, ad quam per justitiam debet dari, & eam præsumptuose, vel propter munera, aut amicitiam, vel aliam quamlibet occasionem, ad alteram Ecclesiam dederit, a Comite, vel a Misso nostro distringatur, ut ejusdem decimæ quantitatem cum sua lege restituat.

*Item de eadem re.*

*Cap. VII.*

XLIX. De decimis, (m) quas dare populus non vult, nisi quolibet modo ab eo redimantur, ab episcopis prohibendum est, ne fiat. Et si quis contemptor fuerit inventus, ut nec Episcopum, nec audire Comitem velit, si noster homo fuerit, ad præsentiam nostram venire compellatur. Ceteri vero distringantur, ut inviti Ecclesiæ restituant, quod voluntarie dare neglexerunt.

L I I

[k] Lib. 5. Capitular. c. 145.

(l) Lib. 5. Capitular. c. 46. Lex Longobardor. Lib. 3. Tit. 3. c. 8. Burchard. Lib. 3. c. 154.

(m) Lib. 5. Capitular. c. 147.

(o) Capitulare ad Saltz.

*Item de eadem re.*

*Cap. IX.*

L. De illis, (n) qui agros dominicos propterea neglexerunt excolere, ut nonam & decimam exinde non persolvant, & alienas terras ad excolendum propter hoc accipiant, volumus, ut de tribus annis ipsam annonam cum sua lege persolvant. Et si quis contemptor aut Comitis, aut Missorum nostrorum propter hoc extiterit, sub fideiussoribus ad palatium venire compellatur.

*Item de eadem re.*

*Ex Concilio Meldenf. Cap. LXII.*

LI. Hi, qui ex rebus Ecclesiasticis nonas & decimas persolvere, & facta recta Ecclesiæ secundum antiquam auctoritatem, & consuetudinem restaurare debent, & hoc non solum negligunt, verum & contemnendo dimittunt, atque Clericos fame & penuria afficiunt, Ecclesiastica quoque ædificia dissolutione adnullari permittunt; tandiu ab Ecclesiastica communione separantur, usque dum diligentia emendare studeant, quod socordia neglexerunt. Quod si iterum iteraverint, post excommunicationis satisfactionem, Regia potestate compulsi, juxta legale & antiquum edictum: qui negligit censum, perdat agrum.

*Item de decimis.*

*Ex Capitulis Karoli.*

LII. De decimis, (o) ubi antiquitus fuerunt Ecclesiæ baptismalæ, & devotio facta fuit; juxta quod episcopus ipsius parochiæ ordinaverit, omnimodis fiant donatæ. Et si per donationes Regum, aut cæterorum Deum timentium bonorum hominum, ad episcopata, seu Monasteria aliqua res delegatæ sunt, & ex ipsis rebus antiquitus ad ipsas ecclesias priores decimæ datæ fuerunt, ipsa antiqua donatio, vel devotio firma & stabilis permaneat. Tamen, ut supradiximus, decimas de ipsis rebus, qui eas possidere videtur, persolvat.

Ne



*ne fœnum & annona, & vinum mittatur in Ecclesia.*

*Ex eodem Capit. CXLII.*

LIII. Ut (p) nullus Presbyter annonam, vel fœnum, aut vinum in ecclesia mittere præsumat. (Vide Theodulf. c. 8. & Alyton. c. 21.)

*De eadem re.*

*Ex dictis Sancti Augustini Episcopi.*

LIV. In oratorio nemo aliquid agat, nisi ad quod est factum, fiat. Unde & nomen accepit. Aut si forte etiam aliqui propter horas constitutas, si eis vacat, & orare voluerint, eis non sint impedimento, qui ibi aliquid agendum putaverint.

*Item alibi.*

In (q) Oratorio præter orandi & psallendi Dei cultum penitus nihil agatur, ut nomini huic, & opera jugiter impensa concordent.

*Item de eadem re.*

*Ex dictis Sancti Benedicti.*

LV. Oratorium (r) hoc fit, quod dicitur: nec ibi quidquam aliud geratur, aut condatur.

*Ut nullus in Ecclesia convivari præsumat.*

*Ex Concilio Carthaginensi.*

LVI. Ut (s) nulli episcopi vel Clerici in ecclesia conviventur, nisi forte transeuntes hospitii necessitate illic resident. Populi etiam ab hujusmodi conviviiis, quantum potest fieri, prohibeantur.

*De eadem re.*

*Ex Concilio Laudicensi.*

LVII. Non (t) oportet in Dominicis Divinis, sive ecclesiis, agapen facere, & intus manducare, accubitus sternere.

*Ut nemo præsumat in Ecclesia vinum vendere.*

*Ex Concilio Turonensi.*

LVIII. Perlatum est (u) ad sanctam Synodum, quod quidam Presbyteri in Ecclesiis sibi commissis tabernas, quod nefas est, constituent, ibique per cautionem vinum vendant, aut vendere permittant: & ubi tantummodo orationes, & verbum Divinum, Deique laus debuerit resonare, ibi commessationes & ebrietates fiant, ibi risus, & plausus, & verba turpia, ibi rixæ, & contentiones resurgent. Quod, quam sit Deo contrarium, Dominus Deus demonstrat: qui cum invenisset in templo vendentes, & ementes, & nummularios sedentes, factio funiculo de resticulis, omnes ejecit de templo. Si enim ea, quæ licite vendi videbantur in templo, & ad hoc emebantur, ut in eodem templo offerrentur Domino, ipse foras ejecit; quid putas de tam pestifera præsumptione, & Dei contemptu fiet? Et si non solum Sacerdotibus, sed etiam omnibus Clericis præcipitur, ne tabernas ingrediantur; quis audire potest, ut Ecclesiæ Dei tabernæ fiant? Itaque interdicit per omnia Synodus, ne hoc impofterum nullatenus fiat. Quod si factum fuerit, Presbyter deponatur: laici, communione privati, ab Ecclesia, quam dehonestaverunt, expellantur.

*De eadem re.*

LIX. Interea (x) non est leviter accipiendum, quod Dominus dicit: *Domus mea* (y) *domus orationis est.* Si enim domus Dei orationis domus vocatur, hoc debet esse, quod dicitur, nec ibi aliud debet geri, aut recondi. Ubi enim corpus Domini consecratur, ubi Angelorum præsentia non dubitatur adesse, ubi Sanctorum reliquiæ reconditæ venerantur, ne quid inhonestum appareat, quod oculos ad orationem venientium offendant: ne quid ibi videatur, quod ad lucrum temporale pertineat; sed omnia sancta, omnia munda, & tantummodo ad

(p) Lib. I Capitular. c. 150.

(r) Regula S. Benedicti c. 52. Burchard. Lib. 3. c. 81.

(s) Burchard. Lib. 3. c. 83.

(t) Concil. Laodic. c. 28. Tomo primo nostro pag. 164. Burchard. Lib. 3. c. 82.

(u) Burchard. Lib. 3. c. 84. Vide Capitular. Riculfi Successor. c. 13.

(x) Burchard. Lib. 3. c. 86.

[y] Esai. LVIII.

ad Ecclesiasticum ministerium pertinentia.

*Ut altaria mundissimis linteis cooperiantur, & ut Presbyteri faminis prædicent, ut linteamina dent, unde altare vestiatur.*

*Ex Concilio Remensi. Cap. V.*

LX. Observandum (x) est, ut mensa Christi, id est, altare, ubi corpus Dominicum consecratur, ubi sanguis ejus hauritur, ubi Sanctorum reliquæ reconduntur, ubi preces & vota populi in conspectu Dei a Sacerdote offeruntur, cum omni veneratione honoretur, & mundissimis linteis & palliis diligentissime cooperiatur, nihilque super eo ponatur, nisi capsæ cum Sanctorum reliquiis, & quatuor Evangelia. Expleta Missa, calix, & Sacramentorum liber cum vestibus Sacerdotalibus in mundo loco sub terra recondantur.

*De linteis altarium præparandis.*

*Ex Capitularibus.*

Presbyteri [a] per parochias suas foeminis prædicent, ut linteamina in altaria præparent.

*Ut nullus Presbyter alterius parochianum ad Missam recipiat.*

*Ex Concilio Nannetensi. CCCCXIX.*

LXI. Ut (b) Dominicis, vel festis diebus Presbyteri, antequam Missas celebrent, plebem interrogent, si alterius parochianus in Ecclesia sit, qui proprio contempto Presbytero, ibi Missam velit audire; quem si invenerint, statim ab Ecclesia ejiciant, & ad suam parochiam redire compellant. Similiter interrogent, si aliqui discordantes sint, qui inter se litem implacabilem habeant. Et si inventi fuerint; statim reconcilientur. Quod si noluerint pacem suscipere, ab Ecclesia ejiciantur, usque quo ad caritatem redeant. Non enim possumus munus vel oblationem ad altare offerre, donec

L 11 2

prius fratri reconcilientur. His ita peractis Sacerdotes Missarum solemnia rite peragant.

*Item ex eodem Concilio.*

*Ex Capitularibus.*

Ut (c) nullus Presbyter alterius parochianum, nisi in itinere fuerit, vel placitum ibi habuerit, ad Missam recipiat.

*De oblationibus fidelium ad altare.*

LXII. Si aliquid fideles ad altare offerunt, a ministro receptum post altare ponatur.

*Ut nihil aliud in sacrificio Domini offeratur præter id, quod Dominus statuit.*

*Ex Canonibus Apostolorum. (d) Tit. III.*

LXIII. Si quis Episcopus, aut Presbyter præter ordinationem Domini alia quædam in sacrificio offerat super altare, id est, aut mel, aut lac, aut pro vino ficeram, aut confecta quædam, aut volatilia, aut animalia aliqua, aut legumina, contra constitutionem Domini faciens, deponatur de gradu.

*Quæ species ad altare non ad sacrificium, sed ad benedictionem simplicem debent offerri.*

*Ex Canonibus Apostolorum. (e) Tit. IV.*

LXIV. Offerri (f) non liceat aliquid ad altare, præter novas spicas, & uvas, & oleum, & thymiana, id est, incensum, tempore, quo sancta celebratur oblatio.

*Ut ea, quæ in Ecclesiis offerri non possunt, ad domos Sacerdotum a fidelibus deferantur. (\*)*

*Ubi supra Tit. V.*

LXV. Reliqua poma omnia, vel primitiæ ad domum Episcopi, & Presbyteri dirigantur; nec offerantur in altari. Certum est autem, quod Episcopis, &

Pres-

(x) Burchard, Lib. 3. c. 97.

(a) Lib. i. Capitular. c. 152.

(b) Concil. Nannet. c. 1. Burchard, Lib. 2. c. 92.

(c) Concil. Nannet. c. 2. Lib. i. Capitular. c. 153. Burchard, Lib. 2. c. 91.

(d) Tomo I. nostro pag. 131.

(e) Tomo I. nostro pag. 131.

(f) Burchard, Lib. 6. c. 6.

(\*) Tomo I. nostro pag. 132.



Presbyteris, & Diaconis, & reliquis Clericis dividantur.

*Quid in sacrificio Domini offerri debeat.*

*Ex Concilio Wormaciensi.*

Cap. XXIX.

LXVI. In Eucharistia [g] non debet aqua pura offerri, ut quidam sobrietatis causa falluntur, sed vinum cum aqua mixtum: quia & vinum in redemptionis nostræ mysterio fuit, cum dicat: *Non (h) bibam de hoc genimine vitis*; & aqua mixtum, quod post cenam dabat. Sed & de latere ejus aqua cum sanguine egressa, vinum de vera carnis ejus vite cum aqua expresse ostendit. Cum igitur Magister veritatis verum salutis nostræ sacrificium commendaret suis discipulis, panem tantum, & calicem sub hoc Sacramento præbuisse cognoscimus. Ideoque præter panem, & vinum cum aqua mixtum, aliud offerri non debet. Calix enim Dominicus, vino & aqua permixtus debet offerri, quia videmus, in aqua populum intelligi, in vino vero ostendi sanguinem Christi. Ergo quando in calice vino aqua miscetur, Christo populus adunatur; & credentium plebs ei, in quem credidit, copulatur, & jungitur. Quæ copulatio & conjunctio aqua, & vino sic miscetur in calice Domini, ut commixtio illa non possit separari. Nam si vinum tantum quis offerat, sanguis Christi incipit esse sine nobis. Si vero aqua sit sola, plebs incipit esse sine Christo. Non potest enim calix Domini esse aqua sola, aut vinum solum, nisi utrumque sibi miscetur.

*De Calice Domini.*

*Ex Concilio Remensi. Tit. VIII.*

LXVII. Ut (i) Calix Domini cum patena, si non ex auro, omnimodis ex argento fiat. Neque cauentur Presbyteri, avaritia suadente, de paupertate vel impossibilitate, cum una pars ex omnibus, quæ ad Ecclesiam pertinent, in

fabricis ipsius Ecclesiæ sit impendenda. Admonendus est etiam populus, ut aliquid in donariis Domini offerat, sicut ipse antiquus populus sub Moyse in tabernaculo Domini fecisse legitur. Si quis autem tam pauperrimus est, saltem vel stanneum calicem habeat. De ære autem, aut ex aurichalco, non fiat calix; quia ob vini virtutem æruginem parit, quæ vomitum provocat. Nullus autem in ligneo calice præsumat cantare.

*De Corporali Dominico.*

*Ex Concilio, quo supra.*

LXVIII. Corporale, (k) super quo sacra oblatio immolatur, ex mundissimo, & purissimo linteo sit; nec in eo alterius generis materia pretiosior, aut vilior misceatur: quia Dominicum corpus in sepulchro, non in holocaustis, sed tantum in Sindone munda fuit involutum. Corporale nunquam super Altare remaneat; sed aut in Sacramento libro ponatur, aut cum calice & patena in mundissimo loco recondatur. Et quando abluitur a sacerdote, Diacono, vel Subdiacono, primo in Ecclesia in loco, & vase ad hoc præparato abluatur, eo quod ex Dominico corpore, & sanguine infectum sit. Post hæc a lavandario in nitido loco (l) paretur.

*De Eucharistia.*

*Ex Capitulis Synodaliibus. Cap. CLV.*

LXIX. Ut (m) Presbyter semper Eucharistiam habeat paratam, ut, quando quis infirmaverit, aut parvulus infirmus fuerit, statim eum communicet, ne sine communione moriatur.

*De eadem re.*

*Ex Concilio Turonensi.*

LXX. Ut (n) omnis Presbyter habeat pyxidem, aut vas tanto Sacramento dignum, ubi corpus Dominicum diligenter recondatur ad viaticum recedentibus a seculo. Quæ sacra oblatio intincta debet esse in sanguine Christi, ut veraciter Presbyter possit dicere infirmo:

[g] Concil. Brachar. 3. c. 2. Concil. Wormac. c. 4. Tomo hoc p. 311. Burchard. Lib. 5. c. 2.  
 (h) Marth. XXVI. (i) Burchard. Lib. 3. c. 96. & Dist. 1. de consecrat. c. 45.  
 (k) Burchard. Lib. 3. c. 98. (l) Editio Helmæstad. *reponatur*.  
 (m) Lib. 1. Capitular. 161. Capitula Walterii Aurel. c. 7. Burchard. Lib. 5. c. 10.  
 (n) Burchard. Lib. 5. c. 9.

mo: *Corpus & sanguis Domini proficiat tibi, &c.* temperque (o) sit super Altare observatum, propter mures, & nefarios homines, & de tertio in tertium diem semper mutetur, id est, illa a Presbytero sumatur, & alia, quæ eodem die consecrata est, in locum subrogetur, ne forte diutius reservata, mucida, quod absit, fiat.

*De oblatis, ut de sabbato in sabbatum innoventur.*

*Ex eodem.*

LXXI. Illud (p) etiam adnectendum videtur, ut oblationes, quæ in Altari offeruntur, de sabbato in sabbatum semper innoventur: quia panes propositionis, qui super mensam Domini ponebantur, a sabbato in sabbatum semper mutabantur.

*Ut chrisma semper sub sera sit.*

*Ibidem.*

LXXII. Præterea (q) & illud omnimodis observandum est, ut sacrum chrisma, & oleum consecratum semper sub sera sit, ne illud, unde Christo incorporamur, & unde omnes fideles sanctificantur, unde Reges & Sacerdotes inunguntur; aliquis infidelis, aut imundus tangat, aut aliquis perfidus ad Dei iudicium subvertendum subripiat. Quod experimento didicimus. (*Vide Concilium Metersense anni 888. cap. VI.*)

*Si Presbyter Chrisma dederit ad iudicium subvertendum.*

*Ex Capitularibus, Tit. LV.*

LXXIII. Ut (r) Presbyter, qui chrisma donaverit ad iudicium subvertendum, postquam de gradu suo depositus fuerit, manum amittat.

*Ut nullus Presbyter pro Chrismo aliquod munus det.*

*Ex Concilio Meldensi. Cap. XLV.*

LXXIV. Ut (s) nemo Episcopo- rum, vel quilibet minister Ecclesiasticus

L 113

propter sacrum Chrisma aliquid muneris accipiat, neque denarios, vel quælibet munuscula, quæ per ministros Episcoporum a Presbyteris inordinabiliter exiguntur. Decet tamen Presbyteros cum voluntariis eulogiis, tempore congruo visitare, & venerari suos Episcopos.

*Ut omnis Presbyter duas ampullas in cæna Domini ad civitatem deferat.*

*Ex Capitulis. Tit. CLVI.*

LXXV. Ut (t) Presbyter in cæna Domini ampullas duas secum deferat, unam ad Chrisma, alteram ad oleum ad catechumenos inungendum, vel infirmos juxta [u] sententiam Apostolicam, ut quando quis infirmatur, inducat Presbyteros Ecclesiæ, qui pro ipso orent, eumque inungant. Et cætera.

Consentiunt in hoc loco editio Helmæstadiensis, & codex MS. Parisiensis, quo nos uti sumus. Variant autem Libri Capitularium, in editis sane, tum apud Burchardum: & in veteri codice MS. Bibliothecæ Colbertinæ, tum etiam in nostro, præcipitur, ut Presbyter tres ampullas secum deferat. Sed in veteri codice MS, ex quo prima Parisiensis editio prodit, tum etiam in antiquissimo libro Monasterii Rivipullensis, ita omnino legitur: Ut Presbyter in cæna Domini duas ampullas secum deferat, unam ad Chrisma, alteram ad oleum, ad Catechumenos inungendum, vel infirmos juxta sententiam &c. Hanc ultimam lectionem secutus est Regino. Contra in veteri codice Pontificali Ecclesiæ Rotomagensis, apud Hugonem Menardum in Notis ad librum Sacramentorum, pag. 80. Mane primo Mansionarii ordinent omnia, quæ sunt necessaria ad consecrationem Chrismatis, ampullas tres de oleo mundissimo plenas ponentes in sacratio, unam ad oleum pro infirmis, alteram ad Chrisma, tertiam vero ad oleum ad catechumenos unguendum. *Nota Baluzii.*

*De*

[o] Vide Hug. Menard. in Notis ad Lib. Sacramentorum, pag. 378.

[p] Burchard, Lib. 5. c. 12. (q) Burchard, Lib. 4. c. 80.

(r) Lib. 5. Capitular. c. 55. Lex Longobardorum, Lib. 3. tit. 27. c. 1.

(s) Burchard, Lib. 5. c. 77.

(u) Jacob, V.

(t) Lib. 1. Capitular. c. 162. Burchard, Lib. 4. c. 75.



*De Presbyteris, qui longe positi  
sunt.**Item unde supra* Cap. XCIII.

LXXVI. De (x) Presbyteris, qui accipiendi gratia Chrismatis ad civitates in cena Domini venire soliti erant, sancitum est, ut de his, qui longe positi sunt, de octo vel decem unus ab Episcopo eligatur, qui acceptum Chrisma sibi, & sociis diligenter perferat. Hi vero, qui non longius a civitate, quam quatuor, aut quinque millibus habitant, more solito ad accipiendum Chrisma per se veniant; discendi vero gratia alio, non quadragesimali, tempore ad civitatem convocentur, propter plebes sibi commissas.

*Ut alterius Episcopi Chrisma nullus  
Presbyter accipiat.**Ex Concilio Vassensi.* Cap. III.

LXXVII. Per (y) singula territoria Presbyteri, vel ministri ab Episcopis, non prout libitum fuerit, a vicinioribus, sed a suis propriis per annos singulos petant Chrisma, appropinquante solemnitate Paschali: nec per quemcunque Ecclesiasticum, sed si qua necessitas, aut ministrorum occupatio est, per Subdiacolum: quia inhonorum est, inferioribus summa committi. Optimum autem est, ut ipse suscipiat, qui in tradendo usurus est. Si quid autem obstat, saltem is, cuius officii est, Sacramentarium disponere, & Sacramenta suscipere. (*Vide Concilium Carthaginense 4. cap. 36.*)

*Ut nullus Minister sine Chrismate  
proficiscatur.*

LXXVIII. Nullum (z) Ministrum, qui baptizandi recepit officium, sine Chrismate unquam debere progredi, quia inter nos placuit semel in Baptismate chrismari. De eo autem, qui in Baptismate quacunque necessitate faciente, non chrismatus fuerit, in confirmatione Sacerdos commonebitur.

*De fontibus sacris.**Unde supra.*

LXXIX. Presbyter, [a] qui fontes lapideos habere nequiverit, vas conveniens ad hoc solummodo baptizandi officium habeat, quod nunquam extra Ecclesiam deportetur. Similiter ad corporale lavandum, & ad pallas altaris, propria vasa habeantur, in quibus nihil aliud fiat. (*Vide infra cap. 271. hujus libri.*)

*Ut nullus Presbyter absque vestimentis  
Sacerdotalibus præsumat  
Missam cantare.**Ex Concilio Remensi.*

LXXX. Nullus Presbyter sine amictu, alba, & stola, & fanone, & casula ullatenus Missam celebrare præsumat. Et hæc sacra vestimenta mundissima sint, & in nitido loco intra Ecclesiam collocentur. Nec Presbyter, cum his induitur, extra Ecclesiam exeat, quia hoc lex Divina prohibet.

*Ut nullus Presbyter in vadium  
sacra vasa, & vestimenta  
mittat.**Unde supra* Cap. XI.

LXXXI. Ut (b) nullus Presbyter præsumat calicem, vel patenam, vel pallium altaris, vel vestimentum sacerdotale, aut librum tabernario vel negotiatori, aut cuilibet laico, vel feminae in vadium dare, nisi iustissima necessitate urgente: quia tanta est sanctitas sacri ministerii, ut salva altioris mysterii intelligentia, etiam per Prophetam Dominus prohibuerit, ne cum sanctis vestimentis Sacerdos procedat ad populum, sed intra sancta illa dimittat, a colloquio Divino rediens. Et cui in tabernas ad bibendum a sacris Canonibus ingredi prohibetur, sanctificata sacri ministerii, nec ad contingendum immundis, quanto minus ad vadimonium exhibere debet, sicut Stephanus Papa & Martyr secundum Hilarium in suis Decretalibus docuit.

(x) Lib. 1. Capitular. c. 99. Burchard. Lib. 4. c. 79.

(y) Lib. 7. Capitular. c. 310. Burchard. Lib. 4. c. 78.

(z) Concil. Arausic. 1. c. 2. Burchard. Lib. 4. c. 73.

(a) Hincmari Capitula an. 852. c. 3. Burchard. Lib. 4. c. 13. Capitulare Ahyton's. c. 7.

(b) Hincmar. in Capitulis datis an. 852. c. 11. Burchard. Lib. 3. c. 104. Capitulare Theodulfi c. 18.

*Abbinc de vita Sacerdotum.*

*Ut Episcopus & Presbyter non longe ab Ecclesia hospitium habeat.*

*Ex Concilio Carthaginiensi.*

LXXXII. Ut (c) Episcopus non longe ab Ecclesia hospitium habeat.

*Ut Presbyteri nullatenus ubique hospitari sinantur.*

*Ex Concilio Meldensi. Cap. XXXVI.*

LXXXIII. Ut Presbyteri nullatenus ubicunque hospitari sinantur, aut aliquo modo ipsi præsumant; sed assidue apud suas Ecclesias esse studeant propter sacra myteria, vel ministeria fidelibus exhibenda, nec etiam alibi habitare permittantur. Neque mulieres quamcunque (d) habitationem habeant in locis, in quibus Presbyteri aliquem recursum habuerint. Quod si obviare parvipenderint; ita ut transgressores, & qui contra interdicta fecerint, judicentur.

*De continentia Sacerdotum.*

*Ex Concilio Neocæsariensi. Cap. I.*

LXXXIV. Presbyter, (e) si uxorem acceperit, ab ordine deponatur. Si vero fornicatus fuerit; aut adulterium perpetraverit, amplius pelli debet, & ad penitentiam redigi. Simili (f) modo etiam Diaconus, si eodem peccato succubuerit, ab ordine ministerii subtrahatur.

*De eadem re.*

*Ex eodem Concilio.*

LXXXV. Presbyter, (g) si præoccupatus corporali peccato confessus fuerit de se, quod ante ordinationem deliquerit, oblata non consecret, manens in reliquis officiis propter studium bonum. Quod si de se ipse non fuerit confessus, & argui manifeste nequiverit, potestati sui iudicii relinquatur.

*De eadem re.*

*Ex Canonibus Apostolorum.*

LXXXVI. Presbyter, (b) aut Diaconus, qui in fornicatione, aut perjurio, aut furto, aut homicidio captus est, deponatur, non tamen communione privetur. Dicit enim Scriptura: *Non iudicat Dominus bis.*

*Item.*

LXXXVII. Sacerdotes Domini, & Diaconi, vel quicunque Sacramenta contrectant, pudicitia custodes ab uxoribus se absteineant.

*De eadem re.*

LXXXVIII. Præterea (i) quod dignum & pudicum, & honestum est, tenere Ecclesia omnino debet, ut sacerdotes & Levitæ cum mulieribus non coeant, quia ministerii quotidiani necessitatibus occupantur, & scriptum est: Sancti estote, quoniam ego sanctus sum Dominus Deus vester.

*De eadem re.*

LXXXIX. De Presbyteris (k) & Diaconibus Divinarum legum est disciplina, ut incontinentes in officiis talibus positi, omni honore Ecclesiastico priventur, nec admittantur ad tale ministerium, quod sola continentia oportet impleri.

*Item.*

XC. Interdixit (l) per omnia magna Synodus. Non Episcopo, non Presbytero, non Diacono, vel alicui omnino, qui in Clero est, licere subintroductam habere mulierem, nisi forte matrem, aut sororem, aut amitam, vel eas tantum personas, quæ suspicionem suffugiunt,

*De*

(c) Concil. Carthag. 4. c. 14.

(e) Burchard. Lib. 2. c. 108.

(f) Concil. Neocæsar. c. 10. Tomo I. nostro pag. 150.

(g) Concil. Neocæsar. c. 9. Burchard. Lib. 2. c. 49.

(b) Canon. Apostol. c. 25. Tomo I. nostro, pag. 133. Burchard. lib. 2. c. 189. lib. 17. c. 39.

(i) Burchard. lib. 2. c. 118.

(k) Burchard. lib. 2. c. 117.

(l) Concil. Nic. c. 3. Tomo I. nostro pag. 137. Burchard. lib. 2. c. 109.

[d] Sirmond. & cod. MS. frequentationem.



*De eadem re.**Ex decretis Siricii Papæ.*

Tit. XII.

XCI. Fœminas (*m*) vero non alias esse patimur in domibus Clericorum, nisi eas tantum, quas proprie sola necessitudinis causa habitare cum eisdem Synodus Nicæna permittit.

*De eadem re.**Ex Concilio Carthagenensi. Cap. XXV.*

XCII. (\*) Aurelianus Episcopus dixit: Addimus (*n*) Fratres Carissimi, præterea, cum de quorundam Clericorum, quamvis lectorum, erga uxores proprias incontinentia referretur, placuit, quod & diversis Conciliis firmatum est; ut Subdiaconi, qui sacra mysteria contrectant, & Diaconi, & Presbyteri, seu etiam Episcopi, secundum propria statuta ab uxoribus se abstineant, ut tanquam non habentes, videantur esse. Quod nisi fecerint, ab ecclesiastico removeantur officio. Cæteros autem Clericos ad hoc non cogi nisi maturiore ætate.

*De eadem re.**Ex decretis Siricii Papæ. Cap. VII.*

XCIII. Plurimos (o) enim Sacerdotes Christi, atque Levitas, post longa consecrationis suæ tempora tam de conjugii propriis, quam etiam de turpi coitu sobolem didicimus procreasse, & crimen suum hac proscriptione defendere, quia in veteri testamento sacerdotibus ac ministris generandi facultas legitur adtributa. Dicat mihi nunc quisquis est ille sectator libidinum, præceptorque vitiorum, si æstimat, quia in lege Moyfi passim sacris ordinibus a Domino nostro laxata sunt fræna luxuriæ; cur eos, quibus committebantur Sancta Sanctorum, præmonet dicens: Sancti estote, quia & ego Sanctus sum Dominus Deus vester. Cur etiam procul a suis domibus anno vicis suæ habitare in templo iussi sint sacerdotes? Hac videlicet ratione, ne vel cum uxoribus

possint carnale exercere commercium, ut conscientia integritate fulgentes acceptabile Deo munus offerrent; quibus expleto deservitionis suæ tempore uxoris usus, solius successione causa, fuerat relaxatus; quia non ex alia, nisi ex tribu Levi quisquam ad Dei ministerium fuerat præceptus admitti.

*De eadem re.*

Cap. XCII.

XCIV. Statutum est (*p*) ab Episcopis de Presbyteris, ut qui feminas secum indiscrete habitare permittunt, & propter hoc malæ opinionis suspicione denotantur, si deinceps admoniti non se correxerint, velut contemptores Sacrorum Canonum, canonica invectione feriantur.

Recte hoc Capitulum laudat Regino, si ratio habeatur veterum codicum. Etenim caput istud, quod in editionibus est XCVIII. libri primi, XCII. est in codicibus Colbertino & Rivipullensi: ubi in libro primo desunt sex capita, quæ extant in editionibus. In veteri codice MS. Bibliothecæ Regiæ, ex quo prodit prima editio Parisiensis, est numero XCL. Nota Baluzii.

*De eadem re.**Ex Concilio Wormaciensi.*

Cap. XXXIII.

XCIV. Placuit, (*q*) ut Episcopi, Presbyteri, Diaconi, Subdiaconi abstineant a conjugibus, ut non generent filios. Quod si hoc decretum violaverint, ab honore Clericatus pellantur.

*De eadem re.**Ex Decretis Papæ Leonis.*

XCVI. Lex (*r*) continentia eadem est Altaris ministris, quæ Episcopis atque Presbyteris; quis cum essent Laici sive Lectores, licite & uxores ducere, & filios procreare potuerunt; sed, cum ad prædictos pervenerunt gradus, cœpit eis non licere, quod licuit. Unde, ut de carnali tunc spiritale conjugium, oportet eos nec dimittere uxores, & quasi non

(*m*) Decreta Siricii c. 12. Burchard. lib. 2. c. 110.

(*n*) Aurelius. Concil. Carthag. 6. c. 25. Tomo I. nostro p. 203.

(*o*) Decreta Siricii. c. 7.

(*p*) Lib. 1. Capitular. c. 98. Burchard. lib. 2. c. 111.

(*q*) Concil. Wormac. c. 9.

(*r*) Decreta Leonis 1. c. 17. Burchard. lib. 2. c. 114.

non habeant, sic habere, quo & salva sit caritas conubiorum, & cesserit operatio nuptiarum.

*De eadem re.*

*Ex dictis Sancti Gregorii Papæ.*

XCVII. Qui corpus suum castitati dedicant, habitare secum feminas non permittant.

*Item Sancti Augustini.*

XCVIII. Ideo nolo, ut soror mea mecum sit, quia, quæ cum sorore mea sunt, sorores meæ non sunt.

*De eadem re.*

*Ex Concilio Wormatiensi. Cap. IX.*

XCIX. Sacerdotes (s) igitur, si in fornicationis laqueum ceciderint, & crimen manifestissime ostensum fuerit, hac tenus sacerdotii non possunt habere honorem, secundum Canonicæ institutionis auctoritatem.

*Quæ mulieres in domibus habitent Clericorum.*

*Ex Concilio Agathensi.*

C. Id (t) etiam ad custodiendam vitam, & famam speciali ordinatione præcipimus, ut nullus Clericorum extraneæ sit mulieri qualibet consolatione aut familiaritate conjunctus. Et non solum in domo illius extranea mulier non accedat, sed nec ipse frequentandi ad extraneam mulierem habeat potestatem: sed cum matre tantum; & sorore, filia, & nepte, si habuerit, vivendi liberam habeat potestatem; de quibus nominibus nefas est, aliud, quam natura constituit, suspicari.

*Ne ancillæ, vel libertæ cellarium teneant Clericorum, vel ministerium secretum impendant.*

*Ex Concilio Agathensi.*

CI. Ancillas, (u) vel libertas a cellarario, vel a fecrero ministerio, & ab eadem mansione, in qua Clericus manet, placuit removeri.

M m m

(s) Concil. Wormac. c. 11.

(u) Concil. Agath. c. 11.

(y) Concil. Turon. I. c. 1. Burchard. lib. 2. c. 116.

(z) Concil. Nannet. c. 3. Lib. 7. Capitular. c. 291. Burchard. lib. 2. c. 116.

*De familiaritate extranearum mulierum.*

*Ex Concilio Aureliano.*

CII. Ideoque statuimus, (x) ut ne quis Antistitum, aut Clericorum licentiam habeat, intra domum suam, ullam absque propinquis mulieribus, quas priores Canones eloquantur, habere personam. De quibus etiam id specialiter inhibetur, ut, si quis Clericorum suspensionem adversam, aut obloquutionem populi, ob mulierem quamcunque incurrerit, eam statim, si intra domum suam habet, abjiciat. Si certe extranea & sui juris est, istam omnibus conditionibus studeat abjicere; ut infamia, quæ excitata est, abrogetur. Quod si quilibet Antistitum, vel Clericorum, quod supra scriptum est vitare noluerit, pro inobedientia triennii excommunicatione mulietur. Quod si adulterii permixtionem fuerit adprobatus; in regradatione honorum, priorum Canonum statuta ferventur.

*De eadem re.*

*Ex Concilio Turonico.*

CIII. Et quia diabolo (y) nullum locum dare oportet, hoc præcipue custodiendum decrevimus, ut nulli Clerici cum extraneis feminis habeant familiaritatem, nec ullum male loquendi, vel sentiendi hominibus aditum tribuant: quia frequenter per hanc indecentem occasionem contigit, ut diabolus, qui infidiatur, sicut leo in cubili suo, de ruinis fervorum Dei insultet. Si quis vero Clericus post interdictum Episcopi sui illicitis familiaritatibus extranearum feminarum voluerit inhaerere; a communione habeatur alienus.

*De eadem re.*

*Ex Concilio Nannetensi. Cap. VI.*

CIV. Inhibendum; (z) & modis omnibus interminandum est, ut nullus Sacerdos eas personas sceminarum, sicut & in canone insertum continetur, de quibus suspicio esse potest, in domo sua habeat. Sed neque illas, quas canones concedunt (quia instigante diabolo, etiam in

(t) Concil. Agath. c. 10. Burchard. lib. 2. c. 112.

(x) Burchard. lib. 2. c. 113.



in illis scelus frequenter perpetratum reperitur, aut etiam in pedissequis illarum) scilicet matrem, amitam, sororem. Sed si quis de his habuerit talem necessitatem patientem, cui sit necessitas sustentatio Presbyteri; habeat in vico, aut in villa domum longe a Presbyteri conversatione, & ibi eis subministret, quæ necessaria sunt. Sed & hoc secundum auctoritatem canonicam modis omnibus prohibendum, ut nulla femina ad altare præsumat accedere, aut Presbytero ministrare, aut infra cancellos stare, aut sedere.

### *De visitandis a Presbytero infirmis.*

*Unde supra.*

CV. Cum (a) Sacerdos audierit aliquem infirmari in sua plebe, quam citius ad eum pergat, & ingressus cubiculum, aquam benedictam super eum, & per omne cubiculum aspergat, cum antiphona: *Asperges me Domine.* Et versu: *Exurgat Deus.* Deinde dicat orationem: *Deus, qui Sacerdotibus tuis tantam præ cæteris gratiam contulisti.* Deinde cantet septem Psalmos cum precibus pro infirmis. Post hæc omnes jubeat extra cubiculum secedere. Et adpropinquans lecto, quo infirmus decumbit, eum blande, leniterque alloquatur: ut omnem spem suam in Deo ponat: ut flagellum Dei patienter toleret: ut hæc ad purgationem, & castigationem suam provenire credat: ut peccata sua confiteatur: ut emendationem promittat, si Dominus vitam concesserit, pœnitentiam pro culpis commissis spondeat: ut substantiam suam, dum adhuc sensus, & ratio in eo viget, disponat: ut peccata sua eleemosynis redimat: ut his, qui in se peccaverunt, indulgeat: ut rectam fidem, & credulitatem teneat: ut de Dei misericordia nunquam desperet. Cum his & hujuscemodi allocutionibus fuerit mens infirmi relevata; data benedictione sacerdos recedat, non post multum reversurus. Detque locum, ut agrotus de peccatis suis possit cogitare.

### *De infirmis, qui confitentur peccata sua, & se reconciliari exposcunt.*

*Ex quo supra.*

CVI. Infirmus, (b) qui necessitate mortis urgente confitetur peccata sua, sub ea conditione a sacerdote reconciliatur, ut, si ei Dominus vitam donaverit, sanitatemque reddiderit; secundum qualitatem delicti omnimodis pœniteat.

### *De reconciliandis infirmis.*

*Ex Concilio Nicæno.*

CVII. De his, (c) qui ad exitum veniunt, etiam nunc relaxatio antiqua regularisque servabitur, ita, ut si quis egreditur e corpore, ultimo & necessario viatico minime privetur; quo si vel desperatus, & consecutus communionem, oblationisque particeps factus, iterum convalescit; sit inter eos, qui communionem orationis tantummodo consequuntur. Generaliter autem omni cuilibet in exitu posito, & poscenti sibi communionis gratiam tribui, Episcopus probabiliter ex oblatione dare debebit.

### *De eadem re.*

*Ex Epistola Leonis Papæ.*

CVIII. His autem, (d) qui in tempore necessitatis, & in periculi urgentis instantia præsidium pœnitentiæ, mox reconciliationis implorant, nec satisfactio interdicenda est, nec reconciliatio deneganda; quia misericordiæ Dei nec mensuræ possumus ponere, nec tempora definire, ad quem nulla impedit venire mortis conversio, dicente Dei Spiritu per Prophetam: Cum conversus ingemueris, tunc salvus eris. Et alibi: Dic iniquitates tuas prior, ut iustificeris. Item: Quia apud Dominum misericordia est, & copiosa apud eum redemptio. In dispensandis itaque donis Dei non debemus esse difficiles, nec se accusantium gemitus, lacrymasque negligere, cum ipsam pœnitendi affectionem ex Dei credamus inspiratione conceptam, ut resipiscant a diaboli laqueis, a quo captivi tenentur ad ipsius voluntatem.

*De*

(a) Concil. Nanner. c. 4. Burchard. lib. 18. in argumento.

(b) Concil. Nanner. c. 5. Burchard. lib. 18. c. 3.

(c) Concil. Nicæn. c. 13. Tomo I. nostro pag. 139. Burchard. lib. 18. c. 6.

(d) Leo 1. Ep. 91. Burchard. lib. 18. c. 4.

*De eadem re.*

*Ex Concilio Africano.*

CIX. Aurelius (e) Episcopus dixit: Siquisquam in periculo fuerit constitutus, & se reconciliari Divinis Altaribus petierit; si Episcopus absens fuerit, debet utrique Presbyter consulere Episcopum, & sic perichlitantem ejus præcepto reconciliare. Quam rem salubri consilio debemus roborare.

*De eadem re.*

*Ex Epistola Caelestini Papæ.*

CX. Vera ergo (f) ad Deum conversio in ultimis positorum, mente potius est æstimanda, quam tempore, Propheta hoc taliter asserente: Cum conversus ingemueris, tunc salvus eris. Cum ergo Dominus sit cordis inspector, quovis tempore non est deneganda pœnitentia postulanti, cum illi se obliget judici, cui occulta omnia noverit revelari.

*De his, qui obmutescunt, antequam sacerdos veniat ad eos.*

*Ex Epistola Leonis Papæ.*

CXI. Ita (g) ergo talium necessitati auxiliandum est, ut nec actio illis pœnitentiæ, nec communionis gratia denegetur, si eam etiam amisso vocis officio per iudicia integri sensus querere comprobentur. Quod si ita aliqua ægritudine fuerint adgravati, ut, quod paulo ante poscebant, & sub præsentia significare non valebant, testimonia eis fidelium circumstantium prodesse debebant: simul tamen & pœnitentiæ, & reconciliationis beneficium consequantur.

Mendosa est lectio istius capituli apud Reginsonem. Legendum itaque: poscebant, sub præsentia Sacerdotis significare non valeant, &c.

M m m 2

- (e) Concil. Carthag. 2. c. 4. Tomo I. nostro pag. 200. Burchard, lib. 18. c. 13.
- (f) Decreta Caelest. I. c. 15. Burchard, lib. 18. c. 1.
- (g) S. Leo Epist. 91. c. 5. Burchard, lib. 18. c. 9. Riculf. c. 10.
- (h) Concil. Carthag. 4. c. 78. Burchard, lib. 18. c. 23.
- (i) Decreta Siricii c. 5. Burchard, lib. 18. c. 8.
- (k) Cod. MS. *communicationis*.
- (l) Concil. Vaf. 1. c. 2. Burchard, lib. 18. c. 24.
- (m) Decreta Leonis 1. c. 20. Burchard, lib. 11. c. 52.
- (n) leg. non diff.

*Tomus II. Concil. German.*

*De eadem re.*

*Ex Concilio Carthaginensi.*

CXII. Pœnitentes, (b) qui in infirmitate viaticum Eucharistiæ acceperint, non se credant absolutos sine manus impositione, si supervixerint.

*De eadem re.*

*Ex Epistola Siricii Papæ.*

CXIII. Quicumque (z) carnali fragilitate ceciderunt, his viatico munere, cum ad Dominum cœperint proficisci, per (k) communionis gratiam volumus subvenire.

*De pœnitentibus subito mortuis.*

*Ex Concilio Vassensi. Cap. LXV.*

CXIV. Eorum, (l) qui in pœnitentiâ accepta, in bonæ vitæ cursu, sine communionem subito moriuntur, oblationem recipiendam, & eorum funera, ac deinceps memoriam, Ecclesiastico affectu prosequendam.

*De Communione privatis, qui vita defuncti sunt.*

*Ex Epistola Leonis Papæ.*

CXV. Horum (m) causa Dei iudicio reservanda est, in cujus, manu fuit, ut talium obitus, usque ad communionis remedium (n) differretur. Nos autem, quibus viventibus non communicavimus, mortuis communicare non possumus.

*De unguendis infirmis.*

*Ex Concilio Turonensi.*

CXVI. Postquam infirmus ab opere peccatorum per confessionem relevatus fuerit, & a sacerdote reconciliatus, oleo sanctificato in Dei nomine inungendus est, primum in pectore, deinde inter scapulas, cum precibus ad hanc



hanc sanctam unctionem pertinentibus , ut juxta Apostolum oratio fidei salvet infirmum , &c.

*De eadem re.*

*Ex Epistola Innocentii Papæ.  
Cap. CCCLXXXVII.*

CXVII. Beatus [o] enim Jacobus Apostolus in Epistola sua scripsit : Infirmitur quis in vobis , inducat Presbyteros Ecclesiæ , & orent super eum , unguentes eum oleo in nomine Domini , & oratio fidei salvabit infirmum , & allevabit eum Dominus ; & si in peccatis fuerit , remittentur ei. Quod non est dubium de fidelibus ægrotantibus accipi vel intelligi debere , quia sancto Oleo Chrismatis perungi possunt , quod ab Episcopo confectum , non solum sacerdotibus , sed omnibus uti Christianis licet in sua , aut suorum necessitate ungendum. Ceterum illud superfluum videmus adjunctum , ut de Episcopo ambigatur , quod Presbytero licere non dubium est. Nam idcirco Presbyteris dictum est , quia Episcopi , occupationibus impediti , ad omnes languidos ire non possunt. Ceterum si Episcopus aut potest , aut dignum ducit , aliquem a se visitandum ; & benedicere , & tangere Chrismate sine cunctatione potest , cujus est ipsum Christina conficere. Nam pœnitentibus istud fundi non potest , quia genus est Sacramenti. Nam quibus reliqua Sacramenta negantur , quomodo unum genus putatur posse concedi.

*De eadem re.*

*Ex dictis Bedæ Presbyteri.*

CXVIII. Infirmitur quis in vobis ? Inducat Presbyteros Ecclesiæ , & orent super eum , unguentes eum oleo in nomine Domini , & oratio fidei salvabit infirmum. Hoc & Apostoli in Evangelio fecisse leguntur , & nunc Ecclesiæ consuetudo tenet , ut infirmi Oleo consecrato unquantur a Presbyteris , & oratione comitante sanentur. Non solum Presbyteris , sed , ut Papa Innocentius scribit , etiam omnibus Christianis uti licet eodem Oleo in sua , aut suorum necessitate unguendo ; quod tamen oleum non nisi

ab Episcopis licet confici. Nam quod ait : oleo in nomine Domini ; significat , oleo in nomine Domini consecrato. Vel certe , quia etiam , cum unguunt infirmum , nomen Domini super eum invocare pariter debent. Et si in peccatis sit , dimittentur ei. Multi propter peccata in animam facta , infirmitate , aut etiam morte plectuntur corporis. Unde Apostolus Corinthiis , quia Corpus Domini indigne percipere erant soliti , ait : Ideo inter vos multi imbecilles , & dormiunt multi. Si ergo infirmi in peccatis sunt , & hæc Presbyteris Ecclesiæ confessi fuerint , ac perfecto corde ea relinquere atque emendare faterint , dimittentur eis. Neque enim sine confessione emendationis peccata queunt dimitti. Unde recte subjungitur : Confitemini alterutrum peccata vestra , & orate pro invicem , ut salvemini.

*De Sacra Communione.*

*Unde supra.*

CXIX. Postquam infirmus Sacra unctione fuerit delibutus , statim corpore , & sanguine Domini recreandus est ; ut de cujus vita corporali desperatur , vivificari in anima , aut vita mereatur æterna. Ait enim Dominus : Qui manducat carnem meam , & bibit sanguinem meum , habet vitam æternam. Et : Nisi manducaveritis , non habebitis vitam in vobis. Proinde sancti canones præcipiunt , ut nulli fidei in extremis posito communio denegetur.

*Ne Presbyter sacram Communionem laico , vel femine ad deferendum tradat.*

*Ex Concilio Remensi.*

CXX. Pervenit (p) ad noticiam nostram , quod quidam Presbyteri in tantum parvipendant Divina mysteria , ut laico , aut femine sacrum corpus Domini tradant ad deferendum infirmis ; & quibus prohibetur , ne sacrarium ingrediantur , nec ad altare appropinquent , illis Sancta Sanctorum committuntur. Quod quam sit horribile , quam detestabile , omnium religiosorum animadvertit prudentia. Igitur

(o) Decreta Innoc. I. c. 8. Burchard. lib. 18. c. 2.

(p) Burchard. lib. 5. c. 30. & Dist. 2. de Consecr. c. 29.

tur interdicat per omnia Synodus, ne talis temeraria præsumptio ulterius fiat, sed omnimode Presbyter per semetipsum infirmum communicet. Quod si aliter fecerit, gradus sui periculo subiacebit.

*Ut nulla præmia pro baptizandis requirantur.*

*Ex Epistola Gelasii Papæ.*

CXXI. Baptizandis, (q) consignandisque fidelibus pretia nulla præstent, nec inlationibus quibuslibet impositis exagitare cupiant renascentes: quoniam quod gratis accepimus, gratis dare mandamur. Et ideo nihil a prædictis prorsus exigere moliantur, quo vel paupertate cogente deterriti, vel indignatione vocati, redemptionis suæ causas adire despiciant; certum habentes, quod, qui prohibita admisisse fuerint deprehensi, vel commissa non potius sua sponte correxerint, periculum subituri proprii sint honoris.

*Ut nemo pro sepultura quidquid exeat.*

*Ex Epistola Gregorii Papæ.*

CXXII. Grave (r) nimis, & procu- est a Sacerdotis officio, pretium de terra concessa putredini querere, & de alieno velle facere luctu compendium. Hoc autem vitium & nos, postquam Deo auctore ad Episcopatus honorem accessimus, de Ecclesia nostra omnino vetuimus, & pravam denuo consuetudinem nequaquam usurpari permisimus, memores, quia dum Abraham a filiis Ephron, hoc est, filio Seor, sepulcri pretium ad humandum corpus conjugis postularer, pretium accipere renuit; ne commodum videretur de cadavere consecutus. Si ergo tantæ considerationis paganus vir fuit, quanto magis nos, qui Sacerdotes dicimur, hoc facere non debemus? Unde hoc avaritiæ vitium, ne vel in alienis denuo tentari præsumatur, ammonere. Sed si quando aliquem in Ecclesia vestra sepeliri conceditis, siquidem parentes ipsius, proximi, vel hæredes, pro luminaribus sponte quid

M m 3

offerre voluerint, accipere non vetamus. Peti vero, aut alicui exigi, omni modo prohibemus; ne quod valde inreligiosum est, aut venalis, quod absit, dicatur Ecclesia, aut vos de humanis videamini mortibus gratulari, si ex eorum cadaveribus studeatis quarere quolibet modo compendium.

*De eadem re.*

*Ex Concilio Meldensi.*

Cap. LXXII.

CXXIII. Ut (s) nemo, quemlibet mortuum in Ecclesia, quasi hæreditario jure, nisi quem Episcopus aut Presbyter pro qualitate conversationis, aut vitæ, dignum duxerit, sepelire præsumat: nec quisquam ossa cujuslibet mortui de sepulcro suo ejicere, aut sepulturam cujusquam temerario ausu quoquo modo violer, sed unumquemque in loculo sibi a Deo parato, atque concessio, adventum sui iudicis præstolari concedat: maxime cum non solum Divinæ leges, sed etiam & humanæ, apud humanam rempublicam sepulcrorum violatores reos mortis dijudicent. Sed & neque pro loco sepulturæ, ut verbis Sancti Gregorii utamur, pretium de terra concessa putredini querere, & de alieno velle facere luctu compendium aliquo modo tentent. Si quando autem proximi, vel hæredes, sponte aliquid offerre in Ecclesia voluerint in elemosyna defuncti, accipere non vetamus. Peti vero, aut aliquid exigi omnino prohibemus; ne quod valde inreligiosum est, aut venalis, quod absit, dicatur Ecclesia, aut de humanis mortibus videamur gratulari, si compendium exinde studemus modo quolibet querere.

*Ut nullus in Ecclesia mortuum sepeliat.*

*Ex Capitulis Synodalibus. Tit. CLVI.*

CXXIV. Ut (t) nullus deinceps in Ecclesia mortuum sepeliat.

*De eadem re. C. XLVI.*

CXXV. Ut (u) de sepeliendis in Basilicis

(q) Decreta Gelasii, c. 5. Burchard, lib. 4. c. 71.

(r) S. Gregor. lib. 7. Indict. 2. Epist. 55. Capitulare Ahytonis c. 24.

(s) Capitulare Theodulfi c. 9. Riculfi c. 19. Ahytonis c. 23: Tomo hoc pag. 20. hoc caput non reperitur inter Ahytonis Capitula. Burchard, lib. 3. c. 158.

(t) Lib. 1. Capitular. c. 159.

(u) Lib. 2. Capitular. c. 47. Conc. Arelat. 6. c. 21.



filicis mortuis constitutio illa servetur, quæ ab antiquis Patribus constituta est.

*Ex Concilio Nannetensi.*

Præcipiendum (x) secundum Canonum auctoritatem, ut de sepulcris, & hominibus sepeliendis nihil muneris exigant; nisi forte, qui sepelitur; vivens iusserit Ecclesiæ, in cujus atrio sepelitur, de suis rebus aliquid tribuere, aut etiam post mortem illius, quibus commissum est, ejus eleemosynam facere, de rebus illius aliquid dare sponte voluerint. Tamen nullatenus a Presbyteris illis aliquid exigatur, sive ab illis, qui locis & vicis præfunt. Prohibendum etiam, secundum majorum instituta, ut in Ecclesia nullatenus sepeliantur, sed in atrio, aut in porticu, aut exedra Ecclesiæ. Infra Ecclesiam vero, aut prope altare, ubi corpus Domini & sanguis conficitur; nullatenus habeant licentiam sepeliendi.

*De eadem re.*

*Ex Concilio Triburicensi.*

CXXVI. Ut, (y) si possit fieri, mortui non alibi sepeliantur præter ad Ecclesiam, & deinceps nihil exigatur pro pretio sepultura.

*De eadem re.*

*Ex eodem.*

CXXVII. Dictum (z) est, in quibusdam locis pro perceptione chrismatis nummos dari solere, pro baptismo, & communione. Hoc Simoniacæ hæresis semen detestata est sancta Synodus, & anathematizavit, & ut de cætero nec pro ordinatione, nec pro chrismate, vel baptismo, nec pro sepultura, vel communione quicquam exigatur, sed gratis dona Christi gratuita (a) dispensentur.

*De infantibus mortuis, per negligentiam non baptizatis.*

*Ex Penitentiali, Cap. XVII.*

CXXVIII. Pariens femina, cujus filius per negligentiam non baptizatus obierit, annum unum peniteat, & nunquam sit sine aliqua penitentia. Si

sacerdos, (b) ad quem pertinebat, vocatus fuerit ad baptizandum infantem, & venire neglexerit; ipse secundum damnationem animæ judicio Episcopi sui castigetur. Sed & omnibus fidelibus licet, ubi forte morituros invenerint non baptizatos, immo præceptum est, omnes animas eripere a diabolo per baptisma. Id est, benedicta aqua simpliciter in nomine Domini, & baptizare illos in nomine Patris, & Filii, & Spiritus Sancti, intinctos, aut superfusa aqua. Unde oportet, eos, qui possunt, tamen fideles, monachos maxime, & scientiam habere baptizandi, & si alicubi longius exierint, Eucharistiam semper secum habere debent.

*De eadem re.*

CXXIX. Perpendant (c) Presbyteri, quanti discriminis sit, animas innocentium per eorum negligentiam a Regno Dei excludi. Si enim gaudium est in Cælo super uno peccatore penitentiam agente, quid putas, quanta ira, & indignatio super illum erit, qui per suam negligentiam januas Paradisi innocentibus clausit? Et ideo Presbyteri summa diligentia caveant, ne animas, pro quibus sanguis Christi effusus est, per suam incuriam a cælesti beatitudine separent. Sed si quod absit, evenerit, gravi penitentia luctu diebus vite sue se submittat, per cujus evenerit neglectum, non

*De eadem re.*

*Unde supra.*

XXX. Cujus parvulus in negligentia sine baptismo fuerit mortuus, tres annos peniteat primum ex his in pane & aqua.

*Ne oblationes in domibus offerantur, & ne Missæ extra Ecclesiam cantentur.*

*Ex Concilio Laodicensi.*

CXXXI. Quod (d) non oporteat in domibus oblationes celebrari ab Episcopis, vel Presbyteris.

*Unde*

(x) Concil. Nannet. c. 6. Burchard. lib. 3. c. 159.

(y) Concil. Tribur. c. 15. 16. hoc secundo Tomo pag. 396.

(z) Burchard. lib. 4. c. 101.

(b) Vide lib. 2. c. 60.

(c) Burchard. lib. 4. c. 26. Capitularis Theodulfi. c. 17.

[d] Concil. Laodic. c. 58. Tomo I. nostro pag. 166. Addit. Ill. c. 4. & 41. Burchard. lib. 3. c. 60.

*Unde supra.*

CXXXII. Dictum [e] est nobis ; quod quidam laici in domibus propriis præcipiant Presbyteris Missas celebrare , & inter canum discursus , & scortorum greges , Sanctitatis mysteria polluantur magis , quam consecrentur. Quapropter præcipimus , ut nullus Presbyter extra Ecclesiam præsumat Missam cantare , nisi forte itineris necessitas exposcat : ubi in tentorio , aut sub divo , in loco nido , & longe ab omni immunditia remoto , Missas celebrare permittimus. Et hoc nullatenus sine tabula consecrata.

*De eadem re.*

*Ex Epistola Anacleti Papæ.*

CXXXIII. Sacerdotes, (f) quando sacrificant , non soli hoc agere debent , sed testes secum adhibeant , ut Deo perfecte in sacratis Domino locis sacrificare probentur. Ait namque autoritas legis Divinæ ; *Vide*, (g) *ne offeras holocausta tua in omni loco , quem videris , sed in loco , quem elegerit Dominus Deus tuus.* (*Vide lib. 6. Capitular. cap. 198. 205. lib. 7. cap. 99. 312. 334. & Addit. II. cap. 7. 10. & Capitulare Riculfi Sueffion. cap. 11.*)

*De ebriosis Clericis.*

*Ex Concilio Agathensi.*

CXXXIV. Itaque (b) eum, quem ebrium fuisse confiterit , ut ordo patitur , aut triginta dierum spatio a communione statuimus submovendum , aut corporali (i) dandum supplicio.

*De eadem re.*

*Frustruosi Episcopi.*

CXXXV. Si quis (k) Ecclesiastica præditus ordinatione , aut monachus receptus fuerit ebriofus , in pane & aqua tribus pœniteat mensibus.

*De eadem re.*

CXXXVI. Si quis (l) Episcopus , aut aliquis ordinatus , in consuetudine ebriofus fuerit , aut desinat , aut deponatur ,

*De eadem re.*

CXXXVII. Laicus si ebriofus fuerit , tres dies in pane , & aqua pœniteat.

*Generales sententiæ de omnibus ebriosis ac vinolentis.*

*Sancti Hieronymi Presbyteri, & Ephrem Syri Diaconi.*

CXXXVIII. Fuge [m] vinum , velut venenum , ne ebrietas superet te , exspoliatumque virtutibus , nudum efficiat. Vinum enim , ut sancta Scriptura dicit , apostatare facit etiam sapientes. Attende (n) Noe virum sapientem , & sanctum , quomodo ad ebrietatem nudatus est dormiens. Attende (o) Loth Patriarcham , qui perebrietatem impudenter se commiscuit filiabus. Hinc beatus Basilius ait : Multi per vinum a dæmonibus capti sunt : nec est aliud ebrietas , quam manifestissimus dæmon. Hinc Propheta ait : *Fornicatio (p) & ebrietas auferit cor.* Ebrietas enim perturbationem parit , gignit mentis furorem , & flammam suscitât libidinis , Apostolo teste : *Nolite (q) inebriari vino , in quo est luxuria.* Si quis autem contra hæc Sanctorum fecerit statuta , dignam ac longam agat pœnitentiam ; quia unum est ex his peccatis , quæ hominem a Regno Dei separant , dicente Apostolo Paulo : *Neque [r] ebriofus regnum Dei possidebunt.*

*De eadem re.*

*Ex dictis Sancti Benedicti.*

CXXXIX. Nihil (s) sic contrarium est homini Christiano , quomodo crapula , sicut ait Dominus in Evangelio : *Videte*, (t) *ne graventur corda vestra in crapula , & ebrietate.*

*De eadem re.*

*Ex Capitularibus. Tit. CLXI.*

CXL. De ebrietate , (u) ut omnium primum seniores semetipsos exinde caveant , & eorum junioribus exemplum bonum sobrietatis ostendant.

*Item*

[e] Burchard. lib. 3. c. 61.

[f] Burchard. lib. 1. c. 71. vide infra cap. 339. & 340. hujus libri.

[g] Deuter. 12.

[h] subdendum.

[i] Burchard. lib. 14. c. 6.

[k] Genes. 9.

[l] Ephes. 5.

[m] Luc. 21.

[b] Concil. Agath. c. 41. Burchard. lib. 14. c. 11.

[k] Burchard. lib. 14. c. 9.

[m] Hieron. in Epist. ad Eustoch. Burchard. lib. 14. c. 12.

[o] Genes. 19.

[p] 1. Cor. 6.

[r] Lib. 1. Capitular. c. 167.

[q] Of. 4.

[s] Burchard. lib. 14. c. 1.



*Item ex Lib. III. Cap. XXXVIII.*

CXLI. Ut (x) nullus ebrius causam suam in mallo quarere, nec testimonium dicere presumat, nec placitum Comes habeat, nisi jejunos.

*Ex eodem. Cap. LXXII.*

CXLII. Ut (y) in hoste nemo partem suam, vel quemlibet alterum hominem bibere (z) roget. Et quicumque in exercitu ebrius inventus fuerit, ita excommunicetur, ut in bibendo sola aqua utatur, quousque se male fecisse cognoscat.

*Ex Capitularium Lib. 1. Tit. CXXXVIII.*

CXLIII. Ut (a) nemini liceat alium cogere ad bibendum.

*Ex Canonibus Apostolorum. Tit. XLII.*

CXLIV. Episcopus, Presbyter, (b) aut Diaconus aleæ, atque ebrietati deserviens, aut desinat, aut certe damnetur. Subdiaconus, aut Lector, aut Cantor similia faciens, aut desinat, aut communione privetur. Similiter etiam laicus.

*Ex Penitentiali. Cap. XIX.*

CXLV. Qui (c) per ebrietatem vomitum facit, si Presbyter, aut Diaconus est, quadraginta dies pœniteat. Si Monachus, triginta dies, si Clericus, viginti dies, si laicus, quindecim dies.

*Ex Canonibus.*

CXLVI. Si quis (d) Episcopus, aut aliquis ordinatus, vitium habuerit ebrietatis, aut desinat, aut deponatur.

*Ex alio Penitentiali.*

CXLVII. Laicus, (e) si per ebrietatem vomitum fecerit, tres dies a carne & vino, & cerevisia abstineat.

CXLVIII. Si quis (f) per nequitiam alium inebriaverit, dies quadraginta pœniteat.

*De his, qui Eucharistiam vomunt.*

CXLIX. Si quis per (g) ebrietatem, vel voracitatem Eucharistiam evomuerit, XL. dies pœniteat. Clerici, vel Monachi, seu Diaconi, XL. dies peniteant. Presbyteri LXX. dies, Episcopi XC. Si pro infirmitatis causa evomuerit, IV. dies pœniteat.

*De Clericis, inter epulas cantantibus.*

*Ex Concilio Africano.*

CL. Clericos (h) inter epulas cantantes ab officio detrahendos. (*Vide Additionem IV. Capitular. cap. 47. Capitular. Riculsi Succession. cap. 14. Et Capitulare Abytonis Basileensis cap. 46.*)

*De eadem re.*

*Ex eodem.*

CLI. Si quis (i) Clericus, aut Monachus verba scurrilia, jocularia, risumque moventia loquitur, acerrime corripitur.

*De eadem re.*

*Ex eodem.*

CLII. Clericos (k) scurriles, & verbis turpibus joculariores ab officio detrahendos. [*Vide Concilium Tolet. IV. cap. 23. Concilium Agathense. cap. 70. Addit. IV. Capitular. cap. 46. Et Capitulare Abytonis Episcopi Basileensis cap. 44.*]

*De Clericis maledicis.*

CLIII. Clericus (l) maledicus, maximeque in Sacerdotibus, cogatur ad postulandum veniam. Si noluerit, degradetur, nec unquam ad officium absque satisfactione revocetur.

*De Clericis jurantibus.*

CLIV. Clericos jurantes excommunicandos.

*De*

[x] Lib. 3. Capitular. c. 38.

[z] cogat. Ex MS. codice Rivipull.

(b) Burchard. lib. 14. c. 5. Tomo I. nostro pag. 135. inter canones Apostol.

(c) Burchard. lib. 14. c. 13.

(e) Burchard. lib. 14. c. 14.

(g) Burchard. lib. 5. c. 46.

(b) Concil. Carthag. 4. c. 62. Burchard. lib. 2. c. 170.

(i) Burchard. lib. 2. c. 171.

(k) Concil. Carthag. 4. c. 60. Burchard. lib. 1. c. 172.

[l] Concil. Carthag. 4. c. 57. Burchard. lib. 10. c. 66.

[y] Lib. 3. Capitular. c. 72.

(a) Lib. 1. Capitular. c. 144.

(d) Burchard. lib. 14. c. 6.

[f] Burchard. lib. 14. c. 15.

*De eadem re.*

*Unde supra.*

CLV. Clericum per creaturas jurantem (m) acerrime objurgandum. Si perfliterit, in vicio excommunicandum.

*De convitiis vel maledicis.*

CLVI. Si quis convitio, vel maledicto, vel etiam crimine subiecto læserit aliquem, dignissima purgetur satisfactio. Si hoc vitium iteraverit, poenitentia justissima secundum modam culpæ expietur.

*De eadem re.*

CLVII. Apostolus (n) dicit: *Neque maledicti regnum Dei possidebunt.* Si quis hoc peccatum admiserit, tam grande poeniteat, quam grande perpetravit scelus, quod a regno Dei separat.

*De detractoribus.*

CLVIII. Si quis (o) promptus, facilisque est ad detrahendum, dicensque, quod verum non est, septem dies in pane & aqua sequestratus, a fraterno confortio poeniteat.

*De contentiis vel rixis.*

CLIX. Si quis [p] contentiones, vel rixas amaverit, vel manifestum convitium fratri intulerit, juxta arbitrium Prioris tamdiu poeniteat, quam diuturna expietur poenitentia.

*Unde supra.*

CLX. Qui [q] contentiosus, aut murmurans exiterit, secundum arbitrium Prioris tamdiu poeniteat, quamdiu culpæ qualitas extat.

*Unde supra.*

CLXI. Si quis [r] videtur contentiosus esse, dicente Apostolo: *Nos [s] talem consuetudinem non habemus, neque Ecclesia Dei.* Si quis hoc facit notetur, usquequo corrigatur.

N n n

(m) Concil. Carthag. 4. c. 61. Addit. IV. c. 48.

(n) Burchard. lib. 10. c. 51.

(p) Burchard. lib. 10. c. 62.

(r) Burchard. lib. 10. c. 55.

[s] Burchard. lib. 10. c. 56.

(x) Regula S. Basilii. c. 71. Concordia Regular. c. 8. §. 9. Burchard. lib. 10. c. 54.

(y) Regula S. Basilii. c. 93. Burchard. lib. 10. c. 52.

(a) Regula S. Basilii. c. 43. Burchard. lib. 10. c. 67.

(c) Concil. Ilerd. c. 11. Burchard. lib. 2. c. 216.

*Tomus II. Concil. German.*

*De lascivis & superbis.*

CLXII. Qui lascivus & superbus fuerit, triduo in pane & aqua poeniteat.

*De eadem re.*

CLXIII. Si quis (t) lascivus in lingua fuerit, triduanam poenitentiam expietur. [Vide Regulam Sancti Fructuosi cap. 15.]

*De murmurantibus.*

CLXIV. Apostolus dicit: *Omnia (u) facite sine murmurationibus.* Alienus [x] sit a fratrum unitate, qui murmurat, & opus ejus abjiciatur.

*Unde supra.*

CLXV. Si quis (y) murmurans exiterit, videat ne poenam murmurantium incurrat, de qua Apostolus dicit: *Neque (z) murmuraveritis, sicut quidam eorum murmuraverunt, & perierunt ab exterminatore.* Juxta mensuram, opusque peccati, quia in hac sententia Apostoli pleniter declaratur, sacerdotis judicio poeniteat.

*Si quis Priorem detraxerit.*

*Ex dictis Sancti Basilii.*

CLXVI. Si quis (a) detraxerit eum, qui præest, septem dies a conventu Ecclesie separatus, ut Maria foror Aaronis, quæ detraxit Moyse, poeniteat.

*De seditiosis Clericis.*

*Ex Concilio Toletano.*

CLXVII. De Clericis, [b] qui in seditione arma sumpserint, amisso ordinis sui gradu, in monasterium pene contrahantur. [In editione Loaisie legitur: *Poenitentia contrahantur.* Alibi: *Perenniter tradantur.*]

*De Clericis in mutuam cædem prorumpentibus.*

*Ex Concilio Ilerdensi.*

CLXVIII. Si qui (c) Clerici in mutuam

Burchard. lib. 2. c. 175.

(o) Burchard. lib. 10. c. 63.

[q] Burchard. lib. 10. c. 53.

(s) 1. Cor. 11.

(u) Philipp. 2.

(z) 1. Cor. 10.

(b) Concil. Tolet. 4. c. 45.



tuam cædem proruperint, prout dignitas officiorum in tali excessu contumeliam pertulerit, a Pontifice districtius vindicetur.

*Unde supra.*

CLXIX. Frater (d) in fratrem, si ausus fuerit, manum mittere, legitimam disciplinam accipiat.

*De eadem re.*

*Ex dictis Sanctorum.*

CLXX. Clericus, (e) aut Monachus in alterum inflammatus, quod est turpissimum, manus injicere non præsumat, præter illos, ad quos pertinet correptio. Si quis hæc transgressus fuerit, disciplinis canonicis subiacebit.

*De eadem re.*

*Ex Concilio Agathensi.*

CLXXI. Seditiosarios (f) nunquam ordinandos, sicut nec usurarios, vel injuriarum suarum ultores.

*Unde supra.*

CLXXII. Si quis (g) in aliquo Ecclesiastico gradu sacratus percussor extiterit, corripiatur acerrime. Si non emendaverit, tribus mensibus pœniteat in pane & aqua.

*De eadem re.*

*Ex Canonibus Apostolorum.*

CLXXIII. Episcopum, [h] aut Presbyterum, aut Diaconum percutientem fideles delinquentes, aut infideles inique agentes, & per hujusmodi volentem timere, dejici ab officio suo præcipimus, quia nusquam nos hoc Dominus non docuit; e contrario vero ipse, cum percuteretur, non reperiuit.

*Ne Clerici arma ferant.*

*Ex Capitularibus Lib. I. Tit. LXXII.*

CLXXIV. Omnimodis [i] dicendum est Presbyteris, & Diaconibus, ut arma

non portent, sed magis se confidant in defensione Dei, quam in armis.

*De eadem re.*

*Ex Concilio Meldensi.*

CLXXV. Quicumque ex Clero (k) esse videntur, arma militaria non sumant, nec armati incedant, sed professionis suæ vocabulum religiosi moribus, & religioso habitu præbeant. Quod si contempserint, tanquam sacrorum canonum contemtores, & Ecclesiasticæ sanctitatis profanatores, proprii gradus amissione multentur, quia non possunt simul Deo & sæculo militare.

*Ne Episcopus, vel Presbyter, aut Diaconus canes ad venandum habeant.*

CLXXVI. Episcopus, (l) Presbyter, aut Diaconus, canes ad venandum, aut accipitres habere non liceat. Quod si quis talium personarum hac voluntate detectus fuerit, si Episcopus est, tribus mensibus se a communione suspendat; Presbyter duobus mensibus, Diaconus uno ab omni officio vel communione.

*Ne Clerici Tabernas ingrediantur.*

*Ex Concilio Laodicensi.*

CLXXVII. Ut (m) Clerici edendi, vel bibendi causa tabernas non ingrediantur, nisi peregrinationis necessitate compulsi.

*Unde supra.*

CLXXVIII. Quod [n] non oportet Sacro Ministerio deditos a Presbyteris usque ad Diaconum, & reliquum Ecclesiasticum ordinem, id est, usque ad Subdiaconum, Lectores, Cantores, Exorcistas, & Ostiaries, & ex numero continentium, & Monachorum, ingredi tabernas.

*De*

(d) Regula S. Aureliani, c. 13. Concordia Regular. c. 75. §. 2. Burchard. lib. 2. c. 217.  
 (e) Regula S. Ferreoli, c. 21. Concordia Regular. c. 75. §. 2.  
 (f) Concil. Carthag. 4. c. 67. Concil. Agath. c. 69. Burchard. lib. 2. c. 17.  
 (g) Burchard. lib. 2. c. 190.  
 (h) Canon. Apostolor. c. 28. Tomo primo nostro pag. 133.  
 (i) Lib. 1. Capitular. c. 70. Burchard. lib. 2. c. 212.  
 (k) Conc. Meld. c. 37. Burchard. lib. 2. c. 211.  
 (l) Concil. Agath. c. 55. Epao. c. 4. Burchard. lib. 2. c. 213.  
 (m) Concil. Carthag. 3. c. 27. Tomo I. nostro, pag. 208. Burchard. lib. 2. c. 130.  
 (n) Concil. Laodicen. c. 24. Tomo I. nostro, pag. 164. Burchard. lib. 2. c. 131.

*De eadem re.*

*Ex decretis Augustini.*

CLXXIX. Tabernas nullus Clericorum, ut canonum prohibent decreta, causa sumendi cibi aut potus audeat ingredi. Si quis hæc violaverit, ut sanctorum canonum contemptor, acerrimis corripiatur disciplinis.

*De eadem re.*

*Ex Concilio Carthagenensi.*

CLXXX. Clericus, (o) qui non pro emendo aliquid in nundinis, vel in foro deambulat, ab officio suo degradetur.

*De vigiliis Clericorum.*

*Ex Concilio Carthagenensi.*

CLXXXI. Clericus, (p) qui absque corpusculi sui inæqualitate vigiliis deest, stipendio privatus excommunicetur, quousque correptus videatur.

*De eadem re.*

*Ex Concilio Elibertino.*

CLXXXII. Si quis (q) in civitate positus, per tres Dominicas ad Ecclesiam non acceperit, excommunicetur, quousque correptus videatur.

*De eadem re.*

*Ex Concilio Toletano.*

CLXXXIII. Ut Presbyter (r) vel Diaconus, vel quilibet Ecclesiæ deputatus Clericus, si intra civitatem fuerit, vel in loco, in quo Ecclesia est, aut castella, aut vicus, aut villæ, ad Ecclesiam ad sacrificium cotidianum non venerit, Clericus non habeatur, si castigatus, non emendaverit. (*In Concilio Toletano legitur: Si castigatus per satisfactionem veniam ab Episcopo noluerit promereri.*)

*De eadem re.*

*Ex Concilio Agathensi.*

CLXXXIV. Clerici, (s) qui Ecclesiam frequentare, aut officium suum im-

N n n 2

plere neglexerint, peregrina eis communio tribuatur.

*De eadem re.*

*Ex Decretis Sancti Benedicti.*

CLXXXV. Ut ait Propheta: Septies (t) in die laudem dixi tibi. Qui (u) septenarius numerus a nobis sic implebitur, si matutino, primæ, tertiæ, sextæ, nonæ, vespæræ, completoriique tempore nostræ servitutis officia persolvamus: quia de eis dixit Propheta. Nam de nocturnis vigiliis idem ipse ait: Media (x) nocte surgebam &c. Ergo his temporibus referamus laudes creatori nostro super judicia justitiæ suæ.

*Ex Concilio Venetico.*

Clericus, qui intra (y) muros civitatis manet, & eo die matutinis hymnis sine ægritudine defuerit, septem dies a communione habeatur extraneus.

*Ut Missæ ante horam tertiam non celebrentur.*

*Ex Epistola Telesphori Papæ.*

CLXXXVI. Missarum (z) celebrationes ante horam diei tertiam minime sunt celebrandæ (quia eadem hora, & Dominus crucifixus est, & super Apostolos Spiritus Sanctus descendisse legitur) excepta nocte sanctæ nativitatis.

*Ut fideles ante horam tertiam non prandeant.*

CLXXXVII. Non oportet Clericos, vel Laicos (a) religiosos, ante sanctam horam diei tertiam inire convivia, neque aliquando Clericos, nisi hymno dicto, edere panem, & post cibum gratias auctori Deo referre.

*Ut Sacramenta Altaris a jejunis celebrentur.*

*Ex Concilio Africano.*

CLXXXVIII. Ut Sacramenta (b) Altaris non nisi a jejunis celebrentur, excepto

(o) Concil. Carthag. 4. c. 48. Burchard. lib. 2. c. 210.

(q) Concil. Elibert. c. 21. Concil. Agath. c. 64.

(r) Concil. Agath. c. 64.

(s) Regula S. Bened. c. 16. Burchard. lib. 2. c. 105.

[y] Concil. Venetic. c. 14. Burchard. lib. 2. c. 153.

(z) Burchard. lib. 3. c. 63. & Dist. 1. de Consecr. c. 48.

(a) Addit. IV. c. 49. Burchard. lib. 2. c. 185. & Dist. 44. c. 12.

(b) Conc. Afric. c. 8. Tomo I. nostro pag. 208. Capitulare Ahytonis c. 10.

(p) Concil. Carthag. 4. c. 49.

(r) Concil. Tolet. 1. c. 5.

(t) Psal. 118.

[x] Psal. 118.



cepto uno die anniversario, quo cœna Domini celebratur. Nam si aliquorum pomeridiano tempore defunctorum Episcoporum, sive cæterorum commendatio facienda est, solis orationibus fiat, si illi, qui faciunt jam pransi inveniuntur.

*Ut post allocutionem Episcopi in Missarum solemnibus plebs ad orationem invitetur.*

*Ex Concilio Laodicensi.*

CLXXXIX. Quod (c) oporteat seorsum primum post allocutiones Episcoporum orationem super Catechumenos celebrari. Et postquam Catechumeni egressi fuerint, super eos, qui sunt in pœnitentia, precem fieri. His etiam accedentibus ad manum sacerdotis, & dilectentibus, tres orationes consummari fidelium, ita ut prima quidem sub silentio, secunda vero, & tertia per exclamationes solitas expleantur.

*De eadem re.*

CXC. Oportet, (d) ut in diebus festis vel Dominicis, post sermonem intra Missarum solemnibus habitum ad plebem, sacerdos admoneat; ut juxta Apostolicam institutionem orationem omnes in commune pro diversis necessitatibus fundant ad Dominum, pro Regibus (e) & Rectoribus Ecclesiarum, pro pace, pro peste, pro infirmis, qui in Parrocchia lecto decumbant, pro nuper defunctis: in quibus singillatim precibus plebs orationem Dominicam sub silentio dicat: sacerdos vero orationes ad hoc pertinentes per singulas admonitiones solemniter expleat. Post hæc sacra celebretur oblatio. Ait enim Apostolus: Obsecro (f) primum omnium fieri orationes, obsecrationes, gratiarum actiones &c.

*Ut nullus Presbyter solus præsumat Missam cantare.*

*Ex Concilio Nannetensi.*

CXCI. Definivit (g) sanctum Concilium, ut nullus Presbyter solus præ-

sumat Missam cantare. Cui enim dicit: Dominus vobiscum, aut: Sursum corda, aut: Gratias agamus Domino Deo nostro; cum nullus sit, qui respondeat? Aut in Canone: Et omnium circumstantium; cum nemo adsit? Aut quem invitat ad orationem, cum dicit: Oremus; cum nullus sit, qui secum oret? Aut ergo ista penitus reticenda sunt, & non solum non erit perfectum sacrificium, verum etiam incurrit, quisquis ille est, terribilem sententiam: Si quis (h) tulcrit de hoc, tollet Deus partem ejus de libro vite. Aut si hæc muris, & parietibus insufurraverit, ridiculosum erit. Quapropter periculosa superstitio maxime a Monasteriis Monachorum exterminanda est. Prævideant autem Prælati, ut Presbyteri in cœnobii cooperatores habeant in celebratione Missarum. Si quis hæc transgressus fuerit, ab officio suspendatur.

*De Presbyteris, qui celebrata Missa non communicant.*

*Ex Canonibus Apostolorum.*

CXCII. Si quis (i) Episcopus, aut Presbyter, aut Diaconus, vel quilibet ex sacerdotali catalogo, facta oblatione, non communicaverit, aut causam dicat: & si rationabilis fuerit, veniam consequatur; aut si non dixerit, communione privetur, tanquam qui populo causa læsionis extiterit.

*Quod fideles laici communicare debeant.*

*Unde supra.*

CXCIII. Omnes (k) fideles Christiani, qui ingrediuntur Ecclesiam die Dominico, & scripturas Apostolorum, & Evangelium audiunt, non autem perseverant in oratione, usque dum Missa peragatur, nec sanctam communionem percipiunt, velut inquietudines Ecclesiæ commoventes, convenit communione privari.

*Unde supra.*

Omnes, (l) qui ingrediuntur Ecclesiam

(c) Concil. Laodic. c. 19. Burchard. Lib. 2. c. 69.

(d) Vide infra c. 204. hujus libri. Burchard. lib. 2. c. 70.

(e) Vide Amalunem. Epist. 1.

(f) Burchard. lib. 3. c. 68. Vide lib. 5. Capitul. c. 93.

(g) Canon. Apostolor. c. 9. Tomo I. nostro pag. 132. Burchard. lib. 3. c. 79.

(h) Canon. Apostolor. c. 10. Tomo I. nostro pag. 132. Burchard. lib. 2. c. 67.

(i) Burchard. lib. 2. c. 68.

(f) 1. Timoth. 2.

(h) Apoc. 22.

clesiam Dei , & Scripturas sanctas audiunt , neque communicant in oratione cum populo , sed pro quadam intemperantia se a perceptione sanctæ Communionis avertunt ; hi de Ecclesia removeantur, quandiu per confessionem penitentiae fructus ostendant.

*De diligentia Corporis Domini.*

*Ex Definitione Ecclesiasticorum dogmatum.*

CXCIV. Cotidie Eucharistiæ (m) communionem percipere, nec laudo, nec vitupero ; omnibus tamen Dominicis diebus communicandum hortor. Si tamen mens in affectu peccandi est , gravius magis dico Eucharistiæ perceptione, quam purificari. Et ideo quamvis quis peccato mordeatur, peccandi de cetero voluntatem non habeat , & communicaturus satisfaciatur lacrymis , & orationibus , & confidens de Dei misericordia, accedat ad Eucharistiam intrepidus, & securus. Sed hoc de illo dico, quem mortalia peccata non gravant. (*Vide Hincmarum in fine Epistolæ XL.*)

*Item Sanctus Augustinus ad Januarium.*

Dixerit (n) quispiam, non cotidie accipiendam Eucharistiam, alius affirmet cotidie. Faciat unusquisque, quod secundum fidem suam pie credit esse faciendum. Neque enim litigaverunt inter se, aut quisquam eorum se alteri proposuit Zachæus, & ille Centurio, cum alter eorum gaudens in domo sua suscepit Dominum, alter dixerit : *Domine, (o) non sum dignus, ut intres sub tectum meum.* Ambo Salvatorem honorificantes, quamvis non uno modo. Ambo peccatis miseri, ambo misericordiam consecuti. Ad hoc valet, quod manna secundum propriam voluntatem in ore cujusque sapiebat.

*De eadem re.*

*Ex Epistola Clementis Papæ.*

CXCV. Certe tanta in Altari holocausta (p) offerantur, quanta populo sufficere debeant. Quod si remanserint,

N n n 3

in crastinum non reserventur : sed cum timore, & tremore, Clericorum diligentia consumantur. Qui autem residua Corporis Domini, quæ in sacrario relicta sunt, consumunt, non statim ad communes sumendos cibos conveniant, nec putent sanctæ portioni (q) commissere cibum, qui per cuniculos digestus in fecessum emittitur. Si igitur mane Dominica porrigitur, usque ad sextam jejument ministri, qui eam consumpserint. Et si tertia, vel quarta hora acceperint, jejument usque ad vespem. Sic secreta sanctificatione æternæ custodienda sunt Sacramenta.

*Ex Capitularibus. Lib. I. Cap. XXXII.*

Ut (r) omnes fideles communiceant, & ad Missas expectent finalem deprecationem. (*In codicibus Ripullensi, & Colbertino, tum etiam in Regio, ex quo prima editio Parisiensis prodit, legitur: Expectent, sine alia deprecatione*)

*Ex Lib. II. Cap. XXXIV.*

In perceptione Corporis, (s) & Sanguinis Domini magna discretio adhibenda est. Cavendum enim est, ne, si nimium in longum differatur, ad perniciem animæ pertineat, dicente Domino : *Nisi (t) manducaveritis carnem filii hominis, & biberitis ejus sanguinem, non habebitis vitam in vobis.* Si vero indiscrete accipiat, timendum est illud, quod ait Apostolus : *Qui manducat (u) & bibit indigne, judicium sibi manducat.* Juxta ejusdem Apostoli vocem probare se debet homo, & sic de pane illo edat: ut videlicet abstinens aliquot diebus ab operibus carnis, & purificans corpus, animamque suam, præparet se ad percipiendum tantum Sacramentum, exemplo (x) David, qui nisi confessus (y) fuisset, abstinuisset ab opere conjugali ab heri, & nudius tertius; nequaquam panes propositionis a sacerdote accepisset.

*Ex eodem Libro.*

Ut si (z) non frequentius, vel ter laici homines in anno communiceant, nisi forte quis majoribus, quibuslibet crimi-

(m) Burchard, lib. 5. c. 15. & Dist. 2. de Consecr. c. 13.

(n) August. Epist. 118. Burchard, lib. 5. c. 16. (o) Luc. 19. Matth. 8.

(p) Clemens Epist. 2. Remedius Curienfis, c. 1. Burchard, lib. 5. c. 11.

(q) Vide Epist. Rhab. ad Heribald. c. 33. Tomo hoc pag. 210. (r) Lib. 1. Capitular. c. 138.

(s) Concil. Cabilon. 2. c. 46. Lib. 2. Capitular. c. 40. Burchard, lib. 5. c. 14.

(t) Joann. 6. (u) 1. Cor. 11.

(x) 1. Reg. 21. (y) Editio Helmæstad. fuisse abstinentiam.

[z] Lib. 2. Capitular. c. 45. Burchard, lib. 5. c. 17.



criminibus impediatur, id est, in Pascha, Natali Domini, & Pentecosten.

*De Presbyteris, qui non communicant.*

Auditum est, (a) aliquos Presbyteros Missam celebrare, & non communicare, quod omnino in Canonibus Apostolorum interdictum esse legitur. Vel quomodo dicere recte potest, si non communicaverit: Sumpsimus, Domine Sacramenta, & cætera.

Caput istud non extat in editione Helmæstadiensi, & additum est ex codice MS. Parisiensi.

*Ne populus, antequam Missa finiat, de Ecclesia egrediatur.*

*Ex Concilio Arelateni.*

CXCVI. Cum [b] ad celebrandam Missam in Dei nomine convenitur, populus non ante discedat, quam Missæ solemnitas compleatur; & ubi Episcopus fuerit, benedictionem accipiat Sacerdotis.

In editione Helmæstad. legitur: *Et ubi Episcopus non fuerit, &c.* Vide Concilium III. Aurelian. cap. 29. & lib. 7. Capitular. cap. 201. & Addit. IV. cap. 42.

*De eadem re.*

*Ex Concilio Carthaginensi. Cap. CXLVII.*

CXCVII. Sacerdote (c) in Ecclesia verbum faciente, qui egressus de auditorio fuerit, excommunicetur.

*Ut Sacrarium mulieres non introeant.*

*Ex Concilio Laodiceno.*

CXCVIII. Quod (d) non oporteat mulieres ingredi ad altare, & ea contingere, quæ virorum officiis deputata sunt.

Vide lib. 7. Capitular. cap. 134. 175. 189. & Capitulare Theodulfi Episcopi Aurelian. cap. 6. Capitulare Ahytonis c. 11. & Capitula ejus cap. 16.

(a) Lib. I. Capitular. c. 6. Burchard. lib. 3. c. 78.

(b) Concil. Aurelian. I. c. 26. Burchard. lib. 3. c. 29.

(c) Concil. Carthag. 4. c. 24. Burchard. lib. 2. c. 66.

(d) Concil. Laodic. c. 44. Tomo I. nostro pag. 165. Burchard. lib. 3. c. 100.

(e) Decreta Gelas. cap. 26. Burchard. lib. 3. c. 101.

(f) Burchard. lib. 3. c. 76. Ex Concil. Rotomag. c. 2.

(g) Burchard. lib. 3. c. 227. Ex Concil. Rotomag. c. 1.

*Ex Epistola Leonis Papæ.*

Nihilominus (e) impatienter audivimus, tantum Divinarum rerum subiisse despectum, ut feminae sacris altaribus ministrare firmentur, cunctaque non nisi virorum famulatui deputata, sexum, cui non competit, exhibere.

*De eadem re.*

*Ex Concilio Torunensi.*

CXCIX. Dictum (f) est nobis, quod quidam Presbyteri, celebrata Missa, detrectantes ipsi fumere Divina mysteria, quæ consecrarunt, calicem Domini mulierculis, quæ ad Missas offerunt, tradunt. Vel quibusdam laicis, qui dijudicare Corpus Domini nesciunt, id est, discernere inter cibum spiritalem & carnalem. Quod quantum sit omni Ecclesiasticæ religioni contrarium, pietas fidelium novit. Unde omnibus Presbyteris interdiximus, ut nullus impofterum hoc facere præsumat; sed aut ipse cum reverentia sumat, aut Diacono, vel Subdiacono, qui Ministri altaris sunt, colligenda tradat. Illud etiam attendat, ut eos propria manu ante communicet. Nulli autem laico, aut feminae Eucharistiam in manibus ponat, sed tantum in ore cum his verbis: Corpus & Sanguis Domini profit tibi ad remissionem peccatorum, & ad vitam æternam. Si quis hæc transgressus fuerit, quia Deum omnipotentem contempnit, & quantum in ipso est, inhonorat, ab altari removeatur.

*Ut omnis Presbyter, qui Ecclesiam regit, thuribulum & incensum habeat.*

*Unde supra.*

CC. Ut (g) tempore, quo Evangelium legitur, & finito offertorio super oblationem incensum, ut in mortem videlicet Redemptoris, ponatur.

*De prædicatione Presbyterorum.*

*Ex Capit. Lib. Tit. LXXVI.*

CCL. Sed (b) & unicuique vestrum

vi-

(b) Lib. I. Capitular. c. 82.

videndum est, dilectissimi, & venerabiles Pastores Ecclesiarum Dei, ut Presbyteri, quos præmittitis per parochias vestras ad regendum & prædicandum per Ecclesias populum Dei, ut honeste prædicent, & non finatis (\*) nova, vel non Canonica aliquos ex suo sensu, & non secundum sacras Scripturas fingere, & prædicare populo. Sed & vosmet ipsi utilia, honesta, & recta, & quæ ad vitam ducant æternam, prædicare alios quoque instruite, ut hæc eadem prædicent.

*Quid sit a Presbyteris prædicandum.*

CCII. Primo (i) omnium prædicandum est omnibus generaliter, ut credant Patrem, & Filium, & Spiritum Sanctum unum Deum esse omnipotentem, qui omnia fecit: & unam esse Deitatem, & Substantiam, & Majestatem in tribus personis Patris, Filii, & Spiritus Sancti.

Item (k) prædicandum est, quomodo Filius Dei incarnatus est de Spiritu Sancto ex Maria Virgine, pro salute humani generis, passus, sepultus, tertia die resurrexit, & cælum ascendit, in fine mundi veniens judicare omnes homines secundum opera propria: quo modo impii cum diabolo in ignem æternum mittentur, iusti cum Christo in vitam æternam erunt.

Item (l) prædicandum est, quod omnes homines in propria carne resurgent.

Item (m) prædicandum est, pro quibus criminibus cum diabolo deponuntur, quæ Apostolus enumerat, fornicatio, immunditia, luxuria, idolorum, servitus, veneficia, &c. Qui talia agunt, regnum Dei non consequentur. Et ideo hæc cum omni studio prohibeantur.

Item (n) prædicandum est de dilectione Dei, & proximi, de fide & spe in Deo, de humilitate, patientia, castitate, benignitate, misericordia, de

eleëmofynis, de confessione, ut fratribus ex corde remittatur. Qui hæc & his similia agunt, regnum Dei consequentur.

*De eadem re.*

*Ex eodem Lib. 1. Cap. CLIV.*

CCIII. Ut (o) unusquisque Presbyter capitula habeat de majoribus, vel minoribus vitiis, per quæ cognoscere valeat, vel prædicare subditis, ut caveant ab insidiis diaboli.

*De eadem re.*

*Ex eodem. Cap. CLIX.*

CCIV. Ut (p) Sacerdotes admo-  
neant populum, ut eleëmofynam dent,  
& orationem faciant pro diversis plagis, quas assidue pro peccatis nostris patimur. (*Vide supra cap. 190. hujus libri*)

*De eadem re.*

*Ex Cap. CLX.*

CCV. Ut [q] ipsi Sacerdotes, unusquisque secundum ordinem suum, prædicare, & docere studeant plebem sibi commissam.

*Admonitio ad Episcopos.*

*Ex lib. 11. Cap. V.*

CCVI. De (r) Sacerdotibus ad vestram curam pertinentibus magnum adhibete studium, ut, qualiter vivere debeant, & quomodo populis ad suam portionis curam pertinentibus exemplo & verbo profint, a vobis magna cura edoceantur, admoneantur, & ut id facere studeant, vestra autoritate constringantur.

*Ut quisque Presbyter, qui Ecclesiam tenet, Clericum habeat.*

*Ex Concilio Nannetensi.*

CCVII. Unusquisque (s) Presbyter, qui plebem regit, Clericum habeat, qui cantet, & Epistolam, & lectionem legat, & qui possit scholam tenere,

(\*) Editio Helmæstad. *Nova aut inusitata aliq.*

(i) Lib. 1. Capitular. c. 82. Burchard. lib. 2. c. 59.

(k) Burchard. lib. 2. c. 60.

(l) Burchard. lib. 2. c. 61.

(m) Burchard. lib. 2. c. 65.

(n) Burchard. lib. 2. c. 64.

(o) Lib. 1. Capitular. c. 160. Walter. Aurel. c. 7. Burchard. lib. 19. c. 99.

(p) Lib. 1. Capitular. c. 165. Burchard. lib. 2. c. 72.

(q) Lib. 1. Capitular. c. 166.

(r) Lib. 2. Capitular. c. 5.

(s) Burchard. lib. 2. c. 56. Capitulare Theodulfi. c. 20.



nerē , & admoneat suos Parræchianos , ut filios suos ad Psalterium discendum mittant ad Ecclesiam , quos ipse in omni castitate erudiat.

**Ut omnis Presbyter horas canonicas solemniter persolvat.**

*Ex eodem. Cap. XIX.*

CCVIII. Presbyter mane (t) matutinali officio expleto, pensum servitutis suæ canendo primam, tertiam, sextam, novamque persolvat, ita tamen, ut postea horis competentibus juxta possibilitatem, aut a se, aut a scholaribus publice compleantur. Deinde peractis Missis, & infirmis visitatis, ad opus rurale exeat jejunos, ut iterum necessitatibus peregrinorum, & hospitum, sive diversorum commeantium, infirmorum quoque atque defunctorum, succurrere possit, usque ad statutam horam pro qualitate temporis, & opportunitatis.

**Ut Presbyter curam hospitum habeat.**

*Unde supra.*

CCIX. Ut (v) Presbyter curam hospitum maxime pauperum, atque debilium, orphanorum quoque, atque peregrinorum habeat, hosque ad prandium suum cotidie juxta possibilitatem convocet, eisque hospitium tribuat. [*Vide Capitulare Riculfi, Sueffon. cap. 12.*]

*Ex eodem Capite.*

Ut autem (x) omnis occasio rapinæ tollatur; volumus, ut Presbyteri, qui bonum exemplum caritatis omnibus ostendere debent, hospitales existant, juxta Dominicum & Apostolicum præceptum, & humanitatem præbeant iter facientibus; quia per hospitalitatem placuerunt quidam Deo, Angelis hospitio receptis: & Dominus in die judicii dicturus est electis: *Hospes (y) eram, & suscepistis me.* Et Job dicit: *Optimum (z) meum semper viatori patuit.*

**De aqua benedicta.**

*Ex Epistola Alexandri Papæ.*

CCX. Aquam (a) enim sale conspersam populis benedicimus, ut ea cuncti adpersi sanctificentur. Quod & omnibus Sacerdotibus faciendum esse mandamus. Nam (b) si cinis vitulæ aspersus populum sanctificabat atque mundabat, quanto magis aqua, quæ sale aspersa, divinisque precibus sacrata est, populum sanctificat atque mundat? Et si (c) sale asperso per Helisæum Prophetam sterilitas aquæ sanata est, quanto magis divinis precibus sacrata aqua sterilitatem rerum aufert humanarum, & coinquinos sanctificat, & purgat, & cetera bona multiplicat, & insidias diaboli avertit, & a phantasmatum verutis hominem defendit.

**De eadem re.**

*Ex Concilio supradicto. Cap. V.*

CCXI. Ut omni (d) die Dominico quisque Presbyter in sua Ecclesia ante Missarum solemniam aquam benedictam faciat in vase nitido, & tanto mysterio convenienti, de qua populus intrans Ecclesiam aspergatur; & qui voluerint, in vasculis suis accipiant ex ipsa, & per mansiones, & agros, & vineas, super pecora quoque sua, atque super pabula eorum, nec non super cibos & potum suum conspergant.

**De Presbyteris, qui culpas peccantium reticent, vel minus digne pœnitentes ad reconciliationem adducunt.**

*Unde supra.*

CCXII. Ut nemo Prebyterorum Xenium, vel quodcunque emolumentum temporale imo detrimentum spiritale, a quocunque publice peccante, vel incestuoso accipiat, ut Episcopo vel ministris ejus peccatum illius reticeat, nec pro respectu cujusque personæ, aut consanguinitatis, vel familiaritatis, alienis com-

(t) Hincmari Capitula. tit. 1. c. 9. Burchard. lib. 2. c. 104.

(u) Hincmar. ibid. c. 10.

(x) Capitula Karlomanni tit. 2. c. 12. Burchard. lib. 2. c. 167.

(y) Matth. 25.

(z) Job. 31.

(a) Alexandri I. Epist. 1. c. 5. Remedius Curienfis. c. 24. Burchard. lib. 2. c. 53.

(b) Hebr. 9.

(c) 4. Reg. 2.

(d) Hincmar. ibid. c. 5. Burchard. lib. 2. c. 52.

(e) Hincmar. ibid. c. 13. Burchard. l. 19. c. 100. Liber pœnitentialis apud Stevartium p. 711.

communicans peccatis, hoc Episcopo innotescere detrectet, nec a quoquam pœnitente, aut gratia, aut favore, aut munus suscipere præsumat, aut minus digne pœnitentem ad reconciliationem adducat, & ei testimonium reconciliationis ferat, & quocunque livore alium quemlibet dignius pœnitentem a reconciliatione removeat: quia hoc Simoniacum, & Deo, & hominibus contrarium est. (*Vide Capitulare Riculfi Suefson. cap. 9.*)

*Ex Penitentiali.*

Qui (f) reticuerit peccatum fratris, quod est ad mortem, nec eum corripuerit, aut Ecclesiæ Dei, ut emendetur, dixerit; quamdiu consensit, tamdiu pœniteat.

*De Presbyteris, qui a fidelibus ad prandium invitantur.*

*Unde supra Cap. XIV.*

CCXIII. Ut (g) nullus Presbyterorum, quando ad anniversarium diem, trigessimum, aut septimum, vel tertium alicujus defuncti, aut quacunque vocatione ad collectam Presbyteri conveniunt, se inebriare nullatenus præsumat, nec precari in amore Sanctorum, vel ipsius animæ bibere, aut alios ad bibendum cogere, nec se aliena precatione ingurgitare, nec plausus & risus inconditos & inanes fabulas referre, aut cantare præsumat: vel turpia joca, vel cum urso, & tornatricibus ante se facere permittat: vel larvas demonum, quas vulgo talamascas dicunt, ante se ferri consentiat; quia hoc diabolicum est, & a sacris canonibus prohibitum.

*De rixis & pugna Sacerdotum.*

CCXIV. Summopere (h) etiam quisque Presbyter caveat, sicut de statu suo vult gaudere, ut non quacunque occasione parem suum, aut alium quemlibet ad iram & rixam, multo minus ad pugnam, vel ad cædem, aliquo verbo

irritet, seu provocet: nec provocatus ad hoc quisquam proficiat; quia in talibus commensationibus & porationibus semper se immiscet diabolus.

*De convivio Presbyterorum.*

CCXV. Quando (i) autem conveniunt Presbyteri ad convivium, Decanus, aut aliquis Prior illorum versum ante mensam incipiat, & cibum benedicat, & tunc secundum suum ordinem sedeat, alter alteri honorem portantes, & per vices cibum & potum benedicant: & aliquis de illorum Clericis aliquid de Sancta Scriptura legat, & post refectio-nem similiter (\*) sanctum Hymnum dicant ad exemplum Domini, sicut in cœna fecisse legitur: & sic se contineant omnes Presbyteri, maxime in talibus locis, ut non vituperetur ministerium nostrum.

Burchardus: *ut non vitup. min. illorum.*  
Codex Helmæst. *ne min. nostrum vituperetur.*

*De Kalendis, quando Presbyteri simul conveniunt.*

*Unde supra. Cap. XVI.*

CCXVI. Quando (k) Presbyteri per Kalendas simul conveniunt, post peractum Divinum ministerium, & necessariam collationem, non (\*\*) quasi ad prandium, ibi ad tabulas resideant, & per talia inhonesta convivia invicem graventur: quia indecens est, & onerosum. Sæpe etiam tarde ad Ecclesias redeunt, magis damnum de reprehensione conquirunt, & de gravidine mutua contrahunt, quam lucrum ibi faciant. Nam de hujusmodi conventu Paulus Corin-thios reprehendit, qui (l) inconvenienter cœnam Dominicam manducare conveniebant. Sic &, qui ad cœnam Dominicam, id est, ad collationem verbi sub occasione conveniunt, & (\*\*\*) exuri-æate ventris conjunguntur, reprehensibiles coram Deo & hominibus habentur. Et ideo peractis omnibus, qui voluerit

(f) Burchard. lib. 19. c. 121.

(g) Hincmar. ibid. c. 14. Burchard. lib. 2. c. 161.

(h) Hincmar. ibid. Burchard. lib. 2. c. 163.

(i) Hincmar. ibid. Burchard. lib. 2. c. 162.

(k) Hincmar. ibid. c. 15. Riculf. c. 20. Capitulare Ahytonis. c. 29. Burchard. lib. 2. c. 164.

(\*\*) Burchardus: *non quasi ad plenam refectio-nem, sed.*

(l) 1. Cor. 11.

(\*\*\*) Edit. Helmæst. Burchard. & Hincmar. *ex veritate ventris causa.* Vide Concilium Nannet. c. 15.



luerit, panem cum caritate in domo fratris sui simul cum fratribus frangat, & singulos biberes accipiant, maxime ultra tertiam vicem poculum non contingant; & sic ad Ecclesias redeant.

*De his, qui de nihil habentibus ordinantur.*

*Ex Concilio Carthaginiensi.*

CCXVII. Placuit, (m) ut Episcopi, Presbyteri, Diaconi, vel quicumque Clerici, qui nihil habentes ordinantur, & tempore Episcopatus, vel Clericatus sui agros, vel quæcunque prædia suo nomini comparant, tanquam rerum Dominicarum invasionis crimine teneantur, nisi admoniti in Ecclesia eadem ipsa contulerint.

*De eadem re.*

*Ex Capitularium Lib. I.*

Cap. CL.

CCXVIII. Unusquisque (n) Presbyter res, quas post diem consecrationis adquisiverit, propriæ Ecclesiæ relinquat.

*De eadem re.*

*Ex Concilio Remensi.*

CCXIX. Investigandum (o) est, si nihil patrimonii habens Presbyter, quando provectus est ad ordinem Ecclesiasticum, postea emerit prædia, cuius juris sint: quoniam Ecclesiæ, ad quam de nihil habente promotus est, esse debent juxta canonicam auctoritatem.

*Ex Concilio Arausicano. Cap. LIV.*

Presbyter, (p) cum Dicecesim tenet, de his, quæ emerit ad Ecclesiæ nomen scripturam faciat, aut ab ejus, quam tenet, Ecclesiæ ordinatione discedat. *Caput istud non extat in Codice MS.*

*De rebus, vel oblationibus Ecclesiæ.*

CCXX. Inquirendum est, (q) si occasione hujus præcedentis Capituli ali-

quis Presbyterorum de rebus Ecclesiæ, vel oblationibus, ac votis fidelium, alio nomine res comparaverit, & ibi structuratur fecerit, vel quæ ad Ecclesiam pertinent, ibidem collocaverit, & mulierum frequentationem inibi fieri permiserit: vel, quod turpius est, tales mulieres ibidem habuerit, quæ lanificium suum exerceant, & curam domus agant, & in eodem Presbyter frequenter veniens manserit. Contra decreta canonum hoc malum agitur. Quia sicut nec suo, ita nec alieno nomine Presbyter scenus exercere debet, multo minus fraudem facere de facultatibus Ecclesiasticis: quoniam hoc sacrilegium est, & par crimen Judæ furis, qui sacras oblationes asportabat & furabatur.

*De usuris.*

*Ex Canone Apostolorum.*

CCXXI. Episcopus, (r) Presbyter, aut Diaconus usuras a debitoribus exigens, aut desinat, aut certe damnetur.

*De eadem re.*

*Ex Concilio Nicæno.*

CCXXII. Quoniam (s) multi sub regula constituti avaritiam, & turpia lucra sectantur, oblique scripturæ dicentis, qui pecuniam suam non dedit ad usuram, &c. mutuum dantes, centesimas exigunt; iuste censuit sancta Synodus, ut si quis inventus fuerit usuras accipiens, aut hemiola, id est, fescupla exigens, vel aliquid tale prorsus excogitans turpis lucri gratia, dejiciatur a Clero, & alienus existat a regula.

*De eadem re.*

*Ex Concilio Laodicensi.*

CCXXIII. Quod (t) non oporteat Sacerdotes, & Clericos scenerantes usuras, vel quæ dicuntur fescupla, id est, summam capitis & dimidium summæ, percipere. (*Vide Capitula Ahytonis Basileensis. cap. 17.*)

De

(m) Codex Canon. Eccl. Afric. c. 32. Jesse Ambian. c. 6. Burchard. lib. 3. c. 120.

(n) Lib. I. Capitular. c. 156. Burchard. lib. 3. c. 121.

(o) Capitula Hincmari tit. 2. c. 18. Burchard. lib. 3. c. 118.

(p) Concil. Agath. c. 54. Burchard. lib. 3. c. 119.

(q) Hincmari Capitula. tit. 2. c. 19.

(r) Canon. Apostolor. c. 44. Burchard. lib. 2. c. 119.

(s) Concil. Nicæn. c. 17. Burchard. lib. 2. c. 120.

(t) Concil. Laodic. c. 5.

*De eadem re.*

*Ex Epistola Leopolis.*

CCXXIV. Nec hoc [u] quoque prætereundum esse duximus, quosdam turpis lucri cupiditate captos, usurariam exercere penam, & sænore velle discere. Quod non dicam in eos, qui sunt in Clericali officio constituti, sed & in laicos cadere, qui Christianos se dici cupiunt, condolemus.

Admonendum hoc loco est, pro eo, quod Codex MS. Reginonis habet usurariam exercere *penam*, apud Leonem Primum in Epistola prima legi: exercere *pecuniam*. Quod rectius puto. Editio Helmæstadensis, neque penam habet, neque pecuniam. Ivo parte 6. cap. 65. & Gratianus 14. q. 4. cap. 7. legunt pecuniam.

*Nota Baluzii.*

*Ut sub alieno nomine sænus non exerceant Clerici.*

*Ex eadem Epistola.*

CCXXV. Illud etiam [x] præmonendum, ut sicut non suo, ita nec alieno nomine aliquis Clericorum exercere sænus attentet.

*De eadem re.*

*Ex Concilio Tarraconensi.*

CCXXVI. Quicumque (y) in Clero esse voluerit, emendi vilius, vel vendendi carius studio non utatur.

*De eadem re.*

*Ex Concilio Helibetano.*

CCXXVII. Episcopi, (z) Presbyteri, & Diaconi de locis suis negotiandi causa non discedant, nec circumeuntes provincias, nundinas sectentur. Sane ad victum sibi conquirendum, aut filium, aut libertum, aut mercenarium, aut amicum mittant. Et si voluerint negotiari, intra provinciam negotientur.

*De eadem re.*

*Ex Concilio Carthaginensi.*

CCXXVIII. Placuit, (a) ut Episcopus

O o o 2

pi, Presbyteri, & Diaconi non sint conductores, aut procuratores, neque ullo turpi negotio, & inhonesto victum quarant, quia scriptum est: *Nemo (b) militans Deo implicat se negotiis secularibus.*

*De eadem re.*

*Ex eodem Concilio.*

CCXXIX. Item (c) placuit, ut Clericus, si commodaverit pecuniam, pecuniam accipiat: si speciem, eandem speciem, quantum dederit, accipiat.

*Ex Capitularium Lib. 11. Cap. XXXVI.*

CCXXX. Ut Presbyteri (d) a turpibus lucris, & usuris non solum ipsi abstineant, verum etiam plebes sibi subditas abstinere instruant.

*De eadem re.*

*Ex Concilio Chalcedonensi.*

CCXXXI. Pervenit (e) ad sanctam Synodum, quod quidam, qui in Clero videntur electi, propter lucra turpia conductores alienarum possessionum fiant, & secularia negotia sub cura sua suscipiant, Dei quidem ministerium parvipendentes, secularium vero discurrerentes domos, & propter avaritiam patrimoniorum sollicitudinem sumentes. Decevit itaque sanctum Concilium, nulum deinceps non Episcopum, non Clericum, non monachum, aut possessiones conducere, aut negotiis secularibus se miscere, præter Ecclesiasticarum rerum sollicitudinem.

*De eadem re.*

*Ex Concilio Meldenensi. Cap. XLIX.*

CCXXXII. Ut (f) nemo laicorum Presbyteros Ecclesiarum suarum turpi villicationi, & secundum [g] Apostolum, seculari, & inhonestæ negotiationi implicare, nec secum [h] alios contra auctoritatem ducere præsumat, quo ministerium sibi commissum cogantur negligere. Quod si contra interdicta præsumpserit, excommunicetur.

*De*

(u) Decreta Leonis I. c. 3. Burchard. lib. 2. c. 123.

(x) Leo I. in Decretis. c. 4. Burchard. lib. 2. c. 121.

(y) Concil. Tarrac. c. 2. Burchard. lib. 2. c. 122.

(a) Concil. Carthag. 3. c. 16. Burchard. lib. 2. c. 151.

(c) Concil. Carthag. 3. c. 16. Burchard. lib. 2. c. 124.

(d) Lib. 2. Capitular. c. 37. Burchard. lib. 2. c. 125.

(e) Concil. Chalcedon. c. 3. Burchard. lib. 2. c. 145.

(f) Concil. Meld. c. 49. Burchard. lib. 2. c. 146.

(g) Apud Sirmondum: *aliofsum*. Sic etiam in vet. cod. nostro.

*Tomus II. Concil. German.*

(z) Concil. Eliberit. c. 18.

(b) 2. Tim. 2.

(g) 1. Tim. 2.



*De his, qui per pecunias fuerint ordinati.**Ex Canone Apostolorum.*

CCXXXIII. Si quis [b] Episcopus, aut Presbyter, aut Diaconus per pecunias hanc obtinuerit dignitatem, dejiciatur ipse & ordinator ejus, & a communione modis omnibus abscindatur, sicut Simon Magusa Petro.

*De eadem re.**Ex Concilio Chalcedonensi.*

CCXXXIV. Si quis [z] Episcopus per pecunias fecerit ordinationem, & sub pretio redegerit Spiritus Sancti gratiam, quæ non potest vendi, ordinaveritque per pecunias Episcopum, aut Presbyterum, aut Diaconem, proprii gradus periculo subjacebit. Et qui ordinatus est, nihil ex hac ordinatione proficiat; sed alienus sit a dignitate. Si quis vero mediator datis, vel acceptis extiterit, si Clericus fuerit, proprio gradu decedat; si monachus, aut laicus anathematizetur.

*De eadem re.**Ex Epistola Gelasii Papæ.*

CCXXXV. Quos [k] constiterit indignis meritis sacram mercatos esse pretio dignitatem, convictos oportet arceri: quia dantem pariter, accipientemque damnatio Simonis, quam sacra lectio testatur, involvit.

*De eadem re.**Ex Epistola Hormisdæ Papæ.*

CCXXXVI. Hoc itaque [l] ad priora conjungimus, ne benedictio per impositionem manus, quæ a Deo esse creditur, pretio comparetur: quia Simon Spiritum Sanctum volens redemptione mercari, Apostoli [m] fuit detestatione percussus.

*De eadem re.**Ex Concilio Nannetensi.*

CCXXXVII. Omnibus (n) Ministris

Ecclesiastica dignitatis interdicimus, ut nullus quocunque munere, aut favore corruptus Clericum alterius Parrochiæ latenter ac furtive ad ordinationem subintroducere præsumat. Quod si fecerit, juxta Chalcedonense decretum is, qui ordinatus est, donum Sancti Spiritus, quod furari conatus est, amittat; & qui mediator extitit, si Clericus est, proprio gradu decedat; si laicus aut monachus, anathematizetur.

*De eadem re.**Ex Concilio Meldenensi. Cap. XLIII.*

CCXXXVIII. Cavendum est, (o) & summo opere præcavendum, ac per virtutem Christi sanguinis interdicendum Episcopis, & Regibus, & omnibus sublimioribus potestatibus, atque cunctis fautoribus, & electoribus quorumcunque, atque consensoribus, seu ordinatoribus in gradu Ecclesiastico, ut nemo per Simoniacam hæresim regiminis locum obtineat quacunque factione, calliditate, promissione, seu commoditate, aut datione per se, aut per emissam personam; cum Spiritus Sanctus inter cætera documenta per os Sancti dicat Gregorii: Cur (p) non perpendit, quia benedictio illi in maledictionem convertitur? Et alibi: Dolens, inquit, dico, gemens denuntio, quia Sacerdotium, quod apud vos intus cecidit, foris diu stare non poterit.

*Quod munus sit etiam a lingua.**Ex dictis Gregorii Papæ.*

CCXXXIX. Sunt [q] nonnulli, qui nummorum quidem præmia ex ordinatione non accipiunt, & tamen sacros ordines pro humana gratia largiuntur. Hi nimirum, quod gratis accipiunt, gratis non tribuunt, quia nummum favoris de impenso officio sanctitatis expectant. Unde cum virum justum describeret Esaias, ait: *Qui (r) excutit manus suas ab omni onere.* Quia aliud est munus ab obsequio, aliud munus a manu, aliud munus a lingua. Munus ab obsequio, est subiectio indebite impenſa: munus a ma-

(b) Canon. Apostolor. c. 30.

(z) Concil. Chalced. c. 2. Burchard. lib. 1. c. 112.

(k) Decreta Gelasii. c. 24.

Burchard. lib. 1. c. 22.

(l) Burchard. lib. 1. c. 23.

(m) Act. 8.

(n) Concil. Nannet. c. 7.

Burchard. lib. 1. c. 106.

(o) Concil. Meld. c. 43.

Burchard. lib. 1. c. 21.

(p) S. Gregor. lib. 7. ind. 2. Epist. 110.

Idem lib. 4. ind. 14. Epist. 14.

(q) S. Gregor. homil. 4. in Evangelia.

Burchard. lib. 1. c. 113.

(r) Esai. 33.

a manu, pecunia est; munus a lingua, favor. Qui ergo sacros ordines tribuit, tunc ab omni munere manus excutit, quando in Divinis rebus non solum ullam pecuniam, sed etiam humanam gratiam non requirit. (*Vide S. Gregor. lib. 9. Moral. c. 17. & lib. 12. c. 25.*)

*Ne Presbyteri, ut Ecclesias obtineant, munera dent.*

*Ex Capitularium Libro I.*

CCXL. Ut (r) nullus Presbyter ad introitum Ecclesiæ xenia donet.

Vide Capitulare Theodulfi cap. 16. Capitula Ahytonis Episcopi Basileensis ad Presbyteros suos. cap. 12. & Capitulare ejusdem cap. 33. *Not. Baluz.*

*De his Sacerdotibus, vel Clericis, qui per pecunias aliorum Sacerdotum Ecclesias, aut beneficia subripiunt, vel subvertunt.*

Sancitum est, atque omnibus (r) modis prohibitum, ut si quis Presbyter præventus fuerit, alicui Clerico, aut laico munera dare, aut dedisse, aut alicui pecuniam tribuere, ut alterius Presbyteri Ecclesiam subripiat; pro hac cupiditate, seu rapina turpis lucri gratia, deiciatur a Clero, & alienus existat a regula. Nam, si pro misericordia Episcopo placuerit, longo tempore eum pœnitendo, quæ gessit, in carceris ærumna recludere, & usque ad satisfactionem ibi detineri, & postea, si se correxerit, & talia deinceps minime se facere promiserit; humanius erga eum agere poterit, si voluerit, & ipse dignus inventus fuerit.

*Ut nullus Presbyterum in Ecclesia mittat, vel ejiciat.*

*Ex iisdem Capitularibus, Cap. XLI.*

CCXLI. Ut (u) nullus laicus Presbyterum in Ecclesia mittere, vel ejicere præsumat, nisi per consensum Episcopi.

O o o 3

Vide Concilium Viennense sub Formoso: capite 4. & Concilium Engelheimense cap. 4.

*Ex eodem.*

Item interdendum videtur Clericis sive laicis, ne quis cuilibet Presbytero præsumat dare Ecclesiam sine licentia & consensu Episcopi sui.

*Item ex eodem.*

De his, (x) qui sine consensu Episcopi Presbyteros in Ecclesiis suis constituunt, vel de Ecclesiis ejiciunt, & ab Episcopo, vel quolibet Misso Dominico admoniti obedire noluerint; ut bannum nostrum revadiare, & per fidejussores ad palatium venire jubeantur; ut tunc nos decernamus, utrum nobis placeat, ut illum bannum perfolvant, aut aliam armiscaram sustineant.

*De Ecclesiis inter cohæredes divisis.*

*Ex eodem.*

CCXLII. De Ecclesiis, (y) quæ inter cohæredes sunt divisæ, considerandum est, quatenus si secundum providentiam, & admonitionem Episcopi ipsi cohæredes eas voluerint tenere & honorare, faciant. Sin autem hoc contradixerint, in Episcopi potestate maneat, utrum eas ita consistere permittat, aut reliquias exinde auferat.

*De eadem re.*

*Ex Concilio Triburiensi.*

Si (z) plures hæredes contenderint de communi Ecclesia, auferri jubeat Episcopus reliquias sacras, & Ecclesiam claudi, donec communi consensu statuant ibi Presbyterum, & unde vivat.

*Ut in Ecclesia una, non plures Presbyteri constituentur.*

*Ex Concilio Remensi. Cap. VIII.*

CCXLIII. Unusquisque (a) Presbyter Ecclesia una, ubi ordinatus est, contentus sit, & nullus in duabus Ecclesiis ministrare præsumat.

Ca-

(r) Lib. 1. Capitular. c. 146.

(t) Lib. 7. Capitular. c. 146. Burchard. lib. 3. c. 114.

(u) Lib. 1. Capitular. c. 147. Burchard. lib. 3. c. 111.

(x) Lib. 5. Capitular. c. 43. & Addit. IV. c. 72. Lib. 3. Leg. Longob. tit. 1. c. 43.

(y) Lib. 5. Capitular. c. 44. Lib. 3. Leg. Longobard. tit. 1. c. 44. Burchard. lib. 3. c. 41.

(z) Concil. Tribur. c. 32. Burchard. lib. 3. c. 40.

(a) Burchard. lib. 3. c. 44.



Caput istud additum est ex codice manuscripto. Non exstat enim in editione Helmæstadiens. Vide lib. 6. Capitular. c. 73. & Addit. II. c. 8.

*Ex Concilio, quo supra.*

Sicut (b) in unaquaque Ecclesia Presbyter debet esse, ita ipsa Ecclesia, quæ sponsa, vel uxor ejus dicitur, non potest dividi inter plures Presbyteros, sed unum tantummodo habebit Sacerdotem, qui eam caste & sinceriter regat. Unde interdicimus, ut nullus præsumat Ecclesiam inter duos, vel plures dividere: quia Ecclesia Christi uxor, & sponsa debet esse, non scortum, sicut (c) Calixtus Papa testatur. (*Vide Addit. III. Capitular. cap. 25.*)

*Ut laici Ecclesias non teneant, nec decimas accipiant.*

*Ex Concilio Meldenf. Cap. LXV.*

CCXLIV. Indignum (d) valde est, ut, qui in regia dignitate cæteros Ecclesiæ filios, auctore Deo, præcellitis, negligentius, quæ Dei sunt, exequi videamini. Unde dignum erat, ut capellas villarum vestrarum laicis non committeretis, sed potius illis, qui & eadem sacrata loca religiosius tractarent, & vobis debitum obsequium impenderent. Monemus itaque & hortamur, ne, quod absit, periculum anathematis ex decimis præsumptis incurratis, ut hoc corrigere studeatis.

*De eadem re.*

*Ex eodem Capitulo.*

CCXLV. Si capellas (e) vestras Presbyteris, aut viris Ecclesiasticis dederitis, & Dominicas decimas acceperint; facta tecta Ecclesiæ, & luminaria exinde competenter provideant, & Presbyteri Parræchianas decimas accipiant, & populi necessitatibus debite invigilent.

*De eadem re.*

*Ex eodem.*

CCXLVI. Si autem (f) laici capellas vestras habuerint, a ratione, & ab autoritate alienum habetur, ut ipsi decimas accipiant, & inde canes aut geni-

tiarias suas pascant. Sed potius Presbyteri Ecclesiarum eas accipiant, & inde restaurationem Ecclesiarum, & luminaria, & hospitum ac pauperum receptionem exhibeant, & pro vobis ac statu regni vestri Dei misericordiam studiose implorent.

*De his, qui Ecclesias deserunt, in quibus provecti sunt, & ad alias transeunt.*

*Ex Concilio Nicæno.*

CCXLVII. Quicunque [g] temere & periculose, neque timorem Domini præ oculis habentes, nec agnoscetes Ecclesiasticam regulam, discedunt ab Ecclesia Presbyteri, & Diaconi, vel quicumque sub regula prorsus existunt; hi nequaquam debent in aliam Ecclesiam recipi, sed omnem necessitatem convenit illis imponi, ut ad suas parræchias revertantur. Quod si non fecerint, oportet eos communione privari.

*De eadem re.*

*Ex Concilio Chalcedonensi. Cap. X.*

CCXLVIII. Non [h] licere Clericum in duarum civitatum conscribi simul Ecclesiis, & in qua initio ordinatus est, & ad quam confugit, quasi ad potiorē, ob inanis gloriæ cupiditatem. Hoc autem facientes revocari debere ad suam Ecclesiam, in qua primitus ordinati sunt, & ibi tantummodo ministrare. (*Vide Addit. III. Capitular. cap. 50.*)

*Item ex Concilio Antiocheno.*

CCXLIX. Episcopus [i] ab alia Parræchia nequaquam migret ad aliam, nec sponte sua prorsus insiliens, nec vi coactus a populis. Maneat autem in Ecclesia, quam primitus a Deo sortitus est, nec inde transmigret.

*De eadem re.*

*Ex Decretis Calixti Papæ.*

CCL. Quoniam, (k) sicut alterius uxor nec adulterari ab aliquo, vel judicari, aut disponi, nisi a proprio viro, eo vivente, permittitur; sic nec uxor Episcopi

(b) Burchard, lib. 3. c. 45.

(d) Concil. Meld. c. 75.

(f) Concil. Meld. ibid.

(b) Burchard, lib. 2. c. 96.

(k) Calixt. Epist. 2. Burchard, lib. 3. c. 49. & apud Gratian. 7. q. 1. c. 39.

(c) 7. q. 1. c. 39.

(e) Concil. Meld. ibid.

(g) Concil. Nicæn. c. 16. Burchard, lib. 2. c. 98.

(i) Concil. Antioch. c. 21. Burchard, lib. 1. c. 73.

copi & Presbyteri, quæ ejus Ecclesia, vel Parrechia indubitanter intelligitur, eo vivente, alteri judicare vel disponere, aut ejus concubitu frui permittitur. Unde Apostolus: *Alligata (1) est uxor legi, quamdiu vir ejus vivit: eo vero defuncto, soluta est a lege viri.* Similiter & Ecclesia, quæ uxor Sacerdotis dicitur, eo vivente, ei alligata est, eo vero defuncto, nubat in Domino, id est, regulariter. Si enim eo vivente alteri nupserit, adultera judicabitur.

*Ne quis alienam Parrechiam usurpet.*

*Ex Epistola Calixti Papæ.*

CCL. Nemo (m) alterius terminos usurpet, nec alterius Parrechianum judicare aut excommunicare præsumat: quia talis judicatio, aut excommunicatio, nec rata erit, nec vires ullas habebit; quoniam nullus alterius judicis, nisi sui sententia tenebitur, aut damnabitur. Nullus autem Primas vel Metropolitānus Dieceſane Ecclesiam, vel Parrechiam usurpet, aut aliquem de ejus Parrechia excommunicare, aut judicare præsumat, absque consilio vel iudicio ejusdem Episcopi; sed hoc observet, quod ab Apostolis, & Patribus, ac prædecessoribus nostris est constitutum, & a nobis est confirmatum.

*Item ex eadem Epistola.*

Si quis (n) Metropolitanus Episcopus, nisi quod ad suam propriam pertinet Parrechiam, sine consilio & voluntate omnium Comprovincialium Episcoporum extra aliquid agere tentaverit, gradus sui periculo subiacebit, & quod ita egerit, irritum habeatur, & vacuum.

*De Clericis, qui præficiuntur protochiis.*

*Ex Concilio Chalcedonensi.*

CCLII. Clerici, (o) qui præficiuntur protochiis, vel qui ordinantur in Monasteriis, & Basilicis Martyrum, sub Episcoporum, qui in unaquaque civitate sunt, se-

cundum Sanctorum Patrum traditiones, potestate permaneant, nec per contumaciam ab Episcopo suo disfiliant. Qui vero audent evertere hujusmodi formam, nec proprio subjiuntur Episcopo, si Clerici sunt, canonum correptionibus subjacebunt; si laici, vel monachi, communione priventur.

*Ut amplius Presbyter non habeat, quam unam Ecclesiam.*

*Ex Capitularium Lib. I. Cap. LXXXVI.*

CCLIII. Statutum (p) est, ut unaquæque Ecclesia suum Presbyterum habeat, ubi id fieri facultas, providente Episcopo, permiserit.

*De eadem re.*

*Ex Concilio Nannetensi.*

CCLIV. Sicut (q) enim Episcopus non plus potest habere, quam unam civitatem, & vir unam uxorem; ita Presbyter unam tantum Ecclesiam. Itaque nullus Presbyter plures præsumat habere Ecclesias, nisi forte alios Presbyteros sub se in unaquaque illarum habeat, qui nocturnum atque diurnum officium solemneriter adimpleant, & Missarum celebrationes cotidianis expleant ceremoniis.

*Ut nullus Presbyter alterius Parrechianum recipiat.*

CCLV. Ut nullus Presbyter (r) alterius Parrechianum, nisi in itinere fuerit, vel placitum ibi habuerit, ad Missam recipiat.

Caput hoc non extat in codice Helmæstadiensi, neque in Parisiensi. Quia tamen ex indiculo capitum, qui præfixus est initio codicis Parisiensis, constabat, caput istud hoc loco deesse, nos huc transtulimus ex libro primo Capitularium. Vide supra cap. LXI.

*Nota Baluzii.*

*Ex Concilio Carthagenensi.*

Cassianus (s) Episcopus dixit: Statuat gravitas vestra, ut unusquisque Clericus, vel laicus non communicet in alia plebe, sine litteris Episcopi sui.

*De*

[1] Rom. 7.

[m] Calixt. ibid.

(n) Calixt. ibid. Capitula Hadrian. 1. c. 43.

(o) Concil. Chalcedon. c. 8. Lib. 7. Capitular. c. 2.

(p) Lib. 1. Capitular. c. 92. Burchard. lib. 3. c. 46.

(q) Concil. Nannet. c. 8. Burchard. lib. 3. c. 47. Vide Lib. 6. Capitular. c. 73.

(r) Concil. Nannet. c. 2. Lib. 1. Capitular. c. 153. Burchard. lib. 2. c. 91.

(s) Concil. Carthag. 1. c. 7. Addit. IV. c. 22.



*De eadem re.**Ex Capitularium Lib. I.*

Tit. CLXXXVII

CCLVI. Nullus (t) Presbyter in alterius Parrœchia Missam cantare præsumat, nisi in itinere fuerit: nec decimam ad alterum pertinentem audeat recipere.

*De eadem re.*

CCLVII. Deest hoc Caput in codicibus Helmasædiensi & Parisiensi. Nos, cum nihil certi nobis occurreret, quod reponeremus, nihil temere præsumendum censuimus. Si quis tamen hunc hiatus suppleri desiderat, utatur Cap. XXXIII. Concilii Carthagenensis quarti.

*Ut Episcopus in alterius Episcopi Parrœchia ordinationem non faciat.*

*Ex Concilio Antiocheno.*

CCLVIII. Episcopus (u) alienam civitatem, quæ non est illi subiecta, non adeat: nec ad possessionem accedat, quæ ad eum non pertinet: nec ordinationem ibi faciat, nisi forte cum consilio & voluntate regionis Episcopi.

*Ut nullus Presbyter, aut laicus poenitentem invitet, vinum bibere, aut carnem manducare.*

*Ex Cap. Lib. I. Tit. CLI.*

CCLIX. Ut (x) nullus Presbyter, aut laicus poenitentem invitet, vinum bibere, aut carnem manducare; nisi ad præsens pro ipso unum vel duos denarios juxta qualitatem poenitentiae dederit.

*Ut nullus Presbyter cartas scribat.*

*Ex eodem.*

CCLX. Nullus (y) Presbyter cartas scribat, aut conductor sui senioris existat.

*Ut nullus contempta minore Ecclesia ad potiore aspiraret.*

*Ex Synodo Meldensi.*

CCLXI. Si quis (z) de ordine sacerdotali, contemptu minoris Ecclesiæ, ambitiose & improbe ad potiore aspiraverit, canonica erga eum definitio conservetur.

*De Baptismo, & quo tempore celebrandus sit.*

*Ex Canone Apostolorum.*

CCLXII. Si quis (a) Episcopus, aut Presbyter juxta præceptum Domini non baptizaverit in nomine Patris, Filii, & Spiritus Sancti, sed in tribus sine initio principiis, aut in tribus Filiis, aut in tribus Paraclitis, abjiciatur.

*De eadem re.**Ex eodem.*

CCLXIII. Si quis (b) Episcopus, aut Presbyter non trinam immersionem unius mysterii celebret: sed semel mergat in baptismo, quod dari videtur in Domini morte, deponatur. Non enim dixit Dominus: In morte mea baptizate; sed: *Euntes, (c) docete omnes gentes, baptizantes eos in nomine Patris, & Filii, & Spiritus Sancti.*

*Quod Pascha & Pentecosten sit baptizandum.*

*Ex Epistola Leonis Papæ.*

CCLXIV. Unde, (d) quia manifestissime patet, baptizandis in Ecclesia electis hæc duo tempora, id est, Pascha & Pentecosten esse legitima; dilectionem vestram monemus, ut nullos alios dies huic observantiæ miscatis. Quia, (e) sicut sunt alia quoque festa, quibus multa in honorem Dei reverentia debeatur, principalis tamen & maximi Sacramenti custodienda nobis est mysticæ rationis exceptio, non interdicta licentia, qua in baptis-

(t) Lib. I. Capitular. c. 154.

(x) Lib. I. Capitular. c. 157.

(z) Concil. Meld. c. 30. Burchard. lib. 3. c. 48.

(a) Canon. Apostolor. c. 49. Burchard. lib. 4. c. 22.

(b) Canon. Apostolor. c. 50. Burchard. lib. 4. c. 23.

(c) Matth. 28.

(e) Ibid. c. 12.

(u) Concil. Antioch. c. 22. Burchard. lib. 1. c. 71.

(y) Lib. I. Capitular. c. 158. Riculf. c. 15.

baptismo tribuendo quolibet tempore periclitantibus subvenitur. Ita enim ad has duas festivitates connexas sibi met atque cognatas, incolumium, & in pacis securitate degentium vora libera differimus, ut in mortis periculo, in obsidionis discrimine, in persecutionis angustiis, in timore naufragii, nullo tempore hoc veræ salutis singulare præsidium cuiquam denegemus.

*De gravidis baptizandis.*

*Ex Concilio Neocæsariensi.*

CCLXV. Gravidam (f) oportet baptizari, quando voluerit. Nihil enim in hoc, quæ parit, nescienti communit, propterea quod uniuscuiusque suum propositum in confessione declaratur.

*Baptizentur, de quibus ignoratur, an sint baptizati.*

*Ex Concilio Carthaginiensi.*

CCLXVI. Item (g) placuit de infantibus, quotiens non inveniuntur certissimi testes, qui eos baptizatos esse sine dubitatione testentur, neque ipsi sunt per ætatem de traditis sibi Sacramentis idonei respondere; absque ullo scrupulo eos esse baptizandos.

*De baptizatis, qui non confirmati moriuntur.*

*Ex Concilio Heliberitano.*

CCLXVII. Si quis (b) Diaconus regens plebem sine Episcopo, vel Presbytero, aliquos baptizaverit; Episcopus eos per benedictionem perficere debet. Quod si ante de sæculo recesserint, sub fide, qua quisque credidit, poterit esse iustus.

*De rebaptizatis.*

*Ex Concilio Hilverdensi.*

CCLXVIII. De his, (i) qui in prævaricatione rebaptizati sunt sine aliqua necessitate vel tormento, placuit, ut circa eos Nicænæ Synodi statuta ferventer,

P p p

id est, ut septem annos inter Catechumenos orent, & duos inter Catholicos, & postea fidelibus in oblatione, & Eucharistia communicent.

*Quod non nisi in Pascha & Pentecoste sit baptizandum.*

*Ex Concilio Wormaciensi.*

CCLXIX. Sacrosancti (k) Baptismi Sacramentum non nisi in Paschali festivitàte, & Pentecosten unusquisque fidelium noverit esse præbendum, exceptis his, quibus mortis urgente periculo, ne in æternum pereant, talibus oportet remediis subvenire.

*Ex Concilio Meldenfi. cap. XLVIII.*

CCLXX. Nemo (l) Presbyterorum baptizare præsumat, nisi in vicis & Ecclesiis baptismalibus, atque temporibus constitutis, nisi causa ægritudinis, vel certæ necessitatis. Et vici auctoritatem & privilegia debita retineant.

*De fontibus sacris.*

*Unde supra.*

CCLXXI. Omnis (m) Presbyter, qui fontes lapideos habere nequiverit, vas conveniens ad hoc solummodo baptizandi officium habeat. Similiter ad corporale lavandum; & ad pallas altaris propria vasa habeantur, in quibus nihil aliud fiat. [Vide supra cap. 79. hujus libri.]

*Ut omnis Presbyter suis Parræchianis symbolum & orationem*

*Dominicam insinuet.*

*Ex Concilio Remensi. Tit. xx.*

CCLXXII. Ut (n) omnis Presbyter omnibus Parræchianis suis symbolum & orationem Dominicam, aut ipsæmet insinuet, aut aliis insinuandam injungat. Et cum ad confessionem tempore Quadragesimali veniunt, hæc (o) ab unoquoque memoriter sibi decantari faciat, nec ante sanctam Communionem alicui tradat,

[f] Concil. Neocæsar. c. 6. Burchard. lib. 4. c. 31.

[g] Concil. Carthag. 5. c. 5. Lib. 7. Capitular. c. 307. Burchard. lib. 4. c. 45.

[b] Concil. Elibert. c. 77. Burchard. lib. 4. c. 92.

[k] Concil. Wormac. c. 1. Burchard. lib. 4. c. 7.

[l] Concil. Meld. c. 48. Burchard. lib. 4. c. 14.

[m] Burchard. lib. 4. c. 13. & apud Gratian. Dist. 4. de Consecr. c. 106.

[n] Burchard. lib. 2. c. 62.

[o] Vide Capitulare Theodulfi c. 22. Capitulare Ahytonis c. 2. 3. 4. Tomo hoc pag. 17. Lib. 5. Capitular. c. 103. & Lib. 6. c. 172.



eradat, nisi hæc ex corde pronuntiare noverit; siquidem sine horum scientia nullus salvus esse poterit. In uno enim fides & credulitas Christiana continetur, in alio, quid orare & peterè a Deo debeamus, exprimitur. Quod vero sine fide nemo possit esse salvus, Dominus ostendit, cum dicit: *Qui* (p) *crediderit, & baptizatus fuerit, salvus erit.* Nullus autem credere potest, quod nescit, nec audivit. Ait enim Paulus: *Quomodo* (q) *credent ei, quem non audierunt?* Nec sola sufficit fides in corde, nisi etiam verbis enuntietur, ut idem Apostolus testis est: *Corde*, (r) inquit, *creditur ad justitiam, ore autem confesso fit ad salutem.* Nullus autem destituitate sensus, vel de tenuitate ingenii causetur: quia hæc tam parva sunt, ut nemo tam hebes & barbarus sit, qui hoc discere, & verbis communibus pronuntiare non possit: tam magna, ut, qui horum scientiam pleniter capere potuerit, sufficere ea sibi credatur ad salutem perpetuam. Illud (s) etiam observandum, ut nullus suscipiat infantem in baptismo a sacro fonte, antequam eundem symbolum, & orationem Domini coram Presbytero decantet; & ut Presbyter omnibus Patrini annuntiet, quod debitores sint suis filioli, cum ad intelligibilem ætatem venerint, hæc eadem insinuare.

*Ex Capitularium Lib. II.*

CCLXXIII. Præcipimus, [t] ut unusquisque compater, & proximi spirituales suos Catholice instruant.

Vide Capitulare Ahytonis Basileensis. cap. 25. Tomo hoc pag. 20.

*Ex eodem, cap. XLIX.*

CCLXXIV. Ut parentes filios suos, & patrini eos, quos de fonte suscipiunt, erudire summopere studeant: illi, quia eos genuerunt, & eis a Domino dati sunt; & isti, quia pro eis fidei iustores extiterunt.

*De Letania majore.*

*Ex Concilio Moguntiacensi.*

CCLXXV. Placuit [u] nobis, ut Letania major observanda sit a cunctis

Christianis die septimo Kalend. Maji, sicut legendo reperimus, & sicut sancti Patres nostri constituerunt, non equitando, non pretiosis vestibus induti, sed cinere resperfi, & cilicio induti, nisi infirmitas impederit.

*De jejunio rogationum.*

CCLXXVI. Cum [x] exigentibus peccatis Galliarum populi luporum rabie acriter [y] interimerentur, nec hujus flagelli aliquod remedium invenire possent; congregati traduntur Galliarum Episcopi apud Viennam urbem, atque [z] in commune statuerunt, ut triduanum jejunium facerent. Cumque Dominus pestem misericorditer abstulisset, hi dies in consuetudinem annuæ celebratis venerunt, ut per Galliarum Provincias ante ascensionis Domini diem celebrarentur. Agamus & nos hos dies cum summa reverentia & devotione, cum abstinentia carnis & humilitate cordis: non (a) ut visibilibus luporum rabiem evadamus; sed ut invisibilem, id est, spirituum immundorum tentamenta vincere valeamus. Nullus autem his diebus vestimenta pretiosa induat, qui in sacco & cinere lugere debemus. Prohibeantur ebrietates & commessationes, quæ sunt in vulgari plebe. Nemo ibi equitare præsumat; sed discalcatis pedibus omnes incedant. Nequaquam mulierculæ choreas ducant, sed omnes in commune Kyrie eleyson decantent, & cum contritione cordis Dei misericordiam exorent pro peccatis, pro pace, pro peste, pro conservatione frugum, & pro cæteris necessitatibus; dies enim abstinentiæ sunt, non lætitiæ.

*De jejunio quatuor temporum.*

*Ex Concilio Moguntiacensi.*

CCLXXVII. Constituimus, (b) ut quatuor tempora anni ab omnibus cum jejunio observentur, id est, in Martio hebdomada prima, in Junio secunda, in Septembri tertia, & Decembri quarta, quæ fuerit plena ante vigiliam natalis

Dq.

[p] Marc. 16.

(q) Rom. 10.

(r) Rom. 10,

(s) Capitulare Theodulfi c. 22. & Lib. 6. Capitular. c. 172.

(t) Conc. Mogunt. sub Kar. M. c. 47. Lib. 2. Capitular. c. 39.

(u) Concil. Arelat. 6. c. 19. Lib. 2. Capitular. c. 46.

(x) Concil. Mogunt. sub Kar. M. c. 33. Lib. 5. Capitular. c. 86. Burchard. lib. 13. c. 6. Vide

Concil. Aquisgr. anni 836. c. 10. Burchard. lib. 13. c. 7.

(y) Edit. Helmæstad. *infestantur.*

(z) Vide Alcuin. c. 20. Divinor. Officior. & Walaf. Strab. c. 28. de reb. Eccles.

(a) Vide Cæsar. Arelat. hom. 1. 37.

(b) Conc. Mogunt. sub Kar. M. c. 33. Tom. I. p. 411. Lib. 5. Capitular. c. 86. Burchard. l. 13. c. 2.

Domini, id est, feria-quarta, & sexta, & Sabbato. Veniant omnes ad Ecclesiam hora nona, cum Letaniis ad Misfarum solemnna.

*De Vigiliis Sanctorum.*

CCLXXVIII. Presbyteri, (c) cum sacras festiuitates populo annuntiant, etiam jejunium vigiliarum eos omnimodis serbare moneant.

*De indicto jejunio.*

*Ex Concilio Moguntiacensi.*

CCLXXIX. Si quis (d) indictum jejunium superbiendo contempserit, & observare cum cæteris Christianis noluerit; in Gangrensi Concilio præcipitur, ut anathematizetur.

*Ex Concilio Gangrensi.*

CCLXXX. Si qui (e) eorum, qui continentie student, absque necessitate corporea tradita in commune jejunia, ab Ecclesia custodita, superbiendo dissolvit, stimulo suæ cogitationis impulsus, anathema sit.

*De eadem re.*

*Ibidem.*

CCLXXXI. Quicumque indictum jejunium violant sine gravi necessitate, memorentur Jonathæ Filii Saul Regis, qui (f) maledictum patris parvipendens, parumper mellis in summitate virgæ comedit, & idcirco sententiam mortis promeruit.

*Item ex Capitular. Lib. 1. cap. XLVIII.*

CCLXXXII. Ut (g) in Ecclesia a Sacerdotibus jejunia constituta sine necessitate rationabili non solvantur.

*De Fame & Pestilentia.*

CCLXXXIII. De hoc, (h) si evenierit famres, pestilentia, inæqualitas aëris, vel alia qualiscunque tribulatio; P p p 2

non expectetur edictum nostrum, sed statim deprecetur misericordia Dei.

*Quid sit usura.*

CCLXXXIV. Usura est, (i) ubi amplius requiritur, quam datur: verbi gratia, si dederis decem solidos, & amplius requiseris; vel si dederis frumenti modium unum; & super eum aliquid exigas.

*Item cap. CXXIII.*

CCLXXXV. Turpe [k] lucrum exercent, qui per varias circumventiones lucrandi causa inhoneste res quaslibet congregare decertant.

*Quid sit fœnus.*

CCLXXXVI. Fœnus est, (l) qui aliquid præstat. Justum fœnus est, qui amplius non requirit, nisi quantum præstitit.

*De eadem re.*

*Ibidem cap. CXXVI.*

CCLXXXVII. Quicumque [m] enim tempore messis vel vindemiæ, non necessitate, sed propter cupiditatem comparat annonam vel vinum, verbi gratia, de duobus denariis comparat modium unum, & servat usque dum vendetur denariis quatuor, aut sex, aut amplius, hoc turpe lucrum dicimus.

*De Confessione & Pœnitentia.*

CCLXXXVIII. Presbyteri (n) debent admonere plebem sibi subiectam, ut omnis, qui se sentit mortifero peccati vulnere lauciatum, feria quarta ante quadragesimam, cum omni festinatione recurrat ad vivificantem matrem Ecclesiam, ubi, quod male commisit, cum omni humilitate, & contritione cordis simpliciter confessus, suscipiat remedia pœnitentiæ, secundum modum, canonicis auctoritatibus præfixum, tradaturque satisfactionæ

(c) Burchard. lib. 13. c. 16.

(d) Concil. Mogunt. sub Kar. M. c. 35. Lib. 5. Capitular. c. 87. Burchard. lib. 13. c. 4.

(e) Concil. Gangr. c. 19. Burchard. lib. 13. c. 5.

(f) 1. Reg. 14.

(g) Burchard. lib. 13. c. 17.

(h) Lib. 1. Capitular. c. 118. Burchard. lib. 13. c. 18.

(i) Lib. 1. Capitular. c. 125. Burchard. lib. 2. c. 126.

(k) Lib. 1. Capitular. c. 129.

(l) Lib. 1. Capitular. c. 130.

(m) Lib. 1. Capitular. c. 131. Burchard. lib. 2. c. 127.

(n) Burchard. lib. 19. c. 2.



tanæ in interitu carnis ; ut spiritus sal-  
vus sit in die Domini. Non solum autem  
ille, qui mortale aliquod commisit , sed  
etiam omnis homo, quicumque se recog-  
noscit immaculatam Christi tunicam ,  
quam in baptismo accepit , peccati ma-  
cula polluisse, ad propriam Sacerdotem  
venire festinet , & cum (\*) purifica-  
tione mentis omnes transgressiones ,  
omniaque peccata , quibus Dei offen-  
sam se incurrisse meminit, humiliter con-  
fiteatur : & quidquid ei a Sacerdote  
fuerit injunctum , ac si ab ipso omnipo-  
tentis Dei ore esset prolatum , ita dili-  
genter intendat , & cautissime observet.

### *De penitentibus.*

*Ex Concilio Africano.*

CCLXXXIX. Cujuscunque (o) pre-  
nitentis publicum , & vulgatum crimen  
est , quod universam Ecclesiam com-  
moverit , ante absidam manus ei impo-  
natur.

### *De eadem re.*

*Ex Concilio Agathensi.*

CCXC. Pœnitentes (p) tempore,  
quo pœnitentiam petunt , impositionem  
manuum, & cilicium super capita a Sacer-  
dote, sicut ubique constitutum est, con-  
sequantur. Si autem comas non deposue-  
rint , aut vestimenta non mutaverint ,  
abjiciantur.

Edictio Helmæstadiensis ita habet : Si  
autem comas deponere, aut vestimenta  
mutare noluerint, abjiciantur.

### *Item unde supra.*

*Ex eodem Concilio.*

CCXCI. In capite [q] quadragesi-  
mæ omnes pœnitentes , qui publicam  
suscipiunt, aut susceperunt pœnitentiam,  
ante fores Ecclesiæ se representent Epif-  
copo civitatis , sacco induti , nudis pe-  
dibus, vultibus in terram prostratis, reos  
se esse ipso habitu & vultu proclamantes :  
ubi adesse debent Decani, id est , Archi-  
presbyteri Parrochiarum, cum testibus,  
id est, Presbyteri pœnitentium , qui eo-  
rum conversationem diligenter inspicere  
debent ; & secundum modum culpæ

pœnitentiam per præfixos gradus injun-  
gat. Post hæc in Ecclesiam eos introdu-  
cat, & cum omni Clero septem pœniten-  
tiæ Psalmos in terram prostratus cum la-  
crymis , pro eorum absolutione decan-  
tet. Tum confurgens ab oratione , jux-  
ta id, quod canones jubent , manus eis  
imponat , aquam benedictam super eos  
spargat , cinerem prius mittat , dein  
cilicio capita eorum cooperiat , & cum  
gemitu ; ac crebris suspiriis, eis denun-  
ciet, quod, sicut Adam projectus est de  
paradiso, ita & ipsi ab Ecclesia ob pec-  
cata ejiciantur. Posthæc jubeat Mini-  
stros, ut eos extra januas Ecclesiæ ex-  
pellant. Clerus vero prosequatur eos,  
cum responso : In (r) sudore vultus tui  
vesceris peme tuo &c. ut videntes Sanctam  
Ecclesiam, ob facinora sua tremefactam,  
& commotam, non parvipendant pœni-  
tentiam. In sacra autem Domini cœna  
rursus Ecclesiæ liminibus se præsentent.

### *De danda pœnitentia.*

*Ex Concilio Mogontiensi.*

CCXCII. Modus (s) tempusque  
pœnitentiæ, peccata sua confitentibus, aut  
per antiquorum canonum institutionem,  
aut per sanctarum Scripturarum auctori-  
tatem, aut per Ecclesiasticam consuetu-  
dinem imponi debet a Sacerdotibus. Nam  
qui peccatis gravibus leves quosdam &  
inuitatos imponunt pœnitentiæ modos,  
consuunt pulvillos, secundum Propheti-  
cum sermonem, sub omni cubito manus,  
& faciunt cervicalia sub capite universæ  
ætatis ad capiendas animas. Sed discretio  
servanda est inter pœnitentes publicæ & ab-  
seconde. Nam qui publice peccat, oportet,  
ut publica mulctetur pœnitentia , & se-  
cundum ordinem canonum, pro merito suo  
excommunicetur, & reconcilietur.

### *Qualiter suscipere debent pœniten- tem Episcopi, vel Presbyteri.*

*Ex Pœnitentiali Romano.*

CCXCIII. Quotienscunque (t) Chri-  
stiani ad pœnitentiam accedunt , jejunia  
injungimus , & nos communicare cum  
eis debemus in jejunio unam, aut duas heb-

(\*) Burchard. *puritate*.

[o] Concil. Carthag. 3. c. 32. Lib. 3. capitular. c. 53. Burchard. lib. 19. c. 40.

[p] Concil. Agath. c. 15. Burchard. lib. 19. c. 27.

[q] Burchard. lib. 19. c. 16. & Dist. 50. c. 64.

[r] Genes. 3.

[s] Concil. Mogunt. sub Rabano c. 31. Burchard. lib. 19. c. 28.

[t] Burchard. lib. 19. c. 33.

hebdomadas, vel quantum possumus; ut non dicatur, quod Sacerdotibus Judæorum a Domino dicitur: *Vae (u) vobis Legisperitis, qui adgravatis homines, imponentes super humeros eorum onera gravia & importabilia, ipsi autem uno digito vestro non tangitis sarcinas ipsas.*

*Item post paucq.*

CCXCIV. Quotienscunque (x) deris consilium peccanti, simulque da illi statim pœnitentiam, quantum debeat jejunare, aut elemosynis redimere peccata sua; ne forte obliviscaris, quæ tibi jam dixit, & iterum tibi necesse sit interrogare, & forsitan erubescat iterum confiteri, & inveniatur jam amplius judicari.

*Ut nullus alius præsumat pœnitentiam dare, vel confessionem audire, nisi Episcopus aut Presbyter.*

*Ex eodem.*

CCXCV. Exsurge, qui dormis, exsurge a mortuis; & illuminabit te Christus. Frater, Dominus Iesus Christus, qui dixit Discipulis suis: *Quæcunque (y) ligaveritis super terram, erunt ligata & in cælo: & quæcunque solveritis super terram, erunt soluta & in cælo.* De quorum numero, quamvis indignos, nos esse voluit, ipse te absolvat per ministerium nostrum ab omnibus peccatis tuis, quæcunque cogitatione, locutione, atque operatione negligenter egisti; ut a nexibus peccatorum absolutum perducere te dignetur ad regna cælestia. Amen. Nos etiam, Frater carissime, secundum auctoritatem, nobis indignis a Domino commissam, absolvimus te ab omni vinculo delictorum, ut merearis habere vitam æternam per eum, qui vivit &c. (Caput istud non extat in MS.)

Sicut (z) enim sacrificium offerre non debent, nisi Episcopi & Presbyteri, quibus claves regni cælestis traditæ sunt; sic nec pœnitentium judicia alii usurpare debent.

P p p 3

*Ut Diaconus, si necesse sit, suscipiat Confessionem.*

CCXCVI. Si (a) autem necessitas evenierit, & Presbyter non fuerit præsens; Diaconus suscipiat pœnitentem ad sanctam Communionem.

*Item de suscipienda Confessione.*

*Ex Theodori Archi-Episcopi, vel Bedæ Presbyteri Pœnitentiali.*

CCXCVII. Episcopi, (b) vel Presbyteri, quando fidelium recipiunt confessiones, humiliare se debent, & cum tristitia gemitu, lacrymisque orare, non solum pro suis delictis, sed etiam pro fratris casu. Ait enim Apostolus: *Quis (c) infirmatur, & ego non infirmor?*

*Unde supra.*

CCXCVIII. Cum (d) ergo venerit aliquis ad Sacerdotem confiteri peccata sua; mandet ei Sacerdos, ut expectet modicum, donec intret Ecclesiam, aut cubiculum suum ad orationem. Si autem non est locus aptus ad hoc; dicat hanc orationem in corde suo:

*Oratio.*

CCXCIX. Domine [e] Deus omnipotens, propitius esto mihi peccatori, ut condigne tibi possim gratias agere, qui me indignum, propter tuam misericordiam, ministrum fecisti officii Sacerdotalis, & me exiguum, humilemque, mediatorem constituisti ad orandum, & intercedendum ad Dominum nostrum, Iesum Christum, filium tuum, pro peccantibus, & ad pœnitentiam revertentibus. Ideoque dominator Domine, qui omnes homines vis salvos fieri, & ad agnitionem veritatis venire, qui non vis mortem peccatorum, sed ut convertantur & vivant: suscipe orationem meam, quam fundo ante conspectum Clementiæ tuæ, pro famulis & famulabus tuis, qui ad pœnitentiam venerunt; ut des illis spiritum compunctionis, ut resipiscant a diaboli laqueis, a quo adstricti tenentur, & ad

(u) Luc. 11.

(y) Matth. 18.

(a) Halitgar. in Præfat. lib. 6. Burchard. lib. 19. c. 154.

(b) Halitgar. ibid. Burchard. lib. 19. c. 2.

(c) 2. Cor. 11.

(e) Halitgar. ibid. Burchard. lib. 19. c. 3.

(x) Burchard. ibid.

(z) Burchard. lib. 19. c. 153.

(d) Halitgar. ibid. Burchard. lib. 19. c. 2.



ad te per condignam satisfactionem revertantur per eundem Dominum.

Videns autem ille, qui ad pœnitentiam venit, Sacerdotem tristem, & lacrymantem pro suis facinoribus, magis ipse timore Dei percussus, amplius tristetur, & exhorrescat peccata sua.

Hic locus sic habet in veteri codice MS. Monasterii Rivipullensis: Videns autem ille frater, qui ad pœnitentiam venit, hanc Sacerdotis humilitatem, magis peccata sua exhorrescit, magis scelerata sua pertimescit. Post hæc caritative Sacerdos eum fuscipiat, humiliter eum sedere faciat secum, blande eum huiusmodi sermonibus attrahat: Frater, non erubescas confiteri peccata tua, &c. *Not. Baluz.*

### Ordo ad dandam pœnitentiam.

*Unde supra.*

CCC. Post hæc [f] interroga eum blande, leniterque: Credis in Deum Patrem, & Filium, & Spiritum Sanctum? *Resp.* Credo. Credis, quod istæ tres personæ unus Deus sit? *Resp.* Credo. Credis, quod in ipsa ista carne, in qua nunc es, in ipsa resurgere habes in die Iudicii, & recipere sive bonum, sive malum, quod gessisti? Credo. Vis dimittere illis peccata, qui in te peccaverunt, Domino dicente: *Si non [g] remisseritis hominibus peccata eorum, nec pater vester dimittet vobis peccata vestra?* *Resp.* Volo. Et require ab eo diligenter, si est incestuosus, aut suo seniori infidelis. Et si non vult incestum dimittere, non potes ei dare pœnitentiam. Si autem vult, potes. His præmissis pœnitentem, alloqui affectuose debet Sacerdos his verbis:

Frater, noli erubescere peccata tua confiteri. Nam & ego peccator sum, & fortassis pejora, quam tu feceris, habeo facta. Hæc idcirco admoneo, quia usitatum generis humani vitium est, ut [h] beatus Gregorius dicit, & labendo peccatum committere, & commissum confitendo non prodere, sed negando defendere, atque convictum defendendo multiplicare. Et qui diabolo instigante nefanda crimina perpetrare non metuimus, hæc eadem, quæ opere absque ulla verecundia perfecimus, eodem suadente saltem verbis

confiteri erubescimus, & coram homine, qui similis nostri est, eisdemque fortasse passionibus subjacet, confundimur dicere, quod coram Domino, qui omnia inspicit, absque ullo mentis rubore committere non formidavimus detestanda actione. Sponte ergo fateamur, quod nullo cogente commissimus. Si vero nos nostra scelera celaverimus, ab illo manifestabuntur, qui & [\*] accusator est peccati, & incensor. Ipse enim [i] hic nos, ut peccemus, instigat; ipse cum peccaverimus, accusat: si ergo in hac vita præveniamus eum, & ipsi sceleris nostri accusatores simus; nequitiæ diaboli inimici nostri, & accusatoris effugiemus, Paulo teste, qui ait: *Si [k] nosmetipsos judicavimus, non utique dijudicemur.*

Videns autem eum Sacerdos verecundantem, rursus prosequatur: Fortasse, carissime, non omnia, quæ gessisti, ad memoriam modo veniunt. Ego te interrogabo. Tu cave, ne diabolo suadente, aliquid celare præsumas. Et tunc eum ita per ordinem interroget.

Fecisti homicidium, aut casu aut volens, aut pro vindicta parentum, aut jubente Domino tuo, aut in publico bello. Si voluntarie fecisti, septem annos pœnitere debes: si nolens, aut casu, quinque annos. Si pro vindicta parentis, unum annum, & sequentibus duobus annis tres quadragesimas & legitimas ferias. Si in bello, quadraginta dies. Si liber es, & jubente Domino servum innocentem occidisti; annum unum, in duobus aliis annis tres quadragesimas, & legitimas ferias. Si servus dignus est morte; quadraginta dies pœniteat.

Fecisti truncationes manuum aut pedum, aut oculos hominis eruisti, aut vulnerasti hominem? Pro truncatione annum unum pœnitere debes, pro vulnerare quadraginta dies pœniteas.

Fecisti perjurium, aut pro cupiditate seculi, aut coactus, & pro necessitate, aut pervicacia, aut parentum, aut ne sciens, aut alios in perjurium induxisti scienter; Si sciens pejerasti, & alios in perjurium induxisti, septem annos pœnitere debes.

(f) Burchard, ibid.

(h) S. Gregor. lib. 22. Moral. c. 9.

[i] Vide Ruric. lib. 2. Epist. 12.

(g) Matth. 6.

[\*] Cod. Rivipull. *aut for.*

[k] 1. Cor. 11.

bes. Si nesciens, annum unum, & tres quadragesimas : si pro vita vel membris, tres quadragesimas. Fecisti furtum aut sacrilegium, aut infracturas, vel rapinam, tollens, quod tuum non erat : Si domos per noctem infregisti, & quadrupedia tulisti, vel fortiorem causam, valentem solidis quadraginta ; annum unum pœnitere debes & pretium reddere. Si non reddis, annos duos pœniteas. Si maiorem fecisti furtum, tres annos pœnitere debes. Et, si sæpe fecisti, annos septem. Pro modico furto viginti dies, pueri decem dies. Si de Ecclesia aliquid tulisti, quod est sacrilegium, septem annos pœniteas.

Fecisti adulterium cum uxore aliena, vel desponsata, vel virginem corrupisti, sive cum sanctimoniali, vel Deo dicata, vel cum absoluta femina, id est, sine marito, vel cum ancilla propria : Si mœchatus es cum alterius uxore, aut cum sanctimoniali, septem annos pœniteas. Si cum virgine, duos annos. Si cum vidua, annum unum. Si tuam uxorem dimisisti, & alterius junxisti, septem annos pœniteas ; si cum vacante femina, tres quadragesimas, & legitimas ferias. Si cum propria ancilla, quadraginta dies pœnitere debes.

Nupsisti cum uxore tua, vel ancilla retro. Si fecisti, quadraginta dies debes pœnitere.

Nupsisti cum uxore tua quadraginta dies ante partum ; quadraginta dies debes pœnitere.

Nupsisti in die Dominico ; tres dies pœnitere debes.

Fecisti raptum de virgine vel vidua ; tres annos pœnitere debes.

Fecisti fornicationem, sicut Sodomitæ fecerunt, cum pecoribus, aut cum matre vel sorore ; quindecim annos, vel duodecim pœnitere debes.

Coinquinatus es cum uxore tua in quadagesima. Si hoc fecisti, annum unum pœnitere debes, aut viginti sex solidos in eleemosynam dare. Si per ebrietatem evenit ; quadraginta dies pœniteas.

Hoc etiam caveri debet, ut viginti dies ante Natale Domini, & Pentecosten, & omni die Dominica, & post

conceptionem manifestatam vir contineat se ab uxore. Dixisti falsum testimonium pro cupiditate, aut nesciens ; annum unum pœniteas.

Truncaisti ullum membrum ; tres annos pœniteas. Odisti fratrem tuum : quamdiu in ipso odio fuisti, tamdiu pœniteas in pane & aqua.

Detraxisti ullum hominem ad senio-rem, vel ad pares propter invidiam ; quadraginta dies pœniteas. Violaisti in furto sepulchrum, annos duos pœniteas. Contigit tibi ulla negligentia de sacrificio Domini ; centum quadraginta dies pœniteas.

Consuluisti magos, aut aruspices, aut incantatores, aut sortilegos : vel vota, quæ ad arbores, vel ad fontes fiunt, vovisti ; annos tres pœniteas.

Tulisti aliquid pecuniæ de Ecclesia, aut in quadruplum restitue, aut tres annos pœniteas.

Perdidisti aliquem per injustam delaturam, tres annos pœniteas.

Duxisti, aut transmisisti aliquem in captivitatem, tres annos pœniteas.

Edictio Helmæstadiensis ita habet : Duxisti, aut transmisisti ullum hominem Christianum in captivitatem, tres annos. Burchardus in libro XIX. paulo fusius, & cum aliquo discrimine. Duxisti aut transmisisti, vel vendidisti aliquem hominem in captivitatem, nisi pro pace communi. Si fecisti ; reduc eum, si poteris. Sin autem, duos annos per legitimas ferias pœniteas. *Not. Baluz.*

Cremaisti domum aut aream alterius ; tres annos pœniteas.

Fecisti vomitum per ebrietatem, quindecim dies pœniteas. Si per contentionem, quadraginta : si nesciens, sex dies pœniteas.

Edictio Helmæstadiensis : Fecisti vomitum per ebrietatem, XV. dies pœniteas ; si per contentionem XL. si nesciens VII. dies pœniteas. Similiter si sanguinem comederis. *Not. Baluz.*

Manducaisti morticina, aut dilacerata a bestiis, quadraginta dies pœniteas. Similiter, si sanguinem comederis.

Bibisti de liquore, in quo mus, vel muste-



mustela mortua inventa fuerit ; quadraginta dies pœniteas.

Contempnisti indictum jejunium in Ecclesia, vel decreta seniorum ; quadraginta dies pœniteas. Si in quadagesima, unum annum.

Oppressisti infantem tuum ; quinque annos , aut tres pœnitere debes.

Bibisti ullum maleficium, id est, herbas , vel alias causas , ut non potuisses infantes habere , aut alio donasti , aut hominem per mortiferam portionem occidere voluisti , aut alium hoc facere docuisti , aut de semine viri gustasti , ut in amorem tuum exardesceret ; aut Christum bibisti , aut ad subvertendum Dei iudicium alteri dedisti &c. Si quid hujusmodi operatus es ; septem annos pœniteas.

Necasti voluntarie partustuos ; decem annos pœniteas. Et si filium vel filiam occidisti ; duodecim. Et si in utero ante conceptum ; unum annum. Si post conceptum , tres annos. Si tuus infans per tuam negligentiam sine baptismo mortuus est ; annum unum pœniteas , & nusquam sis sine aliqua pœnitentia.

Fecisti aliquid, quod pagani faciunt in Kalendis Januarii , in cervulo, vel in vegula ; tres annos pœniteas.

Fecisti aliquid, vel dixisti in quocunque opere, quod inchoas per fortilegam vel magicam artem ; annum unum pœniteas.

Misisti Filium tuum super tectum , aut super fornacem pro aliqua sanitate , vel incendisti grana, ubi mortuus homo fuerat ; quinque annos pœniteas.

Cantasti carmina diabolica super mortuos ; viginti dies pœniteas.

Junxisti te mulieri tempore menstruo ; quadraginta dies pœniteas.

Nupisti cum uxore tua, postquam peperit , antequam quadraginta dies adimplerentur ; triginta dies pœniteas.

Communicasti de sacrificio Domini , & non prius abstinuisti ab uxoris amplexu quinque aut septem diebus ; dies viginti pœniteas.

Operatus es aliquid in Dominica die ; septem dies pœniteas.

Detraxisti vel maledixisti aliquem causa invidiæ ; septem dies pœniteas.

Nunc (1) tibi octo principalia vitia explicabo , id est , superbiam , vanam gloriam, invidiam , iram, tristitiam, avaritiam , ventris ingluviem , luxuriam. Ex quibus si te culpabilem recognoscis , pœnitentiam suscipe. Nam ex his omnia vitia oriuntur. (\*) (De superbia, quæ initium omnis peccati est , & regina omnium malorum, nascitur omnis inobedientia, omnis præsumptio , & omnis pertinacia, contentiones, hæreses, arrogantia.) De vana gloria oriuntur inobedientia, jactantia, hypocrisis, contentiones, pertinetia, discordiæ, novitatum præsumptiones. De invidia nascitur odium, susurratio , detractio , exultatio in adversis proximi, afflictio in prosperis. De ira oriuntur rixæ, tumor mentis, contumeliæ, clamor , indignatio , blasphemiar. De tristitia nascitur malitia, rancor, pusillanimitas, desperatio, torpor, vagatio mentis. De avaritia oriuntur proditio, fraus, fallacia, perjuria, inquietudo, & contra misericordiam obduratio. De ventris ingluvie propagatur inepra lætitia, scurrilitas, immunditia , multiloquium , hebetudo sensus. De luxuria generatur cæcitas mentis, inconsideratio, inconstantia, præcipitatio , amor sui, odium Dei, affectus præsentis sæculi, horror & desperatio futuri.

#### Allocutio.

Ergo, (m) si superbus usque modo fuisti, humilia te ipsum in conspectu Dei. Si vanam gloriam dilexisti ; cogita, ne propter transitoriam laudem æternam perdas mercedem. Si invidiæ rubigo te huc usque consumpsit, quod est maximum peccatum, & super omnia detestabile : quia diabolo comparatur invidus, qui primo homini invidit datum, quod ipse per suam culpam perdiderat ; age pœnitentiam, & profectum aliorum, tuum deputa. Si tristitia te superat, patientiam & longanimitatem meditare. Si avaritiæ morbus gravat ; cogita , quia radix est omnium malorum, & idololatriæ comparatur, & ideo largum te esse oportet. Si ira te vexat, quæ in stultorum sinu requiescit, dominari debes animo tuo, & hanc

[1] Burchard. lib. 19. c. 6. Capitulare Theodulfi. c. 31.

[\*] Ista desunt in Edit. Helmæstad. & in cod. MS. Addita autem sunt ex Burchardo & aliis.

[m] Burchard. lib. 19. c. 7.

hanc a te mentis tranquillitate fuga. Si ventris ingluvies ad vorandum pertrahit, sobrietatem sectare. Si luxuria, castitatem vove.

Tunc prosternat se pœnitens in terram, & cum lacrymis dicat: Et in his, & in aliis quibuscunque humana fragilitas contra Deum, & Creatorem suum, aut cogitando, aut loquendo, aut operando, aut delectando, aut concupiscendo peccare potest, in omnibus me peccasse, & reum in conspectu Dei super omnes homines esse, cognosco & confiteor.

Humiliter etiam te Sacerdos Dei exposco, ut intercedas pro me, & pro peccatis meis ad Dominum, & Creatorem nostrum, quatenus de his, & de omnibus sceleribus meis veniam & indulgentiam consequi merear. Deinde Sacerdos furgat, & Psalmum XXXVII. decantet. Deinde L. & LIII. & prosternat se in terram, & dicat hanc Orationem:

*Oratio.*

Precor, Domine, clementiæ & misericordiæ tuæ Majestatem, ut famulo tuo illi, nunc peccata & facinora sua confitenti, veniam relaxare digneris, & præteritorum culpas indulgeas. Qui humeris tuis ovem perditam reduxisti, qui Publicani precibus, & confessione placatus es, tu etiam, Domine, huic famulo tuo illi placatus esse digneris. Tu hujus precibus benignus adspira, ut in confessione placabilis permaneat. Fletus ejus & petitio perpetuam clementiam tuam celeriter exoret, sanctisque altaribus restitutus rursus æternæ ac cælesti gloriæ mancipetur, qui vivis &c.

*Deinde adjungatur:*

Deus (n) omnipotens sit adjutor, & protector tuus, & præstet indulgentiam de peccatis tuis, præteritis, præsentibus, & futuris.

Hæc (o) de remediis peccatorum ex priorum monumentis excerptimus; in quibus tamen omnibus, non auctori-

Q q q

tate censoris, sed consilio potius compatiens usi sumus, solenter admonentes doctum quemque Sacerdotem Christi, ut in universis, quæ hic adnotata reperit, sexum, ætatem, conditionem, statum, personam, intellectum, ipsum quoque cor pœnitentis curiose discernat, & secundum hæc, ut sibi visum fuerit, singula quæque dijudicet. Quibusdam namque a cibis abstinendo, aliis eleemosynas dando, nonnullis genua flectendo sæpius, sive in cruce stando, aut aliquid aliud hujusmodi, quod ad purgationem peccatorum pertineat, faciendo, universa necesse est errata corrigere: quæ universa in examine discreti debent pendere Judicis.

*De Pœnitentibus.*

*Ex Concilio Africano.*

CCCL. Pœnitentibus (p) secundum differentiam peccatorum Episcopi arbitrio pœnitentiæ tempora decernantur.

*De eadem re.*

*Ex eodem.*

CCCII. Ut (q) Sacerdos pœnitentiam imploranti, absque personæ acceptance pœnitentiæ leges injungat.

*Ut pœnitentia conjugatis ex consensu detur.*

*Ex Concilio Arelatenſi.*

CCCIII. Pœnitentiam (r) conjugatis non nisi ex consensu dandam.

*Ex Concilio Laodicensi.*

CCCIV. De his, (s) qui diversis facinoribus peccaverunt, & perseverantes in oratione confessionis & pœnitentiæ conversionem a malis habuere perfectam, pro qualitate delicti talibus pœnitentiæ tempus impensum, propter clementiam, & bonitatem Dei communio concedatur.

*De eadem re.*

CCCV. Unumquemque (t) hominem

(n) Burchard, lib. 19. c. 7.

(o) Præfatio Bedæ de remediis peccatorum.

(p) Halitgar, lib. 3. c. 1. 11. Concil. Carthag. 3. c. 31.

(q) Halitgar, ibid. c. 1. Concil. Carthag. 4. c. 74. Burchard, lib. 19. c. 35.

(r) Concil. Arelat. 2. c. 22. Burchard, lib. 19. c. 111.

(s) Conc. Laodic. c. 2. Halitgar, lib. 3. c. 15. Burchard, lib. 19. c. 41.

(t) Halitgar, in Præfat, lib. 6. Burchard, lib. 19. c. 32.



minem accedentem ad pœnitentiam, si videris, acriter & assidue stare in pœnitentia, statim remissius age adversus eum.

In veteri codice MS. Monasterii Rivi-pullenfis post hæc verba: *Remissius age adversus eum*, ista adduntur: *Si vero negligentem videris & tepidum, tardius relaxa eum.*

*Ex Concilio Africano.*

CCCVI. Ut (u) Presbyter non interrogato Episcopo, non reconciliet pœnitentem, nisi absentia Episcopi, necessitate compellente.

*Ex Epistola Innocentii Papæ.*

CCCVII. De Pœnitentibus (x) autem, qui sive ex gravioribus commissis, sive ex levioribus pœnitentiam gerunt, si nulla interveniat ægritudo; quinta feria ante Pascha eis remittendum, Romanæ Ecclesiæ consuetudo demonstrat. Sane si quis ægritudinem inciderit, & usque ad desperationem devenierit, ei est ante tempus Paschæ relaxandum.

*Ex Concilio Carthaginensi.*

CCCVIII. Ut (y) negligentes pœnitentes tardius recipiantur.

*Ut nullus Episcopus alterius civitatis, vel Parræchiæ pœnitentem suscipiat, vel sine Episcopi, vel Presbyteri testimonio reconciliet.*

*Ex Epistola Felicis Papæ.*

CCCIX. Curandum (z) summo-pere est, ne quis Fratrum, Coepiscoporumque nostrorum, aut etiam Presbyterorum, in alterius civitate, vel diœcesi, pœnitentem, vel sub manu positum Sacerdotis, aut eum, qui reconciliatum se dixerit, sine Episcopi, vel Presbyteri testimonio & literis, ad cujus pertinet Parræchiam, suscipiat.

*Ut Presbyteris, & Diaconibus manus, tanquam pœnitentibus, non imponatur.*

*Ex Concilio Carthaginensi.*

CCCX. Confirmatum (a) est, ut si quando Presbyteri, vel Diaconi in aliqua graviore culpa convicti fuerint, quos eos a ministerio necesse sit removeri; non eis manus tanquam pœnitentibus, vel tanquam fidelibus laicis, imponatur.

*Ut pœnitentia Clericis non negetur.*

*Ex Concilio Arelateni.*

CCCXI. Pœnitentiam (b) desiderantibus Clericis non negandam.

*Qualiter Presbyteri & Diaconi agant pœnitentiam.*

*Ex Epistola Leonis Papæ.*

CCCXII. Alienum (c) est a consuetudine Ecclesiastica, ut qui in Presbyterali honore, aut Diaconi gradu fuerint consecrati, hi pro crimine aliquo suo per manus impositionem remedium accipiant pœnitendi, secundum quod scriptum est: *Sacerdos, (d) si peccaverit, quis orabit pro illo?* Unde huiusmodi lapsis ad promerendam misericordiam Dei privata est expetenda secessio; ubi illis satisfactio, si fuerit digna, sit etiam fructuosa.

*Ut a negotiatione pœnitentes abstineant.*

*Ex Epistola Leonis Papæ.*

CCCXIII. Qualitas (e) negotiandi aut excusat, aut arguit, quia est honestus questus & turpis. Verumtamen pœnitenti utilis est, dispendia pati, quam periculis negotiationis adstringi: quia difficile est, inter ementis, vendentisque commercium non intervenire peccatum.

*Ut post depositum cingulum nullus pœnitens ad militiam seculari rem redeat.*

*Ex eadem.*

CCCXIV. Contrarium (f) est omn-

(u) Concil. Carthag. 3. c. 32. Burchard. lib. 19. c. 40. 70.

(x) Decreta Innoc. I. cap. 7. Halitgar. lib. 3. c. 13. Burchard. lib. 18. c. 18.

(y) Concil. Carthag. 4. c. 75. Burchard. lib. 19. c. 38.

(z) Concil. Carthag. 5. c. 11. Burchard. lib. 19. c. 72.

(a) Decreta Leon. I. c. 16. Burchard. lib. 19. c. 71.

(b) Decreta Leonis I. c. 23. Halitgar. lib. 3. c. 6. Rhab. Epist. ad Heribaldum. c. 15. Burchard. lib. 19. c. 95.

(c) Decreta Leonis I. c. 24. Halitgar. ibid. c. 7. Burchard. lib. 19. c. 66.

(d) 1. Reg. 2.

(e) 1. Reg. 2.

(f) 1. Reg. 2.

[z] Felix III. Epist. 7. c. 6.

(b) Concil. Arelat. 2. c. 29.

(d) 1. Reg. 2.

(e) 1. Reg. 2.

(f) 1. Reg. 2.

omnino Ecclesiasticis regulis, post pœnitentiæ actionem redire ad militiam sæcularem, cum Apostolus dicat: *Nemo militans Deo &c.* unde non est liber a laqueis diaboli, qui se militiæ mundanæ voluerit implicare.

*De eadem re.*

*Ex Concilio Arelatensi.*

CCCXV. Hi, qui post sanctæ (g) religionis propositum apostatant, & ad sæculum redeunt, & postmodum pœnitentiæ remedia non requirunt, communionem non accipiant sine pœnitentia. Quos etiam jubemus ad Clericatus officium non admitti.

*Item ex eodem.*

CCCXVI. Quicumque habitum sæcularem præsumpserit, ab Ecclesia expellatur.

*De eadem re.*

*Ex Concilio Toletano.*

CCCXVII. De his, [b] qui acta pœnitentia, ad pristina redeunt peccata, antiquorum Patrum decernunt Concilia, ut, qui acta pœnitentia tanquam canes, ac fures ad vomitus pristinos, & ad volubra redeunt, quousque ad remedia pœnitentiæ recurrant, & ad omissum ordinem revertantur, excommunicati, & anathema condemnati habeantur.

*De eadem re.*

*Ex dictis Sancti Gregorii.*

CCCXVIII. Qui [z] se inlicita meminisse commississe, a lictis etiam studeat abstinere; quatenus per hoc conditori suo satisfaciatur; ut qui commisit prohibita, fibimet abscidere debeat etiam concessa.

*De eadem re.*

*Ex Epistola Leonis.*

CCCXIX. Inlicitorum veniam (k) postulantem oportet, etiam a lictis ab-

Q q q 2

(g) Concil. Arelat. 2. c. 25. Burchard, lib. 19. c. 67.

(b) Concil. Tolet. 6. c. 7. Vide Decreta Siricii. c. 5. Concil. Aurelian. 1. c. 13. & Halitgar, lib. 3. c. 8.

(z) Burchard, lib. 19. c. 65.

(k) Decreta Leonis I. c. 22. Halitgar, lib. 3. c. 5. Lib. 7. Capitular. c. 43.

(l) 1. Cor. 6. (m) Burchard, lib. 19. c. 158.

(n) Regula S. Basilii. c. 27. Burchard, lib. 19. c. 39.

(o) Luc. 15.

(p) Regula S. Basilii. c. 18.

(q) Psal. 118.

(r) Regula S. Basilii. c. 28. Burchard, lib. 19. c. 64.

(s) Matth. 18.

(t) 2. Thessal. 3.

Tomus II. Concil. German.

stinere, dicente Apostolo: *Omnia [i] licent, sed non omnia expediunt.* (Vide Rhabani Epistolam ad Heribaldum Autissiodor. cap. XV.)

*De eadem re.*

*Ex Concilio Toletano.*

CCCXX. Ea, (m) quæ frequenti prævaricatione iterantur, frequenti etiam sententia condemnantur.

*De eadem re.*

*Ex dictis Basilii Episcopi.*

CCCXXI. Pœnitentem (n) ex corde ita oportet suscipere, sicut Dominus ostendit, cum dicit: *Quia [o] convocavit amicos suos & vicinos, dicens: Congratulamini mihi, quia inveni ovem meam, quam perdideram.*

*Unde supra.*

CCCXXII. Affectum (p) illum in se recipiat pœnitens, quem gerebat ille, qui dicebat: *Iniquitatem (q) odio habui, & abominatus sum.*

*Qualis sit vera pœnitentia.*

*Ex dictis Sancti Augustini.*

CCCXXIII. Pœnitentiam certam non facit, nisi odium peccati & amor Dei. Quando sic pœnitens, ut tibi amarum sapiat in animo, quod antea dulce fuit in vita: & quod te prius oblectabat in corpore, ipsum te cruciet in corde, tunc vere pœnitens.

*Quales esse debemus erga impœnitentes.*

*Unde supra.*

CCCXXIV. Erga eum, [r] qui pro peccato non pœnitet, tales esse debemus, sicut Dominus præcepit, dicens: *Sit [s] tibi sicut gentilis & publicanus.* Et sicut Apostolus jubet: *Subtrahite, [t] inquit, vos ab omni fratre inordinate ambulante, & non secundum traditionem, quam tradidi vobis.*

Ut



*Ut Clerici non intersint nuptiis.*

CCCXXV. Presbyteri, [u] Diaconi, Subdiaconi, vel deinceps, quibus ducendi uxores non est licentia, etiam alienarum nuptiarum evitent convivia: neque his cœtibus admisceantur, ubi amatoria cantantur & turpia, aut obscœni motus corporum choris & saltationibus efferuntur; ne auditus & obtutus, sacris mysteriis deputatus, turpium spectaculorum, atque verborum contagione polluantur.

*De eadem re.*

*Ex Concilio Mogontiensi.*  
cap. XXXIX.

CCCXXVI. Quibus licentia (x) uxores ducendi non est, alienarum nuptiarum evitent convivia.

*De eadem re.*

*Ex decretis Sancti Martini Papæ.*

CCCXXVII. Non licet [y] Sacerdotibus, vel Clericis, aliqua spectacula in nuptiis vel conviviis spectare; sed oportet, antequam ingrediantur ipsa spectacula, surgere, & redire inde.

*De temporibus, quibus se continere debent conjugati ab uxoribus.*

*Ex Concilio Helibermensi.*

CCCXXVIII. Synodus (z) Helibernensis dicit: In tribus quadragesimis anni, & in die Dominico, & in quarta feria, & sexta feria conjugales continere se debent. Item nec in illis diebus copulari, quamdiu gravata fuerit uxor, id est, a quo die filius in utero motum fecerit usque ad partum. Item a partu post triginta tres dies, si filius; si autem filia, post quinquaginta sex.

*De eadem re.*

*Ex Penitentiali.*

CCCXXIX. Uxoratus contineat se quadraginta dies ante Pascha & Pentecosten, seu ante Natale Domini, & omnem Dominicam noctem, & quartam,

& sextam feriam, & a conceptione manifestata usque post natam sobolem. Uxor post natam sobolem abstineat se ab Ecclesia: si filius est, dies triginta, si filia, dies quadraginta. Mulier se abstineat a viro tres menses ante partum, & post partum quadraginta dies. Qui autem nupserit his diebus, viginti dies pœniteat.

*De eadem re.*

CCCXXX. Qui (a) in quadragesima ante Pascha cognoverit uxorem suam, & noluerit abstinere ab ea; [\*] uno anno pœniteat, aut pretium suum, videlicet viginti sex solidos, ad Ecclesiam tribuat, aut pauperibus dividat. Si per ebrietatem & sine consuetudine acciderit, quadraginta dies pœniteat.

*Quod ante communionem abstinere debet a conjugē.*

CCCXXXI. Omnis (b) homo ante sacram Communionem a propria uxore abstinere debet VII. aut V. aut III. dies.

*De eulogiis populo a Presbytero dandis.*

*Ex Concilio Nannetensi.*

CCCXXXII. Ut de (c) oblationibus, quæ offeruntur a populo, & consecrationi superfunt, vel de panibus, quos offerunt fideles ad Ecclesiam, vel certe de suis, Presbyter convenienter partes incisas habeat in vase nitido; ut post Missarum solemniam, qui communicare non fuerunt parati, Eulogias omni die Dominico, & in diebus festis ex inde accipiant. Et illa, unde Eulogias Presbyter daturus est, ante in hæc verba benedicat:

*Oratio.*

Domine (d) Sancte Pater, omnipotens, æterne Deus, benedicere digneris hunc panem tua sancta, & Spirituali benedictione; ut sit omnibus salus mentis & corporis, atque contra omnes morbos, & universas inimicorum insidias tutamentum. Per Dominum nostrum Jesum Christum, Filium tuum, panem

[u] Concil. Venetic. c. 11. Concil. Agathi. c. 39. Burchard. lib. 2. c. 134.

[x] Burchard. lib. 2. c. 132.

[y] Martinus Bracar. c. 59. Burchard. lib. 2. c. 135. Vide supra c. 213.

[z] Burchard. lib. 19. c. 155.

[\*] Edit. Helmæstad. annos V. pœn.

(a) Burchard. lib. 19. c. 76.

(b) Burchard. lib. 5. c. 22.

(c) Concil. Nannet. c. 9. Burchard. lib. 5. c. 27.

(d) Burchard. lib. 5. c. 28.

nem vitæ, qui de cælo descendit, & dat vitam & salutem mundo, & tecum vivit & regnat. Providendum est autem, ne micæ incaute defluant.

*Ut Presbyteri cum stola incedant.*

*Ex Synodo Triburiensi.*

CCCXXXIII. Ut Presbyteri non vadant, nisi stola, vel orario induti. Et si in itinere Presbyteri spoliantur, vel vulnerantur, aut occiduntur non stola vestiti, simplici emendatione sua solvantur. Si autem cum stola, tripliciter.

*De eadem re.*

*Ex Concilio Moguntiacensi.*

CCCXXXIV. Presbyteri (e) sine intermissione utantur orariis, propter differentiam sacerdotalis dignitatis.

*Ne Clerici laicalibus induantur vestibus.*

*Ex Concilio, quo supra.*

CCCXXXV. Ut (f) laicalibus vestimentis Clerici non utantur, id est, mantellum, vel eottam sine cappa, nec pretiosis & ineptis calciamentis, & aliis novitatum vanitatibus, sed religioso & decenti habitu incedant. (*Vide Capitulare Ahytonis Episcopi Basil. cap. 15.*)

*De eadem re.*

*Ex Concilio Abrisbach in Bajoaria.*  
Cap. xli.

CCCXXXVI. Ut nullus Clericus vestimenta laicalia portet, nec arma, nisi tantum, quod ipsius religioni deceat, induere præsumat.

*De eadem re.*

*Ex Concilio Carthaginensi.*

CCCXXXVII. Clericus [g] professionem suam etiam habitu & incessu probet. Et ideo nec vestibus, nec calciamentis decorem quærat.

*ne Presbyteri per pretium Ecclesiæ obtineant.*

*Ex Concilio Moguntiacensi.*

CCCXXXVIII. Quicumque (h) Presbyter per pretium Ecclesiæ fuerit adeptus, omnimodis deponatur; quoniam contra Ecclesiasticæ regulæ disciplinam agere dinoscitur, qui alium Presbyterum legitime ad Ecclesiæ ordinatum, per pecuniam expulerit, eamque sibi taliter vindicaverit. (*Vide supra cap. 240.*)

*Quod non ubique sacrificium sit offerendum.*

*Ex Epistola Anacleti Papæ.*

CCCXXXIX. Sacerdotes (i) quando sacrificant, non soli hoc agere debent; sed testes secum adhibeant, ut Deo perfecte in sacris Domino locis sacrificare probentur. Ait namque auctoritas legis divinæ: *Vide, (k) ne offeras holocausta tua in omni loco, quem videris, sed in loco, quem elegit Dominus Deus tuus.*

*Ubi sit Missa celebranda.*

*Ex Concilio Sancti Silvestri*

CCCXL. Ut (l) nullus Presbyter Missam celebrare præsumat, nisi in sacris ab Episcopo locis, qui sui particeps de cetero voluerit esse Sacerdotii.

Caput istud habetur in Epilogo, quem vocant, Concilii Romani sub Papa Silvestro celebrati, & inde apud Gratianum Dist. 1. de consecrat. cap. 15. Vide Capitulare Theodulfi Aurelianensis cap. 11. Capitulare Ahytonis Episcopi Basileensis cap. 8. & Capitula ejusdem cap. 14. Vide etiam Adm. 1. Capitular. cap. 10.

*Ut de decimis quatuor fiant portiones.*

*Ex Synodo Numetensi.*

CCCXLI. Instruendi (m) sunt Presbyteri, pariterque admonendi, quatinus noverint decimas, & oblationes, quas a fidelibus accipiunt, pauperum & hospiti-

Q q q 3

- (e) Concil. Mogunt. sub Kar. M. c. 28. Tomo I. nostro pag. 411. Lib. 5. Capitular. c. 81. & Lib. 6. c. 169. Burchard. lib. 2. c. 101.  
(f) Concil. Carthag. 4. c. 45. Burchard. lib. 2. c. 209.  
(g) Rhab. Epist. ad Heribald. c. 19. Burchard. lib. 3. c. 110.  
(h) Vide supra c. 132. & 191.  
(i) Lib. 6. Capitular. c. 198.  
(j) Deuter. 12.  
(k) Deuter. 12.  
(l) Concil. Nannet. c. 10. Lib. 7. Capitular. c. 290. Burchard. lib. 3. c. 138.



hospitum, & peregrinorum esse stipendia, & non quasi suis, sed quasi commendatis uti, de quibus omnibus sciant se rationem posituros in conspectu Dei: & nisi eas fideliter pauperibus, & his qui præmissi sunt, administraverint, damna [\*] patiendos. Qualiter vero dispensari debeant, canones sancti instituunt, scilicet, ut quatuor partes inde fiant, una ad fabricam Ecclesiæ relevandam, altera pauperibus distribuenda, tertia Presbytero cum suis Clericis habenda, quarta Episcopo reservanda; ut quidquid exinde jusserit, prudenti consilio fiat.

*Si Episcopus, aut Presbyter rem Ecclesiæ quocunque ingenio alienare præsumpserit.*

*Ex Concilio Bracarenfi.*

CCCXLII. Si quis (n) Presbyter, aut Diaconus inventus fuerit, de ministeriis Ecclesiæ aliquid venundasse, quia sacrilegium commisit; placuit eum in ordinatione Ecclesiæ non haberi. In iudicio tamen Episcopi dimittendum est, siue dignus sit, siue indignus, in suo recipi gradu.

*Ut nulli Præsuli possessionem magnam vel parvam Ecclesiæ liceat in perpetuum alienare.*

*Ex Decretis Symmachi Papæ.*

CCCXLIII. Ut [o] nulli Apostolicæ sedis Præsuli liceat, prædium rusticum, quantæcunque fuerit vel magnitudinis, vel exiguitatis, sub perpetua alienatione vel commutatione ad cuiuslibet jura transferre. [*Vide Concilium Parisiense Lib. 1. c. 17.*]

*De eadem re.*

*Ex eodem.*

CCCXLIV. Sane (p) domus, in quibuslibet urbibus constitutæ, quarum statum necesse est expensâ non modica sustentari, acceptis, si offerri contigerit, sub iusta æstimatione redditibus, & divini timore Iudicii commutentur.

*De eadem re.*

*Ex eodem.*

CCCXLV. Quicumque Presbyter (q) de Jure Tituli sui quolibet modo, præter aurum, argentum, vel gemmas, vestes quoque, si sunt, vel si accesserint aliqua mobilia, ad ornamenta divina minime pertinentia, aliquid in perpetuum alienare tentaverit, donator, alienator, ac venditor honoris sui amissione multentur.

*Item Cap. VI.*

CCCXLVI. Præterea, qui (r) rem Ecclesiæ perierit, vel acceperit, vel qui Presbyterorum, aut Diaconorum, seu defensorum, danti subscripserit, quo iratus Deus animas percutit, anathemate feriatur.

*Ut Presbyteri non vendant rem Ecclesiæ, ubi sunt constituti.*

*Ex Concilio Carthaginensi.*

CCCXLVII. Item [s] placuit, ut Presbyteri non vendant rem Ecclesiæ, ubi sunt constituti, nescientibus Episcopis suis; quomodo & Episcopo non licet vendere prædia Ecclesiæ, ignorante Concilio, & Presbyteris suis. Non habentem autem necessitatem, nec Episcopo liceat, Ecclesiæ rem Tituli sui usurpare, (*Legendum*) liceat matricis Ecclesiæ nec Presbytero rem &c.

*De eadem re.*

*Ex eodem.*

CCCXLVIII. Placuit, (t) ut rem Ecclesiæ nemo vendat. Quod si reditus non habet, & aliqua nimia necessitas cogat; hoc insinuandum est Primati provincie ipsius, ut cum statuto numero Episcoporum, utrum fiendum sit, arbitretur. Quod si non fecerit, reus Deo & Concilio venditor amisso honore teneatur.

*Ex*

(\*) Cod. MS. faciendos. Editio Sirmondi passivos.

(n) Concil. Bracar. 2. c. 17. Burchard. lib. 3. c. 179.

(o) Concil. Roman. 3. sub Symmacho. c. 4.

(p) Ex eodem Concil. Roman. c. 5.

(q) Ex eodem Concil. Roman. c. 6. Burchard. lib. 3. c. 180.

(r) Ex eodem Concil. Roman. c. 7.

(s) Concil. Carthag. c. 33. Burchard. lib. 3. c. 178.

(t) Concil. Carthag. c. 26.

*Ex decretis Sancti Martini Papæ.*

CCCXLIX. Si quis (u) Episcopus, nulla Ecclesiasticæ rationis necessitate compulsus, (\*) in suo Clero, aut ubi forte non est Presbyter, de rebus Ecclesiasticis aliquid præsumpserit vendere; res ipsas Ecclesiæ propriæ restaurare cogatur, & in iudicio Episcoporum deiciatur auditus, & tanquam furti aut latrocinii reus suo honore privetur.

*Quid agere oporteat propinquos illius, qui Ecclesiam ditavit de rebus suis, si præviderint, ex collatis aliquid defraudatum Ecclesiæ.*

*Ex Concilio Tolitano.*

CCCL. Omnis (w) itaque rei Ecclesiasticæ quantitas, sicut remedium veniæ tribuit conferenti, ita damnum rite præparat fraudatori. Et ideo nullus Sacerdotum vel ministrorum ex rebus Ecclesiæ, quæ in quibuscunque locis a fidelibus largiuntur, aliquid auferat, vel Juri suo, aut Cathedræ propriæ unitati connectat. Verum ut hujus rei potior soliditas habeatur, propinquus ejus, qui construxit vel ditavit Ecclesiam, licitum sit, hanc bonæ intentionis habere solertiam; ut si sacerdotem seu ministrum aliquid ex collectis rebus præviderint defraudare, aut commotionis honesta conventionem compescant, aut talia Episcopo vel judici corrigenda denuntient. Quod si talia Episcopus agere tentat, Metropolitano ejus hæc insinuare procurent. Si autem Metropolitano talia egerit, Regis hæc auribus intimare non differant. Ipsis tamen hæredibus in eisdem rebus non liceat, quasi juris proprii potestatem præferre, non rapinam, non fraudem ingerere, non violentiam quamcunque præsumere. Si quis hæc monita temerare præsumpserit, & male raptam confusionem restituet, & excommunicationis annuæ sententiam sustinebit.

*De terrulis & exiguis vineis.*

*Ex Concilio Agathensi.*

CCCLI. Terrulas aut vineas (x) exiguas, & Ecclesiæ minus utiles, aut longe positas parvas Episcopus sine consilio fratrum, si necessitas fuerit, distrahendi habeat potestatem.

*Quod fugitivi servi Ecclesiæ permittuntur distrahi.*

*Ex eodem Concilio.*

CCCLII. Fugitivos etiam servos, (y) domos suas aut familias deserentes, qui etiam, si revocati fuerint, teneri non possunt, simili ratione ab Episcopo, si voluerit, aut si ita illi meruerint, distrahantur.

*Si quis cartas, vel præcepta Regia suppressere, aut adversariis tradere ausus fuerit.*

*Ex Concilio Agathensi.*

CCCLIII. Si quis [z] vero de Clericis documenta, quibus Ecclesiæ possessio firmatur, aut suppressere, aut negare, aut adversariis fortasse tradere damnabili & puniendæ obstinatione præsumpserit; quidquid per (\*) abstinentiam documentorum damni Ecclesiæ inlatum est, & de propriis facultatibus reddant, & communione priventur. Hi autem, qui in damno Ecclesiæ instrumenta sanctæ Ecclesiæ impie (\*\*) sollicitati a traditoribus susceperunt, pari sententia feriuntur.

*De Testamento Episcopi, qualiter valeat.*

*Ex eodem Concilio.*

CCCLIV. Si quis (a) Episcopus condito Testamento aliquid de Ecclesiastici Juris proprietate delegaverit, aliter non valebit, nisi tantum de juris proprii facultatibus suppleverit.

*De Manumissionibus in Ecclesia.*

*Ex eodem.*

CCCLV. Mancipia (b) monachis dona-

(u) Martin. Bracar. c. 14. Burchard. lib. 1. c. 215. & Lib. 3. c. 181.

(\*) infcio Clero. (w) Conc. Tolet. 9. c. 1. Burchard. lib. 3. c. 182.

(x) Concil. Agath. c. 45. (y) Concil. Agath. c. 46. Burchard. lib. 3. c. 188.

[z] Concil. Agath. c. 26. Burchard. lib. 3. c. 183.

(\*) Edit. Helmæstad. abstractionem. Sirm. absentiam.

(a) Concil. Agath. c. 51. Burchard. lib. 1. c. 212.

(\*\*) Sirm. sollicitatis trad.

[b] Concil. Agath. c. 56.



donata ab Abbate, non licet manumitti. Injustum est enim, ut monachis cotidianum rurale opus facientibus, servi eorum libertatis otio potiantur. [*Vide Regulam Sancti Ferreoli. c. 36.*]

*De eadem re.*

*Ex Concilio Toletano.*

CCCLVI. Episcopi, (c) qui nihil ex proprio suo Ecclesiæ Christi conferunt, liberos ex familiis Ecclesiæ ad condemnationem suam facere non præsumant. Impium est enim, ut qui res suas Ecclesiæ Christi non contulerit, damnum inferat. Tales igitur liberos successor Episcopus absque aliqua oppositione ad jus Ecclesiæ revocabit. [*Vide Concil. Hispal. 1. c. 1. & 2. & Concil. Emerit. c. 20.*]

*De eadem re.*

*Ex eodem Concilio.*

CCCLVII. Episcopus, (d) qui mancipium juris Ecclesiæ, non retento Ecclesiastico Patrocinio, manumitti desiderat, duo meriti ejusdem, & peculii coram Concilio Ecclesiæ, cui præminet, per commutationem subscribentibus Sacerdotibus offerat, ut rata & iusta inveniat definitio commutantis. Hujusmodi autem liberto adversus Ecclesiam, cujus juris extitit, accusandi vel testificandi denegetur licentia. Quod si præsumperit, placet, ut stante commutatione in servitutem propriæ Ecclesiæ revocetur.

*De Libertis Ecclesiæ.*

*Ex eodem Concilio.*

CCCLVIII. Liberti, (e) qui a quibuscunque manumissi sunt, atque Ecclesiæ patrocinio commendati sunt, Sacerdotali defensione a cujuslibet insolentia protegantur, sive in statu libertatis eorum, seu in peculio, quod habere noscuntur.

*De Thesauris Ecclesiasticis.*

*Ex Capitularium Lib. 1. Tit. cxvii.*

CCCLIX. Ut (f) singuli Episcopi, Abbates & Abbatissæ diligenter considerent Thesauros Ecclesiasticos, ne propter perfidiam, aut negligentiam custodum, aliquid de gemmis, aut de vasis, vel de reliquo Thesauris sit perditum.

*Ut nullus rem Ecclesiæ immobilem alienare præsumat.*

*Ex Lib. I. cap. xix.*

CCCLX. Nulli (g) liceat alienare rem immobilem Ecclesiæ, sive domum, sive agrum, sive hortum, sive rusticum mancipium\*, vel panes civiles, neque creditoribus specialis hypothecæ titulo obligare. Alienationis autem verbum (h) contineat conditionem, donationem, permutationem, & emphiteusos perpetuum contractum. Sed omnes omnino Sacerdotes ab hujusmodi alienatione absteineant, pœnas (i) timentes, quas Leoniana constitutio minatur.

*Si Princeps commutationem in Ecclesia facere voluerit.*

*Ex eodem Capitulo. xxx.*

CCCLXI. Si (k) Princeps voluerit rem immobilem sanctis locis præstare, & accipere ab eo aliam immobilem rem, & eo modo permutationem contrahere, liceat hoc ei facere divina pragmatica sanctione ab eo permulgata. [*Vide Lib. 3. Decretal. Tit. 19. cap. 1.*]

*De precariis Ecclesiasticis.*

*Ex Concilio ad Belvacum. Tit. xxi.*

CCCLXII. Ut (l) precariæ, & commutationes, tempore viduarum Ecclesiarum factæ ab his, qui loca Episcoporum occupaverant, rescindantur; & cum autoritate Ecclesiastica, vel civili, si fiendæ sunt, fiant.

*De.*

(c) Concil. Tolet. 4. c. 67. Burchard. lib. 3. c. 189.

(d) Concil. Tolet. 4. c. 68. Burchard. lib. 3. c. 176.

(e) Concil. Tolet. 4. c. 72. Burchard. lib. 3. c. 186.

(f) Lib. 1. Capitular. c. 123.

(g) Imp. Justinian. Nov. 7. c. 1. Lib. 2. Capitular. c. 29. Burchard. lib. 3. c. 164.

(h) Vide Lib. 3. Decretal. tit. 13. c. 5.

(i) L. 14. cap. De sacros. Eccles.

(k) Justinian. Nov. 7. c. 2. Lib. 2. Capitular. c. 30. Burchard. lib. 3. c. 165.

(l) Concil. Meld. c. 21. Capitula Karoli Calvi tit. 6. c. 6. Burchard. lib. 3. c. 166.

*De eadem re.*

Cap. xxii.

CCCLXIII. Precariæ (m) autem a nemine de rebus Ecclesiasticis fieri præsumantur, nisi quantum de qualitate convenienti datur ex proprio; duplum accipiat ex rebus Ecclesiæ, in suo tantum, qui dederit nomine, fires proprias, & Ecclesiasticas usu fructuario tenere voluerit. Si autem res proprias ad præsens dimiserit, ex rebus Ecclesiasticis triplum fructuario usu in suo tantum quis nomine sumet. Quia sic eas quemque tractare, ut alienarum rerum dispensatorem convenit, non ut propriarum largitorem.

*De eadem re.*

*Ex eodem.*

CCCLXIV. A nulla potestate (n) quis cogatur facere precariam de rebus Deo, & Sanctis ejus dicaris; cum ratio & usus obtineat, neminem, cui non vult, contra utilitatem, & rationem præstitum de proprio facere beneficium.

*Ut precariæ in quinquennio renouentur.*

*Ex eodem.*

CCCLXV. Ut (o) precariæ de quinquennio in quinquenniū secundum antiquam consuetudinem, & auctoritatem renouentur.

*De commutationibus.*

*Ex eodem cap. xxiii.*

CCCLXVI. Ut (p) commutationes rerum Ecclesiasticarum valide caveantur, & subtilissime, si aliquo modo fieri debent, inspiciantur. Quæ autem inconsulte factæ sunt, juxta Decretum Canonicum (q) Hilarii Papæ, quæ illicite decessor Episcopus admisit, vel ab aliis illicite commissæ sunt, ab eo, qui successor est, emendentur. (*Vide Concil. Valentin. III. cap. 21, & Lib. 3, Leg. Longob. Tit. 10. cap. 3.*)

R r r

*Ne præcepta fiant super beneficia Ecclesiastica vel precarias.*

*Ex Concilio apud sanctum Medardum. cap. XL.*

CCCLXVII. Præcepta (r) autem regalia super precariis Ecclesiasticis fieri nec ratio finit, nec auctoritas quolibet modo permittit: quoniam præcepta in jure Ecclesiastico firmare indignum judicet necesse est Majestas Regia, nisi ab Ecclesiastico rectore petantur. Isdem autem custos Ecclesiæ solertissime caveat, ne sui ordinis & Ecclesiasticæ communionis forte immemor, contra auctoritatem præceptum Regium pro quacunque adulatione fieri petat: qui, etsi fecerit, non audiat. Si autem & obtinuerit, Regia discretionem, & Episcopali judicio idem rescindatur, & petitor injustus pro Principis injusta suggestionem digne corripiatur.

*De eadem re.*

*Ex eodem cap.*

CCCLXVIII. Sciant (s) fideles nostri, quia concessimus in Synodo venerabilibus Episcopis, ne super beneficia Ecclesiastica vel Precarias, etiam si quilibet Monasteriorum Prælati irrationaliter petierit, præcepta confirmationis nostræ ullo modo faciamus. Et ideo ab irrationabili petitione se unusquisque compescat.

*Ne commutationes fiant de rebus Ecclesiasticis sine consensu Regis.*

*Et ut mancipia Ecclesiastica, nisi ad libertatem commutentur.*

*Ex eodem cap. XII.*

CCCLXIX. Ut (t) Missi nostri omnibus per illorum missaticum denuntiarent, ne commutationes rerum, vel mancipiorum Ecclesiasticorum, quilibet prælati sine licentia & consensu nostro præsumat facere.

*Alia.*

(m) Concil. Meld. c. 22. Capitula Karoli Calvi. tit. 6. c. 7. Burchard. lib. 3. c. 167.

(n) Concil. Meld. c. 22. Burchard. lib. 3. c. 168.

(o) Concil. Meld. c. 22. Burchard. lib. 3. c. 169.

(p) Concil. Meld. c. 23. Burchard. lib. 3. c. 171. (q) Decreta Hilarii. cap. 1.

(r) Concil. Meld. c. 22. Capitula Karoli Calvi tit. 6. c. 7. Burchard. lib. 3. c. 175.

(s) Capitula Karoli Calvi. tit. 9. c. 7. §. 11 in Concilio apud Sanct. Medard.

(t) Capitula Karoli Calvi ibid. §. 12. Burchard. lib. 3. c. 172.



*Alia.*

Neque (u) mancipia Ecclesiastica quisquam, nisi ad libertatem commutet; videlicet, ut mancipia, quæ pro Ecclesiastico dabuntur, in Ecclesiæ servitute permaneant: & Ecclesiasticus homo, qui commutatur, perpetua libertate perfruatur. Quod enim semel Domino consecratum est, ad humanos usus jam transferri non potest. Ait enim Lex: Si (x) quis mutaverit, & quod mutat, & quod mutatum est, sacrificabitur Domino.

Quæ sequuntur post illa verba: *Perpetua libertate perfruatur*. Non extant in actis Concilii Sueffionensis, unde illa citat Regino, neque in Capitulis Karoli Calvi, non demum in Capitulari Compendiensi, a nobis edito in appendice Lupi Ferrariensis, quod descriptum est ex Capitulis editis in Synodo illa Sueffionensi. Habentur tamen etiam apud Burchardum, qui haud dubie accepit ex Reginone.

*Item ex Capitulis ad Cavisiacum.*

CCCLXX. Injustum (y) videtur, & impium, ut mancipia, quæ fideles viri, seu feminae, pro remedio animæ suæ Deo, & Sanctis ejus consecrarunt, cujuscunque muneris, pretii, vel commutationis commercio iterum in secularem servitutem redigantur; cum Canonica auctoritas servos fugitivos tantummodo distrahi permittat. Et ideo omnes rectores Ecclesiarum summopere caveant, ne unius elemosyna alterius peccatum fiat. Sicut enim indecens est, ut ex libero servus fiat; sic absurdum, ut ex Ecclesiastica dignitate servus decedens, humanæ obnoxius sit servituti.

*De die Dominico.**Ex Cap. Karoli.*

CCCLXXI. Statuimus (z) quoque, secundum quod in lege Dominus mandavit, ut opera servilia diebus Dominicis non agantur, sicut genitor meus in suis Synodalibus edictis mandavit, quod

(a) nec viri ruralia exerceant, nec in vinea colenda, nec in campis arando, vel metendo, vel scenum secando, vel sepe ponendo, vel in sylvis stirpando, vel arbores cædere, vel in petris laborare, nec domos struere, nec in horto laborare, nec ad placita conveniant, nec mercatus fiat, nec venationes exerceantur.

*Quid in Dominico die possit, vel liceat fieri.*

*Ex eodem.*

CCCLXXII. Triâ [v] carraria opera licet fieri in Dominica die, id est, hostilia carra, victualia vel angaria, & si forte necesse sit, corpus cujuslibet duci ad sepulchrum.

*Item de die Dominico.*

*Ex eodem Concilio.*

CCCLXXIII. Feminae (c) opera textilia non faciant in die Dominica, non capulent vestitus, non consuant, vel lanam carpant. Non licet linum battere, aut in publico vestimenta lavare, nec verveces tondere; ut omnimodis honor & requies die Dominica persolvatur. Sed ad Missarum solemniam undique conveniant, & laudent Deum pro omnibus bonis, quæ nobis in illa die conferre dignatus est.

In vulgatis Capitularium Editionibus, & in codice Regio, ex quo prima Parisiensis Editio prodit, legitur: *Item Fem. Opt. Text. non faciant, nec capulent vestitus, nec consuant, nec aucupabile faciant, nec donam carpere* &c. Codex Colbertinus: *vel aucupule faciant*. Rivipullensis: *aucupicula faciant*. Notter: *nec aucupicula fiant*. Pro eo autem, quod heic legitur: *nec verveces tondere*, editiones Capitularium habent: *berbices*. Et tamen omnes libri MSS. habent: *verveces*, aut *pervices*, etiam ille, ex quo prima editio Parisiensis adornata est.

*Ut*

(a) Capitula Karoli Calvi ibid. §. 12. Burchard. lib. 3. c. 173.

(x) Levit. 27.

[y] Burchard. lib. 3. c. 174.

(z) Lib. 1. Capitular. c. 81. Burchard. lib. 2. c. 82.

(a) Vide Lib. 7. Capitular. c. 200. & Addit. I. c. 9. & Addit. II. c. 9.

(b) Lib. 1. Capitular. c. 81. Burchard. lib. 2. c. 83.

(c) Lib. 1. Capitular. c. 81. Burchard. lib. 2. c. 84.

*Ut mercatus in die Dominico non sit.*

*Ex Concilio.*

CCCLXXIV. Omnes [d] dies Dominicos cum omni veneratione observare decrevimus, & ab illicito opere abstinere, & ut mercatus in eis minime fiat, nec placitum, ubi aliquis ad mortem, vel ad poenam judicetur; nec Sacramenta jurentur. (*Vide Lib. 4. Capitular. c. 28. & Capitulare Riculfi Sueffion. c. 18.*)

*Ex Capitularium Lib. 1. cap. CXXXIX.*

CCCLXXV. Mercatus (e) die Dominico in nullo loco habeatur. (*Vide Lib. 2. Leg. Longobardor. Tit. 49. cap. 1.*)

*Ut nullus episcopus, vel infra positus, die Dominico causam judicare præsumat.*

*Ex Concilio Tarravconensi.*

CCCLXXVI. Ut (f) nullus Episcoporum, vel Presbyterorum, vel Clericorum, die Dominico propositum cujuscunque causæ negotium audeat vindicare, nisi hoc tantum, ut Deo statuta solemnity peragantur.

*De Festivitatibus anni.*

*Ex Capitularium Lib. 11. cap. xxiii.*

CCCLXXVII. Festos (g) dies in anno celebrare sancimus, id est, diem Dominicum Paschæ cum omni hebdomada, diem Ascensionis Domini, Pentecosten, similiter ut in Pascha, Apostolorum Petri & Pauli diem unum, Nativitatem Sancti Joannis Baptiste, Assumptionem Sanctæ Mariæ, Sancti Michaelis, Sancti Remigii, Sancti Martini, Sancti Andreæ: in Natali Domini dies quatuor, Octavam Domini, Epiphaniam Domini, Purificationem Sanctæ Mariæ: & illas Festivitates Martyrum, vel Confessorum observare decrevimus, quorum in unaquaque Parrechia corpora requiescunt. (*Vide Lib. 1. Capitular. c. 164. & Lib. 6. c. 186.*)

Rrr 2

*De eadem re.*

*Ex Concilio Adrisphach.*

CCCLXXVIII. Festos dies celebrare sancimus, id est, diem Paschæ, similiter feria secunda, tertia, quarta, & quinta. Ante Missam licentia sit arandi & seminandi, hortum, vel vineam excolendi, & sepem circumcludendi. Ab alio vero opere cessare decrevimus. Post Missam autem ab opere vacare. Pentecosten, similiter ut in Pascha, Sancti Laurentii, Kal. Novembr. Omnium Sanctorum. Similiter Dedicationes Ecclesiarum. (*Vide Concilium Moguntiacum celebratum anno 813. c. 36.*)

*De non flectendo genu in diebus Festis.*

*Ex Concilio Nicæno.*

CCCLXXIX. Quoniam (h) sunt quidam in die Dominico genu flectentes, & in diebus Pentecosten; ut omnia in diversis locis consonanter observentur, placuit Sancto Concilio, stantes Domino vota persolvere.

*Unde supra.*

CCCLXXX. Ut Presbyteri plebibus adnuntiæ, quod in quadragesima, & in jejuniis quatuor temporum tantummodo ad Missarum solemnity adnuntiant Diacono genua flectere debeant. In Dominicis econtra diebus, vel cæteris festis, a vespera usque in vesperam, non flectant genua, sed stantes incurvati orent. Nec quisquam uno genu solo tenus impresso orare præsumat; sicut Judæi inridentes Dominum in ejus Passione fecisse leguntur, sed utraque genua terræ figat. Ait enim Apostolus: *Flecto genua (i) mea ad Patrem Domini nostri Jesu Christi.*

*Ut turpia cantica plebibus prohibeantur.*

*Ex Concilio Arelatensi.*

CCCLXXXI. Exterminanda (k) omni.

[d] Concil. Mogunt. an. 813. c. 37. Lib. 5. Capitular. c. 88. Burchard, lib. 2. c. 81. & 85.

(e) Lib. 1. Capitular. c. 145. Burchard, lib. 2. c. 86.

(f) Concil. Tarrac. c. 4. Burchard, lib. 2. c. 87.

(g) Lib. 2. Capitular. c. 35.

(h) Concil. Nicæn. c. 20. Tomo I. nostro pag. 140. Burchard, lib. 2. c. 88.

(i) Ephes. 3.

(k) Concil. 3. Tolet. c. 23.



omnino est inreligiosa consuetudo, quam vulgus per Sanctorum solemnitates agere consuevit; ut populi, qui debent officia Divina adtendere, saltationibus & turpibus invigilent canticis, non solum sibi nocentes, sed & religiosorum officiis perstrepenes. Hoc etenim, ut ab omni Hispania depellatur, Sacerdotum & Judicum a Sancto Concilio curæ committitur.

*Ne super mortuorum cadaveribus  
carmina diabolica nocturnis  
horis cantentur.*

*Unde supra,*

CCCLXXXII. Laici, (l) qui ex-cubias funeris observant, cum timore, & tremore, & reverentia hoc faciant. Nullus ibi præsumat diabolica carmina cantare, non joca & saltationes facere, quæ (m) pagani diabolo docente adinvenerunt. Quis enim nesciat, diabolicum esse, & non solum a religione Christiana alienum, sed etiam humanæ naturæ esse contrarium, ibi cantari, lætari, inebriari, & cachinnis ora dissolvi: & omni pietate & affectu caritatis postposito, quasi de fraterna morte exultare, ubi luctus, & planctus flebilibus vocibus debuerat resonare pro amissione chari Fratris? Patres siquidem veteris ac novi Testamenti mortes sanctorum virorum legimus multis in locis cum fletu deplorasse, in nullo autem loco, quia a seculo recesserant, exultasse. Nam (n) & Jacob Patriarcham flevit Ægyptus tota diebus septuaginta. Et Joseph & Fratres ejus, cum patrem deferrent in terram Chanaan ad sepeliendum, celebrantes exequias ad sepeliendum, ad aream (\*) Arah, quæ sita est trans Jordanem, planctu magno atque vehementi impleverunt septem dies. Tantus autem fuit planctus, ut locus inde nomen acceperit. Et de beato Stephano legimus, quod sepelierunt eum, sive curaverunt viri timorati, & (o) fecerunt planctum magnum super eum. Et ideo

talis inepta lætitia, & pestifera cantica ex auctoritate Dei penitus interdicienda sunt. Si quis autem cantare desiderat, Kyrie eleison, cantet. Sin aliter, omnino taceat. Si autem tacere non vult, statim ab omnibus banniat, vel adjuretur, ut non habeat ibi licentiam amplius consistere: sed recedat, & ad propriam eat mansionem. In crastinum autem taliter coerceatur, ut cæteri timeant.

*Ut Episcopus Clericos alterius Par-  
ræchiæ nullatenus ordinet.*

*Ex Concilio Antiocheno.*

CCCLXXXIII. Episcopus (p) non constituat Presbyteros, aut Diaconos, alteri subiectos Episcopo, nisi forte cum consilio & voluntate regionis Episcopi. Si quis autem tale aliquid agere tentaverit, irrita sit ejus ordinatio, & ipse coerceatur a Synodo.

*Ut nullus alterius Clericum ordinet.*

*Ex Concilio Nicæno.*

CCCLXXXIV. Si (q) quis Episcopus Clericum, ad alium pertinentem, audacter invadere, & in sua Ecclesia ordinare tentaverit, non consentiente Episcopo, a quo discessit; ordinatio hujusmodi irrita comprobetur. (Editio Helmslad. habebat: pertinentem aut Diaconum invadere. Male)

*De eadem re.*

*Ex Concilio Africano.*

CCCLXXXV. Item (r) placuit, ut quicumque in Ecclesia vel semel legerit, ab Ecclesia ad Clericatum non teneatur.

*Quod non oportet absolute ordina-  
tiones fieri.*

*Ex Concilio Chalcedonensi.*

CCCLXXXVI. Nullum (s) absolute ordinari debere Presbyterum, aut Diaconum, nec quemlibet in gradu Ecclesiastico, nisi specialiter Ecclesiæ civitatis

[l] Burchard, lib. 10. c. 34.

[m] Vide Lib. 6. Capitular. c. 193. 194. & Concil. Toletan. 3. c. 22.

[n] Genes. 50.

[\*] Arah.

[o] Act. 8.

[p] Concil. Antioch. c. 22. Tomo I nostro pag. 160. Burchard, lib. 1. c. 107.

[q] Concil. Nicæn. c. 16. Tomo I nostro pag. 139. Burchard, lib. 1. c. 109.

[r] Concil. African. c. 57. Tomo I nostro pag. 219. Lib. 7. Capitular. c. 21. Burchard, lib. 8. c. 11.

[s] Concil. Chalcedon. c. 6. Tomo I nostro pag. 177. Burchard, lib. 2. c. 6.

tatis, aut possessionis, aut martyrii, aut monasterii, cui ordinandus est, pronuntietur. Qui vero absolute ordinantur, decrevit sancta Synodus, irritam haberi huiusmodi manus impositionem, & nusquam posse ministrare, ad ordinantis injuriam.

*Item ut nullus absolute ordinetur.*

*Ex Capitularium Libro I. cap. xxv.*

CCCLXXXVII. Ut (t) nullus absolute ordinetur, & sine pronuntiatione stabilitatis loci, ad quem ordinatur.

*De examinatione ante ordinationem.*

*Ex eodem cap. cxxxvi.*

CCCLXXXVIII. Ut (u) Presbyteri non ordinentur, priusquam examinentur.

*De eadem re.*

*Ex Concilio Meldenf. cap. lxx.*

CCCLXXXIX. Qui (x) vero ex nostris Parræchiis, aut ad titulum, aut absolute ordinari petuntur, nullatenus ordinentur, nisi aut in loco certo & religioso, vel etiam in civitate, saltem uno anno immorentur; ut de vita & conversatione, atque doctrina illius certitudo possit agnosci. Et nemo absolvi ordinare quemquam præsumat, sicut sancti sanxerunt canones. [Vide infra cap. 442. hujus libri.]

*Ut ordinati litteras accipiant a suis ordinatoribus.*

*Ex Concilio Africano.*

CCCXC. Placuit, [y] ut quicunque deinceps ordinantur per Provincias Africanas, litteras accipiant ab Ordinatoribus suis manu eorum subscriptas, continentibus Consulem & diem, ut nulla altercatio de posterioribus vel anterioribus oriatur.

*Ut nullus alterius servum ordinare præsumat.*

*Ex Epistola Leonis Papæ.*

CCCXCI. Non (z) admittantur

R r r 3

passim ad ordinem sacrum, quibus nulla natalium, nulla morum dignitas suffragatur; & qui a Dominis suis libertatem consequi minime potuerunt, ad fastigium Sacerdotii, tanquam servilis vilitas hunc honorem capiat, non provehantur; Et probari Deo posse creditur, qui Domino suo necdum probare se potuit? Et post pauca: Debet esse immunis ab aliis, qui Divinæ militiæ fuerit aggregandus; ut castris Dominicis, quibus nomen ejus adscribitur, nullis necessitatum vinculis abstrahatur.

*De eadem re.*

*Ex Concilio Mogontiacensi. cap. xxxvi.*

CCCXCII. Si (a) servus absente, aut nesciente Domino, Episcopo autem sciente, Diaconus aut Presbyter fuerit ordinatus, ipse in Clericatus officio permaneat. Episcopus autem eum duplici satisfactione Domino persolvat. Si vero Episcopus servum eum esse nesciverit, qui testimonium de illo perhibent, aut eum postulant ordinari; simili recompensatione teneantur obnoxii.

Mutila est prima pars istius capituli, adeoque nullum sensum habet. Sic itaque supplendus est hiatus ex editionibus Concilii Aurelianensis: Si servus absente aut nesciente Domino, & Episcopo sciente, quod servus sit, aut Diaconus &c. De servorum porro ordinatione vide infra cap. 396. hujus libri.

*Ut nullus ministrorum alterius paræchiæ Clericum latenter ad ordinationem subintroducatur.*

*Ex Epistola Innocentii Papæ.*

CCCXCIII. Ut (b) de aliena Ecclesia Clericum ordinare nullus Episcopus usurpet, nisi alterius Episcopi precibus exoratus fecerit, vel ipse Episcopus exoratus concedere voluerit. Hoc etiam Synodus Nicæna statuit, ut abjectum ab altero Clericum altera Ecclesia non recipiat.

*Item*

(t) Lib. I. Capitular. c. 25.

(x) Concil. Meld. c. 52.

(y) Concil. African. c. 56. Tomo I. nostro pag. 219. Burchard. lib. 2. c. 46.

(z) Decreta Leonis I. c. 1.

(a) Concil. Aurelian. I. c. 8. Concil. Wormac. c. 40. Vide Concil. Mogunt. sub Kar. M. c. 23.

(b) Decreta Innoc. I. c. 14.

(u) Lib. I. Capitular. c. 142.



*Item de servis ordinandis.**Ex Concilio Toletano.*

CCCXCIV. Quicumque (e) libertatem a Dominis suis ita percipiunt, ut nullum sibi in eis obsequium patronus retentet; isti si sine crimine sunt, ad Clericatus ordinem libere suscipiantur; quia directa manumissione absoluti noscuntur. Qui vero retento obsequio manumissi sunt, pro eo, quod a patronis adhuc servitute tenentur obnoxii, nullatenus sunt ad Ecclesiasticum ordinem promovendi; ne quando voluerint eorum Domini, fiant ex Clericis servi.

*Item ex Capitularibus. Tit. LXXXIV.*

CCCXCV. Si [d] Laici Clericos probabilis vite, & doctrinæ Episcopis consecrandos, suisque in Ecclesiis constituendos obtulerint, nulla qualibet occasione eos reiciant.

*De servorum ordinatione.**Ex eodem cap. LXXXII.*

CCCXCVI. De (e) servorum ordinatione, qui passim ad gradus Ecclesiasticos indiscrète promoventur, placuit omnibus cum sacris canonibus concordare debere; & statutum est, ut nullus Episcoporum deinceps eos ad sacros ordines promovere præsumat, nisi prius a Dominis propriis libertatem consecuti fuerint. Et si quilibet servus Dominum suum fugiens, vel latitans, aut adhibitis testibus munere conductis vel corruptis, aut qualibet calliditate vel fraude ad gradus Ecclesiasticos pervenerit; decretum est, ut deponatur, & Dominus ejus eum recipiat. Si vero avus aut pater ab alia patria in aliam migrans, in eadem provincia filium genuerit, & ipse filius ibidem educatus, & ad gradus Ecclesiasticos promotus fuerit, & utrum servus sit (\*) ignotum sit, & postea veniens Dominus illius legibus cum adquisierit; sancitum est,

ut, si Dominus ejus illi libertatem dare voluerit, in gradu suo permaneat. Si vero cum catena servitutis a castris Dominicis abstrahere voluerit, gradum amittat; quia juxta sacros canones vilis persona manens, Sacerdotii dignitate fungi non potest.

*De peculiare servorum.*

CCCXCVII. De (f) rebus vero illorum, vel peculiare, qui a Dominis propriis libertate donantur, ut ad gradus Ecclesiasticos jure promoveantur, statutum est, ut in potestate Dominorum consistat, utrum illis concedere, an sibi vindicare voluerint.

*De peculiare ordinatorum.*

CCCXCVIII. Cæterum, (g) si post ordinationem aliquid adquisierit, illud observandum est, quod in canonibus de consecratis nihil habentibus constitutum est.

*De servis Ecclesiarum.*

CCCXCIX. De (b) Ecclesiarum vero servis communi sententia est decretum, ut Archiepiscopi per singulas provincias constituti, nostram auctoritatem, suffraganei autem illorum exemplar illius penes se habeant. Et quandoque de Familia Ecclesiæ utilis aliquis inventus est ordinandus, in ambone ipsa auctoritas coram populo legatur, & coram Sacerdotibus; & omni Clero ante cornu Altaris, sicut in nostra auctoritate continetur, remota qualibet calliditate, libertatem consequatur, & tunc demum ad gradus Ecclesiasticos promoveatur.

*De Familiis Monasteriorum.*

CCCC. Similiter (i) quoque de his agendum est, quos laici de familia Ecclesiarum ad sacros ordines promovere voluerint. Sed & de his, quos præpositi canonicorum, aut monachorum ordi-

(e) Concil. Tolet. 4. c. 73. Burchard. lib. 2. c. 25.

(d) Concil. Paris. lib. 1. c. 22. & Lib. 5. Capitular. c. 178.

(e) Capitulare Aquisgranense Ludovici Pii. c. 6. Lib. 1. Capitular. c. 88. Burchard. lib. 2. c. 31. Ivo. part. 6. c. 132.

[\*] Sirmond. ignoratum fuerit. Codex noster vetus: ignoraverit.

(f) Lib. 1. Capitular. c. 88. Burchard. lib. 2. c. 23. Ivo part. 6. c. 38.

(g) Lib. 1. Capitular. c. 88. Burchard. lib. 3. c. 122.

(b) Lib. 1. Capitular. c. 88. Burchard. lib. 2. c. 32. Ivo part. 6. c. 133.

(i) Lib. 1. Capitular. c. 88.

ordinandos expetierint , eadem forma servanda est.

*Exemplar libertatis supra notatum.*

CCCCI. Auctoritas [ *k* ] Ecclesiastica patenter admonet , insuper & Majestas Regia canonice religioni assensum præbet , ut quemcunque ad sacros ordines ex familia propria promovere Ecclesia quæque delegerit , in præsentia Sacerdotum , Canonicorum , simul & nobilium laicorum , ejus , cui subiecta est , subscriptione sub libertatis testamento solemniter roboretur. Idcirco ego , in Dei nomine Episcopus , vel Abbas , vel quilibet alius , annuente Christo , Sanctæ illius Ecclesiæ Rector , quandam Ecclesiæ nostræ famulum , nomine illum , sacris ordinibus oblatum , ad Altaris cornu in nobilium virorum præsentia per hoc auctoritatis testamentum statuo ; ita ut ab hodierna die & tempore bene ingenuus , atque ab omni servitutis vinculo securus permaneat , tanquam si ab ingenuis parentibus fuisset procreatus vel natus , eandemque pergat partem , quamcunque volens canonice elegerit , ita ut deinceps nec nobis , neque successoribus nostris , ullum debeat noxiæ conditionis servitium , sed omnibus diebus vitæ suæ sub certa plenissimaque ingenuitate , sicut alii cives Romani , per hunc manumissionis atque ingenuitatis ritulum bene semper ingenuus atque securus existat. De suo vero peculiare , quod habet , vel quod abhinc , vel deinceps assequi poterit , faciat inde secundum canonicam auctoritatem libere , quidquid voluerit. Et ut hæc ingenuitatis pagina , inviolabilem obtineat firmitatem , manu propria illam roboravimus.

*Exemplar libertatis de proprio servo.*

CCCCII. Qui ( *l* ) debitum sibi nemus atque competens relaxat servitium , præmium in futuro apud Dominum sibi provenire non dubitat. Quapropter ego in Dei nomine ille pro remedio animæ suæ , vel æterna retributione , in Ecclesia Sancti Petri , vel illius Sancti , sub

præsentia Episcopi , vel Sacerdotum ibi consistentium , ac nobiliorum laicorum , ante cornu Altaris illius Ecclesiæ , absolvo servum meum illum per hanc cartam absolutionis , & ingenuitatis , ab omni vinculo servitutis ; ita ut ab hac die & deinceps ingenuus sit , & ingenuus permaneat , tanquam si ab ingenuis parentibus fuisset natus vel procreatus , eamque pergat partem , quam maluerit , vel quam ei auctoritas canonica permittit , & sicut alii cives Romani , vitam ducat ingenuam. Nulli autem heredum meorum ac proheredum , nec cuicunque alii personæ , quicquam debeat servitutis , vel libertatis obsequium , nisi soli Deo , cui omnia subiecta sunt , vel pro cuius amore ipsum devotus ad ejus servitium obtuli. Peculiare vero suum , quod ei Dominus dederit , & deinceps Deo auxiliante laborare poterit , concessum in perpetuum habeat , ut inde faciat , quidquid illi placuerit , secundum Ecclesiasticas sanctiones. Si quis vero , quod futurum esse non credo , si ego ipse , aut aliquis de heredibus meis , vel quælibet opposita persona contra hanc ingenuitatis cartam venire tentaverit , aut eam quolibet modo infringere voluerit ; primitus iram Dei incurrat , & a liminibus Sanctæ Dei Ecclesiæ extraneus efficiatur , & insuper cui licem intulerit , sexaginta solidos persolvat , & quod repetit , evindicare non valeat ; sed præsens ingenuitas , mea & aliorum bonorum hominum manibus roborata , cum stipulatione subnixâ , omni tempore maneat inconcussa.

Debent ( *m* ) autem superscriptæ ingenuitatis cartæ non solum nomen illius , qui has fieri rogat , sed etiam nomina sacerdotum , & nobilium laicorum , qui ibi adfuerint , in ordine digesta cum signis , propria manu impressis , continere. Nam sine horum adstipulatione , pagina auctoritate testium nudata , pro nihilo deputatur. Oportet etiam , ut locum , diem , annum , & Consulem , & indictionem , in fine , vel in margine adnotatam habeat in hunc modum. Actum in illa civitate , in domo sancti Petri , Kalendis illis , anno Dominicæ Incarnationis illo , regnante illo Rege , & præsidente in

Cathe-

( *k* ) Burchard. lib. 2. c. 26. Ivo. part. 6. c. 127. Vide Tom. 2. rer. Alam. Goldasti. p. 37. c. 7.

( *l* ) Burchard. lib. 2. c. 30. Ivo. par. 6. c. 131.

( *m* ) Burchard. lib. 2. c. 27. Ivo. part. 6. c. 128.



Cathedra supradictæ civitatis Episcopo illo, in Monasterio illo, indictione illa, in Dei nomine feliciter. Amen. Ait enim Romana auctoritas: *Quæcunque* (n) *leges sine die, & consule fuerint prolata, non valeant.*

*Quod manumissio in Ecclesia debet fieri.*

CCCCIII. Instruendi (o) sunt præterea laici, ut sciant, quod nullatenus alio loco manumittere proprios possunt servos, quos Dominicis castris aggregari decreverunt, nisi in sacrosancta Ecclesia, ordine supra notato. Quomodo enim Clerici extra Ecclesiam libertatem consequi possunt, qui a lege mundana extranei sunt? Et quibus interdicitur, ne ad seculare iudicium procedant, quomodo seculari iudicio a iugo servitutis absolvantur? Sed fortasse dicet aliquis: Clericus fieri non permittitur, nisi ante susceptum Clericatus officium, ingenuitatis dignitate potiatur. Revera verum dicit. Et ideo, quod infirmari vel vituperari potest, præcavèri debet.

*Unde supra.*

CCCCIV. Non (p) solum autem, qui ad Clericatus ordinem promovendi sunt, in Ecclesia manumittendi sunt; verum etiam hi, quos quisque pro remedio animæ suæ emancipare vult, secundum legem mundanam in Ecclesia absolvi debent, & ejusdem Ecclesiæ patrocínio commendari. Scriprum quippe est in pacto Francorum.

*De eadem re.*

*Ex Pacto.*

CCCCV. Hoc (q) etiam volumus, ut qualiscunque Francus Ribuaris servum suum pro remedio animæ suæ secundum legem Romanam liberum facere voluerit; ut in Ecclesia coram Presbyteris, Diaconibus, seu cuncto Clero, & plebe in manu Episcopi servum cum tabulis tradat: & Episcopus Archidiacono jubeat, ut ei tabulas secundum legem Romanam, (\*) qua Ecclesiæ vivunt,

scribere faciat, & tam ipse, quam & omnis procreatio ejus, liberi permaneant, & sub tuitione Ecclesiæ consistent, & omnem redditum status sui ad Ecclesiam perfolvant: & non alibi, nisi ad Ecclesiam, ubi relaxati sunt, mallum teneant. Et si absque liberis discesserint, nullum alium, nisi Ecclesiam relinquant hæredem.

*De eadem re.*

*Ex Legge Romana.*

CCCCVI. Imperator (r) Constantinus Augustus, Osio Episcopo Cordubensi. Qui manumittendi in sacrosancta Ecclesia habuerit voluntatem, tantum est, ut sub præsentia Sacerdotum servos suos voluerit absolvere, noverit eos suscepta libertate cives esse Romanos. Nam si Clerici mancipiis suis dare voluerint libertatem, etiam si extra conspectum fecerint Sacerdotum, vel sine scriptura verbis tantum fuerint absoluti, manebit, sicut civibus Romanis, integra & plena libertas.

*Quod carta libertatis in ambone sit legenda.*

*Ex Concilio Triburienfi.*

CCCCVII. Ut (s) nulli de servili conditione ad sacros ordines promoveantur, nisi prius a Dominis propriis libertatem legitimam consequantur; cujus libertatis carta ante ordinationem in ambone publice legatur; & si nullus contradixerit, rite consecrabitur. Porro Si de gradu deciderit; ejus sit conditionis, cujus fuerat ante gradum.

Caput istud non extat in vulgatis editionibus Concilii Triburienfis. Extat autem etiam apud Burchardum, & in veteri collectione canonum MSS. in Bibliotheca Regia. Postrema porro illius pars, quæ mutila est apud Reginonem, sic supplenda est ex Burchardo, & veteri illa collectione: Porro servus non canonice consecratus, postquam de gradu ceciderit, ejus sit conditionis, cujus fuerat ante gradum.

De

(n) Interpret. I. 1. cod. Theodof. de confit. Princ.

(o) Burchard. lib. 2. c. 28. Ivo. part. 6. c. 129.

(p) Burchard. lib. 2. c. 29. Ivo. part. 6. c. 130.

(q) Cap. 58. Legis Ripuarior.

(r) Interpret. I. 1. cod. Theodof. de Manumiss. in Ecclesia. (\*) Edit. Helmaestad. *quæ in Ecclesia viget.*

(s) Burchard. lib. 2. c. 21.

*De ordinatione.*

*Ex Concilio Neocæsariensi.*

CCCCVIII. Presbyter (t) ante trigessimum ætatis suæ annum nullatenus ordinetur, licet valde sit dignus, sed hoc tempus observetur. Nam Dominus noster trigesimo ætatis anno baptizatus est.

*De Diaconibus.*

*Ex Concilio Carthaginiensi.*

CCCCIX. Item (u) placuit, ut ante xxv. annos ætatis nec Diaconi ordinentur, nec virgines consecrentur.

*Qui partem digiti sibi abscidit, Clericus esse non debet.*

*Ex Epistola Felicitis Papæ.*

CCCCX. Qui (x) igitur partem digiti sibi abscidit volens, hunc ad Clerum canones non admittunt. Cui vero casu hoc accidit, & Clerici possunt fieri, et si in clero fuerint reperti, non abjici. *Vide Innoc. III. Lib. 10. Ep. 124.*

*Ne inlitterati ordinentur.*

*Ex Epistola Gelasii Papæ.*

CCCCXI. Inlitteratos quoque, (y) aut aliqua parte corporis imminutos, nemo præsumat ad clerum provehere; quia nec literis carens sacris esse potest apud officijs, & vitiosum nihil Deo prorsus offerri legalia præcepta sanxerunt. Similiter (z) qui se ipsos abscidunt.

*Ne criminosi ad Clerum assumantur.*

*Ex eadem Epistola.*

CCCCXII. Ne [a] criminosi ad clerum admittantur. Ait enim Apostolus: Manum nemini cito imposueris, neque communicaveris peccatis alienis.

S s s

[t] Concil. Neocæsar. c. 11. Tomo I. nostro. p. 151. Lib. 1. capitular. c. 50. Burchard. lib. 2. c. 10.

[u] Concil. Carthag. 3. c. 4. Tomo I. nostro pag. 201. Cap. mihi XVI. Burchard. l. 2. c. 11.

[x] Decreta Innoc. I. c. 28. Burchard. lib. 2. c. 14.

[y] Decreta Gelasii. c. 16. Burchard. lib. 2. c. 18.

[a] Decreta Gelasii. c. 18. Lib. 7. Capitular. c. 50.

[b] Decreta Gelasii. c. 19. Burchard. lib. 2. c. 20.

[d] Concil. Aurelian. 3. c. 9. Burchard. lib. 2. c. 19.

[e] Concil. Meld. c. 64. Vide infra Lib. 2. c. 159.

Tomus II. Concil. German.

*Ut Dæmonibus, similibusque Passionibus inretiti, ministeria sacra tractare non debeant.*

*Ex eadem Epistola.*

CCCCXIII. Usque (b) adeo sane comperimus illicita quæque prorumpere, ut Dæmonibus, similibusque passionibus inretitos mysteria Sacrosancta tractare tribuatur. Et post pauca. Si (c) corpore sauciatus aut debilem nequaquam sancta contingere lex divina prohibet, quanto magis doni celestis dispensatores non convenit, quod est, deterius, mente perculsōs?

Caput 412. vicem obtinebat Lemmatis in editione Helmæstadiensi. Quoniam vero hic titulus non conveniebat capiti 413. in quo de diversa prorsus materia agitur, nos, ne quid remorari posset lectorem, singula distinximus. Tum Lemmata his duobus capitibus addidimus ex nostro. *Not. Baluzii.*

*De Filiis concubinarum, ne ad Clerum assumantur.*

*Ex Concilio Aurelianensi. Cap. 10.*

CCCCXIV. De [d] his, qui ex concubinis filios habent, & uxores legitimas habuerunt, & defunctis uxoribus sibi concubinas publice sociaverunt, id observandum censuimus; ut sicut eos, qui jam clerici per ignorantiam ordinati sunt, non removemus, ita statuimus, ne ulterius ordinentur.

*De raptoribus virginum, & viduarum.*

*Ex Concilio Meldensi. Cap. LXI.*

CCCCXV. Raptores (e) virginum, & viduarum, qui etiam postea voluntate parentum eas, quasi desponsatas sub dotalitii nomine in conjugium duxerunt, pub.

(z) Decreta Gelasii. c. 17.

(c) Vide Lib. 7. Capitular. c. 51.



publicæ pœnitentiæ subjungantur, & post publicam pœnitentiam, ne in pejus corrumpant, iterum convenientes de cætero elemosynis, & cæteris quibuscunque salvificæ conversationis actionibus inservire procurent, usquequo ab opere conjugali ex consensu se valeant abstinere.

### *De filiis non legitimis.*

CCCCXVI. Filii (f) vero ex hujusmodi vituperabili conjunctione ante conjugium minus laudabile procreati, ad Ecclesiasticam dignitatem nullo modo provehantur, nec de tali conjugio generati Ecclesiasticis ordinibus applicentur; nisi forte eos, aut maxima Ecclesiæ utilitas, aut necessitas postulet, aut evidens meritorum prærogativa commendet.

### *De eadem re.*

*Ex lege Romana.*

CCCCXVII. Si quis (g) incestas, aut nefarias nuptias inierit, nec uxorem habet, nec filios. Nam hi, qui ex huiusmodi conceptione nati fuerint, quamvis videantur nasci, patrem nullatenus habere censentur: & tanquam si de adulterio concepti fuissent, deputantur.

### *Ecclesiastica dignitas non recipit filios, ex illicito concubitu natos.*

CCCCXVIII. Eos itaque, quos publicæ leges non admittunt, sed velut infamiae maculis resperfos respuunt, & quasi degeneres despiciunt, Ecclesiastica dignitas nullatenus recipit; præsertim cum nihil maculosum Deo rite possit offerri, vel ejus servitio applicari.

### *Ut nullus alterius suscipiat Clericum.*

*In Canonibus Apostolorum.*

CCCCXIX. Episcopus, (b) apud quem Clericos alterius moratos esse confiterit, si contra eos decretam cessationem pro nihilo reputans, tanquam Cle-

ricos fortasse susceperit, velut Magister inquietudinis, communione privetur.

### *Ut alienum Clericum nemo suscipiat.*

*Ex Decretis Leonis Episcopi.*

CCCCXX. Alienum (i) clericum, invito Episcopo ipsius, nemo suscipiat, nemo sollicitur; nisi forte ex placito caritatis id inter dantem accipientemque conveniat. Nam gravis injuriæ reus est, qui de fratris Ecclesiæ, id quod est utilius, aut pretiosius, audet, vel (\*) abjicere, vel tenere.

### *De transfugis Clericis.*

CCCCXXI. Itaque [k] si intra provinciam res agitur, transfugam clericum ad Ecclesiæ suam Metropolitanus redire compellat. Si autem longius recessit, tui præcepti auctoritate revocabitur.

In Editione Helmæstadiensi & in Codice Parisiensi legitur: *sui præcepti auctoritate revocabitur*. Verum sensus repugnat. Præterea in omnibus Epistolarum Leonis Editionibus legitur: *Tui*. Agitur enim heic de auctoritate Anathasii Episcopi Thessalonicensis in provinciis Illyricanis. Vide lib. 5. de concordia Sacerdotii & imperii Cap. 27. §. 5.

### *Unde supra.*

CCCCXXII. Fugitivum (l) vero clericum aut monachum, deserentem disciplinam, veluti contemptorem, placuit revocare.

### *De eadem re.*

*Ex dictis Basili Episcopi.*

CCCCXXIII. Si quis [m] eum, qui distractionem Ecclesiasticam non ferens, fugam meditari agnoverit, si non statim prodiderit, proditoris illius participem se esse non dubitet, & tamdiu a conventu fratrum sequestrandus est, quamdiu ille valeat revocari.

Uk

(f) Concil. Meld. c. 64. & l. q. 7. cap. Tali conjugio.

(g) Gaji institut. Tit. 4. Vide lib. 2. Leg. Longob. Tit. 8. c. 4. §.

(b) Canon. Apostolor. c. 16. Tomo I. nostro. pag. 132.

(i) Decreta Leonis l. c. 39.

(k) Decreta Leonis l. c. 39.

[m] Burchard. lib. 2. c. 228.

(\*) In Epistola Leonis *alliege*, legitur pro *abjicere*.

[l] Regula S. Ferreoli. c. 20. Burchard. lib. 2. c. 26.

*Ut Clerici cum epistolis Episcopi sui proficiantur.*

*Ex Canonibus Apostolorum.*

CCCCXXIV. Si quis (n) clericus, aut laicus ad alteram properat civitatem, & suscipitur præter commendatitias Epistolæ; & qui susceperit, & qui susceptus est, communione privetur.

*De eadem re.*

*Ex Concilio Antiocheno.*

CCCCXXV. Nullus (o) peregrinorum sine pacificis, id est, commendatitiis suscipiatur Epistolis.

*De eadem re.*

*Ex Concilio Chalcedonensi.*

CCCCXXVI. Peregrinos (p) clericos, & lectores in alia civitate, præter commendatitias litteras Episcopi sui, nusquam penitus ministrare debere.

*De eadem re.*

*Ex Concilio Agathensi.*

CCCCXXVII. Presbyter, [q] aut Diaconus, aut Clericus sine antistitis sui litteris ambulans, communionem ei nullus impendat.

*De eadem re.*

*Ex Concilio Chalcedonensi.*

CCCCXXVIII. Omnes (r) pauperes & indigentes Ecclesiastico auxilio, cum proficiuntur, cum probatione Epistolæ, vel Ecclesiasticis pacificis tantummodo commendare decrevimus, & non commendatitiis litteris; propterea quod commendatitias litteras honoratioribus tantummodo personis præstari conveniat.

*De eadem re.*

*Ex eodem Concilio.*

CCCCXXIX. Clerico (s) sine com-

S s s 2

mendatitiis epistolis Episcopi sui, licentia non pateat evagandi. In monachis quoque præsentis sententiæ forma fervetur.

*De eadem re.*

*Ex Canonibus Apostolorum.*

CCCCXXX. Nullus (t) Episcoporum peregrinorum, Presbyterorum, aut Diaconorum sine commendatitiis suscipiatur epistolis; & cum scripta detulerint, discutiantur attentius, & ita suscipiantur.

*De eadem re.*

*Ex Concilio Sardicensi.*

CCCCXXXI. Januarius (u) Episcopus dixit: Illud quoque statuat Sanctitas vestra, ut nulli Episcopo liceat, alterius Episcopi civitatis ministrum Ecclesiasticum sollicitare, & in suis Parræchiis ordinare.

*Unde supra.*

CCCCXXXII. Osius [x] Episcopus dixit: Et hoc universi constituimus, ut quicumque ex alia Parræchia voluerit alienum ministrum sine consensu Episcopi ipsius & voluntate ordinare, non sit rata ordinatio ejus.

*De eadem re.*

*Ex Concilio Laodicensi.*

CCCCXXXIII. Quod [y] non oporteat Sacerdotem, vel Clericum sine litteris proficisci canonicis.

*De eadem re.*

*Ex Concilio Meldensi. cap. I.*

CCCCXXXIV. Ut (z) Presbyteri, vel quilibet Clerici in alterius Parræchiam sine formata non recipiantur, neque retineantur, nec etiam ministrare sinantur. Criminati autem ab omnibus excludantur, & ejiciantur a Parræchiis, in quibus delitescunt; usque quo ad eum revertantur Episcopum, a quo aufugisse noscuntur.

Con-

(n) Canon. Apostolor. c. 13. Tomo I. nostro. pag. 132. Burchard. lib. 2. c. 136.

(o) Concil. Antioch. c. 7. Tomo I. nostro. pag. 157. Burchard. lib. 2. c. 137.

(p) Concil. Chalcedon. c. 13. Tomo I. nostro. pag. 178. Burchard. lib. 2. c. 139.

[q] Concil. Agath. c. 52. Lib. 7. Capitular. c. 149. Burchard. lib. 2. c. 44.

(r) Concil. Chalcedon. c. 11. Tomo I. nostro. pag. 178. Burchard. lib. 2. c. 143.

(s) Concil. Agath. c. 38. Lib. 6. Capitular. c. 130. & lib. 7. c. 195. Burchard. lib. 2. c. 142.

[t] Canon. Apostolor. c. 34. Tomo I. nostro. pag. 134.

(u) Concil. Sardic. c. 18. Tomo I. nostro. pag. 193.

[x] Concil. Sardic. c. 19. Tomo I. nostro. pag. 193.

[y] Concil. Laodic. c. 41. Tomo I. nostro. p. 165. Lib. I. Capitular. c. 59. Burchard. lib. 2.

c. 45.

(z) Concil. Meld. c. 50.



Consentiant in hoc capite editio Helmaſtadienſis, & codex MS. Pariſienſis. In vulgaris tamen editionibus Concilii Meldenſis ita legitur: *Et reſciantur a Parræchiis, in quibus cupiunt immorari, uſque quo &c.* Habemus autem nos verulum codicem MS., in quo deſcripti ſunt canones iſtius Synodi Meldenſis, in quo locus iſte ſic habet: *Et eſciantur a Parræchiis, in quibus cupiunt immorari. &c.*

### De eadem re.

*Ex eodem Concilio.*

CCCCXXXV. Qui (a) cum ſenioribus ſuis de aliis Provinciis ad noſtras Provincias veniunt ſine formata, miniſtrare non permittantur: quam eſi attulerint, & miniſtrare idonei inventi fuerint, inſtruantur, quam religioſe atque ſtudioſe ſacrum miniſterium (\*) peragant, aut in quibus locis illud agere non debeant.

### De eadem re.

*Ex eodem.*

CCCCXXXVI. Clerici [b] vero, ſi ab huiusmodi hominibus ad ordinandum offeruntur, inſtrui debent, ut ad Epiſcopos, ex quorum Parræchiis ſumpti ſunt, eos remittant; & aut ibi ordinentur, aut litteras canonicas ab Epiſcopo, ex cujus diœceſi ſunt, ferant, ſicut canonica docet auctoritas.

*Nicæna Synodus hunc ordinem inter Epiſcopos in faciendis episto-  
lis conſervandum eſſe  
inſtituit.*

CCCCXXXVII. Græca (c) elementa litterarum numeros etiam exprimere, nullus, qui vel tenuiter græci ſermonis noticiam habet, ignorat. Ne igitur in faciendis Epistolis canonicis, quas mos latinus formatas appellat, aliqua fraus falſitatis temere præſumeretur, hoc a Patribus CCCXVIII. Nicææ conſtitutis ſaluberrime inventum eſt & conſtitutum, ut formata Epistolæ hanc calculationis, ſive ſupputationis, habeant rationem, id eſt, ut aſſumantur in ſupputationem prima græca elementa Patris, & Filii, & Spiritus Sancti, id eſt, n. r. a. quæ ele-

menta octogenarium, quadringentenarium, & unum numerum ſervant. Petri quoque Apoſtoli prima littera, id eſt, n. qui numerus octoginta ſignificat. Ejus, qui ſcribit Epistolam prima littera; cui ſcribitur, ſecunda; accipientis, tertia; civitatis quoque, de qua ſcribitur, quarta; & Indiſtionis, quæcunque eſt illius temporis numerus aſſumatur. Atque ita his omnibus litteris græcis, quæ, ut diximus, numeros exprimunt, in unum ductis, unam, quæcunque collecta fuerit, ſummam, Epistola teneat. Addat præterea ſeparatim in Epistola etiam nonagenarium, & nonum numeros, qui ſecundum græca elementa ſignificant AMHN. Tres igitur prædictæ litteræ græcæ, id eſt, n. r. a. & prima littera ex nomine Petri, id eſt, n. DLX, & I. efficiunt numeros. n. enim, quæ eſt prima in nomine Summi Patris LXXXI. numerat. r. vero, quæ eſt prima in nomine Filii, CCCC. numerat. A. verò, quæ prima eſt in nomine Spiritus Sancti, unum indicat. Si addas n., quæ in nomine Petri eſt prima, id eſt, LXXX. DLXI. reperies. AMHN. vero, quod in fine prædictæ Epistolæ ſcriptum eſt, XCIX. indicat. A, enim unum, M, XL, H, VIII, N, L, numerant, qui XCIX. efficiunt numeros. Et ſi ſummam totam ſimul jungas, DCLX. Epistola numeros tenet.

Sed propter minus ſcientes ponenda videntur elementa ipſa græca cum numeris propriis:

#### Græca Litteræ.

|       |    |           |
|-------|----|-----------|
| I.    | A. | Alfa.     |
| II.   | B. | Beta.     |
| III.  | Γ. | Gamma.    |
| IV.   | Δ. | Delta.    |
| V.    | E. | Epi.      |
| VI.   | Σ. | Senon.    |
| VII.  | Z. | Zeta.     |
| VIII. | H. | Eta.      |
| IX.   | Θ. | Theta.    |
| X.    | I. | Iota.     |
| XX.   | K. | Cappa.    |
| XXX.  | Λ. | Lapda.    |
| XL.   | M. | Mi.       |
| L.    | N. | Ni.       |
| LX.   | Ξ. | Xi.       |
| LXX.  | O. | O brevis. |
| LXXX. | Π. | Pi.       |
| XC.   | Ϛ. | Cophe.    |

(a) Concil. Meld. c. 51. Burchard. lib. 2. c. 144.

(\*) Edit. Helmaſtad. peragere.

(c) Ivo. part. 6. c. 433.

(b) Concil. Meld. ibid.

|        |    |                   |
|--------|----|-------------------|
| C.     | p. | Ro.               |
| CC.    | Σ. | Sigma.            |
| CCC.   | τ. | Tau.              |
| CCCC.  | γ. | Rv.               |
| D.     | φ. | Phi.              |
| DC.    | x. | Chi.              |
| DCC.   | ψ. | Psi.              |
| DCCC.  | Ω. | O longa.          |
| DCCCC. | ∞. | Ennachos Aechile. |

Numerant autem ita, mia, dia, tria, tessera, pente, exa, epta, ogda, nea, deca, icosi, trieptra, serenta, nirenta, exenta, ebdominta, ogdominta, enneminta, ecaton, diacos, tetracos, pentacos, exacos, ebdacos, ogdacos, ennacocos &c. [Ista sunt valde corrupta. Sed cum facile sit illa corrigere, nihil mutare volumus. Nota Baluzii.]

*Exemplar Epistolæ formatae.*

CCCCXXXVIII. In (d) nomine n. Patris, & r. Filii, & a. Spiritus Sancti. Rathbodus, Sanctæ Treverensis Ecclesiæ, ac plebis ipsius humilis famulus Rotberto, reverendo Sanctæ Metensis Ecclesiæ Antistiti, in Christo Pastorum Principe mansuram cum gaudio prosperitatis ac perpetuitatis gloriam. Decreta Sanctorum trecentorum decem & octo Patrum Nicææ constitutorum saluberrima servantes, Deo dignam, piamque fraternitatem vestram canonice adgredimur, & sub nomine formatae Epistolæ reverenter vestram sanctitatem adimus: vobis scilicet intimando, quia præsentī Presbytero nostro, nomine Gislemaro, has dimissorias dedimus litteras, quem in nostra diocesi Ecclesiastice educatum, de ordine Clericatus, ad Presbyteratus proximum gradum; ut his canonicis munitis apicibus cum nostra licentia ei in vestra Parræchia sub defensione, ac regimine vestræ charæ dilectionis degere liceat; illumque in sinu Sanctæ Matris Ecclesiæ canonice fovendum, ac regendum vobis committimus. Hanc ergo Epistolam græcis litteris hinc inde munire decrevimus, & anulo Ecclesiæ nostræ bullare censuimus. Christus Pastorum Princeps intervenit Beati Petri, cui specialiter ovile Dominicum commissum est, fraternitatem vestram ad custodiam sui gregis diu nobis conservet incolumem. Amen. Π. Τ. Α. Π. Ρ. Ο. C. Τ. Θ. AMHN. Summa horum MDXXXIX.

S s s 3

Data Treveris Idib. Octobr. anno Dominicæ Incarnationis DCCCCVI. Indictione nona. Π. Τ. Α. Π. Δ. Ρ. Δ. Θ.

*Item alia Epistola.*

CCCCXXXIX. Reverentissimo (e) & Sanctissimo Rathbodo, Sanctæ Treverensis Ecclesiæ Archi-Episcopo, Dado Wirdunensis Ecclesiæ devotus gregis summæ felicitatis beatitudinem. Cum (f) Sancta Catholica Ecclesia prompta sit sequi documenta Evangelica, quæ dicunt: *Qui recipit Prophetam in nomine Prophetæ, mercedem Prophetæ accipiet: & qui recipit iustum &c.* Et Apostolus jubeat hospitalitatem sectari, & necessitatibus sanctorum virorum communicare; tamen (\*) qui cauteritiam habent suam conscientiam, dicentes, se esse simplices, cum sint astutia diabolica repleti: & pro opere pietatis dicunt se de loco ad locum transire, cum sint sua malitia faciente fugitivi: & dicunt se esse ministerio sacro insertos, cum non sint; statutum est a Sanctis Patribus, neminem Clericum alienum & ignotum recipi ab aliquo Episcopo, & inthronizari in sua Ecclesia, nisi habeat a proprio Episcopo Epistolam, quæ in canonibus nominatur formata. Ideo notum facimus Paternitati vestræ, quod præsens Frater noster harum litterarum portitor, nomine Adruinus, non pro sua nequitia expulsum est a nobis; sed postulantis Fratris nostris, eo quod (g) ex familia nostra fuit, dedimus ei libertatem receptam a cornu altaris canonice, & ordinavimus eum ad gradum Presbyterii; cui etiam has dimissorias, sive commendatitias litteras fecimus, & eum ad vestram dilectissimam Fraternitatem dirigimus; ut in vestra Parræchia sub vestro sacro regimine, & defensione consistere valeat. Ego, inquam, in nomine n. Patris, & r. Filii, & a. Spiritus Sancti, & in unitate sanctæ Ecclesiæ, in qua Petro datum est jus ligandi atque solvendi, absolvo Dado humilis Episcopus, Presbyterum Adruinum de civitate Wirdunensi, Indictione IX. & licentiam do vobis, Rathbode venerabilis Archi-Episcopo, inthronizandi eum in quacunque Ecclesia vultis vestræ Parræchiæ. Dilectam Paternitatem vestram

(d) Ivo. part. 6. c. 434.

(f) Burchard. lib. 2. c. 227.

(g) Vide supra c. 599.

(e) Ivo. part. 6. c. 435.

(\*) Leg. propter eos, qui caut.



stram, virtutum floribus insignitam, omnipotens Deus conservare dignetur. Amen. *π. τ. α. η. δ. α. ρ. α. θ.* DCC-LXXVIII. Data V. Idus Maji, anno Dominicæ Incarnationis DCCCCVI. Indictione IX.

### De Ordinatione.

*Ex Epistola Gelasii Papæ.*

CCCCXL. Ordinationes [*b*] Presbyterorum, & Diaconorum, quæ nisi certis temporibus, & diebus exerceri non debent, (\*) quarti mensis jejunio, septimi & decimi, sed etiam quadragesimalis initii, ac mediana quadragesimæ die, sabbati jejunio circa vespæram noverint celebrandas, nec cujuslibet utilitatis, seu Presbyterum, seu Diaconum his præferre, qui ante ipsos fuerint ordinati, aliquis præsumat.

### Qualiter Episcopus debet ordinem facere.

*Ex Concilio Nannetensi.*

CCCCXLI. Episcopus, (i) quando ordinationes facere disponit; omnes, qui ad sacrum ministerium accedere volunt, feria quarta ante ipsam ordinationem evocandi sunt ad civitatem una cum Archipresbyteris, qui eos repræsentare debent. Et tunc Episcopus e latere suo dirigere debet Sacerdotes, & alios prudentes viros, gnaros legis Divinæ, & exercitatos in Ecclesiasticis functionibus, qui ordinandorum vitam, genus, patriam, ætatem, institutionem, locum, ubi educati sunt, si sint bene litterati, si in lege Domini instructi, diligenter investigent. Ante omnia, si fidem Catholicam firmiter teneant, & verbis simplicibus adserere queant. Ipsi autem, quibus hoc committitur, cavere debent, ne aut favoris gratia, aut cujusunque muneris cupiditate inlecti a vero deviant, ut indignum & minus idoneum ad sacros gradus suscipiendos Episcopi manibus applicent. Quod si fecerint, & ille, qui indigne accessit, ab Altari removebitur, & illi, qui donum Sancti Spi-

ritus, vendere conati sunt, coram Deo jam condemnati, Ecclesiastica dignitate carebunt. Igitur per tres continuos dies diligenter examinentur. Et sic sabbato, qui probati inventi sunt, Episcopo repræsententur.

*Ex Concilio Meldensi.*

CCCCXLII. Hi, (k) qui ordinari petuntur, nullatenus ordinentur, nisi in loco certo & religioso, vel etiam in civitate, saltem uno anno immorentur; ut de vita & conversatione atque doctrina illorum certitudo possit agnosci. (*Vide supra cap. 389.*)

### Qualiter Episcopus ordinandus examinabitur.

*Ex Concilio Carthaginesi.*

CCCCXLIII. Qui (l) Episcopus ordinandus est, antea examinetur, si natura prudens est, si docibilis, si moribus temperatus, si vita castus, si sobrius, si semper sui negotii cavens, si humilis, si affabilis, si misericors, si litteratus, si in lege Domini instructus, si in scripturarum sensibus cautus, si in dogmatibus Ecclesiasticis exercitatus, & ante omnia, si fidei documenta verbis simplicibus adserat, id est Patrem, & Filium, & Spiritum Sanctum unum Deum esse confirmans, totamque Trinitatem, Deitatem coessentialem, & consubstantialem, & coæternalem, & coomnipotentem prædicans, singulam quamque in Trinitate personam plenum Deum, & totas tres personas unum Deum: si Incarnationem Divinam, non in Patre, neque in Spiritu Sancto factam, sed in Filio tantum credit: ut qui erat in divinitate Dei Patris Filius, ipse fieret in homine hominis Matris Filius, Deus verus ex Patre, homo verus ex Matre, carnem ex matris visceribus habens, & animam humanam rationalem, simul in eo utriusque naturæ, id est, homo & Deus, una persona, unus Filius, unus Christus, unus Dominus, (\*\*) creaturarum omnium, quæ sunt, & auctor, & Domi-

(b) Decreta Gelasii, c. 11. Ivo, part. 6. c. 74.

(\*) Leg. *id est*, primi & quarti.

(i) Concil. Nannet. c. 11. Burchard, lib. 2. c. 1.

(k) Concil. Meld. c. 52. Burchard, lib. 2. c. 4.

(l) Concil. Carthag. 4. c. 1. Burchard, lib. 1. c. 8. Ivo, part. 5. c. 62. Gratian, Dist. 23. c. 2.

(\*\*) Creator,

Dominus, & Rector cum Patre, & Spiritu Sancto omnium creaturarum: qui passus est vera carnis passione, mortuus vera corporis sui morte, resurrexit vera carnis suæ resurrectione, (\*) vel resurrectione, in qua venit iudicare vivos, & mortuos. Quærendum etiam ab eo, si novi & veteris testamenti, id est, legis, & Prophetarum, & Apostolorum, unum eundemque credat auctorem Deum: si diabolus non per conditionem, sed per arbitrium factus sit malus. Quærendum etiam ab eo, si credat huius, quam gestamus, & non alterius carnis resurrectionem: si credat iudicium futurum, & recepturos singulos pro his, quæ in hac carne gesserunt vel penas, vel præmia: si nuptias non improbet: si secunda matrimonia non condemnet: si carnum perceptionem non culpet: si penitentibus reconciliatis communicet: si in baptismo omnia peccata, id est, tam illud originale contractum, quam illa, quæ voluntarie admissa sunt, dimittantur: si extra Ecclesiam Catholicam nullus salvetur. Cum in his omnibus examinatus, ple-

niter instructus repertus fuerit, tunc ordinetur.

Postremam istius capituli partem decurtavit Regino. Et tamen illa magni momenti est. Itaque nos heic eam censuimus esse reponendam in gratiam lectorum. Sic ergo habet in capite primo Concilii Carthaginensis quarti: *Cum in his omnibus examinatus, inventus fuerit plene instructus, tunc consensu Clericorum, & laicorum, & conventu totius Provincia Episcoporum, maximeque Metropolitanorum, vel auctoritate, vel presentia ordinetur Episcopus.* Burchardus & Ivo, quia ex Reginone acceperunt, finem hanc istius capituli exhibent decurtatam. Gratianus aliunde accepisse videtur, quam ex istorum collectionibus, cum integrum locum referat: *Qualiter Presbyteri, vel Diaconi ante ordinationem, vel post ordinationem examinentur, vel qualiter de suo ministerio discutiantur, in principio istius libelli satis expressum est, ubi scriptum est, quid sit a Presbytero requirendum. Et ideo superfluum videtur repeti & iterari, quod jam constat esse notatum.*

## EXPLICIT LIBELLUS PRIMUS.

[\*] Alibi legitur: & vera anime resurrectio.

## INCIPIT LIBER SECUNDUS.

*In superiori libello, quid Episcopo, vel ejus Ministris, cum Ecclesiasticis viris sit agendum, & in sua Synodo requirendum, ex parte notavimus. nunc quid cum secularibus, & laicis sit agendum, vel agere oporteat, prout Dominus dederit, percurramus.*

*Qualiter Episcopus suam paræchi-  
am debet circuire.*

*Ex Concilio Rotomagensi.*

I.

Cum [a] Episcopus suam diocesim circuit, Archidiaconus, vel Archipresbyter eum præire (debet) uno aut duobus diebus per paræchias, quas visitaturus est; & plebe convocata ad nuntiare debet proprii pastoris adventum, & ut omnes ad ejus synodum die denominata imprætermisse occurrant, omnimodis ex auctoritate sanctorum ca-

nonum præcipere, & minaciter denuntiare. Quod si quis absque gravi necessitate defuerit, procul dubio a communione Christiana sit repellendus. Deinde ascitis secum Presbyteris, qui illo in loco servitium debent exhibere Episcopo, quidquid de minoribus, & levioribus causis corrigere potest, emendare satagat; ut Pontifex veniens nequaquam in facilioribus negotiis fatigetur, ut ibi immorari amplius necesse sit, quam expensa sufficiat. At enim Dominus ad Moysen de hujusmodi cooperatoribus: *Ut [b] tecum sustentent onus populi,*

(a) Burchard. lib. i. c. 90.

(b) Num. ii.



*Et non tu solus graveris.* Et Beatus Johannes Baptista adventum Domini præcurrit prædicando dicens: *Penitentiam* [c] *agite &c.* & idem, *Parate viam Domino.* Siquidem Episcopus vicem Christi agere videtur. Et ideo cum gaudio, timore, & summa reverentia a plebibus sibi subiectis suscipiendus est, ut illis cum laude dicatur, quod Apostolus discipulis dicit: *Testimonium* [d] inquit, *vobis perhibeo, quod ita susceperitis me sicut Angelam Dei, sicut Dominum Jesum.*

### De Juratoribus Synodi.

*Unde supra.*

II. Episcopus [e] in Synodo residens, post congruam allocutionem, septem ex plebe ipsius parrocchiæ, vel eo amplius aut minus, prout viderit expedire, maturiores, honestiores, atque veraciores viros in medio debet evocare; & alatis sanctorum pignoribus unumquemque illorum tali Sacramento constringat:

### Sacramentum Synodale.

III. Amodo (f) inantea quidquid nosti, vel audisti, aut postmodum inquisiturus es, quod contra Dei voluntatem, & rectam Christianitatem in ista Parrocchia factum est, aut in futurum erit, si in diebus tuis evenerit, tantum ut ad tuam cogitationem quocunque modo perveniat, si scis, aut tibi indicatum fuerit, synodalem causam esse, & ad ministerium Episcopi pertinere, quod nec propter amorem, nec propter timorem, nec propter præmium, nec propter parentelam ullatenus celare debeas Episcopo de Treveris, aut ejus Misso, cui hoc inquirere jusserit, quandocunque te ex hoc interrogaverit. Sic te Deus adjuvet, & istæ sanctorum reliquæ.

### Reliqui ita jurent:

Istud [g] Sacramentum, quod iste juravit de synodali causa, quod tu illud observabis, in quantum sapis, aut audisti, aut ab hac die in antea inquisiturus es. Sic te Deus adjuvet.

### Allocutio Episcopi.

IV. Videte, [h] fratres, ut Domino reddatis juramenta vestra. Non enim homini jurastis, sed Deo creatori vestro. Nos autem, qui ejus ministri sumus, non terrenam substantiam vestram concupiscimus, sed salutem animarum vestrarum requirimus. Cavete, ne aliquid abscondatis, & ex alterius peccato vestra fiat damnatio.

*Post hæc ita per ordinem interroget:*

V. 1. Est in [i] hac parrocchia homicida, qui hominem aut spontanea voluntate, aut cupiditatis aut rapacitatis causa, aut casu, aut nolens, & coactus, aut pro vindicta parentum, quod factam dicimus, aut in bello, aut jussu Domini, aut proprium servum occiderit?

2. Est aliquis parricida, aut fratricida, qui patrem, matrem, fratrem, sororem, avunculum, aut aliquem parentem interfecerit?

3. Est aliquis, qui Presbyterum aut Diaconum, aut aliquem Clericorum occiderit, vel aliquo membro detruncaverit?

4. Est aliquis, vel aliqua, qui infantem proprium oppresserit, vel vestimentorum pondere suffocaverit? Et si hoc factum est ante Baptismum, aut post Baptismum: aut si infans infirmatus per negligentiam parentis absque Baptismo obierit?

5. Est aliquis, vel aliqua, qui alterius partum excusserit? vel si ipsa femina propria voluntate suum partum excusserit, & abortivum fecerit?

6. Est aliqua femina, quæ in fornicatione concipiens, timens, ne manifestaretur, infantem proprium, aut in aquam projecit, aut in terra occultaverit, quod mortui dicunt?

7. Est aliquis, qui uxorem suam absque lege, aut certa probatione interfecerit?

8. Est aliqua femina, quæ virum suum, vel aliquem hominem per herbas venenatas, vel mortíferas potiones interfecerit, vel alium hoc facere docuerit?

9. Et

(c) Matth. 3.

(e) Burchard. lib. 1. c. 91.

(g) Burchard. ibid. c. 93.

(2) Burchard. lib. 1. c. 94.

(d) Gal. 4.

[f] Burchard. lib. 1. c. 92.

(b) Burchard. ibid. c. 94.

9. Est aliquis, vel aliqua, qui hoc fecerit, vel alium facere docuerit, ut vir non possit generare, aut femina concipere?

10. Est aliquis, qui proprium servum extra judicem occiderit, & aliqua femina, quæ ancillam propriam necaverit, furore zeli inflammata?

11. Est aliquis, qui diabolo impellente, semetipsum occiderit?

12. Si in bello aliquis homines vulneravit, & nescit, si de illo vulnere aliquis perierit: & si alicui imputatur, quod hominem occiderit, & ipse hoc denegat?

13. Si aliquis est in consilio, ut homo interficiatur, & non est in facto; & tamen per ejus consilium, & exhortationem interfectus est?

14. Est aliquis, qui truncationes manuum, pedum, linguæ, & testiculorum fecerit, & oculis alterius eruerit?

*Deinde interrogandum de adultariis & fornicationibus.*

15. Si quis conjugatus cum alterius uxore adulteratus fuerit: si qua uxor cum alterius viro?

16. Si quis uxorem habens concubinam simul habuerit ancillam propriam, aut aliam feminam?

17. Si quis uxorem legitimam dimiserit, & aliam in conjugium acceperit.

18. Si qua mulier virum proprium dimiserit, & alteri se conjunxerit.

19. Si interveniente repudio ab invicem separantur, & sic manent.

20. Si quis absque consensu uxoris, derelicto legitimo conjugio, in monasterium intrat.

21. Si aliquis suam conjugem, quamvis culpabilem, sine Episcopi judicio relinquit.

22. Si qua mulier, conscio viro suo, fornicata fuerit.

23. Si quis uxore carens, cum alterius conjuge fornicatus fuerit: Aut si qua mulier non habens virum, cum alterius marito.

24. Si quis non habens uxorem, cum femina, quæ virum non habet, fornicatus fuerit.

*Tomus II. Concil. German.*

25. Si laica virgo mœchata fuerit, cum adolescente.

26. Si quis desponsatam puellam non duxerit, & fidem sponsaliorum frangerit.

27. Si quis alterius sponsam rapuerit, & sibi sociaverit.

28. Si quis quamcunque feminam, virginem, aut viduam, per raptum traxerit, & sociaverit sibi matrimonio: & si aliqui sunt, qui in hoc consentientes, & adjuvantes fuerunt.

29. Si quis cum Judæa, vel si Judæus, vel si Paganus cum aliqua Christiana mœchatus fuerit.

30. Si quis sanctimonialem, vel viduam Deo sacram rapuerit, & in conjugium sumpserit, vel ipsi consentientibus cum eis fornicatus fuerit.

31. Si quis vivente marito conjugem illius adulterasse accusatur, & eo in proximo defuncto eandem sumpsisse dinoscitur.

32. Si aliqua mulier dicit, quod vir ejus non possit cum ea coire, & ob hanc causam discidium querit, & alium virum vult accipere.

33. Si quis cum matre spiritali mœchatus fuerit, vel eam in matrimonium accepit, similiterque cum filiola, quam ex sacro fonte suscepit, aut ante Episcopum tenuit.

34. Si quis propinquam, aut sanguineam suam, in matrimonium accepit, aut cum ea fornicatus est.

35. Si aliquis inrationabiliter, id est, contra naturam, cum masculis & mutis misceatur animalibus.

36. Si qua mulier lenocinium fecerit.

37. Si aliquis in sua domo consentit cum propriis ancillis, vel genecariis suis adulterium perpetrare.

*De furto & sacrilegio.*

38. Interrogandum, si aliquis fur, aut sacrilegus sit, qui Ecclesias Dei in-frerit, vel aliquid de Ecclesia furatus sit, aut publice rapuerit, aut latenter subripuerit, aut aliquis rapax & raptor, & deprædator Ecclesiæ Dei est. Quamvis enim hæc secundum legem humanam emendari debeant, atque exsolvi;  
T t t tamen



tamen pœnitentia ad Episcopum pertinet.

### *De perjuriis.*

39. Interrogandum, si aliquis perjurus sit, aut si sciens, & pro cupiditate terrena perjuraverit. Et si nesciens, aut coactus jussu senioris: aut pro membris, & vita redimenda: aut si quis scienter non solum perjuraverit, sed etiam alios in perjurium induxerit.

### *De falso Testimonio.*

40. Interrogandum, si aliquis scienter contra aliquem falsum testimonium protulerit: quia hoc capitale crimen est, & quale damnum aliquis per hanc testificationem habuerit.

41. Interrogandum, si aliquis hominem liberum, aut servum alterius, aut peregrinum, & adventitium furatus fuerit, aut eum blandiendo seduxerit, & vendiderit, & extra patriam in captivitatem miserit: aut si aliquis Judæo, vel pagano Christianum mancipium venderit, aut si ipsi Judæi Christiana mancipia vendant.

### *De incantatoribus & sortilegis.*

42. Interrogandum, si aliquis magus, hariolus, aut incantator, divinus, aut sortilegus sit.

43. Si (k) aliquis vora ad arbores, vel ad fontes, vel ad lapides quosdam, quasi ad altaria faciat, aut ibi candellam, seu quodlibet munus deferat, velut ibi quoddam numen sit, quod bonum aut malum possit inferre.

44. Perferutandum, (l) si aliquis subulcus, vel bubulcus, five venator, vel cæteri hujusmodi dicat diabolica carmina super panem, aut herbas, & super quædam nefaria ligamenta, & hæc aut in arbore abscondat, aut in bivio, aut in trivio projiciat, ut sua animalia liberet a peste & clade, & alterius perdat. Quæ omnia idololatriam esse nulli fidei dubium est. Et ideo summopere sunt exterminanda.

45. Perquirendum, (m) si aliqua

fœmina sit, quæ per quædam maleficia, & incantationes mentes hominum se immutare posse dicat, id est, ut de odio in amorem, aut de amore in odium convertat, aut bona hominum aut damnet, aut subripiat. Et si aliqua est, quæ se dicat cum dæmonum turba in similitudine mulierum transformata certis noctibus equitare super quasdam bestias, & in earum consorcio adnumeratam esse; hæc talis omnimodis ex Parrocchia ejiciatur.

### *De morticinis & sanguine.*

46. Interrogandum, (n) si aliquis sanguinem, morticinum, aut dilaceratum a bestia comedat.

47. Si aliquis per odium ad pacem non revertitur, aut juravit, quod Deo contrarium est, ut fratri nunquam reconcilietur, quod est peccatum usque ad mortem.

48. Si aliquis bibit de liquore, in quo mustela, vel mus, five aliquod immundum animal necatum est.

49. Si aliquis jejunium quadragesimale non observat, vel quatuor temporum, five Letaniam majorem, vel rogationum, five indictum ab Episcopo jejunium pro quacunque plaga.

50. Si (o) aliquis est, qui bibit, aut manducat, aut portat, super se quod existimat Dei judicium pervertere posse.

51. Si (p) aliquis in Kalendis Januarii aliquid fecit, quod a paganis inventum est, & dies observat, & lunam, & menses, & horum effectiva potentia aliquid sperat in melius, aut in deterius verti.

52. Si aliquis quodcunque opus inchoans, aliud ibi aliquid dicit, aut quacunque magica arte aliud facit, nisi ut Apostolus docet: *Omnia in nomine Domini facienda*. Neque enim dæmones in nostro adjutorio debemus invocare, sed Deum. In collectione similiter herbarum medicinalium symbolum & orationem Dominicam dicere oportet, & nihil aliud.

(k) Burchard. lib. 10. c. 32.

(l) Burchard. lib. 1. c. 94. §. 43. & lib. 10. c. 18.

(m) Burchard. lib. 1. c. 94. §. 44. & lib. 10. c. 29.

(n) Burchard. lib. 1. c. 94. §. 45. & seqq.

(o) Burchard. lib. 10. c. 25.

(p) Burchard. lib. 10. c. 17.

53. Quærendum etiam, si mulieres in lanificiis suis, vel in (\*) ordiendis telis aliquid dicant, aut observent, nisi, ut supra dictum est, omnia in nomine Domini.

54. Si quis oblationes, id est, elemosynam parentum defunctorum iniuste retinet.

55. Si aliquis super mortuum nocturnis horis carmina diabolica cantat, & bibit, & manducat, & quasi de ejus morte gratulatur, & si alibi mortui in vigiliis nocturnis, nisi in Ecclesia custodiuntur.

56. Si aliquis Christianus est, qui non communicet, vel tribus temporibus in anno, id est, Pascha, Pentecosten, & Natale Domini; nisi pro mortiferis criminibus Episcopi, vel Sacerdotum iudicio a communione fuerit remotus.

57. Est aliquis, qui in die Dominico, vel in præcipuis Festivitatibus quicquam operis faciat: & si ad Matutinas, & ad Missam, & ad Vesperas his diebus in prætermisissis omnes occurrant.

58. Si aliquis excommunicatus pro nihilo duxerit excommunicationem, & si aliquis cum excommunicato communicaverit.

59. Si aliquis modum pœnitentiæ sibi injectum non custodierit.

60. Si aliquis patrem aut matrem inhonorat, aut percutit, aut maledicit.

61. Si aliquis vomitum post acceptam Eucharistiam per ebrietatem fecerit.

62. Si aliquis est, qui suam decimam Deo, & Sanctis ejus retrahat.

63. Si aliquis est tam perversus, & a Deo alienus, ut saltem Dominica die ad Ecclesiam non veniat.

64. Si porcarii, & alii pastores Dominica die ad Ecclesiam veniant, & Missas audiant; similiter in aliis Festis diebus.

Ita Editio Helmæstadiensis, & Burchardus lib. i. cap. 94. §. 63. Codex vero Parisiensis ita habet: *Si porarii --- veniant. Similiter præcipuis festivitatibus.* Codex MS. Monasterii Ripullensis, in quo continentur decreta Eutychiani Papæ: *Si porarii, & alii pastores Dominica die ad Eccle-*

T t t 2

*siam non veniant, & Missam non audiant. Similiter & in aliis festivitibus.*

65. Si aliquis ad confessionem non veniat, vel una vice in anno, id est, in capite quadragesimæ, & pœnitentiam pro peccatis suis suscipiat.

66. Si quis est, qui assiduam ebrietatem sectatur. Neque enim ebriosi Regnum Dei possidebunt.

67. Si aliquis est, qui contempto suo Presbytero in aliam Parrœchiam venit ad Ecclesiam, & ibi communicat, & suam decimam dat.

68. Inquirendum de mendicis, qui per patrias discurrent, & si unusquisque pauperem de familia sua pascat.

69. Si (g) in unaquaque Parrœchia Decani sunt per villas constituti, viri veraces, & Deum timentes: qui ceteros admoneant, ut ad Ecclesiam pergant ad Matutinas, Missam, & Vesperas, & nihil operis in diebus festis faciant. Et si horum quisquam transgressus fuerit, statim Presbytero adnuntiet. Similiter & de luxuria, & omni opere pravo.

70. Si aliquis est, qui bannum Episcopi, aut Presbyteri sui, & excommunicationem parvipendens, pro nihilo ducat.

71. Si Parrœchiani Presbytero suo debitum honorem impendant, aut si aliquis est, qui eum verbo vel facto inhonorat, & ejus monita spernit.

72. Si aliquis est, qui peregrino aut viatori hospitium contradicit.

73. Inquirendum, quas festivitates colant.

74. Si patrini filiis suis symbolum & orationem Dominicam insinuant, aut insinuari faciunt.

75. Si quatuor, aut quinque, vel plures unum interfecerint hominem.

76. Si aliquis est, qui contradicit Episcopo, aut ejus Ministris, ne coloni aut servi propter commissa crimina virgis nudi cadantur.

77. Inquirendum, si aliquis peregrinum, qui de sua patria propter paganorum infestationem, vel persecutionem fugit, hac de causa, quia in domo ejus man-

(\*) Edit. Helmæstad. *ordinandis.*

(g) Burchard. lib. i. c. 91. §. 68. & seqq.



manfit, & diebus, aut annis loco mercenarii illi fervivit, pro proprio servo illum velit habere, & vendere, aut dare alicui præsumat.

78. Si aliquis est, qui injusta menfura suam annonam, aut vinum vendat, cum Dominus dicat: *Æquus tibi fit modius & sextarius æquus.*

79. Denuntiandum etiam, quam magnum piaculum fit, ufuras exigere, & de alieno fœnore velle difcerc, & quod facri canones tales ab Ecclesia ejici præcipiant.

80. Si aliquis propter cupiditatem Judæum, aut Paganum interfecerit.

81. Si aliquis infaniens aliquem hominem occiderit.

82. Si quis arborem inciderit, & dum operi necessario infistit, aliquis subtus arborem deveniens improvise opprimatur.

83. Si quis conjurationes, & conspirationes sectatur.

84. Si quis Ecclesiam, aut Clericum fatigare præsumit.

85. Inquirendum de refugis, & perfidis laicis.

86. Percunctandum de Confratriis, & Fraternitatibus societatibus, qualiter in Parrochia agantur.

87. Si cantica turpia, & risum moventia aliquis circa Ecclesiam cantare præsumit.

88. Si aliquis in Ecclesiam intrans, tabulis vacare consuevit, & non diligenter aufcultat Divina eloquia, & si antequam Missa finiatur, de Ecclesia exit.

89. Si oblationem, id est, panem, & vinum, viri & feminæ ad Missas offerunt; & si non viri, conjuges pro illis offerant, pro se, suisque omnibus, ut in Canone continetur.

*Capitula hæc, quæ per ordinem adnotavimus, Canonici oportet roborari decretis.*

### *De pœnitentia homicidarum.*

*Ex Concilio Triburiensi.*

VI. Ut pœnitentia super homicidiis non diverso more, ut prius; sed in Episcopis singulis uno more agatur.

(r) Burchard. lib. I. c. I.

*Unde supra.*

Si (r) quis spontanea voluntate, diabolo suadente, homicidium perperraverit; juxta canonum sanctiones, & iudicium Episcoporum talem pœnitentiam accipere debet:

In primis, ut licentiam non habeat, Ecclesiam intrandi illis proximos quadraginta dies: nudis pedibus incedat, & nullo vehiculo utatur, in laneis vestibus sit, absque femoralibus, arma non ferat, & nihil sumat his quadraginta diebus, nisi tantum panem & salem, & puram bibat aquam, & nullam communionem cum ceteris Christianis, neque cum alio pœnitente habeat in cibo & potu, antequam quadraginta dies adimpleantur; & ex cibo, quem sumit, nullus alius manducet. Considerata vero personæ qualitate, vel infirmitate, de pomis, vel oleribus, seu leguminibus, prout visum fuerit, aliquid pro misericordia indulgeatur, maxime si quis coactus & non sponte homicidium fecerit. Et ei omnimodis ex canonica auctoritate interdicitur, ut in his diebus cum nulla femina miscetur, nec ad propriam uxorem accedat, nec cum aliquo homine dormiat, juxta Ecclesiam sit, ante cujus januas peccata sua defleat diebus & noctibus; & non de loco ad locum pergat, sed in uno loco his quadraginta diebus sit. Et si forte habuerit insidiatores vitæ suæ, interim differatur ei pœnitentia, donec ab Episcopo pax ei ab inimicis reddatur. Et si infirmitate detentus fuerit, ita ut non possit digne pœnitere, differatur pœnitentia, donec sanitati restituatur. Si autem longa ægitudine detentus fuerit, ad sententiam Episcopi pertinebit, quomodo reum & infirmum sanare disponat. Completis quadraginta diebus, aqua lotus, vestimenta & calciamenta, quæ a se abjecerat, rursus sumat, & capillum incidat.

### *Quid in primo anno observare debeat.*

VII. In (s) primo anno post quadraginta dies totum illum annum a vino, medone, & mellita cerevisia, a carne, & caseo, a pinguibus piscibus abstinere, nisi festis diebus, qui in illo Episcopio

(s) Burchard. lib. 6. c. 2.

copio a cuncto populo celebrantur : & nisi forte in magnò itinere , vel in hoste , vel diu ad Dominicam curtem , vel infirmitate detentus sit. Tunc liceat uno denario , vel pretio unius denarii , aut tres pauperes pascendo , tertiam feriam , quintam feriam , & sabbatum redimere , ita duntaxat ut una re de tribus utatur. Postquam domum venerit , aut sanitati fuerit restitutus , nullam licentiam habeat redimendi.

*Quid in aliis duobus annis observare debet.*

VIII. Completo ( *t* ) anni circulo Ecclesiam ingrediatur , & pacis osculum concedatur. In secundo , & tertio anno similiter jejundet ; nisi quod tertiam feriam , quintam , & sabbatum potestatem habeat redimendi , ubicunque est. Cetera diligenter omnia observet uti in primo anno.

*Quid in reliquis quatuor annis observare debet.*

IX. Quatuor ( *u* ) anni deinde restant ; per quos singulos jejundet tres quadragesimas. Unam ante Pascha cum cæteris Christianis , abstinendo a vino , medone , mellita cerevisia , caseo , & a piscibus pinguibus. Alteram ante nativitatem Sancti Joannis. Si aliquid remanet de quadraginta diebus , post Missam Sancti Joannis impleat. Tertiam ante natale Domini jejundet , ut supra dictum est. Et in quatuor supradictis annis , tertia , quinta feria , & Sabbato utatur , quidquid vult , & secundam , & quartam feriam omnimodis observet , & nequaquam redimat. His expletis sacram communionem accipiat.

*De eo , qui voluntarie homicidium fecit.*

*Ex Concilio Ancyran.*

X. Qui ( *x* ) voluntarie homicidium fecerint , pœnitentiæ quidem jugiter

T t t 3

se submittant , perfectionem vero circa vitæ exitum consequantur.

*De eadem re.*

*Ex Concilio Parisiensi.*

XI. Si ( *y* ) quis homicidium sponte commiserit , & non violenti resistens ; sed vim faciens , innocentem , & simpliciter gradientem interfecerit ; cum isto penitus non communicandum : sic tamen , ut si pœnitentiam egerit , in exitu ei communionis viaticum non negetur.

*De eadem re.*

*Ex Concilio Agathensi.*

XII. Itaque [ *z* ] censuimus homicidas , & falsos testes a communione Ecclesiastica submovendos ; nisi pœnitentiæ satisfactione crimina admissa diluerint.

*De eadem re.*

*Ex Concilio Nannetensi.*

XIII. Si [ *a* ] quis voluntarie , & per insidias hominem interfecerit , jugi se pœnitentiæ submittat. Et si hoc publice actum constat , si laicus est , a communione orationum quinquennio removeatur ; post quinquennium in orationum communione recipiatur : ( *\** ) non autem simul offerat , non corpus Domini contingat , in quo perdurans quatuordecim annis ; tunc ad plenam communionem cum oblationibus recipiatur.

*De eadem re.*

*Ex eodem.*

XIV. In [ *b* ] Exodo Dominus dicit de homicidiis : Si ( *c* ) quis de insidia , & per insidias hominem occiderit , ab Altari meo evelles eum , ut moriatur.

*De homicidiis non sponte commissis.*

*Ex Concilio Ancyran.*

XV. De [ *d* ] homicidiis non sponte commissis prior quidem diffinitio post septen-

( *t* ) Burchard. lib. 6. c. 3. 4.

( *u* ) Burchard. lib. 6. c. 5.

( *x* ) Concil. Ancyran. c. 21. Tomo I. nostro. p. 148. Halitgar. lib. 4. c. 1. Burchard. l. 6. c. 13.

( *y* ) Concil. Remense anni 630. c. 9. Burchard. lib. 6. c. 14.

( *z* ) Concil. Agath. c. 37. Burchard. lib. 6. c. 29.

( *a* ) Concil. Nannet. c. 17. Burchard. lib. 6. c. 12.

[ *\** ] Sequenti non extant in codice MS.

( *b* ) Concil. Nannet. ibid.

( *c* ) Exod. 21.

( *d* ) Concil. Ancyran. c. 22. Tomo I. nostro. pag. 148. Halitgar. lib. 4. c. 2. Burchard. lib. 6. c. 15.



septennem pœnitentiam perfectionem consequi præcepit, secunda vero quinquennii tempus explere.

*De eadem re.*

*Ex Epistola Rabani ad Heribaldum  
Episcopum.*

XVI. Nam (e) de his legimus, qui hominem non sponte interfecerunt, Deum per legislatorem urbes refugii deputasse, ad quas confugientes salvarentur ab ultore sanguinis proximi sui, & non morentur. Unde in Deuteronomio scriptum est: *Hæc (f) erit lex homicidæ, cujus vita servanda est. Qui percusserit proximum suum nesciens, & heri, & nudiუს tertius nullum contra eum odium habuisse comprobatur; sed abisse simpliciter cum eo in silvam ad ligna cædenda: & in succisione lignorum securis fugerit de manu, aut ferrum delapsum de manubrio, amicum ejus percusserit, & occiderit; hic ad unam urbem supradictarum confugiat & vivat.*

*De eadem re.*

*Ex Concilio Wormaciensi. cap. v.*

XVII. Sæpe (g) contingit, ut dum quis operi necessario insistent arborem incidat, aliquis subitus ipsam veniens deprimatur: & idcirco si voluntate, vel negligentia incidentis arborem, factum est; ut homicida, pœnitentiæ omnino debet submitti. Quod si non voto, sed incuria ejus, non denique [\*] [hæc eum] sententia contingit; sed dum ille operi necessario fortassis incumberet, iste insperatus occurrit sub arbore, & sub ipsa oppressus est, incisor arboris non tenetur pro homicida.

*De eadem re.*

*Ex Concilio Triburiensi. cap. xvii.*

XVIII. Si (h) duo fratres in silva arbores succiderint, & appropinquante casu unius arboris frater fratri: *Cave*, dixerit, & ille fugiens in pressuram ar-

boris inciderit, & mortuus fuerit; vivens frater innocens de sanguine germani dijudicetur.

*De eadem re.*

*Ex eodem.*

XIX. Mater (i) si juxta focum infantem posuerit, & alius homo aquam in caldariam miserit, & ebullita aqua infans superfusus mortuus fuerit, pro negligentia mater pœniteat, & ille homo securus sit.

*De eadem re.*

*Ex eodem, Cap. XX.*

XX. De [k] homicidiis non sponte commissis, quali pœnitentiæ jugo submittantur hi, qui fecerint ea, in Episcopi sententia maneat.

*De eadem re.*

*Ex eodem.*

XXI. Si (l) quis filium suum non sponte occiderit, juxta homicidia non sponte commissa, pœniteat.

*De eadem re.*

*Ex Concilio Nannetensi.*

XXII. Si (m) quis casu, non volens, homicidium perpetraverit, quadraginta diebus in pane & aqua pœniteat. Quibus peractis, biennio ab oratione fidelium segregetur, non communiceat, nec offerat. Post biennium in communione orationis offerat, non tamen communiceat. Post quinquennium ad plenam communionem recipiatur. Abstinencia ciborum in arbitrio Sacerdotis maneat.

*Qui per faidam hominem occiderit.*

*Ex penitentiali Cap. XIV.*

XXIII. Qui [n] pro vindicta fratris, aut aliorum parentum, occiderit hominem, annum unum pœniteat, & sequentibus duobus tres quadragesimas, obser-

(e) Rhab. Epist. ad Heribald. c. 4. Tomo hoc II. extat pag. 191. Burchard. lib. 6. c. 23.  
(f) Deuteron. 19.

(g) Concil. Wormac. c. 29. Tomo hoc II. pag. 314. Burchard. lib. 6. c. 21. Vide Legem Saxon. c. 11. & Leg. Longobard. lib. 1. tit. 9. c. 5.

(\*) Ex veteri codice MS. Bibliothecæ Regiæ.

(h) Concil. Tribur. c. 36. Tomo hoc II. pag. 403. Burchard. lib. 6. c. 22.

(i) Concil. Tribur. c. 37. Tomo hoc II. pag. 403.

(k) Concil. Tribur. c. 52. Tomo hoc II. pag. 406.

(l) Concil. Tribur. c. 53. Tomo hoc II. pag. 406. Burchard. lib. 6. c. 36.

(m) Concil. Nannet. c. 18. Burchard. lib. 6. c. 16.

(n) Burchard. lib. 6. c. 32.

obseruet ; & legitimas ferias , id est , secundam, quartam, & sextam feriam.

*De eadem re.*

*Ex eodem.*

XXIV. Qui per iram, & rixam, & ebrietatem subito hominem occiderit , quatuor annos pœniteat.

*De eadem re.*

*Ex eodem.*

XXV. Si quis liber, jubente Domino suo, servum occiderit , quadraginta dies pœniteat. Et si quis liber jubente Domino suo hominem innocentem occiderit, annum unum pœniteat , & in duobus aliis annis tres quadragesimas obseruet, & legitimas ferias.

*De his, qui servos suos necant extra iudicem.*

*Ex Concilio Agathensi. Cap. XXXV.*

XXVI. Si (o) quis servum proprium sine conscientia Judicis occiderit, excommunicatione biennii reatum sanguinis emundabit.

*De parricidis & fratricidis.*

*Ex Concilio Moguntiacensi.*

XXVII. Statuimus [p] ut parricidæ, & fratricidæ per unius anni circumlunum ante fores basilicæ, orantes Domini clementiam, perseverent. Completo anni circulo , introducantur in Ecclesiam, tamen inter audientes , usque dum unius anni spatium finiatur, stent. His ita peractis , si pœnitentiæ fructus in eis conspicitur; corporis, & sanguinis Domini participes fiant , ut non obdurent desperatione. Carnem non manducant omnibus diebus vitæ illorum. Jejunent autem usque ad nonam diei horam cotidie , exceptis festis diebus, atque Dominicis. Abstineant autem a vino, medone, atque mellita cervisia tres dies per hebdomadam. Arma portare non audeant , nisi contra paganos. Et ubicunque ire maluerint , nullo vehiculo deducantur , sed pedibus propriis

pergant. Tempus autem hujus pœnitentiæ in Episcoporum ponimus arbitrio ; ut secundum conversationem illorum , aut extendere, vel minuire valeant. Ab uxoribus , si habuerint , non separentur. Si autem non habuerint , & se continere non valuerint ; legitimas accipiant in conjugio feminas ; ne in fornicationis voraginem incidere videantur. Si autem antequam duorum prædictorum annorum finiantur curricula , finis vitæ illorum pervenerit , viaticum illis non negetur.

In excerptis e Burchardo , quæ edita sunt a Stevartio , caput istud refertur ex Epistola Nicolai Papæ ad Karolum Maguntensem Archiepiscopum, ejusque suffraganeos ; cum in decreto Burchardi referatur ex Concilio Triburiensi, in quo non extat, neque etiam in Moguntino , unde laudatur a Reginone. Ultima vero pars istius capituli, nimirum quæ sequuntur post illa verba, extendere vel minuire valeant , non habentur in editionibus Burchardi , tamen etsi extant in excerptis editis a Stevartio. Unde colligi potest auctorem istorum excerptorum usum esse aliquo exemplari Burchardici Decreti, vulgaris editionibus ampliore. Hæc porro ultima pars istius capituli, quam admonuimus non extare in vulgaris Burchardi editionibus, habetur in capite XXX. Concilii Wormatiensis.

*Item de parricidis.*

*Ex alio Concilio Moguntiacensi. Cap. XX.*

XXVIII. Parricidium (q) quam sit detestabile crimen, Judicio factio inter Cain (r) & Abel fratrem suum, Dominus ostendit. Sed quia modernis temporibus parricidæ profugi discurrunt per diversa loca , & variis vitiis , & gulæ inlecebris deferviunt ; melius nobis videtur , ut in uno loco manentes pœnitentia districta semetipsos castigant , si forte Domini bonitate indulgentiam facinoris sui percipere mereantur.

*Quod*

- (o) Concil. Agath. c. 62. Rhab. Epist. ad Heribald. c. 3. Tomo hoc, pag. 194.
- (p) Conc. Wormat. c. 30. Tomo hoc II, pag. 314. Burchard. lib. 6. c. 34.
- (q) Pœnit. Rhab. c. 11. & in Epist. ad Heribald. c. 7. Tomo hoc, pag. 196. Concil. Mogunt. sub Rhab. c. 20. Tomo hoc II, pag. 158. Burchard. lib. 6. c. 35.
- (r) Genes. 14.



*Quod parricidis arma, & conjugium interdicatur.*

XXIX. Non (s) enim eis licebit ultra militiæ cingulum sumere, & conjugijs copulari, quia sacri canones hoc eis non consentiunt.

*De eo, qui hominem publicam pœnitentiam agentem interficit.*

*Ex Capitularium Lib. III. Cap. XVII.*

XXX. Qui (t) hominem publicam pœnitentiam agentem interfecerit, bannum nostrum in triplo componat, & Weregildum proximis ejus persolvat.

*De eo, qui hominem in Ecclesia interficit.*

XXXI. Si (u) quis aut levi causa, aut sine causa hominem in Ecclesia interfecerit, de vita componat. Si vero rixati foris fuerint, & unus alterum in Ecclesiam fugerit, & ibi se defendendo eum interfecerit, & si hujus facti testes non habuerit; cum duodecim testibus juret legitimis, se defendendo eum interfecisse, & post hæc solidos sexcentos ad partem Ecclesiæ, quam illo homicidio polluerat, & insuper bannum nostrum solvere cogatur. Is vero, qui interfectus est, absque compositione jaceat. Ac deinde interfector secundum judicium Canonicum congruam facinori, quod admisit, pœnitentiam accipiat. Si proprius servus hoc commiserit, judicio aquæ ferventis examinetur utrum hoc sponte, aut se defendendo fecisset; & si manus ejus exusta fuerit, interficiatur; si autem non fuerit, Dominus ejus, juxta quod Weregildum illius est, ad Ecclesiam persolvat; aut si voluerit, eum eidem Ecclesiæ tradat. De Ecclesiastico & fiscalino, & beneficiario volumus, ut pro una vice Weregildum pro eo componatur, altera vice servus ad supplicium tradatur. Hæreditas tamen liberi hominis, qui propter tale facinus ad mortem fuerit judicatus, ad legitimos hæredes illius perveniat. Si in atrio Ec-

clesiæ, cujus porta reliquiis Sanctorum consecrata est, hujusmodi homicidium perpetratum fuerit, similiter componatur & emendetur. Si vero non est consecrata, eodem modo componatur sicut componi debet, quod in immunitate violata committitur.

In vetustissimo codice MS. Monasterii Ripullensis, qui continet libros septem Capitularium, post illa verba: *Congruam facinori, quod admisit, pœnitentiam accipiat*, ista statim adduntur: *Id est, XXI. annis, VII. ex his in pane & aqua ad osium Ecclesiæ satisfaciatur, remotus ab oratione, & communitate fidelium? ceteros septem facientur orationi fidelium: Transactos, qui supersunt VII. communionem plenam perfecte subsequatur. Abstinencia ejus Sacerdotali providentia temperetur. Si propius servus, &c.*

*De injuriis Sacerdotum, vel Clericorum.*

*Ex eodem, Cap. XIV.*

XXXII. Sanguinis (x) effusio in Ecclesia facta cum fuisse, si Presbyter fuerit, triplo componatur, duas partes eidem Presbytero, tertia pro fredo ad Ecclesiam, & insuper bannus noster. Similiter de Diacono juxta compositionem ejus in triplo cum banno nostro componatur. De Subdiacono, & de uniuscunque ordinis Clerico secundum suam compositionem in triplo persolvatur, & insuper bannus noster.

*De ictu.*

XXXIII. Similiter [y] & de ictu sine sanguinis effusione de uniuscunque ordinis Clerico in triplo componatur, insuper & bannus noster. Et qui non habet, unde ad Ecclesiam persolvat, tradat se in servitium eidem Ecclesiæ, usque dum totum debitum persolvat.

*Si quis Clericum expoliaverit.*

*Ex Concilio Triburiensi.*

XXXIV. Ut, (z) si qua in ipsos Clericos, vel in Ecclesias perpetrata fuerint, id est, si quis Clericum expoliaverit,

(s) Concil. Mogunt. ibid. Burchard. lib. 6. c. 35.

(t) Lib. 4. Capitular. c. 18. Vide infra c. 190. hujus libri.

(u) Lib. 4. Capitular. c. 13. Lib. 1. Leg. Longob. Tit. 9. c. 29. 30. 35. & seq.

(x) Lib. 4. Capitular. c. 14. Lib. 2. Leg. Longob. Tit. 40. c. 6.

(y) Lib. 1. Capitular. c. 14. Lib. 2. Leg. Longob. Tit. 40. c. 6.

[z] Vide Concil. Tribur. c. 7. Tomo hoc. pag. 392. 393.

verit, aut vulneraverit, vel aliquam injuriam fecerit, decimas Ecclesiæ tulerit, vel retinuerit, si non prius per sæcularem potentiam digne vindicatum fuerit; Episcopus ad suam Synodum illos malefactores vocet, & digne emendet. Si contempserint venire, excommunicentur.

*Si quis Clericum verberaverit.*

*Ex eodem.*

XXXV. Si quis Clericum verberaverit, vel debilitaverit, aut in aliquo læserit; & canonice pœniteat, & ad legem emendet, juxta quod in capitulari scriptum est.

*De eadem re.*

*Ex Concilio Toletano.*

XXXVI. Si quis de (a) potentibus Clericum, aut Religiosum expoliaverit, & Episcopus mandaverit, eum ad se venire, ut audiat, & contempserit; in invicem mox scripta percurrant per omnes provinciæ Episcopos, quoscunque adire potuerint, ut excommunicatus habeatur, donec audiat, & reddat aliena.

*De pugna & homicidio in atrio Ecclesiæ.*

*Ex Concilio Triburiensi.*

XXXVII. Si (b) quis in atrio Ecclesiæ pugnam committit, aut homicidium; quidquid pro immunitate violata emendandum est, Altario solvatur, cujuscunque fuerit Ecclesia.

*De pugna in Ecclesia.*

*Ex eodem.*

XXXVIII. Si quis in Ecclesia Clericum fuste, aut gladio percusserit, ut sanguis exeat, vel de ictu sine effusione sanguinis; juxta quod in Capitulari (c) scriptum est, componatur, id est, in triplo secundum suam compositionem.

*Quod laici de substantia morientium Presbyterorum suorum nullam portionem accipiant.*

*Ex eodem. Cap. II.*

XXXIX. Perlatum est quoque ad sanctam Synodum, quod quidam laici improbe agant contra Presbyteros suos, ita ut de morientium Presbyterorum substantia partes sibi vindicent, sicuti de propriis servis. Interdicimus itaque, ne hoc ulterius fiat; sed sicuti liberi facti sunt ad fuscipiendum gradum, & agendum Divinum officium, ita ab eis nihil exigatur præter Dei officium. De peculiari vero Sacerdotum nihil sibi usurpent; sed duabus partibus faciant Presbyteri, quod eis visum fuerit, tertiam, secundum canonum jussa, quibus serviunt, relinquunt Ecclesiis.

*De compositione Presbyteri, si occisus fuerit.*

*Ex eodem*

XL. Presbyter (e) vulneratus, aut cæsus, si mortem evaserit, tota compositio cedat Presbytero. Si vero mortuus fuerit, compositio in tres dividatur portiones; id est, Altari, cui Presbyter deserviebat, pars una, altera Episcopo, tertia Parentibus Presbyteri solvatur.

*De eadem re.*

*Ex Capitularium Lib. II. cap. XLIX.*

XLI. Presbyteri (f) interfecdi compositio, Episcopo, ad cujus Parrœchiam pertinent, solvantur secundum Capitulare gloriosi Karoli Genitoris nostri, ita videlicet, ut medietatem Wirigildi ejus Episcopus utilitatibus Ecclesiæ, cui præfuit, tribuat, & alteram medietatem in elemosyna ejus juste disperiat: quia nullus nobis ejus hæres proximior videtur, quam ille, qui ipsum Domino sociavit.

V v v

De

(a) Concil. Tolet. I. c. II.

(b) Concil. Tribur. c. 4. 6. Tomo hoc pag. 393. & seqq. Burchard. lib. 3. c. 195.

(c) Vide supra c. 32.

(e) Concil. Tribur. c. 4.

(f) Lib. 4. Capitular. c. 15. Burchard. lib. 6. c. 11. Vide notam corrector. Rom. ad c. Omnes Presbyteri 17. q. 4.

Tomus II. Concilior. German.



*De eo, qui Sacerdotem occiderit.**Ex Concilio Wormaciensi.*

XLII. Qui (g) Sacerdotem voluntarie occiderit, carnem non comedat, & vinum non bibat cunctis diebus vitæ suæ; jejundet usque ad vesperam, exceptis diebus festis, atque Dominicis; arma non sumat, equum non ascendat, Ecclesiam (b) per quinquennium non ingrediatur, sed ante fores Ecclesiæ stet; post quinquennium Ecclesiam ingrediatur; nondum vero communicet, sed inter audientes stet, vel sedeat. Cum autem fuerit duodecimi anni cursus finitus, communicandi ei licentia concedatur, & equitandi tribuatur remissio. Maneat autem in reliquis observationibus tres dies per hebdomadam, ut perfectius purificari mereatur.

*De eadem re.**Ex Concilio Moguntiacensi. cap. xxiv.*

XLIII. Qui (i) Presbyterum occiderit, duodecim annorum ei pœnitentia secundum canones imponatur; aut si negaverit, si liber est; cum duodecim juret: si autem servus, super duodecim vomeres ferventes se purget. Convictus noxæ, usque ad ultimum vitæ tempus militiæ cingulum deponat, & uxorem amittat.

*De eo, qui Presbyterum degradatum occiderit.**Ex eodem Concilio.*

XLIV. Nuntiatum (k) est nobis, quod aliqui, qui olim dixerunt se fuisse Sacerdotes, & postea degradati pro suis peccatis, pœnitentiam agendo suffragia Sanctorum, per diversa loca transeuntes, quaesierunt, trucidati sunt. Hujuscemodi interfectores omnem Ecclesiasticam denegamus communionem, donec dignam pœnitentiam pro reatu suo secundum judicium Episcoporum exsolvant.

*De homicidiis Clericorum.**Ex Capitularium Lib. III. cap. xxv.*

XLV. Qui Subdiaconum occiderit,

CCC. solidos componat, Qui Diaconum, CCCC. Qui Presbyterum, DC. Qui Episcopum, DCCCC. Qui Monachum, CCCC. solidos componat.

*Si aliquis ordinatus homicidium fecerit.**Ex Penitentiali.*

XLVI. Si (l) quis Episcopus, aut aliquis ordinatus homicidium fecerit; decem annos pœniteat, tres ex his in pane & aqua.

*Si quis consenserit, vel consiliatus fuerit, ut homo interficiatur.**Ex eodem.*

XLVII. Si quis (m) ad homicidium faciendum consenserit, & consilium dederit, & factum fuerit; septem annos pœniteat. Si vero non fuerit factum, tres annos pœniteat.

*Si quis consanguineum suum occiderit, aut seniozem.**Ex eodem.*

XLVIII. Si quis proximum & consanguineum suum occiderit, decem annos pœniteat. Similiter si quis Seniozem & Dominum suum dolo trucidaverit.

*Ex dictis Ferrandi Diaconi.*

XLIX. Periculose (n) se decipiunt, qui existimant, eos tantum homicidas esse, qui manibus hominem occidunt: & non potius eos, per quorum consilium, & fraudem, & exhortationem homines extinguuntur. Nam Judæi Dominum nequaquam propriis manibus interfecerunt, sicut scriptum est: *Nobis (o) non licet interficere quemquam*; sed tamen illis Domini mors imputatur, quia ipsi eum lingua crucifixerunt dicentes: *Crucifige eum*. Unde unus Evangelista dicit, (p) Dominum crucifixum *hora tertia, alius sexta*; quia Judæi crucifixerunt eum (q) *hora tertia* lingua, milites *hora sexta* manibus. Qui ergo hominem tradit, ille eum interficit, Domi-

(g) Concil. Wormac. c. 26. Tomo hoc pag. 314. Burchard. lib. 6. c. 8.

(b) Vide Morin. lib. 7. de Pœnitentia, c. 7. §. 8. 9.

(i) Conc. Mogunt. sub Rhabano c. 24. Tomo hoc pag. 159. Burchard. lib. 6. c. 7.

(k) Conc. Mogunt. sub Rhabano c. 25. Tomo hoc pag. 159. Burchard. lib. 6. c. 9.

(l) Halitgar. lib. 6. c. 1.

(m) Halitgar. ibid.

(n) Burchard. lib. 6. c. 31. & apud Gratian. Dist. 1. de Pœnit. c. 23.

(o) Joann. 18.

(p) Marc. 15.

(q) Luc. 23.

Domino dicente : *Majus* (r) *peccatum habet, qui me tradidit tibi.* Unde Psalmista : *Fili* (s) *hominum, dentes eorum arma & sagitta, & lingua eorum gladius acutus.* Subjiciant ergo se pœnitentiæ, quorum consilio sanguis funditur, si veniam promereri volunt.

*De his, qui pro nibilo ducunt homicidium in bello perpetratum.*

Ex (t) *Epistola Rhabani ad Heribaldum Episcopum Autissiodorensium de prælio ad Fontaniacum gesto.*

L. Quod [u] autem quidam homicidium, quod nuper in seditione & prælio Principum nostrorum perpetratum est, excusant, quasi non necessarium sit, pro hoc cuilibet agere pœnitentiam, eo quod jussu Principum peractum sit. Et *Dei* *Judicio* ita finitum. Scimus enim, quod Dei Judicium semper justum est, & nulla reprehensione dignum. Sed tamen oportet eos considerare, qui hanc necem nefariam defendere cupiunt, utrum illos, quasi coram oculis Dei innoxios excusare possint, qui propter avaritiam, quæ omnium malorum radix est, & idolorum servituti comparatur, atque propter favorem Dominorum suorum temporalium, æternum Dominum contempserunt, & mandata illius spernentes, non casu, sed per industriam, homicidium fecerunt. Unde in Exodo scriptum est : *Si* [x] *quis de industria, & per insidias occiderit proximum, ab altario meo evelles eum, ut moriatur.* Et in Deuteronomio : *Si* *quis* [y] *odio habens proximum suum, insidiatus fuerit vitæ ejus, & surgens percusserit eum, & mortuus fuerit, & sugerit ad unam de supradictis urbibus, mittent seniores civitatis illius, & rapiant eum de loco refugii, & tradent eum in manus proximi ejus, cujus sanguis effusus est, & moriatur. Nec misereberis ejus.* Illum itaque, quem Dominus dignum morte esse judicavit, quis dicat reum non esse ? Quomodo contrarius legi non existit, qui hoc, quod Deus præcepit, cassum esse contendit ? Sed inter hæc sciendum est, quod magna distantia est

V v v 2

inter legitimum Principem, & seditiosum Tyrannum.

*De eadem re.*

*Ex pœnitentiali.*

LI. Si quis hominem in bello publico occiderit, quadraginta dies pœniteat.

*De Clerico, qui proximum suum occidit.*

*Ex eodem.*

LII. Si Clericus homicidium fecerit, & proximum suum occiderit odii meditatione ; exul septem annis pœniteat.

*De parricidis.*

*Ex pœnitentiali.*

LIII. Si quis hoc crimen perpetraverit ; quidam judicaverunt, ut septem annis pœniteat, vel quatuordecim pœnitentiam egisset ; quidam usque ad finem vitæ, sicut Cain, qui similia perpetraverit.

*Ex eodem.*

LIV. Qui hominem debilitaverit, & deformem fecerit ; impenās in medicos tribuat, & maculæ pretium, & opus ejus, donec sanetur, restituat, & dimidium annum pœniteat. Si vero non habet, unde hoc restituat, annum unum pœniteat.

*De truncationibus membrorum.*

*Ex Concilio Moguntiacensi. Cap. V.*

LV. His, (z) a quibus Domini Sacramenta tractantur, judicium sanguinis agitare non licet. Et ideo magno opere talis excessus prohibendus est ; ne indiscretæ præsumptionis motibus agitati, aut, quod morte plectendum est, sententia propria judicare præsumant : aut truncationes quibuslibet personis, aut per se inferant, aut inferenda præcipiant. Quod si quisquam horum immemor præceptorum, aut in Ecclesiæ suæ familiis, aut in quibuslibet personis tale aliquid fecerit, & concessi ordinis honore prive-

tur

(r) Joann. 16.

(t) Cap. 4. Vide hoc Tomo p. 194.

[x] Exod. 21.

(z) Concil. Tolet. II. c. 6. Burchard, lib. I. c. 201. Vide Pœnitentiale Rhabani, c. 30. apud Ant. Augustinum.

(s) Psal. 56.

(u) Burchard, lib. 6. c. 23.

[y] Deuter. 19.



tur & loco, sub perpetuæ damnationis religatus ergastulo: cui tamen communicatio exeunti ex hac vita non neganda est propter Domini misericordiam.

*Quæ debeat discretio Ecclesiarum Rectoribus esse, ne per inconditam disciplinam subeant homicidii notam.*

LVI. Cum juxta (a) antiquæ institutionis edictum plus erga corrigendos agere debeat benevolentia, quam severitas; plus cohortatio, quam commotio; plus caritas, quam potestas adhiberi debet.

*De parricidio.*

*Ex lege Theodosiana. Lib. IX.*

LVII. Si (b) quis patrem, matrem, fratrem, sororem, filios, filias, vel alios propinquos occiderit; remoto aliorum genere tormentorum, facto de coriis sacco, qui culleus nominatur, in quo cum missus fuerit, cum ipso etiam serpentes claudantur; & si mare vicinum non fuerit, in quolibet gurgite projiciatur, tali poena damnatus nullo unquam tempore obtineat sepulturam.

*De Domina, quæ ancillam occidit.*

*Ex Concilio Elibertino.*

LVIII. Si qua (c) Domina furore zeli inflammata ancillam occiderit, ita ut intra tertium diem animam cum cruciatu emittat: eo quod incertum sit, voluntarie, an casu occiderit; si voluntarie, post septem annos, si casu, post quinque annorum tempora, acta legitima poenitentia, ad communionem admitti placuit.

*Si servus occiditur a Domino, dum verberibus castigatur.*

*Ex lege Theodosiana.*

LIX. Si [d] servus, dum culpam Dominus vindicat, mortuus fuerit, Dominus culpa homicidii non tenetur: quia tunc homicidii reus est, si occidere vo-

luisse convincitur. Nam emendatio non vocatur ad crimen.

*De oppressione infantum.*

*Ex Concilio Mogontiensi.*

LX. Si quis [e] infantem suum incaute oppresserit, aut vestimentorum pondere suffocaverit, & hoc post baptismum factum fuerit; quadraginta dies poeniteat in pane & aqua, oleribus atque leguminibus, & a conjugio se abtineat. Postea tres annos poeniteat per legitimas ferias, & tres in anno quadragesimas observet. Quod si ante baptismum infans oppressus fuerit; proximos quadraginta dies, ut supra poeniteat. Postea vero quinquennium expleat.

*Si per negligentiam matris infans moritur non baptizatus.*

*Ex Epistola Rhabani ad Reginbaldum Chorepiscopum.*

LXI. De (f) infantibus autem, qui mortui inveniuntur cum patre & matre, & non apparet, utrum a patre, aut matre occisus sit ipse infans vel suffocatus, an propria morte defunctus: non debent inde securi esse, nec sine poenitentia ipsi parentes; sed tamen in eis consideratio debet esse pietatis, ubi non voluntas, sed eventus mortis causa fuit. Si autem eos non latet, ipsos ejus esse interfectores, scire debent, graviter se deliquisse. Quod (f) in Ancyrano Concilio comprobatur. Quidam autem trium annorum poenitentiam hujusmodi hominis judicant esse debere, quorum ex his unum exigit in pane & aqua, atque se ab omni luxuria tempore poenitentiae suæ custodiat.

*De femina, cujus filius per negligentiam obierit, non baptizatus*

*Ex penitentiali. Cap. XVII.*

LXII. Pariens femina, cujus filius per negligentiam non baptizatus obierit, annum (g) unum poeniteat, & nunquam sit sine aliqua poenitentia. Si autem

tem

(a) Additio IV. Capitular. c. 6.

(b) Interpretat. I. i. Cod. Theo. Ios. de Parricidio.

(c) Concil. Elibert. c. 5. Tomo hoc II. pag. 158. Halitgar. lib. 4. c. 5. Burchard. lib. 6. c. 19.

(d) Interpretat. I. i. cod. Theodof. De emendat. Servor.

(e) Burchard. lib. 17. c. 58. Concil. Tribur. hoc Tomo pag. 403.

(f) Burchard. lib. 17. c. 59. Concil. Ancy. c. 20. Tomo hoc II. pag. 215.

(g) Vide supra Lib. I. c. 128. & seqq.

tem per negligentiam Sacerdotis. Requie in primo libello. Cap. CXXIX.

*De mulieribus, qui partus suos necant.*

*Ex Concilio Ancyrano.*

LXIII. De [ *b* ] mulieribus, quæ fornicantur, & partus suos necant, vel quæ agunt secum, ut utero conceptos excutiant, antiqua quidem diffinitio, usque ad exitum vitæ eas ab Ecclesia remouet; humanius autem nunc diffinimus, ut eis decem annorum tempus secundum præfixos gradus penitentia largiatur.

*De eadem re.*

*Ex Concilio Hilderdensi.*

LXIV. Hi ( *i* ) vero, qui male conceptos ex adulterio factos, vel editos necare studuerint, vel in ventribus matrum potionibus aliquibus colliserint, in utroque sexu adulteris, id est, patri vel matri post septem annorum curricula communio tribuatur: ita tamen ut omni tempore vitæ suæ fletibus, & humilitati insistant.

*De eadem re.*

*Ex Concilio Heliberitano.*

LXV. Si qua [ *k* ] mulier, absente marito, per adulterium conceperit, idque post facinus occiderit; placuit vix in fine ei dandam communionem, eo quod genuinaverit scelus.

*Si qua mulier partum suum excusserit.*

*Ex Penitentiali.*

LXVI. Si qua mulier partum suum ante quadraginta dies in utero sponte perdidit, annum unum peniteat. Si vero post quadraginta dies eum occiderit, tres annos peniteat. Si vero postquam animatus fuerit, eum perdidit, quasi homicida peniteat. Sed distat multum utrum paupercula pro difficultate nutriendi, aut fornicaria causa sit, & pro sui sceleris celandi faciat causa.

V v v 3

*De*

*Si qua mulier filium, vel filiam occiderit.*

*Ex eodem.*

LXVII. Mulier, si voluntarie occiderit filium suum, aut filiam suam, pro homicidio decem annos peniteat.

*De eadem re.*

*Ex Concilio Rotomagensi.*

LXVIII. Sunt ( *l* ) quædam mulieres, ut ad notitiam Sancti Concilii pervenit, quæ ex fornicatione concipientes, metuentes, ne scelus, quod occulte perpetrarunt, manifestum fieret, infantes, quos pepererunt, occiderunt, & terræ congerie cooperuerunt, aut in aquas projecerunt. Quod quantum nefas sit, Canones Ancyran, Elibertani, atque Hilderdensis Concilii testes sunt. His itaque vix in fine dandam esse communionem decernunt. Sed humanius tractantes post decennem penitentiam tales placuit ad communionem recipi.

*Ut ante januam Ecclesiæ adulteri infantes exponantur.*

*Ex eodem.*

LXIX. Igitur, quia diabolo suadente, & carnis fragilitate delectante, & ideo consentiente, multotiens talia perpetrantur; ideo ex una mortifera potione aliam utcumque mederi cupientes, ne geminetur scelus adulterii & homicidii, damus, consilium, ut unusquisque Sacerdos ( *m* ) in sua plebe publice adnuntiet, ut si aliqua femina clanculo corrupta conceperit, & pepererit; nequaquam diabolo cohortante filiam, aut filiam suam interficiat: sed quocumque prævalet ingenio, ante januas Ecclesiæ partum deportari faciat, ibique projici; ut coram Sacerdote in crastinum delatus, ab aliquo fidei suscipiatur & nutriatur, & tali ex causa homicidii reatum, & quod majus est, parricidii evadat. Nam qui filium, aut filiam interficit, parricida omnimodis teneatur.

( *b* ) Concil. Ancyran. c. 20. Tomo I. nostro pag. 148. Halirgar. lib. 4. c. 3. Rhab. Epist. ad Heribald. c. 8. Tomo hoc II. pag. 196. Burchard. lib. 17. c. 54.

( *i* ) Concil. Hild. c. 2. Rhab. Epist. ad Heribald. c. 9. Tomo hoc pag. 196. Burchard. lib. 17. c. 52.

( *k* ) Concil. Elibertan. c. 63. Rhab. Epist. ad Heribald. c. 8. Tomo hoc pag. 196. Burchard. lib. 17. c. 51.

( *l* ) Burchard. lib. 17. c. 53. Ivo part. 10. c. 103.

( *m* ) Burchard. lib. 13. c. 200.



*De eadem re.**Ex Lege Theodosiana. Lib. V. Cap. VII.*

LXX. Quicumque (n) expositum recenti partu, sciente patre, vel matre, vel domino collegerit, & suo labore educaverit; in illius, a quo collectus est, potestate consistat, seu ingenuum, seu servum, quem nutritiv, esse voluerit.

*De eadem re.**Ex eodem.*

LXXI. Qui (o) expositum puerum, vel puellam sciente Domino, vel Patrono misericordiae causa collegerit, in ejus dominio permanebit; si tamen contestationi de collectione ejus Episcopus, vel Clerici subscripserunt; quem postea sum dicere quis non poterit, quem projecisse probatur ad mortem?

*De eadem re.**Ex eodem.*

LXXII. Si (p) quis infantem a sanguine nutrierit, habendi eum, & possidendi habeat potestatem. Sane si nutritum Dominus, vel Pater recipere voluerit, aut ejusdem meriti mancipium nutritori debet donare, aut pretium nutritor, quantum voluerit, qui nutritus est, consequatur. *Vide Lib. 4. Leg. Wisigothor. tit. 4. cap. 1.*

*De homicidiis.**Ex Concilio Turonensi.*

LXXIII. Homicidis [q] penitus non communicandum, donec per confessionem poenitentiae ipsorum crimina diluantur.

*De his, qui uxores occidunt.**Ex Concilio Mogontiacensi.*

LXXIV. Si (r) maritus uxorem, aut uxor maritum interfecerit, æquum judicium sit super eos dicente Domino: Non (s) consideres personam pauperis, nec honores vultum potentis. Et post pauca: Ita, (t) inquit, parvum audietis, ut mag-

num, nec accipietis cujusquam personam, quia Dei judicium est. Idcirco uterque eorum in hujuscemodi criminis accusatione, si negaverit, pari judicio examinetur.

*De eadem re.**Ex Capitularium Lib. III. cap. LXXXIX.*

LXXV. Ut (u) homicidia infra patriam, sicut in lege Domini interdictum est, nec causa ultionis, nec avaritiæ, nec latrocinandi fiant. Et ubicunque inventi fuerint, a iudicibus nostris secundum legem ex nostro mandato vindicentur. Et non occidatur homo, nisi lege jubente.

*De eadem re.**Ex eodem.*

LXXVI. Quicumque (x) propria uxore derelicta, vel absque lege sine causa & certa probatione interfecta, aliam duxerit uxorem, armis depositis, publicam agat poenitentiam; & si contumax fuerit, comprehendatur a comite, & ferro vinciatur, & in custodiam mittatur, donec res ad nostram noticiam deducatur. *Vide Hincmar. Tom. I. pag. 590.*

*De pugna duorum, quod nostri campum appellant, quod pro impunito adulterio solet exerceri.*

*Ex Epistola Nicolai Papæ, ad Karolum Regem.*

LXXVII. Monomachiam (y) vero in lege non assumimus, quam præceptam fuisse non reperimus: quam licet inuisse quosdam legerimus, sicut sanctum David, & Goliath sacra prodit historia; nusquam tamen ut pro lege teneatur, alicubi Divina sancit auctoritas, cum hoc & hujuscemodi sectantes Deum solummodo tentare videantur.

*De eadem re.**Ex eadem Epistola.*

LXXVIII. Verum, (z) sicut multorum

[n] Interpretat. I. 1. cod. Theodof. De Expositis.

[o] Interpretat. I. 2. cod. Theodof. tit. eod.

[p] L. un. cod. Theodof. De his, qui sanguinol.

[q] Concil. Turon. I. c. 7. Burchard. lib. 6. c. 30.

[r] Burchard. lib. 6. c. 38.

[s] Deuter. 1.

[t] Levit. 19.

[u] Lib. 1. Capitular. c. 67.

[x] Lib. 5. Capitular. c. 149. Lib. 2. Leg. Longob. tit. 13. c. 5. Burchard. lib. 6. c. 37.

[y] Nicol. I. Epist. 50. Tomo hoc pag. 326. Burchard. lib. 9. c. 51.

[z] Vide pag. 324. & seqq. hujus Tomi II. Burchard. lib. 9. c. 50.

torum relatu didicimus, Lotharius Rex convenum celebrare disponit, & Thetbergam Reginam examini proprio & iudicio subicere meditatur, & si quidem eam præstigiis falsitatis suæ potuerit exhibere, quasi non fuerit legitima sua uxor; vult eam penitus a se sequestrare. Sin autem, vult eam tanquam propriam uxorem admittere, sed deinde quasi mœchata fuerit, insimulare, atque (\*) per hoc hominem suum, & hominem Thierbergæ ad monomachiam impellere, & si homo ipsius Reginæ ceciderit, disponit hanc sine dilatione perimere. Quæ quantum sint omni Divinæ legi contraria, magnitudo prudentiæ vestræ, credimus, jam advertit.

*De parricidiis.*

*Ex Capitul.*

LXXIX. Quicumque (a) propter cupiditatem rerum patrem, aut matrem, aut fratrem, aut sororem, vel nepotem, aut alium propinquum suum interfecerit, hæreditas interfecti ad legitimos hæredes perveniat. Interfectoris vero hæreditas in fiscum redigatur. Ipse vero ordinante Episcopo publicæ pœnitentiæ subdatur.

*De his, qui ferro vinciuntur.*

*Ex eodem.*

LXXX. Ut [b]. mangones & cotiones, qui sine omni lege vagabundi vadunt per istam terram, non sinantur vagari ad deceptiones hominum: nec isti ferro colligati atque conficti, qui dicunt sibi injectum esse a Sacerdote, ut vagi & profugi per patrias ambulent. Melius nobis videtur, ut uno in loco permaneant laborantes, & fervientes, patientiam habentes; secundum quod canonice impositum fuerit.

Caput istud non extat in libro primo Capitularium in vetustissimis codicibus manuscriptis, non in Regio, ex quo prima Parisiensis editio prodit, non in Rivipullensi, non demum in Colbertino. Utrobique autem extat in appendice prima libri quarti cap. XXXIV. Editio porro vulgata istius capitis, quam etiam præferunt

vetusti codices, multum diversa est ab ea, quam refert Regino. Illud sane admonendum, pro eo, quod Regino habet, & patientiam habentes, in libris capitularium scriptum esse, & pœnitentiam agentes.

*De fœdis coercendis.*

LXXXI. Si (c) quis aliqua necessitate cogente homicidium commisit, comes, in cuius ministerio res est perpetrata, & compositionem facere, & fœdam per Sacramentum pacificare faciat. Quod si una pars ei ad hoc consentire noluerit, id est; aut ille, qui homicidium fecit, aut is, qui compositionem suscipere debet, faciat illum, qui ei contradicit, ad præsentiam nostram venire: ut eum secundum tempus, quod nobis placuerit, in exilium mittamus, donec ibi castigetur, ut comiti suo inobediens ulterius esse non audeat, & majus damnum non accrescat.

*De femina, quæ virum per maleficio interficit.*

*Ex pœnitentiali. cap. XV.*

LXXXII. Mulier, si aliquos interemit arte malefica, id est, per poculum, aut per aliquam artem; septem annis pœniteat. Si paupercula fuerit, quatuor annis pœniteat.

*De eadem re.*

*Ex Concilio Helibertenſi.*

LXXXIII. Si (d) quis vèro maleficio interficiat alterum, eo quod sine idololatria perficere scelus non potuit, nec in finem percipiendam illi esse communionem.

*Unde supra.*

LXXXIV. Si quis (e) maleficio suo aliquem perdiderit, septem annis pœniteat, & eleemosynas multas faciat.

*De eadem re.*

LXXXV. Si [f] mulier maritum suum causa fornicationis veneno interficit, aut quacunque arte perimere facit; quia Dominum & seniore suum occidit; decem annis pœniteat.

*De*

(\*) Edit. Helmæstad. pro.

(a) Addit. IV. c. 85. Lib. I. Leg. Longob. tit. 10. c. 4.

(b) Lib. I. Capitular. c. 79.

(c) Lib. 4. Capitular. c. 27. Lib. I. Leg. Longob. tit. 9. c. 34.

(d) Concil. Eliber. c. 6. Burchard. lib. 6. c. 26.

(e) Haligar. lib. 6. c. 5.

(f) Burchard. lib. 6. c. 39.



*De his, qui hominem suadent interfici.*

*Ex Lege Romana. Pauli sententiarum Lib. V. Cap. XXV.*

LXXXVI. Mandatores [g] cordis, id est, qui homines præcipiunt, vel suadent interficere, perinde, ut homicidæ, puniantur.

*De eadem re.*

LXXXVII. Qui (b) vero aliquem interficit hominem, aliquando absolvitur, & qui non occidit, ut homicida tenetur vel damnatur. Consilium enim uniuscujusque; non factum puniendum est. Ideoque qui cum vellet occidere, id casu aliquo perpetrare non potuit, ut homicida puniatur. Et is, qui casu jactu teli hominem imprudenter occidit, absolvitur.

*De eo, qui hominem castraverit.*

*Ex eadem.*

LXXXVIII. Qui hominem (i) libidinis, aut negotiationis causa castraverit, castrandumque tradiderit, sive servus, sive liber sit, capite puniatur.

*Unde supra.*

LXXXIX. Si (k) aliquis causa explendæ libidinis, vel odii meditatione, ut non ex eo soboles nascatur, homini aut mulieri aliquid fecerit, vel ad potandum dederit, ut non possit generare aut concipere, ut homicida teneatur.

Hoc torum idcirco ex lege Romana posuimus, ut Sacerdos ex lege perpendat modum penitentiae in talibus transgressionibus. Canonica enim auctoritas cum lege Romana ex maxima parte concordat.

*De his, qui circumciduntur.*

*Ex eadem lege. Cap. XXIV.*

XC. Cives [l] Romani, qui se Judaico ritu, vel servos suos circumcidi patiuntur, bonis ademptis in insulam deportentur, medici capite puniantur.

*Si Judæus servum alienæ nationis circumciderit.*

*Ex eadem.*

XCI. Judæi [m] si alienæ nationis comparatos servos circumciderint; aut exilio deportentur, aut capite puniantur.

*De his, qui semetipsos interficiunt.*

*Ex Concilio Bracarensi cap. XV.*

XCII. Placuit, (n) ut hi, qui sibi ipsis, aut per ferrum, aut per venenum, aut per præcipitium, aut suspendium, vel quolibet modo inferunt mortem, nulla pro illis in oblatione commemoratio fiat, neque cum Psalmis ad sepulturam eorum cadavera deducantur. Multi enim sibi hoc per ignorantiam usurparunt. Similiter & de his placuit fieri, qui pro sceleribus puniuntur.

*De his, qui in patibulo suspenduntur.*

*Ex Concilio Moguntiacensi.*

XCIII. Quæsitum [o] est ab aliquibus fratribus de his, qui in patibulis suspenduntur pro suis sceleribus post confessionem Deo peractam; utrum cadavera illorum ad Ecclesias deferenda sint, & oblationes pro eis offerendæ, & Missæ celebrandæ, an non. Quibus respondemus: Si omnibus de peccatis suis puram confessionem agentibus, & digne penitentibus communio in fine secundum canonum jussu danda est, cur non eis, qui pro peccatis suis extremam penam persolvunt? Scriptum est enim: *Non judicat Dominus bis in idipsum.*

*De furibus & latronibus deprehensis.*

*Ex Concilio Triburiensi.*

XCIV. Fures (p) & latrones, si in furando & prædando occidantur, visum est, pro eis non orandum: si comprehensi

(g) Pauli Sent. Lib. 5. c. 23.

(i) Ibid.

(k) Pauli Sent. Lib. 5. c. 22.

(l) Concil. Bracar. 1. c. 16. Halitgar, lib. 4. c. 6. Burchard, lib. 19. c. 130. Vide Lib. 6. Capitular. c. 10. & Lib. 7. c. 344.

(m) Concil. Mogunt. sub Rhod. c. 27. Tomo hoc pag. 159. Burchard, lib. 11. c. 76.

(n) Concil. Tribur. c. 31. Tomo hoc pag. 400. 401. Burchard, lib. 11. c. 59. & apud Grat. 13. q. 2. c. 31.

(b) Ibid.

(k) Burchard. lib. 17. c. 57.

(m) Ibid.

prehenſi aut vulnerati , Presbytero, vel Diacono confefſi fuerint , communio- nem eis non negamus.

*Qui propter cupiditatem Judæum, vel paganum occiderit.*

*Ex Concilio Moguntiacenſi.*

XCv. Qui (q) odii meditatione , vel propter cupiditatem , Judæum vel paganum occiderit ; quia non leve vi- tium committitur , ut homicidam con- venit pœnitere ; quandoquidem nec ex- teris gentibus , niſi oblatam pacem reſ- puerint , bellum eſt populo antiquo penitus inferre præceptum.

*Si quis inſaniens hominem oc- ciderit.*

*Ex eodem.*

XCvi. Si quis (r) inſaniens aliquem occiderit , ſi ad ſanam mentem perve- nerit , levior ei pœnitentia imponenda eſt , quam ei , qui ſana mente tale quid commiſerit. Cui quamvis pœnitentia ſit imponenda, quia ipſa infirmitas cauſa peccati, licet fortaliſ occulta, contigiffe creditur ; tanto tamen ſit levior , quam ei , qui ſanus aliquem occiderit ; quan- tum inter ſanum & inſanum, inrationabi- le a rationabili conſtat eſſe diſcriminis.

*Si plures unum hominem oc- ciderint.*

*Ex Concilio Moguntiacenſi.*

XCvii. Si (s) quatuor , aut quin- que homines , ſeu etiam plures contra unum hominem rixati fuerint , & ab his vulneratus mortuus fuerit ; quicumque eorum plagam impoſuit , ſecundum ſta- tuta canonum, ut homicida, judicetur.

Hoc caput Regino laudat ex Concilio Mo- gutiacenſi : Burchardus , & verus canonum collector MS. in Biblio- theca Regia ex Concilio apud Wer- merias cap. XCIX. utrobique autem amplior habetur , quam apud Re- gionem.

*De eo, cui imputatur homicidium, & probari non poteſt.*

*Ex eodem.*

XCviii. Ubi (t) manifeſtari poteſt, quemlibet hominem perpetraviſſe homici- dium , ſecundum canonicam auctorita- tem condignum pœnitentiæ iudicium il- li ingeratur. Si autem manifeſtis indi- ciis non poteſt probari, eum homicidam eſſe , nec ipſe vult confiteri ; omnipo- tentis Dei iudicio, cui omnia occulta manifeſta ſunt , reſervetur. Et tamen indicetur , quod communionem Eccleſia- ſtica indignus ſit , donec perpetratum crimen confeſteatur, & per confeſſionem & pœnitentiam condignam ab hoc cri- mine ſe abſolvere certet.

*Abhinc de adulteriis & fornicationibus.*

*Ex Concilio Ancyrano.*

CXIX. Si (u) cujus uxor adultera- ta fuerit , vel ſi ipſe adulterium commi- ſerit , ſeptem annorum pœnitentia opor- tet eum perfectionem confequi ſecun- dum priſtinos gradus.

*De eo, qui uxorem habens, concu- binam tenet.*

*Ex Concilio Toletano.*

C. De (x) eo , qui uxorem ha-

X x x

bens, ſi concubinam habuerit , ut non communicet. Cæterum is , qui non ha- bet uxorem, & pro uxore concubinam habet , a communionem non repellatur, tantum ut unius mulieris , aut uxoris , aut concubinæ, ut ei placuerit, ſit con- junctione contentus. Alias vero vivens abjiciatur , donec deſinat , & ad pœ- nitentiam revertatur.

De

(q) Concil. Wormac. c. 27. Tomo hoc pag. 314. Burchard. lib. 6. c. 33.

(r) Concil. Wormac. c. 28. Tomo hoc pag. 314. Burchard. lib. 6. c. 25. & apud Gratian. 15. q. 1. c. 12.

(s) Burchard. lib. 6. c. 42.

(t) Burchard. lib. 6. c. 24.

(u) Concil. Ancyran. c. 19. Tomo I. noſtro p. 148. Halitgar. lib. 4. c. 9. Concil. Wormac. c. 44.

(x) Concil. Toletan. 1. c. 17.

Tomus II. Concil. German.



*De repudio.**Ex Epistola Innocentii Papæ.*

CI. De (y) his etiam requisivit dilectio tua, qui interveniente repudio aliis se matrimonio copulaverunt; quos in utraque parte adulteros esse manifestum est. Qui vero vel uxore vivente, quamvis dissociatum esse videatur conjugium, ad aliam copulam festinarunt, neque possunt adulteri non videri, in tantum, ut hæ etiam personæ, quibus tales conjuncti sunt, etiam ipsæ adulterium commisisse videantur, secundum illud, quod legimus in Evangelio: *Qui dimiserit uxorem suam, & duxerit aliam, mæchatur*: Et ideo omnes a communione fidelium abstinendos.

*De feminis, qui relinquunt viros suos.**Ex Concilio Eliberitano.*

CII. Item (z) feminæ, quæ nulla præcedente causa reliquerunt viros suos, & alteri se copulaverunt, nec in finem accipiant communionem.

*De adultero marito.**Unde supra.*

CIII. Item (a) femina fidelis, quæ adulterum maritum reliquerit fidelem, & adulterum ducit, prohibeatur, ne ducat. Si autem duxerit, non prius accipiat communionem, quam is, quem reliquit, de sæculo exierit, nisi forte necessitas infirmitatis dare compulerit.

Canon est Eliberitani Concilii, relatus ab omnibus Decretorum Collectoribus, Reginone, Burchardo, Ivone, Gratiano. Omnino autem prævaluisse videtur lectio, quæ bona non est; Nam heic apud Reginonem, tum etiam apud Burchardum, & Ivonem parte 8. c. 199. legitur: *& adulterum ducit*. Contra in omnibus editionibus Canonum Eliberitanorum, apud Rhabanum in capite tertio Libri Pœnitentialis ad Orgarium, denique in vetustissimo codice MS. Reginonis, quo nos utimur in hac nostra editione, in veteri denique canonum col-

lectione MS., quæ extat in Bibliotheca Regia, diserte scriptum est: *& alterum ducit*. Quam lectionem confirmat idem Rhabanus in Epistola ad Heribaldum cap. 21. ubi pro his vocibus habet: *& alii nubit*. Apud Gratianum vero legitur in antiquis editionibus: *& alterum maritum duxerit*. Nos itaque vitiatam lectionem prætulimus sinceræ, ut intactos servaremus fontes, ex quibus Burchardus suos rivulos derivavit. *Not. Baluz.*

*De discidio.**Ex Concilio Africano.*

CIV. Placuit, (b) ut secundum Evangelicam, & Apostolicam disciplinam neque dimissus ab uxore, neque dimissa a marito, alteri conjungantur, sed ita maneant, aut sibi reconcilientur. Quod si contempserint, ad poenitentiam redigantur. In qua causa legem imperialem petendam promulgari.

*De eadem re.**Ex dictis Augustini de sermone Domini in monte.*

CV. Apostolus Paulus dicit: *Hic, (c) qui sunt in conjugio, præcipio, non ego, sed Dominus, uxorem a viro non discedere: quod si discesserit, manere inmutam, aut viro suo reconciliari*. Potest (d) enim fieri, ut discedat ea causa, qua Dominus permittit; aut si feminæ licet, virum dimittere, etiam præter causam fornicationis, quid respondebimus de hoc, quod dicit posterius, *& vir uxorem non dimittat*. Quare non addidit, *excepta causa fornicationis*, quod Dominus permittit: nisi, quia similem formam vult intelligere, ut si dimiserit, quod causa fornicationis permittitur, maneat sine uxore, aut reconcilietur uxori. *Et post pauca*: Dominus autem permittit causa fornicationis uxorem dimitti. Sed quia permittit, non iussit.

*De eadem re.**Ex Capitularium Lib. 1. Cap. XLIII.*

CVI. Ut [e] nec uxor, a viro dimissa, alium accipiat virum, viveat a viro suo, nec

(y) Decreta Innoc. I. c. 26. Rhab. Epist. ad Heribald. c. 21. Burchard. lib. 9. c.

(z) Concil. Eliberit. c. 8. Burchard. lib. 9. c. 62.

(a) Concil. Eliberit. c. 9. Burchard. lib. 9. c. 63.

(b) Concil. African. c. 69. Vide Tomi I. nostri pag. 224. Halitgar. lib. 4. c. Rhab. c. 3. Burchard. lib. 9. c. 64.

(d) Burchard. lib. 9. c. 71. &amp; apud Gratian. 32. q. 7. c. 3.

(e) Lib. 1. Capitular. c. 43. Lib. 2. Leg. Longob. tit. 13. c. 4.

(c) 1. Cor. 7.

nec vir aliam accipiat, vivente uxore priore.

*De legitimis conjugiiis.*

*Ex dictis Hieronymi.*

CVII. Tria (f) legitima conjugia in Scripturis leguntur. Primum legitimum conjugium est, virgo casta in virginitate viro data legitime. Secundum, virgo in civitate deprehensa a viro, & illi per vim copulata. Si voluerit Pater ejus, dotabit eam ipse vir, quantum judicaverit ipse Pater, & dabit pretium pudicitiae ejus. Si autem habuerit sponsum, antequam deprehensa fuerit, dabitur ei. Tertium, filia praedicta deprehensa, si non fuerit voluntas Patris, tradet eum a praedicto viro, & tradet eam alii, & dotabit eam, & legitima erit ei. Sed primum his duobus praefertur. Additur (g) aliud quartum legitimum conjugium. Dum mortua fuerit uxor ejus, licet illi accipere aliam, sed non repudiam, non desponsatam viro. Similiter debet & mulier. Quod Paulus manifeste docet: *Mulier, inquit, quae sub viro est ligata, sub lege est viri, quamdiu vivit vir ejus.* Et reliqua. Additur quintum: quando five vir, five mulier ex consensu religionem ceperit, licet alteri accipere novum conjugium, sed puellam, vel puerum.

Hanc auctoritatem, ut credimus, secutum est Concilium, quod congregatum fuit apud Compendium temporibus Pippini Regis, in quo Decretum ita legimus Capitulo XVI.

CVIII. Si quis vir dimiserit uxorem suam, & dederit ei licentiam, pro religionis (g) causa infra monasterium Deo servire, & velum suscipere, sicut diximus propter Deum; vir illius, si vult, accipiat legitimam mulierem; similiter & mulier faciat.

Sed hæc sententia Canonice, atque Apostolicis informatur documentis, ut supra monstratum est. Sed & Nicolai Papæ decretis informamur, qui ad Lotharium Regem ita scribit:

X x x 2

(f) 36. q. 2. c. 8.

(b) Concil. Compend. c. 13.

(i) Nicol. l. Epist. 67. Tomo hoc II. pag. 347. Burchard. lib. 9. c. 57.

(k) Burchard. lib. 9. c. 45.

(l) Concil. Agath. c. 25. Lib. 7. Capitular. c. 226.

Tomus II. Concil. German.

(g) 27. q. 2. c. 13.

*Si conjugatus vult seculum relinquere.*

*Ex Epistola Nicolai.*

CIX. Itaque (i) summo studio Thierbergam conjugem tuam, tanquam propriam carnem, fovere ac diligere procurato, & ne illam a te separari ullo pacto consentias, vigilanter attende. Unde si vult a te discedere, corripe, immo corripe eam, & a tali intentione per omnia revocare satage. Jam vero, si amore pudicitiae separationem querit, & conjugalis connubii solutionem anagitat, certum est, Apostolo dicente: *Quia mulier sui corporis potestatem non habet, sed vir.* Verum, si & ipse pudicitiam sectatus, religionis obtentu copulam dissolvere vis, tantum ne simulate fiat, concedimus. Nam licet sit scriptum: *Quod Deus conjunxit, homo non separet;* Deus tamen, & non homo, separat, quando Divini amoris intuitu ex consensu utriusque conjugis matrimonia dissolvuntur. Si ergo hoc modo vis, gratuito permittimus animo, celeremque præbemus assensum. Aliter autem fieri mutuum separationem vestram prohibemus.

*De eadem re.*

*Ex dictis Basilii Episcopi.*

CX. Si (k) quis vult conjugatus converti ad monasterium, non est recipiendus, nisi prius a conjugē, castimoniam profitente, fuerit absolutus. Nam si illa, vivente illo, per incontinentiam alteri nupserit, procul dubio adultera erit; nec recipitur apud Deum ejusmodi viri conversio, quam sequitur conjugalis fœderis prostitutio. Tales igitur tunc sine culpa sequuntur Christum, relicto seculo, si habeant ex pari voluntate castitatis consensum.

*De his, qui conjuges sine judicio dimittunt.*

*Ex Concilio Agathensi.*

CXI. Hi (l) vero sæculares, qui conjugale consortium nulla culpa graviori

ri



ri dimittunt, vel etiam dimiserunt, & nullas causas discidium probabiliter proponentes, propterea sua matrimonia dimittunt; ut aut aliena, aut illicita præsumant: si ante, quam ante Episcopum Comprovincialem discidium causam dixerint, & prius uxores, quam iudicio damnentur, abjecerunt; a communione Ecclesiæ ac populi cætu, pro eo, quod fidem conjugii maculant, excludantur.

*Ut omnis controversia, si iudicio Ecclesiastico expetit agitari, nequaquam ad seculare iudicium transeat.*

*Ex Capitulari.*

CXII. Statutum est, ut quæcunque controversiæ iudicio & auctoritate Ecclesiastica cœperint agitari, nequaquam ad sæculare iudicium transeant, ubi iterato provocent; sed Ecclesiasticis Sanctionibus terminentur. Nam a iudicibus, quos communis consensus elegerit, ad alios iudices non licet provocare; nisi major auctoritas sit, secundum canonicam normam. Si autem in sæculari iudicio, id est, in Comitum placito, causa prius fuerit ventilata; secundum legem mundanam finiatur, salvo Ecclesiasticæ legis privilegio.

*De eadem re.*

*Ex Epistola Nicolai Papæ, ad Karolum Regem.*

CXIII. Scripsit (m) nobis Thietberga Regina, regia se velle dignitate seu copula exui, & sola privata vita esse contentam desiderare. Cui nos rescripsimus, hoc aliter fieri non posse, nisi eandem vitam conjux ejus Lotharius elegerit. *Et post pauca*: De retroacta controversia Thietbergam non debet ulterius ad iteratam responsum provocari: quia quod semel bene definitum est, & interpositis juramentis deliberatum, nulla debet iteratione, nisi fortassis, ubi major fuerit auctoritas, retractari.

*De iudicio Ecclesiastico.*

CXIV. Deinde, [n] qui Ecclesiæ refugium quærens, Ecclesiasticum iudicium semper expetens, sæculari non debet iudicio summitti. Post hæc vero,

cum nos ex utraque parte, id est, tam a Rege, quam a Regina fuerimus provocati iudices, nosque amborum controversiam executi sumus; ad nullos alios convenit iudices super hoc negotio convolare; cum secundum sacros canones a iudicibus, quos communis consensus elegerit, non liceat provocare; & ubi concessa est provocatio, non nisi, ubi major est auctoritas, liceat provocare. Itaque cum non sit Apostolicæ Sedis auctoritate, quæ amborum negotium executæ est, usquam major auctoritas; nescimus, si alicui liceat de ejus judicare iudicio, vel ejus retractare sententiam.

*Ut nullus causam judicatam iterare præsumat.*

*Ex Capitularium lib. III. cap. xxxi.*

CXV. Si (o) quis causam judicatam repetere præsumpserit in mallo, ibique testibus convictus fuerit; aut quindecim solidos componat, aut quindecim ictus a scabinis, qui causam prius judicaverunt, accipiat.

*Ut femina de adulterio inculcata, si cum marito debet inire certamen legale, suæ potestati debet ad tempus restitui.*

*Ex Epistola Nicolai Papæ.*

CXVI. Prætere (p) five de conjugii federe, five de adulterii crimine iudicium sit agitandum, (\*) nulla ratione patet, Thietbergam cum Lothario posse inire confictum, vel legitimum controversiæ inire certamen, nisi prius ad tempus fuerit suæ potestati, & consanguineis propriis libere sociata; inter quos etiam locus providendus est, in quo nulla sit vis multitudinis fomidanda, & non sit difficile testes producere, vel cæteras personas, quæ tam a sanctis Canonibus, quam a venerandis Romanis Legibus in hujusmodi controversiis requiruntur. Hæc idcirco diximus, ut ostendamus, quem legum confictum Lotharius congredi posse autumat cum persona, quam in suis penetrabilibus cotidie fatigat & conerit: quando vult, ad iudicium educit: quando vult, ad clau-

(m) Nicol. I. Epist. 50. Vide hujus Tomi pag. 325. columna prima. Burchard. lib. 9. c. 49.

(n) Nicol. I. ibid.

(p) Nicol. I. Epist. 50. Vide pag. 324. & sequentes Tomi hujus II. Burchard. lib. 9. c. 52.

(\*) Apud Sirmond. nulla ratio patitur.

claustra reducit : & quando educta fuerit , nisi ea profiteatur , quæ ipse præceperit &c. Propriæ igitur libertati committi , & ab omni oppressione ac potestate illius , cum quo initur conflictus , oportet liberari , atque suis (\*) liberter uti , & suspectas personas convenit declinare , qui se ab objectis ostendere cupit immunem.

*Ne Episcopi sententia retractetur.*

*Ex Lege Romana.*

CXVII. Constantinus (q) Imperator dicit : Pro sanctis ac venerabilibus habeatur , quidquid Episcoporum fuerit sententia terminatum , nec liceat ulterius retractari negotium , quod Episcoporum sententia deciderit.

*Si qua mulier mortem viri sui cum aliis consiliata sit.*

*Ex Concilio , quod factum fuit ad Wermeriam , temporibus Pippini Regis.*

Cap. VI.

CXVIII. Si (r) qua mulier mortem viri sui cum aliis consiliata est , & ipse vir ipsius hominem , se defendendo , occiderit , & hoc probare potest , ille vir potest , ut nobis videtur , ipsam uxorem dimittere , & si voluerit , aliam accipiat. Ipsa autem insidiatrix , pœnitentiæ subacta atque spe conjugii maneat.

*De ingenuo , qui ancillam alterius acceperit.*

*Ex eodem. cap. VII.*

CXIX. Si quis [s] ingenuus homo ancillam alterius uxorem acceperit , & æstimat , quod ingenua sit ; si ipsa femina postea fuerit inservita , si eam a servitute redimere potest , faciat : si non potest , si voluerit , aliam accipiat. Similiter & mulier ingenua de servo alterius facere potest.

*Si servus suam ancillam concubinam habet.*

*Ex eodem. cap. VIII.*

CXX. Si (z) servus suam ancillam

X x x 3

concubinam habuerit , si ita placet , potest , illa dimissa , parem suam ancillam Domini sui accipere.

*De liberto , qui ancillam Domini tenuerit.*

*Ex eodem.*

CXXI. Si (u) servus libertate a Domino suo accepta , postea cum ancilla ejus adulterium perpetraverit , si Dominus ejus vult , velit nolit , ipsam uxorem habebit.

*Si venditionis causa servus , & ancilla separentur.*

*Ex eodem.*

CXXII. Si (x) servus & ancilla per venditionis causam separati fuerint , prædicandi sunt , ut sic maneant , si eos conjugere non possumus.

Sed lex Romana longe melius de hac duntaxat causa præcipere videtur.

*De eadem re.*

*In Lege Romana. cap. xxv.*

CXXIII. In (y) divisione , inquit , patrimoniorum , seu fiscalium Dominorum , seu privatorum , observari specialiter debet , ut , quia injustum est , filios a parentibus , uxores a maritis , cum ad quemcunque possessio pervenerit , sequestrari ; ut mancipia , quæ permixta fuerint , id est , uxor cum filiis & marito suo , datis vicariis , ad unum debeant pertinere , cui necesse fuerit commutare , quod sollicitudo ordinantium debet specialiter custodire , ut separatio fieri omnino non possit.

Id etiam in venditione vel emptione videtur observari debere , ut quando quis maritum emerit , emat pariter & conjugem , nisi forte alterius ancilla fuerit. Hac de re lex jubet , atque interdicat , ut nullus servus , neque proprius , neque Ecclesiasticus , neque de fisco ancillam alienam in conjugium ducat : similiter ancilla alterius servum nequaquam accipiat ; quod si fecerit , irritum habeatur hujuscemodi conjugium ; & pro adulterio deputeur. *Vide lib. 2. leg. Longob. tit. 12. Cap. 10.*

Si

[\*] *licenter.*

[r] Concil. Vermer. c. 5. Burchard. lib. 6. c. 41.

[s] Concil. Vermer. c. 6. Burchard. lib. 9. c. 26.

[z] Concil. Vermer. c. 7. (u) Concil. Vermer. c. 8.

(x) Concil. Vermer. c. 19.

[y] Interpret. I. un. cod. Theodof. de com. divid.



*Si maritus certa necessitate impellente, extra ducatum fugerit.*

*Ex Concilio unde supra.*

CXXIV. Si (z) quis necessitate inevitabili cogente, in alium ducatum seu provinciam fugerit: aut seniore suum, cui fidem & fidelitatem promissam mentiri non potest, secutus fuerit: & uxor ejus, cum valet & potest, amore parentum aut rerum suarum eum sequi noluerit: ipsa omni tempore, quandiu vir ejus, quem secuta non fuit, vivit, semper innupta permaneat. Ille vero, qui necessitate cogente in alia patria manet, si nunquam in suam patriam se reversurum sperat, si se continere non potest, aliam uxorem accipiat, tamen cum poenitentia.

*De eo, qui uxorem suam permittit velare.*

*Ex eodem, cap. xxii.*

CXXV. Qui (a) uxorem suam permittit velare, aliam non accipiat.

*Si mulier sine licentia mariti sui velum accipiat.*

*Ex decreto apud Compendium.*

CXXVI. Mulier, (b) si sine licentia mariti sui velum in caput miserit, si viro placuerit, recipiat eam iterum ad conjugium.

*De homine, qui in alia provincia uxorem acceperit.*

*Ex eodem, cap. viii.*

CXXVII. Homo (c) Francus accepit beneficium a seniore suo in alia Provincia, & duxit secum suum Vassallum; & post hæc fuit ibi mortuus ipse senior, & remansit ibi prædictus Vassallus. Accipit autem homo alius ipsum beneficium, & ut securus posset habere ipsum Vassallum, dedit illi mulierem de ipso beneficio, & habuit eam aliquo tempore; & cum ille senior dure ageret contra eum, dimissa conjuge reversus est ad

parentes senioris sui mortui, & accepit ibi uxorem. Definitum est, ut illam, quam postea accepit, habeat.

*De uxore ante contaminata.*

*Ex eodem. cap. x.*

CXXVIII. Si (d) quis uxorem accepit, & eam contaminatam inveniens dereliquit, & aliam accepit, statutum est, ut omnimodis ad priorem revertatur. Quia & ipse, quando illam accepit, potest fieri, ut virgo non esset; nec mulier lege viri tenetur, quousque marito jungatur. Illa, quem postea accepit, nubat cui vult.

*Ne furiosi matrimonio jungantur.*

*Ex Lege Romana.*

CXXIX. Neque (e) furiosus, neque furiosa matrimonium contrahere possunt. Sed si contractum fuerit, non separetur.

*Si qui Matrimonia sani junxerunt.*

*Ex eodem.*

CXXX. Si (f) qui matrimonium sani contraxerunt, & uni ex duobus amentia, aut furor, aut aliqua infirmitas accesserit; ob hanc infirmitatem conjugia talium solvi non possunt. Similiter sentiendum de his, qui ab adversariis captantur, aut membris detruncantur.

*Si cujus uxor adulterium perpetraverit.*

*Ex Concilio Nannetensi, cap. xxi.*

CXXXI. Si (g) cujus uxor adulterium perpetraverit, & hoc a viro deprehensum fuerit, & publicatum; dimittat uxorem, si voluerit, propter fornicationem; illa vero septem annis publice poeniteat. Vir vero ejus, illa vivente, nullatenus aliam accipiat. Quod si voluerit, adulteram sibi reconciliari, licentiam habeat; ita tamen, ut pariter cum illa poenitentiam agat; & exacta poenitentia post septem annos ad communionem uterque accedat. Similis forma &

in

(z) Concil. Vermer. c. 9. Burchard. lib. 9. c. 54.

(a) Concil. Vermer. c. 21. Burchard. lib. 9. c. 46.

(b) Concil. Compend. c. 3. Lib. 5. Capitular. c. 16. Burchard. lib. 9. c. 47.

(c) Concil. Compend. c. 6.

(d) Concil. Compend. c. 7.

(e) Paul. Lib. 2. Sent. tit. 19. Burchard. lib. 9. c. 30.

(f) Burchard. lib. 9. c. 28.

(g) Concil. Nannet. c. 12.

in muliere servabitur, si eam vir ejus adulteravit.

*si non sociati conjugio fornicati fuerint.*

*Ex eodem, cap. xxii.*

CXXXII. Si qua (b) mulier non habens virum, aut vir non habens uxorem, fuerint fornicati, tribus annis pœniteant.

*Quod si unus absolutus, & alter copulatus, adulterati fuerint.*

*Ex eodem.*

CXXXIII. Quod (i) si vir, non habens uxorem, cum alterius uxore adulteraverit: aut si qua mulier non habens virum, cum alterius viro; ille, qui fœdus violavit conjugii, septem annis, ut supra dictum est, pœniteat; ille, qui lege conjugii non tenetur, quinque annis pœniteat. Neque enim æqualis pœnitentia danda est his, quibus sufficere poterat ad explendam libidinem suam conjugii amplexus, & illis, qui conjuge carentes ardore libidinis impellente in fornicationem ceciderunt.

*De eadem re.*

*Ex Penitentiali.*

CXXXIV. Si quis vacans uxore, polluit se cum alterius uxore, annis duobus pœniteat. Similiter de fœminis observandum.

*Si uxoratus ancillam propriam tenuerit.*

CXXXV. Si uxoratus ancillam propriam tenuerit, annum unum pœniteat, vel in alio anno tres quadragesimas & legitimas ferias, & tribus mensibus prius se a sua contineat conjuge. Ancilla vero, si vim passa est, quadraginta dies: si consentiens fuerit, tres in anno quadragesimas, & legitimas ferias pœniteat.

*si laicus cum-laica femina fornicatus fuerit.*

*Ex eodem.*

CXXXVI. Si (k) laicus cum laica

femina, id est, uterque absolutus a lege conjugii; tres annos pœniteat; & quanto sæpius & negligentius ea peccata commiserunt, tanto magis & tempus addatur, & modus pœnitentiæ.

*De conjugato, qui sæpius fornicatus fuerit.*

*Ex Concilio Heliberitano.*

CXXXVII. Si (l) quis fidelis habens uxorem, non semel, sed sæpius fuerit mœchatus, in fine mortis est conveniendus. Quod si se promiserit cessaturum, detur ei communio. Si resuscitatus rursus fuerit mœchatus, placuit ulterius non illudere alios de communionem pacis.

*De eo, qui lapsus semel est.*

*Ex eodem Concilio.*

CXXXVIII. Si (m) quis forte habens uxorem, semel fuerit lapsus, placuit per quinquennium agere de ea re pœnitentiam, & sic reconciliari; nisi necessitas infirmitatis coegerit ante tempus dare communionem. Hoc & circa feminas observandum.

*Cur non communicant viri cum adulteris uxoribus.*

*Ex Epistola Innocentii Papæ.*

CXXXIX. Et [n] illud desideratum est sciri, cur communicantes viri cum adulteris uxoribus non conveniant, cum e contra uxores in consortium adulterorum virorum manere videantur. Super hoc Christiana religio adulterium in utroque sexu pari ratione condemnat. Sed viros suos mulieres non facile de adulterio accusant, & non habent latentia peccata vindictam. Viri autem uxores adulteras liberiori apud Sacerdotes deferre consueverunt. Et ideo mulieribus, prodito earum crimine, communio denegatur. Virorum autem commisso latente, non facile quisquam ex suspicionibus abstinetur: qui utique submovebitur, si ejus flagitium detegatur. Cum ergo causa par sit, interdum, probatione cessante, vindictæ ratio conquiescit.

Si

(b) Concil. Nannet. c. 13.

(i) Concil. Nannet. c. 14. Burchard. lib. 9. c. 70.

(k) Burchard. lib. 9. c. 68.

(l) Concil. Eliber. c. 47. Rhab. Epist. ad Heribald. c. 22. Burchard. lib. 9. c. 6-

(m) Concil. Heliberit. c. 69.

(n) Decreta Innoc. I. c. 24. Rhab. Epist. ad Heribald. c. 21. Burchard. lib. 9. c.



*Si conscio marito uxor fuerit  
mæchata.*

*Ex Concilio Heliberitano.*

CXL. Si [o] conscio marito uxor fuerit mæchata ; placuit , nec in fine dandam ei communionem. Si vero eam reliquerit , post decem annos accipiat communionem.

*Si quis cum Judæa vel gentili  
mæchatus fuerit.*

*Ex eodem.*

CXLI. Si [p] quis fidelis habens uxorem , cum judæa vel gentili fuerit mæchatus , a communione arceatur. Quod si alius eam duxerit , post quinquennium acta legitima pœnitentia poterit Dominicæ sociari communioni.

Editio Helmæstadiensis , & Codex MS. Parisiensis constanter legunt : *eam duxerit*. Apud Rhabanum vero in Epistola ad Heribaldum cap. XXVI. *eum duxerit*. Consensus iste fecit , ne eam lectionem mutaremus. Nam suspicabar vocem : *duxerit*, corruptam esse apud Reginonem, quod in editionibus Concilii Eliberitani scriptum sit : *eum detexerit*. Not. Baluz.

*De lenocinio.*

*De eodem Concilio.*

CXLII. Mulier, (q) vel parens, vel quælibet fidelis , si lenocinium exercuerit , eo quod alienum vendiderit corpus, vel potius suum ; placuit, eam nec in fine accipere communionem.

*Ne Judæus Christianam ducat  
uxorem.*

*Ex lege Theodosiana. Lib. IX.*

CXLIII. Nec [r] Judæus Christianam , nec Christianus Judæam ducat uxorem. Quod si fecerit , cujuslibet accusatione velut in adulteris vindicetur.

*Ut alterius mulierem nullus  
accuset.*

*Ex eodem Lib. cap. iv.*

CXLIV. In [s] adulterio extraneam mulierem nemo accuset , sed propinqui , ad quorum notam pertinet, id est, frater germanus , patruelis , patruus , & confobrinus. Reliqui tamen ante inscriptionem , si accusata adqueverit , possunt per satisfactionem veniam promereri.

*De maritis accusantibus.*

*Ex eodem.*

CXLV. Maritis (t) sane etiam ex suspitione accusare permissum est.

*Ut familia de adulterio distrin-  
gatur.*

*Ex eodem.*

CLXVI. De [u] adulterio uxorum , maritis per tormenta familiæ utriusque , id est , suæ & uxoris , quærere permittitur ; si tamen illo tempore , quo admissum dicitur , hæc ipsa mancipia præsentia , aut in eadem domo fuisse probantur. Similiter & si mortem sibi ab uxore adultera maritus paratam fuisse conqueritur. Similiter etiam familiæ utriusque pœna quærendum est , si maritus mortem uxori qualibet ratione paraverit.

*si ingenua servo proprio se  
miscuerit*

*Ex eodem. cap. VI.*

CXLVII. Si [x] qua ingenua mulier servo proprio se occulte miscuerit , capitaliter puniatur. Servus etiam , qui in adulterio Dominæ convictus fuerit , ignibus exuratur. Servis etiam hoc crimen accusare licet ; & si probaverint ; libertatem consequantur , & si non , puniantur. Hereditas mulieris vel filiis , si sunt ex maritis suscepti , vel propinquis ex lege venientibus tribuatur.

*Quan-*

(o) Concil. Eliberit. c. 70. Burchard. lib. 9. c. 69. Vide Leg. Longob. Lib. 1. Tit. 32. c. 6.  
(p) Concil. Eliberit. c. 78.  
(r) Interpret. I. 5. cod. Theodof. De adulteris.  
(s) Interpret. I. 2. cod. Theodof. De adulteris.  
(t) Cod. Theod. ibid. Burchard. lib. 16. c. 37.  
(u) Interpret. I. 4. cod. Theodof. eod. tit.  
(x) Interpret. I. un. cod. Theodof. De mulier., quæ se ser. pr. junx.

**Quando permittatur uxor occidi.**

*Pauli Sententiarum Lib. II. cap. xxvii.*

CXLVIII. Inventam (y) in adulterio uxorem maritus ita demum occidere potest; si adulterium domi comprehenderit.

**De reo lenocinii.**

*Ex eodem.*

CXLIX. Eum, (z) qui in adulterio deprehensam uxorem non statim dimiserit, reum lenocinii postulare placuit.

**De dilatione in causa adulterii.**

*Ex eodem.*

CL. In (a) causa adulterii, si manifestum fuerit, dilatio postulata impetiri non potest. *Apud Paulum*; Dilatio postulata impetrari non potest.

**De virginibus laicis.**

*Ex Concilio Heliberitano.*

CLI. Virgines, (b) quæ virginitatem suam non custodierint, si eosdem, qui eas violaverint, maritos acceperint, eo quod solas nuptias violaverint, post penitentiam unius anni reconcilientur. Si alios cognoverint viros, eo quod mœchæ sunt, quinquennio pœniteant, & sic ad communionem accedant.

**De his, qui fidem sponsaliorum frangunt.**

*Ex eodem.*

CLII. Si (c) qui parentes fidem fregerint sponsaliorum, triennii tempore abstineant. Si tamen idem sponsus, vel sponsa in gravi crimine fuerint deprehensi, excusati erunt parentes.

**De benedicenda sponsa.**

*Ex Concilio Carthaginensi.*

CLIII. Sponsus, (d) & sponsa, cum benedicendi sunt a Sacerdote, a parentibus.

bus suis, vel a paranympis offerantur. Qui cum benedictionem acceperint, eadem nocte pro reverentia ipsius benedictionis in virginitate permaneant.

**Ut nullus alterius sponsam accipiat.**

*Ex Epistola Siricii Papæ.*

CLIV. De (e) conjugali autem violatione requisisti, si desponsatam alii puellam alter in matrimonium possit accipere. Hoc ne fiat, modis omnibus inhibemus: quia illa benedictio, quam nupturæ Sacerdos imponit, apud fideles cuiusdam sacrilegii instar est, si illa transgressione violetur.

**De raptis puellis & desponsatis.**

*Ex Concilio Ancyrano.*

CLV. Desponsatas (f) puellas, & post ab aliis raptas, placuit erui, & eis reddi, quibus ante fuerant desponsatæ, etiam si eis a raptoribus vis inlata confiteretur.

**De eadem re.**

*Ex Capitularium Lib. I. cap. xcix.*

CLVI. Proinde (g) placuit, atque statutum est a sacro conventu, ut raptor publica pœnitentia multetur. Raptam vero si sponsus recipere noluerit, & ipsa eidem crimini consentiens non fuit, licentia nubendi alii non negetur. Quod si & ipsa consensit, simili sententiæ subiacebit. Quod si & ipsi post hæc se conjungere præsumperint, utrique anathematizentur.

**De eadem re.**

*Ex Concilio Meldensi, cap. lxix.*

CLVII. De (h) his, qui sponsas alienas rapiunt, antiqua & synodalis sententia observetur. Quod etsi forte in Ecclesia eventus talis reperiri dinoscitur, ut pro salutis & religionis competentia humanius quiddam (i) debeat tractari.

(y) Paul. Lib. 2. Sent. tit. 27.

(z) Paul. ibid.

(a) Paul. ibid.

(b) Concil. Eliberit. c. 14. Rhab. Epist. ad Heribald. c. 23. Burchard. lib. 9. c. 14.

(c) Concil. Eliberit. c. 54.

(d) Concil. Carthag. 4. c. 13. Burchard. lib. 9. c. 5.

(e) Decreta Siricii. c. 4. Halitgar. lib. 4. c. 15. Burchard. lib. 9. c. 31.

(f) Concil. Ancyran. c. 10. Halitgar. lib. 4. c. 18. Rhab. Epist. ad Heribald. c. 20. Burchard.

lib. 9. c. 38.

(g) Lib. 1. Capitular. c. 105. Capitulare Aquisgran. Ludovici Pii c. 24. Burchard. 1. 9. c. 37.

(h) Concil. Meld. c. 68. Burchard. lib. 9. c. 32. (\*) debeat tractare Pont.

Tomas II. Concil. German.



Pontifices, sicut canonica, ut eisdem verbis utamur, docet auctoritas, quia prior, inquiring, definitio durius, posterior autem quiddam tractavit humanius, nullo modo ut ad maximam indulgentiam descendamus, alterius sponsæ acceptor sine publica transeat pœnitentia, & sponso legaliter multam componat. Quod si hæc obedire renuerit, sine ulla refragatione anathematizetur. Fautores vero illius, juxta modum culpe, Episcopali decreto pœniteant. Si vero, quod non optamus, de gradu Ecclesiastico talibus nuptiis se consentorem, vel interventorem manifeste prodiderit, a gradu proprio repellatur. Et si verisimilibus exinde suspitionibus fuerit propulsatus, canonicè se purget.

#### *De non sponsatis.*

*Ex Capitularium Lib. I. cap. xcviij.*

CLVIII. De (i) puellis raptis, necdum desponsatis, in Chalcedonenſi Concilio scriptum est: *Eos, qui rapiunt puellas sub nomine ſumul habitandi, cooperantes, & cohibentes raptoribus, decrevit Sancta Synodus, ſi quidem Clerici ſunt, decident a gradu proprio; ſi vero laici; anathematizentur.* Quibus verbis datur intelligi, qualiter hujus mali auctores damnandi ſunt, quando participes & cohibentes tanto anathemate feriuntur, & juxta canonicam auctoritatem ad conjugia legitima raptas ſibi jure vindicare nullatenus poſſunt.

#### *De raptoribus virginum & viduarum.*

*Ex Concilio Meldenſi.*

CLIX. Raptores (k) virginum vel viduarum, qui etiam poſtea voluntate parentum, & cætera. Require retro in primo libello de ordinatione Clericorum cap. CCCCXVI.

#### *De eadem re.*

*Ex eodem, cap. lxxv.*

CLX. Si (l) autem, qui necdum eas, quas rapuerunt, cum voluntate

parentum, ſub præſato deſponſionis vel dotalitii nomine in conjugium ſumptas habent, quando in omnium aures hæc fuerit conſtitutio promulgata, ab earum conjunctione ſeparentur, & publicæ pœnitentiæ ſubigantur; raptæ autem parentibus legaliter reſtituantur. Poſt actam vero publicam pœnitentiam, ſi atas, & incontinentia exegerit, legitimo & ex utriſque partibus placito conjugio ſocientur. Nam in his non regulam conſtituimus, ſed, ut verbis Magni Leonis utamur, quid ſit tolerabilius æſtimamus. Quod ſi unus ex conjugatis obierit, is, qui publicam pœnitentiam egerit, & ſuperſtes extiterit, iterare conjugium non præſumat, niſi forte Episcopus præviderit aliquam concedere indulgentiam, ut graviorem poſſit amovere offenſam.

#### *De eadem re.*

*Ex eodem, cap. lxxvi.*

CLXI. Qui [m] vero deinceps rapete virgines præſumpſerit vel viduas, ſecundum ſynodalem beati Gregorii definitionem ipſi, & complices eorum anathematizentur, & raptores ſine ſpe conjugii perpetuo maneat.

#### *De eadem re.*

*Ex Epistoſa Symmachi Papæ.*

CLXII. Raptores [n] igitur viduarum, vel virginum ob inamantatem tanti facinoris deſectantur, illos vehementius perſequendo, qui ſacras virgines, vel volentes, vel invitæ matrimonio ſuo ſociare tentaverint. Quos pro tam (\*) nefandiſſimi criminis atrocitate a communione ſuſpendi præcipimus.

#### *De his, qui ſanctimoniales rapiunt.*

*Ex Concilio ſupradicto. cap. lxxvii.*

CLXIII. Qui (o) Sanctimoniales virgines, vel viduas rapiunt, & progreſſu etiam criminis in conjugium ſumunt, publicæ pœnitentiæ ſubigantur. Uterque autem ſine ulla ſpe uxoriæ copula-

(i) Vide Tomi I. pag. 180. Lib. I. Capitular. c. 104. Capitulare Aquisgranenſe Ludovici Pii. c. 23. Burchard. lib. 9. c. 36.

[k] Concil. Meld. c. 64.

(l) Concil. Meld. c. 65. Burchard. lib. 9. c. 39.

[m] Concil. Meld. c. 66. Concil. Roman. ſub Greg. II. c. 10. 11.

[n] Symmach. Epist. 5. c. 4. Halitgar. lib. 4. c. 16. Burchard. lib. 9. c. 34.

(\*) ita etiam, in veteri codice Regio.

(o) Concil. Meld. c. 67. Burchard. lib. 8. c. 52.

pulationis perenniter maneat. Si vero, quod absit, conjugia iterare præsumpserint, acriori subdantur vindictæ, & amplius propellantur. Quod si forte obedire monitis salutaribus noluerint, anathematizentur.

In Editione Helmæstadiensi legitur : *publicæ penitentiae tradantur, & ad habitum religionis redire cogantur. Uterque &c.* Codicis vero Parisiensis lectio ea est, quam præfert hæc nostra editio. Utrobique autem mutulus est hic locus; qui sic supplendus est ex editione Sirmondi, & veteri Codice nostro: *Publicæ penitentiae, juxta modum, quem præviderit Episcopus, subigantur. Ipsæ vero locis congruis penitentiae retrudantur, & ad habitum &c.*

*De eadem re.*

*Ex Epistola Siricii Papæ.*

CLXIV. Impudicas (p) detestabilesque personas, (monachorum scilicet atque monacharum, quæ abjecto proposito sanctitatis illicita, ac sacrilega contagione se miscuerint) a monasteriorum cæti, Ecclesiarumque conventibus, eliminandas esse mandamus: quatenus retrusæ in suis ergastulis, tantum facinus continua lamentatione descentes, purificatorio possint penitudinis igne decoqui, ut eis vel ad mortem saltem, solius misericordiæ intuitu, per communionis gratiam possit subveniri.

*De eadem re.*

*Ex Epistola Gregorii Papæ.*

CLXV. Pervenit (q) ad nos, quod quidam vir nequissimus diabolico instinctu de monasterio suaserit exire quandam Deo sacratam, atque a quodam viro, unde exierat, sit revocata; rursusque eam vir ille nequissimus iniqua suasionem de Monasterio ejiciens, apud se nunc usque retineat impudice. Volumus autem, ut Episcopatus tui auctoritate in Monasterium revocetur, ac retrudatur.

*De eadem re.*

*Ex Epistola Gelasii Papæ.*

CLXVI. Virginibus (r) sacris se  
Y y 2

(p) Decreta Siricii. c. 6. Burchard. lib. 8. c. 29.

(r) Decreta Gelasii. c. 20. Burchard. lib. 8. c. 32.

(t) Concil. Mogunt. sub Rhab. c. 16. Tomo hoc II. pag. 137. Burchard. lib. 8. c. 80.

quosdam sociare cognovimus, & post dictatum propositum incesta fœdera, sacrilegaque miscere. Quos protinus æquum est a sacra communione detrudi, & nisi per publicam, privatamque penitentiam non recipi. Viaticum tamen de seculo exeuntibus, si tamen penituerint, non negari.

*Ut Episcopus Monasterium monachorum, vel puellarum introeat.*

*Ex Concilio Rotomagensi.*

CLXVII. Ut (s) Episcopus Monasterium monachorum, & sanctimonialium frequenter introeat, & cum gravibus, & religiosis personis in eorum, vel earum conventu residens, eorum vitam, & conversationem diligenter discutiat; & si quid reprehensibile invenerit, corrigere satagat. Sanctimonialium etiam pudicitiam subtiliter investiget. Et si aliquam invenerit, quæ neglecto proposito castitatis, Clerico aut laico impudenter miscetur, acriter verberibus coerceatur, & in privata custodia retrudatur, ubi quod male commisit, digne peniteat. Interdicat autem ex auctoritate sanctorum canonum, ut nullus laicus aut Clericus in earum claustris, & secretis habitationibus accessum habeat, neque Presbyteri, nisi tantum ad Missam, expleta Missa ad Ecclesias suas redeant. Omnibus præterea publice, & privatim denuntiet, quantum piaculum sit, qui sponsam alterius violat, quanto magis reus Majestatis efficitur, qui sponsam omnipotentis Dei corrumpit.

Mutila est postrema pars istius capituli; quæ sic restituenda est ex Burchardo: *Quantum piaculum sit, qui sponsam Christi violare præmisit. Si enim ille reus tenetur, qui sponsam hominis violat, quanto magis &c.*

*Ut Abbatissa de Monasterio non egrediatur.*

*Ex Concilio Moguntiacensi. cap. xvi.*

CLXVIII. Abbatissa (t) nequamquam



quam de Monasterio egrediatur, nisi per licentiam Episcopi sui, nisi forte regali iussione cogatur. Et si quando foras pergat, de sanctimonialibus, quas secum ducit, curam maximam habeat, ut nulla eis detur occasio peccandi.

### *Quid agere debeant sanctimoniales*

*Ex eodem.*

CLXIX. Sanctimoniales (u) in Monasterio constitutæ habeant studium in legendo, & in cantando, & horas canonicas solemnitè pariter celebrent. Et omnes, exceptis quas infirmitas tenet, in dormitorio dormiant, & omnibus diebus ad Capitulum, & collationes veniant, & regulam a sanctis Patribus illis constitutam diligenter observent.

### *De cautela sanctimonialium.*

*Ex Concilio Hispalensi.*

CLXX. Hæc (x) circa omnes cautela servetur, ut remoti a peculiaritate virginum, nec usque ad vestibulum habeant accedendi familiare permissum. Nec ipse, qui præest, cum sola colloqui debet, sed sub testimonio duarum aut trium sororum, ita ut rara sit accessio, brevis locutio.

### *De Clerici, vel continentes, ad virgines ingradientur.*

*Ex Concilio Carthaginensi.*

CLXXI. Ut (y) Clerici, vel continentes, ad viduas, vel virgines, nisi ex iussu, aut permissu Episcoporum, aut Presbyterorum, non accedant: & hoc non soli. Sed nec ipsi Episcopi, vel Presbyteri. Sed ubi Clerici præsentés sunt, aut aliqui graves Christiani.

### *De corruptis sanctimonialibus.*

*Ex Epistola Innocentii Papæ.*

CLXXII. Quæ (z) in Christo spiritaliter nubunt, si postea publice nupserint, vel se clanculo corruerint, non eas admittendas esse ad agendum pœni-

tentiam, nisi is, cui se junxerat, de mundo recefferit. Si enim de hominibus hæc ratio custoditur, ut quæ vivente viro alteri nupserit, adultera habeatur, nec ei agendæ pœnitentiæ licentia concedatur, nisi unus ex his fuerit defunctus; quanto magis de illa renendum est, quæ ante immortalis se sponso conjunxerat, & postea ad humanos amplexus transmigravit.

### *De secularibus viduis.*

*Ex Concilio Meldensi. LXXI.*

CLXXIII. Ut (a) illæ, quæ quasi sanctimoniales sub velamine religionis degere videntur, sed potius in deliciis viventes mortuæ in divinis oculis computantur, provincias discurrunt, curiosæ, (b) & verbosæ, si libidinibus cæterisque carnalibus desideriis, & voluptatibus inservire acculantur; si manifeste detegi potuerint, Episcopali auctoritate, & Regia potestate in talibus locis residere sub testimonio religioso cogantur, ubi pœnitentiam, si fecerint dignam, assequantur etiam fructuosam. Si autem manifeste detegi non valuerint, erga Ecclesiam suæ opinionis malam famam legaliter purgare cogantur, & ut religiosius de cætero vivant, & in Monasteriis converfentur, Episcopali decreto, & Regia potestate coerceantur. De his enim Apostolus dicit: *Quæ cum fornicata fuerint in Christo, nubere volunt.*

Caput istud multum diversum est ab editionibus vulgaris Concilii Meldensis. Et tamen sic ut a nobis editum est, legitur in Codice MS. Reginonis, & in editione Helmsstadiensi; nisi quod in editione illa, vitio haud dubie librariorum, verba, quæ sequuntur, omissa sunt: *Fructuosam. Si autem manifeste detegi non valuerint, erga Ecclesiam &c.*

### *De eadem re.*

CLXXIV. De (c) viduis Apostolus dicit: *Præcipe, (d) inquit, ut viduæ irreprehensibiles sint. Vidua eligatur non minus sexaginta annorum, in operibus bonis te-*

*stimo.*

(u) Concil. Mogunt. sub Rhab. c. 16. Burchard. lib. 8. c. 77.

(x) Concil. Hispal. 2. c. 11. Burchard. lib. 8. c. 53.

(y) Concil. Carthag. 3. c. 25.

[z] Decreta Innoc. I. c. 19. Halitgar. lib. 4. c. 19. Burchard. lib. 8. c. 13.

(a) Conc. Meld. c. 70. Burchard. lib. 8. c. 50.

[c] Burchard. lib. 8. c. 41. & Ivo part. 7. c. 59.

(b) 1. Tim. 5.

[d] 1. Tim. 5.

*simoniam habent, si filios educavit &c. Adulescentiores viduas devota. Cum enim luxuriant fuerint, in Christo nubere volunt, habentes damnationem, quia primam fidem irritam fecerunt. Simul & otiose discunt circuire domos, non solum otiose, sed & verbosae, & curiosae, loquentes, quae non oportet. Volo ergo juniores nubere, filios procreare, matres familias esse, nullam occasionem dare adversario maledicti gratia. Jam enim quaedam conversa est retro post sitinam.*

*De eadem re.*

*Ex lege Romana.*

CLXXV. Viduarum (e) sane obstinationibus permovemur, quæ nulla prole suscepta fecunditatem suam reparatione familiæ repudiata conjugii iteratione condemnant, & solitariam vitam non, ut colligitur religionis ac pudicitiae amore, sed potentia lasciviaeque vivendi eligunt libertatem. Quibus ad omnem licentiae usum, aut sollicitantium personarum ficta religione aut favore callidi captatores adplaudant. Has ad honestioris vitae tramitem revocantes sancimus, ut maritali obitu destituta mulier quadragenaria, cum adhuc procreare liberos per ætatem potest, intra quinquennium nubat. Emenso quinquennio, si in viduitate persistit, mox cum propinquis suas dividat facultes; aut si hi fortasse defuerint, cum fisco [\*] matrimonium dividat.

*Ne sanctimoniales palatium, & publicos conventus adeant.*

*Ex Concilio Nannetensi.*

CLXXVI. Cum [f] Apostolus dicat: Mulieres (g) in Ecclesia taceant, non enim permittitur eis loqui, mirum videtur, quod quædam mulierculæ contra divinas humanasque leges attrita fronte impudenter agentes, placita generalia, & publicos conventus indefinentur adeunt, & negotia regni utilitatesque reipublicæ magis perturbant, quam disponunt: cum indecens sit, & etiam inter barbaras gentes reprehensibile, mulieres virorum

Y y 3

causas discutere, & quæ de laneficiis suis & operibus textilibus, & muliebribus, inter genititarias suas residentes debuerant disputare; in conventu publico, ac si in curia residentes, senatoriam sibi usurpant auctoritatem. Quæ ignominiosa præsumptio fautoribus magis imputanda videtur, quam feminis. Unde, quia divinæ leges, ut supra monstratum est, hoc contradicunt, & humanæ nihilominus id ipsum prohibent, ut feminae nihil aliud prosequantur in publico, quam suam causam. Ait enim lex Theodosiana: Nulla (h) ratione femina amplius, quam suas agendi habeant potestatem, nec aliquis causam a se moverint prosequendam. Idcirco ex auctoritate canonica interdiximus, ut nulla sanctimonialis virgo, vel vidua conventus generales adeat, nisi a Principe fuerit evocata, aut ab Episcopo suo, nisi forte propriæ necessitatis ratio impulerit. Et hoc ipsum cum licentia Episcopi sui.

*Quando virgo veletur.*

*Ex Concilio Africano.*

CLXXVII. Ut (i) virgines non veletur ante vigesimum quintum annum ætatis; nisi forte necessitate periclitantis pudicitiae virginalis; & ut Gelasius Papa dicit, nisi in Epiphania, & in albis Paschalibus, & in Apostolorum Natalitiis non sunt consecrandæ, nisi causa mortis urgente.

*De eadem re.*

*Gelasius.*

CLXXVIII. Viduas (k) autem velare Pontificum nullus attenter.

Virgines, quæ ante duodecim annos insciis mundiburdis suis sacrum velamen capiti suo imposuerint, & illi mundiburdi integrum annum, & diem hoc tacendo consenserint, in sancto proposito permaneant. Et si in prædicto anno & die pro illis se proclamaverint; petitioni eorum assensus præbeatur, nisi forte Dei timore tacti, cum eorum licentia in religionis habitu perseverent.

*De*

(e) Nov. Majoriani. tit. 8.

(\*) in Nov. patrimonium.

(f) Concil. Nannet. c. 19. Burchard. lib. 8. c. 85.

(g) 1. Cor. 14.

(h) Interpret. l. 5. cod. Theodof. De cognitor. & procurator.

(i) Concil. Afric. c. 93. Tomo I. nostro pag. 228. Lib. 1. Capitular. c. 46. Burchard. lib. 8. c. 12.

(k) Decreta Gelasii. c. 13. Lib. 1. Capitular. c. 59. Burchard. lib. 8. c. 36. Concil. Tribur. c. 24. Tomo hoc pag. 398. 399. Burchard. lib. 8. c. 10.



*De eadem re.**Ex eodem Concilio.*

CLXXXIX. Viduæ, (l) quæ spontanea voluntate ab altari sacræ conversationis velamen suscipiunt, decrevit sancta Synodus in eodem proposito eas permanere. Non enim fas esse decernimus, ut postquam se Domino semel sub velo consecraverint, & inter velatas oblationes fecerint, iterum eis concedi Spiritui Sancto mentiri.

*Zacharias Papa, Cap. VII*

Virginem, [m] aut viduam, nisi is, qui desponsatam habuerit, nullus audeat furari in uxorem. Si quis hoc temerario ausu præsumperit, anathema sit.

*Caput istud non extat in codice Parisiensi.**Item de sanctimonialibus.**Ex eodem Concilio.*

CLXXX. Sanctimonialis, si pro lucro animæ suæ cum licentia Abbatis suæ ad aliud monasterium pergere disposuerit, ibidemque commanere, decrevit Synodus concedi; si vero fuga disciplinæ alium locum quærit, redire cogatur.

*De Concubinis.**Ex Epistola Leonis Papæ.*

CLXXXI. Non (n) omnis mulier, viro conjuncta, uxor est viri, quia non omnis filius hæres est Patris. Itaque aliud est uxor, aliud concubina; sicut aliud ancilla, & aliud libera. Ancillam itaque a thoro abjicere, & uxorem certæ ingenuitatis accipere, non duplicatio conjugii, sed profectus honestatis est. Dubium enim non est, eam mulierem non pertinere ad matrimonium, in qua docetur, nuptiale non fuisse ministerium. Nisi forte illa mulier & ingenua facta, & dotata legitime, & publicis nuptiis honestata videatur.

*Ut de captivitate venientibus maritis uxores propriæ reformentur.**Ex Epistola Leonis.*

CLXXXII. Quod (o) debeant feminæ, quæ captis viris, & in captivitatem ductis, aliis viris nupservnt, putantes interemptos maritos, reversis de captivitate prioribus viris copulari, ut cuique id, quod legitime habuit, reformetur, & recipiat unusquisque, quod suum est, & redintegrentur fœdera nuptiarum.

*De eadem re.**Ex eodem.*

CLXXXIII. Quod (p) non probatur esse culpabilis, qui uxorem capti in matrimonio videtur esse sortitus. Et si viri de captivitate regressi, intemperantia uxorum offensi non fuerint, & voluerint eas in conjugium recipere, liberam habeant facultatem. Et si mulier ad priores maritos redire noluerit, posteriorum virorum amore capta; Ecclesiastica communione privetur.

*De Incestis.**Ex Concilio Hilderdensi, cap. IV.*

CLXXXIV. De his, (q) qui se incesta pollutione commaculant, placuit, ut quousque in ipso detestando & illicito carnis contubernio perseverant, usque ad Missam tantum catechumenorum in Ecclesia admittantur: cum quibus etiam nec cibum fumere ullum Christianorum, sicut Apostolus jussit, oportet.

*Ex Concilio Toletano.*

Salubriter (r) præcavendo sancimus, ne quis fidelium propinquam sanguinis sui, usque quo affinitatis lineamenta successione generis cognoscit, in matrimonio sibi desideret copulari. Quoniam scriptum est: *Omnis homo ad proximam sanguinis sui non accedat, ut revelet turpitudinem ejus.*

*De*

(l) Concil. Tribur. c. 25. Tomo hoc pag. 399. Burchard. lib. 8. c. 35.

(m) Burchard. lib. 9. c. 13.

(n) Decreta Leon. I. c. 18. & 19. Burchard. lib. 9. c. 1.

(o) Decreta Leonis I. c. 42. Burchard. lib. 9. c. 55.

(p) Decreta Leonis I. c. 43. 44. 45. Burchard. lib. 9. c. 56.

(q) Concil. Hilderens. c. 4. Rhab. Epist. ad Heribald. c. 20. Burchard. lib. 7. c. 3.

(r) Concil. Tolet. II. c. 5. Burchard. lib. 7. c. 6.

*De eadem re.*

*Ex Concilio Agathensi.*

CLXXXV. De (s) incestis conjunctionibus nihil prorsus veniæ reservamus, nisi cum adulterium separatione sanaverint. Hos enim esse censemus. Si quis relictam fratris, quæ pene prius soror extiterat, carnali conjunctione violaverit; si quis fratris uxoris germanam, si quis novercam, si quis consobrinam, si quis filiam avunculi, vel relictam ejus, si quis patrui filiam, vel privignam suam duxerit. Sane, quibus conjunctio illicita interdicitur, habebunt sibi, post actam pœnitentiam, ineundi melioris conjugii (id est, legitimi) libertatem (id est, potestatem.)  
*Vide Epistolam Rhabani ad Heribaldum c. 20.*

*De eadem re.*

*Ex Concilio Romano.*

CLXXXVI. Gregorius (t) Papa dixit: Si quis Dei ancillam [id est, sanctimoniam] in conjugio duxerit, anathema sit. Si quis commatrem spiritua-lem in conjugio duxerit, anathema sit. Si quis neptem in conjugio duxerit, anathema sit. Si quis novercam, aut nurum suam duxerit, anathema sit. Si quis consobrinam duxerit, anathema sit. Si quis de propria cognatione, vel quam cognatus habuit, in conjugio duxerit, anathema sit. Si quis viduam furatus fuerit in uxorem, vel consentientibus ei, anathema sit. Si quis virginem, nisi desponsaverit, furatus fuerit in uxorem, vel consentientibus ei, anathema sit. Et in his omnibus tertio omne Concilium respondit. Amen.

*De Judio.*

*Ex Concilio ad Consuentes. Karolus ad Ludovicum.*

CLXXXVII. Filiam (u) nostram Judith viduam secundum Leges Divinas, & humanas sub tuitione Ecclesiastica, & Regio mundeburde constitutam, Baldui- nus sibi furatus est uxorem, quem post

legale judicium Episcopi nostri regni ex-communicaverunt secundum sacros Canones, & diffinitionem Sancti Gregorii Papæ, qui dicit: *Si quis viduam furatus fu-erit in uxorem, vel consentientibus ei, anathema sit.*

*De fœminis, quæ viros amittunt.*

*Capitular. Lib. I. Cap. XCVI.*

CLXXXVIII. De (w) fœminis, quæ viros amittunt, placet, ne se, sicut ha-ctenus, indifere te vele it; sed triginta dies post discessum viri sui exspectent, & post tricesimum diem per consilium Episcopi sui, vel si Episcopus absens fuerit, consilio aliorum religiosorum Sacerdotum suorumque amicorum, id, quod eligere debent, eligant. Et quia a sacro Con-ventu rogati, ut hi, qui publicam gerunt pœnitentiam, & fœminæ, quæ viros amittunt, nostra auctoritate, donec deli-berent, quid agant, tuerentur, speciali-ter pro his Capitula fieri, & legis munda-næ Capitulis inferenda decrevimus.

Mutilus est hic locus apud Reginonem, Burchardum, & Ivonem. Nam Lib. I. Capitular. cap. CII. tam in edi-tis, quam in manuscriptis codicibus tum in Capitulari Aquisgranensi Lu-dovici Pii cap. XXI. post illa verba: *Religiosorum Sacerdotum*: legitur: *suorumque Parentum atque amicorum.* Unde colligi debet, Burchardum, & Ivonem sua descripsisse ex Reginone.

*De eadem re.*

*Ex Capitularium Lib. IV. cap. XVI.*

CLXXXIX. Qui (x) viduam intra primos triginta dies viduitatis, vel invi-tam, vel volentem sibi copulaverit, sexa-ginta solidos componat: & si invitam eam traxerit, legem suam ei componat, illam vero ulterius non attingat.

*Qui hominem publicam pœnitenti-am agentem interficit.*

*Ex eodem. cap. XVII.*

CXC. (y) Qui hominem publicam pœni-

(s) Concil. Agath. c. 61. Concil. Arelat. 6. c. 11. Burchard, lib. 7. c. 4.

(t) Concil. Roman. sub Gregor. II. c. 3. & seqq. Halitgar. l. 4. c. 22. Lib. 7. Capitular. c. 127.

(\*) Cod. Parisiens. fratris uxorem.

(u) Capitula Karoli Calvi. tit. 30. cap. 5.

(w) Lib. 1. Capitular. c. 102. & Lib. 2. Leg. Longobard. tit. 6. c. 4. Burchard, lib. 8. c. 42. Ivo part. 7. c. 60.

(x) Lib. 4. Capitular. c. 17. Lib. 2. Leg. Longob. tit. 6.

(y) Lib. 4. Capitular. c. 18. Lib. 1. Leg. Longob. tit. 9. c. 31.



pœnitentiam agentem interfecerit, ban-  
num nostrum in triplo componat, &  
ejus Wirigildum proximis ejus persol-  
vat. *Vide supra cap. 30. hujus lib.*

*Ne frater super thorum defuncti  
fratris ascendat.*

*Ex Concilio Aurelianensi.*

CXCI. Ne frater super thorum de-  
functi fratris ascendat, nec quisquam  
amissa uxore sororem ejus sibi audeat  
fociare.

*De sorore sponsæ violata.*

*Ex Concilio Ancyrano.*

CXCII. (a) Quidam sponsam ha-  
bens sororem ejus violavit, & gravi-  
dam reddidit, postmodum desponsatam  
sibi duxit uxorem, illa vero, quæ cor-  
rupta est, laqueo se peremit; hi, qui  
fuerunt concilii, post decennem satisfac-  
tionem jussi sunt suscipi secundum gra-  
dus pœnitentiæ constitutos.

*De muliere, quæ duobus fra-  
tribus nupsit.*

*Ex Concilio Neocesariensi.*

CXCIII. (b) Mulier si duobus fra-  
tribus nupsit, abjiciatur usque ad mor-  
tem, veruntamen in exitu, propter  
misericordiam, communio ei conceda-  
tur. Quod si defecerit vir aut mulier in  
talibus nuptiis, difficilis erit pœnitentia,  
in vita permanenti.

*De eadem re.*

*Ex Concilio Heliberitano.*

CXCIV. (c) Si quis post obitum  
uxoris suæ sororem ejus duxerit, & ipsa  
fuerit fidelis, quinquennium a commu-  
nione placuit abstinere, nisi mors coe-  
gerit.

*De eadem re.*

*Ex Concilio Martini Papæ.*

CXCV. (d) Si qua mulier duos  
fratres, aut si quis vir duas sorores du-  
xerit, a communione separentur usque  
ad mortem. In morte pro misericordia  
viaticum accipiant.

*De filiola & commatre.*

*Ex Epistola Rabani cap. 20. ad Heribaldum  
Episcopum Autistodorensem.*

CXCVI. (e) De eo, quod interro-  
gasti, si ille, qui filiolum suum, & de  
eo, qui concubuit cum commatre sua  
spirituali, & de illo, qui filium suum  
baptizavit. Et cujus uxor eum de fon-  
te suscepit, si postea in tali copulatione  
permanere possent, omnino illicitum  
esse judicavimus. Nam in Concilio  
Moguntiacensi scriptum est cap. LV. (f)  
*Nullus proprium filium aut filiam a fonte bap-  
tismatis suscipiat, nec filiolum, nec commat-  
rem ducat uxorem, nec illam, cujus filium  
ad confirmationem ante Episcopum tenuerit.  
Ubi autem factum fuerit, separentur.*

*Si quis viduam uxorem duxerit.*

*Ex eodem.*

CXCVII. (g) Si quis viduam uxo-  
rem duxerit, & postea cum filiastra sua  
fornicatus fuerit, seu duabus sororibus  
nupsit, aut si qua duobus fratribus nup-  
serit, seu cum patre & filio fornicata  
fuerit, tales copulationes anathematizari,  
& disjungi præcipimus, nec unquam  
amplius conjugio copulari: sed sub  
magna restrictione fieri: *Caput istud addi-  
tum est ex Codice manuscripto. Non extat enim  
in editione Helmestadiensi.*

*De eo, qui filiolum suum polluit.*

*Unde supra.*

CXCVIII. [b] Quam detestabile  
& execrabile scelus sit unicuique Chri-  
stiano

(2) Concil. Aurel. I. c. 18. Rhab. Epist. ad Heribald. c. 20. Tomo hoc II. pag. 205.

(a) Concil. Ancyran. c. 24. Tomo I. nostro. pag. 149.

(b) Concil. Neocæs. c. 2. Tomo I. nostro. p. 150. Halitgar. lib. 4. c. 14. Burchard. lib. 17. c. 1. Vide Lib. 7. Capitular. c. 296.

(c) Concil. Eliber. c. 61.

(d) Martin. Bracar. c. 79. Burchard. lib. 17. c. 2.

(e) Burchard. lib. 17. c. 24. Tomo hoc II. pag. 206.

(f) Concil. Mogunt. sub Kar. M. c. 35. Tomo I. nostro pag. 413. Lib. 5. Capitular. c. 100.

Burchard. lib. 17. c. 25.

(g) Rhab. ibid. Concil. Mogunt. sub Rhab. c. 56. Mihic. 29. Tomo hoc II. pag. 160. Lib. 5. Capitular. c. 101. Burchard. lib. 17. c. 9.

(h) Rhab. ibid. Tomo hoc II. pag. 206. Burchard. lib. 17. c. 26.

stiano filiolam suam constuprare, testatur (2) Sanctus Gregorius Papa in dialogis suis, ubi refert, quendam hominem polluisse filiolam suam, & quia neglexit poenitentiam agere, subito miserabili morbo correptus expiravit, & sepultus, non solum corpus, sed etiam omne sepulchrum ignis invisibilis consumpsit.

*Item de incestis, & eorum poenitentia.*

*Ex Concilio Mogunciacensi.*

CXCIX. (k) Si quis fornicatus fuerit cum duabus sororibus, vel cum noverca sua, vel cum amita sua, vel cum matre sua, vel cum filia patris sui, & avunculi sui, vel cum filia amicae suae, vel matertera suae, vel cum nepte sua, vel cum commatre, aut filiola sua, sive, quam de fonte suscepit, vel ante Episcopum tenuerit: & si qua mulier simili modo fornicata fuerit, abstineat se ab ingressu domus Dei annum unum, & eodem anno, nisi dominicis & festis diebus, solummodo pane, & aqua, & sale utatur, arma non ferat, osculum nulli praebeat, sacrificium, nisi pro viatico, minime sumat: sex deinde annis ingrediat quidem domum Dei, sed carnibus & vino, & sicera minime utatur, nisi festis diebus. De armis vero vel osculo, sive sacrificio, sicut supra dictum est. Postea vero duobus annis, quando carne vescitur, a potu omni, qui inebriare potest, se contineat, & si potum biberit, minime carne vescatur, absque praecipuis festis diebus. De armis vel osculo, & sacrificio modum teneat jam dictum. Inde usque ad obitum suum, nisi praedictis festis diebus a carne se abstineat, tres legitimas ferias in omni hebdomada, & tres quadragesimas in anno legitime custodiat. De armis vero, ut supra dictum est. Et nunquam aliquando conjugio copuletur. Haec eadem poenitentia imponenda est patricidis, vel fratricidis, vel consanguineis, nec non & qui sponte per fraudem, &

avaritiam hominem innoxium occidunt, quod morchidum vocant.

*In quota generatione copulentur fideles.*

*Ex Epist. Rhabani ad Humbertum Episcopum.*

CC. (l) Igitur de nuptiis, vel quomodo consanguinitas honoranda sit, Dominus loquitur in Levitico dicens: (m) *Omnis homo ad proximam sanguinis sui non accedat, ut revelet turpitudinem ejus.* Cum enim Dominus populum suum de contaminationibus gentium voluisset separare, primum generali vocabulo ad proximitatem sanguinis prohibuit quinquam accedere, ne revelaret turpitudinem ejus; deinde ipsam generalitatem ferme in duodecim species subdivisit, quae tamen ultra tertiam vel quartam generationem non procedunt. Unde accidit, ut reor, Dominum Gregorium Augustino interroganti, tertia vel quarta generatione jam licite connubia jungere respondisse. Similiter & in Theodori Archiepiscopi gentis Anglorum capitulis, quae de necessariis conscripserunt rebus, invenimus, (n) quod in tertia propinquitate carnis secundum Graecos liceat nubere, in quinta secundum Romanos. Qui tamen conjugia in tertia propinquitate facta non solverent, si antea ab infcientibus compacta fuissent, aequaliterque conjungeretur vir in matrimonio his, qui sibi consanguinei sunt, & uxoris suae consanguineis post mortem uxoris. Hunc autem Theodorum Tharso Ciliciae natum, Vitellianus (o) Papa Romae Episcopum ordinans, ad Britanniam misit, unde tam Orientalium, quam etiam Occidentalium Ecclesiarum consuetudinibus pleniter instructus fuerat, nec cum aliqua latere potuerunt, quae in observationibus legitimis Graeci, vel Romani eo tempore habuerunt, maxime cum in utraque lingua perfecte instructus esset. Quod autem proximis temporibus Romanorum Pontificum scripta continent, usque ad sextam vel septimam generationem conjugii

(2) S. Gregor. lib. 4. Dialog. cap. 32.

(k) Rhab. ibid. Tomo hoc II. pag. 206. Burchard. lib. 17. c. 8.

(l) Tom. VI. oper. Rhab. pag. 165. Vide Tomo hoc nostro pag. 226.

(m) Levit. 18.

(n) Vide Tom. 9. Spicilegii Dacheriani pag. 53. cap. 13. & pag. 61. cap. 112.

(o) Lege: *Vitalianus Papa.*



jugii usum differendum, magis ex consuetudine humana, quam ex lege Divina hoc eos præcepisse credendum est. Nam quod *ISIDORUS* in Etymologiis suis usque ad sextam generationem consanguinitatis abstinendum, & sic legitimo connubio conjungendum asseruit, inde reor eum fecisse, quod genealogiæ seriem retexens, quo usque ordinem numerandi perduxit, eo cognationem sanguinis servandam æstimavit, sicque ad innovationem generis, & amicitiae jus confirmandum, redire ad connubium sancivit, quando jam cognationis ordo numerari desit. Cæterum ante omnia considerandum est, ut sic censura disciplinæ temperetur, ne per immoderationem correptionis peccati cumulus augeatur. Scimus enim, quod qui in lege cognationis jus observare constituit, in Evangelio fœdus conjugii non dissolvendum præcepit. Si enim ubicunque aliquid proximitatis vel consanguinitatis, licet longinquæ inter conjugatos inveniri potest, statim matrimonium dissolvatur, vereor, quod adulterium, & fornicationis scelus multiplicetur: quia cum conjugato adulescentulo, vel juveni, societas comparis suæ denegatur, nec aliquid ei solatii impenditur, unde continentiam salvare possit, libidine inflammatus per diaboli instigationem multiplici fornicatione forsitan polluitur, ac sic in præcipitum mortis æternæ anima demergatur.

Igitur quia a mea parvitate voluisti, quid sentirem de hac re, tibi rescribi, propter fragilitatem præsentis temporis reor, hoc, quod Theodorus Episcopus, inter Gregorium, & Isidorum medius incedens, in suis capitulis diffinivit, magis sequendum, ut quinta generatione jam licitum connubium fiat, quia non lex Divina huic contradicit, nec etiam sanctorum Patrum dicta hoc prohibent. Si autem & in quinta ab insciis fuerit copulâ peracta, melius mihi videtur, ut cum penitentiae humilitione, si se uxoratus continere non vult, Deo satisfaciatur.

#### De eadem re.

Gregorius ad Augustinum.

CCL (p) Necessè est, ut etiam

tertia vel quarta generatio fidelium licenter sibi jungi debeat. Nam a secunda, quam prædiximus, se omnino debet abstinere.

#### De eadem re.

Ex Epistola Rhabani ad Reginbaldum Choroepiscopum.

CCII. De eo, quod interrogasti, (\*) si Pater, & filius, vel si duo fratres, vel si avunculus & nepos, cum una muliere fornicati sint, quid inde faciendum sit; manifestum est, quod gravi vindicta plerendum est, quod grave facinus esse reperitur. Omnis enim mœchia interdictur, ubi scriptum est: *Non mœchaberis*. Quanto magis cum cognata, vel cum conjugæ, seu concubina cognati. Hinc in Levitico scriptum est: [q]. *Si mœchatus fuerit quis cum uxore alterius, morte moriantur & mœchus, & adultera. Qui dormierit cum noverca sua, vel cum nuru sua, & qui filiam & matrem duxerit, & qui acceperit sororem suam, morte moriatur*. Si enim in lege turpitudinem incestus mortis sententia vindicare jussit; quomodo in Evangelio, ubi summa justitia est, incestuosus penitentiam peccati evadet? Unde Apostolus: (r) *Irritam qui fecerit legem Moysi, sine ulla miseratione sub duobus vel tribus testibus moriatur*. Quanto magis putatis deteriora mereri supplicia, qui filium Dei concubaverit, & sanguinem testamenti pollutum duxerit, in quo sanctificatus est, & Spiritui gratiæ contumeliam fecerit? Igitur Theodorus judicavit eum, qui incestum fecerit, duodecim annos penitere debere. Alii quindecim, alii decem, alii septem. Sed tu priscorum Patrum vestigia sequens, his solis penitentiae spatium temperes, qui devote & cum lacrymis penitentiam egerint. Ceteri definitum tempus servant.

#### De illo, qui servum se fecit.

Ex Concilio Triburiensi. cap. xi.

CCIII. Perlatum est ad sanctam Synodum, quod quidam ingenuus ingenuam acceperit uxorem, & post filiorum procreationem occasione divortii, ejusdam servum se fecerit; utrum necessario mulierem tenere debeat, & si tenuerit, utrum illa quoque secundum

(p) Apud Bedam lib. i. Hist. Angl. c. 27. §. 6.

(q) Levit. 20.

[\*] Tomo hoc II. pag. 215.

(r) Hebr. 10.

dum ſecularem legem ſervituti ſubjici debeat. Judicatum eſt, uxorem minime debere dimitti, non tamen ob Chriſti legem mulierem in ſervitutem redigi, dum ille non ex conſenſu conjugis ſe ſervum fecit, quem liberum maritum acceperat.

*Item de inceſtis.*

*Ex eodem.*

CCIV. Item indicatum (r) eſt, quendam ſupraſſe quandam ſœminam, quam poſtea frater ejus accepit uxorem. Statuerunt eum, qui ſupravavit, & a ſe ſupratam fratri celavit, quia geminavit peccatum, pœnitentia diſtictiori caſtigandum, & conjugium tale diſſolvi oportere: & mulieri quidem eis viventibus non fore poteſtatem nubendi, illis autem pro miſericordia conjugium indulgere.

*Si quis cum filia materteræ ſuæ &c. concubuerit.*

*Ex eodem.*

CCV. Item interrogatum fuit, ſi quis cum filia materteræ ſuæ, vel avunculi, amicæ, vel patrui concubuerit; ſi conjugatus fuerit, liceat illi ulterius uti conjugio, aut non conjugato uxorem accipere. Juſtum eſſet, ſicut aliqua priorum ſtatuta habeantur, ut in perpetuum a conjugio tales abſtineant. Sed viſum eſt, humanæ fragilitatis intuitu, ut poſt pœnitentiam non quidem penitus priventur conjugio, duriffime tamen tam immanis fornicatio vindicetur, ſicut Sanctus Papa Nicolaus, & alii Romani Pontifices ſtatuerunt; ne forte deſperata conſcientia multiplicius peccent.

*Item de inceſtis.*

*Ex eodem.*

CCVI. In lectum mariti [z] abſente uxore, ſoror ivit uxoris, quam ille uxorem ſuam putans, dormivit cum ea. Super hoc viſum eſt, ſi ipſe per ſecuritatatem veram hoc probaverit, quod inſcius fecerit hoc ſcelus, pœnitentiam

Z z z 2

quidem, quæ ſibi indicata fuerit, agat, & legitimum ſuum conjugium habere permittatur; illam digna vindicta affligi, & in æternum conjugio privari.

In editione Helmaſtadienſi legitur: *Veram non probaverit.* Omnino contra mentem Canonis. Nos, quia deſtituamur opẽ manuſcripti codicis, qui imperfectus eſt in hoc loco, veram lectionem accepimus ex Burchardo, & ex Pœnitentiali Romano, quod editum eſt ab Anronio Auguſtino.

*De eadem re.*

*Ex eodem.*

CCVII. Quidam fornicatus eſt cum aliqua muliere. Poſtea filius, neſciens (u) patris factum, ſupravavit eandem. Quod cum pater reſciſſet, de ſe, filioque ſuo confeſſus eſt. Statuerunt, melius eſſe, ut taliter lapſis cum digna pœnitentia legitima permittantur conjugia, quam forte deterius delinquant, cum fornicaria autem illa gravius agendum.

*De eadem re.*

*Ex eodem.*

CCVIII. Si quis cum [x] duabus ſororibus fornicatus fuerit, & ſoror ſororem ab eodem antea ſupratam neſciverit; vel ſi ipſe ſororem ejus, quam antea ſupravavit, non intellexerit; ſi digne pœnituerint, & ſe continere non valuerint, poſt annos ſeptem conjugia illis non negentur. Si autem non ignoraverunt, uſque ad mortem a conjugio abſtineant.

*De eadem re.*

*Ex eodem.*

CCIX. (y) Si quis cum duabus ſororibus fornicatus fuerit, vir diebus vitæ ſuæ pœniteat; ſoror autem, quæ de alia ſorore neſcivit, licentiam habeat nubendi.

*De eadem re.*

*Ex eodem.*

CCX. [z] Si homo fornicatus fuerit cum muliere. Et frater ejus neſciens duxerit eam uxorem; frater, eo quod

fratru

(r) Tomo hoc II. pag. 404. 405.

(z) Tomo hoc II. cap. 43. pag. 404.

(u) Tomo hoc II. cap. 43. pag. 404.

(x) Tomo hoc II. cap. 44. pag. 405.

(y) Burchard. lib. 17. c. 6.

(z) Concil. Tribur. c. 44. Tomo hoc II. pag. 404. Burchard. lib. 17. c. 13.



fratri crimen celaverit, pœniteat, & post pœnitentiam nubat: mulier autem usque ad mortem pœniteat. *Vid. Lib. 7. Capitular. Cap. 296.*

*De eadem re.*

*Ex eodem.*

CCXI. (b) Si frater cum muliere fornicatus fuerit, & frater nesciens cum eadem concubuerit, mulier diebus vitæ suæ pœniteat; post pœnitentiam autem frater ignarus sceleris, conjugium accipiat, si vult. *Vide Concilium Compendiense sub Pippino Cap. 8. & Lib. 5. Capitular. Cap. 19.*

*De separatione.*

*Ex Concilio ad Vermeriam temporibus Pippini.*

CCXII. (c) In tertio geniculo separantur. In quarta autem conjugatione si inventi fuerint, non eos separamus, sed pœnitentiam eis indicimus. Et tamen si factum non fuerit, nullam facultatem coniungendi in quarta generatione damus.

*De eadem re.*

*Ex eodem.*

CCXIII. (d) Si aliquis cum filiastra sua manet, nec matrem, nec filiam ipsius potest habere, nec illa, nec ille aliis se poterunt coniungere ullo unquam tempore. Attamen uxor ejus, si ita voluerit, si se continere non potest; si postea, quam cognovit, quod cum filia sua vir ejus fuit in adulterio, carnale commercium cum eo non habeat; si vult, potest alii nubere.

*De eadem re.*

*Ex eodem.*

CCXIV. (e) Si quis cum noverca sua dormierit, nequitiam possunt ad conjugium pervenire: si vir ejus sic vult, potest aliam accipere, si se continere non potest. Similiter qui cum filiastra

sua, vel cum sorore uxoris dormierit, stare potest.

*De eadem re.*

*Ex eodem.*

CCXV. (f) Qui dormierit cum duabus fororibus, & una ex illis antea uxor fuerit; nullam ex ipsis habeat, nec ipsi adulteri unquam conjugio copulentur.

*De eadem re.*

*Ex eodem.*

CCXVI. (g) Si quis cum uxore fratris sui dormierit, adulter & mœcha diebus vitæ suæ absque conjugio maneat. Ille vero, cui uxor fuerit, si vult, aliam conjugem accipiat.

*De eadem re.*

*Ex eodem.*

CCXVII. [b] Si quis sponsam filii sui oppresserit, & postea filius ejus eam duxerit; pater postmodum non habeat uxorem, nec ipsa mulier virum. Filius, qui patris facinus ignoravit, aliam accipiat.

*De eadem re.*

*Ex eodem.*

CCXVIII. (i) Si quis filiastrum, aut filiastram suam ante Episcopum ad confirmationem tenuerit, separetur ab uxore sua, & aliam nunquam accipiat. Similiter & mulier.

*De eadem re.*

*Ex eodem.*

CCXIX. [k] Si quis cum matre & filia fornicatus est, ignorante matre de filia, & filia de matre; ille nunquam accipiat uxorem. Illæ vero, si volunt, accipiant maritos. Si autem hoc scierint ipsæ feminae, asque maritis in perpetuo maneat.

- (b) Concil. Tribur. c. 43. Tomo hoc II, pag. 404. Burchard. lib. 17. c. 14.  
 (c) Concil. Vermer. c. 1. Concil. Compend. c. 1.  
 (d) Concil. Vermer. c. 2.  
 (e) Concil. Vermer. c. 10. Burchard. lib. 17. c. 11.  
 (f) Concil. Vermer. c. 12. Burchard. lib. 17. c. 3.  
 (g) Concil. Compend. c. 8. Burchard. lib. 17. c. 17.  
 (h) Concil. Compend. c. 10. Lib. 5. Capitular. c. 5. Burchard. lib. 17. c. 18.  
 (i) Burchard. lib. 17. c. 22.  
 (k) Concil. Compend. c. 14. Burchard. lib. 17. c. 12.

*De eadem re.*

*Ex eodem.*

CCXX. (1) Similiter & de duabus fororibus, qui cum una in adulterio mansit, & aliam publice accepit, non habeat mulierem usque in diem mortis, & illa, quæ nescivit, accipiat maritum.

*Si quis propter faidam fugit.*

*Ex eodem.*

CCXXI. (m) Si qui propter vindictam fugiunt in alias Patrias, & dimittunt uxores suas; nec illi, nec illæ alteri copulentur.

*Item de incestis.*

*Ex eodem.*

CCXXII. [n] Si quis incestum cum proxima sua commiserit, peculium suum perdat, si habet; & si se non emendare voluerit, nullus eum in domo recipiat; neque ei cibum donet. Quod si fecerit, sexaginta solidos Regi componat. Et si pecuniam non habet, mittatur, si liber est, in carcerem; si servus est, vapulet multis plagis.

*Item de parricidis.*

*Ex eodem.*

CCXXIII. Si homo liber patrem, aut matrem, fratrem, vel avunculum occiderit, hereditatem propriam amittat. Et si quis mœchatus fuerit cum matre, & sorore, & amita, hæreditatem perdat.

*Item de incestis.*

*Ex eodem.*

CCXXIV. (o) Episcopi incestuosos investigare studeant. Et si pœnitere noluerint, de Ecclesia expellantur, donec ad pœnitentiam revertantur. (p) Quod si obedire Sacerdotibus noluerint, oportet eos per sæcularem disciplinam coerceri.

Z z z 3

*De eadem re.*

*Ex Concilio Mogontiacenſi. cap. xxix.*

CCXXV. [r] Si quis viduam uxorem duxerit, & postea cum filiastra fuerit fornicatus, seu cum duabus fororibus nupsit, aut si qua cum duobus fratribus, sive cum patre, & filio: si quis relictam fratris, si quis neptem, aut novercam, aut nurum, aut consobrinam, aut privignam polluerit; eos disjungi, & ulterius nunquam conjugio copulari præcipimus.

*De eadem re.*

*Ex eodem.*

CCXXVI. (s) Contradicimus quodque, ut quarta generatione nullus amplius conjugio copuletur. Ubi autem post interdictum factum fuerit, separentur.

*De eadem re.*

*Ex Concilio Wormatiensſi.*

CCXXVII. (t) Si quis cum duabus fororibus, seu cum duobus fratribus, aut cum his personis, de quibus sacra Scriptura prohibet, fornicationem fecerit; si dignam egerit pœnitentiam, & se continere non potest, liceat ei legitimam uxorem, vel virum accipere.

*Si quis cum commatre fornicatus fuerit.*

*Ex eodem.*

CCXXVIII. [u] Si quis cum commatre spiritali fuerit fornicatus, usque ad dignam pœnitentiam anathemate percutiatur. Similiter si cum ea, quam de fonte suscepit, vel quam ante Episcopum tenuerit, fornicatus fuerit. Legitimam autem, si habuerit, non dimittat uxorem.

*Item de incestis.*

*Ex eodem.*

CCXXIX. (w) Si quis cum filiastra sua fornicatus fuerit, post dissolutum con-

(1) Concil. Compend. c. 15. Burchard. lib. 17. c. 7.

(m) Concil. Compend. c. 18. Lib. 5. Capitular. c. 6.

(n) Concil. Met. sub Pippino. c. 1. Lib. 5. Capitular. c. 7.

(o) Conc. Mogunt. sub Kar. M. c. 53. Tomo I. nostro p. 413. Lib. 5. Capitular. c. 98. & 152.

(p) Conc. Turon. 3. c. 41.

(r) Vide supra c. 197. hujus libri.

(s) Conc. Mogunt. sub Kar. M. c. 54. Tomo I. nostro pag. 413. Lib. 5. Capitular. cap. 99. Burchard. lib. 7. c. 18.

(t) Concil. Wormac. c. 33. Tomo hoc II. pag. 315.

(u) Concil. Wormac. c. 34. Tomo hoc II. pag. 315.

(w) Concil. Wormac. c. 36. Tomo hoc II. pag. 315. sed capitulo 34. non 36.



conjugium pœnitentiam agat. Scilicet per triennii tempus a corpore & sanguine Domini suspendatur. Carnem non manducet, vinum non bibat, & omnibus diebus jejundet, exceptis Festis & Dominicis diebus. Similiter de mulieribus, quæ patri se clanculo in concubitu postraverunt, & filio observandum est, & qui duabus se absconse fororibus pollutos cognoscunt.

*Quod cum Sacramento illicita conjugii solvenda sunt.*

*Ex Concilio Triburiensi.*

CCXXX. (\*) Quorum illicita conjugia scienda sunt, volumus, ut juramento confirmet, ne ad unam mensam, nec sub uno tecto simul cohabitent, vel quolibet familiari colloquio perfruantur, nisi in publico, aut in Ecclesia. Res, quas communes habuerint, dividant, ne aliqua suspicio possit nasci, atque incrementum.

*Juramentum de parentela, quomodo inquirendum.*

CCXXXI. (y) De illa parentela, quam dicunt esse inter illum & istam ejus conjugem, quidquid inde scis vel audisti computare a tuis vicinis, vel tuis antecessoribus, quod tu per nullum ingenium, nec propter timorem, aut præmium, aut consanguinitatem celabis Episcopo tuo, aut ejus Missio, cui hoc inquirere jusserit, quandocunque ex hoc te interrogaverit. Sic te Deus adjuvet.

*De eadem re.*

CCXXXII. (z) Istud juramentum, quod iste juravit de illa parentela, quæ inter illum, & ejus conjugem computatur, quod tu illud observabis, in quantum sapias, aut audisti. Sic te Deus adjuvet.

*Sacramentum de incestuoso discidio.*

CCXXXIII. (a) Ab isto die jurabis, quod tu per nullum ingenium te faciabis huic tuæ consanguineæ, nomine illi, quæ contra legem & rectam Christianitatem usque in hunc diem tua uxor fuit, nec in conjugio, nec in adulterio, vel

fornicatione, nec cum illa ad unam mensam manducabis, & bibes, aut sub uno tecto manebis; nisi forte in Ecclesia, aut in aliquo publico loco, ubi nulla mala suspicio possit esse, ut ibi coram testibus pro certa necessitate pariter colloquamini. Nec aliam conjugem accipies, nisi forte post actam pœnitentiam tibi licentia data fuerit ab Episcopo tuo, aut ejus Missio. Sic te Deus adjuvet, & istæ Sanctorum reliquæ.

*Invocatio Judicii.*

CCXXXIV. (b) De hoc, quod mihi reputatum est in hac Synodo, quod simul cum ista femina adulterium, vel fornicationem fecissem, quod ego non ita feci, nec inde me culpabilem recognosco. Sic me Deus adjuvet, & istud judicium suum.

*Juramentum post datam pœnitentiam de perpetrata luxuria.*

CCXXXV. (c) Ab ista die cum femina, cum qua adulterium, vel fornicationem fecisti, unde disciplinam, vel pœnitentiam suscepisti, amplius non adulterabis, nec fornicaberis, nec eam in uxorem accipies: nisi forte post peractam pœnitentiam tibi licentia data fuerit ab Episcopo, aut ejus Missio. Sic te Deus adjuvet.

*De eo, qui vivente marito conjugem illius adulterasse accusatus perhibetur.*

*Ex Synodo Meldensi.*

CCXXXVI. (d) Is, qui, vivente marito, conjugem illius adulterasse accusatur, & eo in proximo defuncto eandem sumpsisse dignoscitur, omnimodis publicæ pœnitentiæ subigatur. De quo etiam post pœnitentiam, præfata, si expedierit, servabitur regula: nisi forte idem, aut mulier virum, qui mortuus fuerat, occidisse notentur, aut propinquitas, vel alia qualibet actio criminalis impediatur. Quod si probatum fuerit, sine ulla spe conjugii cum pœnitentia perpetuo maneant. Si autem negaverit, se eandem feminam vivente viro, adulterasse, & præfati homicidii

(\*) Concil. Tribur. c. 49. Tomo hoc II. pag. 405, 406.

(y) Burchard. lib. 7. c. 25.

(a) Burchard. lib. 7. c. 27.

(c) Burchard. lib. 9. c. 86.

(z) Burchard. lib. 7. c. 26.

(b) Burchard. lib. 9. c. 79.

(d) Conc. Meld. c. 69. Burchard. l. 9. c. 65.

micidii nemo eorum reus extiterit, & probatis testibus neutiquam convinci poterit; purgent legaliter famam suæ opinionis, & sumpto utantur conjugio, si alia, ut diximus, non impederit ratio.

*De eadem re.*

*Ex Concilio Triburiensi.*

CCXXXVII. (e) Relatum est auribus Sanctorum Sacerdotum, quandam alterius uxorem stupro violasse, insuper & mœchæ, vivente viro suo, juramentum dedisse, ut post legitimi mariti mortem, si supervixisset, duceret in uxorem, quod & factum est. Tale igitur connubium prohibemus & anathematizamus.

*Invocatio de morte mariti, vel uxoris.*

CCXXXVIII. De hoc, quod tu accusata es in præsentia istius Episcopi, in hac Synodo, quod per tuum factum, & per tuum consilium tuus maritus illius, vel tua conjux illius mortem recepisset, & vitam perdidisset, omnino non est ita: nec tu in ejus vita, aut membris quicquam fecisti, aut cum aliis consiliatus es, unde merito secundum Ecclesiasticum Judicium pœnitentiæ remedia suscipias, aut secundum mundanam legem mortem, aut aliquod damnum sustineas. Sic te Deus adjuvet ad istud judicium.

*Juramentum vel invocatio de homicidio imputato.*

CCXXXIX. De hoc, quod tibi imputatum est, in præsentia tui Episcopi, cujus parœchianus es, quod tu illum hominem cum aliis hominibus sequacibus tuis occidisses propter hanc causam, ut bona illius diriperes, & ejus uxorem tibi in matrimonium sociares; in veritate non est ita: nec tu solus, nec cum aliis hominibus illum hominem occidisti, nec ut suam vitam, aut membra perderet, cum aliis consiliatus es, nec in ejus morte quicquam habes factum, unde merito aut pœnitentiam suscipias, aut vindictam suscipias, aut pretium aliquod perfolvas. Sic te Deus adjuvet.

*Juramentum de reconciliacione conjugatorum.*

CCXL. (f) Ab ista die in antea, istam tuam conjugem, nomine illam, quam injuste dimiseras, ita tenebis, sicut per rectum maritus suam debet habere conjugem in dilectione & debita disciplina, nec eam per ullum malum ingenium separabis a te, nec ea vivente aliam accipies. Sic te Deus adjuvet.

*De eadem re.*

CCXLI. (g) Amodo in ante istum tuum maritum, quem injuste dimiseras, ita tenebis & amplexaberis, & ei in servitio, in amore, & in timore ita eris subjecta, & obediens, sicut per rectum uxor subjecta debet esse marito: nec unquam ab eo te separabis, nec illo vivente alteri viro te sociabis in conjugio, aut ad ulterio. Sic te Deus adjuvet.

*De his, qui matrimonio juncti sunt, & nubere non possunt.*

*Ex Epist. Rhabani. cap. xxix.*

CCXLII. (h) Quod autem interrogasti de his, qui matrimonio juncti sunt, & coire non possunt, an ille aliam, vel illa alium ducere possit. Quibus scriptum est: (i) *Vir & mulier, si se conjunxerint, & postea dixerit mulier de viro, quod non possit coire cum eo, si potest probare per justum judicium, quod verum sit, accipiat alium.*

*De eadem re.*

*Ex Concilio ad Vermeriam temporibus Pippini Regis. cap. xvii.*

CCXLIII. (k) Si qua mulier se proclamaverit, quod vir suus nunquam cum ea coisset, exeant inde ad crucem, & si verum fuerit, separentur, & illa faciat, quod vult.

*De eadem re.*

CCXLIV. (l) Si quis accepit uxorem, & habuit ipsam aliquo tempore, & ipsa femina dicat, quod non coisset cum ea, & ille vir dicat, quod sic fecit: in veritate viri consistat, quia vir caput est mulieris.

*De*

(e) Concil. Tribur. c. 40. Tomo hoc II. pag. 404. Burchard. lib. 9. c. 66.

(f) Burchard. lib. 9. c. 81.

(g) Burchard. lib. 9. c. 82.

(h) Rhaban. Epist. ad Heribald. c. 29. Tomo hoc II. pag. 209.

(i) Lib. 6. Capitular. c. 55. Burchard. lib. 9. c. 40.

(k) Concil. Vermer. c. 17. Burchard. lib. 9. c. 41.

(l) Concil. Compend. c. 17. Burchard. lib. 9. c. 42.



*De eadem re.**Ex Concilio Triburiensi.*

CCXLV. (m) Si duxerit vir uxorem, & concumbere cum ea non valens, frater ejus clanculo eam vitiaverit, & gravidam reddiderit, separentur. Considerata autem imbecillitate, misericordia eis impertiatur ad conjugium, tantum in Domino.

*De fornicatione diversarum personarum.**Ex Penitentiali Romano, Theodori Episcopi, & Bede Presbyteri.*

CCXLVI. Adolescens, si cum virgine peccaverit, annum pœniteat.

Si semel & fortuito casu, levigetur ei pœnitentia, & tantum usque ad annum plenum pœniteat.

Si infra triginta annos adolescens fornicationem faciat, tres quadragesimas & legitimas ferias.

Si propter hoc peccatum servitio humano addicti sunt, quadraginta dies pœniteant.

Si uxoratus cum virgine fornicatus fuerit, duos annos pœniteat, ita primum omnium, ut a sua se contineat. Si ei consenserit, uxori etiam addatur modus pœnitentiæ.

Si laicus cum laica fornicatus fuerit, tres annos pœniteat, & quanto sæpius, tanto magis tempus addatur.

Laicus maculans se cum ancilla Dei, duos annos pœniteat. Si genuerit ex ea filium, annos tres pœniteat. Si sine conjugio est, tres quadragesimas, & legitimas ferias. Si Canonici sunt, & fornicantur, annum unum; si frequenter, duos.

Qui in gradu est, annos tres pœniteat: Monachus sine gradu, vel Canonicus gradum habens, si cum puella laica fornicati sunt; annos tres pœniteant; si cum sanctimoniali, annos septem pœniteant. Monachi cum gradu fornicationem facientes, septem annos pœniteant. Si Monachus laicam duxerit, tres annos pœniteat, illa duos, & legitimas ferias. Si usque ad generationem filii, quatuor annos pœniteat; si occiderit, septem annos pœniteat.

Si Episcopus fornicatus fuerit, octo annos pœniteat. Alii judicaverunt, duo-

decim annorum pœnitentiam. Post annum tertium levius pœniteat.

Presbyter cum puella fornicans, annos quatuor, & tres quadragesimas in anno, & ferias quartam & sextam in pane & aqua. Si cum ancilla Dei fornicatus fuerit, septem annos pœniteat.

Episcopus, [n] Presbyter, & Diaconus, si in fornicatione, perjurio, vel furto captus est, deponatur; non tamen communionem privetur. Quia non vindicat Dominus bis in idipsum. [Ex Canone XXV. Apostolorum.]

*Item de incestis.*

CCXLVII. Si adolescens sororem suam duxerit, quinque annos pœniteat; si matrem, septem annos. Et quamdiu vixerit, nunquam sit sine (o) continentia.

*Item alii.*

Qui cum matre fornicatus fuerit, quindecim annos pœniteat.

Qui cum filia, vel sorore fornicatus fuerit, ab omni carne se absteineat, & quindecim annos pœniteat.

Si mater cum filio suo parvulo fornicata fuerit, tres annos absteineat se a carne, & diem unum in unaquaque hebdomada jejundet usque ad vespertam.

*Item.*

Qui habet matrem & filiam, duas sorores, uxorem patris & fratris, patruelis aut avunculi, neptem aut consobrinam: aut qui in prima, secunda, vel tertia generatione juncti sunt, istis volumus indicare, ut separentur. Et propter novellam plantationem Ecclesiæ, ut septem annos agant pœnitentiam: tres primos annos tres dies in hebdomada, id est, feria secunda, & quarta, & sexta: quadraginta dies ante Pascha, viginti ante Missam Sancti Johannis, viginti ante Natale Domini. Quatuor vero reliquos annos, feria quarta & sexta, & quatuordecim noctes ante Missam Sancti Johannis, & alias ante Natale Domini. Si se redimere vult, donet unum denarium, aut pretium unius denarii pro uno die. Si pauper est, donet dimidium denarium.

*De*

(m) Concil. Tribur. c. 41. Tomo hoc II. pag. 404. Burchard. lib. 9. c. 43.

(n) Burchard. lib. 17. c. 39. Tomo I. nostro pag. 132.

(o) *Legge: pœnitentia.*

*De sordidatione puerorum.*

CCXLVIII. Pueri se manibus invicem coinquantes, quadraginta dies pœniteant, majores vero centum dies. Pueri se inter femora sordidantes, centum dies pœniteant, majores tres quadragessimas & legitimas ferias. Parvulus a majore oppressus septem dies pœniteat. Si consenserit, viginti dies. Puer voluntarie se polluens, triginta dies; juvenis vero quadraginta dies pœniteat.

*De menstruis abstinentiis.*

CCXLIX. Qui cum muliere menstruatâ nupserit, quadraginta dies pœniteat.

*Ut supra.*

Si quis cum uxore suâ retro nupserit, quadraginta dies pœniteat: si in terga nupserit, tres annos, quia Sodomiticum scelus est. Viri inter femora fornicantes, annum unum pœniteant: si in terga, tres annos. Si pueri sunt, duos annos pœniteant.

*De mulierum fornicatione.*

CCL. [p] Mulier quocunque molimine aut in se ipsa, aut cum altera fornicans, tres annos pœniteat.

*Unde supra.*

(q) Si sanctimonialis cum alia sanctimoniali per aliquod machinamentum fornicatur, septem annos pœniteat.

*De inlecebrosi amplexu.*

CCLI. (r) Qui per inlecebrosos amplexus feminâ, vel per osculum polluitur, triginta dies pœniteat. Qui tetigerit inverecunde carnem ejusdem feminâ, tres menses pœniteat. Qui per turpilquium polluitur, septem dies pœniteat. Presbyter si osculatus fuerit feminam per immundum desiderium, viginti dies pœniteat. Si inquinatus fuerit, quadraginta dies pœniteat. Qui in Ecclesia per fornum polluitur, tres dies pœniteat. Qui in somnis voluntate pollutus est, surgat, & cantet septem Psalmos pœnitentiales, & die tri-

A a a

ginta. Qui peccare voluerit in somnis, & non fuerit pollutus; triginta quatuor Psalmos cantet.

*De fundendo semen.*

CCLII. (s) Clericus si semen fuderit, non tangendo, septem dies pœniteat; si tangit cum manu, viginti dies. Si Diaconus, triginta dies. Si presbyter, hebdomadas quatuor. Presbyter si semen fuderit per cogitationem, septem dies pœniteat. Monachus similiter. Qui voluntarie semen fudit in Ecclesia, si Clericus est, quatuordecim: si monachus, aut Diaconus; triginta dies: si Presbyter, quadraginta: si Episcopus, quinquaginta dies pœniteat.

*De quadrupedum fornicatione.*

CCLIII. [t] Qui cum pecude peccat, annum unum. Quidam judicant, annos decem, quidam septem, quidam quatuor: quidam centum dies.

*Item.*

Si quis Clericus cum quadrupede fornicatus fuerit, annos duos: Subdiaconus tres: Diaconus, & Monachus quinque: Presbyter septem: Episcopus decem pœniteat.

*De Sodomitis.*

CCLIV. Qui fornicaverit, sicut Sodomitæ, (\*) quidam judicaverunt decem annos, quidam septem, alii unum. Pueri centum dies. Alii judicaverunt, si in consuetudine est, laicus annos quinque, Clericus septem, Subdiaconus, & Monachus octo: Diaconus decem, Presbyter duodecim, Episcopus tredecim pœniteat.

*De eadem re.*

*Ex Concilio Ancyrano.*

CCLV. (u) De his, qui inrationabiliter versati sunt, sive versantur, quotquot ante viginti annos ætatis tale crimen commiserunt, quindecim annis exactis in pœnitentia communionem mereantur orationum. Post quinquennium, id est, post viginti annos, oblatio-

(p) Burchard. lib. 17. c. 27.

(r) Burchard. lib. 17. c. 42.

(t) Burchard. lib. 17. c. 32.

(u) Concil. Ancyran. c. 15. Tomo I. nostro pag. 148. Rhab. Epist. ad Heribald. c. 32. Tomo hoc II. pag. 210. Halitgar. lib. 4. c. 7. Burchard. lib. 17. c. 30.

(q) Burchard. lib. 17. c. 28.

(s) Burchard. Lib. 17. c. 43.

[\*] Halitgar. lib. 6. c. 25. Burchard. lib. 17. c. 34.



lationis Sacramenta contingant. Quotquot autem post viginti annos ætatis uxores habentes, in hoc peccatum prolapsi sunt, viginti quinque annos penitentiam agentes, ad orationis communionem recipiantur. Et post quinquennium iidem post triginta annos communicent.

*De eadem re.*

*Ex eodem Concilio.*

CCLVI. (w) Eos, qui inrationabiliter vixerunt, & lepra inusti criminis alios polluerunt, præcepit sancta Synodus, inter eos errare, qui spiritu periclitantur immundo.

*De eadem re.*

*Ex Lib. 1. Capitularium cap. XIX.*

CCLVII. (x) Si inventi fuerint, qui cum quadrupedibus, vel masculis contra naturam peccant, dura & districta penitentia coercendi sunt. Quapropter Episcopi, vel Presbyteri, a quibus iudicium penitentiae injungitur, conentur omnimodis hoc malum radicitus abscidere.

*De eadem re.*

*Ex dictis Basilii.*

CCLVIII. (y) Clericus, vel Monachus, adulescentium, vel parvulorum infectator, vel qui osculo, vel aliqua occasione turpi reprehensus fuerit; publice verberetur, & coronam amittat, decalvatusque turpiter; sputamentis oblinatur in facie, vinculisque arctatus ferreis, carcerali sex mensibus angustia maceretur, & triduo per hebdomadas singulas ex pane hordeacio ad vesperam reficiatur. Post hæc aliis sex mensibus sub senioris spiritualis custodia segregata in curticula degens, operi manuum, & orationi sit intentus, vigiliis & fletibus subiectus; & sub custodia semper duorum fratrum spiritualium ambulet, nulla privata locutione vel consilio deinceps juvenibus conjungendus.

*De eadem re.*

*Ex dictis Isidori.*

CCLIX. (z) Si quis ex juvenibus, vel aliqua suspiciosa persona cum parvulis jocaverit, diuturna penitentia maceretur.

*De eadem re.*

*Unde supra.*

CCLX. (a) Si deprehensus fuerit aliquis frater ludere cum pueris, & habere amicitias ætatis infirmæ; tertio commoneatur, ut memoretur sit honestatis atque timoris Dei. Si non cessaverit, severissime corripatur.

*De eadem re.*

*Ex Lege Theodosiana. Lib. IX*

CCLXI. (b) Omnibus flagitiosum est, virile corpus muliebriter (c) constitutum alieni sexus damnare patientiam. Nihil enim discretum videntur habere cum feminis. Hujusmodi scelus, spectante populo flammis vindicibus expiabis [ *Editio Helmæstad. expiabant.* ]

*De Copulatione fidelium.*

*Ex Concilio Wormaciensi.*

CCLXII. (d) In copulatione fidelium generationum numerum non definimus: sed id statuimus, ut nulli liceat Christiano de propria consanguinitate, seu cognatione uxorem accipere, usque dum generatio recordatur, cognoscitur, aut memoria retinetur.

Hæc de multimoda fornicatione ex diversis opusculis perstrinximus, sacerdotum iudicio relinquentes, quid salubrius & utilius esse in dandis penitentibus decernant.

*Ne in domibus fidelium adulteria perpetrentur.*

*Ex Concilio Meldensi.*

CCLXIII. (e) Provideant viri potentes & maxime potentes feminae, ut in suis domibus adulteria, & luxuria con-

[w] Concil. Ancyran. c. 16. Tomo I. nostro pag. 148. Lib. 7. Capitular. c. 273. Halitgar. lib. 4. c. 8. Burchard. lib. 17. c. 31.

(x) Lib. 1. Capitular. c. 49. Burchard. lib. 17. c. 33.

(y) Burchard. lib. 17. c. 35.

(a) Burchard. lib. 17. c. 37.

(c) Edit. Helmæstad. *constituere* & *ad al.*

[d] Concil. Wormac. c. 32. Tomo hoc II. p. 315. Lib. 5. Capitular. c. 80. Burchard. l. 7. c. 2.

(e) Concil. Meld. c. 74.

[z] Burchard. lib. 17. c. 36.

(b) Interpretat. l. 6. cod. Theodof. De adulteris.

concubinaticæ, & incesta adulteria non vigeant. Et (f) suos Presbyteros, qui cum eis in capella vadunt, huiusmodi virtutem habere faciant, quatinus in domibus suis omnia vitia relecent, & orationem Dominicam ac symbolum cunctos tenere, & frequentare compellant: quia parochiani Presbyteri, & Episcoporum Ministri de minoribus, & levioribus personis hoc providere studebunt.

*De eadem re.*

*Ex Capitular. Lib. III.*

CCLXIV. (g) Dictum est nobis, quod in quibusdam locis Episcopi, & Comites ab incestuosus, & ab his, qui decimas non dant, Wadios accipiant, & a Presbyteris pro quibusdam negligentis, & inter se pecuniam dividant, quod penitus abolendum decrevimus, ne forte avaritiæ locus denur.

ABHINC DE FURTO,

ET RAPINA.

*Ex Penitentiali.*

CCLXV. (b) Qui cupiditate cap-  
tus, furtum fecerit; quod abstulerit, red-  
dat, & annos quinque pœniteat.

*De eadem re.*

*Ex Lege Romana.*

CCLXVI. Pecunia Ecclesiastica fu-  
rata, five rapta, solvatur quadruplum,  
popularia dupliciter. *Vide Tom. IX. spi-*  
*cilegii Dacheriani pag. 57. cap. 54. & Gra-*  
*tian. 17. Q. 4. cap. 16.*

*De eadem re.*

*Ex penitentiali.*

CCLXVII. Qui sæpe furtum fece-  
rit, septem annos pœniteat.

*De eadem re.*

*Ex eodem.*

CCLXVIII. [i] Si quis furtum  
capitale commiserit, id est, quadrupe-  
A a a 2

dia tulerit, vel casas effregerit, septem  
annos pœniteat, & quod furatum est,  
reddat; si quis vero de minoribus semel  
aut bis, furtum fecerit, reddat, quod  
tulit, & annum unum pœniteat in pa-  
ne & aqua. Et si reddere non potue-  
rit, annos tres pœniteat.

*Unde supra.*

Si quis sepulchrum violaverit, sep-  
tem annos pœniteat, tres ex his in pa-  
ne & aqua.

*De eadem re.*

*Ex Concilio Toletano.*

CCLXIX. (k) Si quis Clericus in  
demoliendis sepulchris fuerit depre-  
hensus; oportet in tali scelere prodi-  
tum a Clericatus ordine submoveri, &  
pœnitentiæ triennio deputari.

*De eadem re.*

*Ex Concilio Agathensi.*

CCLXX. (l) Si quis Clericus fur-  
tum Ecclesiæ fecerit, peregrina ei  
communio tribuatur.

*De eadem re.*

*Ex eodem.*

CCLXXI. (m) Si quis Clericus  
aut monachus furtum fecerit, quod  
potius sacrilegium dici potest; id cen-  
suimus ordinandum, ut junior virgis  
cæsus, tanti criminis reus, nunquam  
officium Ecclesiasticum accipiat: si ve-  
ro jam ordinatus in hoc facinore fuerit  
deprehensus, nominis ipsius dignitate  
privetur. Cui sufficere potest, pro ac-  
tus sui levitate, impleta pœnitentiæ sa-  
tisfactione, sola communio.

Caput istud non extat inter canones Sy-  
nodi Agathensis, & tamen Eg-  
bertus Cantuariensis, qui multo an-  
tiquior est Reginone, illud laudat ex  
Concilio Agathensi

*De eadem re.*

*Ex dictis Hieronymi ad Titum.*

CCLXXII. (n) Fur autem non  
solum

(f) Vetus codex MS. sui Presbyteri.

(g) Concil. Cabilon. 2. c. 18. Lib. 2. Capitular. c. 38. Lib. 2. Leg. Longob. tit. 3. c. 10.

(b) Halitgar. lib. 4. c. 29.

(i) Halitgar. lib. 6. c. 4. Burchard. lib. 11. c. 58. Gratian. 17. q. 4. c. 17.

(k) Concil. Tolet. 4. c. 46. Burchard. lib. 11. c. 63.

(m) Exceptiones Egberti c. 68. Burchard. lib. 11. c. 64.

(n) Burchard. lib. 11. c. 55.



solum in majoribus, sed etiam in minoribus judicatur. Non enim quid furto ablatum est, sed mens furantis attenditur. Quomodo in fornicatione, non idcirco diversa est fornicatio, si mulier pulchra aut deformis, ancilla aut ingenua, pauper aut opulenta; sed qualiscunque illa fuerit, una est fornicatio. Ita in furto, quantumcunque quis abstulerit, furti crimen incurrit.

*De eadem re.*

*Augustini dicta.*

CCLXXIII. (o) Dixit Dominus ad Moysen: *Accipiat unusquisque a proximo suo, & proxima, vasa argentea, & aurea, & vestes.* &c. Non hinc quisquam exemplum sumendum putare debet, ad expoliandum proximum. Hoc enim Deus iussit, qui noverat, quid quemque pati oporteret. Nec Israelitæ fecerunt, sed Deo iubente ministerium præbuerunt. Quemadmodum cum minister occidit eum, quem iudex iussit occidi. Profecto si id sponte faciat, homicida est, etiam si eum occidat, quem scit a iudice occidi debuisse.

*Item Augustinus.*

(p) Pœnale est, occulte auferre: multo majoris pœnæ est, visibiliter eripere. Auferre ergo nolenti, sive occulte, seu palam, habet præceptum suum. Furti enim nomine bene intelligitur, omnis inlicita usurpatio rei alienæ. Non enim rapinam permisit, qui furtum prohibuit, sed utique sub furti nomine, & rapinam intellegi voluit. A parte enim totum significavit, quidquid proximo auferatur.

*De eadem re.*

*Ex Capitularibus.*

CCLXXIV. (q) Si quis infra regnum rapinam fecerit, aut cuiquam nostro fideli, aut ejus homini, aliquid vi abstulerit, in triplo, cui tulit, legibus componat, & insuper bannum nostrum persolvat. Postmodum vero ante nos a Comite adducatur, ut in bastiniaco retrusus, usque ad dum nobis placu-

erit, pœnas luat. Nam si publice actum fuerit, publicam inde agat pœnitentiam juxta sanctorum Canonum sanctiones. Si vero occulte, sacerdotum consilio exinde agat pœnitentiam: quoniam raptos, ut Apostolus ait, nisi inde veram egerint pœnitentiam, regnum Dei non possidebunt. Qui vero de rebus Ecclesiarum aliquid abstulerint, gravius inde judicentur: quia sacrarum rerum ablatio sacrilegium est, & sacrilegus vocatur, qui exinde aliquid tulit. Extorres namque a liminibus Sanctæ Dei Ecclesiæ tales personæ usque ad satisfactionem Ecclesiæ, quam læserunt, sunt habendæ, atque firmiter denotandæ.

Pars ultima istius Capituli diversa est ab editione, quæ extat in libris Capitularium. Sed convenit cum ea, quam exhibent Capitula Karoli Calvi.

*De eadem re.*

*Ex Penitentiali.*

CCLXXV. (r) Si aliquis de ministerio Ecclesiæ quolibet modo aliquid furatus fuerit, septem annos pœniteat.

*De eadem re.*

*Ex Concilio Wormaciensi.*

CCLXXVI. (s) Sæpe contingit, ut in Monasteriis furta perpetrentur. Idcirco statuimus, ut quando ipsi fratres de talibus se purgare debent, missa ab Abbate celebretur, vel ab aliquo, præsentibus fratribus. Et sic, expleta Missa, omnes communicent in hæc verba: *Corpus Domini sit tibi ad probationem bodie.*

Multum diversus est hic canon a vulgaris editionibus Concilii Wormaciensis. Istam tamen lectionem secutus est Burchardus, & ex eo Gratianus. Itaque postrema pars ita habet in canonibus Concilii: *Et sic in ultima Missæ celebratione pro expurgatione sua corpus & sanguinem Domini nostri Jesu Christi percipiant, quatenus ita inde innocentes se esse ostendant.* Vide Missam judicii in Glossario Francisci Pithœi in verbo: *Aque ferventis, aut frigidae judicium.*

*De*

(o) August. in Exod. Q. 39. Burchard. lib. II. c. 53.

(p) August. in Exod. Q. 71. Burchard. lib. II. c. 54.

(q) Lib. 6 Capitular. c. 96. & in Capitulis Karoli Calvi tit. 20. pag. 158. & tit. 27. pag. 249.

(r) Burchard. lib. II. c. 65.

(s) Concil. Wormac. c. 15. Tomo hoc II. pag. 313. Burchard. lib. II. c. 66.

*De causa criminali.*

*Ex eodem.*

CCLXXVII. (t) Si Episcopo, aut Presbytero causa criminalis, homicidium, adulterium, & maleficium reputatum fuerit; in singulis Missam tractare debet, & secretam publice dicere, & communicare: & de singulis sibi reputatis innocentem se ostendere. Quod si non fecerit; quinquennio a liminibus Ecclesiæ extraneus habeatur.

*De rapina & violentia.*

*Ex Capitulari,*

CCLXXVIII. (u) Episcopi Evangelicæ, & Apostolicæ, nec non Propheticæ auctoritatis sententias de rapina, & vi, & decreta canonica & Apostolica breviter debent habere adnotata, & hæc omnibus publice relegant. Missi quoque legationis legales sententias, & Prædecessorum nostrorum, & nostra de hac causa capitula, omnibus nota faciant. Et Episcopi Dei, & Episcopali auctoritate deprædationes, & rapinas omnibus interdiciant. Et Missi, & Comites nostri cunctis ex nostro banno prohibere firmiter studeant; ut cognoscant omnes, quod si tale aliquid facere præsumpserit, secundum divinas sententias Episcopalem excipiet sententiam, & secundum leges, & capitula Regia emendare cogatur, & secundum iudicium fidelium nostrorum condignam vindictam excipiet.

*De eadem re.*

*Ex eodem.*

CCLXXIX. (w) Quod si, quod absit, talis emerferit, qui Dei timorem postponat, & Ecclesiasticam auctoritatem contemnat, & Regiam potestatem refugiat; sciat, quicumque ille fuerit, quia & secundum canonicam auctoritatem ab omnium Christianorum cœtu, & a sanctæ Ecclesiæ consortio in cœlo, & in terra alienus efficietur: & regali potestate, atque omnium regni fidelium unanimitate, sicut Dei ini-

A a a a 3

micus, & regni devastator, persequetur, usque a regno exterminetur.

*Unde supra.*

CCLXXX. [x] Audiant rapaces, quid Dominus per Esaïam dicit: *Rapina pauperis (y) in domo vestra.* Et per Apostolum: *Neque rapaces, (z) neque homicidæ, neque adulteri regnum Dei possidebunt.* Unde intendant, quale, quantumque peccatum est rapina, quam cum adulterio & homicidio sanctus comparavit Apostolus. Item ipse dicit: *Si quis fornicator, aut adulter, aut rapax, aut homicida est, cum huiusmodi (a) nec cibum sumere, Christiano licet ante satisfactionem.* Et beatus Johannes Apostolus talem hominem salutare vetat, dicens: *Nec ave ei dixeris, neque in domum receperis. Qui enim ave ei dicit, communicat (b) operibus ejus malignis.* Audiant, quid in Toletano Concilio scriptum est. *Require Cap. XXXVI.*

CCLXXXI. Si quis, inquit, de potentioribus Clericum, aut pauperem expoliaverit. Require retro, ubi de homicidiis continetur. Audiant raptores, & prædones rerum Ecclesiasticarum, quid Sanctus Anacletus, a Petro Apostolo ordinatus, dicat:

*De eadem re.*

*Anacletus.*

CCLXXXII. (c) Qui abstulit, inquit, aliquid patri, homicidæ particeps est. Pater noster sine dubio Deus est, qui nos creavit. Mater vero nostra Ecclesia, quæ nos in baptismo spiritualiter genuit. Ergo qui Christi pecunias, & Ecclesiæ aufert, rapit, aut fraudatur; homicida est, atque ante Deum homicida deputatur. Qui enim res Ecclesiæ abstulerit, sacrilegium facit, & ut sacrilegus judicandus est.

*Item Urbanus Papa & Martyr dicit:*

CCLXXXIII. [d] Res & facultates Ecclesiasticæ oblationes appellantur: quia Domino offeruntur, & vota sunt fidelium, & pretia peccatorum atque patrimonialia pauperum. Si quis illa rapuerit reus

[t] Concil. Wormac. c. 10. Tomo hoc cap. IX. pag. 312. Burchard. lib. 2. c. 199.

[u] Capitula Karoli Calvi tit. 20. c. 3. 4. & tit. 29. c. 4.

[w] Ibid. cap. 7.

[x] Ibid. cap. 10.

[y] Esaïæ IV, 14.

[z] I. Corinth. VI, 10.

[a] I. Corinth. V, 11.

[b] II. Joannis II,

[c] Capitula Karoli Calvi ibid. Burchard. lib. 11. c. 18.

[d] Capitula Karoli Calvi ibid.



reus est damnationis Ananiz & Saphiræ; & oportet hujusmodi tradere Satanæ, ut spiritus salvus sit in diem Domini.

*Item Lucius Papa.*

CCLXXXIV. (a) Rerum Ecclesiasticarum & Facultatum raptores a liminibus sanctæ Ecclesiæ anathematizantes Apostolica auctoritate pellimus & damnamus, atque sacrilegos esse judicamus: & non solum eos, sed etiam omnes consentientes eis, quia non solum, qui faciunt, sed etiam, qui consentiunt, rei judicantur.

*De eadem re.*

CCLXXXV. (b) Augustinus dicit: Qui aliquid de Ecclesia furatur, & rapit, Judæ proditori comparatur.

*In Canonibus scriptum.*

CCLXXXVI. [c] Si quis oblationes Ecclesiæ extra Ecclesiam rapere, vel dare voluerit præter conscientiam Episcopi, vel ejus, cui hujusmodi officia commissa sunt, anathema sit.

*De eadem re.*

*Ex Concilio Meldenſi. cap. LXI.*

CCLXXXVII. (d) Ut pervasores rerum Ecclesiasticarum, qui easdem res contra auctoritatem non solum retinere, verum etiam crudeliter depopulari noscuntur, quidam etiam & facultates Ecclesiæ in diversa conlaboratione, & redditibus eas expoliant: sed & pauperes, & vicinos, & circummanentes immiseri-corditer expoliant, devastant & opprimunt; ut rapaces, qui secundum Apostolum (e) a regno Dei excluduntur, ex criminali & publico peccato publica pœnitentia satisfaciunt. Quod si hoc agere noluerint, & potestate regia ad hoc exhortati, vel coacti non fuerint; proferatur contra eos Apostolica terribilis sententia, qua dicitur: (f) *Si quis frater nominatur, & est rapax; cum hujusmodi nec cibum quisquam sumere presumat.* (g) Quia iniquum & sacrilegum est, ut Symmachus Papa, & post eum Beatus Gregorius Sabino

Subdiacono scribebat, & contra leges est, si quis, quod venerabilibus locis relinquatur, pravæ voluntatis studiis, suis compendiis tentaverit retinere. Secundum statuta Canonum ab omni Ecclesiastica communione, ut sacrilegus debet arceri, donec studeat digna satisfactione, quod admisit, corrigere.

*De his, qui loca sacrata infringunt.*

*Ex eodem.*

CCLXXXVIII. [h] Ut hi, qui monasteria & loca Deo sacrata, & Ecclesias infringunt, & deposita, vel alia quælibet exinde abstrahunt, & Sacerdotes ac viros Ecclesiasticos non solum dehonorent, verum diverso modo affligunt, velut sacrilegi, canonicæ sententiæ subigantur, atque excommunicentur.

*Quomodo Episcopus ad Synodum vocet prædatores.*

*Unde supra.*

CCLXXXIX. (i) Episcopus, in cuius parochia aliquis consistens aliquid injuste fecerit, semel & bis, atque tertio, si necesse fuerit, vocabit illum sua admonitione per suum nuntium canonicè ad emendationem, sive compositionem, & ad pœnitentiam, ut Deo & Ecclesiæ satisfaciatur, quam læsit. Si autem despexerit, atque contempserit ejus admonitionem & saluberimam invitationem, feriat illum pastoralis virga, hoc est, sententia excommunicationis; ut a communione Sanctæ Ecclesiæ, omniumque Christianorum sit separatus usque ad congruam satisfactionem, & dignam emendationem; quam excommunicationem debet isdem Episcopus seniori illius notam facere, & omnibus suis Coepiscopis, ne eum recipiant usque ad dignam satisfactionem.

Burchardus in fine istius Capituli quædam, ut ego quidem arbitror, de suo addidit, quod putaret haud dubie necessarium esse, ut, cum quis Christianus erat excommunicatus, id

(a) Capitula Karoli Calvi ibid. Burchard. lib. II. c. 19.

(b) Capitula Karoli Calvi ibid. Burchard. lib. II. c. 19.

(c) Concil. Gangr. c. 7. Tomo I. nostr. p. 154. Burchard. lib. II. c. 21.

(d) Concil. Meld. c. 61. Burchard. lib. II. c. 16.

(e) I. Corinth. VI.

(f) Sexta Synod. Rom. sub Symmacho. S. Greg. lib. 8. ind. 3. Epist. 6.

(g) Concil. Meld. c. 60. Burchard. lib. II. c. 22.

(i) Capitula Karolomanni tit. 2. c. 5. Burchard. lib. II. c. 13.

in omnium parochianorum notitiam perferretur. Itaque in fine Capituli, post vocem : *Coeppiscopis*, ista addita sunt apud Burchardum : & *omnibus suis parochianis*. Quæ autem non extant apud Reginonem, neque in Capitulis Karlomanni, unde peti- tum est istud Caput.

*De his, qui alterius parochiani sunt.*

*Ex eodem.*

CCXC. (k) De illis autem, qui in- fra parochiam beneficium aut hæredita- tem habent, & alterius Episcopi parre- chiani sunt, & dum de loco ad locum iter faciunt, rapinas & depradationes peragunt; placuit nobis & fidelibus no- stris, ut excommunicentur, nec ante ex parrechia exeant, quam, quæ perpetra- runt, digne emendent. Quorum ex- communicatio teniori eorum, & proprio Episcopo significanda est, ne eos reci- piant ante, quam illuc redeant, ubi rapi- nam fecerunt, & omnia pleniter omen- dent.

In Capitulis Karlomanni, & apud Bur- chardum, tum etiam apud Ivonem, & Gratianum, & in prima collectio- ne Decretalium, longe diversa est editio istius capituli ab ea, quam præ- fert collectio Reginonis. Nulla enim illic mentio fidelium Regis, ut ne- que in sequenti capite. Quin & in veteri codice Reginonis, quo nos uti sumus, hæc verba : *Et fidelibus no- stris*, cultelli ope erasa sunt in his duobus capitibus, sic tamen, ut ma- nifesta vestigia superint veteris le- ctionis.

*De eadem re.*

*Unde supra.*

CCXCI. (l) Placuit nobis, & fide- libus nostris pro communi utilitate, & instanti necessitate, ut nullus Episcopo- rum graviter ferat, si ejus parrechianum pro hujusmodi depradationis causa alter Episcopus excommunicaverit.

*De eadem re.*

*Ex eodem.*

CCXCII. (m) Si aliquis autem Re- giam potestatem, & Episcopalem aucto- ritatem pro nihilo duxerit, & rebellis existens in rapina occisus fuerit; nulli fide- lium nostrorum, qui eum occiderit, ali- quis fidam portet, neque pro ejus mor- te aliquid componat.

*Si Episcopus non excommunicet prædatorem.*

*Ex Concilio ad Pistas.*

CCXCIII. (n) Episcopus autem se- cundum Toletani Concilii Capitulum septimum, ad quem pertinere noscuntur illi, qui talia contra Deum & Ecclesiæ pacem faciunt, si eos quolibet munere, vel favore, aut negligentia (o) admone- re, aut excommunicare distulerit, ut aut revertentes suscipiat, aut contemnentes de Ecclesia ejiciat; excommunicatus a Collegio cæterorum habebitur, quous- que emendationis vel damnationis eo- rum ab eo sententiâ promulgetur. Quo- niam nisi communiter certaverimus, ut in omnibus justitia conservetur; nec Rex Pater patriæ, nec Episcopi propitiatores vel reconciliatores populi, nec qui par- ticipatione nominis Christi Christiani vo- camur, hoc quod humano ore dicimur, in Divinis oculis esse valemus.

*Item de rapacibus.*

*Ex Concilio Mogontiensi.*

CCXCIV. (p) Quisquis fastu su- perbiæ elatus domum Dei ducit contem- ptibilem, & possessiones Deo sacratas, atque ad honorem Dei sub regiæ immu- nitatis defensione constitutas, inhoneste tractaverit, vel infringere præsumpserit, aut incendia, vel vastationes ausu teme- rario perpetraverit; quasi invasor & vio- lator Ecclesiæ Dei, quæ est domus Dei vivi, a communione omnium fidelium abscidatur. Decet etiam, ut indignatio- nem Domini Regis sentiat, cujus bene- volentiæ contemptor, & constitutionis prævaricator extitit.

*Quod*

(k) Capit. Karlomanni ibid. c. 6. Burchard, lib. 11. c. 45. Ivo part. 14. c. 109. Gratian, 6. q. 3. c. 5. Prima coll. Decretal. lib. 5. tit. 14. cap. 1.

(l) Capitula Karloman. ibid. c. 8. Burchard, lib. 11. c. 12.

(m) Capitula Karloman. ibid. c. 10.

(n) Concil. Toletan. 6. c. 7. Capitula Karoli Calvi tit. 29. pag. 277.

(o) In Capitulis Karoli Calvi: *adm. noluerit, ut aut rev.*

(p) Concil. Mogunt. sub Rhab. c. 6. Tomo hoc II. pag. 155. Burchard, lib. 11. c. 23.



*Quod Episcopi protegere & defendere populum debent.*

*Ex Concilio Toletano.*

CCXCV. (q) Episcopi in protegendis populis, ac defendendis ipsam sibi curam non ambigant; ideoque dum conspiciunt iudices, ac potentes, pauperum oppressores existere, prius eos sacerdotali (\*) communione redarguant; & si contempserint emendari, eorum insolentiam regiis auribus intiment, ut quos sacerdotalis admonitio non flectit ad iustitiam, regalis potestas ab improbitate coerceat.

*Item de malefactoribus.*

*Ex Concilio Triburiensi Cap. VIII.*

CCXCVI. (r) Conquesti sunt quidam de quibusdam malefactoribus, quorum tam nimia improbitas est, ut admonitionem sacerdotum non curent, bannum Episcoporum contemnunt, ad Synodum ter, quaterque vocati, venire despiciant, ad extremum excommunicari pro nihilo ducant. De talibus etiam in capitulari statutum est, Regiæ cognitioni suaderi debere. Et devoto Regi Arnulfo cum sancta Synodo placuit, ut quicumque post excommunicationem debitam sic Deum parvi aestimant, & Christianitatem; seculari potestate persequendos, & si interficiantur, jaceant absque compositione.

*De eadem re.*

*Ex Concilio apud Sueffionis.*

CCXCVII. (s) Obtentum est etiam a devotissimo Principe Karolo, ut incesti quilibet, alique perdit, examen Episcoporum refugientes, per iudices publicos ad eorum præsentiam deducantur; ne ulterius inlecebram peccandi nutriat impunitas vitiorum.

*Ex Concilio apud Lauriacum in pago Andecavensi anno DCCCXLIV. Indictione*

*VI. Cap. 1. mense Octobri.*

CCXCVIII. (t) Si quis publicus Divinæ legis prævaricator, vel pro mani-

festis criminibus, Ecclesiastica iusta, & rationabilia judicia, contemptor repertus fuerit, ac sanctorum Patrum constitutionibus contradictor; si monitionibus Episcopalibus obtemperare distulerit, anathematizetur.

*Ex eodem. cap. II.*

CCXCIX. Si quis contra Regiam dignitatem dolose ac callide, & perniciosè agere comprobatus fuerit, nisi dignissime satisfecerit, anathematizetur.

*Ex eodem. cap. 3.*

CCC. [u] Si quis potestati Regiæ, quæ non est juxta Apostolum (w) nisi a Deo, contumaci, & inflato spiritu contradicere vel resistere præsumperit, & ejus iustis & rationabilibus imperiis secundum Deum; & auctoritatem Ecclesiasticam, ac jus civile obtemperare noluerit, anathematizetur.

*Unde supra. cap. IV.*

CCCI. Quicumque superbiæ facibus accensi, vel protervia stomachati, hæc, quæ pro sanctæ matris Ecclesiæ tranquillitate, sacerdotali rigore a nobis unanimiter definita, manibusque propriis roborata, violaverint; placeat eos omnes anathematizari.

*Si homo accusatur & negaverit.*

*Ex Concilio Triburiensi.*

CCCII. (x) Nobilis homo, vel ingenuus, si in Synodo accusatur, & negaverit, si eum fidelem esse sciunt, juramento se expurget. Si antea deprehensus fuerit in furto atque perjurio, ad juramentum non admittatur. Sed, sicut qui ingenuus non est, ferventi aqua & candenti ferro se expurget.

*Ut nullus alterius parræchianum excommunicet.*

*Ex Epist. Zephyrini Papæ.*

CCCIII. (y) Nemo absens iudicetur, quia humanæ & Divinæ hoc prohibent leges. Nullum namque eorum, id

(q) Concil. Toletan. 4. c. 32. Burchard. lib. 15. c. 1.

(\*) Lege: *communione*.

[r] Concil. Tribur. c. 3. 8. Tomo hoc II. pag. 392. 393.

(s) Concil. Sueffion. 2. c. 12.

(t) Vide Tomo hoc II. pag. 36. Burchard. lib. 15. c. 7.

(u) Burchard. lib. 15. c. 22.

(w) Rom. 13.

(x) Concil. Tribur. c. 22. Tomo hoc II. pag. 398. Burchard. lib. 16. c. 19.

[y] Lib. 5. Capitular. c. 159. Burchard. lib. 16. c. 13.

id est, accusatorum, sententia non a suo iudice dicta constringat, quia & sæculi leges id ipsum fieri præcipiunt. [ *Vid. Lib. 7. Capitular. cap. 229. & 266.* ]

*De eadem re.*

*Ex Lege Theodosiana.*

CCCIV. (z.) In causis privatorum talis ratio observetur, ut nullus alterius iudicis, nisi sui, sententia teneatur.

*Ex eodem cap.*

Nullus penitus audiatur, qui uni-  
us causæ propositionem apud duos iudices partiri voluerit.

*De eadem re.*

*Ex Capitularibus.*

CCCV. (a) Ut nemo Episcopo-  
rum hominem peccantem ab Ecclesia &  
Christiana religione, vel communione  
alienet, donec illum, ut secundum Evan-  
gelicum præceptum ad emendationem  
& poenitentiam redeat, commonitum  
habeat. Quod si incorrigibilis perman-  
serit, Regiæ potestati Episcopus notum  
faciat, ut constringatur. Quod si nec  
sic correxerit, tunc secundum leges  
Canonicas a communione Ecclesiastica  
segregetur.

*De eadem re.*

*In Synodo Meldensi.*

CCCVI. (b) Ut nemo Episcopo-  
rum quemlibet sine certa & manifesta  
peccati causa communione privet Eccle-  
siastica. Anathema autem sine consen-  
su Archiepiscopi, aut Coepiscoporum,  
prælata etiam Evangelica admonitione,  
nullum ponat, nisi unde Canonica do-  
cet auctoritas: quia anathema æternæ  
est mortis damnatio, & non nisi pro  
mortali debet imponi crimine, & illi,  
qui aliter non potuerit corrigi.

*Ut non cito ira commotus aliquem  
Episcopus excommunicet.*

*Ex Epist. Evaristi Papæ.*

CCCVII. [c] Deus omnipotens,  
B b b b

(z) Interpret. I. un. cod. Theodof. De re iudicata. Interpret. I. 2. cod. Theodof. De iudicijs.

(a) Capitula Karoli Calvi tit. 26. c. 6.

(b) Concil. Meld. c. 56. Burchard. lib. II. c. 10.

(c) Concil. Tribur. c. 22. Tomo hoc II. pag. 398. Burchard. lib. II. c. 9.

(d) Genes. 18.

(e) S. Gregor. lib. 19. Moral. c. 23.

(f) Job. 29.

(g) Interpret. I. 1. cod. Theod. De iudicijs.

*Tomus II. Concil. German.*

ut nos a præcipitata prolatione senten-  
tiæ compelleret, cum omnia nuda, &  
aperta sint oculis ejus, mala tamen Sodo-  
mæ noluit audita judicare, priusquam  
manifeste agnosceret, quæ dicebantur:  
Unde ait: (d) *Descendam, & videbo,  
utrum clamorem, qui descendit ad me, ope-  
re compleverint: an non est ita, ut sciam.*  
Cujus exemplo monemur, ne ad pro-  
ferendam sententiam unquam præcipi-  
tes simus, aut temere, indiligerterque  
indiscussa quoquo modo judicemus.

*De eadem re.*

*Ex dictis Gregorii.*

CCCVIII. [e] Beatus Job dicit: (f)  
*Causam, quam nesciebam, diligentissime investi-  
gabam. Summo opere præcavere debent Re-  
ctores Ecclesiarum, & qui publica iudicia  
exercent, ut in dictandis sententijs nul-  
latenus levitate, aut furore ducti, sint  
præcipientes; sed causis prius diligenter  
ventilatis, cum res, quæ ignorabatur,  
pleniter ad notitiam venerit; tunc divina,  
& humana lex revolvatur, & secun-  
dum quod ibi constitutum est, remo-  
ta personarum acceptione, definitiva  
proferatur sententia. Hinc est, quod  
Moyſes querelas populi semper ad Do-  
minum, tabernaculum ingressus, refere-  
bat, & juxta quod Dominus impe-  
rabat, iudicia proponebat, nimirum  
nos instituens, ut non ex corde nostro,  
sed ex oraculo divino, condemnationis  
& justificationis sententiam proferamus.*

*De eadem re.*

*Ex Lege Theodosiana. Lib. II. cap. XVIII.*

CCCIX. (g) Judex cum causam adi-  
re cœperit, litigatorum assertiones, vel  
responsiones patienter accipiat, & om-  
nia plena discussione perquirat: nec pri-  
us litigantibus sua sententia velit obviare,  
nisi quando ipsi, peractis omnibus, jam  
in concione vel contentione non habue-  
rint, quod proponant. Frequenter in-  
terrogari oportet, ne aliquid præter-  
missum fortasse remaneat.

*Ut*



*Ut quod in Deum quis peccat, nullus condonare possit.*

*Ex dictis Hieronymi.*

CCCX. [b] Attendendum est, quid Dominus dicat: *Si peccaverit in te frater tuus.* Aliud est peccare in nos, aliud in Deum peccare. Si in nos aliquis peccaverit; habemus potestatem dimittere. Si autem in Deum quis peccaverit; non est nostri arbitrii. Scriptum quippe est: (i) *Si peccaverit vir in virum; placari potest ei Deus: si autem in Deum peccaverit; quis vobis pro eo?* Nos e contrario in Dei injuria benigni & misericordes sumus, & Dei offensam, quasi in nostra potestate sit ejus velle, & ejus nolle, impune absque congruenti poenitentiae vindicta donamus; cum tamen, quod in nobis commissum est, nec saltem verbum contumeliosum leviter prolatur, sine vindicta pertransire patiamur. Dimittamus ergo propter Deum, quod in nobis perpetratum est, & quod in Deum commissum est, quia dimittere non possumus; juxta (k) consuetudinem sanctorum Patrum, secundum canonicam auctoritatem vindicemus.

## ABHINC DE PERJURIO.

*Ex Cap.*

CCCXI. Habemus in lege Domini scriptum: (l) *Non perjurabis in nomine meo, nec pollues nomen Domini Dei tui, nec assumes nomen Domini Dei tui in vanum.* Ideo admonendi sunt omnes, ut diligenter caveant perjurium, non solum in Altari, seu Sanctorum reliquiis, sed & in communi loquela. Item cavendum est, ne aliquis plus aurum honoret, quam Altare, ne ei Dominus dicat: (m) *Stulte, quid est majus? aurum, aut Altare, quod sanctificat aurum?*

*Item unde supra.*

CCCXII. (n) Sed & nobis honestum videtur, ut qui in sanctis audet jurare, hoc jejunus faciat, cum omni honestate & timore Dei; & ut parvuli, qui sine rationabili ætate sunt, non cogantur jurare.

*Item.*

CCCXIII. (o) Qui semel perjurus fuerit, nec testis sit posthæc, nec ad Sacramentum accedat, nec in sua causa vel alterius jurator existat.

*De eadem re.*

*Ex Concilio ad Pisar.*

CCCXIV. (p) Ut nulli alteri per Sacramentum fidelitas promittatur, nisi nobis, & unicuique proprio seniori ad nostram utilitatem & sui senioris, excepto his Sacramentis, quæ juste secundum legem alteri ab altero debentur.

*Ex eodem. Cap. X.*

(q) De perjuriis ut caveantur, & non admittantur testes ad juramentum, antequam discutiantur, & si aliter discuti non possunt, separentur ab invicem, & singulariter inquirentur: & non solum accusatori liceat, testes eligere, absente suo causatore: & omnino nullus, nisi jejunus, ad Sacramentum vel testimonium admittatur: & de ipso pago, & de vicinis centenis eligantur: & si quis convictus fuerit perjuri, perdat manum, aut redimat.

*De eadem re.*

*Ex eodem Cap. LVIII.*

CCCXV. (r) Ut Sacramenta, quæ ad palatium fuerint adramita, in palatio perficiantur. Et si Sacramentales homines venire renuerint, jussione dominica, aut indiculo, aut sigillo venire cogantur.

*Ex Lib. IV. cap. xxvi.*

(s) Ubi antiquitus consuetudo fuit, &

(b) Hieron. in Matth. c. 18. Burchard. lib. 11. c. 15. Ivo part. 14. c. 85.

(i) 1. Reg. 2.

(k) Codex MS. constitutionem.

[l] Levit. 19. Capitulare Aquisgran. Karol. M. c. 63. & Lib. 1. Capitular. c. 63. Burchard. lib. 12. c. 2.

[m] Matth. 23.

(n) Lib. 1. Capitular. c. 63. Lib. 2. Leg. Longob. tit. 55. c. 22. Burchard. lib. 12. c. 12.

(o) Lib. 1. Capitular. c. 63. Lib. 2. Leg. Longob. tit. 51. c. 4.

(p) Lib. 3. Capitular. c. 8.

(q) Lib. 3. Capitular. c. 10. Lib. 2. Leg. Longob. Tit. 51. c. 2. & Tit. 58.

(r) Lib. 3. Capitular. c. 58. Lib. 2. Leg. Longob. tit. 55. c. 26.

(s) Lib. 4. Capitular. c. 28.

& ubi mallum habetur , ibi Sacramenta jurentur.

*Ut Episcopus super sacra non juret.*

*Ex Concilio Meldensi. cap. xxxvii.*

CCCXVI. (†) Ut nullus deinceps Episcopus super sacra jurare præsumat , quod mysterii causa sancti quaesierunt Patriarchæ , & fecerunt. Non enim in hæsitazione , & malitia exigentis , sed in caritate non ficta fides servatur. Quod qui transgredi ausu temerario præsumpserit , quolibet modo illectus , gradus sui periculo subacebit.

*Idem de perjurio.*

*Ex eodem. cap. xxxviii.*

CCCXVII. [u] Ut multiplex juramentorum , & perjuriorum confusio , per quam multæ fidelium animæ in toto hoc regno perditæ esse noscuntur , quam sit detestanda , & Deo odibilis , attentius omnibus annuntietur. Tantum namque hoc malum est , ut ad sanctuaria martyrum , ubi diverforum ægritudines sanantur , ibi perjury , licet manifeste interdum vexari non videantur , iusto Dei iudicio , a dæmonibus arripiantur ; & sicut sanctus dicit Gregorius : (w) *Ad horum corpora ægri veniunt & curantur , & perjury a demonio vexantur.*

*Quo tempore Sacramenta jurentur.*

*Ex Concilio ad Pistas.*

CCCXVIII. (x) Constituimus una cum consensu & consilio fidelium nostrorum , ut ab ipso die , quo Sacramentum accipitur , post quadraginta dies , & quadraginta noctes , id est , quadagesimo secundo die de sex septimanis , ipsa feria , qui illud Sacramentum accepit , legaliter in locis constitutis juret. Et si ipsa dies intra quadagesimam evenierit , nemo jurare præsumat. Et si quis præsumpserit , bannum nostrum componat , & inde pœnitentiam Episcopali iudicio faciat. Ipsa autem quadagesima a capite jejunii cum ipsa feria quar-

B b b b 2

ta usque ad illud die lunis post octavas Paschæ observari præcipimus.

*Ut feria quarta ante quadagesimam Sacramenta non jurentur.*

*Ex Concilio apud sanctum Medardum.*

CCCXIX. [y] Ut Missi nostri Comitibus , & omnibus reipublicæ ministris , firmiter ex verbo nostro denuntient , ut a feria quarta ante initium quadagesimæ usque post octavas Paschæ , mallum publicum , nisi de concordia , & pacificatione , tenere præsumant , neque aliquis juret. Similiter etiam a quarta feria ante nativitatem Domini usque post consecratos dies observent , nec non & jejuniis quatuor temporum , & in rogationibus. Nullus etiam in Dominico die placitum teneat , aut Sacramentum juret.

Postremum illud membrum , quod & Helmaestadiensis editio Reginonis , & manuscriptus liber Parisiensis exhibent , non extat in actis Concilii Sueffionensis , neque in Capitulis Karoli Calvi.

*De Clerico , si perjuraverit.*

*Ex Concilio Aurelianensi.*

CCCXX. (z) Si quis Clericus præbuerit juramentum , & post rebus evidentibus detegitur perjurasse , biennii temporis excommunicatione plectatur.

*De his , qui Sacramento se obligant , ne ad pacem redeant.*

*Ex Concilio Hilerdensi.*

CCCXXI. (a) Qui Sacramento se obligaverit , ut ad pacem nullo modo redeat , pro perjurio uno anno a corpore , & sanguine Domini segregetur , & reatum suum jejuniis , & eleemosynis absolvat. Ad caritatem vero , quæ operit multitudinem peccatorum , celeriter veniat.

*Item de perjurio.*

*Ex dictis Hieronymi.*

CCCXXII. [b] Cum juramento pollicitus est Herodes Saltatrici dare , quodcunque

(†) Concil. Meld. c. 38.

(w) Homil. 32. in Evang.

(y) Capitula Karoli Calvi tit. 9. c. 7. §. 8. & Tom. 3. Conc. Gall. pag. 89.

(z) Concil. Aurel. 3. c. 8.

(a) Concil. Hilerd. c. 7. Halitgar. lib. 4. c. 33. Burchard. lib. 12. c. 17.

(b) Burchard. lib. 12. c. 16.

Tomus II. Concil. German.



cunque postulasset ab eo. Si ob iurandum fecisse se dicit, quid si patris matrisque postulasset interitum, facturus esset, an non? Quod in suis ergo repudiaturus fuit, contemnere debuit etiam in Propheta.

*De eadem re.*

*Ex dictis Bedæ Presbyteri.*

CCCXXIII. (c) Si aliquid forte nos in cautius iurasse contigerit, quod observatum pejorem vergat in exitum; illud consilio salubriori mutandum noverimus, ac magis instante necessitate perjurandum nobis, quam perfecto iuramento in aliud crimen majus esse divertendum.

*De eadem re.*

*Ex Penitentiali.*

CCCXXIV. (d) Quicumque sciens perjuraverit, septem annos pœniteat, & post hæc communionem accipiat [*Vide Epist. Rhabani ad Heribaldum cap. 8. Tomo hoc nostro pag. 204.*]

*Ex Penitentiali, ut supra.*

CCCXXV. Si quis perjuraverit, ultra ad Sacramentum non admittatur.

*De eadem re.*

*Ex eodem.*

CCCXXVI. (e) Si quis suspicatur, quod ad perjurium inducitur, & tamen ex consensu jurat, duos annos pœniteat.

*Unde supra.*

CCCXXVII. (f) Si quis perjuraverit per cupiditatem, omnes res suas vendat, & pauperibus distribuatur, & Monasterium ingressus jugi pœnitentiæ se subdat.

*Unde supra.*

CCCXXVIII. Si quis perjurium fecerit, laici annos tres, Clerici quinque, Subdiaconi sex, Diaconi octo, Presbyteri

decem, Episcopi duodecim annos pœniteant.

*De eadem re.*

*Ex Capitul. Tit. XIV.*

CCCXXIX. [g] Quicumque comprobatus fuerit, quod scienter testes in perjurium induxisset, sub fidejussoribus ad palatium educatur, ubi cum fidelibus nostris consideremus, quid de talibus faciendum sit. Episcoporum autem erit, de pœnitentia cogitare.

Postremam capitis istius partem non exhibet Capitulare III. Ludovici Pii, neque additio IV. Capitularium. Exstat tamen in editione Helmæstadiensi Reginonis, & in veteri codice MS. quo nos uti sumus.

*De eadem re.*

*Ex eodem.*

CCCXXX. (h) Qui compulsus a Domino perjurat, si sciens, tres quadragesimas, & legitimas ferias pœniteat.

*De eadem re.*

*Ex eodem.*

CCCXXXI. (i) Qui perjurat se in manu Episcopi, vel Presbyteri, aut in cruce consecrata, tres annos pœniteat.

*De eadem re.*

*Ex eodem.*

CCCXXXII. (k) Si vero in cruce non consecrata, annum unum pœniteat. Si autem in manu hominis, apud Græcos, nihil est. Qui autem seductus fuerit, & ignorans juravit, & postea cognoscit, tres quadragesimas pœniteat.

*Ex eodem.*

(l) Si quis coactus pro vita redemptione, vel pro qualibet causa, vel necessitate perjurat, tres quadragesimas, alii judicant tres annos, unum ex his in pane & aqua, pœniteat.

*De*

(c) Beda homil. 44. in decollat. S. Johannis. Burchard. lib. 12. c. 18.

(d) Halitgar. lib. 4. c. 28. Burchard. lib. 12. c. 8.

(e) Rhab. Epist. ad Heribald. c. 18. Tomo hoc II. pag. 204. Burchard. l. 12. c. 11.

(f) Burchard. lib. 12. c. 3.

(g) Capitulare III. Lud. Pii tit. 7. c. 6. & Addit. IV. c. 77. Lib. 2. Leg. Longob. tit. 51. c. 14.

(h) Burchard. lib. 12. c. 4.

(i) Rhab. Epist. ad Heribald. c. 18. Tomo I. nostro pag. citata. Burchard. lib. 12. c. 5.

(k) Rhab. Epist. ibid. Burchard. lib. 12. c. 5.

(l) Burchard. lib. 12. c. 6.

*De falso testimonio.*

*Ex Concilio Avelanensi.*

CCCXXXIII. (m) Si quis Clericus furtum fecerit, aut falsum testimonium dixerit; quia capitalia crimina sunt, communione concessa ab ordine degradetur.

*De eadem re.*

*Ex Capitular. Lib. IV. Cap. XXII.*

CCCXXXIV. [n] Si quis cum altero de qualibet causa contentionem habuerit, & testes contra eum per iudicium producti fuerint, si ille falsos esse suspicatur, liceat ei alios testes, quos meliores potuerit, contra eos opponere. Quod si ambæ partes ita inter se dissentiant, ut nullatenus ulla pars alteri cedere velit; elegantur duo ex ipsis, qui cum secus & fustibus in campo decertent, & campioni, qui victus fuerit, propter perjurium dextera manus amputetur. Ceteri vero falsi testes manus suas redimant. Duæ partes ex hoc persolvantur, qui calumniatus est, tertia pro fredo. Et hoc in seculi causa. In Ecclesiasticis vero, ubi de una parte seculare, de altera Ecclesiasticum negotium est, idem modus servetur. Ubi autem ex utraque parte Ecclesiasticum, si se rectores pacificare non possunt, advocati eorum in mallo coram Comite causas suas prosequantur. Testes autem de ipso comitatu esse debent.

*De eadem re.*

*Unde supra. Cap. XXXII.*

CCCXXXV. (o) Optimus quisque in pago, vel civitate in testimonium assumatur, & cui is, contra quem testimoniare debet, nullum crimen possit inferre.

*De eadem re.*

*Ex eodem Cap. III.*

CCCXXXVI. (p) Ut testes ad testimonium dicendum præmio non condu-

B b b 3

cantur. Et nullus testimonium dicat, nisi jejunos. Et ut testes, priusquam jurent, separatim discutiantur, quid dicere velint de illa re, unde testimonium reddere debent.

*De eadem re.*

*Ex Concilio Agathensi.*

CCCXXXVII. (q) Eos, qui falsè fratribus suis capitalia crimina objecisse convicti fuerint, placuit, eos usque ad exitum non communicare, nisi digna satisfactione penituerint.

*De eadem re.*

*Ex Concilio Heliberitano.*

CCCXXXVIII. (r) Si quis Episcopum, Presbyterum, aut Diaconum falsis criminibus appeterit, & probare non potuerit, nec in finem dandam ei communionem.

*De eadem re.*

*Ex Concilio Hispalensi.*

CCCXXXIX. (s) Si quis Clericus de falso testimonio convictus fuerit, reus capitalis criminis censetur.

*De eadem re.*

*Ex Concilio Agathensi.*

CCCXL. (t) Episcopus accusatores fratrum excommunicet. Et si emendaverint vitium, recipiat eos ad communionem, non ad Clerum.

*De eadem re.*

*Ex Concilio Heliberitano.*

CCCXLI. (u) Falsus testis, prout crimen est, abstinebitur. Si tamen non fuerit mortis, quod objecit, & probaverit, quod diu tacuit; biennii tempore abstinebitur. Si autem non probaverit, in conventu Clericorum placuit per quinquennium abstinere.

De

[m] Concil. Aurel. 3. c. 8. Lib. 7. Capitular. c. 165.

[n] Lib. 4. Capitular. c. 23. Lib. 2. Leg. Longob. tit. 51. c. 11.

[o] Lib. 3. Capitular. c. 32. Addit. Karoli M. ad Legem Salicam c. 11. Lib. 2. Leg. Longob. tit. 51. cap. 3.

[p] Lib. 3. Capitular. c. 52. Lib. 2. Leg. Longob. tit. 51. c. 6. Burchard. lib. 16. c. 35.

[q] Concil. Agath. 2. c. 24. Lib. 6. Capitular. c. 241. Burchard. lib. 16. c. 34.

[r] Concil. Heliber. c. 75. Burchard. lib. 2. c. 19.

[s] Concil. Epzon. c. 13. in Supplemento hujus Tomi. Burchard. lib. 16. c. 24.

[t] Concil. Carthag. 4. c. 55. Addit. IV. c. 20. Burchard. lib. 16. c. 33.

[u] Concil. Eliberit. c. 74. Burchard. lib. 16. c. 18.



*De eadem re.**Ex Concilio Agathensi.*

CCCXLII. (w) Falsos testes a communione Ecclesiastica submovendos, nisi poenitentiae satisfactione crimina admittā diluerint.

*Unde supra.*

CCCXLIII. (x) Noverint falsi testes, quod, si falsum testimonium capitale crimen non esset, nequaquam Dominus in Evangelio inter principalia crimina adnumerasset. Ait enim: *De corde exeunt homicidia, adulteria, furta, falsa testimonia.* Et ideo similiter debet poenitere, & excommunicari falsus testis, sicut adulter, & fur, & homicida.

*De eo, qui hominem furatus fuerit.*

*Ex Epist. Rhabani Episcopi, ad Reginbaldum Cborepiscopum. Tomo hoc pag. 214.*

CCCXLIV. Primo interrogasti, quid de eo faciendum esset, qui hominem Christianum sollicitando fuerit furatus, & ad paganam gentem tradendo vendiderit. Ad quod tunc respondi, homicidii reatum ipsum hominem sibi contrahere mihi videri. Quod & postea, legens Divinam legem, in (y) Deuteronomio ita reperi: *Animam pro anima homicidam reddere debere, oculum pro oculo, dentem pro dente &c.* Et rursus: [z] *Si quis deprehensus fuerit sollicitasse fratrem suum de filiis Israel, & vendidisse, accipiendo pretium, interficiatur.* Unde mihi videtur, sicut par sententia in lege Divina est constituta de homicida, & de fure hominem vendente; sic & canonica auctoritate pari modo plectendum esse, qui fratrem suum furando, atque sollicitando vendiderit, & illum, qui proximum suum, hoc est, Christianum hominem, iniuste peremerit.

*De eadem re.**Ex Lege Theodosiana Lib. IX.*

CCCXLV. [a] Hi, qui filios alie-

nos furto abstulerint, & ubicunque transdixerint, sive ingenuus, sive servus sit, morte puniatur.

*Ne Judæo Christianum mancipium habere liceat.*

CCCXLVI. Convenit diligenter observare, ut nulli Judæo servum Christianum habere liceat, nec ad suam legem transferre præsumat.

*DE INCANTATORIBUS MALEFICIS, ET SORTILEGIS.**De his, qui divinationes expetunt.**Ex Concilio Ancyrano.*

CCCXLVII. [b] Qui divinationes expetunt, & more gentilium subsequuntur, aut in domos suas hujuscemodi homines introducunt, exquirendi aliquid arte malefica, aut expiandi causa; sub regula quinquennii jaceant, secundum gradus poenitentiae definitos.

*Ex Concilio Bracarenfi.*

CCCXLVIII. (c) Si quis paganorum consuetudinem sequens, divinos, & sortilegos in domum suam introduxerit, quasi ut malum foras mittant, aut maleficia inveniant, quinque annos poenitentiam agat.

*Ex Dictis Gregorii Papæ.*

CCCXLIX. (d) Si quis ariolos, aruspices, vel incantatores observaverit, aut filacteriis usus fuerit, anathema sit.

*Ex Concilio Carthagenensi.*

CCCL. [e] Auguriis vel incantationibus servientem a conventu Ecclesiæ separandum. Similiter & Judaicis superstitionibus inhaerentem.

*De eadem re.**Gregorius Papa.*

CCCLI. [f] Pervenit ad nos, quod quosdam incantatores, atque sortilegos fueris

(w) Concil. Agath. c. 37. Halitgar. lib. 4. c. 30. Burchard. lib. 16. c. 17.

(x) Burchard. lib. 16. c. 16. (y) Deuteron. 19. (z) Deuteron. 24.

(a) Interpret. I. un. cod. Theodof. ad Leg. Fab.

(b) Concil. Ancy. c. 23. Tomo I. nostro pag. 149. Halitgar. lib. 4. c. 25. Hincmar, de Divortio Lothar, in respons. ad interrog. 17. Burchard. lib. 10. c. 5.

(c) Concil. Bracar. 2. c. 71. Hincmar. ibid. Burchard. lib. 10. c. 6.

(d) Concil. Roman. sub Gregor. II. Burchard. lib. 10. c. 23.

(e) Concil. Carthag. 4. c. 89. Halitgar. l. 4. c. 27. Hincmar. ibid. Burchard. lib. 10. c. 7.

(f) S. Gregor. lib. 9. Epist. 47. Burchard. lib. 10. c. 4. & apud Gratian. 26. q. 5. c. 8.

fuertis sectatus cum omni sollicitudine. Et zelum tuum gratum nobis fuisse cognoscas. Studii enim tui sit, sollicite querere, & quoscunque huiusmodi Christi inimicos inveneris, districta ultione corrige.

*De eadem re.*

*Ex Concilio Toletano.*

CCCLII. [g] Si quis Episcopus, Presbyter, Diaconus, vel quilibet ex ordine Clericorum, magos, aruspices, aut ariolos, aut certe augures vel fortilegos, vel eos, qui profitentur fortem aliquam, consulere fuerit deprehensus; ab honore dignitatis suæ depositus, monasterii censuram excipiat, ibique perpetua poenitentia scelus admitti sacrilegii luat.

*De eadem re.*

*Ex Lege Romana.*

CCCLIII. [h] Malefici, vel incantatores, vel immissores tempestatum, vel qui per invocationem dæmonum mentes hominum turbant, omni poenarum genere puniantur.

*De eadem re.*

*Ex eodem.*

CCCLIV. [i] Quicumque pro curiositate futurorum, vel invocatorem dæmonum, vel divinos, quos ariolos appellat, vel aruspicem, qui auguria colligit, consuluerit, capite puniatur.

*De eadem re.*

*Ex Poenitentiali.*

CCCLV. (k) Quicumque nocturna sacrificia dæmonum celebraverint, vel incantationibus dæmones invocaverint, capite puniantur.

CCCLVI. Qui auguriis vel divinationibus inserviunt, quinque annos poeniteant; Immissores tempestatum septem annos poeniteant.

CCCLVII. (l) Mulier, si divinationes, vel incantationes diabolicas fecerit, annum unum poeniteat, vel tres

quadragesimas, vel quadraginta dies secundum qualitatem delicti.

*Ex eodem.*

CCCLVIII. [m] Auguria, vel sortes, quæ dicuntur falsæ sanctorum, vel divinationes, qui eas observaverit, vel quarumcunque scripturarum, vel vota voverit, vel persolverit ad arborem, vel ad lapidem, vel ad quamlibet rem, excepto ad Ecclesiam; omnes excommunicentur. Si ad poenitentiam venerint, Clerici annos tres, laici unum, & dimidium, poeniteant.

*De arboribus, & fontibus, & lapidibus, dæmonibus consecratis.*

*Ex Concilio Nannetensi.*

CCCLIX. (n) Summo decertare studio debent Episcopi, & eorum ministri, ut arbores dæmonibus consecratæ, quas vulgus colit, & in tanta veneratione habet, ut nec ramum, nec furculum inde audeat amputare; radicitus excindantur, atque comburantur. Lapides quoque, quos in ruinosis locis, & silvestribus, dæmonum ludificationibus decepti venerantur, ubi & vota voverit & deserunt, funditus effodiantur: atque in tali loco projiciantur, ubi nunquam a cultoribus suis venerari possint. Et omnibus annuntietur, quantum scelus sit idololatia: & qui hæc veneratur, & colit, quasi Deum suum negat, & Christianitati abrenuntiat, & talem poenitentiam inde debet suscipere, quasi idola adorasset. Omnibusque interdicatur, ut nullus votum faciat, aut candelam, vel aliquod munus pro salute sua rogaturus, alibi deferat, nisi ad Ecclesiam Domino Deo suo, scriptum est enim: *Vovete, & reddite Domino Deo vestro.* Novimus siquidem, quanta Dominus antiquo populo per Prophetas suos interminatus est, qui in lucis sacrificabant, & in excelsis immolabant. Si quis hæc transgressus fuerit, fidem perdidit, & est infideli deterior.

Et

(g) Concil. Tolet. 4. c. 29. Burchard. lib. 10. c. 48.

(h) Interpret. l. 3. cod. Theodof. de Malefic. Burchard. lib. 10. c. 28.

(i) Interpret. l. 4. eod. tit. Burchard. lib. 10. c. 30.

(k) Burchard. lib. 10. c. 31.

(l) Rhab. Epist. ad Heribald. c. 30. Tomo hoc II. pag. 209. Burchard. lib. 10. c. 24.

(m) Burchard. lib. 10. c. 9.

(n) Concil. Nannet. c. 20. Burchard. lib. 10. c. 10.



Et ideo omnimodo a Sanctæ Ecclesiæ confortio abscedatur, & nisi digne pœnituerit, non recipiatur.

*De eadem re.*

*Rabanus.*

CCCLX. (o) Nam de his, qui dæmonibus immolant, Theodori Episcopi constitutiones habemus, in quibus scriptum est: *Qui immolant dæmoni in minimis, annum unum pœniteant: qui vero in magnis, decem annos pœniteant.*

*De eadem re.*

*Ex eodem.*

CCCLXI. (p) Mulier, si qua filium suum ponit supra tectum, aut in fornacem pro sanitate febris, septem annos pœniteat. Qui ardere facit grana, ubi mortuus est homo, pro sanitate viventium & domus; quinque annos pœniteat.

*De menstruo sanguine.*

*Rhabanus ad Heribaldum.*

CCCLXII. (q) De his etiam super quibus interrogasti, hoc est, de illa fœmina, quæ menstruum sanguinem suum immiscuit cibo, vel potui, & dedit viro suo, ut comederet: & de illa, quæ semen viri sui in potu bibit: & de ea, quæ testam hominis combussit igni, & viro suo dedit pro infirmitate vitanda, quali pœnitentia sint plectendæ; ut nobis videtur, tali sententia feriendi sunt, sicut magi & arioli; quia magicam artem exercuisse noscuntur.

*De eadem re.*

*Ex Concilio Anquivensi.*

CCCLXIII. (r) Mulier, si cum muliere fornicata fuerit, annos tres pœniteat; sic & illa, quæ semen viri sui cibo miscens, ut inde plus ejus accipiat amorem, pœniteat.

*Unde supra.*

CCCLXIV. (s) Ut Episcopi, Episcoporumque ministri, omnibus viribus elaborare studeant, ut perniciosam, & a diabolo inventam sortilegam, & malefi-

cam artem penitus ex parrocchiis suis eradant, & si aliquem virum, aut fœminam hujuscemodi sceleris sectatorem, invenerint, turpiter dehonestatum de parrocchiis suis ejiciant, ait enim Apostolus: *Hæreticum post unam & secundam admonitionem devota: sciens, quia subversus est, qui ejusmodi est.* Subversi sunt, & a diabolo capti tenentur, qui derelicto Creatore suo, a diabolo suffragia quærunt, & ideo a tali peste mundari debet Sancta Ecclesia. Illud etiam non omittendum, (t) quod quædam sceleratæ mulieres retro post Satanam conversæ, dæmonum illusionibus & phantasmatibus seductæ, credunt se, & profitentur nocturnis horis cum Diana paganorum Dea, & innumera multitudine mulierum equitare super quasdam bestias, & multa terrarum spatia intempestæ noctis silentio pertransire, ejusque jussionibus, velut Dominae obedire, & certis noctibus ad ejus servitium evocari. Sed utinam hæc solæ in perfidia sua periissent, & non multos secum in infidelitatis interitum pertraxissent. Nam innumera multitudo hac falsa opinione decepta, hæc vera esse credit, & credendo a recta fide deviat, & in errorem paganorum revolvitur, cum aliquid divinitatis aut numinis extra unum Deum esse arbitratur. Quapropter Sacerdotes per Ecclesias sibi commissas populo cum omni instantia prædicare debent, ut noverint hæc omnimodis falsa esse, & non a Divino, sed a maligno spiritu talia phantasmata mentibus infidelium irrogari. Siquidem ipse Sathanas, qui *transfiguratur se in angelum lucis*, cum mentem cujuscunque mulierculæ ceperit, & hanc sibi per infidelitatem & incredulitatem subjugaverit, illico transformatur in diversarum personarum species, atque similitudines, & mentem, quam captivam tenet, in somnis deludens, modo læta, modo tristia, modo cognitas, modo incognitas personas ostendens, per devia quæque deducit, & cum solus spiritus hoc patitur, infidelis mens hæc non in animo, sed in corpore, evenire opinatur. Quis enim non in somnis & nocturnis

(o) Rhab. Epist. ad Heribald. c. 30. Tomo hoc II. pag. 209. Burchard. lib. 10. c. 13.

(p) Rhaban. ibid. Burchard. lib. 10. c. 14.

(q) Rhaban. ibid. Burchard. lib. 19. c. 152.

(r) Rhaban. ibid. c. 25. Burchard. lib. 17. c. 29. In Concil. Ancyrano non extat hic canon.

(s) Burchard. lib. 10. c. 1.

(t) Vide Capitula Herardi Turon. cap. 3.

Æternis visionibus extra se ipsum educitur, & multa videt dormiendo, quæ nunquam viderat vigilando? Quis vero tam stultus & hebes sit, qui hæc omnia, quæ in solo spiritu fiunt, etiam in corpore accidere arbitretur; cum Ezechiel Propheta visiones Domini *in spiritu*, non in corpore viderit, & Johannes Apostolus Apocalypsis Sacramenta *in spiritu*, non in corpore, vidit, & audivit, sicut ipse dicit: (u) *Statim fui in spiritu*. Et Paulus non audet se dicere raptum in corpore; omnibus itaque publice annunciandum est, quod qui talia & his similia credit, fidem perdidit, & qui fidem rectam a Deo non habet, hic non est ejus, sed illius, in quem credit, id est, diaboli. Nam de Domino nostro scriptum est: [w] *Omnia per ipsum facta sunt*. Quisquis ergo aliquid credit posse fieri, aut aliquam Creaturam in melius aut deterius immutari, aut transformari in aliam speciem aut similitudinem, nisi ab ipso Creatore, qui omnia fecit, & per quem omnia facta sunt, procul dubio infidelis est.

*Ut Christiani traditiones gentili-  
um non observent.*

*Ex dictis Ambrosii.*

CCCLXV. Apostolus dicit: [x] *Dies observatis, & mensēs, & tempora, & annos. Timeo, ne sine causa laboraverim in vobis*. Dies observant, puta, qui dicunt: Christiano proficiscendum non est, post crastinum enim non debet aliquid inchoari: & sic solent magis decipere. Hi autem colunt menses, qui cursum lunæ perscrutantur, dicentes: (y) Septima luna frumenta confici non debent. Nona iterum luna emptum feruum domum duci non oportet, & per hæc facilius solent adversa provenire. Tempora vero observant, cum dicunt: Hodie veris initium est, & ideo festivitas est. Post cras Vulcanalia sunt. Et rursum: Posterum est, domum regre-

C c c c

di non licet. Annos sic colunt, cum dicunt: Kalendis Januariis novus est annus, quasi non quotidie anni impellantur. Hæc superstitio longe debet esse a servis Dei. (Vide Hincmar. tom. I. pag. 656.)

*De eadem re.*

*Ex Concilio Bracarenfi.*

CCCLXVI. [z] Non licet Christianis traditionem gentiliū observare, vel colere elementa, aut lunam, aut stellarum cursum, & inanem signorum fallaciam considerare pro domo facienda, vel segetes vel arbores plantandas, aut conjugia socianda. Scriptum enim est: (u) *Omnia, quæcunque facitis in verbo, aut in opere; in nomine Domini nostri Jesu Christi facite, gratias agentes Deo.*

*De collectione herbarum.*

*Ex eodem.*

CCCLXVII. [b] Non licet in collectione herbarum Medicinalium aliquas observationes vel incantationes attendere, nisi tantum cum Symbolo divino, & oratione Dominica, ut Deus & Dominus noster Jesus Christus honoretur.

*De lanificiis fæminarum.*

*Ex eodem.*

CCCLXVIII. (c) Non licet Christianas mulieres vanitatem in suis lanificiis observare; sed Deum invocent adiutorem, qui eis sapientiam texendi donavit.

*De morticinis.*

*De Penitentiali.*

CCCLXIX. [d] Qui manducat carnem immundam, aut morticinum, aut dilaceratum a bestia, quadraginta dies pœniteat. Si quis necessitate famis cogente manducavit, multo levius pœniteat.

CCCLXX. Qui fraudatum, raptum, vel furatum sciens manducat, si pauper est; septem dies: si potens, quadraginta

(u) Apoc. 4.

(w) Joan. I.

(x) S. Ambrosii, in cap. 4. Epist. ad Galat. Burchard. lib. 10. c. 12.

(y) Vid. August. Epist. 119. & in Enchirid. cap. 79.

(z) Concil. Bracar. 2. c. 72. Halitgar. lib. 4. c. 26. Hincmar. de Divort. Lothar. in resp. ad interr. 17. Burchard. lib. 10. c. 13.

(a) Coloss. 3.

[b] Concil. Bracar. 2. c. 74. Halitgar. ibid. Hincmar. ibid. Burchard. lib. 10. c. 20.

(c) Concil. Bracar. 2. c. 75. Halitgar. ibid. Hincmar. ibid. Burchard. lib. 10. c. 19.

[d] Burchard. lib. 19. c. 88.



rent. Et ut ipsi Decani Sacramento adstringantur, ut nulla interveniente causa, scilicet aut amoris, aut timoris, aut propinquitatis, aut muneris, negligentis, & transgressores reticeant, quin Sacerdotibus proprias eorum culpas manifestent. Sacerdotum autem erit, ita eorum vitia zelo, & amore divino, cum debita disciplina corrigere, sicut ipsi nolunt pro aliorum erratibus sententiam iuste damnationis suscipere. Et ut dies festi a vespere usque ad vesperam absque opere servili cum debito honore celebrentur.

#### *De excommunicatis.*

*Ex dictis Cassiani.*

CCCXCI. Si quis autem pro culpa sua fuerit ab oratione suspensus, nullus cum eo orandi, aut loquendi habeat licentiam, antequam reconcilietur. Nam qui se orationi, vel confabulationi ejus, antequam a Priore recipiatur, inconsiderata pietate sociare præsumpserit, similiter damnatus efficitur.

#### *De eadem re.*

*Isidorus ut supra.*

CCCXCII. (y) Cum excommunicato neque orare, neque loqui, neque vesci cuiquam licet.

*Unde supra.*

CCCXCIII. (z) Si quis frater aut palam, aut absconfe cum excommunicato fuerit locutus; communem statim cum eo excommunicationis contrahit penam.

#### *De eadem re.*

*Ex dictis Fructuosi Episcopi.*

CCCXCIV. (a) Cum excommunicato nullus loquatur, neque qualibet eum compassione, vel miseratione refoveat, neque ad contradictionem, vel superbiam confortare præsumat.

#### *De eadem re.*

*Ex Regula S. Benedicti.*

CCCXCV. (b) Si quis fratri excommunicato quolibet modo se junxerit, aut

mandatum ei direxerit, similem fortia-  
tur excommunicationis vindictam.

*Item.*

CCCXCVI. (c) Is autem frater, qui gravioris culpæ noxa tenetur, suspendatur a mensa simul, & ab oratorio. Nullus ei jungatur in consortio, neque in conloquio.

#### *De eadem re.*

*Ex Concilio Antiocheno.*

CCCXCVII. [d] Cum excommunicatis non licere communicare, nec cum his, qui per domos conveniunt, devitantes orationes Ecclesiæ, simul orandum est. Si quilibet autem ex Clero deprehensus fuerit cum excommunicatis communicare, etiam ille priveretur communione.

#### *De eadem re.*

*Ex Concilio Apostolorum.*

CCCXCVIII. (e) Si quis cum excommunicato saltem in domo oraverit, iste communione priveretur.

#### *De eadem re.*

*Ex Concilio Nicæno.*

CCCXCIX. [f] De his qui communione privantur, seu ex Clero, sive ex laico ordine ab Episcopis, sententia regularis obtineat, ut hi, qui abjiciuntur, ab aliis non recipiantur. Requiritur autem, ne pusillanimitate, aut contentione, vel alio vitio Episcopi videatur a communione seclusus.

#### *De eadem re.*

*Ex Concilio Antiocheno.*

CCCC. (g) Si quis a proprio Episcopo communione privatus est, non ante suscipiatur ab aliis Episcopis, quam suo reconcilietur Episcopo.

#### *De eadem re.*

*Ex Concilio Apostolorum.*

CCCCI. (h) Si quis cum damnato Clerico, veluti cum Clerico, simul oraverit, iste damnetur.

*Di*

(y) Regula S. Isidori c. 17. Burchard. lib. 11. c. 31.

(a) Regula S. Fructuosi c. 14. Burchard. lib. 11. c. 33.

(b) Regula S. Benedicti c. 26.

(d) Concil. Antioch. c. 2. Burchard. lib. 11. c. 34.

(e) Canon. Apostol. c. 11. Burchard. lib. 11. c. 35.

(f) Concil. Nicæn. c. 5. Burchard. lib. 11. c. 36.

(g) Concil. Antioch. c. 6. Burchard. lib. 11. c. 37.

(z) Burchard. lib. 11. c. 32.

(c) Regula S. Benedicti c. 25.

(h) Canon. Apostol. c. 12.

*De damnatis a Synodo.*

*Ex Concilio Antiocheno.*

CCCCII. (i) Si quis Episcopus damnatus a Synodo, vel Presbyter, aut Diaconus a suo Episcopo, ausi fuerint aliquid de ministerio contingere; nullo modo liceat eis, nec in alia Synodo, restitutionis spem, aut locum habere satisfactionis.

*De excommunicato, qui communicare præsumpserit.*

*Ex Concilio Carthaginiensi.*

CCCCIII. (k) Item placuit universo Concilio, ut qui excommunicatus fuerit pro suo neglectu, sive Episcopus, sive quilibet Clericus, & tempore excommunicationis suæ ante audientiam communionem præsumpserit, ipse in se damnationis judicetur protulisse sententiam.

*Si Episcopus voluerit exterminare aliquem de Ecclesia.*

*Ex Concilio Sardicensi.*

CCCCIV. [l] Si Episcopus exterminare voluerit Clericum suum de Ecclesia, providendum est, ne innocens damnetur; & ideo habeat potestatem, ut Episcopos finitimos interpellat, & causa ejus audiat, ac diligentius tractetur. Quia non oportet negari audientiam roganti, & Episcopus patienter accipiat, ut aut probetur sententia ejus, aut emendetur.

*De depositis, si ausi fuerint attrahere ministerium sibi dudum commissum.*

*In Canonibus Apostolorum.*

CCCCV. (m) Si quis Episcopus, Presbyter, aut Diaconus, iuste super certis criminibus depositus, ausus fuerit attrahere ministerium sibi dudum commissum, hic ab Ecclesia penitus abscidatur.

*De Presbytero accusato.*

*Ex Concilio Rotomagensi.*

CCCCVI. Ut nullus Episcopus

C c c c 3

Presbyterum accusatum ab officio Missæ removeat, nisi ad causam suam dicendam die statuta litteris evocatus minime occurrit, id est, infra spatium mensis; & si post mensem secundum non occurrerit; tunc ab officio suspendatur, quousque pro se rationem reddat. Si enim laici non canonice excommunicantur: nisi tertio fuerint vocati, atque communiti; indignum videtur, ut Sacerdotibus denegeretur, qui majoris ordinis & dignitatis sunt, quod laici regula Ecclesiastica indulgenter permittit. Pro tanto enim habetur, Sacerdotem ab officio remove, pro quanto laicum a communione Ecclesiæ cessare. Nam unde laici excommunicantur, inde Presbyteri ab officio Altaris submoventur. Require cap. CCLXXXIX.

*Qualiter Episcopus excommunicare infideles debeat.*

*Unde supra.*

CCCCVII. (n) Episcopus, cum excommunicare, vel anathematizare aliquem infidelem pro certis & manifestis sceleribus dispositum habet, post lectionem Evangelii Clerum & plebem ira debet alloqui:

*ALLOCUTIO.*

CCCCVIII. (o) Noverit charitas vestra, fratres mei, quod quidam vir, nomine ille, diabolo suadente postponens Christianam promissionem, quam in baptismo professus est, per apostasiam conversus post Satan, cui abrenuntiavit & omnibus operibus ejus, vineam Christi, id est, Ecclesiam ejus, devastare & depradare non pertimescit, pauperes Christi, quos pretioso sanguine suo redemit, violenter opprimens & interficiens, & bona eorum diripiens. Unde, quia filius hujus nostræ Ecclesiæ, cui Deo auctore præsidemus, debuerat esse, quia in ea per aquam & Spiritum Sanctum renatus est, & inter adoptivos filios Dei adnumeratus, quamvis modo filius diaboli sit imitando diabolum; solliciti, ne per negligentiam pastorem aliqua de ovibus nobis creditis deperiret, pro qua in tremendo

(i) Concil. Antioch. c. 4. Burchard. lib. 1. c. 199.

(k) Lib. 5. Capitular. c. 28. & Addit. IV. c. 35. Burchard. lib. 1. c. 200.

[l] Concil. Sardicen. c. 17. [m] Canon. Apost. c. 29.

[n] Burchard. lib. 11. c. 2. ex Conc. Rotomag.

(o) Burchard. lib. 11. c. 2. & apud Centuriatores Centur. 10. c. 6.



mendo iudicio ante Principem Pastorum Dominum nostrum Jesum Christum rationem reddere compelleremur, juxta quod ipse terribiliter nobis comminatur, dicens: (p) *Si non adnuntiaveris iniquo iniquitatem suam, sanguinem ejus de manu tua requiram*: misimus ad eum Presbyterum nostrum, & litteras commonitorias semel, & iterum, & tertio, invitantes eum canonicè ad emendationem, & satisfactionem, & penitentiam, corripientes eum paterno affectu. Sed ipse, pro dolor! diabolo cor ejus indurante, monita salutaria sprexit, & in cœpta malitia perseverans, Ecclesiæ Dei, quam læsit, superbæ spiritu inflatus, satisfacere dedignatur. De talibus itaque transgressoribus, & Sanctæ Religionis, pacisque, quam Christus ipse suis Discipulis dedit, atque reliquit, violatoribus, præcepta Dominica & Apostolica habemus, quibus informamur, quid de hujusmodi prævaricatoribus agere nos oporteat. Ait enim Dominus in Evangelio: (q) *Si peccaverit in te frater tuus, corripe eum*. Fratres, in unoquoque nostrum peccat, qui in Sanctam Ecclesiam peccat. Si enim Sancta Ecclesia (r) unum corpus est, cujus corporis caput Christus est, singuli autem sumus alter alterius membra, & cum patitur unum membrum, compatiuntur omnia membra; procul dubio in nos peccat, qui membra nostra lædit. Jubet ergo Dominus, ut frater, id est, Christianus in nos peccans, primo secrete corripiatur, deinde cum testibus redarguatur, novissime in conventu Ecclesiæ publice conveniatur. Quod si has tres admonitiones, & pias correptiones contemnit, & satisfacere despicit; post hæc *Sit tibi*, inquit, (s) *sicut ethnicus*, id est, gentilis, atque paganus, ut non jam pro Christiano, sed pro pagano habeatur. Et in alio loco membrum, quod a sua compage resolvitur, & a junctura charitatis dissociatur, & omne corpus, quod scandalizat, Dominus abscidi & projici jubet, dicens: (t) *Si oculus, vel manus, vel pes tuus scandalizat te, erue eum, & projice a te*. Et Apostolus: (u) *Auferite*, inquit, *malum a vobis*. Et item: (w) *Infidelis, si*

*discedit, discedat*. Et in alio loco rapaces a regno Dei excludit, dicens: (x) *Neque rapaces regnum Dei possidebunt*. Et alibi: (y) *Si quis frater nominatur, & est fornicator, aut adulter, aut homicida, aut rapax, cum hujusmodi nec cibum sumere licet*. Et Johannes, dilectus præ cæteris Christi discipulis, talem nefarium hominem salutare prohibebat, dicens: (z) *Nec ei ave dixeris, neque eum in domum receperis. Qui enim ei ave dicit, communicat operibus ejus malignis*. Dominica itaque atque Apostolica Præcepta adimplentes membrum putridum & insanabile, quod (\*) medicinam non recipit, ferro excommunicationis a corpore Ecclesiæ abscidamus, ne tam pestifero morbo reliqua membra corporis, veluti veneno inficiantur.

#### EXCOMMUNICATIO.

CCCCIX. (a) Igitur, quia monita nostra, & crebras exhortationes contemnit: quia tertio secundum Dominicum Præceptum vocatus, ad emendationem & penitentiam venire despexit: quia culpam suam necdum cognovit, nec confessus est, nec missa nobis legatione, qui causam ipsius exequimur, quia noster parochianus est, veniam postulavit: quia in cœpta malitia, diabolo cor ejus indurante, perseverat, & juxta quod Apostolus dicit, secundum duritiam suam & cor impoenitens thesaurizat sibi iram in die iræ; ideoque nos eum cum universis complicibus, & communicatoribus, fautoribusque suis iudicio Dei omnipotentis Patris, Filii, & Spiritus Sancti, & beati Petri Principis Apostolorum, & omnium Sanctorum, nec non & nostræ mediocritatis auctoritate, & potestate nobis Divinitus collata ligandi, & solvendi in cælo, & in terra, a pretiosi corporis & sanguinis Domini perceptione, & a societate omnium Christianorum separamus, & a liminibus sanctæ Matris Ecclesiæ in cælo & in terra excludimus, & excommunicatum, & anathematizatum esse decernimus, & damnatum cum diabolo & angelis ejus, & omnibus reprobis in igne æterno judicamus; nisi forte a diaboli laqueis resipiscat, & ad emendationem & poeni-

(p) Ezech. 3.

(q) Matth. 18.

(r) 1. Cor. 7.

(s) 2. Joan.

(t) Matth. 18.

(u) Ibidem.

(v) 1. Cor. 6.

(\*) Decreta Siric. c. 7.

(w) 1. Cor. 12.

(x) 1. Cor. 5.

(y) 1. Cor. 5.

(a) Burchard. l. 11. c. 3. & apud Centuriat. ibid.

pœnitentiam redeat, & Ecclesiæ Dei, quam læsit, satisfaciatur. Et respondeant omnes tertio: *Amen.* Aut: *Fiat, fiat.* Aut: *Anathema sit.* Debeñt autem duodecim Sacerdotes Episcopum circumstare, & lucernas ardentés in manibus tenere, quas in conclusione anathematis, vel excommunicationis projicere debent in terram, & pedibus conculcare. Post hæc Episcopus plebi ipsam excommunicationem communibus verbis debet explanare, ut omnes intelligant, quam terribiliter damnatus sit, & ut noverint, quod ab illa hora in reliquum non pro Christiano, sed pro pagano habendus sit: & qui illi quasi Christiano communicaverit, aut cum eo manducaverit, aut biberit, aut eum osculatus fuerit, vel cum eo colloquium familiare habuerit, nisi forte ad satisfactionem & pœnitentiam eum provocare studuerit: aut in domo sua eum receperit, aut simul cum eo oraverit; procul dubio similiter sit excommunicatus. Deinde epistolæ Presbyteris per parochiam mittantur, continentes modum excommunicationis, in quibus jubeatur, ut Dominicis diebus post lectionem Evangelii plebibus sibi commissis publice annuntient ipsam excommunicationem, ut ne quis per ignorantiam communicet excommunicato. Oportet etiam, ut aliis Episcopis ipsa excommunicatio manifestetur. Præcipit enim Toletanum Concilium, (b) ut invicem mox scripta percurrant per omnes Provinciæ Episcopos, quoscunque adire potuerint, ut excommunicatus audiat. Seniori etiam ejus ipsa excommunicatio debet nota fieri.

ITEM ALIA EXCOMMUNICATIONIS ALLOCUTIO.

CCCCX. (c) Audistis, Dilectissimi, quanta, & quam horrenda pravitatis ac iniquitatis opera ille a diabolo instigatus perpetrare non timuerit, & quomodo per apostasiam a totius Christianæ Religionis cultu profana mente recesserit. Audistis, quemadmodum canonicè ad satisfaciendum evocatus sit, sed venire distulerit: quomodo frequenter admoni-

tus, ut respiceret a laqueis diaboli, quibus teneretur adstrictus, saluberrimas admonitiones obduratis auribus cordis audire contempserit. Dominus dicit in Evangelio de tali contumaci fratre, qui Ecclesiasticam renuit suscipere correptionem: (d) *Si Ecclesiam non audierit, sit tibi, inquit, sicut ethnicus & publicanus.* Id est, jam non est computandus inter Christianos, sed inter paganos. Hinc Paulus, Domini & Magistri doctrinam sequens, Corinthios redarguit, quare cum criminosis & sceleratis communionem haberent, dicens: (e) *Vos inflati estis, & non magis luctum habuistis, ut tollatur de medio vestrum:* id est, separetur a vestro consortio, qui tale scelus operatus est. Et adjungit: *Ego quidem absens corpore, præsens autem spiritu, jam judicavi, ut præsens, eum, qui sic operatus est, in nomine Domini nostri Jesu Christi congregatis vobis, & meo spiritu, cum virtute Domini mei Jesu tradere hujusmodi satane in interitum carnis.* Et post pauca: *Scrissi vobis, ne commisceamini fornicariis.* Et statim infert: *Si quis frater appellatur, id est, Christianus, & fornicator est, aut rapax, cum hujusmodi nec cibum sumere.* Et alibi: (f) *Auferte malum ex vobis.* Et: (g) *Infidelis, si discedit, discedat.* Una enim ovis morbida omnem gregem contaminat, & modicum fermentum totam massam corrumpit, & plerumque unum membrum putridum totum corpus inficit. Et ideo tam perniciofa pestis a corpore Ecclesiæ radicitus evellatur.

EXCOMMUNICATIO.

CCCCXI. (b) Dominicis igitur, atque Apostolicis informati præceptis, judicio Patris, & Filii ejus Domini nostri Jesu Christi, & Spiritus Sancti auctoritate, & potestate Apostolis, Apostolorumque Successoribus a Deo concessa, una vobiscum prædictum pessimum virum a liminibus Sanctæ Matris Ecclesiæ excludimus, & ab omni societate & communione Christiana separamus, separatumque esse in æternum decernimus, id est, in præsentis sæculo, & in futuro. Nullus Christianus ei ave dicat, aut eum oscu-

(b) Concil. Tolet. I. c. 11. vid. supra cap. 289. hujus libri.

(c) Burchard. lib. 11. c. 4. & apud Centuriator. ibid.

(d) Matth. 18.

(e) 1. Cor. 5.

(g) 1. Cor. 5.

(b) Burchard. lib. 11. c. 5. & apud Centuriat. ibid.

(f) 1. Cor. 7.



osculari præsumat. Nullus Presbyter cum eo Missam celebrare audeat, vel sacrosanctum corpus & sanguinem Domini tradere. Nemo ei jungatur in consortio, neque in aliquo negotio. Et si quis ei se sociaverit, & communicaverit ejus operibus malignis; noverit se simili percussum anathemate, his exceptis, qui ob hanc causam ei junguntur, ut eum revocent ab errore, & provocent ad satisfactionem; nisi forte resipuerit, & Dei gratia inspirante ad pœnitentiæ remedium conversus fuerit, & digna emendatione Ecclesiæ Dei, quam læsit, humiliter satisfecerit.

ITEM ALIA TERRIBILIOR  
EXCOMMUNICATIO.

CCCCXII. (i) Canonica instituta, & Sanctorum Patrum exempla sequentes, Ecclesiarum Dei violatores, videlicet raptores, deprædatores, & homicidas illos, in nomine Patris, & Filii, & in virtute Spiritus Sancti, nec non auctoritate Episcopis per Petrum Principem Apostolorum divinitus collata, a Sanctæ Matris Ecclesiæ gremio segregamus, ac perpetuæ maledictionis anathemate condemnamus. Sintque maledicti in civitate, maledicti in agro, maledictum horreum eorum, & maledictæ reliquiæ illorum, maledictus fructus ventris eorum, & fructus terræ illorum. Maledicti sint ingredientes, & maledicti sint egredientes. Sintque in domo maledicti, in agro profugi; veniantque super eos omnes illæ maledictiones, quas Dominus per Moysen in populum Divinæ legis prævaricatorem se esse missurum intentavit: sintque anathema maranatha, id est, pereant in secundo adventu Domini. Nullus eis Christianus ave dicat. Nullus Presbyter Missam celebrare præsumat, vel sanctam Communionem dare. Sepultura asini sepeliantur, & in sterquilinum sint super faciem terræ. Et sicut hæ lucernæ de manibus nostris projectæ hodie extinguuntur, sic eorum lucerna in æternum extingatur; nisi forte resipuerint, & Ecclesiæ Dei, quam læserunt, per emendationem & condignam pœnitentiam satisfecerint.

E X C O M M U N I C A T I O  
B R E V I S.

CCCCXIII. (k) Canonica instituta, & Sanctorum Patrum exempla sequentes, Ecclesiarum Dei violatores illos auctoritate Dei, & judicio Sancti Spiritus, a gremio Sanctæ Matris Ecclesiæ, & a consortio totius Christianitatis eliminamus, quousque resipiscant, & Ecclesiæ Dei satisfaciant.

*Qualiter Episcopus reconciliet, vel recipiat excommunicatum.*

CCCCXIV. (l) Cum aliquis excommunicatus, vel anathematizatus, pœnitentia ductus veniam postulat, & emendationem promittit; Episcopus, qui eum excommunicavit, ante januas Ecclesiæ venire debet, & duodecim Presbyteri cum eo, qui eum hinc inde circumstare debent: ubi etiam adesse debent illi, quibus injuria vel damnum illatum est, & ibi secundum leges divinas & humanas oportet damnum commissum emendari, aut si jam emendatum est, eorum testimonio comprobari. Deinde interroget Episcopus, si pœnitentiam, juxta quod canones præcipiunt, pro perpetratis sceleribus suscipere velit. Et si ille terræ prostratus veniam postulat, culpam confitetur, pœnitentiam implorat, de futuris cautelam spondet; tunc Episcopus, apprehensa manu ejus dextera, eum in Ecclesiam introducat, & ei communionem & societatem Christianam reddat. Post hæc secundum modum culpæ pœnitentiam ei injungat, & literas per parrochiam dirigat, ut omnes noverint, eum in societate Christiana receptum. Aliis etiam Episcopis hoc notum faciat. Nullus autem Episcopus alterius parrochianum excommunicare, vel reconciliare præsumat, sine conscientia vel consensu Episcopi proprii.

*De eo, qui Patrem vel Matrem inhonorat.*

*Ex Concilio Rotomagensi.*

CCCCXV. Si quis patrem aut matrem percutit, aut maledicit, quia capitalia

[i] Burchard. lib. 11. c. 6. & apud Centuriat. ibid.

[k] Burchard. lib. 11. c. 7. & apud Centuriat. ibid.

[l] Burchard. lib. 11. c. 8.

talía crimina commisit, publicam inde pœnitentiam agat, sicuti de gravioribus peccatis. Ait enim Dominus: (m) *Qui maledixerit patri vel matri, morte moriatur.* Quem enim Dominus dignum morte iudicat, procul dubio pro homicida tenetur, & sicut homicida debet pœnitere.

*De bubulcis & porcariis, ut ad Missam veniant, saltem in Dominicis diebus.*

*Unde supra.*

CCCCXVI. (n) Admonere debent Sacerdotes plebes sibi subditas, ut bubulcos, atque porcarios, vel alios pastores, vel aratores, qui in agris assidue commorantur, vel in silvis, & ideo more pecudum vivunt, in Dominicis, & in aliis Festis diebus saltem ad Missam faciant, vel permittant venire: nam & hos Christus pretioso sanguine suo redemit. Quod si neglexerint, pro animabus eorum absque dubio rationem se reddituros sciant. Siquidem Dominus veniens in hunc mundum non elegit oratores atque nobiliores quosque, sed piscatores, atque idiotas sibi discipulos adscivit; ut ostenderet in facto, quod ipse verbo in Evangelio adfirmat, dicens: *Quod hominibus altum est, abominabile est apud Deum.* Et salva altiore intelligentia, nativitas nostri Redemptoris primo omnium pastoribus ab Angelo nuntiatur.

De confessione, de pœnitentia, de decimis, & de ebrietate, & de vomitu post Eucharistiam in primo libello supra expositum est.

*De pauperibus, qualiter alantur.*

*Ex Concilio Turonensi.*

CCCCXVII. (o) Unaquæque civitas pauperes & egenos alimentis congruentibus pascat secundum vires: & tam vicini Presbyteri, quam cives, unusquisque suum pauperem nutriet: quo fiat, ut ipsi pauperes per alias civitates non vagentur.

D d d d

(m) Exod. 21.

(o) Conc. Turon. 2. c. 5.

(q) Num. 15.

(r) Concil. Vern. sub Pippin. c. 9. Lib. 5. Capitular. c. 42. Burchard. lib. 2. c. 179.

*Tomus II. Concil. German.*

(n) Burchard. lib. 2. c. 71.

(p) Lib. 1. Capitular. c. 124.

(q) Luc. 10.

(r) Exod. 16.

(s) Exod. 16.

(t) Exod. 16.

(u) Exod. 16.

(v) Exod. 16.

(w) Exod. 16.

(x) Exod. 16.

(y) Exod. 16.

(z) Exod. 16.

(aa) Exod. 16.

(ab) Exod. 16.

(ac) Exod. 16.

(ad) Exod. 16.

(ae) Exod. 16.

(af) Exod. 16.

(ag) Exod. 16.

(ah) Exod. 16.

(ai) Exod. 16.

(aj) Exod. 16.

(ak) Exod. 16.

(al) Exod. 16.

(am) Exod. 16.

(an) Exod. 16.

(ao) Exod. 16.

(ap) Exod. 16.

(aq) Exod. 16.

(ar) Exod. 16.

(as) Exod. 16.

(at) Exod. 16.

(au) Exod. 16.

(av) Exod. 16.

(aw) Exod. 16.

(ax) Exod. 16.

(ay) Exod. 16.

(az) Exod. 16.

(ba) Exod. 16.

(bb) Exod. 16.

(bc) Exod. 16.

(bd) Exod. 16.

(be) Exod. 16.

(bf) Exod. 16.

(bg) Exod. 16.

(bh) Exod. 16.

(bi) Exod. 16.

(bj) Exod. 16.

(bk) Exod. 16.

(bl) Exod. 16.

(bm) Exod. 16.

(bn) Exod. 16.

(bo) Exod. 16.

(bp) Exod. 16.

(bq) Exod. 16.

(br) Exod. 16.

(bs) Exod. 16.

(bt) Exod. 16.

(bu) Exod. 16.

(bv) Exod. 16.

(bw) Exod. 16.

(bx) Exod. 16.

(by) Exod. 16.

(bz) Exod. 16.

(ca) Exod. 16.

(cb) Exod. 16.

(cc) Exod. 16.

(cd) Exod. 16.

(ce) Exod. 16.

(cf) Exod. 16.

(cg) Exod. 16.

(ch) Exod. 16.

(ci) Exod. 16.

(cj) Exod. 16.

(ck) Exod. 16.

(cl) Exod. 16.

(cm) Exod. 16.

(cn) Exod. 16.

(co) Exod. 16.

(cp) Exod. 16.

(cq) Exod. 16.

(cr) Exod. 16.

(cs) Exod. 16.

(ct) Exod. 16.

(cu) Exod. 16.

(cv) Exod. 16.

(cw) Exod. 16.

(cx) Exod. 16.

(cy) Exod. 16.

(cz) Exod. 16.

(da) Exod. 16.

(db) Exod. 16.

(dc) Exod. 16.

(dd) Exod. 16.

(de) Exod. 16.

(df) Exod. 16.

(dg) Exod. 16.

(dh) Exod. 16.

(di) Exod. 16.

(dj) Exod. 16.

(dk) Exod. 16.

(dl) Exod. 16.

(dm) Exod. 16.

(dn) Exod. 16.

(do) Exod. 16.

(dp) Exod. 16.

(dq) Exod. 16.

(dr) Exod. 16.

(ds) Exod. 16.

(dt) Exod. 16.

(du) Exod. 16.

(dv) Exod. 16.

(dw) Exod. 16.

(dx) Exod. 16.

(dy) Exod. 16.

(dz) Exod. 16.

(ea) Exod. 16.

(eb) Exod. 16.

(ec) Exod. 16.

(ed) Exod. 16.

(ee) Exod. 16.

(ef) Exod. 16.

(eg) Exod. 16.

(eh) Exod. 16.

(ei) Exod. 16.

(ej) Exod. 16.

(ek) Exod. 16.

(el) Exod. 16.

(em) Exod. 16.

(en) Exod. 16.

(eo) Exod. 16.

(ep) Exod. 16.

(eq) Exod. 16.

(er) Exod. 16.

(es) Exod. 16.

(et) Exod. 16.

(eu) Exod. 16.

(ev) Exod. 16.

(ew) Exod. 16.

(ex) Exod. 16.

(ey) Exod. 16.

(ez) Exod. 16.

(fa) Exod. 16.

(fb) Exod. 16.

(fc) Exod. 16.

(fd) Exod. 16.

(fe) Exod. 16.

(ff) Exod. 16.

(fg) Exod. 16.

(fh) Exod. 16.

(fi) Exod. 16.

(fj) Exod. 16.

(fk) Exod. 16.

(fl) Exod. 16.

(fm) Exod. 16.

(fn) Exod. 16.

(fo) Exod. 16.

(fp) Exod. 16.

(fq) Exod. 16.

(fr) Exod. 16.

(fs) Exod. 16.

(ft) Exod. 16.

(fu) Exod. 16.

(fv) Exod. 16.

(fw) Exod. 16.

(fx) Exod. 16.

(fy) Exod. 16.

(fz) Exod. 16.

(ga) Exod. 16.

(gb) Exod. 16.

(gc) Exod. 16.

(gd) Exod. 16.

(ge) Exod. 16.

(gf) Exod. 16.

(gg) Exod. 16.

(gh) Exod. 16.

(gi) Exod. 16.

(gj) Exod. 16.

(gk) Exod. 16.

(gl) Exod. 16.

(gm) Exod. 16.

(gn) Exod. 16.

(go) Exod. 16.

(gp) Exod. 16.

(gq) Exod. 16.

(gr) Exod. 16.

(gs) Exod. 16.

(gt) Exod. 16.

(gu) Exod. 16.

(gv) Exod. 16.

(gw) Exod. 16.

(gx) Exod. 16.

(gy) Exod. 16.

(gz) Exod. 16.

(ha) Exod. 16.

(hb) Exod. 16.

(hc) Exod. 16.

(hd) Exod. 16.

(he) Exod. 16.

(hf) Exod. 16.

(hg) Exod. 16.

(hh) Exod. 16.

(hi) Exod. 16.

(hj) Exod. 16.

(hk) Exod. 16.

(hl) Exod. 16.

(hm) Exod. 16.

(hn) Exod. 16.

(ho) Exod. 16.

(hp) Exod. 16.

(hq) Exod. 16.

(hr) Exod. 16.

(hs) Exod. 16.

(ht) Exod. 16.

(hu) Exod. 16.

(hv) Exod. 16.

(hw) Exod. 16.

(hx) Exod. 16.

(hy) Exod. 16.

(hz) Exod. 16.

(ia) Exod. 16.

(ib) Exod. 16.

(ic) Exod. 16.

(id) Exod. 16.

(ie) Exod. 16.

(if) Exod. 16.

(ig) Exod. 16.

(ih) Exod. 16.

(ii) Exod. 16.

(ij) Exod. 16.

(ik) Exod. 16.

(il) Exod. 16.

(im) Exod. 16.

(in) Exod. 16.

(io) Exod. 16.

(ip) Exod. 16.

(iq) Exod. 16.

(ir) Exod. 16.



minime potuerit, Regis iudicio exilio damnetur.

*Ut nullus hospitium denegat  
iteranti.*

*Ex Concilio ad Palatium Vernis.*

CCCCXXI. Placuit nobis, & nostris fidelibus, ut Presbyteri suos parrochianos admoneant, ut & ipsi hospitales, ut nulli iter facienti mansionem denegent: & ut omnis occasio rapinæ tollatur, nihil carius vendant transeuntibus, nisi quanto in mercato vendere possunt. Quod si carius vendere voluerint, ad Presbyterum transeuntes hoc referant, & illius iussu cum humanitate eis vendant.

*De eo, qui Presbyterum in-  
honorat.*

*Unde supra.*

CCCCXXII. (u) Si quis Presbyterum proprium inhonorat, aut verbo, aut facto contumeliam facit, tam diu a liminibus Ecclesiæ arceatur; quousque per condignam poenitentiam satisfaciatur. Ait enim Apostolus: (w) *Presbyteri, qui præfunt, duplici honore digni habeantur.* Item alibi dicit: (x) *Obedite Præpositis vestris, & subiecti eis estote. & cetera.*

*Si quis contradicit Episcopo, ne  
servi propter crimina virgis  
cedantur.*

*Ex Concilio ad Sanctum Medardum.*

CCCCXXIII. (y) Ut Missi nostri omnibus per singulas Parrochias denuntient, quia si Episcopus, aut ministri Episcoporum pro criminibus colonos flagellaverint cum virgis, propter metum aliorum, ut ipsi criminosi corrigantur, cum tali discretione, sine ulla occasione indebita, sicut in Synodo collocutum est; ut vel inviti poenitentiam agant, ne æternaliter pereant. Si seniores ipsorum colonorum indigne tulerint, & aliquam vindictam exinde exercere voluerint, aut eisdem colonos, ne distringantur, contendere præsumperint; sciant, quia & bannum nostrum componant, & simul

cum excommunicatione Ecclesiastica nostram harniscaram durissimam sustinebunt.

*De advenis.*

*Ex Concilio Karoli & Lotharii ad Valentinas. cap. X.*

CCCCXXIV. (z) De advenis, qui oppressione Nortmannorum, vel Britannorum in partes istorum regnorum confugerunt, statuerunt seniores nostri, ut a nullo reipublicæ ministro quacunque violentiam, vel oppressionem, aut exactiorem patiantur; sed liceat eis conductum suum querere, donec pace reddita, aut ipsi redeant ad loca sua, aut seniores illorum eos recipiant. Nullus autem eos intervire præsumat, eo quod loco mercenarii apud aliquem manserint: nec censum, aut tributum exigere. Quod si inventus fuerit ex reipublicæ ministris, aut alius quilibet, contra hoc pietatis præceptum facere, aut fecisse, bannum nostrum exinde componat.

*Unde supra.*

CCCCXXV. Pervenit ad aures sacerdotum, quod profugi, qui paganorum manus omnibus bonis amissis vix evaserunt, in regionibus nostris a quibusdam injuste opprimantur, & in servitutem redigantur contra divinas humanasque leges, cum Dominus per Prophetam dicat: (a) *Advenæ ne feceritis calumniam in loco hoc, & habitabo vobiscum.* Et iterum: (b) *Advenam non contristabis.* Et multa his similia. Tales igitur severiter corripiendi sunt, & de manibus eorum advenæ eruendi juxta quod scriptum est: (c) *Eripiens inopem de manu fortioris ejus, &c.* Nam advenæ apud fratres suos, id est, Christianos, mercenarii debent esse, non servi. Si autem in servitutem redigantur, quid illis profuit paganorum manus effugisse, cum captivitatis jugum, & duræ servitutis non effugerint? Et ideo contra hanc crudelitatem sacerdotum debet pietas decertare, ne pro tam immani malitia ira divina populum Christianum consumat.

*Ut*

(u) Burchard. lib. 2. c. 229.

(x) Hebræor. 13.

(z) Capitula Karoli Calvi. tit. 12. c. 9.

(b) Exod. 22.

(w) 1. Timoth. 5.

(y) Concil. Sueffion. 2. Act. 8. c. 9.

(a) Hierem. 7.

(c) Psal. 34.

*Ut justæ mensuræ sint.*

*Ex Capitulari ad Pistas.*

CCCCXXVI. (d) Ut Comites, & omnes reipublicæ Ministri, seu cæteri fideles nostri provideant, quatenus justus modius, & æquus sextarius secundum sacram Scripturam, & capitula Prædecessorum nostrorum in civitatibus, & in vicis, vel in villis ad vendendum, & emendum fiat, & mensuram secundum antiquam consuetudinem de palatio nostro accipiant. Et si cui reputatum fuerit mensuram adulterasse; si liber homo est, aut Sacramento secundum suam legem se expurget; aut si culpabilis invenitur, bannum nostrum persolvat, & a ministris reipublicæ tollatur, quod cum injusta mensura vendere voluit. Si autem colono, aut servo hoc reputatum fuerit, judicio Dei se inde examinet: & si convictus fuerit, perdat rem, id est, hoc, unde mensuram adulteratus est, insuper & nudo corio virgis cædatur. Et si servus, si liber, post legalem emendationem Episcopale judicium suscipiat, quia contra interdictum Dei fecit. Ait enim: (e) *Æquus tibi sit modius, & sextarius æquus.* Et alibi: (f) *Mensuram, & mensuram odit Dominus.* Et item: (g) *Qui pecuniam suam non dedit ad usuram.* Quod peccatum inter illa capitula peccata computatur, de quibus Apostolus (b) dicit, quod qui ea fecerit, cum hujusmodi nec cibum sumere Christiano licet. Similiter per civitates, & vicos, atque mercata, ministri reipublicæ provideant; ne illi, qui panem, & carnem per deneradas, & vinum per sextarios vendunt, mensuram adulterare possint: sed quantos mensurabiles panes de justo modio in unaquaque civitate Episcopi, vel Abbates, a suis pistoriis recipiunt, tantos mensurabiles panes de eodem modio a pistoriis, qui panem vendunt, fieri faciant. Quod si inventi fuerint mensuram adulterare, vel minuere; & damnum sustineant, & virgis cædantur. Homines etiam, quibus hoc commissum est, ut provideant, ne mensuræ minorentur, si de

D d d d 2

perjurio, quod juraverunt, quod hoc consentire non debuissent, fuerint convicti; secundum legem puniantur, aut perdant manum, aut redimant, aut grave damnum sustineant. Et postea ab Episcopo de perjurio publicam poenitentiam accipiant.

*De eadem re.*

*Ex Capitular. Lib. III. cap. xc.*

CCCCXXVII. (i) Utræque mensuras, & pondera æqualia omnes habeant, si in civitatibus, si in Monasteriis, ad dandum invicem, seu accipiendum, sicut in lege Domini præceptum habemus. *Vid. Burchard. Lib. 19. cap. 148.*

*De conspirationibus.*

*Ex Concilio Chalcedonensi.*

CCCCXXVIII. (k) Conjuratio, vel conspirationis crimen etiam ab exteris legibus est omnino prohibitum. Multo magis hoc, in Dei Ecclesia ne fiat, admonere convenit. Si ergo Clerici, vel Monachi reperti fuerint conspirantes, aut conjurantes, aut insidias ponentes Episcopis, aut Clericis; gradu proprio penitus abscedunt.

*De eadem re.*

*Ex Capitular. Lib. I. Tit. XXVIII.*

CCCCXXIX. (l) Nec Clerici, nec Monachi conspirationem, vel insidias contra pastorem suum faciant.

*De eadem re.*

*Ex Concilio ad Pistas.*

CCCCXXX. [m] Nos quoque Episcopi autoritate Dei, & sacrorum canonum, sicut sancti Pontifices DCXXX. Chalcedonensis Concilii conspirationem fieri prohibuerunt, & sicut cætera Episcoporum Concilia hujusmodi perniciofa facta vetuerunt, & nos prohibemus: quia facientes illa, per eorum judicium, qui cum Deo jam in cælo regnant, & a cælesti Ecclesia, & a Christianorum societate separati sunt; nisi per dignos poenitentiae fructus ad hoc redeant,

(d) Capitula Karoli Calvi tit. 31. c. 20.

(f) Prov. 20.

(g) Lib. 1. Capitular. c. 74.

(h) Lib. 1. Capitular. c. 29.

(e) Levit. 19.

(b) 1. Cor. 5.

(g) Psalm. 14.

(k) Concil. Chalced. c. 18.

(m) Capitula Karoli Calvi tit. 29. c. 4. pag. 279.



redeant, ut sanctæ Ecclesiæ possint reardunari.

*De eadem re.*

*Ex Capitular. Lib. III. cap. ix.*

CCCCXXXI. (n) Conspiraciones vero quicunque facere præsumpserint, & Sacramento quacunq; conspirationem firmaverint, triplici ratione judicentur. Primo, ut ubicunque aliquod malum per hoc perpetratum fuit, auctores facti interficiantur. Adjuutores vero illorum singuli, alter ab altero flagellentur, & nares sibi invicem præfendant. Ubi vero nihil mali perpetratum est, similiter quidem inter se flagellentur, & capillos sibi vicissim detondeant. Si vero per dexterās conspiratio facta fuerit; si liberi sunt, aut jurent cum idoneis juratoribus: aut si hoc facere non possunt, suam legem componant. Si vero servi sunt, flagellantur.

*De Confratriis & Consortiis.*

*Ex Concilio Nannetensi.*

CCCCXXXII. (o) De collectis vel confratriis, quas consortia vocant. Sicut verbo monuimus, & nunc scriptis expresse præcipimus; ut tantum fiat, quantum rectum ad auctoritatem, & utilitatem, atque ad salutem animæ pertinet. Ultra autem nemo neque sacerdotes, neque fidelis quisquam in parochia nostra progredi audeat, id est, ut in omni obsequio religionis, videlicet in oblatione, in luminariis, in orationibus mutuis, in exequiis defunctorum, in elemosynis, & cæteris pietatis officiis. Pastos autem & commensationes; quas divina auctoritas verat, ubi & gravedines, & indebitæ exactiones, & turpes & inanes lætitiæ, & rixæ sæpe etiam, sicut experti sumus, usque ad homicidia, & odia, & dissensiones accidere solent, adeo penitus interdiciamus; ut, qui contra decretum agere præsumpserit, si Presbyter fuerit, vel quilibet clericus, gradu privetur: si laicus est, aut femina, ab Ecclesia usque ad satisfactionem separetur. Conventus autem talium confratrum, si ne-

cesse fuerit, ut simul conveniant, aut forte aliquis contra parem suum discordiam habuerit, quem reconciliari necesse sit, & sine conventu Presbyterorum & cæterorum esse non possit; post peracta illa, quæ Dei sunt, & Christianæ religioni conveniunt, & post debitas admonitiones, si contigerit, ut veræ caritatis & fraternæ invicem consolationis omnes ad refectiōem conveniant, sic talia fieri permittimus; ut servata modestia, & temperantia, & sobrietate, pacisque concordia, sicut decet fratres, omnia in ædificationem fraternitatis, & laudem & gloriam Dei, gratiarum actiones fiant. Et hoc modo caveatur, quod Salvator ait: (p) *Videte, ne graventur corda vestra in crapula, & ebrietate.* Qui voluerint, eulogias a Presbytero accipiant, & panem tantum frangentes, singuli singulos biberes accipiant, & nihil amplius contingere præsumant: & sic unusquisque ad sua cum benedictione Domini redeat.

*Ut si Presbyter defunctus fuerit, vicinus Presbyter apud seniore[m] secularem nequam Ecclesiam obtineat.*

*Ex eodem.*

CCCCXXXIII. (q) Ut, si quilibet Presbyterorum defunctus fuerit, vicinus Presbyter apud secularem seniore[m] nulla precatione, vel aliquo xenio Ecclesiam illam obtineat: quia titulus per se constans antea extitit; sed neque capellam sine consensu Episcopi. Quod si fecerit, definitam sententiam sibi prolatam suscipiat: sicut de Episcopo (r) canonica decrevit auctoritas; ut qui per ambitionem majorem civitatem appetierit, & illam perdat, quam tenuit, & illam nequaquam obtineat, quam usurpare tentavit.

*De liquore, in quo mās ceciderit.*

*Ex Penitentiali.*

CCCCXXXIV. Mās, si ceciderit in liquorem, tollatur inde, & aspergatur aqua

(n) Lib. 3. Capitular. c. 9. Lib. 1. Leg. Longob. tit. 17. c. 11.

(o) Concil. Nannet. c. 15. Hincmar. Capitula tit. 1. c. 16.

(q) Concil. Nannet. c. 16. Hincmari Capitula tit. 2. cap. 17. Burchard. lib. 3. c. 229.

[r] Decreta Leon. I. c. 38.

(p) Luc. 21.

aqua benedicta, & sumatur. Si vero mortua fuerit inventa, abjiciatur totus ille liquor. Quod si multum est de liquore, purgetur ille liquor, & aspergatur aqua sancta, & sumatur, si necesse est. Si in farina, aut in lacte coagulato, aut in melle mus mortua invenitur; quod in circuitu ejus est, foras projiciatur, reliquum sumatur.

*Si quis sepulcrum violaverit, & cetera.*

*Ut supra.*

CCCCXXXV. Si quis sepulcrum violaverit, septem annos pœniteat, tres in pane & aqua.

Si quis ligaturas fecerit, quod detestabile est; tres annos pœniteat, unum ex his in pane & aqua.

Si quis manducaverit morticinum, aut idolis immolatum; jejundet hebdomadas duodecim.

Si quis quodlibet membrum sibi voluntarie truncaverit; tres annos pœniteat, unum ex his in pane & aqua.

Si quis usuras undecunque exegerit, similiter pœniteat.

Si quis per violentiam, aut quolibet ingenio, malo ordine res alienas invaserit, aut tulerit, similiter pœniteat.

Si quis aliquem hominem malo ordine vendiderit, similiter pœniteat.

Si quis arcam, aut domum voluntarie igne cremaverit, similiter pœniteat.

Si quis per iram aliquem percusserit, & sanguinem fuderit, aut debilem fecerit; quadraginta dies pœniteat in pane & aqua.

*Si aliquis excommunicatus mortuus fuerit.*

*Ut supra.*

CCCCXXXVI. (s) Si aliquis excommunicatus fuerit mortuus; qui jam fit confessus, & non occurrit venire ad Sacerdotem, sed praeoccupavit eum mors in domo, aut in via; faciant pro eo parentes ejus oblationem ad altare, & dent redemptionem pro captivis.

D d d d 3

[s] Halitgar, lib. 6. c. 10. Burchard, lib. 11. c. 51.

[u] Burchard, lib. 19. c. 22.

[x] Burchard, lib. 19. c. 18.

*De eo, qui furatus fuerit per necessitatem.*

CCCCXXXVII. (t) Si quis per necessitatem furatus fuerit cibaria, vel vestem, vel pecus per famem, aut per nuditatem; pœniteat hebdomadas quatuor. Si reddiderit, non cogatur jejunare.

*De redemptionis pretio.*

CCCCXXXVIII. (u) Si quis forte non potuerit jejunare, & habuerit, unde possit redimere; si dives fuerit, pro septem hebdomadis det solidos viginti: si non habuerit tantum, unde dare possit, det solidos decem. Si autem multum pauper fuerit, det solidos tres. Neminem vero conturbet, quia iussimus dare solidos viginti, aut minus; quia si dives fuerit, facilius est illi dare solidos viginti, quam pauperi solidos tres. Sed attendat unusquisque, cui dare debeat, five pro redemptione captivorum, five supra sanctum Altare, five Dei servis, seu pauperibus in elemosyna.

*Quid pro uno mense agendum sit.*

*Unde supra.*

CCCCXXXIX. (w) Pro uno mense, quod in pane, & in aqua pœnitere debet aliquis; Psalmos decantet mille cc. genu flexo, & si non genu flexo, mille dclxxx. Et omni die, si vult, & abstinerere non potest, reficiat ad sextam; nisi feria quarta, & sexta jejundet usque ad nonam. Carnem & vinum non sumat. Reliqua percipiat.

*Quid pro una hebdomada?*

*Ut supra.*

CCCCXL. (x) Pro una hebdomada Psalmos ccc. genua flectendo decantet, aut in uno loco per ordinem psallat.

*Quid pro uno anno.*

CCCCXLI. (y) Qui vero Psalmos non novit, & jejunare non potest, pro uno anno, quod jejunare debet in pane & aqua, det in elemosyna viginti sex solidos: & in unaquaque hebdomada diem

[t] Burchard, lib. 11. c. 56.

[w] Burchard, lib. 19. c. 19.

[y] Burchard, lib. 19. c. 20.



diem unum jejundet usque ad Nonam, id est, feriam quartam : & alium, id est, feriam sextam, usque ad vesperam. Et in tres quadragesimas quantum sumit, penset, & medietatem tribuat in elemosyna.

*Item de pretio unius anni.*

CCCCXLII. Primo anno quidam permiserunt, triduanas quatuor, alii duodecim triduanas, id est, semel in mense uno. Quidam dixerunt triduanas agere in verberibus, & vigiliis insistentem triduum.

*De redemptione unius diei.*

CCCCXLIII. Pretium autem unius diei, id est, agapen duorum, vel trium pauperum, sive unum denarium. Alii totum Psalterium in æstate, in hyeme vero, & in verno, vel in autumnno Psalmos quinquaginta. Quidam iudicaverunt duodecim plagas, vel percussiones.

*Item de redemptione unius diei.*

CCCCXLIV. Qui itaque hoc, quod in Pœnitentiale scriptum est, implere potuerit, agat Deo gratias. Qui autem non potuerit adimplere, consilium damus per misericordiam Dei. Inprimis pro uno die in pane & aqua, quinquaginta Psalmos cantet genu flexo, aut stando in uno loco septuaginta decantet, aut unum denarium det, aut tres pauperes pascat. Quidam dicunt quinquaginta percussiones, vel quinquaginta Psalmos pro uno die in autumnno, hyeme, vel verno centum percussiones vel Psalmos quinquaginta : in æstate psalterium unum, vel percussiones centum.

*Item de redemptione trium annorum.*

CCCCXLV. (\*) Qui non potest sic agere pœnitentiam, ut superius diximus, in primo anno eroget in ele-

emosyna solidos viginti sex, in secundo viginti, in tercio octodecim, hoc est, solidos sexaginta quatuor. Potentes homines faciant pro culpis suis, quod Zachæus fecit. Ait enim ad Dominum : Domine, omnium bonorum meorum dimidium do pauperibus, & si aliquid injuste abstuli, in quadruplum restituo. Et de mancipiis suis aliquos dimittant liberos, captivos redimant, & in se peccantibus ex corde dimittant. Et qui illicita commisit, etiam a licitis se abstineat, & corpus affligat jejuniis, vigiliis & crebris orationibus. Caro enim læta nos ad culpam traxit, afflicta reducit ad veniam.

*Quomodo possum pœnitentiam septem annorum pœnitere.*

*Ex dictis Sancti Bonifacii Episcopi.*

CCCCXLVI. Triduana una pro triginta diebus, & cantatio Psalmorum centum viginti. Pro uno die Psalmi quinquaginta, & quinque Pater noster. Pro tribus diebus Psalterium unum, & quindecim Pater noster. Item pro uno die tribus vicibus Beati Immaculati, & sex Misere mei Deus, & septuaginta vices prosternat se in terram, & per singulas Pater noster dicat. Item si nescit Psalmos, pro uno die prosternat se centum vicibus in terram, & per singulas : Misere mei Deus, & dimitte Domine peccata mea. Cantatio unius Missæ potest redimere duodecim dies, decem Missæ quatuor menses, viginti Missæ novem menses, triginta Missæ duodecim menses. Pro hebdomada una trecenti Psalmi genu flexo decantentur. Qui Psalmos nescit, & jejunare non potest, quantum quotidie sumit, penset, & medietatem tribuat in Elemosyna.

Ecce diversorum Patrum diversas opiniones de remediis peccatorum, vel de leviganda pœnitentia, in ordine posuimus, in arbitrio prudentis sacerdotis relinquentes, quid salubrius, & utilius animæ pœnitenti esse decernat.

FINIS.

(\*) Burchard. lib. 19. c. 20.

## SYNODUS FORCHEMENSIS.

Anno Christi CMIII. Christophori Papæ I.  
Ludovici III. Imp. IV.

### SUMMA CONCILII.

*Ob dissidium anno 901. inter Bambergensem Comitem, & Wirceburgensem Episcopum, Adelbertus Comes Babebergensis cæde fratrum suorum anno 902. Henrici & Adalbarði, irritatior factus, bellum anno 903. indixerat. Radolphum Episcopum Wirceburgensem ditione pellit, urbem ejus, prædia, & possessiones diripit, incendit: & Eberhardi Cattorum reguli filios una cum matre ultra Speffarticiam sylvam ablegat.*



Quibus rebus exasperatus Ludovicus Imperator, Conventum Episcoporum, & Principum, Forchemium indicit: atque ei ipse excelso prædens in tribunali, Adelbertum (a) Bambergensem, Ecclesiæ Wirceburgensis vastatorem, communi Procerum sententia oppidis, & castellis exuit, & cladem Wirce-

burgensis Ecclesiæ, ab Adelberto acceptam, Frickenhufano, & Brosethemensi vicis, atque aliis muneribus refarcit. Ibi aliæ quoque Ecclesiæ magnificis possessionibus cumulatae, Episcopi, & Abates eximiis privilegiis honestati sunt.

*Hoffmann. Lib. I. Annal. Bambergensium pag. 1617. edit. Ludewigii.*

## LUDOVICI III. REGIS DONATIO

DE PROZOLDESHEIM ET FRICKENHAUSEN.

*Ex Chartario vetusto.*

In nomine Sanctæ & Individuæ Trinitatis. Hludowicus Divina favente clementia Rex. Si fidelium nostrorum petitionibus, quas pro utilitate Ecclesiarum sibimet commissarum nobis suggererint, clementer annuimus; credimus, eos nobis inde fidiore existere, Dominumque inde propitium habere. Quamobrem noverit generale collegium omnium fidelium nostrorum, præsentium scilicet ac futurorum: quia Ru-

dolfus, venerabilis ac dilectus Episcopus noster, per supplicationem fidelium nostrorum, Hathonis videlicet, & Walthonis, Erkenboldi, Adalperonis, Salomonis, ac Tutonis, venerabilium Episcoporum: Comitum, videlicet Chvonradi, Kebelharti, Adalberti, Burcardi, Odalrici, Arnolfi, Luitfredi, Burcardi & Eranfredi, petiit Clementiam nostram, ut quasdam res juris nostri, quæ Adalberti, & Heinrici fuerunt,

&

[a] Hic Adelbertus, Comes Babenbergensis, dolo ad Imp. Ludovicum ductus anno 904. V. Idus Decembris, omnium Procerum consensu damnatus, capitali supplicio affectus fuit, & in templo arcis Tarisientis (in, & ex quo Cænobium Tarisienne condidit) sepultus est. Post ejus mortem bona ejusdem castella, & prædia, inter quæ Norimberga fuisse creditur, partim ad Majores ejus, Saxoniarum Duces, partim ad Imperium devoluta sunt. *Annalista Saxo Eckhartinus refert eadem ad 906. & quidem Triburiam decretam, & executioni datam. Sed Hoffmanni historiam prætereo.*



& ob nequitia eorum magnitudinem iudicio Francorum, Alamannorum, Bauvariorum, Thuringorum, seu Saxonum legaliter in nostrum jus publicata sunt, ad Episcopium suum Wirtzeburg, ubi Sanctus Kylianus Martyr Christi corpore requiescit, pro remedio animæ nostræ concederemus; nos quoque eorum petitionibus annuentes, ipsas res ad præfatum sanctum locum, a prædictis Adalberto, & Henrico, undique vastatum, pro remedio animæ nostræ, parentumque nostrorum perenniter in proprium donavimus: hoc est, in pago Gozfelda, in Comitatu Chuonradi, duo loca Prozzoltesheim & Frichinhusa cum Ecclesiis, curtilibus, ædificiis, familiis, & mancipiis utriusque sexus, terris cultis & incultis, agris, pratis, vineis, pascuis, silvis, aquis, aquarumque decursibus, viis & inviis, omnibusque rebus, vicis & villis, & cæteris appendiciis, quæstis & inquirendis, ad prædicta loca iuste, & rationabiliter pertinentibus, in quibuscunque pagis vel Folgfelda, Iphigowin, Crapfelda, seu Padiniggouuin, sive cæteris locorum finibus consistentibus. Solos vero homi-

nes, qui bonæ memoriæ Tragapotonem, fidelem nostrum, de villa Prozzoltesheim occiderunt, ab hac donatione excipimus: & si quid memorati Marchiones ad supra scripta loca de nobilium virorum proprietatibus iniuste contraxerint. Iussimus quoque hoc præceptum inde conscribi, per quod firmissime Regia auctoritate iubemus, ut antetitulata loca cum suis pertinentiis ab hodierna die ac deinceps ad prælibatum Episcopatum perpetualiter possidenda consistent. Et ut hujus donationis pagina in æternum & ultra firma, & inconvulsa perseveret, manus propriæ subscriptione illam firmavimus, & sigillo nostro consignari iussimus.

*Ernestus Cancellarius ad vicem Theotmari Archi-Capellani recognovit & subscripsit.*

Data VII. Idus Julii anno Incarnationis Domini CMIII. Indiæ VI. Anno vero Regni Domni Hludowici IV. Actum Tarasse, in Dei nomine feliciter, Amen.

*Ex Eckhart. rer. Wirceburgens. T. II. Append. pag. 897.*

## CONVENTUS IN OTTINGA, EPISCOPORUM BAVARIÆ.

Anno Christi CMIII. Christophori Papæ I.  
Ludovici III. Imp. IV.

**L**udovicus Rex per consilium, & consensum Venerabilium Episcoporum, Theodmari Archi-Episcopi Salisburgensis, Waldonis Frisingensis, Erchanbaldi Eistatensis, Zachariæ Sebo-

nensis, (Sabionensis) Tutonis Ratisbonensis, Burchardi Patavienensis, donat Monasterio S. Emmerani curtim Velda, die II. Idus Augusti. Actum Ottinga.

*Hansfz. Tom. II. Sacræ Germaniæ pag. 143. notat, in hoc loco Ottingæ Baviariæ Præsules Conventum egisse.*

Anno eodem ad intercessionem Theodmari donat curtem Veringa, Ecclesiæ Frisingensi. *Hansfz. ibidem.*

CON-

## CONVENTUS EPISCOPORUM IN HOLTZE- KIRICHA BAVARIÆ.

Anno Christi CMVI. Sergii III. Papæ II.  
Ludovici III. Imp. VII.

**L**udovicus Rex per interventum Hattonis, & Thietmari Venerabilium Archi-Episcoporum, nec non aliorum Episcoporum Erchanholdi, Adelberonis Augustani, Zachariæ, & Deotolobi

Wormatiensis, renovat privilegium Frisingensi Ecclesiæ, de libertate eligendi inter se Episcopi. Datum IX. Kal. Maji, in loco, qui dicitur Holtzekericha.

*Hansfz. Tom. II. Germaniæ sacre pag. 143. observat, in eo loco cæterum Episcoporum fuisse.*

Conventum Rastfeldtadiensem, in quo Ludovicus Rex Theadmaro Salisburgensi, & Burcardo Pataviensi demandavit cognitionem Provincialium Bajuvariorum ob intemperantiam vestigalium, refert Aventinus una cum legibus, ab his Episcopis, & Comitibus aliis in eolatis *de vestigalium moderatione*. Insinuant eundem Conventum & alii Bajuvariæ Scriptores: sed cum res sit meæ politica, non video, cur eum inter Concilia referam.

## SYNODUS FRISINGENSIS.

Anno Christi CMVIII. Sergii III. Papæ III.  
Ludovici III. Imp. IX.

*Dracholfs Frisingensis Episcopi, & Cuononis Chorepiscopi mutua complacitatio, & traditio in publica Synodo Ecclesiæ Frisingensis.*

**C**onsultum enim, & rationabile videtur, ut quidquid Ecclesiasticis, vel secularibus negotiis, aut judiciis agatur, serie literarum, & testimonio nobilium, & veracium virorum, ita ligetur, & confirmetur, ne in posterum ullo modo possint dissolvi, vel corrumpi.

Notum sit enim Sanctæ Dei Ecclesiæ fidelibus, veracibusque viris, qualiter Dracholfus, Frisingensis Ecclesiæ venerabilis Episcopus, & Cuono, ejusdem Ecclesiæ humilis Chorepiscopus, inter se complacitaverunt, & communi traditione, testiumque conductione, sicut mos est, firmaverunt. Remisit enim idem Chorepiscopus, & advocatus suus, Comes Sigihardus, propriam Abbatiam suam, quam coram Rege, & Episcopis, atque Comitibus, &

*Tomus II. Concilior. German.*

ceteris Principibus suis, sicut in cartula, exinde præcepto Regis facta, scriptum est, complacitavit Mosapurg nuncupatam, ad Ecclesiam Beatæ Mariæ semper Virginis, & Sancti Corbiniani Confessoris, in manus præfati Episcopi, & Advocati sui Kepolfi, ea ratione, & tenore, quatenus ille, quidquid eodem die, vel tempore de Episcopatu in beneficium haberet, deinceps usque in finem mortalis vitæ sine ulla contradictione, & molestia possideret. Insuper vero in eadem Frisingensi villa ejusdem rei causâ Colonias duas cum habitatoribus suis, ceterisque appendiciis ad easdem pertinentibus, ab eodem Episcopo idem Chorepiscopus in proprietatem accepit. Simili vero modo de eadem Abbatia, Mosapurg dicta, curam unam, Humbala vocatam, cum

E e e e ..... omni,



omnibus ad illam pertinentibus, mobilibus, & immobilibus; adquisitis, & adquirendis, nec non & beneficium unum pene desertatum, Swanahiltadorf nominatum. Præterea vero fabrum unum, Heironem, & scutarium unum Perhtkozum, atque Pistorem unum, Linguni dictum, nec non & Piscatorem unum, Artheri nominatum, atque de genetio ancillas XII. De orientali vero vino, Bauzano, illic dato, carradas III. Hæc vero conplacitatio facta est in Ecclesia Frigisingensi in publica Synodo,

coram clero, & astanti populo. Anno vero Domini DCCCCVIII. Idibus Septembris, anno præfati Episcopi secundo incipiente, Chorepiscopi vero VI. & incipiente VII. Isti sunt testes ejusdem conplacitationis, sicut mos est Bajoariorum, per aures tracti: Arbo Comes, Sigihard Comes, Wetti Comes, Wolfidregil Comes, & ceteri Vassalli &c. &c.

*Meiſelbeck Hiſtoria Friſingenſis Tom. I. Part. II. Instrumento CMLXXXII. pag. 429.*

## SYNODUS HALBERSTADENSIS.

Anno Christi CMXII. Anastasii III. Papæ I.  
Conradi Regis I.

### SUMMA ACTORUM HUIUS SYNODI.

*Henricus Auceps, Hatheburgam filiam Ervini, Comitis in Merseburg, & Altstadii (quæ vidua Monasterium ingressa fuerat, & velum susceperat) uxorem ascivit, & obtinuit: ob quod facinus Sigismundus, Halberstadiensis Episcopus, eundem ad Synodum vocavit, & excommunicavit.*

**S**igismundus, (a) spiritualis Pater, & Pastor Orientalium (Saxonum) tunc erat sanctæ Halberstadiensis Ecclesiæ Præfatus egregius, vir ingeniosus, omnigenarumque, quæ spiritualia, vel etiam carnalia respicit, artium scientia, omnes suimet temporales præcellens. Hic pietate maxima, & quod summum est perfectionis culmen, Christi zelo fervens, ut perpetrati (ab Henrico, & Hateburga) facinus connubii primo audivit: Ovium suarum culpam ingemuit, & aliquam inter se fieri amplius commixtionem, per internuntium, & per epistolam

banno Apostolicæ auctoritatis interdicens, ad condictam ambos Synodum vocavit.

Henricus tali rumore perturbatus, ad Imperatorem (Conradum) properavit, omnemque indicans ei rei ordinem, auxilium ejus petivit, & quia familiaris ei fuit, & (ex legit Leibnitius) Patris commissio, ac fidei servitio, impetravit. Nam Legato ad antistitem Sigismundum concite directo, ut vincos (vincum legit Leibnitz) solveret, & ad suimet præsentiam differret, postulavit.

*Hactenus Dithmarus, editus a Leibnitio Tomo I. Scriptor. Braunvicenf. p. 325. Consentit Annalista Saxo, ab Eckbarto editus Tomo I. Scriptor. Medii ævi.*

Cl. Samuel Lentzen in historia Diplomatica des Stiffts und Landes von Halberstadt. pag. 11. narrat, Sigismundum quidem sententiæ executionem distulisse ob interventionem Regis Conradi, atamen debuisset Henricum eam dimittere [etsi ex ea filium Tammonem, vel Tanckmarum genuisset] qui & injusto se hactenus connubio multum peccasse tandem professus est: & relicta Hatheburga, Mathildem ex Witekindi stirpe ortam, legitimam uxorem duxit. *Dithmarus pag. 316.*

(a) Sigismundus, Halberstadiensis Ecclesiæ Antistes sextus, anno DCCCCXXIII. Indictione XI, Regni autem primi Regis Henrici V, obiit XIX. Kal. Februarii, cui Bernardus, ejusdem Capellanus, successit. *Dithmarus pag. 328.* Interfuerat Synodo Altheimensi anno 916.

## SYNODUS TULLENSIS.

Anno Christi CMXVI. Joannis X. PP. III. Conradi  
Regis V. Caroli Simplicis in Francia regnantis

Anno IV.

*SUMMA: Audita relatione Sigedei, Abbatis Cœnobii S. Apri, de decima in villis Mammonicurte & Temblonicurte, ab Ecclesia S. Apri ad Ecclesiam S. Martini translata, Drogo Tullensis Episcopus, Synodo probante, judicavit, illam decimam Ecclesiæ Sancti Apri reddendam.*

**R**esidente Domino Drogo Episcopo, Tullo civitate in pleno Synodo, venit vir nobilis, Sigedeus Abba, ex cœnobio Beati Confessoris Christi Apri, & proclamavit se, & dixit, quod decimam, quam ad Ecclesiam, vel ad Altare Sancti Martini, quæ est sita in villa, quæ dicitur Mammonicurte, & Temblonicurte, ad aliam Ecclesiam, quæ dicitur in villa Domini Apri, fuisset datus. Postea vero Dominus Drogo Episcopus in pleno Synodo diligenter inquisivit, & ita invenit, sicut Segedeus Abba dixit. Tunc Dominus Drogo interrogavit fideles suos Archidiaconos, nec non sacerdotes in plena Synodo residentes, quid inde facere debuisset? Quapropter judicaverunt omnes, & veraciter adfirmaverunt, quod Dominus Drogo Episcopus reddere debuisset Segedeo Abbati decimam, quæ ad ejus Ecclesiam ab antiquitate venerat, & ibi fuisset permanfurus. Quod ita & fecit. Et isti probaverunt: Girvocus sacerdos, Evorinus, Adrianus, Authardus, Othbertus, Amalfredus, Giralduus. Si quis vero, quod minime credendum est, si ego ipse, aut ulla opposita persona, qui contra hanc notitiam venire tentaverit, aut eam infringere voluerit; sciat, se apud Deum omnipotentem sacrilegii crimine ligatum, & sanctorum consortium non adepturum esse, sed potius cum damnatis anathematis vel infidelitatis permanfurum. Et ut verius

credatur, & a successoribus nostris diligentius observetur; manu propria subter firmavimus, manibus quoque fidelium nostrorum roborari fecimus.

- † Domni Drogonis Episcopi, qui hanc notitiam fieri vel firmare rogavit.
- † Rotlandi primarii.
- † Hetdoni Archid.
- † Genulfi.
- † Ingelramni Archid.
- † Alloni Archid.
- † Fulconi.
- † Berengarii.
- † Gistulfi.
- † Rotberti.
- † Latemannii.
- † Wendelini.
- † Hugoni.
- † Walerici.

Data sub die nono Novemb. Anno IV.  
Regnante Karolo Rege in Francia. Anno vero Dominicæ Incarnationis DCCCCXVI. Indiæ. IV. Ego Rotlandus Cancellarius scripsi, & subscripsi.

*Annal. Benedictinorum Mabillonii  
Tomo III. in append. pag. 897.*



## SYNODUS APUD ALTHEIM.

Anno Christi CMXVI. Joannis X. Papæ III.  
Conradi Regis Germaniæ V.

*De Episcopis, qui apud Romanam Sedem accusati fuerant, quod cum excommunicatis communicarent.*

**R**egni Conradi, (a) Piissimi & Christianissimi Regis, quinto, congregata est Sancta generalis Synodus apud Altheim, in pago Rhetiæ, præsentem videlicet Domini Joannis Papæ Apocrisario, sanctæ Orontis (b) Ecclesiæ Petro venerabili Episcopo. Hoc quatenus aliquo modo diabolica semina in nostris partibus exorta extirpare, & nefandissimas machinationes quorundam perversorum hominum sedare, & eliminando purgare deberet.

Transacto igitur triduo jejunio, & sacris litiis more debito celebratis, convenimus in Ecclesia Sancti Joannis Baptistæ, & mœsti consedimus.

Tunc demum præfatus S. Petri, & Domini Joannis Papæ Missus, proferens chartam, Apostolicis literis inscriptam, qua monebamur, arguebamur, & instruebamur de omnibus, ad veram religionem Christianæ Fidei pertinentibus. Quæ omnia, ut justum & dignum erat, humiliter accepimus, diligenter tractavimus, & devoto affectu omnimodo amplectebamur.

Ergo Evangelicam præceptionem, & instructionem saluberrimam, lacrymabili voce protulimus, qua arguebantur Pharisei, & Scribæ: *Mundate, inquit, prius, quæ intus sunt.* Et item: *Ejice primum trabem de oculo tuo.* Ac Propheticum illud: *Ruina populi Sacerdotes mali.* Perpendentes, & discutiendo nosmetipsos inspicientes, & in medium pœnitentiæ sanctæ digno fructu ad terram nos projicientes, descevimus negligentias innu-

merabiles, & peccata nostra gravissima. Deinde hortatu Domini Petri, contra nosmetipsos & vitia irati, adjuvante primo Sancto Spiritu, & miserante, Capitula infra notata ad correctionem tam nostram, quam Christiani populi statuendo collegimus.

*De eo, si quis cum uxore alterius, vivente eo, fornicatus fuerit.*

Illud vero communi decreto secundum canonum instituta definimus, & præjudicamus, ut, si quis cum uxore alterius, vivente eo, fornicatus fuerit; moriente marito Synodali judicio aditus ei claudatur illicitus; ne ulterius ei jungatur matrimonio, quam prius poluit adulterio. Nolumus enim, nec Christianæ religioni convenit, ut ullus ducat in conjugium, quam prius poluit per adulterium. *Burchardus Lib. IX. cap. LXXIV. & Ivo part. VIII. Cap. CCXI. uterque ex Cap. V. Concilii apud Altheim.*

*De Episcopis, qui sibi subjectos seducunt cum excommunicatis.*

Scimus ex auctoritate scriptum: *Qui excommunicato communicaverit, excommunicetur.* In hoc nos faciemur Episcopi, & Presbyteri, & Clerici pœnaliter peccasse: quod imposterum Deo auxiliante, & emendare, & evitare cupimus, & præcipimus. *Burchard. Lib. XI. cap. LXIX. & Ivo Part. XIV. cap. CXVII. uterque ex cap. VI. Concilii apud Altheim.*

De

(a) Ex Burchardi Libro XI. cap. LXVIII.

(b) Ortonensis: Ortona nota est Italiæ civitas Episcopalis, in ora maris Adriatici in Apulia citeriori posita. Ivo perperam legit *Ostiensis*. Serarius legerat in codice MS. Concilium hoc sub Herigero Archiep. Moguntino anno CMVI. Altheimii coactum fuisse: sed error certus est in numero anni: nam eo anno nec Herigerus Archiep. Moguntinæ, nec Conradus Germaniæ Rex erat. *Nota Pagii ad annum 916. in Critica.*

*De eadem re.*

Placuit sanctæ Synodo, hunc errorem, quasi impium, ab Ecclesia amovere: quia animarum curam a Domino accepimus, non pecuniarum: Inde & redditori sumus Domino rationem, & accepturi propter suam misericordiam æternam retributionem, vel justam damnationem. *Burchard. ibid. cap. LXX. & Ivo ibid. cap. CXXIII. uterque ex cap. VII. ejusdem Concilii.*

*De Episcopis, ut non sint malum exemplum populo.*

Bonum exemplum populis se ipsos Episcopi, vel Sacerdotes debent præbere, & ostendere non solum dictis, verum & factis. Propter hoc enim statuiimus, minime unquam in posterum contra sacra statuta aliquo modo communicemus excommunicatis, & dijudicemus ( *In Ivone perperam legitur: dijudicamus* ) nosmetipsos, quatenus in futuro non judicemur a Domino. Sequi cupimus dicta, & statuta Sancti Gregorii Papæ, & penitentiam dignam agere volumus secrete in Monasterio, quia publice nequimus ( *non: nequivimus, ut male apud Ivonem* ) in futuroque prædicta omnibus modis Deo propitio vitare volumus. Eamdemque legem statuantes Presbyteris, Diaconibus, & omni Clero, si de gradu deponi noluerint, ut fideliter observent, & aliis servare prædicent. *Burch. ibid. cap. LXXI. & Ivo ibidem cap. CXIX. uterque ex cap. VIII. ejusdem Concilii.*

*De correctione Episcoporum, qui cum excommunicatis communicaverunt.*

Auctoritate Apostolica firmamus dicta, & præcepta sanctorum canonum: & interdicimus, quamdiu quis excommunicatus sit, ut nullus nostrorum Episcoporum, ei audiat communicare, vel cum eo in Ecclesia orare. Et laici, qui secuti sunt nos, ut dicunt, errando & sequendo nos, modo nos aut nosmetipsos ( *Ivo habet: nos autem nosmetipsos* ) per penitentiam macerantes corrigendo, & viam eis vitæ prædicantes & aperientes: ut resipiscant a diaboli laqueis, a quibus per nostra mala ex-

E e e e 3

empla capti tenentur, & ad veram matrem Ecclesiam per penitentiam revertantur. *Burchardus ibid. c. LXXII. & Ivo ibidem c. CXX. uterque ex cap. IX. ejusdem Concilii.*

*De Episcopo inculpato, qui ad Synodum vocatus venire contempserat.*

*Richwinum* Episcopum, qui contra sanctorum canonum sanctiones Stratzburgensem Ecclesiam invasit, quem ad sanctam Synodum per literas nostras invitavimus, & venire contemnens, nec vicarium suum misit; auctoritate Sancti Petri ego *Joannes* Vicarius Apostolici, ex præcepto sanctæ præsentis Synodi injungendo vocamus iterum, & præcipimus, quatenus ad Concilium, id est, Maji Moguntiae indictum a Metropolitano Episcopo suo, ad præsentiam venerabilis *Herigeri* Archi-Episcopi, & confratrum suorum veniat, suæ inobedientiæ & perversitatis ibidem justam rationem redditurus. Sin autem negligenter, & hoc agere parvipenderit, abstineat se a proprio gradu, donec Romam veniens coram Domino Papa, & sancta Ecclesia reddat rationem. *Burchard. Lib. I. Cap. CLXII. ex cap. 10. hujus Synodi.*

*De Episcopis ad Synodum vocatis, & venire, & Missos suos mittere dedignantibus.*

Placuit sanctæ Synodo Episcopos, qui vocati de Saxonia ad sanctum Concilium, non venerunt, nec secundum canones sacros missos suos vel vicarios direxerunt; gravi increpatione objurgare, & pro culpa inobedientiæ increpare. Unde iterum eos fraterna charitate ad conditum Concilium invitamus, & vocamus. Quod & si hoc, quod non optamus, pro nihilo duxerint, & venire noluerint, justamque rationem inobedientiæ suæ reddere detrectaverint; Apostolica auctoritate interdicit eis *Petrus*, Sancti Petri & Papæ Missus, una cum sancta Synodo, Missas celebrare, quousque Romam veniant, & coram Papa, & sancta Ecclesia dignam reddiderint rationem. *Burchard. Lib. I. cap. III. ex cap. X. ejusdem Syno.*



*Synodi, sed loco cap. X. videtur legendum, cap. XI. Aventinus enim utriusque capituli meminit, ideoque utrumque in hoc Concilio conditum.*

***De Clericis, qui fugerint Ecclesias,  
& de servis, qui Dominos  
proprios fugerint.***

Sanctus Gregorius dicit: Clericum fugientem ab Ecclesia sua, vel servum fugientem Dominum proprium, & nolentem reverti, judicanus communione privari, quoadusque ad propriam Ecclesiam, vel ad Dominum suum redeat. Et item clericum fugitivum, suo Episcopo, vel Domino suo decernimus Apostolica sententia restitui, vel excommunicari una cum illis, qui ei communicaverint. *Burchard. Lib. XI. Cap. LXXXIII. ex Cap. XXVII. ejusdem Concilii.*

***De Clericis, qui a Dominis suis  
liberi facti sunt.***

Nullus Clericus ad gradum Presbyterii promoveatur, nisi, ut scriptum in canonibus habetur: Si enim propter Dei dilectionem quis de servis suis quemquam elegerit, & docuerit litteras, & libertati condonaverit, & per intercessionem erga Episcopum Presbyterum effecerit, & secundum Apostolos vestitum & vestitum ei donaverit: ille autem postea in superbiam elatus, Missam Dominis suis, & canonicas horas observare, & psallere renuerit, & eis iuste obedire, dicens, se liberum esse, noluerit, & quasi libere, cujus vult, homo fiat; hoc sancta Synodus anathematizat, & illum a sancta Communione arceri judicat, donec resipiscat, & Domino suo obediat secundum canonica præcepta. Sin autem obstinato animo & hoc contempserit; accusetur apud Episcopum, qui eum ordinavit, & degradetur: & fiat servus illius idem Do-

mini sui, sicut natus fuerat. Quisquis vero talem secum habuerit, posteaquam rem prædictam illius audierit, & Domino suo non reddiderit, vel a se projecerit, sive Episcopus, sive Comes, sive Clericus, sive laicus, anathematis illius societate nodatus, pœnam excommunicationis luet. *Burchard. Lib. II. Cap. CCXXXIV. ex Cap. XXXVIII. Concilii apud Altheim habiti, cui inter fuisse Conradum Regem dicit, quod & in locis supra citatis iterat.*

*Haftenus Pagi in Critica Baronii ad annum DCCCCXVI.*

Sed & hoc ibidem inventum de Episcopis, Presbyteris, & Clericis: Si hæreditatem a Domino Rege, vel ab alio Principe, vel amico suo, seu per hæreditariam sortem sibi devenerit, vel acquisiverunt, donare eis liceat hanc; cui voluerint, dum vivunt, pro remedio animæ, ad Ecclesiam, quamcunque elegerint, vel consanguineis suis, vel amicis. Sin autem antea obierint, quam firmiter perfecerint: Altari, cui serviunt, omnia perpetuo sanctificentur, & in jus tradantur. Similiter de Presbyteris statutum est. Hildebertus Moguntinensis Archiepiscopus subscripsit. Robertus Trevirensis Archiepiscopus subscripsit. Unni Hameburgensis Archiepiscopus subscripsit. Adalwardus Ferdinensis Episcopus subscripsit. Richovinus Argentinensis Episcopus subscripsit. Notingus Constantiensis Episcopus subscripsit.

Unewanus Padarbrunnensis Episcopus subscripsit. Udalricus Augustensis Episcopus subscripsit. Bernardus Halwartadiensis Episcopus subscripsit. Rummaldus Minugardenowardenis Episcopus subscripsit. Eberus Mindunensis Episcopus subscripsit. Nec non & Abbates cum cæteris sacri ordinis viris subscripserunt.

*Caput hoc ultimum cum subscriptionibus Episcoporum desumptum est ex Leuckfeldio de Antiquitatib. Halberstad.*

Plura quam XXXVIII. Capitula in Concilio apud Altheim condita fuisse, observavit Aventinus, & ex eo Pagius ad hunc annum.

Aventinus addit, In hoc Concilio decretum fuisse, ut quisquis Regi fidem non servavit, aut rebellare conatus fuerit, excommunicetur. Adhæc Erchingerum, quandoquidem cum sociis vitæ Regis Domini sui infidatus fuerit, a classibus Reipublicæ, armorumque exortem factum fuisse, utque in monasterio scelus expiaret.

Denique Erchingerum, Berchtoldum, Burckhardum, Arnulphum, quod decreto Synodi non sterissent, in numero impiorum haberentur, omnesque eorum sermonem defugerent.

Erchingerus, seu Erchanger anno CMXI. cum fratre Berchtoldo Regi Conrado rebellavit, eique tandem ad deditionem spe pactionis venientes, ipso iubente, apud villam Adingam [ *Ottingam* ] decollati sunt XII. Kalend. Februarii [anno CMXVII.] Et Burchardus, Dux Alemanniæ factus tyrannidem invasit CMXVIII, quæ omnia *Hermannus Contractus* in Chronico juxta editionem Canisianam notavit.

Porro Rhetia Passavium usque extenditur, ideoque Concilium illud in confiniis Rhetiae & Noricæ congregatum fuit. In Geographia enim Synodica a Nicolao Sansone edita, Altheim inter Salisburgum, & Dingolvingam locatur, estque in inferiori Bavaria. *Pagi loc. cit.*

## SYNODUS CONSTANTIENSIS

### UNA ET ALTERA.

*Inter annos CMXII. & CMXIX.*

**W**endelgarta, Henrici Regis Germaniæ, de Filia neptis, & Vodalrici [a] Comitis, de Karoli Prosapia descendens conjux, cum maritus in bello captus esset, nec rediret; Wiborada reclusa hortatrice, in tantum excrevit amorem castitatis vidualis, (maritum enim mortuum credebat) ut sacrum velamen, quod antea detrectaverat, ab Episcopo Salomone (b) Constantiensi imponi sibi *Synodo favente* rogaverit, quo facto includi optavit cum aliis, apud S. Gallum inclusis piis mulieribus.

Marito, præter spem e captivitate eluctato, & ab uxore datis indicibus agnito, uterque ad Ecclesiam pergunt, Deo gratis acturi pro captivitate mariti dissoluitur.

Inter eundem ad Ecclesiam, quæso, ait Vodalricus maritus ad Wendilgartam: Quis capiti tuo velum illud imposuit?

(a) Vodalricus Comes anno 913. auxiliante nepote ejus Arnolpho, optimo Duce Bajoariorum, totum exercitum Agarenorum, Alamanniam intrantium, cecidit juxta Ines fluvium. *Hepidannus in Annalibus.*

(b) Salomon III. Episcopus Constantiensis fuit ab 892. ad anni 919. vigiliam Epiphaniæ, qua obiit. Ita *Hepidannus*

Audito, quod in Synodo Episcopus; tacitus sibimet: nec ego te jam, nisi ejus permisso, amplecti habeo, ait.

Laudes a Clericis tandem, qui plures ad diem convenerant, inchoantur, a plebe persolvuntur. Missas pro vivo, non pro defuncto marito, uti antea, celebrant.

In proximo fit Synodus. Repetit uxorem, quam Deo ille subarrhaverat, ab Episcopo Vodalricus. Velum manu Episcopi ablatum, in scriniis Ecclesiæ *Synodi* decreto servandum locatur, ut si vir ejus prior obierit, vidua illud reinducat. Nuptiæ tandem aguntur.

*Eckkebartus junior de casibus Monasterii S. Galli. Cap. X. p. 40. 41. Editus a Goldasto Tom. I. Alamannicarum rerum. anno 1601. Francfurti in Folio.*

## SYNODUS LEODIENSIS

Anno Christi CMXX. Joannis X. Papæ VII.

Henrici Regis I.

SUB STEPHANO EPISCOPO LEODIENSI.

S. Gerardus Abbas, postquam in Broniense Monasterium, a se instauratum, S. Eugenii Episcopi, & Martyris reliquias circa annum



928. (a) *solemni pompa intulisset, earundem cultum Stephanus Leodiensium Episcopus, quem prius approbaverat, idem mox, quorundam Clericorum prava suggestione, penitus abrogare statuit. Sed diris ventris torminibus ad necem usque cruciatus, S. Eugenium invocavit, & liberatus, in Synodo solemnitatem annuam die S. Eugenii mortuali decrevit.*

*Anonymus X. aut XI. Seculi, Auctor vitæ S. Gerardi Abbatis Bronienfis, edit. a J. Mabillonio in act. SS. Ord. Bened. Secul. V.*

**S**tephanus, Episcopus Tungrorum, ventris torminibus cruciatus, ad tumbam S. Eugenii Episcopi & Martyris, Broniæ requiescentis, per unum ex Capellanis suis *candelas binas, juxta longitudinem, latitudinemque corporis sui*, ocyus Bronium [b] transmisit pro recuperatione sanitatis. Qua in instanti percepta, nequitiam ingratus, gratum ille decrevit rependere munus, quod quidem memoriale suum cunctis repræsentaret diebus: evocans etenim æditiuum Bronienfis Ecclesiæ, si bene recolimus, Anselmum nomine, cum martyris passione Leodii coram se commendat adesse, ut in generali Synodo, quæ futura erat, proxima sessione corroboraretur Episcopali autoritate. Quod cum ille gratanti animo complexeretur, & in plenaria Synodo passionis series recitata fuisset, cunctisque, qui aderant, complacuisse; communi consilio totius cleri decernitur; ut & Martyr digna cum veneratione colatur, & ejus passio rata, acceptabilisque in Ecclesia deinceps recitetur. Et proloquens Episcopus, tanquam testis idoneus, quæ sibi obtigerant, immo quæ fuerat passus, propagare non erubuit omnibus. Subjungens quoque: Ecce, inquit, Fratres carissimi, audivit dilectio fraternitatis vestræ, quanti, qualisque sit meriti sanctus ille, & quam sit terribile, iram ejus incurrere, quamque saluberrimum, & optabile, gratiam ejus acquirere. Et quoniam

prono verbere castigans castigavit me, morti tamen gratia sua non tradidit me; concedens certe videtur, & honorabile, ut cum assensu vestro, & stipulatione honoremus eum aliquanto munere, quatenus apud Clementiam pietatis Divinæ pro nostris excessibus digne intercedere.

Cujus sententiam omnibus unanimiter approbantibus, hæc consequenter Dominus profequitur Episcopus: Decreto, inquit, Pontificali confirmatur, & hæc sancta Synodus adjudicans fieri adstipulatur, ut per totam, in qua quiescit, Decaniam solemnitas ejus, ac si Dominica, observetur, & Ecclesia Bronienfis ab omni obsonio, Episcopis Leodiensibus debito, ulterius immunis habeatur. Et ut omni tempore ratum, inviolabilemque permaneat, successorumque meorum nullus infringere, vel infirmare audeat; quid acciderit mihi, contra eum ignoranter calcitranti, requirens audiat, audiens pertimescat, pertimescens præcaveat, præcavens hoc illibatum custodiat. Talis ergo decreti prima procuratio, conservandi jure perpetuo commissæ perhibetur fratri Flodino (c) tunc temporis inde Decano.

*Ægidius aureæ vallis Cap. 40. apud Chapeauville Tom. I. Scriptorum Leodii.*

*Mabillon. Amal. Benedictinor. Tom. III. pag. 396.*

#### EPIS-

- (a) Stephanus, Tungrorum Episcopus, juxta *Ægidium aureæ vallis Monachum*, sedit in Cathedra Tungrensi, nunc Leodiensi, ab anno 903. ad 920. XIV. Kal. Junias; sed juxta *Foullonium* sedit in hac Cathedra ab anno 903. ad 917.<sup>1</sup> Cui Fullonio hæc sanario, & Synodus fabulam redolere videntur. Hoc verosimilius, a Mabillonio non recte assignatum fuisse annum 928. pro solemnizatione S. Eugenii Episc. & Martyris, a Stephano Episcopo instituta, cum ante eum annum Stephanus Episc. dudum obierit.
- (b) Bronium, Abbatia erat Dicecesis Leodiensis, inter Sabim & Mosam, pari duarum horarum intervallo sita, quæ post erectum a Paulo IV. Episcopatum Namurcensem, mensæ Episcopi incorporata fuit anno 1559.
- (c) *alias*: Elodino.

EPISTOLA  
CAROLI III. (a)  
REGIS.

AD EPISCOPOS REGNI SUI.

*Adversus Hilduinum, Ecclesiæ Tungrensis (b) pervasorem, cujus  
loco Richarium (c) ordinari jubet.*

**I**N nomine Sanctæ & individue Trinitatis, Carolus, vir illustris Divina propitiante clementia Rex Francorum, omnibus Archiepiscopis & episcopis in regno, nobis a Deo commissis, constitutis, pax & salus ab eodem Deo æterno.

Quia Divinæ propitiationis beneficia, quæ ab ipso ab ipsis crepundiis experti sumus, nullatenus enumerare possumus: *Idcirco laudem Domini loquetur os meum, & benedict nomen sanctum ejus in sæculum sæculi.* Unde quia pluribus nostris exigentibus meritis multoties adversa quæque sustinuimus, credimus, non hoc ad nostræ damnationis meritum, sed ad gratiam suæ reconciliationis nobis fore permisum: ut flagellis ejus eruditi, discamus perversa cavere, & in cunctis ejus voluntatibus parere. Sicut vobis de multis notum est, cum olim quidam nostri fideles, a nostra debita fidelitate exorbitantes, vitam & regnum nobis auferre moliti sunt, euntes post inimicos nostros, eisque familiariter inhærentes, res & episcopia nostri regni ab ipsis dari sibi concupierunt.

CAPUT I.

Utergo de multis taceamus, unum, qui nobis nostris visceribus serpentinum virus infudit; vestræ sanctitati propalavimus; Hilduinum videlicet, qui contra regalem agens potestatem, contra quoque Apostoli dicta, ubi dicitur:

F f f f

*Deum timete, Regem honorificate. Et: Non est potestas nisi a Deo. Et: Qui potestati resistit, Dei ordinationi resistit: non est enim potestas, nisi a Deo. Et adversus citharædi David dicta, ubi ad Dominum loquitur: Imposuisti homines super capita nostra. Quique ultra Rhenum ad inimicos nostros proficiscens, minimeque reminiscens Sacramentorum suorum, nobis promissorum, eaque retro dorsum abjiciens, ab Henrico, inimico nostro, Episcopium Tungrensis Ecclesiæ experit: suaque damnatione contra omnia statuta, tam sacrorum Patrum, quam Regum videlicet Antecessorum nostrorum, usurpavit. De qualibus in libro Regum capitulari ita dicitur: Si quis præsumperit, quam non meruit a Principe, vel Seniore iusto, dignitatem, sacrilegus habeatur. Et Beatus Gregorius: Sicut qui invitatus renuit, quæsitus refugit; sacris est altaribus admovendus: sic qui ultro ambit, vel qui importunus se ingerit, procul dubio est repellendus. Nam qui nititur ad altiora contendere, quid agit, nisi ut crescendo decrescat? Cur non perpendit, quia benedictio illa in maledictum convertitur, qui ad hoc, ut fiat hæreticus, promovetur?*

II.

Cum quidam pestiferi viri, ut supra memoravimus, a nostra fidelitate deviant, convocavimus (d) *Archi-Episcopos*  
Præ-

- (a) Caroli Simplicis, Regis Franciæ Occidentalis, & post mortem Ludovici III. Germanici, anno 912. defuncti, Regis Lotharingiæ, sed varia fortuna.  
(b) Hilduinus, Clericus Ecclesiæ Tungrensis, post mortem Stephani Tungrensis, anno 920. teste Flodardo, defuncti, electus fuit ab una parte Cleri & populi Episcopus Tungrensis, hic Carolo Simplici suspectus erat.  
(c) Richarius, aut Richardus, frater Comitum Gerardi & Matfridi, deposito Reginone anno 899. constituitur Abbas Prumiensis, & post mortem Stephani Tungrensis, ab altera parte Cleri & populi Tungrensis eligitur Antistes. *Calmet. Hystor. Ecclesiast. & Civilis Lotharingiæ Tomo I. Lib. XVII. pag. 851.* Huic favebat Carolus Simplex, & Henricus Auceps Hilduino.  
(d) En Synodum XVI. Episcoporum Regni Lotharingiæ & Franciæ Occidentalis.

*Tomo II. Concil. German.*



*Præsules XVI. nostri Regni.* Nonnullos etiam Proceres, Marchiones, & Comites, Optimatesque, ut eorum consilio, auctoritate, atque virtute tantæ vesaniæ resisteremus. Inventum est, ut nova gibborum genera novis medicationibus secarentur ac sanarentur, pellentes eos Episcopali auctoritate, sacrorumque canonum constitutione, a cœtu & consortio Christianorum. Quorum præsumptioni ac nefandæ tyrannidi Hilduinus se immiscens, datis Henrico, suisque Proceribus complurimis auri argenticque ponderibus, non solum cum eis scienter participavit; sed etiam ex thesauris Ecclesiæ Tungrensis, quos instinctu diabolico rapuerat, vel furatus fuerat, quibusdam minis ac terroribus egit; ut Herimannus, Agrippinæ civitatis Archiepiscopus, per violentiam Henrici, suorumque fidelium, illum in Pontificem consecraret. Nam si non fecisset, sicut ipse venerabilis Archiepiscopus nobis postea in præsentia plurimorum retulit, sibi vitam, resque Ecclesiasticas auferret, omnemque familiam trucidaret, ac illorum bona diriperet. Ideoque absque legitimorum Antecessorum auctoritate eum consecravit, ut ipse adhuc restatur, sed tantis terroribus ac diris crudelitatibus coactus. Unde in Nicæno Concilio ita ad locum invenitur: *Si quis ex Clero deprehensus fuerit cum excommunicatis communicare, etiam ipse privetur communione, tamquam qui regulas confundit.* Quæ longe lateque in diversis Conciliis & Capitularibus Regum de excommunicatis inveniuntur.

## III.

Idem etiam Hilduinus res nostri regni ex præfato Episcopo invasit, diripuit, & pro libitu abduxit, agens contra statuta Anacleti Papæ, ubi dicitur: Sanctus Anacletus, qui ab ipso Petro Apostolo ordinatus est Presbyter, postea in sede Roma Successor illius factus episcopus, cum totius mundi Sacerdotibus iudicavit: *Qui abstulerit, inquit, patri, vel matri aliquid, homicidii particeps est.* Pater noster sine dubio Deus est: mater vero nostra Ecclesia est, quæ nos in Baptismo regeneravit. Ergo qui pecunias Christi & Ecclesiæ rapit, aufert, vel fraudat; homicida est, at-

que homicida in conspectu iusti iudicis deputabitur. Qui rapit pecuniam proximi sui, iniquitatem operatur: qui autem pecuniam, vel res Ecclesiæ abstulerit; sacrilegium facit, & ut sacrilegus iudicandus est.

## IV.

Præfatus denique Hilduinus thesauros Ecclesiæ Tungrensis, & Aquisgranipalatii, juxta beati Lamberti corpus martyris in quadam arca positos, avida cupiditate rapuit, eosque inimicis nostris, suis videlicet fautoribus, contulit, & ecclesiæ abstulit. De quo, quibusque hujuscemodi, sacri canones ita decernunt: *Si quis inventus fuerit aliquid de ministeriis Ecclesiæ vendidisse vel abstulisse; qui sacrilegium commisit, placuit eum in ordine Ecclesiastico non haberi.* Unde beatus Augustinus XLVIII. evangelii homilia Joannis dicit: Ecce inter sanctos est Judas, ecce fur est Judas: & ne contemnas, fur hic sacrilegus est, non qualiumcunque fur loculorum, sed Dominicorum loculorum, sed sacrorum. Et post pauca: Quicumque aliquid de Ecclesia aufert, vel fraudat, Judæ proditori comparatur.

## V.

Hos Ecclesiæ Thesauros episcopis, & Comitibus, & fautoribus, pro sua ordinatione dedit, non præ oculis habens statuta Africani Concilii, quibus præcipitur, *ut nullus per pecunias ordinetur, ita inquit: Si quis Episcopus per pecunias obtinuerit dignitatem, modis omnibus abscidatur, sicut Simon Magus abscissus est a Petro.* Item in Concilio Chalcedonensi: *Si quis Episcopus, Presbyter (e) aut Diaconus sub pretio Spiritus Sancti gratiam obtinere voluerit; proprii gradus periculo subjacebit, & nihil ex hac ordinatione, vel promotione, quæ est per negotiationem facta, proficiat, sed anatematizetur.*

## VI.

Jam dictus Hilduinus ad cumulum suæ damnationis, ante venerabilis Herimanni præsentiam veniens, super sacra nefanda juravit, quod ego Carolus Episcopium Tungrense dederim, & quidam ex Clericis & laicis jurare compulsi. Quod, quam sit absurdum, quam-

(e) Tomo I. nostro pag. 176.

quamque vitandum, sparsim sanctarum scripturarum testimonia approbant.

## VII.

Memoratus præterea Hilduinus per Domnum Herimannum Episcopum, tertio vocatus ad Synodum, (f) ut contra hæc, quæ sibi obijciuntur, responderet, si justam causam haberet; aut, si non posset, canonum feriretur spiculis. Qui quoniam quidem venire distulit, incidit sententiam Bonifacii Papæ, ita dicentis: *Probat vera esse illa, quæ adversus se dicta sunt, qui ad ea confutanda adeste minime vult.* Et ne dubitet, quod ita iudicium nocens subterfugit, quemadmodum ut absolvatur, qui est innocens, quærit. Et post pauca: Confiteatur enim de omnibus, quisquis subterfugere iudicium posse dilationibus putat. Item ipse: Si adeste voluerit, præsens, confidit, ad objecta respondeat. Quod si adeste neglexerit, dilationem sententiæ de absentia non lucretur.

## VIII.

Omnes tam Clerici, quam laici supradicti Ecclesiæ, nostram adeuntes sublimitatem, luctuosos vocibus innotuerunt, quod jam sæpe memoratus Hilduinus cum suis prædonibus bona illorum diripuit, omnemque illorum facultatem, & supellectilem abstulit: nihilque illis remansit, unde saltem sibi victus sufficientiam adhiberent. Addentes etiam in precibus, ut vestro Concilio citius ageretur, ne amplius prædæ & direptioni paterent: sed illis ad ordinandum daremus Pontificem RICHERUM, quem concorditer elegerunt. De quibus velicet omnibus, hic capitulatum insertis, vestrum precamur Pontificium, ut propter Deum, & debitam, quam nobis polliciti estis, fidelitatem, pro viribus exinde adjuveris, ut noster honor in huiusmodi negotiis amplius non decrescat, & status Sanctæ Dei Ecclesiæ stabiliatur.

*Hilduinus Tomo VI. pag. 551.*

*Lunig Spicilegii Ecclesiastici Parte II. pag. 486.*

[f] En mentionem Synodi *secundæ*, forte Agrippinensis, in qua Hermannus Metropolitæ Colonienfis citavit Hilduinum, ad se purgandum de tot objectis criminibus.

Richarius fuit Episc. Tungrensis XL. Abbas Prumiensis VIII. Abbas Stabulensis XXVI. Monasterium Prumiense rexit annis 46, Stabulense annis 47, Ecclesiam Tungrensem annis 24. Obiit anno Christi 945, sepultus Leodii in Ecclesia S. Petri, a se edificata. *Chartularium Prumiense.*

Calmetus addit, eundem Richarium fuisse Abbatem Laubiensem Ord. S. Benedicti, quæ Abbacia eo tempore dependebat ab Ecclesia Tungrensi, quam nunc Leodiensem vocamus.

## EPISTOLA HERIMANNI

ARCHI-EPISCOPI COLONIENSIS,

AD RICHARIUM ABBATEM.

*Mittit ei litteras Joannis Papæ, quibus Romam una venire jubebantur.*

**M**agnifice venerando, omnique dilectionis affectu veraciter colendo Riuero Abbati, Hermannus sanctæ Colonienfis Ecclesiæ fervorum Christi famulus, præsens & permanens vale in Christo.

Sanctimoniam vestram, ut sæpe solemus, etiam nunc denuo postulamus, *Tomus II. Concil. German.*

quo nostræ senectutis imbecillitati, impræsentiarum incumbenti, pia intentione memores, orationum vestrarum remedia, quibus plus omnibus indigemus, impendere non dedignemini: nihilo minus ambigentes, quin id ipsum pro virum sufficientia pro beatitudine vestra die noctuque agere minime cessemus. Ceterum

F f f f 2

rum



rum intimetur almæ reverentiæ vestræ , quid contineat , sine permutatione litteræ , his nos diebus Epistolam ex Domino Papa Joanne transmissam accepisse : quæ perspicere licebit.



## EPISTOLA JOANNIS PAPÆ X. <sup>(a)</sup>

AD HERIMANNUM, <sup>(b)</sup> ARCHI-EPISCOPUM  
COLONIENSEM.

*SUMMA EPISTOLÆ. Jubet, ut Romam veniat una cum Hilduino, & Richario, qui de Tungrensi Episcopatu contendebant.*

JOANNES EPISCOPUS, SERVUS SERVORUM DEI, REVERENTISSIMO ET SANCTISSIMO CONFRATRI NOSTRO HERIMANNO, SANCTÆ COLONIENSIS ECCLESIAE ARCHIEPISCOPO.

Cum finis Dominicæ plebis superna miseratione rectores, studiosius nos convenit Dei præsidium pro subditorum sæpe cogitare salutem : ne frustratis, quod absit, animabus antiqui hostis infidiis, ante omnium pastorem districtam cogamur solvere rationem : quia ideo fidelis servus & prudens Domini super familia constitutus esse dignoscitur, ut congruo tempore det illis fructum. Congruo tempore Sacerdotes propositi Deo fructum dant, cum pro salutem omnium sibi subditorum, quod opportunum est, offerunt. Et quia vestra fraternitas sententiam Apostoli reprobavit operando : Qui monet nullo alicui leviter manus <sup>(c)</sup> imponere, cum Hilduinum canonicis sibi obvi-antibus regulis, absque Clericorum electione <sup>(d)</sup> & laicorum acclamatione, Gisleberti metu, Episcopali infula decorare non denegastis : cum prisca consuetudo vigeat, qualiter nullus alicui Clerico Episcopatum conferre debeat, nisi Rex, cui divinitus sceptrum collata sunt. Quo vero ordine Gislebertus hoc, quod illi concessum non est, agere non metuit, ut arbitror, quia illicite præsumpsit, rati-

onabiliter imbecille permanebit. Tamen quia Richerus, ut Caroli Regis testimonium perhibet, atque nostri dilecti filii Berengarii gloriosissimi Imperatoris litteræ testantur, primitus a Clero electus, & a populo expetitus est : cur donum sancti Spiritus, quasi temporale commodum, cui non licuit, imponere non distulisti, omnino miramur, cum scriptum sit : *Intelligens* <sup>(e)</sup> *gubernacula possidebit.* In veteri etiam testamento <sup>(f)</sup> *Divina lege sancitum est, ut Sacerdotes de sacrificio Domini pectusculum sumant.* Non equidem ob aliud, nisi ut sacrificio discant, quid de semetipsis ipsi suo conditori debeant immolare. Et cum nosmetipsos Deo offerre sedulo debeamus, cur alios errantes sequi non contemnimus ? cum scriptum sit : *Si separaveris* <sup>(g)</sup> *pretiosum a vili, quasi os meum eris.* Igitur quia magis hominis, quam Dei formidine metulistis, quod inutiliter gestum est, nostra imbuti admonitione, ut citius emendare delectemini, omnino monemus. Valde namque admirari non distulimus, cur contra rationem absque Regis iussione agere percontastis : cum vobis remi-

<sup>(a)</sup> Joannes Papa X. post annum 912. electus, obiit anno 928.

<sup>(b)</sup> Hermannus Archiep. Coloniam, sedit ab 890. ad 925.

<sup>(c)</sup> I. Timoth. V, 32.

<sup>(d)</sup> Frodoardus coævus, & conterraneus Presbyter in *Chronico* sic scribit : Hermannus Archiep. Hilduinum Tungri Episcopum eligente Clero ac populo, favente nec non Gisleberto, quem plurimi Lotharienses Principem relicto Carolo Rege delegerant, ordinavit. *Ex editione Pitboei Francofurti 1594. inter Annal. Francor. Scriptores.*

<sup>(e)</sup> Proverbior. I.

<sup>(f)</sup> Levitic. 7.

<sup>(g)</sup> Jerem. 15.

reminiscentibus hoc nullo modo esse debeat, ut absque regali præceptione in qualibet parochia Episcopus sit consecratus. Tamen mediante Octobrio ad limina Apostolorum cum Hilduino & Richero venire satagite, ut ante præsentiam nostri, nostrorumque Episcoporum, coadunati, quid ex hoc canonica jubeat auctoritas, explicare non denegetur. Et si forsitan pro paganorum metu tunc venire non valetis, in Kalendis Aprilis, omni occasione postposita, ad nos quantocius, sicut superius statutum est, pervenite. Et tunc omni errore radicitus extirpato, qui dignus inventus fuerit, per ostium ingredietur in ovile ovium, & non aliunde, ut fur æstimetur. Quia nos Caroli Regis decus nullo modo auferre volumus, sed pro vigore atque dilectione, vel consanguinitate nostri dilecti filii Berengarii gloriosissimi Imperatoris, ut prior antecessorum suorum Regum mos fuit, eum ita illibatam,

& inconcussam dominationem obtinere delectamur: & sicut priores suos (b) antecessores, nostrorum antecessorum auctoritate, Episcopum per unamquamque parochiam ordinare probabiliter statutum est, ita ut Carolus Rex faciat, confirmando jubemus. Tamen usque ad illud temporis, sicut superius statutum est, (i) Leogis Episcopatus in vestra maneat potestate: ita ut Hilduinus illic aliquod sacerdotale ministerium nullo modo audeat exhibere.

*Pergit Herimannus.*

His Apostolicis Romam vocati præceptis, ejusdem Domini Papæ, sanctorumque canonum auctoritate, eo vos præscripto inevitabiliter invitamus tempore. Valere vestram optamus Almitatem, semper memores vestri memoris.

*Hilduinus Tomo VI. Concilior. p. 153.*

*& seqq.*

(b) Carolingi sanguinis Reges, quorum ultimus erat hic Carolus III. simplex dictus, concessa ab Apostolica Sede auctoritate, potestatem habuisse, Episcopos nominandi ad sedes vacantes, secundo jam hac Epistola Papa docet. Hilduinum ab una parte Cleri, & populi electum, primo nominaverat Carolus: verum, cum is a factione Caroli ad Gislebertum, imo ad Henricum aucupem Germaniæ Regem descivisset, Richarium ab altera parte Cleri, & populi Tungrensis electum nominavit: & literis ad Papam & Berengarium scriptis, impetravit, causam Romæ discuti, ubi a Pontifice Richarius confirmatus fuit rejecto Hilduino, & manu Pontificis ejusdem consecratus est.

(i) forte Leodii, vel Leodienfis Episcopatus.

## CONVENTUS BONNÆ.

Anno Christi CMXXI. Joannis X. Papæ VIII.  
Henrici Regis III.

*SUMMA ACTORUM. Carolus Simplex, Franciæ Occidentalis Rex, mox sub initium Regni Henrici, dicti Aucupis, Lotharingiam irruerat, & obsessa Wormatia hoc sibi Regnum tentaverat vindicare: quando ab Henrico clade affectus, Lotharingia pulsus, in deteriora redigendus videbatur. Sed mox de pace egit in congressu Bonnensi. Ubi Episcopi, & Optimates ex utraque parte, ut ARBITRI, & Sponsores, pacem inter utrumque Regem constituerunt, cujus acta refert Schatenus, Annal. Paderborn. Lib. III. ad hunc annum.*

**I**N Nomine Sanctæ, & Individuæ Trinitatis. Divina propitiante Clementia, anno Dominicæ Incarnationis MCCCXXI, anno vero regni Domini Caroli



roli, Gloriosissimi Regis Francorum Occidentalium xxix. redintegrante xxiv. Largiore vero hæreditate indepta x. Indict. ix. anno quoque Regni Domini, & magnificentissimi Regis Francorum Orientalium Henrici, tertio, inter ipsos præfatos Principes unanimis pactum, ac societatis amicitia quasita, repertaque, exordia sumpsit, prout visa sunt competentia. Convenerunt enim ambo illustres Reges, sicut inter se discurrentibus legatis convenerant, secundo Non, Novemb. feria prima. Dominus enim Carolus super Rhenum flumen ad Bonnam castrum, & strenuus Henricus ex altera parte Rheni, & ea tantum die mutuis se visibus intuentes, super ripas ejusdem fluminis huc, & ultra, ut sui fierent innoxii, Sacramento, quo hanc eorum conventionem fuerant polliciti. Verum feria quarta, vii. id. Novemb. in medio Rheni fluminis sæpius dicti Principes in navibus quisque suis, in tertiam ascenderunt, quæ anchorata in fluminis medio, gratia eorum colloquii fixa erat. Ibi in primo hanc sibi vicissim convenientiam ob statum pacis juramento sanxerunt ita: "Ego Carolus, Divina propitiante Clementia, Rex Francorum Occidentalium, amodo ero huic amico meo, Regi Orientali Henrico amicus, sicut amicus per rectum debet esse suo amico, secundum meum scire, ac posse: ea vero ratione, si ipse mihi juraverit ipsum, eundemque Sacramentum, & attenderet, quæ promiserit. Sic me Deus adjuvet, & istæ sanctæ Reliquiæ.

Econtra Rex Henricus eandem promissionem Sacramento, & iisdem profecutus est verbis subsequenter, ut hujus amicitie firmitas inviolabiliter observaretur.

[b] alias: Hunwanus.

Hæc sunt nomina Episcoporum, qui cum nobilibus, ac fidelibus laicis firmitatem, quam præmemorati Reges inter se fecerunt, collaudando acceptaverunt, & manibus suis Sacramentum firmaverunt, nunquam a se destruendam.

Herimannus Archi-Episcopus Agrippinæ, quæ modo est Colonia vocitata.

Rodgerus Archi-Episcopus Trevirorum.

Stephanus Præsul Cameracorum.

Bovo Episcopus Catalaunensium.

Baldricus Trajectensium Episcopus.

*Hæc nomina Comitum.*

Matfredus, Erkengerus, Hagano, Boso, Walckerus, Isaac, Ragenberus, Theodricus, Adalardus, Adelelmus.

*Episcopi ex parte Regis Inchyti HEINRICI.*

Herigerus Archi-Episcopus Moguntiacorum.

Nithardus Episcopus Mimmogerneferde.

Dodo Episcopus Osnabroggæ.

Ricavudo Episcopus Vangionum, quæ nunc dicitur Wormatia.

Honvardus (b) Episc. Paderbornensis.

Hotingus Episcopus Constantiæ Alemannicæ.

*Hæc sunt nomina Comitum.*

Eurardus, Chonradus, Herimannus, Halo, Godesfredus, Otto, Herimannus, Cobbo, Magenhardus, Fridericus, Faldac.

# SYNODUS APUD CONFLUENTIAM.

Anno Christi CMXXII. (a) Joannis X. Papæ IX.

Caroli Simplicis Lotharingiæ Regis XI.

Henrici Aucupis Germaniæ Reg. IV.

**A**NNO Dominicæ Incarnationis DCCCCXXII. apud Confluentiam iussu venerabilium Principum, Caroli videlicet, & Henrici Regum Reverentissimorum, congregati sunt Episcopi numero VIII. Herimannus Agrippinensis Archi-Episcopus, Herigerus Moguntinensis Archi-Episcopus, Thiedo Wirceburgensis Episcopus, Luitharius Mindanensis Episcopus, Doto Osnebrugenensis Episcopus, Richgowno Wormaciensis Episcopus, Richwinus Strazburgensis Episcopus, Vnwano Padebrunensis Episcopus, cum Abbatibus, aliisque sacri ordinis viris quam plurimis.

*De incestuosis, qui admonitiones Sacerdotum contemnunt.*

## CAPUT I.

Qui ipso cooperante, & sententias eorum confirmante Domino nostro Jesu Christo, in Synodali residentes conventu, multa utilia, & sanctæ Dei Ecclesiæ profutura, saluberrimo tractantes consilio, inter cætera, quæ statuerunt, hoc maxime necessarium, & instanti (pro dolor) tempore per abusionem frequentissimum cognationis incestum summa cautela vitandum firmaverunt. Hoc est: ne ullus Christianus infra sextam generationem nuptias copulare præsumat. *Burchardus L. VII. Cap. XXX.*

CAP. II. III. IV. non supersunt.

## V.

*De laicis, qui proprias Ecclesias habent.*

Si laici capellas proprias habuerint,

a ratione & auctoritate alienum habetur, ut ipsi decimas accipiant; & inde canes, aut geneciaras (b) suas pascant: sed potius Presbyteri Ecclesiarum eas accipiant, & inde restaurationem Ecclesiarum, & luminaria, & hospitium ac pauperum receptionem exhibeant, & pro sancta Ecclesia, ac pro statu regni, Dei misericordiam studiose implorent. *Burchardus Lib. III. c. 239. sed tribuit Concilio Remensi: Harduinus huic Confluentino.*

## VI.

*De Ecclesiis Monachorum.*

Hoc quoque statutum est, quatenus Ecclesiæ quorumcumque Monachorum in singulis parochiis sitæ, Episcoporum, ut decet, divinitus subdantur regimini, eisque debita obsequia in exercendis Ecclesiasticæ curæ negotiis sollicitè exhibeant. Ipsi procul dubio monachi Episcopis suis in omnibus obediunt. *Burchardus L. IX. cap. 240.*

## VII.

*De eo, qui Christianum mancipium seduxerit, & sic vendiderit.*

Item interrogatum est, quid de eo faciendum sit, qui Christianum hominem seduxerit, & sic vendiderit: responsumque est ab omnibus, homicidii reatum, ipsum hominem sibi contrahe-  
*Burchardus L. VI. cap. 40.*

## VIII.

(a) Ivo retulerat hanc Synodum ad annum 912. & ex eo Binius: at Browerus recte vidit, tunc Henricum nondum Germaniæ Regem fuisse; hinc refert ad annum 922. ad quem & Burchardus retulerat.

Observat Calmetus, nullum Lotharingiæ, aut ex Caroli Simplicis Regno, hic nominari Episcopum, nequidem ipsum Rudgerum Trevirensem Arcæi-Episcopum, intra cujus Diocesis Synodus agebatur.

(b) *Geneciaras*, legit Antonius Augustinus in collect. Decret. Lib. III. tit. 33. Significat mulierem, alias concubinarum, vel scortorum domos.



## VIII.

*De illis, qui dum suæ proprietatis  
loca alicubi dare voluerint, de-  
cimam nusquam tradere  
se posse cognos-  
cant.*

Si quis vero laicus, vel Clericus, seu

utriusque sexus persona, proprietatis suæ loca, vel res alicubi donare delegaverit, decimationum proventum priori Ecclesiæ legitime signatum, inde abstrahe- re nullam habeat potestatem. Quod si facere tentaverit, talis traditio irrita prorsus ducatur, & ipse ad emendationem Ecclesiastica coerceatur censura. *Burchardus L. III. cap. 141.*

## ALIUD CAPITULUM.

*Ex Concilio apud Confluentiam, cui interfuere Henricus  
& Karolus.*

**E**Munitas sexcentis solidis solvitur, & IX. capitibus. Sacrilegium IX. novigeldis componendum est. Aut si quis negare voluerit, in XXIV. totis nominatis atque electis viris super altare juret: aut

aliis non nominatis, tamen ingenuis, LXXII. super altare juret.

*Hoc Caput ex codice MS. Bibliothecæ Vaticanæ Numero 4227. descripsit Schannatus.*

## SYNODUS PROVINCIALIS TREVERENSIS.

Anno Christi CMXXVII. Joannis X. Papæ XIV.  
Henrici I. Aucupis, Germaniæ ac Lotha-  
ringiæ Regis IX.

**P**ost hæc Ruotgerus, Trevirorum Archiepiscopus, Concilium Trevis cum universo Clero, & Suffraganeis, Adelberone (a) Metensi, Barnoinio Virdunensi, & Drogone Leucorum habuit. In eo cum variis decretis atque legibus soluta Cleri disciplina arctius devincta,

tum ab ipso Ruotgero factus Ecclesiasticarum sanctionum liber, & summum omnium, qui convenerant assensu probatus, & ab Clero receptus est.

*Browerus Annal. Treverensium L. IX.  
ad annum 927.*

(a) Calmetus Tomo I. L. XVII. *Historiæ Ecclesiasticæ & Civis Lotbaringiæ*, censet Browerum errasse in nominibus Episcoporum, Adalberonis Metensis, & Drogonis Tullensis: neutrum enim anno 927. fuisse in iis civitatibus Episcopum, sed Merensem fuisse Bennonem, vel Wigericum: Tullensem autem Gauzelinum. *Pag. 850. Tomi I. laudati.*

## SYNODUS DUISBURGI.

Anno Christi CMXXIX. Stephani VII. Papæ I.  
Henrici Aucupis Regis Germ. XI.

*SUMMA. Bennonis, Metensis Episcopi, oculis & virilibus multati  
violatores excommunicantur.*

**B**Enno, qui & Benedictus, in locum Wigerici Medecomatricum Episcopi, vir ornatus absolutæ virtutis laude fuffectus est.

Is Rudulphi, Burgundiæ Regis sanguineus, ex Argentoratensi Canonico, solitudinis & vitæ purioris studio, annis viginti Türgouviæ, Helvetico solo, in Alpibus iis olim Eremitam professus erat, ubi Sancti Meginradi studio Deiparæ Matris Augustum oratorium surrexit, quod inde in Basilicam & Monasterium evasit amplissimi nominis, cui ab Eremitis dedere nomen Einsiedlen; quem locum ut vivus opibus ipse maximis ornavit, ita moriens ab ingratibus ovibus pastor repulsam passus, sepulchri sui monumento consecravit. Quippe biennio in Episcopatu, quem Henricus Cæsar ei conciliasse videtur, non expleto, impie atque crudeliter a Metensibus, Burgundicæ, an Germanicæ factionis imperi? luminibus orbatus

est. Id recentiores pertulisse volunt, ab iis, qui Meris nobilitate ac opibus cæteris anteibant, quia sanctius & severius Benno viveret, & fortius palam, privatinque eorum scelera redargueret, quam dissoluti eorum mores & vitæ licentia sustinere possent. Quare etiam eodem hoc anno MCCCXXXVII. Synodus Duisburgi congregata, legibus severissime in ejus sceleris autores vindicavit, omnesque piaculo destinatos, & Cæsaris tribunali, iræque mox dedendos, hominum piorum consuetudine movit; Adelberonem etiam, nobilissimum virum, & eximia eruditione præstantem, Metensibus Episcopum dedit.

*Bromerus Annal. Treverens. Lib. IX. ad hunc annum.*

Mabillon conjicit, Bennonem Metensibus ideo ingratarum fuisse, quod contra eorum electionem invitis ab Henrico Rege impositus fuerit. *Annal. Benedictinorum Tom. III. pag. 396.* sed ad annum Christi 928. Continuator Reginonis ad annum 944. Calmetus anno 927. Wigerico suffeclum Bennonem scribit: & circa 929. Adalberonem successisse Bennoni a sceleratis Metensibus evirato, & luminibus orbato. Deinde post hanc ignominiam patienter toleratam abdicasse se Episcopatu Metensi in Synodo Episcoporum; & ad solitudinem rediit in Helvetiam, ubi ei pro alimentis data fuit Abbatia forte Einsidlenensis, in qua obiit anno 940. 3. Augusti. *Hæc Calmetus ex Flo. Joardo, & Catalogis MSS., & impressis Episcop. Metensium. Tomo I. Historiæ Ecclesiasticæ & Civilis L. 17. pag. 858.*

## CONCILIUM ERPFORDIENSE.

Anno Christi CMXXXII. Joannis XI. Papæ II.

Henrici Regis Germaniæ XIV.

**A**NNO ab Incarnatione Domini nostri JESU Christi nongentesimo trigesimo secundo, Anno etiam Domini Henrici I. Regis Christianissimi decimo quarto, Indictione quinta, sub die Kalendarum Juniarum, congregata apud Erpesfurt sancta & universalis Synodus, ut Rex sapientissimus cum Concilio Primatum suorum decrevit, inspirante omnium Salvatoris clementia, pro utilitate & statu Sanctæ Matris Ecclesiæ. Cujus Regis solerriam prudentissimi viri Hilberti Archi-Episcopi (\*) gubernabat. Confidentibus vero Religiosissimis Sacerdotibus, id est, R. (\*\*) Sanctæ Treverensis Ecclesiæ Archi-Episcopo, Unni, Sanctæ Hamburgensis Ecclesiæ Episcopo, Adalguardo, Fardunensis Ecclesiæ Episcopo, Rino, Argentinæ civitatis Episcopo, Nodingo, Constantinæ Ecclesiæ Episcopo, Unovano, Padeburnensis Ecclesiæ Episcopo, Bernardo, Halberstadiensis Ecclesiæ Episcopo, Othirico, Augustodunensis Ecclesiæ Episcopo, Burchardo, Wirzeburgensis Ecclesiæ Episcopo, Duodone, Osnaburgensis Ecclesiæ Episcopo, Rumaldo, Mimigarnefurdenensis Ecclesiæ Episcopo, Eburgilo, Mimi-donenensis Ecclesiæ Episcopo, nec non & Abbatibus, aliisque sacri ordinis viris. Porro cum eorum unanimitate, primum Deo favente, eorum Capitula infra notata, quam pro populi Christiani correctione collecta sunt.

### CAPITULA.

#### I.

Ut deinceps Natalitia duorum Apostolo.

G g g g

(\*) *Supple:* consilium.

(\*\*) *Intellige:* Ruitgero.



florum summa veneratione solemniter celebrentur. Et in vigiliis antiquitus statutis, atque hactenus ab Antecessoribus nostris servatis, jejuniorum vota omni diligentia persolvere decernimus: quia quos cœlitus sublimioris meriti scimus, hos & amplioris dignitate honoris a nobis colendos esse non dubitamus.

## II.

Placita sæcularia Dominicis, vel aliis festis diebus, seu etiam in quibus legitima jejunia celebrantur, secundum canonicam institutionem minime fieri volumus. Insuper quoque Gloriosissimus Rex augmentum Christianæ Religionis concessit, ut nulla judiciaria potestas licentiam habeat, Christianos sua auctoritate ad placitum bannire septem diebus ante Natale Domini, & a Quinquagesima usque ad octavas Paschæ, & septem diebus ante Nativitatem Sancti Joannis Baptistæ: quatenus adeundi Ecclesiam, orationibusque vacandi liberius habeatur facultas.

## III.

Præcipimus namque, ut nullus Christianus, Ecclesiam pro reverentia

*Severinus Binius Tomi III. Concilior. Part. II.*

*Ex quo reliqui Synodographi. Chronicon Hildesheimense apud Duchesne Tomo III. refert ad annum 935. Continuator Reginonis ad annum 936.*

Burchardus Lib. XIII. cap. 21. refert Caput secundum ex hoc Concilio: sed Burchardus loco: *insuper Christianissimus Rex ad augmentum Christianæ religionis concessit*: habet hæc verba: *insuper etiam Sancta Synodus decrevit.* Rursus Baronius in *Annalibus ad h. annum*, referens hoc Caput secundum, post hæc verba: *septem diebus ante Natalem Domini*, omittit sequentia apud Burchardum: *usque in octavas Epiphaniæ.*

Burchardus Caput III. hujusmet Synodi habet Cap. XXVIII. libri sui tertii, eodem stilo, quo Baronius.

Caput V. etiam Burchardus habet Cap. XXVII. libri sui XIII. sed clarius: nam *diem* omittit Baronius in hoc commate: *Unum præ aliis excipiendo.* Burchardus recte: *Unum diem præ aliis diebus excipiendo.*

petendo, ibique manendo, indeque revertendo, alicujus publicæ potestatis banno ibidem constringatur: ne forte dum ad Ecclesiam causa orationum properat, per bannum impediatur pro salute animæ devote insistere.

## IV.

Si quis Presbyter, aut Diaconus, negligens vitæ suæ, mala de se suspicari permiserit, & ejus infamia coram Episcopo canonice denotatur; admoneatur ab Episcopo semel, bis, ac tertio, ut vel prodendo reatum, culpabilem se esse cognoscat, & sic iuste correctionis sententiam excipiat: aut adhibitis secum collegis, juramento se expurgando, innocentem se esse demonstraret.

## V.

Ut nemo, nisi consentiente proprio Episcopo, aut ejus Misso, sub obtentu Religionis jejunium sibi imponat, unum diem aliis excipiendo, omnimodo interdiciamus. Quod & factum displicet, & in futurum fieri prohibemus: quia plus causa ariolandi esse cognoscitur, quam supplementum Legis Catholicæ.

---

## CONCILIIUM RATISPONENSE.

Anno Christi CMXXXII. Joannis XI. Papæ II.  
Henrici Aucupis, Germ. Reg. XIV.

**I**N nomine æterni DEI, Anno ab Incarnatione Domini DCCCXXXII. indict. V. XIX. Kalend. Februarii, Regnante Arnolfo, venerabili Duce, anno X. congregata est Synodus generalis

apud Radesponam, Metropolim Norici Regni civitatem; in qua primitus congregati sunt venerabiles Domini Præsules Odulpertus, (al. Adalpertus, Hildebertus,) Juvavensis Ecclesiæ Archiepiscopus.

Episcopus, Vodalfredus Rubilocenſis Eccleſiæ Episcopus, Wolframms Frisingenſis Episcopus, Hizingrimus Radaſponenſis Sedis Antistes, Gehardus Pataviensis Eccleſiæ Episcopus, Suartzlot Chorepiscopus, Egilolf Abbas, cum reliqua non modica Sacerdotum coadunatione. Igitur ab omni populo crucibus decenter poratis, & sacris letaniis more solito celebratis, convenerunt omnes Episcopi cum copiosa sacri Ordinis frequentia in Ecclesia S. Petri Apostolorum Principis, quæ mater Eccleſiarum Regiæ civitatis, juxta portam aquarum antiquitus excreverat, ibique juxta aram S. Petri Antistes, cetera Sancta Synodus in media confederunt Ecclesia.

Tum demum hi, quibus maxima cura est injuncta Pastoralis, semetipsos fraterno caritatis amore admonere curabant, ut, si aliquid in semetipsis dignum esset emendatione, haud segniter emolire studeant. Deinde vera paterna

solicitudine omnem sanctam congregationem hortabantur, monebant, arguebant, & instruebant de omnibus rebus & justiciis, ad veram religionem Orthodoxæ & Catholicæ fidei pertinentibus, ut moribus bonis malas devincerent consuetudines, & inreprehensibiles se exhiberent, ad docendum populum, Christi sanguine redemptum.

Inter cetera vero cum totius Synodi consilio hoc decreverunt, ut quisquis illorum, id est, Episcoporum, de hac luce migraret, superstites Episcopi Missas XII. pro anima ipsius celebrare non tardarent. Similiter & Presbyteri: Ceteri vero Clerici & Sanctimoniales Psalteria IV. Episcopi vero tribuant de facultatibus suis pro anima defuncti Episcopi de sicera carradas III. de panibus modios VI. Frisk. VI. (\*) Bachon. unum. (\*\*)

*Martene Tom. VII. pag. 53. ex MS. Stabulensi.*

[\*] Frischling, porcellos anniculos.

[\*\*] Bacher, verrem, aut porcum saginatum.

P. Calles. Tom. IV. *Annal. Eccles. Germ.* pag. 181.

Synodum hanc cum sequente Dingolvingensi non confundendam esse, præter alia persuader personarum, quæ utrisque interfuerunt, diversitas. Nam Ratisbonensi adfuit ipse Vodalfredus Eistettenſis, qui ad Dingolvingensem Vicarios suo loco destinavit: inter hos legitur Gorberrus, qui non invenitur in Ratisbonensi. Iterum Dingolvingensi interfuit Nithardus Sabionenſis Episcopus, non Ratisbonensi. *Vide Mansi T. I. Suppl. Concilior.*

## SYNODUS DINGOLVINGÆ.

EODEM ANNO.

*SUMMA. Restitutio facta Ecclesiis ab Arnulpho Malo, Duce Bajoariæ: instauratio discipline Ecclesiasticæ.*

**A**rnulphus, Bajoariæ Dux, redux ex Italia, Dingolvingæ ad Iſaram Concilio adfuit, quod celebraverunt quinque Episcopi, Hildebertus Salisburgenſis, Eifengrinnus Ratisbonenſis, Gerardus (a) Passaviensis, Wolframms Frisingenſis, Nithardus Sabionenſis: pro Udalfrido Eistettenſi interfuere Sarcolochus & Gorberrus Chorepiscopi. In eo Conventu serio actum de instauranda

G g g g 2

Cleri disciplina, de restituendis Eccleſiarum possessionibus, quæ Arnulphi indulgentia ab aliis detinebantur, unde profecta sunt querelæ, & Arnulpho (b) accrevit Mali cognomen. Eodem tempore redhibita Wolframo Episcopo Majoræ & Caninæ; vici item & prædia prope Tirolios in Vennonum, Athesisque vallibus: successit sacrarum ædium instauratio, quas bellorum injuriæ labefecerant.

Ex

(a) Gerhardus Pataviensis Episcopus hic vocatur, quia nondum Pallium, quæ Laureacenſis Archi-Episcopus, acceperat, quod eidem Papa Léo VII. contulit, qui sedet ab anno 936. ad 939, intra quod triennium Pallium accepit. Litteras Leonis VII. refert Hanſizius Tomo I. *German. sacræ* pag. 191.

(b) Arnulphus, quem nonnulli *malum* vocant, videtur in hac Synodo meliora sapuisse, & repetundarum semetipsum damnaſſe, opera comprimis Bertholthi fratris.

*Tomus II. Concil. German.*



Ex actis, decretisque Synodi videre est, Arnulphum, si quam ante notam ex veritate sacri patrimonii contrectatione, apud Clerum contraxerat, eandem abunde expunxisse.

*Adlreiter Annal. Bojorum Part. I. Lib.*

*XIII.*

*Meichelbeck Historia Frisingensis Tomo I. Part. I. pag. 164.*

**B**Erchtoldus, Divina favente Clementia Dux, Rudperto & Merolto nostris fidelibus. Cognoscere vos volumus, quod dilectissimus frater noster Arnulphus una nobiscum, rogatu Wolframi venerabilis Episcopi, in Frisingen, prædicti Episcopi Parochiam, ubi S. Corbinianus requiescit, cum nostris fidelibus convenimus. Ibique invictissimus frater noster pro remedio animæ suæ, quasdam res ejusdem Ecclesiæ, quondam injuste abstractas, cum consilio suorum fi-

delium relaxavit. Nos vero vitæ nostræ felicitatem, omniumque nostrorum prosperitatem prospicientes, & consultu jam dicti fratris nostri, cæterorumque fidelium nostrorum precibus, præfati Episcopi, omnisque ejus familiæ petitionibus annuentes, (c) proprietatem beatissimi Christi Confessoris Corbiniaui ad Mayer, & Chortzes, quam liber ejus illius esse testatur, & prædictis temporibus injuste ab Ecclesiâ ejusdem Sancti ablatam esse constat, in requiem Beatæ Dei Genitricis Mariæ, & antedicti Confessoris Christi Corbiniani, in manus præscripti Episcopi potestative remisimus.

*Brumnerus ex vetustis membranis Ecclesiæ Frisingensis allegat hanc donationem, factam ex ordinatione Synodi præcedentis Dingolovinganæ.*

*Annal. Bojorum Part. II. Lib. II.*

(c) Mayes, ubi olim S. Corbinianus quievit, urbs est ad Athesim sita in Tirolensi comitatu.

## EPISTOLA CANONICA LEONIS PAPÆ VII. (a) AD GALLOS ET GERMANOS.

*Multa, quæ ad disciplinam spectant, emendari jubet.*

**LEO** Episcopus, Servus Servorum Dei, Regibus, Ducibus, Episcopis, Abbatibus, Comitibus: pari etiam modo Egilolpho Fuvarenfis, Isirgrino Ratisponensis, Lantberto Frisingensis, Wisundo Sebonensis Ecclesiæ venerabilibus Episcopis, & cæteris per Galliam, Germaniam, Bawariam, Alemanniam commorantibus.

**S**I instituta Ecclesiastica, ut sunt a beatis Apostolis tradita, integra vellent servare Domini Sacerdotes, nulla diversitas in ipis ordinibus & consecrationibus haberetur. Sed dum unusquisque, non quod traditum est, sed quod sibi visum fuerit, hoc existimat esse tenendum: inde diversa in diversis locis vel Ecclesiis, aut teneri, aut celebrari videntur. Hac de re fit scandalum populis, dum multa in vestra provincia contra canones Ecclesiasticos, decretaque majorum usurpare videntur: quæ

quidem possent facile refecari, si Episcopi in his non viderentur auctores: qui sæcularibus intenti, humanum favorem captantes, religionem violant, ordinesque corrumpunt. Nos siquidem Divinis præceptis, & Apostolicis incitatur monitis, ut pro omnium Ecclesiarum statu, impigro vigilemus affectu. Idcirco fraternitati vestræ cognitum facimus, quod Gerardus, sanctæ Lauriacensis Ecclesiæ Archiepiscopus, causâ orationis ad limina veniens Apostolorum, nostram Apostolicam præsentiam visita-

re,

(a) Leo VII. PP. fedit in Cathedra Romana ab anno 936. ad annum 939. ergo eo tempore intermedio hæc Epistola dictata fuit, & missa Episcopis Germaniæ.

re, & benedictionis gratiam a nobis percipere sollicitè studuit: multa, quæ reprehensione digna sunt, nostris auribus, lacrymosis vocibus intimavit: tota cordis intentione, a nostra Apostolica auctoritate, de his, quæ contra canonum regulam, & decreta majorum in vestris geruntur provinciis, quærens consilium. Scitis enim, quod ab ipso Domino beato Petro Principi Apostolorum; ejusque vicariis, omnium Ecclesiarum cura commissæ est, veritatis voce dicente: *Tu es (b) Petrus, & super hanc Petram ædificabo Ecclesiam meam*: cui etiam proprias oves commendavit, dicens; *Si diligis me (c) pascere oves meas*. Et idcirco pro universis Ecclesiis sollicitudinem gerimus: & veluti in specula positi, quid per totius orbis provincias geratur, vigilantia cura insistimus. De quibus ergo Apostolicam Sedem consuluit, & qualia nos ei responsa dedimus, per hos nostros apices vobis intimare curamus. Ejus namque interrogatio seriatim talis erat.

De auguratoribus & incantatrici-  
bus, & maleficis vario modo mortifi-  
catis a populo, si aliqua pœnitentia de-  
beat exigi. De talibus namque perso-  
nis, quid veteris ac novi testamenti  
pagina censeat, manifestum est. In le-  
ge namque Mosaica scriptum est: *Ma-  
leficos (d) non patiaris vivere*. Similiter  
in Samuelis libro legitur, quia exterminavit Saul omnes Pythonissas de terra, & alia, quæ enumerare longum est. Sed nos etiam tales nostris exhortationibus ad pœnitentiam trahere debemus: ut magis Ecclesiastico judicio pœnitendo vivant, quam gladio vindice puniantur: dicente beato Paulo Apostolo: *Non enim (e) posuit nos Deus ad iram, sed in acquisitione salutis*. Quod si Ecclesiastica judicia spreverint, humanis subiaceant legibus. Meminisse enim debent, à Deo potestates fuisse concessas, & ad vindictam noxiorum gladium fuisse permissum, & Dei minitrum fuisse datum in hujusmodi vindictam. Et dum in talibus improbis legum exercetur auctoritas, dicente beato Innocentio, erit dictator im-  
munis.

Consultum est etiam, utrum Episcopi: Pax vobis, an Dominus vobiscum, pronunciare debeant. Sed non aliter per omnem vestram provinciam tenendum est, quam in sancta Romana Ecclesia. In Dominicis enim diebus; & in præcipuis festivitibus, atque sanctorum natalitiis: *Gloria in excelsis Deo*, &: *Pax vobis*, pronuntiamus. In diebus vero Quadragesimæ, & quatuor temporibus, sive in vigiliis sanctorum, & in reliquis jejuniorum diebus, *Dominus vobiscum*, tantummodo dicimus.

Post hæc consuluit: si Dominica oratio in benedictione ciborum debeat usitari. Quod fieri non oportet, quia in sanctificatione Corporis & sanguinis Domini nostri Jesu Christi, hanc solummodo orationem Sancti Apostoli decantabant: & in Evangelio legitur, quia post cenam a Domino factam, hymno dicto exierunt in montem Olivarum.

Post hæc interrogavit de eo, qui matrem & filiam spirituales in conjugio ducit: quod ne fiat, sacri canones per omnia vetant. In canonibus Zachariæ ita habetur: ut Presbyter, Diaconus, monachus, vel etiam spirituali con-  
matre, aut spirituali filia nullus utatur. Nam qui hujusmodi opus perpetravit, sciat se anathematis vinculo innodatum, & Dei judicio condemnatum, atque a sacro corpore & sanguine Domini nostri Jesu Christi alienum: & quicumque Sacerdotum eis communicare præsumpserit, eorum judicio condemnatus, Sacerdotii sui honore privetur.

Dehinc intulit lamentabile & nimis lugendum, ut Domini Sacerdotes publice ducant uxores: & si filii eorum valeant promoveri. Quod scelus, quia omnis sacra Scriptura contradicit, quia sanctum & venerandum Nicænum Concilium vetat, ne sacerdotes cum fœminis habitare præsumant; multo magis, ne copulari, vel sociari mulieribus debeant, juxta sacros canones modis omnibus prohibemus. In Neocæsariensi (f) namque Concilio ita habetur: Presbyter, si uxorem acceperit, ab ordine deponatur. Et qui in tali scelere fuerint reperti, nostra Apostolica auctori-  
tate

G g g 3

(b) Matth. 16.  
(e) 1. Theff. 5.(c) Joan. 21.  
(f) Neocæsar. can. 1.

(d) Exodi 22.



tate ab omni priveretur honore. Filii vero eorum immunes ab eorum peccato sunt, dicente Propheta : *Filius (g) non portabit iniquitatem patris* : & in sacro baptismate omnia dimittuntur peccata.

Dehinc perquisivit, si a Chor-Episcopo Ecclesiæ debeant consecrari, aut Presbyteri ordinari, vel consignatio chrismatis, & manus impositio fieri. Quæ omnia a Chor-Episcopis ne fiant, interdiximus juxta canonum decreta. In Concilio Antiocheno capite decimo sic habetur : Qui in vicis (b) & possessionibus Chor-Episcopi nominantur, quamvis manus impositionem Episcoporum perceperint; tamen sanctæ Synodo placuit, ut modum proprium recognoscant, & gubernent subjectas sibi Ecclesias, ordinent etiam lectores, & Subdiaconos, atque exorcistas : quibus promotiones istæ sufficiant, nec Presbyterum, nec Diaconum audeant ordinare. Si quis autem transgredi statuta tentaverit, depositus, quo utebatur honore, priveretur. Perquisivit etiam, si vir & mulier tertio, vel quarto gradu consanguinitatis conjuncti, & inscii, conjugio copulantur, postea Dei respectu compuncti, ostendunt se Sacerdoti, secrete confitentes peccata sua, utrum valeant eleemosynarum largitione, ac bonorum operum exhibitione purgari. De talibus enim personis in veteri & novo testamento multa reperiuntur exempla, maxime in Conciliis Gregorii, & Zachariæ : in quibus hæc continentur : ut consobrinam, novercam, nepotem, fratris uxorem, nurum, vel etiam de propria cognatione, aut quam cognatus habuit, nullus conjugio præsumat sibi copulare. Si quis vero hoc nefario conjugio convenerit, & in eo permanferit, sciat se auctoritate Apostolica anathematis vinculo innodatum, &

nullus Sacerdos ei tribuat communionem : & si inclinatus, divisusque fuerit ab illicita copula; pœnitentiæ submittatur, ut sacerdos loci consideraverit.

De vastatoribus autem Ecclesiarum unde inquisivit, nihil aliud scribimus, nisi quod Paulus Apostolus ad Timotheum scribens ait : Argue, increpa, obsecra cum omni imperio.

His vero omnibus prælatis, fraternitatem vestram monemus, per hanc nostram Apostolicam jussionem, ut huic Gerardo Archi-Episcopo, cui vicem nostram in cunctis finibus vestris commisimus, in omnibus, quæ ad Ecclesiasticum ordinem pertinent, obediens & adjuutores sitis : quatenus in una concordia persistentes, ut Ecclesiastica jura, & Christianitatis religio in vestris partibus, quæ paganorum incurfione & malorum Christianorum persecutione, corrupta & depravata esse videntur, Domino largiente, & beato Petro Apostolorum Principe cooperante, ad rectitudinis normam valeant reformari; & vos in futuro examine securi possitis audire vocem Domini, dicentis : *Euge serve bone & fidelis, quia super pauca fuisti fidelis, super multa te constituam : intra in gaudium Domini tui.*

Præter hæc Eberardo Duci Bavariarum nostra auctoritate injungimus, ut præfato Gerardo Archi-Episcopo in omnibus auxilium præstet, ut suæ Ecclesiæ status, & restructio, ac proprius vigor ad integrum culmen & priscum decorem suo juvamine valeat pervenire; si Dei indulgentia & Sancti Petri etiam, suorum dilectorum a nobis vult accipere remissionem.

*Harduin. Tom. VI. Concilior. Part. I.*

(g) Ezech. 18.

(b) Antioch. can. 10.

## LEONIS VII. PONT. MAX.

## EPISTOLA AD GERHARDUM.

*Leo VII concedit Gerhardo, Laureacensi Archi-Episcopo, Pallium certis diebus gerendum, speciatim in celebratione Synodi.*

LEO EPISCOPUS, SERVUS SERVORUM DEI, REVERENTISSIMO ET  
SANCTISSIMO CONFRATRI NOSTRO GERHARDO, SANCTÆ  
LAUREACENSIS ECCLESIAE ARCHI-EPISCOPO, OMNIBUS  
DIEBUS VITÆ TANTUM TUÆ EX HINC  
AMODO.

**S**I Pastores ovium solem, geluque pro  
gregis sui custodia die ac nocte ferre  
contenti sunt, & ne qua ex eis aut er-  
rando pereat, aut ferinis laniata morsu-  
bus rapiatur, oculis semper vigilantibus  
circumspectant; quanto sudore, quanta-  
que cura debeamus esse pervigiles nos,  
qui Pastores animarum dicimur, attenda-  
mus, & susceptum officium exhibere erga  
custodiam dominicarum ovium non  
cessemus, ne in die Divini examinis pro  
nostra desidia ante summum Pastorem  
negligentiæ reatus nos excruciet, unde  
modo honoris reverentia sublimiores in-  
ter ceteros judicamur. *Pallium autem* Fra-  
ternitati tuæ ad Missarum solemnia cele-  
branda concedimus, quo tibi non aliter,  
Ecclesiæ tuæ Privilegiis in suo statu ma-  
nentibus, uti largimur, nisi solum in die  
consecrationis Chrismatis, ac sanctæ &  
venerandæ Resurrectionis Domini nostri  
Jesu Christi, seu in Natalitiis Sanctorum  
Apostolorum, atque beati Joannis Bap-  
tistæ, nec non in Festivitatibus Sanctæ  
Dei Genitricis Mariæ, simulque in Do-  
minicæ Domini nostri Nativitatis die,  
pariterque in solemnitate Ecclesiæ tuæ  
die, & Natalicio tuo die, verum etiam in  
consecratione Episcoporum, & Presbyte-  
rorum, & quando a te *Synodus celebratur*,  
si forte conventiculum illic fuerit Neof-  
fitorum, qui ad fidem tua exhortatione  
sunt producendi: nec non in festivitate  
Sancti Stephani Proto-martyris, Sancti  
Laurentii, & illorum Sanctorum, qui  
corporaliter in tua requiescunt Parochia,  
uti concedimus die, sicuti a Prædecessore  
nostro Domino Gregorio, hujus almæ  
Sedis Præsule, sancitum est. In Secretario  
vero tua fraternitas Pallium induere debet,

& ita ad Missarum solemnia proficisci: &  
nihil tibi ausu temeritate præsumptionis  
arrogare, ne, dum in exteriori habitu in-  
ordinate aliquid arripitur, ordinate etiam,  
quæ licere poterant, amittantur. Cujus  
quidem indumenti honor modesta actu-  
um vivacitate servandus est. Hortamur  
igitur, ut ei morum tuorum ornamenta  
conveniant, quatenus auctore Deo recte  
utrobique possis esse conspicuus. Itaque  
vita tua filiis tuis sit regula: in ea, quod  
imitentur aspiciant, in ipsa se semper con-  
siderando proficiant, ut tuum post Do-  
minum videatur esse beneficium, quod  
vixerint. Cor ergo neque prospera, quæ  
temporaliter blandiuntur, extollant, ne-  
que adversa decendant; sed quicquid illud  
fuerit, virtute patientiæ devincatur. Nul-  
lum apud te locum odia, nullus favor in-  
discretus inveniant: benignum te sentiant  
boni, districtum mali cognoscant: inson-  
tem apud te culpabilem suggestio mala  
non faciat, nocentem gratia non excuset:  
remissum te delinquentibus non ostendas,  
ne, quod ultus non fueris, perpetrari per-  
mittas. Sit in te & boni Pastoris dulce-  
do, sit & judicis severa districtio, unum  
scilicet, quod innocenter viventes fo-  
veat, aliud, quod inquietos feriendo a  
pravitate compefcat. Sed quomodo non-  
nunquam Præpositorum zelus, dum distri-  
ctus malorum vult vindex existeret, tran-  
sit in crudelitatem correctio, iram judi-  
cio refrana, & censura disciplinæ sic  
utere, ut & culpas ferias, & dilectione  
personarum, quas corriges, non recedas.  
Misericordem te, prout virtus patitur,  
pauperibus exhibe, oppressis defensio tua  
subveniat, opprimentibus modesta cor-  
rectio contradicat: nullius faciem contra  
justi-



justitiam accipias, nullum quærentem justitiam despicias: custodia in te æquitatis excellat; ut nec divitem potentia sua aliquid extra viam suadeat rationis audere, nec pauperes de se sua faciat humilitas desperare, quatenus Deo miserante talis possis existere, qualem sacra lectio præcipit, dicens: *Oportet Episcopum irreprehensibilem esse.* Sed his omnibus uti salubriter poteris, si magistram caritatem habueris, quam qui secutus fuerit, a recto aliquando tramite non recedit. Ecce frater karissime: inter multa alia, ista sunt Sacerdotii, ista Pallii; quæ si studiose

fervaveris, quod foris accepisti, intus habes. Fidem autem, quam in tuis Epistolis breviter assignasti, licet latius explanare debueras; Redemptori tamen nostro gratias agimus, quod eam in ipsa brevitate ratam esse cognovimus. Sancta Trinitas firmitatem vestram gratiæ suæ protectione circumdet, atque in timoris sui via nos dirigat; ut post hujus vitæ amaritudines ad æternam simul pervenire dulcedinem mereamur. Amen.

*Ex codice MS. Ingolstadiensi descriptis  
Sebamatus.*

Gerhardus, Pataviensis Episcopus, & Laureacensis Archiepiscopus, sedit ab anno 932. ad 946.

Non fuit hic primus Pallio donatus: nam jam anno 502. Symmachus Papa Theodoro, Laureacensi Episcopo, Pallium miserat.

Hinc Papa in hac Epistola addit: *Ut secundum morem Ecclesiæ suæ eo Pallio utatur, & quando Synodum celebrabit.*

Inter Metropoles, Laureaco confines, hic ordo videtur servandus P. Callesio S.J. in *Annal. Ecclesiasticis Germaniæ L. VI.* ad annum 502. Sirmium erat Metropolis Illyrici. Aquileja Metropolis Norici Mediterranei, Rhætiæ secundæ, Istriæ, & Pannoniæ primæ. Laureaco Metropoli suberant hæ Suffraganeæ Ecclesiæ: Tiburnia, Sabio, Celeia, Patavium, Ratisbona, Favianæ. Sed quando harum sedium origo, vel hierarchia cepta, quo anno desierit: quando Salisburgensi, vel Aquilejensi subiectæ fuerint, difficile est definire.

## SYNODUS IN CASTELLO BUNNA.

Anno Christi CMXLII. Martini III. Papæ I.  
Ottonis I. Regis VI.

**P**ostquam Rex Otto Natalem Domini Franckfurdia celebrasset, præclara Synodus Episcoporum XXII. apud Bunnam castellam habita fuit. *Acta perierunt.*

*Continuator Regimonis ad hunc annum.*

*Chronicon Hildenesheimense apud Duchesne Tomo III. Scriptorum Franciæ: & Anna-  
lista Saxo Eckhart. Tomo I. Scriptorum mediæ ævi ad annum sequentem 943. eam  
celebratam volunt, quibus consentit Lambertus Schaffaaburgensis.*

*Ex his Labbe Conciliorum Tomi IX. pag. 1237.*

*Harduinus Tomo VI. Concilior. Part. I.*

## CONVENTUS DUISBURGENSIS.

Anno Christi CMXLIV. Martini III. Papæ III.  
Ottonis I. Regis VIII.

**I**N diebus Rogationum anni DCCC-  
XLIV. Otto Rex apud Duisburgum  
in confinio Lotharingiæ, & Saxoniae  
publicum conventum cum Primoribus  
utriusque gentis celebrat, in quo Con-

radus, Lotharingiæ Dux, Ottonis gener,  
accusabat Ruotbertum Archi-Episcopum  
Treverensem, & Richardum Episcopum  
Tungrensem, quod Ottoni Germaniæ  
Regi fidem debitam non servassent: sed  
hi

hi duo Episcopi suam innocentiam, & fidelitatem adeo claris argumentis Regi & conventui demonstrarunt, ut Rex iisdem amicitiam perennem concesserit.

Illuc Duisburgum etiam a Traiectensibus Clericis corpus Sancti Servatii asportatum est, ob multimodas sibi ab Immone comite illatas injurias.

*Continuator Regiminis ad hanc annum.*

*Browerus Annal. Treverens. Tom. I. pag. 455.*

*Calmetus Historie Lotharingicæ Tomo I. L. 18. pag. 906.*

## CONCILIIUM VIRDUNENSE.

Anno Christi CMXLVII. Agapeti II. Papæ I.  
Ottonis I. Regis XI.

*In quo Sedes Remensis Artaldo adjudicata est, mense Novembri celebratum.*

**A**NNO DCCCCXLVII. Conventus placiti Regum LUDOVICI, & OTTONIS super Charam fluvium, intrante mense Augusto, celebratur, Hugone Principe circa Mosomum, & Duodeciacum, castra metato: ubi res litis inter Artaldum, & Hugonem, Remensis Ecclesiæ præfules, ab episcopis auditur. Et quia Synodus tunc convocata non fuerat, altercatio determinari non potuit. Synodus autem circa medium mensis Novembris habenda denuntiatur. Interim vero sedes Remensis Artaldo conceditur: Hugo autem Præful in Mosomo commorari permittitur. *Et post alia:* Synodus prædicta Virduni habita est, præfidente Rotherto

Treverensi præfule, cum Artaldo Remensi, Odalrico Aquisi, Adelberone Merensi, Goslino Tullenfi, Hildebaldo Transrhenensi, seu Mimegardowordensi (a), Israël Brittone, presente Brunone (b) Abbate, fratre Regis Ottonis, Agenoldo quoque (c) & Odilone, cum aliis quibusdam venerandis Abbatibus. Ad quam Hugo Episcopus evocatus, missis etiam duobus ad eum deducendum Episcopis, Adalberone & Goslino, venire noluit. Univerſa vero Synodus Domino Artaldo Remensi tenendum adjudicavit Episcopium. Indicitur iterum Synodus Idibus Januarii habenda. (d)

*Hugo Flaviniacensis in Chronico Virdunensi.*

*Flodoardus in Chronico, & in Historiæ Remensis Lib. IV. Cap. XXXIII.*

*Ex quo Harduinus Tomo VI. Conciliorum Parte I. pag. 603.*

(a) Mimegardowordensi, seu Monasteriensi.

(b) Post Archi-Episcopo Colonienfi, & Administratore Lotharingiæ.

(c) Agenoldus Gorziensis, Odilo Stabulacensis Abbas fuit.

(d) In Ecclesia S. Petri ante conspectum castrî Mosomi, celebrata ab eodem Rotherto Archi-Episcopo Treverensi, ejusque Suffraganeis, & quibusdam Episcopis Diæceseos Remensis. Hæc additamenta sunt ex *Mabillonii Annal. Benedict. Tom. III. L. XLIV.*

Præcesserant Synodum Virdunensem hæc facta anno 841. Hugo magnus, Dux Francorum, Suehione coegit Concilium, in quo Hugo, Filius Hereberti Comitæ Veromanduorum, declaratus fuit Archi-Episcopus Remensis, & consecratus anno ætatis suæ 21. Artaldus, quia olim jurare debuit Hugoni magno, se cessurum Archi-Episcopatu Remensi, declaratus fuit excidisse jure Archi-Episcopatus anno 942. Hugo accepit Romana Pallium, teste *Flodoardo ad h. annum*, a Papa Stephano IX.

Heriberto, Comite Veromanduorum, anno 843. defuncto, Artaldus adiit Regem Ludovicum Transmarinum, & petiit restitui suæ Cathedræ Remensi: promissit id quidem Rex: sed arbitris intercedentibus relicta fuit Cathedra Remensis Hugoni, & Artaldo datæ duæ Abbatæ S. Basoli, & Avennacensis.

Artaldus non contentus hoc arbitrio, provocavit ad Pontificem Agapitum. Hic Martinum Episcopum, & Vicarium suum, ad Ottonem Regem mittit cum litoris, & Synodus generalis Ingelheimii cogitur. *Hugo Flaviniacensis ex Flodoardo.*

*Tomus II. Concil. German.*

H h h h

CONCL.



## CONCILIIUM MOSOMENSE.

Anno Christi CMXLVIII. Agapeti II. Papæ II.  
Ottonis I. Regis XII.

*In quo Sedes Remensis Artaldo iterum adjudicata, Hugoni communio  
usque ad generalem Synodum interdicta est: Mense Ja-  
nuario celebratum.*

**A**NNO, inquit Flodoardus, DCCCXLVIII. Synodus prædicta celebratur in Ecclesia Sancti Petri, ante prospectum Castrî Mosomi a Domino Rotberto, cæterisque Treverensis Dioceseos Episcopis, & aliquibus Remensis. Veniens autem illuc Hugo præsul, & locutus cum Rotberto, Synodum noluit ingredi: litteras vero quasdam ex nomine Agapiti Papæ misit ad Episcopos per clericum suum, qui eas Roma derulerat, nihil auctoritatis canonica continentes, hoc tantum præcipientes, ut Hugoni Remensi redderetur Episcopium. Quibus lectis, ineuntes Episcopi consilium cum Abbatibus, & cæteris sapientibus, qui aderant, responderunt non esse dignum, vel congruum, ut mandatum Legationis Apostolicæ, quam dudum Rotbertus Archiepiscopus, deferente Friderico Præsule Moguntiensi, coram Regibus, Episcopis tam Galliæ, quam Germaniæ susceperat, & partem jam præceptionis ipsius exegerat, propter illas litteras intermitteret, quas insidiator Artaldi præsulis exhibebat: immo, quod regula-

riter cœptum fuerat, canonice pertractaretur. Sicque præceptum est, ut recitaretur capitulum XIX. Carthaginensis (a) Concilii de accusato & accusatore. Quo recitato, judicatum est secundum definitionem ipsius capituli, ut Artaldo præsule retinente communionem & parochiam Remensem, Hugo, qui ad duas Synodos evocatus venire contempserat, a communione & regimine Remensis Episcopii abstineret; donec ad universalem Synodum, quæ indicebatur Kalendis Augusti, se purgaturus occurreret. Ipsumque capitulum mox in charta describi fecerunt episcopi coram se, subnectentes hanc etiam definitionem suam, & eidem Hugoni miserunt. Qui post alteram diem eandem chartam Rotberto præsuli remisit, hoc verbis remandans, quod ipsorum judicio nequaquam obediturus esset.

*Flodoardus in Chronico.*

*Hugo Flaviniacensis in Chronico Verdunensi.*

*Inde Harvoldinus & Synodographi.*

[a] Tomo I. nostro pag. 202.

## CONCILIIUM ENGILENHEIMENSE,

*In quo Artaldo Sedes Remensis restituta, Hugo Comes Ludovico Regi  
perduellis excommunicatus est, Præsidente Marino Sedis Aposto-  
licæ Legato: celebratum Indictione VI. septimo Idus Junias,  
Anno Christi CMXLVIII.*

### TITULI CANONUM.

- I. Hugo Comes, qui Ludovici regnum infestabat, excommunicatus.
- II. Artaldo Sedes Remensis restituta: Hugoni, qui eam usurpat, anathema dictum.

III.

Post Synodum Mosomensem, ineunte anno hujus Sæculi 48. habitam, altera generalis, VII. Idus Junii infrequentis, Ingelheimii prope Moguntiam habita est. Convocandæ hujus Synodi eadem causæ, quæ superiorum duarum, nempe discidia inter Regem Ludovicum, & Hugonem Principem: inter Artaldum quoque, & Hugonem Heriberti filium, de Remensi Episcopatu decertantes. Mabillon. *Annal. Bened. Sæculi. III. p. 488.*

III. Hugo idem Comes, ob Episcopum Laudunensem sede sua ejectum excommunicatus.

IV. Ut laici sine licentia Episcopi Ecclesias non dent, nec auferant.

V. Ut laici Presbyteros non vexent.

VI. Quot diebus feriandum sit in Pascha & Pentecoste.

VII. Ut in Litania majore jejunetur.

VIII. Ut oblationes Altaris a laicis non attingantur.

IX. Ut decimarum causæ non apud seculares, sed in Synodo discutiantur.

X. De incestis nuptiis.

## P R Æ F A T I O.

IN nomine Sanctæ & Individuæ Trinitatis. Anno ab Incarnatione Domini DCCCCXLVIII. Indictione VI. septimo Idus Junias, anno Serenissimi Regis Ottonis XIII. Ipso quoque cum Illustrissimo Rege Ludovico in præsentia manente, sancta ac generalis Synodus apud Engilenheim, in Ecclesia Sancti Remigii Confessoris Christi, in pago Nagawi dicto, collecta est, præsentem videlicet Domni Agapiti Papæ apocrisfario, venerabili Polymartiensis ecclesiæ Episcopo Marino; & confidentibus Archi-episcopis, Wicfredo Sanctæ Coloniensis ecclesiæ Archi-episcopo, Friderico Sanctæ Moguntinæ Sedis Archi-episcopo, Rotberto Sanctæ Treverensis ecclesiæ Archi-episcopo, Artaldo (a) Sanctæ Remensis ecclesiæ episcopo, Adalgago Sanctæ Hammaburgensis ecclesiæ Archi-episcopo, Richavone Vangionensis ecclesiæ episcopo, Geroldo Juvavensis (b) ecclesiæ episcopo, Udalrico Augustensis ecclesiæ episcopo, Bernardo Halberstadiensis ecclesiæ episcopo, Theodardo Hildinesheimensis ecclesiæ episcopo, Dudone Padeburnensis ecclesiæ episcopo, Conrado Constantiensis ecclesiæ episcopo, Starcando (c) Eistetenensis ecclesiæ episcopo, Reginbaldo Nemetensis ecclesiæ episcopo, Poppone Wirceburchensis ecclesiæ episcopo, Adalberone Metensis ecclesiæ episcopo, Gos-

lino Tullensis ecclesiæ episcopo, Berengero Virdunensis ecclesiæ episcopo, Balderico Trajectensis ecclesiæ episcopo, Wichardo (d) Basileensis ecclesiæ episcopo, Dodone Osnaburgensis ecclesiæ episcopo, Eboriso Mimidonensis ecclesiæ episcopo, Hildiboldo Mimigardewordensis ecclesiæ episcopo, Faraberto Tungrensis ecclesiæ episcopo, Fulberto Cameracensis ecclesiæ episcopo, Rudolfo Lugdunensis ecclesiæ episcopo, Michaelae Ratisbonensis ecclesiæ episcopo, Adalberto Laureacensis ecclesiæ episcopo, Liopdago Ripuensis ecclesiæ episcopo, Oredo (e) Suevicensis ecclesiæ episcopo, Reginbrando Arusvensis ecclesiæ episcopo: cum cætu Abbatum, Canonorum, nec non & Monachorum, unius spiritus amore ferventium, quatenus cœlitus adminiculati, zizaniam Divini cultus agro ab inimica manu superposita, canonicarum sæcularum sententiarum radicitus exstirparentur.

Igitur recitato primitus Evangelio, oramineque finito, & Sanctorum Canonum quamplurimis institutionibus linguarum clavibus coram reclusis; Missus Apostolicæ Sedis chartam suæ Legationis honorifice protulit: in qua pro debite reverentiæ dono, Romano Pontifici exhibendo, commoniti sunt, ut universalis Ecclesiæ puppis exoptata tranquillitas portui sæcura succedat, seque procel-

H h h h 2

Hanszius Tomo I. Germaniæ Sacræ pag. 200. has variantes habet ex codice MS.

Bibliotheca Cæsarea:

(a) Artolfus Remensis, pro Artaldo Archi-Ep. Remensi.

(b) Heroldus Saltzburghensis Archi-Episcopus, pro Juvavienensis Episcopus.

(c) Starcandus Rubilocensis, pro Eistetenensis, idem enim locus est Eichtet & Rubilocus.

(d) Richardus Basilienfis

(e) Slëvicensis legendum puro. Saxo Grammaticus, & Adamus Bremensis Historia Ecclesiastica C. II. Adaldagus Archi-Episcopus, primus in Daniam ordinavit Episcopos: Haroldum ad Sliaswic, Liafdagum ad Ripam, Reinbrandum ad Arhusam: igitur loco Arusvensis, lege: *Arhusensis*. Non mirum est, hos Daniæ Episcopos comparuisse ex Conciliis Germaniæ; cum Haroldus, Daniæ Rex, Ottoni, & Imperio se subjecisset, & Baptisum suscepisset, Ottone Patrino filii Regis Daniæ.

Tomus II. Concil. German.



loso tribulationum turbine vexari diutius non timeat. Significatum est autem in ejusdem recitationis sententia, prædictum præfulem Marinum ab ipso universali Papa tali tenore ad nostros fines directum fuisse, quo in omni Ecclesiasticarum legum discussione ipsius existens vicarius, quæcunque liganda essent, Apostolica auctoritate ligaret; & quæ solvenda viderentur, parili solveret potestate. Hujusmodi procul dubio affirmis tam salubri missatico Gloriosissimi Reges præfati, cum Pontificibus, omnique Clero, congratulantes, ut dignum fuit, se in omnibus consentire, & obedire professi sunt. A quibus, auctorante & confirmante Legato Apostolico, capitula subsequencia statuta sunt. Dehinc ex sessionis suæ loco se subrigens Inclutus Rex Ludovicus, ad præsentiam Serenissimi Regis Ottonis, totiusque Sanctissimi Concilii unanimitatem, satis lacrymosi conquestus protulit querimoniam: videlicet quod regia privaretur potestate a quodam Principe, Hugone nominato, quondamque sibi subiecto. Cujus anxietati & multimodæ reclamationi condolentes, in unitate spiritus coadunati Sanctissimi Patres, ejusmodi super hac re sententiam protulere.

## CANONES.

### I.

**N**ULLUS deinceps Regiam potestatem præsumat populari, seu aliquam perhidiæ maculam sibi fallaciter exhibere. Decevimus enim, Toletani Concilii (\*) judicium exequendo, Hugonem Regis Ludovici regni invasorem & raptorem excommunicationis gladio feriendum: nisi forte tempore statuto ad Synodale Concilium veniat, & a tam nefaria protervitate satisfaciendo resipiscat.

### II.

Artaudus, Remensis Ecclesiæ Archiepiscopus, propria de sede expulsus, ex canonica auctoritate in pristinum honorem inthronizatus; Hugo autem, qui ejus sedem contra fas sibi usurpat, anathematis est mucrone mulctatus: ejusque ordinatores, & qui ab eo sunt ordinati, nisi VI. Idus Septembris Treviris veniant, & ibi pro erratibus dignam satisfaciendo poenitentiam subeant, similem

excommunicationis sententiam sustineant.

### III.

De antedicto Hugone Comite, qui Rudolfum, Lugdunensis Ecclesiæ Episcopum, propria de sede, non causa alicujus criminis, sed pro fidelitate Ludovici Regis, proprii senioris, expulit, decrevimus eum in sancta Synodo pro hac re, sicut de præscripta, excommunicandum, nisi veniendo satisfecerit.

### IV.

Ut laici sine Episcopali licentia Presbyteris Ecclesias dare, vel eos dimittere non præsumant.

### V.

Ut nullus hincorum Presbyterum flagitare, seu fatigare, vel aliquam sibi injuriam inferre audeat.

### VI.

Ut Paschalis hebdomada festive tota celebretur, & in Pentecosten secunda, tertia, quarta feria, non minus, quam dies Dominicus, solemniter honorentur.

### VII.

In litania majore jejunium, sicut in Rogationibus ante Ascensionem Domini, exerceatur.

### VIII.

Ut oblationes fidelium, quatenus altari deferantur, nihil omnino ad laicalem pertineant potestatem, dicente Scriptura: *Qui altario deserviunt, de altario participantur.*

### IX.

Ut decimæ, quas Dominus præcipit in horreum suum deferri, si Ecclesiis Dei non fuerint redditæ, sed nefaria cupiditate, quæ savior Ætnæ ignibus ardet, a sæcularibus fuerint retentæ, sæcularia super hoc non exercentur judicia, nec in forensibus discutiantur causis: sed in sancta Synodo ab ipsis Sacerdotibus, quorum deputatæ sunt usibus, quid exinde debeat actuari, certis diffiniatur promulgationibus.

### X.

Ut Evangelica auctoritate, & sacrorum Canonum institutione, penasque proponere, Divini judicii, ut nostra sit absoluta conscientia, & illarum pro se ratio-

(\*) Concil. Tolet. V. can. 75.

rationem Deo reddat intentio. Caven-  
dum est quippe, quod de earum mori-  
bus, actibusque beatus Paulus testatur

Apostolus. Quod plenius exponere po-  
terimus, ne sexus instabilis non tam de-  
terreri, quam admoneri videatur.

## SYNODI EJUSDEM

*Apud Engilenheim habitæ actorum narratio altera.*

**D**Omnius igitur Agapitus Papa vica-  
rium suum Marinum Episcopum  
mittit ad Ottonem, propter evocandam &  
congregandam Synodum; litteræque ip-  
sius Papæ mittuntur ab urbe Romana  
speciatim quibusdam episcopis Galliæ  
Germaniæque, vocantes eos ad Syno-  
dum. Quæ Synodus congregata est in  
Engelenheim palatio regali, in Ecclesia,  
beati Remigii honori dicata, VII. Idus  
Junii, causa videlicet maximarum dissen-  
sionum, quæ agitabantur inter Regem  
Ludovicum, & Hugonem Principem:  
inter Artaldum quoque Remensem Epif-  
copum, & Hugonem illicite substitutum  
eiusdem urbis præfulem: quæ dissen-  
siones omne perturbarunt regnum Franco-  
rum. Ad quam Synodum celebrandam,  
adveniente prædicto Marino Sedis Apo-  
stolicæ vicario, conveniunt etiam Ger-  
maniæ præfules, cum quibusdam Galliæ  
Episcopis. Rothbertus videlicet Tre-  
virensis Archi-Episcopus, Artaldus Re-  
mensis, Fridericus Moguntinensis, Wie-  
fridus Colonienfis, Hildebaldus Mimi-  
gardowrdensis, Goslenus Tullensis,  
Adalbero Metensis, Berengarius Virdu-  
nensis, Fulbertus Cameracensis, Rodul-  
fus Laudunensis, Richoo Warmatien-  
sis, Raimbaldus Spirensis, Poppo Wir-  
tzeburgensis, Conradus Constantiensis,  
Odelricus Augustensis, Tethardus Hil-  
desheimensis, Bernardus Halberstaten-  
sis, Dudo Paderbornensis, Fridericus  
Moguntinensis, Adalgagus Hammabur-  
gensis, Goslenus Tullensis, Michaël  
Ratisponensis, Farabertus Tungren-  
sis, Lioptacus Ribunensis, Dodo Os-  
naburgensis, Everis Mindenensis, Bal-  
dricus Trajectensis, Heroldus Salzbur-  
gensis, Adalbertus Bazsoënsis, Star-  
candus Eistadiensis, Horat Neovicen-  
sis, Wicardus Basileensis, Lidac Ri-

buenfis. Residentibus his præfulibus in  
Ecclesia dicti loci, post præmissas pre-  
ces secundum ordinem celebrandi Con-  
cilii, & post lectiones sacræ auctorita-  
tis, ingressis gloriosis Regibus Ottone  
ac Ludovico, & simul residentibus:  
post allocutionem præfati Marini, Sedis  
Apostolicæ Legati, exurgens Ludovi-  
cus Rex e latere, & consensu Domni re-  
gis Ottonis, proclamationis suæ queri-  
moniam propalavit coram præmisso Ro-  
manæ sedis vicario, cæterisque confi-  
dentibus Episcopis: referens, qualiter  
accerfitus fuerit a transmarinis regioni-  
bus per Legatos Hugonis, cæterorum-  
que Franciæ principum, ad suscipien-  
dum suæ paternæ hæreditatis regnum;  
cunctorumque votis & acclamationibus  
procerum, militiæque Francorum, sub-  
limatus & consecratus sit ad apicem re-  
galis moderaminis obtinendum: postea  
vero ejectus sit a præfato Hugone, &  
dolis appetitus, ac comprehensus per an-  
num integrum sub custodia fuerit ab eo  
detentus: nec aliter ejus absolutio po-  
tuerit obtineri, nisi Laudunum castrum,  
quod solum tunc regina Gelberga cum  
fidelibus suis Regis sedibus retinebat,  
Hugone id occupante dimitteret. De  
his omnibus malis, quæ post regni  
susceptionem passus fuerat, si quis ob-  
jiceret, quod sui facinoris causa eidem fuif-  
sent illata, inde se juxta Synodale judi-  
cium, & Regis Ottonis præceptionem  
purgaret, vel certamine singulari defen-  
deret. Deinde surgens Artaldus Archi-  
Episcopus protulit secundum jussionem  
Papæ romani, quam ei delegaverat, in-  
itium atque tenorem litis, quæ versaba-  
tur inter ipsum, & Hugonem subroga-  
tum sibi Ecclesiæ remensis antistitem. Et  
recitatæ sunt litteræ, quæ sequuntur:



*Sanctæ Romanæ & Apostolicæ Sedis Vicario, Domno Marino, universæque sanctæ Synodo, apud Engelenbeim congregatæ, Artaldus Divina propitiante clementia Remorum Archi-Episcopus.*

**D**omnus Agapitus Papa litteras nobis & cæteris Coepiscopis nostræ diœceseos dixerit, in quibus præcepit, ut ad hoc sanctitatis vestræ Concilium convenire studeremus, ita instructi de omnibus, ut rei veritas de miseris nostræ sedis, quas patimur, coram sanctitate vestra manifesta fieri posset. Quocirca propalare prudentiæ vestræ commodum duximus, qualiter res exordium cepit litis hujus, quæ adhuc inter me, & Hugonem miserrime ventilatur. Defuncto siquidem Heriveo Archi-episcopo, Seulfum, qui Archidiaconatus urbis nostræ tunc officioungebatur, ad præsulatum ejusdem sedis elegimus. Qui Pontifex ordinatus, assumens zelam contra proximos prædecessoris sui, cum eos per semet a loco depellere non valeret, consilio inito cum quibusdam laicis, consiliariis suis, amicitiam quæsitit Heriberti Comititis, quam dato jurejurando per eosdem consiliarios obtinuit; eo tenore, ut post obitum ipsius ad electionem Pontificis milites Ecclesiæ nullatenus aspirarent sine consilio ipsius Heriberti: idem vero comes fratrem Herivei præsulis, & nepotes ipsius, a participatione rerum remensis Episcopii separaret. Quibus patratitis, insimulati sunt iidem propinqui Herivei præsulis, a consiliariis Seulti episcopi de infidelitate ipsius senioris sui: accersitoque Heriberto Comite cum pluribus suis jubentur ad rationem reddendam coram ipsis venire. Et quia contra eos, a quibus accusati fuerant, singulari congregari certamine noluerunt, sublati ab eis rebus, quas ex episcopio possidebant, comprehensi sunt, atque deducti per Heribertum Comitem ad Robertum regem, a quo etiam sub custodia sunt detenti usque ad mortem ipsius roberti. Tertio demum sui Episcopatus anno Seulfus Episcopus, ut plures asserunt, ab Heriberti familiaribus veneno potatus defungitur. Mox itaque Comes Heribertus urbem remensem adiit, & Ecclesiæ milites, Clericorum quoque quosdam, de rectoris electione ad suum consilium, ceu juratum

fuerat, intendere fecit. Cum quibus ad rodulfum regem pergens in Burgundiam, obtinuit ab eo, ut sibi committeretur idem Episcopium, eo tenore, ut tam Clericis, quam Laicis debitum honorem concederet & conservaret, nec injustitiam alicui faceret: sed ipsum Episcopium æquo jure gubernaret, donec talem Clericum eidem regi præsentaret, qui ad Episcopale ministerium exsequendum rite ordinari valeret. Qui Comes ad eandem urbem regressus, res Episcopii, prout sibi placuit, fautoribus suis divisit, cæteris abstulit: & absque ullo judicio, vel lege, quos voluit, rebus exspoliavit, vel ab urbe propulit. Odalricum denique Aquisensem Episcopum in eadem urbe suscipiens, Episcopale inibi ministerium obulare præcepit. Sicque annos sex, & eo amplius, idem Episcopium suo dominio vindicavit, pro libitu proprio illud tractans, & in sede præsulis residens tam ipse, quam conjux sua: donec septimo tandem anno, ortis inter ipsum, & regem rodulfum, atque Hugonem Comitem, quibusdam simultatibus, rodolphus rex cum Hugone, & Bosone fratre suo, cæterisque pluribus tam episcopis, quam Comitibus, remorum obsidet urbem: succensentibus sibi episcopis, & conquerentibus adversus eum, quod tam diuturno tempore contra Divinæ legis auctoritates hanc urbem permiserit vacare pastore. Quorum querimoniis promotus rex, admonet Clerum & populum de pastoris electione, dans eis id agendi facultatem ad Dei honorem & sui fidelitatem. Sicque concordantibus cunctis tam clericis, quam laicis, qui extra obsidionem erant, pluribus etiam eorum, qui clausi tenebantur, in idipsum faventibus, eligit humilitatis nostræ persona in hoc magis onere, quam honore subeundo. Aperientibus tandem tam militibus, quam civibus portas urbis regi rodolpho, & Episcopalem benedictionem mihi tradentibus Episcopis, qui erant decem & octo; & suscipientibus nostram humilitatem tam Clero universo, quam reliquis civibus, in-

thro-

thronizatus ab episcopis nostræ diœceseos ; impositum mihi , prout Deus concessit , ministerium per annos ferme novem tractavi ; ordinans per diœcesim episcopos octo , & in Episcopo multos , prout competens videbatur , clericos : quousque nono postmodum anno , postquam Ludovicum regem , favente Hugone , cunctisque regni principibus , Gerbergam quoque reginam benedixeram , & sacro perfunderam chrismate , instigatus Hugo Comes iracundia , quod ei consentire , vel conjugi noluim ad ipsius regis infidelitatem , adhibitis secum Heriberto Comite , & Wilhelmo Northmannorum Principe , remensem obsidet urbem. Nec longum , sexta scilicet obsidionis die , deseror ab omni pene cœtu laicalis militiæ ; sicque derelictus ab his , ad Hugonem & Heribertum compellor exire. A quibus coarctatus , cogor memet Episcopali procuratore abdicare , & ita me propellentes in cœnobio Sancti Basili habitare constituunt : Hugonem vero filium Heriberti , qui Antistiodori Diaconus ordinatus fuerat , in urbem introducunt , & civitate potiuntur. Ludovicus autem rex , a Burgundia rediens , me apud sanctum Basolum reperit ; & assumens secum simul cum propinquis meis , quorum res Heribertus Comes abstulerat , Laudunum deducit , quod castrum tunc obsidebant Heribertus & hugo : solutaque obsidione oppidum ingredimur , nobisque metatus degendi disponitur. Interim Clerici nostri loci , sed & laici quidam pessime ab Heriberto tractantur , & quidam Clericorum in custodiis retruduntur , res eorum auferuntur atque diripiuntur , rapinæ per totam urbem late perpetrantur. Interea convocantur Episcopi nostræ diœceseos ab Hugone & Heriberto , satagentibus & quærentibus ab eis de ordinatione hugonis filii Heriberti. Qui Suesfionis congregati , mittunt ad me Laudunum Hildegardum episcopum , cum aliis quibusdam legatis : mandantes , ut ad eos venirem , ad consentiendum scilicet hujus ordinationis perversitati. Quibus remandavi , quod non esset mihi competens , ad eos illo proficisci , ubi adversarii , & inimici mei cum ipsis erant aggregati. Quod si loqui mecum vellent , ad talem locum devenirent , ubi sine pe-

riculo ad eos accedere possem. Quibus advenientibus in locum ab eisdem delectum , profectus sum ad eos : veniensque prosternor coram ipsis , obsecrans , ut propter amorem & honorem Dei tam mihi , quam sibi , competens consilium dare studerent. Qui me de ordinatione prædicti hugonis interpellare ceperunt , & hoc omnimodis suadere , ut eis in hac ordinatione consensum præberem , promittentes , res nonnullas Episcopii mihi se impetraturos. At ego , postquam responsum dju distuleram , videns eos cunctos in proposito , quod ceperunt , perseverantes , surgens interdixi palam , cunctis audientibus , excommunicans auctoritate Dei Patris omnipotentis , Filii , & Spiritus Sancti , ut nullus eorum ad eandem ordinationem accederet , nec alicui , in Episcopali honore me vivente , manus imponeret ; sed nec ullus eandem benedictionem suscipere præsumeret. Quod si forte fieret , ad sedem Apostolicam eos provocabam. Illis inde furentibus , ut possem exire de medio eorum , & Laudunum reverti , temperavi responsum : dicens , ut mitterent mecum , qui eis renuntiaret , quid consilii reperire valerem super hac re in Domina mea regina , & fidelibus ejus , quia rex non aderat. Ad hoc illi mittunt Deroldum Episcopum , putantes , me esse mutaturum consilium. Quo veniente , & coram Domina regina , & fidelibus ejus inde me interpellante , iterum exurgens præfata modum excommunicationis in eosdem Episcopos jaculatus sum : vocationem quoque ad Sedem Apostolicam iterare curavi , excommunicans ipsum hunc Deroldum , ut id eis omnino non taceret , sed cunctis manifeste proferret. His ita gestis , parvi pendentes illi nostram excommunicationem , remis accedunt : & quidam eorum ordinationi huic manus applicuerunt , quidam vero se subduxisse sciuntur. Ego vero cum rege manens , quas ille scitur angustias pertulisse , & secum pertuli : & quando eum bello aggressi sunt hugo & Heribertus , cum ipso eram , & vix evasi mortis periculum. Prolapsus itaque , auxilio & protectione Dei , de medio inimicorum , profugus & vagabundus loca invia quæque , sylvasque perlustror , non ausus certo consistere loco. Comites autem hugo & Heribertus , affati quos-

dam



dam amicos nostros sibi subditos, suadent, ut me requirentes ad ipsos deducant, pollicentes se mihi benefacturos, & rebus, quas ipsi petissent, ditaturos. Requirentes ergo me amici reperiunt per diversa vagantem, & ita perducor a fratribus meis & amicis ad præfatos Comites. Qui postquam me in potestate sua conspiciunt, quærere cæperunt, ut eis pallium, a sede Romana mihi collatum, traderem, & sacerdotali ministerio penitus abjurarem. Quod ego nullatenus me facturum, neque pro amore vitæ hujus præsentis attestor. Districtus igitur, & coangustatus ab eis, Episcopii tandem rebus abrenuntiare compellor: sicque rursus ad Sanctum Basolum, quasi vacans, habiturus deducor. Mansi denique paucis diebus in ipso cænobio, quoadusque comperiens per certos ex familiaribus heriberti Comitis nuntios, quod ab eo male de mea tractabatur perditione, iterum iterumque nuntiis hujusmodi pavescens & impulsus, locum deserui, & abdita lustra silvarum vagabundus repetii; horisque silentibus, & itinere devio, Laudunum revertor, ibique susceptus a Rege secum manere constituitur. Mansi vero ibidem cum ipso vel fidelibus ejus, expectans & deprecans misericordiam Dei, donec ipse est dignatus in cor Domini regis Ottonis mittere, ut ad subventionem senioris mei regis, & nostram, properaret in Franciam. Denique, postquam Domina nostra regina Laudunum propter absolutionem Domini regis reliquerat, egressus inde, ad Dominum regem Ottonem cum seniore meo deveni rege, simulque remos accessimus. Cingitur itaque urbs exercitibus, & Episcopi, qui aderant, me sedi nostræ restitui censent. Mandatur ergo hugoni a Domino rege Ottone, ut egrediatur, & pervasam deferat urbem. At ille nutans aliquamdiu, & pro posse, ubi vidit, ad consistendum penitus sufficere se nequaquam valere, decernit exeundum, quærens, ut liber cum suis dimitteretur abscedere. Permittitur itaque sanus exire cum omnibus, qui secum voluere comitari; & quæcunque secum voluit ferre, nullo contradicente asportavit. Sicque cum Regibus introgressus urbem, præcipior loco nostro & hono-

ri restitui. Susceptus igitur a Dominis Archi-Episcopis, roberto Treverensi, & Frederico Moguntiacensi, comitantibus cæteris, & congratulantibus, tam Clericis Ecclesiæ nostræ, quam reliquis civibus, ab ipsis restitutor cathedræ Episcopali: Hugo vero Remis egressus Mosomum castrum cum suis occupat, & muniens contra fideles Regis senioris nostri detinet. Habito denique colloquii placito inter reges, seniore meum videlicet, ac Dominum Ottonem, super Charam fluvium, convenimus ad illum tam ego, quam ipse hugo cum ordinatioribus suis. Ibiq; res litis hujus ab Episcopis auditur: protulitque litteras ad sedem Romanam, quasi ex persona nostra datas excusationis meæ, ac si vacationem petentes administrationis Episcopii nostri; quas me unquam dictasse, neque subscribendo aliquatenus corroborasse, protestatus sum, atque protestor. Et quia tunc Synodus convocata non fuerat, id opponentibus fautoribus ipsius hugonis, altercatio nostra determinari non potuit. Synodus autem circa medium mensis Novembris habenda Viriduni, utriusque partis Episcopis annuentibus, denuntiatur. Interim vero sedes Remensis mihi regenda decernitur; idem vero hugo Mosomi commorari permittitur. Neclongum, instante scilicet vindemiæ tempore, hic noster æmulus hugo, assumens secum Theobaldum regis inimicum, & regni nostri, cum aliis pluribus malefactoribus, in villas remensis Episcopii contiguas urbi devenit, & omne pene vinum ex his colligens in diversos pagos abduci fecit. Tum multa mala inibi perpetrata, & Ecclesiæ nostræ homines captivi abducti, & ad redemptionem variis sunt adacti tormentis. Synodus autem denunciata Viriduni celebratur, præsidente roberto præfule Treverensi, præcepto Domni Papæ romani, præsentis quoque Domino Brunone, cum Episcopis & Abbatibus nonnullis. Ad quam præfatus hugo evocatus, Missis etiam duobus ad eum deducendum Episcopis, Adalberone & Gozolino, venire contempsit. Universa vero Synodus mihi remense regendum decernit Episcopium. Indiciturque iterum Synodus habenda die Iduum mensis Januarii, quæ & aggregatur, ut denuntiatur fuerat, in Ecclesia Sancti Petri

tri, ante prospectum castrî Mosomi, a Domino rotherto, convenientibus cæteris quoque Treverensis Diœceseos Episcopis, & aliquibus remensis. Veniens autem illuc æmulus noster Hugo, & locutus cum Domino rotherto, Synodum noluit ingredi: litteras vero quasi ex nomine Domini Papæ direxit ad Episcopos per Clericum suum, qui eas roma detulisse ferebatur, nihil auctoritatis canonicæ continentes: sed hoc tantum præcipientes, ut Hugoni remensi redderetur Episcopium. Quibus recitatis ineuntes Episcopi consilium cum Abbatibus, & cæteris, qui aderant sapientibus, responderunt non esse dignum vel congruum, ut mandatum legationis Apostolicæ, quam dudum Rothertus Archi-Episcopus, deferente Friderico Præsule Moguntiacensi, coram Regibus, & Episcopis tam Galliæ, quam Germaniæ susceperat, & partem jam præcepti onis ipsius exegerat, propter illas litteras intermitteret, quas indiator noster exhibebat: imo quod regulariter cœptum fuerat, ut canonice pettractaretur, unanimiter censent. Præcipiturque recitari capitulum Carthaginenſis Concilii XIX. de accusato & accusatore. Quo recitato, judicatum est juxta definitionem ipsius capituli, ut communio- nem & parochiam Remensem ne retinente, Hugo, qui ad duas jam Synodos evocatus interesse contempserat, a communione & regimine Remensis Episcopii abstinere, donec ad universalem Synodum, quæ indicebatur ad Kalendas Augusti, sese purgaturus, vel rationem redditurus, præsentaret. Ipsumque capitulum mox in charta Episcopi coram se describi fecerunt, subnectentes hanc etiam definitionem suam. Qui post alteram diem chartam eandem Rotherto præfuli remisit, hoc verbis remandans, quod ipsorum judicio nequaquam obediturus existeret. Sicque absoluto Concilio ipse Mosomum contra mandata regum, & Episcoporum retinet: & ego Remos regressus, reclamationis mox querelas ad sedem Romanam per legatos Domini Regis Ottonis destinavi, prætolans mandata ipsius sedis, ejus decretis, & universalis hujus Sancti Concilii vestri judicii parere paratus.

Post quam litterarum recitationem, & earum propter Reges juxta Theotif-  
*Tomus II. Concil. German.*

cam linguam interpretationem, ingressus Synodum quidam Sigeboldus, præmissi Hugonis Clericus, attulit litteras, quas Roma detulerat, quasque jam in alia Synodo Mosomi propalaverat, asserens, easdem litteras sibi Romæ ab ipso, qui aderat, Marino vicario datas. Qui marinus proferens litteras, quas idem Sigeboldus romam tulerat, præcepit eas coram Synodo recitari. In quarum recitatione repertum est, prout ipsæ litteræ fatebantur, quod Wido Episcopus Suefionicus, Hildegarius quoque Bellovacensis, Rodulfus Laudunensis, ceterique cuncti Remensis diœceseos Episcopi, easdem litteras ad sedem delegaverant Apostolicam pro restauratione Hugonis in sede Remensi, & expulsionem Artaldi. Post quorum lectionem exsurgentes Artaldus, & præfatus Rodulfus, qui in iisdem litteris nominabantur, Fulbertus quoque Cameracensis Antistes, easdem litteras refutarunt: adstruentes, quod eas antea nunquam viderint, vel audierint, neque in earum delegatione consensum præbuerint. Quibus cum idem Clericus contraire non posset, licet in eos calumniis obstrepens, præcepit Dominus Marinus, suggerens universæ Synodo, ut sibi consilium & rectum judicium proferrent super hujusmodi calumniatore, & calumniarum in Episcopos delatore. At illi, postquam delator publice confutatus est falsa detulisse, lectis capitulis de hujusmodi calumniatoribus, judicant & unanimiter censent, eum, qui fruebatur honore, privari debere, ac secundum capitulorum tenorem in exilium detrudi. Diaconatus igitur, quoungebatur, ministerio multatus, a conspectu Synodi reprobatus abscessit: Artaldo vero Præsuli, qui omnibus se Synodis præsentabilem fecerat, non refugiens Synodale judicium, Episcopium Remense juxta Canonum constituta, & Sanctorum Patrum decreta, omnino retinendum, atque disponendum decernunt, laudant, atque corroborant. Secunda confessionis die, post recitatas Divinæ auctoritatis lectiones, & Marini Vicarii allocutionem, suggestit Dominus Rothertus Trevirensis Archi-Episcopus, ut quoniam juxta sacræ legis instituta restauratum atque restitutum fuerat Remense Præsuli Episcopium, in ejusdem sedis in vasorem Synodale per-  
 l i i i  
 ageretur



ageretur iudicium. Præcepit itaque Marinus Vicarius, ut canonicam super hac præsumptione Synodus proferret sententiam. Jubentur ergo sanctæ legis Catholicæ recitari capitula. Quibus recitatis, secundum sacrorum Canonum, & sanctorum Decrêta Patrum Sixti, Alexandri, Innocentii, Zosimi, Bonifacii, Cælestini, Leonis, Symmachi, cæterorumque Sanctorum Ecclesiæ Doctorum, excommunicaverunt, atque ab Ecclesiæ Dei gremio repulerunt prædictum Hugonem

Remensis Ecclesiæ perversorem, donec ad poenitentiam & dignam satisfactionem venire procuraret. Cæteris quoque diebus tractata sunt quædam necessaria de incestis conjugii, & Ecclesiis, quæ Presbyteris in partibus Germaniæ dabantur, imo venumdabantur indebite, & auferebantur a laicis illicite. Prohibitum igitur, atque statutum est, ne id omnino præsumeretur ab aliquo. Sed & de aliis Ecclesiæ Dei utilitatibus tractata sunt & definita nonnulla.

*Nota P. Sirmondi S. J.* Narrationis hujus prior pars, quæ Artaldi Epistolam ad Synodum antecedit, ex Flodoardi Chronico petita est, Epistola ex historia Remensi ejusdem. Quæ vero Epistolæ subjiciuntur, eadem ad verbum leguntur in Chronico, & in historia. Cæterum in Elencho Episcoporum Synodi quædam interpolata paulo aliter, quam apud Flodoardum. *Binius Conciliorum Tom. III. pag. 11. Hardouin. Concilior. Tom. VI. Tritheimius in Chronico Hirsaugiensi.*

*Idem Tritheimius* Marinum vocat Episcopum *Ostiensem*, Arnoldum Remensem, pro Artaldo. Abbates tres nominat hujus Synodi, Hademarum Abbatem Fuldensensem, Diethmarum Hirsaugiensem, Adalberonem S. Ferrucii in Bliendenstar, & alios Abbates Ordinis S. Benedicti incerto numero. Demum expansa acta contra Hugonem Ducem, & Hugonem Remensem Archi-Episcopum, Synodalem etiam Epistolam refert in Chronico Hirsaugiensi, sed ad annum 949. & diem primam mensis Augusti.

## CONCILIIUM TREVIRENSE.

*In quo excommunicatur iterum Hugo Comes, Ludovici Regis perduellis, cum Episcopis aliquot ab Hugone Remensi ordinatis, a Marino Legato celebratum eodem anno CMXLVIII.*

*ACTORUM SYNODALIIUM BREVIARIUM EX CHRONICO FLODOARDI.*

**P**osthæc Artaldus Treviros proficiscitur ad Synodum, cum Episcopis Widone Sueffonico, Rodulfo Laudunensi, & Wicfrido Morinensi. Quo pervenientes, Marinum sese præstolantem repperunt cum Rotberto Archi-episcopo Trevirensi: cæterorum vero Lothariensium, atque Germanorum Præsulum illic invenerè neminem. Confidentibus igitur illis, sciscitari cœpit Marinus Vicarius, quid egisset post præmissam Synodum Hugo Princeps erga ipsos, & Regem Ludovicum. At alii referunt supra memorata, quæ ipsis & Ecclesiis eorum intulerat mala. Requirit ergo de vocatione ipsius Principis Marinus, utrum perlata fuissent literæ vocationis, quas ei perferendas delegaverat. Cui responderetur ab Artaldo Archi-episcopo, quod quædam earum perlatae sunt; quæ-

dam vero perferri non potuerunt, earum gerulo ab ipsis grassatoribus intercepto: vocatus tamen fuerit tam litteris, quam internuntiis. Requiritur itaque, si adfuit aliquis ex parte ipsius Legatus: ubi cum nullus fuisset inventus, decernitur expectandum, si forte adventurus esset in crastinum.

Quod cum minime contigisset, & omnes, qui aderant tam Clerici, quam illustres laici, excommunicandum esse acclamarent; definitur ab episcopis, hanc excommunicationem differendam usque ad diem tertiam. Tractatur autem de episcopis, qui vocati fuerant, & venire distulerant, vel his, qui ordinationis Hugonis participes existerant. Et Wido quidem Sueffonicus se culpabilem, prostratus coram Marino Vicario, & Artaldo Archi-episcopo, profitetur. Interceden-

cedentibus autem pro eo apud Marinum Rotberto, & Artaldo Archi-episcopis, absolvi ab hac noxa meretur. Wicfredus Morinensis immunis ab hac ordinatione reperitur. Adest Transmari Noviomensis episcopi Legatus quidam Presbyter, adstruens eundem Præfulem ita gravi languore detentum, ut ad eandem Synodum venire non valuerit: idque nostrates, qui aderant, testabantur episcopi.

Tertia tandem die, insistente præcipue Liudulfo Legato, & Capellano Regis Ottonis, quoniam idem Rex id omnino fieri præcipiebat, excommunicatur Hugo Comes, inimicus Ludovici Regis, pro supra memoratis malis ab ipso perpetratis: eo tamen modo, donec resipiscat, & ad satisfactionem coram Marino Vicario, vel Episcopis, quibus injuriam fecit, deveniat. Quod si facere contempserit, Romam pro absolutione

sui proficiscatur. Excommunicantur & duo Pseudo-episcopi, ab Hugone damnato ordinati, Tetbaldus & Ivo: prior post expulsionem ipsius in Ambianensi urbe, alter post damnationem ejusdem Hugonis in Sylvaneſtensi, ab eo constituti. Excommunicatur etiam Clericus Laudunensis, nomine Adelomus, quem accusavit Rodulfus Episcopus suus, eo quod Tetbaldum excommunicatum in Ecclesiam introduxerit. Vocatur Hildegarius Bellovacensis Episcopus litteris præfati Marini, ut veniat coram eo, vel eat Romam, rationem redditurus coram Domino Papa pro illicita ordinatione prædictorum Pseudo-Episcoporum, cui interfuerat. Vocatur & Heribertus, Heriberti Comitis filius, ad satisfactionem venire pro malis, quæ contra Episcopos agebat. His gestis, Episcopi revertuntur ad sua.

*Harduin. Concilior. Tom. VI. Part. I.*

## AGAPITI II. PAPÆ

### EPISTOLA

#### AD ADALGARIUM HAMBURGENSEM ARCHI-EPISCOPUM.

*Functionem Bremensis Ecclesiæ cum Hamburgensi, & cætera Hamburgensis jura confirmat.*

AGAPITUS EPISCOPUS, SERVUS SERVORUM DEI, REVERENDISSIMO ET SANCTISSIMO ADALGARIO, S. HAMBURGENSIS ECCLESIAE ARCHI-EPISCOPO, TUISQUE SUCCESSORIBUS IN PERPETUUM.

Convenit Apostolicæ moderationi, pia religione pollentibus benevola compassione succurrere, & pascentium animos alacri devotione impertire. Ex hoc enim lucri potissimum præmium apud conditorem omnium Deum procul dubio promeremur, dum venerabilia loca opportune ad meliorem fuerint statum sine dubio producta. Igitur, quia postulastis a nobis, quatenus Archi-Episcopatum Hammaburgensis Ecclesiæ totum integrum vobis confirmaremus, sicut a Prædecessore D. nostro Nicolao hujus Apostolicæ Sedis decretum est; inclinatis precibus Hadumari, Fuldenſis

*Tomus II. Concil. German.*

Abbatis, Apostolica autoritate concedimus cum omnibus generaliter, atque specialiter, locis ad eundem vestrum Archi-Episcopatum pertinentibus, scilicet omnia, quæ vestri antecessores suis laboribus acquisiverunt; vel etiam amore æternæ patriæ ibi a Christicolarum fidelibus largita sunt, vel largiuntur; cum illis etiam, qui nunc suo tempore Divina protegentia ad Christi conversi sunt fides, videlicet Episcopis Danorum, Norvenorum, Suevonum, nec non omnium Septentrionalium partium. Pallium quoque, & ejus usum in prænominationis a prædicto Papa factis habendum

l i i i 2

tibi,



tibi, & omnibus successoribus tuis perpetuo decernimus. Deinceps vero nulum Archi-Episcoporum, vel Coloniensem, vel alium quemlibet, in vestra Dicecesi ullam sibi vendicare decernimus potestatem: quinimo & ipsis, & omnibus omnino suademus cultoribus religionis, ut adiutorium & solatia vobis in omnibus administrent; quatenus pro gratia hujus beneficii plenam recipere mercedem a Domino mereantur: cum omnia, quæ proficua Ecclesiæ probantur exhibere, & Divinis impugnantur præceptionibus efficienda, & præbenda, omnipotentis Dei auctoritate, & beatorum Apostolorum Petri & Pauli esse non dubitamus, & hoc nostro decreto decernimus, secundum prænominatæ bonæ memoriæ Nicolai Papæ sanctionem, & Reverendissimi Regis Ludovici votum, ipsas prædictas Diceceses Hamburgensem scilicet, & Bremensem non deinceps duas, sed unam esse & vocari; omnem quoque adversantem, vel contradicentem, atque piis nostris studiis quolibet modo infidiantem, anathematis sermone percutimus, perpetuæque ultionis reum diabolica sorte damnamus, ut culmen Apostolorum, more Prædecessorum nostrorum, causamque Dei pro affectu zelantes, ab adversis hinc inde partibus muniamus. Apostolica itaque auctoritate,

& Bernhardo Episcopo Alverstadenſi, Thidardo Hisdenenſis Ecclesiæ, & cæteris conterminalibus Episcopis insuper jubemus, & eos monemus, ut te in omnibus adjuvent, quatenus sacerdotale ministerium explere, & animarum lucra Domino Jesu Christo facilius acquirere valeas. Auctoritate ergo Apostolica, & censura, sub Divini judicii obtestatione, & anathematis interdicto statuimus, ut nulla persona magna, vel parva, cujuscunque ordinis aut dignitatis sit, omnia, quæ a nobis, vel Prædecessoribus nostris Ecclesiæ tuæ, & tibi concessa sunt, violet; quicumque autem mutaverit, vel in aliquo violare præsumpserit, nisi resipuerit, auctoritate Dei, & B. Petri, & nostræ, qui ejus fungimur vicariatione, perpetui anathematis vinculo sit innodatus. Qui vero custos & observator ejus extiterit, benedictionis gratiam, & celestis retributionis, a justo judice Domino Deo nostro consequi mereatur. Scriptum per manum Arnonis, Notarii Regionarii, arque Scrinarii S. R. E. in mense Januario, Indictione VI. Data IV. Nonas Januarii per manum Andreæ, Arcarii S. Sedis Apostolicæ, in sacratissima sede B. Petri Apostoli, Indict. VI. (b)

*Monſi Supplementi Concilior. Tom. I.*

Agitatam hanc controversiam in multis Germaniæ Conciliis, leges in hoc Tomo II. a pag. 161. in Concilio Moguntino actione IV. anni Christi 847. Rursum in Concilio Moguntino anni proximi 848. In Concilio Wormatiensi, accedente consensu Guntharii Archi-Episcopi Colonienſis, & confirmatione Papæ, conjungitur Bremenſis Hammaburgensi Archi-Episcopatu. Papa Nicolaus I. anno 858. ratificat conjunctionem factam in Concilio Wormatiensi pag. 170. hujus Tomi. Anno 890. Stephanus Papa V. Adalgarium Bremenſem, & Hermannum Colonienſem Archi-Episcopum ad Concilium Wormatiense venire jubet pag. 385. huj. Tomi. Eadem pagina legis Concilium Francofordienſe provinciale, qua Bremenſis Adalgarius Hermannus Colonienſis declaratur subiectus, judicio Formosi Papæ: non vero in Concilio posteriore Triburiensi anni 895, ut vulgo credebatur. Hac demum Epistola Hammaburgensis Archi-episcopi privilegia confirmantur, & confinibus episcopis executio Apostolici decreti committitur.

(b) Indictio sexta concurrit cum Papæ Agapiti II. anno V. Sedit ab anno Christi 946. ad 956. 20. Augusti, post quem diem obiit. *Pagi in Critica ad annum 955.*

## SYNODUS COLONIENSIS.

Anno Christi CMXLVIII. Agapeti II. Papæ II.  
Ottonis Regis XII.

*Wicfridus, Archi-Episcopus Coloniensis, confirmat & ampliat  
privilegia Ecclesiæ S. Severini.*

Considerans curam atque pondus  
meæ dispensationis, ac curam com-  
muni ovilis, non ausus fui petita præterire:  
sed iussi in Synodali Conventu, quem  
tunc proxime in cœna Domini collectam  
habui, septem sapientes Clericos, & to-  
tidem idoneos circum manentes laicos,  
super capsam S. Petri jurare, qui publi-  
ce recitarent, ut veracius scirent, &  
posthæc sic circumducerent, ut in æter-  
num absque lite staret omnis ille termi-  
nus, pertinens ad præfatum S. Severini  
Monasterium. Unde factum est, ut  
condixerant: Primum omnem salacitiam  
terram pertinentem ad curtem juxta Mo-  
nasterium, ubicunque jacerent locorum:  
& sic terminum ducebant ab *urbis porta*,  
quam vulgus nominat *altam*, per illam  
plateam usque ad S. Joannis Ecclesiam,  
& per septem & decem jurnales in alia  
parte plateæ jacentes: ab Ecclesia au-

tem per viam, quæ est dicta Burchstraz-  
za, usque ad villam, quæ est dicta Thie-  
denhoven, cum omnibus, quæ pertinent  
ad illam: hinc usque iterum ad villam,  
quæ nominatur *Holtehen*, ac quicquid  
pertinet ad illam: inde vero ad silvam,  
quæ vocatur Dierlo, & hinc ad *Gun-  
genforst*: inde per viam, quæ dicitur  
*Borstweg* usque ad Rhenum, & sic per  
littus iterum usque ad civitatis fossam;  
ut nemo quid juris, vel potestatis, aut  
termini, ac saltem senatus inter habeat,  
nec aliquis Decanus, aut Advocatus illo-  
rum juramento meo, & communi con-  
sensu tam Clericorum, quam laicorum  
tunc astantium, nisi præfati Monasterii  
Præpositus, exceptis XX. domibus, quæ  
pertinent ad Ecclesiam secus Rhenum,  
sub honore S. Dei Genitricis fundatam.

*Gelen. de Colon. Agrippin. Magnitud.  
L. III. Syntag. III. pag. 271.*

## FRANCOFURDENSIS CONVENTUS

REGIS OTTONIS I, EPISCOPORUM, COMITUM, ET FI-  
DELIVM COMPLURIUM.

Anno Christi CMLII. Agapeti II. Papæ VI.  
Ottonis I. Regis XV.

Anno Incarnationis Domini CMLII.  
Indict. X. constitutum est in *Fran-  
cofurt*, a Rege Gloriosissimo *Ottone*,  
anno illius XV. consentientibus epis-  
copis, Comitibus, aliisque fidelibus com-  
pluribus, canonum, Sanctorumque Pa-  
trum auctoritate, nec non Capitulari-  
um præcedentium Regum institutis, co-  
ram positis:

I. Ne oppressio virginum, aut vi-  
duarum, vel raptus, ab ullis hominibus

liiii 3

fiat, & ut qui rapiunt eos, sub nomi-  
ne simul habitandi, cooperantes, &  
convenientes raptoribus, siquidem Cle-  
rici sunt, decidant a gradu proprio;  
si vero laici, anathematizentur, & rap-  
tores sine spe conjugii perpetuo mane-  
ant: quod si posthæc jungere se præ-  
sumpserint, utrique anathematizentur.

II. Inventum est etiam a præfato  
Rege, ut nulla Abbatia, quæ per se  
Electionem habet, ad Monasterium  
nec



nec alicui in proprium dari possit ; illæ vero , quæ electione carent , Regis donatione , & privilegio , ad illud Mo-

nasterium , quod sub ejus Mundiburnio consistit , subrogari possent.

*Ex veteri codice MS. membranaceo Bibliothecæ Palatinæ in Vaticano Romæ asservatæ N. 583. descripsit Cl. Schannatus B. M.*

## SYNODUS AUGUSTANA

Anno Christi CMLII. Agapeti II. Papæ VII.

Ottonis I. Regis XVI.

*In causa disciplinæ Ecclesiasticæ celebrata.*

### P R Æ F A T I O.

CUM Excellentissimus, piissimusque Otto Rex , superna attractus Clementia , non minus de negotio spiritali , quam de statu Christiani Imperii tractaret , in primis Pontificum , aliorumque Primatum suorum communi consilio fretus , anno Incarnationis CMLII. Indictione X. Anno vero Regni ejus XVI. sub die VII. Idus Augusti , Placitum , Conventumque Synodalem Augustæ fieri decrevit ; quatenus concordii diligentia , tam sancti Cleri , quam populi Ecclesiæ stabilitatis profectus , & totius Christianitatis utilitates tractarentur. Cujus divinæ rei dispositionem per Reverendissimi, atque Prudentissimi Frithurici , Moguntinæ sedis Archi-Episcopi , industriam maxime gubernari deliberavit. Geroldo etiam Juvavenfis Ecclesiæ Archi-Episcopo , Manasse quoque Mediolanensis Ecclesiæ Archi-Episcopo , Petro Ravennate Archiepiscopo , cæterisque Italiæ , Galliæ , Germaniæ subnotatis Pontificibus , huic discussioni operam exigentibus, Udalrico augustensis Ecclesiæ Episcopo , Annone Wangionensis Ecclesiæ Episcopo , Starcando Eistensis Ecclesiæ Episcopo , Conrado Constantiensis Ecclesiæ Episcopo , Poppone Wirceburgensis Ecclesiæ Episcopo , Godefrido Nemetensis Ecclesiæ Episcopo , Hartberto Curiensis Ecclesiæ Episcopo , Votone Argentinenfis Ecclesiæ Episcopo , Lantberto Frisingensis Ecclesiæ Episcopo , Hugone Aritiensis Ecclesiæ Episcopo , Michaële Ratisponensis Ecclesiæ Episcopo , Adalberto Patavenfis Ecclesiæ Episcopo , Ludfrido Picinenfis

Ecclesiæ Episcopo , Gisibrando Tordenfis Ecclesiæ Episcopo , Antonio Brixienfis Ecclesiæ Episcopo , Witone Cumano Episcopo , Deodato Parmensis , Adelardo Regiensis Ecclesiæ Episcopo , Sigolpho Placentinæ Ecclesiæ Episcopo , Adalgiso Aquisiensis Ecclesiæ Episcopo. Cum eorum unanimis diligentia huic ecclesiastico negotio vigilanter instaret , omnibus ratum putabatur , principem regni , beatæ matris Ecclesiæ devotum filium postulare , quatenus ibidem Divina discutientibus interesse dignaretur. Tum die præfinito eo veniens dulcisona modulationum jucunditate , honorifice , uti Regiam dignitatem decuerat , ab omnibus acceptus , Missa celebrata finita , satisfaciendo Pontificum petitioni , cum insigni privatim turba Synodum intravit. Interim Reverendus Moguntinæ sedis Archiepiscopus Frithuricus se e folio erigens , humiliter , strenueque sermonem , regulari studio congruentem protulerat : deinde cuncta , quæ de jure ecclesiastico juxta canonicam auctoritatem , & imitanda sanctorum Patrum decreta erant ventilata , pronuntians in omnibus huic rei necessariis se in immune ejus præsidium sentire postulabat. Quibus Rex superni amoris igne succensus , & zelo divini amoris animatus , mentis corporisque nisu , ecclesiasticarum rerum auxiliatorem , defensorem promptissimum se esse promittendo certificavit. Hac videlicet promissione audita regali , prælibatus Archiepiscopus residens , communi ceterorum assensu , capitula subsequencia titulari præcepit.

## CAPITULA.

## I.

SI quis Episcoporum, Presbyterorum, Diaconorum, Subdiaconorumque, uxorem accepit, a sibi injuncto officio deponendus est, sicut in Concilio Carthagenensi tenetur cap. xxv.

## II.

Episcopos, Presbyteros, vel aliquem de Clero, canes venandi amore vel accipitres habere non licet, sicut in Concilio legitur Toletano, cap. x. Quisquis autem personarum hujusmodi in hac voluptate denudatus fuerit, quamdiu in illa detestabili voluptate detinetur, ab omni Ecclesiastico officio cesset.

## III.

Episcopus, Presbyter, aut Diaconus, alæa vacans, si ab hoc interdicto opere cessare noluerit, velut in canone Apostolorum habetur cap. XLII. deponendus erit.

## IV.

Nullus in clericatus officio manens mulierem subintroductam secum habitare permittat. Si vero aliqua suspitionum maculis aspersa, contra hæc agere tentaverit, ab Episcopo, vel ejus Missio virgis caesa detondeatur. Si autem secularis potestas fieri prohibuerit, Regia potestate femina coacta prælatæ sententiæ subjaceat.

## V.

Diversa secularis vitæ negotia fugientes, monastica institutionis normam aggredientes, extra claustrum sine licentia proprii Abbatis ire non licet; sed tantummodo jejunio & orationis vacare, in locis, quibus renuntiaverunt sæculo, permanentes, sicut in Concilio Chalcedonensi præcipitur.

## VI.

Oportet etiam Episcopum, in cuius Diocesi cenobium situm est, monachorum providentiam gerere: & si

Eodem anno, mediante Augusto mensē, Conventus Francorum, Saxonum, Bavarorum, Alemannorum, & Longobardorum publicus apud Augustanam urbem Rhetici Provinciae agitur: ubi præscriptus Berengarius cum filio suo Adelberto Regiæ se per omnia in vassallitium dedit dominationi, & Italiam iterum eum gratia & dono Regis accepit regendam. Marca tantum Veronenfis & Aquilejensis excipitur, quæ Henrico fratri Regis Ottonis I. committitur.

*Continuator Chronicorum Reginonis hæc politica acta hujus Conventus Augustani adnotavit: nos Ecclesiastica supra retulimus.*

aliquid correctione dignum reperit, corrigere festinet.

## VII.

Clericis monachicum habitum sequi cupientibus, & pro remuneratione divina, secularibus spretis, arctiorem vitam adire volentibus, nullatenus introeundi aditus ab Episcopo denegetur; sed potius eum in tali conversatione præstare exhortari conetur, sicut in Concilio Toletano habetur capitulo I.

## VIII.

Sanctimonialis, quæ spontanea voluntate strictiori vitæ proposito se alligare voluerit, nulla re obstante, id quod bona intentione disposuerat peragendum, ab Episcopo impediatur.

## IX.

Ut laici Presbyteros, sine conscientia & consensu proprii Episcopi, ab Ecclesiis, eis canonice commendatis, non ejicere præsumant, nec alios locum eorum subire faciant; quia ut ab Episcopis ordinantur, ita necesse est ab ipsis Ecclesias procurandas accipiant, sicut in Concilio habetur Arelatenfi cap. IV.

## V.

Ut omnis decimatio in potestate Episcopi sit: & si neglecta fuerit, quid inde emendandum sit, coram Episcopo, ejusve Missio corrigatur.

## XI.

Episcopus, Presbyter, Diaconus, Subdiaconus, ut in multis Conciliis firmatum est, quia Divina ministeria contrectant, ab uxoribus abstineant. Cæteri autem Clerici, quando ad maturiorem ætatem pervenerint, licet nolentes, ad continentiam cogantur.

*Hardouinus Tomo VI. Concilior. Part. I.*

*Continuator Reginonis XXXIV. Episcopos cum Marino Legato interfuisse huic Synodo scripsit.*



## ARNSTAD. CONVENTUS

Circa annum Christi CMLIV. Agapeti II. Papæ VIII.  
Ottonis I. Regis XVIII.

**P**rævenit (a) imminentem hanc prefuram Ecclesiæ Pax in Placito Regali, quod in Arnstad habitum fuit, ex integro condita, ex magna jam parte per Imperatoris nostri, fratrumque ejus sapientiam confirmata.

Prævenit (b) hanc pressuram imminentem Ecclesiæ, (c) pax in Palatio

(melius lege: placito) Regali, quod in Arneftad habitum fuit, ex integro condita, & ex magna jam parte per Imperatoris nostri, fratrumque ejus sapientiam confirmata. E revera tribubus & linguis innouit, quia Deus diffentionis non est, sed pacis.

(a) In vita S. Vismari 18. Aprilis apud Bollandianos, scripta a Fulcuino Abbate: cum de Hungarorum incursione Lobbiensæ cœnobium præservatum Sancti intercessione fuisset.

(b) Et in vita Brunonis Archiep. Colonienf. autore Rotgero ejus familiari. Apud Leibnitz rerum Brunf. Script. Tom. I. Hungarorum cædes plenissima Ottone I. Victore accidit X. Augusti 954.

(c) Pax illa inita est XVI. Kal. Januarii inter Ottonem Regem, & filium ejusdem Luitolfum in loco Arneftad, item inter Cunonem, seu Conradum, Ottonis Regis generum nunc Franconiæ, antea Lotharingæ Ducem, instigatorem Luitolfi. Hæc ex Mariano Scotto ad annum 954. Pagi in Critica ad 954.

In eodem loco Arneftade Wilhelmus, Ottonis I. Regis Filius, defuncto Friderico, Moguntiacensi Archi-Episcopo, electus fuit Archiep. Moguntiae, subin IX. Kal. Januarii 954. consecratus: erat nempe dies XXIV. Decembris Dominica.

Continuator etiam Reginonis ad hunc annum Electionem Wilhelmi, filii Regis Ottonis, a Clero & populo concordem in Arneftad in locum Friderici Archi-Episcopi Moguntini nuper defuncti refert. Ex editione Struvii Tomo I. Scriptorum Germaniae.

## SYNODUS FRISINGENSIS.

FRISINGÆ IN PRESBYTERIO CORAM SYNODO, IN DIE SANCTO  
COENA DOMINI.

Anno Christi CMLVI. Joannis XII. Papæ I.  
Ottonis I. Regis XIX.

Concambium Lantperti Episcopi Frisingensis, & Engilscaetri nobilis viri, ad usum Ecclesiæ S. Mariæ, & S. Corbiniani.

**I**N Dei nomine. Placuit, atque convenit &c. &c. Tradidit igitur prædictus nobilis vir, qualem proprietatem habuit in loco, qui dicitur Seistinhula, Curiserum I. & arabilis terræ jugera cxiiv. & de pratis jugera xxv. cum pascuis, exitibus, & redditibus, aquis, aquarumque decursibus, viis, & invisiis, quæstis, & inquirendis, fontibus, in manus prænominati Episcopi, & Advocati sui Ratoldi ad Ecclesiam

Sanctæ Mariæ, sanctique Corbiniani, Confessoris Christi, & Canonicis in alimoniam perpetualiter existendum. Contra vero in recompensatione ejusdem Concambii idem Episcopus una cum manu Advocati sui præscripti, de rebus prætitulata Ecclesiæ, & Canonicorum in loco, Haderihhesdorf nominato, Curiserum I. & arabilis terræ jugera cxviii. & de pratis jugera x. eidem ante dicto nobili viro ævis temporibus in proprietatem.

tatem tradidit habendum, & exinde quicquid libuerit faciendum. Unde & duas commutationes &c. Isti sunt testes, ficut mos est Bajoariorum, per aures tracti: Eparhart Comes, Wolfregil, Huch, Erimperht, Ruodperht, Sigimuo, Papo, Reginloch, Adalfrid, Salahho, Peranger, Kerhoh. Anno

Incarnationis Domini nostri Jesu Christi DCCCCLVI. Actum Frisingam in Presbiterio coram Synodo in die Sancto Cænæ Domini.

*Meichelbeck Histor. Frisingens. Tomo I.  
Part. II. Instrumento MXXXIII.  
pag. 445.*

## CONVENTUS REGIS OTTONIS EPISCOPORUM ET ABBATUM IN QUINTILINGABURG.

Anno Christi CMLIX. Joannis XII. Papæ IV.  
Ottonis I. Regis XXIV.

*ACTA. Monasterium Alanesburg in Alsatia transfertur Lutram, cui  
novus Abbas Baltramnus præficitur, libera electio Abbatis,  
& varia prædia a Rege Ottone conceduntur.*

**I**N nomine S. & individuae Trinitatis. Otto Divina favente Clementia Rex. Notum sit omnibus fidelibus sanctæ Dei Ecclesiæ, nostrisque tam presentibus, quam & futuris: qualiter Legati *Abbatis Baltramni*, ejusque congregationis, qui manebant *Alanesberg*, locum monachorum utilitati valde incommodum, nostram adierunt Clementiam proclamationis causa, & consilii; ut pro Dei amore, animæque nostræ remedio, qualiter ipsum locum alias mutare possent, & consilium eis, & locum, monachis convenientem concederemus. Nos vero legatione de tali congaudentes, pro statu Sanctæ Dei Ecclesiæ, & memores retributionis æternæ, accepto consilio ab *Episcopis, & Abbatibus*, & omnibus nostris fidelibus, qui in Pascha Domini nostri nobiscum *Quintilingaburg* manebant, locum, quem accepimus a filiis Hugonis, & Heberhardo, & Hugone, Luterhaa vocatum, monachis aptissimum, eis concessimus, *Baltranno* videlicet, & ejus subditis, modo sub Regimine, & regula Sancti Benedicti degentibus, & omnibus per sæcula, qui pro Dei amore prospera hujus mundi cum mundo abrenuntiant, & inibi regulæ sequentes præcepta, Deo juncti, sæculo incogniti, sub Abbatis eligunt habitare militia. Aliud quoque

*Tomus II. Concil. German.*

donum Regalitatæ nostræ eidem loco contulimus, prædium scilicet, quod a Bolone in loco, qui dicitur *Walverbeim, & Nirodesbeim*, concambiavimus, cum omnibus appendiciis suis. Volamus etiam, sicuti & per plurima loca auctoritas firmat, ut omnia ex priori loco, ubi habitaverunt, tam in prædiis, quam in aliis rebus, Luthra translato, in honore B. Petri Apostolorum Principis & Ecclesiæ fiat constructa, & maneat congregatio eo modo, ut sub mundibundio deinceps maneat Regum Francorum, & jus proprietatis permaneat Romæ B. Petro Principi Apostolorum. Insuper annuatim ex ipso jam dicto loco Luthra Romæ censualiter persolvantur x. Sicli argenti...

Ad Abbatem inter se eligendum sine ullius contradictione liberam obtineant potestatem. Et nullus Archiepiscopus, vel Episcopus, eorum Dominetur, præter Romanum Apostolicum, & Mundibundio Regum Francorum. Ut hæc tamen verius credantur, hoc præsens præceptum manus nostræ signo, & annuli nostri impressione roborari iussimus. Signum Domini Ottonis invictissimi regis.

Lintulus Cancellarius, ad vicem Bremenensis Archicapellani, recognovit. Data viii. Id. Aprilis anno dominicæ Incarnationis.

K k k k



nationis DCCCCLIX. Indiſt. II. anno vero Actum Quintilingaburg in Dei nomine Regni Ottonis Sereniffimi Regis XXIV. feliciter.

Ex Chartario Lutrenſi deſcripſit Mabillon ad calcem vitæ Baltramni Abbatis. *Sæculo V. Benedictino.*

Ex quo P. Calles *Annalium Eccleſiaſticorum Germaniæ Parte IV. Lib. VI. Num. XLV.* Difficultates quaſdam circa hoc diploma naras ex actis S. Deicoli, concilians cum vita Baltramni Abbatis.

## CONCILIUM INGELLENHEIMENSE,

XL. EPISCOPORUM.

Anno Chriſti CMLVIII. Joannis XII. Papæ III.  
Ottonis I. Regis XXII.

*Ad ſubſtituendum in Saltzburgenſi Archi-Epiſcopatu Fridericum pro  
Heroldo luminibus orbato.*

**H**eroldus, Saltzburgenſis Archi-Epiſcopus, ejus conjurationis, quam Liudolfus, Ottonis tunc Regis, mox Imperatoris, filius molitus fuit, conſortem ſe præbuerat; cujus delicti poenam Henricus Dux, Ottonis frater, exacturus captum illum luminibus orbavit. Ea de cauſa cum minus aptus muneribus Epiſcopatus Heroldus factus eſſet, Epiſcopi in octavis Paſchæ anni 958. in

Synodum in Ingeltenham convocati, Fridericum, aſſentiente Heroldo, ſubſtituerunt. En verba *Annaliſtæ Saxonis Eckarti*, quæ pariter & apud *Continuatorem Reginonis* recurrunt: In octavis Paſchæ conſenſu Heroldi Archi-Epiſcopi cæcati, apud Ingeltenham in præſentia Regis habita XL. Epiſcoporum Synodo, Fridericus Saltzburgenſis Eccleſiæ Epiſcopus ordinatur.

Heroldus e Comitibus Schirenfibus adivit Archi-Epiſcopatum decimus Salisburgenſem anno CMXX, exactoratur anno CMLIV. Excacatur ab Henrico Saxone, Duce Bajoariæ, fratre Ottonis I. Regis: Archi-Epiſcopatu cedit CMLIX.: moritur CMLXVII. *Hanſiz. Germaniæ Sacræ Tom. II.*

Fridericus I. e Comitibus de Chiemgau ſubſtituitur Heroldo Archi-Epiſcopus XI. anno CMLIV, conſecratur CMLVIII, quo anno & Pallium accepit, moritur CMXCI. *Hanſitz. in Hiſtoria Salisburgenſi Tomo II. Germaniæ Sacræ* accuratius, quam Beyerlinck in *Theatro vitæ humanæ*, verbo: *Epiſcopus.*

## CONVENTUS EPISCOPORUM RATISBONÆ.

Anno Chriſti CMLXI. Joannis XII. Papæ V.  
Ottonis I. Regis XXV.

*Translatio Reliquiarum Sancti Mauriti, & quorundam  
Sociorum ejus.*

**R**egnante piiffimo Rege Ottone, ſcilicet S. Rom. Eccleſiæ Archidiacono, anno ejus Regni XXV. præſentibus Legatis Domini Apoſtolici, & univerſalis Papæ Joannis XII., Johanne & Azone Protoſcriniario: Archi-Epiſcopis vero Walthero Mediolanenſi, Wilhelmoguntienſi, Friderico Saltzburgenſi.

burgenſi : Epiſcopis quoque Othelrico Auguſtenſi , Poppone Wirceburgenſi , Michaele Ratiſponenſi , Hartberto Curienſi , Adalberto Laureacenſi , Abrahamo Friſingenſi , Lanwardo Mindunenſi , Petro Novarienſi , Ricberto Sabinenſi , Landelao Baſilienſi , in Vigilia Nativitatis Domini , Corpus S. Mauriti , & quorundam Sociorum ejus deferitur : quod maximo , ut decuit , honore Parthenopolim ( Magdeburgum ) tranſmiſſum ,

unanimi indigenarum & comprovincialium conventu ibidem ſuſceptum eſt , & ad ſalutem Patriæ haſtenus veneratum eſt. Inſuper plurimorum Reliquæ Sanctorum , Apoſtolorum , ſcilicet , Martyrum , Confeſſorum , atque Sanctorum Virginum , eodem die Glorioſiſſimo Regi Ratiſponæ allatæ ſunt.

*Ditmar. L. 2.*

*Annal. Saxo ad ann. 961.*

## BULLA JOANNIS XII.

Anno Chriſti CMLXII. Joannis XII. Papæ VII.

Ottonis I. Regis XXVI. imperii I.

*Pro erectione Archi-Epiſcopatus Magdeburgenſis , & Merſeburgenſis Epiſcopatus.*

JOHANNES EPISCOPUS , SERVUS SERVORUM DEI , REVERENTISSIMIS CONFRATRIBUS ARCHI-EPISCOPIS , EPISCOPIS , ABBATIBUS , MONACHIS , PRIMATIBUS , OMNI CLERO ET POPULO IN GALLIA , GERMANIA , BAUVARIA CONSTITUTIS.

Quociens ad profeſtum novæ Chriſtianitatis conceſſionis , firmitatisque privilegium a ſancta Romana Eccleſia , cui , Deo autore , deſervimus , expoſcitur , tociens omni diligentia omnique amore impertiri operæ precium duximus , ne , quod erga pia deſideria propenſius impendi convenit , callidi hoſtis invidia ob deſidiam indeficienter ſubripiat. Totis ergo viribus , cariſſimi fratres , certandum eſt , ut Chriſtianitatem , quam Deus omnipotens per ſervos ſuos cæleſti tropheo quotidie extendit , & provehit , noſtro quoque per eum adjutorio in eodem ſolidetur & maneat. Nunc vero , Dei operante Clementia , cariſſimus & Chriſtianiſſimus filius noſter Rex Otto , devictis barbaris gentibus , Avaribus ſcilicet , aliisque quamplurimis , ut ad deſenſionem Sanctæ Dei Eccleſiæ , triumphalem victoriæ , imperii culmen , per nos a beato Petro Apoſtolorum Principe ſuſciperet coronam ; ſummam , & univerſalem , cui Deo præſidemus autore , adiit ſedem : quem paterno affectu ſuſcipientes ob de-

ſenſionem S. Dei Eccleſiæ in Imperatorem cum beati Petri benediſtione unxi-  
mus ; cumque in Eccleſia beati Petri Apoſtoli de ſtatu & regimine totius Chriſtianitatis tractantes , quæ utilia ſunt , utiliter ſecundum Deum tractarentur ; præſatus piſſimus Imperator Otto , qualiter Sclavos , quos ipſe divicit , in Catholica fide noviter fundaverat ; noſtræ innotuit paternitati , deprecans & obnixè poſtulans , ne oves , quas ipſe in Chriſto acquiſierat , ob paſtoris defeſtioneſ antiqui ſerpentis verſutia damnarentur. Ad hanc itaque petitionem aſſenſum , fratres cariſſimi , merito præbuimus. Totis ergo medullis cordis , prout dignum eſt , ut novella hæc plantatio ſuper verticem montis in petra , quæ Chriſtus eſt , fundetur , intendamus. Dabit vires , qui neminem vult perire , cujus annuente clementia volumus , & per hanc privilegii paginam jubemus , ut Magdeburgenſe Monaſterium , in regno Saxonum juxta Albim conſtructum , quod prælibatus Sanctiſſimus Imperator ob novam Chri-

*Tomus II. Concil. German.*

K k k k 2



Christianitatem construxit, quia vicinior id locorum gentibus est, in Archiepiscopalem transferatur sedem, quæ per subditos suffraganeos totum Dei gregem regere, & gubernare valeat. Volumus & per hanc privilegii paginam jubemus, ut Mersburgensē Monasterium, quod ipse piissimus Imperator, quia Ungaros prostravit, futurum Deo devovit, in episcopalem debeat (a) sedem, quæ Magedaburgensi sit subdita sedi; & quia tot gentes sub uno pastore regi minime possunt, volumus, & per nostræ auctoritatis privilegium censemus, ut censum & decimationem omnium gentium, quas idem piissimus Imperator baptizavit, vel per eum, suumque filium æquivocum regem, successoresque eorum baptizandæ sunt, ipsi successoresque eorum, Deo annuente, potestatem habeant, distribuendi, subdendi Magedaburgensi, Mersburgensi vel cuique velint, futuræ sedi. Volumus etiam, carissimi confratres, & ex B. Petri Apostoli iussione præcipimus, ut Mogontiensis, Trevirensis, Colonienfis, Saltzburgerfis, Hammaburgensis, Archiepiscopales, Magedaburgensis Monasterii in Archiepiscopalem, & Mersburgensis translationem in episcopalem sedem, totis cordis corporisque viribus consentanei fautores perstant. Cum vero Deus omnipotens per prætaxatum servum suum invictissimum Imperatorem, suumque filium Regem, successoresque eorum vicinam Slavorum gentem ad cultum Christianæ fidei perduxerint, per eos in convenientibus locis secundum opportunitatem episcopatus constitui, & in eisdem per consensum prædictorum quinque Archiepiscopulorum, successorumque eorum ab Archiepiscopo Magedaburgensi episcopos consecrari volumus suffraganeos; sed tamen si præfati filii nostri piissimi Imperatoris, suiique filii æquivoci regis successores eorum statuta frangere tentaverint, aut prædictarum Ecclesiarum, cæterique Præfules,

successoresque eorum Magedaburgensi Archiepiscopo, suisque successoribus, eorumque suffraganeis, & eorum successoribus adjutores, consentanei non fuerint, anathematis mucrone feriuntur, a summoque retributore damnationem sine fine recipiant. Omnipotens itaque Deus Serenissimo Imperatori Ottoni, suoque nato æquivoco regi, Spiritualibus filiis nostris, longævam tribuat vitam, quatenus in hoc sæculo tranquille videntes, in futuro immarcescibili gloriæ percipiant palmam. Scriptum per manum Leonis Scriniarii S. Sedis Apostolicæ in mense Febr. Indiæ. v. Data ii. idus Febr. per manum Georgii secundicerii S. Sedis Apostolicæ: anno Deo propitio Pontificatus d. d. Joannis summi Pontificis & universalis Papæ VII. Imperii d. d. Piissimi Augusti Ottonis a Deo coronati magni Imperatoris anno primo (\*) in mense & indiæ. v. factum.

## C A N O N E S.

## I.

**Q**uod antiquæ Ecclesiæ a novis nec decimis, nec ulla possessione sunt spoliandæ.

II. Quod dotes Ecclesiæ non auferantur.

III. Quod Ecclesiastica statuta, & privilegia ab apostolis, & reliquis Magistris Ecclesiæ tradita, integra serventur, & prævaricatores eorum excommunicentur.

IV. Quod consuetudines Ecclesiasticæ pro lege sunt tenendæ.

V. Quod tricennalis possessio firma sit.

VI. Sicut Dœcesim tricennalis (b) possessio tollit; ita territorii conventum non admittit: ideoque basilicæ, quæ novæ conditæ fuerint, ad eum proculdubio Episcopum pertinebunt, cujus conventus esse constiterit.

*Leuckfeld. in antiquitat. Halberstadiensium  
Diplomat. Num. 26.*

(a) forte: erigatur.

(c) Hoc anno, mense Februario, a Joanne XII, non anno 961. a Leone, ut Albertus Stradensis errat, Ottonem coronatum fuisse, statuunt Dirmarus L. IX. Sigebertus. Conrad. Urspergensis, Sigonius L. VI. Rubeus L. V. Luitprandus L. VI. Baronius ad hunc annum. Ex his Samuel Lentzen in historia Archiep. Magedaburgensis. V. Leuckfeld. in antiquitatibus Halberstadiensibus.

(b) Martene legit: triennalis. Idem Canones addidit, a Leuckfeldio omisso.

## CONCILIUM COLONIÆ.

Anno Christi CMLXIV. Benedicti V. Papæ I.

Ottonis I. Regni XXIX. imp. III.

**A**D annum CMLXIV. Bruno Dux, & Archi-Episcopus Colonienfis, vir Ecclesiasticæ disciplinæ studiosissimus, Synodum Coloniam Provinciale celeberrans, omnes Episcopos & Abbates de

toto Archiepiscopio suo convocavit, & multa in eodem Concilio ad utilitatem communem constituit.

*Tritemius Annal. Hirsaugiens. novæ editionis.*

Synodicam suam Epistolam per Hadamarum, venerabilem Monasterii Fuldenfis Abbatem, Romam ad Agapitum miræ Sanctitatis Papam direxit, in qua, cujus spiritus esset, & quia Pastor a Domino missus esset, innotuit. *Ruotgerus in vita Brunonis apud Leibnitz. Tomo I. Scriptor. Brunsvicens. pag. 281.*

Sed Agapitus II. PP. sedit ab A.C. 946. ad 956. igitur in alia Synodo, quam ea, ab Tritemio insinuata, oportet hanc Synodicam Epistolam scriptam fuisse, adeoque tres Synodi Colonienfes hinc innotescunt sub Brunone I. Archiep. celebratae.

## CONVENTUS EPISCOPORUM

APUD COLONIAM.

Anno Christi CMLXV. Benedicti V. Papæ I.

Ottonis I. regni xxx.

*In quo præsentè Ottone Imperatore, Ottone Rege, ejus filio, ac Lothario Francorum Rege, Fundatio Collegiatae S. Martini Leodiensis Ecclesiæ confirmatur.*

IN NOMINE DOMINI JESU CHRISTI SALVATORIS, ET INDIVIDUÆ TRINITATIS, EVERACCUS, SERVORUM CHRISTI SERVUS, UNIVERSIS ECCLESIAE CATHOLICÆ, ET APOSTOLICÆ FILIIS.

**Q**Uam sit arduum & antiquum proclive, se ipsum regere, virtutibus indulgere, vitiis temperare, cum prudens quisque sui, suorumque curam gerens considerat, nescio, an quicquam sublimius hanc vitam degens agere queat, si tamen ab animi sui deliberatione exeat homo ad opus suum, & operationem suam extendat usque ad vespèram. Inde mihi (a) aliud folicite meditati postquam voluntate Domini mei dictum est: *Vade in domum tuam ad tuos, & annuntia, quanta tibi fecerit Dominus.* Inde inquam, angustia mihi facta sunt undique, & quicquid deligerem, ignoravi.

K k k k 3

Subdita est mihi cogitatio frequenti impulsu summi & incomparabilis viri, Domini Brunonis Archi-Episcopi, ut si quos possem, ad Apostolicam colligerem disciplinam, ubi multitudinis credentium erat cor unum, & anima una. Hoc est enim, nisi fallor, quod bonum & jucundum monstrat Psalmista, habitare fratres in unum, monacho quidem omni, sed non soli aptum. Et ut antiquus nostræ sedis locus ipse quoque in perpetuum honorabilis habeatur, nec ob nostri rudimenta laboris detrimentum aliquod patiatur, delegi locum satis amœnum in edita montis specula, cui publicum nomen

men

(a) fors: illud.



men est, quo & sedem nostram, & eam, quæ domus Episcopi dicitur, auctoritate Brunonis Archi-Episcopi, cui omnia debeo, iussu etiam magni Imperatoris, & Cæsaris Augusti Ottonis, Cleri quoque nostri & plebis, quisque vir melior esset, assensu, transferrem: ubi in Ecclesia, cujus ego fundamenta jeci in honore beatissimæ Dei Genetricis & Virginis Mariæ, Sanctique Lamberti Pontificis, & Martyris, de prædiis, quæ vel precariis, vel ingenio quolibet contraxi, quæve de antiquioribus Ecclesiæ rebus rationabiliter his addere potui, secundum statuta canonum, & decreta, vel consilio Confratrum meorum, quorum id intererat, cum præceptis Regiis oves Dominicas, quæ summi Pastoris vocem audiant, pro capto meo facere destinavi. Quorum vitam constituimus, ut (b) unum cibum capiant, propter dormiant, prælati obediant, nihil citra præfixam sibi legem faciant, ad summam: domitores existant suæ voluntatis, ut pax illis sit in terra hominibus bonæ voluntatis. Quod ut notum esse possit, non his tantum, qui modo sunt, sed etiam posteris nostris hoc monumentum confirmationis conscribi fecimus, quod & Imperatoria dignitate, & Principum assensu, bonorumque omnium notitia, & pro favore roborari volumus: in quo & prædia, quæ in supra memorato loco ad servientibus Deo victum, & vestitum ministrare sufficiant, & testes, quibus hæc probentur, adscribi sanximus. Ecclesiam in Berlheim, Bursenheim, Oresenheim, Witeresfuka: Ecclesiam in villa Beincho-vum, Flaredesheim cum Ecclesia, villam

(b) forte: una.

Benoite cum Ecclesia Woltenfi, villam Camus cum Ecclesia: in villa Helsei tres mansos, in villa Althuose I. in villa Hakefi II. in villa Frera V. Utheri Geroldingum, Woromia cum Ecclesia, Welez cum Ecclesia, Ruvanséis, Sluzin, in villa Liedes mansum I. Scozes Malgreis Ecclesiam in Olsejo, summa Fummenfumont, Marchinus, Slies, Asseza cum Ecclesia.

Signum Ottonis invictissimi Cæsaris.

Signum Ottonis invictissimi Regis.

Signum Lotharii Regis.

Signum Brunonis Colonienfis Archi-Episcopi.

Signum ThiedERICI Trevirensis Archi-Episcopi.

Vodalrici Remensis Archi-Episcopi.

Everacri Leodiensis.

Baldrici Traiectensis.

Hideboldi Mimigadefurensis.

Lantewardi Mindensis.

Drogonis Osneburgensis.

ThiedERICI Metensis.

Wicfridi Virdunensis.

Gerardi Tullensis.

Ingranni Cameracensis.

Ingranni Abbatis.

Alberti Abbatis.

Ego Bruno, Gratia Dei Archi-Episcopus & Primiscrinus recognovi. Data IV. Nonas Junii, anno Dominicæ Incarnationis DCCCCLXV. Indiæ VIII. Anno Imperatoris Augusti XXX. Item anno Ottonis Regni VI. Actum Coloniæ Palatio feliciter.

*Martene veterum Monumentorum collect. amplissima. Tomo VII. col. 54.*

*Ex quo Mansi Tomo I. Supplementorum pag. 1143.*

## CONVENTUS EPISCOPORUM

IN QUEDLINBURG.

Anno Christi CMLXVI. Joannis XIII. Papæ I.  
Ottonis I. regis XXX.

**A**Ntequam Rex iret in Italiam, Machtild unica filia ejus, decus Sanctimonialium, communi consensu Cleri & populi, Religiosissimæ Congregationis S. Servatii (in Quedlinburg) in Abbatissam electa est, ac præsentibus Ottone Imperatore, & matre Imperatrice Athelheide, aviaque sua Machtild

Regina, nec non Rege Ottone fratre suo, cunctisque Optimatibus Regionis illius utriusque sexus, non uno, uti moris est, benedicente Episcopo, sed cunctis Regni Archi-Episcopis, & Episcopis in hoc opus collectis, benedicta est.

*Anonym. in vita S. Mathild. Reg. C. 6. n. 31.*

SYNO.

## SYNODUS VIRDUNENSIS.

SUB WICFREDO EPISCOPO.

Anno Christi CMLXVII. Joannis XIII. Papæ II.  
Ottonis I. regis XXXI. imp. VI.

**N**Overit omnium Sanctæ Dei Genitricis MARIE, Virdunensis Ecclesiæ nobilem Clericorum, & Laicorum tam præsentium, quam futurorum, industria, quod ego Wigfridus, præfata Ecclesiæ, quamvis indignus Episcopus, anno nostræ ordinationis VIII. in sancta residens Synodo: Relatum est ad aures nostras, Capellam in nostro Episcopio juxta Ecclesiam Sancti michaelis in honore sancti martini sitam, causa necessitatis noviter factam esse; de qua cunctis temporibus ad sancti Syrii Ecclesiam subiecta fuit decima: sed tamen ille, cui beneficium erat, Bertaldus, fidelis noster, inquit: faciam eam stare per se. Tunc vero Abbas, nomine Oddo, cui prædictæ Ecclesiæ providentia erat commissa, venit Virdunum ad Generalem Synodum, & talia nobis retulit. Facta autem inquisitione in ipsa sancta Synodo, reperimus eam constructam esse temporibus Halevinci, prælibatæ Ecclesiæ abbatis, & Harcheri, cui beneficium tunc temporis erat. Nos denique plura exempla a sanctis Patribus sequentes, hanc nefariam consuetudinem, communi nostrorum Clericorum & Laicorum consensu irritam duximus, & ne in postmodum fieret, auctoritate nostri ministerii omnimodis prohibuimus. Judicio, denique nostrorum fidelium, & consensu in plena Synodo septem fideles Presbyteri secundum legem probaverunt, potius subiectam esse ad præfata Ecclesiam, quam ad aliud beneficium prænotatum, quorum hæc sunt nomina: ERMENARDUS, Item ERMENARDUS, WINIERUS, SAVILIS, Wi-

GINEUS, GONBERTUS. Post illud videlicet Sacramentum, bannum nostrum, ne aliquis deinceps mutire aliquod præsumeret, indiximus, & omnes circumsedentes pari voto assensum præbere iussimus. Et ut hoc remissionis scriptum per succedentia tempora permaneret stabile, & inconvulsam; manu propria illud firmavimus, manibusque nostrorum fidelium, Clericorum scilicet, & Laicorum roborandum esse decrevimus stipulatione subnixâ. Actum sub die V. Kal. martii anno VI. Regnante Ottone Rege Filio Domini Ottonis Imperatoris augusti.

Signum Goldefridi Comititis & Vicedomini.

Sig. Givardi. Sig. Gotberti, & Milonis geminorum. Sig. Ramberti. Sig. Erlebodi. Sig. Bertoldi. Sig. Rotberti. Sig. Folchardi. Sig. Eremboldi. Sig. Richarii. Sig. Sertonis. Sig. Rotmari. Riculfi.

Sig. Oddonis abbatis.  
Sig. Adelardi abbatis.  
Sig. Halevinci Præpositi.  
Sig. David Decani,  
Sig. Dudonis Presbyteri.  
Sig. Milonis abbatis.  
Sig. Berneri Primicerii.  
Sig. Hadeboldi Archidiaconi.  
Sig. Richeri Archidiaconi.  
Sig. Ermunberti Presbyteri.

*Ex Lib. IV. Miscellaneorum Baluzii.*

*Mabillon. Tomo III. Annal. Benedict. pag. 558.*

Wigfridus in Cathedra Verdunensi successit Berengerio Episcopo anno 959. pridie Idus Augusti, & sedit ad annum 983. quo obiit.

*Calmet Tomo I. Historia Lotharingæ pag. XLV. Dissertationis præviæ.*

Otto II. Filius Ottonis I. Augusti, coronatur Aquisgrani Rex Germaniæ anno 961. 26. Maji, ergo annus VI. Ottonis II. concurrit Anno Christi 967.

CONCL.



# CONCILIIUM RAVENNATENSE I.

IN CAUSA SALTZBURGENSIS ARCHIEPISCOPI  
HEROLDI.

Anno Christi CMLXVII. Joannis XIII. Papæ III.  
Ottonis imp. VI. regni XXXI.

*Ex quo hæc Synodica Epistola de Heroldo Archi-Episcopo  
excommunicato.*

**J**oannes Sanctæ Romanæ, & Apostolicæ Ecclesiæ Præsul, omnibus Archiepiscopis & Episcopis, nostris dilectis in Christo Fratribus, apud sanctam Synodum Ravennæ, nobiscum aggregatis, æterna beatitudinis gaudia.

Sanctitati & dilectioni vestræ, notum esse volumus: quod *Heroldus*, dum Salzpurgensis Ecclesiæ Archiepiscopus, contra Canonicam & Apostolicam auctoritatem, nefaria præsumptione post suorum oculorum amissionem videatur sacrum celebrare mysterium, & quod ridiculum est, pallium gestare sollempniter. Hoc namque non ad modicam hereseos vesaniam attinet, & nobis, omniumque fratrum orthodoxorum prudentiæ debet videri execrabile: præsertim cum ipse pro sua culpa, & perfidia temeritate exoculatus sit; eo quod Ecclesias Dei exspoliaverit, thesaurum paganis erogaverit, seseque eis junxerit in Christianorum necem & depredationem, contra Dominum & piissimum Imperatorem, suum seniores, rebellis & infidelis extiterit: & proinde a decessoribus nostris, sanctæ memoriæ Pontificibus omne sacerdotale officium sæpe sit ei interdictum: atque electione & postulatione omnium pene nobilium Bajoariorum, scilicet Clericorum, & laicorum, sancta Romana mater Ecclesia suæ auctoritatis privilegio, Fridericum, virum venerabilem, & cunctis laudabilem, loco ejusdem Heroldi, fieri, esseque Archi-episcopum omnimodo decreverit. Quapropter itaque nostrorum decessorum auctoritatem sequentes, vestræque omnium Fraternalitatis assensione

roborati, ipsius Heroldi hæreticam & temerariam pravitatem ammodo ac deinceps dampnamus, & penitus confutamus ex vice beati Petri, Principis Apostolorum, nec non omnes sequentes cœcitate corporis, & mentis ejus, in tali præsumptione, eique communicantes excommunicamus, immo & anathematizamus usque ad plenissimam emendationem. Insuper jam dicto Friderico, per auctoritatem Sedis Apostolicæ, dignissimo Archi-episcopo, honorem & dignitatem Salzpurgensis Archi-episcopatus confirmamus & corroboramus, & universos humilitati ejus allubescentes benedicimus, & Catholicos approbamus; unde rogantes hortamur Sanctitatem Fraternalitatis vestræ, ut in hoc nobiscum pariter assentiat, & nunc nostræ Apostolicæ Sanctiõni vestram confirmationem præbeatis.

Johannes, sanctæ Catholicæ, & Apostolicæ Romanæ Ecclesiæ Episcopus; huic Sanctiõni editæ a me in Synodo apud Ravennam, subscripsi.

Signum Domni Ottonis Serenissimi Imperatoris.

Rodaldus, Patriarcha Aquilegenfis Ecclesiæ, interfui & subscripsi.

Petrus, sanctæ Ravennatensis Ecclesiæ subscripsi.

Vuido, sanctæ silvæ candidæ Episcopus, & Bibliothecarius S. Sedis, subscripsi.

Benedictus, sanctæ Portuenfis Ecclesiæ Episcopus.

Waper-

*Heroldus Archiep. Salisburgensis anno 954. ob rebellionem excæcatus fuerat, & nihilominus contra Canonicam & Apostolicam auctoritatem sacrum mysterium celebrare, & Pallium gestare sollempniter præsumebat: quare a Papa excommunicatus fuit, & ut talis denuntiatur hac Synodica Epistola.*

Wapertus, sanctæ Mediolanensis  
Ecclesiæ Archiepiscopus, sub-  
scripsi.

Gauzelinus, Patavienſis Episcopus,  
subscripsi.

Otkerus, sanctæ Spirenſis Ecclesiæ  
Episcopus.

Lanwardus, sanctæ Mindenſis Ec-  
clesiæ episcopus.

Arnaldus, Tridentinæ ecclesiæ epi-  
scopus.

Martinus, sanctæ Sutrienſis ecclesiæ  
episcopus.

Joannes, sanctæ Ariminensis eccle-  
siæ episcopus.

Erfemarius, sanctæ Anconitanæ ec-  
clesiæ episcopus.

Gregorius, Comoclenſis episcopus.

Gerardus, Faventinæ ecclesiæ epi-  
scopus.

Zenobius, Fesulanæ ecclesiæ episc.

Ratherius, Veronenſis episc.

Udalricus, Pergamenſis episc.

Petrus, sanctæ Camerinæ ecclesiæ  
episcopus.

Rudolfus, Vicentinæ ecclesiæ episc.

Luitzo, Cremonenſis episc.

Richardus, Fanenſis ecclesiæ episc.

Lupus, Spoletanæ ecclesiæ episc.

Actum Ravennæ, VII. Kal. Maji, per  
manum Stephani, Scriptorii sanctæ  
Romanæ Ecclesiæ, in menſe Aprili,  
& Indiſt. X. in præſentia omnium  
sanctorum episcoporum.

Baronius & Synodographi tantum de unica hac Synodo Ravennatenſi loquuntur, quasi in hac institutio Magdeburgenſis Metropoleos, de qua ſequente in Epistola agitur, inchoata, & perfecta fuiſſet. Sed Pagius ad annum 967. recte monet, duas Synodos distinguendas: alteram hoc anno 967, alteram ſequenti 968, qua perfecta fuit institutio novæ Metropoleos inter Slavos, accedente conſenſu Archiepiscopi Moguntini Hattonis, & Hildewardi Halberſtadenſis Episcopi, de cujus ditione decerpæ ſunt civitates & oppida pro Archi-Dieceſi nova Magdeburgenſi, & Diceceſi nova Merſeburgenſi.

## EPISTOLA SYNODICA JOANNIS XIII. PAPÆ.

*Magdeburgenſis Archi-Episcopatus, & Suffraganeorum cæpta in-  
ſtitutio ad mentem Ottonis I. Imp.*

JOANNES EPISCOPUS, SERVUS SERVORUM DEI, EPISCOPIS URBIS  
ROMÆ, ARCHI-EPISCOPIS, EPISCOPIS, ET CUNCTIS TIMENTIBUS DEUM,  
OMNIQUE CÆTUI CHRISTIANORUM:

**N**otum eſſe volumus, qualiter in-  
ſpirante Sancto Spiritu, meritis-  
que apostolorum Principis Petri, &  
vafis electionis Sanctiſſimi Pauli, ac mil-  
limum Martyrum Christi, Roma, caput  
totius mundi, & Ecclesiæ univerſalis,  
ab iniquis pene peſſundata, a Domino  
Ottone auguſto Imperatore, a Deo co-  
ronato Cæſare, & magno, & ter bene-  
dicto, anno apostolatus noſtri ſecundo,  
ipſiusque prænominati noſtri Spiritualis  
Filii Sanctiſſimi Imperii ſexto, erecta  
eſt, & in priſtinum honorem omni  
reverentia radacta. Ipſo namque anno  
una nobiſcum, favente & conſentien-  
te invictiſſimo prædicto Imperatore,  
acta eſt magna Synodus Ravennæ XII.  
Kal. Maji, convenientibus Archiepisco-  
pis, & episcopis circumquaque ex om-  
ni Italia, reſidentibus nobis in Ecclesia  
B. Severi Confeſſoris Christi, & ibi ſta-

tutis omnibus rebus Eccleſiaſticis, ſe-  
cundum ſtatuta canonum, & decreta  
anteceſſorum noſtrorum, idem Sanctiſſi-  
mus Imperator ardentiffimo cæpit amo-  
re perquirere, quomodo noſtra apoſto-  
lica auctoritate a primordio nomen  
Christianitatis in Aquilonaribus partibus  
dilataretur. Nos vero ejus animum in  
Dei ſervitio ita mirifice deſertum mi-  
rantes, connivere ei dignum duximus,  
ſtatuentes, præſente, & conſentiente  
Sancta Synodo, & ipſo Imperatore, ut  
Magdeburg ſita juxta Albiam fluvium,  
ubi ipſe a Deo Benedictus Imperator  
corpus S. Mauritii cum multis martyri-  
bus collocaverat, & miræ magnitudi-  
nis Eccleſiam conſtruxerat, deinceps  
metropolis ſit, & nominetur autoritate  
B. Petri apostolorum Principis, & ea,  
qua prædeceſſores noſtri Conſtantinopo-  
lim ſtatuerunt. Ideo, quia filius noſter,

*Tomus II. Concil. German.*

L 111

ſæpe



sæpe jam nominatus Otto, omnium Augustorum augustissimus, tertius post Constantinum; maxime Romanam Ecclesiam exaltavit; concessimus, ut non posterior sit cæteris urbibus Metropolitans, sed cum primis prima, & cum antiquis antiqua inconvulsa permaneat. Suffraganeos vero eidem Metropoli unanimiter præordinavimus; *Brandenburgensem* episcopum & *Havelbergensem*: iis cunctis, quibuscunque Imperator voluit, in urbe *Magdeburg* Archiepiscopus consecratur. Postea vero Archiepiscopus, & successores ejus habeant potestatem, per congrua loca, ubi per illorum prædicationem Christianitas creverit, episcopos ordinare, nominatim nunc & præsentialiter *Mersburg*, *Cici*, & *Misni*, a præfenti decima Indictione perpetualiter confirmamus permanendum. Statuentes apostolica censura sub Divini Judicii obtestatione, & anathematis interdictionibus, nulli licere nostrorum successorum atque Pontificum, vel alii cuilibet personæ, hæc, quæ a nobis pia intentione statuta sunt in quoscunque convellere, sed potius firma stabilitate

inconvulsa manere definimus. Si quis autem, quod non credimus, temerario ausu contra hoc nostrum apostolicum agere præsumpserit decretum, sciat se anathematis vinculis innodatum, & a regno Dei alienum, & cum impiis æterno supplicio deputatum. At vero, qui pio amore observator hujus nostri Privilegii extiterit, Benedictionem a misericordissimo Domino Deo nostro consequi mereatur, & vitæ æternæ particeps, atque cum sanctis omnibus sine fine lateat. Scriptum per manum Stephani notarii, Regionarii, & Scribarii Sanctæ Romanæ ecclesiæ in *mensē Aprili, & Indict. X.* JOANNES sanctæ Catholicæ & Apostolicæ Romanæ Ecclesiæ præsul, huic decreto a nobis facto pro confirmatione subscripsi. Signum Domini Ottonis piissimi Imperatoris. Ego Rudoldus Patriarcha sanctæ Aquilegiensis ecclesiæ interfui, consensi, & subscripsi.

Ex *Lunigii Spicilegio Ecclesiastico.*

*Mansi Tomo I. Supplementi Conciliorum.*

## SYNODUS ROMANA,

Anno Christi CMLXVIII. Joannis XIII. Papæ III.  
Ottonis I. Imperii VI. Ottonis II. I.

### BULLA JOANNIS XIII.

*Qua Burchardus, Misnensis Episcopus, & Monasterium ejus in civitate Misnia, Apostolicæ Sedi immediate subjiuntur.*

*II. Termini Misnensis Diœcesis describuntur.*

*III. Donata Episcopatu Misnensi ab Augustis, a Papa, & Synodo confirmantur.*

JOANNES EPISCOPUS, SERVUS SERVORUM DEI.

**S**i semper sunt concedenda, quæ piis desideriis congruunt; quanto potius, quæ Divini cultus prærogativa noscuntur, non sunt omnino abroganda; quæ sunt a largitoribus non solum poscenda, sed vi caritatis procul dubio exigenda? Habita igitur *Synodo*, & multorum venerabilium Patrum, Coepiscoporumque nostrorum conventu,

Romæ in Ecclesia Beati Petri Principis Apostolorum, assidentibus Augustissimis Imperat. Ottonibus utrisque: anno scilicet Imperii, majoris sexto, minoris primo, iidem Gloriosissimi Imperat. postularunt a nobis, quatenus Monasterium, quod pro remedio animarum suarum primitus construi, & in honore beati Johannis Evangelistæ consecra-  
ri fe-

ri fecerunt, super ripam fluminis, cui nomen est *Albia*, in civitate *Misina*, sita videlicet in Provincia, quæ dicitur *Talemence*, cui etiam monasterio virum venerabilem, nomine *BURCHARDUM* (a) honorifice præfecerunt, privilegiis Apostolicæ Sedis decoraretur; ut sub jurisdictione Sanctæ Ecclesiæ nostræ, cui Deo autore præsidemus, constitutum, nullius alterius Ecclesiæ (b) ditionibus summittatur. Pro qua re piis desiderii faventes, hac nostra auctoritate id, quod exposcitur, effectui mancipamus: interponentes tamen ea, quæ & ipsi Principes nostri innumeris privilegiis cupiunt exponi, & cunctis in Christo fidelibus manifesta fieri. more antiquorum Impm. hi duo Imperatores pater & filius nobis assidentes misnensi episcopatu terminum impulerunt, nominando fines & determinationes locorum, sicut infra teneretur. Ubi caput & fons est aquæ, quæ dicitur *Odera*; inde quasi recta via usque ad caput *Albiæ*; inde deorsum in occidentalem partem, ubi divisio duarum regionum est *Bebem* & *Nifinen*. Ibidem ultra Albiam, per silvam in occidentalem partem usque ad caput *Milde*, & sic deorsum per ambas plagas ejusdem fluminis, usque ad dum *Milda* intrat in Albiam: nec non ob hoc diximus in occidentali plaga, quia multæ villæ pertinent ad orientales urbes infra eundem terminum: & sic sursum & ultra Provinciam *Nizizi*, ad ipsum terminum sine dubio: nec non in altera parte *Luzici*, & *Selpoli*, & sic usque ad civitatem *Sulpice*, illam videlicet infra eundem terminum, & inde in aquam, quæ dicitur *Odera*, & sic *Odera* sursum, usque ad caput ejus. Omnes vero, quemadmodum hi præsentis Impera-

L III 2

tores statuisse fatentur, qui infra istum terminum habitant, in omni fertilitate terræ, frugum & pecudum: in argento & vestimento, nec non, quod Teutonici dicunt *Ubercota*, & *Telunga*, familiarium insuper tota utilitate, & in omnibus rebus, quibus mortales utuntur, in diversis modis decimationes, quas Deo cuncta gubernanti debent, ad misnensem ecclesiam primo Deo, deinde Sancto Johanni Evangelistæ, universa dubietate procul remota perfolvant, referant, & reddant. Testantur etiam iidem præsentis nobilissimi Imperatores, quasdam res sui juris, ac proprietatis, eidem sanctæ misnensi Ecclesiæ, cui venerabilis Episcopus Burchardus præesse dinoscitur, pro remedio animarum suarum in proprium dedisse: hoc est, tributorum suorum in quinque regionibus partes decimas, in *Talemence*, in *Nisa*, in *Milezasane*, in *Luzice*, in *Diedesa*: ut antea, quam Comes earumdem regionum partem sibi ad ipsam concessam auferat atque distribuat, decimas per totum ac per integrum jam dictæ sanctæ Dei Ecclesiæ perfolvat, id est, in melle, crusina, solutione argenti, mancipiis, vestimentis, porcis, frumento, & in omnibus rebus, quæ ad fiscum prædictorum Imperatorum pertinere videntur, sanctæ misnensi Ecclesiæ, nec non S. Johanni Evangelistæ sui juris theloneum, a civitate, quæ dicitur *Belegora*, usque ad ejusdem misnensis ecclesiæ portum, sursum, indeque denuo per ambas plagas præfati fluminis *Albiæ* deorsum, sicque infra prænitum terminum ubicumque manus negotiatorum ultra Albiam huc illucque se se diverterit, ex integro, & absque ulla contradictione prænominatæ sedi misnensi,

(a) Burchardum fuisse primum Misnensis Ecclesiæ Doctorem, institutum ab Henrico auctore, ait *Crantzius*, *Metropol. L. III. C. XI.* circa annum 935. Deinde ab Ottone I. Henrici Filio, circa annum 938. fundata est nova Ecclesia, & suis limitibus conclusa, ut docet *Diploma apud Lunigium Specilegii Ecclesiastici Parte II. Appendicis pag. 96.* Subinde anno 967. & 968. in Synodo Romana Fundatio hujus Misnensis Ecclesiæ a Papa Joanne XIII. ratificata, approbataque fuit. Ut hoc præfens Diploma ostendit. *V. P. Calles S. J. in serie Episcoporum Misnensium pag. 38.*

(b) Misnensium Ecclesiam non fuisse ab initio exemptam, sed in sui exordio Magdeburgensi Ecclesiæ subjectam Suffraganeam, & primum ejus Episcopum Burchardum anno 969. (qui Ditmaro 970. numeratur) in die Natali Domini a Magdeburgensi Metropolitano suo consecratum fuisse, certa est sententia *P. Callesii in serie Epp. Misnensium pag. 38.* & probatur prolixè in *Dissertatione prævia*, ex veteri Chronico Magdeburgensi MS., Waxone Chronographo Leibnitii, ex *Ditmaro*, *Helmoldo*, *Gobellino*, *Niemio*, & *Biographo S. Godehardi.*



nenſi, perſolvi & tradi perenniter conſtituiſſe. Et ideo in Chriſto ſanximus, firmiterque conceſſimus, ut nullus metropolitanus, nullus Epiſcopus, nulla etiam magna vel parva alterius ordinis, & gradus perſona, præter Sedis Apoſtolicæ antiſtitem, infra terminos miſinenſis Eccleſiæ, cui venerabilis Epiſcopus Burchardus præeſſe diſciſcitur, quemquam ordinare, dijudicare, excommunicare, vel aliquid temere exercere, ullo modo præſumat. Statuentes etiam Apoſtolica cenſura, ſub Divini iudicii obſervatione, & validis atque atrocibus anathematis interdictionibus, ut nullus Imperator poſt hac, aut rex nullus, ſive quiſpiam alius, cujuſcumque ſit dignitatis poteſtate prædictus, & ejuſdem Eccleſiæ cauſis præſumat incumbere, vel minimum quiddam ex his, quæ ad illud Monafterium ſancti Johannis pertinere videntur, cui Burchardus Epiſcopus præſidet, aut ſibi temere vindicare, aut alicui magnæ, parvæque perſonæ, pro beneficio dare, aut quoquoſibet modo inde auferre vel alienare audeat. Promulgamus etiam, & hoc auctoritate beati Petri Apoſtolorum Principis, coram Deo & terribili ejus futuro examini per huius noſtri privilegii atque conſtituti vim interminamus, ne quis mortalium ſibi licere exiſtimet, aliquid ex poſſeſſionibus Miſinenſis Eccleſiæ, tam ex his, quæ ante hac a Glorioſiſſimis Imperatoribus Ottone, & ejus æquivoco filio, vel a cæteris Chriſtianis, eidem ſancto loco oblata atque collata ſunt, quæque poſtmodum ſunt conferenda: ut proſecto juxta id, quod ſubjectum eſt, idem venerabilis locus Apoſtolico hoc privilegio inconcuſſe donatus permaneat. Si quis autem, quod minime opramus, nefaria auctoritate hæc, quæ a nobis ad laudem Dei pro ſtabilitate sæpe dicti monaſterii ſtatuta ſunt, refragare præſumpſerit, noſtrique præcepti trans-

greſſor extiterit, ſciat ſe anathematis vinculo innodatum, & cum diabolo, atque Juda, traditore Domini noſtri Jeſu Chriſti, æterni incendii ſupplicio deputatum. At vero qui pio intuitu huius apoſtolicæ conſtituti obſervator extiterit, benedictionis gratiam a miſericordiſſimo Domino Deo multipliciter conſequatur, & vitæ æternæ particeps effici mereatur. Scriptum per manus Stephani Scriniarii ſanctæ Romanæ Eccleſiæ, in menſe Decembri, indiſtione undecima. Signum Domini Ottonis minoris Imperat. Auguſti. Petrus Ravennenſis Eccleſiæ Archiepiſcopus ſubſcripſi. Rodaldus Patriarcha Aquilejenſis ſubſcripſi. Sigolfus Epiſcopus S. Placentinæ Eccleſiæ conſenſi, & ſubſcripſi. Adalricus Epiſcopus S. Pergamenſis Eccleſiæ conſenſi, & ſubſcripſi. Siggo Pledenſis (c) Eccleſiæ epiſcopus conſenſi, & ſubſcripſi. Benedictus, Epiſcopus S. Fulinenſis (d) Eccleſiæ conſenſi, & Ss. Johannes Epiſcopus S. Normienſis (e) eccleſiæ ſubſcripſit. Johannes Epiſcopus S. Gallienſis eccleſiæ, ſubſcripſit. Johannes Epiſcopus S. Arinenſis (f) eccleſiæ interfuit, & ſubſcripſit. Humbertus Epiſcopus S. Lavienſis (g) eccleſiæ conſenſi, & ſubſcripſi. Gerhardus Epiſcopus Faventinæ eccleſiæ conſenſi, & ſubſcripſi. Aufredus (h) Epiſcopus Verdecenſis eccleſiæ conſenſi, & ſubſcripſi. Zenobius Epiſcopus Feſolanæ eccleſiæ conſenſi, & ſubſcripſi. Gaidolfus Epiſcopus Firminæ (i) eccleſiæ conſenſi, & ſubſcripſi. Ego Petrus Epiſcopus Kamerinæ eccleſiæ ibi fui, & ſubſcripſi. Eberhardus Epiſcopus Aretinæ eccleſiæ conſenſi, & ſubſcripſi. Stephanus Epiſcopus Narnienſis eccleſiæ conſenſi, & ſubſcripſi. Alberinus epiſcopus Auſculanus ſubſcripſi. Antonius Brixienſis (k) eccleſiæ epiſcopus, ſubſcripſi. Diotericus Metenſis eccleſiæ epiſcopus, ſubſcripſi. Lanwardus Mindenſis epiſcopus, ſub-

(c) Blerenſis, legit Manſi.

(d) Fulginenſis.

(e) forte Narnienſis, ſed Narnienſis infra occurrit.

(f) Lege: Ariminenſis.

(g) Lege: Lunenſis.

(h) Lege: Wictridus Virdunenſis.

(i) Firmanæ.

(k) Male apud Labbeum: Brixunenſis, ait Manſi.

[l] Luitpraudus erat hoc anno 968. Cremonenſis Epiſcopus, ſed quia is aberat, Legatus Conſtantinopolim, Luzo eum Epiſcopatum adminiſtrabat, Nota eſt Manſi: Niſi malis Luzonem eſſe nomen contractum & diminutum ex Luitpraudo.

subscripti. Huibertus episcopus, subscripti. Luzo [l] episcopus Cremonensis, subscripti. Johannes episcopus Furdonensis [m] subscripti. Adelbertus episcopus, subscripti. Otger episcopus, subscripti. Sichelinus episcopus Florentinus, subscripti. Albericus episcopus, subscripti. Artingo Ausinianæ ecclesiæ episcopus, subscripti. Insinno Laucanensis [n] ecclesiæ episcopus, subscripti. Ertemarius Ancias episcopus, subscripti. Julianus Episcopus Nucerinus, subscripti. Stephanus Cerviæ ecclesiæ Episcopus, subscripti. Atto Senegaliæ Ecclesiæ Episcopus, subscripti. Lyndo Clusianæ ecclesiæ Episcopus, subscripti. Dat. III. Non. Januarii per manus Widonis Episcopi S. Silvæ candidæ Ecclesiæ, & Bib-

liothecarii sanctæ Sedis Apostolicæ. Anno, Deo propitio, Pontificatus Domini Johannis summi Pontificis, & universalis tertii decimi Papæ, in sacratissima sede B. Petri Apostoli tertio, imperantibus Dominis piissimis Augustis Ottone, & ejus æquivoco Filio, a Deo coronatis magnis Imperatoribus, anno majoris Imperii sexto, & minoris primo, in mense Januario. Indictione supra dicta undecima.

(L.S.)

*Ex Fabricii Chronico Misnensi, & Lunigii Spicilegio Ecclesiastico Continuo pag. 833.*

*Mansi Supplement. Conciliorum Tomo I. pag. 1152.*

[m] *Lege:* Ferdonensis.

[n] Lavicanensis *legit Mansi, forte:* Lausannensis: sed huic sedi circa annum 968. Eginolphus Antistes præsidebat.

Burchardum annos circiter XX. imo XXX. laborasse in excolendo agro Talemino, vel Misnensi, convertendis ad Christum Transalpinis populis, constituendis Sacerdotiis, Canonicis ad æquabilem vitæ normam exemplo suo, & legibus Ecclesiasticis informandis, usque ad annum Christi 972. *P. Calles* ostendit loco citato: quo anno ex equi lapsu vitam clausit, *testibus Fabricio & Albino.*

## B U L L A JOANNIS PAPÆ XIII.

EX EADEM SYNODO.

*Qua Gerbergam Abbatissam Gandersheimensem, ejusque Cœnobium Apostolicæ Sedis protectioni subjecit.*

*II. Liberam Abbatissæ electionem concedit.*

*III. Bona omnia confirmat.*

JOannes Episcopus, servus servorum Dei, meritis & sanguinis claritate rutilanti, dilectissimæ nobis in Christo filiæ, Gerbergæ, venerabili Abbatissæ Monasterii Sanctorum Confessorum Innocentii & Anastasii, quod Gandersheim nuncupatur, atque posteris suis in perpetuam salutem, benedictionemque apostolicam. Si piis votis ac petitioni assensum præbemus, omnipotenti Deo nos placere credimus. Quapropter universis sanctæ Catholicæ Ecclesiæ filiis præsentibus, & futuris notum

esse volumus, quod in Synodo, quæ apud corpus beatissimi Petri Apostolorum Principis acta est in mense Decembris, & Indictione undecima, amabiles Deo ac Spirituales filii nostri, Otto, major & minor, Serenissimi Imperatores Augusti, apostolicam paternitatem nostram humiliter obsecrare dignati sunt coram Archiepiscopis, & Episcopis, videlicet Italicis, & ultra Montanis numero triginta & sex; quatenus præfatum Monasterium Gandersheim, quod constat esse sub tuæ filiationis regimine situm



situm in regno citerioris Saxonie, ad honorem prædictorum Confessorum Christi Innocentii, & Anastasii, auctoritatis nostræ præsidio muniremus, & sub tuitione, jureque Sanctæ Sedis apostolicæ perpetim suscipere. Quorum piis congaudentes petitionibus alacri mente id fieri decrevimus: præcipientes ex ea, qua vice clavigeri cælestis regni fulcitur, auctoritate, ut prænominatum venerabile Cænobium nemo unquam sæcularium possideat, neque ex decimis & possessionibus ejusdem quicquam sibi aliquis usurpet, non Rex, non Marchio, non Comes, non Episcopus, nec quilibet Princeps, quacumque potestate præditus, nisi forte ruendi ac defendendi causa: & hoc non nisi tua & ejus, quæ pro tempore regularis fuerit, Abbatis, sobria fiat permissione. Esto igitur ad laudem omnipotentis Regis Abbatis ejusdem Monasterii, & subditas tibi sorores ad cælestis patriæ gaudia expetenda instigare prudenti magisterio non cesses. Sit semper eisdem sororibus facultas, sive licentia, ex ipsa sua congregatione post obitum abbatis aliam sibi matrem, secundum regulam suam, substituere, & quam digniorem viderint, pari animo, & consensu habeant potestatem eligere. Confirmavimus vero & corroboramus ipsi sancto Monasterio omnes res & possessiones, mobiles, & immobiles, quas nunc habet, & in antea, Deo

(a) forte: sæculorum.

opitulante, habere debet quolibet jure acquisitionis, ita ut amodo, & usque in finem sæculi (a) licenter eas teneat & possideat, omnium hominum contradictione remota. Si quis autem contra hujus nostri Apostolici privilegii tutelam agere temptaverit, & ex his quæ a nobis decreta sunt, aliqua pervertere molitus fuerit; hunc cum auxilio Sanctæ & individue Trinitatis, & interventu Beatæ Mariæ semper Virginis, omniumque Sanctorum, auctoritate Beatissimi Petri Apostolorum Principis, cum assensu Comprovincialium Pontificum, & omnium hujus nostræ sanctæ Sedis suffraganeorum Episcoporum, excommunicamus, & a liminibus sanctæ Dei Ecclesiæ, omniumque Christianorum societate separantes perpetua-liter anathematizamus. Scriptum per manus Stephani scriniarii sanctæ Romanæ Ecclesiæ, in mense & Indictione supra dicta undecima. Bene valete. Dat. Kal. Januarii per manus Widonis Episcopi sanctæ Sylvæ candidæ Ecclesiæ, & Bibliothecarii sanctæ Sedis Apostolicæ. Anno Deo propitio Pontificatus Domini Johannis summi Pontificis, & universalis tertii decimi Papæ in Sacratissima Sede beati Petri apostoli tertio, Imperatoribus Serenissimis Dominis Ottone majore & minore, anno Imperii majoris sexto, minoris vero primo. In mense, & indictione undecima.

## BULLA JOANNIS XIII.

DATA IN EADEM SYNODO.

*Qua Theotfridum, Abbatem S. Maximini Trevirensis, ejusque Cænobium donat libertate eligendi Abbatis ex gremio.*

*II. Ab omni aliena vi, & jurisdictione eximit eorum bona, ut scut Prumiensis, sub Regali, vel Imperiali mundiburdio immediate sit.*

*III. Ut nihil a quovis alienetur vel cambietur ex bonis Monasterii.*

**J**oannes Episcopus, servus servorum Dei, venerabili Abbati, amabili nobis in Christo Filio Theotfrido apostolicam benedictionem, & salutem. Congruit Apostolico moderamini, pia religione pollentibus benevola compassione succurrere, & poscentium animis alacri devotione impertire assensum, ex

hoc enim lucri potissimum a conditore omnium Deo procul dubio promeremur, dum venerabilia loca opportune ordinata, ad meliorem fuerint statum reducta. Igitur quia religiositas tua petit, ut Monasterio tuo, quod in suburbio Trevirensi in honorem beatissimi Confessoris Christi maximini constructum esse

esse dignoscitur, ob conservandam tibi, atque fratribus, vel successoribus tuis, monasticæ tranquillitatis normam, sanctæ apostolicæ nostræ (cui auctore Deo præsidemus) Ecclesiæ privilegium concedamus; piæ tuæ petitioni benevola intentione assensum accommodare curavimus, decernentes apostolicæ auctoritatis præcepto: ut congregatio Deo, sanctoque maximino religiose deserviens, sicuti a carissimo filio nostro Ottone, cæterisque Regibus vel Imperatoribus Francorum, concessum est, liberam deinceps habeant potestatem, creandi inter se, quem secundum Deum sibi Abbatem elegerint, nec aliqua cujuslibet dignitatis persona infra monasterium, nisi a te, aliove Abbate successore tuo vocatus, quicquid pro suo libitu ordinare, vel temere exercere præsumat. Præterea apostolica nostra auctoritate omnimodis interdiximus, ne cui unquam Ecclesiæ, vel sedi, concambio, vel alio aliquo negotio subdatur, sed tali libertate & immunitate, sicut Præmonstratense monasterium, cæteraque loca regalia inoffense, & perpetualiter semper fruatur. Ipse autem locus monasterii perenniter sub Mundiburdio Regum vel Imperatorum, filiorum scilicet Romanæ Ecclesiæ, præcepto apostolico jubemus, ut permaneat nulli unquam personæ beneficiarius, aut invadendus

paseat, sed ad usus & tranquillitatem monachorum, ibi sub regula sancti Benedicti Deo militantium, absque ullius contradictione libenter permaneat. Ad cumulum quoque, vel augmentum monasticæ tranquillitatis adjicimus, ne qua cujuslibet dignitatis persona quicquam, vel minimum alienare, vel minuere de rebus Ecclesiæ præsumat, tam ex his, quæ modo monasterio tuo collata sunt, quam ex his, quæ cæteri fideles in dies collaturi sunt. Si quis autem, quod absit, nefario ausu præsumere hæc, quæ a nobis ad laudem Dei omnipotentis, pro stabilitate jam dicti venerabilis cœnobii statuta sunt, infringere, aut in quocumque violare studuerit; ex auctoritate Dei omnipotentis, per interventum beati Petri Apostolorum Principis (cujus vice fungimur) & nostræ humanitatis apostolicæ constitutionem, & assensum omnium comprovincialium, sive suffraganeorum Episcoporum, anathematis vinculo inextricabiliter innodamus. Scriptum per manus Stephani Scriniarii sanctæ Romanæ Ecclesiæ, lectum in Synodo Romæ habita, assidentibus divinis Imperatoribus, Ottone magno, filioque ejus æquivoco, anno Imperii majoris sexto, junioris primo. Datum IV. nonas Januarii.

*Zylleus in defensione Abbatie Imperialis  
S. Maximim. Part. III. Diplom. XIV.*

## CONCILIIUM RAVENNATENSE II.

Anno Christi CMLXVIII. Joannis XIII. Papæ IV.  
Ottonis I. regni xxxii. imperii vii.

- I. In quo absolvitur institutio Archi-Diæceseos Magdeburgensis Indict. XI.
- II. Literæ duæ Pontificiæ Synodice ad Adelbertum, primum Magdeburgensem Archi-Episcopum scriptæ, post I. Septembris anni hujus, & ideo Indict. XII.

**D**Um in nomine Sanctæ & Individuæ Trinitatis habita esset Synodus Ravennæ, in Ecclesia scilicet B. Severi Episcopi & Confessoris: residentibus D. Joanne, summo & universalis Pontifice, & pluribus Italiæ, Germaniæ & Galliæ Præsulibus, de statu quidem Ecclesiæ tractan-

tibus: adstante etiam innumerabili Clero & populo, Sanctissimus Imperator Casar Augustus, qui eandem sanctam Synodum ob communem Imperii sui salutem congregaverat, plurimas Slavorum nationes ultra fluvium Albæ in confinio Saxonie multo se labore, & maximis sæpe periculis, ad



ad Christum convertisse coram omnibus retulit. Et quia rudes, & necdum stabiles erant, qui tuitione, & custodia, & cotidiana sollicitatione in fide corroborari deberent, sanctam Synodum consuluit rogans, ut quos ipse summo studio Deo manciperat, pastoris negligentia ad vomitum redire non sineret. Hujus dignam relationem sancta Synodus benigna aure suscipiens, Deo in omnibus gratias agens, tot Sclavorum populos ad Deum noviter adductos, non nisi per Episcopos, in convenientibus locis in unaquaque Provincia eorum, secundum populi quantitatem, & rationabilem terræ divisionem constituendos, ad hoc animari & erudiri posse censuit, & ratum æstimavit. Ad quod agendum, ut major firmitas, & tutior in Episcopis ordinandis sit oportunitas, Archiepiscopum, ad quem negotium suum, & controversiam, si quæ orta fuerit, quasi ad caput referre, & discutere valeant, eis constitui atque proponi communi deliberatione statuit. Et hoc ejus judicio & discretioni, in quo maxima reparandæ, & confirmandæ religionis post Deum fiducia erat, fieri debere omnino judicavit. Est præterea locus in parochia Alberstadiensis Episcopi, quem Magdeburg dicunt, in confinio Saxonum, & Sclavorum, in ripa prædicti fluminis Albæ: ubi idem Serenissimus Cæsar civitatem mirifice fundavit: populi multitudinem adunavit: Ecclesias construxit: plurimorumque Martyrum, beatorum scilicet Mauritii & Innocentii, aliorumque corpora transtulit: Canonicos quoque ibi Deo famulantes constituit, ad quorum victum, & Ecclesiæ utilitatem castra, villas, prædia, decimas, cum universis adjacentiis affluenter ex proprio concessit. Cujus, quia is locus quasi ad Sclavos respiciens erat, ob loci congruentiam, & vicinitatem Saxonum, ut novæ Christianitatis, & Catholicæ fidei, quam multo sudore paraverat, caput, fundamentum, & reparatio esset, sancta intentio erat. Quæ res, quia omnibus cognita erat, sancta Synodus eundem piissimum Imperatorem summa devotione petiit, ut ejus auctoritate, quia canonicum & acceptabile erat, illic Archi-Episcopalem sedem statui canonica auctoritate annueret, in qua Archi-Episcopus ordinatus, ultra flumen Albæ Episcopos, qui ordinati sunt, & ordinandi futuris post

temporibus erant, subiectos habeat. Ipse quoque ab eis, qui pro tempore fuerint, post primum, qui a Romana Sede Archi-episcopalem benedictionem & Pallium suscepturus est, consecratur. Ad hæc Imperator precibus & voluntate commotus sanctæ Congregationis voluntati paruit, & hoc privilegio Apostolicæ Sedis corroborari dignum duxit, quod & actum est a Summo Pontifice, omnibus Præsulibus, Italiæ, Gallæ, & Germaniæ, qui aderant, propriis manibus corroboratum. Igitur quia civitas, ubi Magdeburgensis Archi-Episcopatus sedes est, sita est infra *Parochiam Alberstadiensis Episcopi*, sine consensu Episcopi sedis illius, *Archi-Episcopi Magontensis*, cui subjectionem exhibet, commutationem Parochiæ fieri non posse, sancta Synodus decrevit. Eo ergo revoluta anno, & altero dimidio transacto, cum Hattonem Archi-episcopum Magontensem, & Hildiwardum Alberstadiensem Ravennam convenire contingeret, sanctissimus Imperator, si bona voluntate commutationem *parochiæ Alberstadiensis Ecclesiæ* ad Magdeburgensem fieri vellent, coram Archiepiscopo Ravennate, vel episcopis comprovincialibus eos omni dilectione convenit. Tunc venerabilis *Hildiwardus Episcopus* in præsentia omnium, & prædicti Præsulis Hattonis, hoc se pro Deo nullo modo negare, & contradicere posse, quia utriusque ecclesiæ, & suæ maxime augmentum erat, clara voce respondit, & quod ad innumeri populi salutem pertinet, ob alicujus decimæ cupiditatem cassari, absurdum esse, processus est. Supradictis ergo auditoribus placuit, ut utraque parte ab eis, quibus res cognita erat, commutatio sub exterminatione fieret. Placuit ergo communis voluntatis consensu inter Dn. Ottonem piissimum Cæsarem Augustum, & *Hildiwardum Alberstadiensis ecclesiæ episcopum*, ut in Dei nomine daret, sicut in præsentia dedit ipse Hildiwardus Magdeburgensi ecclesiæ hujus scripti nexu, suo jure habendum, id est, Parochiam omnem, quæ rejacet inter fluvios Albeam scilicet, Salam, Horam, & Bodam, usque ad ea loca, ubi castra Unnesburg, Wantzleva, Høldesleva, cum omnibus pertinentiis, & villis, quas Burgwart vocant, Occidentem versus longius finem protendunt & terminant.

minantur, cum omni decimatione, & obedientiis, omnique Ecclesiastico ordine, sicut Ecclesia *Alberstadenfis* hactenus possidere visa est, & de Dominio & jure suæ Ecclesiæ in ejus jus & Dominium transfudit atque delegavit. Unde ad vicem recepit pro decimatione ipse Hildewardus Episcopus ad partem suæ Ecclesiæ omnem decimationem in Hosgove, sicut terminatur in fluviis Sala, Willerbeck, & Wippera, & ut eam Abbatia in honore beati Wiperti in territorio Herolovesfeld instructa in integrum possedit: quam prædictus Dn. Otto Serenissimus Cæsar ab eadem Abbatia ex proprio legali concambio commutavit, & Ecclesiæ Magdeburgensi proprietario jure concessit. Et quia jam dictus Dn. Cæsar ejus fundator, & constructor erat, ut omnem imposterum occasionem, quod in precio & metu fieret, removeret, secundum Deum timentium hominum æstimationem, & ipsius Alberstadenfis Episcopi liberam arbitrii voluntatem hanc commutationem colligari voluit, & eo modo finita est causa. Unde præsentem notitiam pro securitate, ne unquam in tempore legalis commutatio hæc posset solvi, jussione Domini Cæsaris, & petitione Dn. *Hildewardi Episcopi Alberstadenfis*, ego Ambrosius Palatinus Cancellarius subscripsi, complevi, & dedi. Petrus Archiepiscopus sanctæ Ravennatis Ecclesiæ interfui, & subscripsi. Hatto Moguntinus Archiepiscopus interfui, & subscripsi. Ego Hildewardus Alberstadenfis Ecclesiæ Episcopus interfui, & subscripsi. Ungfridus sanctæ Virdinenfis Ecclesiæ Episcopus, & Pastor libens subscripsi. Ego Reginoldus Rubilocenſis Ecclesiæ Episcopus interfui, & subscripsi. Ego Ewerardus sanctæ Leodicenſis Ecclesiæ Episcopus interfui, & subscripsi. Ego Adelbertus Lunensis

Episcopus interfui, & subscripsi. Ego Rubertus sanctæ Felrenſis Ecclesiæ Episcopus interfui, & subscripsi. Ego Albertus sanctæ Tarvisianensis Ecclesiæ Episcopus interfui, & subscripsi. Ego Ganslinus sanctæ Patavienſis Ecclesiæ Episcopus interfui, & subscripsi. Abraham sanctæ Frisingenſis Ecclesiæ Episcopus interfui. Martinus Episcopus sanctæ Fr. Episcopus interfui, & subscripsi. Vinth Episcopus sanctæ Mutinenſis Ecclesiæ consensit, & subscripsi. Rudolfus Episcopus consensit, & subscripsi. Elberich consensit, & subscripsi. Joannes Episcopus Eugubienſis Ecclesiæ consensit, & subscripsi. Ego Lirgiso Episcopus sanctæ ordinatæ Ecclesiæ consensit, & subscripsi. Joannes Episcopus Callienſis Ecclesiæ consensit, & subscripsi. Luto episcopus sanctæ Clusenſis Ecclesiæ consensit, & subscripsi. Albertus episcopus sanctæ Pisenſis Ecclesiæ consensit, & subscripsi. Ludini episcopus consensit, & subscripsi. Hubertus episcopus subscripsi. Sichelm sanctæ Florentinæ Ecclesiæ episcopus interfui, & subscripsi. Adalbertus sanctæ Bononienſis Ecclesiæ episcopus consensit. Arnolfus episcopus subscripsi. Joannes Imolenſis Ecclesiæ episcopus interfui, & subscripsi. Liutprandus sanctæ Cremonenſis episcopus Ecclesiæ interfui, & subscripsi, his jure peractis Constantinopolim rediens. Odelricus Pergamenſis episcopus interfui, & subscripsi. Grimoaldus sanctæ Rhegienſis Ecclesiæ Episcopus interfui, & subscripsi. Antonius Priscienſis Ecclesiæ Episcopus consensit, & subscripsi. Sigulfus Episcopus consensit, & subscripsi. Sigulfus S. Placentinæ Ecclesiæ Episcopus consensit, & subscripsi. Petrus Episcopus subscripsi.

*Leuckfeld. in antiquitatibus Halberſtadienſibus Diplomate Num. 29. p. 649.*

## JOANNES XIII. PP.

*Confert Adelberto, primo Magdeburgensium Archi-Episcopo, Primum in Germania, parem Primatui Galliæ, & parem Primatui Moguntiacensi in Germania prima, Treverensi in Belgica, Coloniensi in Germania secunda. 2do, confert ei potestatem habendi more Ecclesiæ Romanæ XII. Presbyteros: VI. Diaconos: XXIV. Subdiaconos cardinales, qui soli ad altare S. Mauritii Missas celebrent.*

**J**ohannes Episcopus, servus servorum Dei, Dilecto nobis in Christo con-

*Tonus II. Concil. German.*

fratri *Adelberto*, S. Magdeburg. Ecclesiæ Archiepiscopo in Domino æternam

M m m m

salu-



salutem. Si ea loca, quæ ad salutem maxime populi, & gentis ad Deum conversionis fundata suat, privilegio nostræ auctoritatis munimus, & decoramus; hoc ad profectum, & Divinæ religionis cultum pertinere nullo modo dubitamus. Igitur quia sedem magdeb. cui Deo auctore præfides, nostra, tuorumque comprovincialium auctoritate Archiepiscopalem esse decrevimus, quem inter cæteras Ecclesias ordinem, vigorem, primatum, & æquitatem habere in posterum debeat, Apostolicæ Sedis privilegio muniri sanximus. Dei igitur omnipotentis auctoritate, & beati Petri Apostolorum Principis, & nostra, te, tuosque successores in perpetuum, & Ecclesiam tuam omnium Ecclesiarum Archiepiscoporum, & Episcoporum, qui in Germania sunt ordinati, in sedendo, in iudicando, in confirmando, in subscribendo, in sententiis dandis, omnique Ecclesiastico ordine primatum habere volumus. Eorum vero, qui sunt in Gallia, item Moguncienf. Trevirenf. & Colonienf. Ecclesiæ, in omnibus parem honorem, & similem vigo-

rem præsentī privilegio confirmamus. Cæterum more Romanæ Ecclesiæ Ecclesiam tuam duodecim Presbyteros, & septem Diaconos, & viginti quatuor Subdiaconos Cardinales, qui sandaliis, & lisis utantur, habere volumus. Super hoc vero eisdem Presbyteris, & Abbatibus Ecclesiæ S. Johannis Baptistæ, in suburbio ejusdem civitatis constructæ, tunicis uti concedimus. Quibus exceptis, & Episcopis, super altare in honorem beati Mauritiū dedicatum, Missam celebrare aliquis nullo modo præsumat: quod non ad superbiam, sed ad loci sanctitatem speciali reverentia præsentī privilegio munimus, & decoramus. Quapropter frater fraterrime, Dominorum salubriter reminiscens mandatorum, ita in commissæ plebis regimine, lucrandisque animabus invigila; ut Redemptori nostro fructum bonæ operationis, in quo lætari possis, exhibeas. Scriptum per manum Stephani Scriniarii sanctæ Sedis Apostolicæ in mense Octobri, Indiæ. XII.

*Leuckfeld. Antiquitat. Halberstadiensium  
Loco citato. Diplom. 30.*

## JOANNIS XIII. PP. EPISTOLA,

*Quæ Adelberto Archiepisc. Magdeburg. Pallium mittit, certis diebus,  
& certis in actibus gerendum.*

**J**ohannes Episcopus, servus servorum Dei, Reverendissimo confratri nostro ADELBERTO, sanctæ Magdeburgensis Ecclesiæ Archiepiscopo, æternam in Domino salutem. Si pastores ovium solem geluque pro gregis sui custodia die ac nocte ferre contenti sint, ne qua ex eis aut errando pereat, aut ferinis laniata moribus rapiatur, oculis semper vigilantibus circumspiciant: quanto sudore, quantaque cura debemus semper pervigilare nos, qui pastores animarum dicimur? Attendamus, & susceptum officium exhibere erga custodiam Dominicarum ovium non cessemus, ne in die divini examinis propterea desideria nostra ante summum Pastorem negligentæ reatus excruciet, unde modo honoris reverentia sublimiores inter cæteros judicamur. Igitur quia Gloriosissimus Spiritualis (a) OTTO Imperator Augustus civitatem, quam

Magdeburg dicunt, in confinio Saxonum & Sclavorum, in ripa fluminis Albis, in parochia scilicet Halberstadenfis episcopi fundavit, & Ecclesiam inibi construxit, Canonicosque constituit, ad quorum subsidium satis contulit, & innumeram multitudinem sclavorum ad divinæ religionis cultum conduxit; confratres: Hatto sanctæ Moguncienfis Ecclesiæ Archiepiscopus, & Hildwardus Halberstadenfis Ecclesiæ Episcopus, & Comprovinciales Episcopi, sicut per consentaneas & petitorias litteras, ab ipsis propriis manibus roboratas, quæ in præsentia nostra ante corpus beati Petri Apostoli relectæ sunt, didicimus, in prædicta Magdeb. civitate Archiepiscopalem sedem privilegio Apostolicæ sedis statui ordinaverunt: quæ ultra Albiam, & Salam in congruentibus locis subjectos Episcopos, qui non ordinati sunt, & ordinandi futuris post temporibus erunt, habeat,

(a) *Filius, supple, librarii culpa omissum.*

habeat : nostro post Deum iudicio , qualiter eadem Archiepiscopalis sedes ordinari debeat , deliberandum precantes , ne per invidiam fidei tanta sclavorum plebs Deo noviter acquisita , callidi hostis , quod absit , rapiatur insidiis . Unde quia confrater , & Coepiscopo noster , Clerus & populus sancti Magdeb. Ecclesiæ te , olim ad gentes missum , ad Archiepiscopalem sedem promoveri , & eidem sedi inthronizari quærit , sicut bonæ memoriæ prædecessorem nostrum , Zachariam Papam , (b) beatum Bonifacium , ad gentes destinatum , Ecclesiæ Moguncienti inthronizasse sciunt , religionis desideriis nihil tarditatis impendo ; sed privilegio nostræ auctoritatis dignum tē eis esse Archiepiscopum iudico . Unde quia ad hoc agendum ad Apostolicam Sedem ipse venisti , pro amore beatorum Mauricii , & Innocentii martyrum , & aliorum Sanctorum , qui Magd. requiescunt , & prædicti Spiritualis filii nostri Ottonis Imperatoris Augusti petitione , qui ejusdem Ecclesiæ auctor , & fundator est , & quia ad perfectum Christianæ religionis , & innumeri populi salutem valere scimus ; ipsi Pallium tibi ad Missarum solemniam celebranda damus , ipsi nimia dilectione commoti circa te ponimus , & eo te , sicut Archiepiscopum Moguncensem , & Trevirensē , uti concedimus . Præterea statutis his diebus : Natalis Domini , Epiphaniæ , Resurrectionis Domini , Ascensionis , Pentecostes , Natalis Apostolorum , S. Laurentii , Festivitate S. Virginis Mariæ , & eorum Sanctorum , qui Magdeb. requiescunt : & in consecratione suffraganeorum tuorum Episcoporum , & dedicationibus Ecclesiarum , in die natalicii tui , & ita tuis

imposterum successoribus ex auctoritate Apostolicæ Sedis præsentī privilegio concedimus , & confirmamus , ita tamen ; ut unusquisque , qui pro tempore fuerit , ab Apostolica Sede , secundum morem illud recipiat . Itaque vita tua filiis tuis sit regula , in ipse si qua tortitudo illis injecta est , dirigantur , in ea : quod imitentur , aspiciant : in ipsa se semper considerando perficiant , ut tum præter Deum iudicatur esse bene , quod vixerint . Cor ergo neque prospera , quæ temporaliter blandiuntur , extollant , neque adversa deiciant : sed quicquid illud fuerit , virtute patientiæ devincatur : nullum favor indiscretus inveniat (\*) districtum mali cognoscant : infontem apud te culpabilem suggestio mala non faciat : nocentem gratia non excuset . Sancta Trinitas fraternitatem nostram gratiæ suæ protectione circumdet , atque ita in timoris sui via nos dirigat , ut post vitæ hujus amaritudinem ad æternam simul pervenire mereamur dulcedinem . Scriptum per manum Stephani Regionarii , & Scriniarii sanctæ Sedis Apostolicæ , in mense Octobri , & Indiæ XII. Bene vale . Dat. XV. Kal. Nov. per manum Widonis Episcopi sanctæ Sylvæ Candidæ Ecclesiæ , & bibliothecarii sanctæ Sedis Apostolicæ , anno , Deo propitio , Pontificatus nostri Domini summi Pontificis , & universalis XIII. Papæ in Sanctissima Sede B. Petri quarto , Domino nostro Augusto Ottone a Deo coronato magno Imperatore , anno VII. filioque ejus anno primo , Indiæ XII. Dominicæ incarnat. DCCCCLXVIII. anno.

*Leuckfeld. in Antiquitat. Halberstadenf.  
Diplom. 31. pag. 653.*

(b) Vide Tomi I. pag. 86. & 87. numerum VII. Epistolæ Zachariæ Papæ , ad Bonifacium Moguntiae sedentem.

(\*) Quædam omissa . Suppleri possunt ex Epistola Leonis VII. ad Gebhardum Laureacensem pag. 606. hujus Tomi , cujus Epistolæ idem initium est , par clausula finalis.



## CONVENTUS EPISCOPORUM ET ABBATUM,

AD COENOBIIUM S. GALLI, ORD. S. BENEDICTI.

ANNO INCERTO.

*Sub Henrico, Treverensi Archi-Episcopo Visitatore, Episcopis: Poppone Herbipolensi, Palzone Spirensi, Erptione Wormatiensi, Dietrico Metensi, Conrato Constantiensi. Abbatibus: Kebone de Lorishan, Milone Elwangensi, Kerbone Wirceburgensi, Convisitatoribus cœnobii S. Galli, ab Ottone Patre & Filio delegatis, pro instauranda disciplina cœnobii S. Galli. Ekkehartus Palatinus Doctor Decanus cœnobii S. Galli, Notkerus Medicus ejusdem cœnobii, pro Abbate S. Galli respondent Visitatoribus.*

**O**ttones nihilominus consilio *inito inter Episcopos & Abbates ad hoc electos*, sedecim in locum *GALLI* dirigunt: & Otto filius in confessum eorum a patre missus, ite, inquit, vos nominati Episcopi cum Abbatibus, cœnobii S. Galli monachos, qui iufamantur, correcturi: & quia repentina rerum mutatio semper novissimum errorem priori facit pejorem; ideo tot magni consilii Angelos dirigimus, ut prudentia omnium vestrum collata, si qua nimis ibi contra Deum senserit esse, manere non sinat: si qua autem portabilia viderit, ipsis quidem cum ratione momentibus, stare patiamur.

Indicta tandem die, quæ erat *sevia tertia Dominicæ tertiæ post Pascha*, Desiderio tunc, propter quod *GALLUS* ejus reliquias loco ipse intulerit, apud nos celeberrima, adveniunt omnes. Festive receptus civis Apostolorum responsum canitur. Abbas in auditorio debilis residens, inductus quidem eis assurgit, legitur confedentibus lectio de caritate, & de pedissequa ejus discretionem, qua finita, assurgunt omnes in Abbatis, & fratrum oscula. Deinde Abbas: *Benedixi vos a Domino. & fratres: Qui fecit cælum & terram. At HENRICUS Treverensis*, cui summa rerum commissa erat, circumspecto claustro, enimvero, ait, talis nidus bonas aves decet. Et Kebo Laurensis Abbas, vir nominis reverendi præ-

multis... Si placet, ait, ipsarum avium hunc nidum qualis per omnia sit, primitus ab Abbate audiamus, ut de cæteris, quid agamus, integrum scire valeamus, Et Kerho Wirtzinburgensis Abbas magni nominis & ipse.... Episcopum nostrum interea, & Abbatem cum fratribus in Capituli domum comitatus, quæ congrua nosset, præmonuit. At illi per vagatis Ekkehardo (erat is Palatinus) Duce officinis, adhuc post arsuram, vix quidem quibusdam vel tectis, penu fratrum, pœne vino vacuum mirantur. Aperiri autem sibi etiam privatorum repositoria cum Ekkehardus ductor ejus jurejurando nihil celaturum jubere moneret, cuncta perspicendo sollicitè peragant: Quærentibus autem etiam de Abbatis proprio penu, hæc, ait, quæ monstravi, fratrum privata, ejus semper sunt ad nutum parata. Neque enim ipse, quia sic homo est, alio Cellario affolet, nam omne debitum in fratrum quotannis congerit cellarium; & *POPPO* Herbipolensis Episcopus, conversus ad cæteros, enimvero, ait, si ita se res inter monachos, & Abbatem habet; non nos hodie meliorem regulam, neque vitam plus communem, etiam si in loco pleno sit copia cornu, statuere poterimus. Abbas, ut audivimus, congerit fratribus, fratres ad hoc idonei congerunt Abbati, & nihil sine ejus permissu sibi: Omnis autem ab utrisque congestio, neutris sufficere

ficere posse videre est. Et *PALZO* Spirensis Episcopus, in loco nutritus, quo nemo, fama ferente, tunc eruditior, si sciretis, inquit, mores & vim disciplinæ illorum districtam, experti credite, ultra omnes, qui in regno sunt regulares sub copia, eos laudaretis sub inopia. Dein *Henricus Treverensis* Archiepiscopus, cui summa rei hujus commissa est, ut diximus, assumptis confortibus, prælium se initurum dicens, confessum collegii nostri signifer aggressus est, &... cunctis tandem residenti-bus... ita inchoavit. *Benedictus* Domino iste Sancti Galli cætus, ait, Pater cum filiis! & *Abbati*, nostis, ait, Tu, fratresque tui, Carissimi nostri, quare rerum Domini, pro vobis solliciti, tot dilectos suos ad vos viros, direxerint: nisi enim vos diligerent, tot electos ad consulendum vobis numquam dirigerent. Et ille: scimus enim, quod ad consulendum nobis peccatoribus directi estis, ideoque S. Spiritui summo hodie consultori, utrimque nostro acceptissimi sitis: sed tamen unum me maxime movet inter alia miraculum, quod unus ex vobis non est missus, vel Episcopus, vel Abbas, cui non minus, quam vobis omnibus, ad omnia, quæ ratio possibilia posceret, obediremus. Et *Erpho Wormatiensis*. Tot sancti Spiritus, ut hic, Abba sancte, videmus, Athletis concertare, uni nimium fuerit. Sed jam aliquam viam, id efficiendi, pro quo missi sumus, mihi placet, aggrediamur.

Monuit tandem *HENRICUS Treverensis*, Ceteris id suadentibus, Abbatem, ut aliquem fratrum viam vitæ nostræ, quam tunc degeremus, juberet edicere. Jubeat ille *EKKEHARDUM Decanum*, nec non *NOTKERUM medicum*, plerisque illis notissimos, surgere, & a prima usque ad primam, viam vitæ nostræ edicere: quam cum *Decanus*, fratre juvante, verissime absolveret, *Kebo de Lorishan*, & Abbates, Episcopi: enimvero, ajunt, hæc omnia, quæ audivimus, *Benedicti* sunt Regulæ, præter hoc solum, quod secundum illam laborant, secundum illam autem non vegetantur: sed & hoc ipsum ejus causa est, ut undecumque quærant, quo vitam sustentent: quæ quia Abbatis permissio quæsitæ, ubi iusserit, reponunt, & ad ejus nutum, &

M m m m 3

arbitrium his, quæcunque sunt, utuntur, contra regulam non esse, veraciter affirmare valebimus. Et *Milo Elewangenfis Abbas*, si de carniū esu, inquit, hæsitationis, ego, quod sentio, audentissime dico: quoniam quamvis equus in cibo non sit licitus, ambulatorem meum prius vellem monachus meus ederet obediendo; quam cætera quædam, quæ regulæ sunt, declinaret: ideoque *Benedicti* ego vice, judicio decerno, quæ Abbatis arbitrium jubeat, monachus manducet, & bibat, Abbas videat, quod arbitrio suo, quid jubeat.

Cum autem ad verba ejus quidam riderent, *HENRICUS Treverensis* intulit: mirum, ait, tam latum lacum hic patere, & hic piscium copiam non esse. Neque totus noster est, *Ekkehardus* ait, neque piscium adeo largus, & ut interdum Domino nostro Abbati, quod parce dat, vel soli sufficiat. Si autem emere aliquando invenimus, pretio, quod pro edulio uni nostrum apponendo distrahitur, probum aliquem totam hebdomadam cibare poteramus. Enimvero, *Dietricus Metensis* ait; dum ego aliquando hic studui, plures dies aliquando abierunt, quod piscem de pelago illo non vidisse me memini; sed & major pars fratrum tunc carnibus non utebatur, quorum quidem parsimonia nimia: erant autem alii, qui solis volatilibus, quod unius cum piscibus creaturæ sint, licite uterentur: pauci autem in locis intra domesticos parietes, ab Abbate permissis, quadrupedum quoque usi sunt carnibus. Meliorem autem ego, ut opinor, nunquam monachum videbo, quam eorum aliquis erat, qui interdum carnes edebat.

Inclinantur tandem Abbates ad Episcopos, ut secretis pro legatione sua uterentur consiliis: quibus morose collatis, *HENRICUS Treverensis surgens*, Abbati nostro ait, & fratribus: Tantæ prudentiæ, Domini nostri, vos novimus; ut legationis nostræ jam effectum in manu arbitrii vestri ponere velimus. Nos enim, ut diximus, ad horam vobis locum dabimus: consulite in ipso medium, petimus, ut qualicumque arte adhuc quidem poteritis, bona, quæ facitis, Regulæ sancti *Benedicti* conformetis: & quia ejus rei Legati venimus, ut regularis vitæ vobis monitores simus; quidnam



nam hic boni statuerimus, Dominis referre habeamus: & quamvis omnes, qui venimus, bonum vobis testimonium coram eis dare vere habeamus, etiam si meliora quidem, quæ a patribus accepistis, vobis propter consuetudinem sunt visâ, si ad regulæ viliora (ut ita dicam) mutaveritis, infamiam tamen evadetis.

Tandem illis pari condicito domo egressis, conferunt consilia Abbas, fratresque. Placuit omnibus, quicquid quisque privati haberet, in communes officinas in fide deferret, carnibus omnes, præter quibus regula indulget, abstinendo: mensas etiam si paupertatis sint, simul habeant: reliqua vero ordinis, quem audierant, mutare, in quibus Laurensis Abbas, & cæteri Abbates suadeant, paratissimi, usque dum reposita hæc, si defecerint, literis Abbas intimaverint.

Vocantur in Consistorium Abbates, auditisque unanimatibus, Deo gratias agunt: in consuetudine vero, qua denegamus, pauca mutantes, tempus se, quoniam dies mali essent, redimere ajebant. Properant illi foras alacri animo ad expectantes; enim vero *KEBO* ait a longe viris: Spiritus Sanctus tardare nescit, viros virtutum in sancto hoc cœnobio esse, prius audivimus; nunc reipsa experiri habemus. Venite jam ipsi, & qui sint, pariter videte. Iterum confidentibus, Abbas, ait: Quod de meis ego fratribus, Domini mei, promittere veraciter audeo, unum hoc vobis dico, quia quod regulæ summam scio, dicto paratior nescio: ideoque per me peccari non ignoro, si ea, quæ perficere nequeunt, eis injungo. Quapropter a Dominis Regibus, nisi vestro interventu nobis subveniatur, sumptus ad turrim Evangelicam ædificandam, suppetere non poterunt. Agite ergo, quicquid meo jussu, & vestro monitu facturi sint, in brevi audite; & minori *EKKEHARDO* illi Palatino, surge fili, ait, & sicut Dominis nostris Regibus, in præsentia Legatorum tantorum, & Tu quoque dicturus sis, consensum nostrum hic in facie eorum eloquere.

Dictoque ut erat semper paratissimus surrexit *EKKEHARDUS*, & ita exorsus est. In medium, Patres, & Electi Dei, ut monuistis, consulimus, & ecce, qua die, vel hora Dominus noster & Pater

dixerit, memores nos S. Patris Benedicti, privata nostra, quæ in ejus Abbato permisso habuimus, in medium & ad pedes ejus ponemus, & cætera, quæ sancti Abbates a nobis consulti, in via & modo conversationis nostræ, mutanda censebant, quia in nostro arbitrio rem posuistis, eos in participium consilii assumentes, mutavimus: sed quoniam in bono assuetis benefactum aliquod in æque bonum, aut in parum melius mutare onerosum est, semper nos quidem humiliari assoliti, ut jumenta fieri apud Deum non recusamus, & onere bis gravari.

His & aliis utrumque profligatis, gratulantur Legati, surgentesque Deum laudando, Conventum dirimunt. Postea vero in auditorio convenientes, fratribus se admissos (*forte*: ad Missas,) pro die festo parantibus, Henricus Treverensis ait confortibus: Fideles nos Nuncios jam nunc, socii exhibemus, si quisque nostrum pro copia, tantis viris, in hac mala terra inopibus, ne in promissis deficiant, consulimus. Alacres omnes, prout ipse dictaverit, symbolum fatentur facturi: & ille, non meum est, inquit, de vestris cujusque sumptibus dicticare: pro copia, quam singuli habemus, in carta hic sub nomine quisque suo conferre scribamus. Factum est, & usque ad XLV. libras symbolum venerat. Interea *Sequentia* summis conatibus, quam *EKKEHARDUS* Palatinus dictaverat, ipso coram illis stante inchoatur, & joconde cantatur. . . . *Et Conradus Constantiensis Episcopus*: Infamiat, inquit, Ruodmannus (Abbas Augiensis) cum hypocrisi sua in locum hunc, quantum velit; monachos tamen hodie Sanctus *GALLUS* habet, quorum similes ipse inter suos nunquam similabit. . . . Interea accitus Abbas affuit & confedit, & Henricus parva solatia se collaturos & die condicita daturos, fratribus pollicetur; dein Regibus se pro inopia eorum suavoros omnes concordant, & cum se orationi eorum committerent, Abbas intulit: Immo, ut fratres conscripti, ait, sitis volo, quia alia vobis dona, dare non habemus. Latis ob hoc omnibus itur in Ecclesiam, recepti manibus Abbatis, singuli in libro vite scribuntur. . . .

Invitat tandem omnes Abbas pariter ad Nonales fratrum, quibus conscripti essent,

essent, biberes. Ibi tanta hilaritate usque ad vesperum jam pene sonatum commanent; ut senum, qui adhuc hodie talia memorant, recordationem voluptas sit audire. Ibant pariter ad laudes vespertinas quisque suas, Abbate cum fratribus omni dulcedine valesactis, condicto quidem, ut cras matutini conveniant, & missionis suæ responsa Regibus reddenda communi disponerent consilio, & relatu roborarent concordii & caritativo. Veniunt diluculo in fratrum consellum, & Henrico dictante, Legationis suæ brevem & uniformem ordinant redditionem, ut quoniam non simul ad aulam sunt redituri, Henricus, cui caput causæ a Regibus datum est, Kebone comite, unum os omnium & lingua foret: neque ego,

Henricus ait, si quid de meo adjicere potero, confratribus nostris derogare habebō. Assurgunt omnes acclini in gratias: pergunt tandem in Ecclesiam ad dandas abeuntibus prosperæ viæ preces, Abbas cum fratribus, & recipiendas a tot Episcopis benedictiones, data prius confessione, & a stolatis remissione.... Sicque per oscula mutua, valedictione data, utrumque sibi fausta precati ad prandia discedunt, noctem proximam Constantiæ simul acturi.

*Hepidannus in Chronico.*

*Ekkehartus junior de casibus Cœnobii S. Galli cap. XI.*

*Apud Goldastum Tomo I. Part. I. Scrip-  
tor. rerum Alemannic.*

Annum 968. huic Conventui tribuit Hepidannus, sed mendose: nam Henricus Trevirensis Archi-Episcopus pridem in Italia modo obierat, ut Browerus docet. *Annal. Trevirens. Tom. I.*

## SYNODUS LEODIENSIS.

Anno Christi CMLXVIII. Joannis XIII. Papæ IV.  
Ottonis I. imperii VII.

*OCCASIO SYNODI. Sub Abbate Gerbodone Otto I. Imp. non minus, quam conjux ejus Adelheidis in Monasterium Lauresheimense benefici extitêre: hæc siquidem inter alia plura beneficia, Ecclesiam in villa Empele in pago Debsendron, in comitatu Ansfridi, alluvione aquarum collapsam instauravit. Qua occasione habita est Synodus illa, cujus auctor chronici Laurishamensis meminit in hæc verba.*

**E**Berkarus, Leodiensis Ecclesiæ Episcopus, facta Synodali inquisitione quo loco fundata, (scilicet Ecclesia illa in ample suæ diœcesis) qualiter dotata, quando diruta fuisset: Si vestitura ejus Laureshamensi Monasterio cum decimis suis juste ac legitime attineret; Canonico judicio, ac septem Illustrium ex eodem comitatu virorum juramento diligenter investigavit, eamque reedificatam in honore sancti Nazarii, & sancti Lamberti, nimirum *Kalend. Octob.* consecrans dedicavit, & decimas Episcopali justitiæ tum adjudicatas, sub testimonio totius Synodalis conventus, Laureshamensis cœnobii juri, & Dominio ad

ejusdem Ecclesiæ titulum perpetuo impendendas resignavit. Testes Adelbertus Coepiscopus, Bubo Leodiensis Præpositus, Irimbolt, Wodibalt Laureshamensis Præpositus, & alii multi.

Actum Leodii, anno ab Incarnatione Domini nostri Jesu Christi DCCCLXVIII. Indict. XII. Anno vero Regni Ottonis Serenissimi Regis XXXIV. Imperii autem ejus VIII.

*Papius VII. annum Imperii computat. Leuckfeldius annos Regni XXXII. numerat in antiquit. Halberstad.*

*Ex Chronico Laureshamensi apud Freberum.*

CON-



## CONCILIUM ROMANUM.

SUB JOANNE XIII. PP.

Anno Christi CMLXIX. Joannis XIII. Papæ V.

Ottonis I. imp. viii. Ottonis II. imp. ii.

*In quo Theodorici, Archi-Episcopi Treverensis, confirmantur Primatus post Legatum Apostolicum in Synodis Germaniæ, & Galliæ, Vicariatus perpetuus Apostolicæ Sedis, jus sententiæ dicendæ, & promulgandæ in Synodis.*

Quia licet indigni, tamen dignationis gratia disponente, Beati Petri Apostolorum Principis Sacratissimam sedem, universalemque, in toto orbe magisterium (a) suscepimus, necesse omnium Ecclesiarum, ut diligentissimam sollicitudinem ita continenter habeamus, ne earum jura, auctoritate ejusdem Apostolorum Principis, cæterorumque successorum ejus, venerabilium patrum, inviolabiliter statuta, & confirmata, nostro mintantur, ac pereant tempore; sed potius corroborata decenter augeantur, atque proficiant. Ideo (b) vestram nosse volumus sanctitatem, (c) quod Theodorico dilectissimo fratre nostro, Trevirensis Ecclesiæ Archiepiscopo, Romam dirigente (d) legatarium, (e) ad Sanctorum Apostolorum limina, audivimus, sicut etiam pridem audiendo, imo & legendo compertum habuimus, eandem ipsam præ cæteris Galliarum Ecclesiis, (f) Catholicæ religionis exordium, & Christianæ religionis, Catholicæque fidei rudimenta prima percepisse, per sanctorum virorum Eucharri, Valerii, Materni, & cæterorum Evangelicam doctrinam, quos tempore suo prædictus Beatissimus Petrus Apostolus ordinavit, & instruxit, nec non illuc ad prædicandum direxit. Unde totius ordinis nostræ sedis Apostolicæ consultu, gratuitoque assensu, jura privilegiorum, quæ a sancta Romana matre Ecclesia præfatis sanctis, eorumque reliquis successoribus,

id est, Agritio, Maximino, Paulino, Severo, Almificis, & Apostolicis viris, a primordio (g) usque nunc authentice concessa sunt, quæque etiam ipsius civitatis excidio, incendio, (b) aliquove casu consumpta approbantur; eidem Treverensi Ecclesiæ, prædictoque fratri nostro Theodorico, & per eum cunctis successoribus suis confirmare, corroborare, & omni modo restituere, dignum duximus: decernentes per hujus nostri Apostolici privilegii validissimam constitutionem, ut, quandocunque a nostra principali, & Apostolica Sede Episcopus, Presbyter, vel Diaconus, vel Subdiaconus, sive quilibet ordinarius Legatus rei Ecclesiasticæ, seu cogendæ Synodi causa, in Galliam, Germaniamve destinatus fuerit; Treverensis Præsul post quemlibet ordinarium Legatum Apostolicæ Sedis in Galliam, Germaniamve destinatum, primum inter alios Pontifices locum obtineat. Et si missus Romanæ Ecclesiæ defuerit, similiter post Imperatorem, sive Regem sedendi, sententiam edicendi, & Synodale judicium canonicè promulgandi Primatum habeat, utpote in illis partibus Vicarius nostræ Sedis Apostolicæ merito constitutus. Neque enim dignum est, ut illius Ecclesiæ Præsul aliquo tempore cæteris non habeatur Prælati, cujus honor in illis partibus sub ipso Apostolorum Principe exitit primitivus. Pari (i) namque modo sancimus, omnes in parochiis ejus degentes, sive ordinationem

*Variantes lectiones Broweri ab exemplari Marteniano.*

(a) Ministerium.

(c) & industriam.

(e) oratum ad Sanctorum.

(g) hucusque

(i) quoque, pro namque.

(b) Ideoque omnium vestrum.

(d) veniente, pro dirigente.

(f) Christianæ, pro Catholicæ.

(h) aliove

tionem & promotionem cujuslibet Ecclesiastici gradus a Pontifice ipsius percipientes, eidem ipsi matri Ecclesiæ, Episcopoque illius debere canonice placere, obsequi, & jure obedire. Si quidem decreto beati Clementis Papæ super hoc ita cautum videtur: *Si vobis, (k) Episcopi, non (l) obedirent omnes Presbyteri, Diaconi, Subdiaconi, ac reliqui Clerici cuncti: omnesque Principes tam majoris ordinis, quam inferioris, atque reliqui populi, tribus & linguae non obtemperaverint; a (m) limitibus sanctæ Ecclesiæ Dei alieni erunt, dicente Domino: (n) Qui vos spernit, me spernit.* Inter hæc quoque omnia, quæ ad supradictam Treverensem Ecclesiam intra & extra civitatem pertinere videntur, id est, Ecclesias cum universis rebus sibi attinentibus, seu Monasteria tam Monachorum, quam virginum, ex præceptis, sive scriptis Regum, seu Imperatorum, sive eorundem fundatorum auctoritate, ad se pertinent, & pertinere debent, & quidquid omnino illa ipsa Ecclesia ubique, & quoquo merito possidet, & possidere debet, generaliter & specialiter concedimus, reformamusque præfato Theoderico fratri, & Coepiscopo nostro, suisque successoribus ad perpetuam sanctæ Treverensis Ecclesiæ Dominationem, atque

ditionem, per hujus nostræ Apostolicæ Sedis præceptionis seriem, a præsentis XII. Indictione, & usque in finem sæculi valituram. Contra quam si (p) quis agere præsumperit, & quod iuste, & canonice a nobis decretum est, in aliquo infringere tentaverit, sciat se ex Dei omnipotentis, & prædicti beatissimi Apostolorum Principis, omniumque Sanctorum, ac deinde nostra auctoritate damnandum, ac anathematizandum; cum omnibus impiis æternis suppliciis deputandum. Qui vero hoc privilegium nostrum observare (q) fideliter statuerit, benedictionis gratiam, & misericordiæ plenitudinem in cælestibus castris inter electorum numerum efficaciter a Domino Deo consequi mereatur.

Scriptum per manus Stephani Notarii, & Regionarii, & Scriniarii S. Sedis Apostolicæ in mense Januario, & Indict. XII. Data XI. Kal. Februarii per manum Sicconis Episcopi ad vicem Guidonis Episcopi & Bibliothecarii S. Sedis Apostolicæ, anno, Deo propitio, Pontificatus Domini Joannis Pontificis, & universalis XIII. Papæ, in sacratissima Sede D. Petri Apostoli IV. Imperii autem D. Ottonis Majoris VII. Minoris vero II.

(k) Episcopis

(l) obedierint

[m] limitibus

[n] Qui vos audit, me audit: & qui vos spernit &c.

[o] Si quis quodlibet modo.

(p) custodire, adimplere

## CONVENTUS EPISCOPORUM, ET OTTONIS AUGUSTI.

*In quo Hatto, Moguntinus Archi-Episcopus, concedit, ut Magdeburg fiat Sedes Archi-Episcopalis, & Brandenburgensis, & Havelbergensis Ecclesiæ, hætenus Moguntinæ subiectæ, subjiciantur*  
*Magdeburgô.*

**I**N nomine Sanctæ, & individuae Trinitatis. Hatto, divina auxiliante Clementia sanctæ Mogonciacensis Ecclesiæ

Tomus II. Concil. German.

Archiepiscopus. Quia sollicitudo Pastorum in augmento gregis probatur, nec tantum Ecclesiis nostris præesse, quan-

N n n n

tum



tum prodesse jubemur; idcirco nos onus nobis impositum in plura dividendum censuimus, ut dum in plures participatur, ab unoquoque nostrum, jugum Christi, quod suave, & onus ejus, quod leve est, æquius & portabilius portetur. Ad dilatandos quippe fidei Christianæ terminos, & Sclavorum indomitas gentes ultra Albiam, & Salam jugo Christi subdendos, in Magdeburg sedem Archiepiscopalem fieri, & in Merseburg Episcopum, Magdeburgensi Ecclesiæ subjiendum, & ab ejus Archiepiscopo ordinandum, Archiepiscopali nostra auctoritate censuimus, & instituimus. Episcopos vero ultra Albiam, Brandenburgensem scilicet, & Havelbergensem, nostræ hactenus Ecclesiæ subiectos, a debita nobis obedientia absolvimus, & præscriptæ Magdeburgensi Ecclesiæ, ejusque Archiepiscopo obedituros æque permittimus, & consentimus. Ne quam vero sancta magdeburgensis Ecclesia futuris, quod abiit, temporibus, a nostris successoribus inde molestiam patiatur, cartam hanc consentaneam conscripsi (a) jussimus. Et in præsentia Serenissimi Domini Augusti Imperatoris, vel venerabilium Episcoporum, quorum nomina inferius inserentur, legi vel recitari, & subscriptionibus corroborari, & confirmari rogamus. Ego Hatto sanctæ Moguntinæ Ecclesiæ Archiepiscopus, manu propria confirmavi, & subscripsi. Ego Everhardus Sanctæ Leodiensis Ecclesiæ Episcopus consensu, & subscripsi. ego Reginoldus sanctæ Rubilocenſis Episcopus consensu & subscripsi. Odelricus Pergami Episcopus interfui, & subscripsi. Hubertus Episcopus subscripsi. Milo Episcopus subscripsi.

*Leuckfeld, in antiquitatibus Halverſtadenſibus, in appendice, diplomate 32. p. 656.*

Anno ergo integro, & demidio jam evoluto, cum Hatto Archiepiscopus Magonciensis, cum Hildewardo Halverſtadenſi, suo videlicet ſuffraganeo, in Italiam venisset, & Imperator illos in cauſa (condendæ Metropolis) blanda petitione convenisset; Hildewardus Episcopus, tam ex Archiepiscopi consensu, quam omnium, qui aderant,

confultu, prompta, & hilari mente, piæ ejus petitioni annuit; ac factò in præſentiarum pari æſtimatione concambio, *Synodali decreto* S. Mauritio Magdeburg, sanctoque Laurentio Merſeburch, quæque petita tradidit, id est, omnem parochiam, sitam inter fluvios *Albiam*, *Salam*, *Hovam* & *Bodam* usque ad ea loco, ubi castra *Unesburg*, *Wantzeleva*, *Hortesleva* cum omnibus pertinentiis, & villis, quæ *Burcbwart* appellantur, versus occidentem longius protenso sine terminantur, cum omni decimatione, banno, subjectione, obſedientiis, & omni Ecclesiastico ordine, prout Halverſtadenſis Ecclesia viſa est eatenus possedisse. Recepit autem ad vicem ab Imperatore in partem, & utilitatem suæ Ecclesiæ, omnem decimationem in *Hosgowve*, ut terminatur in fluviiis *Sala*, *Willerbeke*, & *Wipperæ*, cum omni possessione, quam de Abbacia in honore Beati Wicberti in territorio *Herolovesfeldæ* contructa, idem Imperator æqua commutatione acquisierat; cujus & Abbatiæ ipse fundator erat. Huic autem concambio confirmando, jussione Domini *Joannis* summi & universalis Pontificis, & Cæsaris Augusti Ottonis, petitione quoque Hildewardi Halverſtadenſis antistitis, Ambrosius Palatinus Cancellarius, & Petrus S. Ravennatis Ecclesiæ Archiepiscopus, alii quoque quamplurimi Episcoporum Italiæ, & Germaniæ subscribere, quorum etiam nomina in præſenti paginula studuimus annotare.

Hatto Moguntinus Archiepiscopus interfuit & subscripsit.

Hildewardus Halverſtadenſis Episc. I. & S.

Reginoldus Rubilocenſis Episcopus I. & S.

Adelbertus Rugorum Episc. I. & S.

Albericus Tarvisianenſis Episc. I. & S.

Lantwardus mindenſis Episc. I. & S.  
Everardus (b) Leodicenſis Ecclesiæ Episc. I. & S.

Teupertus Feltrenſis Ecclesiæ Episc. I. & S.

Gaufelinus Patavianenſis Eccl. Episc.

Sichelmus Florentini Episc. I. & S.  
Adel-

(a) pro: conscribi, errore Librarii.

(b) Everardus.

Adelbertus Bononiensis Eccl. Episc.  
I. & S.

Ingizo Castellanae Ecclesiae Episcopus  
I. & S.

Arnadus Foropopuli Episc. I. & S.

Martinus Episcopus ; & fratres Eccl.

Joannes Imolenfis Episc. I. & S.

I. & S.

*Bromerus in Annalibus Trevirensibus ad h. annum ex Chronographo antiquo, Ditmaro,  
& cæteris cœvis, vel supparibus.*

## SYNODUS METENSIS.

SUB THEODORICO PRIMO EPISCOPO.

Anno Christi CMLXX. Joannis XIII. Papæ VI.  
Ottonis I. Imp. IX.

*De nonis & decimis, Ecclesiae S. Vincentii Levitæ & Martyris  
Synodali Sanctione restitutis.*

**I**lle ergo Theodoricus, (a) cui erat in votis, ut fines interminabilis hæreditatis caderent in præclaris; in nullo volebat defraudari partes Dominicæ hæreditatis. Quocirca decimas Ecclesiarum suæ Dioceseos, a Prædecessoribus suis stipendii vel beneficii loco deputatas personis laicalibus, *Synodali auctoritate*, & Episcopali censura subtraxit illis quamvis invitis & reclamantibus : & fecun-

dum, quod scriptum est : (*Qui altario serviunt, de altario vivant*) Ecclesiarum res Ecclesiarum delegavit Officialibus, quæ Dei Deo, & quæ Cæsaris erant, Cæsari reddere catus.

*Sigebertus Levita S. Vincentii Metensis,  
Biographus Theodorici I. Metensis  
Episcopi, apud Leibnitium Tomo I.  
Scriptor. rer. Brunsvicens. pag. 302.*

(a) Theodericus, natus ex pago Saxonie Hamalant dicto, Comite Everardo Patre, Brunonis Colonienfis Archi-Episcopi consobrinus, & discipulus in sanctæ Colonienfis Ecclesiæ Gymnasio : qui & eundem Metensis Ecclesiæ ad Cathedram promovit post mortem Adelberonis anno 962. defuncti, sedit in Cathedra Merensi ab anno 964. ad 984. quo obiit. *Calmet. in Tomo I. Histor. Lotharingæ.*

## SYNODUS I. MAGDEBURGENSIS

SUB ADELBERTO ARCHI-EPISCOPO.

Anno Christi CMLXX. Joannis XIII. Papæ VI.  
Ottonis I. Imp. IX.

*Intbronizatio Primi Archi-Episcopi Magdeburgensis, & Suffraganeorum ejusdem Hierarchia ordinata.*

**A**rchi-Episcopatus Magdeburgensis erectio, postquam in Concilio Ravennatenfi coram Pontifice, & Ottone Imp. decreta fuisset anno 967. **ADELBERTUS** electione Imperatoris in ea primus designatus Præsul, a Joanne XIII. P. M. confirmatus, & multis privilegiis

ornatus cum Legatis Romanæ Ecclesiæ, *Widone* scilicet Episcopo Bibliothecario, & *Benedicto* Cardinali, qui illum cum *Hildevardo* Halverstadenfi Episcopo Sedi suæ inthronisarent, dimissus, ad Imperatorem remeavit lætus, quem Imperator nihilo minus gaudens, utpote

*Tomus II. Concil. German.*

N n n n 2

Beati



beati desiderii compos, cum litteris commendatitiis Magdeburg destinavit. Illuc ergo ex præcepto Imperatoris, *Episcopi*, *Marchiones*, & reliqui Saxonie Principes convenientes, ipsum honorifice susceperunt, & vocum acclamatione, manuumque elevatione electum, cum præfatis Apostolicæ Sedis Legatis celebri ritu inthronisaverunt.

Affuit omnis sexus & ætas gaudentium, fuit prorsus generale tripudium, ubi ad confirmationem sui, idem Archiepiscopus in præsentia eorundem, Nativitatem Domini secum celebrantium, *Besonem* Monachum Merseburgensi, *Burchardum* Misnensi, *Hugonem* Cizensi Ecclesiis primos Episcopos ordinavit, & *Adelgatum* primum Ecclesiæ Magde-

burgensi Præpositum instituit. Dudo quoque Havelbergenfis, & *Dudelimus* Brandeburgensis Episcopi, prius quidem Moguntino Archiepiscopo subiecti, sed tunc agente Imperatore a debita sibi obedientia absoluti, Magdeburgensi Ecclesiæ, ejusque Archiepiscopo cum præfatis Confratribus fidem & subjectionem promissere.

*Ditmarus* Episcopus cœvus *Lib. II.*

*Chronographus Saxo.*

*Albert. Stadenfis Chronicon Magdeburg.*

*Leuckfeld in antiquitatibus Halberstaden-  
sibus ad annum 969. & Pagi ad  
annum 968. hanc Synodum refert.  
Calvisius ad annum 972.*

## SYNODUS TULLENSIS

SUB GERARDO EP.

Anno Christi CMLXXI. Joannis XIII. Papæ VII.  
Ottonis I. Imp. X.

*S. Gerardus Episc. donat Ecclesiæ S. Michaelis bona quedam, Tullo  
vicina, in monte sita.*

**I**N nomine Dei æterni Creatoris, ac Redemptoris generis humani, Gerardus dono Divinæ dignationis humilis sanctæ Leuchorum sedis Episcopus. Justæ rationis ordo, & Christianæ fidei religio cunctos Catholico nomine gloriantes commonendo postulat, ne vitam præsentem, sæcularium cupiditate bonorum ducti, voluptuose transigant, veluti pecora, quæ natura finxit prona, atque ventri obedientia: neque in bene agendis torpescant, neve errent pariter cum his, qui aliam vitam præter hanc minime sperant. Si igitur hujus considerationis cautela competit omnibus crucis Christi vexillo armatis; quanto magis Episcopis, quos pietas Divina præsidere voluit in tractandis sanctæ Ecclesiæ negotiis, & corrigere pro viribus, quidquid in Divinis negligitur cultibus. Proponentes denique ante oculos æternorum magnitudinem bonorum, ne præsentis negligentia officii in culpam trahamur, actus nostros impigro studio in melius revocantes more pastoralis, timore

perterriti cœpimus meditari de construendis, & renovandis Sanctorum oratoriis, quatenus eorum suffragiis consequeremur præmium æternæ remunerationis, & pro terra celum hæreditare possemus. Accrescente vero per dies aliquot hujus voluntatis desiderio, lacrymis stratum rigando, per revelationem Divinam commonemur, honori Sancti Michaelis construere domum orationis in supercilio Barri-montis. Hac visione plurimum exhilarati, de misericordia uberi certiores effecti, grates egimus Omnipotenti, qui infert se medium de se loquentibus, præsertim vineam sponsæ suæ fideliter excolentibus. Post expleti nostri operis solemnia constituitur Dedicationis dies, illis ipsis Calendis, quibus recolitur memoria ejusdem Archangeli a fidelibus populis. Terminavimus ergo hujus Ecclesiæ ambitum, habentem ex uno quoque latere longitudinem XII. pericarum, quæ pertica continuit numerum pedum XX. & unum, ubi & sacravimus sepulturam defunctorum.

rum. Ad hoc oratorium dedicandum multi convenere fidelium, quorum consultu, auctoritatis vero sacræ decreto, nostræque Ecclesiæ iudicio, sacris usibus illius Ecclesiæ concessimus dotis nomine, omnem decimationem proximæ villæ Barri nomine, ex omnibus, unde decima datur; quin etiam statuimus, ut ipsi parrochiani ibi habeant baptisterium, sepulturam, omneque corporis & animæ refugium: ac ne ad aliam Ecclesiam convenire cogantur, auctoritate Divina interdicendo excommunicamus, & ab introitu sanctæ Ecclesiæ sequeamus, confortioque illorum, qui dixerunt Domino: *Domine, recede a nobis*, innodamus. Ad hanc etiam donationem adjecimus decimationem vinearum, quæ sunt plantatæ retro XXX. annos, ac postmodum plantandæ ab ipsa radice utriusque montis, Barri videlicet & Barrisni. His itaque peractis, providentes, ne servitus Divina inibi negligere, apud sacratissimum atque antiquum suburbii nostri locum, Corpore gloriosi Christi Confessoris, ac primi nostræ Ecclesiæ Doctoris Mansueti, decoratum, ubi Abbas Faribertus præesse videtur, locum illum cum omnibus, quæ nobiscum ibi contulit pia fidelium devotio, servituti ejusdem sacrati loci, & Abbatis Fariberti, ejusque successorum providentiæ, per testamentum hoc legali concessione & confirmatione subijcimus, ac perpetim habendum decernimus, eo rationis tenore: ut unus de monachis suis ibi semper moretur, atque de præbenda monasterii alatur, ac vestiatur. Enimvero precamur, obrestamur, & monemus per tremendam Divinæ potestatis justitiam omnes, qui hanc sanctam post nos estis returi sedem, ut incertæ vitæ memores, hoc nostræ parvitatæ decretum, quod iuste a nobis videtur factum, & Divinæ auctoritatis sententia roboratum, nostra etiam manu, nostræque Ecclesiæ consensu adjudicatum, sive subscriptum, nullo modo faciatis irritum, sed vestræ semper pietatis censura subnixum, inviolabile maneat in ævum. Caterum si quisquam mente perculsus, ad tam illicita fuerit prorumpere ausus, nostra pa-

storali auctoritate, ut dignum est, coerceatur; & nisi digne penitendo, vel Ecclesiæ, cujus pervalor extiterit, satisfaciendo, suam correxerit pravitatem, perpetuæ maledictionis incurrat damnationem, nec habeat cum Sanctis aliquam partem, quorum non timuit invadere possessionem. Et ut in posterum verius credatur, ac firmitus observetur, manu propria subterfirmavimus, & manibus fidelium nostrorum roborari fecimus. Ego Gerardus huic testamento faveo, & signo crucis roborando subscribo, annuloque nostræ Ecclesiæ consigno. Signum Grimaldi Primicerii. Sign. Sindibaldi Comitris Tull. Sign. Bernizonis Advocati. Sign. Amalardi Decani. Sign. Odelrici de Mirunvalt. Sign. Harneri majoris. Sign. Heriberti Archidiaconi. Sign. Richardi de Castiniaco. Sign. Archimenni Scabinii. Sign. Rododi Presbyteri. Sign. Ludovici de Commercio. Sign. Harvini de Scropulis Scabinii. Sign. Nanteri Presbyteri. Sign. Beraldi de Vindopera. Sign. Warneri Scabinii de Viddiaco. Sign. Girardi Presbyteri. Sign. Folchemni de Astmanna. Sign. Walheri Scabinii de Tullo. Sign. Warneri Diaconi. Sign. Almarici laici. Sign. Seivaldi Scabinii. Sign. Heinrichi Diaconi. Sign. Norberti laici. Sign. Vixonis Scabinii. Sign. Adzonis Diaconi. Sign. Immonis laici. Sign. Leutberti Scabinii. Sign. Jonæ Cantoris. Sign. Hugonis laici. Sign. Hayducii. Sign. Hildebandi Archidiaconi. Sign. Letucii de Rigneio. Sign. Magni. Sign. Waldulfi Presbyteri. Sign. Seivardi laici. Sign. Arnaldi. Actum Tulli publice in plenaria Synodo, VII. Idus Octobris. Anno Incarnationis Dominicæ DCCCCLXXI. Indictione XIV. Ordinationis vero nostræ VIII. Regnante Magno Ottone Serenissimo Imperatore, XXXV. Imperii sui anno. Duce Lothariensium Friderico. Summo & Pontifice Johanne XIII. Ego Heribertus indignus Sacerdos, atque Ecclesiæ B. Stephani Cancellarius scripsi.

*Cabnet. Tomo IV. Probationum Historiæ  
Lotharingiæ pag. 383. 384. 385.*



## CONCILIIUM INGELHEIMENSE.

Anno Christi CMLXXII. Benedicti VI. Papæ I.  
Ottonis I. Imperii XI. Regni XXXVI.

*Ventilata causa Adalberonis, nepotis S. Udalrici, vivente Udalrico Episcopo Augustano, designati Episcopi Augustani : Statutum, Udalricum mansurum Episcopum : Adalberoni vero commendandam ab Ottone solam procurationem cum spe successionis in Episcopatum post mortem Udalrici.*

**R**Evertentibus de Italia Imperatoribus, Patre scilicet, & ipsius prole ad Franciam, facta est Synodus in loco, qui dicitur *Ingilnheim*, ad quam Archiepiscopi cum cæteris suis suffraganeis sanctum Udalricum cum suis Legatis honorifice invitarunt, Adalberonemque ejus nepotem cum eo venire decreverunt. Illuc vero cum pervenirent, & antistites ibidem congregati, Adalberonem baculum Episcopalem publice portare cognovissent (*designatus enim solummodo fuerat ab Ottone M. avunculi sui in Episcopatu Augustano successor*) irati sunt contra eum, & dicebant, ut contra canonicæ rectitudinis regulam in hæresim lapsus fuisset, & quod Pontificalis honoris sublimitatis vivente Episcopo sibi plus justo vindicaret, & ideo ultra eum Episcopum ordinari non deceret. Quibus ille auditis, prima die Synodale colloquium intrare devitavit, & in alia domo cum cæteris Clericis Episcopi remanebat, antistes autem cum paucis suis capellanis Synodum intravit.

Cumque causa sancti Udalrici fuisset ventilanda (*Nam nigrum cycillum indutus, Episcopalis curis penitus se exuerat*) & ille pro infirmitate, tam sonora voce, ut tota Synodus audire potuisset, rationem proferre non posset; advocabatur unus suus Clericus, nomine Gerhardus, qui extra Synodum cum Adalberone remanebat, ut pro eo desiderii sui rationem per latinæ locutionem manifestaret, cumque vix pro densitate multitudinis, in præsentia Imperatorum, & Episcoporum præsens steterisset, interrogabatur, quid desideraret Dominus suus, quibus interrogationibus multiplicatis dixit: Non debeo interroga-

tionibus vestris respondere pro Domino meo, nisi illo præcipiente. Cui dixit Episcopus: Frater, bene tibi notum est desiderium meum, enarra hoc, & obsecra, ut eorum consiliis, & permissionibus, Deo juvante, expletum fiat. Tunc præfatus Clericus Gerhardus in præsentia omnium dixit: Excellentissimi Imperatores, & Religiosissimi Antistites, desiderium Domini mei est, relinquere sæculum, & secundum regulam sancti Benedicti sanctam inire vitam, & in contemplativa vita diem expectare obitus sui. In indumento pro certo habitus exterioris, potestis cognoscere voluntatem animi interioris. Istitis & aliis rationibus in voluntate Domini sui in finem deductus, terra tenus cecidit ante pedes Imperatorum, & Antistitem, obsecrans, ut petitionem Domini sui secundum Dei voluntatem implere non dedignarentur. Qui simul respondendi inducias usque in crastinum diem postulaverunt, & postea inter se æstimaverunt, qualiter causa Adalberonis terminaretur.

Quidam vero Episcoporum adjutores Adalberonis fuerunt, ne prorsus a spe Episcopalis ordinationis post vitam avunculi sui excluderetur. Hæc cum inter se prolixè fermocinarentur; ultima in unum ratione coadunati, omnes simul firmaverunt, nisi Adalbero se Sacramento excusaret, quod non sciret hæresim manere, quia Episcopalem potentiam cum baculo arripuit, nullo modo ulterius legaliter Episcopus fieri potuisset. Altera vero die cum Episcopo etiam Adalbero Synodali interfuit colloquio, & cum ei prædictum crimen imputaretur multis objectionibus diversorum

forum colloquiorum cum suis adiutori-  
bus , a prædicto crimine se defendere  
statuit. Hoc cum ei adunatio omnium  
Episcoporum non consentiret , secun-  
dum prædictam destinationem Episco-  
porum Sacramentum perfecit , per nomen  
Patris ; & Filii , & Spiritus Sancti su-  
per quatuor Evangelia.

Tunc iterum Episcopus Udalricus  
petitionis suæ responsa , quæ pridie pro-  
craftinata fuerunt , per prædictum suum  
Clericum expetivit : quia desideravit ,  
ut prædictus suus nepos Episcopus or-  
dinaretur , & ille secundum regulam S.  
Benedicti , in Monasterio cum eorum  
consensu deservire mereretur. Episco-  
pi autem , quamvis eis ex toto non pla-  
ceret , aperte ei in Synodo contradice-  
re noluere petitionem suam : sed sapientis-  
simi ex ipsis , cum consilio aliorum , ex-  
tra Synodum eum ambulare cum illis  
postulaverunt , ibique cum eo & cum  
suis Clericis sapientissimis secretam lo-  
cutionem habuere , dicentes : Reverende  
Pater , cui nota est omnium Ecclesiasti-  
corum librorum norma , qui semper  
callem rectitudinis ambulasti , non de-  
viando : non decet nunc , istam viam ,  
quam semper tenuisti , omittens , semina-  
rium ex teumat talis error , ut alius in  
loco tuo , te vivente , ordinetur : quia si  
ex te talis consuetudo incipit perpetrari ;

inposterum multis reverendis , & bo-  
nis Episcopis , ab eorum nepotibus , &  
Clericis , talia desiderantibus , multa con-  
crescunt adversa . Melius tibi est , ut in  
eo ministerio , in quo cepisti Deo servi-  
re , permanes , quam tuam voluntate  
sequens , aliis plurimis scandalum  
facias : quia ex te Canonici , & monachi  
& sanctimoniales ; & ceteri Christiani  
ad rectitudinis statum debent constringi ,  
qui ex semetipsis per climata cadere fe-  
stinant : qui autem incaute ambulando  
cecidissent , ex te , Deo juvante , erigi  
posse sperandi sunt . De nepote autem  
tuo Adalberone tuæ voluntati satisfac-  
iendo in commune firmamus ; ut nul-  
lus alius a nobis post tuum discessum ad  
illum locum , in quo tu pastor existis ,  
eo vivente ordinetur , nisi ipse .

His consiliis consentiens sanctus  
Episcopus Udalricus , cum eis in Syno-  
dum regrediebatur , & tunc cum con-  
sensu aliorum Antistitum , fecit ab Im-  
peratore Adalberoni commendari in eo-  
rum præsentia , procuracionem sui habere ,  
& sub ipso totius Episcopatus causam  
dispositionem in omnibus adimplere .  
Taliter vero istis terminatis , finita Sy-  
nodo , Episcopus (a) & Adalbero cum  
suis ad Augustam revertebantur .

*Hermannus Contractus in Chronico ad  
hunc annum.*

[a] S. Udalricus obiit anno 973. ætatis 83. Ordinationis autem 50. 4. Nonas Julii. *Gerardus in ejus vita.* Sed Baronius ad hunc annum 972. refert , quia hoc anno quarta dies Julii & feria VI. concurrunt , non anno sequente . Ceterum annotat *PAGIUS in Critica ad hunc annum* , Necrologia & Martyrologia non esse semper accurata in diebus mortualibus assignandis .

## *Ejusdem Concilii Ingelheimensis* DECRETUM,

*Quo Corbeiensis Abbas , & Herfordensis Abbatisa coguntur restituere  
Decimas Episcopo Osnabrugensi.*

IN nomine Sanctæ & Individuæ Tri-  
nitatis. Otto, Divina favente Clemen-  
tia , Imperator Augustus. Noverit om-  
nium industria Fidelium nostrorum , tam  
præsentium , quam futurorum , qualiter  
vir venerabilis Luidolfus Osnebruggen-  
sis Ecclesiæ Episcopus , Nosterque Fi-  
delis ac consanguineus , necessitate  
compulsus , de Saxonica terra Raven-  
nam usque Serenitatis nostræ Clemen-

tiam adiit , querimoniam faciens , Eccle-  
siam suam decimis , unde jam a XII. annis  
transactis Apostolica auctoritate , & mul-  
torum nostri Regni Principum consultu ,  
& iudicio definivimus ; & Drogoni ,  
ejusdem sedis præfuli , nostræ libertatis ,  
& immunitatis præceptum super hac  
eadem re fieri præcepimus ; & dedi-  
mus , iterum a Corbejenfē Abbate , &  
Herfordensē Abbatisa , suisque fautori-  
bus



bus temeraria præsumptione depredatam esse, & multos acceptis inde beneficiis, (nam nos de hac vita decessisse, apud illos diffamatum est) in eorum adjutorium conjurasse. Hoc vero non æquo animo ferentes, quoniam iter nostrum Romam direximus, prædictum Episcopum nobiscum illuc usque venire fecimus. Ibi vero hoc negotio, cæterisque, pro quibus venimus, apud Patrem nostrum Joannem Apostolicum tractatis, *ejus jussu & consilio*, mox litteris directis, Synodum Inglinbeim congregandam proximo autumnali tempore, pro Ecclesiastico honore stabiliendo in hac re, cæterisque quam plurimis condiximus. Illuc præfatum Episcopum, suosque adversarios, ante nos convocare præcepimus: huic vero Synodo interfuerunt Ruodbertus Mogontienſis Archiepiſcopus, & ſui Suffraganei Otharicus Auguſtenſis, Poppo Werciburgenſis, Anno Wormatienſis, Erkanbaldus Argentinienſis, Otwinus Hildineſheimenſis, Rehinoldus Rabulocenſis, vel Rubilocenſis: Gero Colonienſis Archiepiſcopus cum ſuis ſuffraganeis, Notkero Luoduenſe, Liudolfo Oſnabruggenſe, Buodone Mimigardefordenſe: Thidricus Treverenſis Archiepiſcopus, & ſui ſuffraganeis

nei: Theodricus Metenſis, Virigfrithus Viurdunenſis, Gerhardus Tolentis: Freduricus Juvenenſis Archi-Epiſcopus, Athaldagus Hammaburgenſis Archiepiſcopus, Athalbertus Magdaburgenſis Archiepiſcopus cum ſuis Suffraganeis, Fokkone miſnenſe, Giſilhario merſeburgenſe, multique alii noſtri Principes Duces, Comites, Clerici, & Laici quorum nomina, & numerus comprehendere non poſſunt. His vero nobiſcum in Synodo confidentibus, Episcopus, & ſui adverſarii in medio conſtabant, ibi utrumque ſententiis auditis, & ſubtiliter diſjudicatis, Decimas Episcopis Canonica auctoritate reddi debere omnes affirmabant, ſicque Abbas, & Abbatiffa, ſuique fautores Synodali ſententia convicti decimas Episcopis reddiderunt, & XXX. libras auri pro injuſtitia illata, & un bann---- certis induitiis perſolvendas promiſerunt. Quapropter ob amorem Domini noſtri Jeſu Chriſti, & monitum dilecti Filii noſtri Ottonis --- Oper--- Archiepiſcorum, Episcoporum & cæterorum plurimorum.

*Sebatenus L. IV. Annalium Paderborn.*

*pag. 314.*

*Vohurg. in Hiſtoria Ottonum pag. 92.*

*Baronius Tomo X. ad hunc annum n. 34.*

## SYNODUS ROMANA.

Anno Chriſti CMLXXV. Benedicti VII. Papæ I.  
Ottonis II. Imperii III.

*In qua Benedictus VII. PP. Theodorico Archiep. Treverenſi, Primati Eccleſiarum Gallie & Germaniæ, limina Apoſtolorum viſitanti, donat cellam quatuor Coronatorum in urbe Romana, gratuito Sacerdotum, Clericorum, & plebis Romanæ aſſenſu.*

**B**enedictus Episcopos ſervus ſervorum Dei. Cariſſimis nobis in Chriſto fratribus, univerſis Episcopis, ac totius dignitatis & ordinis Catholicis viris, præſentibus ſcilicet & futuris, perpetuam ſalutem. Quia licet indigni, divinæ tamen dignationis gratia diſponente Beati Petri Apoſtolorum Principis Sacraſſimam Sedem, Paſtoraleque in curam Dominici gregis miniſterium ſuſcepimus, juxta Apoſtolicam doctrinam, ſicut malis terrori, ne deſideria pravitate

ſuæ perſiciant, nos oportet exiſtere; ita ſanctæ Dei univerſalis Eccleſiæ Filios, in religionis piæque devotionis proſpectu paternæ gratiæ benedictione fovere, maximeque eos, qui in ſanctam Romanam eccleſiam, beatumque Petrum Apoſtolorum Principem cæteris devotiores probantur; quatenus eis, pia ſui devotio, & in præſenti benignitatis conferat conſolationem, & in futuro æternam ipſo intercedente remunerationem. Unde omnium tam præſentium

tium quam futurorum sanctitatem , & industriam nosse volumus , de sancta fratris nostri Theodorici , sanctæ Treverensis Ecclesiæ Archiepiscopi , Primatisque nostræ , prædecessorumque nostrorum , ab exordio Christianitatis per Beatum Petrum constitutione , totius Galliæ , ac Germaniæ in eundem Apostolorum Principem devotione , qui in sua fede Ecclesiam Christi gloriosius gubernando , multa Monasteriorum , quæ usque in sua tempora manserunt deserta , restaurando , beatorum Apostolorum limina , cæteris sæpius , nullo longioris viæ periculo , seu labore territus , liberalissime visitando , nobis usque eo complacuit ; ut eidem Theodorico , & ipsius Ecclesiæ possidenda in perpetuum aliqua conferre justum duceremus ; quatenus , ut præfati sumus , pro tanta sui devotione a nobis gratiam , & benedictionem in præsentem , & in futuro a Deo , beatisque apostolis centuplicatam in celestibus reciperet gloriam . Quapropter omnium tam præsentium , quam futurorum notum fieri volumus industriæ , nos cum auctoritate beati Petri Apostolorum Principis , gratuitoque Sacerdotum , Clericorum , totiusque Romanæ plebis assensu , eidem sanctæ Trevirensi Ecclesiæ , Cellam quatuor Coronatorum condonasse in perpetuum possidendam , cum omnibus appendiciis suis , aquis scilicet , aquarumque decursibus , pratis , pascuis , vineis , silvis , cultis & incultis , certilibus , & mansis . Quæ omnia eidem fratri nostro Theodorico sanctæ Trevirensis Ecclesiæ Archiepiscopo , Vicarioque nostro carissimo , in partibus totius Galliæ , & Germaniæ , ac per eum , cunctis successoribus in perpetuum possidenda , tenenda , ac ordinanda , per hujus nostræ apostolicæ præceptionis seriem tribuimus , quæcunque eadem cella ex diversis fidelium donationibus autentice secundum legem Romanam possidet , vel jure possidere debet ,

data videlicet , & usque in finem sæculi quoquo pacto danda , seu per violentiam inimicorum eidem cellæ ablata , seu per incuriam commorantium in cella perdita , ex integro , & ad integrum eidem fratri nostro Theodorico , sanctæ Trevirensis Ecclesiæ Archiepiscopo , dignissimoque nostro Vicario in partibus totius Galliæ & Germaniæ , universisque successoribus suis , per eum a præsentem die , Indictioneque tertia , Beati Petri Apostolorum Principis , nostraque permittimus auctoritate . Contra quam , si quis hominum quolibet modo agere præsumpserit , & quod juste ac canonicè a nobis decretum est , in aliquo infringere tentaverit , sciat se ex Dei omnipotentis , & prædicti beatissimi Apostolorum Principis , omniumque sanctorum , ac deinde nostræ auctoritate damnandum , anathematizandum , & cum omnibus impiis æterno supplicio deputandum . Qui vero hoc ipsum nostrum privilegium observare , custodire , adimplere , fideliter studuerit , benedictionis gratiam , & misericordiæ plenitudinem in celestibus castris , inter electorum numerum efficaciter a Domino Deo consequi mereatur . Scriptum per manum Stephani Notarii , & Regionarii , & Scriniarii sanctæ sedis Apostolicæ , mense Januario , Indict. III. data XV. Kal. Febr. per manum Widonis Episcopi & bibliothecarii sanctæ sedis Apostolicæ . Anno , Deo propitio , Pontificatus Domini nostri Benedicti Sanctissimi VII. Papæ I. Imperante Domino piissimo Imperatore Augusto Ottone , a Deo coronato magno , anno VIII. Indictione tertia .

*Browerus Annal. Treverens. Tom. I. Lib. IX. ad hunc annum.*

*Gesta Treverensium Archiepp. edita a Martene Tomo IV. Collectionis amplissimæ columna 154.*





## SYNODUS LAUREACENSIS.

(PATAVIENSIS)

Anno Christi CMLXXVI. Benedicti VII. Papæ II.  
Ottonis II. Imp. IV.

*Pilgrimo Episcopo præsidente, de decimis Ecclesiæ Laureacensi debitæ inter Anesum fluvium (Enß) & Comagenum montem.*

Notum sit omnibus Christi fidelibus, præsentibus, scilicet, & futuris, qualiter tempore *Pilgrimi* Episcopi, Synodo congregata, semel in *Laureacensi Ecclesia*, Oratorio sancti Laurentii Martyris Christi, secundo autem in Basilica sancti Agapiti Martyris, *Mutarn*, orientales Dioecesanos suos, præstito iuramentationis Sacramento, quid suæ sanctæ Ecclesiæ juris in decimatione contingeret interjacentis Provinciæ, inter Anesum fluvium, & Comagenum montem, Synodice percontans; concordii responsione in unam hanc conivere sententiam: penitus videlicet, ac continuatim omnem decimationem infra præscriptos limites, Anesi fluvii scilicet, & Comageni montis, ante proximam barbaricam suæ Dioecesis devastationem, in ditione, & potestate prædictæ sanctæ Patavienfis Ecclesiæ, sibi que præsiden-

tium Episcoporum, & fuisse, & adhuc jure esse debere; hac tantum excepta decimatione, quam ab aliis Ecclesiasticis possessionibus, ex Dominica pertinentia ad partem usus ubique censuit dari, & eam tantum, quam ex antiqua Regum munificentia constat esse traditam.

*Hæc sunt nomina Sacramentalium.*

Meginhart Comes, Pabo Comes, Wernherus, Engeldie, Eigil, Utich, Mimilo, Wasigrist, Gerolt, Adelfrit, Gerhoch, Hertinc, Hacco, Ediram, Ernst, Azili, Allo, Mazil, Wolffker, Gumpo, Ellipert, Ozi, Zakko, Sinzo, Leutzmann, Walto, Ello, Razo, Udalge, Regeringer, Altman.

## CONVENTUS IN OPPIDO

TRUTMANNA.

Anno Christi CMLXXVII. Benedicti VII. Papæ III.  
Ottonis II. Imperii V.

*Henricus Augustanus Episcopus ab Exilio liberatur.*

Cum (OTTO) Imperator ad Saxoniā reverteretur, postea statuto tempore Henricus filius Henrici (a) & æquivocus ejus filius Pertolli ad colloquium Imperatoris vocati sunt: cum quibus etiam Henricus Episcopus (AUGUSTANUS) ad Imperatorem se ad excusandum de prædicto reatu venit, ut restitutus gratiæ ejus ad propria redire mereretur. Peracto itaque colloquio

Henricus, & æquivocus ejus in exilium missi sunt. Henricus autem Episcopus ad Vurdinam, ubi sanctus requiescit Liutgerus, Abbati ad custodiendum commendatus est. Cumque ibi de Pascha usque ad nativitatem sancti Joannis Baptistæ cum magna cautela custodiretur; factum est imperiale colloquium in oppido, quod dicitur Trutmanna. Illuc venerunt duo Presbyteri Gerhardus, & Ana-

Anamotus de *Augusta*, & cum inter-  
ventu Ottonis Ducis, & *Episcoporum*  
*ibi inventorum*, supplicaverunt non solum  
de semetipsis, sed de omnibus Clericis,  
& Laicis in eodem Episcopatu habitan-  
tibus; ne diu Episcopali custodia priva-  
rentur. Imperator autem petitioni Ot-  
tonis Ducis, aliorum suorum fidelium,

præfatorumque Clericorum satisfaciens,  
Episcopum de exilio reduci præcipit,  
& in præsentia sua, iterato fidelitatis suæ  
Sacramento, cum gratia sua ad episcopa-  
tum suum redire concessit.

*Mabillon. Seculo V. in vita S. Udalrici.*

Idem *Mabillonius in Annal. Benedictinis Tomo III. pag. 618.* ad annum 973. post narratam  
mortem S. Udalrici, scribit, Henricum, S. Udalrici in Cathedra Augustana  
successorem, filium Burchardi Alamanniæ Comitis, non multo post suam Ordina-  
tionem, ob seditionem Henrici Bojariorum Ducis, cui adhæserat, in exilium ab  
Imperatore missum fuisse ad Werthinensē Monasterium, ejusque Abbati Folemaro  
commendatum fuisse.

Ad annum 941. *Mabillonius citato Tomo III. pag. 453. similem conspirationem ab Ottone*  
*I. castigatam, his verbis refert:* Henricus, Ottonis Regis frater natu-major, se  
regno privatum esse graviter ferens, cum quibusdam Saxonibus in fratrem conspirat.  
At Rex victor rebellium primores comprehensos capite plecti jubet; fratrem vero  
Henricum Ingelheimium retrudit. Fridericus Moguntinus Antistes, ejusdem con-  
spirationis particeps creditus, perceptione corporis & sanguinis Domini se purga-  
vit, & tamen Fuldam relegatus est. Rothardus, Strazburgenfis Episcopus, ob ean-  
dem causam in Corbeie novæ Monasterium deportatur. Henrico Ottonis fratri,  
Lothariensis Ducatus, qui ei post mortem Gisleberti a fratre commissus fuerat, eri-  
pitur, atque Ottoni, Richuini Ducis filio, commendatur, ut & Ducatum procura-  
ret, & Henricum puerulum, Gisleberti filium nutriret. *Hæftenus Mabillon. loco*  
*citato.*

## SYNODUS INGELHEIMENSIS.

Anno Christi CMLXXIX. Benedicti VII. Papæ V.  
Ottonis II. Imp. VII.

§. I. Elevatio S. Celsi Episcopi, Episcoporum consensu decreta.

§. II. Definitio conjunctionis Monasteriorum Stabulensis, &  
Malmundariensis sub unico Abbate.

*Egbertus, Theodoricus II. Hollandiæ Comitis Filius, creatus Archi-*  
*Episcopus Trevirensis, anno 979. dum novam Basilicæ S. Eucharistie (bodæ*  
*S. Matthiæ) structuram molitur, in fundamentis corpus S. CELSI*  
*Episcopi Trevirensis detegitur, 836. post obitum annis,*  
*quod ubi illi nuntiatum fuit; illuc venit, sed*

**B**Eati pignoris taphum de loco depo-  
sitionis movere nequaquam præ-  
sumpsit, sed tantum auctoritatis suæ si-  
gillo, sub vigilum excubiis signare cu-  
ravit: psalmicines interim monachos  
ibidem constituens, qui ob merita tanti  
justi inintermissibiles persolverent lau-  
des divinitati; quoad ipse Coepiscopo-  
rum suorum consilio plenius perdisce-  
ret, quid de re tanta fieri oporteret,  
*Tomus II. Concil. Germ.*

sicque transcripto tituli tomo, Episcopii  
delegavit claviculario. Non multo post  
corrogata est Imperiali edicto solennis Sy-  
nodus quamplurium Episcoporum, at-  
que Abbatum, Patrum videlicet Belgi-  
cæ, nec non Germaniæ, apud regale pa-  
latium, quod barbarico vocabulo engilen-  
heim vocitur: in qua nonnulla Ecclesia-  
sticæ utilitati necessaria, sanctorum Cano-  
num præviante auctoritate, dulciter sunt  
pro-



promulgata, atque successuræ posteritati inviolabiliter observanda, indicta. Cui necessario interfuit Treviricæ Ecclesiæ Metropolitanus bene meritus *Egbertus*, cujus memoria quamdiu hodie dicitur, semper est in Benedictione habenda: quia piis ejus studiis ascribitur, quod suæ Ecclesiæ Clerus scientia ac religione nobilitatur. Discussis sane inibi multis, quæ Synodica postulat rubrica, postquam tantus Archipræsul, qui inter omnes illos primatum tenuit, vacuum sibi fore ad loquendum pervidit, arrepto Pitaciolo, cui erat inscriptus B. Celsi titulus, ordine, quo oportuit, qualia apud urbem suam divina dignatio præ manibus revelaverit, Tulliana sacundia coram peroravit, titulumque ipse recitavit:

Sollicitus quicumque cupis cognoscere tumbam:

Præclarus jacet hic nomine, vel meritis,

CELSUS, quem Dominus vero insignivit honore,

Non segnis patriæ semper ubique vigens.

Qui genus, atque ortum claro de stemmate traxit,

Affectuque pio conditur hoc tumulo.

Quibus auditis Imperator immenso perfusus gaudimonia, sacrum, & Deo decibilem, his verbis affatus est conventum, "Gaudete, Fratres, & Patres in Domino, & laudate ex intus visceribus Dominum Deum nostrum, qui mira, æternæ suæ bonitatis gratia respicere dignatus est ad tempora nostræ, dando Ecclesiæ suæ

"apud Trevericam Metropolim novum Patronum, beatum Celsum, quem virtutibus perplumem, plenumque dierum, a tempore exitus sui de Ægypto, hæcenus in supernis sedis concivitavit frequentius Angelorum: iterum rogo, gaudere, quia ut verum fatear, non solum exinde nobis salus aucta est, verum etiam pii pastoris probitas ejusdem verbis, quem in præsentiarum cernitis, enucleatim patefacta est." Quod cum audissent utriusque ordinis Sacerdotes Domini, qui eidem sacræ interfuerunt Synodo; expansis ad cælum manibus, pias præ gaudio fuderunt lacrymas, immensas Conditori referentes grates, qui tam gloriosum pignus, non passus est subterrari diutius, sed cujus apud ipsum esset meriti, miraculis corruscantibus censuit pacificari. Neque enim fas fuit, ut illi deesset in terris obsequium Ecclesiasticæ militiæ, cui jam in cælis a Domino reddita erat corona justitiæ. Post hæc sacro placuit Concilio, quatenus Augusti Prostagmate præsentē, atque Episcoporum indigestibili consensu comitante, Trevericus vates naviter sedem suam revivere debuisset, & glebam B. Celsi, una cum subicæ Clero, de tumulo proprio levare atque sublimiter in arcella, quasi in quodam, divinarum opum Gazophylacio collocare, sicque totius sanctitatis cultu, ac si summi Regis, non qualecunque membrum, sacro Altari imponere.

*Acta Sanctor. Antwerpiae ad diem XXIII. Februarii, & Historia inventionis S. Celsi, a Theodorico Monacho cœtero descripta anno MVL.*

## §. II. *Conjungenda Monasteria Stabulense, & Malmundariense sub unico Abbate, libere eligendo per Monachos utriusque cœnobii.*

IN nomine Sanctæ & Individuæ Trinitatis. Otto Divina favente gratia Imperator Augustus. Si Regalis aut Imperialis Majestas Abbatum, ac Monachorum, Deo servientium utilitatibus, vel necessitatibus pie consulere studuerit, id omnimodis ad emolumentum animæ suæ proficere non ambigat. Idcirco compariat omnium fidelium sanctæ Dei Ecclesiæ

nostrorum præsentium scilicet, ac futurorum industria, qualiter quidam Abbas, nomine RAVINGERUS, ex Monasteriis, Stabulaus videlicet, & Malmundaria, quæ sunt constructa in honore Sancti Petri Apostolorum Principis, in quo superiore sanctus requiescit Remacius, Confessor & Episcopus, adiens Celsitudinem mansuetudinis nostræ, postulavit a nobis, quate-

quatenus Prædecessorum nostrorum more, id est, Sigeberti, Hildrici, Lhodo-  
vei, & Dagoberti Regum, qui & eorun-  
dem Monasteriorum fuere constructores,  
nec non & Imperatorum Karoli, Hlu-  
dovici, sed & Serenissimi beatæ memo-  
riæ Ottonis, Genitoris nostri, Augusti Im-  
peratoris, concederemus Monachis, ibi-  
dem Deo militantibus, electionem regula-  
rem, quod & fecimus.

Et quia Monachis alterius Cœnobii,  
id est, Malmundarii, antiquorum sancita  
Regum non suffecerunt, sed eadem Mo-  
nasteria rescindere, & sub duobus Ab-  
batibus, quod nunquam antea a tem-  
pore S. Remacii acciderat, esse labora-  
verit, in tantum, ut nisi generaliter Epi-  
scoporum ex diversis Provinciis confluentium Synodo in Ingelheim Palatio  
nostro, prolatis supradictorum Antecesso-  
rum nostrorum præceptis, diffiniri potue-  
rit; propter hæc, inquam, ut ne qua  
deinceps inter eos controversia fiat,  
statuimus secundum mansuetudinis no-  
stræ edictum, & omnium in eadem Syno-  
do Episcoporum consultum, maxime  
Willigisi Moguntini Archi-Episcopi, &  
Deoderici Metensis Episcopi, & Nor-  
geri Leodiensis Episcopi, ut defuncto  
per successionem Abbate, ex utrisque in

unum Cœnobiis confluentibus Monachis  
habeant sine simulatione, sine exceptio-  
ne personæ, sine respectu pecuniæ, se-  
cundum sancti Benedicti regulam, Abba-  
tem eligendi liberrimam optionem, ea  
tamen præponderante ratione, Malmun-  
dariensium pace, ut, quia B. Remacius  
utriusque Monasterii Constructor, &  
Tungrensium antea Episcopus, & Pastor,  
maluit in altero eorum, id est, Stabulen-  
sium, locum sepulturæ sibi eligere, ipsi  
primam electionis obtineant vicem. Sin  
autem non illic, sed Malmundarii melior  
reperiatur, utrique loci præficiendus,  
potius quam ab externis assumptus intro-  
mittatur. Et ut hæc nostræ concessionis  
ac confirmationis auctoritas plenior in  
Dei nomine obtineat vigorem, hoc præ-  
ceptum inde conscriptum, manu propria  
subter firmavimus, annulique nostri im-  
pressione insigniri fecimus.

Signum Domini Ottonis invictissimi  
Imperatoris Augusti. Hildebaldus Epi-  
scopus & Cancellarius, ad vicem Willigisi  
Archi-Capellani recognovi. Data II.  
Nonas Junii, anno Dominicæ Incarna-  
tionis CMLXXX. Indiæ VII. Anno  
vero Regni Secundi Ottonis XIX. Impe-  
rii autem XIII. (\*) Actum Aquisgrani in  
Dei nomine feliciter. Amen.

[\*] Nimirum a tempore Coronationis.

Cl. Ignatius Roderique anno 1728. in Disceptatione de Abbatibus, & origine Ab-  
bariarum Malmundarii, & Stabuleri, opposita observationibus Martenii, & Du-  
randi Parte III. Cap. II. pag. 115. 116. contendit, hoc Diploma esse spurium, seu  
supposititium multis adinventis argutiis. Mansi autem idem refert Tomo I. Supple-  
menti Conciliorum; ex eoque recte probat existentiam Synodi Ingelheimensis.

Cl. Roderiquio nil oppono, quam sententiam Curiae Romanæ, anno 1744. la-  
tam a R. P. D. Molina Rotæ Auditore, post trecentorum annorum litem,  
in qua decretum Friderici Archi-Episcopi Colonienfis anno 1128. hujus Synodi In-  
gelheimensis decreto innixum, omnimodis probatur, & firmissimum, omnique hu-  
mana fide in quovis judicio dignissimum, canonizatur: nam & hoc Diploma Fride-  
rici Roderiquius allatrare & arroderere voluit. Vide Secundum S. Remacii Triumphum  
de Monasterio Malmundariensi, anno 1748. impressum, pag. 53. editum a Dionysio Mal-  
berbe, Monacho & Bibliothecario Stabulensi.

Stabulense Monasterium, simulque Malmundariense tunc administrabat Ravengerus  
Abbas, qui gregis sui commodo & tranquillitati prospiciens, Ottonem Imperato-  
rem rogavit, ut more Antecessorum suorum Monachis ibidem consistentibus Ele-  
ctionem Regularem concederet, quod annuit Imperator. Quia vero nonnulli Mal-  
mundariense monasterium a Stabulensi separare moliti erant, ne qua deinceps hac de  
re controversia oriat, (ait) a se statutum fuisse in Synodo Ingelheimensi, consultu  
Episcoporum, maxime Willigisi Moguntini Archi-Episcopi, & Deoderici Episcopi  
Metensis, ut defuncto Abbate concurrentes in unum utriusque Cœnobii Monachi,  
eligendi secundum S. Benedicti regulam Abbatis, habeant liberrimam optionem, ita  
tamen, ut ex Stabulensium gremio præponatur, qui dignior fuerit; sin minus, ex  
Malmundariensibus, si melior inter eos habeatur. Mabillon. Annalium Benedictino-  
rum Lib. XLVIII. pag. 664.



## SYNODUS LEODIENSIS

SUB NOTGERO Episcopo.

Anno Christi CMLXXX. Benedicti VII. Papæ VI.  
Ottonis II. Imp. VIII.

*Petente Womero, Abbate Monasterii Gandensis, miracula S. Landoaldi (a)  
Archi-Presbyteri, coacta publica Synodo collecta, per Harigerum di-  
serte descripta, auctoritate Episcopali roborata, eidem Abbati,  
& Fratribus Gandensibus transmittuntur.*

**D**ominus Abbas tantis beneficiis vi-  
sis (ad tumbarum S. Landoaldi, & (b) So-  
ciorum patris) gratias omnipotenti Deo  
rependit, nec multo post inspirante Do-  
mino, pro cautela futurorum, & quod  
verius est, pro majori gloria Sanctorum,  
prios nostros, supra designatos, ad ve-  
nerabilem Episcopum Leodiensis Eccle-  
siæ mittere curavit, supplici precatu ef-  
flagitans, quatenus de translatorum San-  
ctorum reliquiis quæque digna per Cleri-  
cos suos inquireret, & illis veritatem de  
illis omnibus renunciaret in scriptis, quod  
Domino donante extemplo completum  
est.

Nam requisiti in Synodo plena Sa-  
cerdotes & Clerici, undique confluentes,

quanta audierant, & facta viderant de  
Sanctis nostris miracula, ore consono  
coram Episcopo suo proferebant. Ju-  
bente itaque eodem eximio Pontifice,  
ibidem miracula, quæ divulgaverant, sunt  
collecta, & per Dominum Herigerum (c)  
didasculum, ac musicæ artis peritum, bre-  
viter quidem, sed satis diserte, ac lucu-  
lento sermone descripta, nec non & ip-  
sius Episcopi sunt auctoritate roborata:  
insuper sigilli sui impressione munita, at-  
que Domino Abbati, ac omnibus fratri-  
bus Gandensibus (d) fideliter missa.

*Ex Auctoris Monachi coævi Gandensis  
MS. codice excerpta. ad diem XIX.  
Martii. Tomo III. pag. 45. in Actis  
Sanctorum.*

SYNO-

- (a) S. Landoaldus cum sociis Roma in Belgium venit, benedicente Papa Martino I. circa annum DCL. Creditur, S. Lambertum, post Tungrensem Episcopum, in pueritia intruxisse, Evangelium prædicasse, pie obiisse & sepultus fuisse in Ecclesia Wintershoff a se dedicata: inde ob miracula translatus Gandavum circa 735. Miraculis autem Gandavenfes petunt a suo Episcopo Notckero examini veritatis horum miraculorum. Fit inquisitio in Synodo Leodiensi anno 980., authentica declarantur, decernitur Canonizatio, seu Elevatio tumuli, quæ anno 982. 13. Junii facta fuit, ut certo constat ex actis translation. ab Hagiographis relatis.
- (b) Socii S. Landoaldi fuere Amantius Diaconus, Adrianus Martyr, Julianus, Venciana, Adeltrudis, Wintershovii primum, dein usque nunc Gandavi sepulti. *Vide diem XIX. Martii in actis Sanctorum.*
- (c) Herigerus Abbas Lobienfis, Diocesis Leodiensis, Synodo interfuit. Verosimiliter editis variis libris celebris, & inter alia scripta, vita S. Landoaldi, ejusque translatione, libris duobus inscripta Notgero Episcopo Leodiensi: obiit Herigerus ineunte Sæculo XI. anno MVII.
- (d) Gandavum urbs nunc est Episcopalis ab anno 1559. ante eum annum sub Leodiensi Episcopo erat.

## SYNODUS TREVERENSIS

SUB EGBERTO Archi-Episcopo.

Anno Christi CMLXXXI. Benedicti VII. Papæ VII.  
Ottonis II. Imp. IX.*S. Paulini Ecclesia & Monasterium, Clericis habitatum, dotatur,  
& fundis augetur.*

IN nomine Sanctæ & Individuæ Trinitatis. Noverit omnium Christi fidelium tam præsentium, quam futurorum industria, quod ego Egbertus, Divina favente clementia, Trevericæ sedis Archiepiscopus, videns Monasteria, & Ecclesias nostræ Dioceseos, omnibus Ecclesiasticis usibus a diebus antecessorum nostrorum usque ad tempora nostra miserabiliter desolatas, atque in id redactas; ut vix spes esset eas reparandi: deliberavi, ut si non omnibus possem, saltem aliquibus pro virili parte mea succurrerem, satius ducens quasdam ex illis, meis diebus restaurare, quam omnes neglectas relinquere. Quod nunquam convenientius aut stabilius fore credidi, quam si unicuique loco propriam terram, ut antiquitus statutum, & concessum est, determinarem atque solidarem. Cumque in hoc minime prævalerem, nec desiderii mei compos in hac re effici possem, præsertim cum ipsius Episcopii maxima pars militibus in beneficium distributa, ita ut nulli locorum propria hæreditate prodesse possem; illud incidit consilii, quatenus ex aliorum terra locorum sumerem, unde ad manum meam aliquid tenui, quo alia reedificarem, unde nihil habui. Quod factum stabile, & firmum esse volui, ea conditione, ut nihil ex his, quæ taliter contuleram, vel a me, vel a quovis successorum meorum divelleretur: nisi aut melius, aut æque bonum, vice ejus restitueretur. Hoc etiam pacto, quidquid *Lutbinius* Dux in monachum conversus, & postea hujus sedis sacer Archiepiscopus, in *Brambach* & in *Byrckenfeldt*, in Ecclesiis, aut in omnibus appendiciis aliis, ad habendum fratribus, Deo & S. Paulino servientibus contulit, & quidquid *Dago-*

*bertus*, orthodoxus Rex Francorum, scilicet *Billike* cum *Sulmana*, *Rula*, & *Nieufela*, cum Ecclesiis, ac cum omnibus rite ad eadem loca pertinentibus, de suo hæreditario jure, eidem beatissimo confessori contradidit: & quæcunque *Ludovicus Pius* Imperator, videlicet *Maffolter* cum Ecclesia ibidem sita, & cum appendiciis de sua proprietate, præfato sancto, firma donatione concessit. Et quicquid *Hetti* Archiepiscopus, prædecessor noster, in loco *Waderola* dicto, & Reinsonis campo, de suo indominicato subtrahendo, supradictis fratribus dedit. Et quæcunque loca, S. Paulino injuste prius ablata, Serenissimus Rex *Henricus* juste reddidit: Viden scilicet cum Ecclesia, *Waltrach* cum Ecclesia, *Roscheidt* cum Ecclesia, & cum appendiciis suis. In *Castenich* quoque picturas (\*) quatuor. In *Bubracio* picturas tres cum omnibus ad easdem rite pertinentibus. Quicquid etiam *Rathodus* Archiepiscopus antecessor noster, capellam scilicet in loco *Vilre* dicto cum ipsa villa, & additamentis: & omnem indominicam (\*\*) quoque decimationem in villa *Novians*; similiter in *Gaurici* campo Ecclesiam, & Mansos, cum omni integritate de sua proprietate S. Paulino conscripsit. Quia omnia supra dicta prædia, partim in beneficium militibus distributa, partim ad usus nostros, ad mensas, & ad servitium constituta, Monasterio, unde ablata fuerant, restituere non potui; alias possessiones ad usus, & ad servitium nostrum pertinentes, eidem loco pro restauratione concessi. Itaque de beneficio *Lutbardi* Comitris, qui mihi ipso mortuo sine hærede aliquo, ad proprios usus contigit, quicquid in villa *Kerne*, & in *Syrzenich*, *Lorich*, *Hedersbrode*, atque

Cer-

[\*] pedaturas al.

(\*\*) indominicam



*Cervia*, & *Grimebrode* habui, fratribus, Deo & S. Paulino famulantibus donavi; talique conditione tradidi, ut neque Advocatus aliquis, neque laicalis aliqua vel mundana potestas, & super his, quæ in valle Treverica, vel ubicumque sint, ista ad usum fratrum pertinentia, habeat potestatem aliquam regendi, defendendi, judicandi; nisi ipsius loci Præpositus, dum debita fratribus administrat stipendia; & ego, & posterius mei Archiepiscopi, cum stola sua, si opus fuerit, adversus potentes, & rebelles personas. Et quia earundem possessionum summa, a nobis restituta, vix ad decimam partem pervenit bonorum, quæ fuerant ablata; ne propter rei familiaris inopiam Monasteriale dilaberetur ædificium, communi consilio fidelium nostrorum Clericorum, & laicorum, mihi, atque successoribus meis, id deinceps constitui, atque banno meo confirmavi agendum; ut eadem cura, eademque diligentia, & sollicitudine, qua domum B. Petri ædificant; & huic Monasterio trabes, laquearia, fenestras ponant: Casulis, Dalmaticis, Cappis vetustate consumptis, meliores sufficiant, Præposito ipsius Monasterii cætera in ædificiis procurante, Custode vero lineas vestes in Ecclesia utendas reparante. Hanc traditionem feci, & scripto confirmavi, ipso festo die S. Paulini, ad Altare ipsius sancti. In celebratione vero Missarum ejusdem solennitatis, post consecrationem Eucharistiæ, coram multis astantibus, corpus Dominicum accepi in manum, denunciando anathema omnibus iis, qui aut sua voluntate, aut aliorum instinctu, ex eodem Monasterio, quicquid illi ante, vel tunc, vel postea datum, aut constitutum esset, auferre fuissent ausi,

precatus adhuc, ut Dominici Corporis Sacramentum in perniciem iis, damnationemque cederet, ni aut melioribus, vel paribus certe beneficiis, ablata compensassent. Hanc chartam ego Egbertus Archiepiscopus ipsa die solennitatis conscriptam, adstante clero & populo, recitari jussi, & signi nostri impressione, atque propriæ manus subscriptione firmavi. Acta feliciter sunt hæc Treveris, anno Dom. Incarnationis DCCCCXXXI, indictione VIII, Regnante Ottone II. Roman. Imp. Augusto, Signum Benignissimi Egberti Trevirorum Archiepiscopi, Primatis, & Cancellarii.

(L.S.)

Signum Luzonis, Præpositi ejusdem loci. Sign. Ansgeri Præpositi. S. Adalmarii Præpositi. S. Erenberti Decani. S. Roberti Archidiaconi. S. Hermannii Chorepiscopi. S. Gerardi Chorepiscopi. S. Alfadi Presbyteri. S. Udalrici Presbyteri. S. Martini Diaconi. S. Roberti Subdiaconi.

Signum Theodorici Comitis. S. Christiani Comitis cognomento Vefani. S. Regeneri, rerum S. Mariæ Advocati. S. Siffridi Comitis, & rerum S. Maximini Advocati. S. Udonis. S. Dietfridi. S. Luzonis. S. Epponis. S. Eberwini. S. Burgizonis. S. Alaframmi. S. Adelberti. S. Mezingaudi.

*Bromerus in Annalibus Treverensibus L. X. ad hunc annum.*

*Ex MS. Commentario Friderici Præpositi de religione Ecclesiar. S. Paulini, cap. 21.*



## SYNODUS TULLENSIS,

Anno Christi CMLXXXII. Benedicti VII. Papæ VIII.

Ottonis II. Imp. X.

*In qua S. Gerardus Episc. Tullensis confirmat Testamentum Coderanni Primicerii, & omnia bona Abbatiae S. Mansueti.*

**I**N Nomine Sanctæ & Individuæ Trinitatis, omnium quæ subsistunt æternaliter creatricis atque moderatricis. Universis Sanctæ Dei Ecclesiæ gubernatoribus, nec non & veræ Religionis, & Catholicæ fidei cultoribus præsentibus, atque futuris, Gerardus, Divinæ dispositionis ordinante clementia, sanctæ Tullensis Ecclesiæ humilis Præsul. Credimus absque ulla ambiguitate, & certo jure tenemus, quod pro cunctis bonæ actionis studiis, & spiritualibus animarum curis, corona nobis & recompensatio cælestis a Domino Conditor præparetur. Quapropter ad omnium, tam præsentium, quam sublequentium Ecclesiæ Dei fidelium volumus pervenire notitiam, quod postquam Divina dignatione, Domini quoque *Ottonis* victoriosissimi Imperatoris, & semper Augusti, nec non & Domni *Brunonis* gloriosi Archi-Episcopi, & Regia germanitate præcellentis iussione dictante, custodiam animarum, & regimen suscepimus Ecclesiæ Tullensium; studii nobis quam plurimum fuit, commisso gregi diligentiam adhibere, diruta pro viribus restaurare, quæ secus iusto disponi videbantur, melius ordinare. Inter cætera igitur, quæ ad cultum Dei, nec non & servorum ejus pertinentia manu sublevantis egere perspeximus, quemdam nostræ sedis locum fundatum ex antiquo repperimus, in honore quidem beati Petri Apostolorum Principis consecratum, sancti autem Mansueti primi Pastoris nostri corporali præsentia insignitum, ab Antecessore nostro gratia religionis cceptum, sed imperfectum relictum. Cujus videlicet nos restaurationis ardore succensi, pro studio æternæ recompensationis perquirere cœpimus, qualiter eundem locum convenientius reformare valeremus. Unde cum totius nostræ sedis Clero, Abbatibus quoque, Monachis, ac fidelibus laicis habito consilio, invenimus hoc nullo modo jure permanenti fieri posse, nisi præfato loco specialem præficere pastorem, &

*Tomus II. Concil. German.*

concessis rebus, quibus fratres sub Abbatibus imperio militantes regulariter alerentur, eidem cœnobio deberemus clementer providere: cujus piæ scilicet investigationis tandem discussione peracta, quendam nostri desiderii negotio congruentem invenimus, proprio nomine Adam vocatum, nostræ Ecclesiæ filium, disciplinis regularibus educatum, quem communi consensu tam spiritualium, quam & cunctorum fidelium nostrorum, pari electione designavimus, constituimus, atque in eo loco præfecimus. Pro qua re statuimus atque decrevimus, ut & Monachi in eodem loco sub regulari sancti Benedicti disciplina viventes, absque ulla nostrorum succedentium Antistitum inquietudine, & perturbatione Deo serviant, aliarumque personarum pervasione securi & liberi vivant, & res, quas eis inspirante Domino concessimus, vel ab aliis datum esse cognovimus, vel nostris temporibus adquisitum constat, illud etiam, quod a Prædecessore nostro sanctæ memoriæ *Gauzelino* Episcopo olim noveramus, ibidem fuisse concessum, vel tempore priore delegatum, nostræ auctoritatis decreto volumus permanere stabile & ratum. Id est, mansum integrum, a nobis vero ampliatum, in quo idem situm est monasterium, propria immunitate positum, his autem finibus circumquaque determinatum. In lato quidem, a puteo superiore antiquo usque ad puteum vicinum inferiorem. In longum vero, a via, quæ subjacet vineis, usque ad aliam viam publicam, quæ per medium inferiorem mansionilem itinerantibus pervia est; prato quoque cum croada monasterio subjacente, terminante Lisentiaco fonte. Parrochiam quoque ejusdem monasterii certis confiniis determinavimus. In lato quidem, a via publica, quæ per medium mansionilem in partibus Orientis usque ad urbem protenditur, & in parte Septentrionali usque ad vallem Brixiei recto itinere dirigitur. In longo vero, a ripa fluminis Angruxiæ usque ad aliam par-

P p p

tem



tem ejusdem Monasterii, ad locum, qui Liebidos dicitur, sicut & bannum nostrum certis confiniis in longo, & in lato ex omni parte determinatur. Ut autem fratres inibi servientes Domino liberius vacent, cum consensu omnium fidelium nostrorum, tam Clericorum, quam & laicorum, & unanimi voluntate concessimus eis per omne tempus ex integro hanc libertatem, ut quidquid nunc infra parrochiam possident, sive in futurum possederint concessione Pontificum, liberalitate Principum, vel oblatione fidelium, tam mobilia, quam & immobilia, omnem etiam decimationem unde decimantur, vel quidquid canonice poterit adipisci, confirmatum eis ex toto illibatumque permaneat, ab omni banno seculari liberum & quietum, ab omni exactione immune; omnem quoque decimationem ex omni nostra substantia per omne tempus inibi habendam concessimus. At ne ab aliquo deinceps defruatur, auctoritate Divina interdicens excommunicamus, & ab introitu sanctæ Ecclesiæ segregamus, consortioque illorum, qui dixerunt Domino Deo: (a) *Recede a nobis*, innodamus. Cellam etiam de monte Barro, & dimidiam decimationem omnium lignorum, quæ per Mofellam vehuntur navibus, quam in eodem loco concessimus: Ecclesiam vero de Medio-vico, Ecclesiam de Boncido, Ecclesiam de Neiva, Ecclesiam de Hodelincurt, Ecclesiam de Tulliac, Capellam sancti Florentini apud Chelmes, Capellam de Sisseiaco, Capellam de Ormlzum, Capellam de Beverone, cum, omnibus appendiciis ipsarum: Angeliacum vero, & Molefiacum cum capella, & quidquid acquisitum est per precariam, quam fecit Hugo de rebus sancti Stephani, ex loco, qui Babani-villa dicitur, cum terris cultis & incultis, sylvis, pratis, aquis, aquarumque decursibus, cum integra piscaria in omni usu, molendinis, servis & ancillis, exitibus & redditibus, cum omni banno. Similiter Tulliacum, & quidquid ad ipsam villam pertinet, cum hominibus cujuscumque potestatis, cum banno integro. In Blandiniaco precariam, quam fecit Blitdrada nobilis fœmina de rebus sancti Stephani, cum omni integritate sua, quidquid videlicet ad eandem precariam pertinet, vel per

eandem precariam jure hæreditario acquisitum constat, cum Ecclesiis, terris cultis & incultis, pratis, sylvis, pascuis, aquis; aquarumque decursibus, servis & ancillis, & universis jure hæreditario ad se pertinentibus; ut ea Ecclesia beati Mansueti ea libertate, qua nos possidebamus, liberaliter, quiete & absolute in æternum possideat: nec ab Episcopo, Comite, vel Advocato, villico, vel decano, vel aliquo ministrorum, vexationem vel exactionem sustineat, nec in aliqua potestate ad nostram sedem pertinentibus pro hominibus a nobis collatis vel deinceps conferendis, eam aliquis cellam revestire compellat. In Orientis etiam partibus ejusdem Monasterii dedimus eis terram arabilem super Mofellæ fluvium sitam, in longo & in lato sicut idem fluvius ex omni parte fines determinaverit. Molendinum quoque super aquam Angruxiam. Apud Domini-Germani villam, mansum unum, cum tribus hominibus in eo commanentibus. In Gisboni Manso mansum unum. In Beverone naudam, quæ dicitur sancti Mansueti. Campum unum in vercelliaco. Naudam quoque Widonis. Hæc omnia in usus monachorum in eodem loco Deo deservientium delegamus, atque in perpetuum concedimus. Obsecramus autem humilime, & sub invocatione Divini nominis contestamur unumquemque Antistitem successorum nostrorum, nunquam de hac præscripta facultate fratrum, quam illis concessimus, vel adhuc, si Deus nobis vitam dederit, concessuri, & largituri sumus, aut ab aliis Christi fidelibus fideliter tradita vel tradenda fuerint, subtrahere vel diminuire præsumat, neque ipsam aliquando congregationem exordinare, vel injuste perturbare audeat. Si quis tamen eorumdem Episcoporum successorum nostrorum iniqua cupiditate persuasus, hanc ordinationem nostram pro amore Dei, & retributione cœlestis regni a nobis constitutam, infringere aut violare præsumpserit, iram Dei omnipotentis incurrat, & penam sempiternæ damnationis irremediabiliter percipiat, nec sit illi pars cum Deo in retributione justorum, sed habeat partem cum Principe tenebrarum, sustineatque judicium ultionis æternæ, condemnatus omnium Sancto-  
rum

(a) Job. XXII, 17.

rum maledictione , & excommunicatione , donèc resipiscat a sua intentione , & corrigat pravitatem cupiditatis suæ. Ut autem hujus constitutionis nostræ ferries firmior habeatur , potioremq; in Dei nomine vigorem firmitatis perhenniter obtinere mereatur ; manu propria eam subter firmavimus , omniumque nostrorum fidelium , monachorum videlicet , Canonicorum Laicorum autoritate corroborari præsentialiter decrevimus.

Ego Gerardus huic testamento favéo , signo crucis roborando subscribo , annuloque nostræ Ecclesiæ consigno.

Signum Goderanni Primicerii. Sign. Arinfridi Decani. Sign. Volfardi Thesaurarii. Sign. Grimbaldi Bibliothecarii. Sign. Bovonis Cantoris. Sign. Lamberti Archidiaconi. Sign. Wagonis. Sign. Anstei.

Sign. Dominici. Sign. Albrici. Sign. Fridieri. Sign. alterius Anstei. Sign. Amelardi. Sign. Azelini Comitis Tullenfis , fratris Domni Pontificis. Sign. Grimbaldi advocati. Sign. Harieri villici. Sign. Hayducii. Sign. Johannis. Sign. Fulchrardi. Sign. Waltheri. Sign. Cuerici. Sign. Berardi. Sign. Widonis. Actum Tulli publice sub die iduum Octobrium in plenaria Synodo , omni Clero , qui aderat , acclamante : fiat , fiat. Anno Dominicæ Incarnationis DCCCCLXXXII. Indictione X. Anno ordinationis nostræ XIX. regnante secundo Ottone Serenissimo Imperatore , V. Imperii sui Anno.

Ego Ruoz Zechinus Cancellarius scripsi , & publice relegi.

*Calmet. Tomo II. Probation. Histor. Lotharingæ pag. 389. 390. 391.*

## CONVENTUS APUD TULNAM OPPIDUM.

Anno Christi CMLXXXV. Joannis XV. Papæ I.  
Ottonis III. Reg. II.

*Pilgrimus, Episcopus Pataviensis, obtinet immunitatem pro colonis  
Ecclesiastici Patrimonii, deductis in Austriam.*

**I**N nomine Sanctæ & Individuæ Trinitatis. Otto Divina favente Clementia Rex. Notum sit cunctis tam præsentibus , quam & futuris Christi fidelibus , qualiter Pilgrimus , sanctæ Pataviensis Ecclesiæ venerabilis Præsul , Episcopatus sui pertinentiam in Orientali plaga , Barbarorum limiti adjacentem , creberrima eorum devastatione infestari , nostræ conquestus est pietati. A quibus etiam Barbaris moderno quoque nostri Regni tempore miserabili lamentatione adjecit , tam irrecuperabili se damno læsum in interfectione , & diremptione familiæ suæ , præter innumerabilia prædationum , & incendiorum dispendia ; ut absque habitatore terra Episcopi solitudine silvescat. Cujus perniciosissimam jacturam munificentia nostræ liberalitatis hujusmodi solari juvamine pro nostræ æternæ precatus est animæ remedio : quatenus videlicet ingenui , qui ex inopia fervorem in locis Ecclesiastici Patrimonii constituantur coloni , quidquid nostræ publicæ exactioni iustitiana potestate deberent , ad

pristinæ reparationem culturæ suis largiremur usibus. His igitur moti querelis , militumque interventionibus allubescentes , suscipiendæ reverentiæ Theophaniæ , Domine Matris nostræ semper Augustæ , amborumque nepotum nostrorum Henricorum , Ducum scilicet Baviaræ , ac Carinthiæ Regionum postulata , eo tenore concessimus , ut liberi , cujuscunque conditionis sint , qui destinantur coloni in locis pertinentibus ad S. Pataviensis Ecclesiæ Præsulatum , in honore B. Stephani Proto-Martyris Christi constructum & dedicatum , ubi S. Valentinus , & Maximilianus , Confessores Christi , corpore requiescant , sitis in Marka hæctenus Luitwaldi Comitis , a nostrorum Ministerialium deinceps sint districtione absoluti : & quidquid noster publicus Fiscus ab illis exigere , vel percipere poterit , hoc totum in cunctis Advocato præfatæ Ecclesiæ Pataviensis exigendum , & percipiendum ad jam dictam Pontificis Pilgrimi , Successorumque suorum utilitatem perpetim condonamus : nec pro ulla alia

*Tomus II. Concil. German.*

P p p p 2

occa-



occasione aut vadium solvere, aut ad comitatum ire, a Marchione, vel aliqua judiciaria potestatis persona cogentur, nisi ea lege, vel jure, quo Ecclesiastici servi ab extraneorum pulsati reclamationibus, pro satisfacienda justitia ad placitum ire compellantur.

Et ut hæc auctoritas nostra presentibus, futurisque temporibus, Domino protegente valeat inconvulsa manere,

manu propria subterfirmavimus, annulique nostri impressione signari iussimus.

Signum Domini OTTONIS

gloriosissimi Regis.

*Hildewaldus Episcopus ad vicem Willigisi Archi-Capellani recognovi.*

Dat. pridie Kal. Octobris anno Dominic. Incarnat. DCCCCLXXXV. Indiēt. XIV. Anno autem III. Ottonis regnantis II. Actum Babenbergæ in Dei nomine feliciter. Amen.

*Hansfz. Tomo I. Germaniæ Sacræ pag. 225. 226. ait: hoc Diploma fructum esse Conventus Tulnenfis omnium Episcoporum, & Procerum Bavariz.*

## SYNODUS LAUREACI UNA, IN MAUTOREN ALTERA, (a) IN MISTELPACH TERTIA.

*Sub PILIGRIMO Episcopo Pataviensi.*

Anno Christi CMLXXXV. Joannis XV. Papæ I.  
Ottonis III. Regis II.

*De Decimationibus Ecclesiæ Laureacensi competentibus.*

**N**otum sit cunctis, qualiter ad Mistelpach habito Ecclesiastico Placito, præfatus Episcopus *Piligrinus* populo Sacramento obligato, ex quibus locis decimatio ad baptismales Ecclesias jure pertinere deberet, interrogans, sub iurisdictione promulgatum est. Inprimis ad Sirnich hanc ex his locis respicere decimationem: Garstina, Sabanich, Streppurch, Rutte, Suamar, Rauveseswanck, Tunzendorff, dehinc ad Schonhering. Ad Nardin autem decimam de Ageß, & de Buchnawe, & decimam Ecclesiæ

Witzmanni ad baptismalem Ecclesiam Chengelbach pertinere debere.

Insuper vero Pirtaschiricha cum una dotali huba, nec non & prædium ad Newarn ad jam dictam Pataviensem Cathedrali jure pertinere debere affirmabant.

Hujus Sacramentalium nomina hæc sunt: Wernher, Rupo, Eigil, Macil, Hacco, Dietrich, Marquart, Ernst, Gumpo, Wolfger, Izo.

*Hansfz. Germaniæ Sacræ Tom. I. pag. 227.*

(a) *Utraque jam supra descripta est.*

## CONVENTUS ANDERNACENSIS.

Anno Christi CMLXXXVII. Joannis XV. Papæ III.  
Ottonis III. Regni V.

*Otto III. Privilegia cænobii Wilicensis auget.*

**O**TTO III. eam libertatem impertiit cænobio Wilicensi, qualem Monasteria Quidlinburgense, & Assindienfe obtinent, exempta ab omni jurisdictione Episcoporum, Comitum, & Judicum. Presentibus Theophania Imperatrice, Willigiso Moguntino Archi-Episcopo,

Gislario Magdeburgensi Archiep. Hildebaldo Wormatiensi, Notkero Leodienfi, Alberone Viridunensi Episcopis.

Datum Andernaci XV. Kal. Februar.

*Ex Bibliotheca Geistana P. Mauriti de Buren. Schatenus ad hunc annum in Annal. Paderborn. Lib. IV.*

SYNO-

## SYNODUS TULLENSIS

Anno Christi CMLXXXVIII. Joannis XV. Papæ IV.  
Ottonis III. Regni VI.

*In qua S. Gerardus cellam, in Ingolini curte sitam, tradit S. Michaeli,  
manu sua, & Cleri testimonio, & adjectis anathematis.*

**I**N nomine Sanctæ, & individue, perpetuæque Trinitatis. Gerardus gratia Dei Tullensium Pontifex. Notum omnibus Sanctæ Dei Ecclesiæ fidelibus præsentibus atque futuris, qualiter pro remedio animæ nostræ, quandam Ecclesiam cum integritate census & decimationis, sicuti eam in manu nostra tenebamus, sitam in villa, quæ vocatur Ingolini curtis, dicatam in honore sanctorum Lupi & Remigii Episcoporum, in Comitatu Barrensi, Ecclesiæ sancti Michaelis, in monte Barro noviter constructæ tradidimus, ubi adesse & præesse Berengerus videtur monachus: eo scilicet rationis tenore, quatenus Winicho Presbyter, & Duramnus Clericus, dum advixerint, ipsam decimationem integre teneant, remoto uno parrochiano, propter vestituram loci prædicti. Post discessum vero illorum Deo ibidem servientibus, atque famulatio Dei insudantibus, perpetuo stabilis, & firma donatio perseveret. Idcirco hanc notitiam scripti fieri iussimus, & manu propria, fideliumque nostrorum roboravimus, in

publica Synodo: ut si quis eam infringere, aut a loco præscripto alienare temptaverit; inprimis iram Dei incurrat, & anathematis vinculo perpetuo innodetur, & ejus pravus conatus ad nihilum redigatur, & beati Michaelis Archangeli auxilio privetur, donec duplo satisfaciat.

Actum Tulli publice in Synodo. VII. Idus Junii, anno Incarnationis Dominicæ DCCCCLXXXVIII. Indictione I. Regnante Ottone juniore Lothariensium Rege anno VI. Regni ejus.

Signum Domni Gerardi Pontificis, qui ea fieri iussit, anno Episcopatus ordinationis ejusdem XXV. Signum Roberti Primicerii & Archidiaconi. Signum Arcufridi Decani, & Archidiaconi. Signum Lamberti Archidiaconi. Signum alterius Lamberti Archidiaconi. Signum Anstei Archid. Signum Harberti Archid.

Ego Bernierus Notarius ad vicem Wilcheri Cancellarii recognovi.

*Calmet. Tomo IV. Probationum Histor. Lotharingæ pag. 393.*

## SYNODUS HALBERSTADIENSIS

Anno Christi CMXCI. Joannis XV. Papæ VII.  
Ottonis III. Regni ix.

*Consecratio Ecclesiæ Cathedralis Halberstadiensis, & altarium singulorum per diversos Episcopos.*

**H**ildewardus, qui semper animæ suæ, quam corporis meditabatur utilia: Monasterium S. Stephani Proto-Martyris, quod ipse a fundamentis ædificaverat, consummaverat jam ad unguem. Anno igitur Domini CMXCI. Indict. VI.

P p p p 3

(a) *Ditmarus habet: XII. Kalend.*

Anno vero Ordinationis suæ XXII. XVII. (a) Kalend. Nov. templum jam dictum in honorem S. & Individuæ Trinitatis, Sanctique sui Proto-Martyris Stephani, consecrantibus, & conbenedicentibus XII. Episcopis, sub duodenario videlicet & Apo-



Apostolicæ dignitatis typo honorifice dedicavit. Aderant autem Archi-Episcopi *Willegisus* Moguntinæ sedis, *Gessellarius* Magdeburgensis, *Livezo* Hamaburgensis Archi-Episcopi, cum (*aliquot*) Suffraganeis illorum Episcopis: (nam) aderant etiam *Ludolphus* Augustæ civitatis, *Wildebaldus* Wormatiensis, *Retarius* Paderbornensis, *Hildevicus* Havelbergensis, *Erpo* Fardunensis [*b*], *Urso* Paduanæ sedis, *Hugo* Zitienensis, *Remberthus* Nielemburgensis (*c*) Episcopi. Hi XI. conbenedictores Domini nostri Halberstadenfis Episcopi extiterunt. Aderant præterea *Agro* Capuanus Archiep. & *Joannes* Placentinus Archiepisc. & *Remwardus* Tridentinus Episcopus. Abbates vero Munfocafini (*montis Casini*) Monasterii Pater, *Titmarus* Abbas novæ Corbejæ, *Libezo* Luneburgensis Abbas, *Olradus* Mersburgensis Abbas, *Lambertus* Longensis monasterii Institutor; cum aliis plurimis Monachis, & Clericis dedicationi illi cooperati sunt. Interfuit etiam dedicationi huic Serenissimus Rex *Otto III.* corona, *cæterisque regalibus solemniter insignitus*, qui summa devotione & humilitate baculum suum aureum obrulit ad altare beati Stephani; qui usque hodie in Ecclesia Halberstadenfi est servatus. Adfuit quoque clarissima *Adelbeidis* Augusta (*d*) cum sua filia; Regiæ stirpis gemma prælucida, *Matilda* videlicet Quedelinburgensis Ecclesiæ Abbatissa, & nepte sua *Hedewiga* Gerenrodenfis Cœnobii Abbatissa, quæ bonarum actionum fama illustres, S. altare precibus almis, & munere Regio decorabant: omnes Saxoniz Principes, Dux quoque *Bernhardus*, & *Ludolphus* Comes - - - plurimique illic convenientes procures, & Presbyteri cum innumera vulgi multitudine in laudem Dei exultantibus animis, & vocibus acclamant. Nunquam fuit antea, nec potest, ut veraces affirmant, in Divinis laudibus, & in negotiis secularibus plenius cunctisque acceptius solennitas celebrata. Festivitas autem erat eadem in die Natalis Confessoris Christi *Galli*, in cuius Monasterio prædictus Præsul erat educatus; & ideo semper votivum habuit desiderium, in ipsius festo com-

pos effici sui voti. Adjuvit autem ipsum in omnibus his quidam cappellanus suus *Hido* nomine, prudentissime omnia ordinans, & disponens. Consecravit autem Dominus *Hildewardus* majus altare Sanctæ, & Individuæ Trinitatis, primoque suo militi Stephano, adorans illud quasi caput sponzæ per 12. lapidum compositionem, propter 12. Episcoporum unctiōem: sub quo recondidit particulam S. Crucis, & de præsepio, & sepulchro Domini: barbam beati Petri, de corpore ejus, & de veste Johannis Evangelistæ, Philippi, & Bartholomæi, omnium Apostolorum, reliquias sanguinis S. Stephani protomartyris cum sacris sui corporis articulis omnibus, Martyrum quoque reliquias Laurentii, Felicis, Agapiti, Januarii, Marcellini & Petri Pancratii, Georgii, Nicasii, Urbani, Bonifacii, Anastasio, Dionysii, Eleuterii, Cyri, Hippolyti, Blasii Confessoris, Martini, Luderii, Servatii; Virginum, Linderudis, Vincentiæ, Euphemiz. Ad meridianam plagam hujus Altaris venerandi, *Gisselarius* Magdeburgensis Archi-Episcopus dedicavit altare in honorem beatorum Martyrum *Mauritii*, *Exuperii*, *Candidi*, *Innocentii*, & *Vitalis*, & totius eorum exercitus reverendi; quod & dotavit veste sancti Mauritii: reliquiis vero *Exuperii*, *Candidi*, *Innocentii*, & *Vitalis*. Ad aquilonem præcipui Altaris, *Lievezo* Hamaburgensis Archiepiscopus consecravit altare in honorem beatorum Martyrum *Viti*, *Iustini*, *Cyriaci*, in quo condidit ejusdem reliquias *Cyriaci*, *Eustachii*, *Longini* militis, & *Willihadi* Episcopi, in cuius & memoriam idem altare dedicatum est. Ad januam Monasterialis claustris versus austrum, *Erpo* Fardunensis Episcopus consecravit Altare in honorem S. *Clementis* Pape, & martyris, & sanctæ *Cæcilie*, quo posuit reliquias *Clementis*, & martyrum *Georgii*, *Marcelli*, & *Martini*. In septentrione ad januam Episcopalis cubiculi, *Reitharius* Paderbornensis Episcopus consecravit altare in honorem S. *Dionysii*, & sociorum ejus, sanctique *Liborii* Confessoris, in quo posuit reliquias *Dionysii*, Par-

(b) pro: Ferdenfis.

(c) Naumburgensis.

(d) Ottonis I. uxor, avia Ottonis III.

Parthi, (e) & Hyacinthi, & Mathalberæ Virginis. In Altari S. Crucis positum est de ligno Domini, & reliquiæ Georgii, & aliorum Sanctorum. Ad occidentem Ecclesiæ in altioris chori medio, consecravit altare Hugo Zitiensis Episcopus in honorem martyrum *Sixti* & *Feliciissimi*, & *Agapiti*, & *Januarii*. Ad hujus Altaris meridiem, *Hilboldus* Wormatiensis Episcopus consecravit altare in honorem sanctorum martyrum Laurentii, Hippolyti (\*) IV. & veste sanguinolenta Venceslai martyris. Ad aquilonem vero Ludolphus Augustensis Episcopus dedicavit altare in honorem Ss. Martyrum *Sebastiani*, *Bonifacii*, *Lindardi*, *Migni*, *Odabrics*, & sanctæ Afræ, cui inclusit reliquias *Sebastiani*, *Pantaleo-*

*nis*, *Juliani*, & *Basilissæ*. Supremum altare dedicavit *Willegisus* Moguntinæ sedis Archiepiscopus in honorem Ss. Angelorum *Michaelis*, *Gabrielis*, & *Raphaelis*, & omnium civium supernorum, & insuper in memoriam beati *Martini* Episcopi, & sancti *Galli* Confessoris, in quo etiam condidit reliquias *Georgii*, *Blasii*, *Castodii*: nomina Sanctorum, quorum reliquias *Hilboldus* Episcopus reperit sub altare sancti *Stephani* antiquitus reclusas.

*Chronicon Halberstadenſe, edente Leibnitio Tomo II. Scriptorum Brunſvicenſium.*

*Dietmarus brevius Lib. IV. editus a Leibnitio Tomo I. Scriptorum Brunſvicenſium.*

(e) forte *Proti* & *Hyacinthi*.

(\*) Defunt hic aliqua.

Non edidi hanc Synodum ob Dedicationem Ecclesiæ: quarum nobis silentibus plurimæ fient, & factæ fuerunt; sed ob Hierarchiam Episcoporum, hic ex numero tot Episcoporum Saxoniar, & Sueviæ, & Italiæ confluentem: secundo ob ritum Altarium singulorum a singulis Episcopis consecratorum.

## SYNODUS AQUISGRANENSIS.

Anno Christi CMXCII. Joannis XV. Papæ VIII.  
Ottonis III. Regni x.

*De ea hoc unicum fragmentum superest.*

**A**NNO DCCCCXCII. Aquisgrani in generali Synodo coram Legatis Joannis Papæ sancitum est, ut IV. hebdomadis ante Nativitatem Domini, & a Septuagesima ante Pascha, & XIV. die-

bus ante festum S. Joannis Bapt. nullus sæcularia Placita agere, aut conjugium contrahere præsumat.

*Hermannus Contractus in Chronico ad hunc annum ex Struvii editione.*

## SYNODUS ROMANA.

Anno Christi CMXCIII. Joannis XV. Papæ IX.  
Ottonis III. Regni xi.

*Canonizatio (a) S. Udalrici Episcopi Augustani per literas Encyclicas missa ad omnes Episcopos & Abbates Galliar & Germaniar.*

JOANNES EPISCOPUS, SERVUS SERVORUM DEI, OMNIBUS ARCHIEPISCOPIS, EPISCOPIS, ET ABBATIBUS IN GALLIA ET GERMANIA COMMORANTIBUS, SALUTEM IN DOMINO ET APOSTOLICAM BENEDICTIONEM.

*Ita Inscriptio. Actis imposita, quæ sequuntur:*

**C**um conventus esset factus in palatio Lateranensi pridie Kalendas

Februarias, residente Joanne Sanctissimo Papa cum Episcopis; & Presbyteribus,



teribus, astantibus Diaconibus, & cuncto Clero: surgens Reverendissimus Luidolphus, Augustæ Episcopus, inquit: Domine, Sanctissime Præsul, si vobis placer, & omnibus Episcopis, & Presbyteris hic residentibus, libellus, quem præ manibus habeo, coram vobis legatur de vita, & miraculis venerabilis Udalrici, sanctæ Augustanæ Ecclesiæ dudum Episcopi, & quid libitum vobis fuerit, decernatur. Quia Spiritus Sancti testatur præsentia, & congregatio Sacerdotum, certum esse, quod legimus: quia nec potest veritas nostra mentiri, cum in Evangelio ista est sententia: (b) *Ubi duo, vel tres congregati fuerint in nomine meo, ibi ego sum in medio eorum.* Quod cum ita sit, nec huic tam brevi numero Spiritus Sanctus deest: quanto magis eum nunc interesse credamus; quando in unum convenit turba Sanctorum: Sanctum namque est pro debita veneratione collegium.

§. III. Cumque perfecta esset vita prædicti Sanctissimi Episcopi: ventum est ad miracula, quæ sive in corpore, sive extra corpus gesta sunt, videlicet cæcos illuminasse, demones ab obsessis corporibus effugasse, paraliticos curasse, & quamplurima alia signa gessisse, quæ nequaquam calamo, & atramento illustrata sunt.

§. IV. Quæ omnia lepida satis urbanitate expolite recepimus, & communi consilio decrevimus, memoriam illius, id est, sancti Udalrici Episcopi, affectu piissimo, devotione fidelissima venerandam: quoniam sic adoramus, & colimus reliquias Martyrum, & Confessorum; ut eum, cujus martyres & confessores sunt, adoremus: honoramus servos, ut honor redundet in Dominum, qui dixit: *Qui (c) vos recipit, me recipit.* Ac proinde nos, qui fiduciam nostræ iustitiæ non habemus, illorum precibus ac meritis apud clementissimum Deum jugiter adjuvemur: quia Divina saluberrima præcepta, & sanctorum Canonum ac venerabilium Patrum instabant efficaciter documentis omnium Ecclesiarum pro consideratio-

nis intuitu, immo Apostolici moderaminis annis, utilitatum commoditatem atque firmitatis perficere integritatem, quatenus memoria Udalrici jam præfati venerabilis Episcopi, Divino cultui dicata existat, & in laudibus Dei devotissime persolvendis semper valeat proficere. Si quis interea (quod non credimus) temerario ausu contra ea, quæ hac nostra auctoritate pie ac firmiter per hoc privilegium constituta sunt; contraire tentaverit, vel hæc, quæ a nobis in laudem Dei, & pro reverentia jam dicti Episcopi statuta sunt, refragari, aut in quoquam transgredi; sciat se auctoritate Beati Petri Principis Apostolorum, cujus vel immeriti vices agimus, anathematis vinculo innodatum. At vero, qui pio intuitu observator extiterit, benedictionis gratiam a misericordissimo Domino Deo nostro multipliciter consequatur, & æternæ vitæ particeps efficiatur. Scriptum est per manum Stephani Notarii, Regionarii, & Scriniarii Sanctæ Romanæ Ecclesiæ in mense Februario, Indiæ. VI. anno nonagesimo tertio.

Ego Joannes sanctæ Romanæ, Catholicæ, Apostolicæ Ecclesiæ Episcopus huic decreto a nobis promulgato consensu, & subscripsi.

Joannes Episcopus S. Anagninæ Ecclesiæ consensu.

Benedictus Episcopus sanctæ Piper-nensis Ecclesiæ consensu.

Dominicus Episc. S. Ferentinæ Ecclesiæ consensu.

Crescentius Episcopus S. Silvæ candidæ Ecclesiæ consensu.

Annis Episcopus S. Cerenfis Ecclesiæ consensu.

Bonizo Archi-Presbyter, & Cardinalis sanctæ Lucie consensu.

Benedictus Presbyter, & Cardinalis S. Stephani consensu.

Leo Presbyter, & Cardinalis S. Nerei consensu.

Joannes Presbyter, & Cardinalis S. Damasi consensu.

Leo Presbyter, Cardinalis S. Sixti consensu.

Joan-

(a) Cum hæc Canonizatio inter solemnes, a Pontifice Romano factas Canonizationes cetera & prima hæcenus sit detecta, judice Mabillonio in *Seculi P. Benedictini Præfatione numero XLIX.*, & ad Ecclesiam Germaniæ pertineat; hinc judicavi, locum ei dandum inter Synodos nostras.

(b) Matth. XVIII.

(c) Matth. X.

Joannes Presbyter , & Cardinalis  
Sanctorum Apostolorum, consensi.

Joannes Presbyter , & Cardinalis san-  
ctorum quatuor Coronatorum, con-  
sensi.

Joannes Presbyter , & Cardinalis  
S. Clementis, consensi.

Crescentius Presbyter , & Cardina-  
lis S. Callisti, consensi.

Joannes Diaconus , & Oblationa-  
rius.

Benedictus Diaconus.

(d) Nonas, corrigit Baronius.

Baron. eodem anno refert Epistolam Gregorii VII. PP. concedentis Patriarchæ Aquilejensi, ut  
in die natali S. Udalrici , & S. Apræ, ejusdem Augustensis Ecclesiæ Patronæ, Pallio  
uti possit, ut innoteſcat, quam celebris sit cultus ejusdem Sancti.

Joannes Diaconus. Hi omnes con-  
senſerunt , & ſubſcripſerunt.

Data tertio (d) Kalend. Februar.  
per manum Joannis Episcopi Nepeſinæ  
Eccleſiæ, & Bibliothecarii ſanctæ Sedis  
Apoſtolicæ , anno Pontificatus Domini  
noſtri Joannis Sanctiſſimi XV. Papæ  
octavo , menſe dicto , & Indiſt. VI.

Baronius Annal. Eccleſiaſtic. Tomo X. ad  
A. C. 993.

Carolus Stengelius Hiſtorie civitatis Au-  
guſtæ.

## CONVENTUS TREMONIENSIS

Anno Chriſti CMXCIII. Joannis XV. Papæ IX.  
Ottonis III. reg. XI.

*Deciditur cauſa inter Dudonem, Mimigardevordensem Episcopum,  
& Monasterium Metelenſe.*

**I**N Nomine Sanctæ , & Individuæ  
Trinitatis. Otto Divina favente Cle-  
mentia Rex. Notum ſit omnium fide-  
lium noſtrorum præſentium ſcilicet , &  
futurorum induſtriæ , quomodo ſancti-  
moniales de loco, *Metellia* nominato, ad  
nos venerunt , noſtris obſutibus præ-  
monſtrantes præceptum prædeceſſoris  
noſtri *Arnulfi* Regis , in quo contineba-  
tur , qualiter ipſe rogatu *Friduwi*, primæ  
ejusdem Monafterii Abbatiffæ, quæ hoc  
in honorem Ss. Martyrum Cornelii , &  
Cypriani, cum ſua licentia a fundamen-  
to conſtruxit , ſuæque hæreditate diti-  
avit , præſarum Monafterium cum omni  
prædio, ab ipſa , & aliis perſonis religio-  
ſis illuc tradito, ſub ſuæ immunitatis Re-  
giæ tuitionem accepit , & ſanctimo-  
nialibus Domino illic ſervientibus, quan-  
do opus & uſus exegerit , inter ſe eli-  
gendi Abbatiffam ſua præceptione con-  
ceſſit , & advocatum ſuper homines ,  
& loca ejusdem Monafterii, quem ipſæ  
comprobaverint , a Regibus, vel Im-  
peratoribus conſtituendum ſimul con-  
donavit. Sed quia contentio quædam  
inter eas , & Dudonem Miniervur-

denſem Episcopum , qui hoc ſuæ po-  
teſtati uſurpavit, de electione Abbatiffæ  
& advocati conſtitutione, oborta eſt; ro-  
gaverunt noſtram celſitudinem, ut huic  
diſſidio noſtra auctoritate finem facere-  
mus. Quarum petitionibus ob inter-  
ventum *Evergeri*, Coloniensis Eccleſiæ ve-  
nerabilis Archiepiſcopi, aliorumque, Ber-  
nardi Ducis , & Egberti Comitis, cæ-  
terorumque fidelium perplurium con-  
ſultu obremperantes , ſecundum Ele-  
ctionem , & comprobationem earum,  
*communi conſilio fidelium noſtrorum Archi-  
epiſcoporum* , ſapientumque Clericorum ,  
Abbatiffam, *Godesdin* nominatam, eis de-  
dimus , & advocatum juxta votum il-  
larum, *Wigmannum* nomine, ſuper ho-  
mines, & loca ſuperius jam dicti Mona-  
ſterii regendum conſtituimus. Hac no-  
ſtra præceptione electionem, & omnia ab  
anteceſſoribus noſtris Regibus vel Impe-  
ratoribus, aut ab aliis religioſis illuc tra-  
dicta confirmamus , præcipientes firmi-  
ter Regia poteſtate , ut nullus eas de  
hinc in aliquibus rebus inquietare præ-  
ſumat. Et ut hoc verius credatur. Hoc  
præceptum inde conſcriptum, manu noſtra

*Tomus II. Concil. German.*

Q q q q

ſtra



stra firmatum, sigillo nostro signari iussimus.

Signum Domini OTTONIS (L.S.)  
gloriosissimi Regis

Hildibaldus Episcopus & Cancellarius, vice Willigisi Archi-Episcopi, recognovi. Data VIII. Kalend. Febr. Anno

Dominicæ Incarnat. DCCCCXCIII. Indiæ. VI. Anno autem III. Ottonis regnantis X. Actum Trottmanniæ, feliciter. Amen.

*Schatenus Annal. Paderbornens. L. IV. ad h. a.*

## SYNODUS GANDERSHEIMENSIS.

SUB BERNWARDO Hildeſienſi Episc.

Anno Christi CMXCV. Joannis XV. Papæ XI.  
Ottonis III. regis XIII.

*De Jurisdictione Hildesini Episcopi in Gandersheimense Monasterium, & componenda controversia inter Bernwardum Episc. Hildesiensem, & Willigisum Archiep. Moguntinum.*

**E**Tiam aliquot annis duravit concordia, adeo, ut Ecclesias aliquas præſente Archi-Episcopo ibidem consecravit, Synodum etiam magnam haberet præſente Domino Rege, tertio Ottone, affidente nihilominus præſato Archi-Episcopo, cum tamen nil sua auctoritate decerneret, præter quod af-

ſenſum æque, ut alii fratres, Beato Bernwardo, qui Synodo præſidebat, præbuit. Interfuerunt Islarius Magdeburgensis Archi-Episcopus, Ludolphus Trevirensis Archi-Episcopus, Milo Mindensis Episcopus, Hildewaldus Wormatiensis Episcopus, Hugo Citienſis Episcopus.

Gandersheimense Sanctimonialium Cœnobium a Luidolfo Saxonum Duce, & conthorali ſua Oda fundatum fuit ad annum Domini 956. confirmatumque a Sergio Pont. Max. In eo idem Dux filiam ſuam Harthumodam Abbatiffam inſtituit, aſſentiente Alſfrido quarto, Hildeſienſis Eccleſiæ Episcopo, penes quem & Succeſſores ſuos illius Cœnobii regimen, utpote in Diceceſi ſua exſtructi, quiete remanſit; uſque dum SOPHIA OTTONIS II Imperatoris Filia, illud ingreſſa, a ſuo Episcopo, Oſdago ſacrum velamen accipere indignum æſtimans, non niſi a Willigifo Archi-Episcopo Moguntino conſecrari voluit. Hic contra antiqua Canonum jura, & inſolitam conſuetudinem, hoc ſibi munus arrogat, nec ab Oſdago monitus propoſitum immutavit, donec ille ipſi in faciem reſtitit, nec niſi precibus Ottonis III., ejusque matris Theuphaniæ victus aſſenſit, ut hac ſolum vice, ſolemnitatem hanc ſimul peragerent, cætera ſolus deinceps jura ſibi competentia exerceret: nam Clero & populo nuntiatum eſt, Archi-Episcopum nil juris ſibi in illa Eccleſia vendicare præter conſenſum & permiſſum Hildeſienſis Episcopi. In hunc modum ſopita contentione ſtetit unanimitas ſub Oſdago, & Gerdago ejus ſucceſſore, dum ſubſtitutus fuiſſet Bernwardus anno 993. menſe Februario.

*De Synodo hujus anni 995. hæc Schatenus L. IV. Annal. Paderborn.*

**G**andershemii, inquit, Diceceſana Synodus congregata, præſente D. Bernwardo Hildeſienſi Episcopo, intra locum ſuæ Diceceſis. Interfuere una cum Rege Ottone Willigifus Moguntinus, Giſelarius Magdeburgensis, & Ludolphus Trevirensis Archi-Episcopi; præterea Milo

Mindensis, Hildeboldus Wormatiensis, Hugo Citizenſis Episcopi. Habita cum primis hæc Synodus ad aſſerendam Hildeſienſis Episcopi jurisdictionem in Gandersheimenſe oppidum & Cœnobium: tum ad controverſiam componendam, quæ inter Willigifum Moguntinum Archi-

chi-

chi-Episcopum, & Hildefenses Episcopos hætenus intervenerat: cujus controversiæ cognitor, atque arbiter Rhetarius quoque, Episcopus Paderbornensis, imploratus: quanquam lis postea a Willigiso resuscitata sit. Quo in congressu

Episcoporum, ac Procerum Dithmarus Corbeiensis Abbas ab Ottone Rege omnium suorum privilegiorum confirmationem Gandersheimii impetravit, ut ex subiecto Diplomate liquet.

*Confirmatio Privilegiorum Corbejæ ab Ottone III.*

*Rege facta.*

**I**N nomine Sanctæ & Individuæ Trinitatis. Otto Divina favente Clementia Rex. Si piis petitionibus Fidelium nostrorum, maxime, quas pro Ecclesiis sibi commissis aurbis nostris infuderint, benignum præbuerimus auditum; hoc procul dubio, & ad præsentis nostri Regni statum, & ad æternæ beatitudinis præmium nobis profuturum fore credimus. Unde omnium Fidelium nostrorum, tam præsentium, quam & futurorum noverit solers industria, quia adiens excellentiam nostri culminis Dietmarus Abbas venerabilis novæ Corbejæ, rogavit, ut eidem Monasterio concederemus talem libertatem, qualem ab Avo, Genitoreque nostro, nec non & cæteris Coimperatoribus, & Regibus nos præcedentibus, accepisse dinoscitur: cujus petitioni assensum præbentes, interventu fidelium nostrorum Willigisi Mogunciacensis Ecclesiæ venerabilis Archi-Episcopi, ac Hildibaldi Wormatiensis Ecclesiæ Episcopi honorabilis, in supradicto Monasterio fratribus Deo servientibus, ejusque Martyribus Stephano, atque Vito, omnes concessionem, quas anteriorum Regum, vel Imperatorum temporibus habuerunt, concessimus, nostraque auctoritate renovavimus: præci-

pue, ut potestatem habeant, cum necessitas venerit, Abbatem eligendi, ac ut a nullo Episcopo de Dominicalibus manfis ejusdem Monasterii decimæ exigantur: neque a Comite, vel ex qualibet judicaria potestate Coloni eorum, & liti, ad justitiam faciendam aliquo banno constringantur; sed coram Advocato ejusdem Monasterii justitiam facere cogantur, sicut anteriorum Regum, vel Imperatorum temporibus, præfato loco concessum fuisse, cunctis fidelibus nostris liquido patet. Et ut hæc nostræ renovationis, ac confirmationis auctoritas firmior, stabiliorque cunctis perpetim credatur, hanc cartam conscribi, manuque propria nostra subtus roboratam, annuli nostri impressione jussimus insigniri.

Signum Domini OTTONIS  
gloriosissimi Regis. (L.S.)

*Hildibaldus Episcopus Cancellarius,  
vice Willigisi Archi-Episcopi  
recognovi.*

Data III. Calend. Augusti. Anno Dominicæ Incarnationis DCCCCXCV. Indictione VIII. Anno vero tertii Ottonis regnantis XII. Actum in Gandersheim feliciter. Amen.

## CONCILIIUM ROMANUM.

Anno Christi CMXCVI. Gregorii V. Papæ I.  
Ottonis III. Regni XI.

*De causa Cameracensis Ecclesiæ devastatæ, conquerente Herluino  
Cameracensi Episcopo.*



## EPISTOLA SYNODICA.

GREGORIUS EPISCOPUS, SERVUS SERVORUM DEI, DILECTO  
FILIO HERLUINO, SANCTÆ CAMERACENSIS ECCLESIAE  
EPISCOPO, SUISQUE SUCCESSORIBUS IN PER-  
PETUUM.

**C**URÆ pastoralis officium, summa se-  
dis dignitas, qua nos licet indig-  
ni utimur, compellit nos, non solum  
nobiscum manentia, verum etiam lon-  
ge posita sanctæ Dei Ecclesiæ mysteria,  
Christo annuente vigilanti sollicitudine  
custodire, & gubernare. Quoniam  
vero, sicut omnibus pæne notum est,  
interveniente hac re, quæ inter *Arnul-  
fum* Remensis Ecclesiæ Archi-Præfulem,  
& *Gerbertum* invaluorem ejus excrevit,  
idem prædictus *Herluinus* præsul, illorum  
odii, Remis Canonico more consecra-  
ri nequivit: ejus consecratio ad Aposto-  
licam sedem usque ad nos haud injuste  
pervenit. Quem consecrantes, lacryma-  
bilem ab eo querimoniam audivimus,  
scilicet, quod tempore antecessorum  
suorum idem Episcopium multipliciter a  
malignis hominibus depredatum sit. Un-  
de & nos humillime imploravit, ut no-  
stra auctoritate aliquod ei subsidium  
contra inimicos sanctæ Ecclesiæ daremus.  
Cujus precibus annuentes, per istud  
nostræ Apostolicæ auctoritatis privilegi-  
um sancimus, ut nullus Dux, Mar-  
chio, Comes, Vice-Comes, seu ali-  
qua magna vel parva persona, de hinc  
prænominatæ Ecclesiæ loca invadere, seu  
depredare præsumat. Quod si præsum-  
pserit, sciat se a nobis, Christo aucto-  
re, ac beato Petro Apostolo, anathe-  
ma illigatum, quousque prædictæ sedis  
antistiti satisfecerit: vel, Romam ve-  
niendo, se ibidem purificaverit. Hoc  
quoque nobis similiter intimatum est,  
quod obeunte Episcopo, vel ceteris  
Sacerdotibus prædictæ sanctæ Camera-  
censis Ecclesiæ, aliqui diabolico repleti  
spiritu, soleant res Ecclesiasticas, quas vel  
Episcopus, sive etiam Sacerdotes reli-  
querint, diripere ac devastare. Quibus  
iidem Apostolica censura, ne hoc am-  
plius agere præsumant, interdicimus.  
Quod si fecerint, cujuscunque sunt or-

dinis vel dignitatis; sciant se anathema-  
tis vinculo percussos, quousque hoc  
digna satisfactione correxerint. Illud  
quoque magnopere præoptamus, ut  
fratres in cœnobio ejusdem Ecclesiæ  
commanentes, cunctæque congrega-  
tiones, ad eam pertinentes, quidquid  
juste ac legaliter possidere debent, sine  
aliqua diminutione firmiter teneant at-  
que possideant; ut temporalibus præ-  
sidiis sufficienter adjuti, sine murmura-  
tione sempiterna fiducialius appetere  
valeant. Insuper eidem *Herluino* Epif-  
copo, suisque successoribus, in perpet-  
uum, per hanc nostri præcepti paginam  
concedimus, & confirmamus; ut nul-  
lus Dux, Marchio, vel Comes, seu alia  
quævis magna, vel parva persona aliquem  
districtum, sive judicium, vel aliquod  
placitum in aliquo loco sæpe nominati  
Episcopii tenere audeat, nisi ab ejusdem  
sedis Episcopo licentiam acceperit, vel  
invitatus fuerit: sed licet sibi de suis  
quemcunque voluerit, ad id officium  
peragendum ordinare. Si quis autem,  
quod non optamus, hujus nostri Apo-  
stolici privilegii violator extiterit; sciat  
se cum Juda traditore, & Apostaticis  
Angelis æterno igne concremandum.  
Qui vero curator, & observator fuerit,  
benedictionem, & gratiam, & indul-  
gentiam peccatorum suorum, ac vitam  
æternam a Christo salvatore nostro con-  
sequi mereatur. Amen. Scriptum per  
manus Petrisgionis notarii, & scripto-  
ris Sanctæ Romanæ Ecclesiæ in mense  
Majo, & indictione nona. In Christo  
bene valete. Anno I. Pontificatus Dom-  
ni Gregorii summi Pontificis, & uni-  
versalis Ecclesiæ Papæ, imperii vero  
Domni Ottonis tertii Imperatoris anno  
undecimo.

*Hardouin. Tomo VI. Concilior. pag. 743.*

744.

Anno Christi DCCCCXCVI. *Herluinus*, Cameracensis Episcopus, Romæ a Gregorio V.  
Pont. Max. ordinatus, cum in *Romana Synodo* de iis, qui Ecclesiæ suæ bona inva-  
serant, conquestus esset; Gregorius privilegiis Ecclesiam illam communiit, inva-  
soresque

foresque excommunicavit. Cujus rei mentionem, & Gregorii litteras, habet *Baldrici Episcopi Noviomensis Chronicon* L.I. cap. III. "Exin, inquit; habitantibus Synodo cum Imperatore, Papa residente cum Episcopis, Abbatibus, Presbyteris: cum de necessariis Ecclesiae negotiis satis tractaretur; *Herluinus* Episcopus surgens, populos suos parochiae cum gravitate querimoniae indicavit. Sed & quod nuper opes sui antecessoris, ut praemisimus, a *Waltbero*, & ab aliis devastatas repererit, in medio proclamationem exnult. Unde Papa confirmante, immo Episcopis, Abbatibus, cunctis quoque, qui ibi residebant, assentientibus, charaxaturam fieri obtinuit, supra recitatam. *Hardouin. loc. cit.*

## CONCILIIUM ROMANUM

Anno Christi CMXCVIII. Gregorii V. Papæ III.  
Ottonis III. Regni XV. imperii III.

*Ex hoc Concilio Canones III. & IV. tantum spectant ad Ecclesias Germaniae.*

### CANON III.

*Episcopatus Merseburgensis in pristinum statum restitutio.*

UT Episcopatus Merseburgensis a Sede Apostolica, & bonae memoriae Ottone I. Imperatore per universale Concilium fundatus, & ab Imperatore Ottone II. sine Concilio destructus, ut in proprium honorem redeat, a Sede Apostolica judicatum est per universale Concilium, Ottone III. Augusto Caesare, & Domino Gregorio Papa V.

### CANON IV.

*De Gisilario Episcopo, qui a minori ad majorem Sedem migravit.*

Si Gisilarius, sanctae Magdeburgensis Ecclesiae Episcopus, potuerit canonice

comprobare, quod per ambitionem de minore sede Marseburgensi ad majorem Magdeburgensem non migraverit; ut non deponatur, judicatum est: sed si populi & cleri invitatione migravit, in eadem permaneat Metropoli. Quod si absque eorum invitatione & electione migravit, non tamen per ambitionem, & avaritiam factum esse constiterit, ad priorem redeat sedem. At si ambitionem & avaritiam negare non potuerit, definitum est, omittat utramque.

Inter XXVIII. Episcopos, qui cum Papa Gregorio V. subscripserunt, hi ex Germania interfuerunt Italici permixti:

Lambertus Constantiensis Episcopus.

Hugo Genavensis Episcopus.

Hugo Sedunensis Episcopus.

Hardouinus, qui *Tomo VI. Conciliorum* hoc Concilium ad hunc annum refert, adducit eodem Tomo ad annum 999. & ad annum 1001. Concilium Romanum, veluti tria diversa de eadem Gisilarii causa Concilia: nunc verbis Ditmari in Chronico: nunc ex Chronico Hildensheimensi, nunc ex Biographo S. Bernwardi Herbipolensis: apud Mabillon. Aët. Sanct. Ord. S. Benedicti, Sæculi VI. Part. I. Sed non judico sine necessitate multiplicanda Concilia de eodem argumento sine gravi causa. Sola variatio anni apud diversos Scriptores ad hoc non sufficit. Cæterum præter Romanum Concilium de causa Gisilarii, duas Diceceses possidentis, Otto III. bis Concilium indixit in Germania: primum anno 1000. Quedlinburgi feria II. Paschalis: ad quod invitatus Gisilarius in valetudinem excusavit. Alterum Concilium de eadem causa eodem anno indixit Aquisgrani, ob postulationem Legati, & Archi-Diaconi Rothomæ Sedis, a quo Gisilarius provocavit ad generale Concilium, & Episcopi præsentibus tunc acquievere. *Teste Schæteno ad annum 1000. in Annal. Paderbornens.* Demum obiit Gisilarius anno 1004. 25. Januar. retenta usque ad mortem utraque Dicecesis, nempe Ottonis III. gratia fretus. Annum mortis dant *Annalista, & Chronographus Saxones, & Chronicon Magdeburg. Meibom.*



## SYNODUS MAGDEBURGENSIS.

Anno Christi IM. Silvestri II. Papæ I.  
Ottonis III. regni XVI. imperii IV.

### §. I. Luitgarda rapta a Werinbario ad tempus separatur.

**L**uitgardam, filiam Ekkehardi Marchionis in Thuringia nobilissimi, quam Werinbario, filio Lutharii nobilissimi item Thuringi, Pater ejus desponderat, vi rapere ex monasterio Quidlenburgenſi ſub Mathildis Abbatiffæ cura cuſtoditam & vindicare ſtatuerat. Igitur Ekkehardo Romæ cum Ottone III. abſente, armata manu in monaſterium irruptione facta, puellam reluctantem & reclamantem rapit, & Walbeckum ſe recepit. Ea re comperta Mathildis ſummopere mœſta, armato milite puellam recipere tentat; ſed irrito conatu. Verum intellecta puellæ voluntate, quæ ſponſum & ipſa retinere maluit, quam reverti; Mathildis utrumque Magdeburgi in publico Conventu ſiſti jubet. Illic nudis pedibus provolutus Werinharius ſponſam reddit Abbatiffæ, quæ eam ſecum in monaſterium reduxit, non ut eam retineret, ſed ut Werinbario timorem, & dolorem augetet.

*Mabillon. Sæculo V. Annal. Benedictinorum pag. 131. 132. ad annum 999. e Dietmaro L. IV. pag. 42.*

### §. II. Sigefridi apoſtatæ ab ordine, purgatio.

Sigefridus filius erat Odonis inclyti Marchionis Suevorum: qui in nova Corbeja, ubi Pater ſuus ſepultus eſt, in

habitu monaſtico diu converſatus, poſtmodum abjecta cuculla laicalem veſtem reſumpſit. Mox a Dietmaro Abbate ſuo, & Giſlero Magdeburgenſe Præſide, ad Synodum vocatus, denuo habitum quamvis invitus, induere cogitur; pollicitus ſe in propoſito deinceps perſeveraturum. Verum brevi poſt Sacramentis ſe exſolvit, exemplo alterius, qui Romæ ſimili ſententia in conſpectu Cæſaris ſe purgaverat.

*Mabillon. Annal. Benedictinorum Tom. IV. pag. 132. ad annum 999. reſert Sigefridi apoſtatæ purgationem de apoſtaſia. Ex Chronographo Saxone, & ad Synodum anni hujus.*

### §. III. Machtildis Sanctimonialis a peccato abſolutio.

In eodem Concilio Machtild ſanctimonialis, Filia Theodrici Marchionis, quæ ſancto religionis propoſito abjecto ſubtraxerat, & conjugium admiferat, ex quo ſceta puerum genuit, ad ſaniora tandem revocata tantæ miſeriæ abſolutionem, & Abbatiam in Magdeburg indigna percipit. . . . Id vero in Magdeburgenſi Concilio hoc præſtitum, quamvis non dicit Hiſtoricus, facile perſuadeor, inquit Manſi Supplementi Conciliorum Tom. I. pag. 12. 13. ex Annaliſta Saxone Eckharti Tom. I. Scriptorum Mediæ ævi. Et ex Chronographo Saxone a Leibnitio in acceſſionibus hiſtoricis edito.



## Synodus in Metropoli Slavorum

Anno Christi M. Sylvestri II. PP. II. Ottonis III. Imp. V. Regni XVIII.

§. 1. *Dispositio VII. Episcopatum per Slavos populos cum licentia Romani Pontificis.*

§. 2. *Gaudentii Archiepisc. I. Gnesnensis designatio facta ab Ottone III.*

**I**mperator Otto III. causa orationis ad S. Adalbertum (a) Episcopum & Martyrem, quadragesimæ tempore Slaviam (b) intravit, ibique coadunata Synodo Episcopia VII. disposuit, (c) & Gaudentium, fratrem beati Adalberti, in principali urbe Slavorum Praga (d) ordinari fecit Archi-Episcopum licentia Romani Pontificis, causa petitionis Bolizla-

vonis Boemiorum Ducis, ob amorem potius, & honorem sui venerandi fratris, digni Pontificis & Martyris.

*Biographus: S. Meinweri. apud Leibnitz. Tomo I. Scriptor. Brunsvic.*

*Chronicon Hildesienſe apud eundem.*

*Ditbmarus L. IV.*

*Chronographus Magdeburgensis.*

(a) S. Adalbertus Episcopus Pragæ, anno 983. 29. Junii Veronæ ab Archiepiscopo Moguntino consecratus, juberetur a Papa in Synodo Romana anni 994. redire ad suum Episcopatum, quo in reditu in Prussiam Apostolus fidei funus digressus fuit, & Martyrio coronatus anno 997. 23. Aprilis: cujus corpus multis miraculis coruscans, a Duce Poloniæ redemptum, Gnesnæ tumulatum fuit.

(b) Sub Slavie nomine Polonia & Bohemia venit.

(c) Non primus Otto hic tertius, nam jam anno CMLXV. septem Episcopales Sedes in Polonia institutæ erant.

(d) Gnesna legendum monuit Henschenius in actis S. Adalberti ad diem 23. Aprilis, & Gaudentius Gnesnensis primus Archiepiscopus, non Pragensis fuit. Henschenii lectiones & emendationes secutus est *Pagi in Critica ad annum 999.*

Errant Poloni, qui ante annum M. volunt Metropolitam Archiepiscopum in Polonia fuisse, qui hoc anno demum institutus est, uti nec Bohemia ante MCCCXLIV. Archiepiscopum Pragæ habuit.

## Synodus Magdeburgensis

EODEM ANNO.

*De causa Gisilarii duos Episcopatus simul possidentis.*

**I**nde (Gnesnâ) revertens Palmarum solemnitate Parthenopoli festive peregrit. . . . facta cum Episcopis in Magdeburg Synodo, Gisilharium ejusdem civitatis Episcopum convenit, ut dans gloriam Deo, uno, & legitimo

contentus esset Episcopio, Feria secunda Paschatis (ut *Ditbmarus* annotavit) qui data internuntiis Regiis magna pecunia, inducias usque in Quedlingeburg vix impetravit.

*Ditbmarus Lib. IV. Chronic. & Anna-  
lista-Saxo Eckharti Tom. I. p. 373.*

## Synodus in Quindelingeburg.

EODEM ANNO.

*De eadem Causa.*

**F**it in Quindelingeburg magnus Senatorum concursus, & habita feria II. Synodo, iterum Gisilerus vocatur. Hic infirmitate (paralyti) oppressus, valide a prædicto exculatur Rothmanno (Canonico Magdeburgensis Ecclesiæ,

& a Waltherdo tunc Præposito ejusdem Ecclesiæ, ablegatis suis ad Synodum) defenditur. Indicitur hinc Concilium Aquigrani.

*Ditbmarus Lib. IV. Chronic.  
Annalista Saxo Loc. cit.*



## Synodus Aquisgranensis

ANNO EODEM, DE EADEM CAUSA.

**H**Uc (*Aquisgranum*) profectus Gislarius, ab Apostolica Sedis Legato de prædicta causa, simul retentorum duarum Dioceseon, bis, terve convenitur. Nec minus Gislarius renitens abdicationi Diocesis alterutrius, defensiones molitur. Sed tantum sententia omnium

convictus, hæc usque ad generalem Romanæ Ecclesiæ Synodum differri calide precatur. Talibus machinamentorum artibus impedita res, nec terminata, intercipitur.

*Ditmarus*, & ex eo *Annalista Saxo Eckharti Tomo I. Scriptor. Medii ævi.*

Sepulcri Caroli M. detecti, relatio ex auctore Syn-  
chronographo Ottonis III.

**O**TTTO Imperator per somnium monitus est, ut levaret corpus Caroli Magni Imperatoris, qui Aquis humatus fuerat, sed verustate oblitterante ignorabatur locus certus, ubi quiescebat: & peracto triduo jejunio inventus est eo loco, quem per visum cognoverat Imperator, sedens in aurea cathedra intra arcuatam speluncam, infra Basilicam B. Mariæ, coronatus corona ex auro & gemmis, tenens sceptrum & ensẽ ex auro purissimo, & ipsius corpus incorruptum inventum est, quod levatum populis demonstratum est. Quidam vero Canonicorum ejusdem loci, Adalbertus, cum enormi & procero corpore esset, coronam Caroli, quasi pro mensura capiti suo circumponens, inventus est strictiori vertice, corona amplitudine sua vincente circulum capitis. Crus proprium vero ad cruris mensuram Regis dime-tiens, inventus est brevior, & ipsum ejus crus protinus divina virtute con-

fractum est: qui supervivens annis XI. semper debilis permansit. Corpus vero Caroli conditum in dextro membro Basilicæ ipsius, retro altare Sancti Joannis Baptistæ, & crypta aurea super illud mirifica est fabricata, multisque signis & miraculis clarescere cœpit. Non tamen solennitas de ipso agitur, nisi communi more anniversarium defunctorum. Solum autem aureum Imp. direxit Botislavo, (*id est, Boleslao Poloniæ Duci, ait Pagius*) pro reliquiis S. Adalberti Martyris.

Rex autem Botisclavus accepto dono, misit Imperatori brachium de ejusdem Sancti corpore, & Imperator gaudens illud excepit, & in honore sancti Adalberti Martyris Basilicam Aquisgrani construxit mirificam, & ancillarum Dei congregationem ibi disposuit. Aliud quoque Monasterium Romæ construxit in honore ipsius Martyris.

*Ademarus Monachus in Chronico, qui ante MXL. scribebat.*

Carolus M. divum fuisse habitum, templa ejus titulo dicata, & officii Ecclesiastici impensam ei celebritatem, ostendit Bollandus ad diem XXVIII. Januarii, in vita Caroli M. ab Eginhardo scripta: & addit, antea fortassis & saltem post Canonizationem a Guidone Cremenſi Antipapa Paschale III. dicto factam conniventibus ad cultum Caroli M. in partibus nostris publicum continuum summis Pontificibus. *Hactenus Pagi in Critica ad b. annum.*

In Bibliothecæ Metropolitanae Colonienſis codice MS. 136. extat Historia Caroli Magni per varias lectiones in officio Divino recitandas Antiphonas, & Missam pro ejusdem glorificatione D. O. M. oblatam. Sæculo X., ut videretur, scriptus est hic Codex.

Chronicon Hildenesheimense hoc idem factum referens, scribit, *contra Ecclesiasticam disciplinam* Ottonem voluisse Caroli M. sepulcrum rescire & aperire. Quis canon id vetet, nescio: nisi fors LI. Concilii Moguntini anni DCCCXIII. quo statuitur: *Deinceps vero Corpora Sanctorum de loco ad locum nullus præſumat transferre, sine consilio Principis, vel Episcoporum, & Sanctæ Synodi licentia.* pag. 412. Tomo primo nostro Conciliorum. Sed Otto III. non venerationis ergo, sed admirationis causa inquisi-

vit sepulcrum Caroli M.: & quidem somnio monitus, ut *Ademarus ait.*  
Idem factum referunt *Ditmarus L. IV.*  
*Lambertus Schaffnaburgus ad b. annum.*

## SUPPLEMENTUM CONCILIORUM

TOMO I. &amp; II. PRÆTERMISSORUM.

## CONCILIIUM EPAONENSE (a)

Anno Christi DXVII. Hormisdæ PP. IV. Sigismundi

Regis Burgundiæ anno VII. Celebratum a XXV. Episcopis, XVII. Kalendas Octobris, Agapito V. C. Consule.

*Aviti, Episcopi Viennensis Epistola tractoria generalis, ad Episcopos Provinciæ Viennensis, ut ad Synodum veniant Epaonensem.*

AVITUS, VIENNENSIS EPISCOPUS, QUINTIANO EPISCOPO. (b)

**D**u est, quod rem valde necessariam, & non sine Divina inspiratione a Patribus institutam, aut oblivione, aut occupatione deserimus. Sed rumpenda sunt interdum vincula necessitatum, ut aliquando impleri possint a præceptore conventus. Ergo quos bis per annum a Sacerdotibus fieri seniorum cura decreverat, si bene perpenderit, utinam vel singula post biennia faceremus. Nam & venerabilis Papæ urbis, nobis ob hanc negligentiam succensentis, mordacia mihi nonnunquam scripta perlata sunt. Unde supplicat per me, si dignamini, Ecclesia Viennensis, poscit intermissæ consuetudinis rediviva salubritas, quod hætenus infrequentatum torpuit, excitari. Justum est, quantum reor, ut constitutis prioribus sub communis præsentia opportunitate tractatis, nostris simul, nobisque pro ut ordo colloctionis invenerit, vel in sinuemus vetera, vel, si necesse, etiam nostra jungamus. Idcirco cunctos simul poscimus fratres, ut, Deo favente, octavo Iduum Septembrium in Parochia Epaonensi adesse dignemini. Qui locus, omnium fatigatione perpen-

sænti satis opportunus electus est: sicut & tempus in quantum potest, ab instantia ruralis operis vacuum, liberiores cunctis permittit excursum: quamquam Ecclesiæ potior causa intermittere quaslibet terrarum posceret actiones. Supplicamus ergo, & quæsumus, testamur, obtestamur, ne quem a dispositione tam sancta, obex ullius excusationis abducatur: ne quem a tali caritatis vinculo nexus temporaneæ necessitatis impediatur. Sed, si forte, quod Deus avertat, tanta cuicumque acerbitas corporeæ infirmitatis ingruerit, ut spiritale desiderium carnali vincatur incommodo, duos Presbyteros magnæ, & probabilis vitæ, mandati instructione firmatos, fratribus pro se præsentare procuret. Sed tales dignetur eligere, quos Episcoporum Concilio non minus scientia, quam reverentia jure faciat interessere: cum quibus delectet summos Pontifices conferre sermonem: quos ad definitiones pro Episcopo suo faciendas, subscribendasque, cum fuerit solertia eligi, sit auctoritas legi: sed istud non extorqueat, nisi summa necessitas. Cæterum dilectionis fraternæ, ac pastoralis dili-

(a) Epaona non longe distat ab Agauno & Cænobio Ss. Mauriti, in regno Burgundiæ, & Vallis. Hodiedum subest Episcopo Sedunensi inter Helvetos Principi, qui usque hodie scribit se sancti Romani Imperii Principem, qualis erat ante secessionem Helvetorum.

(b) Hunc solum titulum habent codices MSS. falsa inscriptione, inquit Sirmondus: siquidem Quintianus, Arvernorum Episcopus, ad Synodum Burgundiorum non potuit vocari.



diligentiæ magnitudo, nisi laboris magnitudine, non probatur. Conjicit enim sanctitas vestra, post hoc longum abusionis nostræ silentium, qualiter aut de-

finiri debeant, quæ Deo præstante tractanda sunt: aut quæ definita fuerint, universi Ecclesiarum nostræ provinciæ nostræ ministri debeant imitari.

*Tractoria Epistola Viventioli, Lugdunensis  
Episcopi, ad Episcopos Provinciæ Lugdunensis, ut ad Synodum  
veniant Epaonensem.*

DOMINIS DEVOTISSIMIS FRATRIBUS, ET EPISCOPIS, UNIVERSIS  
CLERICIS, HONORATIS, AC POSSÉSSORIBUS TERRITORI  
NOSTRI, VIVENTIOLOUS EPISCOPUS  
SALUTEM.

**D**isciplinam fratrum, filiorumque nostrorum, æque a cunctis sacerdotibus oportet optari: sed si quid ab honorationibus Clericis tale committitur, quod dignum increpatione publica censeatur; rectius castigationis arguatur, quam silentio nutriatur. Sicut autem istud simplex atque rectum est, sic commentorum oblocutionibus, & voto trepidæ murmurationis offendimur. Itaque ne quis nos putet nostræ facilitati aut negligentiae in aliquo præbere consensum, præsentī protestatione denuntio conventum Episcoporum omnium fortis nostræ circa Septembris Mensis initium, in Eponensi Parœcia mox futurum: ubi Clericos prout expedit, convenire compellimus, Laicos permitimus interesse: ut quæ a solis Pontificibus ordinanda sunt, & populus pos-

sit agnoscere. Et quia justum est, ut omnes Catholici Clericos bonæ vitæ habere desiderent, reprehendendi, quod quisque noverit, aditum omnibus aperimus. Pateat cunctis, contra quem voluerit, scientia proponendi: iurgandi potestate laxata; definit in votorum nequitia murmur occultum. Studebit tamen probare, quod detulerit, accusator: nec puter quisquis forsitan recte viventes toto inanibus mendaciis infamandos. Nemo, nisi quod docere possit, objiciat: verecundiam, quam virtus timere debet; convictor (*forte* conviciator) excipiet: utrique status parti, & audiendi patientia, & judicandi æquitate præmissa. Dominus vos custodire dignetur, in Christo suscipiendi fratres, & filii, proposita sunt die IV. Idus mensis quarti, Agapeto consule. 517.

*Note Hardouini.*

Hoc Concilium Sirmondus edidit, ex MSS. Corb. Lugd. Tiliano, Pith. Fossat. & aliis. Nos contulimus cum MSS. codicibus [ut docti censent] annorum amplius 800. Collegii Parisiensis Societatis Jesu. Est & in Isidori collectione. In uno ex illis codicibus, cui præfigitur indiculus Synodorum, hæc sunt Isidori ipsius verba de Epaonensi, relata ex parte in Decreto Gratiani, XI. Dist. XVI.: Concilium Epaonense XXVII. episcoporum, in quo statuti sunt Canones XL, quorum auctor maxime Cæsarius, Arelatensis episcopus, exstitit: subscribentibus Avito Viennensi, Viventio Lugdunensi, Apollinare Valentino, Pragmatico Autiodorensi, & cæteris. At in subscriptionibus Pragmaticus Augustodunensis appellatur.

Est Epaona, vel Epona, nunc tenuis vicus in Sabaudia ad Rhodanum, *Genæ*, in extremo Lugdunensis Diœcesis limite, ubi ingentes domorum ruinæ, quæ toto pæne agro occurrunt, ostendunt civitatem ibi olim haud mediocrem fuisse; & lapides inscripti DEÆ EPONÆ effodiuntur. Itaque & Viventioli Episcopi Lugdunensis nomine exstat Epistola tractoria ad Synodum Epaonensem, quam proxime edidimus.

## TITULI CANONUM.

- I. Ut Episcopi ad Concilium, vel Ordinationem veniant a Metropolitano evocati.  
 II. Ne digami Presbyteri, aut Diaconi ordinentur.  
 III. Ut penitentes Clerici non fiant.  
 IV. Ut Clericis canes ad venandum, vel accipitres habere non liceat.  
 V. Ne Presbyter infcio Episcopo suo in aliena Ecclesia constituatur.  
 VI. De Clericis, qui sine commendatitiis vagantur.  
 VII. Quod Parochiarum Presbyteris alienare nihil liceat.  
 VIII. De Presbyterorum emptionibus, & Abbatum venditionibus.  
 IX. Ut Abbas uni tantum Monasterio præsit.  
 X. Ut nova Monasteria sine Episcopi notitia non fiant.  
 XI. Quatenus Clericis ad seculare iudicium interpellare, aut respondere liceat.  
 XII. Episcopus res Ecclesie sine Metropolitano vendere non potest, commutare potest.  
 XIII. De Clericis falsi testimonii convictis.  
 XIV. Si Clericus in alia civitate Episcopus fuerit ordinatus, Ecclesia donum ipsi restitutum recipiet.  
 XV. De Hæreticorum, & Judæorum convitiis.  
 XVI. Ut Presbyteris liceat hæreticos decumbentes, si converti velint, Chrismate consignare.  
 XVII. De Episcopi testamento.  
 XVIII. Ut Clerici Ecclesie præjudicium diuturnitate possessionis non faciant.  
 XIX. De Abbatibus peccantis correptione.  
 XX. De feminarum visitatione.  
 XXI. De viduis in Diaconas non consecrandis.  
 XXII. Si Presbyter, aut Diaconus crimen capitale commiserit.  
 XXIII. Qui susceptam penitentiam deserunt, excommunicantur.  
 XXIV. Laicus Clerico verum crimen obicere non vetatur.  
 XXV. Ut sanctorum Reliquiæ in oratoriis villaribus non ponantur.  
 XXVI. Altaria nisi lapidea non consecrentur.  
 XXVII. Ut officium Metropolitanum comprovinciales observent.  
 XXVIII. Ab Episcopo damnatos successori licet absolvere.  
 XXIX. De lapsorum penitentia, & reconciliatione.  
 XXX. De incestis conjunctionibus.  
 XXXI. De penitentia homicidarum.  
 XXXII. Relictæ Presbyteri, aut Diaconi, nuptiæ interdictæ.  
 XXXIII. De Basilicis Hæreticorum.  
 XXXIV. Si quis sine iudice proprium servum occiderit.  
 XXXV. Ut nobiliores cives die Paschæ, & Natalis Domini Episcopos Benedictionis causa expetant.  
 XXXVI. Quomodo recipiendi sint, qui in discrimine mortis versantur.  
 XXXVII. Laici nisi præmissa conversione non ordinandi.  
 XXXVIII. Monasteria puellarum quibus ingredi non liceat.  
 XXXIX. De servis, qui ad Ecclesiam confugiunt.  
 XL. De horum canonum observatione.

## P R Æ F A T I O.

Quod præcipientibus tantis Dominis meis, ministerium proferendi sermonis assumo, facio hoc non tam præsumptionis ausu, quam subjectionis obsequio: dum exequi, & implere contendit non audacia temeritatem, sed obedientia iussionem: simulque tanto major obtemperantis apparebit humilitas, quanto minor comprobatur facultas: majorque profecto præcipientium reverentia proderet, quando obedientiæ nulla possibilitatis fiducia suffragatur. Sic Dominus meus mediocritatis meæ eo amplius honoravit imperi-

R r r

tiam, quo minus potest ornare doctrinam. Caritas quoque vestra, si nequaquam facundo oblectabitur, aut instruetur eloquio, ædificetur saltem humilitatis exemplo. Quoniam ergo, sicut volumus, tacere non sinimur, aliquid, ut possumus, jam loquamur.

Deo propitio ad (a) Epaonensem Ecclesiam congregati, quid vel de antiquis regulis, vel de novis ambiguitatibus sentierimus, expressis, sigillatimque discretis constitutionibus, præsentibus titulis credidimus adnotandum.

CANO-

Notæ Hardouini.

(a) In plerisque MS. scribitur Epaunensem.

Tomus II. Concil. Germ.



## C A N O N E S.

## I.

**P**rima, & immutabili constitutione decretum est, ut, cum Metropolitanus fratres, vel Comprovinciales suos, ad Concilium, aut ordinationem cujuscumque confacerdotis crediderit evocandos, nisi causa tædii evidentis existerit, nullus excuset. (Quod *(b)* si fecerit, sex mensibus a communione privetur.)

## II.

Ne *(c)* secundæ uxoris, aut renuptæ, maritus Presbyter, aut Diaconus ordinetur, abunde sufficeret ab Apostolo constitutum. Sed quia præceptum hujusmodi excedi quorundam fratrum simplicitate cognovimus, speciali observantia renovamus: sciente eo, qui contra interdictum ordinaverit, reum fratribus se futurum: illo autem, qui contra fas honorem prohibitæ benedictionis ambierit, nihil se Clericalis ministerii præsumpturum.

## III.

Pœnitentiam professi ad Clericatum penitus non vocentur.

## IV.

Episcopis, Presbyteris, atque Diaconibus, canes ad venandum, & accipitres habere non liceat. Quod si quis talium personarum in hac fuerit voluntate detectus, si Episcopus est: tribus mensibus se a communione suspendat; duobus Presbyter abstineatur, uno Diaconus ab omni officio, & communione cessabit.

## V.

Ne Presbyter territorii alieni, sine conscientia sui Episcopi, in alterius civitatis territorio præsumat basilicis, atque oratoriis inservire; nisi forte Episcopus suus illum cedat Episcopo illi, in cujus territorio habitare disposuit. In quo si excessum fuerit, Episcopus, cujus Presbyter fuerit, fratri suo noverit culpabilem se facurum; qui Clericum juris sui illicita facientem sciens, ab icandali admisione non revocat.

## VI.

Presbytero, vel Diacono, sine Antistitis sui Epistolis ambulanti, communionem nullus impendat.

## VII.

Quidquid *(d)* Parochiarum Presbyteri de Ecclesiastici juris possessione distraxerint, inane habeatur, & vacuum, in venditorem, comparantis actione vertenda.

## VIII.

Presbyter, dum Diœcesim tenet, de his, quæ emerit, aut Ecclesiæ nomine scripturam faciat, aut ab ejus, quam tenuit, Ecclesiæ ordinatione discedat. Similis quoque de venditionibus, quas Abbates facere præsumpserint, forma servabitur: ut quidquid sine Episcoporum notitia venditum fuerit, ad potestatem Episcopi revocetur. Mancipia vero monachis donata, ab Abbate non liceat manumitti. Injustum enim putamus, ut monachis quotidianum rurale opus facientibus, servi eorum libertatis otio potiantur.

## IX.

Unum Abbatem duobus monasteriis interdicimus præsidere.

## X.

Cellas novas, *(e)* aut congregatiunculas monachorum, absque Episcopi notitia prohibemus institui.

## XI.

Clerici sine ordinatione Episcopi sui adire, vel interpellare publicum non præsumant; sed si pulsati fuerint, sequi ad sæculare judicium *(f)* non moventur.

## XII.

Nullus Episcopus de rebus Ecclesiæ suæ, sine conscientia Metropolitanæ sui, vendendi aliquid habeat potestatem: utili tamen omnibus commutatione permessa.

## XIII.

Si quis Clericus in falso testimonio convictus fuerit, reus capitalis criminis censeatur.

## XIV.

*(b)* Inclusa parenthesi, non sunt in MS. uno Paris.

*(c)* I. Tim. VIII.

*(d)* Hic quidem MSS. addunt, *vel heredes suos*: in his unus est e MS. nostris.

*(e)* Agathense can. 18.

*(f)* Ita Cod. Paris. unus: alter, *non permittantur*: Libri vulgati: *Si non præsumant*. male.

## XIV.

Quisquis Clericus aliquid de munitia Ecclesiæ, cui servierat, adeptus; ad summum sacerdotium alterius civitatis est, aut fuerit ordinatus, quod dono accepit, vel acceperit, reddat; quod usui, vel proprietate, secundum instrumenti seriem probabitur emissæ, possideat.

## XV.

Si superioris loci Clericus hæretici cujuscumque Clerici convivio interfuerit, anni spatio pacem Ecclesiæ non habebit. Quod Juniores Clerici si præsumpserint, vapulabunt. A Judæorum vero convivii etiam Laicos institutio nostra prohibuit; nec cum ullo Clerico nostro panem comedat, quisquis Judæorum fuerit convivio inquinatus.

## XVI.

Presbyteros (g) propter salutem animarum, quam in cunctis optamus, desperatis, & decumbentibus hæreticis, si conversionem subitam petant, Christum petimus subvenire. Quod omnes conversuri, si sani sunt, ab Episcopo noverint expectandum.

## XVII.

Si Episcopus condito testamento aliquid de Ecclesiastici juris proprietate legaverit, aliter non valebit, nisi vel tantum de juris proprii facultate suppleverit.

## XVIII.

Clerici, quod etiam sine precatoriis, qualibet diuturnitate temporis de Ecclesiæ remuneratione possederint, cum autoritate Domini Gloriosissimi Principis nostri, in jus proprietarium præscriptione temporis non vocetur, dummodo pateat Ecclesiæ rem fuisse: ne videantur etiam Episcopi administrationis prolixæ, aut precatorias, cum ordinati sunt, facere debuisse, aut diuturnas Ecclesiæ facultates proprietati suæ posse transcribere.

## XIX.

Abbas, si in culpa reperiatur, aut fraude, & innocentem se asserens, ab

R r r r 2

(g) Arausic. can. 1.

(h) Til. &amp; Fossart. &amp; Paris. religione.

(i) Burchard. L. III. Cap. 88. Ivo Part. 3. Cap. 78.

(k) Ex manuscripto Lugdunensi, &amp; Paris.

[l] 31. de Consecr. Distinct. 1. Altaria nisi.

Thomas II. Concil. German.

Episcopo suo accipere noluerit successorem, ad Metropolitani judicium deducatur.

## XX.

Episcopo, Presbytero, & Diacono, vel cæteris Clericis, horis præteritis, id est, meridianis, vel vespertinis, ad feminas prohibemus accessum: quæ tamen, si causa fuerit, cum Presbyterorum, aut Clericorum testimonio videantur.

## XXI.

Viduorum consecrationem, quas Diaconas vocitant, ab omni (b) Regione nostra penitus abrogamus: sola eis poenitentia benedictione, si converti ambiunt, imponenda.

## XXII.

Si Presbyter, aut Diaconus crimen capitale commiserit, ab officii honore depositus in monasterium retrudatur; ibi tantummodo, quamdiu vixerit, communione sumenda.

## XXIII.

Si quis accepta, professaque poenitentia, boni immemor, ad sæcularia relabatur, prorsus communicare non poterit; nisi professioni, quam illicite prætermiserat, reformetur.

## XXIV.

Laicis, contra cujuslibet gradus Clericum, si quid criminale parant obicere, dummodo vera suggerant, proponendi permittimus potestatem.

## XXV.

Sanctorum (i) Reliquiæ in oratoriis villaribus non ponantur, nisi forsitan Clericos cujuscumque Parochiæ vicinos esse contingat, qui sacris cineribus psallendi frequentia famulentur. (k) Quod si illi defuerint, non ante proprii ordinentur, quam eis competens victus, & vestitus substantia deputeatur.

## XXVI.

Altaria (l) nisi lapidea chrismatibus (m) unguine non sacrentur.

## XXVII.

Ad celebranda Divina officia ordinem,

[m] Paris. unctione.



nem, quem Metropolitani tenent, provinciales eorum observare debebunt.

## XXVIII.

Si Episcopus (*n*) ante damnati absolutionem obitu rapiatur, correctum, aut penitentem successori licebit absolvere.

## XXIX.

Lapsis, (*o*) id est, qui in Catholica baptizati, prævaricatione damnabili post in hæresim transierunt, grandem redeundi difficultatem sanxit antiquitas. Quibus nos annorum multitudine brevata, penitentiam biennii conditione infra-scriptæ observationis imponimus, ut præscripto biennio tertia die sine relaxatione jejurent, Ecclesiam studeant frequentare, in penitentium loco standi, & orandi humilitatem noverint observandam: ac etiam ipsi, cum catechumeni procedere commonentur, abscedant. Hoc si observare noluerint, constituto tempore admittendis ad Altarium observatio relaxetur. Quam si arduam vel duram forte putaverint, statuta præteritorum canonum complere debebunt.

## XXX.

Incestis (*p*) conjunctionibus nihil prorsus veniæ reservamus, nisi cum adulterium separatione sanaverint. Incestos vero, nec ullo conjugii nomine prævalandos, præter illos, quos vel nominare funestum est, hos esse censemus: si quis relictam fratris, quæ pene prius soror existerat, carnali conjunctione violaverit: si quis frater germanam uxoris accipiat: si quis novercam duxerit: si quis consobrinæ, sobrinæve se societ: quod ut a præsentis tempore prohibemus, ita ea, quæ sunt antea instituta, non solvimus. Si quis relictæ avunculi miscetur, aut patrui, vel privignæ concubitu polluat. Sane quibus conjunctio illicita interdicitur, habebunt inveniendi melioris conjugii libertatem.

## XXXI.

De penitentia homicidarum, qui sæculi leges evaserint, hoc summa reverentia de eis inter nos placuit observa-

ri, quod Ancyritani (*q*) canones decreverunt.

## XXXII.

Relicta Presbyteri, five Diaconi, si cuicumque renupserit, eatenus ab Ecclesia pellatur, donec a conjunctione illicita separetur: marito quoque ejus simili usque ad correctionem severitate plectendo.

## XXXIII.

Basilicas hæreticorum, quas tanta execratione habemus exosas, ut pollutionem earum purgabiles non putemus, sanctis usibus applicare despiciamus. Sane quas per violentiam nostris abstulerant, possumus revocare.

## XXXIV.

Si quis servum proprium sine conscientia judicis occiderit, excommunicationis biennii effusionem sanguinis expiabit.

## XXXV.

Ut cives superiorum natalium, nocte Paschæ, ac Nativitatis Domini solennitate, Episcopos, nec interest, in quibus civitatibus positos, accipiendæ benedictionis desiderio noverint expectandos.

## XXXVI.

Ne ullus sine remedio, aut spe veniæ ab Ecclesia repellatur, neve ulli, si aut penituerit, aut se correxerit, ad veniam redeundi aditus obstruatur. Sed si cui forsitan discrimen mortis imminet, damnationis constituta tempora relaxentur. Quod si ægrorum accepto viatico revalescere fortasse contingit, statuti temporis spatia observare (*r*) conveniet.

## XXXVII.

Ne Laicus, nisi religione præmissa, Clericus ordinetur.

## XXXVIII.

Monasteria puellarum non nisi probatæ vitæ, & ætatis provectæ, ad quas-cumque earum necessitates, vel ministraciones permittantur intrare. Ad faciendas vero Missas, qui ingressi fuerint, statim exacto ministerio regredi festinabunt. Alias autem nec Clericus, nec mona-

[*n*] 40. XI. Quæst. 3. Si Episcopus.

[*p*] Agath. 618.

[*r*] al. conveniat.

(*o*) Agath. 60.

(*q*) Concil. Ancy. cap. 21. & 22. Tomo I. nostro pag. 148.

monachus juvenis , ullum ad puellarum congregationem habebit acceffum; nifi hoc , aut paterna , aut germana neceffitudo probetur admittere.

## XXXIX.

Servus, reatu atrociore culpabilis, fi ad Ecclefiam confugerit; a corporalibus tantum fuppliciis excufetur. De capillis vero , vel quocumque opere , placuit a Dominis jura menta non exigi.

## XL.

Quocirca hæc , quæ fuperna infpiratione , communi confenfu placuerunt, fi quis fanctorum Antiftitum , qui ftatuta præfentia fubfcriptionibus propriis firmaverunt , nec non & quos eorum Deus effe voluerit fucceffores , relicta integritate obfervationis excefferit ; reum fe divinitatis pariter , & fraternitatis judicio futurum effe cognofcat.

## SUBSCRIPTIONES EPISCOPORUM.

Avitus Epifcopus , Constitutiones noftas , id eft , Sacerdotum Provinciæ Viennenfis , relegi , & fubfcripti die XVII. Kalendas Menfis octavi , Agapito Viro Clariffimo Confule , Epæone.

Viventiolus, Epifcopus Ecclefie Lugdunenſis, Provincialibus meis , constitutiones noſtras relegi , & fubſcripti, die & Confule fupraſcripto.

Silveſter , Epifcopus Ecclefie Cabillonenfis , relegi , & fubſcripti , die & Confule fupraſcripto.

Gemellus , in Chriſti nomine Epifcopus Ecclefie (r) Vafenſis relegi , & fubſcripti , die & Confule fupraſcripto.

Apollinaris , (t) Epifcopus civitatis Valentine , relegi , & fubſcripti , die & Confule fupraſcripto.

Valerius , in Chriſti nomine civitatis Segeſtericæ , relegi , & fubſcripti , die & Confule fupraſcripto.

R r r r 3

Burchardus L. XV. Decretorum cap. XXXIV. citat canonem 76. ex Concilio Epæonenſi, niſi fors error typi fit : alias plures quam XL. canones legiſſe videtur Burchardus.

Ecce eum:

Statutum eſt , ut ſi quis Clericus in falſo teſtimonio convictus fuerit , reus capitali crimine cenſeatur , & officii ordine degradetur. Concil. Epæonenſ. cap. 76.

(r) al. *Viſionenſis* ex cod. Vaticano.(t) Parif. *Apolinaris*.(u) Parif. & Lugd. *Victorius*. Til. & Foff. *Victorinus*.

[w] At ſucceſſor Pragmati Agripinus Germanum [ qui fuit Epifcopus Pariſienſis ] Diaconum ordinâſſe dicitur anno 513.

(x) Hodie *Turantaſienſis* ſcribitur.

Victurius , (u) in Chriſti nomine Epifcopus Gratiopolitanæ civitatis , relegi , & fubſcripti , die & Confule fupraſcripto.

Claudius , in Chriſti nomine Epifcopus Ecclefie Veſontionenſis , relegi , & fubſcripti , die & Confule fupraſcripto.

Gregorius , in Chriſti nomine Epifcopus civitatis Lingonicæ , relegi , & fubſcripti , die & Confule fupraſcripto.

Pragmatius , (w) in Chriſti nomine Epifcopus civitatis Auguſtodunenſis , relegi , & fubſcripti , die & Confule fupraſcripto.

Conſtantius , in Chriſti nomine Epifcopus civitatis Octodorenſis , relegi , & fubſcripti , die & Confule fupraſcripto.

Catulinus , in Chriſti nomine Epifcopus civitatis Ebredunenſis , relegi , & fubſcripti , die & Confule fupraſcripto.

Sanctus , in Chriſti nomine Epifcopus civitatis (x) Darandaſienſis , relegi , & fubſcripti , die & Confule fupraſcripto.

Maximus , in Chriſti nomine Epifcopus civitatis Genavenſis , relegi , & fubſcripti , die & Confule fupraſcripto.

Bubulcus , in Chriſti nomine Epifcopus civitatis Vindoniſiæ , relegi , & fubſcripti , die & Confule fupraſcripto.

Sæculafius , in Chriſti nomine Epifcopus Deenſis , relegi , & fubſcripti , die & Confule fupraſcripto.

Julianus , in Chriſti nomine Epifcopus civitatis Carpentoratenſis , relegi , & fubſcripti , die & Confule fupraſcripto.

Conſtantius , in Chriſti nomine Epifcopus civitatis Vappincenſis , relegi , & fubſcripti , die & Confule fupraſcripto.

Florentius , in Chriſti nomine Epifcopus civitatis Arauſicæ , relegi , & fubſcripti , die & Confule fupraſcripto.

Item



Item Florentius, in Christi nomine Episcopus civitatis Tricastinæ, relegi, & subscripti, die & Consule supra-scripto.

Philagrius, in Christi nomine Episcopus civitatis Cabellicæ, relegi, & subscripti, die & Consule supra-scripto.

Venantius, in Christi nomine Episcopus civitatis Albenfium, sive Vivariensis, relegi, & subscripti, die & Consule supra-scripto.

Prætextatus, in Christi nomine Episcopus civitatis Aptensis, relegi, & subscripti, die & Consule supra-scripto.

Tauricianus, (y) in Christi nomine Episcopus civitatis Nivernensium, relegi, & subscripti, die & Consule supra-scripto.

Peladius Presbyter, jussu Domini (z) Salutaris civitatis [a] Avennicæ, huic definitioni interfui, & subscripti.

Hardouinus Tomo II. Conciliorum pag. 1046. & seqq. ex Sirmondo.

(y) al. *Tarentianus*.

(z) al. *mei*.

(a) al. *Aventicæ*.

In Pithocæno codice Peladius non apparet: sed superius tum in illo, tum in Remensi, legitur post Carulinum: Salutaris Episcopus civitatis Avennicæ subscripti. In Parisiensi MS. nec Peladius, nec Salutaris apparet. Agobardus in *Libro de Judaicis superstitionibus* Cap. IV. dicit, Episcopos tantum XXIV. interfuisse.

## SYNODUS TREVERENSIS

SUB NUMERIANO EPISCOPO.

Anno Christi DCLXIV. Vitaliani Papæ VII.  
Childerici II. Austrasiæ Regis IV.

*Numerianus in Conventu plurium Episcoporum & Clericorum, donata  
Monasterio Sancti Deodati in monte Vogaso confirmat, &  
Synodicam Comprovincialibus suis Episcopis hanc  
mittit.*

**D**ominis sanctis, & summi culminis apici, Pontificalisque Cathedræ speculæ præsidentibus in Christo fratribus, Childolpho (a), Gissoaldo, (a) Eborino (a) Episcopis Comprovincialibus, Numerianus (b) Archi-Episcopus simplex & fidelis vester præsumit mittere sa-

lutem. Licet & nos antiquitus regulam constitutam salubri observatione custodire conveniat; tamen ut vestra provisione tradante fiat, constituimus, ut hoc, quod sacris deliberationibus non derogat, intrepida observatione observetur. Et quia venerabilis vir, *DEODATUS* (c)

Episco-

(a) *Childolpho, Gissoaldo, Eborino.* Childolphus, qui & Clodulphus, Flodulphus, Merensis Episcopus, S. Arnulphi Merensis filius, sanctitatis & paternæ virtutis hæres, sexto Idus Julii abiens e vita, apud parentem conditus est, memoriam anniversariam retinens VIII. die Junii. Quanquam in Martyrologio Merensi ad VIII. Idus Maji ponatur: *Metis Sr. Confessorum, pariterque Pontif. Godonis, atque Clodulphi. Gissoaldus*, qui & Gisloandus, Episcopus Virdunensis, juxta Wasseburgium obiit anno 665. quare serius hoc privilegium datum esse non potuit.

*Eborinus*, qui & Eborinus, nec non Ebornus, Tullenfis.

(b) *Numerianus Archiepisc.* Qui sanctus Treviris colitur die 5ta Julii; ut talis in Martyrologiis celebratur. Vid. Acta Ss. Antverpiæ *Mensis Julii* Tom. II. pag. 231. eum in sede Treverensi non excessisse annum 666., certum statuitur in iisdem Actis *Mensis Julii* Tom. III. pag. 218. Porro *Archi-Episcopum* se hic nominat Numerianus, quod scribarum vitio tribuendum suspicatur Mabillonius *de re diplom. L. II. cap. 2. num. 13.* eo quod paucissimi inveniantur, qui hoc vocabulum sibi tribuerint ante sæculum IX.

(c) Episcopus Nivernensis, & subinde fundator, & constructor Monasterii vallis Galilææ,

Episcopus, religiosa postulatione aurium nostrarum intima penetravit, visceralis pietatis affectu ita cor nostrum intrinsecus molliuit, ut petita duntaxat non cedere, sed libentissime non impleſſe, nostris animis inreligiosum fore putare. Sancti igitur desiderii ardore succensus supradictus (d) Deodatus Episcopus, cœnobii septa in honore sanctæ Dei Genitricis MARIE, vel Sanctorum Apostolorum Petri & Pauli, & sociorum eorum, & sancti Eucharii, Materni, & Maximini, & omnium sociorum eorum, & S. Mauricii, Exuperii, & Candidi, vel sociorum eorum, basilicas intra eremi secretum locum, nuncupante Galilæa, quod prius Iuncturas vocabatur, supra flumen Murtæ & Rauboracco, in proprietate autem sua, quam ex fisci largitate promeruit, monasterium construxit; ubi monachos & peregrinos sub regula beati Benedicti, & sancti Columbani Abbatis collocavit, & nostræ vilitatis extremitatem supplici deprecatione poposcit, ut nos, fratresque nostri illi Ecclesiæ ibidem deberemus privilegium impertire. Et ne hoc nos improbæ deliberationis instinctu sacerdotalis posteritas æstimet decrevisse, cum etiam sub huiusmodi norma tam de inhabitationibus, quam a quibuscunque ibidem aliquid delegatum est, eatenus fuerit factum: inde ergo nos, & fratres nostri, Abbates, & Presbyteri, & Clerici conspiratione una, & consensu, jam dicti viri postulationi annuentes, hoc ab omnibus nobis decretum est; ut quidquid prædictis Monasteriis, & Monachis, sub Evangelica religione viventibus, ab ipso venerabili Patre Deodato Episcopo, & a reliquis Christianis viris, & fœminis, aut regio munere, seu a quibilibet hominibus ibidem collatum fuerit ministerii, & de sacris voluminibus, & quod propriis

laboribus poterint addere & multiplicare; aut quæcunque ad ornatum noscuntur ibidem pertinere, præsentibus vitæ nostræ temporibus, successorumque nostrorum, nullus exinde aliquid Pontificum, Abbatum, Presbyterorum, & Clericorum, seu Archi-Diaconorum, aut regalis sublimitas, suis usibus audeat usurpare, aut minuere.

Et cum sæpe dictus DEODATUS Episcopus, qui est Pater ipsius Monasterii, de hoc sæculo evocatus, illum quem unanimiter omnis congregatio illa ex semetipsis optimæ regulæ conceptu elegerit, Senioram & Abbatem sibi instituat. Et si eis opportunum fuerit, Ecclesiam benedicendam, & sacros ordines percipiendos, a quocunque Pontifice decreverint, licentiam habeant (e) expectandi, nullusque de eodem monasterio, seu de parochiis, aut cæteris monasteriis absque ulla regula & privilegiis viventibus, muneris causa audeat sperare, & auferre: & nisi invitatus ab Abbate, & totius unanimis congregatione, liceat ei monasterii ipsius atterere septa. Si ergo ab eis Pontifex communiter postulatus, pro ipsorum utilitate accesserit, quod ipse Abbas, aut Congregatio sua sancta elegerit, ita fiat, & celebratis ac peractis Divinis mysteriis mox absque ullo requisito dono studeat abire. Quatenus monachi, qui solitarii nuncupantur, de percepta quiete valeant juvante Domino per tempora exultare, & sub ipsa sancta regula viventes, beatorumque vitam Patrum sectantes, pro statu Ecclesiæ Catholicæ, & pro desiderabili salute CHILDERICI [f] gloriosi Principis, plenius Dominum valeant exorare. Et si aliquid ipsi monachi quantulumcunque de religione indebite egerint, secundum supradictam regulam Domni Benedicti, &

lææ, sub Regula S. Columbani, qui a Numeriano Archi-Episcopo Treverensi hanc confirmationem suæ foundationis, & immunitatem amplam obtinuit. Vide Hagiographos Antwerp. ad diem 19. Junii in vita S. Deodati.

(d) Deolatus Episcopus Cœnobii Septa &c.] vitam S. Deodati scripsit Richerius, editam Tom. III. Spicileg. in qua & historia fundati hujus Cœnobii, cujus confirmatorium est præsens Diploma Numeriani Conf. Calmet. Hist. de Lorraine Tom. I. L. IV. X. n. 43. Acta SS. Antwerpiens. Mensis Julii Tom. III. citat. pag. 218. Hodie Monasterium Medianum, Gallice, Moyen-moutier nuncupatur. Hæ notæ sunt Illustrissimi Hombenii Tomo I. Historiæ Treverensis Diplomaticæ pag. 82.

(e) Licentiam, & facultatem adeo amplam, Abbati monachorum ab Episcopo indultam, forte ante hanc diem nemo habuit.

(f) Childericum II. Austrasiæ Regem ab anno 660. ad 673. fuisse, docuimus Tomo I. in Præfatione pag. 60.



& sancti Columbani Abbatis, & a proprio objurgantur Abbate; & si, quod absit, talis inter Abbatem & monachos dissensio aliqua & murmur confurgere videatur, qualis minime ab eodem Abbate ibidem sedari possit; tunc missus Episcopus eorum, ad alios Abbates, qui ejusmodi regulam tenent, convenient in ipso monasterio, scandalumque deprimant sententia regulari; quia nihil de canonica auctoritate convellitur, quidquid domesticis fidei pro quietate tranquillitatis tribuitur. Quod si quis invenitur ausus, quæ superius sunt comprehensa, temerario spiritu violare, a Divina ultione prostratus, reatui anathematis subiciatur, & insuper iram omnipotentis Dei incurrat, omniumque Sanctorum. Ut ergo privilegium hoc in nullo possit convelli, sed præsentem

pore, futuroque, Christo Domino protegente, incorruptum valeat perdurare, ac firmissimis subsistat vigoribus, manu nostra, & fratrum nostrorum Episcoporum, & Abbatum, & Presbyterorum, & Archidiaconorum subscriptionibus roboratur, & insuper fratribus nostris, venerabilibus viris, Blidoaldo Presbytero, Achino Diacono, quo perpetuo maneat inviolatum, destinavimus ad confirmandum. Signum Numeriani Archiepiscopi, qui hoc fieri præceptum . . . S. Dragobodi Episc. (g) S. Grotgrani. (h) S. Baldoni Episcopi. S. Dodoni Episc. S. Chroabaldi Episc. S. Gariberti Archidiaconi. S. Prodagii Episc. Ego Hilbertus rogatus subscripsi.

Mabillon. *Annal. Benedictinorum Tom. I.*  
pag. 696.

(g) Sedes horum Episcoporum sunt ignotæ, nisi forte Chorepiscopi sint per Provinciam.  
(h) alias *Grotbarii*.

Dominicus Mansi *Tom. I. Supplementi Conciliorum* pag. 479. verosimiliter judicat ex contextu Epistolæ hujus Encyclicæ, & subscribentibus Episcopis, Concilium hoc celebratum fuisse Treveri, vel circa annum 664, vel ante, ut Hagiographi.

## SYNODUS FRISINGENSIS

DIOECESANA SUB ARIBONE Episcopo.

Anno Christi DCCLXV. Pauli I. Papæ VIII.

Pippini Regis XII.

*Aribo, Episcopus Frisingensis, in publica Synodo acceptat hæreditatem Poaponis viri nobilis pro Domo S. Mariæ Cathedrali Ecclesie traditam & donatam.*

**D**Um oportet unicuique, qui in hoc mundo vacare viderur, Sacramenta reminiscere, & ultimum diem pertimescere; ne nos inprovisa mors subito, sicut habet casus humane fragilitatis, inparatos inveniat, & tamquam fur comprehendat, vel æterne mortis laqueis tradat, de rebus transitoriis, quem Domini pieras, humanaque utilitas adquisierit patronum, adquirere debet, qui pro ejus vicibus, diemque magni judicii apud Dominum intercedat, ut mercedem plenissimam apud ipsum retributionis accipiat. Quamobrem ego in Dei nomine, Poapo, vir no-

bilis congregavi (a) multitudinem parentum meorum, nobilium virorum, per quandam dubitationem filiorum meorum consilia cum illis, sicut ipsi consilium eorum mihi per fidem dederunt, ut hereditatem meam domui sanctæ Mariæ tradidissim. Interea contigit, ut conductum est publicum Synodum, seu alium placitum, ad Frisingun fieri, & ego Poapo veniens veniebam cum parentibus, & fidelibus meis ad jam dictum domum sanctæ Mariæ, & nuntiavi consilium nostrum Heredi Episcopo, & ipse Pastor, ac medicus animarum consolans nos, & hoc consilium gratanter

(a) Multitudinem Parentum meorum, nempe Cognatorum.

tanter accepit , & nostram promissit memoriam confirmare in ipso domo Dei perpetualiter. Proinde iterum retractavi , ut pro remedium animæ meæ , vel pro peccatis meis abluendis , ut mihi pius Dominus in aliquantulum veniam æternam præstare dignetur : hereditatem quoque meam in locis , nuncupatis Adwihle , & Adholze ad domum S. Mariæ , seu omnium Sanctorum , quorum reliquæ ibidem venerari videbantur , coram omni Clero , seu parentibus meis confirmantibus , firmiter & indubitanter tradidi , & statui , ut ibidem ad illum sanctum locum firmiter , in perpetuum permanisset : hoc est , in locis jam dictis , quidquid ibidem de hereditate propria habere videbatur , totum ex integro tradidi , & cum testibus confirmavi ad supra dictum domum , ut ibidem perpetualiter permanisset ; ea vero ratione , ut quamdiu advivimus , ego ipse , & filii mei ipsam causam cum integritate habere , vel usurpare debeamus. Eo modo , ut nullus propter quamdam disputationem filiorum meorum , si contigisset , abstrahere ipsam hereditatem meam non potuisset de domo S. Mariæ ; sed traditio mea firma , & stabilis permaneat in perpetuum. Post obitum vero nostrum , cum omni rem addita , vel emeliorata , absque ulla consignatione , vel contradictione , ipse Rector , qui tunc tempore ipso (b) Monasterio San-

ctæ Mariæ ad gubernandum præesse videtur , in suam faciat revocare dominationem. Et si quis vero , quod futurum minime credo , si ego ipse , aut ullus de heredibus meis , quicumque emissæ persona , qui contra hanc Epistolam traditionis , quam ego ipse propria voluntate fieri , vel firmare rogavi , venire , aut aliquid resistere temptaverit ; inprimis iram Dei omnipotentis exinde incurrat , & cui litem intulerit , solidos quingentos coactus exsolvat : & petitio sua vacua , & inanis permaneat , sed per Epistolam , omnique tempore firmiorum obteneat roborem. Manu mea propria subter firmavi , & bonis hominibus ad roborandum decrevi , quorum nomina hæc sunt : Inprimis Heres Episcopus cum omni familia sanctæ Mariæ in publico Synodo , id est , Arn Diaconus , Orilan Diaconus , Ratolt Diaconus , Luitfrid Clericus , Heimilo Clericus , Hununc Clericus , Selprat Com. Alprat Com. Mezzi Comes , Waldkeer , Aringrim , Alphart , Egilolf , Perhtolf , Chuno , Angilperht , Pern , Arbeo , Hartrih. Actum est hæc ad Frisinga anno XVI. Pipini Regis , ab Incarnatione Domini anno DCCLXV. Indictione IV. die Consule , quod facit novas Majas. Et ego Pern Clericus ex ore Heredis conscripsi.

*Meichelbeck Historiæ Frisingensis Tom. I.  
Parte II. Instrum. XIII. pag. 32.*

(b) Monasterio S. Mariæ , puta Ecclesiæ , seu Conventui Cathedrali.

## CONVENTUS EPISCOPORUM, ET PRESBYTERORUM

SUB TASSILONE, BAJOARIÆ DUCE, IN VILLA UFFHASIN.

Circa annum Christi DCCLXX. Stephani III. Papæ III. Caroli M. Regis III.

*Traditio Tassilonis Ducis juxta flumen Filse.*

**I**N Christi Nomine. Opportunum est unicuique , dum terrena possidet , frequentius pro salute animæ suæ cogitet , vel de vita futura ; & ut mereatur regnum præsens , vel Ethereum adipisci. Idcirco ego Tassilo , Dux Bawariorum , rogante me URSONE Presbytero in Villa publica , quæ dicitur UFFHUSIN , coram Episcopis , nec non & Presbyteris , vel Dia-

conibus , seu vernaculis meis præsentibus , donavi ad Ecclesiam Beati Stephani , ubi ipse supra dictus URSUS Presbyter servire dignoscitur , juxta flumine nuncupante (a) FILSE , id est , ab Aquilone vel meridie. Si quis autem hanc donationem corrumpere voluerit , ipse vero possessor ad nos habeat licentiam veniendi ; nos vero , sicut superius pollici-

S s s s

ti



ti sumus, ita conservare volumus, & nostris temporibus, & si successor nobis advenerit, similiter conservare debeat, ut & ista donatio firma, & stabilis permaneat. Ego Tassilo propria manu scripti, & confirmavi. Signum

testium. Luitprant Presbyter, Pippi Presbyter, Adilger, Choanrat, Reginolf, Rumolt.

*Meichelbeck Hist. Frisingens. Lib. I. Parte II. Instrum. XCVI. pag. 78.*

(a) *Filse*. Vils fluvius, qui in Frisingensi Dicecesi fontes habet, & emensis 13. milliariibus in Danubium prope Vilshovium mergitur.

Creditur, hoc instrumentum agere de Ecclesia Parochiali in Mosen, S. Stephano dedicata.



## SYNODUS FRISINGENSIS,

SUB ARIBONE EPISCOPO, III. KAL. APRILIS, FERIA V. ANTE PASCHA  
IN QUA CHRISMA CONFICITUR.

Anno Christi DCCLXXIII. Hadriani I. Papæ II.  
Caroli M. Regis V. Tassilonis Ducis anno XXV.

**I**N Christi nomine. Ego Onolfus divina vocatione dilectum, & quasi unicum Keparahun amisi filium, Latrocinii insidiæ interemptum. A quo orbatus remansi cum unico Hrodino filio vocabulo, quem in Deiscum constitui documentum. Id me cogitante, vel tractante, patrimonium, quod jure possidere videbar; vel quod Toti, genitor meus, mihi reliquit, ut quod conjugii meæ Alpswindæ ab genitore Keparaho in hereditatem relictum esse videbatur, pariter manu commune ad oratorium, & ad locum, quæ dicitur (a) Roraga Mussea tradidimus, atque transfundavimus. Ipsam namque Ecclesiam, vel oratorium tradidimus ad Beatæ, & intemeratæ Dei Virginis Mariæ, & Domini Genitricis, Ecclesiam domui Episcopale, & in Castro Frigisingas mœniis sitæ, ut post obitum meum, atque care prænotatæ conjuge, filique prædicti Hrodini, Dei opitulatione, ad honorem si accesserit, communiter Episcopale judicio, atque Canonice normæ jure possideat prædictum patrimonium intercessor Genitori, Matrique & Germani adfistat,

tamen Episcopali subijciat potestati. Illius post obitum ad prænotatum domum tene jure ditionis affectus; sin autem nostris impetire dederit delictis, ut sublimare sacerdotes neglexerit gratibus, suamque ad obitum usque possideat partem: cetera incommota, ut prædictum est, permaneant inlesa: & ipsius unici post obitum, eadem observentur ditionibus. Donavi namque, & transfundavi in eadem verba prædictum locum Roraga Mussea, & alium, quæ dicitur Clane, secus fluentia ipsius fluminis, & tertium, quæ appellatur locum Ahaloh: Donavi namque casæ, curtes, ædificia, rura, (b) saltura, prada, pascua, aquarumque decursura; molendinarias; silvas, lucos, mancipias, pecudes, & quicquid possidere videbar, culta, & inculta, utensilia omnia, & quirendi jure debita, licentiam concessimus. Stipulatione stilo perarare deposcimus, ut si ego ipse, vel quislibet opposita persona, contra hanc dotationem in ire conaverit, in primis insolubile vinculo anathematus sustentetur, & cum Dei Genetrice, &

(a) *Roraga Mussea*. Rörmosen, in Præfectura Dachaviensi.

(b) *Saltura*, videtur derivari a Salto vel nemore, ein *Buschwerck*. Hinc Saltuarii, qui præfunt custodiæ saltus. In confinibus Tyrolis, sub vocabulo Saltaria intelliguntur tum sylvæ, tum agri, haud facile pervii, vel montosi, a saltando dicti, ut hos saltus explicat *Glos. Margin. in L. Si ita. ff. de usu & habit.* quamvis saltus etiam aliquando accipiat, pro jure pascendi in loco aliquo communi, de quo *L. testatrix §. Plures. ff. Si servit. vindic.*

& interemerat Virginis communicet rem inlicite hujusmodi commissam, & cum beato Christi Confessore Corbiniano, cui hæc credita sunt, & eorum virtutum, quorum nominatim ibi in Deifico laude esse videntur. Hæc sunt testes per aures tracti: imprimis eorum perceptor in eadem verba Arbeo Episcopus cum cuncto Clero, quia *Synodalis* accefferat dies, quod erat V. feria ante Pascha, in qua Chrisma conficitur, tamen ex parte necessitate cogente, nominatim per aures tractos, ut opinor, perarare nomina debemus, Chronique prius, quod erat in anno XXV. Domini, & Infusitissimi Tassilonis (c) Ducis, Waltrih, Ratolt, Reginperht, Me-

joran, Hununc, Pern, Bald, Horskeo, Oto, Epo, Presbyteri testes: Arn, Reginolt, Luitfrid, Rihpald, Diaconi: Chuno, Popo, Sullo, Hatto, Hitto, Hramperht, Laici testes. Ceteri sine numero, quorum nomina si stilo comprehendere voluissim, dies, ut opinor, priusquam defecisset vocabula. Actum in villa publica Castro Frisingas, sub die Consule, quod erat III. Kal. Apriles, jam annorum prænotato numero. Ego Sundarheri iussu ex ore Heredis conscripsi, atque testes firmavi.

*Meichelbeck Historie Frisingens. Libro I. Part. II. Instrum. XXIX. pag. 45.*

(c) Annus primus Tassilonis Ducis est Christi DCCXLVIII. ita *Meichelbeck & Hanfiz. Vide Tomi I. pag. 130.*

## SYNODUS IN OPPIDO RISBACH.

DIOECESIS RATISBONENSIS, CELEBRATA

Anno Christi DCCXCIX. Leonis III. Papæ IV.

Caroli M. Regis xxxii.

*Indictio Synodi in Rispach per Encyclicam Arnonis, Salisburgensis Episcopi.*

*Sincerrimæ dilectionis venerabiliter præferendo, & cum omni charitatis amore amplectendo N. digno Dei Antistiti, supplex S. Fuvavensis Ecclesiæ Archi-Episcopus N. bene cupiens prosperitatis vestræ hic præsentî, & in futuro sæculo.*

**S**olito etenim more Sanctitatis vestræ precibus nos enixe commendamus. Vestra namque memoria, ut optime condecet, jugiter apud nos retinetur, sicut optime noverit fraternitas vestra, & Canonica auctoritas probat, omniumque nostrum est utilitas maxima, qui sumus in loco regiminis constituti, Synodale colloquium, habere, & ibi pertractare nostrum ministerium, a Deo nobis commissum, ad profectum totius Christianæ plebis: quia id ipsum a confratribus nostris Episcopis hoc anno in regno Domni Senioris nostri in Francia est peractum. Quapropter Deo auspice nos coadunati sumus, Synodalem conlocutionem exercere ad Rispach die inchoante XIII. Kal. Sept. Quapropter bonum est, ut die statuto vos ipsi illuc veniatis, & præcipiat vestro Cho-

ri-Episcopo, ut illuc veneat, & Archipresbyteris vestris, seu cæteris primoribus Ecclesiasticis: & de illa vestra Abbatia illos proceres monachos, quantos vobis videbitur. Et si illa capitula, quæ in illa Synodo in Francia gesta fuerunt, scripta habeatis, vobiscum deferre. De victualibus vero sagax prudentia vestra præcaveat, ad quantos dies ibi commorari in loco, tantos tunc nostra suppetiat convenientia. Quia, sicut superius præfati sumus, ut illa Synodalis loquela, Divina auxiliante gratia, nobis a Deo merces ad crescat, & apud homines bona laus. Et hoc scitote, quia ad confratres nostros Episcopos istam exemplariam scriptam directam habemus. Perlecta hac Epistola a vestra dilectione, nobis sospirantem vestram per missum, aut per indicolum

*Tomus II. Concil. German.*

S s s s 2

lum



lum vestrum nobis innotescere non pigetis.

*Pez. codex Diplomaticus Parte I. columna 74.*

#### CANONES EX REGINONE.

##### *Ne Clerici laicalibus vestibus induantur.*

*Ex Concilio ad Rispbach in Bajoaria Cap. XLI.*

UT nullus Clericus vestimenta laicalia portet, nec arma, nisi tantum, quod ipsius religioni deceat, induere præsumat. *Regino L. I. Cap. CCCXXXVI.*

##### *De festivitatis anni.*

*Ex Concilio ad Rispbach.*

Festos dies celebrare sancimus, id est, diem Paschæ, similiter feria secunda, tertia, & quarta, & quinta. Ante Missam licentia sit arandi & seminandi, hortum vel vineam excolendi, & sepem circumcludendi: ab alio vero opere cessare decrevimus: post missam autem ab opere vacare. Pentecosten similiter ut in Pascha. S. Laurentii, Kal. Novembr. Omnium Sanctorum, similiter Dedicationes Ecclesiarum. *Regino L. I. Cap. CCC LXXVIII.*

#### CANONES CONCILII RISBACH-ENSIS EX JORDANO ET DUKERO,

QUORUM JUDICIUM PENES LECTO-

REM RELINQUIT *Hansitz. Tom. II.*

*Germaniæ Sacre pag. 110.*

- I. In ædè sacra ne strepunto: ne ambulando: ante finem rei Divinæ ne excedunto.
- II. Presbyter ante annum XXX. ætatis ne consecratur, nec nisi vita, & moribus ante exploratis.
- III. Clerici feria IV. & VI. carne, & vino abstineant, præterquam a Paschate ad Pentecosten, a Nativitate Dom. ad Epiphaniam, festisque diebus Ss. Apostolorum, B. V.

Ex Jordano Dukerus memoriæ prodidit, celebratam esse anno 799. die 20. Januarii Synodum in oppido Risbach, Dioceseos Ratisponensis. Codex traditionum Frisingensium ejusdem Synodi meminit, tempore non adnotato. Eorum, qui adfuerunt, nomina sequenti ordine recensentur: *Waltrich Episc. [Pataviensis] Arn Archiepisc. Adalwinus Episc. (Ratisbonensis) Urold Abbas, Reginperth Abbas, Arno Archiepisc. Presbyt. Ellanod Archiepisc. Presbyt. Hildipert Diaconus, Paldrich Archiepisc. Presbyt. Præterea Atto Frisingensis Episc. cui Cundbarius Abbas in eadem Synodo quatuor Ecclesias parochiales reddidit. DUKERUS antea citatus adnumerat etiam Alimur*

*Sabio-*

Mariæ, S. Michaëlis, S. Joannis Baptistæ, S. Martini. Hac tamen lege, hospitibus, ægrotis, viatoribus, iisque, qui belli degunt, exemptis.

IV. Usus vestium sit e. more communi.

V. Clerici ne sibi vendicent bona Nobilium.

VI. Decimæ dividantur in partes quatuor: in Episcopum, sacerdotes, egenos, Ecclesias.

VII. Viduarum, pupillorum, cœcutientium, inopum cura sit penes Episcopum. Mendicabula ne tolerentur: suos quique populares oppidani pagenesque alunt.

VIII. Memoriarum sanctorum, ac martyrum ignotorum, ne fiant.

IX. Venefici & Necromantæ candentis ferri examine probentur.

X. Cucullum nisi monachi, aut gelu cogente, ne gestent.

XI. Monachi ne suntuo curiones.

XII. Episcopi ne sibi arrogant Abbacias; Prælati aut Clerici, ne bona sacra ad jus Regum pertinentia, in usumque nobilium deputata. *Sic Jordanus, quem Dukerus transcripsit.*

De Canone postremo, qui forte non nemini rugam provocet, documentum tamen invenio apud San-Gallensem *Lib. I. de Gestis Caroli Magni.*

" Prudentissimus, inquit, Karolus  
" nulli Comitum, nisi his, qui in con-  
" finio, vel termino barbarorum constitu-  
" ti erant, plus quam unum Comitatu-  
" tum aliquando concessit: nulli Episcopo  
" Abbati, vel Ecclesias ad jus Regium  
" pertinentes, nisi excellentissimis  
" causis unquam permisit. Cumque a  
" Consiliariis, seu familiaribus suis inter-  
" rogaretur, cur ita faceret? respon-  
" dit: cum illo fisco vel curte, illa Ab-  
" batiola vel Ecclesia, tam bonum vel  
" meliorem vassallum, quam ille Comes  
" est, vel Episcopus, fidelem mihi facio.

*Sabionensem, Simpertum Augustensem Episcopos, sic enim legendum, erasa interpunctione, quæ inter Simpertum, & Augustensem, obreplit: præterea Wolffipum Abbatem Inferioris Altahe, Leitfridum Abb. Chiemensem, Joannem Degernfeensem, Wolfstretum Cremsmonstrensem, Annonem de Münich-münster. Presbyteros & Curiones Meginhartum, Cauzonem, Liutbrandum. Archi-Presbyteros Adelhartum, Emricum, Baltricum, Oswaldum, Amanum, Elimatum. Diaconos Hildibertum, Wolfstretum, Liutolfum. Hanfz. Tomo II. Germania sacra p. 110.*

## SYNODUS AD URBEM REGINISBRUC,

Anno Christi DCCCIII. Leonis III. Papæ IX.

Caroli M. Imper. III.

### *De Chor-Episcopis.*

CAROLUS Imperator in Bajoariam profectus ex palatio, (a) Ratisbonæ Synodum habuit de Chor-Episcopis, qui extra civitates discurrerant, & in villis & pagis morabantur, unde & Villani Episcopi dicebantur. De his Presbyteri, & Laici conquerebantur. Laici figillatim: se talium ministrorum, vel sacerdotum, qui a Chor-Episcopis erant quasi ordinati, officia audire nolle, nec suos infantes majores, vel minores, aut familiam suam, per manus impositionem consignari, vel confirmari usquam velle, ne magis vulnus, quam benedictionem acciperent. "Carolus Catholico axiomatico usus: si majores causæ in medio fuerint devolutæ, ad sedem Apostolicam, ut sancta Synodus statuit, & beata consuetudo exigit, incunctanter referatur.

*L.VIII. Capitularium cap. 260. verba sunt Caroli Imperatoris, ex Decreto Innocentii I.*

"Quapropter Arnonem Salisburgensem Archiepiscopum misimus ad Leonem Apostolicum, ut inter cætera, quæ ferebat, etiam eum, & hoc interrogaret, ut quidquid super his definiendum esset, Apostolica au-

"toritate nostris Episcopis regulariter sopiretur. Videatur Morinus exercitatione IV. de sacris ordinationibus. cap. I. & II.

*Leonis III. P.P. de Chorepiscopis consulti, responsa.*

Retulit responsum Arno, & verbo & scripto. Hæc dudum definita esse, omnia, quæ Chor-Episcopi de Pontificibus sibi arrogarent, nec rite, nec valide facere: eos omnes damnandos, & in exilium detrudendos esse.

Condicta Synodus anno 803. ad urbem Reginisbruc, quam pro eadem, vel aliis causis, Apostolica auctoritate præfato prætextu habuimus. CAROLUS, qui eodem anno solemniter cum Saxonibus pacificatione in loco Saltz composita, legatisque Nicephori Imperatoris auditis, inde in Bajoariam profectus est, Synodoque interfuit, ubi Episcopi cum eodem Arnone censuerunt; quod quidem exilii pœnam attinet, villanos illos Episcopos mitius tractandos; cæterum vetuerunt, ne a quoquam deinceps Chor-Episcopi crearentur; illi autem, qui essent, in Presbyterorum gradu se continerent, nec de ministerio-Episcopali quidquam porro attingerent.

*Hanfz. Germania Sacra Tomo II. in Historia Archiepp. Salisburgensium pag. 116.*

S s s s 3

SYNO-

Defectu Actorum expansorum hæc pauca excerpta damus ex Actis in Concilio Ratisbonensi.

(a) Tomo I. nostro pag. 383. Conventum in Saltz, vel Sala, cum Harduino retulimus ad annum 804. sed Annales Francorum a Pithoeo, & ea, quæ hic referimus cum Hanfizio, ostendunt anno 803. Conventum in Saltz, & Ratisbonensem ponendos esse.



## SYNODUS FRISINGENSIS

Anno Christi DCCCIX. Leonis III. Papæ xiv.  
Caroli M. Imp. ix.

### *Traditio Engilperthi Clerici de Moresfurtiv.*

**I**N Dei nomine. Ego Engilperht Clericus, tradidi ad domum S. Mariæ propriam hereditatem meam in duobus locis, hoc est, ad (a) Moresfurt, & ad (b) Mataclapfin: quicquid in his duobus locis habui, totum ex integro firmiter, & indubitanter condonavi, atque tradidi ad jam dictum domum Sanctæ Mariæ ad Frigisingas, excepto tres mancipias, quos jam antea tradidi Hovadiu: aliud enim, quicquid habui, nihil prætermisi; sed firmiter tradidi pro redemptionem animæ meæ. Ea enim ratione, ut mihi eadem res haberi liceat ad custodiendam, vel etiam ad meliorandum usque ad finem vitæ meæ. Post obitum vero meum complacitavi cum Attone Episcopo, sive cum familia Sanctæ Mariæ, in publica Synodo, ut Sliu Presbyter, nepus meus, eandem rem, quam tradidi, in beneficium de domo Sanctæ Mariæ ea ratione sub se Sliu Presbyter perforet in servitio Sanctæ

Mariæ, seu ipsius Episcopi, qui hanc sedem habeat; si aliter fecerit, nihil exinde habeat, sed stabiliter permaneat, ubi ego Engilperht eandem rem tradidi, & cum veracis testibus confirmavi, quorum nomina sunt: Kaganhart, Einhart, Reginhelm, Nothart, Oadalrich, alius Kaganhart, Adalker, Adalperht, Adalunc, Sindperht, Pbidker, Arnolt. Actum est hæc in publico Synodo ad Frigisinga in præsentia Domni Attoni Episcopi, & Meginhart, & Reginperht, & Warmunt Abbates, & Cundheri Abbas. Presbyteri vero sine numero. Laici autem, Luitpald Comes, Ellanperht Judex, Pietto Judex. Sub die Consule, quod facit Kal. Maji, anno gloriosissimi Imperatoris Karoli Augusti, IX. Indictione. Ego quidem Tagabertus indignus Diaconus scripsi iussione Attonis Episcopi.

*Meichelbeck Histor. Frisingens. Libri I. Parte II. Instrum. CLXX. pag. 114.*

(a) *Moresfurtiv*, forte *Mossurt*, in territorio Landaviensi inferioris Baviaræ.

(b) *Ad Mataclapfin*. Nihil huic vocabulo simile reperimus in descriptione Baviaræ Geographica. Unde suspicamur, eo non denotari, nisi locum, ubi unum tantum, aut alterum prædium existerit, quod idem de aliis locis accipiet Lector, quorum explicationem non adjungimus.

Cæterum ex hoc instrumento certum est, Attonem Episcopum anno 809. convocasse Synodum. Meginhart Abbas, qui interfuisse convincitur, non erat alius, quam Tegernseensis, Reginperht Mospurgensis. Quorumnam Monasteriorum Abbates fuerint Warmunt, & Cundheri, hætenus ignoramus. Suspiciamus, unum fuisse Altomonasteriensem, alterum Ilanensem, aut Tegernbacensem. *Notæ Meichelbeckii.*

## CONVENTUS EPISCOPORUM AD REGANASPURCH

*Sub Arnone Archiep. Salisburgensi,*

Anno Christi DCCCX. Leonis III. Papæ XV.  
Caroli M. Imp. X.

*A Hrochoolfo pœnitente domum, olim traditam Ecclesiæ Frisingensi, post repetitam, nunc denuo restitutam, testantur Patres Provinciæ Salisburgensis.*

**I**N Dei nomine. Ego itaque Atto Episcopus notitiam facio, qualiter quendam homo, Hrochoolf nomine, devotus fuit domum sanctæ Mariæ, seu etiam nos,

nos, hoc est de territorio, quam Ratpuruc tradidit ad domum Sanctæ Mariæ; nunc etiam invitatus, & cum veraces testibus superatus reddidit eadem territorium in loco Feohre, quam injuste abstraxit de domo sanctæ Mariæ. Hoc autem factum est, ad Reganaspuruc in publico conventu Episcoporum, seu etiam Presbyterorum, in quo erat Arn. Archi-Episcopus, Atto Episcopus, Adalminus Episcopus, Hato Episcopus, Einrich Episcopus, Agnus Episcopus, Megin-

art Abbas, Luitfrid Presbyter, Ellanod Presbyter: in illorum præsentia hoc factum est, seu etiam Audulfi Comitibus & Kyfalthart judicis, & Ellenberti judicis, Petto, Chuniperht, Reginhart, Sindeo, Kaganhart, Luitprant, Situli, Memmo, Reginperht, Anhart, Madalcoz, Crimuni, per fidejussores enim hoc fecerunt, quorum nomina Chuniperht, Situli, Engilhart.

*Meichelbeck Historiæ Frisingensis Libro I. Parte II. Instrum. CCLVI. pag. 144.*

## SYNODUS AD FRIGISINGA

DI O E C E S A N A,

SUB HITONE EPISCOPO FRISINGENSI.

Anno Christi DCCCXV. Leonis III. Papæ XIX.  
Hludovici Imp. II.

*Cundharti Comitibus donatio Ecclesiæ in Mosaba ad Ecclesiam Frisingensem confirmata, & roborata ab uxore vidua, in plena Synodo Frisingensi.*

**D**Um & omnibus non haberetur incognitum, sed multis est in Episcopo sanctæ Mariæ bene cognitum, qualiter Cundhart Comitis in propria Alode Ecclesiam construxit, & in Alode uxoris suæ Adalfrid nomine, in loco, nuncupato Mosaba: atque venerabilem virum Attonem Episcopum illuc invitavit ad consecrandam ipsam Ecclesiam: ipseque Atto ibidem veniens, inquirens coram populo, quid jam dictus Cundhart Comes de eadem Ecclesia agere voluisset, ipseque respondens: "Ego vere volo meam partem, nunc coram istis cunctis ad domum sanctæ Mariæ pro remedium animæ meæ in manus vestras tradere, & confirmare volo, eo modo, ut post obitum meum uxori meæ, Adalfrid, si me supervixerit, habere liceat; tamen, si ipsa suam partem de jam dicta Ecclesia domui sanctæ Mariæ vult tradere." In his verbis confirmatis consecrata est ipsa Ecclesia. Jam evulso tempore, defuncto Cundharto Comite, jam dicta uxor ejus Adalfrid, adsumptis parentibus, simul cum Hiltofratre ejus, venit ad venera-

bilem Hittonem Pontificem, & in publico Synodo ad Frigisinga congregato, accessit ad Altare sanctæ Mariæ, & renovavit traditionem Cundharti viri sui, adjunxit etiam & suam partem ipsius Ecclesiæ cum omni integritate, quidquid in ipsa Alode, vel in acquisitione in ipsa Ecclesia proprium habere videbatur; eo modo, ut post obitum illius nullus inde licentiam habeat, nec frater, nec ullus propinquus ejus, habendi, vel in ullo minuendi: sed sicut eo die vestita est, sic permaneat ad domum sanctæ Mariæ sine ulla contradictione. Actum est hoc in præsentia Hittonis Episcopi, & Heriberti, & Johann Archi-Presbyteri, alii multi. Hæc autem sunt testes: Heipo, Harolf, Arahad, Reginhoh, Adalcker, Adalperht, Pernolf, Luitpald, Deopald, Adalhoh, Aaron. Die Consule, quod facit VI. nonas Octobris, Anno Hludowici Imperatoris II. & Hlodharii Regis primo, Indictione VIII. Ego Tagibertus indignus Presbyter scripsi, jussione Hittonis Episcopi.

*Meichelbeck Historiæ Frisingensis Lib. I. Part. II. Instrum. CCCXIX. p. 170.*

SUPPL.



## SUPPLEMENTUM TOMI II.

### CONCILIORUM GERMANIÆ.

#### CONVENTUS PUBLICUS EPISCOPORUM AD REGANESPURCH,

CIRCA ANNUM CHRISTI DCCCXVII. (a) PASCHALIS PAPÆ I.  
LUDOVICI PII IMP. IV.

*SUMMA. Restitutio bonorum, quæ Hroculfus abstulerat de domo  
S. Mariæ.*

*Interfuere Arn Archi-Episcopus, Atto Episcopus, Adalwinus Episc. Ratisbonensis, Hatto Ep. Pataviensis, Einrich Episcopus, Agnus Episcopus, Meginart Abbas.*

Colligitur hæc Synodus ex *Historia Frisingensis Parte II. pag. 144.*

*Acta expansa perierunt.*

(a) Harto, Pataviensis, ultra 817. non vixit: igitur ante hunc annum, vel hoc anno celebrata fuit hæc Synodus Episcoporum. *Hansiz Tomo I. Germ. Sacre pag. 153.*

## DECRETUM LUDOVICI

BOJARIÆ REGIS,

Anno Christi DCCCXXIX. Gregorii IV. Papæ III.  
Ludovici Pii XVII. Filii Ludovici in Bojaria V.

*Quo definitur divisio finium Pataviensis, seu Laureacensis Diæceseos  
Reginarii Episcopi, ab finibus Diæceseos Adelrami Salisburgensis  
Metropolitæ.*

**L**udovicus Germanicus, Ludovici Pii Augusti filius, Bojorum Rex (ab anno 825.) anno 829. accersivit Reginoburgum Pontificem Salisburgensem Adelramum, & Pataviensem Reginarium: hic exemplo prædecessoris sui Urolphi, volebat esse Metropoli Laureacensis, [qualis Urolphus fuerat decreto Eugenii Papæ] sed Adalramus, Leonis III. & Caroli M. definitioni innixus, jus Metropolitani Juvavenfis Ecclesiæ in Moraviam & Pannoniam sibi vindicabat.

Ludovicus Germanicus, utroque audito, sententiam in hunc modum tulit:  
" Ut Regio, quæ ultra Comagenos mon-

" tes est, inter utrumque Antistitem di-  
" vidatur; ut Aquilonarem, Occidenta-  
" lemque oram, qua Spiraza amnis exo-  
" ritur, & cum altero Spiraza & Arabone  
" confluit, Pataviensis Antistes haberet:  
" reliqua Orientem, & Austrum spectan-  
" tia, procurarentur a Salisburgensi.  
" Actum Raganespurch, anno Christo  
" propitio DCCCXXIX. Anno XVII.  
" Hludovico Imperatore, filio ejus Hlu-  
" dovico regnante in Bojaria anno V.  
" XIV. kal. Decembris. Luna XVI. In-  
" dict. VIII. Angelramnus ad vicem  
" Gozbaldi scripsi & subscripsi.

*Hansiz. Tomo I. Germ. Sacre pag. 155.*

Isito Ludovici decreto, & non dubito, quin summi Pontificis assensu, traditio illa Eugenii Papæ, nuper Urolpho, tanquam Metropolitano Laureacensi facta, ad veteres terminos, qui tempore Pippini & Caroli M. defixi fuerant, revocata est. *Nota Hansiz.*

Ludo-

## ULMÆ CONVENTUS

Anno Christi DCCCXLIII. Gregorii IV. Papæ XVI.  
Lotharii imp. III.

*Litigia continua inter Episc. Constantiens. & Monast. S. Galli, ob annuum censum illi præstandum, per amicabilem compositionem sopiuntur. Compromittentibus Episcopo & Abbate in arbitrium Regis.*

Interea contigit Hludovicum piissimum Regem publice placitum suum habere in villa, quæ dicitur *Ulmæ*, præsentibus filiis suis (a), aliisque regni sui Principibus. Ad quod placitum istius conventionis causa perlata est: & cepit exinde Rex solerter, & caute cum suis cogitare atque pertractare: cumque summates, qui aderant, in bonam partem causam declinare studerent; tandem piissimus Princeps ab *Episcopo* (b) & *Abbate* (c) monachisque, qui aderant, inquisivit, si utraque pars monachorum videlicet, & Clericorum in hac re consentiret? Responsum est ab Abbate & monachis, qui aderant, in hac voluntate se, cunctamque illorum congregationem persistere. Similiter & Episcopus interrogatus pro se, suisque similem reddidit istius consensus responsum. Rex vero, ambarum partium cum conspiceret unitatem, se se huic pacto interposuit *medium*, atque in semel omne negotium assumens, cum manu sua potestative res prædictas ad Episcopatum contradidit, atque cum ipsa manu similiter potestative Episcopo monasterium abstulit, penitusque dirimit:

T t t t

ita ut deinceps nullam potestatem Episcopi in rebus ejusdem monasterii haberent, neque in censu, neque in nulla alia causa, præter spiritalem tantummodo Episcopalis officii dignitatem: sed pure mente ex hoc, & deinceps licentiam haberent monachi iidem servire, nullique sæculari potestati, nisi solis regibus subjacerent.

Hæc Confirmatio cum per Regiam auctoritatem circa utramque partem fuerit stabilita; oriebatur & alterius similis causæ necessitas in præsentem, quæ & protinus in eodem consilio penitus finiebatur. Nam cum ipsa loca ita unitate fuissent antea computata, ut velut uni semper viderentur cedere potestati; hujus causæ communionis quidam hereditatem suam, ad *Constantiam* census debito cedentem, Monasterio contradiderunt: e contra tributarii Monasterii eandem tributariam hereditatem ad Episcopatum contradiderunt: & ut in hoc etiam penitus omnis dissensio auferretur, Idem Rex de parte Monasterii, consentientibus Abbate, & fratribus, quasdem res ad *Constantiam* condonavit, ea videlicet ratione, ut omnia, quæ tunc

(a) Hi erant: Carolomannus, qui a Patre Rege, Bajoariam, Pannoniam, Bohemiam, Moraviam accepit regundas: anno 877. fit Rex Italiæ: Filium habuit Arnulphum notum, ex concubina Luitswinda.

Ludovicus, cui post Patris mortem Orientalis Francia, Thuringia, Saxonia, Frisia, Lotharingia cesserunt.

Carolus Crassus Germaniam obtinuit ab anno 882, a Joanne Papa VIII. Idus Septemb. coronatus Rex anno 875. Uxor prima Ansgardis, ex hac Ludovicus & Carolomannus: uxor secunda Adilis, ex hac Carolus simplex.

(b) Salomon, Episcopus Constantiensis fuit ab anno 831. ad 873:

(c) Grimaldus, Abbas S. Galli, obiit anno 872.



tunc in potestate Monasterii erant, vel a præfatis tributariis illuc delegata, vel qualicumque modo ibidem confirmata, postea sine ullius contradictione personæ firmarentur, ibidem in perpetuum permansura. Istis vero ita a Clementi Rege omni cum consensu compositis, iussit

idem Rex suæ auctoritatis præceptum, utrique parti ad perpetuam confirmationem istius pacti statim in præsentem conscribi. &c.

*Ratpertus de Casibus Monaster. S. Galli.  
Cap. VIII.*

## AD SYNODUM MOGUNTINAM

PAG. 243. RELATAM

SUB CAROLO Archi-Episcopo.

*Reflexio Clarissimi Domini Mansi.*

Venerus Labbei editor, Epistolam Nicolai I. Papæ ad Carolum Moguntinum Archi-Episcopum, ejusque suffraganeos, in collectione monumentorum Marteniana nactus, assignandam illam censuit Concilio Moguntino, quod ex vetustis Francorum annalibus anno 857. Octobri mense ineunte celebratum fuisse constat. Verum Moguntinum Concilium ab eo plane diversum, quod anno 857. Octobri mense convenit, in eadem Epistola designari, penes me certum est. Profecto Moguntinum Concilium anni 857. Benedicto Papa adhuc in vivis agente, quique dein ad alios sex menses vitam prorogavit, celebratum est. Cur ergo ejus Synodica ad Nicolaum Papam, & non potius ad eundem Benedictum directa fuerit? Si vero hanc Synodicam Patres ad Benedictum miserunt; cur Nicolaus in sua illa Epistola nihil quidquam dixerit de Epistola ad Benedictum directa, cujus vice ipse primum responderit? Quin & idem Pontifex Nicolaus non obscure significat, ad se quidem eam Synodicam directam fuisse; cum Patres illos certiores reddat, nequaquam a se scriptam

Epistolam quandam, quam Grimoldus quidam Abbas, velut ab ipso Nicolao receptam, Patribus ejusdem Concilii exhibuit. Epistola vero, quam vobis, quasi a nobis missam Grimoldus obtulit Abbas, nunquam nostro est scrinio scripta, neque a nobis edita. Addit insuper in eadem Epistola, probare se eorum studium, quod secundum nostræ institutionis deliberationem Synodali examinatione inquirere studuissis, num reipsa Abbo conjugem sibi sceminam quarto necessitudinis gradu conjunctam duxisset? Ex quibus demonstrari arbitror, Nicolaum aliquandiu ante Concilii celebrationem per litteras suas admonuisse Carolum Archi-Episcopum, ut Synodo coacta de nuptiis illis inquireret; ex quo liquido constat, aliquanto post Nicolai assumptionem Concilium illud convenisse. Quid vero in hoc secundo Moguntino Concilio actum sit, ex eadem Nicolai Epistola in collectione Veneto Labbeana Tom. IX. Col. 1. 70. legenda, & ex iis, quæ de incestis Abbonis nuptiis attigi, planum est.

*Mansi Supplementi Concilior. Tomo I.  
pag. 979.*

SYNO.

Interfuere hæc Concilio, Carolus Archiep. Moguntinus Præses, Altfrius Hildesheimensis, Salomon Constantiensis, Hildigrius Halberstadenensis, Theoricus Mindensis, Gunto Wormatiensis, Gebhardus Spirensis, Arno Wurceburgensis, Wirtgarius Augustanus, Egibertus Osnabrugensis Reverendissimi Episcopi. Abbates: Grimaltus, seu Grimoldus S. Galli, Egilbertus Laurishamenfis, Thiotho Fuldæ, Amale, vel Amalo Campidunensis, Adalgarius Corbeienfis. *Eckhart. Tomo II. Historia Wurceburgensis ad annum 860. hanc Synodum refert.*

## SYNODUS IN GERMANIA

INCERTI LOCI.

Circa ann. Christi DCCCLXXX. <sup>(a)</sup> Joannis VIII. PP. IX.  
Caroli Craffi imp. I.

*Adalgarius est constitutus & confirmatus Coadjutor, & Successor Remberti* <sup>(b)</sup> *Archi-Episcopi Hammaburgensis.*

*Idem Adalgarius per manus acceptionem factus est homo Regis, & Consiliarius Ludovici II. Regis Germaniæ.*

Cum jam senio gravari cœpisset [Rembertus] etiam continuus pedum dolor ad molestiam ei accessit. Unde apud gloriosum primo Regem Hludovicum, quo commendante Episcopatum accepit: & postea apud filios ejus Hludovicum [Secundum hoc nomine Germaniæ Regem] & Karolum [Craffum] hoc obtinuit, ut insignis vir Adalgarius Monachus, videlicet de monasterio novæ Corbejæ, ut supra retulimus, præstitutus, ira in adjutorium illi confirmaretur, quatenus dum sese quælibet infirmitas præpediret in ipso haberet solatium . . . . [visitandi circumeundo] Episcopatum,

placita adeundi, & quando cogeretur, in expeditionem, vel ad Palatium, cum comitatu suo proficiscendi, nec multo post electionem succedendi sibi [Rimberto] in ipso confirmari, & per manus acceptionem hominem Regis, & inter Consiliarios ejus collocari obtinuit: assentientibus Abbate, & Fratribus Monasterii ejus, & SANCTA SYNODO hæc omnia roborante.

*Vita S. Remberti cap. XXII. edita a Casare in Triapostolatu Septentrionis.*

*Adamus Bremensis Histor. Ecclesiastica cap. IXL.*

(a) Cum Ludovicus II. Germaniæ Rex Francofurti anno 882. 20. Januarii mortuus sit: quo anno Carolus Craffus ex Italia evocatus, frater Regis mortui, hæreditario jure Bajoariam, Saxoniam, Germaniam adivit; debuit hæc Synodus ante 882. celebrata fuisse.

(b) S. Rimbertus obiit 888. III. Idus Junii, tum successit Adalgarius. Defuncto Anshario 863. III. Februarii, Ludovicus Rex anno 865. sufficit S. Rembertum.

## CONCILIIUM INGELLENHEIMENSE

Anno Christi CMLXVIII. Joannis XIII. Papæ IV.  
Ottonis I. imper. VII.

Celebrata est Ingelheimii XVI. Episcoporum Synodus, in qua suffectus est Heroldo Saltzburgensi Archi-Episcopo, quem oculorum orbitas a sacrorum usu removebat; Fridericus ex Comitum Chiemgedensium stirpe oriundus: vir dignus, qui a Joanne XIII. Romano Pontifice ob singulares virtutes lau-

daretur. Heroldus nihilominus tamen sua ex auctoritate non esset refragatus, Pallio Archi-Episcopali postea abusus, promeritus est, ut in Concilio Ravennatensi a summo Pontifice diris devoveretur.

*Adalreiter Annalium Boicæ gentis Part. I. L. XIV. N. XXVIII.*



## CONVENTUS TULNENSIS

Anno Christi CMLXXV. Benedicti VII. Papæ I.  
Ottonis II. imper. III.

**I**N Tulnensi Conventu in Orientalis Boicæ limite, interfuere Luitpaldus Austriæ, & Henricus Carantanorum Præfecti, cum Episcopis & minoris notæ Præfulibus Boicæ universæ. Interea, quæ istic acta, Luitpaldus Austriacus, & Christianus, Episcopus Batavensis Ecclesiæ, Pilegrini successores, litem sunt ingressi de suo uterque jure. Luitpaldus quædam Batavensis Ecclesiæ oppida occupaverat & prædia, quæ Episcopi Batavenses jure quo optimo tenuerant. Episcopus præterea Ebersbergam, quæ est in Austria, Fraisenam, D. Hippolyti sanum, Cismurum oppida, aliaque permulta suæ ditionis esse, quinque testibus ostendit. Cognitores fuere Bato, Schyrorum Princeps, idemque Præfectus Bojariæ pratorio,

Mænardus, Manchardus, Rogerus ejus frater, & Themo. Secundum Episcopum lata sententia, atque insuper decretum, ut omnia prædia Batavensium forent immunia. Deinde ut Silurorum [a] piscium, quos vulgo Hufones vocant, piscatio, quam Tullani cives usurpaverant, Episcopo vindicaretur. . . . Confirmata eodem CONCILIO, quæ Otto jam ante sanxerat, in gratiam Colonorum, qui in agris Hungariæ vicinis sedes locaverunt, factaque potestas Boicæ Episcopis, Monachis, Sacerdotibus, nobilitati, iisdem locis castella, oppida, arces ad limitis tutelam ædificandi.

*Adheiter Annal. Boicæ Partis I. L. XIV.  
N. XLVI.*

(a) Siluros, tradit Plinius, Oeno amne propter Visbium grassari. Visbium urbem ad Oeni ostia, hodie Enesum (*Embs*) in Ptolomæo literati interpretantur.

AD SYNODUM DIOECESANAM  
TULLENSEM pag. 665.

Anno Christi CMLXXXII. Benedicti VII. Papæ VIII.  
Ottonis II. Imp. x.

*S. Gerardus, Tullensis Episcopus, confirmat Ecclesiam apud Medium vicum, Abbatie S. Mansueti, cum subscriptione sua & Cleri.*

**I**N nomine Sanctæ, & individue Trinitatis, omnium, quæ subsistunt æternaliter creatricis atque moderatricis. Omnibus hujus sanctæ Fidei Tullensis Ecclesiæ filiis & fratribus tam præsentibus; quam futuris, Gerhardus, Dei misericordia Episcopus, Dei gratiam, Pontificalemque benedictionem. Cum multa sint, quæ controversiam in omni scripto facere possunt, & nimis impudens falsorum argumentatio vix a suis interdum potest erratibus removeri; ad antiquorum auctoritatem omnis oratio dirigenda est. Quoniam ætatis spatio

probata, sui que nobilitate consilii ad fidem rei faciendam crebro exercitata, habet pondus testimonii, ad confutandas falsitates dissidentis vulgi. Ipsa denique antiquitate commonemur, ut cum aliquid a nobis, seu ab aliis confirmari quæritur, de his, quæ in posterum fructuario hæredum usui reservantur, sive sanctæ Ecclesiæ dantur, per summam diligentiam veritatis certitudo requiratur, ne ulla oppositio a falsariis postmodum ventiletur, per quam veritatis via obstruatur, & rationis ordo immutetur: sed id legali defendatur

tur descriptione, quod certat adversarius oppositione differenti impugnare. Et quoniam testamento legibus facto nil firmitus in controversiis disceptandis esse debet; in hoc faciendam danda est opera, ut legem adjutricem & veritatem habeat testem. Quapropter sapiat omnis conventus fidelium tam futuri temporis, quam presentis, qualiter ego Dei dispositione ad Pontificium urbis Leuchorum confirmatus Antistes, diverterim orandi gratia ad B. Mansueti oratorium, ibique me totum, & plebis susceptæ pastoralitatem lacrymosæ devotionis Spiritu ejus meritis contradidi, ac devovi, ubicumque se occasio apta præberet, sibi serviendum necessitudines pietatis oculo respicere, manūq; consolatoria sustentare. Cumque ad hujus promissi memoriam me charitatis ardor sæpe monefaceret, & interventu Beati Mansueti nostræ Diocesis status intra, extraque prosperari cœpisset; statui, ut possibile se ingereret, congruentiaque loci eniteret, promissionis me voto absolvere, fratrumque necessitati pio nobis amore conjunctorum, sollicitudine paternæ subvenire. Processu namque temporis evoluta, *Goderamnus*, qui tum noster erat primicerius, a nostræ familiaritatis participibus segregari contigit pro culpis aliquibus. In acquirendo nempe nostro amore cum diu laboraret, nihilque proficeret, novissime impegit in Domnum Adalbertum, loci Domini mei Mansueti Abbatem, qui ea tempestate & Medii-Monasterii regebat Abbatiam. Is quia moribus erat laudabilis, rector pervigil Monastici ordinis, apud nos locum obtinuit magnæ familiaritatis. Hujus itaque & Monachorum ejus, quos invitus offendebar, precatu consilii obtentu mediante, *Goderamnus* in nostram rediit gratiam, factis hujuscemodi conventionibus cum Abbate, suisque fratribus, ut pretii quantitatem, pro Ecclesia, quam apud Medium-vicum tenebat, ex nobis jure beneficii acciperet, nobisque eam redderet, quod & fecit, susceptis ab Abbate X. & VIII. denariorum libris. Igitur cum perspicue cognoscimus, & certa fide tenemus, quod pro cunctis bonæ actionis studiis, spiritualibus animarum curis corona nobis, & merces a Deo præparetur in celis, præsertim cum nobis Divina providentia custodi-

am animarum & regimen contulerit Ecclesiarum, nostrisq; sit officii, oves Christi ad statum rectitudinis revocare, & alimentis vitalibus pascere. Illam Ecclesiam beato Mansueto donavimus perpetuo habendam, cum omnibus donariis, quæ illi contulit antiquitus Altario pia fidelium devotio, & amodo conferet succedens devotorum religio. Obsecramus autem, ac sub invocatione Divini nominis obtestamur unumquemque Antistitem successorum nostrorum, ne in aliquo hanc nostram donationem violari patiatur, ut dum particeps sit nostræ bonæ voluntatis, sit & remunerationis. Si quis vero, quod non credimus, contra hoc testamentum nostrum venire aut calumniari, seu infringere, aut detruncare tentaverit, judicio feriatur Divinæ ultionis sub vinculo perpetui anathematis; careatque misericordia æterni convivii. Et ut hæc concessio stabilis in dies sæculi permaneat, absque remotione, & contradictione alicujus, hanc noticiam ipsi loco agere decrevimus, manu nostra fideliumque nostrorum infra notandorum stipulatione subnixâ.

Ego Gerardus huic testamento fa-  
veo, signo crucis roborando subscribo,  
annuloque nostræ Ecclesiæ configno.

Signum Goderamni Primicerii. Signum Arinfridi Decani. Signum Volfardi Thesaurarii. Signum Grimbaldi Bibliothecarii. Signum Bovonis Cantoris. Signum Lamberti Archidiaconi. Signum Wagonis. Signum Anstei. Signum Dominici. Signum Albrici. Signum Fredieri. Sign. alcerius Anstei. Signum Amelardi. Sign. Azelini Comitis Tullensis, fratris Domini Pontificis. Signum Grimbaldi Advocati. Sign. Harieri villici. Sign. Haydicii. Sign. Johannis. Sign. Fulchrardi. Sign. Walheri. Sign. Fuerici. Sign. Berardi. Sign. Widonis. Actum Tulli publice sub die iduum Octobrium in plenaria Synodo, omni Clero, qui aderat, acclamante: Fiat, fiat. Anno Dominicæ Incarnationis DCCCCLXXXII. Indictione X. Anno ordinationis nostræ XIX. regnante secundo Ottone Serenissimo Imperatore, V. Imperii sui anno.

Ego Ruoz Zechinus Cancellarius scripsi, & publice relegei.

*Calmet. Tomo IV. Probationum Historiæ  
Lotharingue pag. 387. 388. 389.*

DI.



## DIGRESSIO

### AD SÆCULUM DECIMUM.

**A**bsolvimus Deo benedicente primum Millenarium æræ Christianæ, & quæ in eo intervallo fuerint celebrata Concilia ab Episcopis Germaniæ in Germania, recensuimus, quatenus humana industria detegere licuit, ita ut & suum nepotibus spicilegium relinquamus.

Digrediamur tantisper ad fructum quendam ex tanto numero sacrarum harum conventionum percipiendum.

- §. I. De auctoritate Ecclesiæ Romanæ apud Reges & Episcopos Germaniæ hoc primo Millenario, & præsertim Sæculo X.
- §. II. De Canonistis Germanis hoc Sæculo X.
- §. III. De Canonizatione Sanctorum, elevatione, & translatione Reliquiarum.
- §. IV. De Conciliis Germanicis Sæculi X. nobilitatibus.
- §. V. De mutationibus Hierarchiæ Episcopalis Germaniæ hoc Sæculo X.

#### §. I. De auctoritate Ecclesiæ Romanæ apud Reges & Episcopos Germaniæ hoc primo Millenario.

**A**doro providentiam Christi in Ecclesiâ sua, usque ad consummationem sæculi regunda. Nulla hæresis hoc sæculo tenebroso, uti vulgo vocatur, aut nata est, aut dominata ulli provinciæ: nullus Pontifex, etiam si plures fuerint moribus depravari, hæresin aut docuit, aut probavit.

Omnes Imperatores, & Reges Germaniæ, ac Franciæ a Clodoveo usque ad Arnolfum Imperatorem, omnes Duces & Comites, omnes Archi-Episcopi summam semper venerationem, & obedientiam in rebus Ecclesiasticis professi sunt, & exhibuerunt erga Pontifices Romanos hujus sæculi, non obitante quorundem miserabili vita.

Obedientiam deberi Dominis etiam sæcularibus, etiam dyscolis, articulus fidei Catholicæ est, a S. Paulo, imo ab ipsomet D. N. J. Christo propositus, unde Wicleffi error hæreticus corrui garrientis: Nullum esse Dominum civilem, nullum esse Prælatum, nullum esse Episcopum, dum est in

statu peccati mortalis. *Propositio XV. inter damnatas Wicleffi a Concilio Constantiensi anno 1418.* Similis farinæ est XX. Hussi in eodem Concilio damnata: Si Papa est malus, & præsertim, si est præscitus; tunc, ut Judas Apostolus est diaboli, fur & filius perditionis, & non est caput sanctæ militantis Ecclesiæ, cum nec sit membrum ejus. *Demum XXX. Hussi est eadem cum XV. Wicleffi supra recitata.*

Nos jam non agimus Polemicum scriptorem, sed Historicum, & ex primi millenarii Conciliis docebimus, quid Reges & Episcopi Catholici fecerint erga Romanos Episcopos: unde concludemus, quid Catholici Sæculi XVIII, quod modo vivimus, sentire, & profiteri debeant.

Generatim, quam reverentiam & obedientiam Episcopo Romano, S. Petri successori, Christi Vicario, tum Episcopis omnibus, deferendam, Carolus Magnus decreverit, lege *Tom. I. pag. 355. 356.* ad annum 800. ad annum 803. pag. 370. ad annum 805. pag. 389.

#### Sed descendamus ad specialia.

*Causas majores Ecclesiasticas, Reges & Imperatores semper Episcopis, & Episcopis Romanis adjudicandas censuerunt, & de facto contulerunt: ita ipsimet Reges Carolingi statuerunt in Synodo Aquisgranensi anno 803. V. Baluz. Tomo I. Capitular. pag.*

*De Chor-Episcoporum auctoritate, & potestate sacra, a medio sæculo octavo ad novum, varia variorum fuit sententia, variis in Conciliis agitata. In Concilio Ratisbonensi anno 769. Tom. I. p. 125. Et anno 799. in Concilio Aquisgranensi Tom. I. pag. 341. ex quo Carolus Romanam misit Arnolfum Salisburgensem Archi-Episcopum, Leonis III. Papæ sententiam sciscitaturum, quam ad Carolum Magnum retulit. Et forte anno 799. uti nos Tom. I. pag. 341. vel, ut Eckhartus putat, anno 801. vel 802. in Synodo Aquisgrani ea causa absoluta est, vel, ut alii demum, in Synodo Wormariensi anno 803. decisa ex decreto Leonis III. quem Carolus Augustus rogaverat, ut quidquid super his definiendum esset, Apostolica auctoritate a suis (hoc est Germanis, Francis, Bajuvaris) Episcopis regulariter sopiretur. Labbe & Baluze retulerunt decretum Leonis PP.*

PP. ad annum 799. quos nos secuti sumus. Cointius & Eckhart ad Concilium Ratisbonense anni 803. Eadem recurſio canonizatur axiomate antiquo, relato in hac cauſa in Synodo Aquisgranenſi : Si majores cauſæ in medio fuerint devolute , ad Sedem Apoſtolicam , ut ſancta Synodus ſtatuit , & beata conſuetudo exigit , incunctanter referatur. *Baluze Tom. I. Capitular. pag. 381.* Confer Synodi Sardiceniſis canonem III. Tomo I. pag. 90.

*Alteræ cauſa major eſt de Presbyteris criminofis , non convictis , nec confeſſis crimina illis imputata , quid ſtatue- dum?*

Eandem ob cauſam Arnonem Salisburgenſem Archi-Epiſcopum Romam miſit , Apoſtolicæ Sedis ſententiam auditurum. Litterarum commiſſoriarum eidem datarum fragmentum vide *Tom. I. pag. 341.* reſponſum vero Apoſtolicum lege eodem *Tom. p. 370.* & Eckhartus hanc fecit reflexionem : Ex quibus elucet, Carolum in rebus ſacris nihil propria authoritate conſtituiſſe, ſed ſummum Pontificem, Epiſcoposque conſuluiſſe : iis vero , quæ ab his concluſa eſſent, exequendis ſupremam manum prætaſſe. *Tom. II. hiſtor. Franc. Oriental. pag. 34.*

*Tertia cauſa major eſt Conciliorum in Germania celebratorum per ſummum Pontificem approbatio, vel reprobatio.*

Et hæc merito cenſetur inter cauſas majores. Hujus habemus praxin, & uſum inde a ſæculi IV. Concilio Arelatenſi primo, ex Germaniæ, Galliæ, Britanniæ, Italiæ, Africae, Siciliae, Sardiniae, Hiſpaniæ Epiſcopis XXIII. qui Synodo abſoluta Canones, & acta miſerunt ad Sylveſtrum Romanum Pontificem anno 814. *Extat apud Binnium, &c. Synodographos, & noſtro Tom. I. pag. 7.*

Sæculo nono Francofordenſis Synodus celeberrima habita fuit , Legatis Pontificiis præſentibus , quos Carolus M. expetierat , explorata Pontificis Romani mente de Elipandi errore. Dein in libello ſacro-ſyllabo omnium Epiſcoporum, Francofurti præſentium nomine, in Hiſpaniam miſſo, ſcribunt: *Sancti Spiritus aſſlatu , ſaluberrima definitione Concilii, falſiſſimam Elipandi hæreſin terminatam fuiſſe, reſervato omni juris privilegio ſummi Pontificis , Domini , & Patris noſtri Hadriani , primæ Sedis Beatiffimi Papæ V. Tom. I. pag. 351.* Ruſſum ſæculo VIII. anno 809. finito Concilio Aquisgranenſi de proceſſione Spiritus Sancti , & de additamento : *Filioque* ad Symbolum Conſtantinopolitanum , Decreta ejus Synodi per Bernarium & Jeſſe , Epiſcopos , & Adelhardum Abbatem , Romam perlata

fuerunt. Reſponſum Sapienſſimi Pontificis, Synodo Aquisgranenſi contrarium, lege *Tom. I. pag. 391.*

*Epiſcopi depoſiti adpellatio ad Romanum Pontificem admittenda , & bujus judicio cauſa terminanda.*

Si quis Epiſcopus depoſitus fuerit , eorum Epiſcoporum judicio , qui in vicinis locis commorantur , & proclamaverit, agendum ſibi negotium in urbe Roma ; aliter Epiſcopus in ejus Cathedra, poſt appellationem ejus , qui videtur eſſe depoſitus, omnino non ordinetur , niſi cauſa fuerit judicio Romani Epiſcopi determinata.

*Ex Concilio Sardidenſi relatus fuit hic canon. IV. inter Capitularia Regum Francorum L. VII. n. CIII. & eodem L. VII. Capitular. CLXXIII. Ruſſum additione IV. n. XXX. & n. XXX. relatis a Burchardo L. I. cap. 144. Baluze Tom. I. Capitular.*

Primatus Sedis Apoſtolicæ ſpecialiter commendatur cap. III. in Capitulis Angelramo datis , quod reſertur additione quarta ad Capitularia Francorum n. XXIV. *Baluze Tom. I. Capitular. pag. 1197.*

*Matrimonii Regii valor demum judicio Pontificio determinatus.*

Duo exempla ſuppedit ſæculum nonum. Primum , JUDITHÆ conjugis ſecundæ Ludovici Pii Imperatoris legitimæ nuptiæ , quas filius ex primo thoro Lotharius , ejusque ſcelerati adjuutores , ex conſpectu ſtrophis nullas eſſe contendebant, interveni Pontificis , & Epiſcoporum , veritati ſuventium , legitimæ , uti erant , declaratae fuerunt , & Augusta Augusto reſtituta in regni & thalami Regii confortium. *Tom. II. pag. 56. 37.* in conventibus Neomagenſi & Aquisgranenſi.

Secundum exemplum dat infame divortium Theutbergæ Regiæ , a Lothario tentatum , & aſſentatorum Epiſcoporum ope imperatum , cui ſcandaloſo divortio abolendo immenſos labores ſubiit Nicolaus PP. I. a Theutberga imploratus : cujus indefeſſam curam pro reconciliatione , dum coram Hadriano II. Lotharius perjurio fallit , ſcelus morte luit : *Vide acta Tom. II. ab anno 860. ad 868.*

*Inſtitutio novorum Epiſcopatuum, vel eorum mutatio ad Sedem Apoſtolicam ſpectat.*

Agnoverunt id Carolomannus & Pipinus , qui per Bonifacium Archiepiſcopum , & vicarium Apoſtolicum ad id ſpeciali mandato inſtructum , dicuntur inſtituiſſe novos Epiſcopatus : cum reapse Bonifacius quatuor Epiſcopatus in Bajoaria inſtituit



stituit, & divisit quatuor in Germania, tres Archi-Episcopatus in Gallia, quæ *Tom. I. pag. 40. 42. pag. 57. leges.*

Carolus magnus quatuor Episcopatus fundavit, & instituit: Osnaburgæ, Paderbornæ, Mindæ, Bremæ, non immemor Apostolicæ Sedis, cujus legatum apud se in palatio perennem alebat ANGILRAMUM, Metensis Ecclesiæ vocatum Archiepiscopum, & eo defuncto, Hildebaldum Coloniensem, quod *leges in Concilii Francofordiensis anni 794. canone LV. pag. 329. quem transcribo.* Dixit enim Dominus rex "in eadem Synodo, se a Sede Apostolica," id est, ab Hadriano Pontifice licentiam habuisse, ut Angilramnum Archiepiscopum, in suo palatio assidue haberet propter utilitates Ecclesiasticas. Deprecatus est eandem Synodum, ut eo modo, sicut Angilramnum habuerat, ita etiam Hildebaldum Episcopum habere debuisset, quia ut de eodem, sicut & de Angilramno Apostolicam licentiam habeat, omnis Synodus consensit.

Sæculo nono Episcopatus a Carolo magno cepti, per Ludovicum perfecti fuerunt de Sedis Apostolicæ assensu, puta Hildefiensis, & Hamburgensis.

Demum sæculo X. Otto I. Rex factis magnus Romam adiit, ut Pontificis consensum eliceret ad perficiendam Magdeburgi Archiepiscopalem, Merseburgi Episcopalem sedem: Deinde ut plures suffraganeos Magdeburgensi subiceret, & duos a provincia moguntina abstraheret. Hæc omnia leges hoc *Tom. 2. ad annum 861. 866. 867-868.*

*Conjunctio duarum Cathedralium in una persona S. Ansgarii non sine Episcoporum, & Romana auctoritate perfici potuit.*

Vide *Tom. II. Concilium Moguntinum anni 847. & 848. Wormatiense anni 857.* ac demum Nicolai I. Papæ, a Ludovico Rege & Synodo rogati, sententiam decretoriam, cui soli consensit Guntharius Metropolitae Colonienfis.

Ex his primo millenario gestis in Ecclesia Catholica Germaniæ a Regibus & Imperatoribus, magnis bellica, & politica scientia, victoriarum felicitate, provinciarum subiectarum vastitate: ab Archi-Episcopis & Episcopis, non tantum vita & moribus sanctissimis, sed canonum & juris sacri Ecclesiastici peritissimis, in Conciliis publicis, in legationibus publicis ad sedem Apostolicam, ad Imperatores Orientis ac Duces, Principes Germaniæ & Galliæ confines; videat lector prædens, cordatus, certus de existentia revelationis, & Ecclesiæ a Christo

instituta, per Apostolos, & horum successores, duraturæ usque ad consummationem sæculi: quanta reverentia & obedientia ab his omnibus sit per mille annos delata Episcopis, & Episcoporum Principi, Romano Pontifici: Quam libenti animo jurisdictionem in sacras res, doctrinam fidei, ejus præcones, in sacrificia, in Sacramenta administranda, aut indignis deneganda, iisdem attribuerint? Testor omnes Principes a Constantino magno, Theodosio, Carolo, ad Ottonem III. Imp. primi millenarii ultimum.

Nemo illorum jus sacrorum sibi arrogavit: nemo eorum, ex jure naturæ, dixit, jurisdictionem sacram pertinere ad summam Regis, vel Imperatoris majestatem: nemo a plebe, vel fidelium communione originem potestatis Ecclesiasticæ derivavit. Nemo jus Majestaticum populo, & Principi commune somniavit. Omnes potestatem in sacra a Christo soli Petro, & Apostolis datam crediderunt, nec eam cum Apostolis mortuam, sed perseverare in Ecclesia Christiana ad consummationem sæculi. Quidquid scribant Conringius & Puffendorfius, Grotius, & Böhmerus Marfilii Patavini descriptores. Nec per pacem Westphalicam quidem jus Sacrorum, & in Sacra ad statum sæcularem rediit; apud quem jurisdictio Sacra nullo momento fuit, uti non fuit apud Tiberium, sub quo, nec apud populum, in quo Christus D. N. vixit, Ecclesiam instituit: Doctores, Pastores, Præpositos Ecclesiæ solus ipse dedit. Verbo: talia monstra audimus circa jurisdictionem sacram hoc sæculo XVIII. a Dominis nostris adversariis: quorum nullum vestigium vel umbram Christiani Reges primi millenarii viderunt, aut somniarunt.

Magno solatio debet esse Catholico Germano hæc lectio Conciliorum, & Canonistarum primi millenarii, qui omnia hæc dogmata, omnes hos Canones peræque æstimari, & honorari nunc videt, ac majores nostri ea viderunt, senserunt, scripserunt, professi sunt coram toto orbe rationali & erudito, Regio & Imperatorio.

Quod si jam his totius Germaniæ Conciliis addantur Concilia Gallicanæ, Hispanicæ, & Italicæ Ecclesiarum: quid si addas Concilia Carthagenensia, & Africæ totius: quid si totius Orientis Concilia primo millenario celebrata; Quanta nubes restium? Quanta concordia in dogmate, in Hierarchia sacerdotum, in sacrificio novæ legis, in usu Sacramentorum: in anathematis hereticorum? *Certa igitur, & de jure Divino est Jurisdictio Episcoporum circa sacra.* Hæc sunt verba confessionis Augustinæ.

## §. II. De Canonistis Sæculi decimi.

**P**rimus non hujus sæculi tantum sed multorum est *Regino* Prumiensis Abbas, qui usque ad initium sæculi X. ad annum nempe DCCCCVIII. chronica perduxit seipso teste, & fors post vivere desuit. Hunc Trithemius inter ceteras laudes honorat titulo *Juriste insignis*; eo quod unus omnium Pontificum, & Sanctorum Doctorum Ecclesiæ Catholicæ libros, tum vero Conciliorum, per novem prima sæcula æræ Christianæ Canones in libros duos collegit & digesserit; citatis semper fontibus, ex quibus eos Canones hausit: unde, qui perierant, plurimi a *Reginone* servati, integrandis Conciliorum actis & statutis, apud Synodographos servierunt & servantur.

Premisit *Regino* formam *visitandæ ab Episcopo Dioceseos* Sæculo IX. & X. usitatam, qua meliorem & accuratiorem posterorum sæculorum Episcopi non ediderunt. Post visitatam Diocesin sequebatur Synodus Diocesana; qua Episcopus deprehensos errores & defectus corripiebat, & vel nova decreta condidit, vel antiqua renovavit, & in usum deduxit.

Nos hanc *Reginonis* Collectionem, velut Illustrissimum juris Canonici Germanici speculum, corpori Conciliorum Germaniæ jure inferendum duximus.

II. Dupinio ignotus Canonista sæculi X. est *Rutgerus* Treverorum Archiepiscopus, qui in Synodo Provinciali anno DCCCCXXII. edidit sanctionum Ecclesiasticarum a se scriptum librum, summo patrum assensu promulgatum, & a clero receptum. Perit equidem hic thesaurus negligentia majorum nostrorum; at non ideo *Rutgerus* sua laude fraudandus est II. p. 600.

III. *Ratherius*, ex monacho Lobienfi Episcopus Veronensis in Italia, mox Leodienfis, iterum Veronensis, a Brunone Metropoli Colonienfi, discipulo suo, ob doctrinæ variae præstantiam creatus fuit. Libris diversis patefecit orbi Catholico Canonicam scientiam, ad quam spectant hæc *Ratherii* opera.

Lib. de contemptu Canonum, ad Hubertum Parmensem Episc., quem inscripsit *Volumen perpendicularium Ratherii Veronensis*.

*Oratio ad Clerum Veronensem.*

*Charta pro institutione canonicorum in locum Monachorum.*

*Ordinatio, qua prohibetur matrimonii celebratio die Dominico.*

*Epistola Synodica ad Diocesanos Presbyteros.*

*Tomus II. Concil. German.*

Obiit demum in suo Monasterio Lobienfi circa annum 978. *Thacherius spicilegii* Tom. I. pag. 345. *Folcuinus in Chronico Lobienfi. Siebertus Gemblacensis, teste Fabricio, in Bibliotheca Ecclesiastica.*

IV. Est BRUNO Archiepisc. Colonienfis. Nullum hinc quidem opus Canonici cum edidit, præter Synodicam Epistolam, per Hadamarum, Fuldensem Abbatem, ad Agapitum II. Romanum Pontificem missam, & Commentarios in Evangelia; verum cum idem BRUNO a tribus Episcopis Balderico Trajectensi, Isaaco Scoto Episcopo, Rharerio Veronensi, omnibus scientiis profanis & sacris instructus fuerit, cum a fratre Ottone I. in Italiam abeunte, Vicarius & Provisor Imperii constitutus, cum Regis Archi-Capellanus, & Scholæ Palatinæ Rector fuerit, & sæculi X. Princeps in re literaria a Benedictinis Gallis statimatur; non erat ei locus denegandus inter canonicæ scientiæ Procere.

## §. III. De Canonizationibus Sanctorum, &amp; translationibus Reliquiarum Sæculo IX. &amp; X. in Germania.

**A**nno 820. Translatio corporis S. Huberti ab Hatabaldo Archiepisc. & Walcando Episcopo Leodienfi. Tom. II. pag. 34.

860. Synodus Frisingensis de colendis exuviis Sanctorum in monte S. Stephani quiescentium. T. II. pag. 254.

860. Synodus Constantiensis de elevando corpore S. Othmari Abbatis. Tom. II. pag. 293.

898. Treverica Synodus de elevando corpore sancti Maximini Archiepisc. T. II. pag. 411.

920. Canonizatio S. Eugenii Episcopi & Martyris. Tom. II. p. 591.

961. Ratisponæ Conventus de transferendis reliquiis S. Mauricii. Tom. II. p. 626.

979. Synodus Ingelheimensis, in qua elevatio S. Celsi Episcopi & Martyris, decreta fuit judicio Episcoporum. T. II. pag. 659.

980. Leodii Synodus. S. Landoaldi miracula judicio Synodi approbantur; horumque approbatio Gandavum mittenda decernitur. Tom. II. pag. 662.

993. Canonizatio prima Pontificia S. Udalrici Episcopi Augustani, missa ex Concilio Romano Encyclica ad omnes Episcopos & Abbates. Tom. II. pag. 671.



## §. IV. Sæculi X. Concilia celebrata.

**A**nno 916. Synodus apud Altheim. Canones XXXVIII. & plures, sed pauci servati a Burchardo. Tom. II. pag. 588.

922. Concilium Constuentinum. Canon. V. ex octo supersunt. Tom. II. pag. 599.

932. Erfordienſe Concilium ſub Henrico Aucupe, Ruotgero Trevirenſi Archiep. & multis Epp. capp. V. ſervata. (*Burchardus vidit capp. XXVII. Tomo hoc II. pag. 601.*)

948. Ingelheimenſe Concilium. Canones decem. Tom. II. pag. 610.

952. Auguſtana Synodus. Capitula XI. ſub multis Archi-Epiſcopis, & Epiſcopis. Tomo hoc II. pag. 622.

## §. V. Mutationes Hierarchiæ Eccleſiarum Germaniæ, aliæ attentatæ, aliæ perfectæ.

**A**nno 900. Theodmarus Archi-Epiſcopus Salisburgenſis, ſuo & comprovincialium Bavaræ Epiſcoporum nomine, conqueritur literis datis ad Joannem IX. PP. quod forte ad inſtigatorem Wicingi Patavienſis Epiſcopi, nuper in Synodo Salisburgenſi depoſiti, miſerit Papa tres viros in Moraviam, Joannem Archi-Epiſcopum; Benedictum, & Danieleſem Epiſcopos, in terram Slavorum: qui nomine Papæ, in uno, eodemque Epiſcopatu Patavienſi, ſeu Laureacenſi, ordinaverunt unum Archi-Epiſcopum, & tres Suffraganeos, abſque ſcientia nedum conſenſu Archi-Epiſcopi Salisburgenſis, & conſenſu Epiſcopi Patavienſis, in cujus Diceceſi Moravia, & Slavorum terra continetur. *Hanſitz reſert hanc Epiſtolam Tom. I. Germaniæ ſacræ pag. 176.*

900. Hatto Archi-Epiſcopus Moguntinus, cum ſuis Suffraganeis, eandem querelam apud Papam Joannem IX. deſert: orat, ne turbet Diceceſes, & eorum limites, ne quid innovet citra conſenſum & voluntatem Epiſcoporum in eorundem Diceceſibus. Hattonis Moguntini Epiſcopi epiſtolam recitat idem *Hanſitz. Tom. I. Germaniæ ſacræ pag. 178.*

*Hæc omnia extra Concilia.*

Joann. IX. Pontifex his literis viſis, retra-

ſtavit, & revocavit, quidquid in Moravia fuerat in præjudicium Cathedræ Patavienſis ſubreptum. *Thomasinus traſtat. de veteri & nova diſciplina Tom. I. L. I. cap. 45.* Pagi contra Epiſcopatus Maravenſes nec a Joanne IX., nec a Benedicte ſucceſſore, cognofci ſuppreſſos ſcribit. *Hanſitz Tom. I. Germaniæ ſacræ p. 180.*

937. Leo VII. Pp. Gerardo Patavienſi Epiſcopo, qua Laureacenſi Archi-Epiſcopo, pallium confert. *Literæ Leonis VII. apud Hanſitz. Tom. I. Germaniæ ſacræ pag. 191.*

946. Agapiti V. tentata concordia inter Gerardum II. & Herolfum Salisburgenſ. *Hanſitz. Tom. I. pag. 197.*

968. Diceceſos Miſnenſis perfectio, Eccleſiæ Cathedralis dedicatio prima T. II. p. 634. Primi Epiſcopi Burchardi conſecratio ab Adalberto Magdeburgenſi anno 869. in Natali Domini. Tomo hoc II. pag. 634.

968. Perfecta Diviſio & confirmatio Diceceſium in Archi-Diceceſi Magdeburgenſi, in Synodo Ravennatenſi. Tom. II. pag. 639.

969. Halberſtadenſis, & Brandeburgenſis, & Havelbergenſis Epiſcopatuum avulſio a Moguntina Metropoli, & ſubjectio ad Metropolim Magdeburgenſem. Tom. II. pag. 649.

974. Pilgrinus Patavienſis, Archi-Epiſcopus Laureacenſis, a Benedicte VII. Papa orat pallium, & confirmationem privilegiorum Eccleſiæ Laureacenſis: petit ordinari Epiſcopos in Pannonia. *Hanſitz Epiſtolam totam recenſet Tom. I. pag. 211.*

975. Benedicte VII. Pp. Epiſtola ad Germaniæ Epiſcopos, ad Ottonem Imp., ad Henricum Ducem Bawariorum, cæteros Epiſcopos, Abbates, Duces, Comites Galliæ, & Germaniæ qua Pilgrinum, Laureacenſem Metropolitam, confirmat Archi-Epiſcopum inferioris Pannoniæ & Mæſiæ: Saltzburgenſem vero Archi-Epiſcopum, ſuperioris Pannoniæ Epiſcoporum ſuffraganeorum Metropolitam dicit; & ſtatuit, ut inter hos duos, qui prior fuerit ordinatione, ſit prior in ordine. *Hanſitz Tomo I. Germaniæ ſacræ pag. 313.*



